


Juziñamui Ñuera  
Uai



New Testament in Huitoto, Minica

# Juziñamui Ñuera Uai

## New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 18 Apr 2025 from source files dated 29 Jan 2022  
740f11a2-2e26-57f5-a3a7-5deb2d20bd24

Contents

SAN MATEO . . . . .	1
SAN MARCOS . . . . .	50
SAN LUCAS . . . . .	81
SAN JUAN . . . . .	133
LOS HECHOS . . . . .	168
ROMANOS . . . . .	212
1 CORINTIOS . . . . .	235
2 CORINTIOS . . . . .	256
GALATAS . . . . .	270
EFESIOS . . . . .	278
FILIPENSES . . . . .	286
COLOSENSES . . . . .	291
1 TESALONICENSES . . . . .	296
2 TESALONICENSES . . . . .	300
1 TIMOTEO . . . . .	303
2 TIMOTEO . . . . .	309
TITO . . . . .	314
FILEMÓN . . . . .	317
HEBREOS . . . . .	319
SANTIAGO . . . . .	338
1 PEDRO . . . . .	343
2 PEDRO . . . . .	350
1 JUAN . . . . .	354
2 JUAN . . . . .	359
3 JUAN . . . . .	360
JUDAS . . . . .	361
APOCALIPSIS . . . . .	363

## JUZIÑAMUI ÑUEFUE SAN MATEO LLOGAFUE El Santo Evangelio Según San Mateo

*Jesucristo nánoramaci  
(Lc 3.23-38)*

<sup>1</sup> Benomo cuega mámeciai Juziñamui Jitó Jesucristo nánoramaci. Jesucristo jai ai illaíma David náiraimona comuídímie. Daje izói afémie David nánoramie Abraham náiraimona comuídímie.

<sup>2</sup> Afe Abraham Isaac moo, íemo jiái Isaac Jacob moo. Iemo Jacob Judá ie ámatiairi íaíoi moo.

<sup>3</sup> Iemo Judá Fares Zara diga íaillínoi moo. Afe íaillínoi ei Tamar. Iemo Fares Esrom moo. Iemo Esrom Aram moo.

<sup>4</sup> Iemo Aram Aminadab moo. Iemo jiái Aminadab Naasón moo. Iemo Naasón Salmón moo.

<sup>5</sup> Iemo Salmón Booz moo. Afe Booz ei Rahab. Iemo Booz Obed moo. Afe Obed ei Rut. Iemo Obed Isaí moo.

<sup>6</sup> Iemo Isaí illaíma David moo. Iemo illaíma David, Urías tilla mei Urías ai ote. Iemo David íaillínoi jitó Salomón.

<sup>7</sup> Iemo Salomón Roboam moo. Iemo Roboam Abías moo. Iemo Abías Asa moo.

<sup>8</sup> Iemo Asa Josofat moo. Iemo Josofat Joram moo. Iemo Joram Uzías moo.

<sup>9</sup> Iemo Uzías Jotam moo. Iemo Jotam Acáz moo. Iemo Acáz Ezequías moo.

<sup>10</sup> Iemo Ezequías Manasés moo. Iemo Manasés Amón moo. Iemo Amón Josías moo.

<sup>11</sup> Iemo Josías Jeconías naa ie ámatiairi moo. Aféruillaído Israel nairai Babilonia éniemo lláviano uigáiaíoi.

<sup>12</sup> Afe mei Jeconías Salatiel moo. Iemo Salatiel Zorobabel moo.

<sup>13</sup> Iemo Zorobabel Abiud moo. Iemo Abiud Eliaquim moo. Iemo Eliaquim Azor moo.

<sup>14</sup> Iemo Azor Sadoc moo. Iemo Sadoc Aquim moo. Iemo Aquim Eliud moo.

<sup>15</sup> Iemo Eliud Eleazar moo. Iemo Eleazar Matán moo. Iemo Matán Jacob moo.

<sup>16</sup> Iemo Jacob José moo. Afe José, María ini. Aféngomona comuide Jesús. Afémie jiáici Cristo.

<sup>17</sup> Be daíi Abrahámona Davidmo itígima catorce méidigimaíai. Daje izói David illágimamona Israel nairai lláviano Babilonia éniemo uillágimamo catorce méidigimaíai. Iemo jiái afénomona catorce jiáigima Cristo comuillanomo.

*Jesucristo comuillafue  
(Lc 2.1-7)*

<sup>18</sup> Jesucristo jocoina bie izói joide. Ie ei María ja jicánogango Josemo iníreillena. Nai José diga íñena llezica, María Juziñamui Ñuera Joreño rínodo, ja úruereacade.

<sup>19</sup> Ie ini José ñue jaícina itímie, mei íadi uáfodo comini eróicana Maríana oni dotáacañede. Mei jiáifodo báimino buna onóñeno aféngona oni fiéacade.

<sup>20</sup> Bíemo comécilla llezica, ie ínia anado ángel dainámie, Juziñamui abi ímie íemo cíocaide. Iena daide:

—José, David izíe ímie, meáiruñeno o iri. María o aiza o oíri, mei afengo jocolle jitó Juziñamui Ñuera Joreñodo comuúdeza.

<sup>21</sup> Afengo jitó jócoite; ie mei Jesuna ie mámecei jítaitio. Afémie daíi mámeceite, mei ie comínina íaíoi fiénidífue mona jílloteza, —daide.

<sup>22</sup> Nana bie íficaide, jai ai Juziñamui uai jino llóraíma dainana ñue ícoimo fúitallena. Afe uai llóraíma bie izói daide:

<sup>23</sup> Nai iníñide jitaíngo úruereacade; íemona jitó cómuite.

Afémie mámecei Emanuel daíille.

Afeci daífacade, Juziñamui cai diga ite.

<sup>24</sup> José nicáírillamona cazíllano Juziñamui abi ímie íemo ocuilla izói finode. Maríana ie ai izói ote.

<sup>25</sup> Mei íadi María jitó jócuano, afe íaillínoi ua ini izói íñédiaillínoi. Jócuano Jesuna ie mámecei jítade.

## 2

*Magos dainámaci ucúduaido ráfue na baitáino Jesuna méíñuaibitiaíoi*

<sup>1</sup> Jesús Belén jófue mo jococa. Afe Belén Judea éniemo ite. Aféruillaido Herodes aféniemo illáimana ite. Iemo dáamaci jítoma billáfene imaci Jerusalemo dúcidiái. Afémaci ucúduaido ráfuena baitádino.

<sup>2</sup> Dúciillano jicánotiaí:

—¿Ninomo ite jococa Judíuai illaíma? Mei jítoma billáfenemo ie illano onótate ucúduna ciódicaíza. Afémie cáimadollena benomo biticai, —daídaíái.

<sup>3</sup> Bífue na Herodes fídiámona, afémie comeci lícide. Daje izói jíái nana Jerusalén comini áfemo comeci lícioidiaí.

<sup>4</sup> Iemona Herodes nana lletáriraini illaini, íemo ocuica uailai llófuetino diga dáanomó jírillano jicánote. ¿Mei nie jófue mo afe Cristo jécille?

<sup>5</sup> Jira íena daídaíái:

—Afémie Belén jófue mo jécille, mei jaiái Juzíñamui uai llóraini bie izói dáideza:

<sup>6</sup> Belén jofue Judá éniemo ite.

Afe éniemo ite jamánomoido jófue mona afe Belén dinó dúñeíte;

mei aféno mo cue nairai Israel úíñoite illaíma cómuíteza, —daí daídaíái.

<sup>7</sup> Afe mei Herodes ucúduaido ráfuena baitádinona báinino uáidote. Uáiduo mo íaíomó jicánote: “¿Níie monado afe ucúduna ciódiomó?”

<sup>8</sup> Iaíoi llua méifomo, Belemo íaíoina orede. Oriano íaíoina daide:

—Aféno mo jai. Jaillano afézana ñue jaícina omó jicánori. Afeza omó báiaí, cuemo lluaíbiri, mei afézana cáimaduaiacadicue, —daide.

<sup>9</sup> Afe illaíma daí íaíoina daina mei, ucúduaido ráfuena baitádino jáidiaí. Ie mei jítoma billa díbémona íaíoi ciona ucudu, meíne abido íaíoina ífóicaide. Ífóicaillano afe úrue illánomo mózizaide.

<sup>10</sup> Baitádino afe ucudu mózizaillana cióillano, iere cáimacaidiaí.

<sup>11</sup> Iemo afeco eromo jaillano, afézana ie ei María diga cióidiaí. Iemona afézamo cañici ana dújuillano, íena cáimadotiaí. Afe mei íaíoi atica raa túíñuano, afézamo fecáidiaí. Ua oro, íemo uguci, íemo “mirra” daina ráifide ziórede raa, afézamo fecáidiaí.

<sup>12</sup> Afe méifomo, Juzíñamui nicáírillado íaíomó llote; Herodes illánomo íaíoi jáíñeillena íaíoina daide. Afemona oni jíáie iodo íaíoi éniemo jáidiaí.

*Jesús moó íaillinoi Egíptomó bótaja*

<sup>13</sup> Ucúduaido baitádino meíne jailla méifomo, Juzíñamui abi ímie (ángel dainámie) nicai anado Josemo cíocaide. Cíocaillano íena daide:

—¡Náidacai! Náidacaillano úrue ie ei diga Egípto éniemo omó bota. Aféno mo cue daílle dinó omó iri. Mei Herodes bie úrue fállena jénoíteza, —daide.

<sup>14</sup> Mei jira José náidacaillano, úrue naa ie éioiri naio Egíptomó botáidiaí.

<sup>15</sup> Aféno mo ua Herodes tílle dinó ítaíoi. Bie izói íficaide, Juzíñamui uai llóraíma jaiái daina uai ñue ícoímo fuitállena. Afe uai be níie: “Egíptomona cue Jitó uáidotícue.”

*Herodes nana úruiaína fazítate*

<sup>16</sup> Iemo Herodes ucúduaido baitádino afémie jifánodoiana fidíillano, afémie jamánomo ríicaide. Iemona nana Belemo ite mena fimona fuitade úruiaína fazítate. Afe jofue áinodo ite úruiaína daje izói fazítate. Naui ucúduaido baitádino úrue jocóinana Heródesmo llua izói, mena fimona fuitade úruiaína fazítate.

<sup>17</sup> Bie izói jaiái Juzíñamui uai llóraíma Jeremías lloga uai fuite. Be níuúai:

<sup>18</sup> Rama jófue mo zúrede uai cácaíte; cáillicaíllí eia uai cácaíte.

Nairai uzuma Jacob aui Raquel báífene jica ía cómuítaga úruiaíri éhena.

Aféngomona jica ía úruiaí cómuítatino eia jaca buna fíranide, mei afengo úruiaí fazílliaíoi, daí Jeremías daide.

<sup>19</sup> Mei afe Herodes tílla méifodo Juzíñamui abi ímie nicai anado batí Egíptomó Josemo cíocaide. Cíocaillano íena daide:

<sup>20</sup> —¡Náidacai! Náidacaillano úrue naa íe éioiri abido Israel éniemo omó jairi, mei nauí baie fáiacadino nana ja tíidiaí, —daide.

<sup>21</sup> Afemona José afe úrue naa íe éioiri abido Israel éniemo jáidiaí.

<sup>22</sup> Mei íadi Arquelao íe mo Herodes ífomo illáimana íllana fidíillano, José afe Judea éniemo jáillana jacíruite. Iemo Juzíñamui nicai anado afémiemo llúamona, afémie aféno mo jáíñeno Galilea éniemo jaide.

<sup>23</sup> Afe Galiléamo dúcia méifodo, Nazaret jófue mo fiébizaide. Bífue bie izói joide, jaiái Juzíñamui uai llóraíma daina uai ñue ícoímo fuitállena. Be níuúai: “Jesús Nazaret ímie daírena.”

## 3

*Juan Bautista táizicimo rafue jino lote*

(Mr 1.1-8; Lc 3.1-9, 15-17; Jn 1.19-28)

<sup>1</sup> Aféruido Juan Bautista Judea éniemo ite táizicimo lletámaizabite.

<sup>2</sup> Daide:

—Omoi comeci ífuiái mai méidori, mei monamo ite Juzíñamui illáimana illirui ja íanori íteza, —daide.

<sup>3</sup> Bie Juan jaiaí Juzíñamui uai llórama Isaias llogámie. Afémie jica ia bie izóí Juaado cuete: Ficare úritimie uai táizicimo cácacaide.

Afémie daide: “Juzíñamui bille io ñue finua izóí, omoi comeci ñue omoi finori.

Afémie mo io jaícina dénuu izóí,

Omoi comeci íafuiái omoi féitari”, —daide.

<sup>4</sup> Aféruillaido Juan jitáoi garoi camello itíraiaí nínaroi. Ie ciraigi ife rille igoi finoina. Afémie jaca fiuai rífirede. Daje izóí cíiji jírofirede.

<sup>5</sup> Jerusalén comini afémie úrillamo cacáreizaibitiaioi, daje izóí nana Judea énie imaci, íemo jíái Jordán imani abi comini ie úrillamo cacáreizaibitiaioi.

<sup>6</sup> Íaioimo ite fiénidífuiaí jino íaioi llua méfomo afe Juan Jordamo íaioina báutizade.

<sup>7</sup> Mei íadi fariséuaímona, jíái saducéuaímona aillo comini Juan diné ie báutizajonomo bitíai. Afémaci bíllana Juan cíoilano, íaioina daide:

—¡Titade jaíóniaímona comuídino izóídiomoi! Ja ánozide duere zefuúlluíuemono omoi botállena ¿bu omoi llua?

<sup>8</sup> Omoi comeci ífue méidoi acanana ñúfuedo uáfodo jino ácatari.

<sup>9</sup> Dani ómoímona “Abrahámona comuídinodicaí caí íllamona Juzíñamui íena iticaí,” afe izóí daíñeno iri, mei táinoza. Mei bie noficiaímona, Juzíñamui jitáiaí Abraham comínina comútaredeza, daíí ómoína daidicue.

<sup>10</sup> Fiénde amena tiéllena jata jicaida jóonia izóí, fiénidino duere finoille jae ñue mameca. Nana figo llizíñede amena tíano iraimo zocana uillano jobaica. (Tíéfiga zena izóídiomoi.)

<sup>11</sup> Uáfueña bimaci comeci ífue íaioi méidua jira, jáinoido íaioina báutizadícue. Mei jíáfodo cue méífodo bíitimie, comínina Ñuera Joreño úcaítaite. Daje izóí iraimo raa ñue zia izóí afémie comínina íáinino ñue finoite. Afémie iere cue baimo rínorede, cue bie jamáimiedicueza afémiena dama ñue jacíruiredicue.

<sup>12</sup> Afe cue méífodo bíitimie arroz biájidimie izóí ja ie llocofe llíicabite. Afémie arroz bíamona ícauí oni eneno ua izóí, ñúemacimona fiénidinona oni eneno óite. Ñúemacina ie íllánomo ñue ráiruíte, mei jíáfodo fiénidícuai izóídinona jaca dúíñeite iraimo jóbaite, —dinori Juan úrite.

*Jesús báutizaina*

(Mr 1.9-11; Lc 3.21-22)

<sup>13</sup> Jesús Galiléamona imani Jordamo Juan íllánomo bite, afe Juan ie báutizallena.

<sup>14</sup> Jesús bítemo Juan íena báutizaacañede. Jira Jesuna daide:

—Cue bie odo báutizaregacue. ¿Níbaí mei cue dinena bitio? —daide.

<sup>15</sup> Jira Jesús íena daide:

—Dama daíñtadeza, bíruí cue daína izóí fino, mei nana Juzíñamui jitaina izóí finóredicocosa. Afe coco finolle cócomo ñue jóbide, —daide.

Iemona Juan ja faíriote.

<sup>16</sup> Afemona Juan Jesús báutizade. Báutiza mei Jesús jáinoimona jino bite. Afe llezica mona raire tújicaide. Afe dáaruido Jesús Ñuera Joreño fiíciri ana billa izóí bíllana ciode. Afémie mo ráinazaibite.

<sup>17</sup> Mei íemona monámona daa úrilla uai cácacaide. Afe úrilla daide:

—Bie iere cue izíruiga jíto. Afémie mo jamánomo íóbioidícue, —daide.

## 4

*Taife Jesús facátate*

(Mr 1.12-13; Lc 4.1-13)

<sup>1</sup> Afe mei Ñuera Joreño Jesús táizicimo uite, afénomo Taife afémie fiéni facátallena.

<sup>2</sup> Afénomo Jesús cuarenta dígarui güíñeno ite. Mona naio díga afénomo güíñeno ite. Afe mei afémie iere jamánomo jufinaite.

<sup>3</sup> Ie jufinailla llezica, Taife Jesús facátallena ánozide. Iena daide:

—Ua Juzíñamui jítona o íadi, mai bie noficiaí paana mei fino, —daide.

<sup>4</sup> Jira Jesús uai ote:

—Jaiai Juziñamui Cuegáuai daide: “Fia güilledo come ínide, mei jiáfodo nana Juziñamui lloga uaido írede,” —daide.

<sup>5</sup> Iemo Taife Jesuna ñuera Jerusalén jófuego uite. Afénomo ite gairíraco emódomo caifo jica Jesuna uite.

<sup>6</sup> Uillano íena daide:

—Ua Juziñamui Jitona o íadi, benómona ana batí mai ticai, mei Juziñamui Cuegáuai bie izói dáideza:

Juziñamui ie abi imácina ona uñtoite.

Íaiói ónoído ona mozíñoitiaíoi, o éiba nofícaimo íziñeillena, —daide.

<sup>7</sup> Jira Jesús uai ote:

—Jaiai Juziñamui Cuegáuai nane daide: “O ocuide Juziñamui mai facátañeno,” —daide.

<sup>8</sup> Nane dáanomo Taife iere caifónedumo Jesuna uite. Afénomona Taife nana éniemo ite náiraina ie ácatate, naa íaióimo ite ebíredifuiari.

<sup>9</sup> Iemo nane íena daide:

—Cañícido cue anamo dújuano cuemo o caimátaíadi, nana bie omo íitícue, —daide.

<sup>10</sup> Mei jira Jesús daide:

—Taife, mai oni jai, mei Juziñamui Cuegáuai dáideza: “Dama ocuide Juziñamuimo caimátairena. Dama afémie ocuífregamiéna o íri,” —daide.

<sup>11</sup> Afemona Taife Jesús fáicanocaillano oni jaide. Afe mei dáarie Juziñamui abi ímíai Jesuna cánuaibite.

*Jesús Galilea éniemo como fueñe tájizaide*

*(Mr 1.14-15; Lc 4.14-15)*

<sup>12</sup> Jesús Juan Bautista llavénana fidíllano, oni Galilea éniemo jaide.

<sup>13</sup> Mei íadi Nazaremo fiébiñeno, Capernaum jófuego jaide. Afe jofue Galilea jorai fuédamo ite. Iemo afe jofue Zablón éniemo ite. Daje izói Naftalí énie áinomo ite.

<sup>14</sup> Jaiai Juziñamui uai llóraima Isaías lloga uai ñue fuitállena, bie izói íficaide. Afe uai daide:

<sup>15</sup> Zablón énie, Naftalí énie diga áillue jóraimo jóide io áinori ite.

Afénie Jordán ruicáfellemo ite.

Afénie judíoñedinomo dúide Galilea daina énie.

<sup>16</sup> Aféniíaimo ite comini jítinomo itino izói Juziñamuina onóñediaíoi.

Mei íadi ja birui afémaci como aillo egáiñotena ciódino izói, Juziñamuina uáfodo onódiaíoi.

Iemo jiái afe tíide izói Juziñamuina ónoñedino jae egáiñogaiíoi, Juziñamui zíñona íllífuena íaiói maíñóllena.

<sup>17</sup> Afe mei Jesús jino comínimo ie llófuelle uai fueñe tainede. Daide:

—Omói comeci ífuiái méidori, mei monamo ite Juziñamui ílláimana íllirui áinozideza, —daide.

*Jesús cuatro dígamie facófiredino uáidote*

*(Mr 1.16-20; Lc 5.1-11)*

<sup>18</sup> Jesús Galilea jorai fuédado macádemo, mena ama íaillinoína baite. Dámie mámeçi Simón, afémie jiáfodo mameina Pedro. Jiáie baigámie mámeçi Andrés. Afe íaillinoí facóraíni. Afe llezica llóji jóraimo dotádiaillinoí.

<sup>19</sup> Iemo Jesús íaillinoína daide:

—Mai cuedo bi, comini llófuellena íaiói jénoítimiena ómicoína jóneíticue, —daide.

<sup>20</sup> Íaillinoí llóji fiénocaillano afémiedo jáidiaillinoí.

<sup>21</sup> Nane afe báifenemo Jesús mena jiáie ama íaillinoína cíozaide. Afe íaillinoí Zebedeo jító Santiago Juan diga. Afe íaillinoí áillue nocaemo ie moo diga íaiói llóji ñue finódiaíoi. Jesús íaillinoí uáidote.

<sup>22</sup> Afe llezica, áillue nocaemo íaillinoí moo fiénocaillano, Jesudo jáidiaillinoí.

*Jesús náagobiaímo aillo comini llófuete*

*(Lc 6.17-19)*

<sup>23</sup> Afe mei Jesús Galilea éniemo nágafenedo jaide. Nana Juziñamui uai llófuerracuaimo llófuerte. Afémie Juziñamui ílláimana íllirui ñúefuedo jino llócaide. Daje llezica nana jiáfodorie irárede comini jíllotate.

<sup>24</sup> Nana Siria éniemo Jesús finoca ñúefuiai jalleide. Iemona Jesumo jiáiforiede dúicuaimo duere zefuídino atídiaíoi. Iemo jiáiforie izi cácadino, íemo fiénide jóraí uícaigamaci, íemo chémemo raamo jiridino, íemo tízitaitino, nana bie izóidino Jesumo atídiaíoi. Iemo nana afémacina Jesús jíllotate.

<sup>25</sup> Iemona diga jiáinuiaimona bitíaíoi Jesudo jáillena. Galilea éniemona bitíaíoi, íemo Decapólis jófuaímona bitíaíoi, íemo Jerusalén naa Judea éniemona bitíaíoi. Daje izói imani Jordán ruicáfellemona Jesudo bitíaíoi.

## 5

*Caifónedumona Jesús lloga are uai*

<sup>1</sup> Jesús afe aillo iedo jáidinona cíollano, caifónedumo ráinazaide. Iemona ie llófuegamaci afémie abido ofidiaioi.

<sup>2</sup> Afe mei Jesús bie izói como íaioina llófuete:

*Caimare ióbidino*

*(Lc 6.20-23)*

<sup>3</sup> “Comeci dinena dúeredicaí” daiífiredino ióbidiaioi, mei monamo ite Juziñamui illáimana illarui afémacimo dúideza.

<sup>4</sup> Comécina zúuredino caimare itíaioi, mei Juziñamui íaioi fíraiteza.

<sup>5</sup> Comécina mánaidino caimare ióbidiaioi, mei Juziñamui jica ia íaioiena mameca énie máifnoítiaioiza.

<sup>6</sup> Júbiena méinegamie iere güacana izói, Juziñamui comeci jítaina izói iere íacadino caimare ióbidiaioi, mei Juziñamui afe íaioi íacanana izói íaioi llena afémacina cánoiteza.

<sup>7</sup> Jáimacimo dúecaifiredino caimare ióbidiaioi, mei Juziñamui íaioimo dúecaiteza.

<sup>8</sup> Comécina íainidino caimare ióbidiaioi, mei Juziñamuina cíotiaioiza.

<sup>9</sup> Ícrafuena oni orédino caimare ióbidiaioi, mei Juziñamui afémacina “Cue jítódiomoí” dáíteza.

<sup>10</sup> Juziñamui jítaina íaioi fínuari duere zefuídino caimare ióbidiaioi, mei monamo ite Juziñamui illáimana illarui íaioimo dúideza.

<sup>11</sup> Comini omoi báíñua, omoi duere íaioi fínua caimare ióbidiomoi. Daje izói cue ícoinia taino uaillai ómoimo íaioi nitáadi caimare ióbidiomoi.

<sup>12</sup> Afena náfueño íobicana caimare omoi iri, mei monamo ite áillue ebíredifue jírídoítomoiiza. Mei jaiai nai omoi íñena llezica ite Juziñamui uai llóraini daií duere finóllena racácaiaioi.

*Sal ñue fínua izói, afe izói comini ñue finódinona itíomoi; daje izói bínie egáíñotínodiomoi*  
*(Mr 9.50; Lc 14.34-35)*

<sup>13</sup> Omoi, sal izói, bínie comini ñue finódinona itíomoi. Mei íadi sal ie ríino íñenia güllena caimáretañede. Afe rínonide sal ¿minicado meine ríretade? Jaca meine ríretaninamona jaca ráifíñede. Comini zaizíllena macáranomo dotárega.

<sup>14</sup> Omoi finoca ñúefuiai fínua mona, bínie comini ñue llena egáíñote raa izóidiomoi. Iemona caifónedumo ite uáfori cíocaiide jofue jaca retáidonina izói itíomoi.

<sup>15</sup> Uneca mechera nogo eromo retáidollena unéñediomoi. Mei jáífodo caifo uáfori cíoidinomo uneda ráinafirediomoi, jofo eromo itínomo ñue egáíñollena.

<sup>16</sup> Afe izói ómoimo Juziñamui comuitaga omoi finófírega ñúefuiai jino comini eróicana finócana omoi uiri. Daií omoi ñue finócafuiaina ñue íaioi cíoillega. Uáfori íaioimo cíotari, monamo ite omoi Moomo ñúefuiai íaioi jónellena.

*Jesús Moisés ocuica uai dibénedo llófuete*

<sup>17</sup> “Moisés ocuica uai cáitajaibite,” daií cuemo omoi comécíñeno iri. Daje izói jaiai Juziñamui uai llóraima llófuia fétajabiñedicue. Jaca afe uaillai fétajabiñedicue, mei jáífodo afe uaillai ñue ícoimo fúitaibiticue.

<sup>18</sup> Uáfueña ómoína dáititicue, mona naa énie diga nai fúíñeille dino bie ocuica uáilla mona daa uai oni ónde. Nana afemo lloga ífcaitífuiaí nai zúñena llezica, afe uaillai jaca íte.

<sup>19</sup> Ie jira afe ocuica uáilla mona daa uai iere duere íadi dáamie náfueñenia, monamo ite Juziñamui illáimana illáruimo afémie jamáimena jáite. Daje izói afémie náfueñena izói jáimacina “Cai náfueñeilli” daiíadi, iere jamáimena jáite. Mei jáífodo aféuailai náfuetinona íemo jáimaci afe uaina náfuetadinona, “Bimaci Juziñamui illáimana illáruimo jamánomoidinona,” daiille.

<sup>20</sup> Mei birui ómoína dáititicue: Juziñamui jítainana ñue ícoimo fuitállena, ocuica uai llófuetino, fariséuai diga iere afena nícidotiaioi. Mei íadi íaioi nícidoga baimo omoi fínoñenia, monamo ite Juziñamui illáimana illáruimo dúcíñeitiomoi.

*Jesús comini ícírilla dibénedo llófuete*

*(Lc 12.57-59)*

<sup>21</sup> Omoi jáiáidigimaci dáinana cacádiomoi. Afe daina be ñue: “Jáimana titáñeno iri, mei jáiama titádmie jicánuano duere finolle.”

<sup>22</sup> Mei íadi afe emódomo nane dáititicue. Ninó dáamie ie aino come diga ícíría, afémie áferi jicánuano duere finolle. Daje izói ie ámana íaire daidímie Jamánomo Ríllaini afémiemo



jicánuano duere finolle. Iemo jiái ie ámana “O abina onóñedimiedio,” daiíadi afémie áferi jaca nainomo dúñede iraimo oréde.

<sup>23</sup> Iemona Juzíñamuimo o úriacana llezica, daje izói afémiemo fia fecácaga raa o izájiacana llezica, o aino come diga o icírillamo o uibóicaiadi,

<sup>24</sup> afe o izájjacaga raana izáiñeno iri. Fueñe afémie diga ñue o finori, caimare uái ómicoi illena. Afe ñue ómicoi ñinua méifomo, o izájjacaga raana fecáredio. Ja Juzíñamuimo úriredio.

<sup>25</sup> Iemo jiáifuemo omoi cacai. Iañue omo mamédimie diga raire o úrizairi, afe íañue záilleza. Jicánoracomo nai ona uñena llezica, mai jino io anamo ñue ómicoi záitari, jicánoraimamo o ie uñeilleza. Daií o ññoñenia, afe jicánoraima ñénidino llaítáfredinomo ona izájite. Iemo afémaci ona llavéracomo íbaitiaioi.

<sup>26</sup> Uañue ona dáitícue, o llavétatimie jicaca úcube ie jícaja dieze o íbañenia, afécomona jaca jino bíñeítio, —daidícue.

*Jesús comini finoca jiruífue dibénedo llófuete*

<sup>27</sup> Jaiai daináuai cacádiomoiza. Afe be ñue uai. Jiáie ringo diga jiruídoñeno o iri.

<sup>28</sup> Mei íadi ómoina daidícue: Omoimona dáamie ringomo eróicana fiñi comeci facáadi, afémie jae afengo diga ie comécido jiruífue finode.

<sup>29</sup> Mei o ciona raamo o éroillamona ñénidífuemo ona baiítaia afemo eróíñeno o iri. Ua, o ují nabeji o fítajamona o eróinino o illa izói, afe izói o fiéniruitate raamo eróíñeno o iri. Afe ují júbene o fítañenia izói, fiénide raamo éroillano o fáicanocaiñenia o abina nana iraimo dotátaite. Ie jira o abímona daa íeizi iñena izói, nana o abi tánocaille baimo iere ñuera.

<sup>30</sup> Daje izói o finóacanafuiai ñénidífuemo ona baiítaia, aféfuiai finóñeno o iri. O onoi nabezi o jáitajamona aféfuiai o finónino o illa izói, afe o fiéniruitate ráfuaiaina o fáicanocairi. O jáitañenia izói, o fáicanocaiñenia, o abina nana iraimo dotátaite. Ie jira o abímona daa onoi iñenia izói, nana o abi tánocaille baimo iere ñue ite.

*Come ai dótañrena dibénedo Jesús llófuete*

*(Mt 19.9; Mr 10.11-12; Lc 16.18)*

<sup>31</sup> Daje izói jiáie jaiai daina uai bie izói joide: “Ñinó daa come ie ai dotáadi, afe bie ringona benómona óñeíticue dainabe aféngomo irena.”

<sup>32</sup> Mei íadi birui ómoina daidícue: Dáamie ie ai dotáadi, afémie aféngona jiruúretaita. Mei íadi daa ráfuedo dotárede. Afefue be ñue: Afengo inírede ia jiáie iima diga íadi afengo dotárede. Daje izói dotácango aina otímie afe úamona afémie afengo diga jiruífue finode, mei Juzíñamui eróicana, afengo nai fueñeidimie ai.

*Jesús táinona uañue daiíllena Juzíñamui mámece llínuado llófuete*

<sup>33</sup> Daje izói omoi jaíaidígamomona cacádiomoi. Afe be ñue uai: “Juzíñamui eróicana ie mámece o llínuano o dáinana ñue ícoimo záitari.”

<sup>34</sup> Mei íadi birui ómoina daidícue: Uañue daiíllena jaca mona mámece llínonidíomoi. Mona Moo Juzíñamui illánoza, áfede iere uañue daiíñeno iri.

<sup>35</sup> Daje izói énie íbogido uañue daiíñeno iri, mei aféñena Juzíñamuimo jaináideza; fia ie idai jónera izóideza. Daje izói o llógana uañue daiíllena Jerusalén mámece llínoñeno iri, mei afe jofue Nahíllaimamo, ua Juzíñamuimo dúideza.

<sup>36</sup> Daje izói dama o ífócido uañue daiíñeno iri, mei o ífótirai úzetiraina méidonidíomoiza, daje izói jítitiraina orénidíomoiza.

<sup>37</sup> Iemona jiáie uaina nabáiñeno “Jii ñinoíticue” daiíri. Mei jiáifodo “Jii ñinoíñeíticue” daiírena. Uañue daiíllena bie izói o daina baimo jiáie uaina o nabáiadi afe uai Taifémona bite.

*Jiámamo iba úado Jesús llófuete*

*(Lc 6.29-30)*

<sup>38</sup> Daje izói jiáie jaiai nanómona dáinana cacádiomoi. Afe daina be ñue uai: “Dáamie jiáimie ui fitáadi afe ibana afémie ui fitárega. Daje izói dáamie jiáimie ízido ditáadi afe ibana afémie ízido ditárega.”

<sup>39</sup> Mei íadi birui ómoina daidícue: Dáamie fiñi omoi finóadi, ibana afémiemo riire úriñeno o iri. Mei jiáifodo dáamie o uieco putáadi daje llezica enéfene putari iena o daiíri.

<sup>40</sup> Dáamie taino omo jítajano, o caifóferoi bairóadi, afe llezica o jinófenemo jítáraroi caifóferoi diga naga afémiemo o fecari.

<sup>41</sup> Daje izói dáamie mei policía izóidímie méere de raana daa kilómetro riífuedo o abítaiadi, afe baimo mena kilómetros icíríñeno o úiri.

<sup>42</sup> Nane dáamie raa ómoimo jicáadi, afe íemo o fecari. Jiáimie “Nano íanori cuemo fia feca” daiíadi, afémiemona oni jíjicaiñeno o iri.

*Cai icírillamacina izíruiredicai  
(Lc 6.27-28, 32-36)*

<sup>43</sup> Daje izói jaiaí nanómona daina uaina cacádiomoi. Afe be ñue uai: “Omo caimare úrifrenamiéna izírui, íemo o icírillamiéna éoiri.”

<sup>44</sup> Mei íadi biruí ómoína daidicue: Omoi icírillamiéna omoi izírui. Omoi faidódimiéna caimare íemo omoi finori. Omoína éoidinona ñue omoi finori. Omoi báíñotino, íemo jaía ómoína fiéni finóacadino diga afémaci éna Juzíñamuimo omoi jicari.

<sup>45</sup> Daí omoi illemona monamo ite omoi Moo Juzíñamui jítótaiéna jáitiomoi. Mei afémie ñuemaci íe jítómana egáíñotadeza, daje izói jaíe fiénidimaci éna egáíñotadeza. Iemo, comécina jaícina jóidinomo afémie nocina bíitate, daje izói comécina jaícina jóíñedino éna nocina bíitate.

<sup>46</sup> Mei dani ómoína izírutinona omoi izíruiadi, ¿áfemona minica jirídoitiomoi? Jaca jirídoñeitiomoi. Omoi jámairuga gobiernu raíñoca úcube llínofiredino da afémaci izírutinona izíruiatíoi. Afémaci baimo izíruiédiomoi.

<sup>47</sup> Dama omoi ámatiaí caimare omoi uáidoiadi, ¿ñie ñúefue finódiomoi? Juzíñamuina onóñedino bie izói illa. Afémaci baimo nana comini caimare uáidorediomoi.

<sup>48</sup> Monamo ite omoi Moo Juzíñamui íaifuenide comécina figomiéna illa izói, afe izói omoi iri.

## 6

*Jesús cai finófirega ñúefuiai dibénedo llófuete*

<sup>1</sup> Jesús nai úrite; daide: Omoi finófirega ñúefuiai comini eróicana afémaci ómoimo cáimacailleña omoi finóñeno iri. Daí omoi finóadi monamo ite omoi Moo Juzíñamui ómoína minícana jirídotañeite.

<sup>2</sup> Ie jira dúeredino o cánua llezica nana comini lloñeno, uái daí omoi canori. Jino omoi macáraomo, daje izói Juzíñamui uai llófueriraco eromo diga táinona abi íñotino bífrediaíoi. Afémaci comeci figóñedimaci illa llezica jino finócafuiaimona ñuemacina eróidiaíoi. Iaiói fínua izói finóñeno omoi iri. Afémaci daí finófrediaíoi jáímaci íaíoido ñue úrilla. Mei uafue ómoína daíitucue: Comini íaíoido caimare úrillado, íaíoi jirídoacaga raana jae íaíoi jirídogá.

<sup>3</sup> Mei jáífodo dúeredinomo daa raa o fecalle llezica o izíruga aino cómemo lloñeno uái daí o fecari.

<sup>4</sup> O finófirega ñúefue báinino o finori. Iemona o Moo Juzíñamui o báinino finoca raana cíoteza. Afemona óena mameca raana o jirídotáiteza.

*Jesús Juzíñamuimo úrillado llófuete  
(Lc 11.2-4)*

<sup>5</sup> Juzíñamuimo omoi úrilla llezica, abi diné ñue cóidimaci fínua izói finóñeno omoi iri. Afémaci Juzíñamui uai lloraco eromo caífo naídáillano ficírede uaido Juzíñamuimo úrilla izói finódiaíoi. Iemo jofue cígimo ite aillo comini ofiranomo daje izói finófrediaíoi, comini íaíoina cíoilleña. Uáfuena ómoína daíitucue, afe bie comini íaíoido ñue úrillado, íaíoi jirídoacaga raana jae jirídotiaíoi.

<sup>6</sup> Mei jáífodo Juzíñamuimo o úrilla llezica, o jofe eromo jaillano o naze íbairi; íemo afénomo o diga ite Moo Juzíñamuimo o úriri. Afemona o Moo Juzíñamui o báinino úrilla uaina cacáillano, óena mameca raana o jirídotáiteza.

<sup>7</sup> Juzíñamuimo o úrilla llezica, Juzíñamuina onóñedino fínua izói, taíno uailaí diga icaiño lloñeno o iri. Afémaci bie izói comécidiaíoi: “Are cue úrillado Juzíñamui nibai cuemo cacáreite,” daídíaíoi.

<sup>8</sup> Afémaci izói íñeno o iri, mei nai o jítaille raa o jicáñena llezica o Moo Juzíñamui uícode onódeza.

<sup>9</sup> Ie jira bie izói afémiemo omoi úrifireiri:  
Cai Moo Juzíñamui, monamo itio; o mámevido ñúefue nitácaza.

<sup>10</sup> O illáimana illirui raíre bíiteza.

Dinomo monamo o comeci jítáíallafue íaíoi fínua izói, afe izói bie éniemo finótaíbiteza.

<sup>11</sup> Cai nágarui jitaíga güllenai, birui caímo fecari.

<sup>12</sup> Cai finoca fiénidífue íba caímo ofeno iri, mei afe izói jáímaci fiéni caímo finódiaíoi íadi, afémacimo íbana onédicai.

<sup>13</sup> Íaífuemo cai baíñellena caína uíñori.

Iemo afe llezica nana fiénidífuiaimona caína jíllotari.

Mei bínie comini jaca o illáimana illa anamo itiaíoi.

Afémaci illáimaillena ríno jaca omo ite.

Daje izói jamánomo ñue ébifue jaca omo ite.

Ja daíitadeza.

<sup>14</sup> Mei uafue, ómoimo ñeni finódino finoca fiénidifuenta omoi féitaia, afe izói monamo ite o Moo o finoca fiénidifuenta féitaite.

<sup>15</sup> Mei íadi aféfuiai omoi féitañenia, omoi Moo omoi fiénidifuiaina féitañeite.

*Jesús comini fimairilla dibénedo llófuete*

<sup>16</sup> Iemo nane Jesús daide: Dama Juziñamuimo izire omoi comeci facállena güllena güñeno omoi fimairilla llezica, omoi uiecona zuure finóñeno omoi iri. Jínofene ñue cíoina mei íadi comécina íáiredino daí finódiaioi. Iaioi fimairilla llezica abina iere zuure finódiaioi, comini íaioina cíoilano “Baie fimairitino,” íaioi daíillena. Uafue ona daíitcúe, afe izoide comini íaioina dáinado íaioi jirídoacaga raana jae jirídotiaioi.

<sup>17</sup> Mei jíáfodo güñeno o fimairilla llezica o uieco ñue jocori; o ifo ñue júiri,

<sup>18</sup> ona comini “Baie fimairitimie” daíiñeilla. Iemona o diga ite báinidena cíofrede Juziñamui, áfena dama cioille, íemona afémie áfena ona jirídotaita.

*Monamo cai jirídollena ofitaredicai*

*(Lc 12.33-34)*

<sup>19</sup> Iemo nane Jesús daide: Biniemo aillo ráaniaina ofitañeno o iri, mei biniemo diga raa ícuai güñifregaza, íemo jíáie raana ráataifredeza, íemo jíái merírifredino merífredeza.

<sup>20</sup> Mei jíáfodo Moo Juziñamui jíitanana o finófireiri; caífo monamo ie illánomo ñúefuiai o ofitari, mei afénomo ite raana ícuai güñíedeza, íemo jíái afeno raa zabíñede, íemo afénomo merírifredino merínidiaioi.

<sup>21</sup> Mei uáfueza, o gaiga raa ofitajanomo dáanomo daje izói o comeci íiteza.

*Cai illafue ñue egáíñote raa*

*(Lc 11.34-36)*

<sup>22</sup> Ñúefuemo o comécilla omo ñue egáíñote raa izoide. Jira bobaie egáioinamona o uído cíonana o íóbitaja izói, afe izói ñúefuiai o jíitáigana o comeci ífuena caimare itáitaita.

<sup>23</sup> Mei íadi ñúefuemo o comécíñenia, fiénidifuedo mácaja izói itio. Nana o comeci ífue zuure íteza. Mei Juziñamui omo jóonega ñuera comécido dama fiénidifueemo o comécía nái jamánomo jíitfomo o illa izoide. ¡Ñíí jamánomo jíitrena!

*Juziñamuimo cai jainaina llezica úcubemo jaináinidicai*

*(Lc 16.13)*

<sup>24</sup> Daje llezica mena ocuidímie anamo buna ínide, mei ménamiede anamo o íadi dáamie éoitio, íemo jíáimie izírúitio. Daje izói dáamiemo ñue táijitio, mei íadi jíáimiena jamairúitio. Afe izói Juziñamuina abi o náamataja llezica úcubemo abina náamataniديو.

*Juziñamui ie úruina jáidinona ñue úíñote*

*(Lc 12.22-31)*

<sup>25</sup> Jira ómoína daíitcúe, nágarui omoi jítaiga güille naa jirole diga áfemo comeci faiñeno omoi iri. Daje izói daa o jíitalle ínícuiromo comeci faiñeno omoi iri. Cai ñue illafue güille baímo ráífide. Daje izói cai caana abi iníroi baímo ráífide.

<sup>26</sup> Mai monamo feede ófocuízaimo omoi comécíiri. Afémaci güilleniaina riñédiaioi. Daje izói llíziena jofe oñédiaioi, íemo jíái güille ñue finóranomo ofitañediaioi. Mei íadi monamo ite omoi Moo afémacina ecáfírede. Omoi bie ófocuízai baímo iere ráífina.

<sup>27</sup> Omoimona, comeci iere fáiamona ¿mei bu ie zairilla caífomo medio metro zairírena? Buna jaca daí ínide. Dama Juziñamui ona dínorí o zairítaja. Afe izói o güllena ócuíte, jira áfemo comeci faiñeno omoi iri.

<sup>28</sup> Iemo jíái ¿nibái mei ínícuiromo iere comeci fáífrédiomoi? Jazícimo ite záfíamo omoi comécíiri. Raamo táijíñediaioi, daje izói íníroina niñédiaioi. Mei íadi iere ebire cíoidiaioi.

<sup>29</sup> Iemona ómoína daíitcúe jaiái illaíma Salomón iere ráarede íadi, bie záfía ebírena izói, ebíredíroina jíitáñede.

<sup>30</sup> Mei Juziñamui ráítiaímo ebire cíoitaiadi, afémie ómoimo jeruíñeno íníroina jíitaita, mei afe ráítiaí íanori ebire eróideza. Iemo afe jíáíruido ja jobácaza.

<sup>31</sup> Iemona nana jíáie raamo comeci faiñeno omoi iri. “Cai güille íñedeza, ¿mínica güíticai?” daíñeno omoi iri. Daje izói jíái “¿Mínica jíroiticai?” daíñeno omoi iri. Iemo jíái, “Ínroinidicaiza, ¿mínica jíitaiticai?” daíñeno omoi iri.

<sup>32</sup> Mei uafue, biniemo ite Juziñamuimo ínóñede comini búfíuimo iere comécíidiaioi; mei íadi omoi Moo monamo ite. Afémie bie izoide raana omoi jíitáíllana onode. Jira ómoimo íñede raamo comeci fáinídiomoi.

<sup>33</sup> Mei íemona Juzíñamui illáimana illáruimo duide raamo raire uícodo járitaifireiri. Daje izói jíáie ie ocucafue raire uícodo omo finofireiri. Afe mei nana bie omoi jitaiga raana óitiomoi.  
<sup>34</sup> Uire jíti cómutifueo comeci faíñeno omoi iri, mei uire aferui dama ie comeci uille ráfueniaí átiite. Nágaruillaído comuide comeci faille ráfuiái ja figo báiteza, baímo nabáinide.

## 7

*Jiáima jánana fienu úríñeno o iri  
 (Lc 6.37-38, 41-42)*

<sup>1</sup> Juzíñamui ómoimo izire jícanoñeillena, mai jíáima jánana fienu úríñeno o iri.  
<sup>2</sup> Mei jíáima jánana riire o úrilla izói, afe izói Juzíñamui riire ómoimo jícanoite. Jiámamo raana fácano omoi feca izói, afe izói afémie ómoimo fácano fécaite.  
<sup>3</sup> ¿Mei ñie izói o ama uimo ite jéenide ráaruaina cíodio, mei íadi afe dáaruido dama o uimo jéerie rarúnguai íllana náfueñedio? (Afená dáiacade: Aillo fiénidifue omo illa llezica, ¿ñie izói due jiza oni ñibéfodo baíidimie jánana úrinedio? Urinidio.)  
<sup>4</sup> Iemo afe jéerie rarúnguai dama o uimo íadi o ámana ¿ñie izói daíredio: “O uimo ite jéenide ráaruai cuena otátari?” Daíñidio.  
<sup>5</sup> ¡Abi dine ñue cíode comécina íáiredimiedio! Fueñe dama o uimo ite jéerie rarúnguai oíri. Afe o ua mei, afe o ama uimo ite jéenide ráaruaina jino óredioza.  
<sup>6</sup> Juzíñamui ñue finoca raa, Juzíñamuina íairuitinomo fecáñeno iri; fecádiomoiniadi áfena jámairuillano afémaci ómoína tíbitaitaíoi. Daje izói perla izoide ráifidifuiái meróniaí izoide íaífuiairedinomo lloñeno iri; llotíomoiniadi meróniaí ríirífirina izói bimaci ómoína uáitaíbitiaíoi. Afe izoide ñúefuiaí fienu íacadinomo llónide.

*Juzíñamuimo caí jicalle bie izói jóide  
 (Lc 11.9-13; 6.31)*

<sup>7</sup> Mai omoi jícarí, íemona Juzíñamui ómoimo fécaite. Mai omoi jenori; báitiomoiza. Nazémoma caimare omoi uáidori; ómoimo tuizábiteza.  
<sup>8</sup> Mei jícadimie líinoteza. Daje izói jenódimie báiteza; íemo jíái nazémoma caimare uáidotimiemo túigaza.  
<sup>9</sup> Mei ómoímona dáamie ie jító pan jícaja llezica ¿meita noñcina írede? ¡Jaca ínide!  
<sup>10</sup> Iemo afémie chamu jícaja llezica ¿meita jaíona írede? ¡ñide!  
<sup>11</sup> Mei fiénidinodicaí íadi, ñuera raa caí úruiaímo fécajana onódicaí. Mei íadi afe baímo monamo ite omoi Moo, afémiemo jícadinomo jamánomo ñuera raa fécajana onode.  
<sup>12</sup> Mei íemona omoi jitailla jíáimaci íaíoi ómoimo finua dieze, dájeze afémacimo finorediomoi. Mei Moisés ocuica uai bie izói jóideza. Daje izói jaiaí Juzíñamui uai lloraini cuega uai afe izói jóideza.

*Rillírede monamo duide io rafue  
 (Lc 13.24)*

<sup>13</sup> Mei afe rillírede monamo duide iodo omoi jai. Niné táinocaitaitinomo jóide io iere áiloo. Daje izói áfeo boilla jamánomo áillue. Afeodo aillo comini jailla.  
<sup>14</sup> Mei jáífodo zííñona caí cáaillinomo jóide io jaícina jóide íadi rillírede. Daje izói áfeo boilla rillírede. Afeodo jáidino düemaci.

*Naga amena ie llizíllido onórede  
 (Lc 6.43-44)*

<sup>15</sup> Diga comini “Juzíñamui dibénedo úriticaí” daidíaíoi, íadi taino llotíaíoi. Afe izoide cominimona abí omoi rairuiri. Afe bimaci ebire jíféidino izói ómoimo bitíaíoi. Uáfueza, illáinide ovéjaiaí izói ómoimo bitíaíoi, mei íadi comeci dine illáirede jánallari izóidino.  
<sup>16</sup> Afémaci finócafuiaído íaíoina uáfodo ónoitiomoi. Mei jíirede ñecínamona jíricue óñegaza. Daje izói jíirede monáigimona jíficolliaí óñegaza.  
<sup>17</sup> Mei daíí nana ñuera amena ñue llizide. Daje izói nana fiénide amena fiénidijaina llizide.  
<sup>18</sup> Ñuera aménamo fiénide ráajiaí llizínide. Daje izói fiénide aménamo ñuera ráajiaí llizínide.  
<sup>19</sup> Nana ñuera ráajiaína llizíñede amena tíano iraimo jobaica.  
<sup>20</sup> Bie izói baie ómoimo bitínona íaíoi finócaíafuedo uáfodo ónoitiomoi.

*Nana comini monamo ite Juzíñamui illáimana illáruimo jáíñeitiaíoi  
 (Lc 13.25-27)*

<sup>21</sup> Nana cuena “Ocuíraima” daííredino monamo ite Juzíñamui illáimana illánomo jofó jáíñeite. Dani monamo ite cue Moo comeci jitaillana finódino jofó jáírena.

<sup>22</sup> Aféruillaímo dúcia llezica, diga comini cuena dáitíaiói, “Ocuíraíma, Ocuíraíma, o mámeçido úrifredícaí. Daje izói o mámeçido fiénide jóriaina jino orédícaí. Daje izói o mámeçido ciórainina raana uaido comúitátícaí.”

<sup>23</sup> Mei íadi afémacina dáitícue: “Jaca ómoína onóñedícue. Diga íaífuíai comúidiomoíza, cúemona oni ii,” dáitícue.

*Ménade jofo nillino rafue*

*(Lc 6.47-49; Mr 1.22)*

<sup>24</sup> Mei afe bie izói joide. Cuena cacádimie íemo cue ocuícana finódimie jofo nillana baitádimie izoide. Afémie mairídinomo ie jofo nite.

<sup>25</sup> Riire noci búide, íemo ille riire renaide, íemo riírede jairifo afécomo jaiñode; mei íadi afeco jainóñede, mei mairide éniemo nígaza.

<sup>26</sup> Mei jíáfodo cuena cacádimie mei íadi cue ocuícana finóñedimie jofo nillana figo baitáñedimie izoide. Afémie ídiáidinomo ie jofo nite.

<sup>27</sup> Afe mei riire noci búide, íemo ille riire renaide, íemo riírede jairifo jaiñode. Iemona afécona jainode. Nana ana baiíllano due fiébiñeno niné táinocaide. Jesús dinóri úrite.

<sup>28</sup> Jesús úrilla méifomo, nana comini ie llófuemarillari caimare fáigacaidíaiói,

<sup>29</sup> mei riínoredimie izói íaioína llófuezeza. Jaiái ocuica uai llófufíredino riínonide llófuía izói afémie llófueñede.

## 8

*Jesús chíinaitimie jíllotate*

*(Mr 1.40-45; Lc 5.12-16)*

<sup>1</sup> Jesús caifónedumona ana billa llezica, diga comini afémiedo jáidíaiói.

<sup>2</sup> Iemo irárede chíinaitimie Jesumo ánozide. Afémie Jesús anamo dújuíllano daide:

—Ocuíraíma, o jítaíadi bie dúicono cúemona oréredio. Cúemona oreri, —daide.

<sup>3</sup> Iemona Jesús ie ónoído afémiena jétano daide:

—Jii, ona jíllotaíacadicue. Benómona ja íaintioza, —daide.

Daií daina llezica ie iráretade chíie jacáibicaide.

<sup>4</sup> Iemo Jesús iena daide:

—Cácarei, bifue bumo lloñeno iri. Dama lletáriraimamo o abi o ácatairi. Afe llezica Moisés ocuica o abi ja íainide daítate raa afénomo mai o fecari. Afemona nana comini o chíie ja jacáíllana ónoítíaiói, —daide.

*Romano illaíma ocuífíregamíena Jesús jíllotate*

*(Lc 7.1-10)*

<sup>5</sup> Capernaum jófueño Jesús jaílla llezica, Romano illaíma Jesumo billano izire jícade:

<sup>6</sup> —Ocuíraíma, cue ócuífírega jítócome iere irárede. Batí jofomo búide. Afémie tízerei iere jamánomo izi cácade, —daide.

<sup>7</sup> Jira Jesús íena daide:

—O jofomo jaíllano afémiena jíllotaitícue, —daide.

<sup>8</sup> Jira illaíma Jesús uai ote:

—Ocuíraíma, cue jofomo o jáíllena, cue iere jamáimiedícue. Jicana o uaido o ocuiri, afémie jíllolleza.

<sup>9</sup> Mei dama cue jíáíllaíma uai anamo itícue. Daje izói cue anamo cue úiñoga fuíríraíni ite. Dáamiena “Bi” cue daíía, afémie bírede. Jáímiena “Jai” cue daíía afémie jaide. Daje izói cue ocuífíregamíena “Bie fino” cue daíía, afémie áfena finode, —daide.

<sup>10</sup> Jesús áfena cacáíllano, caimare fáigacáíllano afémiedo jáidinona daide:

—Uáfueña ómoína daidícue: Nana Israel náiraímo bie izói ínote come jaca baiñédicue.

<sup>11</sup> Omoina daidícue, nágafeníamona aillo oni jícanemaci bíitíaiói. Afémaci monamo ite Juzíñamui illáímana illánomo jofo ráinazaíllano, daane Abraham, Isaac, Jacob diga güítíaiói.

<sup>12</sup> Mei íadi fueñe jáiredino, jino jítinomo dotáííaiói. Afénomo afémaci iere éenaícana murímurítíaiói, —daide.

<sup>13</sup> Iemona afe illáímana daide:

—Mai o jofomo jai. O ínuaze ííteza, —daide.

Daií daina llezica afe irárede jítócome jíllode.

*Jesús Pedro jífaiño jíllotate*

*(Mr 1.29-31; Lc 4.38-39)*

<sup>14</sup> Afe mei Jesús Pedro jofomo jaide. Afénomo Pedro jífaiño abi cuaríllari irare bíinana cióízaiide.

<sup>15</sup> Iemo Jesús afengo onoi llánua llezica ie abi cuarílla llícaide. Afemona afengo náidacaíllano afémaci jítaílla bai atide.

*Jesús aillo iráredinuiái jllotate  
(Mr 1.32-34; Lc 4.40-41)*

<sup>16</sup> Aferui jitoma jímaicaidemo diga fiénide jóríai ogano Jesumo atádiaioi. Iemona daade uaido afe fiénide jóríai jino orede. Daje izói nane nana duícotaidinuiái afémie jllotate.

<sup>17</sup> Nana bie izói zúide, jaiái uai lloraíma Isaías lloga uai fuitállena. Be afe uai: “Cai íraníai afémie uite. Daje izói cai duícuai afémie oni orede.” Daí Isaías llote.

*Jesudo jáiacadino bie izói trediaioi  
(Lc 9.57-62)*

Afe mei jorai fuédamo illa llezica,

<sup>18</sup> diga comini Jesús abido nágafene gairíllana cíoillano, afémie “Mai jorai ruicáfenemo cai jai,” daide.

<sup>19</sup> Iemo ocuica uai llófueráima Jesumo billano daide:

—Llófueráima, nana o jáiacana diné odo jáiacadicue, —daide.

<sup>20</sup> Jira Jesús ie uai ote:

—Nana jazici rílleníai uái úífireillino ite. Daje izói caifodo féedinuiái uái íaioi ráiillino ite. Mei íadi Nanoide fíma Jitódicueza, dáanori uái cue illino íñede, —daide.

<sup>21</sup> Iemo jáíe ie llófuegamacimona dáamie íena daide:

—Odo jáiacadicue, mei íadi fueñe cue ore cue moo túille dinó cue ílleza, íemo íena ráiacadicue; afe méifomo odo jáitícue, —daide.

<sup>22</sup> Jira Jesús ie uai ote:

—Mai cuedo bi. Juzíñamuimo náfueñedino túide izóidimaci; mai mei jadíe ua túitimie afémaci ráilleza. O cuedo bi, —daide.

*Jesús jairifo naa jorai bagua diga llúcaitate  
(Mr 4.35-41; Lc 8.22-25)*

<sup>23</sup> Ie mei Jesús naa ie llófuegamaci diga áillue nocaedo jáidiaioi.

<sup>24</sup> Afe mei jorai ruicáfenemo jáidiaioimo, daa jamánomo riírede jairifo náidacailla. Afe jairífoimona jorai bagua afecae acónillaina íbáiacade izoide. Mei íadi afe llezica Jesús inide.

<sup>25</sup> Iemona ie llófuegamaci ie cazítatíai. Cazítajano íena daidíai:

—¡Ocuíraíma, cai jllotal! ¡Ja buízaidicaíza! —daidíai.

<sup>26</sup> Jira afémie uai ote:

—¿Nibái mei íere jacínaitiomo? ¡Omoi nai figo íñoñediomo! —daide.

Iemona afémie náidacaillano jairifo naa jorai diga lletade. Daí ie daina llezica jorai bagóñeno uái ite.

<sup>27</sup> Iemona afécaemo ítímiái caimare fáigacaidíai. Fáigacaillano daidíai:

—Bie mei, ¿níie come? ¡Bímie daina uaina jairifo naa jorai diga ínote! —daidíai.

*Gerasa éniemo ite fiénide jóríai úicaiga íaillinoi rafue  
(Mr 5.1-20; Lc 8.26-39)*

<sup>28</sup> Afe mei Jesús jorai enéfenemo Gerasa éniemo dúcidemo, mena íima raíáfuaímona Jesús diné bite. Afe íaillinoi fiénide jóríai úicaiga. Afe íaillinoi jamánomo jacire illáirede. Afedo jóide iodo buna jáinide.

<sup>29</sup> Jesús afe íaillinoi lleta llezica caíllíoidiaillinoi:

—Jesús, Juzíñamui Jitódíoa. ¿Nibái mei cócomo jíricaidí? ¿Nai aferui dúcíñedemo benó coco duere fínuaíbitío? —daidíai.

<sup>30</sup> Afe llezica afe ánori tóica meróníai güítíai.

<sup>31</sup> Jira afe fiénide jóríai Jesumo izire jicádíai:

—Bie come íaillinoimona jino cai o oréadi, táinomo oréñeno baie meróníaimo cai oreri, —daidíai.

<sup>32</sup> Jira Jesús íaioina daide:

—Mai afénomo omoi jai, —daide.

Afe fiénide jóríai afe íaillinoimona jino billano meróníaimo jaide. Afe mei afe meróníai jorai arimo ite íconido jabida jóraimo cocídíai. Afénomo coróbaizidíai.

<sup>33</sup> Iemona afe meróníai úíñotino jacinaillano botádíai. Jófuego dúcillano nana aféfuíai llotíai. Daje izói fiénide jóríai úicaiga íaillinoimo fínócafue llotíai.

<sup>34</sup> Iemona nana afe jofue comini Jesús illánomo jáidiaioi. Afémiena cíoillano, afe íaioi éniemona oni jáíllena izire jicádíai.

## 9

*Jesús tizitaitimie jillotate*

*(Mr 2.1-12; Lc 5.17-26)*

<sup>1</sup> Afe mei Jesús áillue nocaemo ana jaillano jorai enéferaimo ruica jaide. Iemo dama ie jófuego dúcide.

<sup>2</sup> Afénomo tizitaitimie Jesumo atidiaioi, naa ie bírallu diga. Afémaci ínuana Jesús cíoillano, iráredimiena daide:

—Cue izíruigamie, mai caimare ii, mei omo ite fiénidifuiái jae dógaza, —daide.

<sup>3</sup> Jira ocuica uai llófuetinomona dáarie comeci anado daidiaioi: “Bímie baie jíaimie fiénidifuiái dóina dáinado Juzíñamuina icírítade.”

<sup>4</sup> Jesús afémaci comécido dáinana onóillano daide:

—¿Níbái mei fieni omoi comeci facádiomo?!

<sup>5</sup> Mei daí daina ménade uáimona ¿níie uai iere llotáinina? Afe ménade uai be níie: O fiénidifue muiñócaza. Iemo jíáie uai bie izóí daina: Náidacaillano, maca. (Iraie uai jamánomo llotáirede, mei omoi eróicana íficaideza.)

<sup>6</sup> Ie jira Nanoide fima Jitódicueza, bíniemo cue illa llezica, comínimo ite fiénidifue cue muiñolle ríino jino ómoimo cíotaiticue, —daide.

Afemona afe tizitaitimiena Jesús daide:

—Mai náidacai, náidacaillano o bírallu líinota o jofomo jai, —daide.

<sup>7</sup> Afemona tizitaitimie náidacaillano, ie jofomo jaide.

<sup>8</sup> Nana comíní áfena cíoillano iere jacínaitiaioi. Afemona Juzíñamuimo ñúefuena nitádiaioi: “Mei Juzíñamui áillue ríino bie cómemo fecádeza,” daidiaioi.

*Jesús Mateo uáidote*

*(Mr 2.13-17; Lc 5.27-32)*

<sup>9</sup> Jesús afénomona oni jaide. Jaillano Mateo dainámiena ciode. Afémie gobierno íbátaga úcube líinoraíma. Ie jira afe úcube oránomo ráiide. Jesús íena daide:

—Mai cuedo bi, —daide.

Ie jira afe Mateo náidacaillano iedo jaide.

<sup>10</sup> Afe jíáiruido Jesús naa ie llófuegamaciri jofo eromo íaioi güilla llezica, aillo jíáie úcube líinofiredino naa jíáie fiénidino dáanomo güítiaioi.

<sup>11</sup> Mei íadi Fariséuai áfena cíoillano afémie llófueganomo jicánotiaioi:

—¿Níbái mei omoi llófuetime úcube líinofiredino diga naa fiénidinori güite? —jicánotiaioi.

<sup>12</sup> Afena Jesús cacáillano, íaioina daide:

—Íociredino iránidino daje izóí manóriraimana jítaíñediaioi, mei jíáfodo iráredino manóriraimana jítailla.

<sup>13</sup> Bie jaíai Juzíñamui Cuegáuai dáinana omoi onóizairi. Afe be níuui: “Conímana omoi duéruillena daje izóí cuena omoi duéruillena jítaídícue. Mei íadi omoi fatá cuemo fia fecaca rílleniai jítaíñedícue,” daide. Ie jira dani ñúemacina abi mamédinona uáiduaíbiñedícue, mei jíáfodo fiénidino íaioi comeci ífue méidollena biticue, —daide Jesús.

*Iaioi fímairillena Jesumo jicánotiaioi*

*(Mr 2.18-22; Lc 5.33-39)*

<sup>14</sup> Afe mei Juan Bautístado jáidino Jesumo dúciillano jicánotiaioi:

—Mei cai bie fariséuai diga ¿níbái fímairitagacai, mei íadi o llófuegamaci fímairíñediaioi? —daidiaioi.

<sup>15</sup> Jira Jesús uai ote:

—¿Airena rafue llezica áfemo uáidogano, meita zúurenari güinidiaioi? Daí íñédeza; ringo otímie íaioi cigimo illa llezica caimare güítiaioi. Mei íadi ringo otímie íaioimona báiruuaíbillirui dúciite. Aféruido comeci zúurenari güíñeítiaioi. Ringo otímie izóí birui cuedo jíacadino cigiri itícueza, —daide.

<sup>16</sup> Jesús nane jíáie onótatífue lloite:

—Jaca ninomo dáamie tífoñegaroiomona jaitada jácaie incúiuromo nitáñediaioi. Daí nitáadi afe cómoroi jácaroina fieni finode; mei nai jócoñega cómoroi jofo jainánuamona jácaroimo ite cúaidinona aillo oni cuatácana jaide.

<sup>17</sup> Daje izóí comue vino jácara igorai finoína iciru izoide raamo totánide. Dámie daí totáadi afe comue vino afe jácara icírúna eroide raana cúataite. Afemona afe iciru naa vino diga táinomo fáifite. Iemona comue vino comue igorai finoína icírúna eróidemo jónefíregá.

Iemona afe naga ñue éenoga. (Afe bie dainado Jesús ie comue llófueinafue, íemo íaioi jaiaí llófuegafue dáanomo ínonide, dáanomo náfuenide, íaioimo llófuete.)

*Jairo jiza íemo jáingo Jesús iniroi jétabítingo Jesús jillotate*  
(Mr 5.21-43; Lc 8.40-56)

<sup>18</sup> Jesús bífuiaido úrilla llezica, judío illaíma Jesumo dúcide. Dúciillano, afémie anamo fueco dine bíjicaillano daide:

—Cue jiza ja tíide, mei íadi o bíllaza, mei aféngomo o onoi bítaíbiri afengo jilloilleza, —daide.

<sup>19</sup> Afe jira, Jesús náidacaillano afémie diné jaide naa ie llófuegamaciri.

<sup>20</sup> Afémie iodo jailla llezica, jáie iráredingo afémiemo bite. Afengo afe irárenamona doce diga fimona dícotaita. Jesús comini cígido rillire jailla llezica, afengo Jesús jinófene dinena ie iniroi fueda jétabite.

<sup>21</sup> Mei afengo comécido daide: “Daa ie iniroi cue jetáadi jilloiticue,” daide.

<sup>22</sup> Iemona Jesús meine abido gírecaillano aféngona cíoiillano daide:

—Ízruigango, caimare o iri. O ínuamona ja jilloioza, —daide.

Daií daina llezica afengo jillode. Afemona afengo ja íocirede.

<sup>23</sup> Jesús illaíma jofomo dúcia llezica, aillo comini come tíllari cáillicaili éediaioi. Afe llezica jáímaci toticai zuure fúudiaioi.

<sup>24</sup> Jesús áfena cíoiillano daide:

—Benómona oni omoi jai. Afeza tíñedeza fia inide, —daide.

Afémie dainari comini íemo zadáidiaioi.

<sup>25</sup> Mei íadi Jesús afémacina jino orede. Oriano jofa jaide. Jofa jaillano afe tídingo ónoído líinote. Líinua llezica afengo caifo náidacaide.

<sup>26</sup> Iemona Jesús finócafue nana afe éniemo itígobiaido jica jalleide.

*Jesús mena uínidímie jillotate*

<sup>27</sup> Afénomona Jesús jáidemo, mena uínidímie ie ódana caillícana bite. Daidíaiillinoi:

—Davidmona comuidímie Juzíñamui oreca Mesía ímie, mai cócomo dúecai, —daidíaiillinoi.

<sup>28</sup> Afe mei Jesús jofa eromo jáidemo, afe íaillinoi Jesumo dúcide. Iemo Jesús íaillinoína daide:

—Cuemo ómicoi jicácafueña finóredicueza ¿meita ínotiomicoi? —daide.

Jira afe íaillinoi daide:

—Ocuíraíma, jii ínoticoco, —daidíaiillinoi.

<sup>29</sup> Iemona Jesús íaillinoi ui jetánota daide:

—Ómicoi ínua dieze, ómicoimo cómuíteza, —daide.

<sup>30</sup> Daií ie daina llezica, íaillinoi ui ñue cíoide. Afe mei Jesús íaillinoína riire daide: “Bie ómicoimo cue finócafue bumo lloñoeno ómicoi iri,” daide.

<sup>31</sup> Afena afémie rairuide íadi, afe íaillinoi jino billano, nana afénomo Jesús ui mánuana llócadiaillinoi.

*Jesús uáinidímie jillotate*

<sup>32</sup> Afe mei Jesús afénomona jáidemo, fiénide joríaí úcaiga uáinidímie, Jesumo atídíaioi.

<sup>33</sup> Iemona Jesús afe fiénide joríaí jino orede. Afemona uáinidímie ja úrite. Aferi comini caimare fáigacaillano daidíaioi:

—Bie izóidifuena jaca Israel nairaí cígimo cíóñedicaí, —daidíaioi.

<sup>34</sup> Mei íadi fariséuai daidíaioi:

—Jesús dama fiénide joríaí illaíma ríinodo afe úcaigamie fiénide joríaina jino orede, —daidíaioi.

*Jesús comínimo dúecaide*

<sup>35</sup> Afe mei Jesús nana aféniemo ite jófuiaimo naa onífedo itícuaído llófuaide. Afénuaímo ite Juzíñamui uai llófueriracuaído llófuete. Afémie Juzíñamui illáimana illarui ñuera rafue llocana uite. Iemo nana jáíforiedemo izi cácade iráredinona jillotate.

<sup>36</sup> Meita nana daií itínona cíoiillano, afémacimo Jesús dúecaide, mei úíñoñegano izóidiaioi. Ie jira oni ráiide ovéjaiaí izóidiaioiza. Afémaci duere finócaiaioi, daje izóí duere zefuide buna ráiruifnegano izóí itíaioi.

<sup>37</sup> Afemona Jesús ie llófuegamacina daide:

—Uáfueza, jacáfaimo ite raa ailla llezica jofa óitino íñena izóí, birui Juzíñamui illáimana illánomo jofa órega comini aillo ite. Mei íadi afémaci jofa óitino figo íñede. (Afe jofa óitino jáímacimo ñúefue llóitino.)



<sup>38</sup> Ie jira jacafai Naama izóidimiemo jáie ñúefue llóitimacina omoi jicari, afémaci afémie oréllena.

## 10

*Jesús doce dígamie ie oni oréllino nizede*

*(Mr 3.13-19; Lc 6.12-16)*

<sup>1</sup> Afe mei Jesús doce dígade ie llófuegamaci uáidote. Uáiduano fiénide jóríai comínimona oni orelle ríino íaioimo fecade. Daje izóí nana jáíáforiede duico ogano jíllotalle ríino afémacimo fecade.

<sup>2</sup> Be afe doce dígadímaci oni oréllino mámecíai: Nánoramie Simón, dáamiena Pedro daina, íemo ie ama Andrés, íemo Zebedeo jíto íaillíno: Santiago Juan diga,

<sup>3</sup> íemo Felipe, íemo Bartolomé, íemo Tomás, íemo gobierno íbátaga úcube llínoraima Mateo, íemo Alfeo jíto Santiago, íemo Lebeo dáamie mámece Tadeo,

<sup>4</sup> íemo Iere Járídotimacimo jáináidímie Simón, íemo uire Jesús fécaítímie Judas Iscariote.

*Jesús ie llófuegamaci jáígobiaimo llófuellena orede*

*(Mr 6.7-13; Lc 9.1-6)*

<sup>5</sup> Jesús bie doce dígamiena ie oréacana llezica íaioi táijille izóí llote. Daide:

—Judíoñedino éniemo omoi jáíñeno iri. Daje izóí Samaria éniemo ite jófuaíimo jáíñeno iri.

<sup>6</sup> Mei jáíáfodo Israel náiraimo ovejai féirailla izóí féiraitinomo omoi jáiri.

<sup>7</sup> Monamo ite Juzíñamui illáimana illíruí áinozillana llocana omoi uiri.

<sup>8</sup> Íraredínuaí omoi jíllotairi. Tíidínuaí meine abído omoi cáatari. Daje izóí íáire chíínaitimíaina ñue omoi finori. Daje izóí comínimo ite fiénide jóríai jino oreri. Bie izóí omoi táijille ríinona raíñóñeno ómoimo fecádicue, íemona áfedo jáíamacina raíñóñeno omoi canori.

<sup>9</sup> Jabe omoi jaille llezica úcubena uíñeno iri.

<sup>10</sup> Omoi cirítico uíñeno iri. Jaca daa o abímo jíidíroi diga jáiri. Daje izóí ídaí icona uíñeno iri, íemo jáíí macara jigüida uíñeno iri. Mei jáíamacina omoi cánua jira, áfemo táijiraima jaca raíñóñeno écafíregaza.

<sup>11</sup> Omoi jáillinomo ite comíni jófueomo omoi dúcia llezica, ñue ínofiregamie illano omoi jeno. Afénomo nai oni omoi jáíñeille dño uái omoi iri.

<sup>12</sup> Jofo jaillano, afémaci ñue daí uáidori. “Caimare uái omoi iri,” afémacina daíri.

<sup>13</sup> Afe jofo comíni caimare omoi llínoiadi, omoi afémaci ie ñue mameca uai afémacimo fiébiteza. Mei íadi omoi daina uaina afémaci náfueñenia, afémacimo omoi mameca ñue uai abído ómoimo bíteza.

<sup>14</sup> Mei íadi afémaci ómoína llínoacañenia, daje izóí omoi llógamo cacáreacañenia, afe jófómoma, daje izóí afe jófuemona oni omoi jái. Omoi jailla llezica omoi éibamo ite íaie afémacimo teténocairi. Afedo íaioi comécimo ite íaifue nai íaioímo illana ónoítiaíoi.

<sup>15</sup> Mei ua ómoína dáíticue, íuraicaíño ríire jicánollíruimo dúcina llezica, bie ómoína ruífruite comíni, Sodoma Gomorra diga jofue comíni duere zefuilla baimo, íere duere finólliaíoi.

*Cristo ícoínia duere cai zefuillífue*

<sup>16</sup> Omoi cacai. Ovejai illáirede jazíci jico cígímo óría izóí ómoína orédicue. Jaio abí rairuilla onona izóí abí omoi onoiri. Mei íadi afe llezica fáiciri illáienina izóí omoi iri.

<sup>17</sup> Ñue abí omoi rairuiri, mei comíni jabóidíllainímo ómoína fécaítiaíoi. Juzíñamui uai lloraco eromo omoi fáitiaíoi.

<sup>18</sup> Íemo ríillainímo, daje izóí jamánomo ocuídíllainímo cue ícoínia ómoína uítiaíoi. Íemo afe omoi íaioi úilledo afe illáinímo cuedo úritímoí. Daje izóí afe judíoñedinomo cuedo úritímoí.

<sup>19</sup> Mei íadi illáicomínímo omoi íaioi uille llezica, “¿Ñíie izóí úritícaí?” dáinamo comeci faíñeno iri; daje izóí “¿Ñíie uailaí llóítícaí?” daíñeno iri. Mei omoi úrille llezica, Juzíñamui ómoína úritaiteza.

<sup>20</sup> Afe llezica dani omoi comeci izóí úríñeítímoí. Moo Juzíñamui Ñuera Joreño ómoído úrilleza.

<sup>21</sup> Afe llezica comíni dani íaioi nahí ámana Crístomo ínotímiena illa jira, jáíamacimo íena fállena fécaítiaíoi. Daje izóí móotíai dani íaioi Crístomo ínote jítoítai fállena fécaítiaíoi. Íemo jáí jítoítai dani íaioi móotíaido éoícana eróítiaíoi, íemo íaioína títaítiaíoi.

<sup>22</sup> Nana comíni cue ícoínia ómoído éoícana eróítiaíoi. Mei íadi fuillínomo fáicanocaiñeno ñue ínoicaítímie dama jíllote.

<sup>23</sup> Daa jofue comini omoi duere finóadi, jáie jófue mo omoi jairi. Mei ua ómoina dáititue, nana Israel jófuiaido nai omoi jáifñenia úicodo raire dúciitue; mei Nanoide ima Jitó Cristodicue.

<sup>24</sup> Llófuegamacimona llófuetimie baimo jamánomoidimie ñede. Daje izói ocuífregamie ie ocuúdimie baimo ocuúide.

<sup>25</sup> Llófuegamie ie llófuetimie illa izói írede. Daje izói ocuífregamie ie ocuúdimie illa izói írede. Jofo naama izóidicueza, Beelzebú daina Taife mámece cuemo íaioi jítáadi, jofo ero úruiai mámece dájena jítaitiaioi. Iemo afe úruiaia cue baimo fiene úritiaioiza.

*¿Ñimienajacíruiédicai?  
(Lc 12.2-7)*

<sup>26</sup> Ie jira cominina jacíruiñeno iri. Mei nana báinino daina uailla jino uáfodo cíozite. Daje izói nana báinino itífuaiaina jino uáfodo onoille.

<sup>27</sup> Birui jítifomo úrilla izói báinino ómoimo cue llógana, uire uáfodo monari cominimo omoi lloiri. Daje izói ómoina báinino cue daina uai, comini dáanomo uáidota ficire lloiri.

<sup>28</sup> Omoi íeizi titaitinona jacíruiñeno iri; mei omoi joréñona titánidiaioiza. Mei jáifo boode iraimo cai íeizi naa cai joreño duere finótaitimienajacíruiñeno.

<sup>29</sup> Onódiomoiza mena duera ófocuzai duera úcubedo íbárega. Mei daí íaioi ráifñede íadi, afémacimona omoi Moo Juzíñamui daíñenia dácuño tiide izói ana báíñeite.

<sup>30</sup> Mei uafue, omoi ífócimo ífótirai illa dígatirai facádoga.

<sup>31</sup> Mei daíñtadeza jacíruiñeno omoi iri. Omoi, aillo ófocuíñuái baimo ráifñidomoi.

*Comini eróicana Jesuna jieruitino  
(Lc 12.8-9)*

<sup>32</sup> Comini eróicana nana cuena jieruitinona monamo ite cue Moo eróicana jieruiticue.

<sup>33</sup> Mei íadi comini eróicana cuena jáanotinona, afe izói monamo ite cue Moo uécori afémacina jáanoiticue.

*Comini cominana ruifruitatallena biticue  
(Lc 12.51-53; 14.26-27)*

<sup>34</sup> Comini dájena uái illifue binie mo lluáibiticueza daíñeno iri. Mei jáífodo dájena uái illifue lluáibíñeno, fuirilla izoide lluáibiticue.

<sup>35</sup> Cuemo ínuamona dáamie ie mo dinena íena ruifruicaite. Afe daí cue bíllamona dájena uái íñeitiaillinoi. Daje izói ei cuemo ínuua jira afengo jiza dinena ruifruibicaite. Afe daí cue bíllamona dájena uái íñeitiainguai, íemo jáí cuemo ínuamona mio ie jífaiño dinena ruifruibicaite. Afe daí cue bíllamona dájena uái íñeitiainguai.

<sup>36</sup> Iemona illa dígamie dama ie jofo ero comini dinena éoigamienna mámeitiaioi.

<sup>37</sup> Ninó daa come ie moo, ie eina cue baimo izírui, afémie cuemo dúinide. Daje izói ninó daa come ie jítone, níbai ie jízana cue baimo ie izírui, afémie cuemo dúinide.

<sup>38</sup> Iemo jáí, comini dama afémie titácanamo náfuano cuedo jáiacañedimie afémie cuemo dúinide.

<sup>39</sup> Ie jira ie cáanano rairuicadimie áfena táinomo fáifitaita. Mei jáífodo cue ícoinia ie cáanano táinomo fáifitimie afe fáifidena baimo ziiño illínona máíñoite.

*Jirídua izóidifuiái  
(Mr 9.41)*

<sup>40</sup> Iemo Jesús nai úrillano daide: Omoina caimare uáidotino, daje izói cuena caimare uáidote. Iemo cuena caimare uáidotino daje izói cuena orédimienajacímie caimare uáidote.

<sup>41</sup> Juzíñamui uai jino llóraima Juzíñamui dibéñedo bíllado afémienajacímie caimare uáidotimie, dájeze afémie jirídua izói jirídoite. Daje izói ñuemienajacímie caimare uáidotimie afe jáímie ñue íllado, afémie jirídua izói jirídoite.

<sup>42</sup> Daje izói ninó daa come cue llófuegamacimona jabóidimie mo daa due jiza mánaide jáinoina jirótaadi, afémie cuedo jailla jira, afe jirótatimie uáfueña íeiena mameca raana jirídoite, —dinori Jesús ie oréllimacimo llófue.

## 11

*Juan Bautista orécano  
(Lc 7.18-35)*

<sup>1</sup> Jesús ie doce dígade llófuegamacímie íaioi táijille izói llófuiana fuilla méifomo, Jesús oni afe éniemo ite jófuiaimo jaide, afénomo ite comini llófuellena.

<sup>2</sup> Aféruido Juan Bautista llavéracomo illa llezica afémie Jesús finócafuiaina fídide. Ie jira íedo jáidinomona dáarie Jesumo jicánuaitate.

<sup>3</sup> Jesumo dúciillano jicánotiaioi:

—¿Meita o biite Cristo dainámiedio? ¿Nibai nai jáie bíitimie úiñoredica? —daidíai.

<sup>4</sup> Jira Jesús afémacina daide:

—Omoi ciona, omoi cacana izói Juaamo omoi llujáiri.

<sup>5</sup> Bífuiái afémiemo llujáiri: Uínidino ñue ciódiaioi, macañedino macádiaioi, íaire chíinaitino íaioi chíemona ñue jacáitagaiaioi. Iemo jefona cacáñedino ñue cacádiaioi, íemo dáarie tíidino meine abido cáadinona jáidiaioi. Daje izói dúeredino jállona uaina llogáiaioi.

<sup>6</sup> Cuemo íñoñeilli uaina baiñédimie ióbite.

<sup>7</sup> Juan orécano meine abido jailla méfomo, Jesús Juaado comínimo úrite; daide:

—Mei táizicimo ¿minícana cióizaidiomoi? Nibai dáamie ie daina uaina méidofredimiena cióizafrediomoi.

<sup>8</sup> Afe izóidimiena omoi cióizaiñenia, ¿mei nie izóidena cióizaidiomoi? ¿Meita nibai ñue cóide ráifide iníroi jitáoidimie cióizaidiomoi? Onódiomoiza ráifide ñúecuiroi jitáofiredino jaca illaini jofomo ifirediaioi.

<sup>9</sup> Mei írainomo ¿minícana cióizaidiomoi? ¿Nibai Juzíñamui uai jino llórainana cióizaidiomoi? Jii. Uáfueza. Juzíñamui uai llórainana baimo jamánomoidimiena cióizaidiomoi.

<sup>10</sup> Juan baie Cuegáuai dainámie. Jaiái uícodo nai cue biñena llezica, aféuaimo Juzíñamui, afémie dibénedo cuena daide:

O bille ío ñue finóllena izói, comini íaioi comécido ñue omo jíeruillena, cue llujáitimie o uícodo orédicue.

<sup>11</sup> Uáfena ómoína dáitucue, nana comínimona ite Juzíñamui uai llórainimona Juan Bautista baimo jamánomoidimiena íñede. Mei jáífodo Juzíñamui illáimana illánomona jabóidimie Juan baimo jamánomoide.

<sup>12</sup> Mei íadi Juan Bautista bíllamona ua biruimo aillo comini rífuedo raa báirua izói, monamo ite Juzíñamui illáimana illánomo iere izire jofo jáiacadiaioi. Afe rífuedo afénomo jofo jáiacadino bie izói coméciidiaioi: “Afe illánona anáfenuano jofo jáitica,” daíí comeci facádiaioi.

<sup>13</sup> Nana Juan uícomo ite Juzíñamui uai llóraini naa Moisés lloga ocuica uai diga Juzíñamui illáimana illáruido úritiaioi. Íaioi úrilla méfodo Juan bite.

<sup>14</sup> Lemo jáífue ómoimo llóitucue. Omoi ínoiacaniadi, bífuena íñorediomoi. Naui lloga bíite Elías be níimie Juan; mei Juan Elías dainámiena bíteza.

<sup>15</sup> Mai cacáreacadino, omoi cacai.

<sup>16</sup> Lemo Jesús nai úrillano daide: Biruillaido itínona, ¿niie izói íaioína mámeiticue?

<sup>17</sup> Jofue cigi íbirimo jífanote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíñediaioi. Daje izói conímama zúurede rúado fíracadiaioi, mei íadi daje izói áfemo cacáreacañediaioi.

<sup>18</sup> Afe bie izói ómoimo ite. Mei Juan Bautista billa llezica afémie fímarillano figo güiñede, daje izói ríiji jiróñede. Ie jira “Fíñede jóríai úcaigamiedio” íena daidíomoi.

<sup>19</sup> Afe mei cue, afe Nanoide íima Jitó dainámiedicue bitucue. Billano, jáíamaci izói güitucue, íemo jiródicue. Afemona nane bie izói cuena daidíomoi: “Bímie iere güilláredimie, jéerie jíofíredimie. Fíñedino nabáidimie. Daje izói gobierno íbátaga úcube llínoraini nabáifíredimie.” Daíí cuedo úritiomoi. Comini Juzíñamui orécana bie izói fieni daidíaiói íadi, Juzíñamui baitácafue dama ie finócafuaíado jino cóozite, —dinori Jesús daide.

*Jófuiaimona dáarie Jesús uaina cacáreacañediaioi  
(Lc 10.13-15)*

<sup>20</sup> Lemoa Jesús jáie jófuiái comini íaioi íñoñena jira fueñe lletade. Mei afémie uaido daina comuide ciórainina ráamona nabene afémaci cígimo finódeza. Mei íadi afeno comini íaioi comeci ífuena nai méidoñediaioi. Afémie daide:

<sup>21</sup> —¡Corazín jofue comini níí dúerenal! Daje izói Betsaida jofue comini níí duere zefuilla! Mei íaioi cigiri cue finoca ciórainina raa, áfena Tiro comini daje izói Sidón comini cígimo naui finódicuenia, nibai raire jaiái uícodo íaioi comeci ífuena méidotiaioi. Uafue íaioi comeci ífuena méiduamona, ja diga fimona jaide. Afe llezica zúunaia jitáfírega jíitroi jitáacadiaioi. Daje izói aféruimo íaioi zúunailla jino ácatallena jízefo ífomo jutáacadiaioi.

<sup>22</sup> Mei jáífodo ómoína dáitucue, íraicaíño ríire jicánollruimo Tiro Sidón diga duere finóbina baimo Corazín íemo Betsaida comini duere finólliaioi, —daíí daide.

<sup>23</sup> Lemo Capernaum jofue comini Jesús lletade. Afémaci dibénedo daide:

—¿Meita íaioi íinoga jofue monamo úirede? ¿Daií comeci facádiaioi, ero ua? Mei jiáfodo íaioina daidicue, tíidino illánomo ana dotaca izóí niné táinocaitalliaioi. Mei íaioi cígimo cue finoca ciórainina raa nauí Sodoma jófuemo finódicuenia, afe jofue nai biruimo nia ite.

<sup>24</sup> Mei íadi jiáfodo Capernaum comínina dáiticue, íraicaíño riire jicánolliruimo Sodoma comini baimo jicánolliaioi, —aquie izóí Jesús íaioina lletade.

*Cuomo billano omoi ocózinairi  
(Lc 10.21-22)*

<sup>25</sup> Aféruillaido Jesús daide:

—Mona Ocuíraima Moo Juzíñamui, omo ñúefue jóoneiticue, mei Juzíñamui dibénedo onóigafuiai úrue izoide, comécina níifuenide jamai comínimo jino cíotatioza; mei íadi bínie ráfuena baitádinomona aféfuiai o retáidoga.

<sup>26</sup> Jíi, Moo, mei o daií jitáidioza.

<sup>27</sup> Jesús nai úriode: Cue Moo, nana uafue onóigafuiai ja cuemo llotio. Moo Juzíñamui, o Jitódicue, mei íadi buna uáfodo cuena ñue onóñena. O cue Móodioza, dama o ñue cuena onódio. Daje izóí buna uáfodo ona ñue onóñena. Cue, o Jitódicueza, dama ona ñue onódicue. Iemo jiái daje izóí o Jitó onótaacagano ñue ona ónoitiaioi.

<sup>28</sup> Iemo comínina daide: Omoi ñúefuiai finóacanamona zefuínaitino cue diné omoi bi; íemo jiái fiénidifue ábiana méeruitino daje izóí cue diné omoi bi. Omoína ocózinaitaiticueza.

<sup>29</sup> Mai cue diga táijifirena izóí ñúefuina finóllena omoi onoiri; mei omoi diga táijifiredicueza. Afe dájena táijinana cüemona omoi onoiri. Mei comécina járidoñedicueza. Daje izóí comécina mánaidicueza. Afemona omoi comeci uái ocózinailinona báitomoiza.

<sup>30</sup> Omoi diga cue tájinana féinide. Daje izóí ómoimo cue ocuillafue jaca ómoína zefuitaíteite, —dinori úrite Jesús.

## 12

*Jesús llófuegamaci ocózinailaruimo trigo ímoiai dícoiano otá güitíaoi  
(Mr 2.23-28; Lc 6.1-5)*

<sup>1</sup> Aféruído Jesús naa ie llófuegamaciri ocózinailaruído trigo ritino jacafai cígido macade. Afe llezica ie llófuegamaci iere juffinaillano, trigo ímoiai otá güitíaoi.

<sup>2</sup> Afena fariséuai cíollano Jesuna daidíaoi:

—Ero, o llófuegamaci ocózinailaruimo rairuírede tájijnamo tájijidiaioi.

<sup>3</sup> Mei íadi Jesús íaioina daide:

—¿Omoi íco jaíai illaíma David finócafue cúegana facádoñediomoi? Afémie naa ie nabáíñiari iere juffinaitiaioi.

<sup>4</sup> Afe llezica Juzíñamuimo gairíracomo jofo jaillano rairuica panes otá güitíaoi. Mei íadi afe páaniai afémiemona rairuírede, daje izóí ie nabáíñiaimona rairuírede. Afe pan dama lletáriraini güírede.

<sup>5</sup> ¿Mei nane jiáie Moisés ocuica uai cúegana facádoñediomoi? Afénomo daina: Juzíñamui gairíracomo tájijide lletáriraini, ocózinailaruimo ocózinaiñediaioi, mei daií íaioi illa fiénidifueñede.

<sup>6</sup> Mei ómoína dáiticue, birui benomo afe gairíraco baimo jamánomoidimie ite.

<sup>7</sup> Bie jiáie Juzíñamui Cuegáuai llógana nai onóñediomoi. Afe be níuui: “Fatá fia fecaca rille baimo cuena izíruillena jitáidicue.” Búuina omoi onóadi níifuenta finóñedinona “Duere cai finótalli” dáiiñeitiomoiza.

<sup>8</sup> Mei uáfueza, ocózinailarui Nanoide íma Jitó Cristo dainámie ocuilla uai anamo ite.

*Omoína llirídimie rafue  
(Mr 3.1-6; Lc 6.6-11)*

<sup>9</sup> Afe mei Jesús afénomona jaide. Jaillano Juzíñamui uai llorácomo jofo jaide.

<sup>10</sup> Afeco eromo ónoína llirídimie ite. Afe comini Jesumo fiénidifue jitállena jenódiaioi. Iemona afémiena jicánodoidiaioi:

—¿Meita iráredimie ocózinailaruimo jíllotarede? —daidíaoi.

<sup>11</sup> Jira Jesús afémaci uai ote:

—Ómoimona daa cómemo oveja íadi, afe oveja ocózinailaruimo ifomo baííadi ¿meita caifo óñega?

<sup>12</sup> Mei uafue, daa come oveja baimo jamánomo ráifide. Afemona ñúefue íinuana ocózinailaruimo rairuíñega.

<sup>13</sup> Iemona Jesús afe iráredimiena daide:

—O onoi jino zúita, —daide.

Jira ie onoi zúitamona, enéfene izóí ñuera.

14 Iemona fariséuai jino jaillano, Jesús fállena mamérizaidiaioi.

*Jaiai uai llóraima Jesudo daina uai como zuilla*

15 Aféfuena Jesús fidíllano, afénomona oni jaide. Ie jailla llezica aillo comini afémiedo jaide. Iemo Jesús nana iráredino jíllotate.

16 Afe llezica afémie íaioina llotátañede: “Cue bie izói íllana bumo lloñeno iri,” íaioina daide.

17 Bie izói zuide jaiai uai llóraima Isaiás lloga uai ñue ícoimo fuitállena. Afe uai be ñue:

18 Bímie nizada cue oga ocufiregamie.

Afémiena iere izíruiticue, íemo afémieri iere íóbidicue.

Cue Ñuera Joréñona afémie úicaitaicue.

Afémie cue mameca jaícina jóidifuiaina náiraimo jino llóite.

19 Afémie ríifuedo llóñeite.

Daje izói cáillicaiilli úriñeite.

Iemo jíai jofue cigi macáraodo ie uaina cácañeille.

20 Comécina náinidinona ruifiruiñede. Afémie íaioi comécina náiretaite.

Daje izói dúiacade uillide mechera meine abido omoi boota izói, afe izói jabo ínnote comini afémie fáicanocaiñeite. Fáicanocaiñeno ñue íaioina ínnotaite.

Afe ícoimo nana duéredinona fáicanocaiñeitemo afémie jaícina illáimana illíruimo dúciite.

21 Iemona nana náiraiái afémiemo ocúritiaioi.

*Taife ríino Jesumo illa afémiemo jítdiaioi*  
(Mr 3.19-30; Lc 11.14-23; 12.10)

22 Afe mei únidimie Jesús diné atídiaioi. Afémie fiénide jóriai úicaiga úrinidimie. Afémiena Jesús jíllotate. Iemona afémie ja ciode, daje izói ñue úrite.

23 Ie jira nana comini áferi caimare fáigacaillano daidíaiói:

—¿Meita afe be ñimie jaiai illaima Davidmona comuítagamie? —daidíaiói.

24 Fariséuai áfena cacáillano daidíaiói:

—Bímie fiénide jóriai illaima Belzebú dainámie ríinodo afémacina jino oréfiredo, —daidíaiói.

25 Jesús daií íaioi comécido dánana onóillano íaioina daide:

—Ñinó daje náiraina ite comini conima diga fuiríadi, afe nairai ráidoizillano niné táinocaite. Daje izói daje jofue comini eneno ráidoiziadi, afe jofue are íñeite. Iemo jíai daaco ero comini eneno ráidoiziadi, afémaci are íñeite.

26 Iemo daje izói, mei Satanás dama íemo jaináidino jino oréadi, dani Satanás mairíidino oni énenorie jáitiaioi. Mei íemona afémie ocuille ríino íñeite.

27 Omoi cuena: “Belzebumo ite ríinodo fiénide jóriai jino oréδιο,” daidíomoi. Afe omoi daina uáfuedenia, jíáifue ómoimo jícánoiticue. ¿Mei bu ómoído jáidino fiénide jóriai jino orelle ríino iga? Ie jira dani afémaci ñue onóñeno taino omoi llua jino cíotatiaioi.

28 Mei jíáfodo Juzíñamui Ñuera Joréñodo afe fiénide jóriaina jino orédicue. Iemo bifue bie izói daiíacana: Juzíñamui illáimana illarui ja ómoimo dúcide.

29 Mei uáfueza, ríiredimiena fueñe o máíñenia, ¿ñie izói dáamie ie jofomo jaillano ie jofu ero ráaiena bairóredio? Bairónidino. Nano fueñe afémie máirede. Ie mei ie ráaiena bairórede. (Afe daií Cristo Taifena jaca anáfenorede.)

30 Cue dibéneto íacañedimie cuena uáitate. Cue diga dájena táijiñedimie, cue raana oni jutádimie izoide, mei afémie jíáimaci cuena ínnotañedeza.

31 Ie jira ómoína dáititue, naga come ie finoca fiénidifue, Juzíñamuimo jícaadi dórede; daje izói nana ie úrilla fiénidifue dórede. Mei íadi ninó dáamie Juzíñamui Ñuera Joréñona íaire dáíadi, afe uai jaca dónide.

32 Iemo jíai ninó dáamie Nanoide Iima Jitó Crístona íaire dáíadi, afe afémiemo ie lloia dórede. Mei íadi Juzíñamui Ñuera Joreño jánana fiení úritimie afe ie úrilla íaifue birui dónide. Daje izói uire jaca ninomo dónide.

*Naga amena ie llizíllajido onórena izói, daje izói naga come ie úrillafuíaído ónorede*  
(Lc 6.43-45)

33 Ñuera aménamona ñuera ráajina llizide. Daje izói fiénide amena jaca fiení llizide. Mei uáfueza naga amena ie llizíllado ónorede.

34 Jaio izóidinodiomoi. Ja fiénidinodiomoiiza ¿ñie izói ñue úirediomoi? Mei uáfueza, cai fue cai comécimo jebuide raado úrite.

35 Ñuera come ñúefuedo úrite, mei ie comécimo ñúefue íllaza. Daje izói fiénidimie fiení úrite, mei ie comécimo fiénidifue íllaza.

<sup>36</sup> Iemo nane ómoina dáitícue, íraicaiño Juzíñamui caimo riire jicánolliruimo, nana ráiruiñega fiēni cai úrilla uai, daje izói abi cai ráiruiñena úrilla uai diga, jáanoñeno “jí” daíredicai.

<sup>37</sup> Mei uafue, o úrilla dieze Juzíñamui omo izire jicánoiteza. Jáimiena “O náifuenidimiedio” dáite; ie mei jáimiena “Dama o ícoinia daí itio,” dáite.

*Fiēnde comini ciórainina raa finóllena Jesumo jicádiaioi*  
(Mr 8.12; Lc 11.29-32)

<sup>38</sup> Afe mei fariséuaimona dáamierie Jesuna daidiaioi, daje izói Ocuica Uai llófuefiredino diga:

—Llófueraima, ciórainina raa o finuana cióacadicai, —daidiaioi.

<sup>39</sup> Jira Jesús afémaci uai ote:

—Bigima fiénidino botade jiruiredingo izoide ja Juzíñamuina zófetiaioi. Iemo ciórainina raa cuemo jicádiaioi. Mei íadi nauí Juzíñamui uai llóraima Jonás onótagafue baimo jáifuenta llóñeilliaioi.

<sup>40</sup> Mei Jonás daaruíamani íemo daámami naio afe áillue chamu eromo illa izói, afe izói Nanoide íma Jitó Cristo énie anamo daaruíamani íite, daje izói daámami naio.

<sup>41</sup> Jaiai Nínive jófueimo ite comini bigima comínimo riire jicánolliruimo bimácimo fiénidifue jítaitiaioi. Mei Nínivemo ite comini Jonás Juzíñamui uai íaioimo llua llezica íaioi comeci ífuenta méidotiaioiza. Mei íadi birui benomo Jonás baimo jamánomoidimie ite.

<sup>42</sup> Daje izói sur dibénemo jica ite nairai illaingo, bigima comínimo riire jicánolliruimo, bimácimo fiénidifue jítaite, mei afengo jica énie fuédamona Salomón comeci onóigafueimo cacáreizaibiteza. Mei íadi birui benomo Salomón baimo jamánomo baitádimie illa.

*Jino oreca fiēnde jóriaí meine dáamieimo bite*  
(Lc 11.24-26)

<sup>43</sup> Jesús nai llícaíñeno úrite: Fiēnde jóriaí cómemona jino jáiadi, táiziciaido ie uái illino jenócana uite. Ie uái illino baiñénamona bie izói comeci facade:

<sup>44</sup> “Meine abido cue billa cómemo jáitícue,” daide. Afe jóriaí meine afe cómemo bítemo, jofó taico izoide baizáibite. Daje izói rafode ñue finócaco izói baizáibite.

<sup>45</sup> Iemona afémie siete diga jamánomo afémie baimo fiēnde jóriaí uájide. Afémaci nana afe cómemo jofó jáidiaioi. Afemona afe come nauí ie fiēnina baimo birui jamánomo fiēnde. Afémieimo illa izói, afe izói ómoimo íficaite, mei bigima fiénidigimaza.

*Jesús ei naa ie ámatiairi*  
(Mr 3.31-35; Lc 8.19-21)

<sup>46</sup> Jesús nai comínimo úritemo, ie ei naa ie ámatiairi dúcide. Afémaci jofó jinófecomó itíaioi. Afémie diga úriacadiaioi.

<sup>47</sup> Afe llezica dáamie Jesuna daide:

—O ei, o ámatiairi jino benomo itíaioi. Afémaci o diga úriacadiaioi, —daide.

<sup>48</sup> Mei íadi Jesús afe lluaíbitimiena daide:

—¿Mei bu cue eina? Daje izói ¿mei bu cue ámatiaina? —daide.

<sup>49</sup> Daí dainamona afémie llófuegamacina fueo uidánote. Uidánuano daide:

—Bimaci cue eina, daje izói bimaci cue ámatiaina.

<sup>50</sup> Mei ninó dáamie monamo ite cue Moo comeci jitailla izói finódimie bie come cue ámana, daje izói cue miríngona, daje izói cue eina, —daí Jesús afémacina daide.

## 13

*Afémaci onótaitē ríjifredimie rafue*  
(Mr 4.1-9; Lc 8.4-8)

<sup>1</sup> Afe monado Jesús jofómoma jino jaillano, jorai fuédamo ráinazaide.

<sup>2</sup> Iemo afémie illánomo aillo comini ofilla jira, afémie bai nocaemo ráiizaide. Afe llezica nana comini fuédamo fiébidiaioi.

<sup>3</sup> Mei áfemona diga ráfuiaina afémaci llófue. Afémaci onóiga izóidedo afémie íaioi llófue. Daide:

—Jacáfaimo rífredimie rizájilla.

<sup>4</sup> Ricana ie uilla llezica, afe júdaica íjiaimona dáarie iomo baíide. Baíilla mei ofocuíñuai gúzáibitiaioi.

<sup>5</sup> Ie mei jáijiai énie figo íñena noficiaimo baíide. Aféjiai raire zicode, mei afe énie líaídeza.

<sup>6</sup> Iemo jáinaonideza jítoma egáíñuamona, zafénaillano tíidiaioi.

<sup>7</sup> Ie mei nane jiáijai éegiai cígiri cocídino. Afe éegiai móonaillamona aféjiai íracotaillano tíidiaioi.

<sup>8</sup> Mei íadi jiáijai ñuera éniemo baiide. Aféjiai ñue ailla. Dáaride cien diga llizíllajiai comuítate. Jiáiri sesenta diga llizíllajiai comuítate. Iemo jiáirimo treinta dígaji comuide.

<sup>9</sup> Bíemo cacáiacadino mai cacai.

*Nibái mei bie comini onoiga izóidedo úrilla, Jesús jino lloste*  
(Mr 4.10-12; Lc 8.9-10)

<sup>10</sup> Iemona ie llófuegamaci billano Jesumo jicánotiaioi:

—¿Nibái mei cominimo íaioi onoiga izóidedo úritio? —daidiaioi.

<sup>11</sup> Jira Jesús uai ote:

—Monamo Juziñamui illáimana illirui uáfodo ónoñega ráfuiaina, afémie ómoína onótate. Mei íadi baie comini áfeniaina ónotanidiaioi.

<sup>12</sup> Mei ua, Juziñamuina iere onócadimiemo ie báitaja baimo jiáiena írede. Iemona afémiemo aillo íte. Mei íadi Juziñamui dibénedo onóacañedimiemona íemo ite due jiza onónana bairórede.

<sup>13</sup> Ie jira afémacimo íaioi onoiga izóidedo úriticue. Mei afémaci ñúefuena ciódiaioi, mei íadi nai cíoñedino izóí itíaiioiza. Daje izóí cacádiaioi, mei íadi nai cacáñedino izóí itíaiioi.

<sup>14</sup> Mei áfemona Juziñamui uai llóraima Isaías afémacina jicana daina uai ñue ícoimo fuilla. Be níuui:

Omoi uáfodo cácaitiomoi mei íadi afe dáinana ónoñeitiomoi.

<sup>15</sup> Mei bimaci comeci ríredinona abido jaide.

Daje izóí afémaci figo cacácañediaioi.

Afémaci ui ibaica izóí ite. Dái itíaiioi íaioi uído cíoñeillena, íemo jiái íaioi jefodo cácañeillena; daje izóí íaioi comécido ñúefuiai ónoñeillena.

Iemona íaioi cue jillotalena abido cuemo bínidiaioi, daí Isaías daide.

<sup>16</sup> Mei íadi dani omoi uído omoi ciónamona, daje izóí dani omoi jefodo omoi cacánamona íobidinodiomoi.

<sup>17</sup> Uáfueña ómoína dáititue, diga Juziñamui uai llóraimi bie omoi ciónana ciócadiaioi, naa aillo jiáie ñue comíniri. Mei íadi áfena cióñediaioi. Daje izóí bie omoi cacánana cacácadiaioi, mei íadi cacáñediaioi.

*Jesús ríjifredimie rigájiai rafue ñue jino lloste*  
(Mr 4.13-20; Lc 8.11-15)

<sup>18</sup> Jira bíemo omoi cacáreiri. Rífredimie rafue bie izóí jino daide.

<sup>19</sup> Monamo ite Juziñamui illáimana illarui uaina dámie cacáadi, mei íadi afémie áfena ínoñeniadi, afémie comeci afe bie io izoide. Ji, afe rigájiai iomo baídino izoide. Afe izóí comécido jabo ie onoiga ñuera uaina Taife báruai bite.

<sup>20</sup> Afe rigájiai ní afe noficiai emódomo cocídino jana, ñúefuina raire cacáillano caimare otino coméciaí.

<sup>21</sup> Mei íadi afémaci raire zicode raa riire jaináñena izóí, Juziñamuimo afémaci figo jaináñenamona are íñediaioi. Mei íadi ñuera uai ícoimia jacire facátafuiái, íemo duere finóllena rácafuiái afémacimo comuíaí, ñúefuena fáicanocaitiaioi.

<sup>22</sup> Afe éegiai illano jana Juziñamui ñúefuena cacádiaioi ía, bínie ráaniaimo comécina fáifredino. Iere ráanaiacana afémacina jífue. Nana aféfuiai Juziñamui ñúefuena íracotailla izóí ínotañede. Iemona afe uai afémiemo ñue áide izóí íñede.

<sup>23</sup> Mei íadi afe rigájiai ní afe ñuera éniemo baídino jana bie izóí ite. Bimaci Juziñamui ñúefuena cacáillano afe uaina jeire otíaiioi, mei áfena ñue onódiaioiza. Uamona iere aite rigájiai izóí afémaci aillo ñúefuiai finófrediaioi. Afémacimona dáarie jamánomo aillo ñúefue finódiaioi, íemo jiáimaci aillo ñúefue finódiaioi. Iemo nane jiáie fia jabo aillo ñúefue finódiaioi.

*Riga trigo cígimo fiénide raróciai zícua rafue*

<sup>24</sup> Iemo nane Jesús bie íaioi onoiga izóidifue lloste:

—Monamo ite Juziñamui illáimana illarui bie izoide. Dámie ñuera íjai íe jacáfaimo rite. (Aféruillaído comini diga ráaniaí daane riñeno énenorie rítiaioi.) Bímie íe jacáfaimo jiáiena jaicuñeno daa trigo rite.

<sup>25</sup> Mei íadi naama ínia mei íe diga íciritimie trigo cígimo fiénide raróciai rizábite. Rillano oni jaide.

<sup>26</sup> Afe trigo móonaillamona ímoiaí comuilla llezica riga fiénide raróciaí cíozite.

<sup>27</sup> Afemona tájitaíregano jacafai náamamo llujáide: “Ocuráima, o rítataga caí ríganíai níbai ñuera. Mei afe cígimo fiénide ráitiaí ¿ninómoma comuide?”

<sup>28</sup> Jira afejai naama daide: “Nibai ninó cue diga icírítimie bie rizáibiga.” Mei jira afe táijitafiregamaci lena daide: “¿Afe fiénide ráitíai cai áiruailleza meita airótatió?”

<sup>29</sup> Mei afémie íaioina daide: “Dama íteza, aíñóñeno iri, mei afe fiénide ráitíai aíñódiomoinia naa trigo diga aíñódiomoiza.

<sup>30</sup> Dama trigo diga daane móonaiteza, aíñoñegania ñuera. Afe mei jofo ollíruimo, cue táijitafiregano óreiticue fueñe afe fiénide ráitíai óllena. Afe uano afe ráitíai jobaille eneno icútuaina maitátaiticue. Afe mei cue trígona éenoracomo éenotaiticue.”

*Mostaza daina riga raa íjiai rafue*  
(Mr 4.30-32; Lc 13.18-19)

<sup>31</sup> Iemo nane Jesús bie jíaie onótaitífue llote:

—Monamo ite Juzíñamui illáimana illarui mostaza daina riga raa íjiai izoide. Dámie afe íjiai ie jacáfaimo rite.

<sup>32</sup> Uáfueza, afe íjiai nana jíaie rífiregajiai jofomo jéenide. Mei íadi móonailla llezica nana juzítófiaí caifomo are zairide. Afe llezica caífo amena dinori aillo zairide. Afemona áfena ícairuaimo feede ófocuíñuai jillaina nizáibítiaioi, —daide. (Afe izói Juzíñamuimo ínotino dúemaci íadi, jamánomo aillomacina jébuioicaitiaioi.)

*Levadura daina pan fáitara rafue*  
(Lc 13.20-21)

<sup>33</sup> Iemo nane Jesús bie jíaie onoiga izóidífue llote:

—Monamo ite Juzíñamui illáimana illarui pan aillo fáitate levadura izoide. Daa ringo daámami julleco harínana oruítajano, áfemo due jiza levadúrana tamede. Iemona nana afe íféllana mullétano oní aillo fáitate, —daide. (Afe izói diga jíáimaci Jesumo ínuamona, Juzíñamuimo jaináidino aillo jébuitiaioi.)

*Jiaíai daináuai fuitállena Jesús íaioi onoiga izóidífuaíado comínimo úrite*  
(Mr 4.33-34)

<sup>34</sup> Nana bífuaíai Jesús íaioi onoiga izóidífuaíado comínimo llote. Onótaitífue afémie llóñenia comínina ñie izói daiñede.

<sup>35</sup> Jiaíai Juzíñamui uai llóraíma daina uai ñue ícoimo fuitállena, afémie daí llófue. Afe be níuui:

Onótaitífuaíado jino úriticue.

Juzíñamui énie fínua llezícamona figo ónoñegafuaíai jino llóiticue.

*Trigo cígimo comuide fiénide ráitíai ífue Jesús jino llote*

<sup>36</sup> Afe mei Jesús nana comíni jino fíano jofo eromo jaide. Afécomo Jesús llófuegamaci afémiemo jicánuaibítiaioi:

—Jacáfaimo comuide fiénide ráitíai rafue caimo jino ñue llóiri, —daiáiaioi.

<sup>37</sup> Jira Jesús íaioina daide:

—Afe ñuera íjiai ritímie jana Nanoide íma Jitó Cristo.

<sup>38</sup> Afe jacafai jana bie énie. Afe ñuera rigájiaí jana Juzíñamui illáimana illáruimo jaináidino. Afe fiénide ráitíai jana Taífemo jaináidino.

<sup>39</sup> Afe fiénide ráitíai rizáibítimie dama Taífe. Afe llizíllajiai jofo otá éenua jana énie fuillírui. Iemo afe llizíllajiai jofo otino jana Juzíñamui abi imaci.

<sup>40</sup> Ie mei afe fiénide ráitíai jobáillena oní eneno jóonia izói, afe izói énie fuillíruimo fiénidinomo zúite.

<sup>41</sup> Aféruimo Nanoide íma Jitó Cristo ie abi imaci óreite, jíáimana fiénidífue finótatino eneno óllena, naa fiénidífue finódinori.

<sup>42</sup> Afémacina iraimo dótaite. Afénomo iere éenaitiaioi; iere izi cácaillamona murímurítiaioi.

<sup>43</sup> Ie mei Juzíñamui jitaílla izói finóidino íaioi Moo illáimana illíruimo jítoma uíeco meáire egáíña izói íaioi maíñoa Juzíñamui ebíredífueña jino cíotaitiaioi. Omoí cacáacania, cacai.

*Retáidoga ráífide raa jino onótaitífue*

<sup>44</sup> Monamo ite Juzíñamui illáimaitagamacina íacadino bie izói fínoítiaioi. Énie anamo ónonino retáidoga ráífide raa jénu izói fínoítiaioi. Ñie monado daa come afe retáidoga ráífide raa baite. Baílla mei, abido dáanomo áfena retáidote. Afe mei jofomo íóbicana jaíllano nana íemo ite raa fécajide. Raa fécajano oga úcubedo afe retáidua énie íbajide.

*Perla daina iere ráífide zíríji jino onótaitífue*

<sup>45</sup> Nane daje izói monamo ite Juzíñamui illáimaitagamacina íacadino perla jenoda fécaíredímie izói fínoítiaioi. Afémie jicado jenode.



<sup>46</sup> Iere ráifide perla daa ie baía, nana íemo ite ráaniai fécajano, ie ciona ráifidiji íbajide.

*Chamu ora llóji onótaitfue*

<sup>47</sup> Daje izói nane monamo ite Juzíñamui illáimana illarui, jóraimo dótafirega chamu ora llóji izoide. Afe llóji nana jíáforiede chámuna ote.

<sup>48</sup> Afe llóji oruilla llezica, facódino oni fuédamo jainácana uite. Afénomo raináillano, ñuera chamu diga nizédiaoi. Fiénidino oni dótano ñuera chamu íaioi cirígaimo iráidiaoi.

<sup>49</sup> Afe izói énie fuillíruimo comínimo íite. Juzíñamui abi imaci billano ñúemaci fiénidimacimona oni eneno ofítaite.

<sup>50</sup> Iemo fiénidinona iraimo óreite. Afénomo iere éenaitiaoi. Izi cácanamona murímuritiaoi.

*Comue ráifide raa naa jácaie diga*

<sup>51</sup> Afe mei Jesús íaioina jicánote:

—¿Meita omoi nana bífuiaina onódiomoi? —daide.

Jira afémaci daidiaoi:

—Jii, Ocuíraima onódicai, —daidiaoi.

<sup>52</sup> Iemona Jesús íaioina daide:

—Cue ocuica uaina ñue llófuefiredimie, monamo ite Juzíñamui illáimana illirui dibénedo llófuia llezica bie izói íficaide. Aillue jofo naama ie éenoga ráamona comue raa jino úana onode. Iemo jíáruído jácara raa mei íadi nai ñuera raa, jino úana onode. Afe izói afe ñue llófuefiredimie nana ie onógafuíaímona cue cómfue naa jaiai lloga jácafue diga jino llúana onode, —daide.

*Jesús Nazaret jófuego jaide*

(Mr 6.1-6; Lc 4.16-30)

<sup>53</sup> Jesús nana bie jino ñue onótatifuiaí llua méifomo dama ie éniemo jaide.

<sup>54</sup> Dúciizaillano afénomo ite Juzíñamui uai llorácomo llófue. Aferi comíni caimare fáigacaidiaoi. Daidiaoi:

—Bímie ¿ninómona diga ráfuiaina onode? Bie ciórainina raa ¿ñie izói finode?

<sup>55</sup> Bímie baie rabíciamo tájífiredimie jító. Ie ei María. Daje izói afémie ámatiaí Santiago, José, Simón, Judas benomo cairi ite.

<sup>56</sup> Daje izói ie miríngotiaí cai cígimo itíaioi. ¿Mei ninómona nana bífuena onode? —daidiaoi.

<sup>57</sup> Iemona afémie llógamo náfueacañediaoi. Mei jira Jesús íaioina daide:

—Nana jíámaciaí Juzíñamui uai llóraimana jíéruitiaoi, mei íadi dama ie comuállano comíni íena jámairuitiaoi, daje izói naa ie jofo ero comíniri, —daide.

<sup>58</sup> Ie jira afénomo ciórainina raana aillo finóñede, mei afémaci afémiemo íinoñediaoiza.

## 14

*Juan Bautista túlla*

(Mr 6.14-29; Lc 9.7-9)

<sup>1</sup> Aféruillaído Galilea énie ocuídillaíma Herodes, Jesús jalléinana fidide.

<sup>2</sup> Fidiano ie diga itínona daide:

—Bímie túllamona meine abido cáadimie Juan Bautista. Iemona afémiemo ciórainina raa finolle rúno ite, —daide.

<sup>3</sup> Mei jaiai nano Herodes Juaana maitá llavéracomo uitátate. Mei nauí Herodes ie ama Felipe aí Herodías danango aina ote. Ua mei, Juan Heródesna riire lletádeza. Ie lleta jira íena llavétate.

<sup>4</sup> Juan daina uai be ñie:

—O bie ringo o aí izói uícainidio, —daide.

<sup>5</sup> Daií daina jira Herodes Juaana fáiacade. Mei íadi comínina jacíruite, mei “Afe Juan Juzíñamui dibénedo úrífiredeza,” daidiaoi.

<sup>6</sup> Afe méifodo, Herodes ie jocóinamona jíáie fimona fuilláruimo dúcide. Aféruído ie cumpleaños rafue finua llezica, iráizillena llogano eróicana Herodías jiza bai zaizáijide. Afengo záillana Herodes iere ebíruite.

<sup>7</sup> Afena iere gáanamona Herodes riírede uaido daide:

—Nínó o jíacácanana rairuíñeno íredicue, —daide.

<sup>8</sup> Iemona afengo ei uícodo llua izói Heródena daide:

—Juan Bautista ífoci plátomo jóoneta cuemo atí, —daide.

<sup>9</sup> Aferi ocuídillaíma Herodes zúucaide. Mei íadi uícodo riírede uaido dáinana nana iráizillena llogano cacádiaoi. Jira jíáifodo méidoñeno nano fueñe ie daina izói ocuide.

<sup>10</sup> Iemona llavéracomo llaveca Juan ífócina jaitátate.

<sup>11</sup> Afe mei jáitano plátomo jóoniano aféngomo izájidiaioi. Afe méifodo afengo afe ifócina ie imo ite, afengo Juan ua tíllana onóillena.

<sup>12</sup> Afe mei afe Juan diga jáicadino uillano ie abi raíajidiaioi. Afe mei Jesumo llujáidiaioi.

*Jesús cinco mil comini ecade*

(Mr 6.30-44; Lc 9.10-17; Jn 6.1-14)

<sup>13</sup> Jesús Juan fáajana fidíillano dama ruica táinomo nocaedo jaide. Mei íadi comini ie jáillana fidíillano naga jófuiaimona ie illánomo arido jáidiaioi.

<sup>14</sup> Iemo Jesús afe nocáemona ari jailla llezica, diga comini ofillana ciode. Cíoillano íaioimo dúecaide. Afémiemo atica iráredinuiaina jílolate.

<sup>15</sup> Ja nauizailla llezica ie llófuegamaci afémiema daiízaibitiaioi:

—Ja nauide. Benomo buna íñede. Nana comínina mai jófuemo oreri, afe áinori ite dúegobiaimo íaioi güille íaioi íbajillena, —daiidiaioi.

<sup>16</sup> Jira Jesús afémacina daide:

—Afémaci nai jáinidiaioi. Afémaci dani omoi eca, —daide.

<sup>17</sup> Jira afémaci uai otiaioi:

—Cinco diga páaniai, íemo mena chamu afe baimo jáiéna caimo íñede, —daiidiaioi.

<sup>18</sup> Jira Jesús íaioina daide:

—Mai áfena cuemo ati, —daide.

<sup>19</sup> Afe mei nana comínina daide: “Ráitíai emódono ana omoi ráii,” daide. Afe llezica Jesús cinco diga páaniai mena chamu diga llíinota, monamo érocaillano Juzíñamuina “Figora” daide. Daií daina méifodo Jesús afe pan ditada ie llófuegamacimo ite, afémaci nana comínimo fecállena.

<sup>20</sup> Afe güillano nana comini ñue jeírediaioi. Íaioi güilla mei, güiga állana ie llófuegamaci doce cirigai oruítatiaioi.

<sup>21</sup> Afe güitino cinco mil diga íñiaí. Iemo afe baimo ringóniaí naa úruiairi fácadoñega.

*Jesús jainoi emódodo macade*

(Mr 6.45-52; Jn 6.16-21)

<sup>22</sup> Afe mei Jesús ie llófuegamacina daide: “Mai ifódino ruica enéferaimo nocaedo omoi jairi. Afe llezica bie comini ráinoiticueza,” daide.

<sup>23</sup> Comini ráinua mei Jesús caifónedumo dama Juzíñamuimo úrizaide. Nauízailla llezica Jesús afénomo dama ite.

<sup>24</sup> Afe llezica íaioi jailla nocáe bai dáaferaimo ite. Mei íadi jorai bagua meine íaioina ñuitáñuitade. Afe llezica jairifo meine íaioina fúuoide.

<sup>25</sup> Como monáioicaidemo Jesús jainoi emódodo afémaci diné macácana jaide.

<sup>26</sup> Afe jainoi emódodo jáillana cíoillano, caillíoidiaioi. “Janaba billa,” dainano iere jacínaitiaioi.

<sup>27</sup> Mei íadi Jesús íaioina daide:

—Cueza, jacínaiñeno omoi íri. Abí omoi mame, —daide.

<sup>28</sup> Jira Pedro afémiema daide:

—Ocuíraima, mei ónia, o illánomo mai jainoi emódodo cue mácata, —daide.

<sup>29</sup> Jira Jesús íena daide:

—Mai mei bi, —daide.

Iemona Pedro nocáemona ana jaillano jainoi emódodo Jesús diné macácana jaide.

<sup>30</sup> Mei íadi jairifo riire jáiñua cacáillano abi jácidote. Afe llezica afémie ja anábiaacade. Anábaioicailla llezica afémie caillide:

—jOcuíraima, íñédicueza, cue llíino! —daide.

<sup>31</sup> Daií daina llezica, Jesús ónoído llíinota daide:

—jÑíi o due íinua! ¿Ñibái mei o íinogafuena fáicanocaidio? —daide.

<sup>32</sup> Nocaemo caifo íaillinoi jailla llezica, afe jairifo llíicaide.

<sup>33</sup> Iemona afécaemo ítino, Jesús anamo dújuillano íena daide:

—Uáfuenta, Juzíñamui Jitódioza, —daiidiaioi.

*Jesús Genesaret éniemo ite iráredino jílolate*

(Mr 6.53-56)

<sup>34</sup> Jorai ruica jáitajano Genesaret éniemo dúcidiaioi. (Afe énie jáífodo mameina Galilea.)

<sup>35</sup> Iemo afeno comini ñue afémiema onónamona, nana afénomo itígobiaimo comínana fidítatiaioi. Afemona afénomo ite iráredinuiaina Jesumo atíidiaioi.

<sup>36</sup> Daa afémie ínucuro fueda jetánollena izire jicáidiaioi. Iemona nana ie ínucuro fueda jetádino jillodiaioi.

## 15

*Cómena íaire finode raa**(Mr 7.1-23)*

1 Afe mei dáarie Jerusalémona bite fariséuai naa ocuica uai llófuefiredinori Jesumo jicánuaibitiaioi:

2 —¿Nibái mei o llófuegamaci cai uzútiai daina uaina oni caitáfirediaioi? Mei afémaci fiénidíue múiñua jana, nai güiñena llezica onoi jócuana finóñediaioiza, —daidíaioi.

3 Mei afe ibana Jesús íaioimo jicánote:

—¿Mei nibái omoi Juziñamui riire ocuica uai oni caitáfirediomoí dani omoi jaiiai daina uaimo náfuellena?

4 Mei Juziñamui caina daide: “O moo o ei diga caimare omoi uícairi. Dámie ie moona ie ei diga íaire dáia, afémie túiteza,” daide.

5 Mei jiáfodo daiífirediomoí. Dámie ie moona ie ei diga bie izói daiírena dáifirediomoí: “Moo, ona canónidíue, mei nana cuemo ite raa Juziñamuimo fecállena cue mamécaza.”

6 Iemo ninó dáamie daií dáiiadi, ie moo ie ei diga canolle afémiemo dúiiñede, daií daiífirediomoí. Daií omoi dánamona Juziñamui ocuica uai jámairutadiomoí, dani omoi jaiiai daina uáillaimo náfuellena.

7 ¡Comeci diné ráatailla mei, abina ñue cóidinodiomoí! Jaiiai Juziñamui uai llóraima Isaías ie cugánicomo omoi dibénedo uáfodo úrite. Be afe uai:

8 Bie comini fia fuedo cuemo ñúefue mamédaioi, mei íadi íaioi comecei diné íairedeza, cuemo jaináñíede.

9 Diga ebírede ráfuiado cuemo caimátaidaioi íadi, afe caimátailla ráfiñede, mei afémaci jiámaci llófuia jamai come ocuica uáillaiza.

Isaías Juziñamui daináuai bie izói cuete.

10 Afe mei comini uáidota Jesús íaioina daide:

—Cacáillano ñue omoi onóiri.

11 Come fuedo jofo jaide raa afémiena íairetañede. Mei jiáfodo come fuémoma bite uai, afémiena íairetate, —daide.

12 Afe jira ie llófuegamaci Jesuna daiízaibitiaioi:

—¿Meita onódioza, o daina uáillaina cacáillano fariséuai icíritiaioi? —daidíaioi.

13 Mei íadi Jesús jiáfodo uai ote:

—Naga Juziñamuimo uáfuenta jaináñíedimie monamo ite cue Moo riñega raa izóidiaioi. Afémaci come gaiñega riga raa naa jáinaori aiñólle izói táinocaitalliaioi.

14 Afe baie fariséuai dama daiítadiaioiza; áfemo lloñeno. Mei afémaci unídino izóidino. Iemo afe llezica jáie unídino ifódiaioi. Unídimie jáie unídimie ifóadi, nágaillinoi dáafomo báitillaillinoi, —daide.

15 Jira Pedro Jesuna daide:

—Bie uai jino caimo fémino llone, —daide.

16 Jira Jesús jicánote:

—¿Omoi jiái nai onóñediomoí?

17 ¿Onóñediomoiza, fuedo jofo jaide raa jébegeoimo jaide; afe mei abímona jino faiga?

18 Mei íadi come fuémoma jino bite uallai ana comécimona comuide. Afe bie uallai dama afémiena íairuitade.

19 Mei diga íaifuiái come comécimona comuide. Fieni comecei fácafuiái comuide. Daje izói daje comécimona jiáima fáiacanafuiái comuide. Iemo jiáima ai diga íacanafue come comécimona comuide, naa jáie iere jiruénafuiairi. Iemo jiái merírrillafuiái come comécimona comuide. Daje izói táinona úrilla uallai, naa jiáimana íaire daináuallairi come comécimona comuide.

20 Afe bifuiái cómena iere íairuitanona orede. Mei íadi fiénidíue múiñua jana onoi jócuana finóñeno dáamie güiadi, áfena cómena íaifueredimiena oréñede, —daide.

*Jicánemaci ringo Jesuna ínote**(Mr 7.24-30)*

21 Afénomoma Jesús oni jáie éniemo jaide. Afénomo Tiro jofue Sidón jofue diga ite.

22 Afénomo Canaán énie ingo Jesús diné caillícana bite:

—Cai ocuífiredé jaiiai illaima David comuítagamie, cuemo dúecai. Cue jiza fiénide jóriai uícaigaza, iere duere zefuide, —daide.

23 Mei íadi Jesús aféngona ñue izói daiíñede. Mei jira ie llófuegamaci íemo izire jícaibitiaioi:

—Mai ie uai fáirio, mei cai méifodo duere caillícana bíteza, —daidíaioi.

24 Jira Jesús daide:

—Juziñamui dani Israel náiraimona oni féiraite ovejai izóidino mameda orede, mei afémaci Juziñamui lloga uaillai jeire onédiaioiza, —daide.

<sup>25</sup> Mei íadi afengo Jesús diné billano afémie anamo dújude. Dújuillano afémiemo jicade:

—¡Ocuíraima, mai cue cano! —daide.

<sup>26</sup> Jira Jesús aféngona daide:

—Uruiái izoide Judíuai ónoimona pan bairoda jicóniaí izoide jicánemacimo illa fiénide, —daide.

<sup>27</sup> Mei afengo jaca nai daide:

—Cai Ocuíraima, jii uáfueza, mei íadi jicóniaí naama güigamona ana baiide íruaina güífirediaioi, —daide.

<sup>28</sup> Mei jira Jesús aféngona daide:

—O ico iere ínotioza. Cuemo o jícaze, daií íteza, —daide.

Daií daina llezica afengo jiza jíllode.

*Jesús aillo iráredinuiái jíllotate*

<sup>29</sup> Afénomona Jesús oni jaillano Galilea jorai fuédado jaide. Afe mei caifónedu ícoimo ráiizaide.

<sup>30</sup> Iemo afémie illánomo aillo comini gairilla. Afe jáidino diga jáíforie iráredino uitíaiói. Afémiemo idainidino atídiaioi, íemo unidinuiái, íemo uáinidino, íemo ónoinidinuiái, íemo diga jáíe iráredino afémiemo atídiaioi. Dieze átiano Jesús anamo jóonetiaioi. Iemona afémie nana afémacina jíllotate.

<sup>31</sup> Afe afémie fínuari comini caimare fáigacaidiaioi, mei eróidiaioimo uáinidino úritiaioiza. Iemo ónoinidino ñue jíllodiaioiza. Iemo ídainidino ñue macádiaioiza. Iemo unidino ñue ciódiaioiza. Iemona Israel nairai Juziñamuimo ñúefue nitádiaioi.

*Jesús cuatro mil dígade comini ecade*

*(Mr 8.1-10)*

<sup>32</sup> Afe llezica Jesús ie llófuegamaci uáiduano daide:

—Bie comínimo dúecaídícue. Ja daruíamani benó cue diga itíaióiza. Iemo íaiói güíllena ja íñede. Afémacina íaiói jofomo ecáñeno oréacañedicue, io anamo íaiói zafénaiza daií, —daide.

<sup>33</sup> Iemo ie llófuegamaci íena daídiaioi:

—Mei benomo comini jofue íñedeza, bie aillo comini ecállena ¿ninómona óiticaí? —daídiaioi.

<sup>34</sup> Jira Jesús afémacimo jicánote:

—¿Omoímo niga páaniaí íte? —daide.

Jira afémaci daídiaioi:

—Siete diga pan íte íemo due chámuna íte, —daídiaioi.

<sup>35</sup> Afe mei nana comínina: “Ana omoí ráii,” daide.

<sup>36</sup> Daií daina méífomo siete dígade panes naa chamu diga llíinota, Juziñamuina “íere figura” daide. Afe mei ditada, ie llófuegamacimo íte, afémaci nana comínido fecállena.

<sup>37</sup> Afena nana güitíaiói. Íaiói güílla mei nana ñue jeírediaioi. Afe mei íaiói güiga állana siete diga cirigai orúttatiaioi.

<sup>38</sup> Afe güitino cuatro mil dígadímaci. Afe baimo ringóniaí naa úruiairi fácadoñega.

<sup>39</sup> Afe mei Jesús afe gairide comini rainode. Ráinua mei ana nocaemo jaillano oni Magdala éniemo jaide.

## 16

*Fariséuai naa saducéuai diga ciórainina raa fnóllena jicádiaioi*

*(Mr 8.11-13; Lc 12.54-56)*

<sup>1</sup> Fariséuai naa saducéuai diga Jesumo eróizaidiaioi. Iemo afémie fiení facátallena monámona comuide ciórainina raana fnótaacadiaioi.

<sup>2</sup> Mei íadi afe llezica afémie jáífodo uai ote:

—Nauíacana llezica mona jáíairena uire jiti ñue mónaite daiífirediomoi.

<sup>3</sup> Iemo jítiramo dibénemo mona jáíaire nairíadi, bie mona fiénite, daiífirediomoi. ¡Comeci jáíairena mei, jino abi diné ñue cóidinodiomoi! Uire jítiramo ñue mona monaille lloste raana ñue onódiomoi. Mei íadi birui omoí cígimo cue finoca onótatífuiaína onóñediomoi.

<sup>4</sup> Biruido íte ínoñede fiénidino ciórainina raana fnóllena jicáfirediaioi. Mei íadi nauí Juziñamui uai llóraima Jonásmo zúidífue íaiói onótatífue. Afefue baimo jáíífuena llóñeílliaioi, —daide.

Daií daina mei, afémacina fáicanocaillano Jesús oni jáínomo jaide.

*Fariséuai taino llófrenafue levadura daina pan aillo fáitate raa izoide*  
(Mr 8.14-21)

<sup>5</sup> Jesús llófuegamaci jorai ruícafenemo jailla llezica, pan féideza uifnédiaioi.

<sup>6</sup> Afe mei Jesús íaioina daide:

—Ero, fariséuai naa saducéuaimo ite levadura daina pan aillo fáitate raa izóidemona abí omoi rairuiri, —daide.

<sup>7</sup> Mei jira llófuegamaci dani conímána daidíaiói:

—Nibai pan cai atíñena jira afémie daí daide, —daidíaiói.

<sup>8</sup> Jesús áfena comécido onóillano daide:

—¿Nibái mei páanidicai daidíomoi? ¡Omoi ico nai figo íinoñediomoi!

<sup>9</sup> ¿Nai cinco páaniai dítda cinco mil comini cue écamo jaca uíbcáiñediomoi? ¿Nai áfena ñue onóñediomoi? Aféruído fiébidinona ¿niga cirigai oruitatiomoi?

<sup>10</sup> Iemo daje izóí siete dígade páaniai cuatro mil comínimo cue fecá mei ¿niga cirigai fiébidinona iráidíomoi? ¿Afemo jíái daje izóí uíbcáiñediomoi?

<sup>11</sup> ¿Minícamo jizídíomoi levadúrado cue úrillana nai onóñena? Nai fariséuai, naa saducéuaimo ite levadúramona abí omoi rairuiri cue daina uaina jamai paando úríñedicue; jíáífue llotícue.

<sup>12</sup> Afemona ie llófuegamaci ie dáinana ñue onódiaioi. Pan aillo fáitate levadúramona abí rairuúllana lloñédeza. Mei jíáífodo fariséuai naa saducéuai jino lloga taino llófuiamona abí rairuíredeza.

*Pedro Jesús Crístona jino jáicina llote*  
(Mr 8.27-30; Lc 9.18-21)

<sup>13</sup> Afe mei Filípomo dúide Cesarea éniemo Jesús dúcina llezica, ie llófuegamacimo jicánote:

—Cue Nanoide íima Jitódicueza. Afe dibénena ¿ñie izóí comini daidíaiói? —daide.

<sup>14</sup> Jira afémaci daidíaiói:

—Dáamierie “Bie Juan Bautista” daidíaiói, jáíamaci “Bie Elías” daidíaiói, íemo nai jáíamaci “Nibai Jeremías, nibai jíáíe Juzíñamui uai llóráima,” —daidíaiói.

<sup>15</sup> Mei jira Jesús daide:

—Omoi ¿mei ñie izóí cuena daidíomoi? —daide.

<sup>16</sup> Jira Simón Pedro uai ote:

—Juzíñamui nizeca Cristo dainámiedio. Daje izóí caade Juzíñamui Jitódio, —daide.

<sup>17</sup> Jira Jesús afémie uai ote:

—Jonás jító Simón, o íere íóbidio. Mei ailli o daina uai cómemona omo llóñegaza. Mei jíáífodo monamo ite cue Moo Juzíñamui omo lloga.

<sup>18</sup> Ona Pédrodio dáitícue. Mei jae cuena o daina uai ríírede oni dotánide nofici izóideza. Iemona afe bie ríírede nofici izoide uáitanide dáinamo cuemo ínotinona comuítaticue. Iemona titáfírede ríino cuemo ínotinona anáfenóñeite.

<sup>19</sup> Iemo jíái monamo ite Juzíñamui illáimana llano naze zuitáfírena llave izoide raa omo ítícue. Iemona bíníemo o rairuícafuena, daje izóí monamo ráiruiteza. Afe izóí bíníemo o ráiruínegafuena monamo ráiruíñelle, —dínori Jesús daide.

<sup>20</sup> Afe mei Jesús ie llófuegamacina Crístona ie íllana bumó jino llotátáñede.

*Jesús ie tíille llote*

(Mr 8.31-9.1; Lc 9.22-27)

<sup>21</sup> Aféruimona Jesús Jerusalemo ie jáizaillena ie llófuegamacimo jino uáfodo llote. Íaioina daide: “Jerusalemo cue dúcille mei ocuífírede éicomini, naa lletáriraini illáiniri, íemo jíái ocuica uai llófuefíredínori nana íere cuena duere fínoitiaioi. Omoimo llotícueza cuena títaítiaioi, mei íadi daruíamani íllemona meine abído cáadímiena ítícue,” daide.

<sup>22</sup> Afe jira Pedro Jesús bai uíllano íena lletade. Daide:

—Ocuíraíma cacai, Juzíñamui afe izóí gáíñede. ¡Aféfuiai jaca omo zúíñeiteza! —daide.

<sup>23</sup> Mei jira Jesús oni gírecaíllano afémiena daide:

—Satanás uícaigaoza. Cúemona oni jai; cue llótáidotoíza. Juzíñamui comeci faca izóí o comécina facáñedio. Jamai come comeci faca izóí o comécina facádío, —daide.

<sup>24</sup> Afe jira Jesús ie llófuegamacina daide:

—Nínó dáamie cuedo jáiacania dama ie comeci jítaíllana féítarede. Féítano cuedo jáirede. Afémie cuedo jailla ícoínia tíidena, afémie áfena izíre óñide.

<sup>25</sup> Mei nínó dáamie ie cáananona rairuícadímie áfena táinomó fáíftaíte. Mei jíáífodo cue ícoínia ie cáananona táinomó fáíftímie afe fáífidena abído máíñoite, jaca nínomo zúíñoia ie íllena.

<sup>26</sup> Mei daa come nana bínie ráaniai aillo náamataadi, íemo afe llezica dama ie comeci afémie táinocaitaiadi, nana ie maiñoca ráaniai afémiena jillotañeite. Mei daa come ie comécina çnieze ibárede?

<sup>27</sup> Mei uáfueza, Nanoide ñima Jitódicueza. Cue Moomo ite ebíredinuiái naa ie abi ímáciri uire bíticue. Iemona illa dígamie íaiói finócaza fécaiticue.

<sup>28</sup> Uáfueña ómoina dáitícue, benó cue diga itínomona dáarie nai tíñíetiaíoimo illáimana cue billana çioitiaíoi, —daide.

## 17

*Jesús abi jiáifo méidoficaide*  
(Mr 9.2-13; Lc 9.28-36)

<sup>1</sup> Seis dígarui jailla mei, Jesús Pedro, Santiago, Juan diga uite. Dígamie dani eneno iere caifónedumo uite.

<sup>2</sup> Afénomo íaiói eróicana ie abi jiáifo méidoficaide. Ie uieco jitoma izói queníficaide. Daje llezica ie inícuro jamánomo úzereficaide. Luz egáñua izói úzere.

<sup>3</sup> Afe llezica, Moisés, Elías, Jesús diga úrillana ciódiaíoi.

<sup>4</sup> Jira Pedro Jesuna daide:

—Cai Ocuíraima, ñi cai benó caimare cai illa. O jitáiadi daámari jofóchupi benó cai nilli; daa óochupi, jiáie Moisés ie, íemo jiáie Elías ichupi, —daí daide.

<sup>5</sup> Daí Pedro úríoina llezica, iere quenírede mona ero uíllie, íaiói ferínocaiide. Afe uílliemona da uai cácaide. Afe uai daide:

—Bie iere cue izíruga Jitó. Afémiemo omoi cacáreiri, —daide.

<sup>6</sup> Afe uaina cacáillano ie llófuegamaci éniemo fueco diné bíjicaidiaíoi. Afémaci iere jacínaitiaíoi.

<sup>7</sup> Afe méfomo Jesús íaíoina jetánota daide:

—Jacíruiñeno caifo omoi náidacai, —daide.

<sup>8</sup> Afemona érocaidiaíoimo, ja buna cióñena. Dama Jesús ciódiaíoi.

<sup>9</sup> Afe iduaimona fei íaiói billa llezica, Jesús afémaci ocuide:

—Bie omoi çiona rafue bumo lloñeno iri. Nanoide ñima Jitódicueza, tíillamona nai meine abido cue cáañeille dinó lloñeno omoi iri, —daide.

<sup>10</sup> Iemona ie llófuegamaci Jesumo jicánotiaíoi:

—¿Nibái mei ocuilla uai llófuerañi Elías raire uícodo bírena, daíírediaíoi? —jicánotiaíoi.

<sup>11</sup> Jira Jesús uai ote:

—Uáfueña Elías fueñe bille. Billano naga ráaniaina ñue fínoite.

<sup>12</sup> Mei íadi: “Elías ja bite” ómoina daidicue. Mei bimaci afémiena onóñediaíoi. Afémiena onóñenamona afémaci comeci óiacana izói afémiena finódiaíoi. Iemo birui Nanoide ñima Jitódicueza, afe izói cuena duere zefuítaitiaíoi, —daide.

<sup>13</sup> Iemona ie llófuegamaci, Jesús Juan Bautístado íaíoimo úrite, comécido daidiaíoi.

*Jesús fiénide jóríai uícaiga jitócomena jíllotate*  
(Mr 9.14-29; Lc 9.37-43)

<sup>14</sup> Idumona ana comini illánomo bitíaíoimo, dámie Jesús anamo dújuzaibite. Dújuzaibillano daide:

<sup>15</sup> —Cai Ocuíraima, mai cue jítomo dúceai. Fiénide jóríai íena naíllatíredede. Aferi afémie iere duere zefuide. Afémie diga ícaño iraimo baííredede; jiáíruido illemo baííredede.

<sup>16</sup> Benomo o llófuegamacimo cue atica, mei íadi afémaci afémiena jíllotaniaíoi, —daide.

<sup>17</sup> Jira Jesús uai ote:

—¡Aíiii! ¡Ñiñena jamánomo íñofinidiomoi! Ñífueña jámairuitiomoi. Omoi ñue cue rairuñllena, çñie dinó omoi cígimo íredicue? Afe jítócome cuemo ati, —daide.

<sup>18</sup> Atia mei, Jesús afémiemo ite fiénide jóríai izire rairuide. Rairuñllano jino orede. Afe daíí daina llezica, afe jítócome jíllobicaide.

<sup>19</sup> Afe mei Jesús llófuegamaci bai eneno Jesús diga úrite; jicánotiaíoi:

—¿Mei nibái cai afe fiénide jóríai orénidicai? —daidiaíoi.

<sup>20</sup> Jira Jesús íaíoina daide:

—Omoi nai figo íñoñediomoiza, afe fiénide jóríai nai jino orénidiomoiza. Uáfueña ómoina dáitícue, ua due omoi íñoiadi iere juáredifuena finórediomoi. Omoi íñoñogafue mostaza íji jamánomo dúena izoide íadi, áfedo iere juáredifuena fínoitiomoi. Bie áíllue caifóneduna “Oni jai” o daííadi, afedu oni jiáinomo jáite. Uáfueña omoi íñoiadi, jánaideza finónide raa ómoimo íñeite.

<sup>21</sup> Mei íadi bie izoide fiénide jóríai dama cai güíllena güíñeno fimairillado íemo jíái Juzíñamuimo cai úrillado jino orérede.

*Jesús nane ie tíille dáanomo jino llotte*  
(Mr 9.30-32; Lc 9.43-45)

<sup>22</sup> Galilea éniédo íaíoi macácailla llezica, Jesús ie llófuegamacimo ie tíillifuena íaíoi mo llotte; daide:

—Nanoide Hima Jitódicueza, nairai duere finóllena uillicue.

<sup>23</sup> Afe mei cuena títaítiaíoi. Mei íadi daruíamani íllamona meine abido cáadimiena íitucue, —daide. Aféfuena cacáillano iere zúucaidiaíoi.

*Juzíñamuimo gairíracomo dúide úcube Jesús ibade*

<sup>24</sup> Jesús naa ie llófuegamaciri Capernaum jófuego dúcidiaíoi. Dúcina llezica, Juzíñamuimo gairíracomo dúide úcube jicáfiredino Pédro mo jicánuaidiaíoi:

—¿Omoi llófueraima afe raiñoca úcube íbaíñete? —jicánotiaíoi.

<sup>25</sup> Jira Pedro:

—Jíi, íbaite, —daide. Afe mei Pedro jofo jailla llezica, Jesús fueñe Pédrone daide:

—Simón, ¿ómona níe izóí cóide? Bínie íllaini ¿níe comínimo úcube jicáfirediaíoi? ¿Meita daní ie comínimo? ¿Mei jíáfodo jicánemacimo? ¿Níe comínimo? —daide.

<sup>26</sup> Jira Pedro:

—Jicánemacimo, —daide.

Iemo Jesús íena daide:

—Íe jira daní ie comíní íbánidiaíoi. Iemona afe ailli omo íaíoi jicaca raiñoca úcube íbánidicue, ¿ero ua? Jíi, íbánidicue.

<sup>27</sup> Mei íadi bu cai ícífíllena, áfena íbaíticue. Íe jira jóraimo jaillano fácuai. Fueñe riáibite chamu o oírí. Otá íe fue eromo daa úcubetuni báitioza. Afe úcubetuni cócomo jicaca úcube záitaiteza. Afétuni uano afémacimo o íbarí, —daide.

## 18

*¿Níe come iere jamánomoina?*

(Mr 9.33-37; Lc 9.46-48)

<sup>1</sup> Aféruído íe llófuegamaci dáanomo gairíllano Jesumo jicánotiaíoi:

—Monamo ite Juzíñamui ílláimana ílláruimo ¿níe come iere jamánomoina? —daidiaíoi.

<sup>2</sup> Afemona Jesús daa jíza uáiduano íaíoi cigiri naidánete.

<sup>3</sup> Daíí ñiano daide:

—Uáfueña ómoína daidicue, omoi íllafue jamai comécina mánairede úrue ílla izóí méidorediomoi. Afe izóí omoi íñenia jaca monamo ite Juzíñamui ílláimana íllánomo jofo jáíñeitiomoi.

<sup>4</sup> Mei íadi bie úrue izoide dama íe abí jacire maméñedimie monamo ite Juzíñamui ílláimana ílláruimo jamánomoidimie. Iemo daje izóí bie nífuenide úrue ílláfueña dama íe ílláfueña méidotimie, afémie jamánomoina.

<sup>5</sup> Daa come cue mámeçido bie izoide dúeza llánoiadi afémie ja dáaruído cuena llánote.

*Fiénidifuego come baiílla íere jacírede*

(Mr 9.42-48; Lc 17.1-2)

<sup>6</sup> Níe come daa bie izoide cuemo ínote dúeza fiénidifuego baiítaidi, afémie jamánomo duere finórede. Monáíllaji íere afóredinomo íe cimoi mo áíllue nofici cuinada dotalle baímo ñuera.

<sup>7</sup> Jáíe comínina fiéni finótaoicaidino íñí dúerena! Oni níbéfodo fiénidifuego baiítífuiaí jaca ífrede; mei íadi afémie afémaci fiénidifuego baiíta ícoína afémie íñí dúerena!

<sup>8</sup> Iemona, o finócafuedo oni níbéfodo fiénidifuego o baiítadi, dama o onoi jáitaja izóí, afefue ínuana fáicanocairí. Daje izóí ninó o jáíllado fiénidifuego o baiítadi, dama o ídai jáitaja izóí, aféno mo jáíllana fáicanocairí. Mei júbene onoi diga daje izóí júbene ídai diga izóí o íllana zíñona íllánomo o jáíadi íere ñuera, mei íadi nágafezi diga, comíní duere finólliraimo o baiítadi íere figóñede.

<sup>9</sup> Daje izóí mínícamo o eróíllamona fiénidifuego o baiítadi, dama o újí cuerónota oni jica dota izóí, áfeniaimo eróíllana fáicanocairí. Mei júbene uina fídímie zíñona íllánomo o jáíadi jamánomo ñuera. Mei íadi mena ui diga comíní duere finólliraimo o dotábiadi íere figóñede.

*Oveja oni féiraila izoide rafue*

(Lc 15.3-7)

<sup>10</sup> Bie úruiaimona daaza jámairuifieno omoi iri. Mei ómoína daidícueza, afémacimo uifnote Juziñamui abi imaci, monamo ite cue Moo uiécomo jaca ifrediaioiza.

<sup>11</sup> Mei Nanoide fima Jitódicueza, oni nibéfodo féraitino jillotaibiticue.

<sup>12</sup> Omoimona ¿niie izói comeci facádiomoi? Daa cómemo cien diga ovéjaiai ia, íemo afémacimona daa oveja féraiaidi, afémie afe noventa y nueve diga ovéjaiai ie cirínoracomo fiénocaite, afe féraite oveja júnuailena.

<sup>13</sup> Afe féraite oveja bailla llezica, áferi afémie jamánomo ióbide. Ua nana jiáie noventa y nueve diga féraiféde ovéjaiai baimo, afe baiga féraitimieri jamánomo ióbide.

<sup>14</sup> Afe izói monamo ite Moo Juziñamui bie dúezaiaimona jaca daa féraitacañede.

*Cai ámatiaimona dámie omo fieni íadi, afémiena caimare uáidorediomo  
(Lc 17.3)*

<sup>15</sup> O ama omo fieni úriadi, uái daí jaillano dama afémie mo úrizairi; afémie fieni illa afémie mo ñue lloiri. Afémie áfena náfuéiadi, ja afémiena ñue cáimacaitadio. Afémie diga ñue nabáiritio.

<sup>16</sup> Mei íadi afémie áfena náfuéñeniadi o uái nábitena mena come jíiriri. Afe mei afémie mo úrizairi, mei afémie mo nana nitácafuiaí mena come nibai daámami come uái nabáifirenado záitarede.

<sup>17</sup> Mei íadi afémie afémacimo cácareacañenia, Juziñamuina innote aillo dáanomo gairídinomo lloiri. Iemo afémie afémacina nai náfuéñenia mai afémie Juziñamuimo inoñedimiena omoi mameri. Daje izói gobierno raifoca úcube iáirede jicáfiredinona omoi jámairuia izói afémiena omoi jámairuigamiena mameri.

<sup>18</sup> Uáfueña ómoína dáititue, biniemo nana omoi féitañega jiáimaci fiénidifuiaí, daje izói monamo féitañega. Iemo jiáifodo biniemo omoi féitaga jiáimaci fiénidifuiaí, afe izói monamo féitaga.

<sup>19</sup> Nane dáanomo ómoína dáititue, ómoimona ménamie bie éniemo dájena mamedá Juziñamuimo jicáadi, monamo ite cue Moo ómicoi jica izói fínoiteza.

<sup>20</sup> Mei mena come, nibai daámami come cue mámedico dáanomo gairíadi, afénomo afémaci cigimo ititue, —daide.

<sup>21</sup> Iemo Pedro Jesumo jicánote:

—Cai Ocuíraima, cue ama cuemo fieni ítena ¿nigacaiño caimare íena uáidoredicue? ¿Meita siete dígacaiño caimare íena uáidoredicue? —daide.

<sup>22</sup> Jira Jesús uai ote:

—Siete dígacaiño daifnedicue. Mei jiáifodo jamánomo aillo dígacaiño íena caimare uáidoredio. Uafue jaca ninomo o ámana caimare uáidoredio, —daide.

*Caimare uáidoiacañede tájitaifiregamie izoide rafue*

<sup>23</sup> Jesús nai úrioicaide; daide:

—Ie jira monamo ite Juziñamui illáimana illirui biniemo ite illaima finócafue izoide. Aféllaima nana ie tájitaifiregano íemo ibáacaga raana záitaiacade.

<sup>24</sup> Afe záitalle táinia mei daa tájitaifiregamie illáimamo atádiaioi. Afémie mo jamánomo aillo íballe ite.

<sup>25</sup> Mei íadi afémie úcubende. Ie jira ie ocuidimie daide: “Mai bímie, ie ai naa ie úruiai riire ocuifrellinona feca, cuemo dúide ie ibárega raa záitalleza,” —daide.

<sup>26</sup> Iemona afe tájitaifiregamie ie ocuifredimie anamo dújullano íemo izire jicade: “Cue Ocuidimie, cuemo járitaño. Fiaicana nana omo íbaiticue,” daide.

<sup>27</sup> Iemo afe ocuidimie afémie mo dúecaide. Dúecaillano afémie ibárega raa íbatañede. Afe llezica ja afémiena rairuifieno macátate.

<sup>28</sup> Mei íadi afe tájitaifiregamie oni jailla llezica, jiáie afémie izói tájitaifiregamie baizájide. Afe tájitaifiregamiemo fuéñedimie mo íbállena due ite. Ie jira ie cimoi llínota íena títaite izói finode. Afe llezica daide: “Mai cuemo íbárega raa íba,” daide.

<sup>29</sup> Iemona ie llaitádimie anamo dújullano íemo izire jicade: “Cuemo raire járitaño. Fiaicana nana omo íbaiticue,” daide.

<sup>30</sup> Mei íadi afémie áfena náfuéñeno llavéracomo íena llavétate, ie íbárega íbanelle dino.

<sup>31</sup> Jiáie tájitaigano áfena cioillano, iere zúucaidiaioi. Iemona nana afe llezica ificaillafuena íaioi ocuidimie mo llujáidiaioi.

<sup>32</sup> Iemona ocuidimie nanóidimiena jíiritade. Jírillano íena daide: “Iere fieni tájitaifiregamiedio. Mei izire cuemo jicádiaza, nana cuemo o íbárega raana dinó fáicanocaidicue.

<sup>33</sup> Omo cue dúecailla izói, daje izói o nabaimo dúecairedio,” daide.



<sup>34</sup> Afe jira afe ocuúdimie iere rúicaide. Rúicaillano ie nabaimo dúcaifñedimiena riire duere finótate, nana ie ibárega íbañelle dino.

<sup>35</sup> Bie izói dáinado Jesús ie úrillana záitate. Daide:

—Hla dígamie comécido ñue ie ámana uáidoñenia monamo ite cue Moo afe izói ómoína duere finoite, —daide.

## 19

*Íma ie ai dótajado Jesús lletade*

*(Mr 10.1-12)*

<sup>1</sup> Jesús bie uaido úrilla méifomo Galilea éniemona jaide. Jaillano Jordán imani ruícafellemo ite Judea éniemo dúcide.

<sup>2</sup> Diga comini Jesudo jailla, íemo afénomo aillo iráredinuiaina jílolate.

<sup>3</sup> Afe mei fariséuaimona dámierie Jesús zanóllena facátaibítiaioi. Afémiemo jicánotiaioi:

—¿Meita daa come ie áina fia come comeci dáinamona dotárede? Afe izoide ¿meita rairuírede? —daidiaioi.

<sup>4</sup> Jira Jesús uai ote:

—¿Jaiai Juzíñamui Cuegáuaina facádoñediomoi? Afénicomo bie izói lloste. Fueñe comini comuítatimie ringo íima diga finode.

<sup>5</sup> Nane dáanommo daide: “Bie izóidemonna dáamie ie moo ie ei diga fáicanocaite, afe ie ai diga dájena íaillinoi íllena. Iemona afe íaillinoi daade come izói íite.”

<sup>6</sup> Afemona ménañedeza, daade come izoide. Ie jira jae Juzíñamui daade come finócaza, comini oni eneno dotánide, —daide.

<sup>7</sup> Mei jira jicánotiaioi:

—¿Iemo nibái mei Moisés lloga uaimo áina dotárede daide? Dótaitimie ie dotaca aimo cuegábena írena. Afébena aféngomo íllano, afémie aféngona dotárede, —daide.

<sup>8</sup> Jira Jesús íaioina daide:

—Mei afe omoi comeci íinoacañenamona Moisés omoi ai dotállena rairuíñede. Mei íadi nanómoma daíí mámeñega.

<sup>9</sup> Cue ómoína dáititcuae, daa come ai jiruíreiñeniadi dotáadi, jíaie ringo óiadi afémie fiénide jiruífue finode. Daje izói oni dotácango otímie jiruífue finode, —daide.

<sup>10</sup> Iemona ie llófuegamaci íena daidiaioi:

—Mei o lloga ringo íima nabaina jaca íadi, ua ráfueza, ¿meita áireiñeno fia cai jáicaille iere baimo ñuera? —daidiaioi.

<sup>11</sup> Jira Jesús íaioina daide:

—Nana comini bífuena ónonidiaioi. Dama Juzíñamui onótallino bífuena ónoite.

<sup>12</sup> Íñiaimona dámierie áina ónidiaioi. Dáarie fiendi jocóinamona áina ónidiaioi. Jíáimíai comínimona finócari áina ónidiaioi. Iemo jíáimíai Juzíñamui íllámama uai llócaillena jaca áina onéidiaioi. Bie uai jeire óredimie jeire óiteza, —dinori Jesús úrite.

*Jesús úruiai ñue íllena finode*

*(Mr 10.13-16; Lc 18.15-17)*

<sup>13</sup> Afe mei úruiai Jesumo atidiaioi, ie onoi afézaimo bítano afémie Juzíñamuimo afémacido úrillena. Mei íadi ie llófuegamaci úruiai atídino rairuíde.

<sup>14</sup> Mei jíáfodo Jesús daide:

—Dama úruiai cue díne bíteza; afémaci rairuíñeno omoi iri. Mei monamo ite Juzíñamui íllámama ílláruimo jáitino bie úruiai izóidiaioi, —daide.

<sup>15</sup> Jesús afe úruiaimo onoi bítano íaioina ézicite. Eziciano oni jíáigobemo jaide.

*Ráarede jíitócome Jesús diga úrilla*

*(Mr 10.17-31; Lc 18.18-30)*

<sup>16</sup> Iemo jíáiruido daa jíitócome Jesumo úrizaibite. Dúciillano íemo jicánote:

—Ñuera Llófueraima, zííñona cue íllino cue maíñóllena ¿nie ñúefue finoiticue? —daide.

<sup>17</sup> Jesús íena daide:

—¿Níbái mei cuena ñúemiedio daidio? Dama Juzíñamui ñuena. Abi díne jíaie ñúemiena íñede. Mei jíáfodo zííñona íllínomo o jáiacania, Juzíñamui cai ocuilla uai jeire o oíri, —daide.

<sup>18</sup> Jira afe jíitócome íena daide:

—¿Nee mei aféuai? —daide.

Jira Jesús afémiena daide:

—Jíámama titáñeno iri. Jiruíreiñeno iri. Meríriñeno iri. Jíaie cómemo taino lloñeno iri.

<sup>19</sup> O moo o ei diga cammare jacírui. O abina o izíruiilla izói, o jíaie cómena o izírui, —daide.

<sup>20</sup> Jira afe jíitócome íena daide:

—Nana bífuaiaina jízananomona jeire oticue. ¿Afe baimo nifue nai cuemo fiébilla? —daide.

<sup>21</sup> Jira Jesús íena daide:

—Nífuenino comécina jaícina jóidímie o íacania, mai jaillano omo ite ráaniai o fecari. Fécano afe iba úcube dúeredinodo fecari. Afemona monamo ite zíñona ráifide raa óiena íteza. Afe nana o fecalle mei, mai cuedo bi, —daide.

<sup>22</sup> Mei íadi afe jíto come Jesús daí dái nana cacáillano abido zuure jaide, mei afémie iere ráaredeza.

<sup>23</sup> Iemona Jesús ie llófuegamacina daide:

—Uáfueña ómoína daíitcúe, iere aillo ráaredímie mei íadi ie ráaniaina cue baimo afémie ízíruiadi, iere féirede Juzíñamui illáimana illíruiamo jáillena.

<sup>24</sup> Nane dánomo daíitcúe, caméllona mameide áillue rille eedo uífodo enéfemo jailla juánide, mei jíáfodo aillo ráaredímie Juzíñamui illáimana illíruiamo jaille iere juárede, mei ie ráaniai cue baimo afémie ízíruieteza, —daide.

<sup>25</sup> Ie llófuegamaci áfena cacáillano iere fáigacaidiaioi. Iemo dani jofo conímaiaimo jícanotiaioi:

—Iemona ¿námie jíllorede? —daidíaioi.

<sup>26</sup> Jesús íaioimo eróicana daide:

—Comínimona bie izóidífue finónide, mei íadi Juzíñamuimona nana finórede.

<sup>27</sup> Iemona Pedro íena daide:

—Cai Ocuíraima, caimo ite raana nana fiénocaillano odo ja jáidicai. Iemona mei ¿mínica máíñoiticaí? —daide.

<sup>28</sup> Jesús íaioina daide:

—Uáfueña daíitcúe, uire jíáiruido naga ráfuai cómofuíaina jáite. Aféruimo Nanoide Iima Jítódicueza ebírede illaíma ráírranomo ráititcúe. Afe llezica omoi cue diga jáicana jira, doce dígade illaíma ráírranomo ráitíomoi. Afénamona doce dígade Israel náiraíai ñue jaícina jícanoitíomoi.

<sup>29</sup> Iemo cue ícoína naga jofona fiénocaidímie, daje izóí ámatiai naa ie móotiaíri fiénocaidímie, daje izóí naa úruiaíri fiénocaidímie, íemo jíái ie illano zóofenocaidímie, afémaci cien dígacaiño íbálliaioi. Daje llezica afémaci zíñona illínona máíñoitíai.

<sup>30</sup> Mei íadi birui aillo uícoficaidino aféruimo óodaficaite. Daje izóí birui aillo óodaficaidino uícoficaitiaioi.

## 20

### *Jírícóremo oreca tájiraini izoide rafue*

<sup>1</sup> Monamo ite Juzíñamui illáimana illírui jíricore naama finoca izoide. Afémie jítiramo raire ie tájiramaci jénuaide, ie jíricue óllena.

<sup>2</sup> Afémie ie tájiramaci íbállena afémacimo jaícina llote: “Daarui tájina iba dieze úcube illa dígamie íbaiticue,” daide. Daíí dainano ie jacáfaimo tájillena orede.

<sup>3</sup> Afe mei jíto ma nuévemo ítemo oni gairíranomo jíáie tájíitino jénuaide. Afe gairíranomo dáarie tájíñeno ítino baite.

<sup>4</sup> Iaioina daide: “Mai batí cue jacáfaimo tájizairi. Nauife díbénemo ómoimo ñue íbaiticue,” daide. Iemo afémaci dinomo tájizaidiaioi.

<sup>5</sup> Afe jacafai naama jíto ma jaíciri ítemo meine nane jíáie tájíitino jénuaide. Daje izóí nane nauife díbénemo jénuaide.

<sup>6</sup> Iemo nane ja nauízaidemo ocuídímie gairíranomo jíáie tájíitino jénuaide. Dinomo jíáie tájíñedino baizájide. Iaioina daide: “¿Níbái mei omoi nágarui tájíñeno benó ífiredíomoi?” daide.

<sup>7</sup> Jira afémaci íena daidíaioi: “Mei bu caina tájitañede,” daidíaioi. Iemona afémie íaioina daide: “Omoi daje izóí cue jacáfaimo tájizairi. Iemona ómoimo dúide dieze ñue íbaiticue,” daide.

<sup>8</sup> Ja nauídimo, jacafai naama tájitagano úíñotimíena daide: “Mai tájídino dánomo uáiduano iba. Íirainomo jáidino fueñe íbari, íemo nano fueñe jáidino méifodo íbari,” daide.

<sup>9</sup> Iemona nauízaícademo jáidino dúcidiaioi. Afémacimona illa dígamie ñue íaioi tájina iba llínotiaioi. Daa denario daina úcube illa dígamie llínotiaioi.

<sup>10</sup> Afe mei nano fueñe tájizaidino ducina llezica, “Jíáimaci baimo aillo úcubeña llínoiticaí,” daíí comécido facádiaioi. Mei íadi nana illa dígamie dájerize daarui tájina iba dieze úcube llínotiaioi.

<sup>11</sup> Ucube llínua llezica, ocuídímie ríicaidiaioi.

<sup>12</sup> Iena daidíai: “Bie íraínomo dúcidino daa hora tájidiai. Mei íadi daa cai o íbaze íaioina íbádio. Cai náamonaze uzíredemo tájídicaí,” daidíai.

<sup>13</sup> Mei íadi afe ocuídímie íaioina daide: “Omoi cacai. Omoimo fieni íñédicue. Fueñe cai úrilla llezica ¿ómoimo dáaruina tájina iba dieze úcube íbatícue daíñédicue? Jii, daidícue. ¿Afe llezica áfena jíeruñediomoi? Uáfueza, jíeruitiomoi.

<sup>14</sup> O tájina iba llínota, mai jai. Bie íraínomo dúcidinona daa o cue íbaze íbácadícue.

<sup>15</sup> ¿Meita cue úcube cue dotáacana dieze dotánidícue? ¿Meita jíáimie cue dúecaillano aillo cue fécarí úradoidio?” dinori ocuídímie úrite.

<sup>16</sup> Afe izói fueñédino ódaficaitiaí, íemo jíái ódaidino úcuficaitiaí. Mei uafue, járiganó aillo íte, mei íadi nízácano dúemaci, —dinori Jesús daide.

*Jesús nane dáanomo íe tílle llote*

*(Mr 10.32-34; Lc 18.31-34)*

<sup>17</sup> Jerusalén todo Jesús jailla llezica, doce dígade íe llófuegamaci bai eneno uillano daide:

<sup>18</sup> —Birui omoi ciona izói Jerusalemo jáidicaí. Daje izói Nanoide íma Jitódicueza onódiomoi. Afénomo lletáiraini illaíma, naa ocuica uai llófueraíni cue titállena mámeítiaí.

<sup>19</sup> Mámiano onínemacimo cuena fécaítiaí, cue íaíoi jífánodoillena. Daje izói ráziado cuena fáítiaí. Afe mei cuena cruzmo córaitiaí. Mei íadi daruíamani íllemona meine abido cáadímiena jáíticue, —daide.

*Santiago Juan diga íaillinoí ei Jesús diné daa rafue jícánuaíbite*

*(Mr 10.35-45)*

<sup>20</sup> Afe mei Santiago Juan diga íaillinoí ei Jesuna daízaíbite. “Mai cuemo dúecairi,” daide. Bíaillinoí moo Zebedeo. Afengo naa afe íaillinoíri Jesús anamo dújuzaíbítiaí.

<sup>21</sup> Jira afémie aféngona jícanote:

—¿Mínica óiacadio? —daide.

Jira afengo daide:

—Ílláimana o íllíruimo dúciille llezica, cue jító íaillinoimona dáámie o nabézimo rainari, íemo jíáimie o jarífezimo rainari, —daide.

<sup>22</sup> Jira Jesús íaioina daide:

—Omoi cuemo jícaca raana nai figo onóñediomoi. ¿Meita duere íaíoi finolle izói ¿meita ocuirediomoi? —daide.

Jira afe íaillinoí: —Jii, —daide.

<sup>23</sup> Iemona íaillinoína daide:

—Íere uáfueza. Duere cue zefuilla izói duere zéfuitiomoi. Daje izói cue duere íaíoi fínua izói afe izói duere finólliomoi. Mei íadi cue nabezi, cue jarífezimo ómici ráinaille cue daínidícue. Dama cue Moo úcodo mamécámie ráiirena, —daide.

<sup>24</sup> Jíáie diez dígade íe llófuegamaci afe jícánuaa cacáillano, afe íaillinoimo ráicaidiaí.

<sup>25</sup> Iemona Jesús dáanomo nana íaíoi úáiduano daide:

—Onódiomoíza náiraíai íllaini íaíoi úíñoganona ocuóifrediaí. Iemo íaioimona íere ocuídillaini afémacimo íte ríinodo íere jacire ocuífrediaí.

<sup>26</sup> Mei íadi omoi cígiri daí íñeite. Mei jíáifodo ómoimona jamánomoidímiena íacadímie, omoi anamo tájídímie izói írede.

<sup>27</sup> Daje izói ómoimona úcufiacadímie omoi riire ocuícámie izói írede.

<sup>28</sup> Afe izói Nanoide íma Jitó omoi cígimo íte. Mei jii, jíáimaci cuena canóllena bíñédicue, mei jíáifodo nana comíni cánuabíticue. Uafue aillo comíni íaíoi íte fénidífuaíai oní dóllena tízaíbíticue, —dinori Jesús úrite.

*Jesús mena únidímie jíllotate*

*(Mr 10.46-52; Lc 18.35-43)*

<sup>29</sup> Jesús naa íe llófuegamaciri Jericó jófueмона jino jailla llezica, diga comíni afémiedo jáidiaí.

<sup>30</sup> Jáidiaíomoi afe ío abímo mena únidímie ráidíiaillinoí. Ja Jesús afe íaillinoí abido jáizaillana cacádiaillinoí; cacáillano riire daidíiaillinoí:

—Ocuíraíma, jaíai íllaíma Davidmona comútagámie mai cócomo dúecai, —daidíiaillinoí.

<sup>31</sup> Jira comíni íaillinoína rairuíaí. Afe íaillinoína, “Uríñeno, llícaí,” daidíiaí. Mei íadi afe íaillinoí llícaíñeno jamánomo caíllídiaillinoí:

—Ocuíraíma, jaíai íllaíma Davidmona comútagámie, mai cócomo dúecai, —daidíiaillinoí.

<sup>32</sup> Jira Jesús mózide. Mózillano afe íaillinoí jírrillano jícanote:

—¿Nie izói jítaídiomoi afe izói ómici cue finóllena? —daide.

<sup>33</sup> Jira afe íaillinoí uai ote:

—Ocuíraíma, cíócadicoco, —daidíiaillinoí.

<sup>34</sup> Jira Jesús afe íaillinoimo dúecaillano, íaillinoi ui jetade. Jeta llezica ñue ciódiailinoi. Afe mei Jesúsóiri jáidiaillinoi.

## 21

*Jesús Jerusalemo jofo jaide*

(Mr 11.1-11; Lc 19.28-40; Jn 12.12-19)

<sup>1</sup> Ja Jerusalemo áinozidiaioimo, Betfagé duera jófueo dúcidiaioi. Afe jofue Olivo daina idu áinori ite. Afénomona Jesús ie llófuegamacimona ménamie orede.

<sup>2</sup> Oriano íaillinoina daide:

—Baie ómicoi uícomo ite duera jófueo ómicoi jai. Afénomo cuinaca búrrana cíoitioimicoi, naa ie úrue diga. Afe zuitada cuemo atiri.

<sup>3</sup> Afénomo comini jáífodo dáiiadi, “Cai Ocuíraima jitáillano jicácaza; bie búrrana raire abido omo óreite,” daííri, —Jesús daide.

<sup>4</sup> Bífuiái íficaide jaiaí Juziñamui uai llóraini cuega uai ñue ícoimo fuitállena. Afe uai daide:

<sup>5</sup> Jerusalem mameide jofue comínina daííri:

“Ero, o illaima comécina mánaidimie izói billa.

Burra emódomo ráicabite.

Afe méerede raa abífirede burra úrue emódodo bite,” —daide.

<sup>6</sup> Afe mei ie llófuega íaillinoi jaillano Jesús íaillinoi ocuilla izói finódiailinoi.

<sup>7</sup> Afe burra naa ie úrue atídiailinoi. Atiano íaioi inícuirona afe búrrana jobédiaioi. Afe mei Jesús afe emódomo ráinazaide.

<sup>8</sup> Afe llezica aillo comini Jesús jáillao inícuirona jobédiaioi. Jáímaci rafóruai jáitajano íemo jobédiaioi.

<sup>9</sup> Dáarie Jesús uícodo jáidiaioi; jáímaci ódana jáidiaioi. Nana daje izói riire úritiaioi:

—Jaiaí illaima Davidmona comuítagamieo ñúefue mai cai daiílli. Juziñamui mámedico bitímie caimare íiteza. Juziñamuimo ebíredifue cai mamelli, —daidiaioi.

<sup>10</sup> Jesús Jerusalemo jofo jailla llezica afe jofue comini diga rafue júfidotiaioi. Diga comini afémie dibénedo jicánotiaioi:

—¿Bie bu? —daíízitiaioi.

<sup>11</sup> Jira jáímaci daidiaioi:

—Bímie Galiléamo ite Nazaret jofue ímie. Afémie Jesús, Juziñamui uai jino llóraima, —daidiaioi.

*Jesús Juziñamuimo gairáraco ráfua izói ñue finode*

(Mr 11.15-19; Lc 19.45-48; Jn 2.13-22)

<sup>12</sup> Afe mei Jesús Juziñamuimo gairáracomo jofo jaillano, afeco eromo ite ráaniai fecádino naa íbárióidinori jino jiude. Afénomo ite úcube méidofredino táijnabani Jesús oni cáicoide. Daje izói fíicrillai fecádino íaioi ráiiracuai Jesús oni cáicoide.

<sup>13</sup> Afémacina daide:

—Juziñamui Cuegáuai daide: “Cue jofo daa cuemo úrifireracona íite.” Mei íadi biconá merírifiredino jofo izói finódiomoi, —daide.

<sup>14</sup> Afe Juziñamuimo gairáracomo Jesús illa llezica dáarie uínidimíai, naa ídainidino Jesumo bitiaioi. Afémie afémacina jíllotae.

<sup>15</sup> Mei íadi lletáiraini illaini, naa ocuica uai llófuetinori Jesús uaido dáinamona comuídena cíoilano ráicadiaioi. Daje izói afe gairáraco eromo ite úruiai Juziñamuimo caimátaila uai cacáillano bímaci iere ráicadiaioi. Mei afe úruiai daidiaioi: “Jaiaí illaima Davidmona comuítagamie iere ebíredeza,” daidiaioiza.

<sup>16</sup> Jira bímaci ráicailano Jesuna daidiaioi:

—¿Baie úruiai úrillana cacáñedio? —daidiaioi.

Jira Jesús íaioi uai ote:

—Cacádícue. ¿Bie rafue úrilla cúeina uaina facádoñediomoi? Afe jaiaí David daina uai Juziñamuina bie izói daide:

Uruiai ebire ñúefuena óiena jae rotátatio, —afe daíí Jesús íaioimo llote.

<sup>17</sup> Afe mei ie jicánotinona fáicanocaillano Jesús oni Jerusalémona Betania jófueo íniaide.

*Jesús llizíñede higuera daina amena faidode*

(Mr 11.12-14, 20-26)

<sup>18</sup> Afe jítiramo Jesús meine Jerusalemo bítemo iere júfinaite.

<sup>19</sup> Afe ío abiri higuera daina aménana ciode. Jesús afénomo áinozide, afena llizilla riéllena. Mei íadi llizíllajaina íñédeza, daa íe íbiaina ciode. Mei jira Jesús afe híguérana daide:

—Jaca benómona llíziñeítio, —daide.

Daií daina llezica afe higuera dúide.

<sup>20</sup> Te llófuegamaci áfena cioillano fáigacaidiaioi. Iemo Jesumo jicánotiaioi:

—¿Nie izóí ite bie higuera amena raire dúilla? —daidíaioi.

<sup>21</sup> Jesús íaioi uai ote:

—Uáfueña ómoína daidicue, ua o ínoiaí daa bie aménamo cue fínua izóí finórediomoi, íemo jíái afe baimo aillo finórediomoi. Bie caifóneduna “Caífo áijicaillano oní monáillaimo báizai” o dáiaí, afe bie caifónedu o uai jeire uano, oní dinomo baízai.

<sup>22</sup> Juziñamui omoi úrilla llezica, ua o ínoia nana omoi jicácana ñue llínoitiomoi, —daide.

*Illáicomini Jesús ocuífrena ríno jicánotiaioi  
(Mr 11.27-33; Lc 20.1-8)*

<sup>23</sup> Afe mei Jesús Juziñamui gairíracomo jofo jaide. Jaillano afénomo llófueमारite. Afe llezica lletáiraini illaini naa judíuai eicomíniri Jesumo jicánuaídiaioi:

—¿Nié ríinodo o raana finófiredio? ¿Afe ríino bu mei omo fecaca? —daidíaioi.

<sup>24</sup> Jira Jesús íaioi uai ote:

—Cuemo omoi jicánua izóí, ómoimo daafue jicánocue. Cue jicánolle uai ñue omoi óiaí, bie raa cue fínua ríno ómoimo llóiticue.

<sup>25</sup> Mei Juan ¿bu comini báutizallena ocuica? ¿Meita Juziñamui ocuica? ¿Mei nibai comini ocuica? —daide.

Mei íadi uai oñeno, áfena daní conímamo júfidotiaioi; daidíaioi:

—Juziñamui ocuica caí daííadi, Jesús caina dáíte: “¿Nibái mei afémiena ínoñediomoi?”

<sup>26</sup> Mei jíáfodo, comini ocuica, caí daííadi, comínina jacíruitica; mei nana comini “Juan Juziñamui dibénedo úrífiredé” daidíaioiza.

<sup>27</sup> Iemona bie izóí Jesuna daidíaioi:

—O jicánoga jaca onóñedicaí, —daidíaioi.

Jira Jesús íaioína daide:

—Daje izóí bie raa cue fínua ríno ómoimo llóñeíticue, —daide.

*Mena jító iaillinoi illa izoide rafue*

<sup>28</sup> Daií daina mei, Jesús íaioína daide:

—Bíena ¿nie izóí daidíomoi? Daa íima mena jítorede. Iaillinoi moo dámienna daide: “Cue jító, maí cue jíricore illánomo táijizairi,” daide.

<sup>29</sup> Afe jító uai ote: “Jáicañedicue.” Mei íadi afe mei ie comeci jíáfodo fácano, afénomo táijizaide.

<sup>30</sup> Afe mei afe moo jíáie jítomo úrizaide. Daje izóí íena daide. Iemo bie jíáito íena daide: “Jí, táijizaiticue.” Mei íadi afémie táijizaiñede.

<sup>31</sup> Meita bie ménaillinoimona ¿nie jító ie moo jíáimana fínua? —daide.

Jira íena daidíaioi:

—Nanóidimie, —daidíaioi.

Jira Jesús íaioína daide:

—Uáfueña dáitícue, gobierno jicátafirega úcube llínotino, naa ímamo jirúrefiredé ringónairi naa jíáie afe izoide fíenidino Juziñamui illáimana illánomo raire omoi úcodo jáitiaioi.

<sup>32</sup> Mei nuaí Juan Bautista ñue omoi íllena llófuaíbite, mei íadi áfena ínoñediomoi. Mei jíáfodo afe úcube llínoraini naa jirúredingotairi ie dánana ínotiaioi. Mei íadi omoi baimaci comeci ífue méiduana ciódiomoi íadi, afémiemo ínollena omoi comeci itífuaína méidoñediomoi, —daide.

*Fiénide táijnamací izoide rafue  
(Mr 12.1-12; Lc 20.9-19)*

<sup>33</sup> Maí bie jíáie ráfueño omoi cácarei. Jacafai naama jíricojiaí éroide úvaiaí rillino finode. Fínuaño afeno nágafene cirínote. Cirínuaño afe úvaiaí zaízíllico finode. Afe llezica caífo jica tígicaco nite nana afe rigániaimo ñue rairuíllena.

Afe mei afémie afécaie ie úínotimacime fecade, ie biñena dino. Afe dígamona íemo íbádiaioi. Daíí fécano afémie jíáie éniemo jaide.

<sup>34</sup> Afe mei úvaiaí llizille llezica, ie ocuífregano orede, náamamo dúide dibene jicállena.

<sup>35</sup> Mei íadi afe táijidino jacafai naama orécano llaitádiaioi. Llátano dáamienna rázido fatiaioi. Jíáimiena titádiaioi, íemo jíáimiena nófienna nijidiaioi.

<sup>36</sup> Ie mei jacafai naama nane jiáie ocuífirigano orede. Nano fueñe ória baimo orede. Mei íadi afénomo táijidino daje izói nane nana afémacina fienu finódiaioi.

<sup>37</sup> Iirainomo afe jacafai naama ie jitó orede. “Afémiena níbai caimare náfueitiaioi,” daide.

<sup>38</sup> Mei íadi naama jitó bíllana cíoilano afe táijidino cománana daidíaioi: “Bímie bie énie uire máifioitimie. Mai cai falli. Afe mei bie énie dani cáieiteza,” daidíaioi.

<sup>39</sup> Afe mei afe jitó llaitádiaioi. Lláitano jacafai baimo uillano íena titádiaioi.

<sup>40</sup> Mei jira Jesús jicánote:

—Afe jacafai naama billa llezica, afénomo táijidinona ¿niie izói níbaite? —daide.

<sup>41</sup> Jira íena daidíaioi:

—Afémie afe táijitatinomo dúecañeno íaioina títaite. Afe mei jiáie ñue táijidinomo ie énie nano íanori fécaite, mei námamo dúina dieze llizíllaji raire afémiemo izájfifireitiaioiza, —daidíaioi.

<sup>42</sup> Jira Jesús daide:

—¿Cue dibéno Juzíñamui Cuegáuaina jaca facádoñediomo? Aféuai bie izói daide:

Jofo níraini jámairuillano oni fáoica jáállirai ja ñuera jáállirai izóidena jaide.

(Bie daíacade comini jámairuillano ruifruigamie ja ñuera jica jalleide illáimana jaide.)

Bie cai Moo Juzíñamui finoca.

Afefue iere caimo ebire cacaide.

<sup>43</sup> Mei íadi ómoina daíitucue, Juzíñamui illáimana ómoimona oni bairolle. Afe mei Juzíñamuimo duide dibene izáifiredinomo ie illáimana fécaite.

<sup>44</sup> Iemo afe nofici daínamiemo éicitaitimie niné tibérotaita. Iemo afe nofici jíáimimemo baiíadi jízefo izói afémiena fínoite, —daide.

<sup>45</sup> Lletáirairaini illaini naa fariséuairi Jesús afe izoide ráfuai llúana cacáillano daidíaioi, “Afémie ico caido úrite,” daidíaioi.

<sup>46</sup> Iemona afe Jesuna llaitáacadiaioi, mei íadi comínina jacíruillano llaitáñediaioi. Mei nana comini, “Jesús Juzíñamui dibéno úrite,” daidíaioiza.

## 22

### *Airena llezica finoca ráfueimo mameca uai*

<sup>1</sup> Jesús nane dáanomo úrizaide. Afémie jíáifuemo mameca uaido úrizaide. Íaioina daide:

<sup>2</sup> —Monamo ite Juzíñamui illáimana illírui bie izoide. Illáima ie jitó áirena llezica rafue finua izoide.

<sup>3</sup> Ie ocuífirigano orede, naui uícodo llogano jírrillena. Mei íadi afe uáidogano bíacañediaioi.

<sup>4</sup> Ie jira afémie jiáie ocuífirigano dáanomo orede. Uáidoganona bie izói daíri daide: “Íráizíñi güille ja nana ñue uédeza. Farede juráreto fatícueza. Ja nana ñue finócaza. Airena ráfueimo mai nana omoi bíri.”

<sup>5</sup> Mei íadi afemo irázillena llogano náfueñediaioi. Afémacimona dáamie ie jacáfaimo jáizaide. Jáimie ie ráaie oni fécajide.

<sup>6</sup> Jáíamaci illáima oreca jírizaidino llaitádiaioi. Lláitano íaioina duere finoda titádiaioi.

<sup>7</sup> Jira afe illáima iere ráicaide. Ráicaillano ie úiñote fuíríraini orede, ie orécano fatino titállena; afe llezica afémaci jofue jobáillena.

<sup>8</sup> Afe mei nane jiáie ie ocuífiriganona daide: “Airenafue nana ñue finoca. Mei íadi fueñe uáidogano fienu itiaioiza bíndiaioi.

<sup>9</sup> Iemona jofue cígido macáraomo omoi jái. Afénomo nana o cíoilimacina irázizai bíri o daíri,” daide.

<sup>10</sup> Iemona afe ocuífirigano jino macáraomo jáidiaioi. Jaillano nana íaioi cíonamacina: “Íráizizai bíri,” daidíaioi. Fíenidino naa ñúemaciri nana dáanomo íaioina gairítate. Afemona irázillico ja comínina oruide.

<sup>11</sup> Afe mei afe illáima ie jíriganona onóillena jofo jaide. Íaioimo eroilla llezica daa áirena ráfueimo jítaífirigaroí jítaíoñedimiena ciode.

<sup>12</sup> Jira íena daide: “O áirena ráfueimo jítaífirigaroina jítañeno ¿o nie izói jofo bitio?” daide. Mei íadi afémie uai ollíuai íñede.

<sup>13</sup> Ie jira illáima güírabanimo táijidinona daide: “Bímie riire omoi maíri; maíano afémie jino jítifomo dotari. Afénomo afémie duere éheiteza, daje izói izírenari murímuriteza,” daíí afe illáima ocuide.

<sup>14</sup> Iemo Jesús nai úrillano daide: Uáidogamací iere aillo ite, mei íadi eneno nízceno dúemaci, —daide.

*Gobierno íbátaga úcube rafue  
(Mr 12.13-17; Lc 20.20-26)*

<sup>15</sup> Iemona fariséuai Jesús úrilla uai féitaiacadaíoi. Féitajano fiénidifue afémiemo jóneacadaíoi. Afe izói finólleña dáonomo maméritiaíoi.

<sup>16</sup> Iemona afémacimo jaináidino, daje izói naa Heródesmo jaináidinori Jesuna daiíllena orédiaíoi:

—Llófueraíma, onódicaíza ua rafue daiífiredio. Daje izói Juzíñamui diné cai jáillio uáfueña llófuéfiredio. Afe llezica comini daináuaimo náfuéfinidio. Iemo jino cóidifuiaina comínimo riire jicánoñedio.

<sup>17</sup> Ie jira o comeci dainafue jino caímo lloiri: ¿Romano jamánomoidillaima ibátaga úcubé ibádicainia ñuera? ¿Ñibai fiénide? —daiúaíoi.

—Mei íadi Jesús afémaci facátamarillana onode. Jira íaioina daide:

—Comeci íairena mei abina ñue cóidinodiemoi. ¿Ñibái mei cuena júitaiacadiemoi?

<sup>18</sup> Afe ibátafirega úcubetuni cuemo ácata, —daide.

Iemona daa denario daina úcubetuni atúdiaíoi.

<sup>19</sup> Afena cioillano Jesús íaioimo jicánote:

—Afétunimo ¿bu uíeco jana illa? Iemo afétunimo ¿nie come mámece cùeina? —daide.

<sup>20</sup> Ie uai otíaíoi:

—Romano jamánomoidillaima mámece illa, —daiúaíoi.

Jira Jesús íaioina daide:

—Jamánomoidillaimamo dúide diga mai íemo fecari. Daje izói Juzíñamuimo dúide diga Juzíñamuimo fecari, —daide.

<sup>21</sup> Afena afémaci cacáillano iere fáigacaidiaíoi. Iena zóofiano oni jáidiaíoi.

*Tiide comini meine abido cáallena jicánotiaíoi*

*(Mr 12.18-27; Lc 20.27-40)*

<sup>22</sup> Aféruído saducéuaimona dáarie Jesumo úrizaidiaíoi. Saducéuai: “Tíidino meine abido cáaiñeite,” daiífirediaíoi. Afe daií Jesumo jicánuai bitiaíoi:

<sup>23</sup> —Llófueraíma, Moisés caímo cuetá fiécabemo daide: “Daa come tíia, afémie ama ie fecíngona órede, afémie úruiai ie tiide ama méifomo comuillena.”

<sup>24</sup> Mei nauí cai cigímo siete diga ámaredimiaína ite. Nanóidímie áireillano nai úruenidemo tiide. Tiillano ie méifoide ama afe fecíngo ote.

<sup>25</sup> Iemo daje izói afémieri íficaide. Afe mei nane jáímie daango ote. Afémiemo daje izói íficaide. Daií fiébiñeno nana fuitiaíoi.

<sup>26</sup> Afémaci nana tíilla méifomo afengo nane tiide.

<sup>27</sup> Iemona tíidino meine abido cáairuimo, mei siete dígamie daango óteza, ¿afengo nie íma aína mámeite? —daiúaíoi.

<sup>28</sup> Jira Jesús íaíoi uai ote:

—Juzíñamui Cuegáuai naa afémiemo ite riínori omoi onóñenamona fiéní úritiemoi.

<sup>29</sup> Tíidino meine abido cáaillano ánitiaíoi. Daje izói jáínomo íaíoi jízanai ínreitañeitiaíoi. Mei jáíifodo monamo ite Juzíñamui abi ímaci ízoítiaíoi.

<sup>30</sup> Mei íadi tíidino meine abido caana dibénedo ¿afe Juzíñamui ómoimo Cuegáuaina facádoñediemoi? Afémie bie izói daide:

<sup>31</sup> “Dáaruído Abraham Juzíñamuídícue, naa Isaac, Jacob diga,” mei afémaci Juzíñamui illánomo cáadiaíoi. Mei uáfueza, Juzíñamui tíidino íeñede mei jáíifodo cáadino ie, —daide.

<sup>32</sup> Daií Jesús dainana cacáillano comini ie llófuemarillari fáigacaidiaíoi.

*Iere jamánomo íñorega caímo ocuina uai*

*(Mr 12.28-34)*

<sup>33</sup> Fariséuai Jesús saducéuai llíicaitajana cacáillano, dáonomo gairídiaíoi.

<sup>34</sup> Afémacimona daa ocuica uai llófueraíma Jesús facátaiacade. Jira íemo jicánote:

<sup>35</sup> —Llófueraíma, nana ocuica uáillaimona ¿níuaina jamánomoina? —daide.

<sup>36</sup> Jira Jesús daide:

—“O Juzíñamui nana o comécido izírui, naa o joréñori, íemo o ífoci úrillado.”

<sup>37</sup> Aquíe uai nana ocuica uáillaimona jamánomoina. Afe uai raire uícodo íñorede.

<sup>38</sup> Afe méifoide uai daje izoide. Aféuai daide: “Dama o abina o izírui illa izói, afe izói o jáíe cómena izírui.”

<sup>39</sup> Bie ménade ocuilla uai nana Moisés ocuilla uailai jillaci. Daje izói Juzíñamui uai jino llóraini llócaiga uai bíemona comuide, —daide.

*¿Mei bu jító Cristo?*

*(Mr 12.35-37; Lc 20.41-44)*

<sup>40</sup> Afe fariséuai nai dáonomo itíaiemo,

42 Jesús íaioimo jicánote:

—¿Cristomo nie izói comécido daidíomoi? Afémie nano ie comuítatimie ¿mei bu? —daide.

Jira iena daidíaioi:

—Afémie Davidmona comuítagamie, —daidíaioi.

43 Iemona Jesús íaioina daide:

—Mei ¿nie izói David, Juzíñamui Ñuera Joreño llúado afémie jitona “Cue Ocuíraima” daiírede? David daií daina uai cúeina:

44 Monamo ite cai Moo Juzíñamui cue Ocuíraimana daide:

“Bené cue nabézimo o ráiri, o éoigamací cue anáfenolle dino.”

45 Mei David afémiena “Cue Ocuíraima” dáiiadi, ¿nie izói Cristo Davidmona comuídmienna maméirede? —daide.

46 Daií daina uai buna ónide. Iemo aféruimona jíáie facátalle jicánua uai maméñediaoi.

## 23

*Jesús fariséuaimo naa ocuica uai llófuetinori íaioi fiénidifue llole  
(Mr 12.38-40; Lc 11.37-54; 20.45-47)*

1 Afe jira Jesús nana comínina naa ie llófuegamaciri daide:

2 —Ocuica uai llófuefiredino naa fariséuairi Moisés ocuica uai jino llóllela mamécaiaoi.

3 Afemona afémaci llógana jeire omoi oíri. Daje izói nana afémaci ómoina dáinana náfuero. Mei íadi afémaci illa izói íñeno iri. Mei comínimo íaioi úrilla izói íñediaoiza.

4 Afémaci comínina iere riire ocuide. Afe íaioi ocuica uaina comíni finónide. Mei íadi dani afémaci afe ocuica uaina due jiza jetáacañediaoi.

5 Ñúemaci daiíllena nana íaioi finócafuiái comíni erócana taino finófirediaoi. Daje izói ñúemaci daiíllena Juzíñamui uai cúeina ozócimo jítajana gáidiaoi. Afe izói afe uai jíáimaci ie ónoimo maitá úcaillena gáidiaoi. Iemo jíái íaioi jítáifrega áreeroi fuemo ite ebire cíoilena jíáimaci baimo finórifrediaoi.

6 Iemo ráfuemo íaioi guízajíadi afémaci ñuera ráillinuai jenófirediaoi. Daje izói Juzíñamui uai llorácomo íaioi jáiadi illaini ráiiranuai jenódiaoi.

7 Afe izói jino jofue cígimo ite macáraodo íaioi jáiadi, comíni caimare íaioi uáiduana gáidiaoi. Daje izói “Cai Llófueraimadio” dáinana gáidiaoi.

8 Mei íadi “Cai Llófueraimadio” daií daiítañeno iri. Mei nana omoi ámatiaí; íemo jíái omoi Llófueraima jaca daade; afémie Cristo.

9 Afe izói bie éniemo buna cue Móodio daiíñeno iri. Mei omoi Moo dáadeza. Afémie monamo ite.

10 Daje izói jíáimacina “O cai Illáimadio” daiítañeno iri. Mei o Ocuídmiene dáadeza. Afémie Cristo.

11 Omoimona jamánomoidimiena jíáimana canófiredimie.

12 Mei uáfueza, jamánomo abí jacire mamédime jamáimiena jáite. Mei jíáifodo abí íinoñeno jiba cómedicue daidímie jamánomoidimiena jáite.

13 Ocuica uai llófuetino naa fariséuairi, comécina íáirena mei abina ñue cíoidiomoiza, ¡nii omoi dúerena! Mei comíni jofo jáíñeillena, monamo ite Juzíñamui illáimana illano nazena íbáifrediomoi. Mei diga Juzíñamui ñue ocuífuiái lluanu, aféfuiaína abido náfuñediomoiza, dani o illafue ñue jáicína jóíñena jira. O lloga iodo uáfueña jáíñedioza. Afe llezica afénomo jofo omoi jáiacañediomo. Daje izói afénomo jofo jáiacadino rairuídmiomoi.

14 Ocuica uai llófuetino naa fariséuairi, comécina íáirena mei abina ñue cíoidiomoiza, ¡nii omoi dúerena! Fecíngotiaí jofóniaí bairófrediomoi. Afe llezica ñúemaci daiíllena comíni erócana Juzíñamuimo are úrifrediomoi. Ie jira omoi jíáimaci duere zefuille baimo duere finólliomoi.

15 Ocuica uai llófuetino naa fariséuairi, comécina íáirena mei abina ñue cíoidiomoiza, ¡nii omoi dúerena! Nágagobiaido jáidiomoi daa come omoi ínoga uai dibénemo omoi ítátallena. Itata meí, afe come omoi baimo fiénidimiena orédmiomoi. Iemona omoi afémieoíri, comíni duere finolle iraimo ziiñona duere zefuillena mamécaomoi.

16 Uina cíoiñede io ífódino izóidiomoiza, ¡nii omoi dúerena! Comínina bie izói daiífrediomoi: “Daa come iere uáfue daiíllena, Juzíñamui ico mámeceí llínoiadi afefue ráañede. Mei íadi afémie afécomo nitaca oro mámeceí llínoiadi ie daina uai jeire órede,” daidíomoi.

17 ¡Abina onóñede uínidino izóidiomoi! ¿Níie mei jamánomoina? ¿Meita afe jamai oro? Ieñedeza. Mei afe oro Juzíñamui ícomo jóoniamona ñuera raana jáideza.



<sup>18</sup> Nane jiáfue daiífirediomo: “Daa come iere uafue daiillena, altar daina Juziñamui éna rille fecárabani mámece llínoiadi afefue ráañede. Mei íadi afémie afénomo fecaca raa mámece llínoiadi ie daina uai jeire órede,” daidiomo.

<sup>19</sup> ¡Abina onóñede uínidino izóidiomo! ¿Nñie mei jamánomoina? ¿Meita afe fecaca rille? Iefede. Afe Juziñamuimo fecárabani afénomo fecaca raana ñue finode.

<sup>20</sup> Mei jii, Juziñamui éna rille fecárabani mámece llínotimie daa afe ibani llínoñede, mei jiáfodo nana afébanimo fecaca raana llínote.

<sup>21</sup> Daje izóí Juziñamuimo gairíracó mámece llínotimie daa afe gairíracó llínoñede, mei jiáfodo afeco ite Juziñamui mámece llínote.

<sup>22</sup> Nane daje izóí iere uafue daiillena mona mámece llínotimie, Juziñamui illáimana ráiirano mámece llínote. Daií llínua llezica Juziñamui mámece llínote, mei afe Juziñamui afénomo ráiideza.

<sup>23</sup> Ocuica uai llófuetino naa fariséuairi, comécina nai íairena mei abina ñue cíoidiomoiza, jñii omoi dúerena! Nana omoi ríganaiomona jamánomo jéenide rábiaina Juziñamui éna oni jóonefirediomo. Menta daina jéenide rábiai, naa anis daina dúebiai diga, íemo jiái comino daina rábiai facádotá oni eneno jóonetimio. Mei íadi ocuica uáimona jamánomo jítáiredifuiaina náfuñediomo. Afe jítáirediui be ññie: come comeci jaícina jóoinana, íemo jiáimaci dúecaifirena, íemo Juziñamuimo ñnofirena. Nai afe jiáifuiai omoi zóofeñena llezica, afe bífuiai raire fueñe jeire órediomo.

<sup>24</sup> Táino omoi llúamona uina cíoiñedino io ifódino izóidiomo. Ráañede uáillaimo iere izire nícidofirediomo, mei íadi jamánomoide ñuera uaimo náfuñediomo.

<sup>25</sup> Ocuica uai llófuetino naa fariséuairi comécina nai íairena mei abina ñue cíoidiomoiza, jñii omoi dúerena! Mei jiróraco naa plato diga jinófene ñue jocódiomo, mei íadi afe ero díena íáirede. Daje izóí comini cíoicana abi ñue finódiomo, mei íadi omoi comeci dine merírilla, naa jiáie comini raa báiruamona ógana oruide.

<sup>26</sup> Uina cíoiñede fariseo ímie: Mai jiróraco naa plato diga ero jócua izóí omoi illafue ñue méidori. Iemona omoi comeci ññuefuaiaina oruíbicaite. Afemona afe jiróraco jinófene íainina izóí, afe izóí omoi jinófene íainiteza.

<sup>27</sup> Ocuica uai llófuetino naa fariséuairi, comécina nai íairena mei abina ñue cíoidiomoiza, jñii omoi dúerena! Uzeredena biga ñue cíoiñe tíidino ráillena nigaco izóidiomo. Jinófene ebire cíoiñe mei íadi ero dine tíidino ícuruaina oruide, nana jiáifoide íáiredinuiai diga.

<sup>28</sup> Omoi comeci dine afe izóidiomo. Comini eróicana jinófenena ñue cíoidinodiomo. Mei íadi comeci dine jiáimacina fiñi jífufirenana oruide, íemo jiáie fiñide uáillaina oruide.

<sup>29</sup> Ocuica uai llófuetino naa fariséuairi, comécina nai íairena mei abina ñue cíoidiomoiza, jñii omoi dúerena! Mei jaiái Juziñamui uai jino llóraini raiafo ebire finódiomo. Daje izóí jaiái ñue itino emódomo jóonega noñficina ebire finódiomo.

<sup>30</sup> Daií fínvano daiífirediomo: “Cai jáiaigima illáruillaído itícainia, afe Juziñamui uai jino llórainina fatátañedicaí,” daiífirediomo.

<sup>31</sup> Daií dánado afe Juziñamui uai jino llóraini fatino erófene igímadicaí daidiomo, —daide. Jira Jesús afémaci diga icírillano bie izóí daina:

<sup>32</sup> —¡Omoi jáiaigima taineca fiñidifue ñue ícoimo omoi fuitari! —daide.

<sup>33</sup> Jesús nai afémacimo úrite:

—¡jaióniai izóidiomo! ¡Omoi nairai titade jaizai izoide! ¿Mei ññie izóí duere finóbille iráimona jilloitiomo?

<sup>34</sup> Afe jira Juziñamui uai llóraini, íemo iere baitáidino naa llófufiredinori ómoimo óreitucue. Mei íadi afémacimona dámerie tíitaitiomo. Daje izóí jiáimacina córaitiomo. Iemo jiáimacina Juziñamui uai lloraco eromo rázido fáitiomo. Iemo jiáimacina naga jófuiaido rácaitiomo.

<sup>35</sup> Daií omoi illamona nana jaiái ññuemaci títafrena ícoiniadi ómoimo daií íficaite. Uáfueza, jaiái Abel fáinamona benomo Berequías jító Zacarías omoi faja llezica, nana afémaci ícoinia duere zéfuitiomo. Juziñamuimo gairíracó íemo Juziñamuimo rille fecárabani dáafenedo afe Zacaríana fatíomo.

<sup>36</sup> Uáfueña ómoína dáititucue, nana bie fagano ícoinia birui itino duere zéfuitiaioi.

*Jerusalén jófuerei Jesús eede*

*(Lc 13.34-35)*

<sup>37</sup> Jerusalén comínimo dúecaíducue. Juziñamui uai llórainina fáfirediaioi. Daje izóí Juziñamui orécanona nóñena níjidiaioi. Diga icaiño átava ie úruiai íaicóna bícua izóí íaioina rídiocádicue. Mei íadi íaioi cue ríduana gáñfediaioi.

<sup>38</sup> Cacai, Juzíñamui ómoína zóofeiteza.

<sup>39</sup> Mei ómoína daidicue, meine abido cuena cíofneitiomoi. “Juzíñamui mámedido bitímie ñue finóbilleza,” omoi daiille dino cuena cíofneitiomoi, —dinó Jesús úrite.

## 24

*Juzíñamuimo gairráco júdaizille Jesús llote*

(Mr 13.1-2; Lc 21.5-6)

<sup>1</sup> Daií daina mei Jesús Juzíñamuimo gairrácomona jino jaide. Jino jailla llezica ie llófuegamaci: “Bie ebire finoca gairrácomo éroi,” Jesuna daidíaiói.

<sup>2</sup> Mei íadi Jesús íaiói uai ote:

—¿Bie nana cíodíomoi? Uáfueña ómoímo llóitícue. Bie niroca nófie daa fiébiñeno nana niné jújicaite. Afeno jofue nana niné táinocaite, —daide.

*Enie fúiacana cai onuille rafue*

(Mr 13.3-23; Lc 21.7-24; 17.22-24)

<sup>3</sup> Iemona Olivo daina ídumo jáidiaíói. Afénomo Jesús ráinana mei ie llófuegamaci báinino íemo jicánotiaíói:

—O daina jofue niné táinocaillifue, ¿niñruído daií zúite? Afena cai llone. O meine bíllena cai onótaite raa, ¿nie izói eroide? Daje izói énie fúillena ¿nie izói onóiticaí? —daidíaiói.

<sup>4</sup> Jira Jesús íaioína daide:

—Comini omoi jífueiza abí rairuiri.

<sup>5</sup> Mei diga comini cue mámedido billano “Cristodicue” dáitíaiói. Afémaci aillo comínana jífueitiaíói.

<sup>6</sup> Aillo jobáirillana fídíitíomoi. Dáarie áinori cácaitiomoi, íemo jíáiena jica cácaitiomoi. Mei íadi áferi jacinaíñeno omoi iri, mei daií íficairedeza. Mei íadi énie fuillíruíñede.

<sup>7</sup> Mei jíi daa nairai jíáie nairai diga fúirite. Iemo daa énie jíáie énie comini diga jobáiritiaíói. Afe llezica aillo náiraiái júbitaitiaíói, íemo aillo dúicuai íite, íemo ñuizaingo diga ígobiaina ñúite.

<sup>8</sup> Comini duere zefuilllemona nana bífuíai como tainéinafue.

<sup>9</sup> Afe llezica ómoína duere finóllena fécaitiaíói. Duere finoda ómoína títaitiaíói. Cue ícoína nana comini ómoína éoitiaíói.

<sup>10</sup> Aféruillaido aillo comini Juzíñamuimo ínuana féitaitiaíói. Dani conímána éoitiaíói. Daje izói conímána fállena fécaitiaíói.

<sup>11</sup> Afe llezica taino llotino iere íite. Afémaci: “Cai bie Juzíñamui dibénedo úriticaí,” dáitíaiói. Afémaci aillo comínana jífuecana uite.

<sup>12</sup> Aféruimo diga fiénidífuíai comuillamona, aillo comini conímána izíruillana féitaitiaíói.

<sup>13</sup> Mei íadi fuitállinomo ñue nífuenino íitimie jíllote.

<sup>14</sup> Temo afe bie Juzíñamui illámána illano ñuera rafue nágagobiaído llóitíaiói, nana náiraiái áfena onóillena. Afe mei énie fuillíruimo dúciite.

<sup>15</sup> Jaíai Juzíñamui uai jino llóraíma Daniel, íirairuimo biite íaire fínuaíbitimiedo úrite. Afe bíitimie diga ráaniaína táinocaitaite. Afe fiéni fínuaíbitimie Juzíñamui gairráco eromo ite rairuífede ñúenomo jáillana o cíodái, jica botáredíomoi. Bíuai facádotimie afe uaina ñue onoiri. Onóillano abí rairuiri.

<sup>16</sup> Afemona Judea éniemo itino oni caifóneduaimo botárede.

<sup>17</sup> Daje izói daa come ie jofu caifófebanimo íadi, ie jofu eromo ite raana jofu jaillano bairóñeno afénomona bótaíteza.

<sup>18</sup> Daje izói jacáfaimo íitimie abido ie jofomo ite íncuiruaina uáibiñeite.

<sup>19</sup> Aféruillaido namócingotiaína, ¡nií dúerena! Daje izói monoi jirode úrue lláidíngotiaína, ¡nií dúerena!

<sup>20</sup> Nocíruillaido jino o bótañeillena, Juzíñamuimo jicari. Daje izói ocózinaiillaruimo o bótañeillena o jicari.

<sup>21</sup> Mei aféruimo iere aillo duere zefuillífuíai íiteza. Enie comuillanomona bené afe izóidena íñede. Iemo jíái afe méifomo afe izói íñeite.

<sup>22</sup> Mei jíi, aféruillai Juzíñamui due mozíñoñedenia buna jílloneña. Mei íadi ie nízeánona izíruillano, aféruillana afémie nano íanori mozíñoite.

<sup>23</sup> Temona dáamie ómoína: “Be Cristo,” daiíadi, daje izói: “Cristo batí ite,” daiíadi afémiemo íñoñeno omoi iri.

<sup>24</sup> Mei Crístona abí mamede jífueridino bíteza. Daje izói afémaci: “Cai bie Juzíñamui dibénedo úriticaí,” dáitíaiói. Afémaci uaido dánamona áillue comuídena fínoítiaíói, naa

fáigacaitade ráaniairi. Afedo comínina jífueiacadiaioi. Dama Juzíñamui nizécanona jífuefillena facátaitaioi, mei íadi jífuetañeítiaioi.

<sup>25</sup> Ja nana bífuiái úicodo ómoimo llotícueza.

<sup>26</sup> Je jira: “Ero bai batí táizícimo Cristo ite,” afémaci daííadi afénomo jáiñeno omoi iri. Daje izói: “Ero, bico eromo Cristo ite,” daííadi afémiemo íñoñeno omoi iri.

<sup>27</sup> Mei ameo fuiri llairilla llezica jica afáifene ícoimo cíocaila izói, afe izói cue billirui jica cíocazaibite; Nanoide fima Jitódícueza.

<sup>28</sup> Iemo inóniai gairízaifrenamona rille rifáillanona ñue omoi onona izói, afe izói abido cue cíocaillemona raire ómoína duere finóllena uáfuenta ónoitiomoi.

*Nanoide fima Jitó Cristo billirui nie izoite  
(Mr 13.24-37; Lc 21.25-33; 17.26-30, 34-36)*

<sup>29</sup> Afe duere zefuúllirui záailla méifomo, jítoma dúite. Daje izói fíui égaiñoñeite, íemo jíái ucúduai monámona ana cóciítiaioi. Afe llezica nana monamo ítinuiai riire mozíoide ráaniai niráiricaite.

<sup>30</sup> Afe mei Nanoide fima Jitó Cristo bille jana monamo cíocaita. Afena cíóillano nana énie nairai éenaitaioi. Nanoide fima Jitó Cristo ana bíllana cíoitiaioi. Afémie mona ero uílliedo bite, naa íemo ite ríino naa ebíredino diga.

<sup>31</sup> Afe mei ie abí imaci óreite, afémaci riire bainada fúullemona nana Juzíñamui eneno nizécano nágafeniaimona dáanomó jíirillena. Iemona jica énie fuédaiaimona, íemo énie enéfeniaimona bíítiaioi.

<sup>32</sup> Higuera daina aménamo mamécafuenta omoi onoiri. Ie onócairo como fueñe zícua llezica, ja fimona ánozide, daíídiomoi. Daje izói afe amena rábiai jino firuilla llezica, ja fimona ánozide daíífrediomoi.

<sup>33</sup> Afe izói jítoma dúilla, íemo afémonado nana jíáie zuide raa omoi cíoiadi, íirairui ánozillana ónoitiomoi. “Ja dúciacade,” daíírediomoi.

<sup>34</sup> Uáfuenta ómoimo lloticue, bigíma nai tíñeille llezica nana bie raa jino zúite.

<sup>35</sup> Mona énie diga fúite, mei íadi cue uaillai jaca fúñeite. Cue lloga raa nana zúite.

<sup>36</sup> Mei íadi cue billirui óñoñega. Daje izói cue bille hora buna onóñena. Juzíñamui abí imaci onóñediaioi. Daje izói Juzíñamui Jitó áfena onóñede. Dama Moo Juzíñamui ónoiga.

<sup>37</sup> Noé ílláigimamo comini fieni illa izói, afe izói Nanoide fima Jitó billíruimo comini daí íítiaioi.

<sup>38</sup> Aféruillaido aillo noci nai bíñena úicodo, comini Noé llogáuaimo náfueñeno daa güilla llotíaioi. Güillano jírófirediaioi. Afe llezica íaioi fieni illafue meidoñeno, áreoidiaioi, íemo íaioi jízaníai ímíreitaoidiaioi. Jaca daí ítiaioi abina Noé áillue nocáe eromo jaide.

<sup>39</sup> Íaioi duere zefuúllimo due jiza comécíñediaioimo áillue noci íaioimo bíide; áferi coróbaizidiaioi. Nanoide fima Jitó billirui afe izói íite.

<sup>40</sup> Aféruimo mena íima jacáfaimo illa llezica, afe íaillínoimona dáamie Juzíñamuimo ínotímie caifo monamo uille, ie mei jíáimie fiébicaite.

<sup>41</sup> Daje izói mena ringo trigo lláia llezica, daango caifo uiga, jíáingo fiébicaite.

<sup>42</sup> Caade izói abí omoi onoiri, mei cai Ocuíraíma billirui óñoñegaza.

<sup>43</sup> Mei íadi bífuenta onódiomoi; jofo naama merízai bitímie bíllana onóadi, afémie ie jofo rairuillano íñíñoeno cáite. Daíí afémie merízai bitímie ie jofona tuñotañeite ie raa meríllena.

<sup>44</sup> Te jira jica ía abí ñue omoi finori. Mei due jiza comeci fácañeítíomoi, Nanoide fima Jitó bíiteza.

*Ínofírede ocuífregamie naa ínofínidímie diga  
(Lc 12.41-48)*

<sup>45</sup> Ínofírede ocuífregamiemo omoi comécíiri. Afémie ñúefue baitádimie. Ie ocuídímie nana jofo ero comínina uññotaite. Güille hóramo dúcia llezica afémie afémacina écaite.

<sup>46</sup> Naga ie naama ocuícana ñue finófredímie afémie billíruimo caímare ite, mei ie ocuica ñue fínuana cíozai bíteza.

<sup>47</sup> Uáfuenta ómoína daííticue. Afemona jofo naama nana ie jofo eromo ite ráaniaina afémiena uññotaite.

<sup>48</sup> Mei íadi ocuífregamie fiénidímiena jáiadi, íemo afe llezica: “Cue ocuídímie are bíñeite,” comécido dáiiadi, afe ocuífregamie jaca ínofínide.

<sup>49</sup> Daíí daina mei afémie jíáie ocuífregano duere fínoite. Afe llezica afémie jífáidino diga güizájite.

<sup>50</sup> Iemo ie ocuáidimie billíruimo afémie comécíñeitemo, ie naama dúciite. Daje izói ocuáifregamie ónoñega hóramo dúciite.

<sup>51</sup> Dúciillano afémiena jamánomo duere fínoite. Afe mei comeci diné nai íáirena mei abina ñue cíoidino iere duere zefuilla izói, afe izói afémiena duere zefuítate. Afemona afémie iere éite. Eiano izírenari murímurite, —dinori Jesús úrite.

## 25

### *Diez dígade jítáingomo mamécafue*

<sup>1</sup> Jesús nane jíáfue llote:

—Monamo ite Juzíñamui illáimana illíruui diez dígade jitaingo izoide. Aféngotiai iníreille ráfue mo jáidiaioi. Jailla llezica íaioi mechéraiái uitíaiói. Ringo otímie íaioi uáidollena afénomo jáidiaioi.

<sup>2</sup> Afénguai mona cinco dígango finóbiñeno ebena jaide. Iemo jíáie cinco dígango ñue finóbillano jáidiaioi.

<sup>3</sup> Afe finóbiñeno ebena jáidingotiai íaioi mechéraiái fuilla mei méidolle íjina uíñédiaioi.

<sup>4</sup> Mei jíáfodo afe ñue finóbidingotiai íaioi méidolle íjina botéllado uitíaiói jíái íaioi mechéraiári.

<sup>5</sup> Mei afe ringo otímie are biñenamona, nana jítáingotiai ja iníacadiaioi. Iemona ua iníaidiaioi.

<sup>6</sup> Afe mei dáaferui llezica riire uáidua uai cácaide: “Ringo otímie ja bíteza. Raire afémie omoi uáiduari,” daide.

<sup>7</sup> Afemona nana afe jítáingotiai náidacaillano íaioi mechéraiái unédiaioi.

<sup>8</sup> Afe llezica afe cinco díga finóbiñeno ebena bitínguai, jíáie cinco díga ñue finóbidingotiaína daide: “Cai mechéraiái ja bóoñedeza. Omoimo ite eneno atica íjimona cai ine,” daidiaioi.

<sup>9</sup> Mei íadi afe ñue finóbidingotiai finóbiñedingotiaína daide: “Omoimo fecánidicai. Mei ómoimo fecádicainia caimo fiébiñede. Afe izói ómoimo fiébiñede. Batí fecáriracomó daní jénuaidiomoinia ñuera.” Jira aféngotiai jáidiaioi.

<sup>10</sup> Mei íadi finóbiñedingotiai oni aceite íbajilla llezica, ringo otímie dúcide. Afe ñue finóbidingotiai afémie díga áirena ráfue mo jofo jáidiaioi. Afe mei afémie naze ibaide.

<sup>11</sup> Íbailla mei aceite íbajidingotiai dúcidiaioi. Dúciillano daidiaioi: “Ocuíraima, naze caimo tuiño,” daidiaioi.

<sup>12</sup> Mei íadi afémie jofona uai ote: “Uáfueña ómoína onóñedicue,” daide.

<sup>13</sup> Iemo Jesús nai úrillano daide: Nanoide íima Jitó Cristo billíruui ónonideza, iníñeno abí omoi rairuiri. Ie bille mona ónonideza. Daje izói ie dúciille hora buna ónoñega, —daide.

### *Talenta dáina ráfide úcubemo mamécafue*

<sup>14</sup> Jesús nane jíáfue llote:

—Monamo ite Juzíñamui illáimana illarui bie izoide. Daa ocuáifredímie oni jíáigobemo jáiacana llezica, ie ocuáifregano uáidota íemo ite úcube afémacina uíñotade.

<sup>15</sup> Ocuáidimie afémacimona daa cómemo cinco mil úcubetuni fecade. Iemo jíáimie mo mena mil dígatuni fecade. Iemo nane jíáimie mo daa milna fecade. Afémacimona illa dígamie ie ifoci onona dieze fecade. Daíí fécajano oni jíáie éniemo jaide.

<sup>16</sup> Cinco mil dígatuni igámie, afe úcubena afémie níciduamona, afe baimo cinco mil áfemo bai nabaide.

<sup>17</sup> Daje izói mena mil dígatuni igámie afe baimo jíáie mena mil áfemo bai nabaide.

<sup>18</sup> Mei íadi daa milna igámie ie ocuáidimie úcube oni énie ifomo retáidote.

<sup>19</sup> Afe mei, are illamona afe ocuáidimie ocuáifregamíai díne meine bite. Billano íaioi uíñoga úcube onóillena afémacimo jícanote.

<sup>20</sup> Cinco milna igámie fueñe billa. Billano afe baimo ie nabaica jíáie cinco mil ie ocuáidimie mo izáibite. Izájillano daide: “Cue Ocuáidimie, o cuemo iga cinco milna baimo jíáie cinco milna nabáidicueza. Be o diez mil dígatuni,” daide.

<sup>21</sup> Jira ie ocuáidimie íena daide: “Cue ocuácana iere ínofiredio. Cue ñuera ocuácamiedio. Due omo cue fecácana ñue ínotio. Afemona afe baimo jíáiena ona uíñotaiticue. Cue illáimana illánomo maí caimare coco jai,” daide.

<sup>22</sup> Afe mei nane mena milna iga ocuáifregamie dúcide. Afémie daide: “Cue Ocuáidimie, mena milna cue itio. Afe bai nane jíáie mena milna nabáidicue. Be o cuatro mil dígatuni,” daide.

<sup>23</sup> Jira ie ocuádimie íena daide: “Cue ocuácana iere íinofiredio. Cue ñuera ocuácamiedio. Due omo cue fecácana ñue ínotio. Afemona afe baimo jíáiena ona úínotaiticue. Cue illámana illánomo mai caimare coco jai,” daide.

<sup>24</sup> Mei íadi afe mei, daa mil dígatuni iga ocuáfiregamie dúciillano ie ocuádimiena daide: “Cue Ocuádimie, o iere ríimienana onódicueza. O ríñeganomona jaca ófiredio. Daje izóí trigo tuiránomo táijiñeno afénomona trigo ófiredio.

<sup>25</sup> Ie jira ona jacáruillano o cuemo iga úcube éniemo cue retáidoga. Mei íadi o úcube meine cue atícaza. Be ñíie,” daide.

<sup>26</sup> Iemona ocuádimie íena daide: “Fíénide ocuáfiregamiedio. Daje izóí ráiraiere de ocuáfiregamiedio. Cue ríirenana onódio ia, ¿ñibái mei bie izóí itio? Cue ríñeganomona cue ófírenana onódio. Daje izóí trigo tuiránomo táijiñeno, afénomona cue ófírenana onódio.

<sup>27</sup> Afemona cue úcube jóneranomona fecáredio. Iemo meine cue billemo afe úcubena naa jíáie baimo nabáicatuni díga lláinoredicue,” daide.

<sup>28</sup> Iemona ocuádimie afénomona itónona daide: “Bímiemo ite mil dígatuni otá, afe diez mil dígatuni ofítatimiemo ine.

<sup>29</sup> Igámie nane baimo írega. Afemona afémiemo baimo aillo íite. Mei íadi íñegamiemo due íemo ite meine bairórega.

<sup>30</sup> Iemo bie ráifíñede ocuáfiregamie jino jíitífono dota. Afénomona éeheiteza. Afe llezica izírenari murímuriteza,” daide. Daií daide Jesús.

### *Nana náiraiemo izire jíacánollirui*

<sup>31</sup> Jesús nai úrioid: Mei Nanoide íima Jitó Crístodicueza, illámana ana cue bille llezica, nana cue abi ímáicai díga bíiticue. Billano ebire finoca illaíma ráíraranomo ráiizaíbiticue.

<sup>32</sup> Nana náirai comíni cue uícomo gairítalliaioi. Afe íaioi bille llezica, ovejai úíñoraíma chívuaimona ovéjaíaina oni eneno nízia izóí, afe izóí Nahí Illámana cue íllemona nana náiraiaina oni enénorie jóoneiticue.

<sup>33</sup> Cue nabézimo ovejai izóidíno jóoneiticue. Iemo chívuai izóidíno cue jarífezimo jóoneiticue.

<sup>34</sup> Afe mei cue nabézimo itónona dáitíicue: “Cue Moo ñue finócamaci, mai omoi bi. Juzíñamui énie comuítaja llezica ómoiena mameca illámana illánomo jofo jai.

<sup>35</sup> Mei cue juffruilla llezica, cuena ecádio. Daje izóí cue jiróacana llezica cuena jirótatio. Iemo jíái jífocinino cue mácaja llezica cuena jofo ínítatíomoi.

<sup>36</sup> Iemo cue ínícuironina llezica cue itíomoi. Daje izóí cue dúcotailla llezica cuena uáidotíomoi. Daje izóí llavéramo cue illa llezica, cuena méíñuaíbitíomoi,” daide.

<sup>37</sup> Iemona cue nabézimo ite nífuenidíno cuena dáitíiaioi: “Cai Ocuáraíma, ¿mei níñruí o juffruillana cíóillano ona ecádicai? Daje izóí ¿mei níñruído o jiróacana llezica ona jirótaticai?”

<sup>38</sup> Iemo jíái, ¿mei níñruído o jífocinino o mácaja llezica ona ínítaticai? Iemo jíái ¿níñruído o ínícuironina llezica o itíicai?

<sup>39</sup> Iemo jíáie ¿níñruído o dúcotailla llezica o méíñuaídicaí? Daje izóí llavéramo o illa llezica ¿níñruído o méíñuaídicaí?” daidíitíicue.

<sup>40</sup> Jira Illaíma cue íllamana uai óitíicue: “Uáfúena ona dáitíicue, nana afe bie comécina mánaide cue ámatiaímo omoi finócafuaí, aféfuíai ja cuemo finódiomoi,” dáitíicue.

<sup>41</sup> Afe mei cue Illámana cue ráírano ie jarífezimo itónona dáitíicue: “Cúemona oni omoi jai. Omoi fíeni faidócanodíomoiiza. Comíni zííñona duere finolle iraimo omoi jai. Afe irai Taífe, nana ie abi ímaci díga íena finoca.

<sup>42</sup> Mei cue juffruilla llezica cuena ecáñediomoi. Cue jiróacana llezica cuena jirótañediomoi.

<sup>43</sup> Afe izóí jífocinino cue jáicana llezica cuena jofo ínítañediomoi. Cue ínícuro íñena llezica cuena íñediomoi. Duico cue ua llezica, daje izóí llavéramo cue illa llezica cuena uáiduaíbfínidíomoi,” daide.

<sup>44</sup> Jira afémaci cuena dáitíiaioi: “Cai Ocuáraíma, mei níñruí o juffruillana cíódicaí, daje izóí o jiróacanana, íemo jífocinino o macácana, íemo o ínícuro íñenana, íemo o irárenana, íemo llavéramo o íllana, ¿mei níñruído daií o íllana cíódicaí ia, ona canóñedicaí?” dáitíiaioi.

<sup>45</sup> Iemona afe llezica íaioina dáitíicue: “Uáfúena ómoína dáitíicue, bie comécina mánaide cuemo jaináidinomona dáamiemo omoi finoñegafuaíaina, aféfuíaina ja cuemo finóñediomoi,” dáitíicue.

<sup>46</sup> Afe mei afémaci zííñona duere finolle iraimo jáitíiaioi. Iemo Juzíñamui jóonega comécina nífuenidíno, caimare zííñona cáallínomo jáitíiaioi, —dínori Jesús úrite.

## 26

*Jesús llaitállena maméritiaioi*

(Mr 14.1-2; Lc 22.1-2; Jn 11.45-53)

<sup>1</sup> Jesús nana bifúiaí llua méifodo, ie llófuegamacina daide:

<sup>2</sup> —Onódiomoiza benómona ménarui illamona pascua rafue íiteza. Aféruído Nanoide Hima Jitó Cristodicueza cruzmo corállena cuena fécaitiaioi, —daide.

<sup>3</sup> Afe llezica lletáriraini illaini, daje izói ocuica uai llófueraini, naa judúuai eicomíniri dáanomo gairídiaioi. Lletáriraini caifóidillaíma Caifás ñúeco íbírímo gairídiaioi.

<sup>4</sup> Afénomo Jesús jífúiano llaitállena maméritiaioi. Afe llezica afémie titállena maméritiaioi.

<sup>5</sup> Mei íadi afémaci daidíaioi:

—Nana comini áferi fáillifaillíñañeillena, rafue ana íena lláitañeíticai, —daidíaioi.

*Ringo zióredijina Jesús ifo jillaide*

(Mr 14.3-9; Jn 12.1-8)

<sup>6</sup> Jesús Betania jófuego ite. Afémie, chíñaitimiena maméidímie Simón jofomo ite.

<sup>7</sup> Afe llezica, afénomo daa ringo alabastro daina nofici finoina ícítirudo ziórediji uite. Afeji iere ráifide. Jesús gúirábanimo ráina llezica, afengo afe ziórede cárediji Jesús ifomo totade.

<sup>8</sup> Ie llófuegamaci áfena cióillano ríicaidiaioi. Dani conímana daidíaioi:

—¿Nibái mei áfeji táinomo fáifitaga?

<sup>9</sup> Afeji aillo úcube óllena fecárede. Afedo oga úcube, dúeredinomo írede, —daidíaioi.

<sup>10</sup> Jesús daíí íaioi úrillana cacáillano íaioina daide:

—¿Nibái mei bie ringo jifánodoidiomoí? Bie ringo cuemo finoca raa iere ñuera.

<sup>11</sup> Omoi cigímo dúeredino jaca ífírede, mei íadi omoi cigímo are íñeíticue.

<sup>12</sup> Bie ringo cue abímo totaca ziórede cáredijina, cue raillínomo dúide. Afedo afengo ñue cuena finode.

<sup>13</sup> Uáfúena ómoína dáitícue, náganomo bie éniemo bie jilloille uai jino llóíadi, bie ringo cuemo finócana jino llóitiaioiza, afémaci aféngomo uíbicaífíreillena, —daide.

*Judas Jesuna ie éoidinomo fecade*

(Mr 14.10-11; Lc 22.3-6)

<sup>14</sup> Afe mei doce dígade llófuegamacimona Judas Iscariote lletáriraini illáimamo úrizaide.

<sup>15</sup> Afémacina daide:

—Jesús ómoimo cue fecálleza, ¿nieze cuemo íbaitiomoí? —daide.

Jira “cuatro fui táijina íba dieze, omo íbaiticai” dainano, treinta díga ráifide úcubetunillai afémiemo fecádiaioi.

<sup>16</sup> Iemo áfemona afe Judas Jesús íaioimo ñue fecállino jenode.

*Jesús páscuamo íraicaiño güíllafue*

(Mr 14.12-25; Lc 22.7-23; Jn 13.21-30; 1 Co 11.23-26)

<sup>17</sup> Afe rafue nanódiruimo fáitañega pan güífridiaioi. Afe llezica Jesús llófuegamaci billano jicánotiaioi:

—¿Pascua rafue llezica güíllena, uícodo ninomo cai fínuaílle? —daidíaioi.

<sup>18</sup> Afémie íaioina daide:

—Batí jófuego jaillano, cue dainámie jofomo jai. Afémiena daíri: “Cai llófueraima ona daide: Cúeiena mamécaruimo ja dúciizaideza. Pascua rafue güífrénana o jofomo cue llófuegamaciri güítícue,” —daide.

<sup>19</sup> Iemona ie llófuegamaci ie ocuilla izói pascua ráfuego güíllena fínuaídiaioi.

<sup>20</sup> Ja nauilla llezica, Jesús ie doce dígade llófuegamaciri afénomo güízájidiaioi.

<sup>21</sup> Afénomo íaioi güílla llezica Jesús daide:

—Uáfúena dáitícueza, ómoimona dáamie cuena fécaite, —daide.

<sup>22</sup> Iemona afémaci iere zúucaíllano. Zúucaillano illa dígamierie Jesumo jicánotiaioi:

—Cai Ocuíraima, ¿meita cue? —daidíaioi.

<sup>23</sup> Jesús íaioi uai ote:

—Birui cue díga daje plátomona güítímie, nii cue fécaítímie.

<sup>24</sup> Nanoide Hima Jitó Cristodicue; jaíai Juzíñamui Cuegáuaimo lloga iodo jáitícue. Mei íadi cue fecádimie jñii dúerenal Afémie nanómona jaca jéicíñegania figora, —daide.

<sup>25</sup> Iemona afe fécaítímie Judas Jesuna daide:

—Llófueraima ¿meita cue? —daide.

Jira Jesús uai ote:

—Jii, o. O cue fecalle.

<sup>26</sup> Ie güilla llezica, Jesús pan llínota, Juzíñamuina “Iere figura” daide. Daina mei ditada, ie llófuegamacimo fecade. Fécajano daide:

—Bie güi. Bie cue abiza, —daide.

<sup>27</sup> Afe mei jiróraco llínota, Juzíñamuina “Iere figura” daide. Dainano ie llófuegamacimo fecade. Feca mei íaioina daide:

—Nana bicúrimona omoi jirori.

<sup>28</sup> Mei bie cue dieza. Cue die, dájemo Juzíñamui llínoga comue uai uáfueña daítate. Aillo comini íaifue muiñóllena cue die totalle.

<sup>29</sup> Mei íadi dáanomo bie uva íjina meine jiroñeiticue. Cue Moo illáimana illirui nai dúciñeille dino aféjina jiroñeiticue. Afe bille llezica cómojina omoi diga jiroiticue, —daide.

*Pedro Jesús jáanollena Jesús uícodo llote  
(Mr 14.26-31; Lc 22.31-34; Jn 13.36-38)*

<sup>30</sup> Juzíñamuimo íaioi rua fuilla mei, jino Olivo daina ídumo jáidiaioi.

<sup>31</sup> Afénomo Jesús íaioina daide:

—Bie naio cueri méaicaillano nana omoi cuena fíetiomoi. Mei jaiái Juzíñamui Cuegáuaimo omoi dibénedo bie izói daide: “Ovejai úñoraima cue fáiticue, íemona afe ovéjaiái rainólliaioi,” daide.

<sup>32</sup> Jesús nai úrite: Mei íadi meine abído cue cáaille mei omoi uícodo Galiléamo jáiticue, —daide.

<sup>33</sup> Jira Pedro uai ote:

—Nana comini ona fáicanocaitiaioi ía, cue ona fáicanocaiñeiticue, —daide.

<sup>34</sup> Jira Jesús afémiena daide:

—Uáfueña ona daíticueza. Bie naio átava nai úriñenia, daámani dígacaiño cuena jáanoitioza, —daide.

<sup>35</sup> Pedro íena daide:

—O diga cue túllena iere jitárede ía, ona jáanoñeiticue, —daide.

Afe llezica nana llófuegamaci Pedro daina izói daidíai.

*Getsemanímo Jesús Juzíñamuimo úrite  
(Mr 14.32-42; Lc 22.39-46)*

<sup>36</sup> Afe mei Jesús naa íe llófuegamaciri Getsemaní mámeçiredinomo dúcide. Afénomo íaioina daide:

—Bai batí Juzíñamuimo cue úrizaiilla llezica benomo omoi ráiri, —daide.

<sup>37</sup> Daí daina mei Pedro, naa Zebedeo jitó íaillinoiri Jesús bai uite. Afe llezica Jesús iere zúucaide. Zúucailla llezica comécimo duere zefuilla izói cácaide.

<sup>38</sup> Iemona íaioina daide:

—Cue comeci iere zúurede. Afe zuufue cuena titade izói finode. Benó omoi fiébiri. Iníñeno cue omoi úñori, —daide.

<sup>39</sup> Daí daina mei afe baimo íanori jaide. Afénomo éniemo fueco dine bíjicaillano Juzíñamuimo úrite; daide:

—Cue Moo, o finórenia bie duere finóllinomona cue jíllotari. Mei íadi cue comeci jítaina izói finóñeno íri. O comeci jítaina izói finori, —daide.

<sup>40</sup> Afe mei daámani íe llófuegamaci illánomo meine bite. Inídiaioina cíozabite. Iemo Pédróna daide:

—¿Nano íanori omoi cue diga iníñeno cáadino izói ínidiomoi?

<sup>41</sup> Fiéndifueño omoi báiiñelleza, iníñeno abí omoi rairuri. Daje izói Juzíñamuimo comécido omoi úriri. Uáfueña omoi joreño jíerezeza, mei íadi omoi abí nánide, —daide.

<sup>42</sup> Afe mei nane Jesús Juzíñamuimo úrizaide. Bie izói daide:

—Cue Moo, bie duere cue íaioi facátallemona cue o jíllotareñenia o comeci jítaina izói fino, —daide.

<sup>43</sup> Afe mei nane meine bite. Bítemo íe llófuegamaci inídena cíozabite, mei íaioi uimo ínne iere illaza.

<sup>44</sup> Iemona nane afémacina fiénocaillano bai Juzíñamuimo úrizaide. Ja daámani dígacaiño úrizaide. Ie mei nane daje uaido úrite.

<sup>45</sup> Afe mei nane íe llófuegamaci illánomo jaide. Afémacina daide:

—¿Nai ínidiomoi? ¿Nai ocózinaidiomoi? ¡Cacai! Nanoide íima Jitódicueza, ja cuena fiénidinomo fecalle hóramo dúcideza.

<sup>46</sup> Omoi náidacai; jáiticaiza. Cue fécaitimie ja dúcideza, —daide.

*Jesús ja llaitada uitíai*  
(Mr 14.43-50; Lc 22.47-53; Jn 18.2-11)

<sup>47</sup> Daií Jesús nai úrioina llezica Judas dúcide. Afémie doce dígade llófuegamacimona dáamie. Afémie aillo comini diga bite. Lloéfaillai naa bigíniari atídiaioi. Afémaci lletáriraini illaini orécaiaioi. Daje izói judíuai éicomini orécaiaioi.

<sup>48</sup> Fécaitimie Judas Jesús íaioi onóllena llaitalle uai uícodo íaioimo llote:

—Níimie cacai ñitaiticueza; afémie llaitada omoí uiri, —daide.

<sup>49</sup> Afemona Jesumo ánozillano daide:

—Llófueraima, caimare itio, —daide.

Afe emódomo Jesuna ñitade.

<sup>50</sup> Jira Jesús ie uai ote:

—Cue nabai, ¿minícamo bitio? —daide.

Daií daina mei, comini billano Jesús llaitádiaioi. Llaitada llavéllena uitíaioi.

<sup>51</sup> Afe llezica Jesús nabáñiamona dáamie ie lloefai otá, lletáriraini illaima ocufiregamie jefo cotade.

<sup>52</sup> Jira Jesús íena daide:

—Jadie o lloefai oni joone. Mei nana lloéfaido fuirídino, afe lloéfaido títiaioi.

<sup>53</sup> ¿Onóñedioza cue Móomona doce dígazie ríduaubitino jicáredicue? Daií jicádicuenia afémie biruimo raire cemo orérede. ¿Afena onóñedio?

<sup>54</sup> Mei íadi birui afémaci cue llaitáñediaioinia, ¿nie izói Juzíñamui Cuegáuai daina ñue ícoimo zúite? Aféuai bie íficaidífuiai ie zúille llote, —daide.

<sup>55</sup> Afe mei Jesús comínina daide:

—¿Nibái mei merírifiredímie izói cue lláitabitioimoí? Mei lloéfaillairi íemo bigíniari cemo bitíomoiza. Nágaruillaido Juzíñamuimo gairíracomo ráicana ómoína llófuefiredicue. Afénomo jaca cuena llaitáñediomoí.

<sup>56</sup> Mei íadi nana bie íficaide, jaiái Juzíñamui uai jino llóraini lloga ñue ícoimo fuitállena, —daide.

Afe llezica nana Jesús llófuegamaci afémie fáicanocaillano botádiaioi.

*Jesús jamánomoidillaini uícómo uitíaioi*

*(Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Afe Jesús llaitada oni uitino Caifás uícómo uitíaioi. Afémie lletáriraini caifóidillaíma. Afénomo ocuica uai llófuefiredino naa eicomíniri dánomo ofídiaioi.

<sup>58</sup> Mei íadi afe llezica Pedro Jesús uilla óodana caifóidillaíma jofu ibírimo jaide. Afénomo dúcillano jofu jaide. Jaillano afeco úitíotino diga ráiide. Afémie dinomo ráiide Jesús llaitaja ñue ícoimo fúillana cíollena.

<sup>59</sup> Lletáriraini naa eicomíniri, íemo nana jamánomoidillainiri Jesumo fieni jónellifue jenódiaioi. Uafue jónellifue íaioi báñenia “Táinofue nitaiticai,” daidíaiói, “áfedo afémie cai titátalaza.” Afe llezica aillo comini billano taino uaillai afémiemo jónetiaioi.

<sup>60</sup> Mei íadi afémiemo íaioi jónellena baiñédiaioi. Afe mei írainomo ménamie taino llófiredino íaillinoi dúcide.

<sup>61</sup> Afe íaillinoi daide:

—Baie Jesús bie izói daífiredie: “Juzíñamuimo gairíracona júdaredicue. Afe mei daaruiámami íllamona meine caifo níredicue,” —daidíaillinoi.

<sup>62</sup> Jira lletáriraini caifóidillaíma náidacaillano Jesuna daide:

—¿Nibái mei uai oñedio? Bie omo íaioi jónegafue ¿nie izoide? —daide.

<sup>63</sup> Mei íadi afe llezica Jesús jaca uaina oñede. Ie jira lletáriraini illaima íena daide:

—Caade Juzíñamui mámedido o úritadicueza, uri. Uáfuenta daíllena riire o ocuídícué. O, Juzíñamui Jitó Crístono o illa caimo lloiri, —daide.

<sup>64</sup> Jira Jesús daide:

—Jii, o daina izói nímiédicue. Nane ómoína daíticue, Nanoide Hima Jitó Crístodicueza, rínnorede Juzíñamui nabézimo cue ráiillana cíotiomoí. Afe llezica mona uíllíedo ana monámona cue bíllana cíotiomoí, —daíí daide.

<sup>65</sup> Afena cacáillano lletáriraini caifóidillaíma jamánomo ríicaide. Daií ríicaillana ácatallena ie jitáoiaroi cuatade. Afe mei daide:

—Bie íima ie daina uáillaido Juzíñamuina íaire úrite. ¿Nibái mei nai jíáie uai nábitino jitáidicai? Omoí dani ie fiénide dáinana cacádiomoí.

<sup>66</sup> ¿Minica afémiemo dúina? —daide.

Jira afémaci daidíaiói:

—Dama ie ícoína tírede, —daidíaiói.

<sup>67</sup> Afe mei ie uiecona tuádiaioi. Rázido íena fatíaioi. Jiáimaci ie uieco púcoidiaioi.

<sup>68</sup> Daií ñiano íena daidíaiói:



—Mei Cristodioza, ¿nímie o faja? Jino llone, —daidíai.

*Pedro Jesús onode íadi jáanote*

(Mr 14.66-72; Lc 22.56-62; Jn 18.15-18, 25-27)

<sup>69</sup> Afe llezica Pedro jinófeco ibírímo ráide. Afénomo ie illa llezica ocuífiréngango afémíemo billano daide:

—O daje izói Galilea ímie Jesús diga macáfiredio, —daide.

<sup>70</sup> Mei íadi Pedro comini eróicana afémiena jáanote; daide:

—O dáinana onóñedicue. ¿Mínica llotio? —daide.

<sup>71</sup> Afe mei Pedro jofo nazemo jáidemo jáíngoo íena ciode. Cíoillano afénomo itínona daide:

—Bímie daje izói Nazaret ímie Jesús diga macáfiredo, —daide.

<sup>72</sup> Afengo daí daina llezica, Pedro nane íena jáanote. Rírede uaido daide:

—Afe ímana jaca onóñedicue, —daide.

<sup>73</sup> Afe mei íanori íllamona afénomo itino Pédro mo ánozillano daidíai:

—Uáfueza, afémaci ímedio, mei dama o úrillado onóñicaiza, —daidíai.

<sup>74</sup> Afe jira Pedro uafue daí íllena Juzíñamui mámece líñota riire daide:

—Afe báimiena jaca onóñedicue, —daide.

Daí ie daina llezica íitava úrite.

<sup>75</sup> Afemona Pedro Jesús uícode íena dáinamo úibicaide. Afe be níuui: “Atava nai úríñena llezica, daámani dígacaiño cuena jáanoitioza.” Afemo úibicaillano Pedro jino iere zuure éecana jaide.

## 27

*Pilátomo Jesús izájidiai*

(Mr 15.1; Lc 23.1-2; Jn 18.28-32)

<sup>1</sup> Mona monáizailla llezica, nana lletáriraini illaini, naa judíuai eicomíniri, dáanomo gaíríllano Jesús titállena nana daje izói maméritiaí.

<sup>2</sup> Afe mei Jesús maíano, afe énie úíñote illaima Poncio Pilátomo izájidiai.

*Judas tállafue*

<sup>3</sup> Judas, Jesús fecádmie, Jesuna íai: coráiaillana cíoillano comece ífue méidote. Iemona treinta diga úcubetuni meine lletáriraini illáinimo izájide, ocuide eicomínimo diga.

<sup>4</sup> Izájillano daide:

—Iere fiénidíue fiénidíue; nífuenidímie titállena fecádicueza, —daide.

Jira afémaci uai otíai:

—¿Afefue caimo mei níbí? Dama ófue, —daidíai.

<sup>5</sup> Ie jira Judas afe úcubede gaíríracomo ana jutade. Afe mei afémie jaillano dama cimo ágúnajano aménamo ágúicaide. Daí afémie tíide.

<sup>6</sup> Lletáriraini illaini, afe jutaca úcubede iráiano daidíai:

—Juzíñamui fia iga úcubede jóneracomo bie úcubede jónenidícaí, mei come títaja úcubez, —daidíai.

<sup>7</sup> Afe mei afémaci afe úcubede énie íballena dájena comécidíai. Íai: íbaca énie mámece Nógora Orano. Afébiri íbádiai: jicánemaci tíadi afénomo ráillena.

<sup>8</sup> Afe jira nai biruimo afébiri Díebirina daífirina.

<sup>9</sup> Daí íai: fínuamona jaiái uai llórama Jeremías lloga uai ñue ícoimo fuite. Be níuui: “Israel nairai cue íai: fécaja úcubede abído líñotiaí.

<sup>10</sup> Líñuano Nógora Orano íbádiai. Daí Juzíñamui cue ocuide.”

*Jesús Pilato uíecomo jónetiaí*

(Mr 15.2-5; Lc 23.3-5; Jn 18.33-38)

<sup>11</sup> Afe mei énie úíñotillaima uícomo Jesús uitíai. Afénomo afémie Jesumo jicánote:

—¿O meita judíuai illaima? —daide.

Jira Jesús daide:

—O daina izói nímedíue, —daide.

<sup>12</sup> Iemo lletáriraini illaini naa ocuide eicomíniri Jesumo fiénide uailai jónia llezica, afémie jaca uai óñede.

<sup>13</sup> Jira Pilato íena daide:

—¿Aquié omo íai: jónegafuai cacáñedio? —daide.

<sup>14</sup> Mei íadi Jesús jaca afe llezica uai óñede. Iemona uai ie óñenari énie úíñotillaima fáigacaide. Ie daíille uai onóñede.

*Jesús titállena mameca**(Mr 15.6-20; Lc 23.13-25; Jn 18.38-19.16)*

<sup>15</sup> Aféruillaído afe rafue ana, llaveca fiénidinomona dáamie Pilato zuitáfirede. Afémie comini uaido zuitácamie.

<sup>16</sup> Mei afénomo ite máamecina jica jalleide fiénide maigámie. Afémie máameci Barrabás.

<sup>17</sup> Illáicomini dáanomo gairilla llezica Pilato afémacimo jicánote:

—Biaillinoimona ¿níimie ómoimo jino zúitaiticue? ¿Barrabás, mei nibai Cristo daina Jesús? —daide.

<sup>18</sup> Mei Pilato, comini úradoillamona Cristo íaioi fécajana ñue onode.

<sup>19</sup> Pilato, riire jicánofiredimie ráiiranomo ráiina llezica, Pilato ai uai orede. Afe be níuui: “Afe jadímie nífuenidimieza afémie jírcaíñeno iri. Mei ja naio afémiena cue nicáirilla llezica iere duere zefuídicue,” daide.

<sup>20</sup> Mei íadi lletáiraini illaini naa ocuide eicomíniri, nana jíáie comini Pilátona daílluiari riire llotíaioi. Barrabás zuitállena Pilátomo jicátataioi. Daje llezica Jesús titállena jicátataioi.

<sup>21</sup> Afe énie úñitollaima nane dáanomo jicánote:

—Biaillinoimona ¿níimiena cue zuitátatiomoi? —daide.

Jira: —Barrabás zuita, —daidíaioi.

<sup>22</sup> Iemo Pilato íaioimo jicánote:

—Iemona bie Crístona máameciredimie Jesús ¿nie izói níbaíticue? —daide.

Jira nana uai otíaioi:

—¿Cruzmo corai! —daidíaioi.

<sup>23</sup> Iemona Pilato íaioina daide:

—¿Nibái mei? ¿Nie fiénidifue afémie finode? —daide.

Mei íadi comini dáanomo riire daidíaioi:

—Cruzmo corai, —daidíaioi.

<sup>24</sup> Pilato ie uaina íaioi ínoñenana ciode. Daje izói nana comini aféfuiairi jamánomo cáilliana cacade. Ie jírari “Onoi cue jocólleza jainoi ati” daide. Jócua llezica daide:

—Afe bie nífuenidimie tulle cuemo jíiñede. Dani ómoifueza, —daide.

<sup>25</sup> Iemona nana comini uai otíaioi:

—Afémie tulle caimo jíite, daje izói cai úruiaimo, —daidíaioi.

<sup>26</sup> Afe jira Pilato Barrabás zuitade. Afe mei Pilato Jesús rázido fatátate. Fatata mei Jesuna afémacina coráitate.

<sup>27</sup> Afe mei énie úñitollaima fuíríraini áillue gairíramo Jesús uitíaioi. Afénomo nana jíáie fuíríraini afémie onifenedo gairídiaioi.

<sup>28</sup> Afe mei ie iniroi dúñuano, illaima jítáfirega jáicuiro afémie jítádiaioi.

<sup>29</sup> Afe llezica ifo icuifoí eegi nínacuífoina afémie jítádiaioi. Iemo jíái illaima llíifirega bigina íena llínotadiaioi. Daí ñiano afémie anamo dújudiaioi. Dújuillano jifánodoiano íena daidíaioi:

—Judíuai Illaima are íitioza, —daidíaioi.

<sup>30</sup> Afe llezica afémaci ie túallaitiaioi. Afe dáanomo ie llíiga bigi báiruano, ie ifoci púcoidiaioi.

<sup>31</sup> Daí ie íaioi jifánodoia mei, afémie íaioi jítaca jáicuiro dúñuano, dama ie iníroina jítádiaioi. Afe mei afémie coráiaidiaioi.

*Jesús cruzmo coráidiaioi**(Mr 15.21-32; Lc 23.26-43; Jn 19.17-27)*

<sup>32</sup> Jofue jinomo íaioi coráiailla llezica, Círene énie ímie baitíaioi. Baillano Jesús uiga cruzna rocátataioi.

<sup>33</sup> Daí Gólgata máameciredinomo dúcidiaioi. Gólgata daina “come ífócorai illano.”

<sup>34</sup> Afénomo eríredena jaicuica vínona Jesús jirótataioi. Mei íadi Jesús áfena due fácano, jiróacañede.

<sup>35</sup> Jesús ja íaioi coraia méifodo, fuíríraini Jesús iniroi illa dígamie íaioi máíñuana onoíllena, onótaraji dotádiaioi. Daí jaiaí uai llóraini lloga uai ñue ícoimo fuite. Afe be níuui: “Onótaraji dótajano, cue iniroi conímaiaimo fecádiaioi.”

<sup>36</sup> Afe mei afémiedo éroíllena afénomo ráíiediaioi.

<sup>37</sup> Ie ifo acónimo cuezábici netádiaioi. Afébicimo níifue ícoinia duere finoca daina cúeina. Afébicimo cueda bie izói daide: “Bie Jesús, Judíuai illaima.”

<sup>38</sup> Afe llezica afénomo mena merírifiredimie coráidiaioi. Dáamie Jesús nabézimo coráidiaioi. Jáímie ie jarífezimo coráidiaioi.

<sup>39</sup> Afe llezica áfeodo jaide comini Jesuna íaire úritiaioi. Uaido iere riire íena táigoidiaioi.

<sup>40</sup> Daí fieni ie táigoiano íena daidíaioi:

—Juziñamuimo gairiraco júdaiano daaruiámani ille mei meine níticue daiífiredioza; mai, o abi jlllota. Daje izói Juziñamui Jitona o íadi, jadíe cruzmona ana bi, —daidíaiói.

<sup>41</sup> Daje izói lletáriraini illaini, íemo ocuica uai llófuético, íemo fariséuai naa ocuífiredo eicomíniri íena áifeduardo conímána daidíaiói:

<sup>42</sup> —Diga jiáimaciaina afémie jlllotafrede, mei íadi dama ie abina jlllotanide. “Uafue Israel illaíma o ía, jadíe crúzmona ana bii, áfemona omo cai íinolleza,” íena daidíaiói.

<sup>43</sup> Nai ie áifeduardo íena úritiaíói:

—Mei afémie Juziñamuimo ínoteza, mai mei birui Juziñamui ie jlllota, Juziñamui ie jlllotaiacania. Afémie caina “Juziñamui Jitódicue” daide, —daidíaiói.

<sup>44</sup> Daje izói ie diga coraica merírfiredo íaillinoi íena íaire úritiaillinoi.

### *Jesús tilla*

*(Mr 15.33-41; Lc 23.44-49; Jn 19.28-30)*

<sup>45</sup> Afe llezica nániena jíreficaide. Jitoma jaíciri íllamona batí ana ítemo jíreficaide.

<sup>46</sup> Ja jitoma arífemona ana ítemo Jesús riire caillide:

—Elí, Elí, ¿lma sabactani? —daide. Afe uai daiácana: “Cue Juziñamui, cue Juziñamui, ¿nibái mei cue zóofetio?”

<sup>47</sup> Afénomo itínomona dáarie áfena cacáillano daidíaiói:

—Bímie jaiái Juziñamui uai llóraíma Elías jírite, —daidíaiói.

<sup>48</sup> Daií daina llezica afémacimona dáamie aizida esponja daina fíilicidie raa uájide. Erírede vínomo riáitano Jesús jíróllena caífo rázido ñuitádiaíói.

<sup>49</sup> Mei íadi jiáimaci daidíaiói:

—Dama íteza. Jetáñeno, Elías ie jlllotaíbiadi, cai cíoielleza, —daidíaiói.

<sup>50</sup> Afe mei Jesús dáanomo riire caillide. Daií cáillia méifodo ja tíide.

<sup>51</sup> Ie tilla llezica Juziñamui gairiraco eromo fetácaroi caifona ana eróicana atóroido oni cúajicaide. Afe llezica énie docaide, íemo jíái jéerie nofíciái bócoizite.

<sup>52</sup> Iemo daje llezica, comini raíáfuaí túicoizite. Afe llezica aillo tíide Juziñamuimo ínotinuíai meine abido cáadimacina jáidiaíói.

<sup>53</sup> Afe bimaci íaiói raíáfuaímona jino bitíaiói. Iemo Jesús abido caana mei, ñuera Jerusalén jófuego jáidiaíói. Afénomo aillo comini bie como meine abido cáadimacina cíodiaíói.

<sup>54</sup> Iemona fuíríaini illaíma naa afémie diga Jesús úínotinori, énie docailla, naa jíáie comuíduíaina cíoiillano, íere jacinaítiaíói. Jacinaillano daidíaiói:

—Uáfueza bie Juziñamui Jitó, —daidíaiói.

<sup>55</sup> Afénomo diga ringóniaí jicana eróiediaíói. Aféngotiaí Galiléamona Jesudo jáidiaíói. Aféngotiaí Jesuna canófrediaíói.

<sup>56</sup> Aféngotiaí cígimo, Magdalena énie ingo María ite. Iemo jíáie María, Santiago José íaillinoi ei ite. Iemo jíái Zebedeo ai ite. Afengo mena jítórede.

### *Jesús raitíaiói*

*(Mr 15.42-47; Lc 23.50-56; Jn 19.38-42)*

<sup>57</sup> Ja nauilla llezica Arimatea énie ímie José bite. Afémie ráaredimie, íemo jíái afémie Jesudo jáicaífredo.

<sup>58</sup> Afe jira Pilátomo Jesús abi jícajide. Iemona Pilato Josemo afémiena ite.

<sup>59</sup> Iemo José Jesús abi ana uano ñuera áilloroina junide.

<sup>60</sup> Juníllano dama ie comue raiafomo jóonete. Afe raiafo nofícimo finoca. Raía mei áillue nofícina naze íbáillano jaide.

<sup>61</sup> Afénomo Magdalena énie ingo María naa jíáie María diga raiafo úicori ráidiaínguai.

### *Jesús raíáfo úíñoitinona jónetiaíói*

<sup>62</sup> Afe jíáiruido, ocózinaiillaruimo jitaica raa fínua mei, lletáriraini illaini, naa fariséuairi Pilátomo úrizaidiaíói:

<sup>63</sup> —Ocuídímie, afe taino llóraíma Jesús dáinamo úibicaídicaí. Afémie caana llezica, “Daruiámani ille mei, tíllanomona meine abido cáaiticue,” daiífiredo.

<sup>64</sup> Ie jira afe raíáfo daruiámani fidi riire o finori, ie llófuegamaci ie abi naio mériaíbiñelleza. Mériano comínina “Ja Cristo tíide meine abido caade,” daíítiaíói. Ie llófuegamaci daií finóadi, íaiói íirainomo lloga táinofue, fueñe lloga táinofuaí baímo fíenite, —daí daidíaiói.

<sup>65</sup> Jira Pilato daide:

—Batí omoi úíñote fuíríaini ite. Afémacido afe raíáfo omoi onona izói riire omoi finori, —daide.

<sup>66</sup> Iemona raiáfomo jaillano, afénona riire finódiaioi. Afe mei afe raiáfo emodo ibaila nofícimo tuiñoñeillena jana finódiaioi. Afe mei jónoneide fuiríraini afénomo fíiano oni jáidiaioi.

## 28

*Jesús túllanomona meine abido cáadimiena jaide*

*(Mr 16.1-8; Lc 24.1-12; Jn 20.1-10)*

<sup>1</sup> Ocozinaillarui jáiruido, semana fueñediruimo mona monáiacana llezica, Magdalena énie ingo María, jáie María diga raiáfo méifuaidiainguai.

<sup>2</sup> Afe llezica énie riire docáiricaide. Juziñamui abi ímie ángel dainámie monámona ana billa énie nraidua. Afémie Jesús raiáfomo dúciillano afe ibaila nofici oni tuiñoñe. Tuifnuano afébicimo ráiide.

<sup>3</sup> Afémie abi mona borilla izói quenire cioide. Iemo afémie iniroi jaillici izói iere úzere.

<sup>4</sup> Afémiena cióillano, jónete fuiríraini iere jacínaitiaioi. Cuidíridiaioi. Afe llezica tíidino izói jáidiaioi.

<sup>5</sup> Afe mei Juziñamui abi ímie afénomo jaide ringóniaina daide:

—Jacínaiñeno. Onódicueza, coraica Jesús jénuaibitiomoi.

<sup>6</sup> Afémie ja benó íñede. Omoína ie daina izói, ja meine abido caade. Ie íaioi raiano eróizaibi.

<sup>7</sup> Afe mei ie llófuegamacimo omoi llujáiri. Bie izói lloiri: “Ja afémie tíide íadi meine abido cáadimiena jáideza. Afémie ja omoi uícomo Galiléamo jaide. Afénomo íena cíotiíomoi.” Be omoimo cue llóiacagafue, —daí daide.

<sup>8</sup> Iemona ringóniaí afe raiáfomona raire abido jáidiaioi. Aféngotiaí iere ióbicaidiaioi íadi, nai jacíruioiídímaci.

<sup>9</sup> Iodo íaioi jailla llezica Jesús íaioimo cíocaide. Cíocaillano íaioína uáidote. Aféngotiaí íemo áinozillano íemo cáimadotiaioi. Ie ídaí meníñotiaioi.

<sup>10</sup> Jira íaioína daide:

—Omoi jacíruiñeno. Cue ámatiaímo llujáiri, Galiléamo raire íaioi jáilleza. Dinomo cuena cíotiaioi, —daide.

*Raiáfona úiñotaga fuiríraini llogafue*

<sup>11</sup> Ringóniaí jailla llezica, raiáfo jónete fuiríraínimona dáarie jófuego jáidiaioi. Afénomo dúciillano lletáiraini illáinimo nana íaioi cíónana llotiaioi.

<sup>12</sup> Aféllaini ocuide eicomínimo ñue íaioi onóillena llujáidiaioi. Ie jira aillo úcubena afe fuiríraínimo itiaioi.

<sup>13</sup> Illano íaioína daide:

—Bie izói omoi daíri: “Naio cai ínia llezica ie llófuegamaci mériano ie abina uitiaioi.”

<sup>14</sup> Iemo énie úiñotillaima aféfuena fidíadi, omoi ñue íllena dani cai afémiemo úrizaiticai. Afemona afémie ómoína duere finoñeite, —daí daidiaioi.

<sup>15</sup> Iemona afe fuiríraini úcube llínotiaioi. Llínota íaioína daina izói fínuaidiaioi. Iemona judíuaí nai biruimo Jesús meine abido cáanana uáitadiaioi; uáitano bie izói daífirediaioi.

*Jesús ie orécamacimo jónega uai*

*(Mr 16.14-18; Lc 24.36-49; Jn 20.19-23)*

<sup>16</sup> Afemona Jesús once dígade llófuegamaci Galiléamo jáidiaioi. Uícomo Jesús íaioimo lloga ídumo jáidiaioi.

<sup>17</sup> Afénomo Jesuna íaioi cíoillano, afémiemo cáimadotiaioi. Mei íadi dáamierie nai figo íñoñede.

<sup>18</sup> Jira Jesús afémacimo áinozillano daide:

—Nana monamo ite ocuilla ríino, naa éniemo ite ríino diga ja cuemo fecaca.

<sup>19</sup> Ie jira nana éniemo ite comínimo omoi jairi. Afémacina cue llófuegamacina oreri. Afe mei Moo Juziñamui mámecido, daje izói ie Jitó mámecido, naa ie Ñuera Joreño mámecido íaioína báutizari.

<sup>20</sup> Nana omoi cue ocuilla uáillaina afémaci jeire omoi otátari. Afe llezica bíena omoi onoiri, cue nágarui omoi diga íifíreiticueza. Jaca omoi diga íitucuemo énie fuillíruimo dúciite. Daíitadeza; ja ñie.

## JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

*Juan Bautista táizicimo lluábite*

*(Mt 3.1-12; Lc 3.1-9, 15-17; Jn 1.19-28)*

<sup>1</sup> Juzíñamui Jitó Jesucristo lloga ñuefue bie izói tainede.

<sup>2</sup> Jaiái uícodo Juzíñamui uai jino llóraima Isaías cuete:

Mai cacai, o uécodo cue rafue llotímie orédicue, o jáille io ñue ifóllena.

<sup>3</sup> Táizicimo caillídímie uai ñue cacacide; daide:

Mai omoi Ocuíraima jaille io ñue finori; ie macalle io jaícina tuiñori, —daide.

<sup>4</sup> Afe izói báutizaraima Juan táizicimo cíocaizaibite. Dinomo comini jitáirede báutizaillena afémie ñue lluábite. Iaiolina daide:

—Omoi comeci ifue ñuefueña méidorediomoi. Ie mei báutizarediomoi. Iemona Juzíñamui omoi comeci fiénidifuiái dóite, —daide.

<sup>5</sup> Iemona nana Judea énie imaci, Jerusalem comini diga, Juan llógamo cacáreizaidiaioi. Cacáillano íaioi comécimo ite fiénidifuiái uáfodo jino llotíaiioi. Daií íaioi llua méifomo imani Jordámo Juan báutizagaiaioi.

<sup>6</sup> Juan jitaca iniroi camello itéraiái finoína. Ie ciraigi llaitáinafe igorai finoína. Fíuai rite; jazici ie cíji jirófirede.

<sup>7</sup> Comínimo llócaillano daide:

—Fui cue méifodo bíitímie, iere cue baimo riire ocuífireitimie. Iemona ie idai ico igai zuitánidicue, mei jofófene jamáimiedicueza.

<sup>8</sup> Jae jáinoído ómoína báutizadicue, ñuera iodo omoi jáiacana jino llóllena; mei íadi afe bíitímie Ñuera Joréñodo ómoína ucacaitate, ñuera iodo éicitaiñeno ñue omoi jáillena, —daií daide Juan.

*Jesús báutizainafue*

*(Mt 3.13-17; Lc 3.21-22)*

<sup>9</sup> Aféruillaido Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade.

<sup>10</sup> Jáinoimona jino billa llezica Jesús mona tújicaillana ciode. Daje llezica Ñuera Joreño fiíciri izói Jesumo ana bíllana Jesús ciode.

<sup>11</sup> Afe llezica monámona uai cacacaide; daide:

—O iere cue izíruiga Jitódio. Ori iere caimare iticue, —daide.

*Taife Jesús facátate*

*(Mt 4.1-11; Lc 4.1-13)*

<sup>12</sup> Afe méifodo raire Ñuera Joreño Jesuna táizicimo orede.

<sup>13</sup> Dinomo tóínega rílleniai cígimo Jesús cuarenta dígarui ite. Afénomo Satanás (Taife jiaífodo mámeceidímie) Jesús facátate. Aféruillaido Juzíñamui abi imaci ángeles dainámaci Jesús cánuaibitiaioi.

*Jesús Galiléamo llófuiafue táiniaide*

*(Mt 4.12-17; Lc 4.14-15)*

<sup>14</sup> Ie mei illaíma Herodes Báutizaraima Juan llavétate. Juan llavébillá mei, Jesús Galilea éniemo jaide. Jáillano Jesús, Juzíñamui ñuera rafue llujáide.

<sup>15</sup> Jesús bie izói daide:

—Ja aféruimo dúcide. Ianori íllamona Juzíñamui nana íemo jaináidimaci dáaziena caimare íllena gairítaibiteza. Iemona jíllonafue omoi ínnuano, omoi comeci ífuai méidori afémacimo dájena omoi jaináillena, —daide.

*Jesús cuatro dígamie facóramaci uáidote*

*(Mt 4.18-22; Lc 5.1-11)*

<sup>16</sup> Jesús Galilea jorai fuédado mácajide. Jaillano Simona ciode ie ama Andrés diga. Facóraíma íaillinoi. Llójí jóraimo dotáfírediaillinoi.

<sup>17</sup> Jesús íaillinoína daide:

—Mai cuedo ómicoi bí. Chámuniaí ómicoi jenófírena izói, afe izói comini jenórainina ómicoína jóoneiticue, —daide.

<sup>18</sup> Raire íemona íaillinoi llójí fíianona, afémiedo jáidiaillinoi.

<sup>19</sup> Ie mei Jesús bai jabo jaillano Zebedeo jitó, Santiágon a ciode, ie ama Juan diga. Iaiói llóiji cúaidino, nocáe ero ráicana niródiaillinoi.

<sup>20</sup> Jesús íaillinoi jíríte. Iaillinoi moo Zebedeo nocaemo fiénocaillano ie canóraigamaci diga, Jesudo jáidiaillinoi.

*Capernaumo fiénide jóriairedimie Jesús jíllotaga*  
(Lc 4.31-37)

<sup>21</sup> Ja Capernaumo dúcidiaioi. Ie mei ocózinaillaruiimo Jesús Juzíñamui uai llófueracomo jofu llófuaide.

<sup>22</sup> Afémie llogáfueri fáigacaidiaioi. Ua nibai riimie izói ñue llófullofuede. Ocuícafue llófueraini afe daíí llófueñediaioi.

<sup>23</sup> Afe llezica Juzíñamui uai llófueracomo fiénidena jóriairedimie ite.

<sup>24</sup> Afémie ja Jesumo caillide; daide:

—Nazaret ímie, Jesús, ¿ñifue cócomo illa? ¿Cai fatátaibitio? Ona onódicue. Juzíñamui íaifuenidimiedio; afémie rafue ñue lluaíbitimiedio, —daide.

<sup>25</sup> Iemo Jesús fiénide jóriaimo riire úrite; daide:

—¡Llícai! Bímie fáicanocaillano oni jai, —daide.

<sup>26</sup> Iemo fiénide jóriai afémiena izire docáitate. Ie mei jamánomo caillídemo afémiemona oni jaide.

<sup>27</sup> Te jira nana nairai jacínaitiaioi. Jira conímamo jicánotiaioi:

—¿Bie mínica? ¿Mínica bie como llófueinafue? Bie Jesumo riire ocuúllafue ite, fiénide jóriai oróllena. Afe fiénide jóriai afémiena ínofirediaioi, —daidíaiói.

<sup>28</sup> Te jira Jesús másmeçi nana Galilea énie fuédado raire jica jalleide.

*Jesús Simón Pedro jifaiño jíllotate*  
(Mt 8.14-15; Lc 4.38-39)

<sup>29</sup> Juzíñamui uai llófueracomona jino billano, Jesús, Simón ie ama Andrés íaillinoi icomo jaide, Santiago, Juan diga.

<sup>30</sup> Dinomo Simón jifaiño abi cuaríllamona íniranomo bíide. Afengo irárenana Jesumo llotíaiói.

<sup>31</sup> Iemona aféngomo ánozillano, Jesús afengo onoi llíinota, íena caifo naidánete. Afe llezica afengo abi cuarilla aféngomona llúicaide. Daje llezica jarire íaiói jitailla güille afengo bai íaioimo atide.

*Jesús aillo iráredino jíllotate*  
(Mt 8.16-17; Lc 4.40-41)

<sup>32</sup> Aféruido, jitoma ana zójicaidemo, ja nauoicailla llezica, nana afénomo ite iráredino, fiénidena jóriairedino diga, Jesumo atidiaioi.

<sup>33</sup> Nana dino jofue nairai afeco naze fue íbirimo gairizitiaioi.

<sup>34</sup> Jesús aillo íaioimo ite diga ie duico jíllotate. Afe llezica aillo fiénide jóriai Jesús jino comínimona orede, mei íadi Jesús afe jóriai úriñeillena íaioimona rairuide, mei afémiena onódiaioiza.

*Jesús Galiléamo llujáide*  
(Lc 4.42-44)

<sup>35</sup> Ja monáioicaidemo, nai jítireoidemo, Jesús cazíllano jino jófueimona oni tii daidínomo jaide, dinomo Juzíñamuimo úrillena.

<sup>36</sup> Afe mei Simón ie nabáíñiari Jesús jénuaidiaioi.

<sup>37</sup> Baillánona íena daidíaiói:

—Nana o jenódiaioi, —daidíaiói.

<sup>38</sup> Iemo Jesús íaioina daide:

—Ainori itícuaimo mai cai jai, dinomo daje izói ñúefue cai llujállena; mei afe jira jino bitícueza, —daide.

<sup>39</sup> Daíí Jesús nana Galiléado macade. Naga illánuiaimo Juzíñamui uai llófueriracomo llócaide. Afe llezica comínimona fiénide jóriai jino orede.

*Chínaite izóidimie Jesús jíllotate*  
(Mt 8.1-4; Lc 5.12-16)

<sup>40</sup> Jesumo chínaite izóidimie ánozide. Ana dújuano daide:

—Cue o jíllotaiacaniadi cuena jíllotaredio, —daide.

<sup>41</sup> Te jira Jesús afémiemo dúcecaide. Jira ónoído jétano daide:

—Jii, ona jíllotaiacadicue. Mai o abi jácaiteza, —daide.

<sup>42</sup> Daíí dáinamona afe duico iráredimiemona cióbicaíñena. Jae ñúemie.

<sup>43</sup> Iemo Jesús afémie orede. Daje llezica riire ocuállano daide:

<sup>44</sup> —¡Cacai! Bumo lloñeno iri. Dama lletáriraima sacerdoté dainámieo jaillano, o abi ácatari. Dáaruído Moisés jaiai ocuica abi duafue ráana, mai afémieo izájiri. Iemona comini o abi jillotana fidítiaioi, —daide.

<sup>45</sup> Mei íadi afémie jaillano nana comínimo afe ie jíllonafue llujáide. Iemo aillo comini Jesumo izire gairíodiaioi. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágagobiaimona bizájidiaioi afémiena cíollena.

## 2

*Jesús tízitaitimie jíllotate*  
(Mt 9.1-8; Lc 5.17-26)

<sup>1</sup> Ie méifodo nano nígarui íllamona Jesús meine abido Capernaumo jaide. Afémie jofomo íllana ja fidítiaioi.

<sup>2</sup> Iemo aillo nairai ie jofomo gairíodiaioi. Jofo comínina oruállamona iere rillírede; ja naze fuemo íaioi íllino íñede. Iaioimo Juzíñamui úrillafue Jesús jino lloste.

<sup>3</sup> Iemo cuatro dígamie tízitaitimie atídiaioi.

<sup>4</sup> Iere comini íllaza, Jesús íllánomo dúcinide. Ie jira jofo emódomo caifo jaillano, Jesús ílla llezícamo jofo emodo íbáicano cúcoidiaioi. Cúcoianona aféfodo tízitaitimie ana agúñetiaioi, naa afémie bírallu diga.

<sup>5</sup> Afémaci comeci ínuana cíollano, Jesús tízitaitimiena daide:

—Jitó, o fiénidífue jae ñue dófide, —daide.

<sup>6</sup> Dáarie ocuícáfue llófueraíni, dínomo ráidino, íaioi comeci facáodiaioi:

<sup>7</sup> “¿Níbái mei bímie daí úrite? Juzíñamuina fieni úrite. Dama Juzíñamui izóí fiénidífueña doñena.”  
Abi díne bu Juzíñamui izóí fiénidífueña doñena.”

<sup>8</sup> Mei íadi dama Jesús ie comécido afémaci comeci úrillafueña onode. Jira daide:

—¿Níbái mei omoi comeci daí facádiomoi?

<sup>9</sup> ¿Ñie iere júanina íraredimiena daíllena: “O fiénidífue dófite,” níbai jáífodo daina: “Náidacai, o bíra llínota ui, mai maca”? ¿Ñie iere júanina?

<sup>10</sup> Ie jira jáífueña omoimo fidítaiticue. Biniemo comini fiénidífueña oni muiñólle ríino cuemo íte. Nanoide íma Jitódicueza, —daide. Iemo tízitaitimiena juare daináfueña daide:

<sup>11</sup> —Ona daídícue: Caifo náidacai. O bírallu llínota mai o jofomo jairi, —daide.

<sup>12</sup> Ja íraredimie raire náidacaíllano ie bírallu llínote. Llínuano dínomona jino jaide. Ie jáíllana nana comini cíodiaioi. Jira áferi fáigacaidiaioi. Daje llezica Juzíñamuina cáimadotiaioi. Daidíaioi:

—Jaca daíftadífueña cíorainidícai, Juzíñamui o iere jamánomoidimiedío. Mai Juzíñamuimo cai íóbilli, —daidíaioi.

*Jesús Leví uáidote*  
(Mt 9.9-13; Lc 5.27-32)

<sup>13</sup> Ie mei Jesús meine abido jorai fuédamo jaide. Nana comini íemo ánozidiaioimo, afémie íaioina llófue.

<sup>14</sup> Jesús mácajilla llezica, Levína ciode. Leví Alfeo jitó. Afémie gobierno íbátaga úcube llínoranomo ráide afe úcube llínollena. Iemo Jesús íena daide:

—Cuedo bí, —daide. Jira Leví náidacaíllano afémiedo jaide.

<sup>15</sup> Afe méifomo Jesús Leví jofomo güzújide. Dínomo aillo jáie gobierno íbátaga úcube llínoramaci Jesús dáanomó güirabanimo ráiediaioi naa fiénidímaciri. Mei iere áíllomaci afe izóidino afémiedo jáidino. Afe dáanomó Jesús llófuegamaci ráidíaioi.

<sup>16</sup> Mei íadi dáarie ocuícáfue llófueraíni fariséuai diga, Jesús nana afe fiénidímaci diga naa íáiruiga íbátaga úcube llínoramaci dáanomó güíllana cíodiaioi. Iemona Jesús llófuegamacina daidíaioi:

—¿Níbái mei omoi llófueraíma afe íáiruiga íbátaga úcube llínoramaci diga güífírede, jiróífírede? Daje izóí, ¿níbái mei jáie fiénidino diga güífírede? —daidíaioi.

<sup>17</sup> Aféfuena Jesús cacáíllanona duera ráfuedo íaioina daide, nie ícoínia mei íáiruigamaci diga ie güífírenana íaioi onóíllena. Be nífue:

—Íránidímaci manóriraimana jítáíñediaioi; dani dúícotaidino da manóriraimana jítaina. Mei ñíuemacimo cue uáiduaibíedicue. Fiénidino uáiduaibíticue afémaci jilloíllena, —daide.

*Daa mona güíllena fímaírilla Jesumo jícanotiaioi*  
(Mt 9.14-17; Lc 5.33-39)

<sup>18</sup> Jáiuruido Báutzaraima Juaado jáidino fariséuaido jáidino diga nana güiñeno fimairitiaioi. Aféruimo dámerie Jesumo jicánuaibitiaioi:

—¿Nibái mei Juaado jáidino fariséuaido jáidino diga nana güiñeno fimairitiaioi, mei íadi o llófuegamaci fimairiñediaioi? —daidíaioi.

<sup>19</sup> Jesús uai uano ráfuemo mámano íaioi llófuete, afémiedo jáidino finócana jáímaci féinino onótallena. Daide:

—Arenafuemo uaidogamací ringo otímie íaioimo illa llezica ¿meita fimairediaioi? ¿Nibái fimairinidiaioi? Ringo otímie íaioimo illa llezica jaca fimainidiaioi.

<sup>20</sup> Mei íadi ringo otímie íaioimona bairóbicailliruimo dúciite; aféruimo uáfueña fimairitiaioi.

<sup>21</sup> Temo daje izói ñue onótallena jáite ráfuemo mámano íaioi llófuete; daide:

—Buna jáiáicuro inícuero cúaidinomo comue jofo gáijicaiñede iniroi nitácapu dájemo jofo jillíñede, mei comue gáijicaiñede nitácapu afe jáiáicuirona onifenedo nane ráataitade. Iemona cúaidino jae iere aillóite.

<sup>22</sup> Daje izói comue vino jácara igorai ie finoína botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igorai finoína botella bójicallano meine finónide. Ie jira comue vino comue igorai finoína botéllamo jóonerede, —daide.

*Jesús llófuegamaci ocózinairuimo trigo llizíllaticiai tícoidiaioi*  
(Mt 12.1-8; Lc 6.1-5)

<sup>23</sup> Daa mona ocózinairuimo Jesús ríganíai cígido mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiai ja tícoidiaioi.

<sup>24</sup> Temo fariséuai íena daidíaioi:

—¡Erocai! ¿Nibái mei o llófuegamaci rairuírede jetádiaioi? Afena ocózinairuimo rairuírede, —daidíaioi.

<sup>25-26</sup> Mei íadi afémie íaioina daide:

—¿Jaca nibái David finócana facadóñediomoi? Afémie naa ie nabáñiairi güille íñena llezica, júbietaillano Juziñamui jofomo jaide. Ua Abiatar lletáriraini illáimana illáruído, David jofo jaide. Afe jofo eromo Juziñamui eneno mameca rairuírede panes ite. Dani Juziñamui lletáriraini áfena güirena; jáímacimona afe rairuírede. Afe panes David uánona güite; ie mei ie nabáñiaimo fecade.

<sup>27</sup> Iemo nane Jesús íaioina daide:

—Íma ocózinairuui íena finoñega, mei íadi ocózinairuui iima íena mameca.

<sup>28</sup> Jira Nanoide íma Jitona cue illamona, ocózinairuina ocuíredicue. Aferui Náamadicue, —daide.

### 3

*Jesús ónoína llirídimie jillotate*  
(Mt 12.9-14; Lc 6.6-11)

<sup>1</sup> Jesús dáanomo Juziñamui uai llófuieracomó jofo jaide. Afénomo ónoína llirídimie ite.

<sup>2</sup> Afénomo itínomona Jesumo iere eróioidiaioi, ocózinairuimo Jesús bímienna jillotajana onóillena, áfedo Jesumo fiénidifue jítállena.

<sup>3</sup> Ie jira ónoína llirídimienna Jesús daide:

—Náidacai; jofo bené cígimo bi, —daide.

<sup>4</sup> Dáanomo jáímacimo jicánote:

—¿Mínicana ocózinairuimo ómoiri finóredicue? ¿Nibái fiénidifue fínoiticue, nibái ñúefue fínoiticue? ¿Nibái omoi jillotaiticue, nibái omoi titaiticue? —daide Jesús.

Mei íadi afémaci ja uai onéidiaioi.

<sup>5</sup> Jira Jesús íaioiri rícaide. Daje izói zuure íaioimo eroide, mei íaioi onóicañena jira. Iemo afe ímana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera.

<sup>6</sup> Afe mei fariséuai, naa Herodes imaci diga jino jaillano, Jesús fallifue raire mamédiaioi.

*Aillo nairai jorai fuédamo gairídiaioi*

<sup>7</sup> Jesús ie llófuegamaci diga, jorai fuédamo jaide. Iemo aillo nairai Galilea imaci, íedo jáidiaioi.

<sup>8</sup> Mei áillue ráfuena, afémie finócafuaiena, fidíillano aillo Judea énie imaci bite, Jerusalen imaci diga. Daje izói Idumea énie imaci bite; Jordán imani ruicáfelle imaci bite; Tiro, Sidón diga ánorí itímaci bite. Nana dáanomo bitíaioi; Jesús eróizabitíaioi.

<sup>9</sup> Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena.



<sup>10</sup> Mei iere aillo nairai jíllotate. Iemona nana jíáie iráredino rillire afémiemo gairídiaioi, ie jetánollena.

<sup>11</sup> Iemo aféno mo itínomona dáarie fiendi jóriairediaioi. Afémiena cióillanona, afémie uíecomo ana dújudiaioi. Dújuillano caillíoicaidiaioi:

—O Juzíñamui Jitódio, —daide.

<sup>12</sup> Mei íadi Jesús fiénide jóriaina izire rairuide; daide:

—Juzíñamui Jitona cue íllana daiíñeno iri, —daide.

*Jesús doce dígamie nízedo, oni íaioi óriano afémaci ie ñúefue llujállena*

*(Mt 10.1-4; Lc 6.12-16)*

<sup>13</sup> Ie mei Jesús ídumo caífo jaide. Dinomo jaillano Jesús comeci óiacagamie dígamie nízedo. Afémiemo bitíaioi.

<sup>14</sup> Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abimo íllena, ie uai llóitina jállena.

<sup>15</sup> Dáanomo ríinona igáiaioi iráredino jíllotallena, íemo jíái fiénide jóriai jino oréllena.

<sup>16</sup> Afe nízecamaci doce dígamie. Afémaci mámeciai: Simón, nímiemo Jesús jíáie mámecina jíitaca, Pedro;

<sup>17</sup> Ie mei Zebedeo jíto íaillinoi Santiago ie ama Juan díga. Afe íaillinoimo Jesús jíáie mámecini jíitade, Boanerges. Afe mámecini dáina: Iocimie íaillinoi.

<sup>18</sup> Ie emódomo jíáie nízecamaci mámeciai: Andrés, Felipe, Bartolomé, Mateo, Tomás, Alfeo jíto Jacobo, Tadeo, íemo íere Járídotimacimo jaináidimie Simón,

<sup>19</sup> Ie mei Judas Iscariote. Afémie méifodo Jesús ie éoidinomo fécaitimie.

*Fiénide jóriai ríino Jesumo ite táinona daiífrediaioi*

*(Mt 12.22-32; Lc 11.14-23; 12.10)*

Afe méifomo Jesús ie llófuegamaci díga jofomo jofo jaide.

<sup>20</sup> Nane dáanomo aillo nairai gairízitiaioi. Iemona Cristo ie nízecano díga ja gúinidiaioi.

<sup>21</sup> Afefue fidíillano ie onoiga nabáíñiai bitíaioi ie oni uíllena, mei afémie uáiritade daidiaioi.

<sup>22</sup> Daje llezica Jerusalémona bite ocuícáfue llófueraini, bie izóí íeri úritiaioi; daidiaioi:

—Bímie Beelzebumo jaináidimie. Afe Beelzebú fiénide jóriai illaíma, (jíacíe ie mámecini Taife).

Afe Beelzebú ríinodo fiénide jóriai afémie jino jíude, —daidiaioi.

<sup>23</sup> Ie jíra Jesús íaioi jíirite. Jírilla mei, onoiga ráfuiai íaioimo llote:

—¿Níe izóí afe Taifedo Taife jíurede? jíúnde!

<sup>24</sup> Daa nairai énenoríe jíáiziena oni bójicaillano are íñeítiaioi, mei nágazie conima díga fuírífrediaioiza.

<sup>25</sup> Daje izóí eneno dani jofóredino íaioi bójicaíadi, are íñeítiaioi.

<sup>26</sup> Mei jíra Taife dama ie díga fuíríadi, íemona dama ie bójicaíadi, afémie are íñeíte. Ua áfedo fúbicaite.

<sup>27</sup> Máirimie jofomo, buna jofo jáinide, ie ráaie bairóllena. Dama afémie máia méifomo jofo jaillano bairórega.

<sup>28</sup> Uáfueña ómoimo lloticue. Comini fiénidífuiai nana dórede, daje izóí nana íaioi fue borefue díga dórede.

<sup>29</sup> Mei íadi Juzíñamui Ñuera Joréño mo fiendi úritimie ie fiénidífuiai jaca ua oni dónide. Dama ie ícoínia jaca íemo jíite, —daide.

<sup>30</sup> Daíí daide, mei afémie fiénidena jóriarede daidiaioi.

*Jesús ei ie ámatiai díga Jesuna uáiduaíbitiaioi*

*(Mt 12.46-50; Lc 8.19-21)*

<sup>31</sup> Iemo Jesús ei ie ámatiai díga dúcidiaioi, mei íadi jino fiébidiaioi. Dinómona jofo gairídinona daidiaioi:

—Maí ie jírizai, —daidiaioi.

<sup>32</sup> Jesús abído ráíiedino íena daidiaioi:

—O ei, o ámatiai díga jino íte. O jénuaiíbitiaioi, —daidiaioi.

<sup>33</sup> Mei afémie daide:

—¿Buoí cue eina? ¿Buoí cue ámatiaína? —daide.

<sup>34</sup> Afe mei íe abído ráííedínomo eróíllano daide:

—Be mei cue éítiai. Be mei cue ámatiai.

<sup>35</sup> Mei Juzíñamui ocuícáfueña jéire otínona bie cue ama, bie cue míringo, bie cue ei, —daide.

## 4

*Rjiraima ie ifue**(Mt 13.1-9; Lc 8.4-8)*

<sup>1</sup> Meine dáanomo jorai fuédamo Jesús llófuete. Ie illánomo aillo nairai gairírdiaioi. Jamánomo aillo comini illa jira, Jesús jóraimo ite nocaemo ráiizaide. Nana comini guamáemo fiébicaidiaioi.

<sup>2</sup> Iemo diga ráfuiái íaioimo llófuete. Ua íaioi onóigafuiaido llote. Ie llogáuái daide:

<sup>3</sup> —Bíemo cácarei: Rjiraima rjizaide.

<sup>4</sup> Ricana jailla llezica dáarie rillájiai iodo cocide. Iemo ófocuzai áfena güizábitiaioi.

<sup>5</sup> Jiáie rillájiai noficiaimo énie iñénanomo cocide. Afe rigájiai raire zocade, mei afe énie figo iñédeza.

<sup>6</sup> Mei íadi jitoma billa llezica uzídiaioi. Jáinao iñénamona dúidiaioi.

<sup>7</sup> Jiáie rillájiai éegiai cígimo cocide. Afe éegiai zoca anamo itábicaidiaioi. Meita jaca llizíñediaioi.

<sup>8</sup> Mei íadi jiáie rillájiai ñuera éniemo baíde. Zocádiaioi; ie mei ñue comúidiaioi. Mei ñue llizídiaioi. Daji rigamona zocano aillo llizide; jiájiai afe baimo llizide; jiájiai ie baimo ua aillo jamánomo llizide.

<sup>9</sup> Ie mei íaioina daide:

—Omoimona cacáacadino cacai, —daide.

*Afémie nibai íaioi onóigafuiai cígido llófuefirede**(Mt 13.10-17; Lc 8.9-10)*

<sup>10</sup> Afe mei Jesús dama fiébilla llezica, afémie áinori itino ie doce llófuegamaci diga íemo jicánotiaioi:

—Bie onóigafue ¿nie izói daííacade? —daíídiaioi.

<sup>11</sup> Jira íaioina daide:

—Juzíñamui ie uáfodo onóñega illáimana illirui rafue ómoimo llóiacade. Afedo ja lllóíomoi. Mei íadi jino ite íemo jaináñedino jaca íaioi onóigafuiaido llogáiaioi.

<sup>12</sup> Daíí cue llófuegaiaioi, íaioi cióillano nai uina cióñnedimaci izói íaioi fiébicaillena. Afe izói cácaitiaioi íadi ónoñeitiaioi. Daíí llófuegaiaioi íaioi comeci ifue méidoñeillena; íemo jiái íaioi comeci fiénidífuiai dóficaiñeillena.

*Jesús afe rjiraima onóigafue ja ua jino llote**(Mt 13.18-23; Lc 8.11-15)*

<sup>13</sup> Dáanomo Jesús jicánote:

—¿Omoi bie onóigafue onóñediomoi? ¿Nie izói daíí mei jiáiena ónoitiomoi?

<sup>14</sup> Afe riraima Juzíñamui ñuefue lloraima izóidimie.

<sup>15</sup> Dáarie comini afe iodo cocide rigájiai izóidiaioi. Afémaci afe cue llogáfueo cacáreidiaioi. Mei íadi áfena cacáillanona, Taife íaioi comécimo lloga ráfueua raire báruaíbite.

<sup>16</sup> Jiáie comini afe noficiaimo énie iñénanomo cocide rigájiai izóidiaioi. Afe cue lloga uaina cacáillano raire caimare llánotiaioi.

<sup>17</sup> Mei íadi figo jáinaonide rigájiai izóidiaioiza, dama íanori íllado ñue itíaioi. Afe mei lloga uai ícoina facátufuiai bíadi, nibai duere íaioi zefuíadi, íaioi ínoñenamona íaioimo lloga uaina raire meine abido zóofetiaioi.

<sup>18</sup> Jiáie comini afe éegiai cígiri cocide rigájiai izóidiaioi. Lloga uaina cacádiaioi,

<sup>19</sup> mei íadi bie éniemo ite raamo comécillano aféfuiaimo iere járitaitiaioi. Bínie raa íaioina jífue. Temona jamánomo aillo ráaniaina óiacadiaioi. Nana bie jofo comeci óacaigafue íaioimo lloga uaina niné féitate. Ja mei féitagaza; ja ie comécimo llizilla izói íñede.

<sup>20</sup> Mei íadi dámerie lloga uaina cacáillano áfena ñue jeire otíaioi. Afémaci ñuera éniemo cocide rigájiai izóidiaioi. Afe izói íaioi íllamona, ñúefuina ñue aite izói finódiaioi. Afémacimona dáarie afe daji rigamona zocano aillo llizilla izóidiaioi. Íaioimona jiáimaci afe baimo llizilla izóidiaioi. Jiáimaci afe ie baimo aillo jamánomo llizilla izóidiaioi.

*Mechera iedo cai onóigafue**(Lc 8.16-18)*

<sup>21</sup> Jesús nai úrite; íaioina daide:

—¿Nogo anamo jóonellena mechera meita atica? ¡Atiñega! ¿Daje izói inírabani anamo rainállena mechera atica? ¡Atiñega! Naga mechera caifo jica raináfirega, ñue egáiñollena.

<sup>22</sup> Mei ja nana báinino ite raa jino uáfodo cíocaitade. Daje izói nana jáanoga rafue ñue onóigafuena jáite.

<sup>23</sup> Omoimona cacáacadino cácarei.

<sup>24</sup> Afe emódomo íaiioina daide:

—Omoi cacánafuena ñue omoi onoiri. Naga raa omoi faca izói, afe izói Juziñamui ibana ómoimo fácaiteza. Ie mei afe baimo afémie jamánomo aillo ómoimo íte, mei ñue cacádiomoiza.

<sup>25</sup> Mei íeredimiemo jíaiena ille; mei íadi íénidimiemona, íemo due ite raa meine bairolle.

*Eniemo rigaji zócajamo mameca rafue*

<sup>26</sup> Nane dáanomo daide Jesús:

—Juziñamui illáimana illirui bie izoide. Daa íima éniemo rigájiai júdaia izoide.

<sup>27</sup> Rillano afémie abina íniaide. Ie mei cazide. Naio mona diga jaide. Afe llezica rigájiai zocade; zócano ñue zairide, mei íadi nie izói comuídeza afémie onóñede.

<sup>28</sup> Mei ñuera éniemo rigájiai énie zocátaga. Nano fueñe ie ina jino billa, ie mei llizíllacheco comuíde, ie mei afe llizíllacheco íjiaina oruíde.

<sup>29</sup> Ja ie jeia llezica, riraíma afe llizíllajiaína uájide. Mei afe jofo uáruimo ja dúcidaza.

*Mostaza llizíllaji iedo onoiga rafue*

(Mt 13.31-32; Lc 13.18-19)

<sup>30</sup> Jesús nane daide:

—Juziñamui illáimana illarui, ¿nié izoide? ¿Ñie onóigafuedo daje izói fácaíticai?

<sup>31</sup> Juziñamui illáimana illarui mostaza llizíllajiai rilla izoide. Afe íjiai nana énie llizíllajiaimona da jaca iere jéjinide.

<sup>32</sup> Mei íadi rigamona, nana raróciai ie baimo áillo nana jaide. Ie ícairuai áarie. Iemona féedino ófocuzai ie ícairuaimo ráinazaidiaioi. Afe jánamo uái ráíedíedíai, —daí Jesús daide.

*Jesús jaca onoiga ráfuiaimo mámano llófuefiredo*

(Mt 13.34-35)

<sup>33</sup> Daí Jesús ie jino llóiacagafuiai aillo bie izói onóigafuiaido jóonecana uite. Íaioi onóillinomo daí llócaide.

<sup>34</sup> Onóigafue llóñeniadi, afémacina llófueñede. Mei íadi Jesús ie llófuegamaci diga oni eneno dani íaioi illa llezica nana áfena jino íaioimo llote.

*Jesús jairifo naa jorai bagua diga llúcaítade*

(Mt 8.23-27; Lc 8.22-25)

<sup>35</sup> Aferui nauídemo Jesús ie llófuegamacina daide:

—Jorai ruícafenemo maí cai jai, —daide.

<sup>36</sup> Ie mei comíni íñiano, Jesús uitíai. Afémie illácaedo jáidiaioi. Daje llezica jíáicaeiaido afémiedo jáidiaioi.

<sup>37</sup> Iemo iere rírede jairifo náidacaide. Iemona jorai bagua nocáe eromo cocide. Uafue, nocáe jáinoina oruúbicaide.

<sup>38</sup> Afe llezica Jesús mofíecaemo ífo jobéracadamo bíicana inide. Afémie cazítajano íena daídiaioi:

—¡Llófueraima! ¿O caina ráiruifíedio? ¡Buízaidicai! —daídiaioi.

<sup>39</sup> Iemo Jesús náidacaillano jairifo lletade. Llétajano jóraina daide:

—¡Llícaí! ¡Uái íi! —daide. Iemona jairifo llúcaide. Nana ñue jáfueraicade.

<sup>40</sup> Ie mei ie llófuegamacina daide:

—¿Níbái mei iere jacíruiomoi? ¿Ñíbái nai Juziñamuimo íinoñediomoi? —daide.

<sup>41</sup> Íadi jairifo ie llúcaítari iere jacínaitiaioi. Dani conímamo úritiaioi:

—¿Bie nímie? ¡Jairifo jorai diga, afémie uaina jeire ote! —daídiaioi.

*Gerasa éniemo fiénidena jóriairedímie Jesús jíllotade*

(Mt 8.28-34; Lc 8.26-39)

## 5

<sup>1</sup> Jae jorai ruicáfellemo ite Gadara éniemo dúcidaiaioi.

<sup>2</sup> Jesús nocáemona jino jáidemo, raíáfuaí illánomo ífiredo fiénidena jóriairedímie Jesumo bite.

<sup>3</sup> Afémie raíáfuaí illánomo ífiredo. Aféruillaído afémie jaca buna llójeodo cuinánide.

<sup>4</sup> Diga ícaíño llójeodo idai onoi diga íena cuinádiaioi, mei íadi afémie afe llójeona titada jaca jémino titúbite. Jaca buna afémiena anáfenonide.

<sup>5</sup> Mona naio diga afémie afénomo macáfiredo. Iduaido caillícana jaide naa raíáfuaído. Daje llezica nofícaído ie abi bofécade.

<sup>6</sup> Íadi Jesuna jicana ciode; cioillano, aizícana bite. Billano Jesús anamo afémie ie caíñícido ana dújude.

<sup>7</sup> Jesumo ríre lléjecaide:

—¿Nibái cuemo jíricaidio? O Jesúsio; jamánomo caifoide Juzíñamui Jitódio. Juzíñamui mámedio omo jícadicue duere cue zéfuiñellena, —daide.

<sup>8</sup> Daií lléjecaide, mei nano fueñe Jesús íena dáideza:

—¡Fiénide jóríai, bie ímamona oni jai! —daide.

<sup>9</sup> Jesús íemo jíacánote:

—¿O mei búdio? —daide. Uai ote:

—Cue mámece Aillo Dáanomo Iráicano, mei áillomacídicaiza, —daide.

<sup>10</sup> Temo fiénide jóríai Jesumo izire jicade, afe éniemona jica íaioina oni óreiñellena.

<sup>11</sup> Afe íduai áinomo aillo tóica meróniai güífiredo.

<sup>12</sup> Ie jira fiénide jóríai Jesumo jicade:

—Afe meróniaimo cai oreri, dinomo cai ílleza, —daidíaioi.

<sup>13</sup> Ie mei Jesús fairíote. Iemo fiénide jóríai ímamona jino meróniaimo jáidiaioi. Mena mil tóiníai ite. Nana afe tóiníai jorai ígodado aizida cocídíaioi. Iemona jóraimo coróbaitiaioi.

<sup>14</sup> Ie jira meróniai úiñoraímacei jacínaillano botádíaioi. Afe rafue íaioi jófuego llujáidiaioi naa jínoídmacei diga. Ie jira afe finócafuego comini eróizabítiaioi.

<sup>15</sup> Jesús íllánomo dúciállano nauí fiénidena jóríairedimíena ciódíaioi. Mei íadi ja biruí afémie ñue uái ráiide. Ja ínícurona jítaoide. Ja ñue abína onode. Nana comini jacírúituaioi.

<sup>16</sup> Ie mei ciódino nauí fiénidena jóríairedimíemo finócafueña llujáidiaioi. Daje izóí meróniaimo finócafue llotíaioi.

<sup>17</sup> Ie mei Jesumo izire jícajídíaioi íaioi éniemona afémie oni jáillena.

<sup>18</sup> Jesús meine nocáe eromo jailla llezica, nauí fiénidena jóríaina ogámie Jesús diga íllena izire jicade.

<sup>19</sup> Mei íadi Jesús fairíoñede. Afémiena daide:

—Mai o jofomo jai. O comínimo nana omo cue finócafue o llujáiri. O Ocuíraimadicueza. Omo cue dúecaíllafue llujáiri, —daide Jesús.

<sup>20</sup> Ie jira afémie jaillano nana Jesús afémiemo finócafue llujáide. Uafue nana Decápolis éniemo llujáide. Nana comini aféfuerei fáigacaidiaioi.

*Jairo jiza jíllotafue*

*(Mt 9.18-26; Lc 8.40-56)*

<sup>21</sup> Jesús meine jorai ruícafenemo nocaedo jáidemo, aillo comini Jesús íllánomo gairízabítiaioi. Afémie dino jorai fuédamo fiévide.

<sup>22</sup> Iemo Juzíñamui uai llófuériraco ílláinimona dámie dúcide. Afémie mámece Jairo. Jesuna cióíllano íe ídaimo bíjicaide.

<sup>23</sup> Daje llezica izire jicade:

—Cue jiza tíacade. O onoi cue jízamo bítaibi, íe jíllóilleza, íe tííñelleza, —daide.

<sup>24</sup> Iemona Jesús afémie diga jaide. Ie llezica aillo comini afémiedo ríllire jáidiaioi.

<sup>25</sup> Afémacei cígimo daa ríngo íráredíngo íte. Doce diga fimona dícotaito.

<sup>26</sup> Aillo manórirainimona duere zéfuide. Afe manórirainimo afengo úcube nana fuite. Íadi jaca íñoñede, mei íadi jamánomo írárede. Ua íere ana jaide.

<sup>27</sup> Nauí jááimacei Jesudo úrillafueña cacáíllano, afe ríngo óodana comini cígido Jesumo áinozide. Iemo afémie ínícuro jetánuaide.

<sup>28</sup> Afe uícori afengo comece anado daide; “Ie ínícuro cue jetáadi jíllotícue,” daide.

<sup>29</sup> Ie mei ínícuro jetaa llezica afengo die tótaja llícaide. Afe llezica íe írárena jílluamona afengo abi ñue cacaide.

<sup>30</sup> Ie mei Jesús onóbicaide. Uafue, íe rínodo da come jíllotaga afémie raire fidide. Ie jira comini cígido jino éroicaíllano jíacánote:

—¿Mei bu cue ínícuro jetaa? —daide.

<sup>31</sup> Iemo íe llófuegamacei afémiena daide:

—¿Aillo comini ríllire fínuaña cióñedio? ¿Nibái mei bu o ínícuro jetaa jíacánotio? —daidíaioi.

<sup>32</sup> Mei íadi Jesús nágafene erórfide afémie ínícuro jetádingona cióíllena.

<sup>33</sup> Ie mei afengo jágieri cuidírite. Aféngomo finócafueña onóíllano, Jesús uíécomo ana bíjicaizabíte. Afengo rafue nana afémiemo uáfueña jino llote.

<sup>34</sup> Jira Jesús daide:

—Eicango, o comécido ñue ínotio, jira jíllodio. Mai jai. Jaillano uái o iri. O írárenamona ja jíllodioza, —daide.

<sup>35</sup> Jesús nai úritemo, dáarie comini íllama Jairo jófómoma bítaioi. Dúengo moomo llujáibiaioi:

—O jiza ja tíide. ¿Nibái mei are llófueraíma ífoci daidódio? —daidíaioi.

<sup>36</sup> Mei íadi Jesús íaioi uai jeire oñeno, llófuériraco íllama jáirona daide:

—Jacíruiñeno iri. Dama o comécido ñinori, —daide.

<sup>37</sup> Iemo Jesús nana comíni íedo jáiñellena rairuide. Dama Pedro, Santiago, ie ama Juan diga uite.

<sup>38</sup> Llófueriraco illaíma jofomo dúciillano, Jesús aillo comíni faillíñainana cacade; nana cáillicailli éenaillana cacade.

<sup>39</sup> Jofo jaillano Jesús daide:

—¿Ñibái mei iere faillíñaidiomoi? ¿Ñibái mei iere éediomoi? Afeza tíñíedeza; fia inide, —daide.

<sup>40</sup> Iemona afémieri tadáidiaioi. Ie mei Jesús nana íaioi jino orede. Dama jiza moo, afengo ei, íedo bitímaci diga jofo uite. Jiza illácomo jofo jáidiaioi.

<sup>41</sup> Jiza onoi llínuano daide:

—Talita, cumi—. Aféuai dobáicana llote: “Jiza, ona daidicue, náidacai.”

<sup>42</sup> Daí dainamona afengo raire náidacaide. Náidacaillano macade; mei afengo doce diga fimona íteza. Aferi comíni iere fágacaidiaioi.

<sup>43</sup> Mei íadi Jesús:

—Afefue bumoo lloñeno iri, —daide. Daí ocuide. Afe llezica afe ringoza ecállena íaioina ocuide.

## 6

### *Jesús Nazaremo jailla*

(Mt 13.53-58; Lc 4.16-30)

<sup>1</sup> Dinómona Jesús íe éniemo jaide. Ie llófuegamaci íedo jáidiaioi.

<sup>2</sup> Ocózinaillaruimo dúciillanona Juzíñamui uai llófueriracomo llófuaide. Aillo comíni íena cacáreidiaioi. Iemona íena jacíruicana fágacaidiaioi. Daidíaioi:

—¿Ñinómona bímie nana bie ráfuiái onode? ¿Mínica bie onónafue íemo íte? ¿Nie izóí afémie bie aillo uaido dainamona comútaga raa comútarede?

<sup>3</sup> Mei bímie afe aménado tájiraíma, zero ua? Afémie María jitoza onódicai, zero ua? Daje izóí afémie ámatiai Santiago, José, Judas, Simón dígadeza onódicai. Iemo íe miríngotiai nai cai cigimo íllana onódicai, —daidíaioi.

Iemona afémaci Jesús uaina náfueacañediaioi.

<sup>4</sup> Iemo Jesús íaioina daide:

—Nana jíaie comíni, Juzíñamui uai jino llóraimana ñue jíeruítiaioi. Mei íadi afe llóraíma énie ímaci, íezie ímaci diga, figo íena jíeruíñediaioi. Daje izóí íe jofo ímaci íena jíeruíñediaioi, —daide.

<sup>5</sup> Ie jira afénomo jamánomo aillo fia uaido dainamona comútaga ráfuiaina comútanide. Due íraredinomo íe onoi bítanona jíllotete.

<sup>6</sup> Mei íadi nabémaci íinoñenari afémie fágacaide. Ie mei Jesús áinori íte jófuedo llófuecana uite.

### *Jesús íe doce dígamie oni jáinomo óriano llotátate*

(Mt 10.5-15; Lc 9.1-6)

<sup>7</sup> Jesús íe doce dígade llófuegamaci uáidote. Uáiduano ménamierie íaioi orede. Afe llezica Jesús afe íaioimo íe ríino íga, fíenide jóriai jino oréllena.

<sup>8</sup> Ie llófuegamacina ocuide:

—Omoi jaillae íodo ráiñuai jíaie mínicana uíñeno iri. Daa omoi jigúida diga jairi. Tura uíñeno iri. Pan úcube diga uíñeno iri.

<sup>9</sup> Omoi ídai íco jíitada jairi. Mena caifófecuiro uíñeno iri, dama o jítaíogacuiro uiri, —daide.

<sup>10</sup> Iemo nane íaioina daide:

—Nícomo o jáiadi, dinó o fíebiri; ua afe éniemona jáinomo o jáiacana llezica dinó o fíebiri.

<sup>11</sup> Jáícomo omoi jáiadi, ómoína íaioi llínoñeniadi, afénomona jairi. Daje izóí o uai cacáacañenomona jairi. Jaillano, o ídai ícomo íte eníchoma jino íaioimo teténori, daí íaioi fínócafueo o jíeruíñenana jino llóitio. Uáfuea omoi lloticue: Uire duere fínóbilliriuimo dúcia llezica, ómoína llínoñedino jamánomo duere fínóbitiaioi. Mei íadi Sodoma comíni Gomorra comíni diga figo duere fínóbíñeítiaioi, —daide.

<sup>12</sup> Iemo íe llófuegamaci jino jáidiaioi. Jaillano comíni llotíaioi:

—Mai omoi comeci ífue meídori, —daidíaioi.

<sup>13</sup> Daje llezica aillo fíenide jóriai jino orédiaioi. Íraredinomo cáiredijina due jónetiaioi; íemona jíllodiaioi.

### *Juan Bautista tíillafue*

(Mt 14.1-12; Lc 9.7-9)

<sup>14</sup> Illaima Herodes aféfuiaina como fidade. Mei nana comini Jesús jalléinana onódiaioiza. Dáarie daidíaioi:

—Juan Bautista tide íadi meine abido cáadimiena jaide. Iemona bie ríino afémiemo ite, —daidíaioi.

<sup>15</sup> Jiáimaci daidíaioi:

—Bie Juzíñamui uai llóraima Elías, —daidíaioi.

Nane jiáimaci daidíaioi:

—Jaiái Juzíñamui uai jino llóraini izoide bímie jiáie Juzíñamui uai llóraima, —daidíaioi.

<sup>16</sup> Herodes áfena cacáillano daide:

—Bímie ifona cue jaitátagamie Juan. Ja birui tíllanomonona meine abido caade, —daide.

<sup>17</sup> Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoinia Herodes Juan jae llavétate. Afe llezica íena llavéramo maitátate.

<sup>18</sup> Mei nauí Juan Heródemo llogaza:

—O ofaiño o aina ónidio; áfena rairuírede, —daide.

<sup>19</sup> Ie jira Herodías Juamo éoicana eroide. Iena fáiacade, íadi íena fánide.

<sup>20</sup> Herodes afémie comécina jaícina ñue jódimienana onode; iere ñúemienana onode. Ñúefuedo íena jacíruite. Ie jira afengo íena fienu finótañede. Herodes Juan llogafue nai figo onóñede, íadi camare íemo cacáreide.

<sup>21</sup> Mei íadi Herodías jiáifuemo uñbicaide. Herodes jocóinamonona jiáie fimona fuilláruimo dúcide. Jira aféruído Herodes cumpleaños rafue finode. Nana ie illaini, jabóllaini, Galilea ocuúraini diga afénomo gairídiaioi, mei Herodes uáidogaiaioiza.

<sup>22</sup> Dinomo Herodías jiza jofu jaillano zaito. Afengo záillari Herodes íóbide; daje izóí nana ie diga güizáibitino íóbidaioi. Iemona illaima Herodes aféngona daide:

—O jíacacaiga raa cuemo jica. Omo íiticue, —daide.

<sup>23</sup> Ríirede uaido nana afengo jicalle raa ie fecállena íaioi uíecomo llote: “Nana cuemo jainaide éniemona júbene o jitailla dieze omo llóiticue,” daide.

<sup>24</sup> Afengo jaillano ie eina daide:

—¿Mínica jícaiticue? —daide.

Afengo daide:

—Mai, Juan Bautista ifoci jica, —daide.

<sup>25</sup> Afe ringoza jarire illaíma illánomo jofu jaide; íena daide:

—Raire plato eromo Juan Bautista ifoci jóoneta cuemo ine, —daide.

<sup>26</sup> Iemona illaíma iere zúureficaide. Mei ja ríirede uaido llogaza afengo jíacana afémie jáanoiacañede. Daje llezica nana ie uáidogamaci cacádiaioi. Ie jira jáanoiacañede.

<sup>27</sup> Ie jira afe llezica ie abi úiñoraíma raire llavériracomu orede, Juan ifoci atíllena.

<sup>28</sup> Afe abi úiñoraíma llavériracomu jaillano, Juan ifoci jáitano plátomo jóoneta atide. Aféngomu izáibite. Iemo ie eímo afengo izájide.

<sup>29</sup> Juáado jáidino, fidíillano, ie abi uájidiaioi, ráíllena.

*Jesús cinco mil dígade íññiaí ecade  
(Mt 14.13-21; Lc 9.10-17; Jn 6.1-14)*

<sup>30</sup> Afe mei Jesús nauí oni jino orécamacu meine Jesumo gairíllano, nana íaioi finócafue afémiemo llotíaioi. Afe íaioi llogafue llotíaioi.

<sup>31</sup> Iemona Jesús íaioina daide:

—Mai bí, oni báinino caí ocózinaiíli, —daide.

Aillo comini dúcíoídiaioi, jáíoídiaioi; ie jira Jesús ie imaci diga, güíndiaioi.

<sup>32</sup> Ie mei Jesús ie imaci diga nocaedo oni eneno tíi daidínomo jáidiaioi.

<sup>33</sup> Mei íadi aillo nairai íaioi jáíllana cíode. Jesuna onóíllano nana jófuemona batínomo aizícana jáidiaioi. Uafue, Jesús ie imaci diga uícomu dúcíoídiaioi.

<sup>34</sup> Jesús dúcía mei nocáemona jino jaillano aillo comínina cíode. Cíoíllano afémacímó dúecaide. Íaíoína izíruite níbai úiñoraímanide ovéjaíai izóí itiaioi. Ie jira diga ráfuiaína íaíoímo llote.

<sup>35</sup> Ja nauídemo ie llófuegamaci afémiena daízaíbitiaioi:

—Ja nauízaide. Afe benomo comini jofona íñede.

<sup>36</sup> Mai comini oni ore ánori íticuáímo jiáie jofue diga, dinomo íaíoí güílle íbajíllena. Mei íaíoí güíllena benomo íñédeza, —daidíaioi.

<sup>37</sup> Jira Jesús uai ote:

—Mai omoi íaíoí eca, —daide.

Afémiena daidíaioi:

—¿Cai meita jaillano íbáredicai, doscientos dígabe fidi pan bimaci ecállena? —daidíaioi.

<sup>38</sup> Jira Jesús daide:

—¿Niga pan ómoimo ite? Eroizai, —daide.

Afe fidíillano daidíaioi:

—Jubécuiro diga panes ite, mena chamu diga, —daidíaioi.

<sup>39</sup> Ie jira mócorede raitíremo Jesús comini énenorie dázierie raizítate.

<sup>40</sup> Iemona cincuenta íemo jái cien dígamierie raizídaitiaoi.

<sup>41</sup> Iemona Jesús afe jubeba panes mena chamu diga lláinote. Llínuano caifo monamo érocaillano:

—Iere figura, —daide. Daíí dainano afe pan ditade. Dítajano ie llófuegamacimo fecade. Llófuegamaci ja comínimo oni fecádaiioi. Daje izói mena chamu nana comínido fecádaiioi.

<sup>42</sup> Nana comini güitíaioi. Ua ñue jeirediaoi.

<sup>43</sup> Güilla mei panes chamu diga fiébidinona doce dígagai cirígai oruitatiaoi.

<sup>44</sup> Afe Jesús fecaca panes güitímaci cinco mil dígamiiai.

*Jesús jainoi emódodo macade*

*(Mt 14.22-27; Jn 6.16-21)*

<sup>45</sup> Raire méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daíí ñeta llezica mei Jesús nana comini diga rainode.

<sup>46</sup> Íaioi ráinua méifodo Jesús idu emódodo Juzíñamuimo úrizaide.

<sup>47</sup> Ja naiomo nocáe jorai cígimo ite. Jesús dama éniemo fiébicaide.

<sup>48</sup> Jesús íaioi taino jáiana ciode. Taino jaitíaioi, mei jairifo meine íaioi fúuoideza. Iemo ja monáizaidemo Jesús íaioimo áinozide. Jainoi emódodo macade. Áinozide, íadi jicado fíiaide izói macade.

<sup>49</sup> Ie jainoi emódodo mácajana íaioi cióillano comeci jacíruiociana facádaiioi: “¡Níbai jan-aba!” daidíaioi. Jira caillíoidiaoi.

<sup>50</sup> Nana áfena cióillano iere jacínaitiaoi. Mei íadi Jesús raire íaioimo úrite; daide:

—¡Abi omoi mame! ¡Cueza! ¡Jacíruiño omoi iri! —daide.

<sup>51</sup> Íaioimo itícaemo jofo jaide. Jofo jáidemo jairifo llúicaide. Iemo jacíruiociana áferi iere fáigacaidiaoi.

<sup>52</sup> Ua afe daíí fáigacaidiaoi, mei afe duera pan fia uáimona jamánomo aillo comúitaten comécido onóñediaoiza; íaioi comeci nai ríirena jira.

*Genesaret éniemo ite iráredino Jesús jllotate*

*(Mt 14.34-36)*

<sup>53</sup> Jorai ruicáfellemo jáitanona Genesaret éniemo dúcidiaoi. Zíjillano nocáe ari cuinádaiioi.

<sup>54</sup> Nocáemona jino jailla llezica, afénomo ite comini raire Jesuna onódaiioi.

<sup>55</sup> Iemona afémaci nana afe éniedo raire aizicana lluájidiaoi. Iemona Jesús illánona fidíillano, afe dinomo iráredimaci duera inírabanido atídiaoi.

<sup>56</sup> Nágagobaido ie jáiacana izói afe jofue cígimo ite ocózainaranomo iráredino jóonefirediaoi. Aillue jofue diné ie jáiadi, dúera jofue diné ie jáiadi, fia jofo iñénallegoido ie jáiadi, daje izói iráredino iomo jóonetiaoi. Afe llezica Jesús inícuero fueda íaioi jetánollena daa bie dáarie izire íemo jicádaiioi. Nana áfena jetánotino jillobicaidiaoi.

## 7

*¿Minica caina iaire ñinode?*

*(Mt 15.1-20)*

<sup>1</sup> Iemo fariséuai Jesumo áinozidiaoi, dáarie ocuífue llófueraini diga. Afe llófueraini Jerusalémona bitíaioi.

<sup>2</sup> Nana bimaci Jesús llófuegamacimona dámierie ciódaiioi. Afe llófuegamaci onoi jocóñeno güitíaioi, fariséuai afémacina daíí daide, mei bimaci onoi jócua ocuica níciduafuemo dúcitaitñediaoiza. Afe ícoínia íaioi jánana úritiaoi.

<sup>3</sup> Daíí daidíaioi mei fariséuai nana judíuai diga íaioi jaiáigima uai nai uícadiaoi. Aféfuiai daide, comini nai bie izói íaioi onoi diga ícaíño jócoñenia güinidiaoi.

<sup>4</sup> Daje izói güille fecáracomona meine billano, onoi jócua ocuica níciduafue nai fuitáñenia güinidiaoi. Nai aillo ite afémaci jáie uícaigafuiai. Uafue, íaioi jiróracuai diga ícaíño jocófrediaoi. Daje izói íaioi ícíruai, cadéruai, jamánomo diga ícaíño jocódaiioi íaioi inírabanillai diga.

<sup>5</sup> Iemona fariséuai, ocuífue llófueraini diga Jesumo jicánotiaoi:

—¿Nibái mei o llófuegamaci cai jaiáigima daináfuiái ucaifñediaioi? Daií onoi íáirededo güitíaiói, —daiíaiói.

<sup>6</sup> Jesús uai ote:

—Juzíñamui uai lloraima Isaías ñue lloste. Nana omoi abina ñuemaci, íadi comécina íáirediomoi. Ie cuia llezica ómoimo lloste:

Bie comini fueo ñúefue cuemo jítádiaioi.

Mei íadi íaiói comeci cuemo jaináifñede.

<sup>7</sup> Cue ñúefuedo úrillena cuemo gairífirediaioi, mei íadi íaiói úrillafue ráifñede.

Íaiói llófuega Juzíñamui daináuai, fia jamai comini ocuífueiaioi.

Juzíñamui uáifñede, daií íaiói daina íadi, daide.

<sup>8</sup> Mei Juzíñamui ocuífue fétatiomoi, fia comini daináfuiái jeire omoi óllena. Aféfuiái daide: icíruai jocóllena, jiróracuai jocóllena, aillo jíáie afe izóidifuiái omoi finóllena.

<sup>9</sup> Iemo afe emódomo bie izóí zanoda íaioina daide:

—Juzíñamui ocuífueiaioi iere ebire oni eneno omoi fáicanocaiga, dani omoi daináfuiái ucaillena.

<sup>10</sup> Mei Moisés daide: “Ñue jacíruioicana o moo canori, o ei diga. Ie ei ie moo diga fiénina úritimie uáfueña titáredeza,” daide.

<sup>11</sup> Mei íadi jíáifodo daiíomoi:

—Dámie ie moo íaillinona bie daiírede, “Ona canónidicue, mei nana cuemo ite ráaie jae ‘Corbán’ itíaióiza”. (Afe uai dobáicana daina Juzíñamui íena mamécaza.)

<sup>12</sup> Dámie daií daiíadi, ja mei ie ei ie moo diga canónide náfuetiomoi.

<sup>13</sup> Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínota ñúefueña jámairuitiomoi. Aillo afe izóidifuiái finófirediomoi.

<sup>14</sup> Nane dánamo Jesús comini jíirite; jíirillano íaioina daide:

—Nana omoi cácarei, comeci onoiri.

<sup>15</sup> Nana güillemo comécina íáirenafue íñede. Mei íadi comécimona jino bitifue come comeci íáiretate.

<sup>16</sup> Omoimona cacáreiacadino cacai, —daide.

<sup>17</sup> Jesús comini fíiano jofomo jaide. Dinomo ie llófuegamaci afe onóigafuedo íemo jícanotiaioi.

<sup>18-19</sup> Iemo íaioina daide:

—¿Daií jaca ónoñeitomoi? Nana jinona güiga raa comécimo jíáifñede. Jébegimo jaide. Ie jira cómena íáiruitañede. Jébegimo jailla mei, abimona oni dotácaza. ¿Aféfueña fidíñediaioi?

Afedo Jesús daiíacade nana güille ñuera.

<sup>20</sup> Nane daide:

—Íima comécimona jino bitifue dama afémiena íáiruitade.

<sup>21</sup> Mei afémie erómona, ua ie comécimona jino fieni uibillafue bite; íemo jiruírenafue bite, naa jíáie jiruífuiái diga; íemo jíáima méiniafue bite,

<sup>22</sup> merííillafue diga; íemo jíáima raa baírócanafue bite, jíáie fiénidifuiái diga; ie mei jíáima jífuiáfue bite, nana íáiredifuiái diga. Iemo úradoillafue bite, naa táinona úrillafue diga. Iemo táinona abi ínuafue bite, naa abina onóñenafue diga.

<sup>23</sup> Nana bie figóñedifuiái come erómona bite; billano cómena íaire finode.

*Jíázie ingo Jesumo ínote*

*(Mt 15.21-28)*

<sup>24</sup> Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide.

<sup>25</sup> Temo fiénidena jóriairedingo ei, ie íllana raire fidide. Billano Jesús anamo dújude.

<sup>26</sup> Afengo judío ingóñede; jíázie ingo. Afengo énie mámecei Sirofenicia. Afengo jízamo ite fiénide jóriai óllena Jesumo jícade.

<sup>27</sup> Mei íadi Jesús daide:

—Juzíñamui úruiai raire nano fueñe güilleza. Juzíñamui úruiai güille baíroda tóica jíco izoide comínimo ígadenia figóñede.

<sup>28</sup> Afengo uai ote:

—Uafue Ocuíraima; mei íadi úruiai güillamona, ana cocídijiai, güirábani anamo ite jícótíruai güífirediaioi, —daide.

<sup>29</sup> Te mei Jesús daide:

—Ua llotio. Iemona ja jáiredio, o jízamo ite fiénide jóriai jae oni jáideza, —daide.

<sup>30</sup> Afengo jofomo dúcina llezica, iníramo búide jízana ciode. Fiénide jóriai ja ua aféngomona ñue oni jaide.

*Jefona cacáñede gogódimie Jesús jíllotate*



<sup>31</sup> Nano íanori íllano Jesús ja Tiro éniemona billano, Sidón énie dibénedo jaide. Afe mei Decápolis éniemo ite jófuiái dínedo jaide. Aféniedo jaillano, meine abído Galilea jóraimo dúcide.

<sup>32</sup> Afénomo jefona cacáñede uaina jino figo baiñfedimie Jesumo atídíaiói. Iemo izire jicádíaiói Jesús afémiemo onói bitállena.

<sup>33</sup> Te jira Jesús náiraimona oni báinino íena uite. Dinomo Jesús dama ie onocai jefona cacáñfedimie jefomo dutade. Ie mei Jesús dama ie onócaimo tuánvano afe úríñfedimie ífe jetánote.

<sup>34</sup> Afe mei Jesús monamo érocaillanona comeci zúurenmona zegóricaiide. Zegóricailano íena daide:

—¡Efata! —daide. Afe uai jino dobáiñvano daina: tújicaí.

<sup>35</sup> Afe llezica jefona cacáñfedimie jefo tújicaide; ie ífe ñue jíllode. Iemona afémie ja ñue úrite.

<sup>36</sup> Iemona Jesús íaióina rairuide:

—Jáimacimo lloñeno iri, —daide. Jesús afe daí dígacaíño íaióina rairuide. Mei íadi Jesús iere rairuide íadi, áfena náfueñeno aféfuena baimo jino llócaidíaiói.

<sup>37</sup> Iemo nana comini iere jamánomo fáigacaidíaiói. Daidíaiói:

—Nana ñue finode. Afémie jefona cacáñfedimie cacátate; uaina jino baiñfedimiena ñue úritade, —daidíaiói.

## 8

*Jesús cuatro mil diga comini ecade*

*(Mt 15.32-39)*

<sup>1</sup> Aféruillaido aillo comini meine dáanomo gairídíaiói. Iaiói güille íñede. Ie jira Jesús ie llófuegamaci júrita, íaióina daide:

<sup>2</sup> —Bie náirairi dúcaidícaue. Ja daruíamani benó cue diga itíaiói. Iaiói güille jae íñede.

<sup>3</sup> Güíñeno íaiói jofomo orédicuenia, iodo báicana jáitaiói. Dáarie jicana bitíaióiza, —daide Jesús.

<sup>4</sup> Ie llófuegamaci uai otíaiói:

—Benó bu íñénañoza ¿minícana íaiói ecáredícaí?

<sup>5</sup> Jesús íaióimo jicánote:

—¿Niga panes ómoimo ite? —daide.

Jira afémaci daidíaiói:

—Siete panes caimo ite, —daidíaiói.

<sup>6</sup> Ie jira nana comini ana éniemo ráítate. Iemo Jesús afe siete panes llínuano, Juzíñamuina “Figora” daide. Daina mei, afe panes ditade. Daí ñeta, ie llófuegamacimo ite. Afe mei llófuegamaci comínido oni fecádíaiói.

<sup>7</sup> Afémacimo due jiza chamu ite. Jesús Juzíñamuina “Figora” dainano afe chamu fecátate.

<sup>8</sup> Nana güítaiói. Iemona ñue jeíredíaiói. Ie mei güíllamona fiébidino siete diga cirigai irádíaiói.

<sup>9</sup> Afe güítino cuatro milmo ánoziacade. Afe mei Jesús nana íaiói rainode.

<sup>10</sup> Ráinua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

*Fariséuai uai dáinamona comuide onótate raa jicádíaiói*

*(Mt 16.1-4; Lc 12.54-56)*

<sup>11</sup> Iemona fariséuai Jesumo júfiduai bitíaiói. Ie facátaiacadiáiói. Iemona: “Monámona uaido comuide onótate raa caimo ácatari,” daidíaiói.

<sup>12</sup> Iemo Jesús comeci zúurenmona izire zegóricailano daide:

—¿Níbái mei bie nairai uáimona comuide onótate raa jicádíaiói? Uáfuena ómoimo llotícaue, jaca onótate raana bu ómoimo fñoñeite, —daide.

<sup>13</sup> Jira Jesús íaiói fíano meine nocaemo jaide. Iemo jorai enéfememo jaide.

*Fariséuaimo ite pan aillo fáitate raa izóidífuedo Jesús llote*

*(Mt 16.5-12)*

<sup>14</sup> Jesús ie llófuegamaci diga íaiói jailla llezica, íaiói ráíñuai féitaiáiói. Dinó nocaemo fia daa pan íaióimo ite.

<sup>15</sup> Iemo Jesús íaiói ocuide:

—Omói cacai. Fariséuaimo ite pan aillo fáitate raa izóidífuemona abí omói rairuiri. Daje izói Heródesmo ite pan fáitate raa izóidífuemona abí omói rairuiri, —daide.

<sup>16</sup> Iemo llófuegamaci dani conímamo llotíaiói:

—Nibai cai pan iñena jírari, Jesús caina daií riire daide, —daidíaioi.

<sup>17</sup> Jesús dani íaioi úrillana onóllano daide:

—¿Nibái mei, “caimo pan iñede” dani jofu conímamo daiífirediomoi? ¿Nai fidíñediomoi? ¿Nai omoi comécimo déiñede? ¿Omoi comeci nai iere riírede?

<sup>18</sup> ¿Omoi uído cióñediomoi? ¿Omoi jefodo cacáfediomoi? ¿Nai cue finócafuenta onóñediomoi?

<sup>19</sup> Naui cinco mil iñíai dígamiedemo afe cinco panes cue fecácamo, ¿niga cirigai fiébidinona iráidiomoi? —daide.

Iemo daidíaioi:

—Doce dígagai cirigai, —daidíaioi.

<sup>20</sup> Jesús nane daide:

—Daje izói cuatro mil iñíai dígamiedemo afe siete panes cue fecácamo, ¿niga oruide cirigai iráidiomoi? —daide.

Iemo daidíaioi:

—Siete dígagai cirigai, —daidíaioi.

<sup>21</sup> Iemo íaioina daide:

—¿Nai omoi comécimo jaca déiñede? —daide.

*Betsaida jófuego ite uina cióñedimie Jesús jllotote*

<sup>22</sup> Ja Betsaida jófuego dúcidiaioi. Iemo uina cióñedimie Jesumo comini atídíaioi. Iena jetánollena izire jicádiaioi.

<sup>23</sup> Uina cióñedimie ónoido llínota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cióide? —daide.

<sup>24</sup> Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci aménaiai izói cióidiaioi, —daide.

<sup>25</sup> Ie jira Jesús nane dáanomo ie uimo ie onoi jóonete. Afe mei afémie riire eroide. Iemo ie ui ja jillode; ja afémie naga raana uáfodo ñue ciode.

<sup>26</sup> Ie mei Jesús ie jofomo ie orede. Iena daide:

—Jófuego jáiñeno iri. Afénoimo ite comínimo, buna lloñeno iri, —daide.

*Pedro Jesús Crístona maméinafue jino ñue llote*

*(Mt 16.13-20; Lc 9.18-21)*

<sup>27</sup> Afe mei Jesús ie llófuegamaci diga, Cesarea Filipino éniemo jaide. Afénoimo ite jéenide jófuiai dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidíaioi? —daide.

<sup>28</sup> Afémaci uai otíaioi:

—Dámierie Juan Bautístadio daide. Jáimíai Elíasdio daidíaioi. Ie jáimíai jáie uai lloráimadio daidíaioi, —daií uai otíaioi.

<sup>29</sup> Iemo íaioina jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

<sup>30</sup> Iemo Jesús íaioina ocuide, aféfuena bumo llóñeillaena.

*Jesús ie tíllifue fíditate*

*(Mt 16.21-28; Lc 9.22-27)*

<sup>31</sup> Iemo Jesús dama ie duere finóllifue como fueñe íaioimo llote. Lluano daide:

—Nanoide íima Jitódicueza íadi iere duere zefuítallicue. Eicomini cuena ruifírutiaioi. Daje izói lletáriraini illaini, ocuífue llófueraíni diga cuena ruifírutiaioi. Omoína daidicue, afémaci cuena méneitiaioi. Mei íadi daruíámani íllamona tíllanomona meine abído caífo náidacaiticue.

<sup>32</sup> Afefue íaioimo ñue jino llote. Ie jira Pedro eneno oni Jesuna uite. Uillano Pedro Jesús íena lletade.

<sup>33</sup> Mei íadi Jesús meine gírecaillano ie llófuegamacimo eroide. Jesús Pedro létano daide:

—¡Mai cúemona oni jai! Satanás izóidímiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

<sup>34</sup> Dáanomo nane Jesús ie llófuegamaci jírrite, nana jáie comini diga. Íaioína daide:

—Cuedo jáiacadimie mai dama ie comeci jítaina féitari. Féitano cuedo biri. Daií cuedo bíllamona nibai afémie tíadi áfemo comeci fáinide; cuedo bírede.

<sup>35</sup> Jaca ninomo íllena, dama ie abi rairuíacadimie dinó jaca raire llícaite. Mei íadi cue ícoinia abi rairuíacañedimie meine jálluno llícaíñeite; daje izóí, cue lloga ñúefue ícoinia abi rairuíacañedimie zíñona íite.

<sup>36</sup> Mei jíáfodo nana éniemo ite raa cai óiadi, mei íadi afe llezica cai zíñona illifue niné féiadi, ¿nieze canócacai? ¿Canóñegacai!

<sup>37</sup> ¿Nieze íbárede da come ie zíñona illafue abido óllena? Íbáñide.

<sup>38</sup> Mei jíí, dáamie cuena meáiruadi, abido afémiena meáruiticue. Daje izóí bie minícana íñoñede fiénidimaci uíécomo cue lloga uaina meáruitimie, íena meáruiticue. Mei Nanoide íma Jitódicueza. Uire cue Moo aillo ñue máriedo bíiticue. Nana ie ñuera abi imaci diga bíiticue. Aféruimo bie éniemo ite cuena meáruitinona, daje izóí íaioina meáruiticue.

## 9

<sup>1</sup> Nane Jesús íaioina daide:

—Uáfuenta ómoimo lloticue. Benomo itímacimona dáarie nai íaioi tíñenia Juzíñamui aillo ie ríinodo ie illáimana íllana cioítiaioi, —daide.

*Jesús abi jíáfodo méidoficaide  
(Mt 17.1-13; Lc 9.28-36)*

<sup>2</sup> Seis dígarui íllamona, Jesús Pedro, Santiago, Juan diga uite. Dani dígamie eneno caifónedumo afémie uite. Ja dinomo íaioi eróicana afémie abi jíáfodo méidoficaide.

<sup>3</sup> Ie incuiro quénicuirona jaide, ua iere úzerede jaíllici izóí. Bie éniemo finódano íníroina afe izóí úzeretanidiaioi.

<sup>4</sup> Afe llezica Elías, Moisés diga Jesumo úrillana ciódiaioi.

<sup>5</sup> Jira Pedro Jesuna daide:

—Llófueraíma, níi cai benomo ñue illa. Daámami jofóchupi ómoiena cai finolli, daa óchupi, jíaie Moisés íchupi, jíaie Elías íchupi, —daide.

<sup>6</sup> Afe dáanomo ie llófuegamaci iere jacínaficaidiaioi; jacínaillano Pedro nie izóí dáinana onóñenano daíí daide.

<sup>7</sup> Afe llezica íaioimo mona uíllie ana bite. Billano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daide.

<sup>8</sup> Afe llezica, nágafene eróroidiaioi íadi íaioi diga buna cióñena, dama Jesús.

<sup>9</sup> Idumona ana bitiaioimo Jesús afe íaioimo ciónafue jíáimacimo llúana rairuide. Íaioina daide:

—Nanoide íma Jitódicue. Uire cue tíllinomona meine abido cáadimiena cue illíruimo afe omoi ciónafuena llóreitiomoi, —daide.

<sup>10</sup> Ie jira aféfuemo dani comécidiaioi. Mei íadi afémie tíllinomona abido cáadimiena illífuena jicánofrediaioi:

—¿Minícana íite? —conímana dani daidiaioi.

<sup>11</sup> Ie mei Jesumo jicánotiaioi:

—¿Níbái mei ocuícáfue llófueraíni daíífrediaioi, caina illáimaite Mesías dainámie uímodo Elías raire bíite? —jicánotiaioi.

<sup>12</sup> Afémie uai ote:

—Iere uafue Elías raire cue uímodo bite. Ua billano nana meine ñue jaícina fínuaíbite. Iemo, mei Nanoide íma Jitódicueza, cue billáfuedo ¿nie izóí Juzíñamui Cuegáuai daide? Aféuai bie izóí daide: “duere zéfuiticue” daide. Daje izóí “comini cuena jámairuitiaioi” daide.

<sup>13</sup> Mei íadi ómoína daidicue, Elías ja bite. Dani afémaci óiacana izóí afémiemo finódiaioi. Mei Cuegáuai uícomo daína izóí, afe izóí ja afémiemo zuíde, —daide.

*Jesús fiénidena jóriarede dúemie jíllote  
(Mt 17.14-21; Lc 9.37-43)*

<sup>14</sup> Ie mei ja jíaie llófuegamaci íllánomo Jesús daámami caifónedumo uigámaci diga meine bitiaioi. Billano aillo comini íaioimo gairíllana ciódiaioi. Ocuica uai llófueraíni dáanomo ite. Afe llezica afémaci Jesús llófuegamacimo júfidotiaioi.

<sup>15</sup> Ie mei Jesuna cióíllano iere fáigacaidiaioi. Afémiemo aizícana uáiduaidiaioi.

<sup>16</sup> Ie jira Jesús ie llófuegamacimo jicánote:

—¿Mínica afe ocuica uai llófueraíni júfidotiomi? —daide.

<sup>17</sup> Afénoimo itímacimona daa uai ote:

—Llófueraíma, benó omo cue jító atídicue. Fiénide jóriai afémie uáinino finode.

<sup>18</sup> Náganomo ie jáiadi afe jóríai ie uánona ana dotáfírede. Ja dinomo fueo mulléfirede; afe llezica ízie mutúricaide. Iemona ie abi iere naillbicaide. O llófuegamacimo fiénide jóríai jino óllena jicádícue, íadi afémaci ónidíai, —daide.

<sup>19</sup> Jira Jesús uai ote:

—¡Aíi, Juzíñamuimo ínoñedimaci! ¿Nie dinó ómoiri íitícue? ¿Nie dinó ómoína mozíoitícue? Bené dúemie ati, —daide.

<sup>20</sup> Jira atídíai. Afe jóríai Jesuna cióillano, afe dúemie abi meine cuidáitate. Cúdiamaona afémie éniemo baide. Dinomo jabíoicaide. Fueo mulléoiide.

<sup>21</sup> Jira Jesús ie moomo jicánote:

—¿Ja nié dino daí íte? —daide.

Jira moo daide:

—Jaca ie dúenamona.

<sup>22</sup> Diga ícaíño fiénide jóríai afémie iraimo dotáfírede. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

<sup>23</sup> Jesús íena daide:

—¿Nibái mei “O finóreniadi cai cano” cuena daidío? Daí daíñeno iri, mei Juzíñamuimo ínotimíemo naga raa finóredeza, —daide.

<sup>24</sup> Ie jira afe úrue moo caillíoicaide:

—¡ínotícue! Cue cano jamánomo cue ínolleza, —daide.

<sup>25</sup> Jesús aillo comini ofíllana cióillano, fiénide jóríai riire lletade. Daide:

—Uáinitade jóríai, cacáitañede jóríai, o jino jáillena ja ocuídícueza, ¡jai! ¡Bie úrue fáinocai! Meine abido íena oñeno iri, —daide.

<sup>26</sup> Iemona jóríai caillide; cáilliano dúemie meine nane riire cuidáitate. Cuidáitajano oni jaide, íadi afe dúemiéna tíide izói finode. Jira aillo comini:

—Ja tíide, —daidíai.

<sup>27</sup> Mei íadi Jesús ónoído llínota caifo dúemiéna naidánete. Iemona afémie ñue jílloda náidacaide.

<sup>28</sup> Ie mei Jesús daa jofomo jofo jaide. Afe mei ie llófuegamaci eneno íemo jicánotíai:

—¿Nibái mei fiénide jóríaina ónidíai? —daidíai.

<sup>29</sup> Jira Jesús daide:

—Bie izói jóríai dama Juzíñamuimo úrillado, íemo fimairillado jino orérede, —daide.

*Jesús ie tíillí fue meine fíditate*

*(Mt 17.22-23; Lc 9.43-45)*

<sup>30</sup> Afénomona íaioi jaillano Galilea éniédo jáidíai. Jesús báinino jáiacade bu ónoñeillena.

<sup>31</sup> Mei aféruillado Jesús ie llófuegamacimo llófullofuedeza. Afémiemo zúillí fue íaióimo llote. Lluno íaióina daide:

—Nanoidé Hima Jitódícueza íadi uire náiraímo izájíllícueza, cue íaioi fállena. Mei íadi daruíamani cue tíllanomona meine abido cáadimíena íitícue, —daide.

<sup>32</sup> Mei íadi afémaci ie dáinana onóñedíai. Daje izói íemo jicánuana jacíruitíai.

*¿Bu iere jamánomo áillomíena?*

*(Mt 18.1-5; Lc 9.46-48)*

<sup>33</sup> Iemo afémaci Capernaumo dúcidíai. Jofomo íaioi illa llezica, Jesús íaióimo jicánote:

—¿Minícafue íomo júfidotíomoi? —daide.

<sup>34</sup> Mei íadi jaca uaina onédaíai. Mei jae íodo júfidotíai, ¿bu cáimona jamánomo áillomíena illa?

<sup>35</sup> Ie jira Jesús ana ráinaillano, ie doce diga llófuegamaci jíríte; daide:

—Dámie raire uíecodo áillomíena jáiacaniadi, nano fueñe iere jamáimíena írede; daje izói nana comini canóraimana írede, —daide.

<sup>36</sup> Iemona Jesús daa úrue llínuano íaioi cígímo jónete. Ie mei ie ónoído íena llírínuano comínina daide:

<sup>37</sup> —Bie úrue cue mámecido llínotimíe dájena cuena llínote. Daje izói cuena llínotimíe dama cue llínoñede, mei íadi cue orédimíena cue abido llínote, —daide.

*Caina éoñedimíe cai díbenemo íte*

*(Mt 10.42; Lc 9.49-50)*

<sup>38</sup> Iemo Juan Jesuna daide:

—Llófueraíma, dámie ciódícai o mámecido fiénide jóríai jino orede. Mei íadi caido jáíñena jira íena rairuídícai.

<sup>39</sup> Mei Jesús daide:

—Rairuíñeno iri. Mei daí cue mámevido cíorainina raa finódime ñúemie. Daí finódime afe ñua méfomo raie cuedo ñeni úrinide.

<sup>40</sup> Mei caina éoñedime ua cai dibéfodo itímie.

<sup>41</sup> Jiáie come cue mámevido omoi jirótaadi, mei Crístomo omoi jainaina jira, afe jirótatímie uáfua ie jiríolde raa llínoite, —daide.

*Fiénidifumo baiñena iere jacírede*

(Mt 18.6-9; Lc 17.1-2)

<sup>42</sup> Jiáie come, bie cuena ínote dúmie fiénidifumo baiñaiadi, afe come fiénide. Baiñatimimona figura, cimoimo áillue nofícina cúnano monáillaimo dotárede.

<sup>43</sup> Dama o onoi fiénidifumo o baiñaiadi, afe o jaitari. Júbezi onoi diga ziiño ñue illafue Juziñamumona o maiñóadi, iere ñuera. Mei nágafezi onoi íadi “comini duere ñolde iraimo” o dotábicaiaadi, iere figóñede. Afénomo ite irai dútanide.

<sup>44</sup> Afénomo ite aigíroiái tíñediaioi; afe aigíroi, afeno itímacina ziiñoa duere ñoitaioi. Afe irai jaca dúñede.

<sup>45</sup> Daje izói o ídai fiénidifumo o baiñaiadi, áfena jaita. Júbene ídaiñide o illa llezica ziiño ñue illafue Juziñamumona o maiñóadi, jamánomo ñuera. Mei jiáfodo iraimo o dotábicaiaadi ñue mena ídaiñedime o íadi, iere figóñede. Afénomo ite irai dútanide.

<sup>46</sup> Afénomo ite aigíroiái tíñediaioi; afe aigíroi, afeno itímacina ziiñoa duere ñoitaioi. Afe irai jaca dúñeiteza.

<sup>47</sup> Daje izói o uiji ona íadaitaiadi, mai afeji cuerónori. Ua júbene íidímie Juziñamui illámama illánomo o jáiadi, jamánomo ñuera. Mei íadi nágaillinoi ufíredime o illa llezica, iraimo o dotábicaiaadi iere figóñede.

<sup>48</sup> Afénomo ite aigíroiái tíñeitiaioi; afe aigíroi afeno itímacina ziiñoa duere ñoitaioi. Afe irai jaca dúñede.

<sup>49</sup> Mei nana ía fecaca Juziñamui íóbitalle jobaica ríllenaimo salna jóonefírediaioi, afe fecaca rille ñue íllena. Daje izói nana raamo cai jírinafuíado ñue íredicaí. Aféfuiaí irai come uzilla ízírena izói caina izi cácataite, Juziñamui anamo ñue cai íllena.

<sup>50</sup> Sal ñuera; mei íadi afe sal íe cáimama féiadi, ¿míníado afe sal meine abido cáimacaitarede? Mai dani conímaiaina caimátaillafue dibénemo omoi iri. Afe llezica comeci caimare uái illáfumo dani conímaiaina ífíreiri.

## 10

*Jesús, naga come íe aína oni dótana rairuíde*

(Mt 19.1-12; Lc 16.18)

<sup>1</sup> Jesús ja Capernaúmoma oni Judea éniemo jaide. Ua Jordán ruicáfellemo ite éniemo jaide. Iemo aillo comini íe íllano díno meine abido gairízaibítiaioi. Iemona Jesús íe ífírena izói íaioina llófuete.

<sup>2</sup> Iemo fariséuaimona dáarie Jesuna ñeni facátaibítiaioi. Jesumo jícanótiaioi:

—¿Mei níbai dáamie íe aína oni dótajana rairuírede, níbai ráiruñega? —daííaoi.

<sup>3</sup> Iemona Jesús uai ote:

—¿Ñíe izói Moisés ómoína ocuíde? —daide.

<sup>4</sup> Jira íena daííaoi:

—Moisés llote, dáamie íe aína oni dotáacanamona, afémie dinena aféngona “jae ai oni dotaina rabe” cúere. Ie mei daíí oni dotárede, —daííaoi.

<sup>5</sup> Iemo Jesús íaioina daide:

—Moisés afe uaina ómoimo llote, mei omoi comeci ífue íere ríredeza.

<sup>6</sup> Mei íadi nano fueñe, Juziñamui nana ráaniaina comútaja llezica, “afémie íma ringo diga íaillinoína comútate.”

<sup>7</sup> “Íe jira naga íma, íe ai úamona, íe moo ei diga íénocaillano, oni dáanomo ítiaillinoi.

<sup>8</sup> Daíí íe ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza.

<sup>9</sup> Íe jira Juziñamui dáanomo jóonegaiaillinoi, comini oni dotánide, —díneri Jesús daide.

<sup>10</sup> Ja jofomo Jesús naa íe llófuegamacirí dúcinamo, íe llófuegamací aféfuena Jesumo meine abido jícanótiaioi.

<sup>11</sup> Jesús íaioina daide:

—Afe ai oni dotádimie jíáie ai óllena, dotaca ringo dibénemo afémie jíruífue ñnode.

<sup>12</sup> Daje izói íni oni dotádingo jíáimemo ínreíllena, afengo jíruífue ñnode.

*Jesús úruiaí ñue íllena ñnode*

(Mt 19.13-15; Lc 18.15-17)

<sup>13</sup> Ie mei Jesumo úruiai atúdiaioi, íaioimo ie onoi bitállena. Mei íadi llófuegamaci atúdinona rairuide, íaioi átiñeillena.

<sup>14</sup> Jesús áfena cióillano rícaide; jira íaioina daide:

—Rairuíñeno iri. Fáinocai úruiai cuemo bílleza. Íaioina llótaidoñeno iri. Juzíñamuimo jaináidino ua afe bie úruiai izói itíaióiza.

<sup>15</sup> Uáfueña ómoína daidicue, Juzíñamui illáimana illana jéruiredicai. Uruiai áfena jéruilla izói jéruiredicai. Mei íadi nana afe izói jéruíñedinona Juzíñamui ie caimare illínomo jofó óreñeite.

<sup>16</sup> Iemo úruiaina llirínuano, ie onoi íaioimo bíitano íaioina ñue finode.

*Ráarede jitócome Jesús diga úrizaibite*

*(Mt 19.16-30; Lc 18.18-30)*

<sup>17</sup> Jesús meine abido jáizaidemo, dáamie aizícana Jesús anamo dújuzaibite. Dújuillano jicánote:

—Ñue Llófueraima, ¿nie izói íiticue zúñona cue illino cue óllena? —daide.

<sup>18</sup> Jira Jesús daide:

—¿Ñibái mei cuena figomie daidío? Íimamona buna figomiena iñede. Dama Juzíñamui figomie.

<sup>19</sup> Ocuícafuiaina onódio:

“Jiáima ai diga iñeno iri;  
come fañeno iri;  
meríríñeno iri;  
bumo taino lloñeno iri;  
jiáima jífueñeno iri;  
o moo, o ei diga ñue cacáreiri,” —Jesús daide.

<sup>20</sup> Afémie uai ote:

—Llófueraima, nana aféfuiaina cue jitócomenamona jeire ófiredicue.

<sup>21</sup> Jesús afémie mo éroicaillano íena izírute; daide:

—O dafue nai jeire oñédio. Mai nana omo ite raa fécajiri. Fécajano afe iba dúeredimacimo ine. Iemona jamánomo jirídolle izoide raa monamo omo iite. Daií o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

<sup>22</sup> Mei íadi áfena cacáillano, afe iima zúucaide. Ua zuure oni jaide, aillo ie ráaniai illa jira.

<sup>23</sup> Ie mei Jesús abido comínimo éroicaillano, ie llófuegamacina daide:

—jñí féirena ráaredimie Juzíñamui illáimana illáruimo jofó jáillena! —daide.

<sup>24</sup> Jira llófuegamaci aféuairi iere fáigacaidiaioi. Jesús meine nane daide:

—jUruiai, ñí féirena úcubena ínotino Juzíñamui illáimana illáruimo jofó jáillena!

<sup>25</sup> Camello eedo uífodo jailla jamánomo juánide, mei íadi ráaredimie Juzíñamui illáimana illáruimo jailla iere juárede, —daide.

<sup>26</sup> Afena cacáillano, jacínaifcaidíai. Dani conímamo jicánotíai:

—¿Mei bu jíllolle? —daidíai.

<sup>27</sup> Jesús íaioimo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana iñede, —daide.

<sup>28</sup> Jira Pedro íena daide:

—Ocuíraima, nana caimo ite raana fiénocaidicai o diga cai jáillena, —daide.

<sup>29-30</sup> Jira Jesús uai ote:

—Uáfueña ómoína daíiticue, naga come cue ícoina íemo cue lloga jíllonafue ícoina diga, ie jofó, ie ámatíai, ie mirínguai, ie moo, ie ei, ie jitótíai, ie jacáfaiai dieze afémie fiénocaiadi, uáfueña meine llínoite. Ja bie éniemo cien dígcacaiño afe baímo jofue, ámatíai, mirínguai, éitíai, jitótíai, jacáfaiai llínoite. Uafue, dieze llínoite duere zefuúllafue diga íadi. Ie mei monamo zúñona illino llínoite.

<sup>31</sup> Aillo biruúllaido nánoramaci uire ódaidimacina jáitíai. Daje izói aillo biruúllaido ódaidimaci uire nánoramacina jáitíai, —daide.

*Dáanomo Jesús ie tíillíue llote*

*(Mt 20.17-19; Lc 18.31-34)*

<sup>32</sup> Ja Jerusalén iodo jáizaidíai. Jesús ie llófuegamaci uícodo jaide. Comeci iere facábicaidíai. Jiáie íedo jáidino jacíruiocana afémiedo jáidíai. Jira Jesús doce diga llófuegamaci eneno uáidote. Ianori íllamona íemo finóllífueña abido íaioimo llote.

<sup>33</sup> Daide:

—Mai omoi cacai. Nanoide fima Jitódicueza. Jerusalemo jáizaidicai. Mei íadi dinomo lletáriraini illáiniaimo izájillicue. Daje llezica ocuica uai llófueraimo izájillicue. Iemo afémaci cue titállena ócutiaíoi. Onínemacimo cuena izájitiaíoi.

<sup>34</sup> Cueri jífanodoitiaíoi. Cuena tícoitiaíoi. Cue túallaitiaíoi. Cue titaitiaíoi. Mei íadi daruíamani íllamona tíllanomona meine abido cáadimiéna íitucue, —daide.

*Santiago Juan diga uire úcoinafue Jesumo jícadiaillinoi*  
(Mt 20.20-28)

<sup>35</sup> Afe mei Zebedeo jitó íaillinoi Santiago Juan diga, Jesumo jícajidiaillinoi; daidíiaillinoi:

—Llófueraíma, coco jícalle jítaigafuena cócomo lloiri, —daidíiaillinoi.

<sup>36</sup> Iemona Jesús íaillinoína daide:

—¿Mínica mei ómicoímo cue finóllena jítaídiomícoi? —daide.

<sup>37</sup> Iemo íena daidíiaillinoi:

—Uire o ebírede illáimana illíruido, cócomona dáamie o nabézimo, jáímie o jarífezimo cócona o ráinatari, —daidíiaillinoi.

<sup>38</sup> Iemona Jesús íaillinoína daide:

—Dai jícadíomícoi íadi abina onóñediomícoi. Cue duere zéfuillifue izóí, ua erírede jíroлле jírua izóí, ¿zéfuiredíomícoi? Daje izóí cue izire tízaillifue izóí, ¿tízairédiomícoi? —daide.

<sup>39</sup> Iemo uai otaillinoi:

—¡Ie mei! Afena ocuédicoco, —daidíiaillinoi.

Jira Jesús íaillinoína daide:

—Uáfueña dáíitucue, cue duere zefuillifue izóí, duere zéfuitíomícoi. Cue izire tíille izóí, tíítíomícoi.

<sup>40</sup> Mei íadi cue nabéfenemo, cue jarífenemo ómicoi ráinallena, cúemona llónide. Afe ráinallino dama Juzíñamui maméinamacimo dúide, —daide.

<sup>41</sup> Jáíe diez diga llófuegamaci afefue cacáillano, Santiago Juan dígamo ícírítiaíoi.

<sup>42</sup> Iemo Jesús íaioína jírrillano, íaioína daide:

—Onódiomoíza, náiraíaimo illáimaífredino riire ocuídíllaini dani jáidiaíoi, comínina náamatallena. Aféllaini cígiri ite ríimaci, íaíoi ríinona izire comínimo cácatataíoi.

<sup>43</sup> Mei íadi omoi cígiri afe daí íñeítíomícoi. Mei jáífodo omoi díbénemo illáimana íacadimie, omoi canófredimíena jáírede.

<sup>44</sup> Daje izóí ómoimona ocuácadimíena íacadimie, nana jáímaci anamo íaíoi táíjitagamíena írede.

<sup>45</sup> Mei jíi, Juzíñamui oreca Nanoide fima Jitódicueza. Mei íadi jáímaci cuena canóllena bíñédicue. Mei jáífodo nana comínina cánuabíticue. Uafue áillomaci íaíoi fiénidífuemona zuitalle izóí, íaioína cue jíllotallena tízaabíticue, —dínori Jesús llote.

*Jesús uínidimie Bartimeo jíllotate*  
(Mt 20.29-34; Lc 18.35-43)

<sup>46</sup> Jae Jericomo dúcidiaíoi. Afe jófuemona Jesús jino jáidemo ie llófuegamaci diga, naa aillo comíniri, uínidimie io fuemo ráíide. Afémie Timeo jitó, Bartimeo. Díno afémie úcube jícaífrede.

<sup>47</sup> Nazaret ímie Jesús áinozillano fidíillano, uínidimie jíriioicaide:

—¡Jesús, jáiai illáima David Jitó, cuemo dúecaí! —daide.

<sup>48</sup> Aillo comíní íena rairuídíaíoi ie llícaillena; íadi jaca nai jamánomo jíriioide:

—¡David Jitó, cuemo dúecaí! —daide.

<sup>49</sup> Ie jira Jesús uái náidaillano daide:

—Afémie uaido, —daide.

Jira uínidimie uáiduano íena daidíiaíoi:

—Abi mame. Náidacai. O uáidoteza, —daidíiaíoi.

<sup>50</sup> Jira ie emódodíroi duíñuano iere raire náidacaillano Jesumo bite.

<sup>51</sup> Jira Jesús íemo jícanote:

—¿Mínica omo cue finóllena jítaídió? —daide.

Jira uínidimie uai ote:

—Llófueraíma, cue úreacadíucue, cue eróllena, —daide.

<sup>52</sup> Jesús íena daide:

—Mai o jairi. O íinuamona jae jíllodioza, —daide.

Afe llezica uínidimie cíode. Iemona Jesús jáíllado afémie jáide.

**11**

*Jesús illáimana Jerusalemo jofo jaide*

*(Mt 21.1-11; Lc 19.28-40; Jn 12.12-19)*

<sup>1</sup> Jerusalemo áinozillamona, Jesús mena llófuega íaillinoi uícomo orede. Jae Betfagé jofue, íemo jíái Betania jofue diga áinomo itíai. Dáanori Olivo daina ídumo itíai. Iaillinoi óriano daide:

<sup>2</sup> —Uícomo ite duera jófueмо ómicoi jai. Omicoi dúcille llezica cuinaca duera búrrona cíotiomicoi. Nai áfede buna ráiiñena. Zúitajano cuemo ati.

<sup>3</sup> Bu ómicoimo jícanoíadi ¿níbái ómicoi zúitaca? Iena dáitio: “Ocuíraima Jesús jitailla jira. Ie mei raire meine omo atille,” —daide.

<sup>4</sup> Afe íaillinoi jaillano jino naze fue iori cuinaca búrrona baizájidiaillinoi. Afe zúitádiaillinoi.

<sup>5</sup> Dáamie dino itínomona íaillinoína daide:

—¿Mínica ñetiomicoi? ¿Níbái burro zúitádiomicoi? —daide.

<sup>6</sup> Jira uai otíiaillinoi Jesús íaillinoína daina izói. Ie jira:

—Jii, mai ui, —daídiaoi.

<sup>7</sup> Iemona búrrona Jesumo izájidiaillinoi. Izájillano íai. Inícuirona burro emodo jobédiaoi. Ie mei dinomo Jesús caifo ráinade.

<sup>8</sup> Aillo comini íai. Iniroi iomo jobédiaoi. Jíaimaci íbiairede amena rábaillai otá iomo jónetiaoi.

<sup>9</sup> Uícoídimaci ódaídimaci diga jírioicaídiaoi:

—¡Ebírede! ¡Juzíñamui mámedido bitímie caimáreficairi!

<sup>10</sup> ¡Como íacade illáimana illino caimare comuiri! ¡Ua cai jaiáigima comuídimie David illáimana illino ñue móonairi! ¡Juzíñamui ebírede rafue daíri! —daídiaoi.

<sup>11</sup> Ja daí Jesús Jerusalemo jofo jaide. Jaillano Juzíñamuimo gairíracomo jaide. Nágafenemo erórioicaillano jino Betániamo jaide, naa ie doce diga llófuegamaciri, mei ja nauídeza.

*Jesús llizíñede higuera daina amena faidode*

*(Mt 21.18-19)*

<sup>12</sup> Afe jíáruído Betániamona jino abido billano, Jesús jufiruite.

<sup>13</sup> Macádiaoimo ñue íbiairede higuera aménana Jesús jicana ciode. Iemona dinomo jaide afénamona níbai ie llizíllajiaína óllena. Mei íadi Jesús dúciillano, hígojiaína baiñede. Afe amena táinona fia íbiairede, mei aféruimo hígonino nai dúciñedeza.

<sup>14</sup> Iemo Jesús afe aménana fáiduano daide:

—Jaca benómona buna bie amena llizíñenamona ie llizíllajiaína ríeñeiteza, —daide.

Daí ie dáinana ie llófuegamaci cacádiaoi.

*Juzíñamui gairíraco Jesús duano ñue finode*

*(Mt 21.12-17; Lc 19.45-48; Jn 2.13-22)*

<sup>15</sup> Ie mei Jerusalemo meine dúcidiaoi. Juzíñamui gairíracomo Jesús jofo jaillánona, dinomo ráaie fecáдино íbárioidino diga jino júaíde. Ucube méidoraini íbani Jesús caitade, fíicirillai fecáдино ráiiraniai diga.

<sup>16</sup> Afe gairíracomo buna mínicana úiñellena afémie rairuide.

<sup>17</sup> Íai. Ie llófue:

—Juzíñamui Cugáuai daide: “Cue jofo ua nana náiraímo Juzíñamuimo úrille illácona nameide,” mei íadi merítino illano jae afénona finódiomo, —daide.

<sup>18</sup> Lletáriraini illaini, ocuífue llófueraíni diga afe ie finócafueña fidídiaoi. Iemona afémie fállena jenódiaoi. Iena jacíruitiaoi, afémie llófueinafuerei nana nairaí iere fáigacaideza.

<sup>19</sup> Ja nauízaídemo Jesús afe jófueмона jino jaide, naa ie llófuegamaciri.

*Nauí ciona higuera amena jae zaférede dúiraina jaide*

*(Mt 21.20-22)*

<sup>20</sup> Afe jíáruído, jítiramo meine abido Jerusalemo íai. Billano, nauí ciona híguéрана abido cíodiaoi, mei íadi birui afe amena nana ie jáinauairi zaférede dúiraina ja jaide.

<sup>21</sup> Iemo Pedro comeci úbicaillano, Jesuna daide:

—¡Llófueraíma, erói! O faidoca híguéрана ja dúiraina zaféreficaide, —daide.

<sup>22</sup> Jesús íaioimo uai ote:

—Juzíñamuimo mai omoi ínofireiri.

<sup>23</sup> Uáfueña ómoína dáitícue, dáamie jíziñeno nana ie comécido ínuamona, bie caifóneduna ocuícana daíadi, “Benómona oni ii; jóramo dotábicaíri,” afe ie dáinana ua zúite; afémie jeire ua llezica, aféfue daí afémiemo íficaite.



<sup>24</sup> Ie jira ómoína daíticue, Juziñamuimo omoi úrillano jicaca raa, ja nibai o llínoga, áfena mai o ñnofireiri. Iemona afe jicaca raa ótiomoi.

<sup>25</sup> Nágáruído Juziñamuimo o úriadi, jiáimiena o éoiadi, mai íemo o comécimo ite íaifue féitari. Daií o finori, monamo ite omoi Moo Juziñamui ómoimo ite íaifuaia dóllena.

<sup>26</sup> Iadi o abi ímie iba omoi óiadi, monamo ite omoi Moo Juziñamui, ómoimo ite íaifuaína dóñeite.

*Jesumo ocuille uai ite*  
(Mt 21.23-27; Lc 20.1-8)

<sup>27</sup> Iemo Jerusalemo abido bitíaiói. Jesús gairíracomo maca llezica, lletáriraini illaini íemo ánozidiaíói. Afe llezica ocuica uai llófuetino afémiemo gairírdiaíói, éicomini diga.

<sup>28</sup> Nana íemo jicánotiaíói:

—¿Bífuiaí finuana, bu o ocuilla? ¿Bu ríinodo bie raa finódio? —daií daidiaíói.

<sup>29</sup> Jesús íaíói uai ote:

—Omoimo daa rafue jicánoiticue. Cuemo uafue omoi llóyadi, bífuiaí cue finoca ríino ómoimo llóiticue.

<sup>30</sup> ¿Bu mei ocuica báutizallena Juan? ¿Juziñamui nibai ocuica, nibai comini? Mai fáirio, —daide Jesús.

<sup>31</sup> Ie mei afémaci dani júfidotiaíói; daidiaíói:

—Juziñamui ocuica cai daíñadi, Jesús caina fairíoite: “Iemona ¿nibái mei íemo ñnoñediomoi?”

<sup>32</sup> Mei íadi comini ocuica, daíñidicai, —daidiaíói.

Comínina jacíruillano daií úritiaíói. Ja onódiaioiza, nana comini Juamo ñue comécidiaíói: “Ua Juziñamui uaido Juan úrite,” daidiaíói.

<sup>33</sup> Iemona Jesuna daidiaíói:

—Onóñedicai, —daidiaíói.

Ie mei Jesús íaioina daide:

—Nie ríinodo bie raa finódicue, daje izói ómoimo llóñeiticue, —daide.

## 12

*Comini fáfirede táijidino jiáifuena caina onótate*  
(Mt 21.33-46; Lc 20.9-19)

<sup>1</sup> Iemona Jesús íaíói onógafuaido íaioimo úrizaide; íaioina daide:

—Nauí dáamie jíriconai izoide raa rizájide. (Afe jírícue izoide raa rínano viñédona mameina.) Afémie afe rillano ie abi cirínora finode. Ie mei afe jíricono eroide úvaiaí zaizíraco finode, afe llizilla íji íaíói óllena. Nane are caifo jacafai cigi úñforaco afémie nite, afe rigano ñue úñollena.

Ie mei afe énie naama dáarie táijitaganomo ie rigano fecade, áfena íaíói úñollena. Afémie daií fécano oni jica jiáie éniemo jaide.

<sup>2</sup> Jíriconino llezica, ritímie ie ocuícámie afe táijitagamacimo orede, íeiena mameide llizíllajiai dieze óllena.

<sup>3</sup> Mei íadi afe uáibitimiéna llaitádiaíói; lláitano íaíói faga. Daií ñeta ria íemo fecáñeno oni éna orédiaíói.

<sup>4</sup> Ie jira afe naama nane jiáie ocuícámie orede. Mei íadi afe orécamiéna nófiedo níjidiaíói. Níjiano ie ifona íaíói bofeca. Iemo fiéni éna úritiaíói.

<sup>5</sup> Daje izói nane jiáimie orede. Afémie íaíói titaca tíide. Afe mei diga icaíño aillo jiáie ocuícamiái dinomo oréide. Afe orécamacimona dámierie fia faga; jiáimaci tícoizitiaíói.

<sup>6</sup> ‘Nai dáamie naama dibénemo ite. Daa afe naama jitona fiébite; iere ie izírúgamie. Íraicaíño ie jító orede. Comeci facade: “Afémaci ñue íemo comécíillano éna ñue ínoitiaíói; ie daina uaina jeire óitiaíói,” daide.

<sup>7</sup> Mei íadi táijitagano dani afémaci úritiaíói: “Bímie nibai ie moo feci raa máíñoitimie. Mai ie cai faa, ie mei cai náamatallena.”

<sup>8</sup> Ie jira íaíói llaitaca; íaíói titaca tíide. Ie mei ie abi raíñeno afénomona oni dotaca.

<sup>9</sup> Ie mei Jesús jicánote:

—¿Nie izói bie énie naama afe fiénidinona fínoite? Billano afe táijitaganona títaite. Ie mei afe jírícure izóidino jiáie úñnoraimacimo fécaite.

<sup>10</sup> ¿Jaiái Cuegáuaina nai facádoñediomoi? Afe uai bie izói daide:

Jofó níraini oni fádoica nófie, ja ñuera jáilliraina jaide.

<sup>11</sup> Bie cai Ocuíraima finoca.

Iere jamánomo ebire caimo cíoide.

Dinori Jesús úrite.

<sup>12</sup> Iemona Jesuna llaitáacadiaioi, llavéllena. Mei ja onódiaioiza, Jesús bie onóigafuedo íaioina uáitate. Mei íadi comínina jacíruillano, Jesús jetáñeno íena fiédiaioi. Fíiano oni jíainomo jáidiaioi.

*Gobierno íbátaga úcube cai íbállena Jesús llote*

(Mt 22.15-22; Lc 20.20-26)

<sup>13</sup> Afe mei fariseo illáicomini afémacimona dáarie Jesumo orédiaioi. Daje izói Heródemo jaináidinomona orédiaioi, Jesuna úritallena, afe ie uaido taino ieri nitállena.

<sup>14</sup> Bimaci billano íena daidíaioi:

—Llófueraíma, onódicaíza jíaimaci ie lloga uai íinoñeno, o jaca uáfueña úrifiredio. Comini jínofene ciona izói riire jicánoñedio. Mei jíáfodo Juzíñamui lloga cai ñue illafue jífueñeno jino llófuetio. ¿Mei iere riiredillaíma ocuica úcube íemo fecáredicaí, nibai fecánidicaí? ¿Afe cai fecállifue figura, nibai figóñede? —daidíaioi.

<sup>15</sup> Mei íadi Jesús íaioi uáfodo úriñenafuena onode. Ie jira íaioina daide:

—¿Nibái mei cue jánari táinona úritiomoi, cue llaitállena? Daa úcubetuni cuemo ati, cue eróillena, —daide.

<sup>16</sup> Afétuni atidiaioi. Afe eróillano Jesús íaioimo jicánote:

—Bie uíeco jana, ¿bu ie? Benomo cuega mámecei ¿bu ie? —daide.

Afémaci fairíotiaioi:

—Riiredillaíma ie, —daidíaioi.

<sup>17</sup> Iemo Jesús íaioina daide:

—Ríillaíma ie raa íemo abido ine. Daje izói Juzíñamui ie raa íemo abido ine, —daide.

Afémacina ie dáinari iere comeci jíáfoficaídiaioi.

*Tíidino meine abido cáadena íllena jicánotiaioi*

(Mt 22.23-33; Lc 20.27-40)

<sup>18</sup> Ie mei saduceo imaci dáarie Jesumo úrizaidiaioi. Bimaci tíidino meine abido cáaille lloñédiaioi. Ie jira bie taino lloga rafue Jesumo jicánotiaioi. Nai jicánoñenia fueñe daidíaioi:

<sup>19</sup> —Llófueraíma, Moisés jaíáimona caimo cuegáuai daide: Daa íima áiredímie ie úrue nai íñena llezica tíadi, ie ama afe ofaiño óite. Aféngomona daa jító comuírede ie ama tíidímie íena. Daí daina mei jicánotiaioi:

<sup>20</sup> “Mei nauí siete dígade ámatiaí cai cígimo ite. Nanóidímie áirede. Afémie jítónino tíide.

<sup>21</sup> Nanóidímie emodo ímie ie ama fecingo ote. Daje izói jítónino tíide. Daje izói nanóidiaillinoi emodo ímie afe fecingo uano jítónino tíide.

<sup>22</sup> Nana afe siete dígamiaí nanóidímie fecingo otíaioi. Afémacimona daa jítóna comuíñede. Afe ícoimo afe fecingo tíide.

<sup>23</sup> Ie jira meine abido cáalliruimo ¿bumo afengo dúide? Mei siete dígamie daango otíaiioiza, —daidíaioi.

<sup>24</sup> Mei jira Jesús fairíote:

—Omoi onóñeno fiñi comeci facádotiomoi, mei Juzíñamui Cuegáuaina onóñediomoiza. Daje izói ie ríinona onóñediomoiza.

<sup>25</sup> Mei tíidino meine abido cáaille llezica aina óñeítiaioi. Afe izói íaioi jízanaiaina iníretañeítiaioi, mei monamo ite Juzíñamui abi ímáiciaí izóitiaioiza.

<sup>26</sup> Mei íadi tíidino meine abido cáallifue dibéñedo llogáfueña ¿nai facádoñediomoi? Afefue Moisés cuegánicomo ite. Aféruimo Juzíñamui Moísemo boode raroci cígido úrite. Bie izói íena daide: “Dáanomo Abraham íinoga Juzíñamuidícue, Isaac, Jacob diga, mei birui afémaci cue illánomo cue diga cáadiaioiza,” daí Juzíñamui daide.

<sup>27</sup> Iemo Jesús nai daíoi: Mei ua íñédino Juzíñamuiñedeza; mei íadi jíáfodo cáadímaci ie Juzíñamui. Daí bífuena omoi baitáñenia iere féiraitiomoi, —Jesús ja dinomo daide.

*Iere jamánomo íñorede caimo ocuica uai*

(Mt 22.34-40)

<sup>28</sup> Afe dáaruído ocuica uai llófueraínimona dáamie Jesumo dúicide. Jesumo gairídino nana Jesús diga úrilla uaina afémie cacade. Daje izói Jesús ñue íaioi uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomo íñorena? —daide.

<sup>29</sup> Jesús ie uai ote:

—Nana ocuica uáimona bie iere ñnorede nánora uai: “Israel, mai omoi cácarei. Cai Ocuíraima Juzíñamui jaca daade.

<sup>30</sup> Mei jira nana o comécido o Ocuíraima Juzíñamuina izírui. Daje izói o comécimo ite joreño diga izírui. Daje izói nana o ifo úrilla uaido íena izírui. Daje izói nana omo ite ríinodo íena izírui.” Be ñie nánora ocuica uai.

<sup>31</sup> Afe méifoide ocuica uai daje izói jóide. Afe uai daide: “Dama o abi o izírui izói, afe izói o aino ímiena mai izírui.” Jáie ocuica uai izoide bie baimo ñede, —daide.

<sup>32</sup> Iemona Ocuica uai llófueraima daide:

—¡Ie mei! Llófueraima, ñue daidio. O daina uafue. Uáfuea Juzíñamui daade. Afémie baimo jáímiena ñede.

<sup>33</sup> Daje izói afémiena nana cai comécido izírullena ñuera. Ie llezica nana cai ifoci úrilla uaido íena izírullena ñuera. Ie llezica nana cai comécimo itífuaído íena izírui ñuera. Ie llezica nana caimo ite ríinodo íena izírullena ñuera. Daje izói cai abi ímiena dani cai abi izírui izói, afe izói íena izírui jítárede. Bie izói cai izírui, aillo ráifide. Ua, nana fatá Juzíñamui fia fecaca rílleniai baimo ráifide, nana Juzíñamui ióballena jobaica rílleniai diga, —daide.

<sup>34</sup> Iemona baitádimie izói afémie ie fairíua uaina cacáillano, Jesús íena daide:

—Juzíñamui dúillena ímiena íanori itio, —daide.

Afe mei jacírullano buna jáífuea Jesumo jicánoñediaioi.

*¿Bu jító Cristo? Jesús dama jicánote*

*(Mt 22.41-46; Lc 20.41-44)*

<sup>35</sup> Jesús gairíracomo llófullofuea llezica, comínimo jicánote:

—Onódiomoiza ocuica uai llófueraíni “Cristo David jító” daífirediaioi. ¿Nie izói daírede?

<sup>36</sup> Mei dama David Juzíñamui Joréñodo úrite; daide:

—Monamo ite cai Moo Juzíñamui cue Ocuíraimana daide: “Cue nabézimo rainai, o éoigamacina cue anáfenollíruimo,” daí David daide.

<sup>37</sup> David Crístona “cue Ocuíraima” daíadi, ¿nie izói afe llezica Cristo ie jítana írede? —daide Jesús. (David emodo imácimona Cristo cómuide.)

Aferuido aillo comini, caimare Jesús úrilla cacáreizaibitiaioi.

*Ocuica uai llófueraíni fienu illafue Jesús jino comínimo llote*

*(Mt 23.1-36; Lc 11.37-54; 20.45-47)*

<sup>38</sup> Jesús llófullofuea llezica íaioina daide:

—Ocuica uai llófueraínimona abí omoi rairui. Afémaci ápera ñuera inícuro jítano comini uíecomo mácafrenana gáidiaioi. Afe llezica íaioi anamo comini fecáracuaimo ñue jacíruiocana íaioi uáiduana gáidiaioi. (Daje izói comini íaioi daináuai jírullena gáidiaioi.)

<sup>39</sup> Afémaci Juzíñamui uai llófueraimo ite ñuera ráiirana raie jáímaci uíecodo jenófrediaioi. Afe izói comini iráziracomo iráziaidi, afémaci iere ñuera ráiirano uíecodo maíñófrediaioi.

<sup>40</sup> Afémaci fecínguai jofue naa íaioi raari bairófrediaioi; mei íadi comínimo jáífodo afémiaí cioillena, are Juzíñamui úrioidiaioi, comini éroilla llezica. Afémaci iere jamánomo duere finócamacina jáitiaioi, —daide Jesús.

*Dúerede fecínguo fecaca úcube jamánomo ñuera*

*(Lc 21.1-4)*

<sup>41</sup> Iemo Jesús Juzíñamui gairíracomo ráicana eroide. Ucube dotáranu uíecomo ráiide. Comini afénomo úcube dotájillamo eroide. Iere ráaredino aillo úcubena dotádiaioi.

<sup>42</sup> Bie llezica fecínguo dúeredínguo mena úcubetuni dótaibite. Bituni íanguai ‘cobre’ ie; iere due ráifide centavo izoide.

<sup>43</sup> Ie mei Jesús ie llófuegamací jírillano íaioina daide:

—Uáfuea ómoimo lloticue. Bie dúerede fecínguo úcube jóoneracojimo dotaca úcube, iere jamánomo jáímaci afénomo dotaca úcube baimo jaide.

<sup>44</sup> Nana jáímaci úcube fiébide államona dotádiaioi, mei íadi afénguo dúeredínguo íadi, nana aféngomo ite úcube ie íga. Afénguo güille óllena úcubena nana afénguo ja dotaca, —Jesús daide.

## 13

*Gairíracuo uire júdaillena Jesús ie llófuegamacimo llote*

*(Mt 24.1-2; Lc 21.5-6)*

<sup>1</sup> Jesús gairíracomona jino billa llezica, ie llófuegamacimona dáamie íena daide:

—Llófueraima, ¡bie iere ñuera nófíemo eroi! ¡Daje izói bie jofo áilluemo eroi! —daide.

<sup>2</sup> Iemo Jesús uai ote:

—Mai bie áillue jófue mo ñue omoi eroi. Benomo daje emódomo nófiena fiebiñeite. Nana oni júdaille, —daide.

*Irairui uícodo íitífuiai*

(Mt 24.3-28; Lc 21.7-24; 17.22-24)

<sup>3</sup> Afe mei Olívona mameide idumo jáidiaioi. Gairíraco uíeco dibénemo ite. Afénomo Jesús ráidemo, Pedro, Jacobo, Juan, íemo Andrés báinino íena daidiaioi:

<sup>4</sup> —Nana bífuiai o daina júdaille zuíllaruina onóiacadicaí. Mai caimo llone. Nana bífuiai fúiacana çnie izóí caina onótaite? —daidiaioi.

<sup>5</sup> Jesús uai ote:

—Bu omoi jífueñeíllena, ñue abí omoi rairuiri.

<sup>6</sup> Aillo cue mámeçido imaci abí jítano búitiaioi. “Cristodicue” dainano búitiaioi. Afémaci aillo comínina jífueítiaioi.

<sup>7</sup> Mei íadi aillo ánorí ite fuiríllafuena, íemo jica ite fuiríllafue diga omoi fidíadi, omoi jacínaiñeno iri, mei afe daií íredeza. Mei íadi nai írairuíñedeza.

<sup>8</sup> Mei aféruimo daa nairai jáí náiraímo fuirízaite. Afe llezica dáazie jáíziemo jobáirizaite. Aféruíllaido diga illánomo énie riire dócaite. Dáaruído aillo júbie diga éniúaido ite. Be aféfuiai comini duere zefuille táinia raa.

<sup>9</sup> ‘Mei jira abí ñue omoi rairuiri, mei riire ocuidimaci gairíllanomo omoi úitiaioiza; Juzíñamui uai llófueriracomo ómoína fázitiaioi. Cue ícoínina ríllaini uícómo ómoína óreítiaioi, jamánomo ríredíllaini diga. Afe daií cue dibénedo íaioímo úritiomoi.

<sup>10</sup> Mei írairui nai dúciñena llezica, cai jíllonafue uai nana náiraímo jino llóredeza.

<sup>11</sup> Ríredíllainimo omoi oreille llezica, omoi úrillífuemo raire uícómo coméçido facáñeno omoi iri. Daje izóí omoi coméçillífuemo raire uícómo uibíñoñeno iri. Aféruimo Juzíñamui omoi ífomo úrilla izóí, mai omoi daiíri, mei dani omoi úríñeítiomoi; omoi coméçimona Juzíñamui ie Ñuera Joreño úrite.

<sup>12</sup> Afe llezica dáamie nahí ie ámano fiénidífué nítano jáámiena ie fatátaite. Daje izóí móotiai nahí ie jítótiaína fiénidífuédo izájitaitiaioi, íaioi titállena. Afe íbana íaioi jítótiai, nahí ie móotiaímo fiénidífué nítano íaioi fáite titállena.

<sup>13</sup> Cue ícoínina, nana comini ómoína éoíllano íere íairuitiaioi. Mei íadi írairuimo jáicina Juzíñamuimo íere féítañeno ínotímie jíllobicaite.

<sup>14</sup> ‘Jaíai Juzíñamui uai jino llóraíma Daniel daa íere íairuiga raa dibénedo cuete. Afe íairuitaite raa nabene jofue júdaitaite. Afe fiénidífuena oruide raa Juzíñamuimo gairíracomo ite jeruícacomo jóonia llezica, Judea éniemo itino, áraera íduai mo botárediaioi. (Bibe facádimie mai ñue onoiri.)

<sup>15</sup> Aféruimo o jofó jinófene ídamo omoi íadi, jofó eromo ite ráaniaína omoi uájíñeno iri; raire botari.

<sup>16</sup> Jacáfaimo tájídímie abido jofomo bíñeno iri, ie ínícuiruai óllena.

<sup>17</sup> Aféruimo ite ringóniaí namóçiredino íere duere zéfuitiaioi, aizínidiaioiza. Daje izóí monoi jirode duera úrue llíidíngotiaí duere zéfuitiaioi.

<sup>18</sup> ‘Te jira Juzíñamuimo omoi jicari, “Nóci ílláruíllaido caina botátañeno iri.”

<sup>19</sup> Bie izóí duere zefuíruruína jaca jaíai ífinide. Ua, Juzíñamui bínie fínuamona benomo afe izóidena íñede. Aféruíllai méífomo afe izóí íñeite.

<sup>20</sup> Juzíñamui afe zúuredíruí are jóoneadi buna jíllóñeille. Mei íadi afémie nízécanona ízírullano íanori afe zúuredíruína afémie jóoneite. Are íñeite.

<sup>21</sup> ‘Iemona aféruimo dámie ómoína daíadi: “¡Erocaí, benomo ite Cristo!” áemo íñoñeno iri. Daje izóí jáámie daíadi: “Eroi, batínomo ite Cristo,” áfena íñoñeno iri.

<sup>22</sup> Mei uafue, aféruído aillo jífuéritino búitiaioi. “Cristodicue” dáítiaioi. Daje izóí “Juzíñamui dibénedo úriticaí” dainano comínina jífueítiaioi. Afémaci cíórainina ráaniaí fnoítiaioi, jáíae jacíredífuiai diga, comini jífuellena. Uafue, daje izóí dama Juzíñamui nízécanona jífueacadiaioi, afémaci daií jífuéareniaí.

<sup>23</sup> Mei íadi mai ñue omoi comeci facáoiri; mei nana bífuiaína jae uícodo ómoímo llóçícuéza.

*Monámona bite Nanoide Íma Jitó, Cristo meine bíllena Jesús llote*

(Mt 24.29-35, 42-44; Lc 21.25-36)

<sup>24</sup> ‘Te mei aféruíllaido, zúuredíruíllai méífomo, jítoma duíbicaite. Fíui égaiñoñeite.

<sup>25</sup> Monamo ite úcuai cóçitiaioi. Afe llezica mona eromo ite ríino moçídino, mairíñeno jaíllano dóçaitiaioi.

<sup>26</sup> Iemo nauí monámona bite Nanoide Íma Jitó Cristo meine abido cíocaite. Uíllie cíçido bíite; aillo ríino diga. Jamánomo ebírenafuedo bíite.

<sup>27</sup> Afe mei ie abi imácina óreite, nana ie nizécamací nana mona fuédamona gairítallena. Ua jamánomo jica ite ígobíai imácimona nizécano nana dáanomo atille. Daje izóí énie fueda imácimona nizécano nana dáanomo atílliaioi.

Nai ie llófuegamacimo llófuiano, íaioina daide:

<sup>28</sup> ‘Mai bie higuera amena rafue omoí onoiri. Afe higuera íbiai firuilla llezica fimona áinozillana onódiomoiza.

<sup>29</sup> Daje izóí nana bie zúuredíruillai zuíllana omoí cíoiadi, íirairuí áinozillana onóitiomoi. Jae iere íanori ite.

<sup>30</sup> Uáfueña ómoína dáitícue, afe illáruido itino comini nai tíñenia, nana bifue zúite.

<sup>31</sup> Nana mona énie diga fúite, mei íadi cue daina uai jaca ninomo méidonide. Cue llua izóí zúite.

<sup>32</sup> ‘Mei íadi afe illíruina buna onóñena. Daje izóí Juzíñamui abi imaci onóñediaioi. Ua afe izóí Juzíñamui Jító aféruina onóñede. Dama cai Moo Juzíñamui onoiğa.

<sup>33</sup> ‘Ie jira, aferuí dúcinana onóñediomoiza, mai ñue figo abina omoí onoiri. Afe llezica mai ñue omoí uíñori. Daje izóí Juzíñamui uírífereiri.

<sup>34</sup> Cue meine billifue dámie jica jailla izoide. Afémie nai jáiñenia íemo táijidinona ie jofo uíñotade. Illa dígamie dáarie táijillena igáiaioi. Iemo naze uíñoraíma jóoniano, íena riire ocuicide, jofo uíñollena.

<sup>35</sup> Afe izóí mai omoí abi onóicana uíñori, mei jofo naama billiruí óñoñegaza. Nibai nauíolla llezica biíte, nibai dáaferuimo, óñoñega. Nibai atava úrilla llezica, nibai jítíramo afémie biíte; óñoñega.

<sup>36</sup> Mai abi omoí onoiri, afémie raire bíadi, omoí inállena ie cíóñeillena.

<sup>37</sup> Omoína cue daina izóí nana comínina daidicue:

—Cue bíllemo abi omoí onoiri, —daide Jesús.

## 14

*Comini Jesús llaitállena maméritiaioi*

(Mt 26.1-5; Lc 22.1-2; Jn 11.45-53)

<sup>1</sup> Nai ménarui ite pascua ráfueмо. Afe rafue llezica afénomo ite comini íaioi pan fáitara jóneñeno güífirediaioi, mei aféruillai fáitañega pan güífrenafue. Lletáriraini illaini ocuicafue llóraini diga Jesús jífuíado llaitállena jenódiaioi, ie titállena.

<sup>2</sup> Iadi daidiaioi:

—Íráizie ana íena llaitánide; áfemo comini ficire júfidoñeilleza, —daidiaioi.

*Ringo zióredijido Jesús ifona jillaide*

(Mt 26.6-13; Jn 12.1-8)

<sup>3</sup> Jesús Betániamo ite. Simón jofomo ite. Afe Simón chíñaitimiena mameide. Güírácómo íaioi ráiina llezica, daa ringo jamánomo ráifide ziórediji Jesumo jilláizabite. Afe ziórediji duera alabastro daina nofici finoina ícítirumo ite. Afe ziórediji mámeци nardo. Afeji jáiiena fáíñega. Afengo afe ícítiru llailano, Jesús ifomo áfeji totade.

<sup>4</sup> Afénomo itinomona dámerie áferi ríicaidiaioi. Dani conímana riire daidiaioi:

—¿Nibái mei bie ziórediji táinomodo tade?

<sup>5</sup> Afeji trescientos romano úcubetuni baímo fecárede, duéredimacina canóllena, —daidiaioi.

Aféngomo ríicailano íáiruitiaioi.

<sup>6</sup> Mei íemo Jesús daide:

—Mai aféngona fáicanocai. ¿Nibái mei aféngona áfedodiomoi? Bie cuemo afengo finócafue ñuera.

<sup>7</sup> Mei jíi, duéredino jaca omoí cígimo íitiaioi. Omoí jítáíadi afémacina canórediomoi. Mei íadi cue omoí cígimo are íñeíticue.

<sup>8</sup> Afengo ñue cuemo finórede raa cuemo finuaibite. Jáíamaci cue raíájiñenia cue abimo zióredijina afengo cuemo jóoniaibite.

<sup>9</sup> Uáfueña ómoína dáitícue, náganomo bie éniemo comini jíilloille uai jino llóíadi, bie ringo cuemo finócafue jino llóitiaioiza, áfemona aféngomo uíbicaífreillena.

*Judas Jesús íena éoidimacimo izájide*

(Mt 26.14-16; Lc 22.3-6)

<sup>10</sup> Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie.

<sup>11</sup> Afe illaini Judas dánana cacáíllano, íóbidiaioi. Afe jira íena daidiaioi: “Jesús caimo o atíadi, úcubena omo íbaíticai.” Iemona Judas nie izóí Jesús íaioimo fecállena jenode.

*Jesús líraifuena güillafue*

*(Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Fáitañega pan rafue nanódiruimo oveja jiza fáfirediaioi, pascua ráfuego ríllena. Aféruimo jae dúcide. Aféruído Jesús llófuegamaci íemo jicánotiaioi:

—¿Ninomo pascua rafue úcodo cai finuaillena óiacadio, afénomo pascua ráfuego mameide güille cai güillena? —daidíaoi.

<sup>13</sup> Te jira ie llófuegamacimona ménailinoi óriano daide:

—Jófuego jai. Dinomo jainoi icírudo úitimiena báitiomicoi. Iedo jairi.

<sup>14</sup> Afémie jofo jáillanomo, afeco náamana daíri: “Llófueraima daide, ¿Ninomo ite cue güillino cue llófuegamaci diga? Dinomo pascua rafue llezica güiticaí daide.”

<sup>15</sup> Jira afécona ómicoimo ácatajite, áiloco. Caifóidicomo iite. Ja fuífide. Dinomo cáiena finori, —daide.

<sup>16</sup> Jira llófuega íailinoi oni jaillano jófuego dúcidiaillinoi. Dúciillano úcodo Jesús íailinoína daina izói baizájidiaillinoi. Pascua rafue ja finódiaillinoi.

<sup>17</sup> Nauízaiilla llezica, Jesús doce diga ie llófuegamaciri dúcidiaioi.

<sup>18</sup> Güirábanimo güitiaioimo Jesús íaioina daide:

—Uáfueña ómoína daíiticue, daa ómoimona, cue diga güitínomona cuena fécaite, —daide.

<sup>19</sup> Jira afémaci zúucaidiaioi. Afe llezica dáamierie Jesumo jicánotiaioi:

—¿Nibai cue? —daide.

Jiámie daje izói daide:

—¿Nibai cue? —daide.

<sup>20</sup> Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitímacimona.

<sup>21</sup> Nanoide íima Jitódicueza Cuegáuai lloga iodo jáidicue; ua cue tállinomo jáidicue. Mei íadi cue fecádimie, ¡nii iere dúerena! Afe íima jócoñegana baímo ñue jaide, íadi jae comuide, —daide.

<sup>22</sup> Güitíaoimo, Jesús pan llínota daide:

—Iere figura, —daide. Daina mei ditade. Ditada íaioimo fécajano daide:

—Mai omoi güi. Bie cue abi, —daide.

<sup>23</sup> Iemo Jesús jiróracuri llínote. Afécure vínona orútaga. Ie mei:

—Iere figura, —dainano íaioimo ite. Nana afécureimona áfeji jiródiaioi.

<sup>24</sup> Iemo daide:

—Bie cue die; áfedo comue dájemo llínoga uai uáfueña daíllena. Aillo nairai jíllollena cue die tóite.

<sup>25</sup> Uáfueña ómoína daidicue, ja biruímona afe uva rao llizilla íji jíroñeiticue. Ua nágaruillaido Juzíñamui illáimana illirui nai biñena llezica jíroñeiticue. Aféruimo comóicana áfeji nane meine dánomo jíroiticue, —daide.

*Pedro Jesuna jáanuana Jesús úcodo llote*

*(Mt 26.30-35; Lc 22.31-34; Jn 13.36-38)*

<sup>26</sup> Juzíñamui rua íaioi rua mei, jino Olivo dainádumo jáidiaioi.

<sup>27</sup> Iemo Jesús daide:

—Bie naio, iomo come écitailla izói, méaicaillamona nana omoi cuena zóofeitiomoi. Cuegáuai daide: “Ovejai úíñoraimana fáiticue; fállemona ovejai oni ráijicaitiaioi.”

<sup>28</sup> Mei íadi cáadimiena meine abído cue ille méifodo, omoi uíécomo Galiléamo jáiticue, —daide.

<sup>29</sup> Jira Pedro daide:

—Nana ona fáicanocaitiaioimo, jaca o fáicanocaiñeiticue, —daide.

<sup>30</sup> Iemo Jesús uai ote:

—Uáfueña daíiticue, bie naio atava ménacaiño nai úriñeniadi dacaiñoámani cuena jáanoitio, —daide.

<sup>31</sup> Mei íadi afémie iere afe íeñede úricana daide:

—O diga cue tállena jítaíadi, nai ona jáanoñeiticue, —daide.

Nana daje izói daidíaoi.

*Jesús Getsemanimo Juzíñamuimo úrizaide*

*(Mt 26.36-46; Lc 22.39-46)*

<sup>32</sup> Iemo güirácomona jino billano Getsemaní íbirimo dúcidiaioi. Dinomo Jesús ie llófuegamacina daide:

—Baí bené Juzíñamuimo cue úrizaiilla llezica, benó omoi ráiri, —daide.

<sup>33</sup> Iemo Pedro, Santiago, Juan diga uite. Jesús ja zuure cácaicide; afémie aillo jaci cácade.

<sup>34</sup> Jira daide:

—Cue joreño iere zúureficaide; afe zuufue tilla izói cue orede. Benó omoi fiebi. Abí omoi onoiri, —daide.

<sup>35</sup> Iemo Jesús jabo baiife jaide. Dinomo éniemo bíjicaillano Juzíñamuimo jicade:

—Nana bie cuemo jíriacade raa cúemona oni o oréreadi, mai oni oreri, —daide.

<sup>36</sup> Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jiáifodo o oíacana izói finori, —daide.

<sup>37</sup> Iemo daámani llófuegamaci diné jaide. Inídiaioimo dúcide. Pédrona daide:

—Simón, ¿ja o inídió? ¿Jaca due jiza abí onóoicana uíñonidío?

<sup>38</sup> Abí omoi uíñori. Juzíñamuimo úriri, fiénidifue mo omoi báiiñellena. Uáfuenta o joreño iere jíerede, mei íadi o abi náinide, —daide.

<sup>39</sup> Iemona dáanomo nane, Juzíñamuimo úrizaide. Daje uáillaina daide.

<sup>40</sup> Ie mei nane bítemo, ie llófuegamaci meine dáanomo inídiaioi. Daií afémaci íniamo, Jesús íaioina cóizaibite, mei íaioi uíji ínie íbáicaza. Íaioi uai ollino íñede.

<sup>41</sup> Ja dacaiñoámani Juzíñamuimo úrillano bite. Billano íaioina daide:

—¿Mei nai biruí inídiómo? ¿Nai ocózinaidiómo? Jae mai. Nanoide íima Jitódicueza, mei íadi fiénidimacimo cue itábicaillaruimo ja dúcide.

<sup>42</sup> Náidacai. Mai cai jai. Cue fecádimie ja bite.

*Jesús llaitádiaioi*

*(Mt 26.47-56; Lc 22.47-53; Jn 18.2-11)*

<sup>43</sup> Ie llezica Jesús nai úritemo Judas dúcizaibite. Afémie doce dígadimacimona. Afémieoiri aillo comini bitíaioi. Lloefai bigíniai diga bitíaioi. Lletáriraini illáinimona bitíaioi. Dáarie bie comini ocuicafue llófuerainimona éicomini diga bitíaioi.

<sup>44</sup> Fecádimie Judas bimácimo ónoitara nauí lloga. Daide:

—Cue ñitállimie níimieite. Ie llaitari. Ñue maiano, ui, —daide.

<sup>45</sup> Iemo Judas billano, Jesumo ánozillano uáidote:

—¡Llófueraima! ¡Llófueraima!

Daií dainano ñitade.

<sup>46</sup> Iemo Jesús llaitada, maiano, bitino íena uitíaioi.

<sup>47</sup> Afe llezica dinomo itínomona dáamie lloefai otá daa bitímie jefo ñetade. Afe jefona ñetácami lletáriraini illaima jaiénici.

<sup>48</sup> Iemo Jesús comínina daide:

—¿Meita meríriraímadicue izói lloéfallairi bigíniai diga cuena lláitaibitiómo maiano cue uíllena?

<sup>49</sup> Nágariuí ómoiri Juzíñamuimo gairíracomo llófuecana iticue; íadi jaca cuena llaitáñediómo. Mei íadi bifue íficaide Cuegáuailai fuitállena, —daide.

<sup>50</sup> Iemona nana llófuegamaci íena fáicanocaillano botádiaioi.

*Da Jesudo jáicaide jitócome botade*

<sup>51</sup> Mei íadi da jitócome dama áillue iniroi jítada nai Jesús óodana jáicaide. Ie mei bitino íena llaitádiaioi.

<sup>52</sup> Mei íadi afémie jarire duíñuano aferoi íaioimo faínóicaide. Daií ñeta emuíroma jarire botade.

*Jesús jicánodoillinomo uiga*

*(Mt 26.57-68; Lc 22.54-55, 63-71; Jn 18.12-14, 19-24)*

<sup>53</sup> Iemo judíuái lletáriraini caifóidillaímamo Jesús uitíaioi. Afe llezica nana lletáriraini illáini, íemo éicomini, íemo ocuica uai llófueraini diga, dáanomo gairírdiaioi.

<sup>54</sup> Pedro, afe jamánomoidillaíma jofo abi íbírimo, óodana jicado jaide. Dinomo llaiáziraini diga ráiide; irai fue mo agaíde abi uzíreíllena.

<sup>55</sup> Nana lletáriraini illáini jamánomo ocuidimaci diga Jesumo fiéni íaioi facátallena uai nabáidino jenódiaioi, áfedo íena titállena. Mei íadi áfena baíñédiaioi.

<sup>56</sup> Aillo íemo taino llotíaioi. Iadi íaioi táinofuiai jáicina jóobiñede.

<sup>57</sup> Iemo dáarie caífo náidacaillano, afémiemo taino fiénidífue nitádiaioi. Daidíaioi:

<sup>58</sup> —Afémie dáinana cacádicai: “Bie comini finoca gairíracó júdaíticue, íemo daruíámani íllemona jíai gairíracó comini finóñegaco abido níiticue,” daide, —daidíaioi.

<sup>59</sup> Mei íadi nane íaioi lloga uai nabáillafuiai jáicina jóobiñede.

<sup>60</sup> Iemo lletáriraini illaima íaioi cígimona jino náidacaillano Jesumo jicánote:

—¿O uai óñeitío? ¿Minica bie omo nitádiaioi? —daide.

<sup>61</sup> Mei íadi daa uai oñede. Iemona lletáriraini illaima nane dáanomo jicánote:

—¿O Cristodio? ¿Afe cai ñúefuena nitaca Juzíñamui Jitódioza? —daide.

<sup>62</sup> Jira Jesús daide:

—Jii, ie mei. Nanoide Ima Jitódicue. Uire uáfuena cuena cíotiomi. Ua riírede Juzíñamui nabézimo dinomo cue ráinaillana cíotiomi. Aféruillaido mona ero úilliedo cue billana cíotiomi, —daide.

<sup>63</sup> Lletáriraini illaima jamánomo ríicaillano icirillamona ie iniroi cúatajano daide:

—¿Ñibái mei jiáie uai nabáiraima jítaiticai?

<sup>64</sup> Ja Jesús ie uáillaido Juzíñamui dibénemo fieni úrillana cacádiomi. ¿Omoi, nie izói iena daidiomi? —daide.

Iemona nana iena titállena daidíai.

<sup>65</sup> Iemo dámerie afémiemo túallaitiaoi. Afe llezica ie uieco iníroina ibáillano, iena fatíai. Fájano daidíai:

—¡Mai bai! ¿Bu o faja? —daidíai.

Iemo llaitádino ie uieco túcoidiaoi.

*Pedro Jesús jáanote*

*(Mt 26.69-75; Lc 22.56-62; Jn 18.15-18, 25-29)*

<sup>66</sup> Pedro ana jofo ibírimo ite. Iemo daa lletáriraini illaima canóraingo afénomo dúcide.

<sup>67</sup> Pedro irai fue agáillana cíollano, afengo afémiemo riire eroide. Iemona daide:

—O daje izói Nazarena ímie Jesús diga macáfiredio, —daide.

<sup>68</sup> Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jin jaide. Iemo ítava úrite.

<sup>69</sup> Iemona canóraingo iena nane cíollano afénomo itínona daide:

—Afe ima Jesudo jáidimacimona, —daide.

<sup>70</sup> Mei íadi Pedro meine jáanote. Ja baído afénomo itino Pédróna nane daidíai:

—Uáfuena. O Jesús imaci iéδιο. Galilea ímiedio. O úrilla afémaci úrilla izói jóoide, —daidíai.

<sup>71</sup> Ie jira Pedro: “Uáfuena cue llóñenia Juzíñamui cue fáidoiteza,” daide. Dáanomo Pedro ie daina uai nabáillena Juzíñamui mámeccio riire mámano daide:

—Afe omoi úrillamiena onóñedicue, —daide.

<sup>72</sup> Daí daina llezica atava dáanomo nane úrite. Iemona Jesús iena daináfuemo Pedro uibicaide. Nano uícómo iena daide Jesús: “Atava ménacaño nai úriñenia dacaiñoámani cuena jáanoitio.” Afemo comeci fácajano éeiaide.

## 15

*Jesús onínellaima Pilátomo uitíai*

*(Mt 27.1-2, 11-14; Lc 23.1-5; Jn 18.28-38)*

<sup>1</sup> Afe jítiramo lletáriraini illaini iemo eicomíniri gairízaidiaoi, ocuica uai llófueraini diga; ie emódomo naa jiáie jamánomoidillainiri. Gairíllano Jesumo íaioi finóllifueri daní úritiaoi. Maiga Jesús Pilátomo izájidiaoi.

<sup>2</sup> Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daí jaca o daina izói, —daide.

<sup>3</sup> Iemo lletáriraini illaini aillo fiéndifuiái afémiemo nitade.

<sup>4</sup> Jira Pilato dáanomo jicánuano daide:

—¿O uai oñédio? ¡Cacai! Diga fiéndiuái omo nitádiaoi, —daide.

<sup>5</sup> Mei íadi Jesús uaina oñede. Afémie uai oñenamona Pilato fáigacaide.

*Jesús ie tíllena uáfodo maméritiaoi*

*(Mt 27.15-31; Lc 23.13-25; Jn 18.38-19.16)*

<sup>6</sup> Afe rafue ana naga fimónado comínimona llogámie llaitácamierna Pilato zuitáfiredo.

<sup>7</sup> Come fatímie Barrabás jae llavéracomo ite, jiáie come fatímaci diga. Nano jiáiruideo illaima dotátaruimo comini fatíai.

<sup>8</sup> Ja birui comini Pilátomo jicaiibitiaoi. Billano Pilato íaioimo finófírena izói ie finóllena jicádiaoi.

<sup>9</sup> Pilato uai ote:

—¿Judíuái Illaima ómoimo cue zuitállena jítáidiomi? —daide.

<sup>10</sup> Pilato ja lletáriraini illaini Jesús úradoillafuedo fécajana fidíde.



11 Mei íadi lletáriraini illaini nana comíni jeire otímaci. Íaiioi úamona iere caillídímaci. Íaiioina llófuetaioi:

—Jesús ifomo mai Barrabás caimo zuitállena izire omoi jicari, —daidíaiioi.

12 Jira Pilato jicánote:

—¿Nie izóí oíacadiomoi omoi mamécamié Judío llaíma cue finóllena? —daide.

13 Iemo caillíoicana uai otíaiioi:

—¡Cruzmo íena corai! —daidíaiioi.

14 Jira Pilato daide:

—¿Nibái mei? ¿Afémie nie fiénidifue finode? —daide.

Nane dáanomo baímo caillíoicana daidíaiioi:

—¡Cruzmo íena corai! —daidíaiioi.

15 Iemona Pilato nairai uíécomo ñue íacanamona, Barrabás zuitada orede. Iemo Jesús zechétajano llazíritinomo izájide íena coráíllena.

16 Ie mei afe onínellaima áiloco jofo ibírímo íena uitíaiioi. Afénomo nana fuíríraini gairítatíaiioi.

17 Iemo ñue jíairede inícuiro, illaíma íena, afémiemo jítádiaioi. Aferoi uállaima jítafiregaroi. Afe llezica ifo icuífoi eegi nínacuífoina íemo jítádiaioi.

18 Jítajano janónaioicana riire íena uáidotíaiioi; daidíaiioi:

—¡Figo o iri, Judíuai llaíma! —daidíaiioi.

19 Iemo ráziro diga icaíño íe ifo butíaiioi. Ie túallatíaiioi. Afémiemo caiñici ana dújullano jífanodoicana íena ebíruítíaiioi.

20 Daíí íe íaiioi áífedua méifodo, afe illaíma jítacaroi íemona duíñódíaiioi. Dúíñuano dama íeucirona íe jítádiaioi. Ie mei afénomona jino íaiioi uiga íena coráíallena.

### *Jesús coráíina*

(Mt 27.32-44; Lc 23.26-43; Jn 19.17-27)

21 Jesuna coráíaidíaiioímo Cirene ímie Simón jinona jófue mo bite. Afémie Alejandro Rufo íaillínoí moo. Bítemo Jesús coráíllibícina rocátatíaiioi.

22 Iemo Jesús Gólgota maméidinomo uitíaiioi. Afe Gólgota jíáímaci uaido ífócorai Illánona nameide.

23 Afénomo vino eríredíji diga jóonegana Jesús jírótatíaiioi. Mei íadi áfena afémie jíróñede.

24 Afe mei ja Jesuna coráídiaioi. Iemo fuíríraini onótaraji dotádiaioi, Jesús inícuiro íaiioi máíñuana onóíllena. Iemona dájerize illa dígamie íe inícuiro uite.

25 Jae jíto ma caífo illa llezica Jesús coráídiaioi.

26 Jesús coráígabícimo jíáíe uai llotibícina netádiaioi. Afébicimo nie íaífue íe fínua jira coraica, daíí íaiioi cuega. Bíbícimo cuetíaiioi: “Bímie Judíuai llaíma.”

27 Afémie diga mena meríríraíma íaillínoí coráídiaioi, dámie íe nabénemo, jíáímie íe jarífenemo.

28 Jáíai Cuegáuai daíí fúbicaide. Aféuai daide: “Afémie fiénidímacimo jaináitaga.”

29 Afe íodo jáídino Jesumo fiéni úrtíaiioi. Fuena iere riire íena zanódíaiioi. Daidíaiioi:

—Maí, cacai. O Juzíñamui gairíraco ana júdaitímiedioza. Daje izóí daruíámáni íllado abído afeco níitímiedioza.

30 ¡Maí dama o abí jíllotal! ¡Cruzmona ana bí! —daidíaiioi.

31 Daíí daje izóí lletáriraini illaini, ocuica uai llófueraíni diga, Jesuna janónaitíaiioi. Dani conímána daidíaiioi:

—Afémie jíáímaci jíllotate, íadi afémie dama íe abína jíllotanide.

32 Mei bíruí Cristo, Israel llaíma ana cruzmona bíadi, áfena caí ciónamona afémie uaina ja uáfúena íñoíticai, —daidíaiioi.

Daje izóí afémie diga coráícaíallínoí fiéni Jesumo úrtíaiioi.

### *Jesús tilla*

(Mt 27.45-56; Lc 23.44-49; Jn 19.28-30)

33 Jáíiciri illa llezica nana énie jítreficaide. Dahoraámáni fídí monátíede.

34 Afe llezica Jesús riire cáílliano daide:

—Eloí, Eloí, ¿lama sabachtani? —afe uai dobáíñuana daide: ¡Cue Moo Juzíñamui, Cue Moo Juzíñamui! ¿Nibái cue zóofetio? —daide.

35 Dámierie afénomo ítínomona áfena cacáíllano daide:

—Cacarei, afémie Juzíñamui uai jino llóraíma Elías jíirite, —daidíaiioi.

<sup>36</sup> Iemona afémacimona dámie aizida fíllicide raa uájide. Erírede vínona riáitano, áfena ragūizi ícoimo jóonete, áfedo Jesús jiróttallena. Daií ñeta, íemo ñuitade. Afe llezica jíáimaci íena daide:

—Ína jabe. Mai cai éroi, neca afémie Elías ana ólleza, —daide.

<sup>37</sup> Te mei Jesús riire caillida tíide.

<sup>38</sup> Afe llezica Juzíñamui gairíracomo zebica jédaciede iniroi, dáfenedo caifófenemona ana cuájjicaide.

<sup>39</sup> Jesús anamo romano jabóidillaima uíeco dibénemo naidaide. Ie cáilliana cacade. Ie tíilla izóidena ciode. Cíuano daide:

—Uafue, bie íima Juzíñamui Jitó, —daide.

<sup>40</sup> Dáanomo dáarie ringóniai jicana eróiediaioi. Iaiói cígimo ite Magdalena jofue ingo María, íemo Salomé, íemo jíáie María. Afengo Santiago José ei. Afe Santiago jofófene ímiena mameide.

<sup>41</sup> Bie ringóniai Jesudo jáicadino. Naui Galiléamo ie illa llezica, afémaci íena canódiaioi. Mei íadi bimaci baimo aillo jíáingotiaina, Galilea ingóniai afémiedo Jerusalem bitiaioi.

*Jesús abi raiáfomo jóoniaidaioi*

*(Mt 27.57-61; Lc 23.50-56; Jn 19.38-42)*

<sup>42</sup> Ja nauizaide. Mei aferui ocózinailarui uícodirui íllaza, comini íaiói jitaille raa finófrédiaioi.

<sup>43</sup> Jira José Pilátomo Jesús abi jícajide. Afe bie José Arimatea jofue ímie. Afémie caifóidillaimaíamo iere jaináideza, ie mámece jica jalleide. Afémie Juzíñamui ílláimana íllírúina ñue uíñote. Afémie abi mámiانو jáicaiñeno Pilato íllánomo jaide. Dinomo Pilátomona Jesús abi jícade.

<sup>44</sup> Pilato ja ie raire tíillari fáigacaide. Jira jabóidillaima uáidote íemo jícanollena meita uafue daíllena.

<sup>45</sup> Jabóidillaima “Jii” dánamona Pilato fairíote Jesús abi José uíllena.

<sup>46</sup> Jira José iere ñuera iniroi íbade. Iemo Jesús abi ana uáno, aféroido junide. Iemona idu ana nofici ero raigácomo ite raiáfomo íena jóoniaide. Jóoniano raigaco áillue nofícina íbade.

<sup>47</sup> Magdalena ingo María, José ei María diga, afe raiánona cíodíanguai.

## 16

*Jesús tíidemona meine abido cáadimiena jaide*

*(Mt 28.1-10; Lc 24.1-12; Jn 20.1-10)*

<sup>1</sup> Ocózinailarui méífomo Magdalena énie ingo María, Santiago ei María, Salomé diga zíoji íbádiaioi, Jesús abi recuillena.

<sup>2</sup> Jira semana nanóidirui jíttiramo raiáfomo jáidiaioi. Afe llezica jitoma ja ciode.

<sup>3</sup> Iemo ringóniai dúciillano conímána daidíaioi:

—¿Bu mei raiáfo uíeco íbaina nofici cáiri oni ñuitalle? mei afeci iere áillueza, —daidíaioi.

<sup>4</sup> Mei íadi érocaillano raiáfo uíeco íbaina áillue nofici oni jóoniana cíodiaioi.

<sup>5</sup> Iemo raiáfo íco eromo íaiói jáillanomo jíttócome nabézimo ráiinana cíodiaioi. Afémie áreuire uzerói jíttáuide. Ieri iere jacínaitiaioi.

<sup>6</sup> Jira ringóniaina daide:

—Omoi jacínaiñeno iri. Omoi Jesús, Nazaret ímie naui coráicamie jenódiomoi. Mei íadi ja tíidemona meine abido cáadimiena jaide. Benomo íñede. Afémie íaiói jóoniano omoi éroi.

<sup>7</sup> Ie mei Pédro mo naa jíáie llófuegamaciri llujáiri. Afe bifue daiíri: “Omoi uícomo Galiléamo jaide. Dinomo ie daina izóí íena cíóitiomoi,” —daide.

<sup>8</sup> Jira ringóniai raiáfomona botádiaioi. Fáigacaillano cuidírítiaioi. Iere íaiói jacíruillamona bumó lloñédiaioi.

*Magdalena énie ingo Maríamo Jesús cíocailla*

*(Jn 20.11-18)*

<sup>9</sup> Semana nanóidirui monáicana llezica, Jesús meine abido cáadimiena jaide. Afe mei fueñe Magdalena énie ingo Maríamo afémie cíocacide. Naui afémie aféngomona siete diga fiénide jóriai oni orede.

<sup>10</sup> Iena ciona mei, afengo Jesús diga naui jáicadinomo llujáide; afémaci nai zuure éenaitiaioi.

<sup>11</sup> Afe Jesús meine caade íllana María íaíoimo llote, mei íadi aféfuena cacáillano, áfena nai íñoñediaioi. Daje izóí afengo “Iena cíódicue” dáina uaina íñoñediaioi.

*Jesús llófuegamacimona ménaillinoimo afémie cíocailla*

*(Lc 24.13-35)*

<sup>12</sup> Bie mei, Jesús llófuegamacimona ménailinoi jofue onimo mácajidiaillinoi. Mácajilla llezica Jesús jáifodo íaillinomo cíocaide.

<sup>13</sup> Afe iaillinoi jáie llófuegamacimo abido llujáidiaillinoi, mei íadi daje izói iaillinoina íñoñediaioi.

*Jesús ie uai oni llólleña orécamacimo ie uai jóonenocai*  
(Mt 28.16-20; Lc 24.36-49; Jn 20.19-23)

<sup>14</sup> Afe jáíruido once diga llófuegamaci íaioi güiránomo ráiidiaioimo Jesús cíocaide. Iaiioi comeci riirena jira, íaioina lletade. Dáanomo íaioi íñoñena jira, íaioina lletade, mei afe íena ciódino íaioimo llógana íñoñediaioiza.

<sup>15</sup> Ie mei íaioina daide:

–Mai nágagobiaido bie jílluille uai nana comínimo jino omoi llujáiri.

<sup>16</sup> Afe uaina ínoítimie íemo báutizagamie jíllobicaite. Mei íadi afe uaina ínoñeitimie jíllóñeno duere finócamiena jáite.

<sup>17</sup> Cuemo ínoítino bie onótarafuai fínoítiaioi, afe lloga uai uafue daiíllena. Cue mámedido fiénide jóriaredimie íte fiénide jóriai oni óreitiaioi. Uícodo óñoñega jáie uáillaido úritiaioi.

<sup>18</sup> Daje izói titade jaio íaioi llaitada íaioina ainíadi, tíñeítiaioi. Jucúrediji íaioi jiróadi, iránitañeite. Afe emódomo, iráredimacimo íaioi onoi bitáadi, afe iráredino jíllóitiaioi.

*Jesús monamo jailla*  
(Lc 24.50-53)

<sup>19</sup> Afémacimo úrilla mei, cai Ocuíraima Jesús fíaicana caifo monamo uiga. Iemo Juzíñamui nabézimo ráinazaide.

<sup>20</sup> Ie mei ie llófuegamaci nágagobiaimo comini jíllona uai llocana uitiaioi. Afe dáamie, cai Ocuíraima, íaioina canode. Afe llezica afémie íaioi lloga uaina cíofinina íaioi finócafuaído uáfuenta daiítate; daje izói diga onótatífuaído uáfuenta daiítate. Jae níe.

## JUZÍÑAMUI ÑUEFUE SAN LUCAS LLOGAFUE El Santo Evangelio Según San Lucas

*Rafue uiećodo llogáuai*

<sup>1</sup> Cue ama izóidimie Teófilomo cueticue. Diga comini caimo comuide ráfuiyai ñue jaícina cúellena facádiaioi.

<sup>2</sup> Afe comuídfuiyai táiniamona, áfena ciódino caimo llua izói, cuetiaioi. Afeniaina ciódino ñúefuiyai jino llóllena canódiaioi.

<sup>3</sup> Afe izói nana bífuiaina ñue jicánofiredicue. Uáfueza, bífuiyai táiniana iere jicánofiredicue. Ie jira omo cueticue. Iemona bífuiyai jaícina omo cue cúellena cuedo ñue jaide, mei ñúefuiairedimie Teófilodioza.

<sup>4</sup> Bífuiyai omo cúeiacadicue, afémaci omo llogafue uáfueza o onóillena.

*Juzíñamui abi ímie Juan Bautista jocoille lloite*

<sup>5</sup> Herodes Judea éniemo illáimana illa llezica, afénomo Zacaríasna mámeciredimie ite. Afémie Juzíñamuimo comini dibénedo úriraima. Afe Zacarías jaiyai ímie Aarón jító, Abías iziemo dúidimie. Ie ai mámecei Elisabet. Afengo daje izói Aarón iziemona comuídngo. Afe Aarón nánora Juzíñamuimo úriraima.

<sup>6</sup> Afe íaillinoi Juzíñamui eróicana ñue jaícina itíaillinoi. Juzíñamui ocuica uai jeire ófrediaillinoi. Ie jira afe íaillinoimo buna fiénidena jítánidiaioi.

<sup>7</sup> Mei íadi úruenidiaillinoi, mei Elisabet úrueninide. Iemo jíai jae iere jionaitiaillinoi.

<sup>8</sup> Iemo daarui Abías izie tájinaruillaimo dúcina llezica, Zacarías Juzíñamuimo úriraimana íllena afémiemo dúcide.

<sup>9</sup> Iemo afémaci fínofirena izói, íaioi níziamona, uguci uillítallena Zacaríasmo baite. Ie jira afémie Juzíñamuimo gairíraco rairuíredinomo jofo jaide, afénomo uguci uillítallena.

<sup>10</sup> Afémie uillítala llezica, nana comini jinófenemo Juzíñamuimo úritiaioi.

<sup>11</sup> Iemo Juzíñamui abi ímie, ángel dainámie Zacaríasmo cíocaide. Afémie uillítarano nabéfenemo cíocaide.

<sup>12</sup> Juzíñamui abi ímie cíoillano Zacarías iere jacinaillano ie finóacaigana onóñede.

<sup>13</sup> Iemo Juzíñamui abi ímie íena daide:

—Zacarías, jacíruiñeno iri, mei Juzíñamuimo o jícafírenana afémie cacádeza. O ai Elisabet jítóreite. Afémie mámecei Juaana o jitalle.

<sup>14</sup> O íóbito, daje izói aillo comini o úrue jocolleri íóbitimaciza,

<sup>15</sup> mei o jító Juzíñamui uiećomo iere uai ínotimiena mámeiteza. O jító comini jífáitaraji vino diga jaca jiroñeite. Afémie nai jócoñenia Juzíñamui Ñuera Joreño úcaite.

<sup>16</sup> Afémie Israel náiraimona diga comini comeci ífuiyai méidotaite, afémaci ócuifírede Juzíñamui uaimo meine ñue íaioi jíeruillena.

<sup>17</sup> Bie Juan Ocuíraima Cristo uiećodo biite. Afémie jaiyai Juzíñamui uai lloraima Elías coméifírena izói coméiite. Daje izói Elías riire ocuilla izói riire ócuite, ie uaido móotiai íaioi úruiai diga caimare íaioi itátallena. Daje izói uaina náfueñedino afémie afe uaina jeire otátaite. Bie izói afémie comini ñúemacina íaioi fínóite, Ocuíraima Jesús ñue llínollena.

<sup>18</sup> Juzíñamui abi ímie úrilla llícailla mei Zacarías jicánote:

—¿Ñie izói bífuenta uáfuenta onóredicue? mei ja iere jionaiticue, cue ai diga.

<sup>19</sup> Juzíñamui abi ímie uai ote:

—Gabriéldicue. Juzíñamui ócuifíregamiedicue. Ie orécamiedicue omo úrillena, bie ñúefuiyai omo llóllena.

<sup>20</sup> Mei íadi birui omo cue dainana o íñoñenamona uáinitio. Benómona úriñeítio o jító jocolinomo. Bie Juzíñamui mamécaruimo zúite.

<sup>21</sup> Afe llezica comini jino itíaiioi; Zacarías úiñotiaioi. Afémie are jino gairíracomona bíñena jira jacinaoidiaioi.

<sup>22</sup> Iemo Zacarías jino bítemo ja úrinide. Afemona afémie gairíraco eromo rairuícanomo nicárilla izói níbai ciode daidiaioi. Afémie onoi níraidua izói afémacimo úrite, mei afémie úrinideza.

<sup>23</sup> Juzíñamui gairíracomo Zacarías tájinaruillaí fúillamona, ie jofomo jaide.

<sup>24</sup> Bie mei ie ai Elisabet ja úruereacade. Afengo jofómona cinco diga fiui uáfori jino cíóñede. Afengo coméido daide:

<sup>25</sup> “Juzíñamui ja bie izói cuena úrueretade, íemona comini cuena jámairuíñeítiaioi,” daide.

*Juziñamui abi ímie Jesús jocoille llotie*

<sup>26</sup> Ja seis diga fui Juan comuillamona, Juziñamui ie abi ímie Gabriel, Galilea éniemo ite Nazaret mámeçirede jófuemo orede, daa ringo méiñollena.

<sup>27</sup> Afengo nai inínide jitaingo. Ie mámeçi María. Afengo ja jicánogango Josemo iníreillena. Afe José illaíma David izíemona comuídímie.

<sup>28</sup> Juziñamui abi ímie afengo illánomo jofo jaillano daide:

—¡Ona uáidotícue, Juziñamui ñue finóangodio! Ocuifírede Juziñamui o diga ite. Nana ringóniai baimo Juziñamui caimare omo eroide, —daide.

<sup>29</sup> Mei íadi afengo Juziñamui abi ímie cióillano, afe íe uáimona iere fáigacaide. Iemo afengo comeci anado jicánote, “¿Ñibái cuena daí uáidote?”

<sup>30</sup> Ie jira Juziñamui abi ímie íena daide:

—María, jacíruiñeno, mei Juziñamui caimare omo eroide.

<sup>31</sup> Benómona úruereitío, íemona o jító jócoitío. Afémie mámeçi Jesuna jítaitío.

<sup>32</sup> Afémie ñúefuena iere jálleite. Afémie caífo monamo ite Juziñamui Jítóite. Naui Juziñamui binie jaiáidígima David illáimana ória izóí, bie Jesuna Juziñamui illáimana óreite,

<sup>33</sup> jaca ninomo Israel náiraimo illáimana íllena. Ie illáimana íllana jaca ninomo fúíñeite, —daide.

<sup>34</sup> Ie jira María Juziñamui abi ímiemo jicánote:

—¿Nie izóí bie mei ite, mei cue íima diga íñédicueza? —daide.

<sup>35</sup> Juziñamui abi ímie uai ote:

—Juziñamui Ñuera Joreño omo itábicaite. Iemo caífo monamo ite Juziñamui íe ríinodo ona ráiruite. Ie jira o jocolle jító jaca Juziñamui mamécamiéna ite. Iemona comíni íena Juziñamui Jító dáitíaiói.

<sup>36</sup> Iemo jíái o onógango Elisabet úruereite, jamánomo ei ringo íadi. Ie jira úruenitíngo íaiói daínango íadi, seis diga fui íllamona ja úruereacade.

<sup>37</sup> Juziñamuijona jaca finónide raana íñede, —daide.

<sup>38</sup> Ie jira María daide:

—Juziñamui ócuifíregangodicue. Mai mei Juziñamui cuena íe daína izóí cuemo fínoiteza, —daide.

Afemona Juziñamui abi ímie oni jaide.

*María íe onógango Elisabet uáiduaide*

<sup>39</sup> Aféruillaído María Judea íduai cígiri ite jófuemo raire jaide.

<sup>40</sup> Dúciillano Zacarías jofomo jaide. Daíí ñeta Elisabet uáidote.

<sup>41</sup> Elisabet daíí uáidua cacáillano eromo ite úrue níráiricaide. Afe llezica afengo Juziñamui Ñuera Joréñodo úcaítaiga.

<sup>42</sup> Ie jira iere ficírede uaido úrite:

—Nana jíáingotíai baimo Juziñamui iere caimare omo eroide, ñúefue omo finóllena. Daje izóí o jítomo iere caimare eroide.

<sup>43</sup> Iere jamáingodicue, mei íadi cue Ocuíraíma ei cue eróizaíbite.

<sup>44</sup> Mei ua, o cue uáidua cacáillano cue eromo ite jító iere íóbillano níráiricaide.

<sup>45</sup> Juziñamui ona daína o ínuado iere íóbinangodio, mei Juziñamui ona daína ñue zúíteza.

<sup>46</sup> Ie jira María daide:

—Cue joréñodo cai Ocuíraímamo ñúefue llotícue.

<sup>47</sup> Cue jíllotaráima Juziñamuijimo cue comeci íóbicaide.

<sup>48</sup> Mei Juziñamui íe dúere de ocuícaingona uibíoicaideza.

Biruimona nana uíre íite comíni “Iere Juziñamui íóbitagangodio” cuena dáitíaiói.

<sup>49</sup> Mei jamánomo ríinorede Juziñamui iere ñúefuíai cuemo finódeza.

Afémie mámeçi ñúefuíaido jacíruieregaci.

<sup>50</sup> Nana íena ñue jacírúitínona afémie jaca dúecaite.

<sup>51</sup> Finónide ráfúiai afémie finode.

Fiénidena abi íinotínona afémie jae anáfenode.

<sup>52</sup> Ríillainina jamáimacina Juziñamui finode.

Mei jíáifodo comécina mánaídino illáinina orede.

<sup>53</sup> Jufíruitínona afémie ñúefuíaido imaci jeírítade.

Mei jíáifodo ráaredínona fía duere imácina orede.

<sup>54</sup> Ie ócuifíregamací Israel náirai afémie canode.

Íaióina duéruíllena féítañede.

<sup>55</sup> Naui cai móotíaina daína izóí jaca duéruífreite.

Ua, Abrahana íe daína izóí, íemo íe náiraina daína izóí afémie jaca caina duéruite.

Bie izóí María úrilla fuite.

<sup>56</sup> María daámani diga fiui Elisabet diga ite. Afe mei meine ie jofomo jaide.

*Juan Bautista jocóinafue*

<sup>57</sup> Afe mei Elisabet úrue jocólliruimo dúcinamo, jító jocode.

<sup>58</sup> Juzíñamui ñue aféngomo érocaillano fidíllano, afengo abi imaci naa onógamaciri afengo uáiduaidiaioi.

<sup>59</sup> Ocho dígarui íllamona, judíuai fínofirena izóí, gairíracomo jáidiaioi úrue bacano icoi quetállena. Afe llezica ie moo mámecina Zacaríasna jítáacadiaioi.

<sup>60</sup> Mei íadi ie ei daide:

—Ieñeite. Afémie mámecei Juaana jitalte, —daide.

<sup>61</sup> Aféngona daidíaioi:

—¿Nibái mei? O comínimo afe bie mámecei íñede, —daidíaioi.

<sup>62</sup> Ie jira onoi níraíduado úrue moomo jicánotiaioi, nie izóí mámecei jóoneacade.

<sup>63</sup> Ie jira afémie daa cuerábici jicade áfemo cúellena. Líinuano cuete: “Ie mámecei Juan.”

Aferi nana comini jacínaitiaioi.

<sup>64</sup> Afe cuia llezica Zacarías meine nane úrerede. Jira raire Juzíñamuimo ñúefuaii llote.

<sup>65</sup> Bieri nana abi imaci jacínaioidiaioi. Iemo nana Judea íduai éniemo bifue llócadiaioi.

<sup>66</sup> Nana áfena fidídino áfemo iere comécidiaioi. Dani íaioi nabáitíai jicánotiaioi.

—¿Bie úrue minícamiena jáite? Mei uafue, Juzíñamui afémiemo iere caimare eróideza, —daidíaioi.

*Zacarías ñue llocana dainafue*

<sup>67</sup> Iemo ie moo Zacarías Juzíñamui Ñuera Joreño úcaillamona úrite; Juzíñamui íemo lloga uaido afémie daide:

<sup>68</sup> Israel nairai cai ócuífirede Juzíñamuimo ñúefue nitárede, mei afémie caimo éroizaibiteza.

Ja ie comíndicai, íemo afémie ja cai jíllotaibiteza.

<sup>69</sup> Jaiai ie ocuífíregamie David izíemona, daa rínorede cai Jíllotaraima caimo orede.

<sup>70</sup> Jaiai ñúefuiairede ie uai llórainido uícodo ie daina izóí afémie cai Jíllotaraimana orede.

<sup>71</sup> Afémie cai fairíconimona caina jíllotaite. Daje izóí cai éoidímacimona cai jíllotaite.

<sup>72</sup> Cai nánoramacina duéruite, afe izóí ie íaioina ñúefuiairede daina uai féitañede.

<sup>73</sup> Jaiai cai uzuma Abrahana uícodo daina uai Juzíñamui uáfuenta daina.

Afe uai bie izóí daide:

<sup>74</sup> Juzíñamui cai fairíconimona caina báiroite, jacíruiñeno ie ócuífiregamacina cai maméíllena,

<sup>75</sup> Iemo jái ñúefuiaido ie jaicínaidímacina cai íllena, íemo daje izóí nana cai ílláruillaído afémiemo ñue cai jaínáíllena.

<sup>76</sup> Ie mei cue duera jító, caífo monamo ite Juzíñamui uai llóraimana o mámeítiaioi, mei Ocuíraima uícodo jáitioza, ñuera uai llocana uíllena, comini íemo íinollena.

<sup>77</sup> Daje izóí afémie bíllado ie comini íaífuiai féitallena fidítaitioi.

Afémaci fiénidífuiai féitalledo afémaci jíllotiaioi.

<sup>78</sup> Mei ua, cai Juzíñamui caina izíruillano caimo dúecaide.

Dúecaillano cáimaci jíáimaci íemo íinollirui caimo ite.

<sup>79</sup> Afedo tíacade jítinodo macádino Juzíñamuina onóítiaioi.

Daje izóí comeci uái ílláfuiaimo joide io afémie cai ífoite.

Benomo Zacarías úrilla fuite.

<sup>80</sup> Iemo afe úrue mónaicana jaide. Afe llezica joreño dibénedo onócana jaide. Comini íñénanomo ífirede. Israel náiraimo abí ie onónanomo afémie dínomo fiévide.

## 2

*Jesús jocóinafue*

(Mt 1.18-25)

<sup>1</sup> Aféruillaído énie jamánomoidíllaima Augusto nana comini mámeceiai cuiájíllena ocuide.

<sup>2</sup> Siria éniemo Cirenio ílláimana ílla llezica, bie nánora mámeceiai cuiájíllena ocuica.

<sup>3</sup> Naga come ie móotíai íllánomo ie mámecei cuiájírediaioi.

<sup>4</sup> Ie jira José Galilea éniemo ite Nazaret jófueмона jaide Judea éniemo. Afémie David izíemona comuídeza, David jocóinanomo Belemo jaide.

<sup>5</sup> Móotíai íllánomo José María diga mámecina cuiájídiaíllinoi. Afengo jae jicánogango Josemo íníreíllena, íemo ja úruereacade.

<sup>6</sup> Iemo Belemo íaíllinoi ílla llezica afengo úrue jocólliruimo dúcide.

<sup>7</sup> Dinomo afengo nánora jitó llíide. Jócua mei iníroido ferínote. Iemo juráreto ecáranomo rallaí jóbiano ie bitade, mei afe íaillinoímo comini dúciranomo illino íñédeza.

*Juzíñamui abi imaci ovejai úiñoraimacimo cíocaide*

<sup>8</sup> Belén jofue onimo dáarie ovéjaiai úiñoraini naiona íaioi ovéjaiai úiñofrediaioi.

<sup>9</sup> Uái daí ítaíoímo raire Juzíñamui abi ímie ángel dainámie íaioímo cíocaide. Afe llezica Juzíñamui quenírre íaioi ábiedo egáíñozide. Aferi iere jacínaitiaioi.

<sup>10</sup> Mei íadi Juzíñamui abi ímie íaioína daide:

—Jacíruiñeno iri, mei ñuera rafue ómoímo llúaíbiticueza. Bie ráfueri nana comini iere ióbitiaioi.

<sup>11</sup> Birui jaiai illaíma David jófuemo omoi Jíllotaraima jae jococa. Afémie cai Ocuíraíma Cristo.

<sup>12</sup> Afémiena omoi onóillena afe úrue iníroido ferínoga, íemo juráreto ecáranomo bitaca báitíomoi, —daide.

<sup>13</sup> Afe llezica Juzíñamui abi ímiemo aillo jíaíe mona imaci ofíoide. Afémaci Juzíñamuimo aillo ñúefuiai llotíaioi:

<sup>14</sup> —Caífoide Juzíñamuimo ite ebírenafuiai omoi lloiri.

Afe dáaruído afémie caimare eróinamacimo comécina uái illafue íteza, —daídiaioi.

<sup>15</sup> Iemona, Juzíñamui abi imaci abido monamo jailla mei, ovéjaiai úiñoraini dani conímana daííztiaioi:

—Mai mei Belemo cai jai; bie Juzíñamui caimo lloga ie jocóinafue mai cai méíñuai, —daídiaioi.

<sup>16</sup> Jira jarire jáidiaioi. María José diga ciódiaioi. Iemo jíaí juráreto ecáranomo bitaca úruena ciódiaioi.

<sup>17</sup> Afena cióillano, Juzíñamui abi imaci afe úrue ífuena íaioímo llúana jino llotíaioi.

<sup>18</sup> Nana afefue cacádino afe dainari iere caimare fágacaidiaioi.

<sup>19</sup> Mei íadi María nana aféfuiai comécimo jóoniano áfemo uíboicaide.

<sup>20</sup> Iemo ovéjaiai úiñoraini dinena meine abido jaide. Jailla llezica nana íaioi cacana, íemo íaioi ciónado Juzíñamuimo ñúefue llotíaioi. Iemo daje izóí ebírenafue Juzíñamuimo nitádiaioi. Mei nana íaioímo daina izóí íteza.

*Dúemie Jesús Juzíñamui gairíracomo ácataga*

<sup>21</sup> Jócua mona ocho dígarui íllamona, dúemie bacano ícoi quetátatiaioi. Afe llezica Jesuna ie mámece jítdaíillinoi, mei afeci nano María nai úruenina llezica Juzíñamui abi ímie aféngomo llóteza.

<sup>22</sup> Iemo diga irui íllamona, Moisés ocuica uai llua izóí, María abi íainina daííllena níciduafue fúillamo, úruena Jerusalemo uitíiaillinoi. Afénomo ite Juzíñamui gairíracomo úruena Juzíñamui íena íllena acátajidiaillinoi.

<sup>23</sup> Daíí fínódiaillinoi Juzíñamui ocuica uaimo daíí cúeina jira. Afe uai daide: “Nana nánora jococa íiza Juzíñamui íena mamérede.”

<sup>24</sup> Jira jáidiaillinoi Juzíñamui daina fecalle raa fecállena. “Mena úcugi, ñibai mena fíiciri fatá Juzíñamuimo omoi fecari,” aféuai daíí daide.

<sup>25</sup> Aféruíllaido Jerusalemo Simeóna mámeceiredimie illa. Afémie iere ñúemie; Juzíñamuimo íñofirede. Israel nairai fairíconimona bairolle úiñote. Simeón Juzíñamui Ñuera Joreño do úicaigamie.

<sup>26</sup> Afe Ñuera Joreño, Simeón nai tíñenia Juzíñamui orelle Crístona cíoite, daíí ie fidítate.

<sup>27</sup> Ie jira Jesús móotiai íaillinoi, gairíracomo Jesuna uilla úcodo, Juzíñamui Ñuera Joreño afe Simeón gairíracomo jáíllena ífode. Iemona José María diga, jaiai ocuica fínofirena izóí Jesuna íaillinoi fínuaíbilla llezica, Simeón Jesús ie ónoímo llínote.

<sup>28</sup> Simeón íena llínua llezica Juzíñamuimo ñúefue llocana daide:

<sup>29</sup> —Juzíñamui, mai birui caimare tíredicue, mei o ocuífiregamiedicue, o cuena daina izóí nana ñue fuitádio.

<sup>30</sup> Dama cue uído cai Jíllotaraimana ciódicue.

<sup>31</sup> Afémie jae nana comini erócana o jóonegamie.

<sup>32</sup> Afémie judíuaíñedíno ñúefuíaína onótaitimie.

Iemo jíaí afémie o comini Israelmo ñúefuíaína nítaite,

—daíí daide Simeón.

<sup>33</sup> Jira José María diga Simeón úruena daíí ie dainari fágacaidiaillinoi.

<sup>34</sup> Ie jira Simeón uáíllaido íaioína cámacaitade. Iemo Mariana, Jesús eina daide:

—Eroi, bie úrue Juzíñamui mamécámie. Diga Israel comíni éna ruifruillamona táinoñcaitiaioi. Iemo jiái aillo comíni íemo ínuamona ñúemacina jáitiaioi. Afémie onótate raa ízoite, íemo aillo comíni éna íairuitiaioi.

<sup>35</sup> Afedo illa dígamie ie comeci ífue onoille. Mei íadi ómona bie nana, jáirede lloefai ízoide, dango o comeci ízire fínoite, —daí Simeón daide.

<sup>36</sup> Afénori daa ringo illa. Afengo Juzíñamuimona ie oga uai llófuefírede. Afengo mámece Ana; Fanuel jiza. Iemo jiái Aser náiraímona comuídingo. Afengo iere éirogi. Afengo jítaíngona illa llezica ínúrede. Afengo siete diga fímona afémie diga ite. Afe mei afengo fecíngona jaide.

<sup>37</sup> Iemo birui aféngomo ochenta y cuatro diga fímona fecíngona ite. Afengo Juzíñamui gairíracomo jaca ífírede, mei afénomo mona naío diga Juzíñamui ocuífírengona ite. Afengo iere Juzíñamuimo úrífírede, íemo jiái iere fímaírte Juzíñamui íóbitallena.

<sup>38</sup> Simeón Jesudo úrilla llezica afengo afénomo bite. Iemo úrue díbéfodo Juzíñamuina “Figora” daína mei, afengo nana Jerusalemo ite jíllollena uíñotínomo úrite. Dúemie Jesús ñúefuíaína afengo íaíoimo llote.

#### *Nazaremo meine jáillafue*

<sup>39</sup> Iemona, nana Juzíñamui ocuica uailla íaíoí fuita mei meine Galilea éniemo jáidiaioi. Afénomo daní íaíoí íofue Nazaremo fíébizaide.

<sup>40</sup> Afénomo afe úrue iere íocíre mónoaite, íemo jiái ráfuenta baitádimíena mónoaite. Afe llezica Juzíñamui afézamo caímare eroide.

#### *Juzíñamui gairíracomo úrue Jesús fínócafue*

<sup>41</sup> Jesús moo íaillínoí naga fímónaíaido Jerusalemo pascua ráfue mo jíáírede.

<sup>42</sup> Jesús doce diga fímona fuita mei, íaíoí fínófírena ízóí afe ráfue mo nana jáidiaioi.

<sup>43</sup> Afe rafue záillamona, íofomo meine íaíoí jailla llezica, afe úrue Jesús Jerusalemo fíébicaide. Afeza fíébicaillana ie ei, José diga onóñediaillínoí.

<sup>44</sup> Nibai cai onóígamaci diga bite, daídiaillínoí. Daa mona daí íodo comécídiaillínoí. Mei íadi íaillínoí onóígamaci cígido jenódiaillínoímo

<sup>45</sup> afézana cíóñediaillínoí. Jira meine Jerusalemo íemo jénuaídiaillínoí.

<sup>46</sup> Afe mei daruíámáni íllamona Juzíñamui gairíracomo eromo afézana baitídiaillínoí. Ocuica uai llófuetíno cígimo ráíidena baizájídiaillínoí. Afeza afémaci úrillamo cacáreide. Afe llezica afeza afémacimo jícánofírede.

<sup>47</sup> Nana afeza íaíoí uaillaí úana cacádino fáigacaidiaíoí; daje ízóí ie ráfuenta baitari.

<sup>48</sup> Ie moo íaillínoí éna cízoizailla llezica íaillínoína jacínaitade. Ie ei éna daide:

—Cue jíto ¿níbái cócóri bifue fínódío? Cue o moo diga iere coco comécína lícítatío, ona iere zuure jenódicocozá, —daide.

<sup>49</sup> Mei jira Jesús íaillínoí uai ote:

—¿Mei níbái cue jenódiomícoí? Cue Moo llogáfue mo cue járitaitícue; ¿áfena onóñediomícoí? —daide.

<sup>50</sup> Mei íadi afe íaillínoína afeza daínana onóñediaillínoí.

<sup>51</sup> Afe mei afeza ie moo íaillínoí diga abido Nazaremo jaide. Iemo íaillínoí ocuállana jeire ófírede. Ie ei nana bífuíai comécimo jónete.

<sup>52</sup> Afe llezica Jesús ñue zairíoicaide, íemo onócana jaca jaide. Afe llezica Juzíñamui naa comíníri afémíemo jíeruitiaíoí.

## 3

#### *Juan Bautista táizícimo rafue jíno llote*

(Mt 3.1-12; Mr 1.1-8; Jn 1.19-28)

<sup>1</sup> Romano jamánomoidíllaima Tiberio ílláimana illa llezica, Poncio Pilato Judea énie ílláima. Iemo Herodes Galilea énie ílláima. Iemo ie ama Felipe mena énie ílláimana ite. Be ñíe: Iturea, íemo Traconite. Afe llezica Lisánias Abilínia énie ílláima.

<sup>2</sup> Afe llezica Jerusalemo jamánomóide lletárraíma íaillínoí Anás Caifás diga. Aféruíllaido Juzíñamui Zacarías jíto Juaamo táizícimo úrite.

<sup>3</sup> Iemona Jordán abi comíni íllágobíaido Juan llócaide. Afémacina bie ízóí daícade: Omoí comeci ífuíai méidori; afemona omoí fíenídífuíai dólleza. Iemona omoí báutízatari.

<sup>4</sup> Jaíai uai lloraíma Isaías uícodo cuega uai ízóí bífuíai íficaide. Be afe uai:

Fíciere úritímie uai táizícimo cácaide. Afémie daide:

“Juzíñamui bílle ío ñue fínua ízóí omoí comeci ñue fíno.

Afémíemo ío jáícina dénuá ízóí, omoí comeci íafífuíai fíéitari.

<sup>5</sup> Nana ana jica íte ítaicoíai ñue jáícina oruíziite.



Nana caifóndueai ana dájena jaícina jóbite.

Jullícana joide io, jaícina tuiñolle.

Daje llezica iñede io, daje llezica jóbite.

<sup>6</sup> Iemona nana nairai Juziñamui caimo orelle jilloillifueмо comécidiaoioi.”

<sup>7</sup> Comini Juan dñe íaioi báutizailla llezica, afémie íaioina daide:

—¡Títade jaióniaimona comuidino izóidiomoi! Ja ánozide duere zefuillifueмона omoi botállena, ¿bu omoi luua?

<sup>8</sup> Omoi comeci ifue méidoiacanana ñúefuedo uáfodo jino ácatari. Dani ómoimona táinona “Abrahámona comuidinodicai” daiñeno iri. Mei bie noficiaimona Juziñamui jitáiaidi, Abraham comínina comuitaredeza, daií ómoina daidicue.

<sup>9</sup> Fiénide amena tiéllena jata jicaida jóonia izói fiénidino duere finoille jae ñue mameca. Nana figo llizíñede amena iraimo zocana uillano jobaica. (Tiéfirega izóidiomoi.)

<sup>10</sup> Jira comini afémiemo jicánotiaoioi:

—¿Mei bie ñie izói íredicai? —daidíaoioi.

<sup>11</sup> Jira Juan uai ote:

—Mena caifóferoiredimie, caifófenidimiemo daa írede. Iemo gülleredimie güllendimiemo güllena fecárede, —daide.

<sup>12</sup> Afénomo dáarie gobierno íbátaga úcube llíinoraini báutizailla Juaamo jicaibitiaioi. Afémiemo jicánotiaoioi:

—Llófueraíma, ¿mei bie cai ñie izói íiticaí? —daidíaoioi.

<sup>13</sup> Jira Juan íaioina daide:

—Ocuica uai daina baimo dama raiñóñeno iri, —daide.

<sup>14</sup> Iemo dáarie “soldado” daina nairai úíñotino Juaamo jicánuaibitiaioi:

—¿Mei bie cai ñie izói íiticaí? —daidíaoioi.

Jira Juan íaioi uai ote:

—Jácidota, jáímamona minícana bairóñeno iri. Daje izói jácidoñeno jáímamo ie fínoñegafue táinona íaioimo jitáñeno iri. Nano omoi táijina íba dieze uái omoi iri, —daide.

<sup>15</sup> Nana comini Juaamo coméci ídiaioi. “Ñibai bímie Crístona,” comécido daidíaoioi.

<sup>16</sup> Mei íadi Juan nana afémacina daide: Mei uáfueza, cue jáinoina omoi báutizadicue.

—Mei jáímie ja bite. Afémie Juziñamui Ñuera Joréñodo ómoína úcaite. Daje izói iraimo raa ñue zia izói, afémie ómoína íaíniño ñue fínoite. Afémie cue baimo ríinorede. Cue bie jamáimiedicueza, afémiena dama jacíruiredicue.

<sup>17</sup> Jabe bíitimie arroz bíaidimie izói ja ie llocofe llíicabite. Afémie arroz bíamona ícuai oni eneno ua izói, ñúemacimona fiénidinona oni eneno óite. Ñúemacina ie íllánomo ñue éenoite. Mei jáíifodo fiénidicuai izóidino zíñona zíñeite iraimo jóbaité, —daide Juan.

<sup>18</sup> Afe bíemona naa aillo jíaie llófuiado Juan ñúefuiai jino comínimo llote.

<sup>19</sup> Afe emódomo Juan íllaíma Heródesna riire lletade, mei ie ama Felipe ai Herodías ie aina ua jira. Daje llezica ie fínoca fiénidífuiaíri Juan íena lletade.

<sup>20</sup> Mei íadi Juan llétajana íñoñeno afe baimo jíaie íaífuena nabaide: Herodes Juan llavéracomó íbaide.

*Jesús báutizaga*

*(Mt 3.13-17; Mr 1.9-11)*

<sup>21</sup> Afe uícodo, Juan nana comini báutizaga llezica, Jesús jíai báutizaga. Afe Jesús báutizaga llezica afémie Juziñamuimo úrite. Urilla llezica mona tújicaide.

<sup>22</sup> Afemona Ñuera Joreño fíiciri baizábilla izói, afémiemo comini cóicana baizáibite. Afe llezica monámona daa úrilla cácaicaide. Afe úrilla daide:

—Cue izíruiga jítódio. Ori iere íóbioidicue, —daide.

*Jesucristo uzútiái*

*(Mr 1.1-17)*

<sup>23</sup> Ja Jesús treinta fimona íllamona Jesús comínina canóllena ie táijina como tainede. Comini comécilla izói Jesús José jító.

Iemo afe José Elí jító.

<sup>24</sup> Iemo daje izói Elí Matat jító.

Iemo afe Matat Leví jító.

Iemo afe Leví Melqui jító.

Iemo afe Melqui Jana jító.

Iemo afe Jana José jító.

<sup>25</sup> Iemo afe José Matatías jító.

Iemo afe Matatías Amos jító.

Iemo afe Amos Nahum jító.  
Iemo afe Nahum Esli jító.  
Iemo afe Esli Nagai jító.  
<sup>26</sup> Iemo afe Nagai Maat jító.  
Iemo afe Maat Matatías jító.  
Iemo afe Matatías Semei jító.  
Iemo afe Semei Josec jító.  
Iemo afe Josec Judá jító.  
<sup>27</sup> Iemo afe Judá Joanán jító.  
Iemo afe Joanán Resa jító.  
Iemo afe Resa Zorobabel jító.  
Iemo afe Zorobabel Salatiel jító.  
Iemo afe Salatiel Neri jító.  
<sup>28</sup> Iemo afe Neri Melqui jító.  
Iemo afe Melqui Adi jító.  
Iemo afe Adi Cosam jító.  
Iemo afe Cosam Elmadam jító.  
Iemo afe Elmadam Er jító.  
<sup>29</sup> Iemo afe Er Josué jító.  
Iemo afe Josué Eliezer jító.  
Iemo afe Eliezer Jorim jító.  
Iemo afe Jorim Matat jító.  
<sup>30</sup> Iemo afe Matat Levi jító.  
Iemo afe Levi Simeón jító.  
Iemo afe Simeón Judá jító.  
Iemo afe Judá José jító.  
Iemo afe José Jonam jító.  
Iemo afe Jonam Eliaquim jító.  
<sup>31</sup> Iemo afe Eliaquim Melea jító.  
Iemo afe Melea Mena jító.  
Iemo afe Mena Matata jító.  
Iemo afe Matata Natán jító.  
<sup>32</sup> Iemo afe Natán David jító.  
Iemo afe David Isaí jító.  
Iemo afe Isaí Obed jító.  
Iemo afe Obed Booz jító.  
Iemo afe Booz Sala jító.  
Iemo afe Sala Naasón jító.  
<sup>33</sup> Iemo afe Naasón Aminadab jító.  
Iemo afe Aminadab Admin jító.  
Iemo afe Admin Arni jító.  
Iemo afe Arni Esrom jító.  
Iemo afe Esrom Fares jító.  
Iemo afe Fares Judá jító.  
<sup>34</sup> Iemo afe Judá Jacob jító.  
Iemo afe Jacob Isaac jító.  
Iemo afe Isaac Abraham jító.  
Iemo afe Abraham Taré jító.  
Iemo afe Taré Nacor jító.  
<sup>35</sup> Iemo afe Nacor Serug jító.  
Iemo afe Serug Ragau jító.  
Iemo afe Ragau Peleg jító.  
Iemo afe Peleg Heber jító.  
Iemo afe Heber Sala jító.  
<sup>36</sup> Iemo afe Sala Cainán jító.  
Iemo afe Cainán Arfaxad jító.  
Iemo afe Arfaxad Sem jító.  
Iemo afe Sem Noé jító.  
Iemo afe Noé Lamec jító.  
<sup>37</sup> Iemo afe Lamec Matusalén jító.  
Iemo afe Matusalén Enoc jító.  
Iemo afe Enoc Jared jító.

Iemo afe Jared Mahalaleel jító.  
 Iemo afe Mahalaleel Cainán jító.  
<sup>38</sup> Iemo afe Cainán Enós jító.  
 Iemo afe Enós Set jító.  
 Iemo afe Set Adán jító.  
 Iemo afe Adán Juziñamui jító;  
 ua, Juziñamui nano finócamie.

## 4

*Taife Jesús facátate*  
 (Mt 4.1-11; Mr 1.12-13)

<sup>1</sup> Jesús diga Ñuera Joreño uaido illamona imani Jordámona oni jaide. Afe llezica Ñuera Joreño táizicimo ie uite.

<sup>2</sup> Afénomo afémie cuarenta dígarui ite. Afe dınomo Taife íena fieni facátate. Aféruillaido Jesús jaca due jiza güñiede. Afe mei iere jamánomo jufínaite.

<sup>3</sup> Mei jira Taife íena daide:

—Ua Juziñamui Jitona o íadi, bie nofíciai güñllena fino, —daide.

<sup>4</sup> Jira Jesús uai ote:

—Juziñamui Cuegáuai daide: “Fia güñlledo come ínide, mei jiáfodo nana Juziñamui lloga uaido írede,” —daide.

<sup>5</sup> Afe mei Taife caifónedumo ie uite. Dinómona nana éniemo ite náiraiai dáaruido íena ácatate.

<sup>6</sup> Iemo Taife íena daide:

—Nana bie náiraiai rıno naa ie ebíredinuiari omo íiticie. Mei nana bie cúeieza. Iemona cue fecáacana dieze jiáimamo íredicueza.

<sup>7</sup> Cue anamo o dújuillano cuemo o caimátaia nana bie óieiteza.

<sup>8</sup> Mei jira Jesús uai ote:

—Taife, mai cüemona oni jai, mei Juziñamui Cuegáuai dáideza: “Dama Ocuide Juziñamuimo caimátairena. Dama afémie ocuifregamiēna o iri,” —daide.

<sup>9</sup> Nane afe mei Taife Jerusalén jófuemo Jesús uite. Afénomo ite gairíraco emódomo caifo jica uite. Uillano íena daide:

—Ua Juziñamui Jitona o íadi, mai benómona ana batí ticai,

<sup>10</sup> mei Juziñamui Cuegáuai bie izói dáideza:

Juziñamui ie abi imácina ona uññotaite.

<sup>11</sup> Iaiói ónoido ona moziññoitiaioi, o eiba nofíciaimo íziñeillena.

<sup>12</sup> Jira Jesús uai ote:

—Juziñamui Cuegáuai nane daide: “O ocuide Juziñamui mai facátañeno,” —daide.

<sup>13</sup> Ja Taife Jesuna jiáie facátaja raana baiññenamona nano íanori afémiemona fáicanocaillano oni jaide.

*Jesús Galilea éniemo fueñe tájizaide*  
 (Mr 4.12-17; Mt 1.14-15)

<sup>14</sup> Jesús Galilea éniemo abido bite. Juziñamui Ñuera Joreño afémiena ñue úcade. Nana afe énie fuédado afémiedo úritiaioi.

<sup>15</sup> Nágagobiaimo ite Juziñamui uai llorácuaído Jesús llófuecaide. Iemona nana comini ñuefuiái afémiemo mamédaioi.

*Jesús Nazaremo mácajide*  
 (Mt 13.53-58; Mr 6.1-6)

<sup>16</sup> Mei íemo Jesús ie móonailla Nazaret jófuemo abido mácajide. Iemo ocózinairuimo Juziñamui uai llorácomo ie finofirena izói, jofo jaide. Jaillano Juziñamui Cuegáuai facádollena caifo naidaide.

<sup>17</sup> Iemona jaiái uai llóraima Isaías Cuegáuai illabe Jesumo itíaioi. Afémie afénico túiñuano afe bie uai illano baitte. Afe be níuui:

<sup>18</sup> “Cai ocuide Juziñamui Ñuera Joreño cue diga jáicade.

Mei dúeredinomo ñuefue cue llóllena cuena ñue mamédeza.

Comécina dúeredinona cue jíllotallena ocuícacue.

Daje izói llavécanona zuitalle uai llóllena orécacue.

Iemo jiái uina cíoiñedino uina cíoitallena orécacue.

Iemo duere finócanona zuitállena orécacue.

<sup>19</sup> Daje izói Juziñamui caimo jamánomo caimare érocaillirui llóllena orécacue.”

<sup>20</sup> Iemona Jesús afénico ibáillano, Juziñamui uai lloraco ero canófredimiemo abido ite. Afe mei Jesús ana ráinade. Iemo nana afe llorácomo itino Jesumo riire eróediaioi.

<sup>21</sup> Iemona Jesús íaioina daide:

—Ja birui omoi eróicana bie Cuegáuai ñue ícoimo fuite, —daide.

<sup>22</sup> Nana Jesudo ñue úritiaioi. Afémie íaioimo lloga ebirede uáillairi caimare fáigacaidiaioi. Mei jira jicánotiaioi:

—¿Mei bie afe José jitóñede? —daidiaioi.

<sup>23</sup> Jira Jesús íaioina daide:

—Uáfueza bie omoi daiífirena uai cuemo mámeitiomoi: “jitráredinona manóriacadimie, fueñe dama o abina jállota!” (Comini Jesús Juziñamui orea ua Cristona íaioi daiíñenamona, Jesús bie izói daide. Mei afémie fia José jitó íadi, jiámána jállotanideza.) Daje izói nibái cuena dáitiomoi: “Nauí cai cacana Capernaumo ebire o finócafue mai birui dama bie o jófuemo finori.”

<sup>24</sup> Iemo Jesús ie úrillana moziñoñeno nai jiái uai llote:

—Mei uáfueña ómoína daidicue, naga uai jino llóraima dama ie comini cígiri jaca figo íinoñega.

<sup>25</sup> Omoimo jino uáfodo llóiticue, nauí Elías illáruillaído Israel nairai cígimo diga fecíngotiai ite. Aféruillaído daámani fimona átuédo noci biñede. Afemona afeno nairai jamánomo júbietaidiaioi.

<sup>26</sup> Mei íadi Elías Israelmo ite aillo fecíngotiaimona daingo mamedá óreñega. Mei jiáfodo jica Sarepta jófuemo ite fecingo mamedá Elías orea daingo canóllena. Afe Sarepta jofue Sidón jofue ánorí ite.

<sup>27</sup> Daje izói uai llóraima Eliseo illáruillaído Israel náiraimo aillo chíñaitinuiái ite. Mei íadi afémacimona dáamie jaca jállotañega. Mei jiáfodo jica Siria énie ímie Naamán jállotaina, —daide.

<sup>28</sup> Afe uaina cacáillano nana llorácomo itino afe Jesumo iere riúcaidiaioi.

<sup>29</sup> Náidacaillano afe jófueмона jino ie júdiaioi. Afe mei afe jofue idu ícoimo íena uitíai, afénomona ana ie dotállena.

<sup>30</sup> Mei íadi Jesús afedu ícoimona gírecaillano íaioi cígido abido jaide.

*Fiénide jóriai úicaigamie Jesús jállotae  
(Mr 1.21-28)*

<sup>31</sup> Afe mei Jesús Galilea éniemo ite Capernaum jófuemo jaide. Afénomo ocózinaillaruiemo nane como comini llófuiaide.

<sup>32</sup> Riire ocuilla uaido ie íaioi llófuiari caimare fáigacaidiaioi.

<sup>33</sup> Afe Juziñamui uai llófueraco eromo fiénide jóriai úicaigamie ite. Afémie Jesuna cióillanona riire caillide:

<sup>34</sup> —Cai fáicanocai. Nazaret ímie Jesús, ¿nibái mei caimo jíricaidio? ¿Caina niné táñocaitaíbitio? Ona ónodicue Juziñamui ñúefuíaído jacíruiregamiedio, —daide.

<sup>35</sup> Jira Jesús fiénide jóriai uai ote:

—¡Uriñeno! ¡Bímie fáicanocai! —daide.

Mei áfemona afe úimana fiénide jóriai comini eróicana ana éniemo dotade. Daií fínuano afe jóriai afe úimana izitañeno oni jáidiaioi.

<sup>36</sup> Aferi nana jacínaillano jofo conímaiaína daidiaioi:

—¡Bímie uallai nii mei riínorena! Afe bímie riúrede uaido fiénide jóriaina orede. Iemo afémaci áfemona jáidiaioi, —daidiaioi.

<sup>37</sup> Afe énie comini nágagobiaído Jesudo úritiaioi.

*Jesús Simón Pedro jifaiño jállotae  
(Mt 8.14-15; Mr 1.29-31)*

<sup>38</sup> Afe mei Jesús Juziñamui uai llófueracomona jino billano, Simón jofomo jaide. Afénomo Simón jifaiño ie abi cuarillari iere irárede. Jira afengo jállotallena Jesumo izire jicáidiaioi.

<sup>39</sup> Iemo Jesús aféngomo ana ánozillano ie onoi lláinote. Afe llezica ie abi cuarilla lláicaide. Iemona afengo jíllobicaide. Daií daína llezica afengo náidacaillano afémaci jitaica raa bai atide.

*Jesús diga iráredino jállotae  
(Mt 8.16-17; Mr 1.32-34)*

<sup>40</sup> Ja jitoma jímaicaidemó, diga jiáiforiede duico ogánuiaina Jesumo atidiaioi. Afémacimona illa dígamieemo Jesús ie onoi bitade. Bítajamona afémaci jílloztitiaioi.

<sup>41</sup> Íaioi atica iráredinuiamona diga fiénide jóriai jino jaide. Jaillano afémaci riire caillóidiaioi:

—O Juziñamui Jitódio, —daidíai. Mei íadi, como úrizaidiaioimo Jesús íaioina úritañede. Mei afémaci afémie Cristona íllana onódiaioiza.

*Jesús Galilea éniemo uai jino llote*

(Mr 1.35-39)

<sup>42</sup> Afe jítiramo Jesús jofue baimo buna inénanomo jaide. Mei íadi comini íena jenódiaioi; ie íllánona baizájidiaioi. Afémaci afémiena iere jeruídiaioi oni jíainomo afémie jáiñeíllena.

<sup>43</sup> Jira Jesús íaioina daide:

—Jíaié jófuaíamo Juziñamui ílláimana íllíruimo ja áinozideza áfena llujíredicue, mei afe jira orécacueza, —daide.

<sup>44</sup> Afemona daíí Jesús Galilea éniemo ite Juziñamui uai llorácomo llófuecana uite.

## 5

*Jesús uaido dáinamona jamánomo aillo chamuniai oga*

(Mt 4.18-22; Mr 1.16-20)

<sup>1</sup> Afe mei jíáiruimo Jesús Genesaret jorai fuédamo ite. (Afe jorai jíáfodo mameina Galilea.) Afénomo ie illa llezica diga comíniai afénomo dúcina. Afémiena jamánomo rillíretadiaioi, mei afémaci Juziñamui uáillaimo iere cacácadiaioiza.

<sup>2</sup> Afe jorai fueda áinori mena nocáe táicaena Jesús ciode. Mei afécaemona facóraini oni jaíllano íaiói chamu ora llóji jocódiaioiza.

<sup>3</sup> Iemona Jesús Simón icaemo jaide. Afécaemo jáíllano íena daide:

—Bicae fuédamona bai batí due ñuita, —daide. Afe mei Jesús afécaemo ráinaíllano nane como bai afénomona comini llófuete.

<sup>4</sup> Ie llófuia fúíllamo, Simona daide:

—Bie nocáe bai batí afóredinomo ui. Afénomo chamu ólleza omoi llóji dota, —daide.

<sup>5</sup> Jira Simón uai ote:

—Llófueraíma, jae naío náamonana facódicaiza, íadi jaca daa onédicaí. Mei íadi o daina izói mei o ocuícaza llóji dótaiticue, —daide.

<sup>6</sup> Daíí dotádemo, jamánomo aillo chámuniai jíideza, llójjina cuatáacade.

<sup>7</sup> Afe jira oni jíáicaemo ite íaiói nabáitiai ónoído jíiritiaioi, ie íaiói cánuaibillena. Jira afémaci cánuai bitiaioi. Afe íaiói jíitaga chámuniai íaiói ménacae áillocaemo oruítatiaioi. Jamánomo oruíllamona afe ménacae buíacade.

<sup>8</sup> Afena Simón cóíllano Jesús ana dújullano daide:

—Cue Ocuíraíma, cúemona oni íi. Cue bie fénidífue finódimedicueza, —daide.

<sup>9</sup> Mei ua, afe aillo chamu jííllari Simón naa ie nabáíñiairi jacínaitiaioi.

<sup>10</sup> Iemo jíai Zebedeo jító íaíllinoi Santiago Juan diga, Simón nabai daje izói jacínaitiaioi. Mei íadi Jesús nane Simona daide:

—Jacíruiñeno. Benómoma chamu fácu izói comínina jénoitioza, cuemo íaiói ínollena, —daide.

<sup>11</sup> Iemona afe ménacae oni fuédamo zítajano, dinomo nana fíano Jesudo jáidiaioi.

*Jesús chínaitimie jíllotate*

(Mt 8.1-4; Mr 1.40-45)

<sup>12</sup> Iemo jíáiruimo, Jesús jófueimo illa llezica chínaitimie Jesumo dúcide. Jesuna cóíllano ana dújuíllano uíeco dinena ana éniemo bíjicaide. Daíí fíano Jesumo izire jícade:

—Cue Ocuíraíma o jíitáidi bie dúcona cúemona oréredio. Cúemona oreri, —daide.

<sup>13</sup> Iemona Jesús ie ónoído jétano daide:

—Jíi, ona jíllotaiacadicue. Benómoma ja íainitioza, —daide.

Daíí daina llezica ie irárena chíie jacáibicaide.

<sup>14</sup> Afemona Jesús afémiena “Bie bumo lloñeno iri” daide. Afe emódomo nane daide:

—Mai lletáriraimamo o abí ácatari. Afe llezica Moisés ocuica o abí ja íainide daítaite raa, mai fecari. Afemona nana comini o chíie ja jacáíllana ónoítiaioi, —daide.

<sup>15</sup> Jesús izire íena rairuide íadi Jesús mámece jamánomo bai jica jalléicaide. Iemona aillo comini ie uaimo cacáreizaibitiaioi. Daje izói íaioimo ite dúicomona ie jíllotallena aillo bitiaioi.

<sup>16</sup> Mei íadi Jesús bai comini inénanomo jaide, afénomo ie Moo Juziñamuimo úrillena.

*Jesús títitaitimie jíllotate*

(Mt 9.1-8; Mr 2.1-12)

<sup>17</sup> Nane afe jíáiruimo Jesús llófuemaritemo, fariséuaimona dáarie afénomo ráiiede. Afe llezica oni jícana bite ocuica uai llófueraíni dáanomomo ite. Dáarie Galilea ígobaiamona bitiaioi.

Daje izói jiáimaci Judea éniemona, íemo Jerusalén dinena jiái bitíaiói. Aféruimo Juzíñamui ríno aillo iráredino jilluamona jino ácataga.

<sup>18</sup> Afe dáaruido diga ímie tízitaitímie naa ie bíralludo atídaiói. Jofo Jesús uícomo ie uíacadiáiói.

<sup>19</sup> Mei íadi iere comínina oruídeza jofo íaiói jáillino íñede. Ie jira caífo jofo emódomo uitíaiói. Uillano afeno tuiñódaiói. Afeno túñuano afe iráredímie naa ie bírallu diga ana comíni cígimo Jesús uícomo agüínetaíói.

<sup>20</sup> Jesús ñue íaiói ínuana cíollano, iráredimiena daide:

—Míi, nana o fiénidífuíai ja muiñócaza, —daide.

<sup>21</sup> Iemona ocuica uai llófueraini naa fariséuairi, como comeci anado daidíaiói:

—¿Mei bie bu? baie jiámie fiénidífuíai dóficailla dáinado Juzíñamuina ícírítaja. Jaca bu comíni fiénidífue muiñóñena; dama Juzíñamui fiénidífueña múiñua, —daidíaiói.

<sup>22</sup> Mei íadi Jesús comeci íaiói fácajana onóllano daide:

—¿Nibái mei bie izói comeci facádiomoi?

<sup>23</sup> Mei daí daina ménade uáimona ¿nie uai iere llotáimina? Afe ménade uai be ñie: O fiénidífue muiñócaza. Iemo jiáie uai bie izói joide: Mai náidacaillano maca. Iiraie uai jamánomo llotárede, mei omoi eróicana íteza.

<sup>24</sup> Mei jira, Nanoide íma Jitódicueza bíniemo cue illa llezica comínimo ite fiénidífue cue muiñolle ríno jino ómoimo cíotaiticue, —daide.

Mei jira Jesús tízitaitimiena daide:

—Ona dáitícue náidacai; náidacaillano o bírallu llínota o jofomo jai, —daide.

<sup>25</sup> Daí daina llezica, afe tízitaitímie comíni eróicana caífo náidacaide. Náidacaillano, ie bírallu llínota, Juzíñamuimo caimátaicana ie jofomo jaide.

<sup>26</sup> Aferi nana comíni caimare fáigacaidíaiói, íemo Juzíñamuimo caimátaidíaiói. Afe mei jacáruoicana daide:

—Ñi birui cai iere ebíredífuíaina ciona, —daidíaiói.

*Jesús Leví jírite*

*(Mt 9.9-13; Mr 2.13-17)*

<sup>27</sup> Nane bie méifomo Jesús jofue cígido mácaja llezica, gobierno íbátaga úcube llínoraimamo riire éroicaide. Afémie mámece Leví. Afe úcube íbafírenanomo afémie ráíde. Jesús íena daide:

—Mai cuedo bí, —daide.

<sup>28</sup> Iemona Leví náidacaillano nana ie táijina fáicanocaillano Jesudo jaide.

<sup>29</sup> Afe mei Leví áillue rafue ie jofomo Jesús íena finode. Afe Leví izoide aillo úcube llínoraini naa jiáimaciri güirábanimo ráízaíbitíaiói.

<sup>30</sup> Mei íadi fariséuai naa ocuica uai llófuetinori Jesús llófuegamacimo como meine fiéni úritíaiói. Íaioina daide:

—¿Nibái mei bie úcube llínofírede fiénidinori güitíomoi? —daidíaiói.

<sup>31</sup> Jira Jesús íaiói uai ote:

—Íocíredímie mánuamo dúíñede. Iráredino manórena.

<sup>32</sup> Dani ñúemacina abí mamédinona uáiduaíbíñedicue, mei jiáifodo fiénidífuíairedino comeci ífue méiduaíbiticue, —daide.

*Íaiói fímaírilla Jesumo jíacánotaíói*

*(Mt 9.14-17; Mr 2.18-22)*

<sup>33</sup> Iemona afémaci Jesumo jíacánotaíói:

—¿Nibái mei Juan dibénedo jáidino, íemo jiái fariséodo jáidino, diga ícaño riire fímaífredíaiói? Íaioi fímaírilla llezica Juzíñamuimo jamánomo jícaífredíaiói. Mei jiáifodo o llófuegamaci jaca güífredíaiói, jírófredíaiói. ¿Nibái mei daí ítíaiói?

<sup>34</sup> Jira Jesús íaiói uai ote:

—Mai cuena omoi daí: ¿Airena rafue llezica afemo uáidogano meita zúurenari güíndíaiói? Daíñañede; ringo otímie íaiói cígimo illa llezica caimare güitíaiói.

<sup>35</sup> Mei íadi ringo otímie íaioimona báruaíbillíruimo dúciite. Aféruído comeci zúurenari güíñeítíaiói. Ringo otímie izói birui cuedo jáicáidino cígiri ítícueza.

<sup>36</sup> Ie emódomo jiáie onótate rafue llote:

—Jaca ñino dáamie comue ínroimona jáitano, jácaroimo nitáñede. Daí nitáadi cómoroina fiéni cíotitate. Iemo jiái jácaroimo nitaca cómoroi figo cíóíñede.

<sup>37</sup> Iemo nane jaáifue llote. Daje izói comue vino jácara igorai finoína icíru izoide raamo totáide. Dáamie daíí totáadi afe comue vino afe jácara icíruna eroide raana cuatade. Afemona afe icíru naa vino diga táinomo fáifite.

<sup>38</sup> Iemona comue vino comue igorai finoína icíruna eróidemo jóonerede. Iemona afe naga ñue éenoga.

<sup>39</sup> Daje izói jácara vino jiródinomona, buna cómojina jicáñena. Mei afémie “Jácapi jamánomo caimárena,” dáideza. (Afe bie dánado Jesús ie comue llófueinafue íemo íaioi jaiai llófuegafue dáanomó íinonide íaioimo llote.)

## 6

*Jesús llófuegamaci ocózinallarui mo trigo ímoiaí dícoiano otá güitíaoi*

(Mt 12.1-8; Mr 2.23-28)

<sup>1</sup> Daa ocózinallaruido Jesús naa ie llófuegamaci jacáfaiai cígido íaioi maca llezica, ie llófuegamaci trigo ímoiaí dícoiano otíaoi. Uano íaioi ónoido lléguaño aféjiaína güitíaoi.

<sup>2</sup> Mei jira fariséuaimona dáamierie jicánotíaoi:

—¿Ñibái mei ocózinallarui mo rairuícamo táijidiomoi? —daidíaoi.

<sup>3</sup> Jira Jesús íaioi uai ote:

—¿Omoi jaiai illaíma David finócafue cúeinana facadóñediomoi? Afémie naa ie nabáñiaíri jufinaítíaoi.

<sup>4</sup> Afe llezica Juziñamui jofomo jofo jaillano rairuica pániai ote. Uano güite. Afe mei afémiedo jáidinomo fecade. Mei íadi afe pan dani lletáriraini güiga. Abi dine jamai comíni güínide.

<sup>5</sup> Nane dáanomó íaioína daide:

—Nanoide íima Jitódicueza, ocózinallarui, cue ocuille ríino ite, —daide.

*Onoína jofo naillídimie rafue*

(Mt 12.9-14; Mr 3.1-6)

<sup>6</sup> Nane jaíe ocózinallarui mo Jesús Juziñamui uai llorácomo jofo jaide. Jaillano llófuete. Afécomo onoi nabézina jofo naillídimie ite.

<sup>7</sup> Afe llezica ocuica uai llófuetino naa fariséuairi Jesumo báinino éroiediaíoi, ocózinallaruido afe ónoína jofo naillídimie jillotajana cíoilena. Afémie jillotaia afedo fiénidifue íemo jítaiticai, comeci anado daidíaoi.

<sup>8</sup> Mei íadi Jesús íaioi comeci fácajana onode; jira ónoína jofo naillídimiена daide:

—Náidacaillano bai cai cígimo bí, —daide.

Iemona afémie náidacaillano bai náidazaide.

<sup>9</sup> Afe mei Jesús jíaimacina daide:

—Omoimo dafue jicánoitícue. ¿Ocózinallarui mo ñíe táijina rairuínina? ¿Cai finoca fiénidifue, mei nibai cai finoca ñíefue? ¿Cóména jillotaiticai, mei nibai méineiticai? —daide.

<sup>10</sup> Iemona Jesús nana ie onífenédo gairide comínimo eroide. Afemaci ie uai oféna jira, ónoína jofo naillídimiена daide:

—O onoi jino zuita, —daide.

Jira afémie zuitade. Zuitádemo ñue jíllode.

<sup>11</sup> Mei íadi áfemona afe jíaimaci jamánomo ríicaidiaíoi. Dani jofo conímamo jicánotíaoi, ¿Mei ñíe izói baie Jesús uáitaredicai?

*Jesús doce diga oni oréllimacina nizede*

(Mt 10.1-4; Mr 3.13-19)

<sup>12</sup> Aféruillaído Jesús caifónedumo Moo Juziñamuimo úrizaide. Afénomo afémie Juziñamuimo úritemo monaíde.

<sup>13</sup> Ja monáidemo nana ie llófuegamaci jíirite. Jírillano afémacimona doce dígamie nizede. “Oni oréllino” íaioína mamede.

<sup>14</sup> Afe be ñímaci: Simón, afémie jaíe mámece jítaina Pedro, íemo Simón ama Andrés, íemo Santiago, íemo Juan, íemo Felipe, íemo Bartolomé,

<sup>15</sup> íemo Mateo, íemo Tomás, íemo Alfeo jíto Santiago, íemo íere Járidotimacimo jaináidimie Simón,

<sup>16</sup> íemo Santiago ama Judas, íemo uire Jesús fécaítimie Judas Iscariote.

*Jesús aillo naírai llófuete*

(Mt 4.23-25)

<sup>17</sup> Jesús caifónedumona naa afémaciri ana bitíaoi. Billano ñúenomo nano íanori naidáiediaíoi. Afénomo aillo jicánemaci Judea éniemona bitino gairídiaíoi. Daje llezica

Jerusalémona, íemo jíái Tiro, Sidón diga jica itíniemona bitíaiói. Bimaci nana Jesús úrillamo cacáreizaibitíaiói. Daje izói afémaci íaiómo ite dúicomona Jesús jillotalena bitíaiói.

<sup>18</sup> Daje izói fiénide jóríai úicaigano jíllotagaíaiói.

<sup>19</sup> Afe llezica nana comíni Jesuna jetáacadaíaiói, mei afémie íemo ite rínodo nana íaióina jílloteza.

*Cáimafue zuufue diga*

*(Mt 5.1-12)*

<sup>20</sup> Iemona Jesús ie llófuegamacimo érocaillano íaióina daide:

—“Comeci dinena dúeredicái,” dáíifredino omoi íadi, dúerede íadi íóbídiómoi; mei ómoimo Juzíñamui illáimana illano dúideza.

<sup>21</sup> Júbiena méinegamie iere güicana izói, Juzíñamui comece jítaina izói iere íacadino omoi íadi, caimare íóbídiómoi, mei Juzíñamui afe omoi íacana izói omoi íllena ómoína cánoíteza.

<sup>22</sup> Birui duere éediómoi íadi caimare ítiómoi, mei uire zádaítiómoi.

<sup>23</sup> Nanoide íima Jitódicueza cue ícoínia comíni ómoína éoína llezica caimare ítiómoi.

Daje izói cue ícoínia ómoína jino íaiói jíuadi íóbítiómoi. Iemo jíái cue ícoínia ómoína íáíre íaiói daíadi, daje izói o mámecina íáírede raa izói íaiói jámairuia, íóbítiómoi.

<sup>24</sup> Aféruido iere omoi íóbíocairi. Jamánomo caimare omoi iri, monamo áillue omoi jirírdolle raa íteza. Mei afe izói bimaci nánoídígima Juzíñamui uai llórainina iere duere finódíaiói.

<sup>25</sup> Mei jíáfodo omoi ráanaitino níi dúerena, mei omoi caimátailla raana jae otíómoíza.

<sup>26</sup> Daje izói omoi jeírede izói ítino níi dúerena, mei uire iere juffrúitíómoíza.

Afe izói birui ómoímona zadáidino níi dúerena, mei uire dúerenari éeítíómoíza.

<sup>27</sup> Daje izói nana comíni ómoído ñue íaiói úrilla llezica, níi omoi dúerena. Mei afe izói afémaci jáíáigima taino uai llórainimo caimare úrtíaióiíza.

*Caina éoidinona izíruiredicái*

*(Mt 5.38-48; 7.12)*

<sup>27</sup> Mei íadi cue úrillamo cacáreídiómoina dáíticue: Omoi bacáuai ímaci izói díno, níi omoi diga ícírítinona mai omoi izírúiri. Daje izói omoi éoidinona mai ñue omoi finori.

<sup>28</sup> Omoi faidódinona mai omoi cáimadori. Daje izói ómoína fiéni finócadino, ñue íaiói ílleza, mai Juzíñamui omoi jícarí.

<sup>29</sup> Daa come o uíeco putáadi, daje llezica enéfenena ie fállena mai o fecari. Daje izói dáamie táinona omo jítajano, o emódoidiroi bairóadi, daje llezica o caifóferoina mai o uitátari.

<sup>30</sup> Nínó dáamie raana omo jícaadi mai afémiemo jeruíñeno o fecari. Omona bairoca raana abído jícanoñeno o iri.

<sup>31</sup> Jira jáímacimo úocodo bie izói finóredíómoi. Jáíma omo finóllena o óiacana díeze, áfeze afémiemo mai o finori.

<sup>32</sup> Daa ómoína izírúitínona omoi izírúia, ¿Mei níie ñúefue finódiómoi? Mei fiénidino afe izói finuaza.

<sup>33</sup> Daje izói daa omoi ñue finódiño ñue omoi finóadi, ¿némei omoi finoca ñúefue? Mei fiénide comíni afe izói finuaza.

<sup>34</sup> Afe izói daa “meine abído cue méírdolle cue comécíillamiemo” o fecáadi, ¿némei o finoca ñúefue? Mei afe izói, fiénidino jíáie fiénidinomo méírdollena fecadáíoiíza.

<sup>35</sup> Mei íadi ómoína éoidinona izíruiredíómoi. Abído méírdolle comécíñeno, íia fecáredíómoi, afémacimo ñue finóllena. Afe izói omoi íllemona áillue ñúefuíai máíñoítíómoi. Afe llezica caífoide Juzíñamui jítóíaina jáítíómoi. Mei afémie daje izói jeruífinídímie. Figora daíífinídínomo, daje izói fiénidinomo afémie jeruíñeno dájerize fecade.

<sup>36</sup> Omoi Moo comínimo dúecaííredeza, afe díeze jáímacimo mai omoi dúecaííreiri.

*Jáíma jánana fiéni úríñeno iri*

*(Mt 7.1-5)*

<sup>37</sup> Jáíma jánana mai fiéni úríñeno omoi iri, áfemona Juzíñamui riire ómoimo jícanoíza. Mai jáímana duere finótañeno omoi iri, afe izói Juzíñamui duere omoi fínoíza. Jáíma ómoimo finoca fiénídfue mai omoi féítari, afe izói Juzíñamui omoi fiénídfue féítaíteza.

<sup>38</sup> Jáímano mai omoi ífíreiri, íemona Juzíñamui ómoimo ífíreíteza. Afémie raa omoi ofítara cirígaimo iere ñue fácajano afégaimo jóoneite. Afémie afégaina ñue riire jíllóicíteza. Iemo jíái afégaina caífo jica ebena óruítaite. Afémie afegai jamánomo orúítajamona ana abído cóciite. Jáímano cai facáfírena izói Juzíñamui caímo fácaíte.

<sup>39</sup> Jesús bie onótatífue afémacimo llote:

¿Meita únídímie jíáie únídímie íodo ífórede? Níbai afe íaíllínoí jáídíallínoína ¿meita dáafomo báítííallínoí?



<sup>40</sup> Llófuegamacimona dáamie ie llófuetimie baímo onóñede. Mei íadi ie llófueina fuilla mei ie llófuetimie illa izóí iíte.

<sup>41</sup> ¿Mei ñie izóí o ama uimo ite jéenide ráaruaina eróiredio, mei íadi dama o uimo ite jéerie rarúnguaina náfuenedio? (Afena dañacade: Aillo fiénidifue omo illa llezica; ¿ñie izóí due jiza oni nibéfodo baídimie jánana úriredio? Urinidio.)

<sup>42</sup> Mei o uimo ite jéerie rarúnguaina o náfuñenia, ¿ñie izóí o ámana “o uimo ite jéenide ráaruaina cue otata,” dáitio? Daiñidio. ¡Comeci dine íairena mei jínofene ñue cíoidimiedio! Fueñe o uimo ite áillue rarúnguai mai o oíri; afe mei o ama uimo ite jéenide ráaruai óllena ñue cíoitioza.

*Nana amena ie llíziedo ónorede*

(Mt 7.17-20; 12.34-35)

<sup>43</sup> Ñuera amena fiénide ráajaina llízínide. Daje izóí fiénide amena ñuera ráajaina llízínide.

<sup>44</sup> Mei naga amena ie llizíllajido onoiga. Jaca jírede monáigimona jífcollina jofo óñenaza. Daje izóí “zarza” daina íanoride raróçimona jírcue jofo óñega.

<sup>45</sup> Ñuera come ñúfuedo úrite, mei ie comécimo ñúfue illaza. Daje izóí fiénidimie fiendi úrite, mei ie comécimo fiénidifue illaza. Mei uáfueza o comécimo aillo jebuide raa o fuedo úrillaza.

*Mena jofo nillino rafue*

(Mt 7.24-27)

<sup>46</sup> Cue dáinana ínoñediomoi ia ¿nibái mei, “cai Ocuíraima, cai Ocuíraima” daidíomoi?

<sup>47</sup> Cuemo cacáreizaibitímie, íemo cue daina finóñiredimie illa izóí ómoimo llóiticue.

<sup>48</sup> Afémie jofo nillana baitádimie izoide. Afe ñue nifiredimie fueñe ana jica jáilliraina raite; ana mairidinomo jónete. Afe mei ille renaila llezica afécomo jainoi riire dúcide. Mei íadi afe jofona jainóñede, mei afeco mozioidillirai mairidinomo jódeza.

<sup>49</sup> Mei jáífodo, cuemo cacáreizaibitímie mei íadi cue dáinana finóñedimie, bie jáífo jofo nitímie izoide. Bímie riire llíiñede éniemo jofo nite. Afe mei ille renaila llezica afécomo jainoi riire dúcide. Afemona afeco jainode. Iemona afeco due fiébiñeno nine táinocaide.

## 7

*Romano illaíma ocuífíregamie Jesús jíllotate*

(Mt 8.5-13)

<sup>1</sup> Jesús comínimo úrilla fuilla mei Capernaumo jaide.

<sup>2</sup> Afénomo daa romano illaíma ite. Afémie ie ocuífíregamiena iere izíruite, mei íadi afe ocuífíregamie iere irárede, tíllanomo dúcide.

<sup>3</sup> Afe illaíma comíni Jesudo úrillana cacáillano, judíuaimona ocuífírede éicomíni orede, Jesumo izire jíçállena, ie ocuífíregamie jíllotaíbillena.

<sup>4</sup> Afémaci Jesumo dúciillano iere izire jíçádiaioi:

—Baie illaíma iere canórede,

<sup>5</sup> mei afémie cai náiraímo caímare comécífirede. Daa afémie cai Juzíñamui uai lloraco nitátate, —daídiaioi.

<sup>6</sup> Iemona Jesús afémaciri jaide. Mei íadi ja afe jofomo ánozilla llezica afe illaíma dáarie ónoigmáíai Jesumo orede. Illaíma daina izóí Jesuna daídiaioi:

—Ocuíraíma, ona áífedoacañedicue. Cue jofomo o bíllena dúñede, mei jamáimiedicue.

<sup>7</sup> Ie jira dama omo úrizaibíñedicue. Jicana o uaido o daíri, afemona cue ocuífíregamie jílloteza.

<sup>8</sup> Mei cue jáíe illaíma uai anamo iticue. Afe izóí cue úñíoga fuíríraíni cue uai anamo ite. Afémacimona dáamiena “Mai jai” cue daííadi, afémie jaide. Iemo jáíamiena “Bi” cue daííadi, afémie bite. Cue ocuífíregamiena “Bíemo o táijiri” cue daííadi, afémie áfena finode, —daide.

<sup>9</sup> Jesús áfena cacáillano, afémie dáinari caímare fáigacaide. Iemo Jesús afémiedo jáidinomo érocaillano daide:

—Uáfuenta ómoína daíitícue: Nana Israel náiraímo bie izóí ínote come jaca baíñedicue, —daide.

<sup>10</sup> Afe orécano meine jofomo jáidiaioímo, afe irárede ocuífíregamie ja jíllodena cíozaidiaioi.

*Jesús daa fecingo jíto tíilla abido cáadimiena jaitate*

<sup>11</sup> Bie méifomo Jesús Naína daina jófuejo jaide. Ie llófuegamaci naa aillo jáíamaciri iedo jáidiaioi.

<sup>12</sup> Afe jófuejo ja ánozidiaioímo, Jesús tíidimie íaioi raíájillana ciode. Afe tíidimie ie éimona daade jíto. Afe llezica afengo jae fecingo. Aféruido afe jofue comínimona aillo aféngona nabáidiaioi.

<sup>13</sup> Ocuíraíma Jesús aféngona cíocillano íemo dúcaide. Dúcaillano daide:

—Mai éeñeno, —daide.

<sup>14</sup> Afe llezica Jesús “ataúd” daina tídimie illácojimo ánozillano afécoji jetade. Jira afécoji uitino moziñotiaioi. Iemona Jesús tídimiena daide:

—Jitócome, mai náidacai ona daidicue, —daide.

<sup>15</sup> Mei daí daina llezica, afe tídimie raináicaillano úrite. Afe mei Jesús ie eina daide, “Be, o jitó; mai ómicoi jai; uai ómicoi iri,” daide.

<sup>16</sup> Nana comini áfena cíoillano jacínaitiaioi. Juziñamuimo aillo ñúefue jóoniano daidíaiioi:

—Birui cai cígiri jamánomoide uai llóraima cíocailla, —daidíaiioi.

Nane jiáifodo daidíaiioi:

—Juziñamui ie nairai cánuaibilla, —daidíaiioi.

<sup>17</sup> Iemona afe bie Jesús finócafue jica jalleide; ua nana Judea éniemo naa afe onífenemo itígobaiido jalleide.

*Juan Bautista orécano*

*(Mt 11.2-19)*

<sup>18</sup> Juan nana afe Jesús finócano fidide, mei íedo jáidino afémiemo llógaza.

<sup>19</sup> Mei íemona afémacimona ménamie uáidota Jesús dine orede. Oriano, bie meita ua bite Cristo dánana ónoillena jicánotade. Daje izói, meita nibai nai jiáie bíitimie uñoiticaí, afémie daí jicánotade.

<sup>20</sup> Afemona Juan orécano Jesumo dúcillano íena daidíaiioi:

—O meita ua bite Cristo dainámiedio áfena ñue onóillena Juan cai jicánotade. Daje izói meita nibai nai jiáie bíitimie uñoiticaí dánana ónoillena cai jicánotade, —daidíaiillinoi.

<sup>21</sup> Afe íaillinoi dúcina llezica, Jesús diga comini íaioi íraniaimona jillotade; daje izói dáaruido íaioi ote dúcuaimona jillotade. Daje izói fiénide jóríai úicaigamacina jillotade. Iemo jiái diga uínidinuiaí uina cíoitade.

<sup>22</sup> Afe llezica Jesús íaillinoína daide:

—Ómicoi cíónafue, naa ómicoi cacánafue diga mai Juaamo llúájiri. Bie izói afémiemo llúájiri: Uínidino ui ja cíoide, íemo macáñedino ja macádeza, íemo chíñaitino ja ñúemacina jaide, íemo jefona cacáñedino ja ñue cacadíaiioi, íemo dáarie tídino meine abido cáadiaioi, íemo dúeredinomo jillona uai llógaza. Nana bífuiaí mai afémiemo llúájiri.

<sup>23</sup> Cuemo ínoñeilliuaina baiñédimie ióbite.

<sup>24</sup> Juan orécano meine abido jailla mei, Jesús Juaado comínimo úrite; daide:

—¿Mei táizicimo minícana cíozaidiomoí? Nibai dáamie ie daina uaina méidofiredimiena cíozaidiomoí.

<sup>25</sup> Afe izóidena omoi cíozaiñenia, ¿mei minícana cíozaidiomoí? ¿Meita nibai ñue cioide ráifide míroi jitáodimiena cíozaidiomoí? Onódiomoiza, ñúecueroi jitáoifredino illaini jofomo ífrediaioi naa dani íaioi comeci jitaina izói itínori.

<sup>26</sup> Mei írainomo, ¿minícana cíozaidiomoí? ¿Nibai Juziñamui uai jino llóraimana cíozaidiomoí? Jii, ua, Juziñamui uai llóraima baimo jamánomoidimiena cíozaidiomoí.

<sup>27</sup> Juan baie Cuegáuai dainámie. Jaiái úicodo nai cue bíñena llezica, afe uaimo Juziñamui afémie dibenedo cuena daide:

O bille io ñue finóllena izói, comini íaioi comécido ñue omo jíeruillena cue llúájitimie o uícodo óreitícue.

<sup>28</sup> Nana comínimona ite Juziñamui uai llórainimona Juan Bautista baimo jamánomoidimiena íñede. Mei jiáifodo, Juziñamui illáimana illánomona jabóidimie Juan baimo jamánomoide.

<sup>29</sup> Afena cacáillano, Juan báutizaga gobierno íbátaga úcube llíñoraini, naa jiáie báutizaiganori, “Juziñamui ñífuenedena finódimie,” daidíaiioi.

<sup>30</sup> Mei jiáifodo Juan báutizañega fariséuai naa báutizañega ocuica uai llófuetinori Juziñamui íaioiena mameca ñúefuiai jámairuillano táinomo fáifítatiaioi.

<sup>31</sup> Iemo Ocuíraima Jesús daide:

—Bie monado itínona ¿ñie izói íaioina mámeiticue? ¿Mei ñie izói cíoitiaioi?

<sup>32</sup> Jofue cigi íbirimo jifánote úrue izóidiaioi. Afémaci conímamo ebírede rúado caimátaiacadiaioi, mei íadi áfena fairíoñediaioi. Daje izói conímama zúurede rúado íraacadiaioi, mei íadi daje izói áfemo cacáreacañediaioi. Afémaci jaca caimátaitandiaioi.

<sup>33</sup> Afe bie izói ómoimo ite. Mei Juan Bautista billa llezica afémie fimairillano guílleniaí figo guíñede, daje izói vínona jiróñede. Iemona “fiénide jóríai úicaigamedio” íena daidíomoi.

<sup>34</sup> Afe mei cue, afe Nanoide fima Jitó dainámiedicue biticue. Billano, jiáimaci izói güitícue, íemo jiródicue. Afemona bie izói nane cuena daidíomoi: “Bímie íere guílláredimie; jéerie

jirófiredimie. Fiénidifuiairedino nabáidimie; daje izói gobierno ibátaga úcube llínoraini nabáifredimie,” cuena dáifrediomoi.

<sup>35</sup> Comini Juzíñamui orécanona fienu daidíaioi íadi, Juzíñamui baitaca rafue jieruitinodo jino comínimo ñue cíotaga.

*Fariseo Simón jofomo Jesús güizájide*

<sup>36</sup> Fariseuaimona dáamie Jesús güizájillena llote. Iemona Jesús afécomo güizájide. Jaillano afeco eromo güirábanimo ráinazaide.

<sup>37</sup> Afe llezica, afe jófuemo ite fiénide ringo, fariseo Simón Jesús güizaibillana fidíllano afécomo bite. Afengo “alabastro” daina nofici finoína duera iciru atide. Aferu ziore cáiredijina oruide.

<sup>38</sup> Eebicaillano Jesús idai abímo ráinazaide. Afe llezica ie ui jémedo Jesús idai jocode. Afe mei ie ifótiido dote. Duano ñitade; ñítajano ie uiga ziore cáiredijina afémie ídaimo totade.

<sup>39</sup> Afe Jesús güillena uáidote fariseo, afengo finócafuena cíoilano, comécido daide: “Bímie ua uai llóramanía, bie ringo fiéninana ónoite. Afémie abina nibai aféngona jétatañeite. Mei afengo fiénidingo illaza afémie aféngomona abí ráiruite,” daíí comeci facade.

<sup>40</sup> Afe jira Jesús fariseóna daide:

—Simón, cue daa uai omo llóiacadicue, —daide.

Mei jira fariseo uai ote:

—Llófueraíma, mei daini, —daide.

<sup>41</sup> Jira Jesús daide:

—Mena come uícomo íaillinoimo iga úcube daje izói meine fecádimiemo írediaillinoi. Dáamie quíentos dieze meine írede, íemo jíámie cincuenta dieze meine írede.

<sup>42</sup> Mei íadi nágaillinoi afe úcube fecádimiemo íaillinoi méidolle íñena jira, afe fecádimie afe íaillinoi abído írede úcubena féitate. Mei birui cuena daini, mei bíailinoimona çnímie fecádimiena jamánomo izíruirena? —daide.

<sup>43</sup> Jira Simón uai ote:

—Cúemona, jamánomo aillo illano féitagamie aillo izíruilla, —daide.

Jira Jesús íena daide:

—Ñue onódio, —daide.

<sup>44</sup> Afe mei, Jesús ringomo érocaillano Simona daide:

—¿Bingona cíodio? O jofomo cue billa llezica, cue ídaina jocóñedio, mei jíáifodo bie ringo ie ui jémedo cue ídaina jocode. Jócuano ie ifótiido zafénaitade.

<sup>45</sup> Iemo o jofomo biticue íadi cuena ñítañedio, mei íadi afengo jofo cue billa llezica cue idai ñítajana jaca fáicanocañede.

<sup>46</sup> Daje izói o jofomo cue dúcina mei cue ífomo cáiredijina totañedio, mei jíáifodo afengo ziore cáiredijina cue ídaimo totade.

<sup>47</sup> Ie jira ona daidicue, bie ringo aillo cuena izíruillamona, afengo finoca aillo fiénidifue dóinana ácatate. Mei jíáifodo jabo cuena izíruitimie íemo ite íaifue jabo dogá.

<sup>48</sup> Mei afe mei Jesús aféngona daide:

—O finoca fiénidifue jae dófideza, —daide.

<sup>49</sup> Afécomo afémie diga ráiide daane güillena uáidogano dani conímana daidíaioi:

—Mei bie çníie come; comínimo ite fiénidifuiaina dóteza? —daidíaioi.

<sup>50</sup> Afe mei Jesús afe ringona daide:

—Mei daingo o ínuado jae jíllodio; maí uái daíí o jairi, —daide.

## 8

*Jesús canófredingonai*

<sup>1</sup> Bie méifodo, Jesús diga jófuiaido macácaide, naa due illánuiari. Afénuiaido Juzíñamui illámiana illa rafue jino llocana uite. Afe llezica ie nizeca doce dígade oréllino afémiedo jáidiaioi.

<sup>2</sup> Afe dáaruido dáarie duícuaimona ie jíllotaga ringónai afémiedo jáidiaioi. Iemo jíái dáarie íaioi úcaide fiénide joríaimona jíllotaga ringónai íedo jáidiaioi. Afémacimona Magdalena énie íngo Mariana mámeciredingo ite. Aféngomona siete dígade fiénide joríaí nauí jino oreca.

<sup>3</sup> Iemo jíáie canódingo Cuza ai Juana. Afe Cuza illaíma Herodes jabódillaíma. Iemo jíáingo Susana. Iemo jíái aillo jíáie ringónai, íaioimo ite ráaniaina Jesús canódingotai.

*Ríjifredimie rafue*

(Mt 13.1-9; Mr 4.1-9)

4 Afe jófuiaimona aillo comini Jesuna cióillena bitíaiói. Aillo comini dáanomo ofilla llezica, íaiói onógafuedo Jesús jiáfue íaióimo llófuete. Íaióina daide:

5 —Ríjifredimie ie rilliji rizájide. Rizájilla llezica, ie rigájiaimona dáarie iomo baiide. Afe iomo baídijiai zaizíbide; jiájijai ófocuizai güiga.

6 Jiáie rigájiai nofíciai emódomo baiide. Aféjiai zícua llezica jainoi iñénari dúizite.

7 Ie mei jiájijai éegiai cígimo baiide. Afe éegiai jéerie zícua mona aféjiaina íratatano titade.

8 Mei íadi jiáie rigájiai ñuera éniemo baiide. Ñue zícua mei, jamánomo aite. Dáajidemona cien dígaji llizide.

Bie izói úrillano, Jesús ficire daide:

—Cacáacadimie cacai, —daide.

*Cacáacaiñedino jánaillena Jesús comini onógado úrite  
(Mt 13.10-17; Mr 4.10-12)*

9 Iemona ie llófuegamaci afémiemo jicánotiaioi:

—Afe llogafue ¿ñie izói daííacade? —daidíaiói.

10 Jira afémie íaióina daide:

—Juzíñamui ie illáimana illa rafue ónonidifuiái ómoina onótate. Mei íadi jiáimacimo afémaci jánaillena comini onógado úriticue. Iemona uina cióñedino izói íitiaioi. Daje izói afe uai afémaci cacana llezica, onóñedino izói íitiaioi.

*Ríjifredimie rafue Jesús jino uáfodo llote  
(Mt 13.18-23; Mr 4.13-20)*

11 Ríjifredimiedo lloga rafue bie izói daííacade: Afe rigájiai daina Juzíñamui lloga ñuera uai.

12 Afe iomo baídijiai daina ñuera uaina cacádino. Mei íadi cacana mei, Taife billano afe ñuera uaina comini íaiói comécimona féitade. Afémaci jilloñeillena, Taife afémaci afe uaina íínotañede.

13 Afe noficiaimo baídijiai daina jiáfodo jóide ñuera uaina cacádino. Afe uaina cacáillano caimare otíaiói. Mei íadi afémaci raire zicode raa riire jaináñena izói, Juzíñamuimo afémaci figo jaináñenamona are iñédiaioi. Nano íanori íínotiaioi. Mei íadi izire íaiói facátalliruimo dúcina llezica ñúefuena fáicanocaitiaioi.

14 Iemo afe éegiai cígimo baídijiai daina, jiáie ñuera uai cacádino. Mei íadi cacana llezica dani íaiói comeci jítaina diné jáiacadiaioi. Iemona afémaci comeci oni jiáinomo uilláfuiaido, nocáe builla izói féiraitiaioi. Daje izói iere íaiói ráareiacanado, íemo jiái biniemo ite caimare cai ítatáfuiaido anáfenogaiáiói izóidiaioi. Iemona figo llizíñede íitiaioi.

15 Mei jiáfodo afe ñuera éniemo baídijiai daina ñuera uaina cacáreacadino. Afémaci ñuera comécido cacáillano afe uaina ñue náfuetiaioi. Iemona áfena fáicanocaiñeno ñue aite izói jáidiaioi.

*Boode mechera jánaide izóidifue  
(Mr 4.21-25)*

16 Buna boode mechera retáidoñede. Daje izói buna boode mechera bíira anamo raináñede. Mei íadi jiáfodo boode mechera caífo uáfori cióidinomo raináñrega, jofo jáidino ñue cióillena.

17 Mei uáfueza, nana retáidoga ráaniai uáfori jino ciotaíbillé. Daje izói nana báinide ráfuiái jino uáfori llócailleza.

18 Aquíe izóideza ñue omoi cacáreiri: Iere Juzíñamuina onóacadimiemo ie báitaja báimo jamánomo írede, mei íadi Juzíñamui dibénedo figo onóacañedimie, due ie onógafue féitale.

*Jesús ei naa ie ámatiairi  
(Mt 12.46-50; Mr 3.31-35)*

19 Iemona Jesús ei naa ie ámatiairi ie illánomo dúcidiaioi. Afénomo aillo comini íllaza, afémiemo áinozinidiaioi.

20 Jira dáamie Jesumo llujáide:

—O ei, naa o ámatiairi jino benó íitiaioi. O diga úriacadiaioi, —daide.

21 Jira Jesús comínina daide:

—Juzíñamui lloga uaina cacáillano afe uai jeire otino cue eina, cue ámatiaina, —daide.

*Jesús jorai bagua naa jairifo diga líicaitate  
(Mt 8.23-27; Mr 4.35-41)*

22 Afe mei jiáiruído, Jesús ie llófuegamaciri áillocaemo ana jaillano Jesús daide:

—Mai jorai ruícaferaimo cai jai, —daide.

Iemona jáidiaioi.

<sup>23</sup> Ruica íaioi jáitaja llezica, Jesús inide. Afe llezica riñrede jairifo jóraimo ónomino raire bite. Riñre jáiñuamona afe nocáe buíacade. Afécaena jacire anábaitaacade.

<sup>24</sup> Mei jira Jesús cazítatiaioi. Cazítajano íena daidíaiói:

—Llófueraima, Llófueraima, ¡ja buízaidicai! —daidíaiói.

Iemona Jesús náidacaillano jairifo naa jorai bagua diga llúicaitade. Afemona nana llúicaide; níñfuenino jorai uái ite.

<sup>25</sup> Afe mei Jesús ie llófuegamacina daide:

—¿Ico nai Juzíñamuimo íñoñediomoi? —daide.

Mei íadi afémaci jacínaitiaioi. Afémiemo caimare fáigacaillano conímamo jicánotiaioi:

—¿Mei bie níie cómeita? Afémie jairífona ocuide, daje izói jáinoina ocuide. Iemo afémie uaina ínotiaioi, —daidíaiói.

*Gerasa éniemo ite fiénide jóriai úcaigamie*

*(Mt 8.28-34; Mr 5.1-20)*

<sup>26</sup> Jailla ícoimo Gerasa éniemo dúcidiaioi. Afénie Galilea énie ruícaferaimo ite.

<sup>27</sup> Como ari aféniemo jáidiaioimo, afe jófuemona dáamie Jesús diné bite. Ja diga fimónaiiai afémie fiénide jóriai úcaiga. Afémie inícuuro jaca jitáñede. Daje jofomo uái íñede, mei jáífodo raíáfuaína jofórede.

<sup>28</sup> Jesuna cíollano afémie anamo dújuzaibite. Dújuzaibillano ficire daide:

—Caifoide Juzíñamui Jitó Jesús, ¿nibái mei cuemo jíricaidio? Duere cue o fñoñellena izire jicádícue, —daide.

<sup>29</sup> Afémie bie izói daide, mei Jesús afémiemo ite fiénide jóriai jino oréllena ocuícaza. Diga ícaíño afémiena fiénide jóriai riñre uícade. Afe llezica comini afémie onoi idai diga llojéodo máifrediaioi. Jáimaci fiñi fñoñellena izire íena rairuídiaioi. Mei íadi afémie afe maia llójejina titáñede, ie mei afe ie uícaide fiénide jóriai afémiena táizicimo botátáñede.

<sup>30</sup> Jira Jesús afémiemo jicánote:

—¿O mámei bu? —daide.

Jira afémie uai ote:

—Legiona mámeiredícue, —daide. Afe “Legiona” daina uai, aillo comini, daíacana.

Afémie bie izói daide mei aillo fiénide jóriai íena uícaideza.

<sup>31</sup> Afe bie fiénide jóriaiiai Jesumo izire jicádíaiói duere finótalle íbáirafoimo afémaci óreiñellena.

<sup>32</sup> Mei afe llezica afénomo ite íconido aillo meróniai güicaidiaioiza, fiénide jóriai afe meróniaimo jáillena Jesumo izire jicádíaiói. Iemona Jesús áfena fairíote.

<sup>33</sup> Iemona afe fiénide jóriaiiai íimamona jino billano meróniaimo jáidiaioi. Afe mei afe meróniai árrera íconido jabícana jóraimo cocizítiaioi. Dinomo coróbaitiaioi.

<sup>34</sup> Meróniai úíñotino áfena cíollano jacínaitiaioi. Aferi jacínaillano botádíaiói. Iemona jófuego llujáidiaioi; daje izói oni fuédamo itícuaímo llotíaiói.

<sup>35</sup> Iemona jofue comini afe comuídfuemo acárizaidiaioi. Jesús illánomo íaioi dúcina llezica fiénide jóriaina jino orécamie Jesús anari uái ráiinana cíozaidiaioi. Afe íima ja íniroi jitáoiide; daje izói ie abina níue onode. Afena cíollano iere jacírúitíaiói.

<sup>36</sup> Afena cíódino nauí fiénide jóriai uícaigamie jillotaja oni jáinomo llujáidiaioi.

<sup>37</sup> Mei bíemona nana afe Gerasa énie comini, afénomona Jesús oni jáinomo jáillena izire jicádíaiói, mei áfena iere jacírúitíaiói. Iemona Jesús ana áillocaemo jáizaide, ruica abido jáillena.

<sup>38</sup> Afe llezica afe fiénide jóriaina jino orécamie Jesús diga jáillena izire jicade. Mei íadi Jesús áfena fairíoñede; afémiena afénomo fiébitade. Iena daide:

<sup>39</sup> —Mai meine o jofomo jai. Jaillano nana Juzíñamui omo finócafuaiaina jino lloiri, —daide.

Iemona afémie jaillano, nana jofue comínimo Juzíñamui íemo finócafuaii jino llujáide.

*Jairo jiza íemo jáíango Jesús inícuuro jétaibitango Jesús jillotaje*

*(Mt 9.18-26; Mr 5.21-43)*

<sup>40</sup> Jesús meine jorai ruicáfenemona dúcina llezica, comini afémiena iere caimare llínotiaioi. Mei nana afémiemo ocúridiaioiza.

<sup>41</sup> Afe llezica Jáirona mámeiredímie dúcide. Afémie Juzíñamui uai lloraco illaíma. Afémie Jesús anamo fueco dine ana bíjicaide. Bíjicaillamo izire daide,

<sup>42</sup> “Cue jofomo biri; mei daade cue jiza túzaideza,” daide. Afengo ja doce fimona ite. Iemona Jesús afémiedo jaide. Jailla llezica diga comini íedo jaide; iere rillire jáidiaioi.

<sup>43</sup> Afémaci cígimo iráredíngo ite. Afengo doce fimona die dícotailari irárede. Nana aféngomo ite úcube manóñiredínomo fuite; mei íadi afémaci aféngona jillotanidiaioi.

<sup>44</sup> Afe ringo jinófene dinena Jesumo billano ie inícuuro fueada jetánote. Ie jetánua llezica afengo die llícaide.

<sup>45</sup> Iemona Jesús jicánote:

—¿Mei bu cue inícuuro jetánoga? —daide.

Iemo nana comini jáanuano “Ona bu jetáñena,” daidíaiói. Jira Pedro naa ie nabáñiairi daide:

—Llófueraima, nana comini rillfrenari o ñuitádiaíói. ¿Ñibái mei, “Bu cue jeta,” daidíoi?

<sup>46</sup> Mei íadi Jesús daide:

—Ja onódicueza daa come cuena jetade. Mei cue ríino afe come jillotajana onódicue, —daide.

<sup>47</sup> Afe jetaibitingo ja ie báillana onóillano cuidíricana Jesús anamo dújuzaibite. Iemona afengo jino nana comini eróicana jáanoñeno ie inícuuro jetáacana rafue llote. Iemo jiái afémie inícuuro jeta llezica ie jillona llote.

<sup>48</sup> Mei jira Jesús aféngona daide:

—Cue jiza, cuemo o ñnuamona ja jillodioza. Jaillano caimare uái o iri, —daide.

<sup>49</sup> Jesús nai úrioidemo, daa come Jairo jofómona Jesús diné bite. Afe Jairo Juziñamui uai lloraco illaíma. Afe lluáibitimie Jáirona daide:

—O jiza ja tíudeza. Mai Llófueraimana úridoñeno iri, —daide.

<sup>50</sup> Mei Jesús áfena cacáillano daide:

—O jacíruiñeno iri. Dama Juziñamuimo ñnofireiri. Afemona o jiza jilloíteza, —daide.

<sup>51</sup> Afe jofomo íaiói dúcina llezica, nana comini afe jofo eromo afémie oréñede. Afe jiza moo, ei diga, íemo jiái: Pedro, Santiago, Juan diga jofo uite.

<sup>52</sup> Nana comini afengo tíllari ficirerie éenaitiaíói. Mei íadi Jesús íaíoína daide:

—Omoi ééñeno. Afengo tíñedeza, fia inide, —daide.

<sup>53</sup> Daií afémie dánari zadáidiaíói, mei afengo tíllana onódiaíoiza.

<sup>54</sup> Iemona Jesús afengo onói llínota ficire daide:

—Jitaingo, mai náidacai, —daide.

<sup>55</sup> Afemona afengo meine abido caade. Iemo afe daina llezica caífo náidacaide. Afe mei Jesús, “Mai afengo ecarí” daide.

<sup>56</sup> Afe llezica ie moo íaillinoi iere caimare fáigacaidiaillinoi. Mei íadi Jesús íaillinoína afe ie finócafue bummo llotáñede.

## 9

*Jesús doce dígade ie llófuegamacina oni orede  
(Mt 10.5-15; Mr 6.7-13)*

<sup>1</sup> Jesús doce dígade ie llófuegamacina dáanomo gairítate. Gairítanona afémieimo ite ríino íaíoimo fecade, nana jiáíforiede fiénide jóriai jino oréllena. Daje izói nana iráredino jillotallena ríino afémacimo fecade.

<sup>2</sup> Iemo Juziñamui illáimana illarui rafue íaíoína oni lluájítade. Daje izói iráredinona jillotate.

<sup>3</sup> Íaíoína daide:

—Omoi jaille llezica minícana uñeno, fia omoi jairi. Macara jigüida uñeno iri, daje izói ciríticoi, íemo güillena, íemo úcube uñeno iri. Mena caifóferoi uñeno, daa uiri.

<sup>4</sup> Ninó daa jofomo omoi dúcia, afécomo uái iri, afénomona oni omoi jáñeille dino.

<sup>5</sup> Ñie jofue comini ómoína llínoacañenia afénomona oni omoi jairi. Omoi jaille llezica, omoi eiba íaíe afémacimo teténocairi. Afedo íaíoi comécimo ite íaíufue nai íaíoimo íllana onótaitiomoi.

<sup>6</sup> Afemona ja oni nana dúegobaiido jáidiaíói. Jaillano ñuera jillona uai llocana uitíaiói. Daje izói iráredinona jillotacana uitíaiói.

*Juan Bautista tílla rafue  
(Mt 14.1-12; Mr 6.14-29)*

<sup>7</sup> Ocuídillaíma Herodes nana Jesús finócafuaína fidide. Iemona Herodes comeci uibílliuai íñede, mei dáarie “Juan tíde meine abido cáadimiéna jaide,” daidíaiói.

<sup>8</sup> Jiáimaci, “Juziñamui uai llóraíma Elías meine cíocaizaibilla,” daidíaiói. Iemo jiáimaci, “Jaiái ninomo tíde jiáie Juziñamui uai llóraíma meine abido cáadimiéna jailla,” —daií llotíaiói.

<sup>9</sup> Mei jira Herodes daide:

—Nauí cue Juan ífoci jaitátaticue. Iemona ¿mei bie níimie? Afémiedo diga ráfuíai cacáñedecue, —daide.

Afe llezica Herodes iere Jesuna cíocacade.

*Jesús cinco mil comini ecade**(Mt 14.13-21; Mr 6.30-44; Jn 6.1-14)*

<sup>10</sup> Ie orécano abido dúcina mei, nana íaioi finócafuiaí Jesumo llotíaioi. Afe mei Jesús afémacina oni eneno Betsaida jofue áinomo uite.

<sup>11</sup> Mei íadi áfena fidíillano comini afénomo jáidiaioi. Afénomo Jesús caimare afémaci llínnote. Juziñamui illáimana illirui rafue íaioimo llote. Daje izói afénomo iráredinona jíllotote.

<sup>12</sup> Iemo ja nauzáilla llezica, doce dígamie orécano Jesumo billano daidiaioi:

—Mai, comini íaioi ocózinaillena oni ore, áinori ite jófuiáido güille íaioi jenólleza. Mei benomo cai illánomo güille iñédeza, —daidiaioi.

<sup>13</sup> Mei jíáfodo Jesús íaioina daide:

—Afémaci omoi eca, —daide.

Jira ie uai otíaioi:

—Benomo caimo cinco pániai íemo mena chamu ite. Afe baimo iñédeza. ¿Meita nana bie comini ecállena íbajiredicaí? —daidiaioi.

<sup>14</sup> Mei afénomo cinco mil comini gairídiaioiza. Mei íadi Jesús llófuegamacina daide:

—Nana bie comini cincuenta dígamierie ana raiziri, —daide.

<sup>15</sup> Daií finua méifodo nana ana raizíaitiaioi.

<sup>16</sup> Afe llezica Jesús cinco dígade pániai, íemo mena chamu llínnote. Llínvano monamo eróillanona Juziñamuina afe güilleri “fere figura,” daide. Daií daina méifodo, afe ditada, ie llófuegamacimo fecade, afémaci comínimo fecállena.

<sup>17</sup> Iemona nana áferi ñue jeírediaioi. Afe mei llófuegamaci güígamona fiébidino doce cirigai oruíatiaioi.

*Pedro Jesús Crístona uáfodo jino llote**(Mt 16.13-19; Mr 8.27-29)*

<sup>18</sup> Afe mei jíáruído Jesús oni eneno Juziñamuimo úrizaide. Afénomo ie llófuegamaciri ite. Afémacimo afémie jícanote:

—¿Comini ñíe izói cuena daidiaioi?

<sup>19</sup> Jira uai otíaioi:

—Dáamierie “Bie Juan Bautista,” daidiaioi, jíámaci “Bie Elías” daidiaioi, íemo nai jíámaci “Jaiái Juziñamui uai lloráima meine abido cáailla” daidiaioi.

<sup>20</sup> Jira Jesús jícanote:

¿Omoi ñíe izói cuena daidíomoi?

Jira Pedro daide:

—Juziñamui nizeca Cristo dainámiedio, —daide.

*Jesús ie túille rafue jino llote**(Mt 16.20-28; Mr 8.30-9.1)*

<sup>21</sup> Iemo afe Pedro llógana afémie jíáie comínimo iere rairuillano ie llófuegamacina áfena bummo llotáñede.

<sup>22</sup> Íaioina daide:

—Nanoide íma Jitó Crístodicueza, iere duere finóllucue. Ocuide éinamací cuena ruífrúitíiaioi. Daje izói lletáriraini illaini cuena ruífrúitíiaioi, íemo jíái ocuica uai llófuefredino cuena íáruítíiaioi. Cuena tíaitíiaioi, mei íadi daaruíámáni íllemona meine abido cáaitíucue, —daide.

<sup>23</sup> Afe méifodo nana afémacina daide:

—Ninó dáamie cuedo jáiacania dama ie comeci jítaíllana féítarede. Féítano cuedo jáirede. Afémie cuedo jailla ícoinia tíidena afémie áfena izire ónide.

<sup>24</sup> Mei ie caana rairuíacadimie áfena táinomo fáífitáite. Mei jíáfodo cue ícoinia ie caana táinomo fáífitímie afe fáífidena baimo ziiño illínona máíñoite.

<sup>25</sup> Mei daa come nana bínie ráaniai aillo náamataadi, mei íadi afe llezica dama ie comeci afémie táinocaitaíadi, nana ie máíñoica ráaniai afémiena jíllotañeite.

<sup>26</sup> Ninó daa come cuena meáiruía, daje izói cue uaina meáiruía, afe íbana uire illáimana ana cue billíruimo afémiena meáruítíucue. Nanoide íma Jitódicueza, aféruimo Moo Juziñamui ebírededo bíitíucue naa níífuenide Juziñamui abí ímacíri.

<sup>27</sup> Uáfúena ómoina dáitíucue: Birui benó itínomona, dáarie nai íaioi tííñena llezica Juziñamui illáimana illarui cíotíiaioi, —daide.

*Jesús abí jíáfodo méidoficaílla**(Mt 17.1-8; Mr 9.2-8)*

<sup>28</sup> Daí daina mei ocho dígarui jailla mei, Jesús Juzíñamuimo úrillena caifónedumo jaide. Afémie Pedro, Santiago, Juan dígamie uite.

<sup>29</sup> Nai Juzíñamuimo Jesús úrioína llezica, afémie uieco jiáfodo méidoficaide. Daje llezica ie inícuuro jamánomo úzere quenire jaide.

<sup>30</sup> Afe llezica mena come ie abimo cíocaiide. Afe íaillinoi afémie diga úrite. Afe bíaillinoi Moisés Elías diga.

<sup>31</sup> Daje llezica ñue ebire quenire cíoiide raa afe íaillinoína onífenedo féricaide. Afe íaillinoi Jesús Jerusalemo duere zefuillano túllifuedo úritiaioi.

<sup>32</sup> Afe llezica Pedro naa ie nabáñiairi iere ínie méinegaiaioi ia, ocuúdiaioi. Afémaci Jesumo ite ebire cíoidena cíodiaioi; daje izói afémie diga itíiaillinoína cíodiaioi.

<sup>33</sup> Afe íaillinoi Jesúsmona oni jáioicailla llezica, Pedro daide:

—Llófueraima, ¡ñii benomo caimare cai illa! Mai daámami jofóchupina cai nii. Daaco óie, jáico Moisés ie, íemo jáico Elías ie, —daide.

Mei íadi Pedro ie dañacana ónoñede. Jira comeci facáñeno ebena daí daide.

<sup>34</sup> Nai ie úrioína llezica, mona ero uíllie íaioína ferínocaiide. Mona ero uíllie eromo íaioi íficailla llezica iere jacínaitiaioi.

<sup>35</sup> Afe llezica afe uílliemona daa uaina cacádiaioi:

—Bie iere cue izíruiga jitoza, afémiemo omoi cacáreiri, —daide.

<sup>36</sup> Daí daina méifodo Jesumo érocaidiaioimo, ja dama ite. Afe mei afémaci afe íaioi ciónana bumo lloñediaioi.

*Jesús fiénide jóríai úcaiga jítócome jíllotate*

*(Mt 17.14-21; Mr 9.14-29)*

<sup>37</sup> Afe jáiruúdo afe ídumona ana íaioi billa llezica, aillo comini io anamo Jesús úíñotiaioi.

<sup>38</sup> Iemona comínimona dáamie ficire lléjecaide:

—Llófueraima, dúecaillano daade cue jito mo érocai.

<sup>39</sup> Fiénide jóríai riire íena úcade. Afe jóríai íena caillítacaide, afémiena nano íanori titáfiredede. Afe llezica ie fuémona múllecíai bífiredede. Iena duere finode; afémiena fáicanocaiñede.

<sup>40</sup> O llófuegamacimo afe jóríai jino oréllena izire jicádícue, mei íadi orénidiaioi, —daide.

<sup>41</sup> Jira Jesús uai ote:

—¡Nii jamánomo ínofinidiomoi! Iemo daje izói ñúefuena iere uáitafirediomoi. ¿Ñie dinó omoi cígímo íredícue omoi cue ríidollena? O jító benomo ati, —daide.

<sup>42</sup> Mei íadi afe jítócome Jesumo ánozilla llezica, fiénide jóríai afémie ana éniemo dotade. Afe llezica afe jítócome íanori titade. Mei íadi Jesús afe fiénide jóríaina riire dainano oni orede. Afemona Jesús afe jítócome jíllotate. Iemona jíllotano ie moomo abido ite.

<sup>43</sup> Iemona nana comini Juzíñamuimo ite állue ríinori caimare fáigacaidiaioi.

*Jesús ie túlle rafue meíne nane llote*

*(Mt 17.22-23; Mr 9.30-32)*

Nana comini Jesús finóari caimare fáigacaila llezica, afémie ie llófuegamacina daide:

<sup>44</sup> Bie mo ñue omoi cácarei. Afena omoi féitañeno iri. Nanoide fima Jitódícueza, duere cue íaioi finóllena comínimo fécajillícue, —daide.

<sup>45</sup> Mei íadi ie llófuegamaci afe ie dainana ñue onóñediaioi. Mei afefue afémacimona rairuica. Iemo afe llezica afefue afémiemo jicánuana jacíruítiaioi.

*¿Mei ñue come jamánomoina?*

*(Mt 18.1-5; Mr 9.33-37)*

<sup>46</sup> Afe méifomo ie llófuegamaci dani jofo erócana conímána “cáimona nímie iere jamánomoina” daina júfidotiaioi.

<sup>47</sup> Mei íadi Jesús íaioi comeci úrillana onode. Iemona daa úrue uáidota ie abimo naidánete.

<sup>48</sup> Daí naidániano afémacina daide:

—Bie úrue cue mámedido llínotimie cuena llínote. Iemo cuena llínotimie, ana cue orédimiena llínote. Mei uafue, omoi cígiri jabóidimie Juzíñamui erócana iere jamánomoidimie, —daide Jesús.

*Caina uáitañedimie cai dibénemo ite*

*(Mr 9.38-40)*

<sup>49</sup> Te jira Juan Jesuna daide:

—Llófueraima naui o mámedido fiénide jóríai orédimiena cíodícai. Afémie cai diga macáñena jira afémiena rairuídícai, —daide.

<sup>50</sup> Mei jira Jesús íena daide:

—Afe izói finódimie rairuñeno iri. Mei caina uáitañedimie cai dibénemo íteza, —daide.



*Jesús Sanatiago Juan diga lletade*

<sup>51</sup> Jesús menamo jáiacanarui ánozilla llezica, afémie Jerusalemo jáillena riire mamérite.  
<sup>52</sup> Daií mamérellano uícodo raire uai llóitino orede. Afémaci Samaria éniemo ite duera jófuego jáidiaioi íaioi dúcillico raire báillena.

<sup>53</sup> Mei íadi afeno itímaci Jesús naa uícodo orécanori Jerusalén diné íaioi jáiacana jira, íaioina llínoacañediaioi.

<sup>54</sup> Te llofúegamacimona Santiago, Juan diga áfena cióllano Jesuna daide:

—Ocuíraima, jaiái uai llóraima Elías finua izói, bímaci fúilleza monámona iraina cai jíriredicai ¿meita jítáidío? —daide.

<sup>55</sup> Iemona Jesús íaillinoimo éroillano llétajano daide:

—Omicoi jainaina joréñona onóñediomicoi.

<sup>56</sup> Mei uafue, Nanoide íma Jitódicueza comini niné táinocaitallena biñédicue, mei jááfodo comínina jllotaíbíticue, —daide.

Iemona oni jáígobiaimo jáidiaioi.

*Jesudo jáiacadino bie izói írediaioi  
(Mt 8.19-22)*

<sup>57</sup> Iodo íaioi jailla llezica dáamie Jesuna daide:

—Ocuíraima, o jáiacana diné o diga jáiacadicue, —daide.

<sup>58</sup> Jira Jesús afémiena daide:

—Nana jazici rílleniai uái ífireillino ite. Daje izói caifodo féedinuiai uái íaioi ráillino ite. Mei íadi Nanoide íma Jitódicueza dáanori uái cue illino íñede, —daide.

<sup>59</sup> Jesús jáámiena daide:

—Mai cuedo bi, —daide.

Mei íadi afémie daide:

—Fueñe cue moo tíilla ráiaíticueza cue ore, —daide.

<sup>60</sup> Jira Jesús ie uai ote:

—Juzíñamuina jieruíñedino tíide izóidino; mai mei afémaci jádie ua tíitimiena ráilleza, mei o cuedo bi, billano Juzíñamui illáimana illírui llujáiri, —daide.

<sup>61</sup> Afe mei jáámie Jesuna daide:

—Ocuíraima, odo bíacadicue, mei íadi fueñe cue jofo ero comini jáillena facáduaiticueza cue ore, —daide.

<sup>62</sup> Jira Jesús íena daide:

—Daa come ie táijina ja táinia mei, jáínomo comeci fácaja fiénide. Ie jira bie izóidimie Juzíñamui illáimana illíruiimo táijillena ráifiñede, —daide.

**10***Jesús setenta dígamie núefue llujáillena orede*

<sup>1</sup> Bie méifodo, Ocuíraima Jesús nane setenta dígamie nizedé. Níziano ménamierie ie uícodo orede. Nana ie jáiacanagobiaimo íaioina orede.

<sup>2</sup> Íaioina daide:

—Uáfueza, jacáfaimo ite raa ailla llezica jofo óitino íñena izói, birui Juzíñamui illáimana illíruiimo jofo órede comini aillo ite. Mei íadi afémaci jofo óitino figo íñede. (Afe jofo óitino jáímacimo núefue llóitino.) Ie jira cai Ocuíraimamo, jacafai Naama izóidimieo jáíie núefue llóitímacina omoi jicari, afémacina afémie oréllena.

<sup>3</sup> Jira omoi jai. Jaillano bie uaimo omoi comécíiri: illáirede jazici jicóniai cígimo ovejai jiza ória izói, ómoína orédicue.

<sup>4</sup> Omoi jailla llezica cirítico uíñeno iri, daje izói úcubena uíñeno iri. O eiba icona uíñeno iri. Io anamo jáímaci daga are naidáicana úhuriñeno iri.

<sup>5</sup> Ninó daa jofomo jofo o jáiadi afeco comínina fueñe bie izói omoi daiíri: “Caimare uái illífue bie jofomo íteza.”

<sup>6</sup> Afécomo comécina caimare uái itino ía, afe uai afémaci íaioieite. Mei íadi afe izoide comini afénomo íñenia, omoi daií uáidua uai abido ómoimo bíteza.

<sup>7</sup> Oni omoi jáíñeille dinó dáacomo uái iri. Omoi íaioi ecálleze güítiomoiza. Omoi jirótalleze jirori. Mei jáímacina omoi cánua jira, nana áfemo tájiraíma íe tájínado íbáredeza. Ie jira naga jófuedo güicaiñeno iri.

<sup>8</sup> Ninó jófuego omoi dúcia caimare omoi íaioi llínoia, güíllena omoi íaioi ecaa afe omoi güiri.

<sup>9</sup> Daje izói afénomo iráredinuiaina omoi jllotari. Afe llezica afémacina daiíri, “Juzíñamui illáimana illarui ómoimo ja ánozideza,” daiíri.

<sup>10</sup> Mei íadi jíáie jófuemo omoi dúcia afeno comini ómoína llínoicañeniadi, jino jofue cígimo ite macáraodo jairi. Jaillano daíri:

<sup>11</sup> “Cai éibamo aifide omoi jofue íaie ómoimo teténoiticaí. Daíí finódicaí, fienu caimo omoi fínuana uáitallena. Mei íadi bíena omoi onoiri: Juziñamui illáimana illarui ja ómoimo áinozideza.”

<sup>12</sup> Omoina daíticue, íraicaíño izire jícanolliruimo bie jofue comini Sodoma comini duere finóbina baimo duere finólliaoi.

*Náfuefnide jófuaí comini  
(Mt 11.20-24)*

<sup>13</sup> ¡Corazín jofue comini, nii dúrena! ¡Daje izói Betsaida jofue comini nii dúrena! Mei íaíoi cígiri cue finoca ciórainina raa, áfena Tiro jofue comini naa Sidón jofue comini cígimo nauí finódicuenia níbai jaiái uícodo íaíoi comeci ífuena méidotiaíoi. Uafue íaíoi comeci ífuena méiduamona ja díga fimona jailla. Afe llezica zúunaia jítaífrega jítiroi jítaíacadiaíoi. Daje izói aféruimo íaíoi zúunailla jino ácatallena jízefo ífomo jutáacadiaíoi.

<sup>14</sup> Mei íadi íraicaíño izire jícanolliruimo Tiro Sidón díga duere finóbina baimo Corazín íemo Betsaida comini duere finólliaoi.

<sup>15</sup> Daje izói Jesús Capernaum jofue comini lletade; íaíoi dibénédo daide: ¿Meita íaíoi íinoga jofue monamo úrede? ¿Daíí comeci facádiaíoi, ero ua? Mei jíáifodo íaíoina daíticue, tíidino illánomo ana dotaca izói niné táinocaitalliaíoi.

<sup>16</sup> Iemo ie setenta nízcamacina daide:

—Omoina cacáreidimie cuemo cacáreide. Iemo jíáí ómoína ruiffritimie cuena ruiffrite. Daje izói cuena ruiffritimie cue ana orédimiena ruiffrite, —daide.

*Oreca setenta dígadino abido dáanomo dúcina*

<sup>17</sup> Nauí oreca setenta dígadino meine abido caimare dúcidiaíoi. Jesuna daidíaíoi:

—Ocuíraíma, nana cai llógamo cacáreidiaíoi, ua daje izói fiénide jóríai o mámedido daina uaimo cacáreidiaíoi, —daidíaíoi.

<sup>18</sup> Jira Jesús daide:

—Jíí, Satanás monamona ameo izói baíllana ciódicue.

<sup>19</sup> Daje izói jaióniaí naa acáiduaí ómoína izi cácatañelle ríino nauí ómoimo cue iga. Daíí nana cai bacáuai izóidimie Taife ríinona izi cácañeno anáfenodiomoi.

<sup>20</sup> Mei íadi fiénide jóríai jino ória ríino ómoimo íllado figo comécíñeno iri. Mei jíáifodo omoi mámeiciaí monamo cúeinari omoi íóbiri, —daide.

*Dama Jesús cáimacailla  
(Mt 11.25-27; 13.16-17)*

<sup>21</sup> Afe llezica, Nuera Joreño Jesuna íóbitade. Íóbicaillano Jesús daide:

—Cue Moo, mona énie díga Ocuíraímadío, omo ñúefue mámeiticue, mei ráfuena baitáidinomona o dibénédo retáidoga onóigafuaí onotáñedio. Mei jíáifodo comécina níifuenide úrue izoide jamai comínimo aféfuiaína jino cíotatio. Jíí, Moo, mei o daíí jítaídoza, —daide.

<sup>22</sup> Jesús nai úrioide: “Cue Moo, nana ráaniaí cuemo fecádio. Moo Juziñamui, o Jitódicue, mei íadi buna uáfodo cuena ñue óñoñena. O cue Móodioza, dama o ñue cuena onona. Daje izói buna uáfodo ona ñue óñoñena. Cue, o Jitódicueza, dama cue ñue ona onona. Iemo jíáí daje izói o Jitó onótaacagano ñue ona ónoítiaíoi, —daide.

<sup>23</sup> Temona ie llófuegamacimo érocaillano, dani íaíoina daide:

—Omoi ciona raana ciónamona ¡nii íóbirediomoi!

<sup>24</sup> Mei ómoína daidicue, díga Juziñamui uai llóraini naa illáimaíairi omoi ciona raana cióacadiaíoi mei íadi jaca cióñediaíoi. Daje izói omoi cacana uai cacáacadiaíoi, mei íadi jaca cacáñediaíoi, —daide.

*Samaria ímie rafue*

<sup>25</sup> Afe mei ocuica uai llófuefiredimie Jesumo úrizaide, afémie facátallena. Afémiemo jícanote:

—Llófueraíma; zííñoña cue íllena ¿nii izói íredicue? —daide.

<sup>26</sup> Jira Jesús uai ote:

—Ocuica uaimo ¿mei nii uai cúeina? Afena ¿nii izói facádotio? —daide.

<sup>27</sup> Jira ocuica uai llófuefiredimie uai ote:

—Afe uai bie izói daide: Nana o comécido o Ocuide Juziñamuina izírui. Daje izói nana o joréñodo, íemo nana o máriedo, íemo nana o ífoci úrillado íena izírui. Afe llezica dama o abina o izíruiilla izói afe izói o aino cómena izírui, —daide.

<sup>28</sup> Mei jira Jesús daide:

—Ñue fairíotio. Bie izói o finóadi nia are cáaitio, —daide.

<sup>29</sup> Mei íadi Ocuica Uai llófuefredimie ie facátalle uai baiñenamona, ñue jicánotimie daiillena jáiae uai Jesumo jicánote:

—¿Ñiie come cue abi ímiena jóneiticue? —daide.

<sup>30</sup> Jira Jesús uai ote:

—Dáamie Jerusalémona oni Jericomona jaide. Ie jailla llezica merírifiredino afémie fatíaiói. Fájano ie ráaniai bairódiaioi naa inícuiruaímo. Afémiena iere ízitatiaioi; jabo ie títano íena fiénocaidiaioi.

<sup>31</sup> Afe méifodo lletáriraima ónonino daje llezica afe iodo jaide. Mei íadi fagámiena cíollano onido jaide.

<sup>32</sup> Afe mei Leví nairai ímie afénomo dúcide. Daje izói afémiemo fia érocaillano onido jaide.

<sup>33</sup> Afe méifodo Samaria ímie daje iodo jaide. Fagámiena cíollano afémiemo zúucaillano iere dúcaide.

<sup>34</sup> Mei íemona fagámie billano, cáirediji naa vino diga ie boáfiai manode. Afe mei afe boáfiai maite. Maia méifomo dama ie búrromo caífo rainada dúciracomona uite. Uillano afécomo afémiena uíñote.

<sup>35</sup> Afe jáiruido, afe Samaria ímie ja jáizailla llezica, mena úcube uano afeco naama ibade. Ibajano daide: “Bie iráredimie ñue o uíñori. Bímiemo omo cue iga úcube baimo o dotáadi, uire meine cue bia omoi cue ibálleza,” daide.

<sup>36</sup> Mei íemona birui cuemo llone: Bie daámanidemonna çnímie ñue finoca bie merírifiredino fagámie aino come finófírena izói? —daide Jesús.

<sup>37</sup> Jira ocuica uai llófuefredimie daide:

—Mei afémiemo dúcaidimie fagámie aino cómena, —daide.

Iemona Jesús íena daide:

—Jaillano bímie fínua izói o finori, —daide.

*Jesús Marta María íanguai jofomo dúcide*

<sup>38</sup> Jesús iodo jaillano duera jófueo dúcide. Afénomo ite Marta daínango ie jofomo Jesuna caimare llínote.

<sup>39</sup> Marta ebuño María Jesús anamo ráizaibite ie daínana ñue cáaillena.

<sup>40</sup> Mei íadi Marta diga jetáacaganaimo comeci lícibite. Iemona Jesumo billano daide:

—Ocuiraima, cue ebuño nana táijina cuemo fiénocade, çaferi comécíñedio? Cue dine ore, afengo cue cánuaiñilleza, —daide.

<sup>41</sup> Mei jáífodo Jesús afengo uai ote:

—Marta, iere o jetáacaga raamo o comeci lícítaitio. Afe tájinamo iere duere zefuídio.

<sup>42</sup> Mei íadi daa jítárede raana nai omo íñede. Ie mei María afe baimo ñuera raa jae nizede. Afengo nizeda oga raa bu báiroñeite, —daide.

## 11

*Juzíñamuimo cai úrifíreillena Jesús llote*

*(Mt 6.9-15; 7.7-11)*

<sup>1</sup> Afe mei jáiruido Jesús bai táinomo Juzíñamuimo úrite. Juzíñamuimo ie úrilla llícaillamona ie llófuegamacimona dáamie daide:

—Nauí Juan ie llófuegamacimo ie llua izói, Juzíñamuimo cai úrillena cai llofue, —daide.

<sup>2</sup> Jira Jesús íaioina daide:

—Juzíñamuimo omoi úria bie izói daíri:

Cai Moo Juzíñamui, monamo itio; o mámeçido ñúefue nitácaza.

O illáimana illirui raire bíteza.

Dinomo monamo o comeci jítáillafue íaioi fínua izói, afe izói bie éniemo finótaibiteza.

<sup>3</sup> Cai nágarui jitailla güllenai, birui caimo fecari.

<sup>4</sup> Cai finoca fiénidifue iba caimo oñeno iri, mei afe izói jáímaci fiení caimo finódiaioi íadi, afémacimo ibana oñédicai.

Faifueo cai báíñellena caina uíñori.

Iemo afe llezica nana fiénidifuaímona caina jíllotari.

<sup>5</sup> Iemo nane Jesús daide:

—Bie fia cue daiille ráfueo omoi comécíiri. Omoimona dáamie ie onógamie ite. Afe o onógamie dáaferui o jofomo jaillano ona daide: “Daámani páaniai fia cuemo feca,

<sup>6</sup> mei cue onógamie ailli cue jofomo dúcidez. Mei íadi afémie cue ecállena íñede,” daide.

<sup>7</sup> Ie jira nibai jofona bie izói uai óredio. “Cue úrue diga inídícuéza, cuena áfedeñoeno iri. Naze íbáicaza, o jicaca raa omo fecállena jino bínidícué.”

<sup>8</sup> Mei íadi ómoina dáitucue, afe jícaibitímie o nabaina jira fécaifeitio, mei íadi afémie are ona áfedeñeillena nana ie jitaica ráaniaina jeruíño fécaitio.

<sup>9</sup> Afe jira ómoina dáitucue: Juziñamuimo jícarí, afémie fécaiteza. Jenorí, báitioza. Nazémona jíiriri, íemona afémie tuizábiteza.

<sup>10</sup> Mei uáfueza, jícadímie jaca llínote; jenódímie jaca baite; nazémona uáidotímie naze tuiñoa.

<sup>11</sup> Omoimona úrueredímie ie jító güllena jícaadi ¿meita nofícina iga? Jaca íniga. Daje izóí chamu jícaadi, ¿meita jaiona iga? Iniga.

<sup>12</sup> Temo jíái jígi jícaadi ¿meita acáidona iga? Iniga.

<sup>13</sup> Mei fiénidiomoi íadi, ñuera ráaniaina omoi úruiaimo fécajana onódiomoi. Mei íadi afe baimo monamo ite omoi Moo afémie Ñuera Joréñoa jícaitinomo fécaite, —daide.

*Fiénide jóriai ríino Jesumo illa afémiemo jítdaiaoi*

*(Mt 12.22-30; Mr 3.20-27)*

<sup>14</sup> Afe mei Jesús uáinidímie ite fiénide jóriai jino orede. Afe jáillamona afe uáinidímie ja ñue úrite. Aferi comíni caimare fáigacaidiaoi.

<sup>15</sup> Mei íadi dáarie daidiaoi:

—Bímie Beelzebú daína fiénide jóriai illaíma ríinodo, afe fiénide jóriaina jino orede, —daidiaoi.

<sup>16</sup> Jáímaci ie facátallena, “Monámoma uai dáinamona comuide ciórainina raa fino,” daidiaoi.

<sup>17</sup> Mei íadi Jesús afémaci comeci úrillana onóillano daide:

—Ninó daje náiraina ite comíni bozietailano conima diga fuíríadi, afe nairai niné táinocaitie. Daje izóí daaco ero comíni bozietáia, afémaci daje izóí are íño niné táinocaitiaoi.

<sup>18</sup> Afe izóí, mei Satanás dama íemo jaináidinona, dani abina uáitaiadi, ¿mei ñue izóí ie ócuífírena ríino are ite? Bie ómoimo llóitucue, mei cuena “Fiénide jóriaina Beelzebú ríinodo jino orédo,” daidiomoiza.

<sup>19</sup> Mei íadi daítadena, jíaiuaina ómoimo jícanoticue, Omoído jáidinomo ite fiénide jóriai orelle ríino, ¿bu mei fecaca? Ie jira dani afémaci ñue onóño taino omoi llua jino ciótatiaoi.

<sup>20</sup> Mei jáífodo uáfueza, Juziñamui ríinodo fiénide jóriaina jino oréfíredicue. Iemo bifue bie izóí ómoina dáiacade: Juziñamui illáimana illirui ja ómoimo dúcide.

<sup>21</sup> Mei daa mairide cómemo ie ñue fuírira raa ia, ie jofona ñue úiñoífírede. Afedo ie uíñuamona buna ie raana bairónide.

<sup>22</sup> Mei afémie baimo ríiredímie bíadi, nibai íena anáfenoite. Anáfenuano ie ínoga abi ríidua raana báiroite. Afe mei afe báiruaititímie nana íemo ite ráaniaina úite.

<sup>23</sup> Cuena ruífruitímie cuena uáitate. Daje izóí cue diga dájena tájíñedímie, cue ráaie oni jutádimie izoide, mei afémie jíámaci cuemo ínotañedeza, —daide Jesús.

*Jino oreca fiénide jóriai meine dáamiemo bite*

*(Mt 12.43-45)*

<sup>24</sup> Jesús nai llícaíño úrite:

—Fiénide jóriai cómemona jino jáiadi, táiziciaido ie uái illino jenócana uite. Ie uái illino baíñenamona bie izóí comeci facade. “Meine abido cue billa cómemo jáitucue,” daide.

<sup>25</sup> Afe jóriai meine afe cómemo bítemo, ñue rafoda finócaco izóí baizábite.

<sup>26</sup> Temona afémie baimo siete diga jamánomo fiénide jóriai uájide. Afémaci nana afe cómemo jofo jaillano itíiaoi. Afemona afe come nauí ie fiénina baimo biruí jamánomo fiénide, —daide.

*Uáfueña íóbidino*

<sup>27</sup> Mei Jesús nai bífuiaido úrioina llezica, comínimona daa ringo ficire Jesudo úrite:

—O jocódingo ñí caimare érocaillangona. Daje izóí o comuítatingo ñí caimare íóbillangona, —daide.

<sup>28</sup> Mei jira Jesús jáífodo daide:

—Juziñamui llógamo cacáfíredino, daje izóí áfena ñue ínotino o daínango baimo jamánomo caimare itíiaoi, —daide.

*Fiénide comíni ciórainina raa íñóllena Jesumo jícadiaoi*

*(Mt 12.38-42; Mr 8.12)*

<sup>29</sup> Comíni Jesús onífenedo ofidiaoi. Jesús íaioina daide:

—Biruímo ite comíni íere fiénidino. Afémaci ciórainina raana íñóllena jícfírediaoi, mei íadi nauí Juziñamui uai llóraíma Jonás onótagafue baimo jáífuena llóñeilliaoi.

<sup>30</sup> Mei Nínive jófuego ite comínimo Jonás Juziñamui orécamierna áioi onóillena afémie jóonega raa izóidimie. Afémie illa izóí, biruillaido ite comínimo Nanoide hima Jitó Cristo afe bie comini onóillena jóonellimiena ite.

<sup>31</sup> Iirairuimo bigímaiaí izire jicánolle llezica sur dibénemo jica ite nairai illaingo bigímaiaímo fiénidifuiái nítaite. Mei afengo jica énie fuédamona Salomón comeci onóigafuego cacáreizaibiteza. Mei íadi birui benomo Salomón baimo baitádimie illa.

<sup>32</sup> Daje izóí bigímaiaímo íirairuimo izire jicánolle llezica, Nínivemo ite comini bimácimo fiénidifuiái nítaite. Mei Nínivemo ite comini Jonás Juziñamui uai íaioimo llua llezica, íaioi comeci íitífueña méidotiaioi. Mei íadi birui benomo Jonás baimo jamánomoidimie ite.

*Cai illafue ñue egáñnote raa  
(Mt 5.15; 6.22-23)*

<sup>33</sup> Uneca mechera bu báinino jóoneñede. Daje izóí cajón anamo buna mechera retáidoñena. Mei jáíifodo uneda caífo jica rainaca, jofo eromo jáitino ñue cíoilena.

<sup>34</sup> Ñúefuego o comécilla omo ñue egáñnote raa izoide. Jira mechera egáioinamona o uído cíonana o íobitaja izóí, afe izóí ñúefuiái o jítaigana o comeci ífueña caimare itátaite. Iemona ñúefuego o comécillado nana o illafue jaícina ñue joide. Mei íadi ñúefuego o comécíñeniadi, jíitífodo mácaja izóí itio; nana o comeci ífue zuure íteza.

<sup>35</sup> Mei jira omo ite mechera egáioina izoide raa, dúide izóí meídoñellena ñue rairuiri.

<sup>36</sup> Mei nágarui ñúefuiái mo féitañeno o comécia, mechera egáññuamo uáfori cíoina izóí, nana o illáfueña ñue uáfodo cíoitio, —dínori Jesús úrite.

*Fariséuai daje izóí ocuica uai llófuetinori imaci fiénidifue Jesús jino llote  
(Mt 23.1-36; Mr 12.38-40; Lc 20.45-47)*

<sup>37</sup> Jesús ie úrilla llícaillamona daa fariseo ímie ie diga güizájillena Jesumo llote. Jesús jofo jaillano güiránomo ráinazaide.

<sup>38</sup> Afémie afémaci fínofirena izóí finóñede, mei afémie íaifue múñña joreño onoi jócua, finóñeno güíteza. Aferi afe Jesús uítímie fáigacaide.

<sup>39</sup> Mei íadi Ocuíraima Jesús íena daide:

—Omoi fariséuai jírráco naa plato diga jócua izóí jinófene ñue jocódiomoi, mei íadi jofo erófenena jocóñediomoi. Afe izóí nana omoi jinófenena ñue rairuúdiomoi, mei íadi jofo comeci dímena, merírillado omoi oga raa ite; daje izóí fienu omoi illado omoi oga raa ite.

<sup>40</sup> ¡Comécina úriñedinodiomoi! ¿Onóñediomoiza comini jinófene finódimie, íemo íaioi ero díne comeci finódimie dáamie?

<sup>41</sup> Ñúefuiái comécido omoi onónamona ómoimo ite raana jeruíñeno dúeredinomo fia fecari. Afemona nana ráaniai ja ómoimo íainino ítiaioi.

<sup>42</sup> Fariséuai, ¡ñii omoi dúeren! Omoi riga ráamona diez dígademonaa daa Juziñamuimo dúide raana afémiemo ñue fecáfirediomoi. Omoimo ite “menta” daína raróciomona afémiemo fecáfirediomoi. Daje izóí “ruda” daína raróciomona daa fecáfirediomoi. Iemo jáíi omoi poródocoduaimona due Juziñamui íena mámeñediomoi. Mei íadi comécina jaícina jóidífuego naa Juziñamuina izíruillana náfueñediomoi. Aquie izóí írediomoi. Afe llezica omoi jáíie finócaigafueña féitañeno finori.

<sup>43</sup> Fariséuai, ¡ñii omoi dúeren! Juziñamui uai lloraco eromo jamánomo ñue ráiiraniaina jicáfirediomoi. Daje izóí jofue cigido macáraodo omoi jáia, comini jacírede illaima uáidua izóí omoi íaioi uáidollena íere gáidíomoi.

<sup>44</sup> Ocuica uai llófueñediomoi naa fariséuairi, ¡ñii omoi dúeren! Jínofene díne ñue cíoina mei jofona comeci díne ráataitíomoi. Cíóñena énie anamo tíidino ráigano izóidíomoi. Comini afe acónido ónonino macádiaioi.

<sup>45</sup> Iemona ocuica uai llófueñediomona dáamie afe uai ote:

—Llófueraima, jadíe izóí o daína nane caina rícaitate, —daide.

<sup>46</sup> Jira Jesús daide:

—Ocuica uai llófuetino, daje izóí ¡ñii jamánomo omoi dúeren! Mei ocuínide méere de raa izoide jáímamo jaca llonódacañediomoiza. Aféfuiaína buna ocuínide. Afe omoi ríre ocuicanona canóñidíomoi.

<sup>47</sup> ¡ñii omoi dúeren! Mei jáiaí omoi nánoragima faga Juziñamui uai llóraini raiafo izoide tíidímie jóoniacona ébirerie finódiomoiza.

<sup>48</sup> Daíi omoi ínuado jáiaí afémaci finócafuena jíeruitíomoi. Mei afémaci afe uai llóraini titádiaioi, íemo birui afémaci raiafo izoide jóoniacona meine abido nitátatiomoi.

<sup>49</sup> Ie jira Juziñamui nana ráfuiai onóllano, bie izói daide: “Afémacimo cue uai llórainina óreiticue. Daje izói jiáie cue nizécano íaioimo óreiticue. Afémacimona dáarie titaitiaioi. Jiáimacina duere finóllena rácaitiaioi,” daide.

<sup>50</sup> Mei uáfueza, birui itínomo, nana jaiai faga uai llóraini ibana óite. Uafue, énie finuamona biruimo nana tíidino ibana óite.

<sup>51</sup> Faga Abel igímamona Zacarías tillaruimo ibana óite. Afe Zacaríasna Juziñamui gairíraco eromo ite altar áinori fatíaioi. Jira ómoína dáititue, biruimo itínomo Juziñamui afe titácana ibana óite.

<sup>52</sup> Ocuica uai llófuetino, ¡nii omoi dúerena! Mei nauí Juziñamui ómoimo fecaca ie ñue báitaja uai ie illáimana illánomo jofo omoi jáillena, áfena ñue náfueñediomoiza. Iemo afe llezica onoiacadinomona áfena rairuídiomoiza, —dinori Jesús úrite.

<sup>53</sup> Jesús bie izói íaioína daina llezica, ocuica uai llófuetino naa fariséuairi afémiemo jamánomo ríicaidiaioi. Iemona diga jicánoiacaga uáillaido afémiena áfedodiaioi.

<sup>54</sup> Irebai izóidena afémie óllena jifánodoidiaioi. Daií finódiaioi, ie daina uáillaido fiénidifuiái afémiemo nitállena.

## 12

### *Comécina íáirena mei jinófenena ñue cóidino Jesús lletade*

<sup>1</sup> Afe dáaruido diga náiraiai dáanomo iere gairírdiaioi. Gairíllamona conímaiaína zaizídiaioi. Iemo Jesús ie llófuegamacina nano fueñe daide:

—Fariséuaimona diga comini comécina íáirena mei abina ñue cóidino ite. Afémaci daií illamona abí omoi rairuíri, mei afe íaioimo ite íaifue pan fáitara “levadura” izóideza. Due jiza jóonega ia, nana afe erona maiñode.

<sup>2</sup> Nana báníno daina uai jino uáfodo cóizite. Daje izói nana báníno retáidoga raa uáfomo báifite.

<sup>3</sup> Mei íemona, nana jítifomo omoi báníno úrilla uallai jino úzefomo cacaille. Daje izói jofo eromo báníno omoi daina uai comini dáanomo uáidota afémaci cacáicana ficire llole.

*¿Ñue cómena jacíruiredica?*

*(Mt 10.28-31)*

<sup>4</sup> Omoi cue nabáíñiaidomoi, jira bie izói ómoína dáititue. Fia abí íeizi titáfiredo comínina jacíruíñeno iri. Afe mei afémaci ómoimo íaioi finolle jiáfueña íñede.

<sup>5</sup> Mei jiáfodo omoi jacíruíllimie llóititue. Abí íeizi titaja méifomo boode jóraimo comeci dotáfiredimiena omoi jacíruíri.

<sup>6</sup> Onódiomoiza, cinco diga ófocuíño mena úcubetunido íbárede. Mei íadi afémacimona Juziñamui dáamiena féitañede.

<sup>7</sup> Iemo jiái ómoimo ite ífótirai illa dígatirai facádoga. Daiítadeza jacíruíñeno iri. Mei omoi, aillo ófocuízai baímo ráifidiomoiza.

*Comini eróicana Jesuna jíeruitino*

*(Mt 10.32-33; 12.32; 10.19-20)*

<sup>8</sup> Ómoína dáititue: Nanoide íma Jitódicueza, comini eróicana nana cuena jíeruitinona afe izói Juziñamui abí imaci eróicana jíeruititue.

<sup>9</sup> Iemo daje izói comini eróicana cuena jáanoitnona, afe izói Juziñamui abí imaci eróicana jáanoititue.

<sup>10</sup> Iemo nane jiáfue, ninó daa come Nanoide íma Jitona íaire dáia, afémie daina íaifue dórede. Mei íadi ninó dáamie Ñuera Joreñona íaire dáia, afe jaca dónide.

<sup>11</sup> Iemo ninó jáíruido Juziñamui uai llorácomo afémaci omoi úadi áfemo comeci líicitaiñeno iri. Daje izói izire jicánofredinomo, naa ocuídillaini diga, afémacimo omoi íaioi uia, omoi daiácana uaimo comeci líicitaiñeno iri.

<sup>12</sup> Mei omoi úriacanamo dúcille llezica, Juziñamui Ñuera Joreño omoi daiíllifueña ómoimo llóiteza, —daide.

*Comini ráarena jacírede*

<sup>13</sup> Comínimona dáamie Jesuna daide:

—Llófueraíma, cócomo fiévide feci ráamona, cuemo dúina dieze cue ama cuemo ílleza, o lloiri, —daide.

<sup>14</sup> Jira Jesús afémiena daide:

—Ebe, omoi cígimo izire jicánofreitimiéna, daje izói fécafíreitimiéna ¿bu cue jóonia? Jóoneñegacue, —daide.

<sup>15</sup> Jesús nane dáanomo daide:

—Nana úradoillafuiai mona caade come izói, abí omoi rairuiri. Mei come ñue illafue, aillo ráarenamona óñega.

<sup>16</sup> Afe mei bie jino onótate raafue llote:

—Nauí iere ráaredimie ite. Afémie jacáfaiai iere áillamona jofo olle llízíe iere ite.

<sup>17</sup> Afemona iere ráaredimie comeci facade: “¿Mei ñíe izói íitíe? Afe áillue llízíe éenollino íñede.”

<sup>18</sup> Nane dáanomo comeci facade: “Cue finóllemo ja uíbicaidíe. Cuemo ite éenoracuí júdaiano jamánomo áillocuaina nitátaitíe. Afécuaímo nana jofo cue olle llíziena éenoitíe. Daje izói nana cuemo ite raana afécuaímo jóneitíe.

<sup>19</sup> Afe mei dama cue abina dáitíe, ‘Ja aillo raa jofo ofítatíe; áfedo díga fimona cáaitíe. Nágaruí táijíñeno fia güitíe. Iemona fia uái íitíe. Aillo vino júruano, áferi caimare ífíreitíe,’ ” daide.

<sup>20</sup> Mei íadi Juzíñamuí íena daide: “Comécina onóñedimíedio. Fui naio títio. Afe mei o ofítaga ráaniai ¿bu náamatalle?” daide.

<sup>21</sup> Mei dama íe abí íena aillo raana ofítaitimie daí íteza, mei daí afémie ofítaja llezica, Juzíñamuí jítainamo comécíñede. Comécíñeno, afémie Juzíñamuí eróicana iere dúeredimiena jaide, —Jesús daide.

*Juzíñamuí íe úruaiña ñue rairuíe*

*(Mt 6.25-34)*

<sup>22</sup> Afe méifomo Jesús íe llófuegamacina daide:

—Jira ómoína dáitíe, omoi güíacaga güíllemo comeci omoi lícítaiñeno iri. Daje izói omoi jítáacaga ínícuiromo comeci lícítaiñeno iri.

<sup>23</sup> Cai ñue illafue cai güille baimo ráífide. Iemo jíai cai abí cai ínícuiro baimo ráífide.

<sup>24</sup> Mai “cuervo” daína cháafona eróidemo comécíri. Afémaci jaca riñédiaoi; daje izói llizillaniai jofo onédiaoi. Daje izói afémaci güille éenoraco íñede, naa íaioi ofítaranori. Mei íadi Juzíñamuí afémacina ecade. Íe mei omoi afe ófocuzaí baimo jamánomo ráífidiomoi.

<sup>25</sup> Omoimona, comeci iere líciamona, ¿mei bu íe zairilla dínorí baimo medíio metro zairírena?

<sup>26</sup> Mei duera raana finónidiomoi ía, ¿nibái mei jíaié raa finuamo íere comécíidiomoi?

<sup>27</sup> Raroci záfia zerillamo omoi comécíri. Afémaci táijíñediaoi; daje izói raana niñédiaoi. Mei íadi jíáfodo ómoína dáitíe, jaiái illaíma Salomón ñue cíoi de raana jamánomo ráarede íadi, bie záfia ebírena izói, ebírediroína jítáñede.

<sup>28</sup> Mei Juzíñamuí daí raroci ebire cíotaiadi, afémie jeruíñeno ómoína íniróina jítate, jabo ínnotinodiomoi íadi.

<sup>29</sup> Afe jira benómona o güíacaga raa, o jirolle díga zuure jenóñeno iri; daa áfemo comeci lícítaiñeno iri.

<sup>30</sup> Mei bínie comíni daa afe izóidemo járitaidiaoi. Mei íadi omoi Móorediomoi. Afe omoi Moo Juzíñamuí nana afe ráaniaína omoi jítáillana onódeza.

<sup>31</sup> Iemona Juzíñamuí illáimana illáruimo dúide raamo raire áfemo omoi comécíoi. Iemo afémie nana bie raana ómoímo fécaiteza.

*Monamo cai jirídollena ofítaredicai*

*(Mt 6.19-21)*

<sup>32</sup> Cue izírui ga ovejai izóidiomoi za, jacíruiñeno iri. Dúemacíidiomoi íadi, o Moo íe illáimana illano ómoíena maméacade.

<sup>33</sup> Omoímo íte raa fecari. Fécajano raana jítáidinomo íne. Daí omoi finóadi, Moo Juzíñamuí comeci jítainana fínóitíomoi. Iemona monamo íe illánomo ñuefuiái ofítaitíomoi. Daje izói jaca ninomo fúíñeite ñuefuiái ómoíena monamo ómoímo íte. Afénomo merírífiredimie jaca jáinide. Daje izói afénomo ícuaí güíñeite.

<sup>34</sup> Mei uáfueza, omoi ofítaga raa illánomo, afénomo jíai o comeci íte.

*Nágaruí ñue fínóbiredicai*

<sup>35</sup> Benómona jaca nágaruí ñue omoi fínóbíreiri. Nauíllamona comíni mechera unéfírena izói, abí omoi rairuiri.

<sup>36</sup> Jofo naama ocuífíregano, áirena ráfueмона meine íe dúciacana uícomo íaioi afémiemo ocúrina izói, afe izói cue bíllíruimo omoi ocúri. Afémaci ñue ocúridiaoi, afe jofo naama nazémona uáidoia raire íemo túínuai bíllena.

<sup>37</sup> Afe izoide ocuífíregano jaca ínñeno íaioi naama bíllemo ñue ocúridiaoi. Daí íaioi illa afémie cíozabilla llezica, afémaci ja ñue íaioi fínóbillari íóbicaidiaoi. Uáfueña ómoína dáitíe: Afe íaioi naama afémacina güíránomo ráinaite. Raína mei dama afémie íaioi güíllena bai ráiziite.

<sup>38</sup> Mei nibai dáaferui llezica afémie dúciadi, nibai monáiacademo afémie dúcia, afémaci uícomo iníñeno ocuúridiaioi. Iemona afémaci ióbicaítiaioi.

<sup>39</sup> Iemo jáífue dibénedo bie izói omoi onoiri: jofu naama merírizaibitímie bille monana onóia, afémie iníñeno ocuúrite. Iemona jofu naama merírizaibitínona ie jofona tuññotañeite, ie raa íaioi méríñeilla.

<sup>40</sup> Afe izói ñue omoi mamériri, mei Nanoide ñima Jitó comini comécíñeilliruimo ónonino dáizaibite, —daide Jesús.

*Raire íñofírede ocuúfíregamie, íemo jáí íñofínide ocuúfíregamie  
(Mt 24.45-51)*

<sup>41</sup> Mei jira Pedro Jesumo jicánote:

—Ocuúraima, bífuena, ¿ñie comínimo llotio? ¿Dani caimo, nibai nana comini íena llotio? —daide.

<sup>42</sup> Jira Ocuúraima daide:

—Mei daa jofu naama ie ocuúfírega jabóidillaíma eneno mamede. Jofu naama jica jáiacana uícomo, ie jofu ero raana afe jabóidillaímamo llonódacaide. Afe llezica nana jofu ero táijidino ecállena afémiemo jóonenocaidé. Daí jóonega jabóidillaíma jaca nágarui ñue íñofíregamiéna írede. Daje izói afémie ñue onódimiéna írede.

<sup>43</sup> Afe izóidímie nana íemo llonódacaiga raa nágarui ñue finóírede. Ie jira jofu naama meine bille llezica, daí ie íllana cóiozaibite. Iemona afe jabóidillaíma íere cáimacaite, mei nana ie ocuica raana ñue ícoimo fuitádeza.

<sup>44</sup> Uáfúena ómoína daidícue, jofu naama afe íñofírega ocuúfíregamiémo nana íemo ite raa, llonódacaite.

<sup>45</sup> Mei jáífodo, afe jabóidillaíma jofu naama are bíñeite daínano, jáíe jofu eromo táijidínona duere finóadi, afe jabóidillaíma íere cacáfinidímieña jaide. Mei afe llezica afémie jofu ero táijitatingo fiéni finódeza. Iemo aillo güíteza, aillo jiródeza. Júrua mei jífáíteza.

<sup>46</sup> Daí íe ílla llezica, afémie due jiza comécíñeitemo jofu naama dénuaibite. Onóñeilliruimo dúciite. Dúciillano afe jabóidillaímama jofu naama jamánomo duere fínoite. Nana jáíe íñofínidino duere zefuilla izói, afémie íena duere finótaite.

<sup>47</sup> Ninó daa ocuúfíregamie íe naama comeci jitaílla táijnana onode íadi, áfemo jaca ñue finóbiñede, daje izói áfemo cacáreacañede, afe ocuúfíregamie duere finoda íere izi cácatalle.

<sup>48</sup> Mei jáíe ocuúfíregamie íe naama jitaíllana onóñede íadi, dama fiéni ía, afémie jabo izi cácatalle. Bie jáíe uaimo omoi cácarei. Aillo igámieмона aillo jícaítiaioi. Daje izói ñue íñogamiémo diga ñúefue jóonefírediaioi. Ie jira afe aillo jóonefíregamiémona aillo ócutiaioi.

*Comini énenorie ráinuaibitícue  
(Mt 10.34-36)*

<sup>49</sup> Cue bie éniemo irai izói bónuaiibitícue. Aferai raire bóollena íere oíacadícue.

<sup>50</sup> Ja bautismo izoide, izi cácanafuedo facátallícue. Afénomo nai dúciñedemo raire uícomo aferui dúciñenari duere zéfufíredícue.

<sup>51</sup> Nibai bíniemo caimare dájena uái íllífué atídio, cuéna daidíomoi? Omóina daíitícue, afe izói bíñédícueza; comini énenorie ráinuaibitícue.

<sup>52</sup> Mei benómona dáacomó ite cinco dígadímie cue ícoína eneno ráidoizítiaioi. Afémacimona daámami cuémo íñoítiaioi; íemo jadíe enéfenemo ménade íñoñedímaci ráidoizíllanona conima diga fúiritiaioi.

<sup>53</sup> Cuémo ínuamona da jító íe moo dínená ruíffruille. Daje izói jító íe moo cuémo ínúa jira dájena uái íñeno íena ruíffruillano éoite. Iemo jáí, ei jiza cuémo ínuamona ei dínená ruíffruille. Dájena uái íñeítiainguaí. Daje izói jífaiño cuémo ínúa jira mío dínená ruíffruille. Afe íbana mío íe jífaiño diga dájena uái íñeítiainguaí, —daide Jesús.

*Íraírúillai dúciacana onótaite raa  
(Mt 16.1-4; Mr 8.11-13)*

<sup>54</sup> Afe mei nane comínina Jesús daide:

—Fuirína nairíadi “noci bíte” daidíomoi. Afe mei ua bíide.

<sup>55</sup> Daje izói ñue mona monáíllado “fímona baizájilla” daidíomoi. Iemona jaca fímónana jaide.

<sup>56</sup> ¡Omoi comécina íáirena mei abina ñue códinodíomoi! Noci bíllana onódiomoi, íemo fímona baizájillana onódiomoi, mei íadi biruí omoi cígímo cue finoca onótaitífuaiéna onóñedíomoi.

*O diga ícírítímie raire manánaitari  
(Mt 5.25-26)*



<sup>57</sup> ¿Nibái mei começi jaïcina jóina izói, daní conímamo jicánoñediomoi?

<sup>58</sup> Daa come o llogidoiacania, ríimacimo ómicoi úrizaiilla llezica, nai ómicoi dúciñena llezica io anamo afefue ñue o záitari, riire jicánoraimamo o ie izájíñeilla. Izire jicánoraimamo o ie izájíadi, afe izire jicánoraima fiénidino llaitáfiredinomo o izájíte. Iemo afémaci ona llavéracomo íbaitiaioi.

<sup>59</sup> Uafue ona dáititue o llavétatimie jicaca úcube ie jícaya dieze o íbáiñenia afécomona jaca jino bíñeitio, —Jesús dinori daide.

## 13

*Cai começi ifue iere raire méidoredicai*

<sup>1</sup> Aféruillaído comínimona dáarie Jesumo Pilato jiáimaci fieni faaja lluáibitiaioi. Naui Galilea imácimona dáarie Juziñamui ióbillena faga rille fécajilla llezica, Pilato afémacina fate. Fáajano íaioi die íaioi fecaca rille die diga Pilato tamede. Daí ie fínuana jñi íaire cíoina!

<sup>2</sup> Jira Jesús daide:

—Omoi bie Galilea comínimo ¿ñie izói coméçidiomoi? ¿Meita afémaci jiáie Galilea comini baimo fiénidino, jira afémaci raamo jíridiaioi?

<sup>3</sup> Afe izóiñede, ómoína dáititue. Mei jira omoi começi ifue omoi méidoñenia, nana daje izói niné táinocaitiomoi.

<sup>4</sup> Iemo jiáifuemo omoi coméçiri. Naui Jerusalemo iere caifo jica caifóidico ite. Afe iere caifóidico, Siloéna mámecirede. Afeco díllamona dieciocho diga comini jíitafidiaioi. ¿Meita afémaci Jerusalemo ite jiáimaci baimo fiénidino? ¿Meita jira daí zefuidiaioi?

<sup>5</sup> Omoína daidíceza, afe izóiñede. Mei jira omoi começi ifue omoi méidoñenia nana omoi niné táinocaitiomoi, —daide.

*Higuera daina lliziñede amena rafue*

<sup>6</sup> Afe mei Jesús bie jiáie íaioi onóigafue afémacimo llote:

—Da come higuera daina amena ie jacáfaimo rite. Afe mei afena lliziadi daí eróizaide. Eróizaidemo jaca lliziñede.

<sup>7</sup> Ie jira afémie jacafai uíñotimiena daide: “Ero, daámami fimona bie amena lliziadi daí eróizaibifiredicue mo jaca lliziñede. Lliziñedeza, mai o tieri. Fia cue jacafai llótaidoteza.”

<sup>8</sup> Jira afe jacafai uíñotimie uai ote: “Naama, bie fimónamo mai nai cai tieñeilli. Afe amena moi ñue fínuano júnaiticue.

<sup>9</sup> Nibai áfemona llíziteza. Mei íadi áfemona lliziñenia tielle,” —daide.

*Jesús ocózinailaruimo abina ana jíicaidingona jllotata*

<sup>10</sup> Jiáie ocózinailaruimo Jesús Juziñamui uai llorácomo llófuete.

<sup>11</sup> Afe llezica afénomo dieciocho fimónamo abina ana jíicailari iráredingo illa. Naui fiénide jóriai aféngona daí fínoca. Afengo caifo jaïcina jaca náidacainide.

<sup>12</sup> Jesús aféngona cíoilano ie jíirite. Daide:

—Ringo, o irárenamona ja jíilloitio, —daide.

<sup>13</sup> Daí dainano Jesús ie onoi aféngomo bitade. Bitá llezica afengo ñue jaïcina náidacaide. Afe dáaruído afengo ñúefue Juziñamui llote.

<sup>14</sup> Mei íadi áferi Juziñamui uai lloraco illaima ríicaide, ocózinailaruimo Jesús afengo jíllotaja jira. Afémie comínina daide:

—Seis diga mona tájiredicai, aféruillaído omoi jíilloilla bírediomoi. Mei íadi ocózinailaruimo omoi abina jíllotaibiñeno iri, —daide.

<sup>15</sup> Jira Jesús ie uai ote:

—Comécina íairena mei abina ñue cíoidinodiomoi. Omoi cuinaca burro, íemo juráreto ocózinailaruído ¿meita jainoi ie jíruailla zuitáñediomoi? ¿Zuitáfirediomoi!

<sup>16</sup> Afe izói bie Abrahámona comuídingo ie irárenamona ¿meita ocózinailaruimo zuitánidicue? Mei aféngona Taife dieciocho diga fimona ja cuinaca izói duere finódeza, —daide.

<sup>17</sup> Jesús daí daina cacáillano, ie éoidino méaicaidiaioi. Mei íadi nana comini afe Jesús finoca áillue ñúefuairi ióbidiaioi.

*Mostaza daina raroci jéenide iji rafue*

(Mt 13.31-32; Mr 4.30-32)

<sup>18</sup> Iemona Jesús daide:

—Juziñamui illáimana illáruina omoi ónoilla ¿mei ñie izói jino cíotaiticue? ¿Ñie izói afénona mámeiticue?

<sup>19</sup> Afe illarui mostaza daina raroci jéenide íjiai izoide. Daa come aféjiaina ie jacáfaimo rite. Afe jéenide íjiai ríllamona afe jéejinide zícua caifo amena dinori aillo zairide. Afe ícairuaimo feede ófocuizai jíllaina nitíaiói.

*Levadura rafue*  
(Mt 13.33)

<sup>20</sup> Nane Jesús daide:

—¿Níie izói Juzíñamui illáimana illáruina mámeiticue?

<sup>21</sup> Afe illáruina “levadura” daina pan aillo fáitate rai izoide. Daa ringo daámani julleco harínana oruítajano áfemo due jiza fáitarana tamede. Iemona nana afe iféllana mulleda oni aillo móonaitade, —daide.

*Rillírede naze izoide rafue*  
(Mt 7.13-14, 21-23)

<sup>22</sup> Jesús Jerusalemo jailla llezica, áfemo ite jofue comínina llófuete, naa jéenidgobiamo.

<sup>23</sup> Afénomo dáamie Jesumo jicánote:

—Ocuíraima, ¿meita jíllaitino dúemaci, ero ua? —daide.

Jira Jesús afémie uai ote:

<sup>24</sup> —Juzíñamui illáimana illánomo jofu jáirao rillírede naze izoide. Afe rillírede naze izóidedo jofu omoi jáillena riire omoi mamériri. Mei ómoína dáititcúeza, aillo comíni afénomo jofu jáiacaitiaíói, mei íadi jáinitiaíoiza.

<sup>25</sup> Mei jofu naama náidacaillano naze íbaille mei, omoi ja jínófenemo fiébitiomoi. Afe llezica nazémoma jíjírítiomoi: “Ocuíraima, naze caimo tuiño” dáititiomoi. Afe llezica afémie jofona uai óite: “Omoi ninó comínidiomoiza, ómoína onóñedicue,” dáite.

<sup>26</sup> Temona omoi bie izói dáititiomoi: “Cai, o diga güiticaí, daje izói o diga jiródicaí. Cai jofue cigi iomo caina llófuefiredio,” dáititiomoi.

<sup>27</sup> Mei íadi nane afémie uai óite: “Jae ómoína daidicue, ninó comínidiomoiza ómoína onóñedicue. Omoi nana fiénidifue finófirediomoiza cúemona oni jaí,” dáite.

<sup>28</sup> Temona afénomo jino éenaitiomoi. Daje izói zúurenamona murimuriritiomoi. Mei Juzíñamui illáimana illánomo Abraham, íemo Isaac, íemo Jacob jofu jáillana cioitioimoiza, naa Juzíñamui uai jino llórainiri. Mei íadi afe llezica omoi ja jino dotállioimoiza.

<sup>29</sup> Mei uáfueza, nágafeniamona billano, diga ínotino Juzíñamui illáimana illánomo jofu jáillano güizáibitíaiói.

<sup>30</sup> Mei afe llezica dámierie óodaficaidino uícoficaitiaíói. Daje izói dáarie uícoficaidino óodaficaitiaíói, —daide Jesús

*Jesús Jerusalén comíniri eede*  
(Mt 23.37-39)

<sup>31</sup> Aféruido fariséuaimona dámierie dúcúillano Jesuna daidíaíói:

—Herodes o fáiacadeza, benómona oni jairi, —daidíaíói.

<sup>32</sup> Jira Jesús uai ote:

—Mai afe iere abi ráiruide egai izoide Herodes omoi llujáiri: “Cacai. Bímonado íemo daje izói uire jiti, fiénide jóríaiaina jino óreiticue. Daje izói iráredinona jíllotaiticue. Iemo bai ie uire áfemo cue táijina fúitaiticúeza,” daíí omoi llujáiri.

<sup>33</sup> Mei íadi birui bie cue bíllaodo nai jáiredicue. Daje izói uire jiti nai jáiredicue, íemo bai ie uire nai jáiredicue. Mei Juzíñamui uai llórainadicúeza, Jerusalén jinomo oni jica tíinidicúeza, —daide.

<sup>34</sup> Iemo Jesús éecana daide: “Jerusalén comíni! ¡Níí íaiói dúerena! Juzíñamui uai llórainina fáfrediaíói. Daje izói Juzíñamui íaióimo oreca uai llujáitino nófiéna níjifrediaíói. ¡Diga ícaíño íaióina átava ie átavachingo íaico anamo bícua izói, íaióina cue anamo bícoadadicue! Mei íadi áfena jíéruíñediaíói.

<sup>35</sup> Ie jira omoi cacai, uire jáíruido omoi jofue zóofegacona mámeite. Omoína daidicue, afénomona are cuena cioñeitiomoi. Mei cuena “Juzíñamui mámeído bitímie caimare íóbidímie” omoi dáíñelle dinó cuena cioñeitiomoi, —dinori Jesús daide.

## 14

*Abi fáillari duere zefuídimie Jesús jíllotate*

<sup>1</sup> Ie mei jíáie ocózinaillarumo Jesús fariséuai illaima díne güizájide. Afe llezica jíáie fariséuai Jesumo janónaioicana eróidiaíói.

<sup>2</sup> Afénomo Jesús uíecori daa abina fáillari duere zefuídimie illa.

<sup>3</sup> Mei jira Jesús ocuica uai llófuefiredinomo jicánote naa fariséuairi.

—Ocózinaillaruido ¿meita iráredimie jíllotarede? ¿Níbai jíllotanide? —daide.

<sup>4</sup> Mei íadi afémaci uai ofeno tii daíí itíaiói. Iemona afe iráredimie bai uáidota jíllotate. Jíllotajano, “Mai o jairi,” daide.

<sup>5</sup> Afe mei Jesús fariséuaina daide:

—Omoimona bu ocózinaillaruiemo íemo ite burro, níbai juráreto, ífomo baía ¿meita raire naado óñega? ¡Ocózinaillarui íadi jaca raire caifo ófirediemo! —daide.

<sup>6</sup> Afemona afe uaina jaca óndiaíoi.

*Airena ráfueмо uáidoga comini*

<sup>7</sup> Afe güilláfueмо bite lloga comini illáicomini ráiira izóidino ráiillena izire jenódiaíoi. Nana uícofiacaiadaíoi. Jesús áfena cíoi llano bie izói íaiaina llófuete:

<sup>8</sup> —Ninó dáamie árenafueмо omoi uáidoia, illaima ráiiranomo ráiñeno iri. Mei o baimo jamánomoidimie níbai dúciuteza.

<sup>9</sup> Iemona omoi uáidote rafue naama omo lluáibite. “O ráiirano mai bímiemo feca,” ona daííte. Afemona íraie ráiiranomo meáire ráizaitio.

<sup>10</sup> Mei jíáfodo ninó dáamie irázillena o jíria, bai ícoimo ite ráiiranomo o ráiri. Afe mei o uáidote rafue naama billa llezica, afémie ona daííte: “Cue onóigamie, bai benó ñuera ráiiranomo bi,” daííte. Afe daíí nana güiránomo o diga ráiiedino eróicana afe rafue naama ñúefue omo jóoneiteza.

<sup>11</sup> Mei jira naga come dama ie abina jamánomoidena fínoitimie, jamáimiena óreite. Daje izói “Jiba cómedicue” daidimie, jamánomoidimiena jáitaita, —daide.

<sup>12</sup> Afe dáaruido, Jesús ie uáidotimiena daide:

—Güilla rafue o finoa o onóigamaci uáidoñeno iri, naa o ámatiaíri. Daje izói o comini uáidoñeno iri, naa o áinori ite ráanaitimaciri. Mei afe íbana ona uáidoitiaíoi. Afe daíí íbaja izói máíñoitio.

<sup>13</sup> Mei jíáfodo güilla rafue o finoa dúeredino uáidori naa aídáimaciri. Daje izói júbene ídainidino uáidori naa uina cíofnedinori.

<sup>14</sup> Afemona iere caimare íitioza. Mei afémaci afe íbana omo finóndiaíoi. Mei íadi tíide comécina jáicina jóidino nífuenidino meine abido cáailliruimo o íbaja ízoide raa máíñoitioza.

*Aillue güilla ráfuedo jíáfueña ñue cai onótaita*

<sup>15</sup> Afe güilla ráfueмо Jesús diga ráiiednomona bífueña cacáillano dáamie Jesuna daide:

—Juzíñamui illáimana illíruimo nabáiritimie caimare ite, —daide.

<sup>16</sup> Mei jira Jesús íena daide:

—Daa come áillue güilla rafue finode. Afe ráfueмо gairíllena aillo comini jíiritade.

<sup>17</sup> Ja rafue mámiaruiemo táijina ñue fuilla llezica, ie ocuífregamie ie uáidoganomo llujítate, bie izói daíillena: “Ja nana raa ñue finócaza, mai omoi biri.”

<sup>18</sup> Mei íadi afe llezica illa dígamie: “Iere cue jétalle íllaza, bínidicue,” daide. Nanóidimie daide: “Como cue íbaca cue jacafai meíñuacaiacáicueza; bínidicueza. Cuena ícíñeno iri,” daide.

<sup>19</sup> Iemo jíáimie daide: “Ja cinco diga juráreto naa íaiói nabai diga íbádicueza. Aféretuai fueñe fácaiacáicueza. Bínidicueza, cuena ícíñeno iri,” daide.

<sup>20</sup> Iemo nane jíáimie daide: “Como fueñe ringo otícueza, bínidicue. Eróíñeno iri.”

<sup>21</sup> Iemona afe ocuífregamie meine jofomo jaillano ie orédimiemo bie izói íaiói daízia llujáide. Aferi rafue naama iere rícaide. Afe jira ie ocuífregamiema daide: “Jofue cígimo ite áillue macáraodo naa duera iodo mai raire jai. Aféuaimona dúeredino naa aídáimaci diga bené atiri. Daje llezica júbene ídainidino naa uínidinori benomo atiri,” daide.

<sup>22</sup> Afe méifodo íanori íllamona afe ocuífregamie billano daide: “Cue naama, o ocuilla izói ja finódicueza. Mei íadi nai ñue oruíñede. Nai ráiíllinona ite,” daide.

<sup>23</sup> Iemona afe naama ocuífregamiema daide: “Mai jofue jinómona joidé íuaido, áillue iodo naa dúeodo o jairi. Aféuaimona cue jofu íaiói oruítaibilleza riire oreri.

<sup>24</sup> Mei uáfueña ómoina daííticue: Cue diga güizáibillena fueñe cue uáidogamona buna cue finoa güíllena güíñeitiaíoi,” daide.

*Crístodo cai jaille juárede*

<sup>25</sup> Aféruíllaiddo diga comini Jesudo jáidiaíoi. Afe llezica afémie meine gírecaillano íedo jáidinona daide:

<sup>26</sup> —Dáamie cuedo jáiacana llezica, ie móotiaina cue baimo izíruiadi cue llófuegamiema ínide. Daje izói dáamie ie aina, ie úruaiaina, ie ámatiaina, daje izói dama ie abina cue baimo izírui, afémie cuedo bínde.

<sup>27</sup> Daje izói dáamie cuedo jailla ícoinia ie tíilla izire oía afémie cue llófuegamiema ínide.

<sup>28</sup> Bífueмо comeци facari: ómoimona dáamie jofo níacana úcodo, fueñe comeци facade. Daií comeци facárede ie ofítaga raa ñue ñillana fuite dáinana onóillena.

<sup>29</sup> Dáamie daií comeци fácañenia, jofo jáillirai ie naidánia mei, figo ofíñena jira ñue fuitáñeno zoofeite. Iemona afe mei áfena cíoitino afémiena zánoitiaoí.

<sup>30</sup> “Bímie jofo níacade íadi fuitánide,” daíitiaoí.

<sup>31</sup> Daje izóí daa illaíma jóbairiacana úcodo fueñe comeци ñue facárede. “¿Meita cuemo ite diez mil fuíríraini, baie cai diga fuírízaibite veinte mil fuírírainina, ñibai anáfenoredicai? ¿Ñibai nai anáfenonidicai?” daíí comeци raire úcodo facárede.

<sup>32</sup> Afémie ñue comeци fácano: “Baie bitino anáfenonidicai” daííadi, afémie afe fuírízaibitino nai dúcíñena llezica, manánaillena llujáitinona óreite, icíríñeno dájena illifue jicánollena.

<sup>33</sup> Afe izóí ómoimona ninó dáamie nana íemo ite raana zóofeacañenia, cue llófuegamiena jáinide.

*Sal ie ríino íñenia jaca ráifíñede*  
(Mt 5.13; Mr 9.50)

<sup>34</sup> Sal jaca ñuera, mei íadi ie ríino íñenia jaca jáíae raamo jóonene.

<sup>35</sup> Jacafai éniemo jóonegana canóñede. Daje izóí riga raa junáillena fiénide. Jaca éenoñeno oni dotárede. Aquie izóídeza cacáacadino mai omoi cacai, —daide.

## 15

*Oveja oni féiraila rafue*  
(Mt 18.10-14)

<sup>1</sup> Afe mei nana gobierno ibátaga úcube lláinoraímaci naa fiénidifuiairedinori Jesús úrillamo cacárezai bitíiaoí.

<sup>2</sup> Iemona fariséuai naa ocuica uai llófuefiredino Jesús zanódiaoí; daidíiaoí:

—Bímie fiénidifuiairedinona caimare uáidota afémaciri güite, —daidíiaoí.

<sup>3</sup> Afemona Jesús bie onótatifue llote:

<sup>4</sup> —Omoimona dáamie cien diga ovéjaíai ia, afe ovéjaíaimona daa féiraiá, áfena riire jénoite. Mei uáfueza, afémiemo fiébide noventa y nueve ovéjaíai fiiano afe daa féiraitena afémie baillé dinó riire jénoite.

<sup>5</sup> Afe mei afe féiraitimie baillano caimare ie fecábemo bitano jofomo uite.

<sup>6</sup> Jofomo dúcillano ie onóigamacina naa ie aino comíniri dáanomo gairitajano íaioina daíte: “Ja féiraité oveja cue báigaza. Mai cue diga caimare omoi iri.”

<sup>7</sup> Mei jira ómoína daidicue: “Afe daje izóí daa fiénidifuiairedimie ie comeци ifue méiduári monamo itino jamánomo íobidiaoí. Mei íadi noventa y nueve diga comeци ifue méidonide Juzíñamuimona oni ñibéfedo jáíñedinori jofófemo íobidiaoí.

*Ucubetuni niné bailla rafue*

<sup>8</sup> Bie jáíae ñúefueмо omoi cacarei. Daa ringomo diez diga úcubetuni ite. Afemona dáatuni baiide. Afe jenóllena mechera unede. Afe llezica jofo ero rafode. Afe bie izóidedo afe úcubetuni jenócana uite ie baillé dinó.

<sup>9</sup> Afétuni ie báillamona ie onóigangotíai naa ie aino imáciri dáanomo íaioí gairitano íaioina daide: “Jae niné baiide úcubetuni ja cue báigaza, mai cue diga caimare omoi iri.”

<sup>10</sup> Nane ómoína daíticue: “Afe izóí fiénidifuiairedimie ie comeци ifue méiduári Juzíñamui abi imaci iere íobidiaoí,” —daidicue.

*Moo anámona oni botade jitó rafue*

<sup>11</sup> Jesús nane jáífue llote:

—Daa come mena jítórede.

<sup>12</sup> Afe íaillinoimona íraímie ie moona daide: “O fecalle ráamona cuemo duide díbene cuemo ine,” daide. Iemona afe íaillinoí moo íemo ite ráaniaí íaillinoimo fecade.

<sup>13</sup> Afe méifodo íanori íllamona íraímie íemo duide ráaniaí jáímamo fecade. Fécajano afe iba úcube lláinota jica jáíae éniemo jaide. Afénomo afémie iere fiени ílláfuemo jaillano, nana ie lláinoga úcube táinomo dótajide.

<sup>14</sup> Íemo ie uiga úcube fuite. Afe llezica afe éniemo aillo júbietaidímaci. Aféruillaído afémie iere jufrite.

<sup>15</sup> Iemona afeno itímiemo táijina jénuaide. Iemona afe énie ímie ie tóica meróniaí uíñollena orede.

<sup>16</sup> Afémie iere júbie méiniamona meróniaí ecáinamona güúacade, íadi ninó buna ie ecáñena.

<sup>17</sup> Afemona afénomo dama comeци facade: “Cue moo jofomo ñue ecaca táijitagano jñií aillo illa! Íaioí jeirillamona fiébifírede. ¡Cue ñibai benomo júbieri tíiticue!

<sup>18</sup> Meine cue moo illánomo jáitícue. Dúciillano íena dáitícue: Moo, omo fiénidífue finódícue. Daje izói Juzíñamuimo fiénidífue finódícue.

<sup>19</sup> Cuena cue jító dáíñíeítioza. Fía o táijítagamíena mai cue mameri, dáitícue,” afémie comeci facade.

<sup>20</sup> Daíí íe comeci faca mei, iodo íe moo diné jaide.

Afémie nai jica ítemo íe moo íena ciode. Cíoillano afémieri iere dúecaide. Iemona moo íe jító díne aizícana jaide. Dúciillano íe jítone iere caimare llínote. Llínuano íena ñítade.

<sup>21</sup> Afe mei jító íe moona daide: “Moo, Juzíñamuimo fiénidífue finódícue, daje izói omo finódícue. Cuena nibai cue jító dáíñíeítioza,” daide.

<sup>22</sup> Mei jáífodo afémie moo íe ocuífíregamacina daide: “Mai raíre jamánomo ñúecuiri jenoda atiri, afémie jítálleza. Daje izói ebírede onocai icuífoi jítari. Daje llezica íe eiba íco jítari.

<sup>23</sup> Afe dáaruido farede juráreto jiza fatá atiri. Afe ritá cai iráizilleza.

<sup>24</sup> Mei bie cue jító túlla izóidinomona meine cáadeza. Daje izói ja niné féiraite baitícaiza,” daide. Afemona caimare iráizítiaíoi.

<sup>25</sup> Bie féiraítimie dúcina llezica, íe ama nánoramie jino jacáfaimo íte. Afénomona bítemo, jofo áinomo dúcidemo íaíoi iráizilla naa íaíoi rúaníai cacaina.

<sup>26</sup> Íe jira jofómona daa táijítáfíregamíe jítócome uáidota jícanote: ¿Mínica rafue finódíaiíoi?

<sup>27</sup> Afe jítócome íena daide: “O ama dúcina. Afe jira o moo farede juráreto jiza fatátate, mei íe jító ñue íránino meine dúcina jira,” daide.

<sup>28</sup> Mei áfena fidíillano íe ama nánoramie iere ríicaide. Ríicaillano jofo afénomo jáiacañede. Afe jira íe moo afémie diné llujáide. Jofo bíllena caimare íena bífuiáide.

<sup>29</sup> Afe llezica íe moona daide: “Onódioza díga fimona o díga ñue táijífíredícue. Jaca o uaina oní caitáfnidícue. Mei íadí jaca ninó daa duera cabrito cuemo fecáñedio, cue nabáíñiaíri cue iráizillena.

<sup>30</sup> Mei íadí birui bie o úcube jirúfíredíngotíaimo dotádimie bíllamo afémie íena farede juráreto fatátatío,” daide.

<sup>31</sup> Jira íe moo afémíena daide: “Cue jító, o jaca cue díga ífíredío. Cuemo íte raana nana omo dúídeza.

<sup>32</sup> Mei íadí bie ráfuena cai fínuana ñue jáícina joide, caimare cai íllena, mei o ama túlla izóidinomona meine bíteza. Daje izói ja niné féiraite baitícaiza,” daide.

## 16

### *Aíllue jofo jabóidíllaíma izoide rafue*

<sup>1</sup> Jesús nane íe llófíegamacina daide:

—Daa aílló ráaredímie íte. Afémíemo íe táijírínina ócuífírede jabóidíllaíma íte. Jíáímací afe ráaredímíena lluaíbítiaíoi: “O jabóidíllaíma omo íte ñuera ráaniaina táinomo dotádeza. Afémie figo ocuíñede,” daídíaiíoi.

<sup>2</sup> Íe jira ráaredímie jabóidíllaíma uáiduano daide: “O finócafúena cue cacana ¿níie izói joide? Omo cue íga cue jofo rafue rábíaí cuemo izáíbiri, mei cue jabóidíllaímána íñeítioza. Nana omo cue jóonegafue o záítalleza.

<sup>3</sup> Iemona afe jabóidíllaíma comeci facade: “Cue ocuídímie ja oní cue dotádeza ¿níie izói fínoítícue? Mairíñedicueza, jacafai tíedímíena ínidícue. Comínimo úcube fía jícana meáírúitícue.

<sup>4</sup> Cue táijina fuille mei jíáie comíni cue íaíoi llínollena, cue finóllífue ja onódícue.”

<sup>5</sup> Íe jira nana íe ocuídímiemo íbáredena ítímíai dámierie dánomo jírrillano daide: “O íbáredena cue ocuídímiemo ¿níeze íte?” fuéñeidímiemo jícanote.

<sup>6</sup> Afémie uai ote: “Cien díga látaniaí cáiredíji afémíemo cue íballe íte,” daide. Iemo jabóidíllaíma daide: “Benó o íbállibe íte. Mai benó raíre ráíllano, cincuéntana llotíbena cúeiri,” daide.

<sup>7</sup> Afe mei jíáíma uáiduano jícanote: “O íbállena ¿níeze íte?” daide. Jira afémie íena daide: “Cien díga costales trigo afémíemo cue íbáredena íte,” daide. Jira jabóidíllaíma íena daide: “Benó o íbállibe íte. Cómobemo ochenta díga costales cúeiri,” daide.

<sup>8</sup> Ocuídímie áfena fidíillano, afe íbállibe táínona méidotímiemo iere báitafue nítede. Iemona ja onógaza, bínie comíni daní íaíoi nícidogafuíaina Juzíñamuimo ínotino báimo iere báitáíaiíoi.

<sup>9</sup> Bie izói omoí íllena llóitícue. Bie fiénide énie ráaniáido, mai omoí nabáíñiaína maíñori, ráaniaí fuilla méífodo ómoína jofo íaíoi llínolleza. Mei ómoímo íte ráaniaí ñue omoí uíñuado omoí ñue ínofírenana jino comínimo ácataímoíza. Afe izói Juzíñamuimo omoí ñue ínofírenamona Juzíñamuí íe zífíona íllánomo ómoína llínoíteza.

<sup>10</sup> Due jiza ite raana ñue úiñotimie daje izói aillo raa íemo íadi áfena afémie ñue úiñoite. Mei jiáfodo due jiza ite raana figo úiñoñedimie daje izói aillo raa íemo íadi afémie áfeniaí figo úiñoñeite.

<sup>11</sup> Ie jira bie fiénide éniemo ite ráaniaí figo omoi úiñoñenia, ¿bu mei zíñona ráifide ráaniaí ómoimo fecalle?

<sup>12</sup> Daje izói jiáimacimo jainaide raana figo omoi úiñoñenia, ¿bu mei ómoimo dúide raa ómoimo fecalle?

<sup>13</sup> Dáaruido buna mena ocuidimie jaináinide. Iaillinoimo o jaináiaí dáamiena éoitio, jiáimana izíruitio. Daje izói dáamie ñue ínoitio, jiáimana jámairuitio. Mei jira onóigaza: Juziñamui o náamataja llezica úcubemo abimo náamatanidio, —dinó Jesús úrite. Daií Jesús úrilla llezica fariséuai ímiaí cacáreidiaí.

<sup>14</sup> Afe fariséuai úcubena gáidino Jesús úrilla cacáillano uáitano íeri zadáidiaí.

<sup>15</sup> Mei jira Jesús daide:

—Comini eróicana ñuemacina abi mamédiomoi, mei íadi omoi comeci ífuenta Juziñamui ñue onode. Mei jii, comini mameca jamánomoidimilaina Juziñamui éoide.

*Juziñamui illáimana illarui llua uai naa jaiaí Moisés ocuica uai diga*

<sup>16</sup> Jaiáimona Juan Bautista illágimamo, comini Moisés ocuica uaimo dúidiaí. Daje izói Juziñamui uai jino llóraini llógamo dúidiaí. Iemo aféruimona bené Juziñamui illáimana illarui ñuera uai llócaiga. Iemo afénomo jofo íaíoi jáillena izire nícidotiaí.

<sup>17</sup> Mei bínie naa mona diga niné táinocaiadi, illa diga ocuica uailai táinomo faiñeno ñue ícoimo fuitárede.

*Jesús ima ie ai dótajado úrite*

*(Mt 19.1-12; Mr 10.1-12)*

<sup>18</sup> Daa come ie ai dotáadi, íemo dótano jiáie ringo óiaí, afémie ja jiruífue finode. Daje izói afe dotácango aina otímie ja jiruífue mo baíide.

*Aillo ráaredimie íemo Lázaron mámeciredimie diga*

<sup>19</sup> Daa iere ráaredimie ite. Afémie iere ñuecuiurai jirófiredie; illaíma jitáigoaróillai jitáfiredie. Afémie nágarui ñue finóbilla rafue finófiredie.

<sup>20</sup> Daje llezica afénomo dúeredimie Lázaron mámeciredimie ite. Afémie abi mallízaina oruide. Ráaredimie naze fuemo ráiizafiredie.

<sup>21</sup> Bie dúeredimie ráaredimie güirábanimona dótafirega güille alla güífiredie. Ie ráina llezica, jicóniaí ie mállie miábifiredie.

<sup>22</sup> Afe mei diga irui íllamona dúeredimie tíide. Afémie Juziñamui abi imaci monamo ite paraiso daina ñúenomo uiga. Afeno afémie Abraham abimo ite. Afe mei jáiaí, ráaredimie tíilla raítíiaí.

<sup>23</sup> Ráaredimie comini duere finólliraimo duere zefuilla llezica, caifo érocaide. Erocaide íadi Lázaro Abraham diga ráinana jicana ciodie.

<sup>24</sup> Iemona afe ráaredimie caillide: “Cai jaiaí Moo Abraham, cuemo dúecai. Lázaro bené ore, iere due jiza jáinoina cue jirótabilleza, cue ífe manánaitallena. Mei bie iraimo iere duere zefuídícueza,” daide.

<sup>25</sup> Mei íadi Abraham íena daide: “Naui o illáfue mo comeci faca. Aféruillaído iere ñue ítio. Mei íadi aféruído bie Lázaro iere duere ite. Mei jiáfodo birui afémie benó iere caimare ite. Afe llezica o duere zefuídio.

<sup>26</sup> Bie baimo, coco cígiri jiáie iere afóredino ite, jira benó ítino jáiacade ía, jáinide. Daje izói o illánomo ítino caifo benó bíacadiaíoi ía, bínidiaíoi.”

<sup>27</sup> Mei jira ráaredimie íena daide: “Cai jaiaí Moo Abraham, Lázaro batí cue moo jofomo o oréllena izire jicádícue.

<sup>28</sup> Cue cinco dígade ama benomo bie duere zefuíllanomo íaíoi bíñeíllena llotátari,” daide.

<sup>29</sup> Mei íadi Abraham íena daide: “Afémacimo Moisés naa Juziñamui uai llóraini diga cúegana íte. Afe uáillaimo náfueítiaíoi,” daide.

<sup>30</sup> Jira afe ráaredimie uai ote: “Cai jaiaí Moo Abraham, jii, mei íadi tíidinomona dáamie íaíoiimo llujáiaí, íaíoi comeci ífuenta méidoítiaíoi,” daide.

<sup>31</sup> Mei íadi Abraham íena daide, “Afémaci Moisés naa Juziñamui uai llóraini uaina náfueñenia, daje izói tíidinomona jáidino uaina ínoñeítiaíoi,” daide.

## 17

*Fiéndífuemo come baíilla iere jacírede*

*(Mt 18.6-7, 21-22; Mr 9.42)*

<sup>1</sup> Jesús íe llófuegamacina daide:

—Jaca nágarui comini fiénidifueмо baítafue íteza. Jiáimana fiénidifueмо baítatimie jñi dúerena!

<sup>2</sup> Trigo llaiéra áillue nofícina afémie cimoimo ícoínota monáillaimo dotácana baimo ñuera; úrue izói como ínotinomona dáamie fiénidifueмо báítañelleza.

<sup>3</sup> Afe izóidemona abí omoí rairuirí.

O ama omo fiénidifue finóadi, afémiena lletari. Afemona afémie illafue ie méidoia, caimare íena uáidori.

<sup>4</sup> Mei dáaruido afémie siete dígcacaiño o fieni finóadi, íemo siete dígcacaiño ona “Ja daíí omo íñeíticue” afémie daíízaibiadi, jaca ninomo íena caimare uáidoitio, —daide.

*Juziñamuimo cai íñua ríinorede*

<sup>5</sup> Jesús orécana íaíoi Ocuíraimana daide:

—Jamánomo cai ínotari, —daide.

<sup>6</sup> Mei jira afe Ocuíraima íaíoína daide:

—Due uáfueña o ínoiadi riírede raana finóredio. O ínogafue díójina eroide mostaza íjiaí jéenina izoide íadi, bie sicómoro daina aménana bie izói daííredio: “Caífo áijicaillano monáillajimo zójozai,” daidíonia afe amena o uaina ínoite.

*Tájitafíregamiemo dúidifue*

<sup>7</sup> Omoimona daa cómemo íe tájitagamie íadi, afe tájitagamie jacáfaimona tájiano meine bíadi ¿Meita “Maí ráizai, o écaíticue” daíítio?

<sup>8</sup> Daíínide. Mei jíáfodo afémiena ñue daíítio: “Maí cue güille finori. Güillano cue jíroлле llezica nana cue jitailla raa díga bai atíllena, mamériri. Afe méífomo güillano jíroítioza.”

<sup>9</sup> ¿Meita nana afémieмо ocuállana ínuana ocuídímie íena “Figora” daíírede? Daííñede.

<sup>10</sup> Afe daje izói, nana Juziñamui omoimo ocuica omoí íñua fuilla mei, bie izói daííredio: “Ñue tájiraimacífedicaí. ‘Íere fígomaci’ caina daíínide. Mei dani caimo duide raa finódicaíza. Baimo jíaíe finóñedicaí.”

*Jesús diez díga chíñaitino jíllotate*

<sup>11</sup> Jesús Jerusalemo jailla llezica, Galilea énie fuédamo íte duera jófueмо dúcide. Afe jofue daje izói Samaria énie fuédamo íte.

<sup>12</sup> Afe jófueмо dúciacana llezica, diez díga chíñaitino jino bai Jesús diné bitíai. Mei íadi afémaci Jesúmona bai jica fiébidiaíoi.

<sup>13</sup> Afénomona riire íena daidíai.oi:

—Llófueraíma Jesús, caímo dúecai, —daidíai.oi.

<sup>14</sup> Jesús afémacina cíoillano daide:

—Batí lletárirainimo omoí abí ácataji, —daide.

Afénomo íaíoi jailla llezica íaíoimo íte dúicuai jacáibicaide.

<sup>15</sup> Iemo afémacimona dáamie íe abímo íte duico jacáillana cíoillano, Jesús diné abido bite. Billa llezica Juziñamuimo riire cáimadote.

<sup>16</sup> Jesumo dúciillano afémie ana éniemo fueco diné bíjicaide, Jesuna figora daííllena. Afe bie izói daidímie Samaria ímie.

<sup>17</sup> Jira Jesús daide:

—¿Afe dúicomona jíllotaga diez dígamieñede? ¿Néemei jíaíe nueve dígamie?

<sup>18</sup> ¿Meita dama bie jícanemiena Juziñamuina abido cámaduaíbilla? —daide.

<sup>19</sup> Iemona Jesús afe ímana daide:

—Náidacaillano mai jai. O ínuamona o dúicomona ja jíllodioza, —daide.

*Juziñamui illáimana illirui bíllana nie izói ónoíticai*

(Mt 24.23-28, 36-41)

<sup>20</sup> Fariséuai Jesumo jícanotiaíoi, “¿Ñirui Juziñamui illáimana illirui bíite?” Afémie uai ote:

—Juziñamui illáimana bíllirui jaca cíoñena.

<sup>21</sup> Afena “Ba ñie” daíínide. Daje izói “Bai batí íte” daíínide. Mei Juziñamui illáimana illino omoí cígimo íte, —daide.

<sup>22</sup> Afe mei íe llófuegamacina daide:

—Uire jíáruido daa birui cue illa izóidiruina cíocaitioimoí, mei íadi cíoñeítioimoí.

<sup>23</sup> Jíáimaci ómoína daítiaíoi, “Be ñie,” íemo níbai “Batí íte” daítiaíoi. Mei íadi afénomo jíáíñeno íri. Daje izói afémacido jíáíñeno íri.

<sup>24</sup> Mei ameo llairilla mona enéfemona jica jíainomo cíoina izói, Nanoide íma Jitó bíllirui afe izói cíocaízaíbite.

<sup>25</sup> Mei íadi aferui nai dúciñeille llezica, afémie fueñe jamánomo duere zéfuite. Daje izói bigímaiaí íena ruiñruitiaíoi.

<sup>26</sup> Noé illágamamo comini iere fieni illa izói, afe izói cue billíruimo comini fieni íitiaíoi.

<sup>27</sup> Noé ie finoca áillue nocaemo jáiñena llezica, nana comini ie lloga uaina náfueñeno fia güíoidiaíoi. Güillano jirófrediaíoi. Afe llezica íaíoi fieni illafue méidoñeno áireoidiaíoi; íemo íaíoi jízaníai ínreitaoidiaíoi. Jaca daí ítiaíoi abina Noé jofo áillue nocaemo jaide. Iemo aillo noci bíide. Jamánomo búllamona nana afémaci coróbaitiaíoi.

<sup>28</sup> Iemo Lot illágamamo afe izói ite. Juzíñamuimo comeciñeno güíoidiaíoi. Güillano jirófrediaíoi; íbajano fécafirediaíoi. Jacáfaiaina ritiaíoi, íemo jofóniaina núoicaidiaíoi.

<sup>29</sup> Mei íadi afe Lot Sodoma jófuemona jino bítemo, monámona réiciaí noci bílla izói cocide. Afe llezica iere uzire boode ‘azufre’ daíña raa cócia. Afemona nana timádimaci.

<sup>30</sup> Cue Nanoide íima Jitódicueza, cue cíocaizaíbillirui afe izoite.

<sup>31</sup> Aféruimo daa come ie jofo caifófecommo íadi, ie jofo eromo ite ráaniaina jofo jaillano báiruainide, afénomona botádeza. Daje izói dáamie jino jacáfaimo íadi, abido ie jofomo bínde.

<sup>32</sup> Lot aimo omoí uíbicaí.

<sup>33</sup> Ie caana rairuíacadimie áfena afémiemona féite. Mei íadi ie cáanana lloñédimiemona afe féiraiñeno, áfena baimo ziiño illínona máíñoite.

<sup>34</sup> Iemo nane ómoína dáitícue, cue dúcille naio, mena come dájena ínia llezica, íaillinoimona dáamie oni uille. Jáimie fiébicaite.

<sup>35</sup> Daje izói mena ringo daane trigo láia llezica, íainguaimona dango oni uille, jíáingo fiébicaite.

<sup>36</sup> Daje izói mena íima jino jacáfaimo táijina llezica, íaillinoimona dáamie oni uille jíáimie fiébicaite, —daide.

<sup>37</sup> Daí íe dánana cacáillano, ie llófuegamaci íemo jicánotiaíoi:

—Cai Ocuíraíma, ¿mei ninomo?

Jira afémie uai ote:

—Ínóniaí dáanomo gairizaífirenamona, rille rifáillanona ñue onódiomoi. Afe izói fieni finódino oni íaíoi úillemona dani íaíoi duere finóllinona uáfuenta onóigaza.

## 18

*Daa fecingo comínimo riire jicánoraimamo jícafírede*

<sup>1</sup> Afe mei Jesús íe llófuegamacimo daa rafue mamede, nágaruillai fáicanocaiñeno Juzíñamuimo íaíoi jícafírellena.

<sup>2</sup> Íaioína daide:

—Jófueмо daa Juzíñamuina náfuefinide comínimo riire jicánoraima íte. Daje izói jíáimacina lloñede.

<sup>3</sup> Afe daje jófueмо daa fecingo íte. Afengo afe jicánoraimamo úrizabite. “Cue diga icíriacadimiena mai ñue jaícina jicánori,” daide.

<sup>4</sup> Diga ícaíño afengo afémiemo jáidemo, afémie afengo uai jeire oñede. Mei íadi méifomo afémie comeci facade: “Juzíñamuina jacíruiñedicuena, daje izói comini uaina náfueñedicuena,

<sup>5</sup> mei íadi bie fecingo diga ícaíño cuemo zefuire bíbideza, aféngona ríidoitícue. Afemona afengo cue dine bíñeilleza. Daí afengo are cue zéfuinaitañeilleza,” daí comeci facade.

<sup>6</sup> Jira Ocuíraíma daide:

—Daí bie fiénide comínimo riire jicánoraima daide.

<sup>7</sup> ¿Meita Juzíñamui íe nizécanona, afe íe mona naio diga íemo izire jicádinona ríidoñeite? ¡Raire íaioína ríidoiteza! ¿Meita “Fui ómoimo llóitícue” íaioína dáíte? Dáíñeite.

<sup>8</sup> Ómoína daidícue, afémie juare dibáiñeno raire íaioína ríidoite. Mei íadi Nanoide íima Jitódicueza meine cue bíadi, ¿meita cuemo íñotino íite? ¿Meita íñeite?

*Fariseo, íemo gobierno íbátaga úcube llínoraima izoide rafue*

<sup>9</sup> Jesús nane jíáfue llote, abi íñuana jíáimaci jámairuitinona ñue llófuellena. Daide:

<sup>10</sup> —Mena íima íaillinoí Juzíñamui jofomo Juzíñamuimo úrizaide. Dáamie fariseo ímie; jíáima gobierno íbátaga úcube llínoraima.

<sup>11</sup> Fariseo ímie naidáicana bie izói Juzíñamuimo úrite. “Moo Juzíñamui, ona figura daidícue, mei cue bie jíáie fiénidino izóíñedicueza. Jaca meríríñidícue, jíáimaci jífueñidícue, daje izói jiruñidícue. Afe baimo bie gobierno íbátaga úcube llínoraima izóíñedicue.

<sup>12</sup> Naga semánamo ménacaiño güíñeno ífiredicue Juzíñamui íóbitallena. Nágarui cue oga úcubemona, Juzíñamuimo dúide raamo afémiemo fecáfiredicue,” daide.



<sup>13</sup> Mei íadi afe gobierno íbátaga úcube llínoraima monamo érocáifeno oni jica fiébite. Dinó ie illa llezica, iere dúeredicue, dainano ie abí iere zuure finode. Fínuano daide: “Aii, Juzíñamui mai cuemo dúecai. ¡tere fiénidifuiaredimiedicueza!” daide.

<sup>14</sup> Omoina dáititcúe, afe úcube llínoraima Juzíñamui anamo ñue illano jofomo jaide, mei íadi afe fariseo ímie ñue fínoñega jailla. Mei uáfueza, abí ínota jamánomoiacadimie anáfecaide. Mei íadi abí íinoñeno comécina mánaidimie daidímie jamánomoidimiena jailla, —daide.

*Jesús úruiaí ñue íllena finode*  
(Mt 19.13-15; Mr 10.13-16)

<sup>15</sup> Afe llezica comini íaíoi jézainidino Jesumo atídíaiói, afémacimo onoi bitállena. Mei íadi áfena ie llófuegamaci cíoillano afe atídínona rairuídiaíoi.

<sup>16</sup> Mei jíáfodo Jesús ie llófuegamaci uáiduano daide:

—Afe úruiaí dama cue diné bitáíoiiza. Afémacina rairuíñeno iri. Mei Juzíñamui illáimana illáruimo jáitino bie úruiaí izóidíaiói.

<sup>17</sup> Uáfueña ómoina dáititcúe, fia comécina mánaide úrue izóíñedimie Juzíñamui illáimana illáruimo jaca jofó jáíñeite, —daide.

*Ráarede jítócome Jesús diga úrilla*  
(Mt 19.16-30; Mr 10.17-31)

<sup>18</sup> Illáicomínimona dáamie Jesumo jíacánote:

—Ñuera llófueraima, zííñona cue íllena ¿nie izóí íredicue? —daide.

<sup>19</sup> Jesús íena daide:

—¿Nibái mei cuena “Fígomiedio” daidíoi? Abí dine jíáie ñúemiena íñede. Dama Juzíñamui ñúena.

<sup>20</sup> Cai ocuína uáillaina cacádíoi: “Jiruífueña finóñeno iri, jíáimana fañeno iri, merííñeno iri, jíáimamo taino lloñeno iri, o moo o ei diga ñue jacírúiri,” —daide.

<sup>21</sup> Jira afémie Jesuna daide:

—Bíuáillaina cue dúemieniadi jaca nai biruido jeire ófiredicue, —daide.

<sup>22</sup> Afena cacáillano Jesús daide:

—Mei íadi omo nai daafue fiévide. Nana omo ite ráaniaí fécano, afe iba dúeredinomo ine. Afemona monamo ite zííñona ráifide raa óiena íteza. Afe o ráaniaí fecalle mei, mai cuedo bi, —daide.

<sup>23</sup> Mei íadi áfena cacáillano iere zúucaide, mei afémie iere ráaredeza.

<sup>24</sup> Jesús ie zúucaillana cíoillano daide:

—Iere ráaredimie mei íadi ie ráaniaína cue baimo afémie izíruiadi, Juzíñamui illáimana illáruimo jofó jáíllena ¡nií juárena!

<sup>25</sup> Camello mámeçírede áíllue rille eedo uífodo enéfénemo jailla juánide, mei jíáfodo iere ráaredimie Juzíñamui illáimana illáruimo jaille iere juárede, —daide.

<sup>26</sup> Aféfueña cacádino íena daidíaiói:

—Íemona ¿níimie jíllóille? —daidíaiói.

<sup>27</sup> Jira Jesús íaíoiña daide:

—Comínimona finónide raa Juzíñamui finórede, —daide.

<sup>28</sup> Afe mei Pedro íena daide:

—Ocuíraíma, odo bíllena caímo ite raana fiénocaidícaí, —daide.

<sup>29</sup> Jira afémie uai ote:

—Uáfueña ómoina dáititcúe, Juzíñamui illáimana illano ícoínia jofó fiénocaitimie, daje izóí ie móotiaií naa ie ámatiaíri fiénocaitimie, daje izóí ie aií naa úruiaíri fiénocaitimie

<sup>30</sup> nai bíniemo ie illa llezica aillo baimo llínoite. Afe mei monamo zííñona illino máíñoite, —daide.

*Jesús nane dánomo ie tíillííue llote*  
(Mt 20.17-19; Mr 10.32-34)

<sup>31</sup> Jesús oni eneno doce dígade ie llófuegamaci uillano daide:

—Ja biruí Jerusalemo jáiticaíza. Afénomo nana jaiái Juzíñamui uai llóraíni Nanoide fima jítoí cuega uai jino zúilleza. Nanoide fima Jitódicueza.

<sup>32</sup> Afeno jíacánemacimo cue fécaítiaíoi, íemo cuena jífánodoíitíaiói, íemo cuena báíñoítiaíoi, íemo cuena túallaítiaíoi.

<sup>33</sup> Íemo cuena rázido fáítiaíoi. Afe mei cuena títaítiaíoi. Mei íadi daaruíamani íllemona tíidínomona meine abido cáadimiena íitcúe.

<sup>34</sup> Afe bífuiaina afémaci jaca onóñediaioi. Daje izói nímiedo úriteza onóñediaioi, mei aféfuiai afémaci baitánide.

*Jesús Jericó ímie únidímie jíllotate  
(Mt 20.29-34; Mr 10.46-52)*

<sup>35</sup> Jesús Jericó jófuemo áinozilla llezica daa únidímie io fuemo ráiide. Afémie fia úcube jicáfirede.

<sup>36</sup> Aillo comíniai jáillana cacáillano afémie, “¿Níifue comuilla?” daide.

<sup>37</sup> Jira afémiemo llotíaioi, “Nazaret ímie bíedo jailla,” daidíaioi.

<sup>38</sup> Jira afémie júrioicaide:

—Davidmona comuidímie Jesús, Mesía dainámie mai cuemo dúecai, —daide.

<sup>39</sup> Uícodo jáidino afémiena “Uriñoeno líicai,” daidíaioi. Mei íadi afémie nai riire caillide:

—Davidmona comuidímie, Mesía ímie mai cuemo dúecai, —daide.

<sup>40</sup> Iemona Jesús náidade. “Afémie cue diné omoi uaji,” daide. Afémie dúcizaibilla llezica Jesús jicánote:

<sup>41</sup> ¿Minícana jítaidio, omo cue finólleza?

Jira únidímie uai ote:

—Ocuíraima, meine uído cióacadicue, —daide.

<sup>42</sup> Jira Jesús íena daide:

—Mai érocai. O ínuua ícoinia ja jíllodio, —daide.

<sup>43</sup> Daí daina llezica, únidímie ñue ciode. Afe mei afémie Juziñamuimo caimátaicana Jesudo jaide. Daje izói nana afe únidímie jíllonana ciódino Juziñamuimo caimátaoidiaioi.

## 19

*Jesús Zaqueo uáiduauide*

<sup>1</sup> Afe mei Jesús Jericó jófuemo dúciillano, afe jofue cígido jaide.

<sup>2</sup> Afénomo daa ráaredímie ite. Afémie mámece Zaqueo. Afémie gobierno íbátaga úcube líinoraimaci illaíma.

<sup>3</sup> Bie Zaqueo Jesuna cióacade ie ónoillena. Ua Jesuna cióacade mei íadi íena ciónide, aillo comini íllaza, íemo jíai afémie iere íámieza.

<sup>4</sup> Ie jira Jesús uícómo aizícaillano, sicómoro daina aménamo caifo lííode Jesuna cíoillena. Afe amena Jesús jáillino áinori ite.

<sup>5</sup> Jesús áfedo jailla llezica, caifo íemo érocaide. Iena daide:

—Zaqueo, raíre ana bi. Birui o jofomo fiébiticueza, —daide.

<sup>6</sup> Ie mei Zaqueo raíre ana billano Jesuna caimare líínote. Ua Zaqueo jofomo jáidiaillinoi.

<sup>7</sup> Comini áfena cíoillano, nana áferi úrizidiaioi. Daidíaioi:

—Jesús fiénidímie jofomo fiébizaide.

<sup>8</sup> Iemo Zaqueo náidacaillano Jesuna daide:

—jOcuíraima, ero! Cuemo ite ráaniaimona dúeredimacimo átuedo fécaiticue. Daa come jífuiano nauí merídicuenia áfena afémiemo meine abido izájiticue. Nane afe emódomo dacaiñoámami afémiemo íiticue, —daide.

<sup>9</sup> Jira Jesús íena daide:

—Daí o fínuamona Juziñamui lloga jíllonafue birui jeire o úana ja onódicai. Nauí féiraitio, mei íadi birui ja jíllotagao. Ja Abraham comuítagamiedio.

<sup>10</sup> Mei jíi, o izoide ja oni baízáidino jenoda jíllotabíticue. Nanoide íima Jitódicueza, —daide.

*Diez dígade úcubetunimo mameca rafue*

<sup>11</sup> Jesús bífuiaido úrillana comini cacana llezica, afémie daa rafue íaíoimo llote. Mei Jerusalem afémie ánozioicaidemo, afémaci comécido “Juziñamui illáimana illírui ja raíre dúciacade,” daidíaioiza.

<sup>12</sup> Jira Jesús íaíoina daide:

—Daa íima ñuemacimona comuidímie. Afémie oni jica jíániemo jaide, afémaci illáimana afémie íaío jóoneacadiaioiza. Afe mei afémie nane abido bíite.

<sup>13</sup> Nai íe jáíñena llezica, íe tájítaganomona diez dígamie uáidote. Uáiduano illa dígamíemo daa íere ráifide úcubetuni fecade. Feca llezica íaíoina daide: “Bie úcubetunido nai cue bíñeille dinó ráaniai óiri. Ua mei, afe fécamo aillo úcubena oni jóoneri,” daide.

<sup>14</sup> Mei íadi dama íe íllano comini afémiena éoidiaioi. Eoillano afémie óodana líítino orédiaioi. Llotíaioi: “Cai illáimana o íllena jítaíñedícaí,” daidíaioi.

15 Mei íadi afémie illáimana jónega. Jónona mei dama ie éniemo jaide. Dúciillano úcubetunillaina igámiai bai uáidote. Uáiduano illa dígamie jicánote: “¿Ja nieze úcubena ofitatio?” daide.

16 Nano jíriganie íena daide: “Ocuíraima, o úcubemona diez diga baimo óiena nabáidicue,” daide.

17 Ie jira aféllaíma uai ote: “Iere figura. Ñuera ocuífregamiedio. Omo due cue ígari ñue ínotio, diez dígade comini jofue illáimana o jóneiticue,” daide.

18 Afe mei nane jáímie jíríte. Afémie billano daide: “Ocuíraima, o úcubemona cinco diga baimo óiena nabáidicue,” daide.

19 Nane daje izói bímiemo uai ote: “O cinco dígade comini jofue lláimana o jóneiticue,” daide.

20 Afe mei nane jáímie jíríte. Afémie daide: “Ocuíraima, be o úcubetuni. Ñue jacíruioicana cue éenogaza.

21 Mei iere riímiedioza, ona jacíruiticue. O jóneñegamona jaca ófiredio. Daje izói o riñeganomona jaca ófiredio,” daide.

22 Afe jira aféllaíma íena daide: “Fiénide cue ocuífregamiedio. Dama o daina uaido riire omo jicánoiticue. Cue riirenana onódio íadi, ¿níbái mei cue úcube baimo nabáñedio? Daje izói cue jóneñegamona cue ófírenana onódio íadi, íemo jíai cue riñeganomona jaca cue ófírenana onódio íadi,

23 ¿níbái mei cue úcube jíaié úcube iránomo jóneñedio, abido cue jofomo cue billa llezica afe úcube íemo afe baimo jíaié úcube diga cue llínollena?”

24 Temona afénomo ítónona daide: “Bímiemo ite dáatuni uano, diez dígatuni otímie mo feca,” daide.

25 Mei íadi afémaci aféllaímana daide: “Illaíma ero, bímiemo ja diez dígatuni ite. ¿Níbái mei jíaié úcubena iga?” daide.

26 Jira afe illaíma uai ote: “Mei uáfueza ómoína dáitucue, igámie mo baimo aillo írede. Mei íadi ínegamie mo due ite bairórede.

27 Iemo afe baie cue illaíma illana óiacañedino, mai bai bené ati. Atiano cue erócana afémaci tita,” daide.

### *Jesús Jerusalén jófue mo jofo jaide*

*(Mt 21.1-11; Mr 11.1-11; Jn 12.12-19)*

28 Bie izói daina méfodo Jesús nai Jerusalén diné jaide.

29 Ja Betfagé jófue mo, íemo Betania jofue diga, afénomo Jesús dúciacade. Afe jofue Olivo idu áinori ite. Afénomo illa llezica ie llófuegamacimona ménamie orede. Iailinoína daide:

30 —Batí áinori ite duera jófue mo ómicoi jai. Dúciillano afénomo cuinaca búrrona cíotiomicoi. Afe búrromo nai buna ráiñena. Zúitano cuemo atiri.

31 Daa come ómicoi mo jicánoia “Níbái mei uiga” daíñadi, “Cai Ocuíraima jitaíllano jicaca” ómicoi daíri, —daide.

32 Afe llófuegamaci íaillinoi jaillano nana Jesús íaillinoína daina izói cíozaidiaillinoi.

33 Afe burro íaillinoi zúitaja llezica burro naama jicánote:

—¿Níbái mei búrrona zúitádiomicoi? —daide.

34 Jira afe íaillinoi uai ote:

—Cai Ocuíraima jitaílla, —daide.

35 Afe mei ja Jesumo uitíiaillinoi. Dúciillano afe burro emodo íaioi íníoína jobédiaioi. Jóbiano afe emódomo Jesús rainádiaioi.

36 Afe búrrodo Jesús jailla llezica, ie jáillao comini íaioi íníoíllaina jobédiaioi.

37 Olivo daina ídumona ana íaioi jailla llezica, nana afémie mo jaide Juzíñamuimo ínotino íóbillano caillíoídiaioi. Daje llezica Juzíñamuimo iere caimátaídiaioi, mei diga Jesús uaido daina comúidena nauí úcodo cíóídiaioíza.

38 Daidíaioi:

—Ocuíraima mámeçido bite illaíma caimare iri. Caímare uái illafue monamo íteza. Daje izói Juzíñamuimo ebire ñuefuaína nitáfreiri, —daidíaioi.

39 Iemo afénomo ite comini cígimo fariseo ímiaína ite. Afémaci Jesuna daidíaioi:

—Llófueraíma, odo jáidinona “Uriñeno” o daíri, —daidíaioi.

40 Mei íadi Jesús uai ote:

—Omoína dáitucue, bimaci úriñenia noficiai riire úrille, —daide.

41 Afe mei afe Jerusalemo ánozilla llezica, afe jófue mo cíóíllano Jesús eede.

42 Eiano cómemo úrilla izói afe jófue mo daide:

—Nífuenino uái o illífueña iere o onótaacaducue. Birui ñue o illarui. Mei birui afefue ómoimona báinino iteza, aféfuena onónidiomoi.

<sup>43</sup> Mei uáfueza fiénidiruillai ómoimo biite. Aféruimo omoi éoidimaci omoi illa onido nágafeniai nofíbanillaina izói ómoína cirínoitiaioi. Afe mei ómoiri riire fúiritiaioi.

<sup>44</sup> Iemo ana éniemo ona dótaítiaioi. Dótano afe jófuemo ite comínina fáitíiaioi. Afe llezica nana afe jofue finoína nofícaí ana dócoítiaioi; mei Juzíñamui ómoína caimare uáiduaíbillarui onóñediemoiza, —daide.

*Jesús Juzíñamuimo gairíraco ráfua izói ñue finode  
(Mt 21.12-17; Mr 11.15-19; Jn 2.13-22)*

<sup>45</sup> Jerusalemo ie jofu jailla méifomo, Jesús Juzíñamuimo gairíracomo jofu jáillano afeco eromo ite ráaniaí fecáidino naa íbárioidinori jino jiude.

<sup>46</sup> Iaioina daide:

—Jaíai Cuegáuaimo daide: “Cue jofu cuemo úrífirreillico.” Mei íadi afécona merírífiredino jofu izói finódiomoi, —daide.

<sup>47</sup> Nágaruillai Jesús afécomo llófuefirede. Mei íadi afe llezica lletáriraini illaini, daje izói ocuica uai llófuetino, naa jofue illáiniri ie íaioi fallino jenódiaioi.

<sup>48</sup> Mei íadi afémie fállena baiñédiaioi, mei nana comini afémie uai iere cacárediaioiza.

## 20

*Illáicomini Jesús ócuífiréna ríino jicánotiaioi  
(Mt 21.23-27; Mr 11.27-33)*

<sup>1</sup> Afe mei jáíruido Jesús Juzíñamuimo gairíracomo comini llófuete. Afe llezica ñuera jillona uai afémacimo llote. Daií llua llezica lletáriraini illaini, íemo ocuica uai llófuetino, naa ocuide eicomíniri, afénomo dúcidiaioi.

<sup>2</sup> Dúciillano Jesuna daidíaioi:

—Nie ríinodo bie ráaniaína finódio áfena cai lloiri. Afe omo ite ríino ¿bu mei omo fecaca? —daidíaioi.

<sup>3</sup> Jira Jesús íaioina daide:

—Cuemo omoi jicánua izói ómoimo daafue jicánoitucue. Nee mei cue uai omoi ólleza.

<sup>4</sup> Mei Juan ¿bu comini báutizallena ocuica? ¿Meita Juzíñamui ocuica? ¿Mei nibai comini ocuica? —daide.

<sup>5</sup> Mei íadi uai oñeno, áfena dani conímamo júfidotiaioi; daidíaioi:

—¿Nie izói mei daítica? “Juzíñamui ocuica” cai daiíadi, Jesús cai uai óite, “¿Nibái mei afémie mo ínoñediomoi?”

<sup>6</sup> Mei jáífodo “Comínimona ocuica” cai daiíadi, nana comini nófiena cai níjiitíiaioi. Mei afémaci “Juan Juzíñamui dibénedo úrífiredo” jaca daiífirediaioi.

<sup>7</sup> Iemona afe illáicomini Jesuna daidíaioi:

—Juan báutizáibillena ocuídímiena onóñedicaí, —daidíaioi.

<sup>8</sup> Afe jira Jesús íaioina daide:

—Daje izói bie ráaniaí cue finófíreña ríino ómoimo llóñeitucue, —daide.

*Fiénide táijidino rafue  
(Mt 21.33-44; Mr 12.1-11)*

<sup>9</sup> Afe mei Jesús comínimo úrilla llezica bifue íaioimo llote:

—Daa come jíricuena eroide úvaiaí rillino finode. Afe mei áfemo táijitínomo nano íanori íba llíinollena fecade. Fécano oni jáinomo are lléna jaide.

<sup>10</sup> Afe úvaiaí llizilla llezica, ie ocuífíregamie orede, náamamo dúide dibene afénomo táijidínomona jicállena. Mei íadi afémie mo íñeno fájano ie orédiaioi.

<sup>11</sup> Ie jira jacafai naama nane jáíie ocuífíregamie orede. Mei íadi nane afémiena icida fatíaioi. Fájano íñeno fia meine orédiaioi.

<sup>12</sup> Nane afe mei jacafai naama jáíimie orede, mei íadi afe táijidino afémiena bófiano jino orédiaioi.

<sup>13</sup> Íirainomo jacafai naama daide: “¿Nie izói fínoitucue? Cue izíruiga jító óreitucue. Afémaci afémiena cioillano, nibai afémiena caimare jacírutíiaioi,” daide.

<sup>14</sup> Mei íadi táijidino afémiena cioillano, jofu conímaiana daidíaioi: “Bímie uire bie énie máíñoitímie. Mai cai falli. Afe mei bínie cáiena jáíteza,” daidíaioi.

<sup>15</sup> Afe mei jacafai jinomo uillano íena titádiaioi.

Jira Jesús jicánote:

—Afe jacafai naama bimácina ¿nie izói fínoite?

<sup>16</sup> Afémie billano afémacimo dúecaíñeno títaite. Afe mei afémie jáíimacimo fécaite, —daide.

Afena cacáillano daidíaiói:

—¿Afe izóí cai ílleza Juzíñamui rairuirí! —daidíaiói.

<sup>17</sup> Mei íadi Jesús íaioímo érocaillano daide:

—Iemona, afe Juzíñamui Cuegáuaina ¿niie izóí llóiacade? Afe uai bie izóí daide:

Jofo níraini jámairuillano oni fádoica jáillirai ja nahi jáilliraina jaide. Bie daina daíacade, comíni jámairuillano ruífiruigamie ja ñuera jica jalleide illáimana jaide.

<sup>18</sup> Afe jámairuiga nofici maméidimie mo éicitaitimie niné tibérotaita. Iemo jáí afe nofici anamo jíitafitino jízefo izóí jáitiaíoi, —daí Jesús daide.

*Gobierno íbátaga úcube rafue*

(Mt 21.45-46; 22.15-22; Mr 12.12-17)

<sup>19</sup> Afe llezica lletáiraini illaini naa ocuica uai llófueraíni Jesuna llaitáacadaíoi, mei afémacido bie rafue afémie llúana onódiaioiza. Mei íadi afémaci comína jacíruiítaiói.

<sup>20</sup> Te jira ñuemaci izóí macáino Jesumo báinino orédiaíoi. Jesuna comeci féllamano fienu úritallena orécaiaíoi. Afe fienu ie úrillana cacáillano afémie romano caifóidillaimamo fécaite.

<sup>21</sup> Jira afémaci Jesumo bie izóí jícanotiaíoi:

—Llófueraíma, onódicaiza jaca ñue illifue llófuefiredio. Daje izóí jáicína ñue úrifiredio. Iemo jino cóidifuiáido izire jícanoñedio. Mei jáífodo Juzíñamuimo cai jáilliodo uáfueña úrifiredio.

<sup>22</sup> Caimo llone: ¿Romano jamánomoidillaima íbátaga úcube íbádicainia ñuera? ¿Ñibai fiénide? —daidíaiói.

<sup>23</sup> Mei íadi íaíoi ie facátaacanana Jesús onode. Jira íaioína daide:

—¿Ñibái mei jíitaja izóí cue finódiomoi?

<sup>24</sup> Daa úcubetuni cuemo ácataibi. Afétunimo ite uieco jana ¿bu íe? Iemo afétunimo ¿nie come mámece cúeina? —daide.

Jira íe uai otiaíoi:

—Romano jamánomoidillaima uieco illa, naa íe mámece diga, —daidíaiói.

<sup>25</sup> Jira Jesús íaioína daide:

—Mei íemona romano jamánomoidillaimamo dúide afémiemo fecari. Iemo daje izóí Juzíñamuimo dúide Juzíñamuimo fecari, —daide.

<sup>26</sup> Nana afémaci comíni cacáicana daína uáillaido ja Jesuna jaca jíitanidiaíoi. Mei jáífodo íe uai úana cacáillano fáigacaidiaíoi. Afe mei íaíoi uai ollifue íñédeza úriñediaíoi.

*Tíide comíni meine abido cáaille jícanotiaíoi*

(Mt 22.23-33; Mr 12.18-27)

<sup>27</sup> Afe mei saduceo ímíai Jesús diné jaide. Afe saduceuai tíidino meine abido cáañeite daífirediaíoi. Jira bimaci Jesuna bie izóí daidíaiói:

<sup>28</sup> —Llófueraíma, Moisés caimo cuetá fiécabemo daide: Daa come íe ai nai úruenide abina tíia, afémie ama íe fecíngona órede, afémie úruiai íe tíide ama méifomo comúllena.

<sup>29</sup> Mei nauí cai cígimo siete diga ámaredimíaina íte. Nanóidimie áreíllano nai úruenino tíide.

<sup>30</sup> Afe méifoidimie afe fecíngo ote. Íe mei afémie daje izóí úruenino tíide.

<sup>31</sup> Afe mei nane jáímie daango ote. Uano nai úruenino tíide. Daje izóí nana afémie ámatiai daango uano úruenino tíidiaíoi.

<sup>32</sup> Íirainomo ja afengo tíilla.

<sup>33</sup> Iemona comíni tíillano meine abido cáalliruimo, mei siete dígamie afengo óteza, afengo ¿nie íima aina mámeite? —daidíaiói.

<sup>34</sup> Te jira Jesús uai ote:

—Bie éniemo íñiai árediaíoi. Daje izóí ringóniai ínirediaíoi.

<sup>35</sup> Mei íadi uire monamo jáitena mamécano, daje izóí tíidinomona meine abido cáaitena mamécano jaca ánitiaíoi. Daje izóí afénomo íaíoi jízatíaina jáímamo ínireitañeítaiói.

<sup>36</sup> Mei afénomo buna tíinideza. Iemona afémaci Juzíñamui abi imáciai izóidiaíoi. Tíillanomona meine abido cáailledo Juzíñamui jítoíaina ja mamécaiaíoi.

<sup>37</sup> Jáiai Moisés illafue cuegánicomo Juzíñamui tíidino meine abido cáallana caina onótate. Moisés boode rarócina ciona llezica afe bóodemona Juzíñamui daide: “Dáaruído Abraham Juzíñamuicue naa Isaac Jacob diga,” mei afémaci Juzíñamui illánomo cáadiaíoiza.

<sup>38</sup> Mei uáfueza, Juzíñamui tíidino íeñede, mei jáífodo cáadino íe. Mei uáfueza, Juzíñamui eróicana nana cáadiaíoiza, —daide.

<sup>39</sup> Iemona ocuica uai llófueraínimona dáarie daidíaiói:

—Llófueraíma, ¡ñue daíido! —daidíaiói.

<sup>40</sup> Afe baimo Jesús facátalle uaina baiñediaíoi.

*Cristo ie nano comúidimie ¿bu?*  
(Mt 22.41-46; Mr 12.35-37)

<sup>41</sup> Afe mei Jesús íaioina daide:

—¿Nibái mei Crístona David jító dáifirena?

<sup>42</sup> Mei afe David Salmos rabénicomo dáideza:

Monamo ite cai Moo Juzíñamui cue Ocuíraimana daide:

“Bené cue nabézimo ráii;

<sup>43</sup> ona éoidino cue anáfenolle dino.”

<sup>44</sup> ¿Mei nie izóí Cristo David jító? Mei afe David afémiena ie Ocuífiredimiena mamédeza, — daide.

*Jesús ocuica uai llófuefiredinomo fiénidifue nitade*  
(Mt 23.1-36; Mr 12.38-40; Lc 11.37-54)

<sup>45</sup> Nana comini cacáicana Jesús ie llófuegamacina daide:

<sup>46</sup> —Ocuica uai llófuefiredinomona abí omoi rairuiri. Afémaci “jácimacídicaí” daiillena áreoi jítáfirediaioi. Afémaci gairíranomo jáiadi, iere caimare uáiduana gáidiaioi. Afe izóí Juzíñamuimo llófuerracomo ñuera ráiiranuai jénofirediaioi. Daje izóí irázillafue fínua llezica jénofirediaioi.

<sup>47</sup> Daje llezica fecíngotiai jofona báirofirediaioi. Afémaci comini cíocicana ñuemacina daiillena, are Juzíñamuimo úrifirediaioi. Afémaci jiáimaci duere finolle baimo duere finólliaioi, —daide.

## 21

*Dúerede fecíngo Juzíñamuimo úcube fecade*  
(Mr 12.41-44)

<sup>1</sup> Jesús Juzíñamuimo gairíracomo illa llezica, aillo ráaređino Juzíñamuimo dúide úcube jóneranomo úcube dótana ciode.

<sup>2</sup> Afe llezica dúerede fecíngo cobre fínoina mena úcubetuni dótajana Jesús ciode.

<sup>3</sup> Cíoillano daide:

—Uáfuena ómoina dáititícue, bie dúerede fecíngo nana jiáimaci baimo dotade.

<sup>4</sup> Mei nana afémaci íaioimo fiévide úcubemona dotádiaioi. Mei íadi bie fecíngo dúerede íadi nana aféngomo ite güille íballe úcube dotade, —daide.

*Jesús Juzíñamuimo gairíraco niné táinocaite, daide*  
(Mt 24.1-2; Mr 13.1-2)

<sup>5</sup> Comínimona dáarie Juzíñamuimo gairíraco ero ebire cíoina llotíaioi. Daje izóí afécomo ite noficiaí finoina ebire cíoina llotíaioi. Afe izóí afécomo fia fecaca ebírede ráaniai llotíaioi. Afe jira Jesús daide:

<sup>6</sup> —Nana bie omoi ciona ebire eróidinuiaí uire dáaruído niné táinoficaite. Bico ero ñuera nofítotíai illa dígatofiaí oni eneno júdaizite, —daide.

*Enie fúiacana cai onóillena lloga uai*  
(Mt 24.3-28; Mr 13.3-23)

<sup>7</sup> Jira Jesumo jicánotiaioi:

—Llófueraíma, o lloga bífuiaí ¿niiruído íite? Bifue zúille uícodo cai onóille raa, ¿nie izóí íite? —daidiaioi.

<sup>8</sup> Jira Jesús daide:

—Omoi jífuefiza abí omoi rairuiri. Mei afe llezica díga “Cue bie Crístodicue” dáititino bíitiaioiza. Afe izóí “Ja birui aferui” dáititiaioi. Mei íadi afémaci llógamo íinoñeno iri.

<sup>9</sup> Comini jóbairillana omoi cacáiađi áferi jacínaiñeno iri. Daje izóí jiáie comini íaioi illaíma uáitano jiáimiena méidoicanari jacínaiñeno iri. Mei uícodo dai íredeza, mei íadi íirairui nai dúciñedeza.

<sup>10</sup> Iemo Jesús nai úrioicaide:

—Daa nairai jiáie nairai díga fúiritiaioi. Daje izóí daa zie jiáizie díga jóbairitiaioi.

<sup>11</sup> Afe llezica díga ígobaiđo énie iere riire docáirite. Daje izóí aillo nairai júbietaitaioi, íemo jiáí aillo comini dáagoberiedo dúcotaitaioi. Aféruído monamo aillo cai jacínaitaite raa cíocaite, naa énie fuille joréñuairi.

<sup>12</sup> Mei íadi nana bífuiaí jino déiacana uícodo, fiendi finóllena ómoina lláitaitaioi. Daje izóí ómoina rácaítiaioi. Iemo Juzíñamui uai llorácomo ómoina uillano riire jicánodoítiaioi. Iemo ómoina llavéracomo íbaitiaioi. Afe llezica cuemo omoi jainaina jira, jamánomoidillaini naa jabóidillaini uícodo ómoina úitiaioi.

- 13 Daij omoi íaioi uilla llezica cuedo afémacimo ñue úritiomoi.
- 14 Abí omoi riidolle uaimo uícode omoi comécillena riire mamériño iri;
- 15 mei aféruimo afémaci uaillai omoi olle uaina ómoimo llóiticueza. Afe llezica ómoina ráfuenta ñue baitátaiticue. Afemona omoi éoidino ómoina jaca uáitanidiaioi.
- 16 Mei íadi aféruimo omoi onóigamaci Crístomo omoi ínua jira ómoina duere finóllena jiámacimo izájitiaioi. Daje izói omoi ámatiai Crístomo omoi ínua jira ómoina fécaitiaioi, íemo omoi móotiai dáafuedo ómoina fécaitiaioi, daje izói jiái omoi nabáñiai dáafuedo ómoina fécaitiaioi. Omoimona dáarie títaitiaioi.
- 17 Aféruido nana nairai cue ícoiniadi ómoina éoitiaioi.
- 18 Mei íadi omoi ífótiraiaimona, daa táinomo báñíte.
- 19 Iemo fáicanocaiño omoi ínnoiadi, zíñona cáallinona máñoiomoi.
- 20 Jerusalén jofue fuiriraini nágafene afeno cirínoia, áfena cíoilano, áfede raire táinocaillena ónoitiomoi.
- 21 Afe jira afe llezica Judea éniemo itínuiái caifóneduaimo botárediaioi. Daje llezica Jerusalem itínuiái afénomona oni jica járediaioi. Iemo jacáfaimo itino meine abído afe jófuego jáinidiaioi.
- 22 Mei afe comini duere finólliruimo ja dúcizeza. Aféruillaido nana jaiái Juzíñamui Cuegáuái ícoimo ñue fuitárede.
- 23 Afe llezica namóciredingotaiña ¡Ñi dúreña! Daje izói monoi jirode úruena llíidingotaiña ¡Ñi dúreña! Mei aféruillaido afénomo aillo izi cácaitiaioi. Afe énie comini jamánomo duere finólliaioi.
- 24 Afémacimona jiámaci jobairillanomo tíitiaioi. Iemo jiámaci nana nairai illánomo íaioina llavétaitaioi. Juzíñamui mamécaruillai dieze, jicánemaci Jerusalén anáfenuano júdaitaioi. Afe mamécaruillai fuille dino afe jófuenta fiendi fñoitiaioi.
- Nanoide Ima Jitó Cristo billirui ñue izoite  
(Mt 24.29-35, 42-44; Mr 13.24-37)*
- 25 Afe mei jítómamo, fuimo, naa úcuairi jacírede raa jánaniai cíocaita. Afe llezica náiraiaí comeci faca mamérilla uaillai niné féite. Iemo monáillaji ficire báguari jacínaitaioi.
- 26 Biniemo comuízaide raamo comécillano íere jacínaitaioi. Ie jacínaimonona tíidino izói ífícaitiaioi. Mei afe llezica nana monamo itínuiái riire mozíode ráaniai niráricaiteza.
- 27 Afe mei Nanoide Ima Jitó Crístona cíoitiaioi. Afémie íemo ite ríino naa dama íemo ite ebíredífuiaíri uílliedo ana bíte.
- 28 Bífuaí jino zulle llezica, ñue omoi mamériri; íocire omoi érocari. Mei íanori íllamona omoi jíllotalliomoi, —daide.
- 29 Daje izói nana bie aménamo mamécafue Jesús íaioimo llote:  
—Higuera daina aménamo comeci omoi facari. Daje izói nana jáie aménamo omoi comécíiri.
- 30 Íaioi íbiai firuillana omoi cíonia, “Ja fimona ánozide” daííredíomoi.
- 31 Afe izói bífuaí zuíllana omoi cíonamona, “Juzíñamui illáimana billirui ja ánozide,” daííredíomoi.
- 32 Uáfuenta ómoina dáitícue, bigímaiaí nai tíñeille llezica nana bie raa jino zúite.
- 33 Mona énie diga fúite, mei íadi cue uaillai jaca fúíteite. Cue lloga raa nana zúite.
- 34 Omoi comeci rírelleza abí omoi rairuiri. Mei íere aillo guíacanamona come comeci riire jáite, daje izói jífáifrenamona. Daje izói dani omoi abí ífue níciuduamona come comeci riire jáite. Jira cue billíruimo omoi jácináñelleza áfena abí omoi rairuiri.
- 35 Mei rille jíitafrena raa ónonino jíitaja izói, afe izói aferui nana énie comínina jíitaeza.
- 36 Jica ía maí ñue omoi finóbiri. Jaca fáicanocaiño Juzíñamuimo omoi úrifireiri, afe nana bie zúitífuiaimona omoi jíilloillena. Daje izói Nanoide Ima Jitó uícomo meáruíño omoi náidaillena, jaca Juzíñamuimo úrifireillano, jica ía ñue omoi finóbiri, —daide.
- 37 Jesús monari Juzíñamuimo gairíracomo llófuefírede. Afe mei naio, Olivos daina íduimo íniaífírede.
- 38 Nana comini afémie llófuiana cacáreillena nágarui raire jíitramo bífrediaioi.

## 22

*Jesús llaitállena maméritiaioi*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Fáitaño pan guífírena rafue ja ánozide. Afe rafue jíáfíodo mameina pascua rafue.

<sup>2</sup> Iemo lletáriraini illaini naa ocuica uai llófuetinori Jesús fállena jenódiaioi, mei afe llezica comínina jacáruitiaioiza.

<sup>3</sup> Iemo aféruido Taife Judas Iscariótemo jofo jaide. Afe Judas doce dígade Jesús orécamacimona dáamie.

<sup>4</sup> Afe bímie lletáriraini illáinimo naa gairáracu ocuúdinomo Jesús íaioimo fecállena lluájide.

<sup>5</sup> Afena cacáillano íóbidaioi. Iemona, “Ucubena o íbaiticai” daidíaioi.

<sup>6</sup> Iemona ie íaioi íbaja úcube llánote. Iemo Judas aféruimona comíni figo íñena llezica Jesús íaioimo izájillena jenode.

*Cai Ocuíraima íraicaiño güillafue*

*(Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Ja fáitañega pan güilláruimo dúcide. Afe llezica aféruimo pascua íena ovejai fáfirega.

<sup>8</sup> Jira Jesús Pedro, Juan íaillinoína ocuide; daide:

—Mai pascuamo güífrena izóí uícómo ómicoi finori, —daide.

<sup>9</sup> Jira afémiemo jicánotiaillinoi:

—Afena ¿ninomo finuaitcoco? ¿Ninomo áfena güíacadio? —daide.

<sup>10</sup> Jesús íaillinoína daide:

—Batí jófueмо ómicoi jaille llezica, ícírudo jainoi uitímie cíoitomicoi. Afémiedo jairi. Afe mei afémie jofo jáillícomo jofo ómicoi jai.

<sup>11</sup> Afénomo afe jofo námana ómicoi daíri, “Cai Ocuíraima ona daide: Cue güillíco ¿ninomo ite? Afécomo cue llófuegamaciri páscuamo güífrena izóí güíticue.”

<sup>12</sup> Afe mei afémie caifóidíbanimo ite áillocona ácatate. Afeco ero ja ñue finóbide, afécomo cai güille finori, —daide.

<sup>13</sup> Iemona afe íaillinoi jaillano, nana Jesús íaillinoína daina cíozaidiaillinoi. Iemona afénomo pascua rafue ana güífrena izóí, güille finódiaillinoi.

<sup>14</sup> Ja nauzáidemo güizájilla llezica Jesús naa ie oréllinori dáanomo ráiizitiaioi.

<sup>15</sup> Afe llezica Jesús íaioína daide:

—Nai cue tíñena llezica bie pascua ana güífrena izóí omoi diga iere güíacadicue.

<sup>16</sup> Mei ómoína dáíticue, bie ie rafue dáanomo meine güíñeíticue. Bie rafue Juzíñamui illáimana illíruimo bíñeille dino güíñeíticue, —daide.

<sup>17</sup> Daíí daina mei jiróraco llánota Juzíñamuina “Iere figora” daide. Afe mei íaioína daide:

—Bie llánota, conímamo omoi fecari,

<sup>18</sup> mei ómoína dáíticue, Juzíñamui illáimana illírui nai dúciñena dino, nane dáanomo uva íjina jaca jiroñeíticue, —daide.

<sup>19</sup> Afe mei pan llánota, Juzíñamuina “Iere figora” daide. Daíí dainano afe pan ditade. Pan díitano afémacido fecade. Afe llezica daide:

—Bie cue abiza. Tiillínomo fecállícue omoi ñue íllena. Cuemo omoi úbicafíreillena bie izóí omoi finófireiri.

<sup>20</sup> Daje izóí güilla fuilla mei jiróraco llánota, íaioimo fécajano daide:

—Bie jiróraco eromo ite íji Juzíñamui ómoiena mameca cómue uai ómoína onótaite. Afe ie mameca cómue uai, uafue daíllena cue die totálleza, mei cue die omoi ñue íllena totálleza.

<sup>21</sup> Mei íadi cue fécaítimie birui benó cue diga güite.

<sup>22</sup> Mei jíí, Nanoide íima Jitó Crístodicueza, jaiai uícodo cuemo mameca iodo jáíticue. Mei íadi cue fécaítimie, ¡níí dúerena! —daide.

<sup>23</sup> Afe jira conímama daidíaioi:

—¿Cáimona bu mei ie fecalle? —daidíaioi.

*Conímamo jamánomoidímie júfidotiaioi*

<sup>24</sup> Afe mei dani afémaci cígimona nímie jamánomoidímiena daina júfidotiaioi.

<sup>25</sup> Mei íadi Jesús íaioína daide:

—Nairai illaini íaioi anamo itínona riire ocuífirediaioi. Daje izóí íaioi ocuúdinona, jíáimaci “Omoi ñue finódino” daífirediaioi.

<sup>26</sup> Mei íadi omoi afe izóí íñeno iri. Mei jíáfodo omoi cígimo ite jamánomoidímie, afémie jíáimaci baimo jamámiena írede. Daje izóí ómoimona ocuífiredímie jíáimacina canófredímiena írede.

<sup>27</sup> Bífueмо omoi comécíiri. Dáamie güírabanimo güillena ráina llezica, jíámie güille bai atífiredi. Afe íaillinoimona ¿bu mei iere jamánomoina? Mei uáfueza, güírabanimo ráiidímie jamánomoina. Mei íadi cue omoi cígiri ocuífrega tájífiredímie izóí íticue.

<sup>28</sup> Comíni fieni cue facátáfirena llezica jaca cue diga ífiredíomoi.

<sup>29</sup> Te jira cue Moo illáimana illánona cuemo illa izóí, afe izóí ómoimo ííticue.



<sup>30</sup> Afena ómoimo íitícue, cue illáimana illánomo cue diga omoi güüllena. Daje izói afe llezica afénomo illaíma ráiiranomo ómoína ráinaitícue, doce dígade Israel náiraímo izire omoi jicánollena, —daide.

*Jesús Pedro ie jáanollena úicodo llote*  
(Mt 26.31-35; Mr 14.27-31; Jn 13.36-38)

<sup>31</sup> Ocuíraíma Jesús nane daide:

—Simón cácarei. Taife ona facátaiacade. Comini magai izilla izói ona izíacade.

<sup>32</sup> Mei íadi Juzíñamuimo ja jicádicue Juzíñamuimo o ínuua féitañeillena. Iemo afe facátainamona abido o bille méifodo, o ámatiai canori, íaioi ínogafuena íaioi fáicanocaiñeillena, —daide.

<sup>33</sup> Iemona Simón Jesuna daide:

—Cue Ocuíraíma, llavéracomo o diga cue jáillena ja finóbídicue. Daje izói afénomo o diga cue túillena ja mamériticue, —daide.

<sup>34</sup> Jira Jesús íena daide:

—Pedro, birui ona dáitícue, átava nai úriñena llezica daacaiñoámani, cuena jáanoitio, —daide.

*Jesús facátalle hora ja áinozide*

<sup>35</sup> Afe mei Jesús ie llófuegamacimo jicánote:

—Nauí ómoína cue ória llezica, ipécona uñeno, daje izói úcubena uñeno, íemo jáí eíba icona uñeno, fia omoi jairi, daidícue. Aféruimo ¿minica ómoimo nai íñena? —daide.

Jira afémaci daidíaioi:

—Aféruimo ja nana ñue ite, —daidíaioi.

<sup>36</sup> Iemona Jesús íaioína daide:

—Mei birui jáífodo daidícue. Ipécoredimie mai áfena ui. Daje izói úcuberedimie úcubena ui. Iemo jáí lloéfainidimie íemo ite iniroi fécajano afe íbado lloefai oíri.

<sup>37</sup> Mei Juzíñamui Cuegáuimo lloga cuemo ñue ícoimo fuitáredeza. Be níuai: “Fiénidimaci cígimo cuena mamédiaioi.” Mei uáfueza, nana cue dibénedo cùegana ñue ícoimo fuitárede, —daide.

<sup>38</sup> Iemona afémaci daidíaioi:

—Cai Ocuíraíma, caimo mena lloefai ite, —daidíaioi.

Afémie uai ote:

—Jadie ja figo baite, —daide.

*Jesús Getsemanímo Juzíñamuimo úrite*  
(Mt 26.36-46; Mr 14.32-42)

<sup>39</sup> Afe mei Jesús oni jaide. Ie jáífirena izói Olivos ídumo jaide. Afe llezica ie llófuegamaci afémie diga jáidiaioi.

<sup>40</sup> Ie jáíllanomo dúcillano daide:

—Fiénidifuemo omoi báiiñeilleza Juzíñamuimo úrifireiri, —daide.

<sup>41</sup> Afe mei Jesús comini nofici bai nitáfrena dino afémacimona oni jaide. Afénomo Juzíñamuimo jicállena ana dújude.

<sup>42</sup> Daide:

—Moo, o comeci jítaíadi, bie duere cue zefuúllifueмона cue jíllotari. Mei íadi cue comeci jítaina izói finóñeno iri, mei jáífodo o comeci daina izói finori, —daide.

<sup>43</sup> Afe llezica Juzíñamui abi ímie monámona Jesumo cíocaide; afémie Jesuna mairítaibite.

<sup>44</sup> Temo Jesús ie comeci jamánomo zúurena llezica, afémie Juzíñamuimo iere riire jícade. Afemona iere uzínaila izói ie abi úllie iere jino bite. Afe jino bite úllie ie die izoide. Afeji ana éniemo llocode.

<sup>45</sup> Juzíñamuimo ie jícaja fuilla mei, afémie ie llófuegamaci diné jaide. Inídiaioina cíozabite, mei zuufue inítagaiaioi.

<sup>46</sup> Jira íaioína daide:

—¿Nibái mei inídiomoi? Fiénidifuemo omoi báiiñelleza cazíllano Juzíñamuimo úrifireiri, —daide.

*Jesús llaitada uitíaioi*  
(Mt 26.47-56; Mr 14.43-50; Jn 18.2-11)

<sup>47</sup> Jesús nai úroidemo aillo comini dúcidiaioi. Afe doce dígadinomona Júdasna mámeciredimie bitino ifode. Ainozillano afémie Jesús ñítade.

<sup>48</sup> Jira Jesús afémiena daide:

—Judas, ¿Nanoide íima jíto o ñítafuedo fécaibitio? —daide.

49 Jesús abimo itino áfena cióillano jicánotiaioi:

—Cai Ocuíraima, ¿bimaci diga lloéfaido fúiriticai? —daide.

50 Afe llezica afémacimona dáamie lletáriraini caifóidillaíma ocuífíregamie bofede. Ie jefo nabefo ñetade.

51 Jira Jesús daide:

—Dama íteza. Mai fáicanocai, —daide.

Iemona Jesús afe jefona ñetácámie jefo jetánote. Afena afémie jacáitate.

52 Afe mei Jesús lletáriraini illaini naa gairíraco ocuídino, naa ie lláitaibite éinamacina daide:

—¿Mei nibái merírífredimedicue izói lloéfaillairi, naa bigíniari cuena lláitaibitiomoi?

53 Naui nágaruillaido Juzíñamui mo gairíracomo omoi cue llófuefírena llezica, jaca cuena jetáñediomoi. Mei íadi birui omoi jitaica raa finóllirui. Naio comíni ibailla izói, ja birui Taife bínie náamatade, —daide.

*Pedro Jesuna jáanote*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

54 Iemona Jesús llaitada, lletáriraini caifóidillaíma jofomo uitíai. Afe llezica Pedro bai jicado jaide.

55 Afénomo afeco cigi ibírimo irai bonódiaioi. Aféramo agáidiaioi. Iemo Pedro afémaci cígimo agáizaide.

56 Iemo afénomo ite ocuífíregango irai fuemo Pedro ráinana ciode. Afe mei afengo daide:

—Bímie jaca Jesús diga ífírede, —daide.

57 Mei íadi Pedro jáanuano daide:

—Afémiena onóñedicue, —daide.

58 Afe mei íanori íllamona jááimie íena cióillano daide:

—O bie afémaci iéidio, —daide.

Mei íadi Pedro daide:

—Íeñede; cue bie afémaci ímieñedicue, —daide.

59 Afe mei jabo are íllamona da hora fidi jááimie riire daide:

—Uáfueza. Bímie afémie diga ífírede mei afémie daje izói Galilea ímieza, —daide.

60 Jira Pedro daide:

—O úrillana onóñedicue. ¿Mínica llotio? —daide.

Ja Pedro úrioidemo átava úrite.

61 Iemona Jesús Pédro mo érocaide. Afe llezica Pedro afémiena daináfue mo uíbicaide. Be níuui: “Atava nai úriñena llezica dacaiñoámani cuena jáanoitio.”

62 Afemona Pedro jino jaillano zuure eede.

*Jesús jifánodoidiaioi*

*(Mt 26.67-68; Mr 14.65)*

63 Jesús llaitada úiñotino afémiena jifánodoiano razido íena fatíai.

64 Daje llezica íe úi íbáillano, íe uíeco fátano daidiaioi:

—¿Bu o faaja? ¿Onóillano jino llone! —daidiaioi.

65 Afe llezica diga jáífuiaido íena báíñotiaioi.

*Dáanomo gairide illáicomíni uícomo Jesús uitíai*

*(Mt 26.59-66; Mr 14.55-64; Jn 18.19-24)*

66 Ja mona monáidemo judíuai éicomíni, naa lletáriraini illaini, naa ocuica uai llófuetinori dáanomo gairídiaioi. Afe gairítaga illáicomíni “Junta Suprema” dainámaci. Afénomo Jesús uillano, jicánotiaioi:

67 —Caimo llone, ¿o meita Crístodio? —daidiaioi.

Jira afémie uai ote:

—Afena jii daidícuenia, cuemo ínoñeitiomoi.

68 Daje izói jáífue ómoimo cue jicánoia, íbana uai óñeitiomoi. Afe izói cuena zúitañeitiomoi.

69 Mei íadi benómoma Nanoide íima Jitó Cristo jamánomo ríñorede Juzíñamui nabézimo ráinaite, —daide.

70 Afe mei nane afémie mo jicánotiaioi:

—¿Meita o Juzíñamui Jitódio? —daidiaioi.

Jira Jesús íai uai ote:

—Jii, dani omoi daina izói níimedicue, —daide.

71 Iemona afémaci daidiaioi:

—Ja jáie uai nábatinona jítáñedicaí. Cai bie dama íe fuémoma íe fieni úrillana cacádicaí, —daidiaioi.

## 23

*Pilato uícomo Jesús uitíai**(Mt 27.1-2, 11-14; Mr 15.1-5; Jn 18.28-38)*

<sup>1</sup> Iemona nana náidacaillano Jesús Pilátomo uitíai.

<sup>2</sup> Afénomo diga fiénidifuiái íemo jóonetiaioi. Daidíai:

—Bímie cai comínimo icírafue comuitajana ciódicai. Iemona comini áferi faillíñaicaidiaioi. Afémie “Romano jamánomoidillaíma ibátaga úcube ibánidicai,” daide. Afe llezica afémie “Illaíma Cristodicue” daiífiredede, —daidíai.

<sup>3</sup> Jira Pilato afémiemo jicánote:

—¿Meita o judíuai Illáimana? —daide.

Jira Jesús uai ote:

—O daina izói, jii níimiedicue, —daide.

<sup>4</sup> Iemona Pilato lletáriraini illáinina, naa comíniri daide:

—Bie cómemo fiénidifuenta baiñédicue, —daide.

<sup>5</sup> Mei íadi dáanomo riire daidíai:

—Nana Judea comínimo ie llófueinafuiáido icírafue íaiómo comuitate. Fueñe Galilea éniemo daí finode, íemo birui cai éniemo nágagobiaído daje izói finode, —daidíai.

*Herodes uícomo Jesús uitíai*

<sup>6</sup> Jesús naui Galiléamo llófueinoafuena Pilato cacáillano, jicánote:

—¿Bie íima Galilea ímie? —daide.

<sup>7</sup> Comini daí daidíaiómo, Heródesmo íena orede, mei afémie Galilea illáimana. Aféruillaído Herodes Jerusalemo íte.

<sup>8</sup> Herodes Jesuna cióillano íere íóbicaide. Jaiái ninomo íena cióiacade. Comini Jesudo dáinana Herodes cacáírede. Iemona Jesús daa ciórainina raa fínuana Herodes cióacade.

<sup>9</sup> Iemo Herodes diga icaiño diga ráfuiái íemo jicájicanode. Mei íadi Jesús jaca uaina ofñede.

<sup>10</sup> Dáanomo lletáriraini illáini ocúcafue llófuerainiri itíai. Bimaci Jesumo fiénidifuiái riire jóonetiaioi.

<sup>11</sup> Iemona Herodes íe fuíríaini diga Jesuna ja jámairuitiaioi; íere íena áífedotiaioi. Afe mei ebírede illaíma íniróina íemo jítádiaioi; jítamona daí afémie jifánodoídiaioi. Afe meífomo Herodes dáanomo Jesuna Pilátomo orede.

<sup>12</sup> Aféruído Pilato Herodes diga daje nabaina mameide. Jaiái uícodo are conímana éoidiaillinoi.

*Jesús titállena mamédiaioi**(Mt 27.15-26; Mr 15.6-15; Jn 18.39-19.16)*

<sup>13</sup> Afe jira Pilato lletáriraini illáini, íemo riímaci naa comini dáanomo gairítano daide:

<sup>14</sup> —Bie omoi lloga comínimo icírafue comuitatímie. Mei íadi omoi cacáicana izire íena jicánoticue. Jicánuamona íe fiéni finócafuenta baiñédicue. Afena cacádiomoi. Daje izói afémiemo omoi nitaca fiénidifuiái cióñedicue.

<sup>15</sup> Daje izói Herodes níífuenta cióñenano afémie abido cuemo orede. Ja ciódiomoiza, bímie titállena íñede.

<sup>16</sup> Afémiena zechétaticue. Afe mei afémiena zuitada jino óreiticue, —daide.

<sup>17</sup> Afe rafue ana comini cáimacaitallena, Pilato daa llavécamierna zuitáfiredede.

<sup>18</sup> Mei íadi nana comini dájena riire daidíai:

—Bie Cristo oni jica titálleza. Barrabás caímo zuitari, —daidíai.

<sup>19</sup> Naui afe Barrabás llavéracommo llavédiaioi, mei afémie jofue comini uáitajano jíáie illaíma jóoneacade. Afe llezica afémie jíáimana íe tita ícoínia llavédiaioi.

<sup>20</sup> Pilato Jesuna zuitáacade. Iemona dane dáanomo íaiómo úrite.

<sup>21</sup> Mei íadi afémaci riire daidíai:

—¡Cruzmo íe coraí! ¡Cruzmo íe coraí! —daidíai.

<sup>22</sup> Ja dacaíñoámami Pilato íaióina daide:

—¿Níbái mei íe titaiticue? ¿Afémie níé fiénidifue finode? Íe cue titalle fiénidifuenta íemo baiñédicue. Afémiena zechétaticue. Afe mei afémiena zuitada jino óreiticue, —daide.

<sup>23</sup> Mei íadi afémaci Jesús coráillena riírerie jicádiaioi. Jamánomo riírerie íaiói jícajamana, íaiói jitaica otíaiói.

<sup>24</sup> Íaiói jícajana are illa ícoínia Pilato fairíote.

<sup>25</sup> Afe jira nana llavécanuíaímona afe nízecca Barrabás Pilato zuitade. Afe Barrabás illaíma uáitano jíáillaíma jóoneacana ícoínia íena llavédiaioi. Afe izói jíáima íe tita ícoínia, llavédiaioi. Mei íadi Pilato afe comini jitaílla izói Jesuna fecade.

*Jesús cruzmo coráidiaioi**(Mt 27.32-44; Mr 15.21-32; Jn 19.17-27)*

<sup>26</sup> Jesús íaioi coráiailla llezica Cirene énie ímie Simona llaitádiaioi; Jesús uiga cruz íena uitátatiaioi. Afémie jino jacáfaimona jófueo bite. Jira Jesús rocaca cruz Jesús ódana uitátatiaioi.

<sup>27</sup> Afe llezica diga comini afémie ódana jáidiaioi. Daje izói diga ringóniai afémieri zúucaillano éecana jáidiaioi.

<sup>28</sup> Mei íadi Jesús aféngotiamo érocaillano daide:

—Jerusalén ringóniai, mai cueri éeñeno iri. Mei jáífodo dani omoi abiri eeri. Daje izói dani omoi úruiaimo eeri.

<sup>29</sup> Mei jamánomo zúuredirullaimo dúctitiaioiza. Aféruimo bie izói dáititiaioi: “Uruena comuñtañedingotiai, ¡nii caimare illa! Daje izói úrueningotiai, ¡nii caimare illa! Afe izói úruemónoina jirótañedingotiai, nii caimare itíaioi.”

<sup>30</sup> Aféruimo comini caifoneduaina dáititiaioi: “Cai emódomo jaíri,” dáititiaioi. Afe izói duera íduaina dáititiaioi: “Cai retáidori” dáititiaioi.

<sup>31</sup> Mei birui nífuenidimedicue ia bie izói duere cuena finódiaioi. Iemona jáíruido fiénidino cue duere zefuilla baimo duere finólliaioi, —daide.

<sup>32</sup> Afe llezica mena come, comini fáfiredino Jesús diga daane coráillena uitíaioi.

<sup>33</sup> Calavera maméidinomo dúciillano Jesús coráidiaioi. Daje llezica afe mena fiénidimie íaillinoi, dáamie Jesús nabézimo, jáíimie ie jarífezimo coráidiaioi.

<sup>34</sup> Te íaioi coraina llezica Jesús daide:

—Moo, íaioi fiéni finócafue iba oñeno iri; abina onóñediaioi daíí ñíaza, —daide.

Afe mei fuiríraini onótaraji dotáidiaioi Jesús iniroi áfedo dani íaioi maiñóllena.

<sup>35</sup> Afénomo ite comini acáritiaioi. Afémaci naa nairai imaci ílláicomini afémie áfeducano daidiaioi:

—Jiáimana jíllotañredioza, ua o Cristo o íadi, daje izói Juzíñamui nízcamiéna o íadi, daje izói Juzíñamui mai o abi jíllota, —daidiaioi.

<sup>36</sup> Daje izói fuiríraini íena áifedodiaioi. Ainozillano rochíredijina, figóñede vino íena jirótatiaioi.

<sup>37</sup> Jirótano daidiaioi:

—Judíuai Illaíma o íadi o abi jíllota, —daidiaioi.

<sup>38</sup> Te ífo acónimo cuezábici jae jónega. Afébici dazieámani uai cúeina: griego, íemo latín, íemo hebreo diga. Afébicimo daide:

“Bímie Judíuai Illaíma.”

<sup>39</sup> Coraica fiénide íaillinoimona dáamie Jesús uáitano daide:

—Cristona o íadi, mai o abi jíllota coco diga, —daide.

<sup>40</sup> Mei íadi jáíimie ie nabáimie llétajano daide:

—¿Níbái mei Juzíñamuina o jacíruiñedio? Daje duere finóinafue anamo itíoza.

<sup>41</sup> Coco aillo finócafue ite. Jira dúere finóbicicoco. Coco finoca fiénidífue iba ua otíaioi. Mei íadi bie íima fiénidífueña finóñede.

<sup>42</sup> Jira uáitañedimie Jesuna daide:

—Jesús, o illáimana illíruimo o dúciadi cuemo uibicairi, —daide.

<sup>43</sup> Jira Jesús uai ote:

—Uáfueña ona dáitícue, ja birui cue diga ñue ebíredinomo íitio, —daide.

*Jesús tíilla**(Mt 27.45-56; Mr 15.33-41; Jn 19.28-30)*

<sup>44</sup> Ja jitoma jaícri illa llezica náníena nauíbicaide. Afe nauilla are ite. Ua jitoma arífemona ana ítemo llúcaide.

<sup>45</sup> Afe llezica jitoma ui duide. Jítireficaide. Daje llezica gairíracomo fetácaroi caifona ana eróicana dáafenedo daingo cúajicaide.

<sup>46</sup> Afe mei Jesús ficire caillide:

—Moo, cue joreño omo cue ígaza, —daide.

Daíí dainano tíide.

<sup>47</sup> Romano illaíma afe íficaidífue cióllanona Juzíñamuimo caimátaide. Daide:

—Uáfueza. Bímie jaca nífuenidimie, —daide.

<sup>48</sup> Daje izói nana afénomo ite comini bie íficaidífueña cióllano afénomona íaioi jófueo jamánomo zuure jáidiaioi.

<sup>49</sup> Mei íadi nana Jesús onóigamací aféfuiaimo jícana acáritiaioi. Daje izói Galiléamona Jesudo jaide ringóniai jícana acáritiaioi.

*Jesús raitíai**(Mt 27.57-61; Mr 15.42-47; Jn 19.38-42)*

<sup>50</sup> Judea éniemo ite Arimatea jofue ímie José afénomo ite. Afémie ñue comeci jaícina jóidímie. Afe José judíuai ocuide illáicomínimo jainaide.

<sup>51</sup> Afe bie José Juzíñamui illáimana illíruimo ocúrírfrede. Afe jira afémie jíáie judíuai ocuide illáicomíni finócana jíeruíñede.

<sup>52</sup> Ie jira afémie Jesús abi Pilátomo jícajide.

<sup>53</sup> Afémie Jesús abi crúzmona ana uano áillue iníroina junide. Junilla mei, idu anamo nofícimo finócacojimo afémie Jesús raite. Aféfomo nai buna ráiñena.

<sup>54</sup> Nana bífuíai viernes nauife dibénedo zuide. Jaca úicodo víernemo ocózinairuimo jitaica raana finofrediaioi.

<sup>55</sup> Afe Galiléamona Jesudo bite ringóniai Jesús ráinano érozaidiaioi. Afe llezica ie abi tíide bíinana cíodiaioi.

<sup>56</sup> Aféngotiai meine jofomo jaillano, ziórediji, naa abi bíraniairi finódiaioi. Afe mei ocózinairuimo ocuica uai daina izóí ocózinaidiaioi.

**24***Jesús tíllanomona meine cáadimiena jaide**(Mt 28.1-10; Mr 16.1-8; Jn 20.1-10)*

<sup>1</sup> Semana nanóidruido afe ringóniai raire jítiramo Jesús raiafo érozaidiaioi. Iaiói finoca zióredjillai uitíaiói. Iemo jíáie ringóniai íaióina nabáidiaioi.

<sup>2</sup> Afe ringóniai afénomo dúcíaiaimo, raiafo ibailla nofíci nano illa izóí íñede. Oni eneno jóónega.

<sup>3</sup> Aféfomo jofo jáidiaioi, mei íadi jofo jáidiaioimo cai Ocuíraima Jesús abi cíóñediaioi.

<sup>4</sup> Afemona iere jacínaitiaioi. “¿Ñie izóí íiticaí?” daidiaioi. Daií íaiói daina llezica mena íima aféngotiai áinori naidánana cíodiaioi. Afe íaillinoi quenírede iníroi jítdaillinoi.

<sup>5</sup> Afe íaillinoina cíoilano, iere jacínaitiaioi. Jacínaimona ana éniemo bíjicaidiaioi. Iaiói bíjicailla llezica afe íaillinoi aféngotiaina daide:

—¿Ñibái mei cáadímie tíidino cígido jenódiomoi?

<sup>6</sup> Afémie ja benó íñede. Ja meine cáadimiena jáideza. Naui Galiléamo ie illa llezica, ómoína ie daina uaimo ubicairi.

<sup>7</sup> Afénomo afémie bie izóí ómoína daide: “Nanoide íima Jitó Cristo fiénide comínimo fecalle. Afémiena cruzmo córaitiaioi. Iemo daruíamani íllemona meine abido cáadimiena jáite,” — daidiaillinoi.

<sup>8</sup> Afemona aféngotiai Jesús íaioina daiífirena uaimo ubicaidiaioi.

<sup>9</sup> Afe mei raiafomona meine bitíaiói. Billano nana bífuíai once dígade llófuegamacimo llotíaiói. Daje izóí jíaimacimo llotíaiói.

<sup>10</sup> Bífuíai llocana uitíngotiai mámeciaí be ñie: Magdalena énie ingo María, íemo Juana, íemo Santiago ei María, naa jíáie ringóniairi.

<sup>11</sup> Mei íadi aféngotiai íaioína dánana uáiritaidino úrilla izóí cacaide. Jira aféngotiai llógana íñoñediaioi.

<sup>12</sup> Iemo Pedro íñoñede íadi, Jesús raiafomo aizícana jaide. Jofo eromo érocaidemo dama ie juníllaroi dínomo jóidena cíozaide. Afe mei Pedro afénomo ífcaidemo fáigacaillano meine jofomo jaide.

*Emaús jofue iomo Jesús cíocai**(Mr 16.12-13)*

<sup>13</sup> Aféruído afémacimona ménamie Emaús jofue iodo jaide. Afe jofue Jerusalémoma once kilómetros díno jino ite.

<sup>14</sup> Afeodo jailla llezica, nana aféruillaído itífuíai júfídocana jáidiaillinoi.

<sup>15</sup> Íaillinoi úrilla llezica Jesús íaillinoimo áinozide. Dúciillano afe íaillinoi diga jaide.

<sup>16</sup> Afémiena cíodiaillinoi mei íadi afémiena onóñediaillinoi.

<sup>17</sup> Jira Jesús afe íaillinoimo jícanote:

—Íodo ómicoi jailla llezica, ¿ñifue júfidotíomoi? ¿Ñibái mei iere zuure itíiomoi? —daide.

<sup>18</sup> Afe íaillinoimona, Cleofas mámeciredímie uai ote:

—Nana comíni biruíllaido Jerusalemo finócafuaiaina fídídiaioi.

Afeno ímedio íadi ¿meita aféfuaiaina jaca nai fídíñedio? —daide.

<sup>19</sup> Iemona afémie íaillinoína daide:

—¿Ñifue finódiaioi?

Jira iena daidíallinoi:

—Nazaret ímie, Jesús ñue riire uai llórama aillo ebírede raana uaido finode. Afena Juzíñamui eróicana finode, daje izói nana comini ui cóicana finode.

<sup>20</sup> Mei íadi lletáiraini illaini naa cai ocuídillaini diga afémiena coráiano titállena fecádiaioi.

<sup>21</sup> Afe llezica iemo ocuídicaí, ua Israel Nairai anáfenodinomona cai jillotallena. Ja afefue záillamona ja daruíamani íteza.

<sup>22</sup> Te emódomo cáimona ringóniai ja caina jacínaitade. Aféngotiai raiáfomo nai jítiredemo jaillano íaioi ciónana meine caimo lluaíbitiaioi.

<sup>23</sup> Te abina cóñediaioi. Mei íadi Juzíñamui abi imaci ángeles dainámacina jae ciódiaioi, daidíaiioi. Afe ángeles ringóniaina daide: “Jesús caade.”

<sup>24</sup> Temona cáimona raiáfomo jáidiaioi. Dinomo ringónaiiai llua izói baitíaiioi. Mei íadi Jesuna cóñediaioi.

<sup>25</sup> Jira Jesús daide:

—¡ere fétafirediomoi! Nana uai llóraini daináuaina iere rairuíoicana ínotiomoi.

<sup>26</sup> ¿Uáfueñede Cristo ie ebíredinomo nai jáiñena llezica, afémiemo bie duere finóbillafue jítáirede?

<sup>27</sup> Te mei nana Cuegáuaimo afémiedo dainana ñue jino llote. Moisés cuegánicuaimo ite afémiedo úrilla uai ñue jino llote. Daje izói nana jáie uai jino llóraini llogánicomo itino jino ñue llote.

<sup>28</sup> Jofuemo dúcidiaioimo, Jesús iodo nai jáiacadena éroide.

<sup>29</sup> Mei íadi afémiena jeruídiaillinoi. Daidíallinoi:

—Jae nauízaijeza, mai benó coco diga fiebi, mei ua jítireoicaideza, —daide.

Jira Jesús jofo jaije iaillinoi diga íllena.

<sup>30</sup> Jae íaioiri jofo güirábanimo ráillano pan líinote. Líinuano Juzíñamuina:

—Iere figura, —daide.

Daí dainano dítajano íaillinoimo ite.

<sup>31</sup> Afe llezica íaillinoi ui tújicaillamona iena onódiaillinoi. Afe mei afémie cióbicaíñena.

<sup>32</sup> Conímána daidíallinoi:

—¿Uáfueñede iodo cai úricana jailla llezica, afémie caimo Cuegáuai jino llua llezica coco comeci náicaitade? ¡Afe uáfueza!

<sup>33</sup> Iemo afénomo are íñeno meine Jerusalemo abido jáizaidiaillinoi. Dinomo once orécamací naa íaioi nabáñiairi dáanomo gairide baizáidiaillinoi.

<sup>34</sup> Afénomo itino íaillinoína daide:

—Uáfueza cai Ocuíraima ja meine abido caade, Simón Pedro ja iena ciode.

<sup>35</sup> Iemo afe íaillinoi afémacimo nana iomo íaioi úrillafuena llotiaillinoi. Afemona Jesús pan ditada íllamona afémiena íaillinoi onónana gairídinomo llotiaillinoi.

*Jesús ie llófuegamacimo cózite*

*(Mt 28.16-20; Mr 16.14-18; Jn 20.19-23)*

<sup>36</sup> Afe íaillinoi dáinomo úritiaioimo, Jesús íaioi cógimo náidazaide. Náidacaillano íaioi uáidote; daide:

—Jacíruíñeno, uái omoi iri, —daide.

<sup>37</sup> Afémiena cóillano, “¡Come joreño caimo billa!” dainano iere jacínaitaioi; cuidíridiaioi.

<sup>38</sup> Mei íadi Jesús íaioína daide:

—¿Nibái mei jacínaitiomoi? ¿Nibái jizíreoicana cue ínotiomoi?

<sup>39</sup> Bené cue ónoimo érocai. Daje izói cue ídaímo eroi. Níimiedicue. Cue abi jeta. Cómedicueza ónoi. Ja cue abina ciódiomoiza. ¡Minica joreño icurunideza; íeizínide! —daide.

<sup>40</sup> Daí daina llezica ie onoi ie idaí diga afémacimo ácatate.

<sup>41</sup> Mei íadi afémaci íóbidiaioi ía, iere uáinificaidiaioi. Ie jira afémie uáfueña íllana nai figo íñofediaioi. Jira Jesús íaioína daide:

—¿Benó ómoimo due güíllena ite? —daide.

<sup>42</sup> Te jira ruica chamu iemo itiaioi, naa due caífo íji diga.

<sup>43</sup> Afe líinota íaioi eróicana güite.

<sup>44</sup> Afe mei íaioína daide:

—Nana nauí cuemo íficaidífuíai, nauí omoi cógimo cue illa llezica, ómoína cue daina be níie. Nana cue dibénedo uícodo cuegáuai daina ñue ícoimo fuitárede: Moisés cuegánicomo cue dibénedo úrite; daje izói jaiaí uai jino llóraini cue dibénedo úrite; iemo jái Salmos cuetímie cue dibénedo úrite. Nana afémaci cue dibénedo úrilla uai ñue ícoimo fuitárede, —daide.

<sup>45</sup> Iemona Juzíñamui Cuegáuaimo dainana Jesús afémacina ñue onótate.

<sup>46</sup> Íaioína daide:

—Cuegáuaimo daina izóí Cristo jaca tírede. Daje izóí daruíámani íllamona afémie tũllanomona meine cáadimiēna jáirede.

<sup>47</sup> Daje izóí Jerusalémona oni nana jáie náraiaimo comini comeci ífuiái íaiói méidollena cue mámecido llórede. Daje izóí comeci íaiói méiduamona íaióimo ite fiénidífue múiñua cue mámecido llórede.

<sup>48</sup> Nana bie cuemo comuídifuiái uai nabáirainídiomoi.

<sup>49</sup> Ie jira cácarei, cue Moo uícodo lloga fecáacaga Ñuera Joreño ómoimo óreiticue. Afe caifona bille ríino omoi nai llínoñeille dino, benó Jerusalén jófueo omoi iri, —daide.

*Jesús ja caifo monamo jaide*

*(Mr 16.19-20)*

<sup>50</sup> Afe mei Jesús afémacina jofue jinomo uite. Betania áinomo jáidiaioi. Afénomo Jesús onoi caifo ñúitajano íaiói ñue íllena llote.

<sup>51</sup> Daii ie daina llezica afémacimona oni jírecaillano afémie ja caifo monamo uiga.

<sup>52</sup> Afémiemo íaiói caimátailla mei, abido Jerusalemo iere ióbicana jáidiaioi.

<sup>53</sup> Afemona afémaci Juziñamuimo gairíracomo ífirediaioi. Afe llezica aillo ñúefuiái Juziñamuimo nitáfirediaioi. Daiitadeza. Jae ñie.

## JUZIÑAMUI ÑUEFUE SAN JUAN LLOGAFUE El Santo Evangelio Según San Juan

*Juziñamui Uaina maméidimie iimana ificaide*

<sup>1</sup> Naga raa táinia uícomo afe Uai dainámie Cristo jaca ite. Afe Uai jaca Juziñamuimo ite. Afémie Juziñamui.

<sup>2</sup> Ua nanódiruimo afémie Juziñamuimo ite.

<sup>3</sup> Afémiedo Juziñamui bínie naa ráaniairi finode. Minícana iñede afémie finóñegana.

<sup>4</sup> Afémie como cáallino ite. Afe cáallino nana comini egáñote.

<sup>5</sup> Afe egáñotino jaca jítiredinomo egáñote; íadi afe jítiredino afe egáñotinona jaca dúitanide.

<sup>6</sup> Daa Juziñamui orécámie biniemo bite. Afémie mámece Juan.

<sup>7</sup> Afémie uai nabáiraimana bite egáñotinodo ñue úrillena. Daí úrizaibite, afémie daináfuedo nana comini iinollena.

<sup>8</sup> Juan dama egáñotimieñede. Fia afémie orécámie egáñotimie uai nabáiraimana úrizaibite.

<sup>9</sup> Afe egáñotimie uáfueña ñue egáñotimie. Bie egáñotimie nana caimo egáñote. Afe egáñotimie biniemo dúcizaibite.

<sup>10</sup> Afe Uai dainámie biniemo ite; Juziñamui afe Uai dainámiedo bínie finode, íadi biniemo itino afémiena onóñediaioi.

<sup>11</sup> Afémie ie éniemo bite, íadi ie comini afémiena llínoñediaioi.

<sup>12</sup> Mei íadi dáarie mei afémiena llínotiaioi; afémiena iinotiaioi. Afe iinotino ríinorediuaina igáiaioi, Juziñamui úruiaina íaioi jáillena.

<sup>13</sup> Afe úruiai come móotiai úruiai izóí cómuítañega. Come móotiai bie énie comuilla izóí, comuítatiaioi. Afémaci íaioi comeci jítinafuedo comuítatiaioi, íadi Juziñamui úruiai dama Juziñamuimona comuide.

<sup>14</sup> Afe Uaina maméidimie cai come abi izóí dama ificaide. Ie mei cai cígiri nano nié dino ite. Afémie comécimo ñuefuiái illa, ua nana izíruillafue uafue diga. Ie jira afémiemo ite ñue ebírenafue caimo cíocaide; afe ebíredifue dama Moo Juziñamui daade Jitó ie.

<sup>15</sup> Juan afémieri jéerie ñuefuedo úrite. Daide:

—Baie cue úrillamie, ómoimo cue llogámie, cue ódana bitímie. Afémie jae cue uíeco dibénemo jaide, cue iñeniadí teza, —daide Juan.

<sup>16</sup> Afémie aillo ñuera ráfuiaimona caimo ñue ézicigafuiaina llínoticai. Ua nana fáicanocaiñeno llínoticai.

<sup>17</sup> Juziñamui caimo ocuífafue Moisedo oreca, íadi izíruinafue uáfuiái diga Jesucristodo bite.

<sup>18</sup> Buna jaca Juziñamuina cióñena; mei íadi dama daade ie Jitó, ua Moo comeci ánomo itímie, baie Juziñamui ífueña cai onótatimie.

*Báutzaraima Juan Jesucristodo ñue úrite*

*(Mt 3.11-12; Mr 1.7-8; Lc 3.15-17)*

<sup>19</sup> Jerusalemo ite judíuai, dárie lletáraini Levítaniai diga Juaamo orédiaioi. Daí íaioina orede bámiemo jicánollena, “Búdio” daiillena.

<sup>20</sup> Afémie jáanoñeno llote. Daide:

—Cue Cristoñedicue, —daide.

<sup>21</sup> Nane dáanomo íemo jicánotiaioi:

—¿Búdio mei? ¿O Juziñamui uai llóraima, Elíadio? —daiíaioi.

Juan: —Íeñedicue, —daide.

Íemo nane jicánotiaioi:

—¿Nii Juziñamui uai llóraima bille dainámiedio? —daiíaioi.

Jira uai ote: —Íeñedicue, —daide.

<sup>22</sup> Ie jira íena daiíaioi:

—¿Mei búdio? cai orédinomo fairíogafueña cai uillena. ¿Mei nie izóí caína o abi ífueña dáitio? —daiíaioi.

<sup>23</sup> Juan íaioi uai ote:

—Cue dama jofue iñénanomo caillide uáidimiedicue. Bai Juziñamui io jáicina zitari, jaiai Juziñamui uai llóraima Isaias daina izóí, —daide.

<sup>24</sup> Juan diga úrizaibitino jae Fariséuaimona orécaiaioi.

<sup>25</sup> Ie mei Juaamo jicánote:



—Mei Crístoñedio, Elíañedio, Juzíñamui uai jino llóraimañedio, ¿nibái mei báutizaibifiredio? —daídaioi.

<sup>26</sup> Juan íaioina daide:

—Fia jáinoido báutizadicue. Mei íadi omoi cígimo daa omoi onóñegamie ite.

<sup>27</sup> Cue óodana afémie bite, íadi cue jinomo baitade. Afémie eiba ico igai zuitánidicue, mei jamáimiedicueza, —daide.

<sup>28</sup> Nana afe Juaamo jicánollena Betábaramo úritiaioi. Betábara énie Jordán imani ruicáfellemo ite. Ja dinomo nauí Juan comini báutizafirede.

*Jesús, Juzíñamui Cordero*

<sup>29</sup> Afe meifo iruido Juan ja Jesúna ciode. Jesús Juaamo ánozide. Anozidemo Juan daide:

—¡Eroi! Juzíñamui Cordero daína ie Ovéjana mamécámie. Ua, afémie nana comini fiénidifue oni dóraima.

<sup>30</sup> Nauí afémie cue llogámie “Cue óodana daa íima bite. Ua óodana bitímie cue baimo baitade, mei afémie cue jinófenemo íteza; daje izói cue íñenia afémie jae nano ítímieza.” Daí nauí afémiedo úriticue.

<sup>31</sup> Dama afémiena onóñedicueza, búdimieza. Iadi jáinoido comini báutizaibiticue, Israel nairai afémiena ñue onóillena, —daide.

<sup>32</sup> Ie emódomo daide Juan:

—Ja Juzíñamui Ñuera Joreño, Espíritu Santo, bímiemo monámona ana bíllana ciódicue. Fícirina eroide. Iemo afémiemo fiébide.

<sup>33</sup> Jaca nanómona onóñedicue nibai bu. Mei íadi jáinoido comini báutizallena daí cuena ocuúimie cuena daide: “Ñuera Joreño daa ímamo ana bíllana íemo afémiemo fiébillana o cióadi, afémiena ónoitio. Afémie Ñuera Joréñona itátatímie.” Daí cuena daide.

<sup>34</sup> Ja íena ciódicue. Ie jira ñue llóraimadicue. Uáfuenta lloticue. Afémie Juzíñamui jító, —daide Juan.

*Jesús nano fueñe ie llófuegamaci*

<sup>35</sup> Afe meifo iruido Juan mena ie llófuegamie íaillinoi díga, meine batí dáanomo ite.

<sup>36</sup> Jesús mácajana cióillano, Juan daide:

—Eroi bímie Juzíñamui Cordero daína ie Ovéjana mamécámie, —daide.

<sup>37</sup> Iemo Juan llófuegamie íaillinoi ie daínáfuenta cacáillanona oni Jesumo jáizaidiaillinoi.

<sup>38</sup> Ie mei Jesús jino érocaidemo, afémiemo íaillinoi jáizaiillana ciode. Íaillinoina daide:

—¿Bu mei jenódiomicoi? —daide. Afe íaillinoi afémiena daide:

—Llófueraíma, ¿ninomo ítio? —daide.

<sup>39</sup> Jira Jesús fairíote:

—Eróizaibi, —daide.

Iemona iedo jáidiaillinoi. Afémie illánona cíozaidiaillinoi. Ie mei, nibai jítoma ana ítemo, afémieoiri iruido fiébidiaillinoi.

<sup>40</sup> Daa afe íaillinoimona ua Juan llogáfuenta cacádinomona, Jesús diné jáidimie Andrés.

<sup>41</sup> Afémie Simón Pedro ama. Afe Andrés, nano fueñe abido ie ama Simón baizaide. Baizájillano íena daide:

—Mesíana, Juzíñamui mámecigamiena jae baiticai. Cristo jíáfodo mamécámie, —daide.

<sup>42</sup> Ie mei Andrés Jesús illánomo Simona uite. Dúcidemo Jesús íena cióillano daide:

—O Simona, Jonás jítódio. Iadi biruimona Céfana mámeitio. Pedro jíáfodo mameina.

*Jesús Felipe uáidote Natanael díga*

<sup>43</sup> Afe meifo iruido Jesús Galilea éniemo jáiacade. Jaillano Felipe baizájide. Afémiena daide:

—Cuedo bi, —daide Jesús.

<sup>44</sup> Afe Felipe Betsaida jofue ímie. Andrés Pedro díga daano imaci.

<sup>45</sup> Ie mei Felipe dinena Natanael baizájide. Baizájillano daide:

—Moisés ocuica uai cuegánicomo llogámie ja ciódicai. Ua Juzíñamui uai jino llóraimi llua izói, afe íaioi llogámiena ciódicai. Afémie Jesús, José jító, Nazaret jofue ímie, —daide Felipe.

<sup>46</sup> Natanael dinena daide:

—¿Níga ñúefue jadí Nazarémone fídiitio? —daide.

Felipe uai ote:

—Eróizaibi, —daide.

<sup>47</sup> Jesús Natanael ánozillana cióillano daide:

—Benomo bite nahí israelita ímie; jífuiafue afémiemo íñede, —daide.

<sup>48</sup> Ie jira Natanael Jesumo jicánote:

—¿Nie izói cuena onódio? —daide.

Iemo Jesús íena daide:

—Felipe nai ona uáidoñenia, ona ciódicue. Ua higuera anamo o íllana ciódicue, —daí Jesús daide.

<sup>49</sup> Iemo Natanael daide:

—Llófueraíma, O Juzíñamui Jitódio. Israel Illáimadio, —daide.

<sup>50</sup> Jesús ie uai ote:

—¿Dama cue dáinana higuera anamo ona ciódicue iedo daí cuena ínotio? —jicánote Jesús. Afe emódomo Jesús íena daide:

—Bie rafue jinomo jíáie áillue ráfuena cióitio, —daide.

<sup>51</sup> Iemo afe emódomo Jesús afémacina daide:

—Uáfuaena ómoímo llóiticue. Mona túíñuana cióitioí. Iemona Juzíñamui abi imaci, ángeles dainámaci, cuemo ana bíitiaoí, caífo cüemona jáitiaoí. Mei Nanoide íima Jitódicueza. Afena cióitioí, —daide.

## 2

### *Galilea éniemo Caná jófuego áirenafue*

<sup>1</sup> Daruíamani íllamona, jadí Caná jófuego, Galilea éniemo, áirenamona irázillafue finódino. Jesús ei afénomo ite.

<sup>2</sup> Jesús naa ie llófuegamaciri ja afe áireina ráfuego uáidogamaci.

<sup>3</sup> Afe irázillafuego jirórai, vinoi fuilla. Ie ei Jesuna daide:

—Ja vino íñede.

<sup>4</sup> Jesús uai ote:

—Eí, ¿nibái cuena daí daidio? Cue jíéruillaruimo nai dúcífede, —daide.

<sup>5</sup> Mei íadi afengo afénomo ite jirole atírainina daide:

—Mai, nana afémie daina diga fino, —daide.

<sup>6</sup> Dinomo seis diga icírui, nofirui ráiide. Judíuai afe icírui oruítajano jíaimaci ñue orúllena nícidofrediaoí, íaioí abi fiénidifue dóllena. Naga icírumo ochenta o cien litros orúizite.

<sup>7</sup> Iemo Jesús atírainina daide:

—Jadie icírui jáinoína oruíari, —daide.

Iemona fuemo jibéizidiaioí.

<sup>8</sup> Iemo Jesús íaioína daide:

—Due uano rafue náamamo uiri, —daide. Daí finódiaoí.

<sup>9</sup> Iemo afe rafue naama jainoi facádemo, jáinoíñede. Jae vino. Rafue naama onóñedemo icírui jáinoína orúizite. Dani atídino áfena onona. Afe vino nimánuanona, rafue naama ringo óiacadimie uáidote.

<sup>10</sup> Iena daide:

—Nágamíiaí ñúeji nano fueñe atífrediaoí. Ie mei nana uáidogamaci aillo jirole mei, jamai vino atífrediaoí. Mei íadi nai biruido ñúeji ja o éenoga, —daide.

<sup>11</sup> Afe vino méduafue ua Jesús nanoide uaido daingo comuítaga raa; afefue Galilea éniemo, Caná jófuego finoca. Bie uaido comuítaga raado afémie ie ebírede ríino jino ciótate. Iemona ie llófuegamaci ñue íena ínotiaoí.

<sup>12</sup> Ie meífodo Capernaúmo, Jesús jaide ie ei diga, ie ámatiaí diga, ie llófuegamaciri. Dinomo ja bai niga mona itíaoí.

### *Jesús Juzíñamui gairíraco ñue duafue*

(Mt 21.12-13; Mr 11.15-18; Lc 19.45-46)

<sup>13</sup> Aféruillaido Judíuai pascua rafue ánozide. Iemona Jesús Jerusalemo jaide.

<sup>14</sup> Afe dinomo gairíraco eromo jurárai, ovejai, íemo fíicirillai dieze fecáriraimacina Jesús ciode. Dáanomo úcube méidoraini ráiidiaoí.

<sup>15</sup> Afena cióllano Jesús ñécigai móillano jiura finode. Afedo gairíraco erómoma nana fecáriraini íaioí jurárai ovejai diga jino jiude. Daje llezica úcube méidoraini úcubetunillai Jesús ana jutade. Íaioí úcube facádorabani Jesús oni caitade.

<sup>16</sup> Fíiciri fecárainina daide:

—Bie raa benómona oni ui. ¡Cue Moo jofu fecáriracona mamériñeno iri! —daide.

<sup>17</sup> Ie mei afémie llófuegamaci jaiái cuegáuái úbicaidiaoí. Afe uai lloste: “O jofu cue ríiduamona cue abi íñeite izoide,” daide.

<sup>18</sup> Iemona Judíuai afémiemo jicánote:

—¿Minícado o rínona caí ácatatio? ¿Bie raa o fínuana bu o ocuilla? —daidiaoí.

<sup>19</sup> Jesús íaioi uai ote:

—Cue ríino ómoimo bie izóí ácataitucue. Bie gairíraco omoi júdai, ie mei daruíamani íllemona meine nane caifo cue raiñolle, —daide.

<sup>20</sup> Jae judíuai Jesuna daidíaioi:

—Cuarenta y seis fimona niga gairíracoca; ¿ieca daruíamani íllamona meine abido caifo o ráiñoiti? —daidíaioi.

<sup>21</sup> Iadi afémie daina uai gairíraco, dama ie abi llote.

<sup>22</sup> Iemona Jesús tíidinomona meine abido cáaillano ie llófuegamaci bie daina uaimo uibóidíaioi. Daje llezica Cuegáuaina ínotiaioi nana Jesús íaioina daina uai diga.

*Jesús nana comini comécina onode*

<sup>23</sup> Jesús Jerusalemo illano, pascua rafue llezica, aillo comini afémiena ñue ínotiaioi. Ua íaioi cíofínina afémie uaido fínuana cíodíaioi. Afena cíoillano afémiena ínotiaioi.

<sup>24</sup> Mei íadi Jesús afe comínimo ie abina nai rairuide. Mei nana imaci comécina onódeza.

<sup>25</sup> Jíai come afémiemo comini ífuena llónide. Dama afémie dinena íaioi comeci ífuena onode.

### 3

*Nicodemo Jesumo úrillafue*

<sup>1</sup> Daa Judíuai illáima mámece Nicodemo. Afémie fariseo.

<sup>2</sup> Afe bie Nicodemo naio Jesumo úrizaibite. Jesuna daide:

—Llófueraima, Juzíñamui orécao cai llófuellena onódicai. Juzíñamui cómemo íñeniadi bu bie ríirede cíofínina fínuana ácatanide. Ua o fínua izóí buna finónide, —daide.

<sup>3</sup> Ie jira Jesús íena daide:

—Uáfua daíticue: meine nane jéiciñegamie jaca Juzíñamui illáimana illánona cíóñeite, —daide.

<sup>4</sup> Jira Nicodemo jicánote:

—Jae éicomedicaí! ¿Nie izóí meine jocóllicaí? ¿Meine nane ei eromo come jáirede, dáanom abido jéicillena? —daide.

<sup>5</sup> Ie jira Jesús uai ote:

—Uáfua daíticue: meine nane jáinoina jéiciñegamie, Moo Joréñomona jéiciñegamie diga, ua Juzíñamui illáimana illánomo jofo jáinide.

<sup>6</sup> Come móomona jéicigamie jaca come. Iadi Juzíñamui Joréñomona jéicigamie jaca joreño.

<sup>7</sup> Cue ona daínáfuerei jacínaiñeno iri. Uáfua nágamie comue jéiciafue, ua caifona jéiciafue jaca jítáirede.

<sup>8</sup> Jairífo náganomo ebena jaiñófirede. Ie jáiñuana cacádio, mei íadi ninena bite, niné jaide, onóñedio. Daje izóí nana Juzíñamui Joréñomona jéicigano, afe jairífo izóí ítiaioi, —daide.

<sup>9</sup> Jira meine nane Nicodemo jicánote:

—¿Nie izóí bie íite? —daide.

<sup>10</sup> Jesús uai ote:

—¿Ñibái mei jicánotio? O iere aillo Israel llófueraimana o íadi ¿bie ráfua onóñedio?

<sup>11</sup> Uáfua daíticue: cai onóigafuedo úriticai. Cai cíonafua féinino lloticai. Mei íadi cai ómoimo llogáfua ínoñediomoi.

<sup>12</sup> Bie énie raado ómoimo cue úriadi nai ínoñeniadi, ¿nie izóí cuena ínoitio mona ero ráfuedo cue úriadi?

<sup>13</sup> Buna mona eromo jáiñede. Dama monámona ana bitímie, Nanoide íima Jitó, monamo jáirena; mei nau monamo ítímieza. Dáamiedicue.

<sup>14</sup> Nau jaijai Moisés jofue íñénazicimo jao caifo ráiñua izóí ua afe izóí caifo ráiñobicaíticue. Nanoide íima Jitódicueza.

<sup>15</sup> Ua afe cue ráiñua jítáirede nana cuemo ínotino fiénidífuemo báíñeillena. Mei íadi ínotino zíñona ítiaioi.

*Juzíñamui nana comínina izíruillafue*

<sup>16</sup> Jesús nai úrillano daide: Juzíñamui nana comínina iere izíruite. Afe iere izíruillamona Juzíñamui ie daade Jitó caimo ite. Ua, afémie ie caimo ite, nana afémiemo ínotino jaca ninomo féiraiñeillena; mei jáíafodo ñue zíñona íaioi íllena.

<sup>17</sup> Comini fiénidífué iba otátaraimana Juzíñamui ie Jitona oréñede, mei íadi ie Jitona orede afémiedo comini jíllobicaillena.

<sup>18</sup> Juzíñamui Jitomo ñue ínotímie duere finóbiñede. Ínoñedimie jae duere finóbide, Juzíñamui daade Jitomo ínoñena jira.

<sup>19</sup> ñnoñedino jae duere finóbidaioi. Mei ua ñue egáñotimie ana bie éniemo bítemo, jítinona jamánomo gáidiaoioiza, fiénidifue finódinona íaioi illa jira.

<sup>20</sup> Nana fiénidifue finóraini úzefona éoidiaioi. Jaca úzefomo ánoziñede. Ua íemo ánoziñediaioi íaioi fieni finócafueña óñoñellena.

<sup>21</sup> Uáfueño comeci facáidino úzefomo ánozifirediaioi. Íaioi finócafue jaca Juziñamuimo cacáidinona íaioi illa izói finódiaioi. Uzeño íaioi finócafue jaca daí ñue cóitate, —daide Jesús.

*Báutizaraima Juan Jesudo meine úrizabite*

<sup>22</sup> Te meífomo Jesús Judea éniemo jaide, ie llófuegamaci diga. Dinó diga irui itíaioi. Dinomo comini báutizadiaioi.

<sup>23</sup> Daje llezica Juan, Enón éniemo báutizade. Enón Salim ánomo ite. Dinomo báutizade, aillo jainoi illa jira. Iemona comini báutizabítiaioi.

<sup>24</sup> Bifue finódiaioi Juan nai llavéracomo úñenia.

<sup>25</sup> Juan llófuegamacimona dáarie judíuaimo úrizaide. Comini íaifue oni dollínodo úrtiaioi.

<sup>26</sup> Juaana daízaibítiaioi:

—Llófueraima, naui o diga itímie, Jordán ruicáfelleño itímie, caimo o llogámie, ja comini báutizade. Nana comini afémie diné jáidiaioi, —daidiaioi.

<sup>27</sup> Iemo Juan afémacina daide:

—Juziñamui cómemo ifue fécañenia, bumo ráfueña íñeite.

<sup>28</sup> Cue naui uáfueño dainafue dani cacádiomoi. “Cristoñedicue” daidicue. Afémie uícode orécamiedicue.

<sup>29</sup> Airenafueño ringo otímie ua ringo óite. Otímie nabai afe dinó itímie ie úrillana cacade. Cacáillanona íeri iere íóbite. Daje izói biruido cue íóbidicue.

<sup>30</sup> Nágarui afémie jamánomo illámána jáizaide. Ie llezica cue jabómieiticue. Daí jítáirede, —daide.

*Caifona ana bitímie*

<sup>31</sup> Juan nai úrite; daide:

—Caifona bitímie nana cai jainánamie. Bie énie ímie ja bíniemo jainaide. Enie ífueña úrite. Mei íadi monámóna bitímie nana cai baimo jamánomoidimie.

<sup>32</sup> Afémie cacánafueño úrite ie ciónafue diga. Íadi afémie dánana buna ñnoñena.

<sup>33</sup> Da come ie dánana ñnoiadi daí Juziñamuimo fairíote. Ua daí Juziñamui uáfueña dainafue uáfueñaite.

<sup>34</sup> Juziñamui orécamié Juziñamui uáillaido úrite, mei Juziñamui ie Joreño afe orécamiemo facáñeno nana íteza.

<sup>35</sup> Moo ie Jitona izíruite. Naga itínuiaina afémiemo fecade.

<sup>36</sup> Iemo ie Jitona ñnotimiemo fúñeite illánona íemo ite. Mei íadi Jitona ñnoiacañedimiemo afe fúñedínona íñeite. Juziñamui afémiena iere duere fínoite.

## 4

*Jesús Samaria ingomo úrite*

<sup>1</sup> Fariséuai Jesús Juan baimo aillo comini jáillana fidídiaioi. Daje izói Jesús Juan baimo báutizafirenana fidídiaioi.

<sup>2</sup> Mei íadi Jesús báutizañede; dama ie llófuegamaci báutizaja.

<sup>3</sup> Afena Jesús fidíllanona Judéamona meine abido Galilea éniemo jaide.

<sup>4</sup> Jesús jailla llezica Samaria énie cígido jáirede.

<sup>5</sup> Ie mei Samaria jófueño dúcide. Afe jofue mámecei Sicar. Sicar áinori Jacob feci énie ite. Afe éniema ie jító Josemo maíñótate.

<sup>6</sup> Dáanori Jacob jainoi orano ite. Jesús iodo mácajamona zegónaite. Ie jira jainoi orano abimo ránade ocózinallena. Jae jaíciri íacademo.

<sup>7-8</sup> Ie llófuegamaci jófueño güille jae íbajidiaioi. Iemo Samaria ringo dúcide. Jainoi uábite. Iena Jesús daide:

—Jáinoína cue jírota, —daide.

<sup>9</sup> Ie jira Samaria ringo Jesuna daide:

—¿Ñibái mei jainoi cuemo jícadío? Odi judíodio. Cue Samaria ingódicue, —daide. (Ua jaiai dinómóna judíuai samarítánuaimo nabáirirainide.)

<sup>10</sup> Ie jira Jesús uai ote:

—Juziñamui fia fecalli raa o onóadi, ua áfena raire cuemo jícaítio. Daje izói omo jainoi jícadímiema, o onóadi ua raire cuemo jícaítio; íemona ua cáadijina o íitícue, —daide.

<sup>11</sup> Afengo afémiena daide:

—Hima, o jainoi olle raa iñede. Jainoi orano afórede. ¿Ninómona cáadijina cue ítíto?

<sup>12</sup> Cai jáiáigimie Jacob bie jainoi orano caimo iga. Benómona afémie júruaide ie úruiai diga. Ua dájemona afémie tóiníai júruaide. ¿O iere afémie báimoidio? —daide.

<sup>13</sup> Jesús uai ote:

—Nana bie jáinoimona jiródimaci nane meine abido jiróacaitiaioi.

<sup>14</sup> Mei íadi cue jirótagano jaca meine abido jiróacañeitiaioi. Omo cue ille jainoi ua zúñona ítíjji. Nágarui caimare o itátaite. Illánona fúñeitinona omo ífcaitaite, —daide.

<sup>15</sup> Ie mei ringo afémiena daide:

—Hima, jadíe jáinoína cue ine; ja cue jiroacañeilleza, ua nane meine bie jainoi oránomo cue bíñeilleza, —daide.

<sup>16</sup> Jesús aféngona daide:

—O íni járízairi ie mei bené bi, —daide.

<sup>17</sup> Ringo uai ote:

—Ínínidícue, —daide.

Ie jira Jesús aféngona daide:

—Uáfueña daidío. Ínínidío.

<sup>18</sup> Jae cinco dígacaño ínreidío; biruí o illámie o ínñede, —daide.

<sup>19</sup> Afena cacáillano ringo afémiena daide:

—Hima, Juzíñamui uai llóramiedío ja onódicueza.

<sup>20</sup> Cai jáiáimaci Samarítánui bie ídumo Juzíñamuina íóbitadiaioi; ñúefuedo íemo úruizaíbitiaioi. Mei íadi o íemo naa judíuairi jáífodo daidíomoi. Jerusalem o cai gairillano Juzíñamuina cai íóbitallena daidíomoi, —daí afengo daide.

<sup>21</sup> Jesús uai ote:

—Ringo, cuena íino. Jáíruiimo ja dúciizaide. Aféruimo bídumo bíñeno, Juzíñamuina íóbitaitíomoi. Daje izóí Jerusalem o jáíñeno, Juzíñamuina íóbitaitíomoi.

<sup>22</sup> Omoi íóbitagamiéna onóñediomoi. Íadi cai íóbitagamiéna onódicai, níbai jíllonafue judíuaimona bíteza.

<sup>23</sup> Jae como cue llogáruimo dúcide. Jae biruí aferuí. Naga Moo Juzíñamuina uáfueña íóbitaacadímie afe o joréñodo uáfueña afémiena íóbitaite. Daí Moo Juzíñamui cai íena íóbitallena jítaide; ua nana afémiena íóbitaacadino daí bíllana Moo jítaide.

<sup>24</sup> Juzíñamui ua Joreño. Afémiena íóbitadino íaioi joréñodo uáfueña íóbitaitiaioi, —daide.

<sup>25</sup> Iemona afengo íena daide:

—Cue onódicueza Mesías bíite. Afe Mesías daina Cristo. Afémie bia nana ñue rafue caimo jino llóite, —daide.

<sup>26</sup> Jesús daide:

—Níimiedícue, ori úrilla, —daide.

<sup>27</sup> Iemo ie llófuegamaci dúcide. Dúciillano Jesús ringomo úrillari fáigacaidiaioi. Mei íadi buna jícanoñena áfena. Ua afémiemo afengo jítaíllana jícanoñediaioi; “¿Mínícafuedo úritíomícoi?” íena daíñediaioi.

<sup>28</sup> Ie mei afengo íciru fiénocaillano, jófuemo jaide. Dinomo comínimo llujáide:

<sup>29</sup> —Nana cue finócafue jino llotímiemo omoi éroizaíbi. ¿Bie afe Cristoñede? —daide.

<sup>30</sup> Ie jira jófueмона Jesús illánomo jáidiaioi.

<sup>31</sup> Afémaci bitíaiomio ie llófuegamaci afémiena jícade:

—Llófueraima, due güi, —daidiaioi.

<sup>32</sup> Ie jira afémie daide:

—Cuemo ite güíllena omoi onóñediomoi, —daide.

<sup>33</sup> Ie jira ie llófuegamaci como fueñe conímamo jícanotiaioi:

—¿Jíáie come afémie écaíbite? —daidiaioi.

<sup>34</sup> Ie jira Jesús afémacina daide:

—Cue orédímie comeci jítaina izóí cue finóadi bie cue güíllena. Daje izóí ie táijina cue fuitáadi, güíticue izoide.

<sup>35</sup> Omoi llua: “Nai riga raa ollíruimo cuatro diga fui ite” daidíomoi. Mei íadi daíticue: Erocaí. Ja rigánuemo eroí. Ja jéaruimo ánozide.

<sup>36</sup> Ollemo táijidímie íba llínote. Afe oga llízieníai jaca nínomo fiébite; ua fúñeite illánomo fiébite. Ua ríjiraíma óraíma diga dáanomo camátaíllana daí ite.

<sup>37</sup> Omoi jáiai daina uáfueña llote: “Ríjiraímie dáamie íadi otímie jíáimie.”

<sup>38</sup> Jae omoi ríñeganomo ómoina orédícue. Jáíamaci táijidiaioi íemo íaioi táijina caimare ínotíomoi, —daide.

<sup>39</sup> Aíll o Samaria jófue ímaci Jesumo ínotiaioi. Ua uafue ringo llogáuaido Jesuna ínotiaioi. Afengo daínaí, be níie: “Nana cue finócafueña cuemo llote.”

<sup>40</sup> Ie jira Samaritánuai Jesumo billano jicádiaioi:  
—Cai diga iri, —daidíaiói. Ie jira Jesús ménarui íaiói diga ite.

<sup>41</sup> Afémie dáinana cacáillano aillo jáímaci ínotiaioi.

<sup>42</sup> Ie jira aféngona daidíaiói:

—Nauí dama o dáinado jabo ínoticai, mei íadi birui ja cai dani afémiena cacáillano áfedo como ñue ínoticai. Ja onódicai bie ua Cristo, nana nairai jíllotaraimaza, —daidíaiói.

*Jesús gobiérnomo tájiraima jító jíllotate*

<sup>43</sup> Ménarui íllamona Jesús Samáriamona jáizaide Galilea énie iodo jáillena.

<sup>44</sup> Jae dama Jesús llote:

—Juzíñamui uai jino lloraima dama ie éniemo jaca jámairuiga, —daide.

<sup>45</sup> Galiléamo dúcidemo afénomo itino éna ñue llínotiaioi. Ua caimare éna llínotiaioi, nibai pascua ráfuego Jerusalem nauí Jesús illa llezica jáidiaioi. Iemo aféfuemo nana ie finócafuaiaina ciódiaioiza.

<sup>46</sup> Ie mei Jesús meine Caná jófuemo, Galilea éniemo jaide. Ua jainoi vínona meíduanomo jaide. Afe llezica Capernaum jófuemo gobierno illaíma tájiraima jító iere irárede.

<sup>47</sup> Afe tájiraima Jesús Judéamona Galiléamo dúciana fídiano, aféniemo érozaide. Ua ie jító jíllotaíbillena jáicajide; mei ja ie jító táizaide.

<sup>48</sup> Iemo Jesús éna daide:

—Onótate ráaniai íemo cíofinina finócafuaii diga omoi cíóñeniadi íñoñediomoi, —daide.

<sup>49</sup> Iadi gobierno tájiraima Jesuna daide:

—Ocuíraíma, raire bi cue jító nai tíñena llezica, —daide.

<sup>50</sup> Ie mei Jesús éna daide:

—Meine o jofomo jai. O jító jílloteza, —daide. Afémie Jesús éna daina uaina ínote, jira jaide.

<sup>51</sup> Ie jofomo dúcizaidemo ie jaiénizai jino íemo bitíaiói. Dúciillano daidíaiói:

—O jító jae jíllode, —daidíaiói.

<sup>52</sup> Iemo, —¿Nie hóramo jíllode? —Íaióimo jicánote. Jira daidíaiói:

—Nauri jaiciri illa mei ie abi bóua llícaide, —daidíaiói.

<sup>53</sup> Iedo moo bie daje hora Jesús éna daina hora ubicaide. Ua “O jító jíllote” daina hóramo afeza jíllode. Iemona afémie Jesumo ínote, naa ie comini diga.

<sup>54</sup> Daí Jesús Judéamona Galiléamo billano mena onótate raa finode. Bie jíllotafue ua ie meífodo finoca cíofininfue.

## 5

*Jesús Betzátamo ite tízitaitimie jíllotate*

<sup>1</sup> Ie meífomo judíuai rafue ite; jira Jesús meine Jerusalem jaide.

<sup>2</sup> Afe jófuemo, ovejai naze áinori jainoi ofillano ite. Afeno hebreo imaci uaido mameca Betzata. Nane dinomo cinco diga gairirano ite.

<sup>3</sup> Bie gairira macáranuáiimo aillo iráredimaci bíede: uínidimíai, aídáimíai, tízitaitimíai diga. Bimaci jainoi bagua úíñotiaioi.

<sup>4</sup> Daí úíñotiaioi mei dáruinarie Juzíñamui abi ímie ana billano jainoi bagótafiredeza. Bagota mei nanoide come jáinoimo ana jáidimie, ie irárenamona ja jíllobicaifrede.

<sup>5</sup> Dinomo iráredimie ite. Ua treinta y ocho diga fimona irárede.

<sup>6</sup> Jesús billano ie bíinana ciode. Afémie are jaiaí ninómona daí dinomo íllana onóillano, Jesús éna daide:

—¿Jíllobicaíacadio? —daide.

<sup>7</sup> Iráredimie uai ote:

—Ocuíraíma, cue cánoitimie íñede, jainoi bagua meífomo jáinoimo cuena ñuitállena. Nágauri cue jáiacana llezica jáímie nano fueñe jáinoimo dúcide, —daide.

<sup>8</sup> Jesús éna daide:

—Caifo náidacai. O bíirallu llíno. Mai maca, —daide.

<sup>9</sup> Afe llezica afémie jíllobicaide. Iemo ie bíirallu llínuano macáicaide. Aferui ocózinaillarui.

<sup>10</sup> Jira judíuai jíllotagamiena daide:

—Birui jae ocózinaillarui. O bíirallu rocánollena omo rairuírede, —daidíaiói.

<sup>11</sup> Afémie uai ote:

—Cue jíllotatimie cuena daide: “O bíirallu llíno; mai maca,” —daide.

<sup>12</sup> Iemo éna jicánotiaioi:

—¿Bu ona “o bíirallu llíno, mai maca” daina? —daidíaiói.

<sup>13</sup> Mei íadi afémie ie jíllotatimiena onóñede, aillo comini dinomo íllaza. Ua Jesús jae jáideza.

<sup>14</sup> Afe mei Jesús gairíraco eromo íena baizájillano daide:

—Mai eroi. Birui jae jíllodio. Meine fiénidífueña finóñeno iri, jamánomo figóñede raa omo jíriñeillena, —daide.

<sup>15</sup> Iemo afémie judíuaimo Jesús íena jíllotatimie lluájide.

<sup>16</sup> Ie jira judíuai Jesuna duere finóllena racádiaoi; íena fáiacadiaoi, ocózinailaruimo aféfuiai fínua jíri.

<sup>17</sup> Mei Jesús íaioina daide:

—Cue Moo Juzíñamui jaca nanómona biruimo táijide, jira cue nane táijidicue, —daide.

<sup>18</sup> Iemona judíuai jamánomo íena fáiacadiaoi; nibai ocózinailarui ocuícáfue afémie jáanote. Ie emódomo afémie Juzíñamui izóidimiena dama finótate, “Juzíñamui cue Moo” ie daina jira.

### *Juzíñamui Jitó ríino*

<sup>19</sup> Ie mei Jesús íaioina daide:

—Uáfueña ómoina dáitícue, mei Juzíñamui Jitódicueza, dama cue jítaina izóí minícana finóndicue. Dama cue Moo Juzíñamui finócafue cue ciona izóí birui finódicue. Nana cue Moo finócafue afe izóí nana finofiredicue; ie Jitódicueza.

<sup>20</sup> Ua Moo Juzíñamui nana ie fínuafe ie Jitomo ácatate, Moo ie Jitó izíruilla jira. Ie emódomo jamánomo áillue finóllífue iemo ácataite, omoi fáigacaillena.

<sup>21</sup> Mei Moo Juzíñamui tíidino cáadinona itátateza, ua cáallinona íaioimo ite; daje izóí ie Jitó nana afémie oíacaiganomo cáallinona ite.

<sup>22</sup> Moo Juzíñamui buna jicánoñede íena duere finótallena, mei íadi nana afe jicánolle ríino ie Jitomo iga.

<sup>23</sup> Daií nana comini Moo ñue jacíruilla izóí, afe izóí ie Jitona ñue jacíruiítiaoi.

<sup>24</sup> Uáfueña ómoina dáitícue: cue uaina cacádimiemo, dáanomo cuena orédimiena ínotimie mo ja zíiño cáatatínona ite. Afémie duere finóbifeite, tiállanomoná ja bai finona jira; jae cáananomo dúcide.

<sup>25</sup> Uáfueña ómoina dáitícue: tíidino meine cáallirui ánozioicaide. Aferui birui. Ua tíidino Juzíñamui Jitó úrillana cáaitiaoi; íemona nana áfena náfuefiredino cáaitiaoi.

<sup>26</sup> Mei Moo Juzíñamuimo cáatalle ríino íteza, daje izóí afe cáatalle ríino ie Jitomo afémie itátate.

<sup>27</sup> Dáanomo comini duere finóllena jicánua ríino íemo iga, afémie Nanoide íima Jitona jira. Afe Jitódicue.

<sup>28</sup> Afemo fáigacaiñeno iri. Nana tíidino cue úrillana cacáilliruimo dúcíteza.

<sup>29</sup> Aféruido raíáfuaímona jino bíitiaoí. Ñúfue finódimaci meine cáadinona íitiaoí zíiñona íaioí íllena; mei íadi fiénidífue finódimaci meine cáadinona íitiaoí, duere íaioí finóbillena.

### *Jesús ríino uáfueña daiítatífuiai*

<sup>30</sup> Dama cue comeci izóí minícana finóndicue. Moo cue ocuilla izóí comini fínuaífuiai ríire jicánoticue. Cue jicánuafe jaícina ñue joide; cue jítaina izóí jicánoñedicueza, mei íadi cue orédimie, cue Moo jítaina izóí jicánoticue, afe izóí finóllena.

<sup>31</sup> Dama cueri uai cue nabáiadi, cue dánana figo uáfueña daiíñede.

<sup>32</sup> Mei íadi jíaimie cueri uai nabáiraíma ite. Afémie cueri dainafue ñue uáfueña facátate. Afena onódicue.

<sup>33</sup> Juaamo jicánuaídiomoi. Afémie ie uai úana jaca uafue.

<sup>34</sup> Mei íadi íimamona cueri uai nabáíllana jicáñedicue. Daa bíena dáitícue omoi jíllobicaillena.

<sup>35</sup> Juan egáíñora izóidimie. Afe egáíñora bóocabillamona egáíñofírede. Ie egáíñuanomo nano íanori íllamona íóbicaídiomoi.

<sup>36</sup> Mei íadi jíáie cueri uáfueña facátafue ite. Afefue Juan cueri dainafue baímo ite. Afe uáfueña facátafue cue finócafuaí. Aféfuiai cue Moo cue finóllena ocuícáfuaí daje izóí jóoideza. Afe jira afe cue finócafuaí Moo orécacue uáfueña facátate.

<sup>37</sup> Ie dáanomo Moo, cue orédimie cueri uai nabaide, mei íadi omoi ie uaina jaca cacáñediomoi; ie abi cíocaíllana jaca cíóñediomoi.

<sup>38</sup> Ie uaíllai omoi ífócimo déíñede, afe Moo orécamienna omoi íinoñena jira.

<sup>39</sup> Juzíñamui Cuegáuáíllai izire jenoda facádotiomoi; dínomo “Zíiñona íllino báiticaí” comécimo facáoidiomoi. Uafue, Cuegáuáíllai cueri ñue úritiaoí,

<sup>40</sup> mei íadi cuemo bíacañediomoi afe ómoímo zíiñona íllena.

<sup>41</sup> Comini cuemo nítaacaga jalléinaífuiai náfueñedicue.

<sup>42</sup> Mei íadi ómoina onódicue. Juzíñamuina izíruiñediomoi onódicueza.

<sup>43</sup> Cue Moo cue ória jira biticue, íadi cuena llínoñediomoi. Jíaimie dama ie ória izóí bíadi afe íimana ñue llínoítiomoi.

<sup>44</sup> ¿Omoi nie izói ñnotiomoi? Dani ómoimona cáimadua uailai llínofirediomoi; mei íadi daade Juzíñamuimona bitíuai, ie cáimadua uai jenóñediomoi. Jira ñnonidiomoi.

<sup>45</sup> Cue Moo uécori ómoimo fiénidifue cue nitalle comécido facaóñeno iri. Uáfueña Moisés ómoimo fiénidifue nítaite, nñi omoi úñogamie.

<sup>46</sup> Moisés daináuai omoi ñnoiadí daje izói cuemo ñnoitiomoi, mei Moisés cueri ñue cúeteza.

<sup>47</sup> Mei íadi afémie cuegáuai omoi ñnoñeniadi ¿nie izói ómoina cue daináfueña ñnoitiomoi? ñnoñeitiomoi! —daide.

## 6

### *Jesús cinco mil íññiai ecade*

(Mt 14.13-21; Mr 6.30-44; Lc 9.10-17)

<sup>1</sup> Afe meifodo Galilea jorai ruícaferaimo jaide. Afe jorai jíáfodo mameina: Tiberias.

<sup>2</sup> Aillo comini fedo jáidiaioi, cíofinina ráaniai ie fínuaña íaioi cíonamona. Ua iráredino jíllotana cíodiaioi.

<sup>3</sup> Ie mei Jesús ídumo ráiizaide ie llófuegamaci diga.

<sup>4</sup> Ja judíuai rafue páscuafue ánozide.

<sup>5</sup> Jesús érocaillano aillo afémie ódana bitínona ciode. Jira Felípena daide:

—¿Ñinómona nana bimaci ecállena íbaiticaí? —daide.

<sup>6</sup> Afe daí jícanote, Felipe uai úana onóillena. Jesús dama ie finóllifue ñue onode.

<sup>7</sup> Iemo Felipe uai ote:

—Doscientos dígabe fidi pan dúciñeite naga come jéenino óllena, —daide.

<sup>8</sup> Ie jira jíaie llófuegamaci Andrés, Simón Pedro ama, Jesuna daide:

<sup>9</sup> —Benó daa dúemiemo cinco diga panes ite mena chamu diga. (Bie pan cebada fínoina.) Mei íadi iere duera; aillo comini íllaza, —daide.

<sup>10</sup> Ie mei Jesús daide:

—Nana íaioi ráiilleza afémacina omoi daíri, —daide.

Afénomo aillo raitire ite. Iemo cinco mil íññiai raizídaitiaioi.

<sup>11</sup> Ie mei Jesús pan llínota Juzíñamuina “Iere figura” daide.

Dáinamona llófuegamacimo fecade. Afemona llófuegamaci nana ráiiedinodo fecade. Jesús daje izói finode mena chámuna, ua nana ráiacadinodo fecade.

<sup>12</sup> Jae íaioi jeírilla mei ie llófuegamacina daide:

—Fiébidinuíai nana iráiri, daa báíññelleza, —daide.

<sup>13</sup> Fiébidinuíai doce diga cirigai íraica. Ua cinco diga panes fiébidinomona diga cirigai oruítaga.

<sup>14</sup> Ie mei comini bie cíofinina raa Jesús fínua cíonamona daidíaioi:

—Uafue bímie afe jaiai nanómona lloga ana éniemo bíacade uai lloraima, —daidíaioi.

<sup>15</sup> Mei íadi comini íena riire lláitano ílláimana jóoneacana Jesús fidíbicaide. Fidíllanona Jesús dama meine idu caifónedumo jaide.

### *Jesús jainoi emódodo macade*

(Mt 14.22-27; Mr 6.45-52)

<sup>16</sup> Ja nauídemo Jesús llófuegamaci ana jóraimo jáidiaioi.

<sup>17</sup> Dúciillano nocaemo jaillano, jorai ruícaferaimo Capernaúmo jaitádiaioi. Jae jíñredemo, mei íadi nai Jesús meine abido bíñede.

<sup>18</sup> Iemo aillo jairifo daingo náidacaide. Iemona bagua móonaioicaide.

<sup>19</sup> Due bai jáidiaioimo Jesús nocaemo ánozillana cíodiaioi. Jainoi emódodo macade. Iemo jacíruiñiaioi.

<sup>20</sup> Mei jira íaioina daide:

—Cueza, omoi jacíruiñeno, —daide.

<sup>21</sup> Iemona cainare nocaemo íena llínotiaioi. Iemona íaioi jáillinomo nitaca izói jarire dúcidiaioi.

### *Comini Jesús jénua*

<sup>22</sup> Jíairui meifodo jorai enéferaimo fiébidimaci, llófuegamaci daa ite nocaedo jáillana fidídiaioi. Iadi Jesús afémaciri jáíñede.

<sup>23</sup> Mei íadi biruícana jíaie nocáiai Tiberias jófuemona dúcizaide. Ua pan güilla ánorí Ocuíraima Jesús “Iere figura” dáinamona, ua afénomo dúcizaidiaioi.

<sup>24</sup> Daí Jesús dinomo íññena cíóllano ie llófuegamaci diga, afécaiaimo jofo jáidiaioi. Iemona Capernaúmo íena jénuaidiaioi.

*Jesús, zíñona cáaille paana maméidimie*



<sup>25</sup> Jorai ruícaferaimo dúciillano, Jesús baitíai. Baillano íena jicánotiaioi:

—Lófueraima ¿niruido benomo dúcidio? —daidíai.

<sup>26</sup> Jira Jesús daide:

—Uáfuenta ómoina dáititue, güllena omoi jeírillamona cuena jenuaibitiomoi. Cue finoca cíofinina raa omoi onónamona cuena jenóñediomoi.

<sup>27</sup> Fúfiredre güllemo táijíñeno iri. Mei íadi fúíñeite güllemo táijiri. Afe güille ómoina zíñona itátaite. Afe bie güille ómimo íitue mei Nanoide íima Jitódicueza. Mei ua, omoi uáfuenta íinogamienda jae Moo Juzíñamui jónegacueza.

<sup>28</sup> Jira jicánotiaioi:

—¿Minícana fínoiticaí Juzíñamui jitaille raa cai fuitállena? —daidíai.

<sup>29</sup> Jesús uai ote:

—Juzíñamui orécamienda omoi íinollena jitáiredre, —daide.

<sup>30</sup> Iemo jicánotiaioi:

—¿Minica onótaitre raa caimo ácataredio, afe cíóllano ona cai íinollena? ¿Minícáfue fínoitico?

<sup>31</sup> Cai jaiáidigima zaféredizicimo maná güitíai; Juzíñamui Cuegáuai daina izói: “Juzíñamui monámona ana baiítaga gülleniái áfena íaiói güitátate,” —daide.

<sup>32</sup> Jesús uai ote:

—Uáfuenta dáititue: monámona baiide gülleniái fecárima Moiséñede. Mei íadi uáfuenta monámona baiide gülleniái fecárima cue Moo.

<sup>33</sup> Juzíñamui fecaca gülleniái, monámona ana bitímie. Afémie cáaille paana maméidimie. Afémie énie ítímacimo zíñona cáallinona itátaite, —daide.

<sup>34</sup> Iemo íena daidíai:

—Ocuírima, bie gülleniái nágarui cai ine, —daidíai.

<sup>35</sup> Jira Jesús daide:

—Cue cáatate gülledicue. Cuemo bitímie jaca júfiruñeite. Cuemo íinotímie jaca ninomo jíroacañeite.

<sup>36</sup> Mei íadi ómoina cue daina izói, cuemo íinoñediomoi nai cuena cíódiomoi íadi.

<sup>37</sup> Nana Juzíñamui cuemo fecácamací cuemo bífretiaioi. Cuemo bífretinona jino dótañeiticue.

<sup>38</sup> Uafue, cue comeci jitaina izói finóllena, monámona ana biñedicue, mei íadi cue orédimie comeci jitaina izói ana finuaibiticue.

<sup>39</sup> Cue Moo, ua cue orédimie, nana cuemo igánomona buna oni ninó báíñeillena jítaide. Ua nana afémaci íirairuido cáadinona itáititue.

<sup>40</sup> Cue orédimie nana Juzíñamui Jitona cíódimaci íena íinollena jítaide. Daií íaiói ínuamona zíñona cáallinona íaioimo íllana cue orédimie daje izói jítaide; ie mei íirairuido cáadinona íaioina itáititue, —daide.

<sup>41</sup> Iemona judíuai Jesuri gugúritiaioi. Ua ie daináfueri: “Monámona ana baiide gülleniaina maméidimiedicue” ieri gugúritiaioi.

<sup>42</sup> Daidíai:

—¿Bímie José jitó Jesúñede? Ie moona onódicaí ie ei diga. ¿Nie izói “Monámona ana bitímiedicue” daírede? —daidíai.

<sup>43</sup> Jira Jesús íaioina daide:

—Gugúríñeno.

<sup>44</sup> Buna cuemo bínide, cue Moo, cue orédimie nai átiñenia. Ie mei íirairuido afémiena cáadamiena itáititue.

<sup>45</sup> Uai lloraini cuegánicuai llote: “Nana afémaci Juzíñamui llófuegamaciza íitíai.” Daií nana Moomo cacáдино, afémiemona fibítagamaci cuemo bitíai.

<sup>46</sup> Bie izói cue daina dáarie Moo Juzíñamuina ciona daíacañede. Dama Juzíñamuimona bitímie Moona ciona.

<sup>47</sup> Uáfuenta ómoina dáititue: cuemo íinotímie zíñona cáallinona ite.

<sup>48</sup> Cue cáatate gülledicue.

<sup>49</sup> Omoi jáairagima zaféredizicimo manana güitíai, mei íadi nana jae tíidimaci.

<sup>50</sup> Iadi cue daina monámona ana bite gülledicue güitino tíñeitiaioi.

<sup>51</sup> Cue dama afe bie monámona ana bite cáatate gülledicue. Bie güille güitímie zíñona ite. Bie cue ille güille dama cue íeizi. Afena íitue nana énie imaci cáallena, —daide.

<sup>52</sup> Iemona judíuai daní íaioiri júfidotiaioi. Daidíai:

—¿Nie izói bímie dama ie íeizina caina écaite? —daidíai.

<sup>53</sup> Jesús íaioina daide:

—Uáfueña ómoína dáititue: Nanoide fima Jitódicueza; cue íeizi omoi ríñeniadi, daje izói cue die omoi jiroñeniadi nai omoi cáailinona íñede, dájena cuemo jaináñena jira.

<sup>54</sup> Cue íeizi ritímiemo, daje izói cue die jiródimiemo comeci zúñona cáailinona ite; ie mei íirairuido afémiena cáadimiema itátaitue.

<sup>55</sup> Cue abi uafue güille. Cue die uafue jirólli.

<sup>56</sup> Cue íeizi ritímie, jíai cue die jiródimie ja cuemo dájena ite. Daje izói afémiemo dájena iticue.

<sup>57</sup> Cue caade Moo orécacue, jira afémiedo cáadicue; daje izói cue ríitímie cuedo cáaite.

<sup>58</sup> Monámona ana bite güilleri úriticue. Bie güille omoi jaiáidigima güiga maná izóiñede. Nana afémaci tídimaci; mei íadi bie güille güitímie zúñona íite, —daide.

<sup>59</sup> Jesús Capernaúmo ite Juziñamui uai llófuera como nana bífuiaí íaioímo llófuete.

*Zúñona cáatate uaillaí*

<sup>60</sup> Bie llófuiana cacáillamona, aillo Jesudo jáidimaci daidíaioi:

—Bie afémie daina afe jeire ollíuai iere féirede. ¿Bu áfena jeire órena? —daidíaioi.

<sup>61</sup> Iemona Jesús íaioi gugúrilla ona óbicaide. Onóillano jícanote:

—¿Aféfuiaí ómoína íairuificaitade?

<sup>62</sup> Ie mei Nanoide fima Jitó nano ie illánomo caífo ie jáillana omoi cíoadi, ¿ñie izói íitiomoi?

<sup>63</sup> Cai joreño cai cáatate. Feizi cáatañede. Ómoína cue dainúuaillaí joreño izoide uafue uaillaí. Cáataitaiioi.

<sup>64</sup> Mei íadi ómoimona dámierie nai íñoñediaíoi, —daide.

Jesús afe íñoñedimaci nanómona onode. Afe llezica íena éoidimacimo fécaitimiena onode.

<sup>65</sup> Ie mei daide:

—Iemona ómoína dáititue, Moo átiñenia buna cuedo bínide, —daide.

<sup>66</sup> Aféruimona aillo Jesudo jáidino íena fiénocaidiaíoi. Ja íedo macáñediaíoi.

<sup>67</sup> Ie jira ie doce díga llófuegamacimo jícanote:

—¿Omoi daje izói jáiacadiomoi? —daide.

<sup>68</sup> Mei íadi Simón Pedro uai ote:

—Ocuíraima, ¿bumo jáiredicaí? Zúñona cáatate uaillaí omo ite.

<sup>69</sup> Ja cai ínoticaíza. Onódicaí caade Juziñamui Jitódioza. Crístodio, —daide.

<sup>70</sup> Jesús íaioína daide:

—Jae doce dígamie nízedicue; mei íadi omoi cígimona dámie Taife izoide, —daide.

<sup>71</sup> Afe dáinado Jesús Júdari úrite. Judas Iscariote Simón jitó. Afémie Jesuna éoidimacimo fécaitimie, mei íadi afémie doce dígademonia.

## 7

*Jesús ámatiaí íena íñoñediaíoi*

<sup>1</sup> Afe méifodo, Jesús Galilea éniado macade. Judéamo íacañede, dínomo judíuai ie íaioi fáiacana jira.

<sup>2</sup> Ja bizáinillaimo irázillafue ánozide. Afefue judíuai rafue.

<sup>3</sup> Ainozillamona ie ámatiaí íena daide:

—Benó fiébiñeno. Judéamo o jairi, dínomo ite odo jáidino o finócafuena cíoillena.

<sup>4</sup> Dámie nana comini íena íaioi onóillena jítaíadi, ie raana báinino finóñede. Afe áillofuiaí o finóadi nana comini uícomo finori, —daidíaioi.

<sup>5</sup> Bie izói daidíaioi, mei nai ie ámatiaí íena íñoñediaíoi.

<sup>6</sup> Jira Jesús daide:

—Cue ñue illíruimo nai dúciñede. Mei íadi ómoimona nano nígarui ñuera.

<sup>7</sup> Enie imaci ómoína éoinide, mei íadi cuena éoidiaíoi, níbai íaioi fieni finócafuaí uai nabáiraimadicueza.

<sup>8</sup> Mai ráfueño omoi jai. Nai jáiñeiticue, cue ñue illíruimo nai dúciñede.

<sup>9</sup> Daí daina mei Galiléamo fiébide.

*Jesús bizáinillai irázillafueño jaide*

<sup>10</sup> Ie ámatiaí jailla mei, Jesús daje izói ráfueño jaide, mei íadi uáfodo jáiñede. Jabo báinino jaide.

<sup>11</sup> Judíuai afe rafue ana íena jenódiaíoi. Daidíaioi:

—¿Ninomo mei afe íima ite? —daidíaioi.

<sup>12</sup> Comini cígiedo aillo afémieri úritiaíoi. Dáarie, “Ñúemie,” daidíaioi. Jáimaci, “Fiénidimie; mei cominina jífueteza,” daidíaioi.

<sup>13</sup> Mei íadi judíuana jaciruillano buna afémieri uáfodo úriñede.

<sup>14</sup> Ja rafue cigi iruido Jesús Juziñamui gairíracomo jofo jaide. Jaillano dinomo llófuellena tainede.

<sup>15</sup> Iemona judíuai fáigacaillano daidíaioi:

—¿Nie izói bie iima diga ráfuiaina onode, afémie nai llófueñegamo? —daidíaioi.

<sup>16</sup> Jira Jesús uai ote:

—Cue llófuegauai cúeieñede; mei íadi cue orédimie ie.

<sup>17</sup> Dáamie Juziñamui jitailla izói finóacania, afémie cue llófuegauai Juziñamuimona bitíuaina ónoite. Afe llezica dama cue jitailla izói llófueñedicuena ónoite.

<sup>18</sup> Dama ie comeci jitailla izói úritimie, comini íemo ñuefuenta nitállena úrite. Mei íadi íena orédimieo ñuera ráfuenta nitáacadimie uáfuenta dáite. Afémiemo jífuiafuenta íñede.

<sup>19</sup> ¿Omoimo ocuica uaillai Moisedo ómoimo iga? ¿Ero ua? Mei íadi buna ómoimona aféuai jeire ofena. Aféuai jeire oñédimiedicue izói, ¿ñibái mei cue fáiacadiomoi? —daide.

<sup>20</sup> Jira comini uai ote:

—Omo fiénide jóríai illa. ¿Bu o fáiacana? —daidíaioi.

<sup>21</sup> Jira Jesús daide:

—Daa raa ocózinairuimo cue finuari nana fáigacaidiomoi.

<sup>22</sup> Mei íadi úrue bacano icoi quétajana facátafue Moisés ómoimo iga. Jira íiza bacano icoi quetádiomoi ocózinairuimo íadi. (Moisés afefue táineñegaza; jáairagimaci taineca.)

<sup>23</sup> Mei jira Moisés ocuica uaillai nana ñue fuizáillena, íiza bacano icoi omoi quetáadi ocózinairuui íadi, ¿ñibái ríicaidiomoi iima abi námiena cue jíllotaia ocózinairuimo?

<sup>24</sup> Mai jinófene éroillano comini ífue nitátáñeno. Omoi nitáadi jáicína uáfuenta nitari.

*Jesús ie comuñllanodo úrite*

<sup>25</sup> Ie mei Jerusalem dáarie ítinomona jícanuaidiaioi:

—¿Bímie íaioi fáiacagamieñede?

<sup>26</sup> Mei íadi batínomo comini cígimo úrite íadi buna nie izói daifñena. ¿Uáfuenta caifóidimaci bímie Crístoza ínotiaioi?

<sup>27</sup> Mei íadi cai, afémie ninómoma ie bíllana onódicai. Iadi ibana Cristo bíadi, buna ninómoma ie bíllana ónoñeite, —daidíaioi.

<sup>28</sup> Afena cacáillano Jesús nai gairíracomo llófuia llezica riire daide:

—¿Cuena onódiomoiiza? ¿Ninómoma bitícueza onódiomoi? Mei íadi dama cue comeci izói bíñedicue, íadi caade cue orédimieomona biticue. Afémie jaca ítimie. Afémiena onóñediomoi.

<sup>29</sup> Afémiena onódicue, afémiemona bitícueza, ie orécacueza, —daide.

<sup>30</sup> Iemona íena lláviano úiacadiaioi. Mei íadi nai buna íena llaitáñede, nai ie llaitáilliruimo dúciñedeza.

<sup>31</sup> Mei íadi aillo comini íemo ínotiaioi; daidíaioi:

—Cristo bíadi ¿bímie ínocca cíofinina onótafuíai baimo fínoite? —daidíaioi.

*Fariséuai llaitáiriraini orede, Jesús lláviano úillena*

<sup>32</sup> Fariséuai comini Jesuna dainana cacádiaioi. Jira lletáiriraini illaini, gairíraco jabóidillaimaiai orede Jesús llaitada úillena.

<sup>33</sup> Jira Jesús uai ote:

—Omoi cígiri dama íanori nié dino íticue. Ie méifodo cue orédimie diné jáiticue.

<sup>34</sup> Cuena jénoitiomoi mei íadi cuena báifñeitiomoi, cue illínomo jáinidiomoiiza, —daide.

<sup>35</sup> Ie mei judíuai dani íaioimo jícanuaidiaioi:

—¿Bímie ninomo jáite, íena cai báifñeillena? ¿Judíuai júdaicamaci griego éniemo afémie jáite, griego imaci llófuellena?

<sup>36</sup> Ie dainana, “Cuena jénoitiomoi mei íadi cuena báifñeitiomoi, cue illínomo jáinidiomoiiza,” ¿nie izói daide? —daidíaioi.

*Jesús, jáinoi izói cómena cáatate*

<sup>37</sup> Rafue íirairuimo jamánomoidirui. Aféruído Jesús naidáillanona como aillo uaido úrite:

—Nana jíróacadimie cuemo bi; jíruaibi.

<sup>38</sup> Cúegáuai daina izói, cuena ínotimie ie comécimona áillue imani tua izói aillo ñue cáataitífuiai bíite, —daide.

<sup>39</sup> Aféfuído nana afémiena ínotino Ñuera Joreño llíinoitiaioi daide. Ua mei, Ñuera Joreño nai bíñede, Jesús ie cáimafue ebíredifue diga nai llíinoñena jira.

*Comini Jesuna daináfuijai jáifodorie jóide*

<sup>40</sup> Dáarie comini cígimona aféfuena cacáillano daide:

—Uáfuenta bímie uai llóraima, jáiai ninomo bíacadimie, —daide.

41 Jiáimaci daidíai:

—Bie ua Cristo.

Mei íadi jiáimaci daidíai:

—¿Nie izóí Cristo dino Galilea ímieite?

42 Cuegáuai llote: “Jáiaidillaíma David, ie izíe ímiena Cristo iite. Ua Belén ímiena iite, afe jófue mo nauí David íteza,” —daidíai.

43 Daií nana comini Jesús ícoína dázierie bózietaidíai.

44 Dámierie Jesús maiáno úiacadíai, mei íadi buna daií ñeñena.

*Caifoide ríiredino Jesuna ínoñediaí*

45 Gairíraco jabóllaini abido fariséuai illánomo, daje izóí lletáriraini illaini illánomo bitíai.

Afémaci íaíoimo jícanote:

—¿Nibái mei íena atíñediomoi? —daide.

46 Jira jabóllaini (jíáfodo mameína llavériraini) uai otíai:

—Jaca ninomo buna afémie úrilla izóí úríñede, —daidíai.

47 Jira fariséuai daidíai:

—¿Omoi daje izóí ja jífuegamacidiomoi?

48 ¿Cai illáicomini dáarie íena ja ínotiaí fariséuai diga? Jaca ínoñediaí!

49 Mei íadi bie comini ocuícáfui onóñediaí, ja faidócaiaíza, —daidíai.

50 Nicodemo, naío Jesumo eróizaíbitimie daa fariseo ímácimona. Íaíoína daide:

51 —Cai ocuícáfue dáina izóí buna duere finónidicai, nano fueñe íena cai cácañeniadi, ie finócafuena cai ónoillena, —daide.

52 Mei jira uai otíai:

—¿O jíai daje izóí Galilea ímiedioza? Cuegáuai fácado. Dínomo cíoitio buna uai llóráima Galiléamona bíñede, —daidíai.

*Jirúredingo Jesumo atídiaí*

53 Mei íemona naga come íaíoi jofomo jaide.

## 8

1 Mei íadi Jesús Olivo dáina ídumo jaide.

2 Ie jíriramo monáíllamona, abido gairíracomo bite. Nana comini íemo áinozidiaí. Afémie ráinaíllano íaíoína llófuiaide.

3 Ie mei ocuícáfue llófueraíni fariséuai diga jirúredingo Jesumo atídiaí. Daií ñécade afengo baitíai. Afe gairíracomo ítimaci cígimo aféngona jónetiaíoi.

4 Jóoniano Jesuna daidíai:

—Llófueraíma, bie ringo afe jiruírenafue finócade baiticai.

5 Afe izoide ringona Moisés ocuícáfue cai ocuide nofíciado fállena. ¿O nie izóí daidíoi? —daidíai.

6 Daií daidíai Jesús facátallena. Bie facátamona fiénidífue íemo nitácadíai. Iemona Jesús jíjicaíllano éniemo onócaido cuete.

7 Mei íadi diga icaíño jícanotiaíoimo Jesús meine jaícina rainade. Ráinaíllanona daide:

—Omoimona dáamie fiénidífueña íñédimie, mai nanoide nofici aféngomo nitari, —daide.

8 Dáanomona nane jíjicaíllano éniemo cuete.

9 Mei íadi aféfuena cacáíllano, nana íaíoi comeci úrilla uaido méaicaídiaí. Méaicaíllano oni nana dáarie jáioidiaí. Ua iere éicomedimie uícodo oni jaílla. Nana ja íaíoi jaílla mei, Jesús dama dínó fiébide afe atícango diga.

10 Iemo Jesús jaícina meine rainade. Afe ringo baimo buna cíóñenano aféngona daide:

—Ringo, ¿ninomo omo fiénidífue jítdino ite? ¿Buna omo nofícina nitáñena? —daide.

11 Jira afengo daide:

—Ocuíraíma, ua buna nitáñede, —daide.

Mei jira Jesús daide:

—Cue ona daií nítañeíticue. Mai o jairi. Fieni meine abido daií ñeñeno iri, —daide.

*Jesús, bie énie comini egáíñoraíma*

12 Jesús dáanomona nane comínimo úrite; daide:

—Cue bínie comini egáíñoraímadicue; cuedo jáitimíemo cáataite egáíñua íite. Jaca nino jífido mácañeite, —daide.

13 Ie jira fariséuai íena daidíai:

—Dama o uai nabáidí. Afe uai ráífiñede, —daide.

14 Jira Jesús uai ote:

—Cue daina uáfueña ráifide, afe dama cuemo uai nabáidicue íadi. Cue ninómona biticue, daje izóí cue jáillinona onódicueza. Mei íadi ninómona biticueza onóñediomoi, cue jáillinona diga.

<sup>15</sup> Bie énie facárado jenócana facádiomoi; cue buna jenócana facáñedicue.

<sup>16</sup> Mei íadi cue facádi, cue facállifue jaícina ñue jóide. Dama facáñedicueza. Moo, cue orédimie diga dáanomo jenoda facádico.

<sup>17</sup> Omoi ocuica ciegáuai daide: “Mena uai nabáiraima dáanomo daiíadi, aféfueña ñnoitiomoi.”

<sup>18</sup> Cue dama cueri uai nabáiraimadicue. Cue Moo, cue orédimie jáíie cueri uai nabáiraima, —daide.

<sup>19</sup> Jira jicánotiaíoi:

—¿Ninomo mei o Moo ite? —daidíaíoi.

Jira Jesús uai ote:

—Omoi cuena onóñediomoi. Daje izóí cue Moona onóñediomoi. Cuena onódiomoi nia, daje izóí cue Moona onódiomoiza, —daide.

<sup>20</sup> Gairíracomo llófuia llezica, afe bíuai daide; ua fia fecaca úcube jóneraco illánomo dinomo llófue. Mei íadi buna iena lláviano uiñede, ie llaitáilliruimo nai dúciñena jira.

*Cue jáillinomo jáinidiomoi*

<sup>21</sup> Jesús nane dáanomo íaíoina daide:

—Cue jáiticue. Cuena jénoitiomoi, íadi omoi fiénidifue nai doñégamo tíitiomoi. Mei jii cue jáillinomo omoi jáinidiomoiza, —daide.

<sup>22</sup> Jira judíuai dani conímána daidíaíoi:

—¿Mei nibai afémie dama abi títaite, mei “Cue jáillinomo jáinidiomoi” afémie caina dáideza? —daidíaíoi.

<sup>23</sup> Jira Jesús íaíoina daide:

—Omoi ana bebeco iédiomoi, mei íadi cue caifófeco ímedicue. Omoi bie énie iédiomoi, mei íadi cue bie énie ímieñedicue.

<sup>24</sup> Te jira omoi fiénidifue nai doñégamo tíitiomoi daidicue. Cue daina izóí itímiedicuena omoi ñnoñeniadi, omoi fiénidifue nai doñégamo tíitiomoi, —daide.

<sup>25</sup> Jira jicánotiaíoi:

—Mei ¿o búdio? —daidíaíoi.

Jira Jesús uai ote:

—Jaíai nanómona ómoimo lloticue.

<sup>26</sup> Cuemo aillo ómoína cue daiíillífuiaí ite. Daje izóí aillo ómoína cue jenoda facállífuiaí ite. Cue orédimie uáfueña daide. Afémiemona cue cacana izóí bie énie comínina áfede daidicue, —daide.

<sup>27</sup> Mei íadi Moodo íaíoimo Jesús úrillana figo cacáñediaíoi.

<sup>28</sup> Jira Jesús íaíoina daide:

—Enie acónimo cuena caifo omoi raiñóadi cue daina izóí itímiena ónoitiomoi, mei Nanoide hima jítódicueza. Afe llezica dama cue comece izóí finófnidicueza ónoitiomoi. Dama cue Moo cuemo llogáfuaí daidicue.

<sup>29</sup> Cue orédimie jaca cue diga ite. Cue Moo dama cuena fiéñede, afémie ióbitadifuaína finófredicueza, —daide.

<sup>30</sup> Jesús daií dánamona, aillo iena ñnotiaíoi.

*Juzíñamui jítóniaí fiénidifuedo jeruícacaci baímo ñue itiaíoi*

<sup>31</sup> Afemona judíuaimona iena ñnotinona Jesús daide:

—Cue ómoína dáinana omoi jaícina jeire oíadi, cue llófuegamacina uáfueña jáitiomoi.

<sup>32</sup> Te mei uáfueña ónoitiomoi. Afe uáfuedo jéruínegamacina íitiomoi, —daide.

<sup>33</sup> Afémaci ie uai otiaíoi:

—Abraham iziedicai. Jaca ninomo buna jéruínegamacidicai. ¿Nie izóí, jéruínegamacina íiticaí, daidíoi? —daidíaíoi.

<sup>34</sup> Jira Jesús daide:

—Uáfueña ómoína daíticue, nana fiénidifue finódimaci fiénidifuedo jeruícacaci.

<sup>35</sup> Jeruícacmie ie naama izie diga ínide. Mei íadi naama jító aféziemo jaca jainaide.

<sup>36</sup> Daií mei Juzíñamui Jító jéruíñenafue ómoimo fecádi, uáfueña jéruíñelliomoi.

<sup>37</sup> Abraham izie iédiomoiza ja onódicue; mei íadi cuena fáiacadiomoi, ómoína cue daínáfueña omoi llínoñena jira.

<sup>38</sup> Cue Moo cuemo ácataga raado úriticue. Omoi moo daina izóí finófrediomoi, —daide.

<sup>39</sup> Jira uai otiaíoi:

—Cai moo Abraham, —daidíaioi.

Mei íadi Jesús daide:

—Uáfuea Abraham jítóniaina omoi íadi, afémie fínua izóí fínóitiomoi.

<sup>40</sup> Mei íadi Moo Juzíñamui cuemo lloga uáfuea ómoína cue daína íadi, nai cuena fáiacadiomoi. Abraham jaca daíí finóñede.

<sup>41</sup> Omoi moo fínua izóí finódiomoi, —daide.

Jira afémaci daidíaioi:

—Jaca jiruírenamona jócoñegacai. Caimo daade moo illa, Juzíñamui, —daidíaioi.

<sup>42</sup> Jira mei Jesús daide:

—Juzíñamui uáfuea omoi móodena, cuena izíruiomoi, mei Juzíñamuimona cue billa jira. Ua ie jira benó iticue. Dama cue comeci izóí biñédicue, mei íadi Juzíñamui orécacue.

<sup>43</sup> ¿Nibái mei cue daínana cacánidiomoi? Cue úrilla uaina cacáacañediomoi, jira onóñediomoi.

<sup>44</sup> Omoi moo Taife. Ie jira afémie iédiomoi. Afémie jitaina izóí finóacadiomoi. Taife jaca nanónona fáfiredimie. Jaca uáfueo jaináñede. Jaca uafue daíñede. Táinofuiai afémie lloíadi, ie illa izóí úrite. Afémie táinofuiairede, ua táinofuiai moo.

<sup>45</sup> Mei íadi uafue daidícueo cuena íinoñediomoi.

<sup>46</sup> ¿Omoimona bu cue fiénidifue jino due ciótarede? Uáfuea cue daííadi ¿nibái mei cuena íinoñediomoi?

<sup>47</sup> Juzíñamui iédimie Juzíñamui uáillaina cácafirede. Mei íadi Juzíñamui íeñediomoi, ie jira íena cacáacañediomoi, —daide.

*Cristo Abraham nano jae íimie*

<sup>48</sup> Jira judíuai íena daidíaioi:

—Omo fiénide joreño íllana onódicaiza; íemo Samaria ímiena o íllana, onódicaiza, —daidíaioi.

<sup>49</sup> Jesús uai ote:

—Cuemo fiénide joreño jaca íñede. Cue finócafue cue Moomo ñúefuena nitade. Omoi cuemo ñúefuena nitáñediomoi.

<sup>50</sup> Cuemo ñúefuena nitállena jenóñedicue, íadi jíáimie ite cuemo ñúefuena nitállena. Afémie jenoda facade.

<sup>51</sup> Uáfuea ómoína dáititue, cue daínafuena jeire otímie jaca ninomo tíñeite, —daide.

<sup>52</sup> Jira judíuai uai otíaioi:

—Fiénide jóriai omo íllana ja uáfuea onódicai. Abraham jaiái tíde naa uai llóraini diga, niadi jíáifodo daidío: “Cue daínana jeire otímie jaca ninomo tíñeite.”

<sup>53</sup> ¿Uáfuea cai moo Abraham baímo jáidío? Afémie tíde. Ua uai llóraini daje izóí tíidiai. ¿O comécimo bu o íllana facádío? —daidíaioi.

<sup>54</sup> Jesús dinena íaioimo uai ote:

—Dama cuemo ñúefuena cue nitáadi, cue ñúefuena minícana ráifiñede. Mei íadi ñúefuena cuemo nitádimie cue Moo. Dáamiena omoi Juzíñamui daidíomoi.

<sup>55</sup> Mei íadi íena onóñediomoi. Cue íena ua onódicue. Afémiena onóñedicue cue daííadi, omoi izóí táinofuiairedimiena íititue. Mei íadi íena uáfuea onódicue. Ie daínana jeire oticue.

<sup>56</sup> O jaiáidigima Abraham cue illíruina cióacade áfemona ióbillena; áfena cióillano afémie iere ióbicaide, —daide.

<sup>57</sup> Jira judíuai Jesuna daidíaioi:

—Nai cincuenta fimona íñedio, ¿Nie izóí “Abraham cuena ciode” daidío? —daidíaioi.

<sup>58</sup> Jesús uai ote:

—Uáfuea ómoína dáititue: Abraham nai íñeniadi cue iticue, —daide.

<sup>59</sup> Iemona nofíciái llínota Jesumo nitáacadiai. Mei íadi afémie retáirillano gairíracomona jino jaide. Afémaci cígido jaillano finocaide.

## 9

*Jesús uina cíoiñede jocócamie jllotata*

<sup>1</sup> Afénodo jaillano, Jesús uina cíoiñede jocócamiena ciode.

<sup>2</sup> Ie llófuegamaci íemo jicánote:

—Llófueraíma, ¿nibái mei bie íima uina cíoiñede jococa? Nibai ie moo fiénidifuiái ícoínia daíí jococa. Nibai dama ie fiénidifue fínua ícoínia daíí jococa. ¿Bífuiaimona nífue uáfuea? —daidíaioi.

<sup>3</sup> Jira Jesús daide:

—Dama ie ícoíniañedeza, jíái ie moo ícoíniañedeza. Mei íadi afémiemo Juzíñamui finóllifue ñue jino ácatallena, daíí íficaide.

<sup>4</sup> Nai monana llezica cue orédimie táijinafue cue fínua jitáiredeza. Ja nauilla llezica buna táijinide.

<sup>5</sup> Nai bie éniemo cue illa llezica, énie comini egáñotimiedicueza, —daide.

<sup>6</sup> Afe daina méifodo, Jesús éniemo tuánote. Tuánogamona ja énie ídiaide. Afe tuánua ídiaidemona ota, uina cíoiñedimie uimo bitade.

<sup>7</sup> Ie mei éna daide:

—Siloé jainoi ofillanomo jócuai, —daide. Afe Siloé mámecei jino dobáñua dibénedo “Orécanona” mameide.

Iemona uina cíoiñedimie ui jócuaide. Meine bitemo ja cíoi.

<sup>8</sup> Iemo ie abi comini, daje izói naui uina ie cíoiñenana ciódino diga daidíaioi:

—¿Bímieñede, nii ráticana úcube jícafiredimiñede?

<sup>9</sup> Dáarie daidíaioi:

—Jíi, níimie.

Jíáimaci dinena daide:

—Ieñede, mei íadi afémiena eroide, —daidíaioi.

Mei íadi afémie dinena dama daí daide:

—Jíi, níimiedicue, —daide.

<sup>10</sup> Jira íemo jícanotíaioi:

—¿Nie izói ja ciódio? —daidíaioi.

<sup>11</sup> Jira afémie uai ote:

—Afe iima, Jesuna mámeceiredimie, ídiaidino fínua cue uimo bitade. Bítanona daide: “Siloé jainoi ofillanomo o ui jócuai.” Jócuaidicue. Iemona cue jócuailamona ciódicue, —daide.

<sup>12</sup> Jira íemo jícanotíaioi:

—¿Ninomo afe iima ite? —daidíaioi.

Iaioina daide:

—Íco mei, —daide.

*Fariséuai jílloga uina cíoiñedimie jicánodoíaioi*

<sup>13</sup> Iemo fariséuaimo naui uina cíoiñedimienaa uitíaioi.

<sup>14</sup> Jesús ídiaidino fínuarui, afe ocózinaillarui. Aféruimo Jesús uina cíoiñedimie jíllogate.

<sup>15</sup> Fariséuai afe ímana nie izói afémie ui cíoinafue meine abido jícanotíaioi. Iemo afémie íaioina daide:

—Cue ui ídiaidinona bitade. Jira jócuaidicue. Iemona ja ciódicue, —daide.

<sup>16</sup> Jira fariséuaimona dáarie éna daidíaioi:

—Afefue finódimie, Juzíñamui ímieñede, ocózinaillaruiña íñoñena jira.

Mei íadi jíaimíai daide:

—Afémie fiénidifue finóraima íadi, ¿nie izói bie cíofinina finócafue fínoite? —daidíaioi.

Comini bózietaillamona

<sup>17</sup> meine naui uina cíoiñedimie jicánuaíaioi:

—¿O afémiena nie izói daidíoi, o ui cíoiñedimienaa? —daidíaioi.

Jira afémie daide:

—Afémienaa uai llóraima daidíicue, —daide.

<sup>18</sup> Mei íadi judíuai afe uina cíoiñedimie finócafueña ínoiacañediaoi. Ie ja cíonafueña ínoiacañediaoi. Ie jira jíllogamie móotíaina uáidotíaioi.

<sup>19</sup> Iemo jícanotíaioi:

—¿Afe nii be o jító uina cíoiñede jocócamie ómicoi daina? ¿Nie izói mei birui ciode? —daidíaioi.

<sup>20</sup> Ie móotíai uai ote:

—Onócaíza bie caí jító; uina cíoiñede jococa.

<sup>21</sup> Mei íadi nie izói afémie como cíonana onóñedicaí. Daje izói bu ie ui jíllogana onóñedicaí. Afémieimo jícano. Jae eicómeza. Aféfuena onódeza. Afemona uai óite, —daidíaiolino.

<sup>22</sup> Ie móotíai daí úritaiillinoi judíuai jacínaillamona. Judíuai jae nana comini onótatíaioi. Daidíaioi:

—Nágamíai Jesús ua Cristo dainámienaa mámeitimie Juzíñamui uai llófuerracomona jino jíuiticaí, —daidíaioi.

<sup>23</sup> Iemona móotíai daidíaioi, “Afémieimo jícano. Jae eicómeza.”

<sup>24</sup> Ie mei judíuai meine naui uina cíoiñedimienaa uáiduano daidíaioi:

—Juzíñamui uieómo uáfueña caina daíri. Onócaíza, bímie fiénidífuiairedimie, —daidíaioi.

<sup>25</sup> Afémie uai ote:

— Afémie nibai figura, nibai fiénidifuiairedimie onóñedicueza. Daa cue onóigafue. Nano fueñe uina cíoiñedimiedicue, mei íadi birui cíodicue, —daide.

<sup>26</sup> Nane dáanomo íemo jicánuaidiaioi:

— ¿Nie izóí ona ñete? ¿Nie izóí o finode o ui cíoilena? —daidiaioi.

<sup>27</sup> Jira uai ote:

— Jae omoi lloticue, íadi cuena íñoñediomoi. ¿Nibái mei dáanomo omoi llóiticue? ¿Omoi jáíi daje izóí iedo jáiacadiomoi? —daide.

<sup>28</sup> Báíñuano íena daide:

— O bímedio jáidio, mei íadi Moisedo jáidicai.

<sup>29</sup> Juzíñamui Moisémo úrillana onódicai, mei íadi bie Jesús ninómona bite onóñedicai, —daidiaioi.

<sup>30</sup> Jira afe iima uai ote:

— ¡Bifue nii cácafinina raa! Ie billánona onóñediomoi, íadi cuena ñue cíoitae.

<sup>31</sup> Fiénidifue ínofiredimacimo Juzíñamui cacáñede ñue onódicaiza. Iemo afémiemo ióbicaítadinomo cacáñrede, ie jítáinafue finódimaci diga.

<sup>32</sup> Jaca nanómona uina cíoiñede jocócamie jíllotatimie dáinana cacáñena.

<sup>33</sup> Bímie Juzíñamui mona biñédeniadi, minícana ñénide, —daide.

<sup>34</sup> Jira daidiaioi:

— O fiénidifuiaimona jocócamiedio. ¿O caína llófueacadio? —daidiaioi. Ie jira íena jino jíunotiaioi.

*Joreño dibéfuaiana onóñedimaci*

<sup>35</sup> Jesús uina cíoiñedimie jino íaioi jíunuana fidide. Ie baillano íena daide:

— ¿Juzíñamui Jitomo ínotio?

<sup>36</sup> Jira afémie daide:

— Ocuíraima, cuemo llone bu afémiéna íemo cue ínnollezta, —daide.

<sup>37</sup> Jira Jesús uai ote:

— Ja cíodioza. Níimiedicue, o diga úrilla, —daide.

<sup>38</sup> Iemona afémie Jesús anari ana dújuillanona daide:

— Ocuíraima, ínoticue, —daide.

<sup>39</sup> Ie méifomo Jesús daide:

— Bie éniemo biticue, jáicina jenoda facállena. Ua biticue uina cíoiñedimie eróillena. Dáanomo biticue eróidino uina cíoiñellena.

<sup>40</sup> Ie mei fariséuaimona, Jesús diga itínomona, dáamierie afefue cacáillano íena jicánotiaioi:

— ¿Meita cai uina cíoiñedinodicaí? —daidiaioi.

<sup>41</sup> Jira Jesús uai ote:

— Omoi uina cíoiñeniadi, omoi fiénidifuiái ícoi íñeite. Mei íadi “Cíodicai” daidíomoi jira omoi fiénidifuiái ícoi íte, mei joreño dibéfuaiana onóñediomoíza, —daide.

## 10

*Ovejai cirínoraco cai onótate*

<sup>1</sup> Uáfueña ómoina dáititue, ovejai cirínoraco nazedo jáíñedimie ua meríriraíma. Enéfememo táifodo tícaillano jofo jáidimie ua merírifredimie.

<sup>2</sup> Mei íadi nazedo jofo jáidimie ua úíñoraíma. Níimie ie ovéjaína ñue uíñote.

<sup>3</sup> Naze tuiñóraíma naze tuiñode afémie jofo jáillena. Ie uaina ovejai onódiaioi. Ie ovéjaíai íaioi mámeccido jírite. Daíí cirínoracomona jino ófíregaiáioi.

<sup>4</sup> Nana ie ovejai jino óinana méifodo, íaioi uícodo ífóicaide. Ovéjaíai ie óodana jáioicaídaíaoi mei ie uaina onódiaíza.

<sup>5</sup> Mei íadi onóñegamiemo jáioicaíñediaioi. Mei jáíifodo afémiemona niné botádiaioi, ónoñegamaci uaina onóñena jira.

<sup>6</sup> Bie daje izoide ráfuedo Jesús íaímo llófue. Mei íadi daíí daííacana uáina onóñediaioi.

*Jesús ñue ovéjaíai úíñoraíma*

<sup>7</sup> Iemona Jesús meine dáanomo daíízaide:

— Uáfueña ómoina dáititue: Cue bie ovéjaíai jofo jaira nazédicue.

<sup>8</sup> Nana cue uícomo bitímaci meríriraíni daje izóí baíróriraíni. Mei íadi ovéjaíai afémacina náfueñediaioi.

<sup>9</sup> Cue nazénaza. Cuedo jofo jáidimie jíllobicaite. Afémie cirínoracomó jofo jaide, meine jino bite. Afe jofo jáitímie oveja izóidimiéna íte. Ie guílle raana báífirede.



<sup>10</sup> Meríriraíma fia merírizaibite; fájaibite, táinocaitajaibite. Mei íadi cue biticue íaioi cáatallena, ua jamánomo íocire íaioi íllena biticue.

<sup>11</sup> Ñue ovéjaiaí úíñoraímadicue. Afe ñue ovéjaiaí úíñoraíma ovéjaiaímo ie cáallinona itátaite.

<sup>12</sup> Mei íadi fia íbaca úíñoraíma dama úcube llínollena táijide. Jico izoide bíllana afémie cíóillano, ovéjaiaí fíianona botade. Afémie botade uáfuenta úíñoraímañena jira; daje izóí ovéjaiaí íeíeñena jira. Iemona jico izoide ovéjaiaína llaitade. Iemona nana jíaíe ovéjaiaí júdaízitiaioi.

<sup>13</sup> Bie íima botáfírede, daa fia íbállena táijideza. Ovéjaiaína nai lloñede. Iaioina duéruíñede.

<sup>14-15</sup> Cue bie ñue úíñoraímadicue. Cue Moo cuena onona izóí daje izóí cue Moona onódicue. Afe izóí cue ovéjaiaína onódicue, ie izóí afémaci cuena onódiaioi. Cue cáallino ovéjaiaímo ííticue.

<sup>16</sup> Jíaíe ovéjaiaí cuemo ite. Bie cirínoraco íeñede. Cue uaina cacáíllanona jeire óítiaioi. Iemona daa cirínoraco íite, daje izóí daa úíñoraíma íite.

<sup>17</sup> Cue Moo cuena izírute, cue abí fécaíllano meine cue llínua jira.

<sup>18</sup> Buna cue abí báíroñeite, mei íadi dama cue comezi izóí fécaíticue. Cue áfena fecáredicue, ie mei meine áfena llínoredicue. Afe bie cue Moo cue ocuilla dieze, —daide.

<sup>19</sup> Judíuai afe uaina cacáíllano bócoízitiaioi.

<sup>20</sup> Afémacimona aillo daidíaioi:

—¿Níbái mei uai jeire otíomoi? Afémiemo fiénide jóríai íllaza, íemo uáírítai, —daidíaioi.

<sup>21</sup> Mei íadi jíaímaci daidíaioi:

—Fiénidena jóríairedímie jaca afe izóí úrinide, —daidíaioi. Fiénide joreño uina cíoiñedímie uina cíoitánide.

*Judíuai Jesús llínoacañeno íena ruífrúitíai*

<sup>22</sup> Jae rozírúíllaruíllai. Afe llezica Jerusalemo irázíllafue finódiaioi, gairíracó Juzíñamuimo oní ífícaíllaruí uibíñoicaíllena.

<sup>23</sup> Jesús Salomón macáranodo gairíracómacade.

<sup>24</sup> Judíuai Jesumo ífoina gairíllano daidíaioi:

—¿Nie díno cáina figo onótañeítio? O Crístodio raire uáfodo cáimo llone, —daidíaioi.

<sup>25</sup> Jira Jesús uai ote:

—Jae lloticue íadi cuena íñoñedíomoi. Cue finócafuaí cue Moo ríinodo finódicue. Afedo ñue jíno ácatagacue.

<sup>26</sup> Mei íadi cuena íñoñedíomoi, cue ovéjaiaíñedíomoi. Afena nauí ómoina daidicue.

<sup>27</sup> Cue ovéjaiaí cue uaina onode. Iaioina onódicue, jira cuedo bitíai.

<sup>28</sup> Zíñona cááíllino íaioímo fecádicue. Jaca afémacimona dáamie niné báízaiñeite. Buna cúemona íaioímona daa báíroñeite.

<sup>29</sup> Afémaci cue Moo cuemo íga. Afémie jamánomoidímie. Nana baímo jáídímie. Buna cue Moo Juzíñamuimona afémacina baíróñide.

<sup>30</sup> Cue, cue Moo díga dáamiedicoco, —daide.

<sup>31</sup> Iemona judíuai meine íena nofíciaina nitácadiaioi.

<sup>32</sup> Jira Jesús daide:

—Omoi eróicana díga ñúefuíaína cue Moo ríinodo finódicue. ¿Nífue ícoínia nofíciáido cue níjítíomoi? —daide.

<sup>33</sup> Jira judíuai uai otíaioi:

—Ñúefuaí o fínuamona ona níjítíeíticaí; mei íadi o uáíllado Juzíñamuína báíñotío. Fia ímadio, mei íadi Juzíñamuína o abí maméacadio, —daidíaioi.

<sup>34</sup> Jira Jesús daide:

—Omoi ocuínafuaímo Juzíñamui daína jae cuega. Be níuai: “Omoi Juzíñamuíllaidíomoi.”

<sup>35</sup> Cuegáuai dáinana jaca jáanonide, onódicaíza. Juzíñamui, ie uaíllai llínotímíaiína juzíñamuíllaina mameide.

<sup>36</sup> Juzíñamui jae cuena oní ífícaítajano bie éniemo cuena orede. Ua ie orécamiedicue. Jira ¿nie izóí dáítío “Juzíñamuína báíñotío” cue daííadi “Juzíñamui Jitódicue”?

<sup>37</sup> Cue Moo finoca izóí cue finóñenia, maí cuena omoi íñoñeno.

<sup>38</sup> Mei íadi ie finócafue izóí cue finóadi, maí aféfuíaína íino, omoi nai cuena íñoñenia. Afemona cue Moo cuemo íllana, jabe ónoítíomoi. Daje izóí cue, cue Moomo ítícueza, ónoítíomoi, —daide.

<sup>39</sup> Meine maíáno íena uíacadiaioi, mei íadi Jesús oní finocaide.

<sup>40</sup> Ie mei Jesús Jordán ruicáfellemo meine jaide. Dínomo fiévide. Ua nauí Juan báútízanomo íte.

<sup>41</sup> Aillo comíni íena eróízaidiaioi. Daidíaioi:

—Uáfuenta, Juan cíofinina onótalle raa finóñede, mei íadi nana Juan bímieri daináfuaia uáfuaia, —daidíaioi.

<sup>42</sup> Dinomo aillo comini Jesuna ínotiaioi.

## 11

*Lázaro tíide meine cáadimiena jaide*

<sup>1</sup> Daa iima Lázaro iere irarena. Betania ímie. María ie ebuño Marta diga daje jófue mo itíaioi.

<sup>2</sup> Afe María iráredimie Lázaro miringo. Afe María nauí Jesús ídaimo ziórede cáirediji totade. Tótanona ie ifótiido zafénaitade.

<sup>3</sup> Ja birui afe miringo íanguai uai Jesumo orede, Lázaro iere tíacana jira: llote:

—Ocuíraima, o nabai Lázaro irárede, —daide.

<sup>4</sup> Jesús cacáillano daide:

—Afe duico títañeite, mei íadi jamánomo ñue Juzíñamui ebírenafue ácataite. Ie llezica afe duico Juzíñamui Jitó ebírenafue ácataite.

<sup>5</sup> Marta ie ebuño ie íio Lázaro diga Jesús íaioina iere izíruite;

<sup>6</sup> mei íadi Lázaro irárenafuena fidíllanona, Jesús raire jáíñede; nai ménarui ie illánomo ite.

<sup>7</sup> Ie mei ie llófuegamacina daide:

—Meine Judéamo cai jai, —daide.

<sup>8</sup> Jira llófuegamaci daidíaioi:

—Llófueraima, nano cómoicana Judíuai dino nofícaido o fáiacadiaioi. ¿Nane meine afe diné jáiacadio? —daidíaioi.

<sup>9</sup> Jira Jesús ie tíllirui nai áinoziñenana onóillano, íaioina onótatiuaído daide:

—¿Uáfueñede, naga mona doce horas ite? Come monari macáadi éicitaíñede. Bie éniemo ite egáíñuana ciode.

<sup>10</sup> Íadi come naio macáadi éicitaide; afémiemo egáíñotinona íñédeza.

<sup>11</sup> Ie mei Jesús nai úrite; íaioina daide:

—Cai nabai Lázaro ínideza, mei íadi cazítaiticue, —daide.

<sup>12</sup> Jira llófuegamaci daidíaioi:

—Ocuíraima, afémie iníadi ja jíllocaite, —daidíaioi.

<sup>13</sup> Mei íadi Jesús jáífodo daiíacade, Lázaro tíide. Llófuegamaci comece facade Jesús dainana fia ínia llote.

<sup>14</sup> Jira Jesús jino uáfodo íaioina daide:

—Lázaro ja tíide.

<sup>15</sup> Ióbidicue afémie tíllanomo íñédicueza. Daií ómoimona ñuera, omoi ínollena. Mei íadi cai éroizailli, —daide.

<sup>16</sup> Iemo Tomás, Guarámie maméidimie, jáíe llófuegamacina daide:

—Mai cai jai, afémie diga dáanomo cai tílleza, —daide.

<sup>17</sup> Jesús dúcillano como fidide Lázaro ja cuatro dígarui énie anamo ite.

<sup>18</sup> Betania iere Jerusalén áinori ite, mena kilómetro átuedo izói.

<sup>19</sup> Aillo judíuai jáidimaci Marta María diga uáiduaidiaioi, íanguai íio tíllari. Íanguaímo fíraíbitiaioi.

<sup>20</sup> Marta Jesús dúciana fidíllano afémiena jino cíozaide. Mei íadi María jofomo fíebide.

<sup>21</sup> Marta Jesúna daide:

—Ocuíraima, o nabai benó itíoniadi cue íio tíñede.

<sup>22</sup> Mei íadi onódicue naga raa Juzíñamuimona o jícaadi afémie omo iite, —daide.

<sup>23</sup> Jira Jesús daide:

—O íio meine cáate.

<sup>24</sup> Iemo Marta daide:

—Íí, cue onódicueza tíidino cáadinona illíruimo, énie íraíruimo afémie meine cáate, —daide.

<sup>25</sup> Jira Jesús daide:

—Cue tíidino meine abido náidataraimadicue; cáadinona abido itátaraimadicue. Cuená ínotimie ie tíadi meine cáate.

<sup>26</sup> Nana nai cáadino cuena ínoiadi jaca ninomo tííñeitiaioi. ¿O afefue ínotio? —daide.

<sup>27</sup> Jira afengo daide:

—Íí, Ocuíraima, o Crístodio ínoticue. Juzíñamui Jitó ana éniemo bitímiedioza. Afena ínoticue, —daide.

<sup>28</sup> Daií dáina méifodo, Marta ie ebuño María uáiduaidie. Báinino aféngona daide:

—Llófueraima benó ite. O júrítade, —daide.

<sup>29</sup> Afena cacáillano María raire náidacaillano Jesumo eróizaide.

<sup>30</sup> Nai Jesús afe jófuemo jofu jáiñede. Marta ie baizájillanomo nai ite.

<sup>31</sup> Jofu ite judíuái afengo fíraidiaioi. Afengo náidacaillano, raire jino jáillana judíuái cóiillano, aféngodo jáidiaioi. Afémaci comeci facádiaioi, afengo raiafo dinomo éeiaide.

<sup>32</sup> Ie mei María Jesús illánomo dúcide. Dúciano afémie eiba abimo cañícido dújuillano daide:

—Ocuíraima, o níbai benó itíonia cue íio tíiñede, —daide.

<sup>33</sup> Jesús María éeiana, naa aféngodo bitino judíuairi éeiana ciode. Cíuano afémie iere zúureficaide. Ie comeci docaide.

<sup>34</sup> Jira jicánote:

—¿Ninomo omoi raiga?

Jira daidiaioi:

—Ocuíraima, eróizaibi, —daidiaioi.

<sup>35</sup> Jesús eede.

<sup>36</sup> Jira mei judíuái daidiaioi:

—¡Ero, nii afémiena izíruilla! —daidiaioi.

<sup>37</sup> Iadi afémacimona dámie daide:

—Bímie uina cóiñedimiena meine cóitaraima. ¿Nai afémieno iñede ríino Lázaro tíitañeillena? —daide.

*Lázaro tíillamona meine abido cáadimiena jaide*

<sup>38</sup> Jesús comeci meine iere docaide. Raiáfomo áinozide. Raiáfo idu ana ifo. Ie jofu jáirano daa noficina ibaica.

<sup>39</sup> Jira Jesús daide:

—Nofici oni ono, —daide.

Tíidimie miríngo, Marta daide:

—Ocuíraima, jae íaire jallede. Ráiamona cuatro dígaru íteza, —daide.

<sup>40</sup> Jira Jesús daide:

—¿Nai ona daiñedicue, o íinoiadi Juziñamui ebírenafuena cóitio? —daide.

<sup>41</sup> Iemona nofici oni otíaioi. Ie mei Jesús monamo érocaillano daide:

—Moo Juziñamui, iere figora cuemo cacáreifredio.

<sup>42</sup> Onódicueza cuemo jaca cacáreidio. Mei íadi daií daidicue benó ite comini ñúeillena, daje izói bimaci o cue óriana ínollena, —daide.

<sup>43</sup> Daií daina méifodo júríte:

—¡Lázaro, dinómona jino bi! —daide.

<sup>44</sup> Tíidimie jino bite; ua onoi ídai diga ferínoraroido maíáno jino bite. Uiéco iníroina ibaica diga bite. Jira Jesús íaioina daide:

—Zuita, zuitanona ie ore, —daide.

*Jesús llaitállena jáicina maméritiaioi*

*(Mt 26.1-5; Mr 14.1-2; Lc 22.1-2)*

<sup>45</sup> Afedo aillo judíuaimona Jesuna ínotiaioi. Afémaci, María ícoina bitino, Jesús finócafueña cóidimaci.

<sup>46</sup> Mei íadi afémacimona dáamierie fariséuaimo úrizaide. Ua Jesús finócafuiái íaioimo llujáide.

<sup>47</sup> Iemona fariséuai, lletáriraini illaini diga gairídiaioi naa caifóidillainiri. Daidiaioi:

—¿Nie izói ñéiticaí? Bie íima aillo cóofinina onótalle raana finode.

<sup>48</sup> Fia daií íena cai fáicanocaiadi nana íena ínoítiaioi. Iemona romano ríimaci cai gairíraico táinocaitaitiaioi naa cai náirairi, —daidiaioi.

<sup>49</sup> Dáamie íaioimona Caifás mámecciredimie. Afémie afe fimónamo lletáriraini illaíma. Afémie íaioina daide:

—Omoi minícana onóñediomoi.

<sup>50</sup> Daa íima comíniri tíia baímo jamánomo ñuera, nana naírai tíiñeillena. Afefue nai figo fidíñediomoi, —daide.

<sup>51</sup> Mei íadi Caifás afefue dama ie comécido lloñede; mei jíáfodo afe fimónamo afémie lletáriraini illáimana íllamona, Juziñamui Joreño daináfuedo afémie daide: “Jesús judío náirairi tíizaitaite.”

<sup>52</sup> Ua dani afe náirairi tíiñeite, mei íadi nana júdaizite Juziñamui jitóniaí dáanomo meine gairíllena tíizaitaite.

<sup>53</sup> Daií aferuimona judíuái ríimaci Jesús fállena maméritiaioi.

<sup>54</sup> Jira Jesús ja judíuai cigido uáfodo macañede. Judea éniemona oni jaillano, táizici áinori ite jófuego jáizaide. Afe jofue mámece Efraín. Dinomo ie llófuegamaci diga fiévide.

<sup>55</sup> Judíuai pascua rafue áinozidemo aillo jofue comini Jerusalemo jáidiaioi, pascua uícomo comeci duáfuiái finóllena.

<sup>56</sup> Jaillano Jesús jenuaidiaioi. Gairíracomo íaioi illano conímamo jicánoidiaioi:

—¿O nie izói daidio? ¿Afémie ráfuece biite? ¿Nibai bíñeite? —daidiaioi.

<sup>57</sup> Fariséuai lletáriraini illaini diga jae ocuídiaioi: “Daa come Jesús illánona onóyadi lloíri,” ie cai llaitálleza, —daidiaioi.

## 12

### *Ringo Jesús jillaide*

(Mt 26.6-13; Mr 14.3-9)

<sup>1</sup> Pascua uícomo seis dígarui ítemo, Jesús Betániamo jaide, Lázaro illánomo. Lázaro ua tídimacimona Jesús abido cáatagamie.

<sup>2</sup> Dinomo nauife güillafue finódiaioi Jesumo ñúefuiaina nitállena. Marta güille raizífiredede. Güirábanimo ráiicana Jesús diga güitino, Lázaro afémacimona dáamie.

<sup>3</sup> Iemo María litro átuedo zioji cáiredena fáñegaji atide. Afeji jamánomo ráifide. (Afeji mámece nardo.) Atiano Jesús eiba emodo jillaide. Daí ñiano ifótiido zafénaitade. Nana afeco ero zúena oruúbicaide.

<sup>4</sup> Dinomo Judas Iscariote ráiide. (Judas Simón jitó Jesús llófuegamacimona. Afémie Jesús éoidimacimo fécaitimie.) Afémie daide:

<sup>5</sup> —¿Nibái mei trescientos dígabe fidi bie cáirediji fécañega, duéredino cai canoi daí? —daide.

<sup>6</sup> Mei íadi duéredimaci izíruillamona daí daíñede. Mei íadi afémie meríriraíma. Nane íaioi úcubellu uícaífiredede. Aféllumo jónega raana merífiredede.

<sup>7</sup> Ie jira Jesús íena daide:

—Aféngona fáicanocai. Raiáfomo cue raillíruimo aféjina afengo éenote.

<sup>8</sup> Duéredimaci jaca omoi diga ífiredede, mei íadi cue jaca omoi diga are íñeiticue, —daide.

### *Lázaro fállena maméritiaioi*

<sup>9</sup> Aillo judíuai Jesús Betániamo íllana fidídiaioi. Jira dinomo jáidiaioi dama Jesumo éroiñellena, mei íadi daje izói Lázaronna cíoilena, tídimacimona Jesús abido cáatagamiena jira.

<sup>10</sup> Iemona lletáriraini illaini Lázaro fállena mamédiaioi.

<sup>11</sup> Ua Lázaro ícoiniadi aillo judíuai illáicomínimona jirecaillano Jesuna ínotiaioi.

### *Jesús Jerusalemo ebire jofo jáillafue*

(Mt 21.1-11; Mr 11.1-11; Lc 19.28-40)

<sup>12</sup> Pascua ráfuece aillo comini Jerusalemo jáidiaioi. Ie médiruido Jesús jófuego dúcizaillana fidídiaioi.

<sup>13</sup> Amena rafóruai jaitada jino Jesús uáiduaidiaioi. Caillícana daidiaioi:

—¡Juzíñamuina ebífuena daífrí! ¡Juzíñamui mámece bitímie caímare comuirí! ¡Israel Illaíma caímare comuirí! —daidiaioi.

<sup>14</sup> Iemo Jesús burro baillano afe emódomo ráinade, jaiái Cuegáuái daína izói; be níuái:

<sup>15</sup> “Sión comini omoi jacíruiñeno.

Erocái, o Illaíma búrrodo ráicabite.”

<sup>16</sup> Nanómoma ie llófuegamaci aféfuaiaina cacañediaioi. Ie méifodo ebírenafue Moo íemo nitaca mei, ie tíllanomona meine abido cáatallíruimo, nana afémieri Cuegáuaimo úbicaidiaioi. Daje izói íemo daí finócafuece uíbicaidiaioi.

<sup>17</sup> Lázaro jino raíáfomona uáiduauido aillo comini Jesúsóiri ite. Ua Lázaro tídimacimona abido cáanana cíódino afe íaioi cíónafuena llujídiaioi.

<sup>18</sup> Ie jira comini Jesuna caímare baizájidiaioi, afe cíofinina ie finócafuece íaioi fidina jira.

<sup>19</sup> Jira fariséuai dani daidiaioi:

—Ja cíódiomoi, jaca nie izói ñévide. Erocái, nana comini íedo jáidiaioi, —daidiaioi.

### *Dáarie griego imaci Jesús jenódiaioi*

<sup>20</sup> Rafue illa dino acádoíllena Jerusalemo bitímaci cigimo dáarie griego ímiai ite.

<sup>21</sup> Afémaci Felípemo ánozidiaioi. (Felipe Galilea ímie; Betsaida jofue ímie.) Anozillano íemo izire jicánotiaioi:

—O onógamie Jesuna cíoiacadicaí, —daide.

<sup>22</sup> Jira Felipe Andrena daízaide. Iemo afe íaillinoi Jesumo llujíjide.

<sup>23</sup> Ie jira Jesús ie abina úrillano daide:

—Nanoide Iima Jitomo ebirenafuena nitálliruimo ja dúcide.

<sup>24</sup> Uáfueña ómoína daíticue, daa güiga raa ido éniemo ríñenia, tíññenia, jaca nai dáajina jóoide; mei íadi afeji ríllamona tídena eroide zícuaomona aillo aite.

<sup>25</sup> Daje izói dáamie ie cáailinona dama íeiena rairuíadi, áfena féitaite, mei íadi dáamie ie cáailinona bie éniemo jámairuíadi, áfena zúñona cáailinomo éenoite.

<sup>26</sup> Dáamie cuemo jaináiacadimie cuedo jáirede. Cue illínomo dáanomo cuena jaináidimie iite. Dáamie cuemo jaináia, cue Moo afémiemo ñúefuena nítaite, —daide.

*Jesús ie tíillifuena jino llote*

<sup>27</sup> Jesús nai úrillano daide: Birui cue comeci iere llícitaide. ¿Nie izói cue daíri? ¿Ñibai bie izói daíticue: “Moo birui cuemo zúidifuemona cue jíllota”? Mei íadi cue afe jira biticue.

<sup>28</sup> Moo, o mámecimo ebirenafuena jóoneri, —daide.

Iemona monámoma daa uai cácacaide. Daide:

—Afena jae ebire íficaitadicue. Iemo meine dáanomo ebire íficaitaiticue, —daide.

<sup>29</sup> Afénoimo iite comini áfena cacáillano daidíaioi:

—Mona gíría, —daidíaioi.

Iemo jáimaci:

—Juzíñamui abi ímie íemo úrite, —daidíaioi.

<sup>30</sup> Mei jira Jesús daide:

—Afe uai cuemo cácacaiñede. Omoimo cácacaide.

<sup>31</sup> Ja biruimo bie énie comini jenoda facátallíaioi. Jabe bie énie ocuídímie jino dotácana iite.

<sup>32</sup> Enie acónimo titállena cue íaioi raiñolle llezica, nana dama cuemo cue atille, —daide.

<sup>33</sup> Afe dáinamona, ie tílla izói onótate.

<sup>34</sup> Jira comini uai otíaioi:

—Cai ocuilla uai cuegánicodo caimo llófuega: “Cristo zúñona iite.” ¿Nie izói daidío: Nanoide Iima Jitó titállena caífo raiñóbicaite? ¿Bu mei bie Nanoide Iima Jitona? —daidíaioi.

<sup>35</sup> Jira Jesús daide:

—Nai omoi cígiri egáñotimiena izói nano íanori iticue. Bie cue egáñuana ómoimo illa dino, mai cue lua izói omoi macari, jíitredino raire omoi éidafiñeillena. Jítinodo macádímie ie jáillana onóñede.

<sup>36</sup> Uzefomo íno, nai ómoimo illa dino, egáñogamacina daí omoi jáillena, —daide.

Afefue daina méfodo, Jesús afémacimona retáirizaide.

*Judúuai Jesuna íñoñediaioi*

<sup>37</sup> Jesús íaióimo eróicana díga cíofininafuina finode. Mei íadi íena íñoñediaioi.

<sup>38</sup> Ua íñoñediaioi, jaiaí uai llóraima Isaías Cuegáuai fuitállena. Isaías daide:

Ocuíraima, ¿bu cai úrillafue íñua?

¿Bumo Ocuíraima ie ríñona ácatate? daide.

<sup>39</sup> Daítana jira ínonidiaioi. Ie emódomo jáífodo Isaías cuete:

<sup>40</sup> Juzíñamui uina cíoiñedimacina íaióina finode.

Íaioi ífoci jáiaitate.

Daí finode uído cíoiñeillena,

daje izói ífócido ónoñeillena.

Jira cuemo bínidimaci, íaioi cue jíllotallena.

<sup>41</sup> Isaías aféfuai llote, mei afémie Jesús ebirenafuena cíodeza. Jira afémiedo úrite.

<sup>42</sup> Mei íadi aillo judúuaimona Jesuna ínotíaioi, illáicomimimona jáí dáarie. Mei íadi uáfodo lloñediaioi, fariséuaina jacíruillano gairíracomona jino íaioi óreñeillena.

<sup>43</sup> Comini ñúefuena íaióimo nítajana jamánomo gáidiaioi. Mei íadi Juzíñamui ñúefuena íaióimo nítajana jámairuitiaioi.

*Jesús uaillai comínimo riire jicánoite*

<sup>44</sup> Jesús aillo uaido daide:

—Cuena ínotímie, dama cuena íñoñede, mei íadi daje izói cue orédímiena ínote. Ua cue Moona ínote.

<sup>45</sup> Cuena cíodímie daje izói cue orédímiena cíode.

<sup>46</sup> Cue egáñotimiedicue. Ana bie éniemo biticue, cuena ínotino jíitredífomo fiébiñeillena.

<sup>47</sup> Dáamerie cue uaina cacáadi íadi jeire ie óñeniadi, ie jicánoraimana íñeíticue. Cue bie énie comínina duere fínuaibiñedicue, mei íadi afémacina jíllotaíbiticue.

<sup>48</sup> Cuena jámairuitímie, cue uaina jeire oñédímie ja ie duere fínoítímie iite. Cue daina uaillai írairuillaido duere íena finótaite.

<sup>49</sup> Dama cue comeci izói úriñedicue. Moo Juzíñamui, cue orédimie cue dáinana llófuellena jae ocuide.

<sup>50</sup> Moo cuemo ocuícafue zíñona itátate. Afena onódicue. Jira mei, cue daina, jaca cue Moo cue ocuilla izói.

## 13

### *Jesús ie llófuegamaci idai jocode*

<sup>1</sup> Jae pascua rafue úcodirui. Jesús bie éniena ie fiénocallana, ie Moo dine jáillirui áinozillana fidide. Teiema éniemo itinona izíruite. Ua jaca fáicanocaiñeno íaioina izíruite.

<sup>2-4</sup> Taife jae Judas Iscariote comécimo Jesús fecállena llote. Judas Simón jító. Afe llezica Jesús Juzíñamui mona bitímiena fidide. Daje izói Juzíñamui moine jáillana fidide. Juzíñamui nana ríinona lemo fécajana Jesús onode. Ie mei güillano, güirábanimona náidacaillano jinódicuiro duiñode. Dúíñuano daa abi doraroi ciráigimo maitade.

<sup>5</sup> Ie mei jainoi icáifemo tótajano, ie llófuegamaci idai jócuaide. Daií ñiano, afe ciraigi maitaca abi dorároido íaioi idai zaféñaitade.

<sup>6</sup> Simón Pedro idai ie jócuilla llezica afémie Jesuna daide:

—Ocuíraima, ¿cue ídaina jócoitio?

<sup>7</sup> Jira Jesús uai ote:

—Birui cue finócafueña onóñedio, mei íadi fui ónoitio, —daide.

<sup>8</sup> Mei ie jira Pedro daide:

—Jaca ninomo cue ídaina jócoñeítio, —daide.

Jira Jesús íena daide:

—Ona cue jocóñeniadi, cuemo jáinaiñeítio, —daide.

<sup>9</sup> Jira Simón Pedro íena daide:

—Mai mei, Ocuíraima, daa cue idai jocóñeno, mei cue onoi, cue ifo diga jocori, —daide.

<sup>10</sup> Jira Jesús daide:

—Como nóidimie daa ie idai jócuana dúide, abi nana dóina jira. Ja dogáomoi, mei íadi náñañede, —daide.

<sup>11</sup> Iena fécaitimiena onona jira, Jesús jae daide “Nana dóñegaomoi.”

<sup>12</sup> Íaioi idai jócu méifodo, Jesús ie jinódicuiro meine jítade. Güirábani abimo ráinaillanona daide:

—¿Omoimo cue finócafueña onódiomoi?

<sup>13</sup> Omoi jae llófueraimana, Ocuíraimana cue mamédiomoi. Daií ñue daidíomoi, nímiedicueza.

<sup>14</sup> Jae omoi llófueraimadicue; jae omoi Ocuíraimadicue mei íadi omoi idai jocódicue. Afe izói dani conima idai omoi jocolle jítárede.

<sup>15</sup> Jae ómoína finócafueña onótaticue, cue finua izói omoi finóllena.

<sup>16</sup> Uáfueña dáitucue: Táijitatimie baímo jaide jáiñicína íñede. Daje izói orédimie baímo jaide orécamierna íñede.

<sup>17</sup> Aféfuiai omoi onóadi, íemona afe izói ñiano, íóbificaitiomoi.

<sup>18</sup> Omoiri nana úriñedicue. Cue nizécamacina onódicue. Mei íadi Cuegáuai daina ñue fuitállena jítárede. Cuegáuai daide: “Cue diga güitímie jae cue ícidote.”

<sup>19</sup> Afefue uícomo ómoimo lloticue afe íficailliruimo Cristodicue cuemo omoi íinollena.

<sup>20</sup> Uáfueña ómoína dáitucue, cue orécamierna llínotimie afe izói cuena llínote. Cuena llínotimie afe izói cue orédimiena llínote, —daide.

### *Jesús Judas ie fecállifue jino llote*

(Mt 26.20-25; Mr 14.17-21; Lc 22.21-23)

<sup>21</sup> Daií daina méifodo, Jesús jamánomo comeci zúcuaide. Uáfodo jino llote:

—Uáfueña ómoína dáitucue, ómoimona dáamie cue fécaite, —daide.

<sup>22</sup> Ie jira llófuegamaci jáimamo eróricaidiaioi, onóñegaza budo úrite.

<sup>23</sup> Llófuegamacimona dáamie Jesús iere izíruigamie. Afe güilláruído Jesús abímo ráiide.

<sup>24</sup> Simón Pedro íemo onócaído llote:

—Mai Jesumo jícano, ¿budo úrite? —daide.

<sup>25</sup> Jira jofo ánozillano Jesumo jícanote:

—Ocuíraima, ¿bu llotio? —daide.

<sup>26</sup> Jira Jesús uai ote:

—Daa pánllicina cue riáitano afémiemo íitucue. Afe nímie, —daide.

Iemona pánllicina riáitano Judas Iscariote, Simón jítomo fecade.

<sup>27</sup> Afe pan Judas llínuamona, Taife ie comécimo jofo jaide. Mei jira Jesús daide:

—O finóllifuena raire fino, —daide.

<sup>28</sup> Júdasna daií daináfueña güirábanimo güitínomona buna aféfuena onóñena.

<sup>29</sup> Ucubellu Judas úcaiga jira dáamierie comeci facádiaioi: Jesús daiíacade ráfueño jitailla raana íbajitade. Jiámaci comeci facádiaioi, nibai duéredino úcube afémie íllena.

<sup>30</sup> Afe pan güilla méifomo Judas jino jaide. Ja naíona.

*Comue ocuñlafue*

<sup>31</sup> Judas jino jailla méifomo, Jesús daide:

—Jabe Nanoide íma Jitó ebírenafue ácatalle. Afe dainámiedicue. Iemo jiái jabe Juzíñamui ebírenafue íedo ácatalle.

<sup>32</sup> Nanoide íma Jitó Juzíñamui ebírenafue ácataiadi, ibana íe Jitó ebírenafue Juzíñamui ácataite. Afena raire fínoite.

<sup>33</sup> Cue izírúigamaci, omoi diga ja are íñeiticue. Cuená jénoitiomoi. Mei íadi nauí judíuaina cue dáina izóí biruí ómoína dáitícue: cue jáillinomo jáinidiomoi.

<sup>34</sup> Bie comue ocuñcafue ómoimo llotícue: conímana omoi izírúiri. Cue omoi izírúilla izóí afe izóí conímana omoi izírúillana jítáirede.

<sup>35</sup> Nana conímana omoi izírúia, nana comíni cue llófuegamacidiomoi fíditiiaioi, —daide.

*Pedro Jesuna jáanollifue Jesús uícomo llote*

*(Mt 26.31-35; Mr 14.27-31; Lc 22.31-34)*

<sup>36</sup> Ie mei Simón Pedro Jesuna jicánote:

—Ocuñraíma, ¿niné jáidíio? —daide.

Jira Jesús uai ote:

—Cue jáillinomo biruí bínidíio; mei íadi méifoidíruido cuedo bítío, —daide.

<sup>37</sup> Mei íe jira Pedro daide:

—Ocuñraíma, ¿nibái mei biruí odo bínidícue? Ja finóbídícue o diga cue túillena, —daide.

<sup>38</sup> Jira Jesús uai ote:

—¿Uáfueña meita finóbídíio cue diga o túillena? Uáfueña ona dáitícue: nai átava úriñeniadi, dacaíñoámáni cuena jáanoitío, —daide.

## 14

*Jesús, Moo Juzíñamuimo jaira ío*

<sup>1</sup> Omoi comeci zúucaíñeno. Juzíñamuimo íno; daje izóí cuemo íno.

<sup>2</sup> Cue Moo jofomo aillo íllánuiái íte. Bífue táinofue íadi, raire ómoimo llóitícue; íadi jaca uafue. Mei jira omoi íllíno fínuaídícue.

<sup>3</sup> Omoi íllíno cue fínuailla mei, abído ómoína uáíbitícue, cue íllínomo dáanomo omoi íllena.

<sup>4</sup> Cue jáillínona onódiomoi afe ío diga, —daide.

<sup>5</sup> Jira Tomás daide:

—Ocuñraíma, o jáillínona onóñedícaí. ¿Níe izóí afe íona ónoitícaí? —daide.

<sup>6</sup> Jira Jesús uai ote:

—Cue íódícue. Cue uáfuedícue. Daje izóí cue cáatatinodícue. Ie jira daa cuedo Moo íllánomo dúcíredíomoi.

<sup>7</sup> Cuená omoi onóíadi, daje izóí cue Moona ónoitiomoi. Ja biruímo íena onódiomoi. Ja íena cíodíomoi, —daide.

<sup>8</sup> Jira Felipe daide:

—Ocuñraíma, Moo Juzíñamui caímo cíota. Afedo figo baite, —daide.

<sup>9</sup> Jira Jesús uai ote:

—Felipe, ja are omoi diga ítícue, ¿nai cuena onóñedíio? Cuená cíodímíe daje izóí cue Moona ja cíode. ¿Níbái mei Moona cíotalle cuemo jicádíio?

<sup>10</sup> ¿Moomo cue íllana nai íñoñedíio? ¿Daje izóí cue Moo cuemo íllana íñoñedíio? Nana cue daináfuiái dama cue comeci izóí daiíñedícue. Cuemo íte Moo dama íe tájína fínode.

<sup>11</sup> Cue Moomo cue íllana íno; afe izóí Moo cuemo íllana íno. Ménaillínoí dáanomo ítícocoza. Daií omoi ínoicañenia cue finócafuena íno.

<sup>12</sup> Uáfueña dáitícue: cuena ínotímíe cue finócafue izóí fínoite. Nane afe baímo aillo jíaífue fínoite, cue Moo íllánomo cue jailla jira.

<sup>13</sup> Nana omoi cue mámedíio jicaca raa fínoitícue, Moo ebírenafue íe Jitó ácatallena.

<sup>14</sup> Naga cue mámedíio jicalle raana fínoitícue, —daide.

*Jesús Ñuera Joreño oréllena uafue llote*

<sup>15</sup> Cuená omoi izírúia, maí cue ocuñcafuiái cacáfíreírí.

<sup>16</sup> Iemo omoi canóraigama, omoi fírarraigama jícaiticue. Moo ómoimo íena oréllena íemo izire jícaiticue. Bíitímie uafue Joreño. Afe Ñuera Joreñoña jícaiticue omoi diga ninomo íllena.

<sup>17</sup> Enie imaci íena lliinonidiaioi, afémiena cíonidimaci jira; daje izói afémiemona ónoñedimaci jira. Mei íadi íena ja onódiomoi, omoi diga illa jira. Ua uíre jaca ómoiri dájena íite.

<sup>18</sup> Omoina zóofeñeiticue. Abido bíitícue omoi diga íllena.

<sup>19</sup> Nano nígarui íanori íllamona comini ja cuena cíoñeítiaioi, mei íadi cuena cíoitomoi. Afe jira omoi cáaitomoi, cue caana jira.

<sup>20</sup> Aféruído cue Moomo cue íllana ónoitiomoi. Daje izói cuemo omoi íllana ónoitiomoi; daje izói ómoimo cue íllana ónoitiomoi.

<sup>21</sup> Cue uaina onódimie, íemo jíái afe uaina jeire otímie uáfueña cuena izíruillana cíotate. Jira cuena izíruitímie cue Moo daje izói izíruite. Cue daje izói íena izíruitícue; ie mei afémiemo cuena cíotaitícue, —daide.

<sup>22</sup> Iemo Judas (íadi Iscarióteñedimie) íena daide:

—Ocuíraigama, ¿nibái énie comínimo ácatañeno, dani caimo o abina ácataitío? —daide.

<sup>23</sup> Jira Jesús uai ote:

—Cuena izíruitímie cue dainafue jeire ote, ie jira cue Moo íena izíruite. Afe llezica cue Moo cue diga bíitícoco afémie diga íllena.

<sup>24</sup> Cuena izíruíñedimie cue dainafue jeire oñede. Omoi cacana úrillafue dama cúeieñede. Afefue Moo Juzíñamui, cue orédímie ífue.

<sup>25</sup> Omoiri cue illa dino aféfuiaína ómoimo llotícue.

<sup>26</sup> Mei íadi Moo cue mámedido Ñuera Joreño óreite, ómoína canóllena, ómoína fírallena. Nágafuiaína omoi llófueite. Nana ómoína cue dánana ubicaitaite.

<sup>27</sup> Comeci caimare uái illífue ómoimo fiédícue cue jailla jira. Cue comeci caimare uái illífue ómoimo itícue, mei íadi énie comini comeci illífue izóiñede. Omoi comeci zúucañeno. Jacíruiñeno.

<sup>28</sup> Jáitícue, cue dánana cacádiomoiza. Daje izói meine bíitícue ómoiri cue íllena. Uáfueña omoi cuena izíruia, cue Moomo cue jáillífue omoi fidínamona cáimacaitomoi, mei afémie cue baimo illa jira.

<sup>29</sup> Jira áfena uícodo ómoimo llotícue, afefue fínuaruimo omoi ínollena.

<sup>30</sup> Omoiri ja aillo úriñeítícue, bie éniemo ocuídímie ja billa jira.

<sup>31</sup> Mei íadi afémie cuena ocuínide. Daí írede, énie comini Moona cue izíruillana íaioi onóíllena. Daje izói Moo cue ocuilla raana cue fínuana ónoítiaioi. Mai náidacai. Benómona cai jáilleza, —daide.

## 15

*'Vid' daina jíricona izoide rao ícairuai rafue*

<sup>1</sup> Afe mei nane Jesús úrite; daide:

—Uafue 'vid' daina jíricue llizítate rao izóidícue. Cue Moo afe rao úíñotímie.

<sup>2</sup> Lliziacañede rao ícairo jaitade. Nana llizíacade ícairo ie icoi jáicoide, áfemona jamánomo llizíllena.

<sup>3</sup> Omoi cue llófuiáfuedo jae ñue dóficaidiomoi.

<sup>4</sup> Mai cuemo dáanomo omoi jainairi ómoimo cue jainaina izói. Daa ícairo fia daingo llizínide. Daje izói cuemo dáanomo omoi jaináñenia, ñúefuiai omoi comécimona comuitanidiomoi.

<sup>5</sup> 'Vid' daina jíricue llizítate rao izóidícue; afe rao zitaca ícairuai izóidiomoi. Cuemo dáanomo jainádimie, íemo dáanomo cue jainaila llezica, ua jamánomo aite. Mei íadi cue íñédicuenia minícana finónidiomoi.

<sup>6</sup> Cuemo jaináñedimie jino faille. Fáiamona zafénaite, rao rábiai izói. Afémacina iraida iraimo jobaica.

<sup>7</sup> Cuemo ñue omoi jaináíadi, daje izói cue llogáfueña omoi féitañenia, o jitaiga raana jicari. Iemona áfena ómoimo itícueza.

<sup>8</sup> Aillo llizilla izoide ñúefue omoi finóadi, cue Moomo ñúefueña nítaitío. Afedo cue uáfueña llófuegamacina omoi íllana ácataitíomoi.

<sup>9</sup> Cue Moo cuena izíruilla izói, afe izói ómoína izíruitícue. Omoina cue izíruitícueza; áfedo dinomo omoi jairi.

<sup>10</sup> Cue ocuífuiuína jeire omoi óiadi, daí cuedo izíruillíomoi. Daje izói cue Moo ocuífuiuína jeire otícue. Iemona afémiedo izíruigacue.

<sup>11</sup> Cue daí úritícue cue dibénedo caimare omoi íllena. Daí íóbillafueña oruúbicaitíomoi.

<sup>12</sup> Bie cue ocuífue: Omoina cue izíruilla izói naga come ie conímána izíruiri.



<sup>13</sup> Dáamie jamánomo izíruillafuedo ie abi ie nabáñiaimo fecárede. Afe baimo iere izíruillafue ñede.

<sup>14</sup> Cue ocuífue omoi finóadi cue nabáñiaidiomoi.

<sup>15</sup> Ja jaiénicina ómoína mámeñeticue, jaiénici ie ocuídime finuafuena óñoñena jira. Cue nabáñiaína ómoína mamédicue, nana cue Moo cuena daináfuiái omoi cue onota jira.

<sup>16</sup> Omoi cuena nizéñediomoi, mei íadi cue nizécamacidiomoi. Iemona ómoína ocuídicue, aillo llízie izoide ñúefuaina omoi finóllena. Afe llízie are íllana ocuídicue. Ie jira daí nana cue mámecido omoi jicaca raana cue Moo ómoimo fécaite.

<sup>17</sup> Jira bifue ómoína cue ocuíllafue: Naga come ie conímána izírui, —daide.

*Enie comini Jesuna éoide ie comini diga*

Jesús nai úrillano daide:

<sup>18</sup> —Enie comini ómoína éoiadi, nano fueñe cuena íaiói éoillamo omoi uíbicairi.

<sup>19</sup> Enie comínina omoi íadi, afémaci íaiói comínina izíruilla izói ómoína izírui. Mei íadi énie imácimona ómoína nizédicue. Ie jira énie imaci ómoína éoidiaíoi, éniemo íaiói jainaina jira.

<sup>20</sup> Omoína cue daináfue mo uíbicairi: “Nie jaiénici ocuídime baimo ñede.” Cue duere finóllena íaiói racáoiadi, daje izói ómoína rácaítaiói. Cue llófueinafuena jeire íaiói óiadi, ómoína jeire óítaiói.

<sup>21</sup> Nana aféfuíai cue ícoína ómoimo finóitaiói, cue orédimiena onóñena jira.

<sup>22</sup> Íaíomoi úrizaíñediducuenia íaiói ícoína ñede. Mei íadi birui íaiói fiénidifue ícoína jae ite.

<sup>23</sup> Cuena éoidime daje izói cue Moona éoide.

<sup>24</sup> Jaca bu jíaimie íaiói cigiri cue finua izói finóñede; mei íadi afe jíaimie finóñide raana ja íaiói cigiri finódicue. Ie jira íaiói ícoína íteza. Mei uáfueña aféfuíaina ja ciódiaíoi. Mei íadi afe emódomo cuena éoidiaíoi. Afe izói cue Moona éoidiaíoi.

<sup>25</sup> Afefue daí jaide, íaiói cuega ocuífuiái uai fuitállena. Afe Cuegáuai daide: “Ñifueninanomona cuena éoidiaíoi.”

<sup>26</sup> Mei íadi Móomona cue oréllimie, afe Ñuera Joreño bíadi, cueri úrite. Afe llezica ómoína cánuano náirecaítaite.

<sup>27</sup> Omoi daje izói cueri úritiomoi, nanómona cue diga omoi illa jira.

## 16

<sup>1</sup> Aféfuíai ómoimo lloticue, fiénidifue mo omoi báñíñellena.

<sup>2</sup> Juzíñamui uai llófueriracomona ómoína jino dótaitaiói. Ua uire jamánomo fiene illíruimo dúciite. Aféruillado ómoína fáitimaci, “Omoína fallífuedo Juzíñamui tájinana finóitaci” daí daina ñinoítaiói.

<sup>3</sup> Aféfuíaina finóitaiói Moona jaca ninomo onóñena jira, daje izói cuena onóñena jira.

<sup>4</sup> Afena ómoína dáiticue, aféruillai dúcillemo, cue daináfue mo omoi uíbicaillena, —daide Jesús.

*Ñuera Joreño finóllifuiái*

Jesús nai úrillano daide:

—Aféfuena nanómona ómoimo lloñédicue, omoi diga cue illa jira.

<sup>5</sup> Mei íadi biruímona cue orédime dinomo jáiticue. Omoimona buna cue jáillinona jicánoñediomoi.

<sup>6</sup> Mei íadi bie cue ómoína daináfueri iere zúucaidiomoi.

<sup>7</sup> Íadi uáfueña dáiticue: cue jaílle ómoimona iere ñuera. Cue jáñenia, ómoína canoda firaraima bíñeite omoi diga íllena. Mei íadi cue jaía íena óreiticue.

<sup>8</sup> Ie billíruído éniemo itino íaiói fiénidifuiaina uáfueña onótaite. Daje izói dama daa jáicina ñúefuedo cai jáilliona onótaite. Daje izói Juzíñamui íaíoina duere finóllena onótaite.

<sup>9</sup> Afémaci fiénidifuiairedimaci, cuena ñinoñena jira.

<sup>10</sup> Afe jáicina jáilliona ónoítaiói, Moo illánomo cue jaílla jira. Afe cue jaílla mei cuena cíñeítomoi.

<sup>11</sup> Juzíñamui facátallifueña ónoítaiói, bie éniemo ocuídime jae duere finóbilla jira.

<sup>12</sup> Cue ómoimo lollífuiái nai aillo ite; mei íadi nai onónidiomoi, náinidiomoi.

<sup>13</sup> Uafue Joreño bille llezica ómoimo nana uáfuiaina afémie llóite. Dama ie comeci jítaina izói úriñeite, mei íadi ie cacana izói dáite. Uire íitífuíaina ómoína onótaite.

<sup>14</sup> Cúeiemona llánuano ómoína onótaite; onótamona ñúefueña cuemo nítaite.

<sup>15</sup> Nana Moomo ite raa daje izói cueie. Ie jira dáiticue: Ñuera Joreño cúeiemona llánoite, áfede aféfuena ómoína onótaite.

*Zúrenafue cáimafuena méidolle*

<sup>16</sup> Nano íanori íllemona cuena cíõñeitiomoi. Mei íadi jabo bai diga iruillaí íllamona, nane meine cuena cíõitiomoi, mei cue Moo illa dine cue jáillaza, —daide.

<sup>17</sup> Iemona ie llófuegamacimona dáarie jofo conímamo jicánote:

—¿Afe nie izóí daináuai? Caina daide nano nie dino íllamona íena cíõñeíticai. Ie mei nane caina daide, báifenemo diga iruí íllemona meine íena cíõíticai, mei ie Moo íllánomo ie jáillaza.

<sup>18</sup> ¿Nie izóí aféuai daide: “Nie dino íllamona?” Afémie nífuedo úriteza onóñedicai, —daiáíai.

<sup>19</sup> Jesús íaiói íemo jicánoiacagafuena onóíllano daide:

—Cue daidicue nie dinó íllemona cuena cíõñeitiomoi. Nane ie baímo diga iruí íllemona meine cuena cíõitiomoi. ¿Afeue conímamo jicánotiomoi?

<sup>20</sup> Uáfueña dáíticue: omoi éeitiomoi. Zuure ítiomoi; mei afe llezica énie comini caímare ítiaíoi. Mei íadi omoi zúunailafue cáimafuena méidoficaité.

<sup>21</sup> Ringo úrue jocóacania izínailari zúucaite, afengo izínailaruimo dúcidez. Mei íadi úrue jócuca méifodo afe izírenamo úlbicáñede, úrue éniemo jocóinari ie íóbillá jira.

<sup>22</sup> Daií biruí omoi izire zúucaitiomoi. Mei íadi ómoímo cíõizáíbiticue. Iemona omoi comécíai cáimafuena óruite. Afe cáimafuíai bu ómoímona báíroñeite.

<sup>23</sup> Aféruido minícana cuemo jícánoñeitiomoi. Uáfueña ómoína dáíticue, nana cue mámedido omoi jicaca raa, cue Moo ómoímo fécaite.

<sup>24</sup> Biruímo cue mámedido minícana nai jicáñediomoi. Mai jica omoi llánollena, áferi comeci cáimafuena orubicaillena.

*Jesucristo, Juzíñamuina éoidinona anáfenodimie*

<sup>25</sup> Bífuíai aillo daje izóidifuíaido ómoímo lloticue, mei íadi daruína daje izóidifuíaido ómoímo úríñeíticue. Aféruimo ja áinozide. Aféruido uáfodo Moodo ómoímo úriticue.

<sup>26</sup> Aféruillaído omoi cue mámedido jícaitiomoi. Moomo ómoíri izire cue jicállena daiíñedicue,

<sup>27</sup> mei dama Moo ómoína izíruilla jira. Iemo jíai cuena omoi izíruilla jira, ómoína izíruite. Moo dinena cue bíllana omoi ínuua jira, afémie ómoína izíruite.

<sup>28</sup> Moo íllánomona bíllano bie éniemo biticue. Biruí énie fiénocaillano meine Moo diné abido jáíticue, —daide.

<sup>29</sup> Jira ie llófuegamaci daide:

—Ja biruí daje izóidíuaido daiíñeno, jino uáfodo úritio.

<sup>30</sup> Biruí naga rafue o onóigana onódicai. Ja jíáimie omo llúana jitáíñede. Mei jira Juzíñamuimona o bíllana ínoticai, —daiáíai.

<sup>31</sup> Jira Jesús uai ote:

—¿Biruí cuemo ja daií ínotiomoi?

<sup>32</sup> Omoi enénorie júdaízillíruimo áinozide. Ja biruí aferuí. Omoímona nágamie oni eneno júdaízite. Dama cuena fiénocaitiomoi. Mei íadi damáñedicue, cue Moo cue diga illa jira.

<sup>33</sup> Nana bífuíai ómoímo llóiticue, cuemo ínuano omoi comeci uái íllena. Afe bie éniemo duere zéfuitiomoi. Mei íadi, jabí omoi mameri! Ja Juzíñamuina éoidinona anáfenodimiedicueza, —daide.

**17***Jesús ie llófuegamaciri Juzíñamuimo jicade*

<sup>1</sup> Aféuíai daina méifomo, Jesús caífo monamo érocaillano daide:

—Moo, cue íraíruimo ja dúcide. O Jitomo ñúefuena nitari, afe izóí o Jitó omo ñúefuena nítaíteza.

<sup>2</sup> Aillo ráino o Jitomo jae o iga, nana comini náamatallena; daje izóí nana cuemo igámacimo zííñona cáaíllinona íaíoimo cue íllena.

<sup>3</sup> Zííñona cáaíllino comini ona íaíoí onónamona llínotiaíoi. O dama uafue Juzíñamuidío. Daje izóí zííñona cáaíllino, o orécámie Jesucristo íena onónamona llínotiaíoi.

<sup>4</sup> Bie éniemo cue illa llezica ebírenafue jae omo nitádicue. Cuemo o ocuicafue jae fuitádicue.

<sup>5</sup> Moo, nauí o diga cue illáruimo cue ebírenafue dájena biruí o uícori meine cuemo ine. Afe ebírenafue nai énie íñena llezica nauí cuemo ite.

<sup>6</sup> Enie imácimona doce dígamie otio cuemo íllena. Afémacina búdoíza jae onótaticue. Afémaci óie. Cuemo o igano. O úrilla uaina ínotiaíoi.

<sup>7</sup> O nana cuemo igáfuíai ómona bitífuíaina onódiaíoi.

<sup>8</sup> Jira o cuemo iga úrilla uai bimácimo lloticue. Aféfuena jeire otíaíoi. Uáfueña ómona cue bíllana onódiaíoi. Daje izóí o cue óriana ínotiaíoi.

<sup>9</sup> Afe cuemo o igámaciri izire jicádícue. Enie imáciri izire jicáñedicue. Dama cuemo o igámaciri izire jicádícue, ómacina jira.

<sup>10</sup> Nana cueie óie diga. Afe ibana nana óie cueie. Afémacimona cue ebírenano ácatafícaide.

<sup>11</sup> Cue ja éniemo fiébiñeiticue; mei íadi afémaci afe éniemo fiébitiaioi. Cue o diga íllena jáitícue. Jamánomo ñuera Moo, cuemo o igano o rímodo uññori, nana dájena cuemo ñue jaináíllena, omo cue jainaina izói.

<sup>12</sup> Bie éniemo afémaciri cue illa llezica, o rímodo íaioina úñoídicue. Iaioi abi rídicue. Iaiomona buna féiraiñede. Mei íadi dáamie jaca féiraitimie, Cuegáuai fuitállena. Afémie nanómoma féiraitimie.

<sup>13</sup> Jabe o illánomo jáitícue. Mei íadi nai éniemo cue illa dino aféfuaiaina llóllodicue, cuemo ite ióbíllafue afe izói afémaci ñue ióbicaíllena.

<sup>14</sup> O úrilla uai íaioimo itícue, mei íadi énie imaci íaioina éoidiaioi, énie imacíñena jira. Daje izói cue jíái énie ímieñedicue.

<sup>15</sup> Eniemona íaioi o óllena jicáñedicue, mei íadi Taifémoma íaioi rídicue.

<sup>16</sup> Enie ímieñedicue; afe izói énie ímacíñediaioi.

<sup>17</sup> Íaioina uáfueo dama óiena rairuiri. O úrilla uai uafue.

<sup>18</sup> Enie imaci cígimo cue o ória izói, daje izói énie imaci cígimo íaioina orédícue.

<sup>19</sup> Afémaci ícoinia cue dama abi rairuídícue. Daíí finódicue, uafue uaido afémaci daje izói íaioi rairuíllena.

<sup>20</sup> Daa afémacimo omo izire jicáñedicueza, mei íadi bimaci úrilla uaina cacáíllano cuemo ínotinomo izire jicádícue.

<sup>21</sup> Nana afémaci dájena jaináíllena omo jicádícue. Ua Moo, afémaci dájena cócomo jaináíllena jicádícue. Uáfuea o cuemo itio, nane uáfuea cue omo itícue. Afe izói íaioi cócomo íllena jicádícue. Afémaci dájena jainaille jítaírede, énie comini cue o óriana ínollena.

<sup>22</sup> Cuemo o iga ebíredícue izói, afémacimo jae cue iga, dájena íaioi íllena, o diga dájena cue illa izói.

<sup>23</sup> Afémacimo cue íllena jicádícue, nane o cuemo íllena jicádícue, nana afémaci dájena íficaíllena. Daíí íaioi íllena jítaírede, énie comini cue o óriana fidíllena. Nane áfedo énie comini cuena o izíruilla izói, bimácina o izíruillana ónoítiaioi.

<sup>24</sup> Moo, bimaci cuemo itio. Cue illínomo cúeoiri íaioi íllena jítaídicue, cuemo o iga ebíredícuena íaioi cíoíllena. Nai énie finoñenia uícomo cuena izíruitio.

<sup>25</sup> Moo, jáicina ñue jónetimiedio. Enie comini ona onóñediaioi, mei íadi cue ona onódicue. Bimaci cue o óriana onódiaioi.

<sup>26</sup> Búdio, jae íaioina onótaticue; íemo nai onótaoicaitícue, o cuena izíruilla íaioi comécimo fiébillena; daje izói cue dama afémacimo fiébillena, —daide.

## 18

*Jesús maíano úinafue*

*(Mt 26.47-56; Mr 14.43-50; Lc 22.47-53)*

<sup>1</sup> Aféfuai daina méifodo, Jesús íe llófuegamaciri diga jino jaíllano Cedrón íllétue ruica jáidiaioi. Dinomo ite ocózínairabirimo jofo jáidiaioi.

<sup>2</sup> Judas afébirina onode, Jesús íe llófuegamaciri, diga ícaíño afénomo gáirífirina jira.

<sup>3</sup> Jira dinomo Judas fuíríraíni diga dúcide. Afe llezica dáarie gáiríraco llazíríraíni Judas jicácamaciri bitiaioi. Afémaci fariséuaimona lletáríraíni íllámímona oreca. Lloéfaiíllena diga jacire abi mamédiaioi. Unéraruiri bitiaioi, daje izói lámparaíraíni.

<sup>4</sup> Mei íadi Jesús afémiemo ínuaiíllafuea onóíllano, jino billano íaioimo jicánote:

—¿Bu jenódiomoí? —daide.

<sup>5</sup> Jira afémaci uai ote:

—Jesús, Nazaret ímie jenódicaí, —daídiaioi.

Jesús uai ote:

—Níimiedícue, —daide.

Afe llezica éoidímacimo fecádimie, Judas dinomo afémaciri ite.

<sup>6</sup> Jesús “Níimiedícue” daina llezica, jinófecaíñona éniemo baíidiaioi.

<sup>7</sup> Íe mei Jesús dáanomo nane jicánote:

—¿Bu jenódiomoí? —daide.

Jira afémaci:

—Nazaret ímie, Jesús, —daídiaioi.

<sup>8</sup> Mei jira Jesús daide:

—Jae níimiedícue daidícue. Cue omoi jenóadi, bie jíáimaci fáicanocai íaioi jáílleza, —daide.

<sup>9</sup> Afe daíí daide Jesús dama ie dainafue fuitállena. Afe dainafue llote: “Cue Moo cuemo igámacimona buna dáamie féiraiñede.”

<sup>10</sup> Iemo Simón Pédro mo daa lloefai ite. Otá Malco dainámie jefo nabefo ñetade. Malco lletáriraini illaíma jaiénici.

<sup>11</sup> Jira Jesús Pédrone daide:

—O lloefai ie icomo abido meine joone. ¿Cue Moo cue duere zefuítajana llínoñeiticueza, daíí o comeci facádio? —daide.

*Lletáriraini illaíma uícomo Jesús uitíaioi*  
(Mt 26.57-58; Mr 14.53-54; Lc 22.54)

<sup>12</sup> Ie mei fuíríraini íaioi ocuíraíma díga Jesuna llaítadíaioi. Nana bimaci judíuai llaízíraini díga Jesús maíáno oni uitíaioi.

<sup>13</sup> Ie meífomo Anás jofomo íena uitíaioi. Anás Caifás jifai. Afe fimona llezica Caifás lletáriraini caifóidillaíma.

<sup>14</sup> Bie Caifás nau judíuaina bie izóí daidímie: “Daa come nana cai nairai ícoínia tíllena cai baimo ñue jaide.”

*Pedro Jesuna jáanote*  
(Mt 26.69-70; Mr 14.66-68; Lc 22.55-57)

<sup>15</sup> Simón Pedro jáíe llófuegamie díga nai Jesudo jaide. Jáíe llófuegamie lletáriraini caifóidillaíma onógamie. Jira caifóidillaíma jofo íbírimo afémie jofo jaide Jesús díga.

<sup>16</sup> Mei íadi Pedro jino naze fuemo fiébicaide. Ie jira lletáriraini caifóidillaíma onoga llófuegamie jino jaillano, naze úíñoraímamo jicánuaide Pedro jofo oréllena.

<sup>17</sup> Iemo naze úíñoraíma Pédro mo jicánote:

—¿O báimie llófuegamieñedio? —daide.

Pedro uai ote:

—Jíí, cúeñede, —daide.

<sup>18</sup> Aféruído rozírena jira, jaiénizai llaízíraini díga irai bonódiaíoi. Dínomo naidáillano irai fuemo agáidiaíoi.

*Lletáriraini caifóidillaíma Jesumo izire jicánote*  
(Mt 26.59-66; Mr 14.55-64; Lc 22.66-71)

<sup>19</sup> Lletáriraini caifóidillaíma Jesumo jicánuailano daide:

—¿Nímaci o llófuegamacina? ¿Nífuíuaina llófuetio?

<sup>20</sup> Jira Jesús daide:

—Cue nana comini uícomo uáfodo úriticue. Juzíñamui uai llófueriracuaimo jaca llófuefiredicue. Daje izóí Juzíñamuimo gairíracomo llófuefiredicue. Jaca afénomo judíuai gairífrediaíoi. Daíí báinino nífuena lloñedicue.

<sup>21</sup> ¿Níbái mei cuemo jicánotiomoi? Cue uaimo cacádinomo jícano. Afémacimo cue dáinana jícano. Cue íaíoina dáinana onódiaíoi, —daide.

<sup>22</sup> Jesús daíí daina llezica, daa dino ite gairíraco llaízíraíma Jesús uíeco pútanona daide:

—¿Níbái daíí lletáriraini caifóidillaíma uai otio? —daide.

<sup>23</sup> Jira Jesús uai ote:

—Fíenidífue cue lloía, áfena cuemo llone; mei íadi cue daina uai ñuera íadi, ¿nibái mei cuena putádio? —daide.

<sup>24</sup> Temona Anás Caifamo íena maítá orede. Caifás lletáriraini caifóidillaíma.

*Pedro nane dáanomo Jesús jáanote*  
(Mt 26.71-75; Mr 14.69-72; Lc 22.58-62)

<sup>25</sup> Due jiza bai jáidemo, Pedro nai náidaillano irai fuemo agaide. Afénomo itino íena daidiaíoi:

—¿O báimie llófuegamaci iéñedio? —daide.

Pedro jáanuano daide:

—Jíí, iéñedicue, —daide.

<sup>26</sup> Dinomo Pedro jefona jaitácamie come ite. Afémie jáíe lletáriraini illaíma jaiénici. Afe íima Pédro mo jicánote:

—¿Báimie díga dínomo ocózinairabirimo ona cíóñedicue? —daide.

<sup>27</sup> Pedro dáanomo nane jáanote. Afe llezica átava úrite.

*Jesús Pilato uícomo uíga*  
(Mt 27.1-2, 11-14; Mr 15.1-5; Lc 23.1-5)

<sup>28</sup> Iemona Caifás jofómona oni romano jabóidillaima áillocomo Jesuna uitáioi. Ja monáiacademo. Judíuai jofó afécomo jáiñediaioi, íaioi íaicaiñellena. Mei íaicaigamací páscuamo güilláfueña güüñidiaioi.

<sup>29</sup> Ie jira Pilato jino íaioimo úrizailano daide:

—¿Minica ícoínia bímiemo nitádiomoi? —daide.

<sup>30</sup> Jira afémaci uai otíaioi:

—Afémie fiénidmieñedena omo izájiñedicai, —daidiaioi.

<sup>31</sup> Jira Pilato daide:

—Iena omoi úi. Omoi ocuícáfue izóí afémie omoi riire jicánori, —daide.

Judíuai ie uai otíaioi:

—Cai judíuaidicai, dani buna titánidicai, —daidiaioi.

<sup>32</sup> Daí Jesús ie tízailinona daina izóidiuai fuitade.

<sup>33</sup> Pilato áillocomo jofó meine jaide. Jaillano Jesús jírillano jicánote:

—¿O nái judíuai illáimana? —daide.

<sup>34</sup> Jira Jesús daide:

—¿Afefue dama o comeci jítaina izóí jicánotio? ¿Níbai jáímaci cueri ona daina jicánotio? —daide.

<sup>35</sup> Jira Pilato úrite:

—¿Cuena judío daidio? O náiraimona lletáriraini illaini cuemo ona fecádiaioi. ¿Minica ñetio? —daide.

<sup>36</sup> Jira Jesús uai ote:

—Cue illáimana illano bie énie íeñede. Daí ítenia cuedo jáicadino nia fuiridiaioi, cuena judíuaimo fécañellena. Mei íadi cue illáimana illano benó íeñede, —daide.

<sup>37</sup> Jira Pilato daide:

—¿Jí, o daí illáimadio? —daide.

Jira Jesús uai ote:

—Ílláimadicue, o daina izóí. Cue, bie éniemo jéciaibigacue uafue uai llóllena. Nana uáfue mo cacáfiredino, cue dánana cacádiaioi, —daide.

<sup>38</sup> Jira Pilato jicánote:

—¿Minica uafue uaina? —daide.

*Jesús tíllinomo maméritiaioi*

*(Mt 27.15-31; Mr 15.6-20; Lc 23.13-25)*

Afe jicánua meífodo, Pilato meine jino judíuaimo jaillano úrizaide. Iaioina daide:

—Jaca nífuena bie íimamo baiñedicue.

<sup>39</sup> Mei íadi ómoimo cue fínofiregafue ite. Naga pascua ráfue mo ómoiri daa maigámie zuitafiredicue; mei jira judíuai illáimana ómoiri cue zuitállena jítáidiomoi? —daide.

<sup>40</sup> Iemona nana meine caillóidiaioi:

—¡Afémiena zuitáñeno iri! ¡Barrabás zuitari! —daidiaioi. Afe Barrabás meríriraíma.

## 19

<sup>1</sup> Ie mei Pilato Jesús líinuano zechétatade.

<sup>2</sup> Iemo fuiríraini ífo icuífoi eegi nínacuífoi Jesumo jítádiaioi. Afe llezica ráifide illaima iníroina íemo jítádiaioi.

<sup>3</sup> Daí ñiano íemo ánozillano, báíñuano daidiaioi:

—Judíuai illaima, are íi! —daidiaioi.

Iemona ie uíeco fácoidiaioi.

<sup>4</sup> Pilato meine jino billano daide:

—¡Bímiemo eroi! Afémiemo nífuena baiñedicue. Ie jira jino bené cue ógaza, aféfuena omoi onóillena, —daide.

<sup>5</sup> Jesús eegi icuífoi ífomo jínari jino bite. Ráifide illaima iníroina jítaca naari jino bite. Jira Pilato daide:

—¡Benó afe íima ite! —daide.

<sup>6</sup> Afémie cióillano, lletáriraini illaini, llaíziraini diga caillóidiaioi:

—¡Ie coraí! ¡Ie coraí! —daidiaioi.

Iemo Pilato daide:

—Maí íena uillánona omoi coraí, mei íadi afémiemo fiénidífuena baiñedicueza, —daide.

<sup>7</sup> Mei ie jira judíuai uai otíaioi:

—Caímo ite daa ocuica uai. Afedo afémie tíllena jítáirede, dama “Juzíñamui Jitódicue” ie daina jira, —daidiaioi.

<sup>8</sup> Afena cacáillano Pilato jamánomo jacínaifcaide.

<sup>9</sup> Aillocomo nane jofo jaillano Jesumo jicánote:

—¿O ninó ímedio? —daide.

Mei íadi Jesús jaca uaina oñede.

<sup>10</sup> Jira Pilato daide:

—¿Cue uaina fairioñedio? ¿Cuemo ite o tülle ríino onóñedio? ¿Cuemo ite o zuitalle ríino onóñedio? —daide.

<sup>11</sup> Jira Jesús uai ote:

—Juzíñamui omo iñénia, o cue ocuille ríino iñede. Ie jira omo cue fecáдино o jinomo afémaci íaifueredino, —daide.

<sup>12</sup> Afe llezicamona Pilato, “Nie izóí Jesús cue zuitalle” dainano, áfena jenode; mei íadi judíuai caillíoidiaioi:

—Afémie o zuitáadi, romano jamánomoidillaímamo nábairiñeitio. Naga illáimana íacadimie caifóidillaíma dibénedo éoidimiena jáite, —daidíaiioi.

<sup>13</sup> Mei jira áfena cacáillano, Pilato Jesuna otátate. Ie mei comini riire jicánoranomo Pilato ráinazaide. Afeno hebreo imaci uaido Gabátana mameide. Jiáimaci daina Empedrado, mei nófiái íe finoína macáranona íllaza.

<sup>14</sup> Jae pascua uicodirui jáiciri ítemo. Jira Pilato judíuaina daide:

—¡Benomo o illaíma ite! —daide.

<sup>15</sup> Mei íadi afémaci caillíoidiaioi:

—¡Dama tídeza, oni uí! ¡Iena coraí! —daidíaiioi.

Jira Pilato íaioína daide:

—¿Omoí illáimana córaiticue? —daide.

Jira lletáriraini illáicomini uai otáioi:

—Jáié illáimana caímo íñede; dama romano jamánomoidillaíma, —daidíaiioi.

<sup>16</sup> Afemona Pilato íena íaioímo ite, afémiena coráíllena. Mei jira íena uitíaiioi.

#### *Coráinafue*

(Mt 27.32-44; Mr 15.21-32; Lc 23.26-43)

<sup>17</sup> Iemo Jesús jino jaide. Ie coráílibici rocáoicaide Calavéramo; afe daiíacade come ífócoraí. Hebreo imaci uaido daina Gólgota.

<sup>18</sup> Afénomo íena coráidiaioi. Afe llezica nágafene jiáimie íaillinoi coráidiaioi; Jesuna cígiude.

<sup>19</sup> Pilato afémie mámece íbicimo cuetá íe coráinabicimo jóonetade. Afébicimo cuega daide: “Jesús Nazaret ímie, Judíuai ílláima.”

<sup>20</sup> Aillo judíuai afe cuegábici facádotiaioi, Jesús coráinano jofue áinori illa jira. Afébicí daámáni comini uáíllaido cuega, hebreo, griego, latín diga.

<sup>21</sup> Ie jira judíuai lletáriraini íllaini Pilátona daide:

—Judíuai ílláima daí cueñeno. Mei íadi “Judíuai ílláimadicue daidímie” daí cúeiri, —daidíaiioi.

<sup>22</sup> Jira Pilato uai ote:

—Jae cue cuegáuai, dama daí íte, —daide.

<sup>23</sup> Fuiríraini Jesús coraía mei, íe ínícuro llínuano cuatro fidi tizáruano fecádiaioi. Afe izóí íe caifóferoi llínuano “Iere ñúeraroi,” daidíaiioi. Ua aferoi dájena tifoca, zotáinanona íñede. Caifona aná fuizájide.

<sup>24</sup> Jira fuiríraini conímama daidíaiioi:

—Dama íte, cúatañeiticaí. Bai ñue onótaraji cai dotalle bumo jíiteza, —daidíaiioi.

Daí Cuegáuai daina fuitátatiaioi. Aféuai daide: “Cue ínícuro daní fecádiaioi. Afemo onótaraji dotádiaioi.” Jira mei fuiríraini daí finódiaioi.

<sup>25</sup> Jesús coráinabici ánomo íe ei íte afengo ebuño diga. Dáonomo Cleofas aí, María íte, María Magdalena íngo diga.

<sup>26</sup> Jesús íe eina cíóillano, íere izíruiga llófuegamie diga, íe eina daide:

—Ei, batí o jítóna como maméidímie íte.

<sup>27</sup> Iemo afe llófuegamiena íbana daide:

—Afénomo o eina como maméidíngo íte, —daide.

Mei aféruíllaido afe llófuegamie afengo íe jofomo ñue llínote.

#### *Jesús tíillafue*

(Mt 27.45-56; Mr 15.33-41; Lc 23.44-49)

<sup>28</sup> Afe mei Jesús naga rafue fuitáimana fidide. Fídiano Cuegáuai fuitállena daide:

—Jiróacadicue.

<sup>29</sup> Afe dinomo íciru rochírede vínóna oruítaga rainaca. Ie jira jainoi fiillicide raa afe rochíredijina ráíatatiaioi. Iemo razi ícoímo jóoniano íe fuemo dutádiaioi.

<sup>30</sup> Jesús afe rochíredii jirode. Jíruano daide:

—Nana ja fuite, —daide.

Daina mei, ifo ana jíjicailla llezica tíde.

*Fuiríraimie ie ducírirado Jesús ciraiçi faitade*

<sup>31</sup> Ja pascua uicodírui. Judíuái ocózinaillarui mo coráicano íaiói abi coráinabicimo fiébillana jítañediaíoi. Bie ocózinaillarui iere áillue. Ie jira Pilátomo jicádiaíoi coráicano idai ditátallena. Iemona íaiói abi dinómoma oni óllena jicádiaíoi.

<sup>32</sup> Jira fuiríraimí jaillano nánoramie idai ditádiaíoi. Jiáimie, Jesús diga coráicamie daje izói íena finódiaíoi.

<sup>33</sup> Ie mei Jesumo áinozillano jae tídena ciódiaíoi. Ie jira ie ídaina ditáñediaíoi.

<sup>34</sup> Mei íadi fuiríraimimona dáamie ducírirado ie ciraiçi faitade. Iemona jainoi die diga tóide.

<sup>35</sup> Bífue llotímie áfena ciódimie. Uáfueña daide. Afe uáfueño uai nabaide, omoi daje izói íinollena.

<sup>36</sup> Aféfuíai daí íficaide Cuegáuai daina ñue fuitállena. Afe uai daide: “Bu ie ícuruna dítañeítiaíoi.”

<sup>37</sup> Jiáinomo Cuegáuai daide: “Íaiói bofécamieño éroitiaíoi.”

*Jesús raíáfomo jónetiaíoi*

(Mt 27.57-61; Mr 15.42-47; Lc 23.50-56)

<sup>38</sup> Afe meífodo José, Arimatea jofue ímie, Jesús abi uíllena Pilátomo jicade. Afe José Jesudo jáicadimacimona, mei íadi judíuaina jacíruiillano báinino jaide. Iemo Pilato fairíote; iemona José jaillano Jesús abi uite.

<sup>39</sup> Daje llezica nauí Jesumo naióna úrzaibítimie, Nicodemo dúcide. Afémie treinta kilos dieze mérede zíochoa atide. Aféchoa mena zióredena inmuica.

<sup>40</sup> Daíí José Nicodemo diga Jesús abi uíllano, áreoi íniríode ie abi junide. Aferoi ziórena, mei diga zióredena fáigaza. Daíí tíidino judíuái ráifrediaíoi.

<sup>41</sup> Jesús coraia ánorí ocózinairabirí ite. Dinomo daa comue raiafo, come nai ráiíñenafo ite.

<sup>42</sup> Aféfomo Jesuna jóneaidiaillinoí, ánorí illa jira. Ua dinomo íena jónetiaillinoí, judíuái ocózinaillarui tainéacana jira.

## 20

*Jesús meine abido cáadimiena jaide*

(Mt 28.1-10; Mr 16.1-8; Lc 24.1-12)

<sup>1</sup> Semana nanóidíruido Magdalena ingo María jítiramoicana raíáfomo jaide, ua nai jítireoidemo. Dúciillano raiafo íbaina nofici íñénana ciode.

<sup>2</sup> Ie jira aizícana jaide Simón Pedro illánomo. Dinomo jiáie llófuegamie Juan ite. Afémie iere Jesús izíruiagamie. Íaillinoína daide:

—Jae raíáfomona cai Ocuíraima cominí bairódiaíoi. Ie íaiói jóoniano onóñedicaí.

<sup>3</sup> Iemona Pedro jiáie llófuegamie diga jino jaillano raiafo dne jáidiaillinoí.

<sup>4</sup> Dájena aizídiaillinoí, íadi jiáimie Pedro baimo iere rairede; jira uícomo raíáfomo dúcide.

<sup>5</sup> Ie abi ana jíjiillano raiafo eromo eroide. Eróillano juníllaroina ciode, mei íadi jofo jáiñede.

<sup>6</sup> Iemo Simón Pedro afémie ódana dúcide. Dúciillano raíáfomo jofo jaide. Abi juníllaroi dino jóoinana nane ciode.

<sup>7</sup> Íadi Jesús ifo íbáinaroi ie juníllaroi dáanomo jóoiñede. Afe ifo íbáinaroi jabínota oni eneno jóonega.

<sup>8</sup> Iemo jiáie llófuegamie, raíáfomo uícodo dúcidimie, jofo jaide. Afe finócafuena ciode. Cióillanona áfemona íinote.

<sup>9</sup> Mei Cuegáuai dáinana nai figo onóñediaíoi. Aféuai daide: “Jesús tíillanomona meine abido cáadimiena jáite.”

<sup>10</sup> Iemona afe llófuega íaillinoí jofomo jaide.

*Jesús Magdalena ingo Maríamo cíocaide*

(Mr 16.9-11)

<sup>11</sup> Mei íadi María jino raiafo áinomo éecana ráiide. Eeia llezica abi jíjide raiafo eromo éroíllena.

<sup>12</sup> Dinomo mena Juzíñamui abi ímie íaillinoí ángeles dainámaci úzeroi jítdána ciode. Ua nauí Jesús abi illánorí ráidíiaillinoí; dáamie ifo illánorí, jiáimie idai illánorí.

<sup>13</sup> Iemo Juzíñamui abi ímie íaillinoí jicánote:

—Ringo, ¿nibái éedio? —daide.

Jira afengo daide:

—Cue Ocuíraima oni ninomo íaioi uilla jira. Iaioi jóonianona onóñedicueza, —daide.

14 Afe daina llezica afengo gírecaillano Jesuna ciode; íadi íena onóñede.

15 Jira Jesús jícanote:

—Ringo, ¿nibái éacadio? ¿Bu jenódio? —daide.

Afengo comeci facade, afémie afébir: úifloraima; jira íena daide:

—Íima, afémie oni jíainomo jae o úiadi cuemo llone, meine cue uájilleza, —daide.

16 Jira Jesús aféngona daide:

—¡María! —daide.

Afengo ñue gírecaillano hebreo uaido daide:

—¡Raboni! —daide. Afe uai dobáicana daide, Llófueraima.

17 Iemo Jesús daide:

—Cue abi jetáñeno iri. Cue Moo illánomo nai caifo jáñedicueza. Mei íadi cue ámatiaimo llujáiri: “Cue Moo illánomo, daje izói omoi Moo illánomo caifo jáiticue. Ua cue Juzíñamui, omoi Juzíñamui dine jáiticue.” Daií íaioimo lloiri, —daide.

18 Ie jira Magdalena ingo María llófuegamacimo llujáide. Afengo Ocuíraimana cíollana llote, nana bie afémie aféngona daináuai diga.

### *Jesús ie llófuegamacimo cíocaide*

(Mt 28.16-20; Mr 16.14-18; Lc 24.36-49)

19 Aféruído, semana nanódiruido afe naio llófuegamaci gairídiaioi. Naze ibáillano judíuaina jacíruillamona itíaiioi. Iemo Jesús jofo eromo cíocaide. Iaiioi cígimo náidazaide. Iaiioi uáiduano daide:

—Omoimo comeci caimare uái iri, —daide.

20 Daií dainano, ie onoi, ie ciráigi diga íaioimo ácatate. Llófuegamaci íaioi Ocuíraimana cíóillano íóbicaidiaioi.

21 Iemo Jesús dáanomo íaioina daide:

—Omoimo comeci caimare uái iri. Moo cue ória izói daje izói ómoina óreiticue, —daide.

22 Afe mei íaioimo jágilli fúunuano daide:

—Ñuera Joréñona mai omoi ono.

23 Naga come ie fiénidino omoi fáicanocaiadi fáicanocaité; mei íadi omoi fáicanocaiñeniadi dóñega izói fiébite, —daide.

### *Tomás meine abido caade Ocuíraimana ciode*

24 Íadi Tomás, guarámiena maméidimie, doce dígamiedemona, Jesús cíocallaruido íñede.

25 Ie mei jíaie llófuegamaci íena daide:

—Ocuíraimana ja cíodicai, —daidiaioi.

Mei íadi Tomás íaioina daide:

—Ie ónoimo ite boafe, puntilla meifo, cue cíóñenia, cue onocai aféfodo ñuitáñenia, cue onoi ie ciráigi méifodo ñuitáñenia, íñoñeiticue, —daide.

26 Ocho dígamona íllamona llófuegamaci meine gairídiaioi. Afe llezica Tomás afémaciri ite. Iemo jaca naze ibaica íadi, Jesús jofo eromo cíocaide. Iaiioi cígimo náidajano uáiduano íaioina daide:

—Omoimo comeci caimare uái iri, —daide.

27 Iemo Tomásna daide:

—Benomo o onocai ñúitaibi. Cue ónoimo éroi. O onoi cue ciráigimo ñúitaibi. Jánocaiñeno iri. Ínori, —daide.

28 Jira Tomás uai ote:

—¡Cue Ocuíraima! ¡Cue Juzíñamui! —daide.

29 Jira Jesús daide:

—Tomás, ja cuena cíónamona íñotío. Jamánomo íóbidino cuena cíóñedino íadi íñotiaioi, —daide.

### *Bibénico nibái mei ciega*

30 Bífuiái baímo Jesús aillo jíaie cíofinina raa ie llófuegamaci uícori finode. Aféfuiai bibénicomó cúeñega.

31 Mei íadi ja bie llogáuai ciega, Jesús Cristonana omoi íñollena; daje izói afémie Juzíñamui Jitona omoi íñollena. Ua jae ciega, omoi íñuamona cáaillino ómoimo ie mámecido íllena.



<sup>1</sup> Afe mei Tiberias jorai fuédamo Jesús ie llófuegamacimo meine cíobicaide. Bie izóí cíocaide.

<sup>2</sup> Ie llófuegamaci dáanomo itíaiói. Dinó ite Simón Pedro, Tomás númie jiáifodo mameina Guarámie, Galilea jofue Caná ímie Natanael, Zebedeo jító íaillinoi, jiái mena llófuegamie diga.

<sup>3</sup> Simón Pedro íaióina daide:

—Fácuaidicue, —daide.

Jira daidíaiói:

—Mai nana cai fácuaiilli, —daidíaiói.

Iemo nocáe eromo caifo jáidiaiói. Afe naio chámuniaina oñédiaiói.

<sup>4</sup> Jítiramo monáiacademo, Jesús ja jorai fuédamo náidaide. Mei íadi “Jesús” daiññediaiói, llófuegamaci íena íaiói onóñena jira.

<sup>5</sup> Iemo Jesús daide:

—Omoi, ¿chamuna oñédiomoi? —daide.

Uai otíaiói:

—Jíi, oñédicai, —daidíaiói.

<sup>6</sup> Jira Jesús afémacina daide:

—Nocáe nabézimo llóiji omoi dota, afe llójimo jíiteza, —daide.

Jira daií finódiaíói. Ie finuamona llóijina jáinoimona caifo zonónidiaiói, iere aillo chámuniái illaza.

<sup>7</sup> Iemo Jesús izíruiuga llófuegamie Pédróna daide:

—¡Baie cai Ocuíraima! —daide.

Simón Pedro, Jesús ite dánana cacáillano, ie jínofecuiro jítade, nauí duiñoa jira. Jítanona jóraimo tícaide Jesumo jaillena.

<sup>8</sup> Jiái llófuegamaci chámuna oruítaga llóijina oni zocana nocaedo uitíaiói. Afe mei afémaci jorai fuédamo dúcidiaíói, nai are íaiói íñena jira. Afémaci cien metros dinó bai itíaiói.

<sup>9</sup> Eniemo dúcillano, chamu pan diga iráimo ruícana cíódiaíói.

<sup>10</sup> Jesús íaióina daide:

—Jae omoi oga chámuniaimona atiri, —daide.

<sup>11</sup> Simón Pedro nocaemo jaillano, afe llóijina ari guamáemo zote. Ja ciento cincuenta y tres jéerie chámuniaina oruítaga, mei íadi afe llóiji cuáññede, nú aillo chámuniái illa íadi.

<sup>12</sup> Iemo Jesús íaióina daide:

—Mai omoi güizábiri, —daide.

Llófuegamacimona buna ¿Búdio? daiññide. Afémie Ocuíraimana onódiaíoi.

<sup>13</sup> Ie mei Jesús ánozillano afe pan líinota íaióimo fecade. Daje izóí chámuna fecade.

<sup>14</sup> Daií Jesús tíllanomona meine abido cáadimiena jáillamona dacaiñoámami ie llófuegamacimo cíocaide.

*Jesús Simón Pédro mo úrite*

<sup>15</sup> Güilla méifodo, Jesús Pédro mo jicánote:

—Jonás jító, Simón, ¿baimaci baimo cuena izíruiotio? —daide.

Pedro uai ote:

—Jíi, Ocuíraima, ona cue gáinana onódio, —daide.

Jesús íena daide:

—Mei jira cue ovéjaturai o ecari, —daide.

<sup>16</sup> Jesús meine dáanomo íemo jicánote:

—Jonás jító Simón, ¿cuena izíruiotio? —daide.

Pedro uai ote:

—Jíi, Ocuíraima, ona cue gáinana onódio, —daide.

Jesús daide:

—Mei jira cue ovéjaiái uíñori, —daide.

<sup>17</sup> Ja dacaiñoámami Jesús meine abido íemo jicánote:

—Jonás jító Simón, ¿cuena gáidíio? —daide.

Pedro jae zúcaide, Jesús bie íraicaiño íena gáinana jicánua jira. Jira íena daide:

—Ocuíraima, o nana onódioza. Ona cue gáinana onódio, —daide.

Jesús íena daide:

—Mei jira cue ovéjaiái o ecari.

<sup>18</sup> Uáfúena ona dáitíicue, iere o jítócomena llezica, jaca o comece jítaina izóí iníroina jítaíñredio. Daje izóí nana o jáiacananomo jáíñredio. Mei íadi o eimaille llezica o onoi oni zítaitio, jiáimie o inícuero jíatállena, daje izóí jiáimie o uíllena o jáiacañenanomo, —daide.

<sup>19</sup> Afe dánado Pedro nie izóí tíitena Jesús daií onótate. Afe ie tíillado Juzíñamuimo ñue ebírenafue nítaite. Ie méifodo íena daide:

—Cuedo biri, —daide.

*Izíruiga llófuegamie*

<sup>20</sup> Pedro gírecaillano Jesús iere izíruiga llófuegamie Juaana ciode. Afémie óodana billana ciode. Afémie nauí íraicaíño güilláruido Jesús abímo ráiidímie. Afémie, “Ocuíraima, ¿bu o fecalle?” daidímie.

<sup>21</sup> Pedro Juaana ciona llezica Jesumo jicánote:

—Ocuíraima, ¿báimie nie izóí iite? —daide.

<sup>22</sup> Jira Jesús uai ote:

—Afémie cue billíruimo caadi cue óiacaia ¿ómona mei níbai? O cuedo bi, —daide.

<sup>23</sup> Jira Jesús jaináidinori taino daináfueña fidíbicaidiaioi. Afefue daide, “Bie llófuegamie tíñeite.” Mei íadi Jesús afémie tíñeiteza daiñede. Fia dáideza, “Afémie cue billíruimo caadi cue óiacaia ¿ómona mei níbai?”

<sup>24</sup> Bímie llófuegamacimona aféfuiái uáfueña llotímie. Aféfuiái cuetímie. Afémie daina uai uáfueña onódicaiza.

<sup>25</sup> Jesús jíáie finócafuiái nai aillo ite. Nana aféfuiái dámierie cúeíadi jamánomo aillo rabénicuaina zúite. Ua níbai afe rabénicuái jóonellino nániena báíñeite. Jae níie.

## JESÚS ORÉCAMACI FINÓCAFUIAI Los Hechos de los Apóstoles

*Ñuera Joreño billifue úicodo llogáuai*

<sup>1</sup> Cue izíruiga Teófilomo nane omo cueticue. Cue nánoibemmo nana Jesús bie éniemo illa llezica nanómona ie llogáfuiai ie finócafuiiai diga omo cueticue.

<sup>2</sup> Ua ie monamo jáillaruiimo finócafuiiai cueticue. Nai monamo ie jáiñena llezica ie orécamacina nizede. Níziano Ñuera Joreñodo íaioina llote nie izói finóllena.

<sup>3</sup> Ie tílla meífodo, Jesús dáamie cómena íaioimo cíocaide. Cuarenta dígarui uáfori cíocaifirede. Afe ciónanuedo ie cáanano ñue uáfueña daíitate. Afe llezica Juzíñamui illáimana illíruido íaioimo úrite.

<sup>4</sup> Orécamaciri illa llezica, Jesús íaioina rairuide Jerusalémoma oni jáiñeillena. Íaioina daide: —Cue Moo uafue uai llote: “Ie Ñuera Joreño ómoimo fecácade.” Afe fecállirui omoi úiñori, nauí ómoimo cue llua izói.

<sup>5</sup> Uáfueña Juan fia jáinoido báutizade. Mei íadi íanori íllamona Ñuera Joreño óitiomoi, —daide.

*Jesús caifo monamo jáillafue*

<sup>6</sup> Jesumo gairíllano jicánotiaioi:

—Ocuíraima, çua birui Israel nairai illámaillena meine caimo itátaitio?

<sup>7</sup> Jira Jesús uai ote:

—Moo afefue finóllirui ómoimo ónonide. Dama afémiemo ríino afefue finóllena ite.

<sup>8</sup> Mei íadi Ñuera Joreño ómoimo bíadi, ríino óitiomoi. Iemona cuedo úrizaitiomoi, ua Jerusalemoma, nana Judea éniemo Samaria énie diga. Ua jamánomo jica ite itínuaíamo llujítiomoi, —daide.

<sup>9</sup> Daí daína meífodo, nana íaioi éroillamo, afémie caifo ráiñuano monamo uiga. Iemo mona ero úillie íena ferínote. Iemona jaca íena cíóñediaioi.

<sup>10</sup> Jesús caifo jáidemo monamo eróioidiaioi. Afe llezica mena come úzecuiro jítada íaioi abímo cíocaide. Juzíñamui abi íaillinoi.

<sup>11</sup> Daidíaillinoi:

—Galilea íñíai, çnibái mei monamo eróioidiomoi? Dámie Jesús, afe ómoimona caifo úilliedo jáidímie, afémie ie jáillana omoi ciona izói daje izói meine ana bíite, —daide.

*Judas meifo méidollena Matías nizédiaioi*

<sup>12</sup> Ie mei Olivo ídumona oni jáillano abído Jerusalemoma bitíaioi. Jerusalén ánori afe idu ite. Ua ocózinairuido macácana jailla daa kilómetro dieze izói ite.

<sup>13</sup> Afe jófueño dúciállano caifófecomo íaioi ífrenenomé jáidiaioi. Bie íaioi mámečiai: Pedro, Santiago, Juan, Andrés, Felipe, Tomás, Bartolomé, Mateo, Alfeo jító Santiago, Iere Járidotimacimo dúidímie Simón, Santiago ama Judas.

<sup>14</sup> Nana afémaci dáanomo gairífrediaioi Juzíñamuimo úrillena. Afénomo Jesús ámatiai gairífrediaioi, ie ei María diga naa jáie ringóniairi.

<sup>15</sup> Aféruillaido Pedro afe ámatiai daínamaci cígiri caifo náidaillano úrite. Afe ámatiai ciento veinte dígamiede. Afémacina daide:

<sup>16</sup> —Ámatiai, Ñuera Joreño Cuegáuaimo Davido llote: “Judas meifo cai cígiri méidolle jítáirede,” daide. David cuegáuai úicodo llote: “Judas Jesús lláitaitimaci ífoite.”

<sup>17-18</sup> Mei jii, afe Judas daní cáimona. Bie cai tájjina afémie dibénemo ite. Mei íadi afe meífodo cimoi cúnano ágüicaállano caifona ífo dinena éniemo baíide. Baiíllamona ie jebe bójjicaide. Afemona nana ie eromo itínuaíai jino cocide. Afe mei ie fiénidífue iba úcubedo ja ie raillíbiri íbádiaioi.

<sup>19</sup> Jerusalén itímaci áfena íaioi fídiano, afébirina “Acéldama” jítádiaioi. Afe mámeçi íaioi uaido dibéneo “Die illábiri” dáiacade.

<sup>20</sup> Mei jírari Salmos íbénicomo daíi daide:

Daíi o jofu zóofefíteza

Buna afécomo íñeilleza.

Jiáífuedo daide:

Afémie tájjina jiáima ólleza,

—daide.

<sup>21</sup> Cai Ocuíraima Jesús nana cai diga illáruillaido cairi macádino birui cai cígimo itíaioi.

<sup>22</sup> Jesús báutizaruimona, ie monamo jáillarui mo cairi jáicadiaioi. Mei jira afémacimona dáamie cai dájellena jitáirede, Jesús meine abido cáallafuemo uai nabáillena.

<sup>23</sup> Jira dainámacimona mena come oni naidánetaiaioi. Dáamie daámami mámeccirede: José Barsabás Justo. Jiáimie Matías.

<sup>24</sup> Ie mei Juzíñamuimo úritiaioi; daidíaioi:

—Cai Ocuíraima Juzíñamui, nana comini comeci onódimedioza. Bíailinoimona o nizécamie caimo onótari orécamie táijina finóllena.

<sup>25</sup> Afe táijinamona Judas ie fiénidifue ícoinia oni baíide. Baiíllano dama ie zefuínailinomo jaide.

<sup>26</sup> Iemo onótaraji dotádiaioi. Jae Matíasmo níjide. Afe llezícamona afémie once orécamiiaimo dájena jaináicaide.

## 2

### *Ñuera Joreño billafue*

<sup>1</sup> Pentecostés irui ráfuemo jae dúcide. (Afefue güille jofo óinarui rafue.) Afe rafue dúcidemo jae nana dáonomo gairidiaioi.

<sup>2</sup> Ie mei rairéficana múnica izói ficire monámona cácaicaide. Jairifo riire jáiñua izói cácaicaide. Nana íaioi ráijnaco eromo cácaizaibjite.

<sup>3</sup> Iemona ífíai izói iráiciai íaioimo cíocaide. Nana illa dígamierie íaioimo níjizaibitiaioi.

<sup>4</sup> Afe llezica nana Ñuera Joreño úicaigaiaioi. Iemona jáie náiraiai uáillaido como úritiaioi; mei afe Ñuera Joreño íaioi úritade.

<sup>5</sup> Aféruillaido Jerusalemo aillo judíuai náganuaimona bitíaioi. Ua íaioi Juzíñamuimo jitáirede finóllifuaí finuaibitiaioi.

<sup>6</sup> Afe riire ficirenana cacáillano comini dáonomo ofídíaioi. Níie izói comeci fácana onóñediaioi nágazie dani íaioi uáillaido íaioi cacana jira.

<sup>7</sup> Abi fáigacaidiaioi; daidíaioi:

—¿Nana bie úirairini Galiléamona bitímaci; uáfueñede?

<sup>8</sup> Nágamierie dani cai uaido íaioi úrillana ¿níie izói cacáfiredicaí?

<sup>9</sup> Benomo nágaziai ite: Partía imaci, Media imaci, Elam imaci, Mesopotamia imaci, Judea imaci, Capadocía imaci, Ponto imaci, Asia énie imaci,

<sup>10</sup> Frigia imaci, Pamfilia imaci, Egipto imaci, Africa illánie Cirene batífenemona bitímaci diga. Afe dáonomo áinori ite romano imaci gairidiaioi. Bie románomana dáarie judíona jococa. Jiái romano imaci judíuai Juzíñamuimo ínuafuena jeire otíaioi.

<sup>11</sup> Afe llezica Creta imaci bitíaioi Arabia imaci diga. “Mei íadi Juzíñamui caimare llogáfuaí ñue finócafuaí diga, nágamierie dani cai uáillaido cacádicaí,” daidíaioi.

<sup>12</sup> Nana fáigacaidiaioi. Íaioi comeci fácana onóñediaioi; jira jicánotiaioi:

—Nana bie caimo comuídifue, ¿níie izói caina daífacade? —daidíaioi.

<sup>13</sup> Mei íadi jiáimaci íaioi uai áifeduano daidíaioi:

—Bimaci jífáidiaioi, —daidíaioi.

### *Comínina Pedro dainafue*

<sup>14</sup> Ie mei Pedro once diga orécamaciri náidaillano comínimo riire úrite; daide:

—Judea comini naa Jerusalemo itínuaíri cácarei. Bie ráfuena omoi onóiri. Dáititueza ñue omoi cacáreiri.

<sup>15</sup> Bie íñíai jífáíñedimaci omoi comeci faca ízoi. Jitoma nai fuiri daídimo. Jítiramo dibénemo comini jaca jífáíñidiaioi.

<sup>16</sup> Bifue jáífodo ite. Afe bifue uai lloiraíma Joel jaiai uícido llogáuai. Afémie daide:

<sup>17</sup> Juzíñamui ómoína daide:

“Íirairuillaido cue Joreño nana náiraiaína, jaínoi tua izói fáicanocaiñeno íaioína úicaitaiticue. Omoi jítótiai jízatiai diga cuedo úritiaioi.

Jitócomini nicaído cionafuaí izói cíoitiaioi.

Einamací ñuera nicaído nicáiritiaioi.

<sup>18</sup> Aféruillaido cue Joreño cue táijitagamiaina naa cue táijitaga ringóniaíri ñue úicaitaiticue. Iemona cuedo úritiaioi.

<sup>19</sup> Caífo monamo jacínaitadínona cíotaiticue;

Aféruimo ana éniemo onótajafuena fínoitícue.

Afe onótajafue díena cíotaite; iraina cíotaite, jamánomo irai úilliena cíotaite.

<sup>20</sup> Afe monado jitoma jítireficaité, fíui díe izói jáite.

Daí ite cai Ocuíraíma Jesucristo billíruimo nai dúcíñenia.

Afémie billíruí iere ebíreitíruí.

21 Nana Juzíñamui mo íaioi canóllena íemo jicádino jíllobicaitaioi.”

Aquíe izóí Juzíñamui Joeldo daide.

Iemo Pedro nai úrillano daide:

22 ‘Mei jii, Israel nairai cue daíllifuemo cácarei. Nazaret ímie Jesús omoi uícori Juzíñamui ñue facácamié. Uafue aillo fáigatate ráaniaido ñue facátaga. Daíí Juzíñamui omoi cígiri afémiedo finode. Aféfuaiana ñue fidídiomoiza.

23 Mei íadi afémie omoi fecálliruimo maíano uitá fatíomoi, Juzíñamui jaiái uícodo comécitífuiái onótafuiái diga daina izóí. Uafue fiénidimacido íena coráitatiomoi.

24 Mei íadi Juzíñamui afe tilla cuinaca raa zuita izóí, zúitano íena meine cáatate. Mei tíllafue jaca íena anáfenonide.

25 Mei illaíma David Jesudo úrillano daide:

Ocuíraimana cue uíecori cíófredicue.

Afémie cue nabézimo izóí ite, minícana cue jácicaiticue.

26 Ie jira cue comeci cámafuenta iere ite, afe llezica cue fuemo ite cámafuiaido úriticue.

Afe jira daje izóí cue íeizi ñue ocózinaitaicue, mei tíllamona meine cue abina cáataitio.

27 Mei jii cue joréñona tíidinomo fiénocaiñeítio.

Afe izóí o izíruiaga táijitagamié abi rifáillana ráiruitio.

28 Cáatatinomo jóoide io cue llófuetio.

Cue diga o illado, cámafuenta cue oruíatitio, —daíí daide David.

29 ‘Amatíai, cácarei. Cai jáiairagima David tíide raiga uáfodo onórede. Afe raiafo nai cai diga íteza.

30 Mei afe David uai llóraíma. Jaiái Juzíñamui uícodo uafue llóllena ríifuedo íena daide:

—O emódoiziemona dáamié Cristoite. Afémie o illáimana illánomo ráinaite, —daide.

31 Jira daíí David, uicomo ciona izóí Cristo meine abido cáailafuedo úrite. Afe izóí daide:

—Cristo joreño tíidinomo fiébiñeíte. Ie íeizi rifáillana rairuícaza, —daide.

32 Mei jii Juzíñamui afe Jesuna meine abido cáatate. Aféfuemo nana cai uai nabáiraimacídicaí.

33 Daíí Juzíñamui nabézimo Jesús naidánega; naidánia meífodo Móomona uícodo lloga Ñuera Joreño fecállifue llínote. Llínuana nana bie omoi ciona, omoi cacana raa finode. Nana aféfuai afémiemona bite.

34-35 Mei David monamo jáíñedimie, mei íadi dama David daíí daina:

“Caifoide Ocuíraíma cue Ocuíraimana daide:

—Cue nabézimo rainai, o éoidino cue anáfenolliruimo, —daide.”

36 ‘Nana Israel nairai, mai comeci jizíñeno omoi onoiri: bie omoi coraica Jesús Juzíñamui Ocuíraimana itátate: Crístoná itátate, —aci dinó Pedro daide.

37 Aféfuena cacáillano, iere comeci lícítagaiaioi. Afemona Pédro mo jicánotiaioi jíáie orécamací diga:

—Amatíai, ¿ñie izóí ñéiticaí?

—daííiaioi.

38 Ie jira Pedro uai ote:

—Omoi illafue Juzíñamui uíecomo meídori. Omoi nágamierie Jesucristo mámedico báutizatari. Omoi íaífuai oni dófilleza. Daíí Juzíñamui íe Ñuera Joreño ómoina úcaíteza.

39 Afe bie uícodo llogáuái ómoie. Daje izóí o jíotíaí íe. Daje izóí nana jícarie itino íe; ua aféuái nana cai Ocuíraíma Juzíñamui uáidogamací íena, —daide.

40 Aféuáillado dáanomo jíáie uáillado Pedro íaioi lluno daide:

—Bie duere finóbitimacimona omoi jíllori, —daide.

41 Mei daíí afémie úrilla uaina jeire otino diga báutizagaiaioi. Aféruído Jesumo ínotimacimo tres mil dígamiaí dáaziena jánacaidiaioi.

42 Nana bimaci orécamací llófuíafuemo jáicina jáidiaioi. Afe daíí conímamo ñue comécidiaioi. Afe llezica Juzíñamui úrifrediaioi, íe mei gairíllano Jesús jae íraicaíño güilla izóí finódiaioi.

*Nano fueñe ínotino illafue*

43 Aféruíllado nana jácicaídiaioi; mei aillo cíórainafuíaí naa onótate raa diga orécamací finódiaioiza.

44 Jae nana ínotino ñue dájena itíaioi, íemona íaioi ráaniaí conímamo jeruíñeno ífrediaioi.

45 Mei jii íaioi illábiri jíáie ráifide raa diga fecádiaioi. Fécanona afe úcube nágamiaí imaci jítailla izóí jofe conímamo fecáfirediaioi.

46 Nágaruillado gairíracomo gairírdiaioi. Íaioi jófuemo pan fécano dáanomo cámafuedo, comeci mánainafuedo güítíaioi.

47 Juziñamui ióbitaoidiaioi. Afe llezica nana comini afémacimo ñue comécidiaioi. Afe daií cai Ocuíraima nágaruido afe ñnotimacimo jáie jillozaibitimaci dáamacina itátate.

### 3

#### *Aidaima jllotate*

1 Jáíruido jítoma ana ítemo Pedro Juan diga gairíracomo jáidiaillinoi. Afe Juziñamuimo comécido úrioina llezica.

2 Nágaruillaido jocóinamona aidaima dinomo ífirede. Ie comini gairíracomo íena úifrediaioi. Uillano afémiena nazemo ie ráinaifrediaioi, jofo jáioidinomona dúecaillano fecaca úcubec jicállena. Afe naze mámecei Ebíredize.

3 Aidaima Pedro Juan diga gairíracomo jofo jáillana cíoilano dúecaillano fecaca úcubec jáillinoimona jicade.

4 Mei jira Pedro Juan diga íemo érocadiaillinoi. Pedro íena daide:

—¡Caimo érocai!

5 Iemona afémie náicaide. Comecei anado daide: “Ñibai minícana cue iite.”

6 Iemo Pedro íena daide:

—Cue úcubenicue; óronidicue; mei íadi cuemo ítena o íitícue. Nazaret ímie Jesucristo mámeceido náidacai. Maca, —daide.

7 Iemo Pedro onoi nabézido íena naidánete. Afe daií fínua llezica ie idai maíríbaide, ie idácoíñuai diga.

8 Iemona aidaima caifo tícacai. Caifo náidaillano macade. Afémie íaillinoi ja jofo gairíracomo jaide. Tícatíacana jaide. Juziñamuimo ióbitaioide.

9 Nana comini ie mácana ciódiaioi.

10 Aferi iere jacinaifcaidiaioi naa abi fáigacaillafue diga, afémie daií náidacaillari. Afémiena onódiaioiza. Afémie Ebíredize mámeceiredizemo ráifiredimie, gairíracomo úcubec jáifiredimie.

#### *Pedro comínimo Salomón jinófenemo macáranomo llófuete*

11 Jllotaga aidaima Pedro Juan diga íaillinoi níjijicaide. Aféfuere fáigacaillano nana comini gairíraco díbenemo jáidiaioi. Salomón jinófenemo macáranomo Pedro, Juan, aidaima diga illánomo afe comini aizícana jáidiaioi.

12 Pedro áfena cíoilano comínina daide:

—Israel nairai, cácarei. ¿Omoi minícari fáigacaidíomoi? ¿Ñibai mei cócomo erózaibitíomoi? Bie iima dama coco ríndomo jllotano macátaticoco, ñibai daií comécido daidíomoi. Daje izói coco Juziñamuimo ñue comécinafuedo afefue finódicoco, daií ñibai cócona comécido daidíomoi. Iadi aféfuiaido finóñedicoco.

13 Mei íadi jáifodo joide. Cai jáiairagima Abraham, Isaac, Jacob diga, íaioi Moo Juziñamui ie Jitó Jesumo baímo ñufuena nitade. Afe Jesús rímacimo omoi fecácamie. Pilato ie zuitáacana llezica áfena ráiruitíomoi.

14 Aféruído jáicina nífuenidimie zuitátajana jicáñediomoi, mei íadi jáifodo jicádíomoi. Come fatímie zuitátatíomoi.

15 Afe daií cáatitino fecádimie titádíomoi. Mei íadi Juziñamui afémiena tíllanomona meine abido cáatate. Aféfuemo uai nabáiraimadicoco.

16 Bie dáamie Jesús mámeceido, ie mámeceimo ínuafuedo omoi ciona, omoi onoiaga aidaima jae maíríbaide. Afe Jesumo ínuafue íena ñue jáicina jllotate, omoi uíécomo cíocaidimie illa izói.

17 ‘Amatíai, onódicueza, mei omoi naa omoi illáñiri Jesuna fáiacana llezica omoi finócafueña onóñeno íena fatíomoi. Uáfueña omoi finócafueña onóñenano finódiomoi.

18 Mei íadi Juziñamui ie uai lloráimado uícodo daína uai bie izói fuitade. Aféua daide: “Ie Cristo duere zefuillifue jítáirede.”

19 Mei ie jira omoi mácafuíai méidori. Omoi illafue Juziñamuimo ñue jáicina jóoneri. Omoi íaifuíai oní muiñólleza. Iemona cai Ocuíraima Jesús caína cánuafuíai mánainaruíllai izói caimo orérede.

20 Aféruimo nano uíécodo ómoiena mamécamie Jesucristo Juziñamui óreite.

21 Mei íadi biruí Jesucristo monamo fiébirede, Juziñamui naga rafue jáicina nai jóoneñeilleza. Afe daií jáiaídíruiíllaimo ite ñuera uai lloráini daidíaioi.

22 Mei daií Moisés cai jáiairagimana daide: “Cai Ocuíraima Juziñamui omoi ámatíaimona nahí uai lloráimana ómoimo óreite, Juziñamui cue ória izói. Afémie ómoína nana daínáfuíai jeire omoi oíri.

<sup>23</sup> Mei afe uai lloraima dáinana jeire oñédino Israel náiraimona oni táinocaite. Uáfueña íficaite.” Daií daide Moisés.

<sup>24</sup> “Mei daií nana uai lloraini, Samuélmona batine ite lloraini diga bie íirairuillaído úrite.

<sup>25</sup> Juziñamui ie uai lloráinido úcodo daináuailai ja birui ómoiri jino llotátaga. Juziñamui cai jáiáiragimacimo íbana ñuera raa finóllífue llote ñue omoi íllena. Afefue Abrahamo llote. Daide, “Nana énie nairai o emódomo comúidinodo ñue caimare íficaitiaoi,” daide.

<sup>26</sup> Mei Juziñamui ie Jitó caata meifodo nano fueñe ie Jitó ómoimo orede caimare omoi íllena, ómoimona nágamiaie ie íaífue fáicanocaillena, —daide.

#### 4

*Pedro Juan diga ríiredino uiécomo uiga*

<sup>1</sup> Pedro Juan diga nai comínimo úrioidemo, lletáriraini gairíraco úíñotino illaíma diga bitíaiói. Daje llezica saduceo comíni bitíaiói.

<sup>2</sup> Pedro Juan diga comíni llófuetiaillinoi. Iaioina daide: “Comíni tállanomona cáatafue Jesudo ácataga.” Daií llófuiari como bitímaci ríicaidiaoi.

<sup>3</sup> Iemona íaillinoína llaitádiaoi. Llátano íaillinoína llavéracomo jítiramoidiruimo íbáidiaoi, ja nauízailla jira.

<sup>4</sup> Mei íadi aillo afe úrillauai cacádino íñotiaoi. Afena íñotimaci dani íñiaí facádua cinco mil áinomo dúcide.

<sup>5</sup> Afe jáiruimo Jerusalemo judíuai illaini, éinamaci, naa ocuífue llófuerainiri gairídiaoi.

<sup>6</sup> Afe llezica afénomo lletáriraini illaíma Anás ite. Afe dáanomo ite Caifás, Juan, Alejandro naa lletáriraini illaini comíniri.

<sup>7</sup> Iemo Pedro Juan diga atítatiaoi. Atiano íaioi cígimo naidáneta jicánotiaoi:

—¿Nie rínodo bífuiai finódiomicoi? ¿Bu mámecido bífuiai finódiomicoi?

<sup>8</sup> Mei jira Pedro, Ñuera Joreño úicagamienaza daide:

—Nairai illaini, Israel éicomíni, omoi cácarei.

<sup>9</sup> Mei afe baie iráredimemo como finoca ñúefuena jicánotiomo. Mei ñue izói afémie jíllotaga daií daidíomoi.

<sup>10</sup> Mei jira omoi uiécomo jino uáfodo llóiticoco, nana Israel nairai fidíillena. Afémie omoi uiécori Nazaret ímie Jesucristo mámecido, omoi coráicamie mámecido íocire ite. Afe coráicamie (Jesucristo) tállanomona Juziñamui meine abido cáatate.

<sup>11</sup> Bie Jesús omoi jofó níraini oni dotaca jofocai izóidmie. Mei íadi afecai uálliraina jáizaide.

<sup>12</sup> Nie jáimimemo jíllonafue íñede. Jesucristo jáie daiítade jíllotaraimana caimo íñede, afémiedo cai jílloillena. Ua nana éniemo daiítade jíllotaraimana íñede, —jaca dinori Pedro daide.

<sup>13</sup> Iemona ríimaci Pedro Juan diga méaicaiñeno úrillafue cacáillano, íaillinoi llófueñegaiaillinoi íllana fídía llezica, iere fáigacaidiaoi, jamáimieillinoi illa jira. Iemona ríimaci bíaillinoi Jesudo macádino daií íaillinoimo úibicaidiaoi.

<sup>14</sup> Afe emódomo jíllotaga aidaima dinomo íaillinoi abiri naidaide. Ie jira aféfuena jáanoicana daiínide.

<sup>15</sup> Mei jira gairírdinomona íaillinoína oni orédiaoi, dani jofó conímamo íaioi úriacana jira.

<sup>16</sup> Daidíaiói:

—¿Bie íima íaillinoína nie izói ñéiticaí? Mei jíi, nana Jerusalemo bitino bie cíorainina onótate raa íaillinoi fínuaufuena onódiaoi; mei aféfuena jáanonidicai.

<sup>17</sup> Mei íadi mai íaillinoi cai jácidolle, afefue comínido jamáimemo jalléíñellena. Afedo íaillinoína ráiruíticai, Jesús mámecido ja benómona batine úríñeillena, —daidíaiói.

<sup>18</sup> Mei jira íaillinoína jírítiaoi. Iaillinoi dúcidemo ocuífuaioi:

—Jesús mámecido jíi mai due jiza úríñeno iri. Afe daií llófueñeno iri, —daidíaiói.

<sup>19</sup> Mei íadi Pedro Juan diga uai ote:

—Juziñamui uiécomo ñífue baimo ñuena comeci omoi faca: omoína ñue cai cacáreillena, nibai jáífo Juziñamuina ñue cai cacárellena.

<sup>20</sup> Mei jíi cai cíonafue cai cacánafue diga aféfuemo úrillana fáicanidicai, —daide.

<sup>21</sup> Mei jira ríimaci íaillinoína jácidotiaoi. Ie mei íaillinoína zuitádiaoi. Iaillinoi duere finóllífue baiñédiaoi; nana comíni afe fínua jira Juziñamuimo íóbiodiaoi.

<sup>22</sup> Afe cíoraininafuedo jíllotaga aidaima, afémimemo cuarenta fimona baimo ite.

*Íñotino méaicaiñenafue comeci ríino diga jicádiaoi*

<sup>23</sup> Pedro Juan diga íaillinoi zuitaina mei íaillinoi nabáíñiaí íllánomo jáidiaillinoi. Dinomo afémacimo nana lletáriraini illaini éinamaci diga íaillinoína dáinana llotiaillinoi.

<sup>24</sup> Aféfuena cacáillano nana dáanomo Juziñamuimo úritiaioi. Daidíaiioi:

—Cai Ocuíraima, O Juziñamuina; mona, énie, monaillai naga ráaniari finódimedio.

<sup>25</sup> O Ñuera Joréñodo, o táijitagamie Davido daidio:

¿Nibái mei náiraiaí caillíoidiaioi?

¿Nibái mei comini táinofuiaimo comeci facádiaioi?

<sup>26</sup> Enie illaini Juziñamuina ie Cristo diga anáfenuaibitiaioi.

Daje izói jofue illaini Juziñamuimo ofidiaioi ie Cristo diga áfedo afémiemo fuiríllena, —daide.

<sup>27</sup> ‘Uafue bie jófuemo Herodes, Ponico Pilato diga o nífuenide Jitomo fieni gairídiaioi.

Afénomo jicánemaci Israel comíniri fieni gairídiaioi, mei íadi omo jaináidimie Jitó illáimana ja jáitatio.

<sup>28</sup> Afe fieni íaioi gairíllafuedo nana o uícomo uaido finócafuiaimo dáinana finódiaioi. Afe daíí fícaillena jítáiretadio.

<sup>29</sup> Cai Ocuíraima Juziñamui, mai birui cai íaioi jáciduamo eroi. Jae o táijitagamacidicai. Afemona ñue méaicaíñenafue caimo fecari, o úrillauai jino jácicaíñeno cai llóllena.

<sup>30</sup> Afe llezica omo ite ríinodo comini íaioi dúicomona ñue jíllotari. Afe izói o nífuenide Jitó mámedido ciórainina onótate raa finori, —dinori daidíaiioi.

<sup>31</sup> Juziñamuimo íaioi úrilla fúillamona afe íaioi gairíllano docáiricaide. Afe llezica nana Ñuera Joreño úcaigaiaioi. Iemona Juziñamui úrillauai méaicaíñeno jino llotiaioi.

*Ínotimaci íaioi ráaniaina jeruíñeno “Nana caie” daidíaiioi*

<sup>32</sup> Afe aillo iraiaca ínotimaci dáaziena nana ñue jaináidiaioi. Ua daje izói dájemo comeci facáidiaioi; daje comeci jitailla uai íaioimo ite. Buna afémie ráaniaina “Dama cueie” daííñede, mei íadi nana comini íaioi ráaniaina “Nana caie” daidíaiioi.

<sup>33</sup> Orécamací Ocuíraima Jesús cáanafuemo aillo ríinodo uai nabáioidiaioi. Juziñamui nana comínina iere caimátaitade.

<sup>34</sup> Íaioi cígiri jítáiredena ráanidimie íñede. Nana íbácana énieredino jofóredino diga áfeniai fécano afe oga úcube atídiaioi.

<sup>35</sup> Atiano orécamacimo izájidiaioi. Iemona orécamací nágamieriemo íaioi jítaina dieze fecádiaioi.

<sup>36</sup> Afe izói íaioi cígiri Leví izíe ímie finode. Afémie mámece José. Monáillai zafedu Chípreno jocócamie. Orécamací íena jíáie mámeceina jítádiaioi. Afe mámece Bernabé daina Fíradimie.

<sup>37</sup> Afémie ie illánie fecade, fécano afe íba úcube orécamacimo izábite.

## 5

*Ananías Safira diga finoca íaifue*

<sup>1</sup> Mei jíaimie Ananías, ie aí Safira diga, daa illánie fecádiaillinoi.

<sup>2</sup> Bímie nano baa nieze úcubena jeruíde. Jíáie dájeze úcubena nana ñue ite ízoi orécamacimo izájide. Aféfuena ie aí nana ñue onode.

<sup>3</sup> Jira Pedro íena daide:

—Ananías, ¿nibái mei Taife o comécina féitate, Ñuera Joréñomo taino o llóllena? ¿Níbái mei o illánie nano nieze feca íba úcubena abimo maiñódio, daíí jífueridio?

<sup>4</sup> ¿Nano fueñe afe énie óieñede? Jii, óie. ¿Afe o fécaja mei afe úcube óieñede? Jii, óie. ¿Níbái mei daíí afe finóllena comeci facádio? Comínimo taino lloñédio, mei íadi Juziñamuimo taino llotio, —daide.

<sup>5</sup> Ie jira áfena cacáillano, Ananías éniemo baíllano túbicaide. Nana afefue fídiaibitino iere jacínaitiaioi.

<sup>6</sup> Mei jira nano ba níga jítocomini bite. Ie abi jabínota ie raíajidiaioi.

<sup>7</sup> Afe mei tres horas illamona Ananías aí jofu bite. Nai ie ini tíllana fídiñede.

<sup>8</sup> Jira Pedro jicánote:

—Cuemo llone, ¿afe ómicoi daina dieze afe énie fecádiomico?

Jira afengo daide:

—Jii, áfeze.

<sup>9</sup> Jira Pedro daide:

—¿Níbái mei dáafueritiomico, Juziñamui Ñuera Joreño o íco facátallena? Jino batí o ini raíajidino bitiaioi. Jabe daje izói ona úitiaioi.

<sup>10</sup> Afe llezica afengo Pedro anamo baíllano túbicaide. Jítocomini jofu billano afengo tíllana cíozaiibitiaioi. Mei jira jino uillano ie ini abimo íena raíajidiaioi.

<sup>11</sup> Nana Juziñamuimo ínotino nana aféfuiaina fídídímaciri iere jacínaitiaioi.

*Aillo ciórainina raaniai onótate raa diga*



<sup>12</sup> Aféruillaido comini cigiri orécamaci aillo onótate raa, ciórainina ráaniai diga finódiaioi. Nana Salomón jinófenemo macáranomo gairídiaioi.

<sup>13</sup> Buna jáimacimona íaioi diga daane gairíllana jacíruiítiaioi; mei íadi comini íaioimo ñue izire comécíidiaioi.

<sup>14</sup> Aillo comini íñíai ringóniai dájeze Ocuíraima Jesucrístomo ínuabitiaioi.

<sup>15</sup> Uafue jamánomo ínotiaioi. Mei jira iráredino jofo abí íuemo, naa íaioi bíralluairi jino biródiaioi. Afénomo Pedro áfedo jaille llezica afémacimona nano dámierie, Pedro jana anamo itábicaítiaioi. Afedo jíllotziaioi.

<sup>16</sup> Afe llezica aillo áinomo ite jofue comini Jerusalemo bitíaioi. Íaioi iráredinuiaí atídíaioi fiénide jóriaido áfedogamací diga. Nana jíllotagaiaioi.

*Ríimaci illaini Pedro Juan diga duere fnóllena llaitátiaioi*

<sup>17</sup> Iemona lletáriraini illaíma, afémieoírí ite saduceo imaci iere úradoizaidiaioi.

<sup>18</sup> Je jira orécamacina llaitada afe jófueo ite llavéracomo íbáizaidiaioi.

<sup>19</sup> Mei íadi Juzíñamui abí ímie naio llavéraco naze tuzáíbite. Jino íaioi uánona daide:

<sup>20</sup> —Gairíracomo omoi jai. Dinomo naidáillano comínimo nana bie comeci cáataite uáillaído úrizairi, —daide.

<sup>21</sup> Aféfuena cacáillano, afe jíáirui monáidacademo jofo gairíracomo jáidiaioi. Jáillano llófuiaide.

Afe llezica lletáriraini illaíma afémieo ítinori, Nahíllaini gairíranomo gairídiaioi. Afe Nahíllaini Israel nairai écomini. Gairíllano llaveca orécamaci atítatiaioi.

<sup>22</sup> Mei íadi llavérraini llavéracomo dúciillano orécamacina baíñédiaioi. Daa fia afefue abido lluaíbítiaioi. Daidíaioi:

<sup>23</sup> —Llavéraco ñue riire íbaide naa naze jinófene úíñotinori eróediaioi baizájidicai. Mei íadi cai zuitádicaimo afeco eromo buna íñena, —daidíaioi.

<sup>24</sup> Aféfuena cacáillano lletáriraini illaíma, gairíraco úíñoraini illaíma, íemo nanoide lletárirainiri ífo júdaizite; jicánotiaioi:

—¿Bífuiaí ninomo jica jálleite?

<sup>25</sup> Afe llezica daa íima daiizaíbite; íaioina daide:

—Llavéracomo omoi íbaicogamíai jae gairíracomo comini llófuetiaioi, —daide.

<sup>26</sup> Iemona úíñoraini illaíma naa llavérrainiri íaillinoi uájidiaioi. Mei íadi duere finóñeno íaillinoina atídíaioi, “Comínina nófena cai nájíte” daínano jacíruiítiaioi.

<sup>27</sup> Íaillinoi átianona, Nahíllaini uícomo íaillinoina naidánetaíoaioi. Iemo lletáriraini illaíma íaillinona daide:

<sup>28</sup> —Afe mámevido ómicoi llófueñellena jamánomo riire rairuídicai. ¿Ja mìnica finódiomicoi? Nana Jerusalén comínimo ómicoi llófuiaífuiaí jica jálleide. Afe llezica afe íima tílla ícoínia caimo nitáacadiomicoi, —daide.

<sup>29</sup> Mei jira Pedro jíáie orécamaci diga uai ote:

—Juzíñamui uai jeire cai olle comini llogáuai baímo ñuera.

<sup>30</sup> Cai jáíairagima Juzíñamui Jesuna tíllamona cáatate. Bie Jesús coráirabicimo agúineta omoi fagámie.

<sup>31</sup> Juzíñamui caífo monamo uano nabézimo íena rainade. Afe llezica afénomo lláímana jóonete. Dáanomo jíllotaraimana jóonete. Daíí Juzíñamui Israel náiraímo íaioi íllafue méidollirui jóonete, íaioi íaífuiaí dóllena.

<sup>32</sup> Aféfuemo uai nabáiraimadicai. Daje izóí Ñuera Joreño aféfuemo uai nabaide. Nana ñue cacáredimacimo afe Ñuera Joreño Juzíñamui iga, —daide.

<sup>33</sup> Aféfuena cacana llezica, ríicaídiaioi. Íaillinoina fáiacadiaioi.

<sup>34</sup> Mei íadi ríimaci cigiri fariseo ímie ite. Afémie mámece Gamaliel. Afémie ocuícáfue llófueraíma. Nana comini íemo ñue comécíidiaioi. Afémie náidaillano ocuide:

—Nano dáallegoi bimaci oni jíáinomo uí, —daide.

<sup>35</sup> Afe ífodo ríimacina daide:

—Israel comini, cacai. Baimácimo omoi finóllifue abí omoi rairuiri.

<sup>36</sup> Jáíafuemo omoi úibicairi. Naui nígarui íllamona Teudas dúcizaíbite. Dúciillano daide: “Jamánomoidímiedicue. Illáimaiticue,” daide. Iemona cuatrocientos dígamie afémiedo jáidiaioi. Mei íadi íena fatíaioi. Nana afémiedo jáidino ráidozinaidiaioi. Iemona afefue niné táinocaide.

<sup>37</sup> Afe mei comini mámece cuiájillaruimo, Galilea ímie Judas dúcizaíbite. Aillo comini íedo jáidiaioi. Daje izóí íena fatíaioi. Afe izóí nana íedo jáidino ráidozinaidiaioi.

<sup>38</sup> Je jira bimácina omoi fáicanocai; afémacina áfedoñeno. Mei bifue íñíai íeza, fuizájite.

<sup>39</sup> Mei íadi Juzíñamui ífue, táinocaitanidiomoi. Abí omoi rairuiri, Juzíñamui diga omoi fuírízaiñelleza, —daide.

<sup>40</sup> Nana jae jíeruificaidiaioi. Mei jira orécamaci júritiaioi. Iaiói dúcinamona íaioina zechénotiaioi. Afe meífodo Jesús mámecido úrillana íaioina rairuídiaioi. Afe mei íaioina fáicanocaidiaioi.

<sup>41</sup> Orécamaci rímaci uícomona jino jáidiaioi. Ióboicaidiaioi, mei Juzíñamui íaioimo ñue comeci facáoillaza. Jesudo jaináinamona méaifuedo duere zefuídiaioi.

<sup>42</sup> Je mei nágaruio Jesudo úritiaioi. Afe izói llófueoidiaioi. Gairíracomo, comini jófuedo daje izói llófuiaidiaioi.

## 6

### *Juzíñamui uai llotino canórainina siete dígamie mámeciga*

<sup>1</sup> Aféruillaído ínotino aillo jebuíoideaioi. Griego imaci judío imácina zúucaillafuedo jítádiaioi: —Nágarui güille fécanomo cai fecínguai figo íñégaiaioi, —daídiaioi.

<sup>2</sup> Mei íemo doce diga orécamaci nana ínotinori dáanomó iráidiaioi. Iaioina daide:

—Juzíñamui úrilla uai jino llófueredicaí. Afena cai fáicanocaillena dani omói güille cai fecállena figóñede.

<sup>3</sup> Mei jira, ámatiai, omói cígimona siete dígamie nize. Nana comínimona ñue comécidímie izóidena jitaide. Ñue onódimiena jitaide. Ñuera Joreño úcaigamiena daje izói jitaide. Je mei daítadimíai güille fecárainina mai jóneri.

<sup>4</sup> Mei cai dani Juzíñamuimo comeci facáoiticaí. Afe llezica Juzíñamui úrilla uaido llófueiticaí.

<sup>5</sup> Nana aféfuemo ñue comécidíaioi. Iemona Ñuera Joreño úcaigamie Esteban nizédiaioi. Afémie Juzíñamui uaina iere ínofiredímie. Daje llezica jáimíai nizédiaioi: Felipe, Prócoro, Nicanor, Timón, Parmenas, Antioquía ímie Nicolás, nauí nano afémie judíuai íaioi íinoga uaimo dáafueriacadímie.

<sup>6</sup> Je mei orécamaci íllánomo afémacina atídiaioi. Atia mei orécamaci íaioimo onói bítano Juzíñamuimo úritiaioi. Afedo güille fecárainina mamécaiaioi.

<sup>7</sup> Iemo Ocuíraima Jesucristo úrilla uai comínido oni móonaioicaide. Jerusalemo ínotino aillo jebuídiaioi. Afe llezica aillo judíuai lletáraini aféfuemo ínotiaioi.

### *Esteban llaitádiaioi*

<sup>8</sup> Esteban Juzíñamui izói rínooredímie Juzíñamui ézicigamie. Je jira comini cígimo aillo córainina raa onótate raa diga finode.

<sup>9</sup> Je jira Rairuíñegamací llófueriraco ímiaimona dáarie Estébamo como fueñe ie finócafue júfduaidiaioi. Afe llezica Cirénemona dáamierie, daje izói Alejandríamona, daje izói Asia éniemo ite Cilíciamona: nana afémaci Estébamo afefue júfduaidiaioi.

<sup>10</sup> Mei íadi íena anáfenonidiaioi. Ñuera Joreño íemo iga úrillana fibíllafuedo úriteza.

<sup>11</sup> Je jira taino lloraini íbajidiaioi. Afémacina llotiaioi:

—Mai omói daírí: “Esteban Moísená Juzíñamui diga fiénidíuaina dáinana cacádicaí,” —daí daítatiaioi.

<sup>12</sup> Aféfuemo comínina éinamací diga fáillifaillíneítadiaioi, daje izói ocuícafue llófueraini. Iemona cirínuano íena llaitádiaioi. Lláitano Caifóidillaini uíecomo íena uítiaioi.

<sup>13</sup> Afe izói taino uailai nabáraini jenódiaioi. Afémaci daide:

—Bímie cai ñue rairuírede gairíracomo báíñuano fáicanocaitañede. Jaca báíñofirede, daje izói ocuícafue.

<sup>14</sup> Afémie dáinana cacádicaí. Afe daina daide: “Baie Nazaret ímie Jesús afe gairíracó júdaitaite. Moisés caimo iga finóllífuíai meídotaite,” —daí daídiaioi.

<sup>15</sup> Iemona rímací naa dinó ráiedinori, Estébamo eróillano, ie uíeco Juzíñamui abí ímie uíeconá eróidena cióidiaioi.

## 7

### *Esteban abí íe ríduafue llote*

<sup>1</sup> Mei jira lletáraini illaíma Estébamo jicánote:

—¿Meita nana bífuíai uáfuíai?

<sup>2</sup> Jira afémie uai ote:

—Ñue comécide ámatiai, móotiai diga, cue úrillamo cácarei. Cai ebíredinoredímie Juzíñamui cai jaíai nanóidímie Abrahámo cíocaide. Ua Abraham Mesopotamia éniemo illa llezica, afémie nai Haramo jaíáníena llezica,

<sup>3</sup> Juzíñamui íena daide: “O íllánie fiénocai naa o comíniri. Afemona omo cue llolle éniemo o jairí.”

4 Mei jira Abraham Caldea éniemona oni jaide; jáillano, Harán jófuego nano nie dino ite. Dinomo ie moo tiilla. Iemona Juziñamui Abraham afe bie omoi illíniemo atide. Ja birui aféniemo itíomoi.

5 Mei íadi nñie feci raana nai afémie Juziñamui íena íñede. Afe izói due jiza ie macálliniena íemo fecáñede. Mei íadi Juziñamui uícomo uáfueña daide: “Bie énie óieite. O tiilla meífomo o jítótiai íeite.” Mei íadi aféruillaído Abraham nai jítónide.

6 Nane dáonomo Juziñamui íena daide: “O uícoídígima jáímaci éniemo onínemaci izói íítiaioi. Dinomo afémaci rairuícamaci izói íítiaioi. Dinomo cuatrocientos fimona duere finólliaioi,” daide.

7 Mei íadi nane dáonomo Juziñamui daide: “Omoi rairuícamacina finódizie íaioi fiénidífuaiaí cue jicánolle mei, afémacina duere zefuítaitícue. Ie meífomo o comíni afénomona oni jáítiaioi. Oni jaillano, bíniemo cuerno ñue caimare tájizaíbitiaioi,” daide.

8 Juziñamui Abrahamo dáináuai íbana finóllífue llote. Afe llezica ie jítótiai bacano ícoi quetállena ocuállado afe finóllífue uáfueña onótate. Ie jira ie jító Isaac jócua mei ocho dígarui íllamona, Abraham ie jító bacano ícoi quetade. Daje izói Isaac ie jító Jacobona finode. Afe izói Jacob nana ie jítótiaína finode. Afe jítótiai Israel doce díga nairai moona jáidiaioi.

9 ‘Bie Jacob jítótiai cai nánoragimaciai. Afémaci ie ama Josemo úradoidiaioi. Afemona afémiena fecádiaioi, Egipto éniemo úllena. Mei íadi Juziñamui Joseri ite ie canóllena.

10 Nana ie zefuínailamona zuitade. Ñue úrillana fibíllafue íemo ite. Faraón uícomo ñue coméidimíena Juziñamui Josena itátate. Afe Faraón Egipto nahíllaima. Afe Faraón Josena Egipto jabóllaimana mamede. Afe llezica daje izói dama Faraón jofo ílláimana mameca.

11 ‘Iemona júbietailafue nana Egipto éniemo baite aillo zefuínailafue díga. Daje izói Canaán éniemo ite. Ie jira cai móotiai gülleniendiaioi.

12 Mei íadi Jacob Egiptomó trigo íllana fídiano afénomó ie jítótiai orede. Afémaci cai jáíairagima. Bífue íaioi fueñe güille uájíllafue.

13 Ie mei dáonomo nane jáidiaioímo, José ie ámatiai ie abina onótate. Afe llezica José ie ámatiai Faraómó cíotate afémie íaioína onóllena.

14 Iemona José ie moo Jacob naa ie comíniri atítate. Afémaci setenta y cinco dígamiede.

15 Afe daí íaioímo ífcaide Jacob Egiptomó jáíáíllena. Dinomo afémie tíide; daje izói afénomó cai jáíairagamona dárie tíide.

16 Afe meífodo íaioi ícuruai Siquém íllánomo uítá raíájidiaioi. Afe dinomo Hamor jítótiaímona Abraham ie comíni ícuruai raíllínuaí íbade. Jira afénomó raíájidiaioi.

17 Jáíai ninomo Juziñamui Abrahamo uire ñue íaioi íllena ríírede uaido uáfueña llote. Afe uícomo dáináuai fuizáíllíruí ánoziacademo, Israel nairai Egiptomó ñue jebuídiaioi; ua iere áíllue náiraina jáidiaioi.

18 Afe llezica Egiptomó jáíe Faraón ílláimaizaide. Afémie Josena onóñede.

19 Aféllaíma cai náiraina jífujete; cai jáíairagimacina duere finode. Cai como jococa úruaiána zóofetade íaioi tííllena.

20 Aféruillaído Moisés jococa. Afémie ie dúeza ílláruimona Juziñamuína íóbitade. Afe izói ie moona ie ei díga íóbitade. Afe íaíllinoí daámáni fíui jofomo íena móonaitadiaíllinoí.

21 Mei íena zóofetarui dúcinamona Egipto íllaíma nahí jiza íena abímo ote. Afengo jító izói afézana comúitate.

22 Ie jira afe Moisés Egipto comíni nana onóigafueña llófuegamie. Iemona ie dáináuailai ríírede. Afe izói afémie finócafuaí jamánomoide.

23 Ja afe mei cuarenta fimona ílla llezica, Moisés ie nairai ísraelita comíni méíñuaíacade.

24 Afénomó Egipto ímie Israel náiraimona dámie duere finóinana Moisés cíozaida. Ie jira Moisés ie nairai ímie rííduaíbillano Egipto ímie fate afe íba óllena.

25 Moisés comécido daide: “Cue ámatiai ísraelita comíni Egiptomona fáicanocailífue onódiaioi. Ua Juziñamui íaioi cuedo fáicanocaitafueña fídídiaioi,” daide. Mei íadi áfena fídíñediaioi.

26 Afe jítíramoidíruído Moisés Israel ímíiaíllinoí fúiríenailana cíode. Íaíllinoí fuíríllafueña líícaítaacanano íaíllinoína daide: “Omícoi daje ámadíomícoi. ¿Níbái conímana duere finódíomícoi?” daide.

27 Ie jira nabai duere finódímie Moisés oni ñuitade. Oni ñuita mei íaíllinoímona dámie Moíseña daide: “¿Bu o cai cígímo ílláimana jóonegao? ¿Bu cai fiénidífue jicánoraimana jóonegao?”

28 ¿Nauiri Egipto ímie o faaja izói birui cuena fáíacadio?” daide.

29 Daí dáinana cacáíllano, Moisés botade. Bótano Madián éniemo jaide. Dinomo jicánemie izói ite. Afénomó mena jítóírede.

<sup>30</sup> Cuarenta fimona méifomo, Moisés amena figo iñénazicimo mácajide. Sinaí idu áinomo ite. Afénomo Juziñamui abi ímie boode iázaifedinamo cíocaide. Afe irai bóoidinomo cíocaide.

<sup>31</sup> Afena ciónamona Moisés jabo fáigacaide. Afena ñue cíoilena áfemo jofo ánozide. Ainozillano Ocuíraima Juziñamui úrillana cacade. Afe uai daide:

<sup>32</sup> “O nánoidimaci Juziñamuidicue. Ua Abraham, Isaac, Jacob dieze Juziñamuidicue,” daide. Jira Moisés jágieri cuidíricaide. Iemona dáanomo áfemo eróillana jaciruite.

<sup>33</sup> Iemona Ocuíraima Juziñamui íena daide: “O eiba ico duiño, benó o naidáillano cue illaza jamánomo ñuenoza.

<sup>34</sup> Cue comini Egiptomo duere zefuállana ciódicue. Iaiói eehe cáilliana cacádícue. Jira ana íaióina zúitaibíticue. Jira cue dáinana cacai. Egiptomo ona óreiticueza,” daide.

<sup>35</sup> ‘Ja nano fueñe nana comini Moisená jámairuitiaíói. Iena jaiái daiízaidiaíói: “¿Bu illáimana mamécao, caimo jicánoraimana o íllena?” Mei íadi bóodínamo ciode Juziñamui abi ímiedo Juziñamui Moisená zúitaitimiena orede, íaiói illáimana.

<sup>36</sup> Jira Moisés cai jáiairagimaci Egiptomona jino bairódimie. Afémie bie éniemo ciórainina raa onótate raa diga finódimie. Afe izóí Jáírede Monáillaimo ciórainina dáinamona comuide raa finode. Afe izóí cuarenta fimona íllamona zaféredizicimo íaiói illa llezica ciórainina raa finófirede.

<sup>37</sup> Afe dáamie Moisés Israel comínina daidímie: “Juziñamui dani omói ámatiaimona uai llórainana ómoimo óreite, cue ie ória izóí. Afémiemo jeire omói oíri.”

<sup>38</sup> Afe Moisés zaféredizicimo comíniri ítimie. Afe Moisés Sinaí ídumo ítimie. Dinomo Juziñamui abi ímie íemo úrizaibite. Afemona Moisés cai jáiairagimamo aféuai jino llotímie. Afe Moisés cáatatiuailái llínnote, afe uáillaina caimo fiénocailena.

<sup>39</sup> ‘Mei cai jáiairagimaci íemo cacáreaañediaíói. Iena ruifruillano, meine Egiptomo jáiacadiaíói.

<sup>40</sup> Jira Aarona daidiaíói: “Cai úcodo ífoite juziñamuillaina caimo finóllena jítáidicai. Baie Moisés Egipto éniemona cai otímie, íemo ítifuena onóñediaci,” daidiaíói.

<sup>41</sup> Ie jira juráreto jiza jana finódiaíói; jáie rílleníai fatíaiói afe jízato jánaraina finócamo fia fecállena íena íóbitallena. Mei íaiói ónoído finoca raamo caimátaioidiaíói.

<sup>42</sup> Ie jira Juziñamui íaióimona oni jaide. Afemona Juziñamui íaióina fiénocacide mona úcuaimo íaiói comeci cacáoilena. Mei daií uai llórainí rabénicomo cuezáuai daide:

¡Israel comini, omói cacai!

¿Cuarenta diga fimona íllamona zaféredizicimo rílleníai fatíomói cuemo fia fecállena?

<sup>43</sup> Ieñede. Jáífodo finódiomói.

Taino juziñamui Moloc ráicaillocoj; abimo máíñuano úioicaidiomói.

Afe llezica jáíie taino juziñamui Renfán ucúduna eroide jánaraimo jeire otíomói.

Afe jánarai dani omói finoca íóbitalle jánarai.

Ie jira omói éniemona omói otá Babilonia batífenemo ómoína óreiticue, daide.

<sup>44</sup> ‘Cai jáiairagimamo Juziñamui gairíracu ite. Afénomo noficomo cuega ocuica uailái éenotiaíói. Afe gairíraco Juziñamui Moisémo ocuilla izóí niga. Nano fueñe Juziñamui íena daide: “O ciónaco omo cue ácata izóí o nitátari,” daide.

<sup>45</sup> Cai jáiairagimaci afe gairíraco feci raa izóí llínnotiaíói. Ie mei Josué diga bitíno jáíie nairai énie báirua llezica afeco atídiaíói. Afe éniemo ítinúiai Juziñamui oni jiude, íaiói meífomo ie comini íllino finóllena. Afeco daií dinomo ite David íllaruillaido.

<sup>46</sup> Illaíma David Juziñamuina íóbitade. Iemona Juziñamui afe Davidna canófirede. Aféruillaido ie jáiairagima Jacob íinoga Juziñamui íllico nitátaiacade.

<sup>47</sup> Mei íadi ie jító Salomón Juziñamui jofo ua nitátatímie.

<sup>48</sup> Mei íadi jamánomo caifoide Juziñamui, comini ónoído niga gairíracuaimo ífinide. Afe izóí uai lloraima daide:

<sup>49</sup> Caifo bie mona ua cue illáimana ráirano izoide.

Ie mei bie énie cue idai bitáoinanie izoide.

¿Ñíe izóidico cúeiena nitátaitío?

¿Nee cue ocózinairano?

<sup>50</sup> ¿Ua meita nana bie ráaniaína cue ónoído finódicue?

Jíi finódicue, —daií Ocuíraima Juziñamui daide.

<sup>51</sup> Nai Esteban afémacimo úrioicaide. Daide:

—Mei íadi omói comeci jaca Juziñamuina rairuífirede. Juziñamuina onóñedimaci izóí jefónidiomói. Juziñamuimo coméciñedimacidiomói. Ñuera Joreño llétafue jaca jeire onéidiomói. Omói jáiairagima izóidimacidiomói.

<sup>52</sup> ¿Ua meita omoi jáiairagima nñi uai llórainina duere finódiaioi? Nana íaioina duere finódiaioi. Nñi fígomie bíllana úcodo llotínona titádiaioi. Afe fígomie jae dúcide. Iena fécano fatíomoi.

<sup>53</sup> Omoi Juzíñamui abi ímíaido llogámacidiomoi, mei íadi ñue cacáreñediomoi, —daíí dinori Esteban daide.

### *Esteban tíillafue*

<sup>54</sup> Aféfuiaina cacáillamona, ríicaidiaioi. Estébamo fuedo gugúricaidiaioi.

<sup>55</sup> Mei íadi Esteban Ñuera Joreño úcaigamie. Afe llezica monamo érocaide. Dinomo Juzíñamui ebírenafuena ciode. Afe llezica Jesús Juzíñamui nabézimo naidáinana ciode.

<sup>56</sup> Ie jira daide:

—¡Ero! Mona túinana ciódicue. Nanoide íima Jitó Jesús Juzíñamui nabézimo naidaide, —daide.

<sup>57</sup> Mei íadi afémaci jefo íbáidiaioi. Ríurerie caillíoicana illíñana íemo caízaidiaioi.

<sup>58</sup> Jófueмона oní uítá nóñena íe níjidiaioi. Níjídino íaioi emódodiroillai jítócome Sáulona maméidimiena úíñotadiaioi.

<sup>59</sup> Nai íe íaioi níjia llezica, Esteban Juzíñamuimo úrillano daide:

—Ocuíraima Jesús, cue joreño oní llíino, —daide.

<sup>60</sup> Ie mei ana dújullano, ríire caillide. Daide:

—¡Ocuíraima! Bie fiénidífue ícoina bimácimo jítáñeno iri, —daide.

Daíí daina meífodo tíibicaide.

## 8

### *Saulo Jesudo gairírani racade*

<sup>1</sup> Fatímaci izóí Saulo afémacimo comécioide.

Aféruimona Jerusalemo íte Jesudo gairírani duere finóllena como fueñe judíuai júnuaidiaioi. Ie jira nana íñotimaci Judea énie fuédado ráidoizitiaioi; daje izóí Samaria éñiedo. Dani doce dígamie orécamací Jerusalemo fiébitaioi.

<sup>2</sup> Iemona Juzíñamui raana duéruitimaci Esteban raiájidiaioi. Ieri aillo éediaioi.

<sup>3</sup> Afe llezica, Saulo gairíramacina nai racáide. Nágacuaído jenode. Afécuaimona íñíai ringóniai diga jino zónuano íaioina llavétate.

### *Jesu Cristo ñuera uai Samáriamo llujáidiaioi*

<sup>4</sup> Ja birui Jerusalémoma oní jáiredino, Cristo jíllonafue íaioi jáillanuaimo llujáidiaioi.

<sup>5</sup> Afémacimona dámie Felipe Samaria jófue mo jaide. Dinomo Cristo ráfuedo íaioimo úrizaide.

<sup>6</sup> Afe comini gairíllano Felipe dánamo ñue cacáreidiaioi. Felipe finoca ciórainina onótate ráaniai ciódiaioi.

<sup>7</sup> Mei jira aillo fiénide jóriaimona jíllotagaiaioi. Afémacimona fiénide joríaí caillícana oní jaide. Afe llezica aillo tízitaitimíai aídáimaíai diga jíllotagaiaioi.

<sup>8</sup> Aferi afe jofue comini iere caimátaioidiaioi.

<sup>9</sup> Mei íadi dámie Simona mámeciredimie afénomo íte. Afémie úcoidiruillaido aimana jaide. Afe jofue comini jífue. “Jamánomoidimiedicue” daííredimie.

<sup>10</sup> Nana comini jabóidinomona ua nahíllaimamo dieze íemo iere cacáreidiaioi. Daidiaioi:

—Bímie caifoide Juzíñamui ríinona ígámie, —daidiaioi.

<sup>11</sup> Iere are íe aimánafuedo afémacina jífue; íe jira íemo jeire otíaioi.

<sup>12</sup> Mei íadi Felipe Juzíñamui illáimana illirui uai Jesucristo mámece diga, íaioimo llote. Aféuailaina cacáillano afemo ñue íñotiaioi. Híñiai ringóniairi dájerize íñotiaioi. Ínuano báutizagaiaioi.

<sup>13</sup> Afe dama Simón ínuano báutizaga. Iemona afémie Felipe nabaina jaide. Afémie Felipe finoca áillue ciórainina raa onótate raa diga, áferi fáigacaide.

<sup>14</sup> Jae Samaria comini Juzíñamui úrillauai jeire otíaioi. Afe íaioi jeire uáfueña Jerusalemo íte orécamací fididiaioi. Fídiano afénomo Pedro Juan diga orédiaioi.

<sup>15</sup> Dúciillano Samáriamo íte íñotinori Juzíñamuimo jícadiaioi, Ñuera Joreño íaioi llíinollena.

<sup>16</sup> Mei afémacimona nímiemo Ñuera Joreño nai biñede. Dama Ocuíraima Jesús mámeceido báutizaga.

<sup>17</sup> Afemona Pedro Juan diga íaioimo onoi bitade. Iemona daíí Ñuera Joreño úcaigagaiaioi.

<sup>18</sup> Orécamací bimácimo onoi bítamona Ñuera Joreño bíllana Simón ciode. Cíonamona úcubé orécámie íaillinoimo íoicana

<sup>19</sup> daide:

—Jadíe ríino cuemo ine. Afe izói nie cómemo cue onoi cue jóoneadi Ñuera Joreño íemo bílleza, —daide.

<sup>20</sup> Jira Pedro íena daide:

—¡Naa o úcube diga o táinocairi! Juzíñamui fecaca raa úcubedo ibárede daidio; daíi comeci facáδιο.

<sup>21</sup> Bífueo o dúíñedio. Bie coco tájinafueo jaináíñedio, o comeci jáicina Juzíñamuimo jóoiñena jira.

<sup>22</sup> Bie o fiénidifue o fáicanocai. Juzíñamuimo izire o jicari o fiéni comécido dainafue iba omo óñeilleza.

<sup>23</sup> Ja onódicueza o comeci filliru izói eríredeza. Afe íaifuiuido cuinácamié izói ítíoza.

<sup>24</sup> Jira Simón uai ote:

—Ocuíraimamo cuedo jicari, nana o cuena daináfuiaimona dafue cuemo níjñeilleza, —daide.

<sup>25</sup> Afénomo Crístomo ñúfueo nitádiaioi. Daje izói Juzíñamui uáillaido úritiaioi. Ie meífodo, orécamié iaillinoi Juzíñamui jíllolluiai aillo Samaria duera jófuiaimo llófuiaidiaillinoi. Ie mei Jerusalemo meine bitiaillinoi.

*Felipe Etiopía ímiemo úrite*

<sup>26</sup> Afefue meífodo Juzíñamui abi ímie Felípema daiízaibite:

—Náidacaillano, fuiiri batí Jerusalémona Gaza jófueo jóidiodo o jairi, —daide.

Afeo zaféredizicido jóidío.

<sup>27</sup> Iemona Felipe náidacaillano áfeodo jaide. Dinomo uieécodo jaide Etiopía ímie éidajide. Afémie illaingo abi ríimie. Afémie Etiopía illaingo Candace úcube úíñoraíma. Afe llezica afémie óinima. Naui uicodo afémie Jerusalemo Juzíñamuimo cámaduaidé.

<sup>28</sup> Afémie abido ie éniemo jáizaide. Ie caballo zonóicaiga ráiíralloicimo ráicana Juzíñamui uai lloraíma Isaías cuegáuai facádote.

<sup>29</sup> Afe llezica Ñuera Joreño Felípema daide:

—Jadíilloicimo áinozillano afénomo nabairi, —daide.

<sup>30</sup> Ainozillano, Felipe afémie Isaías cuegáuailai facáduana cacade. Iemona íemo jicánote:

—¿O facádoga uaina meita onódio? —daide.

<sup>31</sup> Jira afémie uai ote:

—Cuemo jino llóitímie íñédeza, ¿ñie izói ónoiticue? —daide.

Iemona Felípemo caífo ie diga dáanomo ráiillena jicade.

<sup>32</sup> Juzíñamui Cuegáuaimona afémie facádoga uai áfena daide:

Oveja izói táizaillinomo uiga.

Oveja jiza abi cuidódino uieécomo úriñedimie izói táide,

afe izói afémie jaca níífuedo úriñede.

<sup>33</sup> Afémie iere jámairuigamie; jáicinaidifuenta íemo rairuídiaioi.

¿Ie ñue illáfuedo mei bu úrille?

Mei ie cáajano bie éniemona niné táinocaidé, —daide.

<sup>34</sup> Jira illaingo abi ríimie Felípemo jicánote:

—Cuemo llone, ¿bumo úrite uai lloraíma? ¿Ñibai dama íemo úrite? ¿Ñibai jáíimieemo úrite? —daide.

<sup>35</sup> Jira Felipe afémie facádoga Cuegáuaimona Jesús úrillauai íemo jino llote.

<sup>36</sup> Jainoi illánodo jailla llezica ríimie daide:

—Benomo ite jainoi. ¿Birui áfejido cue báutizanidicue? —daide.

<sup>37</sup> Jira Felipe daide:

—Nana o comécido o ínoiadi báutizarellio, —daide.

Jira afémie uai ote:

—Jesucristo Juzíñamui Jitoza áfemo ínoticue, —daide.

<sup>38</sup> Iemona jáiralloici mozíñota ille diné jáidiaillinoi. Dinomo Felipe ie báutizade.

<sup>39</sup> Illémona ari abido jáidiaillinoímo, Juzíñamui Ñuera Joreño Felípema oni uite. Iemona ríimie íena jaca nane cíoñede. Mei dama ie éniemo caimare jaide.

<sup>40</sup> Felipe nane Azoto jófueo cíocaizaide. Dinómona naga jófuedo jíllonauai llócade. Ua ba Cesarea jófueo fuizájide.

<sup>1</sup> Afe llezica Saulo Jesumo ñnotinona fáiacanafuedo úrioides. Ie jira lletáriraini illáimamo jicánuaide.

<sup>2</sup> Daide:

—Llavétallibiaina cue ine, Damasco jofue gairíracomo cue jáilleza, Jesús uaimo ñnotino cue jénuailleza. Afemona íññiai naa ringóniari maitá Jerusalem cue atilleza, —daide.

<sup>3</sup> Mei nai iodo jailla llezica, Damasco jófuego áinozidemo, monámona bite úzefo nágafene ie abimo úzere egáñfoaide.

<sup>4</sup> Iemona Saulo éniemo baíide; baíilla llezica Jesús íena dáinana cacade:

—Saulo, Saulo, ¿ñibái mei cue racáido? —daide.

<sup>5</sup> Mei jira Saulo uai otá jicánote:

—Ocuíraima, mei o ¿búido? —daide.

Jira aféuai ote:

—Cue Jesúsicue. Dama o racácamiedicue. Aillue juráreto zaitácademo jáiredizimo jiide.

Afe izói ízitagamiedo.

<sup>6</sup> Mei iemona Saulo jágieri cuidide; daide:

—Ocuíraima, ¿ona nie izói finóredicue? —daide.

Jira Ocuíraima uai ote:

—Náidacaillano baie jófuego mai jofo jai. Dinomo o finóllifuenta omo llóitíaoiza, —daide.

<sup>7</sup> Sáulodo jaide comini aféuaina cacádiaoi íadi mei buna cióñediaoi. Aferi iere jacínaitiaoi.

<sup>8</sup> Ie meífodo Saulo éniemona caifo ráinacaillano, érocaide. Mei ui botáicaide íadi éroinide. Mei jira daí ónoido jáinátacana Damasco jófuego íena uitíaoi.

<sup>9</sup> Dinomo daruíamani uina cióñede. Aféno mo minícana güññede, jiróñede.

<sup>10</sup> Afe Damasco jófuego ñnotimie Ananías illa, námiemo Ocuíraima nicáirilla izóidedo cíocaiide. Iena daide:

—¡Ananías! —daide.

Afémie uai ote:

—Ocuíraima, benó iticue, —daide.

<sup>11</sup> Jira Ocuíraima íena daide:

—Náidacaillano, Deréhana mámecirede iodo jairi. Dinomo Judas jofomo jicánori: “¿Ñinomo ite Sáulona mámeciredimie, Tarso jofue ímie?” O dúcina llezica afémie Juzíñamui úrite

<sup>12</sup> Ie úrioina llezica nicáirilla izóidedo ie uimo onoi bitáibitímie, Ananías mámeciredimienaciode; áfemona nane ie ui ñue cíote, —daide.

<sup>13</sup> Afe uaina cacáillano Ananías daide:

—Aillo comini baie ímana cuemo llotíaoi. Afe llezica omo ñnotinuiaimo nana Jerusalem ie fieni finócafuijai cuemo llotíaoi.

<sup>14</sup> Ja birui afémie benomo bite. Lletáriraini illaini llavétallibiai diga bite nana o mámecido jicáfiredino maitá úillena, —daide.

<sup>15</sup> Jira Ocuíraima daide:

—¡Mai jai! Afe ímana jae cue nizeca jáie náiraime cuedo úrillena naa íaoi illáiniri.

<sup>16</sup> Afémie aillo cue náiraime llóite. Afémie aillo cue ícoinia duere zefuállana íemo ácataiticue, —daide.

<sup>17</sup> Iemona Ananías Saulo illácomo jaide. Jofo jáillano íemo onoi bitájano daide:

—Ama Saulo, Ocuíraima Jesús o billa iomo omo cíocaidimie cue o ui meine abido cíoilena ocuide. Afe dáanomo afémie Ñuera Joreño ona cue úicaitallena cuena daide, —daide.

<sup>18</sup> Afe daí dáinamona, chamu icogi izoide ie uímona cúcoizite. Iemona nane ie ui meine cíote. Afemona Saulo náidacaillano báutizatate.

<sup>19</sup> Afe meífodo güillano, ie riño meine comúitate. Afe mei nano nígarui Damáscome ite ñnotinori fiévide.

*Saulo Damasco jófuego jino llófuerte*

<sup>20</sup> Ie meífodo Saulo garíracomo jino llófuertizaide. Aféno mo daide: “Jesús Juzíñamui Jitó.”

<sup>21</sup> Nana afémiemo cacáidino fáigacaillano daidíaoi:

—¿Ua meita bie námiende, naui Jerusalem Jesús mámecido jicáfiredino racáidimie? ¿Ñie naui benomo bitímie lletáriraini illáinimo cai maitá úillena? —daidíaoi.

<sup>22</sup> Mei íadi Saulo jamánomo riire jino llófuerte. Jesús Crístonana jino uafodo cíotate. Mei jira Damáscome ite judíuai Saulo ifona íritagaiaoi.

*Saulo judíuaimona jillode*

<sup>23</sup> Diga iruillai jailla meífomo, judíuai dáanomo comece fácana Saulo fállena maméritiaoi.

<sup>24</sup> Mei íadi aféfuena afémie fidide. Naa mona naio diga jofue jino jáirazemo úíñoidiaoi ie fállena.

<sup>25</sup> Mei íadi ínotimaci áillue cirígaimo íena jóonetiaioi. Jóoniano afe jofue jinófene cirínuailla jinomo naio íena agúinetiaioi. Afe daí afémie botade.

*Saulo Jerusalem o illafue*

<sup>26</sup> Saulo Jerusalemo dúcillano, Juzíñamuimo ínotinori gairíacade, mei íadi nana afémiena jacírúitiaioi. Afémie ínogafuena nai jeire oñédiaioi.

<sup>27</sup> Mei íadi Bernabé íena uáidote. Iemona orécamiiaimo íena ácatajide. Afemona Saulo iomo Ocuíraimana ciónafue íaioimo llote. Ie mei Saulo Damasco comínimo méaicaiñeno Jesús mámecido úrillafue íaioimo llote.

<sup>28</sup> Jira Saulo Jerusalem o digá irui ite. Dínomo ínotimaci digá macácaide.

<sup>29</sup> Ocuíraima mámecido méaicaiñeno úrite. Griego uaido úritino judúuaimo úrite. Conímamo jicánua uai ua daí úrite. Iemona ie fállena mamédiaioi.

<sup>30</sup> Jiáie ámatiai afefue fídiano, Saulo Cesaréamo uitíaioi. Dínómona Társomo íena orédiaioi.

<sup>31</sup> Ie meífomo nana Judea éniemo ite Jesús mámecido gairídino firazitiaioi. Ja íaioi ínogafuemo caimare náireoicaidiaioi. Afe izóí Galilea éniemo Samaria énie digá ite ínotino firazillamona riire náireoicaidiaioi. Ocuíraima Jesús nífuefueri jácicaidiaioi. Nñuera Joreño íaioi cánuamona jebuíoicaidiaioi.

*Eneas jae jíllotaga*

<sup>32</sup> Pedro jiáie ámatiai uáidualla llezica, daje izóí Lida jófueimo ite ínotino éroizaide.

<sup>33</sup> Dínomo Enéasna maméidimiena cíozaide. Afémie ocho digá fimona bíuramo bíide ie títitailla jira.

<sup>34</sup> Iena Pedro daízaide:

—Eneas, Jesucristo ona jíllotaiteza. Náidacaillano o bíura ñue fino, —daide.

Afemona Eneas raire jíllobicaide.

<sup>35</sup> Lida jofue nairai aféfuena nana cíódiaioi naa Sarón náirairi. Iemona jaii nano íaioi ínogafuiai fáicanocaillano Ocuíraima llogáfueimo ínotiaioi.

*Dorcas tíide meine abido cáanafue*

<sup>36</sup> Aféruillaido Jope jófueimo ite ínotingo. Afengo mámecei Tabita. Afe mámecei griego uaido Dorcas. Afe ringo nífuefuedo jáicade. Jitáidinona canófirede.

<sup>37</sup> Aféruillaido afe Dorcas iráreizaide. Iemona tíide. Ie abi jócua meífodo oni caifóidicomo jóonetiaioi.

<sup>38</sup> Lida ánorí ite Jope. Aféruimo Pedro afénomo nai ite. Ínotino afénomo íllana fídiamona, ménamie orédiaioi íena daíllena:

—Jópemo jízíñeno raire bíri, —daide.

<sup>39</sup> Iemona Pedro afémie íaillinoido jaide. Pedro dúcinamona, Tabita abi jóoinanomo íena uitíaioi. Nana fecíngotiai abido ífoina naidározillano éediaioi. Afe llezica nana Dorcas nauí ie caana llezica tifócacuiruai íemo ácatatiaioi. Emodo íroillai naa jiáie íniróillairi íemo ácatatiaioi.

<sup>40</sup> Afécomona Pedro nana jino íaioi orede. Ie mei caíñici ífodo dújuillano Juzíñamuimo úrite. Tíidíngomo eróillano daide:

—Tabita, maí caifo náidacai, —daide.

Iemona afengo ui botáicaide. Pédro mo érocaillanona caifo ráinade.

<sup>41</sup> Onoido líínota íe caifo naidánete. Afe mei ailli jino oreca fecíngotiai íemo ámatiai dainámaci digá abido jírite. Iemona afengo caade íaioimo izájide.

<sup>42</sup> Afefue nana Jope jófueimo jállecaide. Iemona aillo comíni Ocuíraimamo ínotiaioi.

<sup>43</sup> Afe mei Pedro digá irui afe jófueimo fiévide. Igorai ídiai jinítaraima Simón jofomo ífirede.

## 10

*Pedro Cornelio uáiduafue*

<sup>1</sup> Afe Cesarea jófueimo Cornéliona maméidimie ite. Afémie fuíríraíni áillogüelli illaima. Afe áillogüelli mámecei Italiano.

<sup>2</sup> Afémie naa dama íe comíniri Juzíñamuimo comecei fácajano caimare úrite. Afe llezica Juzíñamuimo ñue jacíruioido. Daje izóí aillo úcubena judúuaimo fecáfírede íaioi canóllena. Iemo Juzíñamuimo nágarui úrifírede.

<sup>3</sup> Ie mei daarui jítoma ana ítemo nicáírilla izóí cíode. Afe nicaí anado Juzíñamui abi ímie uáfodo cíode. Afe abi ímie jofo Cornelio illánomo jaide; jáillano íena daide:

—¡Cornelio! —daide.

<sup>4</sup> Cornelio afe Juzíñamui abi ímiemo jacíruiocana érocaillano jicánote:

—Ocuíraima, ¿bie minica?



Iemona abi ímie íena daide:

—O jicánua Juzíñamui jae jeire ote. Daje izói jítáidino o cánuafuliaina jeire ote.

<sup>5</sup> Mei jira Jope jófueo íññiai ore, Simón jírizaillena. Afémie jíáfodo mameina Pedro.

<sup>6</sup> Afe Pedro jíái Simón igorai ídiai jínitaraima. Afémie jofo monáillai fuédamo ite. Afe Simón Pedro o finóllifue omo llóite, —daí daide.

<sup>7</sup> Afe íemo úrite Juzíñamui abi ímie jáidemo, Cornelio mena tájitagamie jíríte. Ie mei ie abi ímíaiamona daa ñúfueo íñofírede fuíríraima jíríte.

<sup>8</sup> Nana Juzíñamui abi ímie íemo llogafue llua meífomo Jópemo íaioina orede.

<sup>9</sup> Afe jítiramoidruimo, nai afémaci iodo jailla llezica, Jópemo ánozidiaioimo, Pedro jáiciri illa llezica jofo emodo íbánimo Juzíñamuimo úrizaide.

<sup>10</sup> Aillo jufinaillamona güíacade. Mei íadi nai güille íaioi fínua llezica, nicáirilla izoide ciode.

<sup>11</sup> Afe nicai anado mona tújicaillana ciode. Afénomona áillue íniroi izóidena nágafene zicai ícoinoga ana éniemo agüñana ciode.

<sup>12</sup> Afe agüñega íniromo naga táide ríllenai ite, jáióniai féedunuiái diga.

<sup>13</sup> Iemona daa uai dáinana cacade:

—Pedro, náidacaillano fatá ríi, —daide.

<sup>14</sup> Jira Pedro uai ote:

—Jíi, Ocuíraima, ríñeíticue. Bácaca ríllena jaca ríñédicue. Daje izói íáirede ríllena ríñédicue naa rairuica rille diga, —daide.

<sup>15</sup> Afe uai nane dánomo íena daide:

—Naga Juzíñamui doga izói finoca rilleza íáire maméñeno iri, —daide.

<sup>16</sup> Afefue dacaiñoámami íemo íficaide. Ie meífomo afe íniroi meine abído monamo jaide.

<sup>17</sup> Nai Pedro afe nicáirillafueo comeci facáoide. “Afe cue ciónafue nie izói daífacade,” dáidemo, Cornéliomona orécamiíai nazemo náidazaíbitiaioi. Simón jofo jicánotiaioi.

<sup>18</sup> Dúciillano aillo uaido jicánotiaioi:

—¿Simóndímie bicomo ite? Afémie jíáfodo mameina Pedro, —daídiaioi.

<sup>19</sup> Nai Pedro nicáirillamo comeci facáoidemo, Ñuera Joreño íena daide:

—Cacai, damieámami o jenódiaioi.

<sup>20</sup> Náidacaillano ana billano jizire úriñeno íaioido jai, mei cue omo orécamiíaza, —daide.

<sup>21</sup> Mei jira Pedro jofo emódobanimona ana billano Cornelio orécamaci, nazemo náidaidinona daide:

—Cue omoi jenócamiedicue. ¿Níbái mei bitíomoi? —daide.

<sup>22</sup> Jira afémaci uai otaioi:

—Hlaima Cornelio cai ória jira biticai. Afémie ñúfueña nitácamié. Afémie Juzíñamuimo ñue jacíruioide. Nana judíuai íena ñue llíñotiaioi. Iena iere izírúituaioi. Juzíñamui abi ímie íena daide: “Jópemo comíni oreri Pedro uáidollena, afe mei o jofomo Pedro bílleza.” Jira o uáíbiticai. Dínomo Cornelio íena o daíacallifueña cácaite, —daídiaioi.

<sup>23</sup> Ie jira Pedro jofo íaioina ote. Afe naio ie diga fíébidiaioi. Afe jíáiruido Pedro afémaci diga jaide. Afe llezica Jópemo ite ámatiaimona íena nabáioicaidiaioi.

<sup>24</sup> Afe jíáiruido Cesaréamo dúcidiaioi. Dínomo Cornelio íaioina úíñote. Afénomo bíllena ie llogámaci ie comínimona, ie gaiga nabáíñiaimona dáanomo gairídiaioi.

<sup>25</sup> Afécomo Pedro dúcia llezica, Cornelio jino íena llíñuaíbite. Jino billano Pedro anamo dújude, ie cáimadollena.

<sup>26</sup> Mei íadi Pedro íena náidacaítano íena daide:

—Náidacai. Cue o izói énie ímiedicue, —daide.

<sup>27</sup> Nai afémie diga úrioina llezica, jofo jaide. Jáillano aillo gairídinona cíozaide.

<sup>28</sup> Jira Pedro daide:

—Jae onódiomoi, judío ímie ie íñuafuliaido jíáizie ímie diga nabáirínide. Daje izói ie jofomo jailla rairuírede. Mei íadi Juzíñamui jae cuena llófúete. Buna jíáimana comécina íáiredímie daíñide. Daje izói rofóciredímie jíáimana daíñide.

<sup>29</sup> Ie jira orécamiíai cue jírilla llezica nie izói daíñeno jarire bitícúeza. Mei jira níbai mei cue uáídotioza onócadicue, —daide.

<sup>30</sup> Ie jira Cornelio uai ote:

—Jae nagaámarui jáidemo, afe bie daje hóramo, benó cue jofomo güíñeno íticue. Aféruimo jítoma ja ana ítemo Juzíñamuimo comeci faíticue. Comeci faiano quenírede ínícuro jítáoidímie cuemo cíocaide.

<sup>31</sup> Afémie cuena daide: “Cornelio, o jicánogafuiaina Juzíñamui cacade. Afe llezica jítáiredinomo o cánuafuliaimo Juzíñamui comécíide.

<sup>32</sup> Jope jófuego ore Simón uájillena. Afémie jiáfodo mameina Pedro. Afémie jiáie Simón jofomo biruido ite. Jiáie Simón igorai ídiai jinítaraima. Ie jofo monailai fuédamo ite. Pedro dúcia o diga úrizaité,” daide.

<sup>33</sup> Daí raire ona jenótaticue. Jira o bille ñuera. Birui nana benomo Juziñamui uícomo iticai. Nana Juziñamui omo llotátaguai caimo o daíllena cacácadicaí, —daide.

*Pedro Cornelio jofomo llófuezeza*

<sup>34</sup> Jira Pedro ja úrillano daide:

—Ja birui Juziñamui jiáimana daa úradotatañedeza onódicue.

<sup>35</sup> Mei íadi nízimo itino íeri jácicaillano ñúfuedo úritinona Juziñamui íaioina llíinofiredé.

<sup>36</sup> Israel cómogimacimo Juziñamui úrite. Jesucristodo comeci caimare uái illafue íaioimo llote. Afémie nana nairai Ocuíraima.

<sup>37</sup> Nana judío éniemo comuídifuena ñue onódiomoi. Juan Bautista jino llujáilla mei, comíni báutizailla méfodo afefue Galiléamo como fueñe taineca.

<sup>38</sup> Nazaret ímie Jesumo Ñuera Joreño ríino Juziñamui ígaza onódiomoi. Afe Jesús ñúfue finócana jáillana onódiomoi. Afe izói nana Taife ríino anamo duere zefuídinona ie jillotafuina onódiomoi. Aféfuina daí finode Juziñamui ie diga jáicana jira.

<sup>39</sup> Nana Jesús judío éniemo finócafuai uai nabáiraímacidicaí. Daje izói Jerusalén jófuego ie finócafuai uai nabáiraímacidicaí. Ie méfomo cruzmo íena coráiano íena titádiaioi.

<sup>40</sup> Mei íadi Juziñamui daruíamani íllamona abido íena cáatate. Ie mei afémiena caimo cíocaitade.

<sup>41</sup> Nana comínido cíocaitañede mei íadi dani caimo cíocai, Juziñamui uícomo nizeca uai nabáiraímacidicaíza. Afe mei afémie tíllanomona meine abido cáanamona ie méfomo, afémie diga güiticaí; ie diga jiródicaí.

<sup>42</sup> Afémie Jesucristo rafue jino comínimo caina llotátate. Afe izói jiáfue caina ua nabáiritade. Afefue daide: “Juziñamui afe Jesús tíidino cáadino diga íaioi fiénidifuai jicánoítimiena ocuide. Cai aféfuemo uaina nabáitagamacidicaí.”

<sup>43</sup> Daje izói jaiaí ninómona nana uai lloraini Jesudo úritiaioi. Daidíaioi: “Nana afémiemo íinotino íaioi íáiredufue mona ie mámeido ñue dóficaitaioi,” daidíaioi, —daide.

*Judúuáñedino Ñuera Joreño como fueñe úicaigaiaioi*

<sup>44</sup> Nai Pedro úrioína llezica, ie úrillauaimo cacáreidimacimo Ñuera Joreño nana íaioimo ana bite.

<sup>45</sup> Jira Pédrodo bite ínote judúuai fáigacaidiaioi. Ñuera Joreño judúuáñedinomo daje izói úicaigafuéri fáigacaidiaioi.

<sup>46</sup> Jae jiáizie uáillaido íaioi úrillana cacádiaioi. Afe llezica Juziñamuimo íaioi íóbioinana cacádiaioi.

<sup>47</sup> Mei jira Pedro daide:

—¿Birui bu mei ráiruille bimaci báutizallena; mei daa cai izói Ñuera Joreño úicaigaiaioi? —daide.

<sup>48</sup> Iemona Jesucristo mámeido íaioi báutizazigaiaioi. Ie méfodo Pédrodo izire jicádiaioi: “Nano nígarui cai diga iri,” daidíaioi. Daí íena jeruídiaioi, nano nígarui íaioi diga íllena.

## 11

*Pedro Jerusalemite ínotinomo llogafue*

<sup>1</sup> Judéamo ite orécamaci ámatiaí diga, cómoicana jiáfufuena fidídiaioi. Afefue daide: Judíoñedimaci Juziñamui úrillauaina jae jeire otíaioi.

<sup>2</sup> Pedro meine Jerusalemite jáidemo, judúuaimona dámerie ínotino Pédroña zanódiaioi.

<sup>3</sup> Zánuno daidíaioi:

—¿Nibái judíoñedino uáiduaidio? ¿Nibái íaioi diga güitio? —daide.

<sup>4</sup> Ie jira Pedro afefue nanómona nana ie finócafuai llote; daide:

<sup>5</sup> —Jope jófuego cue íadi, Juziñamui úrifiredicue. Afe llezica nicai anado cíodicue. Afe nicai anado áillue íniroi izóidena monámona ana bíllana cíodicue. Aferoi nágafene zicáimo ícoinoga. Daí cue illánomo dúcide.

<sup>6</sup> Afemo ñue eródicue ie eromo ítinuina onóillena. Iemona afe eromo ite táicaide rílleniaina cíodicue. Afe dáanomo jacírede rílleniaina cíodicue. Daje izói afénomo jáizai, íemo féedinuiai diga íllana cíodicue. Nana afe ciona rílleniaí bácziga.

<sup>7</sup> Iemo daa uai cuena dánana cacádicue. Daide: “Pedro, náidacaillano afe ríllemona fatá rii.”

<sup>8</sup> Mei jira daidícue, “Ocuíraima, dama ite. Jaca nanómona cue fúedo iáiredena riñédicue bácaie diga.”

<sup>9</sup> Ie mei afe monámona cacaide uai dáanomo cuena daide: “Juzíñamui doga rílleza iáiredo daíñeno o iri.”

<sup>10</sup> Afefue dacaiñoámani meine íficaide. Afe meífomo dáanomo nana monamo meine jaide.

<sup>11</sup> Afe llezica daamieámani cue illánomo dúcide. Afémaci Cesaréamona cue jenóllena orécamací.

<sup>12</sup> Ñuera Joreño afémacido cuena orede: “Due jiza jiziñeno afémacido jairi,” cuena daide. Daje izói baie seis ámatiai cuedo jáidiaioi. Nana cai daaco jofomo jáidicai.

<sup>13</sup> Afémie Juzíñamui abi ímiena ie jofo eromo ie ciónafue caimo llote. Afe Juzíñamui abi ímie náidaillano iena daide: “Jope jófuego nano nígamie ore, Simón jírizaillena. Dáamie jáífodo mameina Pedro.

<sup>14</sup> Afémie ona daáiteza, nie izói o nana o comini diga jíllotioza,” daide.

<sup>15</sup> Cue fueñe íaioimo úrizalla llezica, Ñuera Joreño imaci acónimo bite, nano fueñe cai acónimo billa izói.

<sup>16</sup> Mei ímona Ocuíraima daináfuego úbicaidicue. Afefue daide: “Uáfueña Juan fia jáinoido báutizade, mei íadi Ñuera Joreño úcaigamacina ítiomoi.”

<sup>17</sup> Mei jii Ocuíraima Jesucrístomo cai ínuano Juzíñamui caimo iga Joreño, bimácimo Juzíñamui íacade. Afena fidíillano Juzíñamuido jarífeicana úriacañedicue. Jamai cómedicueza, —Pedro daí daide.

<sup>18</sup> Mei ie jira Jerusalemo ite ámatiai aféfuiaina fídia llezica, llícaidiaioi. Llícaillano Juzíñamuimo caimátaidiaioi. Daidíaoi:

—Ua afe izói judíoñedimacimo íaioimo fieni itífue méidollena jae Juzíñamui íaioimo fecade. Afemona daí jaca zíñona cáaillinona íaioimo ite.

#### *Antioquíamo ite Juzíñamuimo ínote garídino*

<sup>19</sup> Esteban íaioi faa llezica, jíaie ínotimacimo duere finótatiaioi. Dáarie Fenicia éniemo botádiaioi; jíáimaci Chípremo Antioquía diga botádiaioi. Dinomo afe ñúfue dani judíuai namácimo llotíaoi. Jáimacimo llóñega.

<sup>20</sup> Mei íadi dáarie Chípre imaci, Cirene imaci diga ínotino Antioquía jófuego dúcidiaioi. Dúciillano judíoñedínomo úritiaioi. Afemona Ocuíraima Jesús úrillauai íaioimo llote íaioi jílloilena.

<sup>21</sup> Afe llezica Ocuíraima ríino íaioimo ite. Mei daí aillo comini nano íaioi íaiaí ínogafuiaí fáicanocaillano Ocuíraima Jesumo ínotiaioi.

<sup>22</sup> Afefue Jerusalemo ite ínotínomo jállecaide. Iemona afémaci Bernabé Antioquíamo orédiaioi.

<sup>23</sup> Bernabé dúciillano, Juzíñamui cáimadogamací izói ciode. Aferi afémie iere íóbicaide. Nana íaioi llófuete; daide:

—Nana cai Ocuíraimana fáicanocaiñeno ie llogáfuego jáicína omoi comécíiri, —daide.

<sup>24</sup> Afe Bernabé comécina fígomie, Ñuera Joreño úcaigamie. Afémie Jesucrístomo izire ínofiredimie. Daí aillo comini Ocuíraima Jesucristo iena náamatade.

<sup>25</sup> Afe meífodo Bernabé Társomo Saulo jénuaide. Baillano Antioquíamo iena úite.

<sup>26</sup> Dinomo daa fimona namónaze ínotino cígimo ñue fuitáiaillinoi. Afénomo aillo comini llófuete. Afe Antioquíamo ínotino como fueñe Crístomo jaináidinona ja mamécaiaioi.

<sup>27</sup> Aféruillaido dámierie Juzíñamuimona llínoga uaillai lloráimaci Jerusalémana Antioquíamo jáizaide.

<sup>28</sup> Afémacimona dámie Agábona mámediredimie. Nana ínotino cígiri náidaillano daide:

—Nana bie éniemo aillo jamánomo júbie biite, —daide.

Ñuera Joreño ie comécimo llúamona afefue jino llote. Afe júbie daí bite Claudio illáimana illáruillaido.

<sup>29</sup> Ie jira Antioquíamo ite ínotino comeci facádiaioi Judéamo ite ámatiai canóllena. Naga come íaioimo ite úcube díerize bai jónetiaioi.

<sup>30</sup> Afe daí ñeta, Bernabé Saulo íaillínoido afe iráica úcube Judéamo ite ínotino illáicomínimo orédiaioi.

## 12

### *Santiago tíllafue Pedro llavínafue diga*

<sup>1</sup> Aféruillaido Juzíñamuimo jaináidino duere finóllena illaíma Herodes nane jénuaide.

<sup>2</sup> Iemo Herodes Juan ama Santiago lloéfaido titátate.

<sup>3</sup> Afémie titátari judíuai iere ióbidiaioi. Aféfuena Herodes fidínamona nane Pedro lláitajide. Ja birui iráizillarullai. Afe iráizillarullaido fáitañega pan güítiaioi.

<sup>4</sup> Pedro llaitada mei Herodes llavéracomo íena íbaicuaide. Dinomo cuatro dígagüelli íena úííotiaioi. Naga afe güéllimona cuatro dígamírie llazíriraini ite. Herodes comeci facade pascua rafue meífodo Pédrona jino comínimo cíotallena.

<sup>5</sup> Ie jira Pedro llavéracomo llaveda ñue úíñoga. Mei íadi Juzíñamuimo gairídino íemo izire Juzíñamuimo jicáoidiaioi.

*Juzíñamui Pédrona llavéracomona jino oreca*

<sup>6</sup> Herodes Pedro jino comini uíecomo óiacanarui uícodo, afe naio Pedro llavéracomo inide ñue úíñoga. Nágafero onoi llóejina maiga úíñoraima íaillinoi jaináoigari inide. Afe llezica jíáie úíñoraima íaillinoi jino llavéraco naze úíñoide.

<sup>7</sup> Iemo Juzíñamui abi ímie raire cíocaizaíbite. Afe llezica llavéraco ero úzerecaide. Juzíñamui abi ímie Pedro ciraigi teténote íena cazítate. Cazítano íena daide:

—Mai raire náidacai, —daide.

Iemona llóejillai Pedro ónoimona ana cocide.

<sup>8</sup> Afe Juzíñamui abi ímie íena daide:

—Mai o ciraigi tirínorafe jofo riire tirino.

O éiba ico jita, —daide.

Pedro daíí abi fínua llezica Juzíñamui abi ímie íena daide:

—O emodo jítaca áreoi jitada, cuedo bi, —daide.

<sup>9</sup> Iemona Juzíñamui abi ímie ódana Pedro jaide. Afe abi ímie finócafue Pedro onóñedeza; nibai uafue nibai táínofue. Comeci facáide: “Nícaí anado ciona izóidífueña cíódicue.”

<sup>10</sup> Mei íadi fuéñeide jóonetimiemona bai jújicaillano báifeicana jóonetimiemo dúcídíaillinoi. Ie mei afémiemona jújicaillano bai nazemo dúcizaidiaillinoi. Afe naze íbaira lloébani. Dúcídíaillinoimo afe naze íbaira daingo tújicaide. Jino jáillano bai iodo daallu macádíaillinoi. Ie mei Juzíñamui abi ímie íe fiénocaid.

<sup>11</sup> Iemona Pedro ñue onócaillano daide:

—Íco iere uáfueza. Juzíñamui abi ímie cuemo orede Herodes cue llavéinamona cue zúitállena. Afe izói nana judíuai cue duere finóacanafuemona cuena zúitaíbite, —daide.

<sup>12</sup> Aféfuemo comécillano Juan ei María jofomo jaide. Afe Juan jíáfodo mameide Marcos. Afécomo aillo comini Juzíñamuimo iere úrillena gairídíaioi.

<sup>13</sup> Pedro afeco abi íbiri llaveca nazemo náidazaide. Náidáillano jofo ero imaci júrite. Iemona Ródena mámeicerede ringoza bu billa daíllena eróizaide.

<sup>14</sup> Mei íadi Pédrona uáimona onóillano, nazena tuiñoñeno, ióbicaillano meine jofo aizida llujáide:

—Pedro nazemo dúcina, —daízaide.

<sup>15</sup> Jira íena daidíaioi:

—¡Uáiritaidio!

Mei íadi afengo daide:

—Uáfueña ñue lloticue; uáfueña Pedro dinomo ite, —afengo daífoide. Mei íadi afémaci íinoñeno daidíaioi:

—Pédroñedeza; fia íe joreño, —daidíaioi.

<sup>16</sup> Mei íaioi úrioina llezica, Pedro nazemo nai júrioid. Afe meífomo naze tuiñoða íemo érocaidíaioi. Erocaillano jacínaitiaioi:

—Ua meita Pédrodio, —daidíaioi.

<sup>17</sup> Mei íadi ónoido:

—Mai omoi úriñeno, llíicai, —daide. Iemona Juzíñamui llavéracomona íe zúitafue llote. Iemo íaioina daide:

—Bífue Santiágo lluájiri nana jíáie ámatiairi, —daide.

Ie meífodo jino jaillano oni jíáinomo jaide.

<sup>18</sup> Jae monázaidemo, llavécano úíñorainimo aillo riire júfidotiaioi, mei onóñediaioiza; daidíaioi:

—Benó cai úíñoga Pedro çniné jaide? —daidíaioi.

<sup>19</sup> Herodes Pédrona íaioina jenótate. Iena íaioi baíñénamona, nana úíñorainimo jicájicanode. Ie mei Herodes afeúíñoraini fatátate, Pedro íaioi botata jira. Afe mei Herodes Judéamona jae oni Cesaréamo jaiánite.

*Herodes tíillafue*

<sup>20</sup> Jae Herodes Tiro comini Sidón comini diga íaioiri ícíríoid. Mei íadi afémaci dani comeci facádíaioi íe uíecomo cíozabillena. Illaima Herodes jabóidillaima Blasto. Afémiena

fairíotarediaioi íaioiri ñue nabáirillena. Afémiedo ñue caimare illifue Heródemo jicádiaioi. Ua izire jicádiaioi, íaioi güillenai, illaíma Herodes éniemona íaioi ofirena jira.

<sup>21</sup> Te jira Herodes íaioimo úrizaiirui íaioimo lloste. Aféruimo ebírede illaíma iniroi jítano illaíma ráiiranomo ráinade. Daíí ñiano are íaioimo úrite.

<sup>22</sup> Mei íemona comini caillíoicana íena daidíaiói:

—Bie úritimie ía cómeñedeza, afémie Juzíñamui, —daidíaiói.

<sup>23</sup> Afe llezica Juzíñamui abi ímie Heródena iráretade Juzíñamuimo ñúfueña nitátañena jírari. Iemona afe Herodes aíáide tílla.

<sup>24</sup> Iadi Juzíñamui lloga uai oni jalléicaide. Afe jalléinamona náganerie fidídiaioi.

<sup>25</sup> Bernabé Saulo diga íaillinoi afe úcube íiaillano meine abido Jerusalémoma bitíaiillinoi. Aféillinoi bite dáamie, Juan dainámie. Dáamie mámece Márcona.

## 13

*Bernabé Saulo diga como fueñe nágagobai llócaidiaillinoi*

<sup>1</sup> Antioquíamo ite gairíracomo nano niga uai jino llóraini ite naa llófueraniri. Afémaci mámeceia: Bernabé, Simón, Cirene ímie Lucio, Manaén, Saulo dígamiediaioi. Simón jíáifo mameina Negro. Galilea illaíma Herodes Manaén diga, dáanomo comuídiaillinoi.

<sup>2</sup> Aféruillaido afémaci güíñeno Juzíñamuimo caimátaidiaioi. Iemo Juzíñamui Ñuera Joreño íaioina daide:

—Bernabé Saulo diga oni eneno nizeri, cue ocuica raa íaillinoi jetállena.

<sup>3</sup> Güíñeno Juzíñamuimo úrilla meífodo éinamaci íaillinoína ónoido ézicita, daidíaiói:

—Maí, ómicoi jairi, —daidíaiói.

*Orécamaci Chipre éniemo llófuiaidiaioi*

<sup>4</sup> Te mei daíí Ñuera Joreño íaillinoimo llúajillamona oni Antioquíamona Selúciamo jáidiaillinoi. Dinómona áillocaedo monaillai cigi záfedu Chipremo jáidiaillinoi.

<sup>5</sup> Salamina ígobemo dúcizaidiaillinoimo judío llófueriracomo Juzíñamui uailai jino llotíaiillinoi. Afe llezica Juan íaillinoi canócana nabázaide.

<sup>6</sup> Nana Chipre éniemo llócaidiaioi. Írainomo Pafó jófueño dúcidiaioi. Dinomo judío aima Barjesuna mámece redimie baizájidiaioi. Afe aima táinona llófuefiredimie. Afémie daíífirede: —Juzíñamui dibéñedo úriticue, —daide.

<sup>7</sup> Afe aima ocuídillaíma Sergio Paulo dígamie dáanomo itíaiillinoi. Afe Sergio ráfueña ñue onódimie. Aféllaíma Bernabé Saulo diga jíiritade Juzíñamui uailai cacáillena.

<sup>8</sup> Mei íadi afe aima Bernabé Saulo diga llogáuai uáitano zanode. Ocuídillaíma ínuana aima rairuíacade. Afe aima jíáfodo mameina, Elimas.

<sup>9</sup> Saulo jíáfodo mameina Pablo. Afe Pablo Ñuera Joreño úcaigamie. Aima dáinana cacáillano íemo riire érocaillano

<sup>10</sup> daide:

—jíáíma jífuetimiedio! Íáiba Taife jítodio. Nana ñúfueña uáitaraimadio. ¿Níbái mei ñuera Juzíñamui lloga uai oni cáitano féitaacadio? ¿Níbái mei o táinofuiaína fáicanocaiñeno jino llóllodio?

<sup>11</sup> Mei jabe Ocuíraíma Jesucristo riire ona duere fínoite. O ui nírite. Nano nígarui jítoma egáíñuana cíóñeítio, —daide.

Daíí dáinamona ie ui nírbicaide. Jae jítidíne taino mellécade. Dáamie íena ónoido jainátacana úite, ie ui cíóñena jira.

<sup>12</sup> Ocuídillaíma Sergio Paulo áfena cíóillano, llogáuaina ñue ínote, mei Juzíñamui llófueinamo jacíruioicana aféuaimo ñue eroide.

*Pablo Bernabé diga Pisidia éniemo ite Antioquía jófueño jáidiaillinoi*

<sup>13</sup> Pablo ie nabáíñiai diga nocaedo Pafó jófueñoma jáidiaioi. Dinómona Panfilia éniemo ite Perge jófueño jáidiaioi. Afénomo Juan íaioína fiénocaillano abido Jerusalemoma jaide.

<sup>14</sup> Pablo ie nabáíñiai diga afe Pérgemo dúciillano, Pisidia éniemo ite Antioquía jófueño arido jáicina jáidiaioi. Dinomo ocózinaillarui llófueriraco eromo ráinazaidiaioi.

<sup>15</sup> Ocuícafuiai illánicomona fueñe facádotiaioi. Ie mei Juzíñamui uai jino lloránicuaimona facádotiaioi. Afe facádua fúillamona llófueriraco illaíni íaillinoína daidíaiói:

—Amatíai, ómicoi cacai. Omicoi llóicaigafuiai íadi comini cacáilleza jino ómicoi llóoiri, —daide.

<sup>16</sup> Mei íemona Pablo náidacaillano, ónoido comíina llúcaítade. Afe mei íaioína daide:

—Ísrael nairai, omoi cácarei. Daje izóí Juzíñamuína jacíruioidino, omoi cácarei.

<sup>17</sup> Israel nairai Juzíñamui cai jáiairagima nana íaioina nizede. Iemona Egipto éniemo ónoñegamacina íaioi illa llezica, aillo nairaina afémie jebuitate. Afe mei aféniemona dama íemo ite ie ríinodo íaioina oni ote.

<sup>18</sup> Ua mei Juzíñamui comeci jitáinafue nai figo fuitáñediaioi, mei íadi afe táizicimo cuarenta diga fimona Juzíñamui íaioina zófeñeno úiñote.

<sup>19</sup> Afe mei Canaan éniemo ite siete nairai Juzíñamui niné táinocaitaga, afe énie cai jáiairagima maiñóllena.

<sup>20</sup> Afe meifodo diga riire jicánoraini cuatrocientos cincuenta fimona ocuíaiaioi. Ua ocuíaiaioi uai llóraima Saúel illáruimo.

<sup>21</sup> Ie mei íaioina ócuite ríillaima jicádiaioi. Jira Juzíñamui Saúl cuarenta fimona afémaci illáimana jóonete. Afe Saúl Cis jító, Benjamín nairai ímie.

<sup>22</sup> Afe mei Juzíñamui Saúlna oni orede. Oni óriano David illáimana ie meifomo jóonete. David ífuedo Juzíñamui úrite; daide: “Cuen a íóbitadímie David baiticue. Afémie ísaí jító. Nana cue jitaiga raana jetáfírede,” daide.

<sup>23</sup> Afe David cómogimamona Jesús jococa. Afe Jesús Juzíñamui uícomo daináuai izóí Israel nairai jíllotaitimiena íaioi cígíconi Juzíñamui comuítate.

<sup>24</sup> Jesús comínimo nai abi báifitañenia Juan nana Israel nairaimo jino llote; daide: “Nana omoi báutizarediomo. Omoi comeci ífuiai mai ñúefuena méidoziri.”

<sup>25</sup> Juan uícodo llófuiaillafue fúiacademo, daide: “Omoi comeci fácamieñedicue. Jamáimedicue. Mei íadi cue meifodo bitímie cue baímo baitádimie. Afémie idai ico igaina zuitánidicue, (jiba jamáimedicueza),” daíí Juan daide.

<sup>26</sup> ‘Cáimaci, omoi cácarei. Abraham nairai urúcidíomoi;za; mai cácarei. Omoi mona Juzíñamuina jacirioidino, omoi cácarei. Bie ñue jíllotaitiui omoie.

<sup>27</sup> Mei Jerusalem itino íaioi illáiniri Jesús nahí ífuena fidíñediaioi. Daje izóí naga ocózinairuimo facádoga uai llóraini llogáuailaina cacádiaioi, mei íadi aféuai daináfueña onóñediaioi. Aféuailaina íaioi onóñenado Jesús duere finótatíaoi. Daíí jaiái ninomo mamécáfuiái afémiemo fuitádiaioi.

<sup>28</sup> Afe Jesús fatátallífueña due jiza jaca baiñédiaioi; mei íadi Pilátomo ie fatátallena jicádiaioi.

<sup>29</sup> Afe mei nana afémiedo Cuegáuailaimo jaiái ninomo lloga uailái fuitádiaioimo, crúzmona íena ana otá íena raíájdídiaioi.

<sup>30</sup> Mei íadi Juzíñamui tíllanomona íena meine cáatae.

<sup>31</sup> Afe mei diga irui íllamona Galiléamona Jerusalemo ie diga jáicadinomo Jesús íaioimo cíocaide. Afe íedo jáicadino ja birui comínimo afémie llócaigafue llotíaoi.

<sup>32</sup> ‘Juzíñamui cai jáiairagimamo uícomo llogáuaido úrite. Ñúefuedo úrite. Ja birui afe ñúefue ómoimo llotícai.

<sup>33</sup> Ja cai bie afémaci cómogimadícai. Ie jira afémie uícodo llogáuai ja caímo fuilla. Afe uai daide: “Jesucristo tíidena meine abido cáataitícué.” Daíí rúanicomo cuega; segundo ruamo cuega; llote: “Cue jítódio. Birui ona cáataticue.”

<sup>34</sup> Diga ícaíño Juzíñamui ie cáailífueña llote. Ua tíllanomona íena cáataite, ie íeizi jaca ninomo rífaíñeillena. Juzíñamui aféfuena jaiái ninomo Cuegáuailaido daide. Afe uai ie jító Jesúsna daide: “Davidmo uícodo cue uafue lloga ñue cáimafuiái nahí omo jainaide.”

<sup>35</sup> Ie jira rúanicomo jáíruado daide: “O izíruiga ñue canódimie íeizi ráiruitio ie rífaíñeillena,” daide.

<sup>36</sup> Afe David ie llezica ígímana ñue canode, Juzíñamui ie ocuilla izóí. Afe meifomo David tíllano ie uzútiái cígimo íena raíájdídiaioi. Iemo ie íeizi rífaide.

<sup>37</sup> Mei íadi Juzíñamui cáatagamie íeizi rífaíñede.

<sup>38</sup> Cáimaci, omoi cacai. Afe bie rífaítañeno cáatagamie Jesudo omoi fíénidífuiaí iba óñeillífue ja ómoimo jino lloga.

<sup>39</sup> Afémiedo nana íena ínotino nana íaioi fíénidífuiaimona dófcaitíaoi. Mei íadi Moisés ocuícáfuiái cai fíénidífuiaimona caina zuitáñede, mei cuinaca izóí jaináidícai.

<sup>40</sup> Ñue abi omoi rairuiri uai jino llóraini cuega mamécáfuiái ómoimo báíñeillena. Afe mamécáfue daide:

<sup>41</sup> Ínoñeno uáitaoidino, omoi cácarei; cacáíllano áferi omoi jacínaiíficairi.

Iemona niné táinocaitíomoi;za, aféruillaido jamánomo ñue jácifue cue fínua jírrai.

Aféfuena dámie ómoimo lloía, íadi áfena ínoñeitiomoi;za, —daide.

<sup>42</sup> Pablo ie nabáíñairi judío garíracomona jino jáidíaoi. Jáidíaoimo judíoñedino jocócaiaioi íaioimo aféfuena meine abido íaioimo llúaíbillena jicádiaioi. Afe úreite ocózinairuimo meine llúaíbillena jicádiaioi.

<sup>43</sup> Afe llófuera como íaioi gairilla záillamona aillo judíuai Pablo llogafue jíeruitaioi. Iemona Pablo Bernabé diga íaillinoído jáidiaioi. Daje izóí aillo judío onóigafuena jeire otino íaillinoído jáidiaioi. Pablo, Bernabé diga íaioimo llotē:

—Mai Juzíñamui caina izíruillafuemo nágarui aféfuemo ñue omoi coméciiri, —daide.

<sup>44</sup> Siete dígarui íllamona ocózinaillaruimo, nana jofue comíni dáanomo gairídiaioi, Juzíñamui uaillai cacáreillena.

<sup>45</sup> Mei aféuemo aillo comíni gairíllana judíuai cíóillano, úrioina izóí itíaioi. Aféuemo Pablo uaillai uátano íena báíñotiaioi.

<sup>46</sup> Ie mei Pablo Bernabé diga abi mámano íaioina daide:

—Judíuai, bie Juzíñamui uai fueñe ómoimo llole iere jítaírede; mei íadi ja aféfuena óacañediomo; afe ícoínia zíñona cáallinona llínoñeithomoi. Ie jira ja birui judíoñedinomo jáiticaí.

<sup>47</sup> Mei jira Juzíñamui daí caina llotátate; Juzíñamui daide:

Cuedo náiraina fidítaraimana o mamédicue.

Nana énie íraíno imaci ñuera jíllonafue llóraimana íitio.

<sup>48</sup> Aféfuena cacáillano judíoñedino íóbicaídiaioi. Íaioi úrilla fueñe táinia llezica:

—Juzíñamui uáillaina jamánomo ñuera, —daídiaioi.

Afémacimona aféfuena ínotino aillo ite. Zíñona cáatatinona llínoítinona mamécaiaioi.

<sup>49</sup> Iemona Juzíñamui uaillai nana afe énie náiraido jae ñue jalleide.

<sup>50</sup> Afe jófuemo Moo Juzíñamuimo izire jaináiacade ringóniaymona dáingorie ite. Afe ringóniaí illaingo izóídingotiaí. Judíuai afe ringóniaimo úrite, Pablo afe jófueмона oní oréllena. Daje llezica judíuai afe jofue illáinimo daje izóí úrizaidiaioi. Íaioi comeci fiēni fínua jira, jíaie Páblona duere finócanafue comuízailla, Bernabé diga. Afe jófueмона oní íaillinoí orédiaioi.

<sup>51</sup> Afe ória meífodo afe íaillinoí eiba íco íaie íaioimo teténote; afe teténufue baimaci comeci íaifuaímo íteza, daííacade.

Daíí ñiano Iconio jófueмо jáidiaillinoí.

<sup>52</sup> Mei íadi Jesús llogáfueмо ínotino iere íóbíodiaioi. Afe llezica Ñuera Joreño úcaigaiaioi.

## 14

### *Pablo Bernabé diga Ícóniomo itíuillinoí*

<sup>1</sup> Ícóniomo dúciillano judío llófuera como daane jofo jáidiaillinoí. Dinomo jamánomo ñue úritiaillinoí. Afemona aillo judíuai Jesumo ínotiaioi; judíoñedinomona daje izóí aillo afefue ínotiaioi.

<sup>2</sup> Mei íadi ínoacañede judíuai jíaie judíoñedino comeci íaire finódiaioi. Daíí Páblona Bernabé diga éoícana eróidiaioi.

<sup>3</sup> Ie jira dinomo diga irui ñue jaícina jacíruiñeno Ocuíraima Jesús mámeçido llófuetaíllinoí. Afe llezica Juzíñamui dama ie ñue riño íaillinoimo fecade. Afemona onótate ráaniaí cíorainina ráaniaí diga finódiaillinoí. Afénaído íaillinoí lloga Juzíñamui caina izíruillafue Juzíñamui ñue comínimo fidítate.

<sup>4</sup> Mei íadi jofue comíni bózietaídiaioi. Dáarie judíuai dibénemo jaináiacadiaioi. Jáímaci Pablo Bernabé diga dibénemo jaináiacadiaioi.

<sup>5</sup> Afe meífodo ínoacañede judíuai jíaie judíoñedino diga naa íaioi illáiniri nofícina íaillinoí níjiacadiaioi. Daíí íaillinoína duere finócadiaioi.

<sup>6</sup> Mei íadi aféfuena orécamaci úicodo fidídiaioi. Fídiano Pablo Bernabé diga Licaónia éniemo botádiaillinoí. Dinomo ménagobemo macáoidiaillinoí, Litra Derbe diga naa afe ánorí itíniaído.

<sup>7</sup> Dinomo ñue jíllonafue llotíuillinoí.

### *Lístramo Pablo nofícina níjidiaioi*

<sup>8</sup> Iemo Lístramo macáñede aidaíma ite. Ie jocóinanomona tízitaite izóí macáñede. Jaca ie macánina jira dinomo ráíide.

<sup>9</sup> Afémie Pablo daínáfueмо ñue cacáreide. Iemona Pablo íemo érocaíllamona, tízitaitimie ñue ínuana Pablo coméçido fidide. Ie ínuamona afémie jíllorede.

<sup>10</sup> Iemona Pablo íena riire daide:

—O ídaído caífo jaícina naídai, —daide.

Afénomona afémie tícacáillano náidacaide; náidacaillano como fueñe máçajide.

<sup>11</sup> Daíí Pablo finócafuena cíóillano, nana comíni Licaónia uáillaido caillíocana daídiaioi:

—Juzíñamuillai jamai comíni izóí ana cai çigimo billa! —daídiaioi.

<sup>12</sup> Bernabena Júpiter juzíñamui daidíaiói; Páblona Mercurio juzíñamui daidíaiói, jamánomo ráfuiai llotímiena jira.

<sup>13</sup> Júpiter gairíracó naze fueri ite. Afeco úiñotimie juráretuai atide naa amena záfaiaí digá. Afémie naa comíni íaillinoimo cáimadoacadiaíói. Juráreto fáillemona íaillinoína íóbitaacadiaíói.

<sup>14</sup> Mei íadi orécamaci Pablo Bernabé digá fidíiaillinoí. Aféfuena fidínamona, incuiri cúatacaillano, comíni cígimo jáidiaillinoí. (Afe iniroí cuata daííacade íaillinoí comeci jamánomo ríicaide.) Jaillano caillíoicana daidíiaillinoí:

<sup>15</sup> —¡Nana omoi, cácarei! ¿Nibái bie izóí finódiomoi? Coco omoi izóí jiba cómedicoco. Nñúefue ómoimo atídicoco. Afe bie táinofuiai omoi fáicanocaillena lluaíibiticoco. Fáicanocaillano, ua caade Juzíñamui dine omoi jáillena daí lluaíibiticoco. Afémie mona, bie énie, monáillaí dieze finode naa íaioimo itínuiaíri.

<sup>16</sup> Jáiaíragima illa llezica nana nairai íaíoi comeci jitáillafodo macáoidiaíói. Aféruillaído Juzíñamui íaioína lletáñede.

<sup>17</sup> Mei íadi Juzíñamui ñúemie ífuena ñue ómoimo finócafuiaído ómoína fidítafirede. Ua ñue nocina ómoimo bítafirede. Nana aménaíai llizíllajiaína ómoíri llizítate. Afedo omoi güille ñue ite, omoi comeci íóbillena, —daí úrite Pablo.

<sup>18</sup> Mei nana afe daííauaillai daina íadi, nana comíni íaillinoíri juráretuai nai fáiacadiaíói. Íadi ícoimo afétuai íaíoi faana féitataíiaillinoí.

<sup>19</sup> Afe mei Antioquíamona Icóniomona dáarie judíuai dúcizaide. Litra comínimo júfiduano Pablo fállena mamédiaíói. Iemona Páblona nofíciaina njídiaíói. Njíano jofue jinófenemo íena zonóicaídiaíói. Comécido daidíaiói: “Nibai tíide,” daide.

<sup>20</sup> Mei íadi ínotino íemo gairídiaíomoi Pablo náidacaillano meine jófuemo jaide. Afe jítramoídíruido afémie Bernabé digá Dérbemo jáidiaillinoí.

<sup>21</sup> Dinomo jíllona uailai jino llotíiaillinoí. Afe jófuemo aillo comíni Jesumo ínotiaíói. Afe mei meine abído Lístramo, Icóniomo íemo Antioquíamo dieze jáidiaillinoí.

<sup>22</sup> Nana afénuiaí jofue ínotínuiaí ñue caímare íocíretadiaíillinoí. Ñue jaícina ínuafuedo íaíoi jáillena llófuetaíiaillinoí. Iemo íaioína daidíiaillinoí:

—Juzíñamui illáimana illáruimo caí jáillena, aillo afe facátafuiai íere caímo jítaírede, —daide.

<sup>23</sup> Afe llezica naga gairíracuaimo ócuíte illáínina mamédiaíillinoí. Afe mei güíñeno Juzíñamuimo íere úrilla meífomo nana como ocuídíllainina mamécamaíai Juzíñamui úíñuamo jóonetiaíillinoí, Juzíñamuimo ñue íaíoi íñua jira.

*Pablo Bernabé digá íaillinoí nano billánomo abído jáidiaíillinoí*

<sup>24</sup> Afe meífodo Pisidia éniemona jaillano Panfilia éniemo dúcíaíiaillinoí.

<sup>25</sup> Perge jófuemo jíllonafue llotíiaillinoí. Afe llua meífomo Atalia jófuemo jáidiaíillinoí.

<sup>26</sup> Dinómoma Siria éniemo ite Antioquía jófuemo nocaedo ruica jáidiaíillinoí. Nauí afe jófuemo ite ínotino íaillinoína Juzíñamuimo jóonetiaíói. Daíí finódiaíói jáíe nairai ñúefuena llófuiaillena. Ja biruí afe tájina fuilla.

<sup>27</sup> Antioquíamo dúcíaíiaillinoímo, nana ínotino Juzíñamui garíracomo gairídiaíói. Gairídiaíomoi Pablo nana Juzíñamui íaillinoído finócafuiai jino íaioimo llote. Afe llezica judíoñedinomo Juzíñamui ñue jíllolle ío como túíñua llotíiaillinoí. Afe izóí áfemo afémaci íñorediaíói.

<sup>28</sup> Afe meífomo Pablo Bernabé digá ínotino cígimo are digá iruí itíiaillinoí.

## 15

*Ínotino illaini Jerusalemo gairídiaíói orécamaci digá*

<sup>1</sup> Aféruillaído dáarie íñíai Judea éniemona Antioquíamo ite ínotino llófuiaíbite. Íaioína daidíaiói:

—Moisés ocuica íza bacano ícoí quétafuena omoi finóñenia, jíllóñeítiomoi, —daidíaiói.

<sup>2</sup> Ie jira Pablo Bernabé digá íaioimo rírede uaíllaído úritíiaillinoí aillo júduafuiai digá. Iemona Antioquíamo ite ínotino Pablo, Bernabé, jáíamaci digá nizédiaíói, Jerusalemo ite orécamacimo aféfuena jícánuaillena; daje izóí Jerusalemo ite Juzíñamuimo gairídino illáínimo jícánuaítiaíói.

<sup>3</sup> Mei daíí nízia mei Antioquía ínotino afe nizécanona orédiaíói. Afe oréinamona, Fenicia éniédo Samaria énie digá jáidiaíói. Jaillano judíoñedino íaíoi jaíai llóínauaillai féitano Juzíñamui díbénedo jáíllafue llotíaiói. Nana ámatiai aféfuena cacáíllano íere íóbidiaíói.



<sup>4</sup> Pablo Bernabé diga Jerusalemo dúcidiailinoimo, Juziñamuimo gairírdinodo caimare uáidogaiaillinoi. Daje izói orécamací naa gairírdino illáiniri íaillinoína caimare uáidotiaioi. Dinomo Juziñamui íaioiri finócafuaí íaioimo jino llotíaiillinoi.

<sup>5</sup> Mei íadi fariséuaimona dáarie ínotino caífo naidáillano íaioína daide:

—Ínote judíoñedinomo afe caí izói quetáinafue jítáirede. Afe emódomo Moisés ocuífue ñue ínollena jítáirede, —daidiaioi.

<sup>6</sup> Iemona orécamací naa ínotino illáiniri aféfuena ñue onóillena gairírdiaioi.

<sup>7</sup> Aféfuai are íaioi júfidua meífomo, Pedro caífo náidaillano daide:

—Amatai, omoi cácarei. Naui Juziñamui cuemo finócafueña onódiomoi. Juziñamui omoi cígimona cue nizeda judíoñedino cígimo orede. Ua cuena nizede afémacimo ñue jillonaíue uailai cue llúaíjillena; áfemona afémaci aféfuaiña ínotiaioi.

<sup>8</sup> Cai comécina onode Juziñamui cuemo llote: “Afe judíoñedinona ñue llínoíticue,” daide. Afemona Ñuera Joreño íaioimo fecade caimo ie feca izoi.

<sup>9</sup> Juziñamui cámona afémacimo jíáfodo finóñede. Íaioi ínuado íaioi comeci íaí fue Juziñamui oni dote caie ie dua izoi.

<sup>10</sup> Mei birui ¿níbái mei Juziñamui finócafue jeire oñédiomoi? ¿Níbái mei baie ínotino jamánomo riire ocuífado? Afe ocuínafueña caí, caí jáiairagima diga finóndicai.

<sup>11</sup> Mei íadi jíáfodo ínoticai, caí jilloillena. Ocuíraíma Jesús caimo dúecaide. Afemo caí ínuamona íbáñeno jillobicaidicai. Afe izói judíoñedino Jesumo ínuamona íbáñeno jillobicaidiaioi, —daide.

<sup>12</sup> Mei jira afémaci llícaidiaioi, Bernabé Pablo diga llogáfueño cacáreillena. Nana judíoñedino cígimo Juziñamui finócafuaí llotíaiillinoi. Dinomo íaillinoído uaido finoca onótate raa cíorainina raa diga Juziñamui finode. Aféfuai jino llotíaiillinoi.

<sup>13</sup> Íaillinoi llogafue fúillamona, Santiago daide:

—Amatai, cue dáinamo cácarei.

<sup>14</sup> Simón Pedro jae Juziñamui judíoñedinona como fueñe íaioína izire canóinaíue caimo jino llote. Juziñamui jae judíoñedimacimona dáazie como níziaíbite dama ie náiraína.

<sup>15</sup> Afefue ua Juziñamui jaiaí uai llóraini cuegáfuaímo jáicína dájena jóobide. Afe Cuegáuai daide:

<sup>16</sup> Bífue mei, meine bíiticue.

Ua David jaiaí nairai, júdaizitaga íadi, meine dáaziena jofo gairítaiticue.

Aféziemona due fiébidino jaiaí íaioi ízaina izói meine jebuitaiticue.

Ríinidimaci jofo dáanomo otátaiticue, ñue ríírediziena íaioi illena.

<sup>17</sup> Afe daíí fínuabiticue nana jíamaciaí Juziñamuimo comeci fácajano íaioi ínollena.

Daíí fínoíticue nana cuena náamarede judíoñede náiraiaí cuemo comeci facada ínollena.

<sup>18</sup> Ua jaiaí ninómona aféfuai onótate Juziñamui daíí daide.

<sup>19</sup> Te jira bífue lloticue. Afe como Juziñamuido jáiacade judíoñedino mai, caí íaioína áífedoñeiticai. Jae íaioi jaiaí ínoga táinofuaí fáicanocaidiaioi Juziñamui llogáuaina íaioi ínollena.

<sup>20</sup> Due llétafue íaioimo caí cúellena ja dieze figo baite. Afe bífuai íaioimo llóiticaí. Mai jánaraimo fia fecaca güllena omoi jetáñeno iri. Mai jiruífueñemona abi omoi rairuiri. Dama áredimie ie aí diga illa ñuena. Mai cimoina cígnoga ríllenai ríñeno iri. Afe izói coróbaítaga ríllenai ríñeno iri. Daje izói díena omoi jíroñeno iri.

<sup>21</sup> Daíí judíoñede como ínotimacimo lletádicaíza, níbai nanómona nana jófueño Moisés ocuífue llófueraíni ite. Naga ocózinairuideo llófueraíracomo afe Cuegáuai jino facádotiaioi. Aci dino Santiago llote.

<sup>22</sup> Iemo orécamací gairídimaí, nana íaioi illaini diga, “Jii,” daidiaioi. Iemona íaioi cígimona dámerie nizéllena maméritiaioi, Antioquíamo oréllena Pablo Bernabé diga íaillinoi nabáillena. Judas daínámie nizédiaioi; afémie jíáfodo mameína Barsabás. Daje llezica Sílasna nizédiaioi. Afe íaillinoi ámatiaí cígiri illaíma izóidiaillinoi.

<sup>23</sup> Íaillinoído cuegabe orédiaioi. Afébemo daide:

“Cai Antioquíamo ite judíoñede ámatiaímo uai orédicai. Afe izói Siria éniemo ite ámatiaímo, Cilicia éniemo ite ámatiaí dieze nana ómoímo uai orédicai. Nana orécamací, Juziñamuimo gairírdino illaini, benó ite ámatiaí diga, ómoímo uai orédicai.

<sup>24</sup> Cáimona ómoímo nauí bítno finócafue jae fídídicaí. Caimo lloñeno oni jáidiaioi. Cai óreñegaiaioi. Dani imaci uáillaido jae omoi ífoci írinuaidiaioi. Daíí ómoína áífeduaidiaioi. Omoi bacano ícoi quetáílfuaí llúaíjidaioi; jíáie Moisés llogáuailai ómoímo ocuífadaí.

<sup>25</sup> Ie jira cai comécido ñue jaide cai cígimona mena come mamedá ómoimo oréllena. Aféfuena nana jiéruítai. Bie nizécaillinoi Pablo Bernabé diga omoi éroizaibítiaioi. Pablo Bernabé diga cai iere izíruiga ámaillinoi.

<sup>26</sup> Cai Ocuárima Jesucristo ñúefue íaillinoi llua ícoinia, jaci cácatagaillinoi.

<sup>27</sup> Daí Judas Silas diga ómoimo orédicaí. Aféillinoi ómoimo jofo úritiaillinoi nana bífuiaí jino ñue llóllena.

<sup>28</sup> Mei cáimona ñue cioide; afe izói Ñuera Joreñomona ñue cioide riírede rafue ómoimo cai mámeñeillena. Dama jitáiredifue mámeíticaí.

<sup>29</sup> Jánaraimo fia fecaca rílleniaina omoi riñeno iri. Daje izói díena jiróñeno iri; cimoina cigínoga ríllena omoi riñeno iri. Nana jiruífueмона abi omoi rairuiri. Dama áredimie ie ai diga illa ñuena. Bífuiaimona abi omoi rairuíadi, ñue íitiomoi. Jae ñíe.”

<sup>30</sup> Daí Jerusalemo ite ínotino íaioina Antioquíamo orédiaioi. Antioquíamo dúcidiaioimo, dinomo ite ínotino dánomo gairítatiaioi afe rabe fecállena.

<sup>31</sup> Afebe ámatiaí facáduamona iere íóbidiaioi. Ua afe caimare llétafueri íóbidiaioi.

<sup>32</sup> Judas Silas diga Juzíñamuimona oga rafue jino llórediaillinoi. Ie jira íaillinoi uáillaido afe ámatiaí ñue náirecattadiaillinoi. Afe llezica íaioina ñue comeci fírazittadiaillinoi íaioi caimare íllena.

<sup>33</sup> Dinomo diga irui íllamona, Antioquíamo ite ámatiaí comeci jacínaiñenafuedo íaioina játtatiaioi. Daí íaioina uáidonocaidiaioi meíne íaioi orécamací diné jáillena.

<sup>34</sup> Mei íadi Silas Antioquíamo fiébicaillena mamérite.

<sup>35</sup> Afe izói Pablo Bernabé diga Antioquíamo fiébidiaillinoi. Afe meífodo, aillo jíáie llóraini diga, llófuerítiaioi. Cai Ocuárima Jesucristo uailaí jino llotíaioi.

*Pablo dánomo nane jáizaide ñúefue llujáillena*

<sup>36</sup> Diga irui illa meífomo Pablo Bernabena daide:

—Mai dánomo meíne coco jai, nauí coco llófuegano coco uáiduaili. Nana íaioi jófuedo Jesucristo uailaí llófueticoco, ie jira afémaci nie izói itíaioiza coco erózai, —daide.

<sup>37</sup> Bernabé Marcos úiacade íaillinoi jaille dine. (Marcos jíáfodo mameina Juan.)

<sup>38</sup> Mei íadi Pablo íena úiacañede, nauí Panfilia éniemo íaioina fiénocaila jira. Iemo íaillinoi tájjicanado jáíñede.

<sup>39</sup> Afefue jamánomo íaillinoi riire júfídua meífodo, dárie enénorie oni jáidiaillinoi. Ie mei Bernabé Marcos uite. Daí ñiano, nocaedo Chípremo jáidiaillinoi.

<sup>40</sup> Afe llezica Pablo dama íeiena Silas nizeda ote. Nízia mei, afénomo ite ámatiaí Juzíñamui íaillinoi izíruillena caimare jícádiaioi, daje izói Juzíñamui íaillinoina nabáirillena. Daí jica meífomo, oni jáínomo jáidiaillinoi.

<sup>41</sup> Siria énie, Cilicia éniemo jáidiaillinoi. Afénomo Juzíñamuimo gairide ámatiaí náicaítadiaillinoi.

## 16

*Timoteo Pablo Silas diga nabáizaide*

<sup>1</sup> Derbe, Lystra jofue diga dinomo Pablo, Silas diga dúcidiaillinoi. Afénomo daa Juzíñamuimo ínotimie baizájidiaillinoi. Ie ei judíuaimona Juzíñamuimo ínotingo. Mei íadi ie moo griego ímie.

<sup>2</sup> Lystramo ite ámatiaí afémiedo ñue úritiaioi naa Icóniomo ite ámatiaíri.

<sup>3</sup> Pablo Timotéona ie nabaina úiacade. Ie jira ie bacano ícoi quetátate, íaioi jáillinomo ite judíuái afémiedo comeci fiéni fácañeillena. Mei afémaci ie moo griego ímienana ñue onódiaioiza.

<sup>4</sup> Nana íaioi jáillado ite jófuedo lletáinafue llotíaioi. Afe lletáinafue Jerusalemo ite orécamací ocuide éinamací diga llotátatiaioi.

<sup>5</sup> Daí Juzíñamuimo garídímaci íaioi ínuafue ñue oni mónaioicaide. Afemona nágarui aillo jebuíoicaidiaioi.

*Pablo Macedonia ímiena nícaí anado ciona izói ciode*

<sup>6</sup> Asia éniemo Ñuera Joreño ñúefue íaioi llujáillana ráiruide. Ie jira Frigia énie, Galicia énie diga afe éniemo oni llujáidiaioi.

<sup>7</sup> Ie mei Misia énie fuédamo dúcidiaioi. Dinómona Bitinia éniemo jáillana comeci facádiaioi, mei íadi Jesús Joreño dinomo íaioi jáillana ráiruide.

<sup>8</sup> Ie jira jica Misia énie fuédado jáidiaioi. Dinómona Troas ígobemo jáidiaioi.

<sup>9</sup> Dinomo afe naio Pablo nicáirilla izói ciode. Afe nicáirilla izói Macedonia énie ímiena ciode. Afémie náidaicana Páblona izire jícade; daide: “Bené Macedóniomo cai cánuabi,” —daide.

<sup>10</sup> Daiñ Pablo nicaí anado izói ciónamona Macedóniamo cai jáillena mamériticai. Jae Juziñamui cai járillaza ua onódicai dinomo ñúefue cai llujállena.

*Pablo Silas diga Filipos jófuego illafue*

<sup>11</sup> Iemona Tróasmona noxaedo monaillai cigi idu Samotráciamo jaícina jáidicai. Ie jítiramo Neápolismo dúcidicai.

<sup>12</sup> Dinómona Filipos jófuego jáidicai. Afe Macedonia fueda Filipos jamánomo jalléidigobe. Romano comíni afe jofue nauí nitátatino. Dinomo nano nígarui iticai.

<sup>13</sup> Afe ocózinallaruimo afe jofue jinomo jáidicai. Ua imaní fuemo íaioi Juziñamuimo iere úrizairenanomo jáidicai. Dinomo ráinaillano ñúefuedo gairíngotiaimo úriticai.

<sup>14</sup> Aféngotiaimona daango Lidia mámeciredingo. Afengo Tiatira jofue ingo. Afengo jáiare jítirede ñuera iníroi fecáraingo. Afe ringo Juziñamuimo ánozioidingo Juziñamuimo caimare úrillena. Iemona afengo afe ñúefuena cacáreacade. Jae Juziñamui afengo comécina tuiñode, Pablo llógauaillai jeire óllena.

<sup>15</sup> Afengo naa ie comíniri báutizagaiaioi. Báutiza mei izire jicada caina daide:

—Comeci anao omoí daiñadi, Juziñamuimo ua ínotingodicue, mai cue jofomo omoí bi, — daide.

Iemona aféngodo jáidicai.

<sup>16</sup> Afe Juziñamuimo úrizairanomo cai jailla llezica, fiénidena jóriarede ringoza baizájidicai. Afe fiénide jóriaido come ónoñega éicina raire onófirede. Afengo izire jerucango. Afe eici báillado aillo úcubena ie náamatiai íena ófirediaioi.

<sup>17</sup> Afe ringoza Pablo diga caido jáizaide. Caillícana jaide; daide:

—Bimaci caifoide Juziñamuimo dúidiaioi. Omoí jílloille io ómoimo llotíaioi, —daide.

<sup>18</sup> Diga iruillai daiñ afengo caillide. Are ie caillícana ícoimo, Pablo zefuínate. Meine gírecaillano aféngomo ite fiénide jóriaina daide:

—Jesucristo mámecido aféngomona ona oni orédicue, —daide.

Daiñ daína llezicamona afe fiénide jóriai aféngona fáicanocaillano jaide.

<sup>19</sup> Afe ringoza náamatiai daiñ ie finóinana ciódiaioi. Iemona:

—Jae aféngodo úcubena óñeiticai, —daidiaioi.

Daiñ daínano Pablo Silas diga llaitada ríimaci uícomo aillo gairírabirimo uitíaioi.

<sup>20</sup> Riire jicánorainímo íaillinoína izájidiaioi. Daidíaioi:

—Bíaiillinoi, judío ímíai cai jófuego comínina ríicaitaibite.

<sup>21</sup> Caimo lluíbigafuíaína jeire ónidicai. Afe izói cai índicai, cai bie románodicaiza, — daidiaioi.

<sup>22</sup> Iemona afeno comíni íaillinoimo ríicaidiaioi. Riire jicánorainí íaillinoi inícuirona duiñoda rázido íaillinoína fatátate.

<sup>23</sup> Íaillinoi aillo fáina meífomo, llavéracomó íaillinoína lláviaidiaioi. Afe llavéraco úñoraíma riire ocuíaioi íaillinoína ñue rairuállena.

<sup>24</sup> Afe riire ocuínafuena cacánamona llavéraco úñotímie llavéraco jamánomo jofóidicomo íaillinoína orede. Dinomo come idai jítitara íredamo íaillinoína jíitate.

<sup>25</sup> Afe naio dáferuimo Pablo Silas diga Juziñamuimo úrillano Juziñamui ruai rotíaillinoi. Afécomo jáie llavécamiiai afe rúana cacádiaioi.

<sup>26</sup> Íaillinoi rua llezica afe énie raire iere riire docáiricaide. Nana afe llavéraco jáillirai izói riire mozide nofciaí jaídnocaíga izói íficaide. Afe llezicamona llavéraco náziai túicoizite. Afemona nana llavécamiiai llójeuai tíoicoizite.

<sup>27</sup> Iemona llavéraco úñoraíma cazide. Cazídemo jae nana náziai túienana ciode. Comeci anado daide: “Nana llavécamací jae níbai botádiaioi.” Ie jira lloefai ota ie abi faitáacade.

<sup>28</sup> Mei íadi Pablo íemo caillide:

—¡Dama o abina fiení finóñeno iri; nana benó iticaíza! —daide.

<sup>29</sup> Mei jira llavéraco úñoraíma bobaie jicade. Iemona Pablo diné aizícana bite. Dinomo afe jágieri abi cuidíroicana, Pablo Silas diga íaillinoi anamo dújude.

<sup>30</sup> Ie meífomo íaillinoína jino jáínomo uillano, jicánote:

—Pablo, ¿cuemo ite fiénidífuemona cue jílloillena nie izói ííticue? —daide.

<sup>31</sup> Jira aféillinoi uai ote:

—O jílloillena cai Ocuíraíma Jesucrístomo íino. Iemona o dama jíllobicaitio. Daje izói o ai nana o úruiai diga ínuamona jíllobicaitiaioi, —daide.

<sup>32</sup> Iemona Juziñamui uaillai íemo llotíaillinoi naa ie jofu ero itínuáiri.

<sup>33</sup> Mei íadi daje naio llavériraíma íaillinoi fáina boáfai jocode. Afemona afémie naa íaillinoi úruiairi báutizaígaiaioi.

<sup>34</sup> Afe mei aféillinoína ie jofomo uillano ecade. Afémie naa ie comini diga Juzíñamuimo ínuari caimare íobidiaioi.

<sup>35</sup> Afe jítiramo riire jicánoraini jáie llavéiraini llavéracomo orede, Pablo íaillinoi zuitállena.

<sup>36</sup> Iemona llavéraco úiñoraíma Páblona daide:

—Riire jicánoraini ómicoína cuena zuitátate. Mei ja birui ómicoi nífuenino uái illena jino jáirediomicoi, —daide.

<sup>37</sup> Mei íadi Pablo llavéirainina daide:

—Romano ímedicoco, mei íadi cócomo jicánoñeno razido cócona fatíomoi. Faano cócona llavétatiomoi. ¿Mei íadi ja birui báiino cócona zuitátatiomoi? Mei íeñedeza. Coco llavétatino mai coco zúitaíbiri, —daidíaiillinoi.

<sup>38</sup> Afefue llavéiraini jicánorainimo llujáide. Lluájillamona jicánoraini jacínaitiaioi, aféillinoi romano ímienari.

<sup>39</sup> Te jira Pablo Silas diga íaillinoimo jicajidiaioi:

—Caimo ómicoi dúecai, —daízáidiaioi.

Iemona íaillinoi jino uano, íaioi jófuemona oni jáillana izire jicádiaioi.

<sup>40</sup> Afe llavéracomo jino billano, Lidia jofomo jáidiaillinoi. Amatiaína cíollano íaioína ñue náicaitadiaillinoi. Daí ñiano jáinomo oni jáidiaillinoi.

## 17

### *Tesalónicamo comuide aillo úrioinafue*

<sup>1</sup> Pablo Silas diga íaillinoi jaillano Anfípolis jófuedo jáidiaillinoi. Ie mei Apolonia jófuedo jáidiaillinoi. Afe mei Tesalónica jófueo dúcidiaillinoi. Afénomo ite judíuai llófueriraco.

<sup>2</sup> Pablo ie fibilla izói, afe llófueriracomó jofo llófuerizaide. Daámani ocózinaillaruido íaioimo úrite.

<sup>3</sup> Juzíñamui jaiái Cuegáuai jino íaioimo llóollode. Aféuaimona Cristo duere finóinafue jítáirede, daí íaioimo jino llote. Daje izói Cristo tída meine cáallena jítáirede daí jino íaioimo llote. Íaioína daide:

—Be ómoimo cue llogámie Jesús dámie Crístona, —daide.

<sup>4</sup> Mei íemona judíuaimona dámerie aféfuemo ínotiaioi. Afemona Pablo Silas íaillinoi díbenemo itábicaidiaioi. Afe izói aillo Juzíñamuimo jaináiacade griego ímíai iere ñue ínotiaioi. Afe izói aillo illaingo izóidingotiai aféuaina ínotiaioi.

<sup>5</sup> Mei íadi ínoñede judíuai aféfuerei úradoilla izói itíaioi. Iemona cállemo ite fiénide ráiraíedinomo gairidiaioi. Ie mei judíuai cállemo ite itínoiri aillo úrioinafue finódiaioi. Daí jofue comini comeci fieni ícritadiaioi. Jasón jofomo ite Pablo Silas diga llaitállena, afeco círínotiaioi, aféillinoi llaitada afeno cominimo izájillena.

<sup>6</sup> Mei íadi íaillinoína baíñédiaioi. Ie jira Jasón zocana uitíaioi, jáie ámatiai diga. Jofue illaini uécomo íaioína uitíaioi. Daí caillidiaioi:

—Bíaiillinoi nágagobiaido fieni faillíñeinafuíai finódino ja benomo dúcia.

<sup>7</sup> Ie mei Jasón ie jofomo íaioína llínote. Nana afe bie bitino cai caifoide romano illaima ocuúcafuíai uáitaocana daide: “Jíáie ua cai illaima ite, Jesús,” —daidíaiioi.

<sup>8</sup> Aféfuena cacáillano ríimaci naa comíniri faillíñeidiaioi.

<sup>9</sup> Jasonmo daidiaioi:

—Cai o jífueñellena uécomo o úcubo caimo ine. Uire aféillinoi o oréadi o úcubo meine omo íticaí, —daidíaiioi. Ie jira afe úcubo íaioimo fécamona ja Jasón jíai ámatiai diga zuitádiaioi.

### *Pablo Silas diga Berea jófueo dúcide*

<sup>10</sup> Afemona afe naio ámatiai Pablo Silas diga Beréamo raire oréadiaioi. Dinomo dúciillano judíuai llófueriracomó jáidiaillinoi.

<sup>11</sup> Bie judíuai Tesalónicamo ite judíuai baímo fígomaci. Caimare afe úrillauaina jeire otíaioi. Nágarui Juzíñamui Cuegáuailaimo jénofirediaioi, íaioimo llogáuailaina uafue daíllena.

<sup>12</sup> Afemona aillo afémacimona ínotiaioi. Daje izói griéguaímona ínotiaioi. Dájerize híñiai íemo jíai ñue caimare jacíruigangotiai ínotiaioi.

<sup>13</sup> Mei íadi Tesalónicamo ite judíuai Pablo Beréamo Juzíñamui llogáuai llófueillana fidíllano, dinomo nane comini fieni faillíñaitaitaioi.

<sup>14</sup> Mei íadi ámatiai dama Páblona raire aféruído monáillai fuédamo oréadiaioi. Ie mei Silas Timoteo diga Beréamo fiébicaide.

<sup>15</sup> Pablo nabaina jáidino Atenas jófueo íena izájidiaioi. Íaioi meine jáidinodo Silas Timoteo diga Pablo íaillinoimo uai orede. Daide: “Cue diné iere raire ómicoi birí, dánomo cai gairilleza,” daide.

*Pablo Aténasmo illafue*

<sup>16</sup> Nai Pablo Aténasmo Silas, Timoteo diga úiñua llezica, afe jófuedo macade. Macádemo aillo íaioi jánaraiaí cióizaide. Aferui Pablo comeci iere zúucaide.

<sup>17</sup> Mei jira llófueriracomo judúairi úrite; daje izói jíaie Juzíñamuimo jaináiacadinori. Nágauri jofue gairírabirimo itínuiaimo llote.

<sup>18</sup> Dárie “epicuro” daina llófueinafue facádotino como Pablo diga úrizaidiaioi. Daje izói, dárie “estoicos” daina llogáfuaí facádotino Pablo diga úrizaidiaioi. Dámierie daidíaiói:

—Bie aillo úrifiredímie, ¿nifue caimo llóite? —daidíaiói.

Mei íadi jíaimaci daidíaiói:

—Nibai jíaie juzíñamuillai llotímie, —daidíaiói.

Daí úritiaioi, Pablo Jesús úrillauai, ie meine cáanafue diga íaioimo llóiacana jira.

<sup>19</sup> Te mei Areópago daina illánomo íena uitíaiói. Dinomo gairífrediaioi llófueinafuea cacáillena. Dínomo íena jicánotiaioi:

—O atica cómue llófueinafuea cai onóacadicai.

<sup>20</sup> Mei ónoñegafuaí caimo llotio. Afe bífuaí daínana onóacadicai, —daidíaiói.

<sup>21</sup> Nana Atenas imaci naa afénomo ite onínemaciri, cómue ráfuaína cacáillena járitaitiaioi. Afe izói cómofuaí llóllena járitaitiaioi. Jíaie táijnamo járitañediaioi.

<sup>22</sup> Te jira Pablo Areópago comini cígimo náidaillano daide:

—Atenas imaci, omoi cácarei. Aillo juzíñamuillaido iere jaináidinodiomoi. Daí omoi íllana ciódicue.

<sup>23</sup> Omoi juzíñamuillai ánozillena finócafuaí illánuaíaido éroicaidicue. Dínomo daa omoi juzíñamuillaimo comeci facáranó ciódicue. Afénomo cuega uailai daide: “Bie cai ónoñega juzíñamui ie.” Bie omoi onóñeno jaináiacana Juzíñamui, ua birui ómoimo cue lluaíbigamie.

<sup>24</sup> ‘Afe énie finode Juzíñamui naa éniemo itínuiairi, afémie bie énie Naama, mona diga. Afémie comini nigácomo íñede.

<sup>25</sup> Afémieo cai nífuea finóndicai. Nífuea llónidicai. Mei jira dama afémie nana comínimo cáatatinona fecáfiredo; daje izói afémie jáfacina cai ite. Ie emódomo nana ite ráaniaina afémie caimo íga.

<sup>26</sup> ‘Naga náiraiaí fueñe dáziemona Juzíñamui comuítaga, naga illa dígano íaioi éniemo íllena. Iemona dájena diédicai. Nana íaioi illínuiaí mamede. Daje izói nano nie dino íaioi illíruillai mamede.

<sup>27</sup> Daí afémie finoca afe Juzíñamui íaioi jenóllena, nibai are illa ícoínia ie íaioi báillena. Mei íadi uáfuea Juzíñamui cai illa dígamíemona jica íñede.

<sup>28</sup> Mei Juzíñamuído cáadicai. Afémiedo cai jetáacaga raana jetádicai. Afe izói afémiedo iticai. Afe daje izói ómoimona dárie rua fíñua izoide llote: “Juzíñamui comuítagamacidicai; ie iziedicai.”

<sup>29</sup> Iemona afe Juzíñamuina fia oro finoína jánaraí daí comeci omoi facáñeno iri, mei Juzíñamui comuítagamacidicaíza. Afe izói afémiena plata finoína jánaraí, ebírede nofici finoína jánaraí, daí comécido omoi daíñeno iri. Nana bie jánaraíaina dani comini comeci faca izói finódiaioi.

<sup>30</sup> Naui jáíádiruillaido comini abina onóñediaioi; daí íllaza Juzíñamui íaioimo nai íbana oñede. Mei íadi birui náganomo itímíuina Juzíñamui ocuícana daide: “Omoimo fienu itífuiaína méidori,” —daide.

<sup>31</sup> ‘Nana comínimo itífuiaí izire jicánollirui Juzíñamui jae mamede. Aféruillaido afémie nizécamiendo jácina caimo izire jicánoite. Juzíñamui afe nizécamienna nana comínimo ñue jino uáfuea onóate; tóllanomona íena meine abído cáatanado nana comínina uáfodo jino fiditate, —daí Pablo llote.

<sup>32</sup> Afe tídimaci meine cáanafuea cacáillano, dárie itínomona Pablo jífánodoídiaioi. Jíaimaci íena daidíaiói:

—Íco jíáiruido aféfuena meine nane dánomo ómona cácaíticai, —daidíaiói.

<sup>33</sup> Iemo Pablo íaioi cígimona oni jaide.

<sup>34</sup> Mei íadi dáarie íedo jáidiaioi. Jaillano ínotiaioi. Afe ínotimacimona dámie Dionísio. Afémie Areópago nimáiranimo jaináidímie. Afe ínotimacimona Dámaris mámeciredingo ite, nai bai jíaimaciri.

*Pablo Coríntomo illafue*

<sup>1</sup> Afe meífodo Pablo Aténasmona oni Corinto jófueo jáizaide.

<sup>2</sup> Dinomo dúcia meífomo Aquila mámeçirede judío ímie baizájide. Afémie Ponto énie ímie. Afe Aquila ai Priscila. Afe íaillinoi cómoicana Itáliamona botádiaillinoi; romano caifóidillaíma Claudio nana judíuai Roma jófuemona oni íaiói oréina jira. Dinomo Pablo Aquila uáiduade.

<sup>3</sup> Aquila ie ai diga jédaciede iniroi tífuano bizáinicaife nitíaiói. Afe íaiói nillado úcube otíaiói. Pablo afe táijinana fibidímie. Ie jira Pablo afe íaillinoiri fiébicaide, dájena íaiói táijillena.

<sup>4</sup> Naga ocózinaillaruimo llófuieracomona Pablo llófuiaifrede. Afemona judíuaimona dáarie ínotiaíói. Afe dájerize judíoñedimacimona ja ínotiaíói.

<sup>5</sup> Jae Macedonia éniemona Silas Timoteo diga dúcidiailinoimo, Pablo ie bizáinillai nilla fáicanocaillano, dama Juzíñamui ñúefue jino llóllena iere izire llocana uite. Judíuaina uáfodo daide:

—Jesús omoi úiñogamie Cristo, —daide.

<sup>6</sup> Mei íadi judíuai iena uáitaoidiaíói. Iemo fiénide uaillai nitádiaíói. Ie jira Pablo ie inícuiro íaióimo faíánote. Afe faíánua daide: Íaiói íáire finócafue ícoinia afémie ícoiniañeðeza, daní íaiói ícoinia.

Pablo íaióina daide:

—Dani omoi ícoinia timáritiomoi. Jae ómoiri nífuenidimiedicue. Biruímona judíoñedimacimo llujíticue, —daide.

<sup>7</sup> Llófuieracomona jino jaillano, Justo maméidímie jofomo jaide. Justo Juzíñamuimo ánozillano caimare úiritímie. Afémie jofo llófuieraco abímo ite.

<sup>8</sup> Afe llófuieraco illaíma Crispo. Afémie naa ie comíniri Ocuíraíma Jesucrístomo ínotiaíói. Afe llezica aillo Corinto jófueo itino, Pablo lloga ñúefuíaína cacáillano áfemo ínotiaíói. Ínuamona báutizagaiaíói.

<sup>9</sup> Afe mei Juzíñamui Páblona nicai anado daide:

—Jacíruíñeno iri. Mai ñúefue llícaíñeno lloíri, mei o diga ítícuèza.

<sup>10</sup> Fiénidífueña bu omo jíritanide. Nai bie jófueo aillo cuemo ínoitinona ite, —daide.

<sup>11</sup> Iemona Pablo Coríntomo nai daa fimona átuedo Juzíñamui uaillai comínimo llófullofuede.

<sup>12</sup> Mei íadi Galióna mámeçiredímie, Acaya éniemo illáimona illáruído nana judíuai Páblona uáitaocaiana gairídiaíói. Iemona íena lláitano, ríimaci uiécomo uitíaiói.

<sup>13</sup> Illáimana daidíaiói:

—Bímie comíni cigído llófueraicade. Jáifodo Juzíñamuimo ánozilli uaillai llófuècaide. Iemona afe uáillaimo cacáreidiaíói. Mei íadi afefue caimo ocuica uaillai uáitaocaide, —daidíaiói.

<sup>14</sup> Pablo como úrizaidemo, illaíma Galión judíuaina daide:

—Judíuai, cue omoi áifedoñeno iri! Bímieo aillo fiénidífue ícoinia íadi, cómena fájafue izóí, come merírinafue izóí, ua afémie daíí íadi ómoimo cacáreiticue.

<sup>15</sup> Mei íadi fia omoi uáillaido, omoi mámeçiaido júfidotiómoi, ómoimo judíuai ocuífauiai diga. ¡Mai dani jaícina omoi finori! Aféfuaimo izire jicánoraímana íacañedicue, —daide.

<sup>16</sup> Ie mei afémie nana íaióina jino jicánoracomona orede.

<sup>17</sup> Iemona nana griéguaí Sóstenes maméidímie llaitádiaíói. Sóstenes llófuieraco illaíma. Iena lláitano, ríillaima Galión uécomo íena fáfadiaíói. Mei íadi Galión afe finócafuaína raa daííñede.

*Pablo Antioquíamo meine jaide dinómona ja dacaíñoámami nane llujíde*

<sup>18</sup> Dino Coríntomo Pablo diga iruillai ite. Ie jáiacanaruimo, ámatiai íraicaíño íena facádonocaidiaíói. Afe mei Pablo nocaedo Siria éniemo ruica jáizaide. Aquila ie ai Priscila diga Pábloiri jáizaidiaíói. Nai Cencrea ígobemona nai jáíñediaíoiomo, Pablo ie ifo cuidode. Daíí finode, jae ie nauí Juzíñamuimo llogáuai fuilla jira.

<sup>19</sup> Ruica jáillano jae Efeso jófueo dúcidiáíói. Dinomo Pablo, Aquila Priscila diga fiénocaillano, llófuieracomona jaide. Afénoimo gairide judíuaimo Pablo úrizaide.

<sup>20</sup> Afémaci ie íaiói diga are íllena izire jicádiaíói, mei íadi Pablo fairioñede.

<sup>21</sup> Íraicaíño íaióina uáidonocaillano íaióina daide:

—Ja Jerusalemo íacade iráizillafuemo raire jáiacadicue, mei íadi Juzíñamui óiacania dáanomo abido ómoína érozaiibiticue, —daide.

Iemona nocaedo Efésomona oni monáillaido jaide.

<sup>22</sup> Cesarea jófueo dúciillano, Pablo arído Jerusalemo jaide, dinomo ite Juzíñamuimo gairídino uáidollena. Afe mei oni Antioquíamo jaide.

<sup>23</sup> Diga iruillai dinomo illa meífomo, meine nane nana Galacia jófueo Pablo oni jáizaide, Frigia jofue diga. Naga jófueo dágoberie llófuècade. Daíí Pablo nana Juzíñamuimo ínotimaci comécina ñue náirecaítade.

*Apolos Efésomo ñúefue jino llote*

<sup>24</sup> Aféruillaido judío ímie, Apólona maméidímie Efésomo dúcizaide. Afémie Alejandría jofue ímie. Afe íma uai jino llúana ñue fibídímie. Afémie Juzíñamui Cuegáuaina ñue onode.

<sup>25</sup> Ocuíraima Jesucristo llogáuailaina afémie llófuegamie. Aféfuiai jino llúana iere méaicaiñeno caimare llote. Jino uáfodo Jesús ífuiaido llófuierite. Mei íadi dama Juan íaioi báutizafuena onode. Afe izói Juan Jesudo llogáfuea Apolos onode.

<sup>26</sup> Apolos llófuieracomó comeci jáicaiñenado úrizaide. Mei jira Priscila Aquila diga Apolos llófueillana cacáillano, ie eneno uitiaillinoi, Juzíñamui uaillai baimo ñue jino jáicina llóllena.

<sup>27</sup> Afe mei Apolos Acaya éniemo jáiacade. Iemona ámatiai ie abina jafue oñeno, ñue íena náicaitadiaioi. Daje llezica úcomo rabe afénomo ite ínotinomo cuetíaiói, íaioi afémiena ñue llínollena. Afémie Acáyamo dúciillano, afénomo ite ínotinona ñue canode. Juzíñamui jae íaioimo dúcaillano íaioina ínotade.

<sup>28</sup> Nana comini eróicana judíuai lloga taino uai Apolos íaioimo cíotate. Afémaci Apolos jamánomo ñue jáicina jódiuaina jáanonidiaioi. Afémie Juzíñamui Cuegáuailaido ñii íaioi úíñoga Cristo dámie Jesuna jino íaioimo uáfodo llóteza.

## 19

### *Pablo Efésomo meine dúcinafue*

<sup>1</sup> Apolos nai Coríntomo illa llezica, Pablo Galicia éniemo jaillano, íduai íllado jaide. Jáillano Efeso jófuemo dúcide. Dinomo ite Juzíñamuimo ínotimacina cíozaide.

<sup>2</sup> Íaioimo jicánote:

—¿Meita omoi ínuamona Ñuera Joreño úicaigamoi? —daide.

Jira afémaci uai otíaioi:

—Afe Ñuera Joreño íllana, jaca due cacáñedicaí, —daidiaioi.

<sup>3</sup> Mei jira Pablo nane jicánote:

—¿Mei bu mámedido báutizagamoi? —daide.

Jira afémaci uai otíaioi:

—Juan mámedido báutizagacai, —daidiaioi.

<sup>4</sup> Jira Pablo íaioina daide:

—Juan lloga báutizainafue comini comécimo ite fiénidífuiai méiduana jino náiraimo cíotate. Mei íadi Juan meífodo bitímiemo ínorediomoi ómoína daidicue. Afe bitímie Jesús; afe Jesús Juzíñamui Nizécamié Cristo, —daide.

<sup>5</sup> Aféfuena cacáillano cai Ocuídímie Jesús mámedido báutizagaiaioi.

<sup>6</sup> Pablo íaioimo onoi bitamona, Ñuera Joreño íaioimo bite. Iemona afémaci jíáimaci uáillaido úritiaioi. Juzíñamuimona oga úrilla uaillai jino llotíaioi.

<sup>7</sup> Afémaci nibai doce dígamiediaioi.

<sup>8</sup> Pablo afe llófuieriracomó daámami fitui jáicade. Dinomo comeci jáicaiñeno jino íaioimo llófuierite. Juzíñamui illáimana illáfuedo izire íaioimo jino llote íaioi ínollena.

<sup>9</sup> Mei íadi dámierie comeci rairuillano aféfuena ínoacañede. Comini eróicana Juzíñamui ñuefuiaido fiení úritiaioi. Iemona Pablo íaioi cígimona oni jíaicomo jaide. Jaillano Pablo afe Juzíñamuimo ínotinona jáie comini llófuieracomó uite. Afe llófuieraco naama Tiranno. Dinomo Pablo nágaruillaido llófuiaide.

<sup>10</sup> Daíí dinomo mena fimona llófuierite. Iemona nana Asia énie nairai Ocuíraima Jesús llogáfuaímo cacáreidiaioi. Judíuaimona nano diga ímiiai ínotiaioi. Afe dájerize judíoñedinomona ínotiaioi.

<sup>11</sup> Juzíñamui diga áillue cíórainina ráaniai Páblodo finode.

<sup>12</sup> Uíéco dóraroillai Páblomo atídiaioi jinófene jítáaroillai diga. Aféroillai Pablo jétanona iráredimacimo uitiaioi. Afe jetácaroi íaioi llínuamona jillobicaidiaioi. Daje izói jíáimacimo ite fiénide joríaí oni jáizitiaioi.

<sup>13</sup> Afe mei macáraini judíuai dárie dúcidiaioi. Afémaci:

—Fiénide joríaiai comínimona oréredicaí, —daidiaioi. Ja Ocuíraima Jesús mámedido afe fiénide joríaiai jino oréacadiaioi. Jíáimacimo ite joríaiaína daidiaioi:

—Pablo lloga Jesús mámedido ja birui ómoína jino orédicaí, —daidiaioi.

<sup>14</sup> Afe izói judío ímie Esceva siete diga jítótiai daidiaioi. Afe Esceva lletáiriraini illaíma.

<sup>15</sup> Afémie jítótiai daíí dánamona afe fiénide joríaí íaioi uai ote:

—Cue Jesuna onódicue. Daje izói Páblona onódicue; mei íadi omoi mei ¿búdiomoi? —daide.

<sup>16</sup> Daíí daina mei, fiénidena joríaíredimie riire íaioina llaitade. Nana íaioina anáfenuano iere duere íaioina finode. Ja iere jamánomo duere íaioi finóinamona, afécomona émuíromaiái naa boáfiairi jino botádiaioi.

<sup>17</sup> Nana Efésomo ite comini, judíuai naa judíoñedinori aféfuena fidíillano iere jacíruitiaioi. Iemona Ocuráima Jesús mámecina jamánomoideza daidíaiioi. Afemona aillo ñúefue Jesumo nitádiaioi.

<sup>18</sup> Aillo afemo ínotimacimona jaiái íaiioi finoca fiénidífuiaí uáfodo jino llotíaiioi.

<sup>19</sup> Daje llezica aillo nauí aiñinaí uaimo fibidino, íaiioimo ite fiénino úrilla rabénicuai átiano nairai erócana jobádiaioi. Afe jobáicanicuai comécido facádiaioimo, jamánomo ráifide izoide, daidíaiioi. “Cincuenta mil úcubetunillai dieze ráifide,” daidíaiioi.

<sup>20</sup> Daí Juzíñamui lloga uaillai jamánomo oni mónoaioicaide. Afedo Juzíñamui riino jino cítaoicaide.

<sup>21</sup> Afe meífodo Macedonia éniemo Acaya énie diga dino comini uáiduallena Pablo mamérite. Afeno comini uáidua meífomo, abido Jerusalemó jáiçaillena Pablo comécido daide. Afe emódomo daide:

—Jerusalemó cue jaille mei, dinómoma Rómamo jáiacadicue, —daide.

<sup>22</sup> Mei jira Macedóniamo mena ie canórama Timoteo Erasto diga uícodo orede. Mei íadi Pablo nai Asiama nano nígarui fiébide.

*Efésomo fiénidífuedo faillíñeidiaioi*

<sup>23</sup> Aféruillaido Jesús lloga ñúefuiaiiri aillo fienuí faillíñeidiaioi.

<sup>24</sup> Afe faillíñeinafue Demetrio como fueñe taineca. Afémie aillo ebírede ráaniaí plátamona finórama. Juzíñamuina íaiioi mamécango Artemisa, nofici finoina jánarai. Aféngomo gairíraco izói, plátamona ráiiracojina finoda, Demetrio fecáfiredo. Afedo afémie ie diga táijiraimaci éna aillo úcube otíaiioi.

<sup>25</sup> Iemo Demetrio naa jáie daje izói táijinana fibidinori dánomo gairídiaioi. Dinomo íaioina daide:

—Cáimaci, omoi cácarei. Bie cai táijinado ñue ráaredicai, onódiomoi.

<sup>26</sup> Mei íadi baie Pablo llócaifuena cacádiomoi. Afémie daide: “Comini finoca juzíñamuillaina íeñede,” daide. Ie llogáfuemo Pablo aillo comínina ínotade. Daa benó Efésomóñede daí ínotade, mei íadi nana Asia éniemo ínotaacade.

<sup>27</sup> Afefue iere jacire cacacade. Afedo cai fecácaiganiaina táinocaitabite. Daje izói cai áillue juzíñamui cai ñainango Artemisa gairíraco jalléinafuena féitaita. Afe izói bie juzíñamui ñainango jamánomo ebírenafuena jámairuitabite. Nana Asia énie naa jáie éniiairi aféngomo áinozífrediaioi, —daí Demetrio daide.

<sup>28</sup> Aféfuena cacáillano, iere comécido ríicaidiaioi. Iemona caillíoicana daidíaiioi:

—¡Cai Efeso ímaci juzíñamui cai ñainango Diana, jaca ninomo záíñeno iri! —daidíaiioi.

<sup>29</sup> Iemona nana afeno jófuedo aféfuiaí iere riire júfidotiaioi. Aillo afeno comini ífo irínote. Afe llezica mena Pablo nabaide faillinoí llaitádiaioi. Afe faillinoí mámeç Gayo Aristarco diga; Macedonia ímie faillinoí. Íaiioí llaita mei afémaci nairai uícómo íaiioí gairíracómo faillinoína zocana uitíaiioi.

<sup>30</sup> Pablo afeco jofomo comínimo úrizaiacade, mei íadi ñúefuena ínotino afe jofo jáillena rairúidiaioi.

<sup>31</sup> Afe llezica Asia ríimaci Pablo diga caimare úriraini, Pablo afeco jofo jáíñeillena uai íemo orédiaioi.

<sup>32</sup> Íaiioí gairilla llezica, dárie jáífodo llotíaiioí; jáíimiai; jáífodo júrioicana llotíaiioí. Mei aféfuiairi jamánomo fienuí faillíñeidiaioi. Ja nabénairai aféfuena onóñediaioi, nífuveri gairídiaioiza.

<sup>33</sup> Mei íadi gairídino cígimona dámerie jino Alejándromo aféfuiaí llotíaiioi. Afe Alejándrona judíuai, afeno comini uícómo judíuai abi ríiduafuedo úrilla, bai éna naidánetaioi. Bai náidaillano ie ónoído íaioina, “Mai omoi llíicai,” daide.

<sup>34</sup> Mei íadi afémie judío ímienana íaiioí comécido onónamona, mena hora nana caillíoicana daidíaiioi:

—¡Cai Efeso nairai naango Artemisa, jaca ninomo záíñeno iri! —daidíaiioi.

<sup>35</sup> Iemona afeno jofue jabóllaima ícoina comini llíicaitade. Llíicaitano íaioina daide:

—Efeso nairai, omoi cácarei. Naga énie náiraiaí cai iere jalleide juzíñamui ñainango Artemísamo gairíracona úíñotagamacídicaí, afe cai úíñuafuena onódiaioi. Afe daje izói aféngona mameca monámoma ana baíide jánaraina úíñotagamacídicaíza onódiaioi.

<sup>36</sup> Mei bifue buna jaca jáanonideza, mai omoi llíicai. Começi facáñeno nífuena lloñeno iri.

<sup>37</sup> Mei bie omoi atica íaillinoí, omoi juzíñamui ñainango Artemísari fiénidífuena úríñediaillinoí. Aféngona ríicaitañediaillinoí.

<sup>38</sup> Demetrio zúcaillafue nímiemo íadi, mai jícanoraimamo llujáiri. Daje izói afémieri táijiraini zúcaillafue íadi llujáiri. Jaca ríimaci uícómo meine abido óllena afémaci llórediaioi.



<sup>39</sup> Mei jáifodo omoi jicánoiacaniadi, mai ríimaci daina izói omoi gairiri.

<sup>40</sup> Ja birui jácifuomo baízáidicaiza. Birui omoi finócafue ícoinia, illaíma anáfenuafuena caimo nitaitiaíoi. Bie omoi faillíneinafue caimo íaíoi jicánoiadi, íaíoi uai cai ollifue jaca due íñede, —daide.

<sup>41</sup> Daíí daina meífodo, afénomo gairídino oni rainode.

## 20

### *Pablo Macedóniamo Grecia diga dine jáillafue*

<sup>1</sup> Afe íaíoi faillíneinafue llícailla meífomo, Pablo Juzíñamuimo ínotino ñue llófuellena jíiritade. Daíí íaíoi llófuia meífomo íaíoi llínuano íraicaiño uáidonocaide. Uáidonocaillano Macedóniamo jáizaide.

<sup>2</sup> Nana afénomo itígobíai comíni uáiduaide. Ie uáillaido afénomo ite ámatiai náicaitade. Afe mei Pablo ja Grecia éniemo dúcide.

<sup>3</sup> Dinomo daámani fiui llófuete. Dinómona nocaedo Síriamo jáizaidemo, judíuai íena llaitácanafuena fidide. Ie jira ari éniedo Macedóniamo abido jáillena comecei facade.

<sup>4</sup> Dinómona ie nabáidino: Berea ímie Sópater; Tesalónica ímie íaillínoi Aristarco Segundo diga; Derbe ímie íaillínoi Gayo Timoteo diga; jáíe íaillínoi Tíquico Trófimo diga.

<sup>5</sup> Afe bie ámatiai uícomo Troas jófuego caina uíñuaidiaíoi.

<sup>6</sup> Fáitara jóneñega pan güilla iráizilla meífomo, Filípomona nocaedo ruica jáidicai. Ja cinco dígarui íllamona Tróasmo dúcidicai. Dinomo daa semana iticai.

### *Pablo Troas comíni uáiduafe*

<sup>7</sup> Semana nanóidiruido gairídicai pan ditada fecállena. (Afe pan ditada güillamona Jesucristo íraicaiño güillamo úbicaidicai.) Güilla mei Pablo Jesumo ínotino llófuete. Afe jíitara afémie ja jáiacade. Ie jira úrioidemo ja dáaferui ite.

<sup>8</sup> Caífo jica ite caifóneco ero icomo gairídicai. Afe dinomo aillo unérachecoí bóotatiaíoi.

<sup>9</sup> Dinomo ite daa jíitócome, Eutícóna maméidímie. Afémie jino erórafomo ráiide. Pablo iere are úrillamona, afe jíitócome jamánomo ínietaide. Icoinia izire íniamona, caifona ana baíide. Afécomo dabaniámami ite. Dinómona ana éniemo baíide. Tíide caífo llínotiaíoi.

<sup>10</sup> Mei jira Pablo ana afémiemo jáillano, ie acónimo dújuillano íena meníñote. Afe mei ámatiaína daide:

—Cáadeza, omoi jacínaiñeno, —daide.

<sup>11</sup> Daíí daina mei Pablo meine caífo jaide. Caífo meine dúcillano, pan ditada güillano nai íaíoi nane úrite. Da úritemo monaíde. Monáillamo oni jaide.

<sup>12</sup> Afe baíidímiena ñue caade uitíaiíoi. Iemona nana comíni ñue caimare íficaidiaíoi.

### *Pablo Tróasmona Milétomo jáillafue*

<sup>13</sup> Ie meífomo Pablo Asonmo iodo jáiacade. Ie jira cai jáíimaci nocaedo uícomo Asonmo jáidicai dinomo Pablo otá cai úllena.

<sup>14</sup> Afémiena Asonmo cai báillamona, dinómona cai nocaedo nana Mitilénemo jáidicai.

<sup>15</sup> Dinómona jáillano jíitramidiruido Quío jófue ánodo jáidicai. Afe jáíruido Samos ígobemo zjídicai. Dinómona Trogíliomo ocózinaidicai. Afe jáíruido Milétomo dúcidicai.

<sup>16</sup> Pablo Asia éniemo are íacañede. Ie jira Efésomo meine jáiacañede. Mei íadi Pablo raire Jerusalemo dúciacade, afénomo íacade Pentecostés ráfuena cíoilena, íadi nibai cíoiñeite.

### *Pablo Efeso éinamaimo úrillafue*

<sup>17</sup> Nai Mileto jófuego cai illa llezica, Efésomo Juzíñamuimo gairíraíni éinamaci jíiritade.

<sup>18</sup> Íaíoi dúcinamona Pablo íaíoi na daide:

—Nano fueñe Asiameo cue dúcinamona cue ífrenana ñue onódiomoi.

<sup>19</sup> Nágaruillaido comecei mánainafuedo éeíafuedo omoi cigiri iticue. Daíí cai Ocuíraíma Jesumo táíjífiredicue. Afe llezica judíuai iere aillo duere cuena finóacadiaíoi. Afedo aillo facátafuíai cuemo nitádiaíoi.

<sup>20</sup> Mei íadi fáicanocaiñeno nana ómoímo ñue illífuena llófuefiredicue. Daíí uáfodo omoi gairíracomo ómoímo llófueriticue. Daje izói naga omoi jófomo llófuefiredicue.

<sup>21</sup> Judíuaimo lloticue; daje izói judíoñedinomo lloticue. Nana íaíoi na daidicue: “Omoi fiénidífuíai ñúefuíaína Juzíñamui comecei jítaílla izói omoi meídori. Iemona cai Ocuíraíma Jesucristomo omoi íñori,” daíí íaíoi na daidicue.

<sup>22</sup> Mei birui benómona Jerusalemo jáitícu; afénomo cue jaille Juzíñamui Ñuera Joreño cue ocuilla izói. Dinomo cuemo cómutífuena óñoñedicue.

<sup>23</sup> Dama dafue cue comécido onóíafue: nana cue jailla jófuedo Ñuera Joreño cue llavébillífué aillo duere cue finóbíllífué diga cuena fidítate.

<sup>24</sup> Mei íadi aféfuena due lloñédicue. Ocuíraima Jesús cuemo jóonega táijinafuena ñue ícoimo cue fuitáadi cue cáanano cúemona ráifíñede. Afe táijinafue Juziñamui ñue caina izíruillafue comínimo llócadicue. Ua comíni ázia izóidinomona cue táijina ícoimo caimare ñue dúcitaacadicue.

<sup>25</sup> ‘Omoi cigido Juziñamui illáimana illafue llócadicue; mei birui ua onódicueza, ómoimacimona buna cuena meine cíoñeite.

<sup>26</sup> Ie jira biruido daíacadicue, ja ómoimona nífuenidimiedicue.

<sup>27</sup> Mei jira nana Juziñamui caimo llófuegafuiai ómoimo uáfodo lloticue. Nífuena báinino lloñédicue.

<sup>28</sup> Ie jira afe izóí dani abi omo rairuiri. (Jae einamácidimoiiza.) Daje izóí nana Juziñamuimo gairídinona úñiori, mei jira Ñuera Joreño íaioina úíñotade. Ua Ocuíraima Jesumo gairídino úíñotagaomoi. Afe gairídinona Jesús dama ie túllado, ie die tóillamona dama ie comínina meine maiñode.

<sup>29</sup> Cue jailla mei jíaimaci Juziñamuimo gairídinona jífuerídino búitiaioi. Ua rírede jicóniai ovéjaina fázia izóí Juziñamuimo omoi ínogafuena féitatabítiaioi.

<sup>30</sup> Daje izóí omoi cigiri táinofuiai llóitinona iite. Afémaci uáfueña féitajano táinofuiai ómoimo llóitiaioi, íñotino afe uai jeire otátallena.

<sup>31</sup> Mei jira abi omoi rairuiri. Naui omoi diga cue illáfuemo omoi uibíoiri. Dafimonaámani, mona naio diga éebicaillano izire ómoimona nágamíaimo fáicanocaiñeno ómoimo jino lloticue.

<sup>32</sup> ‘Mei cue ámatiai, ja birui Juziñamuimo ómoina jóoneíticue, omoi úíñollena. Daje izóí Juziñamui caina izíruilla uaimo omoi comeci uibíoillena jítaidicue. Afe uai ómoina náirecaitate. Afe daje llezica, aféuaido Juziñamui dibénemo ñue rairuicamacina ja ítiomoi naa jíáie ie rairuícamaciri. Mei afe rairuícamaciri Juziñamuido ñue finócamacidiomoi.

<sup>33</sup> Jíáimemo ite úcubiáiri íaioimo ite íñroilláiri dama cúeiena jaca úradoñedicue.

<sup>34</sup> Mei íadi jíáfodo, dama cue jítailla raa óllena dama cue ónoído táijidicue. Daje izóí cue diga ítino íena oticue.

<sup>35</sup> Daíí omoi táijíllena lloticue. Afe izóí raana jítaídino omoi canóllena ómoina llófueticue, Ocuíraima Jesús daina uaimo comeci omoi facáoicaillena. Afémie daina uai daíí daide: “Fia íga raa llíñotimie baimo, fecáfiredimie jamánomo íóbide,” —daide.

<sup>36</sup> Daíí íaioina daina meífodo, Pablo cañici ana dújuillano Moo Juziñamuimo nana afémaciri úritiaioi.

<sup>37</sup> Temona nana éenaitiaioi. Afe llezica Páblona meníñuano ñitada cáimadotiaioi.

<sup>38</sup> Afe llezica Pablo “Ja meine abido cuena cíoñeítiomoi” dáinari iere zúucaidiaioi. Afe mei fei nocaemo íraicaíño íena nabáidiaioi.

## 21

### *Pablo Jerusalemo jáillafue*

<sup>1</sup> Amatai fuénocaillano, Cos jófuemo nocaedo jaícina jáidicai. Afe jítiramo Rodas jófuemo jáidicai. Dinómona Pátara jófuemo jáidicai.

<sup>2</sup> Afe Pátaramo Feníciamo jáiacade nocáe baiticai. Dinómona afécaedo jáidicai.

<sup>3</sup> Jaillano, monaillai cigi idu Chíprena jicana ciódicai. Afe éniena jarífezi dibénemo fíianona Siria éniemo jáidicai. Afe cai jáillacaemo Tíromo fíelle ráaniai illa jira afégobemo zíjidicai.

<sup>4</sup> Afégobemo ite Juziñamuimo íñotinona cióizaidicai. Dinomo siete dígarui íaioi diga íticai. Dinomo Ñuera Joreño llogáiaioi. Ie jira Páblona daidíiaioi:

—Benómona Jerusalemo jáíñeno íri, —daidiaioi.

<sup>5</sup> Mei íadi afe siete dígarui illa meífodo jáidicai. Cai jáizailla llezica nana Juziñamuimo íñotino, íaioi ringóniai naa úruiairi jofue féimo caina nabáidiaioi. Dinomo ite guamáximo ana dújuillano Juziñamuimo iere úriticai.

<sup>6</sup> Ie mei meníñota íraicaíño íaioi facádonocaidicai. Daíí ñiano nocaemo caifo jáidicai. Afémaci íaioi jófuemo meine jáidiaioi.

<sup>7</sup> Tíromona biticai Tolemáidamo dúcina. Dinomo ite ámatiai uáidollena darui nabáidicai.

<sup>8</sup> Afe jítiramo Pablo naa íedo jáidinori dinómona Cesarea jófuemo dúcidicai. Dinomo ite ñúfue llóraima Felipe jofomo jáidicai. Afémie siete dígamíede güille fecárainimona Juziñamuimo gairíraco táijiraíma. Dinomo afémie jofomo íticai.

<sup>9</sup> Afe Felipe jiza nagaámazade. Nai íñindiaioi. Aféngotiai Juziñamuimona cacana uailla jino llotíiaioi.

<sup>10</sup> Afénomo diga irui íticaímo, uai jino llóraíma Agabo Judéamona cai uáiduabite.

<sup>11</sup> Afémie Pablo ciraigi ífe zuitáicaillano dama ie ídai onoi diga maiñano daide:

—Ñuera Joreño daide: “Jerusalemo judíuai bie ciraigi ife náamana bie izói máiite. Maiáno íena jicánemacimo fécaítiaíoi,” daide, —daí Agabo lluaíbite.

<sup>12</sup> Aféfuena cacáillano, Cesarea imaci naa cairi, Pablo Jerusalemo jáiñeillena íemo izire jicádicai.

<sup>13</sup> Mei jira Pablo uai ote:

—¿Nibái cuena zúucaitatiomoi? ¿Minícarí éedimoi? Cue íaíoi maille baimo comécido mamériticue. Juzíñamui jítáiadi Jerusalemo cai Ocuíraima ícoinia títicueza, —daide.

<sup>14</sup> Afémie mámiáfueña jáanonidicai. Ie jira afefue fáicanocaillano daidicai:

—Juzíñamui comeci jitailla izói omo íficaiteza, —daidicai.

<sup>15</sup> Afe meífodo, Jerusalemo jáillana finóbicai.

<sup>16</sup> Cesaréamona dárie Juzíñamuimo ínotino caina nabaide. Afémaci cigímona daa Chipre ímie Mnasón ite. Afémie jae diga fimona Juzíñamuimo ínote. Afémiemo ite Jerusalemo dúciracomó jáidicai.

### *Pablo Sanatiago uáiduafue*

<sup>17</sup> Jerusalemo dúcidicaímo dinomo ite ámatiai caimare caina llínotiaíoi.

<sup>18</sup> Afe jítiramo Pablo naa cairi Santiago uáiduaidicai. Daje izói nana illáicomini aféno mo itiaíoi.

<sup>19</sup> Pablo íaíoi uáidote. Uáiduano Pablo nana iedo judíoñedinomo Juzíñamui finócafuaíai jino illa dígafuaíai íaíoi mo llote.

<sup>20</sup> Iemona aféfuíaina cacáillano Juzíñamuimo caimátaíoidiaíoi. Jira Páblona daidíaíoi:

—Míi, o llogáfuaíai iere ñuera, mei íadi judíuaimona diga mil comini afe ñúefuemo ínotiaíoi ciódioza. Nana afémaci Moisés ocuica uai izói cai íllena iere jítáirede daidíaíoi.

<sup>21</sup> Mei íadi dárie o nana jica jáínomo ite judíuaimo llogáfueña lluaíbítiaíoi. Afe íaíoi cacánafue daide: “Moisés ocuica uaina jeire omoi oñeno iri.” Afe izói íaíoi jítótiai bacano ícoi quetáñedio, daidíaíoi. Ie emódomo cai fibíllafuaíaina finótañedio, daidíaíoi.

<sup>22</sup> Iemo bífuíaina cai dibénedo ¿nie izói llóitio? ¿nie izói ñéiticaí? O bílláfueña comini fidíllano ua dáonomo gáirtiaíoi, —daide. Iemo Santiago nai úrillano íena daide:

<sup>23</sup> —Cai daínauai jeire o úamona aféuai izói o finolle jítáirede. Cairi benomo ite nagaámamie. Afémilai uícómo Juzíñamuimo nauí íaíoi llogáfuaí fuitáacadiaíoi.

<sup>24</sup> Bimaci o uíri. Uillano nana omoi comécimo íaífue múiñufue mai omoi finuairi. O úcubemona omoi ífue cuidótalle ibari. Iemona dani cuidótaitaíoiiza. Afe daí o finuamona, benó ite ínote judíuai, o ñue ífírena izói ónoítiaíoi. Moisés ocuícáfue jeire o úana fidítiaíoi. Daje izói ja ónoítiaíoi nana o rafue benó comínimo jáímaci lluaíbígá táínofuaíai.

<sup>25</sup> Mei íadi ínote judíoñedinomo jáífodo jae cueticaí. Aillo judíuai finócafuaíaimo íaíoi jieruíñeillena lloticaí. Daá bifue íaíoi mo lloticaí: “Jánarai izóidemo fecaca líliciaina omoi riñeno iri. Díena jiróñeno iri, daje izói cimoina cigínoga rílleniaina riñeno iri. Mai nana jiruífuaíaimona abí omoi rairuiri; dama áiredimie íe aí diga illa ñuena,” —dinóride Santiago llogáfue fuilla.

### *Pablo gairíracomo llaitáinafue*

<sup>26</sup> Ie mei Pablo afe nagaámamie uite; uillano afe jítiramo, íaíoi comécimo ite íaífuaíai múiñufue finódiaíoi. Afe meífodo jofo Juzíñamuimo gairíracomo jáidiaíoi. Dinomo íaíoi comécimo ite íaífuaíai múiñoílliruillaí fuilláruí lluaíjidiaíoi. Afe daí íaíoi llúamona illa dígamierie íaíoi raa fia íaíoi fecálliruí llotiaíoi.

<sup>27</sup> Afe siete dígarui ja fúiacademo Asia éniemona bite judíuai Páblona Juzíñamuimo gairíracomo cíozaibítiaíoi. Iena cíozaibíllano nana afeno comínina fienuí faillíñaitadiaíoi. Iemona Pablo llaitádiaíoi.

<sup>28</sup> Lláitano caillíoidiaíoi:

—Ísrael nairai, cai cano! Bímie nágagobiaido nana comíniamo cai nairai uáitaicana llófuecaide. Daje izói Moisés ocuícáfueña uáitaoides. Bie cai Juzíñamuimo gairíracona uáitaoides. Ie emódomo jae mena griego ímie íaillinoí jofo uite. Daí bie Juzíñamuido ñue finócaco ero bácaíabite, —daidíaíoi.

<sup>29</sup> Nauí Pablo afe jófuedo judíoñedinome Trófimo diga nabáirillana íaíoi cíonamona daí daidiaíoi. Afe Trófimo Efeso ímie. Afémaci comeci facádiaíoi, nibai Pablo Trófimona gairíracó eromo jofo uite, daidíaíoi.

<sup>30</sup> Iemona nana afeno comini aféfuíai júfidotiaíoi; aféfuéri fienuí faillíñaidiaíoi. Afe llezica nana comini áizaizi bítiaíoi. Billano Pablo llaitádiaíoi. Lláitano gairíracó jinomo zocana íena uitiaíoi. Daí ñiano afe llezica gairíracó náziaí ibáidiaíoi.

<sup>31</sup>Ja éna titáacadiaoimo, soldados igüelli illaíma ja afe aillo comini fieni faillíñainana fíde. Daje izói Pablo ja íaíoi titáacanafuena fíde.

<sup>32</sup>Mei jira afe illaíma ie jabóidillaímaíai naa ie llazírainiri jíríte. Jírillano afe comini illánomo aizícana jáidiaíoi. Iemona nana comini llazíraini illaíma naa ie llazírainiri billana cióillano, Pablo fáajana fáicanocaidiaíoi.

<sup>33</sup>Afe mei afe illaíma Páblomo ánozide. Ainozillano Pablo llaitádiaíoi. Lláitano mena llóejina éna maítáate. Afe mei illaíma éna daide:

—O mei çbúdio? çÑíífue finódio? —daide.

<sup>34</sup>Mei íadi comini jamánomo jíáfodo caillíoidiaíoi. Jíáimíai jíáfodo daidiaíoi. Illaíma ifona jamánomo írinote. Jaca jefomo uibñede, jamánomo íaíoi úrioinaza. Jira illaíma llazíraini gairracomo éna uitáate.

<sup>35</sup>Afeco caífo jáirabicimo íaíoi dúcina llezica, llazíraini Páblona caífodo rocádiaíoi, comini éna llaitada íaíoi fáiacana jira.

<sup>36</sup>Afémie uilla óodana caillícana daidiaíoi:

—¡Pablo dama tíideza! —daidiaíoi.

*Pablo ie abí ríidollífue comini uíécomo llote*

<sup>37</sup>Afécomo éna uizájidiaíoi, Pablo afe llazíraini illáímamo griego uáillaido jicánote:

—çMeita comínimo úriredicue? —daide.

Jira aféllaima uai ote:

—çO griego uai úrillana ónodio?

<sup>38</sup>çMei o egipcio ímieñedio? Afémie nauí jíáie illáimana benó jóonecade. Táizicimo cuatro mil come fáraini uite, —daide.

<sup>39</sup>Jira Pablo éna daide:

—Tarso jófuego jococa judíodicue. Cilicia éniemo ite ñue onórede jofue ímiedicue. Comínimo cue úrilleza cuemo izire cácarei, —daide.

<sup>40</sup>Iemona afe illaíma Páblona fairíote. Iemo Pablo afe caífo jáirabicimo náidallano comínina ónoído lláicaitade. Íaíoi úrioina lláicallamona Pablo afémaci uáillaido íaíoi úrite. (Afémaci úrilla uai ‘hebreo’ daina.) Íaíoina daide:

## 22

1—Cai comini naa illáicomini diga, omoi cácarei. Cue abí ríiduaíue jino llóiticueza, —daide.

2Hebreo uaido íaíoina dáinana cacáillano, iere tí daidiaíoi. Iemona Pablo íaíoina daide:

3—Cue judíodicue. Cilicia éniemo ite Tarso jófuego jocócacue. Mei íadi benó Jerusalemo comútagacue. Afe mei Gamaliel llófuegacue. Cai jáiáidígima ocuífuaíai llúana iere áfemo jéruiticue. Jaca Juzíñamuimo tájinaíuemo comeci cue facai izói naa cue ríinodo iere járitaífiredicue. Ua ja biruí Juzíñamui ocuífuaíuemo omoi járitaílla izói jáiaí daí járitaífiredicue.

4Jaiái Jesumo ínotinona daje izói fállena racádicue. Afe dáruido íñíai ringóniári lláveracomo lláviaidicue.

5Lletáiraini illaini nauí comini cue lláviaíuemo uai nabáiraini itíaíoi. Daje izói nana illáicomini rábiaí cue fécamo uai nabáiraini. Afe rábiaído Damáscómo ite cai ámatiaí judíuai jénuaidicue. Dinomo ite Jesumo ínotino jénuaidicue, atida Jerusalemo íaíoina duere cue finóallena.

*Pablo íemo ite fíénidífue méidua jino llote*

*(Hch 9.1-19; 26.12-18)*

6Mei íadi Damasco iodo jáidicue, ja jáiciri ítemo afe jófuego dúciacadicue. Afe llezica monámona jamánomo ríire cuemo egáíñoacade.

7Iemona éniemo baídicue. Afe llezica monámona cuena daina uai cacádicue; aféuai cuena daide: “Saulo, Saulo çñíbaí mei cue racádio?”

8Mei jira jicánoticue: “çO mei búdio?” Jira afémie cuena daide: “Nazaret ímie Jesúsicue. Daa o racácamiedicue,” daide.

9Cuedo jáidino afe egáíñuana cióillano jacínaitiaíoi; mei íadi cuemo úrite uaina cacáñediaíoi.

10Jira éna daidicue: “Ocuíraíma, çmei ñíie izói ííticue?” Jira afémie cuena daide: “Náidacaillano o jailla Damasco jófuego jái. Dinomo o finóllifuaína omo llóitiaíoi,” daide.

11Afe ríire egáíñua cue ui dúitaga. Ie jira cue nabáíñíai Damáscómo ónoído jáinátaoicagacue.

12‘Afénoimo ite Ananíasna mámeciredimie. Afémie iere Moisés ocuífuaíuemo ínofirede. Nana Damáscómo ite judíuai ñíuefuena íemo nitáfirediaíoi.

13Iemo afe Ananías cue uáiduaíbite. Billano cuena daide: “Cue ama Saulo, o ui meine nane cíoteza,” daide. Daí daina llezica meine cue ui ñíue cíoiide. Afémiena cíodicue.

<sup>14</sup> Mei jira afémie cuena daide: “Cai jáiairagima Moo Juzíñamui nizécamedio. Afémie jaiiai ninómona ona nize de íemo o táijillifuiyai jino omo llóllena. Ua dama Jesús fue mona ie úrilla uáillaina cácaito. Afe llezica jaícina ñue finófredimiena Jesuna cíoitio.

<sup>15</sup> Mei o cacánafuiyai o ciónafuiyai diga nana comini uícomo jino llóitio.

<sup>16</sup> Mei birui ¿minicari jizidio? Náidacaillano o báutizatari. Ocuíraima Jesús mámecimo ñue ínnori. Afedo o fiénidifue jae muiñócaza,” dinori Ananías daide.

*Pablo Judíoñedinomo ie oréca fue jino llote*

<sup>17</sup> Pablo nai úrite. Iaioina daide:

—Jerusalemone meine cue billa llezica, Juzíñamuimo gairíracomo úrizaidicue. Dinomo nicai anado cíodicue.

<sup>18</sup> Cai Ocuíraima Jesuna cíodicue. Afémie cuena daide:

—Jerusalémone mai raire oni jai. Afémaci cuedo o úrillana jieruíñeitaiyai, —daide.

<sup>19</sup> Jira Ocuíraimana daidicue:

—Nana afémaci omo ínotinona llófuerracomoe cue lláitainafuena onódiaiyai. Llavéracomo íaioina fácana cue uilláfuemo uibíoidiaiyai.

<sup>20</sup> Esteban o mámedido úrite táijitagamie. Afémie tíide die tota llezica afénomo iticue. Aféfuemo “Jii” daidímedicue. Ie emódomo Esteban fatímie inícuirona oni lláidicue, —daidicue.

<sup>21</sup> Mei íadi Ocuíraima cuena daide:

—Mai jai. Judíoñedino cigimo jica ona óreiticue, —daide.

*Pablo llazíraini illaíma anamo illafue*

<sup>22</sup> Afe dinó afeno comini ínnori tíi daidíaiyai. Mei íadi dánomo nane caillíoicana daidíaiyai:

—¡Bie íma dama tíideza! ¡Afémie cáaillinona íñeite! —daidíaiyai.

<sup>23</sup> Nai are caillíoidiaiyai. Iere icírillano daní íaiyai inícuiruai cúacoidiaiyai. Afe llezica eníchomaiyai caífo táinomo júcoidiaiyai.

<sup>24</sup> Ie jira llazíraini illaíma Páblona íaiyai gairíracomo orede. Oriano dinomo zechénotade ie finóca fue jino llóllena, comini riire íemo fienu caillíoínafuena onóíllena.

<sup>25</sup> Ja maitá fállena naidánega, íemo Pablo dinomo ite jabóllaimana daide:

—¿Jicánoñeno romano ímiena fárediomoi? —daide.

<sup>26</sup> Afena cacáíllano jabóllaima llazíraini illámamo llujáide; llujáíllano daide:

—Bímiemo o duere finóacanafue o jíricañeno iri; afémie romano ímieza, —daide.

<sup>27</sup> Jira afe llazíraini illaíma Páblomo jicánuaibite; daide:

—¿Ua romano ímedio?

Jira Pablo:

—Íe mei, —daide.

<sup>28</sup> Jira afe illaíma daide:

—Aillo cue úcube baíílla baímo romano ímiena jáidicue, —daide.

Íemo Pablo daide:

—Cue jaca romano ímiena jocócacue, —daide.

<sup>29</sup> Afe daíí ie dánamona, ie zechénotino afémiemona oni raíidíaiyai. Nana afémaci naa aféllaimaíri jacínaitiaiyai ie íaiyai llaitari; afémie romano ímienana íaiyai fidínamona.

*Pablo judíuai Nahí Ríillaini uícomo naidánetaiyai*

<sup>30</sup> Afe jáíruido afe llazíraini illaíma Páblomo íaiyai jítafuiyai ñue jaícina onóiacade. Ie jira lletáriraini illaini naa íaiyai ríillainíri dánomo gairítate. Afe mei Pablo llaveina llójei zúitano íaiyai uícomo baí naidánete.

## 23

<sup>1</sup> Dinomo Pablo Nahí Ríillainimo éroicaillano daide:

—Cue ámatiai, cácarei. Jaca birui comeci mánaínafuedo Juzíñamui uícori caimare iticue, —daide.

<sup>2</sup> Ie jira lletáriraini illaíma Ananías Pablo abimo itino fúena putátate.

<sup>3</sup> Jira Pablo íena daide:

—¡Afe izói Juzíñamui ona fátaite! Jae jinódiuaido ñue úritio, o comeci fiénide íadi. ¿Jadí ráidío ocuica uai daina izói cuemo jícanollena? Iemona ¿ñibái mei ocuífue uáitano cue fúena putátatio? —daide.

<sup>4</sup> Iemona afénori itino íena daidíaiyai:

—¿Ñibái daí Juzíñamui caífoide lletáriraimana baíñotio? —daidíaiyai.

<sup>5</sup> Jira Pablo daide:

—Amatai, afémie caifoide lletáriraima ie íllana onóñedicue. Onódicueza Cuegáuailai daide: “O jofue ríimacina báíñoñeno iri,” —daide.

<sup>6</sup> Iemona Pablo Nahí Ríillaini cígimo itinona fidide. Afémacimona dárie fariséuaimo jaináidiaioi. Jiámaci saducéuaimo jaináidiaioi. Ie jira íaioina riire daide:

—Amatai, cue fariséodicue. Afe emódomo fariseo ímie jitódicue. Ja birui cuemo jicánotiaioi, mei tídimaci meine abido cáilliruimo cue úífuua jira, —daide.

<sup>7</sup> Daií daina meífomo, fariséuai saducéuai diga conímamo jofo afefue riire júfidotiaioi. Iemona afénomo gairídino dázierie bozietaidiaioi.

<sup>8</sup> Afe saducéuai tídinona meine cáañeite daidiaioi. Afe emódomo Juzíñamui abi imácina íñede, daje izói jóriaiaina íñede daidiaioi. Mei íadi fariséuai nana aféfuaimo ínotiaioi.

<sup>9</sup> Nana caillíidiaioi. Ie mei dárie ocuicauai llófueraini naidáidiaioi. Afémaci fariséuai dibénemo jaináidiaioi. Caifo naidáillano daide:

—Bímie fiénidifuaina caido llócaíñede. Nibai joreño íemo úrilla; nibai Juzíñamui dibénedo úaitañeíticai, —daidiaioi.

<sup>10</sup> Afe júfiduafue riire anado jaide. Iemo llazíraini illaíma Pablo íaioi tibéruari jacínaite. Ie jira aféllaíma íaioi cígimona Páblona llazírainina oni uitátate. Uillano meine íaioi gairíracomo íena orétate.

<sup>11</sup> Afe jíáie naio Ocuíraíma Jesús Páblomo cíocaillano daide:

—Pablo, jacíruiñeno, abi mame. Benó Jerusalemo cuedo o úrilla izói, daje izói Rómamo úrizaitio, —daide.

*Pablo fállena mámiafue*

<sup>12</sup> Afe jíáiruido judíuaimona dáarie Pablo fállena maméritiaioi. Dani íaioi abi faidódiaioi. Jira fiénde uáillaido daidiaioi:

—Páblona nai cai fáñeille dino güíñeíticai, jiroñeíticai, —daidiaioi.

<sup>13</sup> Afe daií úritimíai cuarenta baimo jaide.

<sup>14</sup> Iemona afémaci lletáriraini illánimo naa judíuai éinamaciri jáidiaioi. Dinomo daiízaidiaioi:

—Dani cai abi fienu daináfuedo faidódicai. Pablo cai fáñeille dino güíñeíticai, jiroñeíticai.

<sup>15</sup> Mai omoi naa jíáie Nahí Ríillainiri llazíraini illáimamo Pablo uire jiti atíllifue jica. Fia daií íemo lloiri, meine nane íemo itífue izire omoi jicánollena. Afémie nai dúciñeite, afe atica llaitada íena titáiticai, —daidiaioi.

<sup>16</sup> Mei íadi Pablo comoma afe Páblona íaioi fáiacanafuena fidízaibite. Iemona afémie llazíraini gairíracomo Páblona llujáide.

<sup>17</sup> Mei jira Pablo jabóllaima jírillano daide:

—Bie jitócome llazíraini illáimamo úi. Afémiemo lloílfuena íteza, —daide.

<sup>18</sup> Afe jabóllaima íena uillano, llazíraini illáimana daide:

—Afe llaveca Pablo cue jírillano bie jitócome benó cue atíllena jicade, afémiemo da lloílfuena íteza, —daide.

<sup>19</sup> Afe llazíraini illaíma afémie ónoído oni eneno jicánollena uite; daide:

—¿Níifue cuemo llóiacadio? —daide.

<sup>20</sup> Jira afémie daide:

—Judíuai jae nana dáfuerrillano meine comeci facádiaioi. Uire jiti Pablo Nahí Ríillaini uícomo meine o atíallifue jicaitiaioi, meine íemo izire íaioi jicánollena.

<sup>21</sup> Mei íadi íaioi jicáíllifuego íñoñeno iri. Afémacimona cuarenta baimo dígamie báinino Pablo fállena jóonetiaioi. Afe fáiacadino dani íaioi abi faidódiaioi. “Pablo nai cai fáñeille dino, güíñeíticai; daje izói jiroñeíticai,” daidiaioi. Ja birui afémie fállena ñue finóbidiaioi. Mei íadi o uai ollífuemo nai úíñoidiaioi, —daide.

<sup>22</sup> Iemona afe llazíraini illaíma afe jitócomena:

—Mai o jairi, —daide. Afe íemo ie lluaíbigafuena jíáimacimo “Lloñeno iri,” daide.

*Caifóidillaíma Félixmo Páblona orédiaioi*

<sup>23</sup> Mei jira afe llazíraini illaíma mena jabóidillaíma uáidote. Uáiduano íaillinoína daide:

—Mai doscientos diga llazíraini mácáitinona finóbitari. Afe llezica setenta dígamie cabállodo jáititona finóbitari. Afe emódomo doscientos dígamie zidaiairi jáititona finóbitari. Nana afémaci nauilla baido Cesaréamo jáitiaioi, —daide.

<sup>24</sup> Afe llezica Pablo jaille cabállona finóbitade. Daje llezica Pablo ñue fañeno cáanori caifóidillaíma Félixmo uitátate.

<sup>25</sup> Afémacido cuegabe orede. Afe cuegabe daide:

<sup>26</sup> “Cue Claudio Lisias mamécacue. Jamánomo cáimafuere de caifóidillaíma Félix, o uáidoticue.

<sup>27</sup> Judíuai bímie lláitano duere finótaacadiaíoi. Iena fáiacadiaíoi. Mei ie romano ímie íllana cue fidínamona cue llaizírainido íena ríiduaidicue.

<sup>28</sup> Iemo íaíoi jitácafue na onócadicue. Ie jira judío Ríillaini uícomo íena uitátaticue.

<sup>29</sup> Ie mei aillo íemo júfidogafue záilla meífomo íemo nífuena baiñédicue. Dani íaíoi mo ocuica uai ie jeire ie ofeña íemo nitádiaíoi. Mei íadi ie cue fallífuena íñede. Daje izóí ie cue llavéllífuena íñede.

<sup>30</sup> Dani afémie íaíoi nane fáiacanafue na cue fidínamona, íena omo orédicue. Afe llezica nana íemo fiénidífuíai nitádinona daidicue: Mai Páblomo nífue o nitáadi caifóidillaíma Félix uícomo o daíízairi. Mai, jae níie.”

<sup>31</sup> Mei jira nana llaizíraini íaíoi illaíma ocuilla izóí Pablo uitíaíoi. Afe naíoi Antípatris jófue mo íena uitíaíoi.

<sup>32</sup> Afe jitiramo eíbado jaide llaizíraini meine íaíoi iníracomo bitíaíoi. Ie mei cabállodo jáidino Páblooiri nai Cesaréamo jáidiaíoi.

<sup>33</sup> Dinomo afe Cesaréamo dúciillano, afémaci uiga cuegabe caifóidillaímamo izájidiaíoi. Daje izóí Pablo íemo fecádiaíoi.

<sup>34</sup> Afebe facádua meífodo, caifóidillaíma jicánote:

—¿O nino ímiedio?

Pablo uai ote:

—Cilicia énie ímiedicue, —daide.

<sup>35</sup> Ie jira íena daide:

—Omo fiénidífuena nitáдино bíadi ona cácaíticue, —daide.

Afe mei Félix Páblona Herodes illaíma illaco áillocomo rairuítatínona uitátate, afécomo íena íaíoi ñue rairuállena.

## 24

### *Félix uícomo Pablo abi ríiduafue*

<sup>1</sup> Jubécuiro dígarui illa meífodo lletáriraini illaíma Ananías Cesaréamo bite. Afémiedo dárie éinamaci bitíaíoi. Dáruído, caifóidillaíma uícomo raire úritímie bite. Afémie mámecei Tértulo. Nana afémaci caifóidillaíma Félix uícomo Páblomo jitácafuaíai nítaibitíaíoi.

<sup>2</sup> Pablo íaíoi átia llezica, Tértulo íemo jíidífuere riire nitade. Félixna daide:

—Cai izírui ga caifóidillaíma, ori íobíoidicai. Ñue záillafue caímo ite; íemo caímare llícaillafue mo iticai. O fibíllafue do nana ñue ocuícacai.

<sup>3</sup> Nana bífuíairi nágagobiaído íobíoidicai. Félix o iere jamánomo figomiedio.

<sup>4</sup> Mei íadi are o cue áfedeñoílleza cai úrillamo o cacárellena omo izire jicádicue.

<sup>5</sup> Bímie fiénide duico billa izóí bíllana ciódicai. Naga éniíaido llócaide judíuai oni énenorie bozíetaíllena. Afémie Nazaret ímie Jesumo ínotino ífódimie.

<sup>6</sup> Icoímo cai Juzíñamuimo gairíraco ero bácajide. Ie llaítádicai ñue afémiemo cai ocuina uai daina izóí jicánollena.

<sup>7</sup> Mei íadi llaizíraini illaíma Lisias aféfuemona caina rairuide. Iemona cai anámona íena ríifue do oni bairode.

<sup>8</sup> Afe emódomo caina daide: “Bie cómemo bifue jitáдино odo bírediaíoi.” Dama o afémiemo jicánorena, nana íemo cai jitácafue uáfueíteza. Daíí áfena uáfue na onóitio, —daide.

<sup>9</sup> Afénomo jaide judíuai nana aféfuíaina uáfuaíai daídiaíoi.

<sup>10</sup> Jira Pablo úrillena caifóidillaíma ónoído llote. Jira Pablo daide:

—O uícori cue abi ríiduafue jino caímare llóíticue. Jaiái diga fimona bie nairai o jicánoramana o íllana onódicueza.

<sup>11</sup> Ja doce dígarui íllamona Jerusalemo Juzíñamuimo áinozillano íemo caímare úrillena dúcidicue. Aféfuena dama o jicánorena, ñue o ónoíllena.

<sup>12</sup> Bumo riire cue úrillana cacáñediaíoi. Daje izóí Juzíñamui gairíracomo comínina fienuí failíñaitañedicue. Iemo jíái Juzíñamui llófuerracomo daje izóí júfidogafuaíai finótañedicue. Daje izóí nairai jófue do nífuena llonédicue.

<sup>13</sup> Nana bimaci cuena nitácafuaíaina bu áfena uafue daíñina.

<sup>14</sup> Mei íadi dafue jino llóíticue. Judíuai fienuí mameca fiénidíodo jáidicue. Afe como Jesús lloga íodo cue jáillamona cai uzútiai Moo Juzíñamuimo tájídicue. Mei nana cuega ocuica uáíllaina ínoticueza. Afe daje izóí nana uai jino lloraini Cuegáncuaimo ite uáíllaina ínoticue.

<sup>15</sup> Iaioi Juziñamuimo úiñoinafue daide: “Tíidino ñuemaci fiénidimaci diga meine abido cáaitiaioi.”

<sup>16</sup> Ie jira Juziñamui uiecomo nífuenidimiena cue illena jaca nágarui cue comeci ñue finófiedicue. Afe izói comini uiecomo nífuenidimiena íacaducue.

<sup>17</sup> Ja diga fimona jáinuiaimo cue maca meifomo, meine cue éniemo Juziñamuimo fia fecaca úcube izáibiticue. Afe izói dúeredimacimo dúecaillano úcubena fécaibiticue.

<sup>18</sup> Afe daií cue fecaca llezica, cue comécimo ite íaifuiaí cue múiñuafuemo nícidoticue. Daií cue comeci nícidua meifodo afe úcube cue fecalle llezica, dárie Asia énie judúuai Juziñamuimo gairiracomo cuena baitiaioi. Afénomo nai comínina figo iñena llezica íticue. Afénomo ite comínina jaca buna faillíñaitañedicue.

<sup>19</sup> Afénomo cuena ciódino benomo cuemo jítaibirediaioi, cuemo nifue íaioi nitáadi.

<sup>20</sup> Mei jáifodo nauí judúuai Nahí Ríillaini uiecomo cue illa llezica fiénidifue cuemo nauí íaioi báadi, benomo ite aféfuena cacáidino mai jino lloiri.

<sup>21</sup> Aféruillaído íaioi cígiri cue illa llezica dafue riire íaioimo lloticue. Daidicue: “Ja birui cuemo jicánotiomoi tíidimaci meine abido cáaillífue como cue íñua jira.” Dino Pablo úrite.

<sup>22</sup> Félix Pablo daií daínana cacáillano, aféfuena dinó fiénocaide. Afe Jesucristomo dibénemo itino finócafuiaina Félix ñue fibídimie. Ie jira aféfuena dinó fiénocaide. Fiénocaillano daide:

—Fui llaziraini illaíma Lisias dúciadi bie ómoimo itifue afémie cuemo ñue jino llóite, —daide.

<sup>23</sup> Iemona Félix, jabóidillaímana ocuúde Páblona nai zuitatáñellena. Mei íadi ie comini ie uáiduaíbillena rairuñede. Afe izói ie íaioi cánuabillena jeruñede. Afe daií Félix Pablo figo riire llavétañede.

<sup>24</sup> Afemona afe mei dígarui íllamona, Félix meine dúcide ie ai Drusila diga. Afengo judío ingo. Félix Pablo jáiritade Jesucristomo íñuafuedo úrillena.

<sup>25</sup> Afe íñuafuedo úrilla llezica Pablo ñue jáicina jáillífuedo úrite. Afe daje izói ñue comini íllena abi rairuínafuiaí llote. Ie émodomo írairuimo comini jicánollifue jino llote. Aféfuiaína cacáillano, Félix jacínaite. Jacínaillano daide:

—Mai birui jai, uire cue jítaílliruido nane ona jáiriticueza, —daide.

<sup>26</sup> Afe jáífue Félix, Pablo ie zuitalle úcube fecalle úiñote. Ie jira diga ícaíño Félix íena jíjiride ie diga úrillena.

<sup>27</sup> Mena fimona daií íhídiaioi. Afe mei Félix ie illáimana illano fáicanocaide. Ie meifomo Porcio Festo illáimana jónetiaioi. Félix judúuai uícori ñue íacanamona llavécamié Páblona zuitáñeno oni jaide.

## 25

### *Pablo Festo uícori abi ríiduaíue*

<sup>1</sup> Ie meifomo Festo ja illáimana bite. Afe mei daruíamani íllamona Cesaréamona Jerusalemo jaide.

<sup>2</sup> Dinomo lletáriraini illaini naa judúuai ríimaciri Páblomo íaioi nitácafuiái nane Féstomo llotíaioi.

<sup>3</sup> Jerusalemo abido Pablo oréllena izire jicádiaioi. Pablo io anamo íaioi fallífue na maméritiaioi.

<sup>4</sup> Mei íadi Festo íaioi uaimo daide: Pablo nai Cesaréamo llaveca. Nano íanori íllamona afénomo nane jáiticue.”

<sup>5</sup> Jira íaioina daide:

—Ie jira omoi cígiri ite ríimaci mai cuedo Cesaréamo jairi. Afémie mo nifue íadi dinomo íemo nitajirediomoi, —daide.

<sup>6</sup> Festo afe Jerusalemo nano ocho nibai diez dígarui illa meifodo meine Cesaréamo bite. Afe jáíruido ie riire jicánoranomo ráinazaide. Páblona atítate.

<sup>7</sup> Pablo afénomo jofo jáidemo, Jerusalémoma como dúcide judúuai íemo áinozidiaioi. Ainozillano aillo fiénide ráfuiaí íemo nitádiaioi. Mei íadi aféfuiaímo íñollífue na íñede.

<sup>8</sup> Mei jira Pablo ie abi ríiduaíue na daide:

—Cue nie fiénidífue na finóñedicue. Judúuai ocuúcafuiái uáitaíñedicue. Iaioi gairiraco ero bácañedicue. Daje izói romano caifóidillaíma uáillaina uáitaíñedicue, —daide.

<sup>9</sup> Mei íadi Festo judúuai cígiri ñue íacade. Jira Páblomo jicánote:

—¿Jerusalemo abido jáiacadio omoi nitácafuiái dinomo cue jicánolleza? —daide.

<sup>10</sup> Jira Pablo uai ote:



—Ja birui romano illaïma uïcomo náidadicue. Ja benomo cuemo nitácafuiai jicánorede. Mei judíuaimo nífuenedimediecuza ñue onódio.

<sup>11</sup> Cue títaite fiénidífue cuemo íadi, áfemona abi jáanoñeiticue, mei íadi nana cuemo íaioi nitácafuiai táinofue íadi, buna íaioimo cuena ríífuedo izájínide. Dama romano jamánomo ocuídillaïma cuemo jícano daidicue, —daide.

<sup>12</sup> Iemo ie fidítatimíiaïmo úrilla meífomo, Festo daide:

—Mei “Jamánomo ocuídillaïma cuemo jícano” daidíoza, ie jira afe jamánomo ocuídillaïmamo ona óreiticue, —daide.

*Pablo illaïma Agripa uíécomo illafue*

<sup>13</sup> Diga irui illa meífomo illaïma Agripa ie ai Berenice diga Cesaréamo Festo uáiduaide.

<sup>14</sup> Afénomo diga irui itiaïlinoïmona, Festo Pablo rafue Agrípamo llote. Iena daide:

—Félix fiénocaiga llavécamié nai benomo ite.

<sup>15</sup> Naui Jerusalemo cue jailla llezica, lletáriraini illaini, naa judíuai éicomíniri íemo íaioi nitácafuiai cuemo llotíaioi. Ie duere cue finótallena cuemo jicádiaioi.

<sup>16</sup> Jira íaioi uai oticue. Iaioina daidicue: Romano ríimaci íaioi fibilla izói, afefue nitádimie íemo nitácamié uíécomo conímamo jofo eróicana nai úriñenia, nitácamiéna fañédiaioi. Afe daíí táinofue nitácamié ie abi ríiduaifuena finórede.

<sup>17</sup> Ie jira afémaci benomo billa llezica, raire afe jiáiruido cue jicánoranomo ráinazaidicue. Ráinazaillano afe cómena atítaticue.

<sup>18</sup> Mei íadi afémiemo nitádino cue comeci daïna izói nitáñediaioi.

<sup>19</sup> Daa íemo íaioi nitácafue fia íaioi ñnogafuiaïmo jaïnáidífue. Daje izói da Jesudo úritiaioi. Afémiena tíide daidíaioi; mei íadi Pablo “Caade” daide.

<sup>20</sup> Mei aféfuena onóñedicueza. Nie izói aféfuena níbaíticue, daidicue. Jira Páblomo jicánoticue: ¿Jerusalemo meine jáiacadio dinomo omo nitácafuiai ñue jicánollena?

<sup>21</sup> Mei íadi afémie jamánomo ocuídillaïma Augusto íemo jicánollena jicade. Ie jira nai íena zuitáñedicue. Iena rairuídicue jiáiruido afe caifóidillaïmamo ie cue oréllena, —daide.

<sup>22</sup> Jira Agripa Féstona daide:

—Cue jiái daje izói afe ñma uaimo cacáreacadicue, —daide.

Jira Festo uai ote:

—Uire jiti cácaítio, —daide.

<sup>23</sup> Afe jitiramo, Agripa Berenice diga dúciillano, áillue gairíraco nana jofo jáidiaioi, naa llaizáraini illáiniri, naa jofue ríimaciri. Ua aillo ebire finóbillano jofo jáidiaioi. Dinomo Festo Pablo jíiritade.

<sup>24</sup> Afe mei Festo illaïma Agrípama daide:

—Hlaïma Agripa, nana caíri benó gairírdinori, omoi cácarei. Bímie mo omoi eroi. Aillo judíuai afémiedo cuemo úritiaioi. Benó Cesaréamo cuemo úritiaioi; daje izói Jerusalemo izire cuemo jicádiaioi. Jaca faínocaiñeno ie titácanafuena cuemo llotíaioi.

<sup>25</sup> Mei íadi afémiemo comeci facádicue, íadi ie cue titállifuena ñede. Mei caifóidillaïma Augusto íemo jicánollena dama jicade. Jira afémiemo íena oréllena mamédicue.

<sup>26</sup> Mei caifóidillaïmamo afémie rafue cue cuellífuena ñede, ¿ñífue mei cúeíticue? Ie jira, Agripa, bímie o uíécomo atídicue íemo omoi jicánollena. Afedo caifóidillaïmamo cue cuellífuena ónoíticue.

<sup>27</sup> Mei cue comeci daide: Da llavécamié cue oréadi, íemo íaioi nitácafuena ónoñenia, níbai afefue táinofue, —daide.

## 26

*Illáma Agripa uícori Pablo abi ríiduaífue llote*

<sup>1</sup> Jira afe Agripa Páblona daide:

—O dama o abi ríiduaifuena llórena, —daide.

Iemona Pablo como fueñe íaioimo úrite; daide:

<sup>2</sup> —Hlaïma Agripa, cue abi ríidollífue o uícomo cue llóleri íóbidicue. Nana judíuai cuemo nitaca táinofuiai jino jaícina llóíticue.

<sup>3</sup> Nana judíuai fibíllafuiaïna ñue onódioza. Daje izói conímamo cai úrillafuena onódio. Aferi iere íóbidicue. Ie jira fñaicana cue úrillamo o cacáreillena jicádicue.

*Pablo íemo itífue méiduaífue uícomo finócafuiai*

<sup>4</sup> Nai cue úruenamona dama cue éniemo, daje izói Jerusalemo íaioi cígiri nana judíuai cue illáfuena onódiaioi.

<sup>5</sup> Daje izói cue jitócomenanomona fariseo ímiena cue íllana onódiaioi. Afémaci jitaia aféfuena jino llóredicue. Cai ínogafuiaimo afe fariséuai jamánomo riire jaináidino.

<sup>6</sup> Íaioi ínogafue izói Juzíñamui tíidino meine abido cáatallifueimo ínoticue. Juzíñamui daje afe cáallifue cai jáiairagimamo llote. Afefue ícoinia birui bie jicánollifueimo cuena atídiaioi.

<sup>7</sup> Cai Israel doce nairai afe uícomo llogáuui fuizájillinomo úíñoidiaioi. Ie jira mona naio diga Juzíñamuimo áinozillano caimare úritiaioi. Afe izói íemo táijidiaioi. Illaíma Agripa, afe bie daje úíñogafue ícoinia, judíuai fiénidifuiái birui cuemo nitádiaioi.

<sup>8</sup> ¿Nibái mei daíí comeci facádiomoi? ¿Nibái mei afe Juzíñamui tíidino meine abido cáatallifueimo buna ínonide, daidíomoi?

*Pablo nauí Jesucrístomo ínotino rácafue*

<sup>9</sup> ‘Nazaret ímie Jesús mámeçimo jaináidino duere cue finótallena, nauí aféfuemo comeci facáoidicue.

<sup>10</sup> Iemona Jerusalén imácina duere finótaticue. Lletáriraini illaini ríibiaido aillo Jesumo ínotinona llavéramo íbaicotadicue. Comini afe llavécamací titáacana llezica aféfuena faírioticue.

<sup>11</sup> Diga icaíño íaioina duere finódicue, íaioi ínogafue féitallena. Afe duere finótafue naga llófuerracuaido daíí finódicue. Afe ínotinona jamánomo fiéniruidicue. Ie jira afémacina onínemaci jófuemo racádicue.

*Pablo íemo itífue méidoínafue nane llote*

*(Hch 9.1-19; 22.6-16)*

<sup>12</sup> ‘Bie daíí comeci mamérillafuedo Damasco jófuemo jáidicue. Lletáriraini illaini ríibiaido comini llaitállena orécacue.

<sup>13</sup> Mei íadi jáiciri ía íodo jáidicueimo, jamánomo monámoma riire cuemo egáíñocaide. Afe egáíñua jítoma egáíñua baímo meáirede. Cue abímo egáíñocaide naa cuedo jáidínori.

<sup>14</sup> Iemona nana éniemo baíidícai. Hebreo uáíllaido monámoma cuena daínana cacádicue; cuena daide: “Saulo, Saulo, ¿nibái mei cue racáidío? O dama o abí fiéní finódío. Aíllue juráreto jíúrainomo íte jáirede razi. Afe rázimo juráreto záitacailla jilla izói, afe izói dama abí daíí finódío” daide.

<sup>15</sup> Jira uai oticue: “Ocuíraíma, ¿mei o búdíio?” Jira afémie cuena daide: “O racácamie Jesúsicue.

<sup>16</sup> Mai náidacaillano macácana jai. Jae cuedo o táijíllena omo cíocaidicue. Afemona birui o cíónafueimo uai nabáiraímana ítío. Ie meífomo jáíruido jíáfuiái omo ácataiticue. Aféfuiaimo nane uai nabáiraímana ítío.

<sup>17</sup> Ja judíuaimona jíáie jicáneziemo ona orédicue. Dinomo ona lláitaitaioi íadi ona jíllotaiticue.

<sup>18</sup> Dinó afeno imácimo ona orédicue, íaioi comeci o zuitállena. Afemona, jíitfodo íaioi macáñeno úzefodo íaioi macállena o orédicue. Daje izói nana íaioímo ona orédicue Taífe íaioi námatañellena, mei íadi Juzíñamui díbéfomo íaioi jaináíllena. Afe izói íaioímo ona orédicue cuemo íaioi ínollena. Iemona íaioímo íte fiénidifuiái dófícaite. Afe fiénidifuiaina dófícaidino íaioi feci raa máíñoítiaioi naa jíáie Juzíñamui ñue finócamaciri,” daíí Jesús cue ocuide.

*Nicaí anado Jesús íemo ocuícuaui Pablo jeire ote*

<sup>19</sup> ‘Mei jira, illaíma Agripa, monámoma cue cacánafuena jámairuíñedicue; mei íadi áfena jeire uano fueñe Damasco imácimo afe úrilla uai jino lloticue.

<sup>20</sup> Afe meífomo Jerusalén comínimo daje izói nana judea éníedo llócaidicue. Afe izói jíái judíoñedinomo llócaidicue. Nana íaioímo itífuiái íaioi meídollena riire lloticue. Iemona Juzíñamui díbéñemo íaioi ífícaillena íaioi llófueticue. Ñúefuaido íaioi macállena lloticue íaioímo íte meídogafue jino ácatallena.

<sup>21</sup> Afe bífuíai cue llua ícoinia, judíuai Juzíñamuimo gairíracomo cuena llaitada fáiacadiaioi.

<sup>22</sup> Mei íadi Juzíñamui cue cánuado nai biruimo ñue jáicadicue. Naga cómemo, illáicomini naa jamái comíniri Juzíñamuído úricaidicue. Moisés llua izói lloticue. Jaíai uai jino llóraini llua izói llófueticue. Nana íaioi lloga caímo ífícaítífuíai jino lloticue.

<sup>23</sup> Jaíai ninomo uícomo llotíaioi: “Cristo duere finólleza,” daidíaioi. “Afe meífomo tíite; tííllano meine abido cááite. Afe daíí fueñe tíidímíemona meine abido cáaitímíena maméllímíeite.” Daíí aféfuena daidíaioi. Afe emódomo jíáfue daide: “Cristo cááíllemona, comini jíllóíllifue jino llóite. Ua cai náiraímo llóite. Daje izói jíáie náiraíaina fídítáite,” —dínó Pablo úrite.

*Pablo Agripa Jesucristo díbéñemo jaináíllena llote*

<sup>24</sup> Daí Pablo afe abí ríiduafue llua llezica, Festo caillíoicana daide:

—¡Pablo, o uáiritaidio! Aillo rábiai o facáduamona o ifoci uáiritaide, —daide.

<sup>25</sup> Jira Pablo uai ote:

—Fígomie Festo, cue uáiricoñedicue. Mei jáífodo cue daináuai ñue comécido facádorede. Aféfuiai uafue.

<sup>26</sup> Benori illaíma Agripa ite, bífuiaína ñue onódimie. Ie jira comeci mánainafuedo afémie uíecori úriticue. Afémie nana bífuiaína ie onónana ñue onódicue. Afémie nana bífuiai báinino izúgumo lloñégaza onode.

<sup>27</sup> Illaíma Agripa, ¿uai jino llóraini llogáuaimo ñnotio? O ínuana onódicue, —daide Pablo.

<sup>28</sup> Jira Agripa daide:

—¿Jesucrístomo afe dibénemo cue jaináillena raire cuena ífcaitaacadio? —daide.

<sup>29</sup> Jira Pablo íena daide:

—Raíre Crístomo jaináidimiena o ífcaiaí, o are íllama Crístomo jaináidimiena o ífcaiaí, nai birui Juzíñamui uailai ñue jeire o ollífue jicádicue. Afe izóí dama óieñedeza mei íadi cue Jesucrístomo ínuua izóí nana cue úrillamo cacáreidino Crístomo ñue ñnotinona jítáidicue. Mei íadi llójeina cue máina izóí ómoína maitáacañedicue, —daide.

<sup>30</sup> Pablo aféfuiai llua meífomo, illaíma Agripa caífo náidacaide, afe caifóidillaíma Festo diga. Afe llezica ie ai Berenice nana dinó ráiledino diga caífo náidacaidiaíoi.

<sup>31</sup> Náidacaillano bai eneno jáidiaíoi aféfuiaído úrillena. Dinomo jofo conímána daidiaíoi:

—Baie cómemo ie titállífuaína íñede. Daje izóí llavéracomo ie llavéillinona íñede, —daidiaíoi.

<sup>32</sup> Jira Agripa Féstona daide:

—Bímie nauí jamánomo ocuidillaíma íemo jicánollena jicáñeniadi ja birui zuitárede, mei íadi báillaimamo jicádeza zuitánide, —daide.

## 27

### *Pablo Rómamo oréinafue*

<sup>1</sup> Pablo Itáliamo oréillífue mo maméritiaíoi. Iemona Pablo naa jáíe llavécamiari jáidíillama Júliomo izájidiaíoi. Afémie Augusto llazíraini iguéllimo jainaide.

<sup>2</sup> Iemona Adramitio ígobemona áillue nocaedo jáizaidicai. Afecae nana Asia énie ígobiaído zíjicana ja jáizaide. Daje llezica Tesalónica ímie Aristarco caído jaide. Tesalónica Macedonia énie jofue.

<sup>3</sup> Afe jítiramoidiruido Sidón ígobemo dúcidicai. Afégobemo Julio íere caimare Páblomo úrite. Iemona Páblona rairuíñeno ie onóigamiíaina uáiduajitade. Afe daí íe onóigamiíaina Pablo jítaica raana fecárediaíoi.

<sup>4</sup> Sidón ígobemona jáidicai. Jaillano monáillai cigi idu Chipre jarívezimo fiéicaídicaí, mei jairifo jáífodo cai ñuitáicaillamona.

<sup>5</sup> Dinómona Cilicia énie áinodo Panfilia énie diga baído monaillai cigido jaitádicai. Afe mei Licia éniemo ite Mira ígobemo zíjídicaí.

<sup>6</sup> Dinomo llazíraini illaíma Alejandríamona bite, Itáliamo jáizaide áillue nocaena cóizaide. Afécaemo afémie caina nana jofo orede, afénomona afécaedo cai jáillena.

<sup>7</sup> Dinómona diga irui fiaicana juare jáidicai. Icoímo Gnido jofue féífenemo dúcidicai. Mei jairifo nai jáífodo oni cai ñuitáicaillamona monaillai cigi idu Salmón féífenedo jáidicai. Ie jira monaillai cigi idu Creta onido nefcana jáidicai.

<sup>8</sup> Afe monaillai fue áinodo fiaicana juare jáidicai. Icoímo Buenos Puertos mámeciredinomo dúcidicai. Afégobe Lases jofue áinori ite.

<sup>9</sup> Jae diga iruillai fia fiaicana jáidicai. Iemo ja uáicimo áinozidicai. Iemona monaillai cigido cai jaitalle jamánomo jacírede. Ie jira Pablo íaína izire lloite;

<sup>10</sup> daide:

—Cuemo úrillamo omoi cácarei. Bie cai ruica cai jaille onódicueza íere jacíreite. Cai uiga ráaniai niné táinocaite. Cai jaille nocáe daje izóí táinocaite. Daje izóí cai níbai coróbaizaiticai, —daide.

<sup>11</sup> Mei íadi llazíraini illaíma nocáe naama jáiacanafue Pablo dainafue baímo jeire ote. Daje izóí afecae illaíma daina uai llazíraini illaíma jeire ote.

<sup>12</sup> Afégobe uáiciaí úíñollena figo jínoíñede. Ie jira nana comécido daidiaíoi: “Níbai Fenice ígobemo jáidicaina figora izoide,” daidiaíoi. Afégobe Creta énie mona ícoi dibénemo ite. “Afe dinomo uáici záillena úíñoíticai,” daidiaíoi.

### *Monáillaimo jamánomo rítrede jairifo noci diga jáíñuafue*

<sup>13</sup> Afe jáíruido mona átué dinena jairifo fiaicana fúuoide. Jira afemo ñnotiniaíoi ruica íaíoi jáitallena. Afemona jáizaidicai. Afe Creta énie áinodo jáidicai.

14 Mei íadi due afe meífodo riírede jairifo cai jailla nocáe riire ñúitaibite. Ua afecae riire aiñóicaide.

15 Mei cai jáiacananomo jáinina jira, “Dama jairifo niné uigacai,” daidíai.

16 Iemona duera monaillai cigi idu Claudia jinófenedo jáidicai. Dinomo jairifo caina riire fúuoiñede. Ie jira cai abido uiga dúecae, fáicana juare caifo bitádicai.

17 Dúecae bita meífomo, áillocae jéerie ñécigaido riire jofo mozidicai. Afe mei guamáeaimo íaiói bíjizai daíi jacíruítiaí. Afe guamáeai mámece Sirte. Afe jágiedo íaiói ñuite vela daina áillue iníroi ana zúicoidiaí, cai nocáe fia jairifo fáicana úillena.

18 Afe jáíruido afe jairifo riire jaíñode. Ie jira íaiói uiga ráaie como fueñe afécaemona monáillaimo dócoidiaí.

19 Ja daruíamani íllamo nocáe ero tájina ráaniai dani cai ónoído monáillaimo fádoídicaí.

20 Aféruillaído diga iruí jitoma naa úcuai diga cióñena. Dinomo afe riírede jairifo llavécamiíai izói duere cai finode. Iemona nana jíllóillena cai comécinafuiái niné táinocaide.

21 Ja diga iruillaí güiñeno iticai. Ie jira Pablo íaiói cigimo naidáillano daide:

—Nana omoi cácarei. Naui Crétamona jáíñeiticai cue daina uaina jeire onédiomoi. Afe cue daina uaina ñue ínnotiomoinia bie izói duere zefuñíedicaí. Daje izói nana cai atica ráaniai niné táinocaíñede.

22 Mei íadi, birui omoi jacíruíñeno iri. Bie nocaena niné táinocaite mei íadi ómoimona buna tíiñeite.

23 Mei ja naío Juzíñamui oreca ie abi ímie cuemo daíizaibite. Afe Juzíñamuimo jáináidimiedicue. Afe izói íemo táijidimiedicue.

24 Afe oreca abi ímie cuena daide: “Pablo, jacinaíñeno iri. Romano jamánomo ocuídillaíma uícómo náidazaitioza. Ie jira o illa ícoinia nana nocaedo odo jáidinona Juzíñamui tíillinomona jíllotaite.” Dinó Juzíñamui oreca ie abi ímie cuena daide.

25 Ie jira abí omoi mameri. Juzíñamui uaímo ínoticueza. Ie oreca ie abi ímie cuena daina izói bie cai duere zefuillafuemoná ñue jino jáiticaíza. Afe bífuena ñue onódicue.

26 Mei íadi benómona daa monaillai cigi ídumo jairifo caina nétaite, —daide Pablo.

27 Mena semana cai jailla meífodo daa naío Adria monaillai cai illa llezica, riírede jairifo meine abido caina úioicaide. Iemo dáaferui illa llezica, marinéruai éniemo cai ánozillana comécido onódiaí.

28 Jira nié dinó afórede dainano facádiaí. Facádiaíomoi treinta y seis metros afórede. Nane afe baímo dáanomo facádiaí. Ja veintisiete metros afórede.

29 Noñciaímo íaiói ñájjizaillana jacíruíllano moi dibécaemona cuatro diga nocáe cuinara lloéloici monaillai anamo dotádiaí. Afe mei comeci jacíruioicana mona monaillae úíñotiaí.

30 Afe llezica afecae marinéruai “Bie áillocuemona mai cai botalli” dani conímana daidíai. Afe daíi íaiói botácanamona emódomo bitaca dúecae ana jáinoímo agüñetiaí. Afe llezica jáíamacina jífueacana daidíai: “Bie dúecaedo áillocae ifo dibécaemo jáíe cuinara lloéloici dótaíticai,” daidíai. Daíi afe nocáe ana agüñiádo jífuercadiaí.

31 Mei jira Pablo llazíraini íllámamo naa ie llazírainiri lluno daide:

—Baimaci bie nocaemo fiébiñeno botáadi ómoimona buna jíllóñeilleza, —daide.

32 Ie jira llazíraini dúecae agüna ñécigai jaitádiaí, afecae illemo baíllena.

33 Afe monáidemo Pablo íaíoina daide:

—Mai omoi güiri. Ja mena semana güiñédiomoíza; iníñediomoi.

34 Izire ómoína güítátaticue. Afe omoi güille jítaírede ñue omoi jíllóillena. Uafue ómoimona buna córobaiñeite. Daje izói omoi abímona minícana due jiza báíñeite.

35 Daíi dainano, Pablo daa pan líinuano nana comini eróicana Juzíñamuina “fere figura” daide. Daíi ñiano afe pan díade güite.

36 Afemona nana náireficaidiaí. Afe daje llezica jáino güítiaí.

37 Afe áillocuemo doscientos setenta y seis dígamiedicaí.

38 Ja íaiói güíacaga güille güilla meífodo, fiébide trigo illemo dotádiaí, afecae féecocaillena.

#### *Afecae buíllafue*

39 Jae monáidemo, afe éniena onóñediaí, mei íadi guamai diga ñue itízuguaina ciódiaí. Onóñegaza afénomo íaiói zíjjizaillena maméritiaí.

40 Iemona afecae cuinana lloéloici igai jaitádiaí. Afe lloéloici monáillai anamo fiébicaide. Afecae datara jáirabíai zuitádiaí. Afe mei afecae uite iníroi ífófeceamo caífo jáirífomo jónetiaí. Iemona afecae oni guamáemo áinozioicaide.

<sup>41</sup> Mei íadi mena meine ábiedo totínuaímo dúcidiaíoi. Iemona afecae afénori ite guamáemo bíjide. Ifófecae afe guamáemo jamánomo riire bíjide. Mei íadi móifecae nai ñue fairídemo, monaillai bagua niné llaiízéraga.

<sup>42</sup> Jira afécaemo ite llaiíziraini llavécamiái fáiacadiaíoi, “Íihíi bóitaitiaíoi” dainano.

<sup>43</sup> Mei íadi afe llaiíziraini illaíma Julio Páblona jíllotaacade. Mei jira íaíoina fatátañede. Jiáífodo ocuide nana íiana onóđino illedo ícana raire uícomo dúcillena.

<sup>44</sup> Jiáímaci íiana onóñedino afe nocáe lláicoizillabici emódodo jáitate. Daií nana oni fuédamo dúcidiaíoi. Afe daií ñue jíllodiaíoi.

## 28

### *Pablo monaillai cigi idu Máltamo dúcinafue*

<sup>1</sup> Nana ari éniemo ñue jíllobicaidicaímo, afe monaillai cigi idu, comíni cai llúamona Máltana mámecirenana onóđicai.

<sup>2</sup> Afedu nairai ñue caina llínotiaíoi. Aillue irai bonódiaíoi noci jáíñua rozírena jira. Aferai bónuana nana caina: “Mai omoi agáizaibi” daide.

<sup>3</sup> Afe llezica Pablo záfegai llínota aféraímo jóoniaide. Aferai uzire cácanamona titade jaio jino billano Pablo onoi ainide.

<sup>4</sup> Afedu nairai afe jaio ie ónoímo agüínana cíóillano, conímamo llotíaíoi:

—Nibai baie íima come fáíredímie. Meiti monáillaimona ñue jíllode íadi, Juzíñamui jáicina jóidífue nana comínimo onótaiacanamona íena raamo jíritate ie jíllóiñeíllena, —daií daidíaíoi.

<sup>5</sup> Mei íadi Pablo afe jaio iraimo jaidínota dotade; íena ñie izóí nibáíñede.

<sup>6</sup> Nirui íena fáitaita dainano áfemo nana ocuírídiaíoi. Jiáífodo ñino llezica íena ana dotada títaite daidíaíoi. Mei íadi íena ja are úíñodiaíoi mo ñie izóí íena nibáíñede. Ie jira nano comécido íaíoi daináuai jiáífodo meídotiaíoi. Iemona bie Pablo Juzíñamui izóidímie daidíaíoi.

<sup>7</sup> Afe áinori afedu illaíma Publio illánuai ite. Dinomo daruíamani afe Publio caina ñue llínote. Cai jitaica raana ñue caímo fecade.

<sup>8</sup> Aféruillaido afe Publio moo irárede. Bírallumo díga irui búífirede, ie abi cuaríllari. Iemo jamánomo lluide. Afénomo Pablo íena uáiduaido. Dinomo Juzíñamuimo íena jícade. Daií ie jica mei Pablo onoi íemo bitade. Iemona afémie jíllobicaide.

<sup>9</sup> Afena íaíoi fidínamona nana afédumo ite iráredinuiai Páblomo atídíaíoi. Iemona nana jíllozítiaíoi.

<sup>10</sup> Aferi íóbillano aillo ñúefuiai caímo nitádiaíoi. Afe mei nane dánomo cai jáiacanaruimo, nana cai jitaica ráaniai caímo atídíaíoi.

### *Pablo Rómamo dúcinafue*

<sup>11</sup> Afe monaillai cigi ídumo dauíamani iticai. Afe meífodo, jíaie nocaena cíóizaidicai. Afecae nauí bie ídumo uáici zaille díno úíñote. Dinómona afecae jáillado ruica jáidicai. Afecae Alejandria jófueмона bite. Afecae ífomo mena taino juzíñamui uécona cuega. Afe íaillínoí mámece Castór Pólux. Afecae aféíllinoína náamaredena mameide.

<sup>12</sup> Dinómona Siracusa ígobemo dúcidicai. Afégobemo daruíamani iticai.

<sup>13</sup> Dinómona fueda áinodo Regio ígobemo jáidicai. Afe jáíruido jairifo mona ádue dínena bíllamona Régiomona jáidicai. Ja ménarui íllamona Puteoli ígobemo dúcidicai.

<sup>14</sup> Afénomo ite ámatiaí cíóizaidicai. Íaíoi díga da semana cai íllena jícadíaíoi. Afe mei ja Rómamo jáidicai.

<sup>15</sup> Jae Rómamo ite ámatiaí cai bílláfuena uícomo fidídíaíoi. Ie jira ío anamo conímamo caímo dúcillena uícomo bitíaíoi. Conímamo íaíoi dúcinano “Foro de Apiona” mameide. Jiáífodo daina, Apio íomo ite fecáriraco. Jáino mámece “Tres Tabernas.” (Afe mámece dobáíñuano daina Daámami Dúcirachupi.) Afénuíaimo Pablo éroicaillano Juzíñamuimo “Íere figura” daide. Iemona Pablo comeci caímare ífcaide.

<sup>16</sup> Ie mei Rómamo dúcidicaímo llaiíziraini illaíma Julio ie uíga llavécano rairuídino illáimamo izájide. Mei íadi Pablo oni eneno dama ícomo uíga. Afénomo daa llaiíziraima íena rairuide.

### *Pablo Rómamo Juzíñamui uai jino llote*

<sup>17</sup> Rómamo íaíoi dúcinamona daruíamani íllamona Pablo Roma judíuai íllaini jíritate. Íaíoi gairilla llezica Pablo íaíoina daide:

—Amatiaí, judíuaimo fiénidífue lloñédicue. Afe izóí cai jáiáidígima fibíllafuena uáitaoíñedicue. Mei íadi Jerusalemo romano comínimo lláítano izájigacue.

<sup>18</sup> Dinomo cuemo íaíoi jícanua mei, cuena zuitáacadiaíoi cue íaíoi titáíífue íñena jira.

<sup>19</sup> Mei íadi judíuai jíáifodo cuena zuitátañediaioi. Ie jira romano jamánomo ocuídillaime cuemo jícanorena daidicue. Mei íadi afe llezica cue náiraime cue jíállifuenta íñede.

<sup>20</sup> Mei jira omoi diga cue úrillena jíriticue. Mei cai bie daje Israel náraídicaí. Daje cai Mesías billífue mo comécíidicaí; daje izóí meine abido cai cáailífue mo úiñoídicaí. Afe cai úiñoigafue ícoiniadi birui benó llavécamié cue llavéimana ja cíodiomoiza.

<sup>21</sup> Jira íena daídíaioi:

—Jaca daabe o finócafuiái lluabe caimo dúciñede. Daje izóí afénomona bite ámatiaí judíuai o mámecido fiénidifuiaina nitaíbiñediaioi.

<sup>22</sup> O comei fácafuiáimo cacáreacadicaí. Mei náganíiáimo afe bie comue Jesumo jaináidinona onódicaíza uáitaoidiaioi, —daíí íena daídíaioi.

<sup>23</sup> Ie jira meine íaioi cacáillirui mamédiaioi. Afe maméinaruimo aillo náiraí Pablo illácomo nane gairízaíbitiaioi. Jítiramoná ua nauízaidemo Pablo Juzíñamui illáimana illafue íaioímo llote. Moisés ocuica uáillaido Pablo Jesús díbenemo íaioína ínotaacade. Afe llezica Juzíñamui uai jino llóraini cuela uáillaido Jesumo íaioína ínotade.

<sup>24</sup> Dárie Pablo llogáfue mo ínuaidiaioi, ie mei jíáimaci ínoicañediaioi.

<sup>25</sup> Mei íadi nana dáafue mo comécííñenamona raízitiaioi. Como raííacadiaioímo Pablo íaioína daide:

—Ñuera Joreño cai jaiáídigímacímo uai jino lloraima Isaíado ñue úrite. Afémie daide:

<sup>26</sup> Baimácímo bifue llujáiri, daide:

Omoi uafue aféfuena cácaítíomoi íadi áfena ónoñeítíomoi.

Omoi uáfue na cíoitíomoi íadi ñue fidiñeítíomoi.

<sup>27</sup> Mei bie comíni comei meine fiéni rírenamona bie ñúfue na óíacañediaioi.

Íaioi ífoci jáiaínamona fiéni cacádiaioi.

Íaioi újiaí nitáoidiaioi dani íaioi úido áfena íaioi cíoi dáí.

Daje izóí íaioi jefodo cácañeíllena jefo íbáidiaioi.

Afe izóí comécído cacáacañediaioi.

Daje izóí meine cuemo bíacañediaioi, íaioi cue jíllotallena, —daíí Isaías daide.

<sup>28</sup> Bifue omoi onoiri: biruímona bie Juzíñamui lloga jíllóillifue judíoñedímacímo llujáiga.

Aféfue mo afémaci ñue cacáreítiaioi, —daide.

<sup>29</sup> Pablo daíí dáínamona, judíuai aillo conímamo úrica náidiaioi.

<sup>30</sup> Afénomó Pablo ie íbaca jofomo mena fimona fuitade. Nana íemo ráfuiái jícanuaíbífiredinona ñue caimare llínofírede.

<sup>31</sup> Aféruíllaido Pablo Juzíñamui illáimana illafue jino uáfodo comínímo llote. Afefue ie jino llole rairuíde cómena íñede. Daje izóí Ocuíraíma Jesucristodo diga irui llófuérite. Aféruíllaido ie llófuérilla buna llótadoñede. Maí. Jae níie.

## ROMA COMINIMO SAN PABLO ORECABE La Carta del Apóstol San Pablo a los Romanos

*Pablo Rómamo ite Jesumo inotino cuete*

<sup>1</sup> Cue Páblodicue; Jesucristo ocuifregamiedicue. Juziñamui cuena uáiduano eneno cuena nizede ie jillona uai jino llóllena. Ua afémie orécacue; Juziñamui mamécamiedicue.

<sup>2</sup> Afe bie jillonafue Juziñamui jaiái ninomo uícodo ñuera Cuegáuaimo, ie uai llórainido jino llotátate.

<sup>3</sup> Afe jillonafue cai Ocuíraima Jesucristodo úrite. Afémie Juziñamui Jitó. Iemo jái afémie cai come izóidimie. Afe Jesucristo jaiái illaíma David méifoidigimamona jocócamié.

<sup>4</sup> Mei íadi Ñuera Joreño dibénemo afe Cristo uáfodo rínorede Juziñamui Jitona ciótaga, mei dama tillanomona afémie meine cáatateza.

<sup>5</sup> Juziñamui Jesucristodo, ñuefuena cuemo itátate. Aferi iere ióbidicue. Afefue cuemo illano, iere cuena canode, ie mámedico oni jáinomo ie orécamiéna cue illena. Bie cue ióbillafue ie mámedico oni jáinomo cue oréllena. Afe cue oréinamona naga náiraíaido aillo Jesumo inotinona iite. Daje izóí ie uaina jiéruitinona iite.

<sup>6</sup> Afémacimona Crísumo inotinona itíomoi. Ie jira Jesucristo íeiena omoi íllena, Juziñamui eneno omoi nizede.

<sup>7</sup> Mei jira nana ómoimo cueticue Roma jófuemo itínodiomoi. Juziñamui izíruigamacidiomoi. Afémiemo omoi ñue jaináíllena eneno uáidogamacidiomoi. Iemo ite caimátaillafue, naa comeci caimare uái illafue diga ómoimo fécaiteza. Nana bífuíai cai Moo Juziñamui cai Ocuíraima Jesucristo diga, ómoimo mámeiteza.

*Pablo Rómamo macáacade*

<sup>8</sup> Nana ómoiri fueñe Jesucristodo “Iere figura,” cai Juziñamuina daifíredicue. Ua daifí daidicue mei náragobiaído ómoimo ite ñuera inogafuedo úritiaíoi.

<sup>9</sup> Jaca nana cue comécido Juziñamuimo tájídícue, ie Jitó ñuera uai jino comínimo llóllena. Nane daje izóí Juziñamuimo comécido cue úriadi, ómoimo uibíoifíredicue. Aferi Juziñamui cue uai nabáidimie.

<sup>10</sup> Bie ícoi iruimo ómoimo cue jáillena Juziñamuimo jicáfíredicue. Ua Juziñamui comeci jitaia, níbai níbéfodo ñue cuena óreite, ómoimo cue macájillena.

<sup>11</sup> Mei ómoína cióacadicue, Crísumo omoi inogafuíaí cue cánuamona, ñue riire jaícina omoi íllena.

<sup>12</sup> Ua bie inogafue cuemo íteza ja ómoimo ite. Afe Juziñamuimo cai inogafuedo conímamo cai úrillamona, conímáiaina comécina caimare náiretaítaí.

<sup>13</sup> Juziñamuimo inote ámatiaí, diga icaíño omoi diné cue jáiacanafue ómoína cue cióillena, ómoimo fidítaacadicue; mei íadi nai jaca jáinidicue. Omoi diné jáiacadicue ómoimona jáíamácina Jesumo jaináitallena. Ua jeede ria llízie jofu uai izóí, afe izóí Jesu uaimo inotinona itátaacadicue. Oni jáíagobiaimona dáarie cue itata izóí, daje izóí, ómoimona itátacadicue.

<sup>14</sup> Mei cue naga cómemo ñuefuena cue llóllena iere jitáirede. Ua iere baitádinomo llóredicue; daje izóí abina onóñedinomo daa fiéñeno llóredicue.

<sup>15</sup> Iemona afe izóí cue dibénedo nana afe jilloilluái ómoimo jino ñue lluaíbiacadicue, jica Rómamo itíomoi íadi.

*Ñúefue rírede*

<sup>16</sup> Bie ñúefue uai jino cue llólleri méairuifíreiticue, mei aféuaimo ite Juziñamui ríino nana afemo inotino jilloillena. Nano fueñe judúuaina jillotaite, ie mei daje izóí judúuainédinona jillotaite.

<sup>17</sup> Bie jillonauai Juziñamui anamo ñue jaícina cai íllena caina fidítate. Dama Jesumo cai inogafuíaído Juziñamui anamo ñue jaícina íticaí. (Abi diné jáíiena íñede.) Jaiái Cuegáuái daí daíde: “Inogafuedo Juziñamui anamo ñue jaícina itímie, zííñona cáate.”

*Nana énie nairai íaíoi fiénidífuíai ícoínia ite*

<sup>18</sup> Mei monámoma bite Juziñamui iere izire duere fínuafue nana fiénidinomo, naa comécina jaícinaíñedinomo jaiái zúillana, ja birui fidídicaí. Dani íaíomoi ite íaífuedo ua ráfuena ónuana rairuíaíai. Daje izóí afémaci jáíamácina ua ráfuena onóillena jeruídíaíoi.

<sup>19</sup> Cai onoiaga Juziñamui dibénemo itífueña daje izóí ñue onódiaíoi; mei dama afémie íemo itífueña nana caimo ciótateza.

<sup>20</sup> Juziñamui ite ie ciõñena raa, ie finócafuiaido caimo ónorede. Jaca énie finuaruimona afémie nahí Juziñamui nana uáfodo ónorede. Daje izóí afémie jaca rínoredeza uáfodo ónorede. Bífuiaina comíni náfueñediaioi; lemona dani íaioi ícoinia daíí ite.

<sup>21</sup> Mei Juziñamuina onódiaioi íadi, íemo nitárede ñúefuiaina íemo nitáñediaioi. Daje izóí íena “Figora” daííñidiaioi. Mei jíáfodo ráíñíñede raamo comécíidiaioi. Íaioi abina onótatañede comeci jíñifomo fiébicaide.

<sup>22</sup> “Nimáírainidicai” daííñediaioi íadi, abina onóñedinona jáidiaioi.

<sup>23</sup> Ziiño Juziñamuimo ite ebíredífueña ziiñoñede come jánaraina méidotiaioi. Afe baimo figóñede jánaraina finódiaioi. Féedinuiai jánaraina finódiaioi. Jaizai jánaraina finódiaioi. Táicaide rille jánaraina finoda jeire otíaioi.

<sup>24</sup> Te jira Juziñamui íaioimo ite fiñi comeci óiacanafuemo íaioina zóofete. Daíí afémaci dani jofo conímamo méaífuiái finódiaioi.

<sup>25</sup> Juziñamuimo ite ua ráfueña íñoño tainofuiai jeire otíaioi. Afe emódomo ie finoca raamo ñúefue nitádiaioi, mei íadi fueñe afe finode Juziñamuimo ñúefue nitáñediaioi. Daje izóí ie finoca raamo caimare ánozioidiaioi, mei íadi nahí Juziñamuimo cáimadoñediaioi. Bie Juziñamuina jaca ninomo cáimadoaredicai. Daíí íteza.

<sup>26</sup> Mei jira Juziñamui jíáie meáire comeci óiacanafuemo íaioina zóofete. Ringóniai daa íaioi ini diga íllana féitatiaioi; féitano aillo méaífuiái jíáinori otímaci. Juziñamui ringóniai jóonia izóí íacañeno afe jóoniafueña uátitaaioi.

<sup>27</sup> Daje izóí íñiai daa ringo diga ñue íllana féitatiaioi. Féitano fiñi ílláfuedo íaioi abi bóobicaide, conímaiaimo fiñi finóllena. Afe íñiai conímamo méaífuiái finódiaioi, lemona dani afémaci abimona comuidífueri duere zefuúdiaioi. Bie izóí Juziñamui íaioina duere finótate, dani íaioi comeci ífue jáicína jóíñena ícoinia.

<sup>28</sup> Ja mei Juziñamuina onóacañediaioi, jira íaioi comeci jáicína jóíñenafuemo Juziñamui zóofegaiaioi, Juziñamui rairuícáfuiái finódimaci íaioi íllena.

<sup>29</sup> Afémaci naga íaífuiaimo itíaioi; comeci jáicínaíñenafuemo itíaioi. Daje izóí jíruírenafuemo itíaioi; fiñi jíñainafuiaimo itíaioi; naga ráaniaina óiacanafuemo naa fiénidífuiái diga itíaioi. Daje izóí afémaci úradoríñedino; come titáñedino. Fuiríllafuedo úritaaioi. Jíñuemaríñediaioi; ñúeodo jáíñedino. Táinona conímamo fiñi úríñedino.

<sup>30</sup> Afémaci jíáima jánana fiñi úritaaioi. Juziñamuina éoidiaioi. Daje izóí ríimacimo náfueñediaioi. Táinofuiaimo comécíidino. Daje izóí fiñi abi íñotino. Fiénidífuiaimo comeci facada finóñediaioi. Íaioi úruiai móotiai ocuícáfueña jeire onéñediaioi.

<sup>31</sup> Afémaci abina onóacañediaioi. Íaioi daina izóí finóñidiaioi. Buna duéruíñediaioi. Caimare uáiduanu iba óñellena onóñediaioi. Daje izóí afémaci jíáimamo dúecaíñediaioi.

<sup>32</sup> Juziñamui ocuillana ñue onódiaioi, íadi óiacañediaioi. Afe nana bie fiénidífuiaimo itino jaca ziiñoña duere finólliaioiza, áfena jíái onódiaioi. Onódiaioi íadi aféfuaiaina féitañeno nai uícadiaioi. Nane bie emódomo jíámaci afe fiénidífuiái finua llezica, íaioina: “Caimare bie izóí cai ílli,” daidiaioi.

## 2

### *Juziñamui nahí uafue daina izóí comínimo riire jicánote*

<sup>1</sup> Jáima fiñi íllafue riire o jicánollena íñede. Naga come “Cue nífuenidicue” daííñidiaioi. Nana omoi dáafuemo itíomoi. Mei jíáimamo ite fiñi íllafue riire o jicánua llezica, dama o abi duere finótaitio. Aféfuena riire jicánotio íadi, o jíái dáafuiaimo itio.

<sup>2</sup> Mei jíi, bífuiaimo itino Juziñamui duere finótaja llezica, afémie nahí uafue daina izóí riire jicánoteza, áfena onódicai.

<sup>3</sup> Mei o, jíáima fiñi íllafue riire o jicánua llezica, o jíái daje izóí dáafuiaimo itio. Daíí o ílla llezica “Juziñamui ie duere finóñífueñemona nibai cuena jíilloite,” ¿daíí? jíilloíñeíio!

<sup>4</sup> ¿Juziñamui omo ziiñoña fuiñede dúecaíllafueña jámairuitio, naa omo ie járitañenafue diga? Afe bie Juziñamui omo dúecaíllafuedo, afémie o comeci ífueña ñúefue díbenemo méidotacadeza, ¿afe jaca o comécimo úbicaiñedeza, ero ua?

<sup>5</sup> Mei o, comécina iere ríñedioza. O comeci ífueña méidoacañedio. Lemona o duere finóñífuiaina aillo ofítaocaidio. Ua Juziñamui cíocaizaíbillíruimo o jáicína jóoide duere finuafue jíno omo llóite.

<sup>6</sup> Aféruido naga come dani íaioi finócafuiái izóí, íaioimo íbátaite.

<sup>7</sup> Aféruido ebíredífue jenódinomo, ziiñoña cáataitino íaioimo iite. Daje llezica, nana Juziñamui íaioimo ñúefue nitáñella jenódinomo, naa ziiñoña ílla raa jenóдино diga, Juziñamui ziiñoña cáataitino íaioimo fécaite. Aféfuaiaina jenódiaioi, mei nágarui féitañeno ñúefue díbenemo íñediaioi.



<sup>8</sup> Mei íadi aféruillaido nana fienu abi íinotinona, Juzíñamui duere fínoite. Daje izói nana ua ráfuena jeire óiacañedinona Juzíñamui ie ráifuedo duere fínoite, fiénidifuiái jeire íaiói ua jira.

<sup>9</sup> Nana fienu mácafiredinomo aillo duere zefuillifue iite, naa jamánomo íaiói comeci zúunaillifue diga. Nano fueñe daíí judíuaimo iite; ie mei jíái daje izói judíuaiñedinomo cómuite.

<sup>10</sup> Mei jíáifodo ñúefuiái finódinomo, Juzíñamui íemo ite ebírenafue íaióimo iite, naa comeci caimare uái illafue diga. Daje llezica Juzíñamui íaióimo ñúefue nítaita. Nano fueñe daíí judíuaimo iite, ie mei jíái daje izói judíuaiñedinomo cómuite.

<sup>11</sup> Comínimona dámie jíáie come baimo Juzíñamui gáigamie íñede.

<sup>12</sup> Nana fienu itino Moisés ocuífafuena nai onóñena llezica, íco nine táinocaitiaí, aféfuena nai onóñenano. Daje izói nana jíáie fienu itino Moisés ocuífafuena onódiaí íadi, afe daje bie ocuífafue riire jicánolliaí.

<sup>13</sup> Mei ocuífafuena táinona cacádino Juzíñamui anamo ñue jaícina íñediaí, mei íadi ocuífafuena jeire otino Juzíñamui anamo ñue jaícina ítiaí.

<sup>14</sup> Dáarie ocuífafuena onóñede judíuaiñedinomo afe ocuilla daína izói dani íaiói comécido jeire otíaí. Iemona afémaci dani abi lletádinona ítiaí.

<sup>15</sup> Mei jíí, íaiói ñue mácafuedo íaiói comécimo ocuica uai cúeinana ácatafirediaí. Afe llezica íaiói comeci úrilla uai ñue íaiói uaina nabaide. Daje llezica íaiói ífoci úrillafue fiénidifue íaiói finóadi, áfena íaióimo llóite. Fiénidifue nai íaiói finóñena,

<sup>16</sup> Juzíñamui comínimo riire jicánolliruiimo íaiói ífoci úrillafue íaióina ráiruite. Aféruillaido naga comini báinimo finoca raana Jesucristodo Juzíñamui riire jicánoite, cue lloga jíllolluái daína izói.

### *Judíuai Moisés ocuífafuemo figo náfueñediaí*

<sup>17</sup> Mei ja biruí, “Judío ímiedicue” daidio. O jíllollena, Moisés ocuífafuemo ínotio; o Juzíñamui dibénemo fienu abina ínotio.

<sup>18</sup> Juzíñamui comeci jítaínafue onódio; afe ocuífafue omo llote: “Nana o nícidogafuemo ñuera diga o nizeri”.

<sup>19</sup> “Uínidino izóidino ífollena, ñue uáfueña onódicue,” daidio. “Daje izói jítfodo macádinona ñue egáíñollena onódicue,” daidio.

<sup>20</sup> “Abína onóñedinona llófuereedicue,” daidio. Daje izói, “Urue izóidinona jaícina llófuereedicue,” daidio. “Ua nahí ráfuena onótate uai afe cai ocuífafuemo ite,” daíífiredio. Afe izói, “Nana ífócido onóíafue caimo ite,” daidio.

<sup>21</sup> Mei jíáimana llófueto íadi, ¿nibái mei dama o abina lletáñedio? Omoi meríríñeno iri daíícadío íadi, ¿nibái mei merírífiredio?

<sup>22</sup> Omoi jiruíñeno iri, dama daíícadío íadi, ¿nibái mei jiruíredio? Jánaraíaina éoidío íadi, ¿nibái mei íaiói íllácomo ite ráífide ráaniaí o mériano ráaredimiena jáidío?

<sup>23</sup> Ocuilla uai dibéfodo iere abi ínotio; mei íadi Juzíñamuina jáimairuitio, afe daje ocuífafuena jeire o oñena ícoína.

<sup>24</sup> Meita Cuegáuái ñue daide: “Judíuaiñedinomo omoi ícoína Juzíñamuina fienu úrtiaí.”

<sup>25</sup> Moisés ocuífafue jeire o oíadi omoi finóñirena bacano ícoi quétafue uáfueña omo ráífite. Mei íadi afe uai figo o ínoñeniadi, jaca quétañegamie izói íitio.

<sup>26</sup> Mei jíáifodo, daa bacano ícoi quétañegamie ocuífafue daína izói jeire oíadi, afémie bacano ícoi quetácamié izói facádoga, quétañega íadi.

<sup>27</sup> Afe bacano ícoi quétañegamie, mei íadi ocuífafue jeire otímie, ona riire jicánoite, bacano ícoi quetácamiéna o íadi, daje izói cuega ocuífafue omo ite íadi, mei áfena jeire onéidíoa.

<sup>28</sup> Judíona jáillena dama jinófenemo cóide ráaiñede. Daje izói bacano ícoi quetácamiéna jáillena fia abimo cóide ráaiñede.

<sup>29</sup> Mei íadi nahí ráfuiái jíáifodo jóide. Nahí jáidimie ie comécimo áfena jaide. Daje izói nahí bacano ícoi quétafue comécimo dúide. Cuega ocuilla uaimo jáináiñede; mei íadi come joréñodo ie comécimo ite. Bie izói ítímie comínimona jíeruíñegaza, mei íadi Juzíñamui jíeruiga.

## 3

<sup>1</sup> Judío ímiena cue íllemona ¿minica mei baimo óiticue? ¿Bacan quétafue mei nibénemo ráífide?

<sup>2</sup> Judío ímiena cue íllamona áillofuiái ícoína ñue íticue. Daje izói quétafuemo aillo ráífinafue ite. Nano fueñe Juzíñamui ie comeci úrilla uai Judíuaimo orede.

<sup>3</sup> Íaióimona dáarie íaiói íinogafuena féitatiaí. Féitatiaí íadi, Juzíñamui lloga uai jáanonide, mei afe Juzíñamui jaca féitafinidimie.

<sup>4</sup> Ie íaioi féitaja íena nie izóí nibáíñede. Mei jíáfodo íteza: nana comini taino llóífredino ille llezica, Juzíñamui nana ie jetáacaigafuena nai uáfuenta jaícina finode. Daíí Cuegáuai úrite: O daina uaíllaimona jaícinaidimiena o íllana ónoítiaioi.

Riire o jicánua mei, comini ñue íinogamiena íitio.

<sup>5</sup> Mei caimo ite fiénidifuedo Juzíñamui jaícinaidimie illáfuenta jino uáfomo cíotaiadi; ¿nie izóí dáiticaí? ¿Mei Juzíñamui cai duere finóllena jaícinaíñedimie? (Jamai come úrilla izóí úriticue.)

<sup>6</sup> Mei íeñedeza. Mei Juzíñamui comécina jaícina íñeniadi, ¿nie izóí nana énie comini riire jicánoite? Afémie jaca ninomo comécina jaícina jóidimienamona, nana náiraina riire jicánorede.

<sup>7</sup> Mei cue táinofuiaiido Juzíñamui uafue nai jamánomo cue ebíruyadi, ¿nibái mei fiénidimedicue izóí Juzíñamui riire cuemo jicánote?

<sup>8</sup> Bie uáfuenta, ñúefue bíllena nibái mei fiénidifuenta finóñedicaí. Afe bie izóidifue llóífuiana dáarie caimo jítdaíaoi. Bífue caimo jítdáno comeci fiení jítainafuedo úritiaioi. Bie izóí itino duere finólliaioi.

*Nana caimo ite fiénidifue ícoinia*

<sup>9</sup> ¿Mei ñúfue? ¿Cai bie judíuai jíáie comini baimo ñuera? Mei ua íeñede. Ja como fidíticaí judíuai naa jíáie comini diga riirede fiénidifue anamo itíaioi.

<sup>10</sup> Jaiaí Cuegáuai daíí daide:

Buna jaca íaifuenidimiena íñede.

Jaca ninó daa ñúemiena íñede.

<sup>11</sup> Daje izóí jaca ninó ñúefuena onóacadimiena íñede.

Daje izóí Juzíñamui daa jenódimiena íñede, ie diga íllena.

<sup>12</sup> Nana Juzíñamuimona onido jáidiaioi.

Afémaci daní fiénidimacina jáidiaioi. Buna ninó ñúefue finóñena.

Jaca ninó daa íñede.

<sup>13</sup> Iaioi úriragoi íbaíñega raiafo izoide, mei iere íaire úritiaioiza.

Iaioi fuedo jífuemariírediaioi.

Iaioi fuemo ite úrilla jaio afoi izoide, mei jíáima jánana iere fiení úritiaioiza.

<sup>14</sup> Afémaci daa faidórafuiaiido úritiaioi, naa íairede uaíllaido.

<sup>15</sup> Come titállena jarire áizicaídiaioi.

<sup>16</sup> Iaioi fiení illáfuedo aillo jíáimaci táinocaitadiaioi.

Daje izóí comínina zúnaitadiaioi.

<sup>17</sup> Afémaci comeci caimare uái illáfuenta onóñediaioi.

<sup>18</sup> Daje izóí afémaci Juzíñamui ñue jacírenafuemo due jiza comeci facáñediaioi, —daíí jaiaí Cuegáuai daide.

<sup>19</sup> Nana jaiaí ocuífue daina uaina, afe ocuífue anamo itínomo dúide. Bífuena ñue onódicaíza. Daíí Juzíñamui mamérite, nana comini úrillana llíicaitallena; daje izóí naga nairai Juzíñamui riire jicánollifue anamo íaioi itábicaíllena.

<sup>20</sup> Ocuica uai jeire cai úado, buna Juzíñamui anamo ñue jaícina íñeite. Ocuífue caina jíllotañeite; daa caimo ite fiénidifuiaina caina onótate.

*Jíllollifue cai íinogafuedo comuide*

<sup>21</sup> Mei birui, jácara ocuífue oni eneno fíiano, Juzíñamui anamo ñue jaícina cai íllena afémie cómofuena caimo onótate. Bie cómofuena uai llorainí cuegánico facádoiaí ónorede. Daje izóí ocuilla uai cúeinanicomona jíáí ónorede.

<sup>22</sup> Juzíñamui anamo ñue jaícina cai illifue bífuedo ite. Dama Jesucrístomo cai ínuado bie izóí íiticaí. Nana ie uaimo ínotinona afémie daje izóí fínoite; dáamie jíáimie baimo gáíñeno nana dájerize jaícina jóoneite.

<sup>23</sup> Mei naga come fiénidifuiairede; jíllotaite Juzíñamuimona nana jica itíaioi.

<sup>24</sup> Mei íadi Juzíñamui caimo dúecaíllanona, íia íbátañeno ie anamo ñue jaícina caina itátate. Mei dama ie jíto Jesucrístodo caina jíllotate.

<sup>25</sup> Cai finoca fiénidifue íbana Juzíñamui Jesucrísto tíllamo dane ote. Iemona íaifuenta dogá izóí iticaí. Bie múiñuafue cai íinogafuedo caimo dúciite. Bífue daíí íficaide Juzíñamuina jaícinaidimie daííllena. Mei jaiaí finoca fiénidifuiái íbana raire otátañede; afémie comécina járidoñedimie.

<sup>26</sup> Daje izói daií íficaide birui Juziñamui jaícinaidímie daiíllena. Nana Jesumo ínotinona Juziñamui nai birui afémie anamo ñue jaícina itátate. Iemona Juziñamui nai jaícinaidímiena íoicaite.

<sup>27</sup> Ie mei ¿come abí ínuafue mei nie izói ite? Afe abí ínuafue oni eneno fiébicaite. Ocucafuiaí jeire íaíoi úado nai fiení abí ínuafuemo itíaíoi. Mei íadi Jesucristomo ínogafuemo fiení abí ínollifueña íñede.

<sup>28</sup> Nana cai llogáfuiaímona bifue jino llúana ñue baite. Dama Jesumo ínotimie Juziñamui anamo ñue jaícina írena. Ocuica uaillai afémie jeire ua oni jíáfodo joide. Afena Juziñamui náfuñede, dama íemo ínuana náfuete.

<sup>29</sup> ¿Meita Juziñamui dama judíuai íena? Ieñede. Daje izói afe Juziñamui judíuaiñedino íe.

<sup>30</sup> Mei jíi Juziñamui damade. Afémie baimo jíaíena íñede. Afémie nana íemo ínotinona íe anamo ñue jaícina itátate. Afémaci bacano ícoi íaíoi quétajana náfuñede. Daje izói quetáñenana náfuñede.

<sup>31</sup> Ie mei nibai dámie jícanoite. ¿Meita cai ínogafuedo ocuilla uaina uáitaiticaí? Ieñedeza; uáitañeíticaí. Mei jíáfodo Jesuna cai ínuado afe ocuilla uaina uáfueña jíeruíticaí.

## 4

*Abraham Juziñamuimo ínuua izói cai ínollena cai onótate*

<sup>1</sup> Mei áfemona cai jíaídígima Abraham dibénemo jíáfue jícanoíticaí. ¿Afe Abraham mei nie ñúefue ote? Daina uai jeire íe ófrenamona abí díne nífuena oñede.

<sup>2</sup> Mei Abraham íe finócafuiaído Juziñamui anamo ñue jaícina íe itábicaíadi, afémie abí ínoredé. Mei íadi Juziñamui uícori afémie abí ínoníde. Íe finócafuiaído Juziñamui anamo ñue jaícina itátañega.

<sup>3</sup> Mei jíáfodo Cuegúuai daina izói, “Abraham Juziñamuimo ínote.” Iemona Juziñamuimo íe ínuado Juziñamui íena “Íaifuenidímiedio” daide.

<sup>4</sup> Da come táijíadi, afe táijina íba ía íemo dúecaillano íñega; afe táijitatímie íena íbárede. Mei íadi cai jíilloílfue cai táijicanado íba llínua izói llínónide.

<sup>5</sup> Mei jíáfodo, dámie jíllona táijina finóño, íe jíilloíllena dama Juziñamuimo ínoredé; mei Juziñamui íemo ínote íaífuiaíredímiena llínofíredeza. Mei íemo Juziñamuimo íe ínuado, Juziñamui íena: “Íaifuenidímiedio,” daíte.

<sup>6</sup> Dama David come cámafuaíado úrite. Dámie íe uícodo finócafuiaína Juziñamui náfuñede. Ua náfuñede, mei íadi íemo íe ínuado Juziñamui íaífuiaínide dainámiena afe ínotímie jaide. Afe daiítadímie íere cáimare íte.

<sup>7</sup> David daináuai daide:

Íaíoi mo íte fiénidífuaina Juziñamui dogánona íere íóbídiaíoi.

Daje izói íaífuiaína oni féitagamíai íere íóbídiaíoi.

<sup>8</sup> Daje izói íaíoi mo íte fiénidífuena náfuñegano íere cáimare itíaíoi.

<sup>9</sup> ¿Meita bie cámafuaíi dama bacano ícoi quetaca judíuaimo duide? Ieñedeza; nana comíni íena mameide. Jira bacano ícoi quetáñega judíuaiñedímácimo daje izói afe cámafue íaíoi mo duide. Jae llotícueza Abraham Juziñamuimo ínuado Juziñamui íena: “Íaífuiaínidímiedio,” daide.

<sup>10</sup> Mei íadi ¿níruído daií íena daina? ¿Bacano ícoi quetaa mei daií daina? ¿Níbai quetáñena daií daina? Jíi, uáfueza, nai quetáñena llezica daií íena daina.

<sup>11</sup> Afe: “Íaifuenidímiedio,” daina méíodo, Abraham bacano ícoi quétafuena Juziñamui ocuide. Bie quetáinafue onóíllena jónega raa ízoide, Juziñamui ja bímie íe ínuafuedo íaifuenidímie daiíllena. Daií Abraham nai quetáñena llezica Juziñamuimo íe ínuamona, nana judíuaiñede ínotino moona jaide. Iemona Juziñamui daje izói nana afémacina: “Íaifuenidíomoi,” daide.

<sup>12</sup> Uáfueza. Abraham nana afémie dama íe ínuua izói ínote quetácana moo. Mei nanoide cai moo Abraham íe bacano ícoi nai quetáñega ía, ñue Juziñamuimo ínoteza.

*Juziñamui jíca ía raíre llogáuai comíni ínuamona ñue ícoímo fuitaca*

<sup>13</sup> Mei jíi, Juziñamui Abrahana ñuera jíca ía raíre fídítuauai daide. Aféuai llote: “O nana o erófene ígímaíarí nana éniéna máíínoítomoi.” Abraham Juziñamuimo jaíai uícodo ínuua jira, Juziñamui bíuai íemo llote. Fía ocuilla uai íe jeire úado Juziñamui daií íena daiíñede. Ua, dama Juziñamuimo íe ínuado Juziñamui íena: “Íaifuenidímiedio,” daide.

<sup>14</sup> Mei dani ocuilla uai jeire otino ñúefuena íaioi maiñóadi, íemona ínogafue comínimo figo jinoñede. Daje llezica Juziñamui jica ia raire llogáuai ráifinano niné feide. Mei íadi daiítañedeza jíáifodo joide. Juziñamuimo cai ínuafuedo ie caimo lloga ñúefuena maiñóredicai.

<sup>15</sup> Ocuilla uai llóina meífodo aféuai jeire oñédino duere finótalliaioi. Mei íadi ocuilla uai nai lloñena llezica, aféuai náfuniede.

<sup>16</sup> Afe Juziñamui Abrahamo jica ia raire llogáuai, Juziñamui ñue riire mamede, nana ie erófene igímaiaí afe ñúefue jeire íaioi óllena. Mei jira, afe Juziñamui lloga ñúefue, fia fecaca raa izóí comini Juziñamuimo ínuado íaioimo írede, mei aféna íaioi ñéfina cigimona ónidiaioiza. Bifue daiíacade, Juziñamui uícodo raire llogáuai daa ocuilla uai jeire otino íeñedeza, mei íadi nana Abraham ínua izóí ínotino ie.

<sup>17</sup> Iemona Abraham Juziñamui eróicana nana cai moona jaide. Abraham afe Juziñamuimo ñue ínote. Jaiaí Cuegáuaido Juziñamui Abrahamana daií daide: “Aillo náiraiaí moona ona jóneticue.” Afémie daií daiírede, mei Juziñamui tíidinona meine abido caátaitaredeza. Daje izóí íñede ráaniaina Juziñamui itátarede.

<sup>18</sup> Aféfuiaimo Abraham fáicanocaiñeno ínoide. Ua comini daina izóí Abraham jamánomo jónaiteza, ja úruenide. Abraham daií úruereillinona úíñonina llezica nai Juziñamuimo ínuano úínoide. Afe daií Juziñamui íena daina izóí, Abraham “aillo náiraiaí moona” jaide. Juziñamui bie izóí íena daide: “O uícoide erófene igímaiaí aillo jébuitaioi,” daide.

<sup>19</sup> Abraham cien fimónamo ánozide íadi, ie ínogafue jaca féíñede. Afémie jónailla izóí ie ai jónaillana onode. Ua afengo iere jónaillamona tíiacade. Jae úruena comúitanide.

<sup>20</sup> Mei íadi afe llezica Abraham jíízíñeno Juziñamuimo ínofirede. Juziñamui jica ia raire llogáuaina ruiíruíñeno nai íemo ínoicaide. Mei jíáifodo Abraham aféna féítañeno iere izire ínote. Jaca comeci rairuíñeno Juziñamuimo úrioicaide. Juziñamuimo íobioicana úrite.

<sup>21</sup> Afémie daide:

—Nana jaiaí Juziñamui jica ia raire cuemo lloga rafue Juziñamui uáfúena cuemo zúítaite, —d-aide.

<sup>22</sup> Iemona, íemo ie ínuado Juziñamui íena daide: “Íaífunidímiedio,” daide.

<sup>23</sup> Bie Juziñamui Abrahamana daina “Cuemo o ínuado jae íaífunidímiedio” daa Abrahamo cúeñegaza,

<sup>24</sup> mei íadi nana caimo cuega cai ínollena. Mei jira tíillanomona cai Ocuíraíma Jesús caátate Juziñamuimo birui ínoticai. Iemo cai ínuado caina: “Íaífunidinodiomoi,” dáíte.

<sup>25</sup> Afe Jesús caimo ite fénidífue ícoinia duere finótagamiena jaide. Afe mei Juziñamui anamo ñue jaícina nífunenino cai íllena afémie caátaga.

## 5

### *Juziñamui “Nífunidímiedio” daina méifomo ñue cai illífue*

<sup>1</sup> Mei afe jira, dácaíño Juziñamui anamo ñue jaícina nífunenino cai illa mei, meine abido Juziñamuina jácíruiñeiticai. Afe comeci caímare uái illafue cai Ocuíraíma Jesucristo ie tíillado cáiena ote.

<sup>2</sup> Mei jíí, cai ínuado bie afémie cai cánuafe dibénemo jóonegacai. Aferi izire jaínáidicai. Iemona íobífredicai, mei Juziñamuimo ite ebíredemona cáiena oni máíñoiticaíza. Afemo ocuíticai.

<sup>3</sup> Daa bie cai ocuírillamo íobíñeiticai, mei daje izóí duere cai zefuállífue mo íobíticai. Mei onódicaíza duere cai zefuállífue cai comeci járitañenafue caimo comuide.

<sup>4</sup> Iemo afe comeci figomie dáinana caina jáítate. Iemo figomie dáinana mei Juziñamui cáimafue mo úíñoifreíticai.

<sup>5</sup> Iemo bie úíñoínafue caina zúucaítañeite, mei Juziñamui caina ie izírúillafue ñue caimo llóteza. Bie caina ie izírúillafue ía oreca Ñuera Joréñodo onódicai.

<sup>6</sup> Dani cai ñéfina cigimona jíllonidicai. Daií cai illa llezica, Juziñamui jica ia mamécaruimo, Jesucristo nana fénidíno ífomo tíizaíbite.

<sup>7</sup> Biniemo comécina jaícina jóidímie tíilla ífomo tíitimiena íñede. Mei nibai jamánomo figomie ífomo, daa tíirede.

<sup>8</sup> Mei jíáifodo cai fiéni illa llezica, Cristo cai ífomo cai jíllóillena tíizaíbite. Afedo Juziñamui caina ie izírúillafue caimo cótate.

<sup>9</sup> Iemona ja birui Cristo tíillamona Juziñamui anamo ñue jaícina itícaíza, ie jira írairuimo ite duere ínuafuemona, Cristo cai rairuillado, jamánomo oni eneno íredicai.

<sup>10</sup> Nai afémie bacáuai imácina cai illa llezica, ie Jitó cai ícoinia tíide. Daíí ie tíillamona, Moo Juzíñamui comécina jácíruiñañegacai. Ja birui cai comeci íena jácíruiñenamona, birui ie cáanado jamánomo ñue jílloredeicai. (Ua caade Cristo Juzíñamui uícomo caido úrite. Afe daíí ie úrioinado, íco bite duere cai finóllifueмона jílloíticai).

<sup>11</sup> Daa bífueñeдеза, nane bie emódomo cai Ocuiraíma Jesucristodo Juzíñamuimo ióbioíticai, mei afe Crístodo Juzíñamuina cai jácíruiñenafuena otícaíza.

*Nanoide Adán caimo comútagafuemonа Juzíñamui caina éoicaide; mei jáífodo Cristo caimo comútagafuedo Juzíñamui caimare caido eróicaide*

<sup>12</sup> Mei onóigaza, dáamiemonа fiénidifue nana comínido jaide. Ie mei afe fiénidifueмона tíillafue daje izóí naga cómemo comuide, mei naga come fiénidifuiaredeza.

<sup>13</sup> Moisés ocuilla uai nai iñena llezica, fiénidifue jaca comínido ite. Mei íadi ocuilla uai nai iñena llezica, afe fiénidifue comínimo níñañega.

<sup>14</sup> Mei íadi jáiai Adán illáigimamona Moisés illáigimamo fiénidifuiái finóдино tícoizifirediaíoi, mei titade riño anamo itíaióiza. Juzíñamui jóonega íaiói comeci ñue úrilla uaimo náfueñediaíoi. Daíí náfueñenamona íaiói fiénidifue comuide. Mei jáífodo Adán fiénidifue Juzíñamui uáfodo lloga rairuica uai jeire ie oñenamona comuide. Mei íadi bie Moisés uícomo itino fiénidifue jáínodo comuide. Adán finoca fiénidifue izóí comuñede. Afe Adán uire biite Cristo jana.

<sup>15</sup> Adán náfueñegafue Juzíñamui caimo fia iga cáimafue izóíñede. Mei dama Adán náfueñegafuedo nana comíni timáritiaíoi. Mei íadi Juzíñamui raiñóñeno caimo fecaca jíllonafue jamánomo baimo ñuera. Dama Jesucristodo aillo comíni canócaiaíoi.

<sup>16</sup> Dáamiede finoca fiénidifue jaca Juzíñamui caimo fecaca jíllonafue izóíñede. Mei afe daade Adán náfueñegafuemonа cai duere finóbíllifue zúide, mei jáífodo Juzíñamuimona caimo lloga jíllonafuedo, Juzíñamui raiñóñeno aillo comínina ie dibénemo ñue jáicina itábicaitate, aillo íaiói náfueñegafuiái íaióimo ite íadi.

<sup>17</sup> Mei jíi, daa come náfueñenamona titáfírede riño anamo nana comíni are ninomo itíaiói. Mei jáífodo dáamiede Jesucristodo nana Juzíñamui anamo raiñóñeno ñue jáicina jóonegano, jamánomo baimo ñuera zííñona íaiói ille riño óítiaíoi.

<sup>18</sup> Mei daíi Adana náfueñegafuemonа duere finóbíllafue nana comínimo comuide. Daje izóí Jesucristo nífuenide comécimona tízaibíllafuemonа, duere finóbíñenafue nana comínimo zuide. Daje llezica zííñona cai illifue caimo comuide.

<sup>19</sup> Bie daide: dáamiede jeire oñegafuemonа nana comíni fiénidifuiáiredinona jáidiaíoi. Mei íadi dáamiede Jesucristo jeire ogáfueмона aillo comíni Juzíñamui anamo nífuenidinona ñue jóonegaiaíoi.

<sup>20</sup> Mei jáiai Juzíñamui cai ocuilla uai caimo lloga, caimo ite fiénidifue jino uáfodo cai onóillena. Ua, ocuilla uai llua mei caimo ite fiénidifuiái aillo jebuide. Mei íadi daje llezica Juzíñamui caimo dúecaillafuiái daje izóí afe fiénidifuiái baimo aillo jamánomo jebuide.

<sup>21</sup> Iemona, fiénidifue caimo íllamona afe hírede fiénidifue caina titárede. Daje izóí Juzíñamui caimo izire dúecaillano, Juzíñamui anamo nífuenino ñue jáicina cai illa llezica, cai Ocuiraíma Jesucristodo, afémie caina zííñona cáatarede.

## 6

*Comíni fiénidifuiáimo íllamona tíidino izóidiaíoi, mei íadi daje llezica afémaci Crístomo ínuamona cáadiaíoi*

<sup>1</sup> Nana bie caimo llógamona ¿nie izóí dáititcái? ¿Mei níbai fiénidifue finócana uíticai, Juzíñamui jamánomo caimo ie dúecaillafue caimo ácatallena?

<sup>2</sup> ¿Mei íeñeдеза! Cai bie ja fiénidifue dibénemo tíidinodicaíza ¿mei nie izóí, fiénidifueмо nai íoicaiticái?

<sup>3</sup> ¿Nai bífuena onóñediomoi? Nana cai ie báutizaillaruimona Jesucristomo uáfueña jainaina llezica, dáaruido afe Cristo tílla dibénemo jaináitagacai.

<sup>4</sup> Mei jíi, cai báutizaillaruimona Cristo diga dáafomo raigacai izóidicai. Iemona aféruimo tíidinona maméidicai. Ua tíidinona mamécacai, afemona Cristo ie tíillanomona meine abido cáadimiена jailla izóí, birui cáadena cai jáillena. Daíí cai jaillano cómfuemo íocairedicai. Mei jíi, Cristo ie Moomo ite jamánomo ñuera riínodo meine cáadimiена jáitaga, íemo daje izóí afe daje riínodo cómfuemo íocairedicai.

<sup>5</sup> Uáfueña dáititcue, Cristo tílla izóí tíidinona jae mamécacai. Iemona daje izóí ie meine abido cáadimiена jailla izóí, daní cai tíillanomona meine cáataga izóí cómfuiáimo íredicai.

<sup>6</sup> Cristo cruzmo coraica llezica nau fueñe cai illafue dáanomo titácaza onódicai. Uafue, afefue titaca, nanómoma cai comécimo ite fienu gáinanu caina anáfenofuilla. Iemona fiénidifue dibénemo rairuicanona ifneiticaí. Daje izói riire táijitatimemo jainaina izói, fiénidifue mo jainaiñeiticaí.

<sup>7</sup> Mei jü, Cristo diga tíidimie ja íafuemonu oni jirecaide.

<sup>8</sup> Iemona dácaíño Cristo tílla izói dáanomo afémie diga, cai comeci fienu óiacanafue tíide izói féitaga. Naui daí ie diga cai tíllamona, daje izói biruillaído afémie diga cai íllana ua onódicai.

<sup>9</sup> Mei onódicaíza, Cristo dácaíño tíllanomona meinu abido cáadiména jaide. Daí meinu jaillanu ja meinu abido dánomo tíñeite. Afémie ja ménacaíño tíinide.

<sup>10</sup> Mei Cristo ie tíllaruimo, fiénidifue dibénedo dácaíño tíide, jaca ninomu nane tíñeilla. Mei íadi afémie meinu cáadena jaillanu ie cáanano Juziñamui duide.

<sup>11</sup> Daje izói, mai fiénidifue dibénemo tíidino izói omoi iri. Mei jíáfodo Juziñamui íena cáadinu mai omoi iri. Afemo izire comécimo mai omoi facóiri, mei cai Ocuíraima Jesucrístomo dájena jaináidimoi.

<sup>12</sup> Ie jira fiénidifue omoi abinu náamatatañeno iri; afefue omoi zúñona íñena abí ana úillemonu abí omoi rairuiri. Mei Taife comuítaga caimo ite íafue cai abí fienu jíitanafue jino déilla ocuíoideza. Afemona izire abí omoi rairuiri.

<sup>13</sup> Dani omoi abinu fiénidifue finotáñeno iri. Mei jíáfodo dani omoi abinu Juziñamui omoi jainátari; ua, tíllanomona meinu cáadena jaide izóidino afémiemo omoi abí jainátari. Ie jira nana omoi abinu Juziñamui ñúefue finóllena, omoi jainátari.

<sup>14</sup> Ja benómoma fiénidifue ómoína ana úíñeite. Mei ocuilla uai anamo ja íñedicaíza; mei jíáfodo Juziñamui cairi dúecaillafue mo itícaíza.

*Comini jacire riire rairuillarumona daa ráfueña caina onótate*

<sup>15</sup> Ie mei ¿nie izói íticaí? Mei ocuilla uai anamo íñedicaíza mei jíáfodo Juziñamui cairi dúecaillafue mo itícaíza; íemona ¿meita fiénidifue finóredicaí? Ieñedeza, finóidicaí.

<sup>16</sup> Ñue onódimoi, ómoimona nágamiaí riire ocuídillaímamo fecaca llezica, aféllaímamo ocuíllana ñue jeire óredimoi. Daje llezica aféllaímamo izire jaináidimoi. Bie izói caimo ite fiénidifue, jacire ocuídillaímamo ana uilla izói, nana caina ana uite. Afemona tíllafue naga cómemo comuide. Mei íadi Jesumo cai ínuu llezica jíáie cai ocuídillaímamo Juziñamui dúidicaí, comécula jaícina ñue jóidimacina nágarui cai íllena.

<sup>17</sup> Mei íadi ómoiri Juziñamui: “Iere figura,” daidicue. Mei naui fiénidifue mo izire rairuicanona omoi illa llezica, ómoimo lloga llófueinafueña ja ñue jeire otímoíza.

<sup>18</sup> Afe fiénidifue monu oni omoi jirecailla mei, jíáie ocuíraima Juziñamui rairuicanona jáidimoi. Iemona comécula jaícina ñue jóidinona nágarui íredimoi.

<sup>19</sup> (Ua omoi onoga comini ráfueñaído úriticue, mei omoi ífoci déíñenamona bífueña ñue cacándi omoi.) Naui fienu ílláfue mo omoi abinu jainátaridimoi. Nane afe baimo jíáie jamánomo fienu abí ínuamo abinu finótadimoi. Naui daí abinu omoi finota izói, mai birui comeci jaícinaíafue mo abí omoi jainátari, dama Juziñamui íena oni eneno ñue mamécanona omoi íllena.

<sup>20</sup> Nai fiénidifue mo riire rairuicanona omo illa llezica, comeci jaícina jóinafue mo jaináíñedimoi.

<sup>21</sup> Naui omoi ílláfueña birui meáiruidimoi. Mei aféfuiaimona ¿nie cánuafue mo otímoí? Onédimoi; tíllafue díne jaca ómoína uite.

<sup>22</sup> Mei íadi fiénidifue monu oni eneno omoi jirecaillamona, ja birui Juziñamui rairuicanodimoi. Iemona birui afémiemo ñue jaináidimoi. Bie izói omoi íllamona, Juziñamui íbana ñue caimare ómoína cánoite. Ua afémie íeina ómoína oni eneno ñue fínoite. Iemona afe ícoimo zúñona ílláfueña óitímoí.

<sup>23</sup> Fienu cai íllamona daa tíllafue óiticaí. Mei íadi Juziñamui raíñóñeno fia caimo iga raa, cai zúñona íllífué. Bie zúñona cai íllífué dama cai Ocuíraima Jesucrístomo dájena cai jaináinamona caimo iga.

## 7

*Iima áireinamona ringo ínireinamona daa ráfueña cai onótate*

<sup>1</sup> Amataí, onódimoi, da come dama nai ie tíñeniadi, ocuilla uai nai íemo dúide.

<sup>2</sup> Ja omoi onógafue jino llóiticue, áfede jíáfueña omoi onóllena. Da ínrede ringo, ie ini caana llezica, ocuilla uaido ie inimo cuínaca izói jainaide. Mei ie ini tílla mei, afe íemo jainátate ocuilla uáimona afengo jae oni jirecaide.

<sup>3</sup> Afe llezica afengo jiáie ímamo inírena ñuera. Afengo daií iníreilla jiruífereñede. Mei íadi ie iní nai ítemo afengo jiáie íima diga illa afengo iere jiruífere.

<sup>4</sup> Cue ámatiai, birui Jesucristo abímo dájena jaináidicai; ua iníredingo inimo jainaina izóí jaináidiomoi. Afe Crístomo omoi jaináinamona, ie tíllado tídinona mamécaomoi. Ie jira ocuilla uai dibénemo tídino izóí iticai. Fueñe bie ocuilla uaimo, ringo inimo jainaila izóí, jaináidicai. Mei íadi ja birui tídino izóí cai íllamona afe ocuilla uaimo jaináifenedicai. Dama tíllanomona meine abido cáadimiena jaide Crístomo jaináidicaiza. Afe bie Crístomo cai jaináinana Juzíñamui caimo comuítate. Ua comuítate caido ie comeci jítáinafue ñue ícoimo cai fuitállena.

<sup>5</sup> Mei nanómona comini comécimo itifue dibénemo cai ífirena llezica, afe ocuilla uai cai abímo ite fieni óiacanafuiaina cazítate. Aféfuiai caina ana tíllinomo uite.

<sup>6</sup> Mei íadi ja birui afe ocuilla uai dibénemo tídino izóidicai. Fueñ afe ocuilla uai anamo riire iticai, mei íadi ja birui afe uáimona ñue oni jírecaidicai, Ñuera Joreño cómuena méidoga caimo itífuedo Juzíñamui ocuícamacina cai íllena. Jaiai cuega ocuilla uaido Juzíñamui ocuícamacina ínidicai.

*Cuomo ite íaifue cue caimare illafue llótaidote*

<sup>7</sup> Iemona ¿mei nie izóí dáiticaí? ¿Ocuilla uaina fiénidifue daiíredicai? ¡Daiínidicai! Mei íadi afe ocuilla uaido fiénidifuena onótagacue. Afe uai nai jino lloñena llezica fiénidifuena onóñedicue. Ja omoi onóigafue jino llóiticue, áfedo jiáifuena omoi onóíllena. Ocuilla uai nai cuena dáíñeniadi, aino come raana óiacanana onóñedicue. Mei íadi afe daií llua mei fieni óiacanana onódicue.

<sup>8</sup> Afena cue onónamona, bie ocuilla uai llúado, cue comécimo ite naga fieni jítainana uáfodo cazítaga. Mei ocuilla uai nai cuemo lloñena llezica, fiénidifue tiide izóí uái íllano figo onóñedicue.

<sup>9</sup> Nauídíruiamo, ocuilla uai cúemona nai oni eneno illa llezica, cue comeci úrilla caimare ite. Mei íadi ocuilla uai ja lluaíbillado fiénidifue meine abido comuide. Afefue meine comuillamona fállena cue orede.

<sup>10</sup> Dinómona bie izóí cuemo zúide. Daje cuena ñue zííñona illífuemo úirede uaillai, ñue illífuemo cuena uíñede. Mei jiáífodo cue dibénemo, cuena ana tíllanomo uite.

<sup>11</sup> Mei jii, fueñe fiénidifue cuemo íñede daidicue. Mei íadi ocuilla uaina cue fídiamona, cuemo ite fiénidifuiaina onódicue. Afe ícoinia Juzíñamui fáicagamiena iticue.

<sup>12</sup> Afemona onoiaga, afe ocuilla uai iere ñuera. Daje izóí lletara uai jamánomo ñuera. Afe uai ñue jaícina jóiduai.

<sup>13</sup> ¿Meita bie ñuera ocuilla uai cuena ana tíllinomo úirede? Ñue onóigaza, únide. Mei jiáífodo cuemo ite fiénidífuedo ana tíllinomo uigacue. Afemona uáfueña ciotagaza, bie fiénidifue ua nahí fiénideza. Afe cuena ana uillafue ñúefuedo finoca. Daií Juzíñamui ocuilla uai, nana fiénidifuiiai jamánomo íaire nana caina onótate.

<sup>14</sup> Afe ocuilla uai Juzíñamui Ñuera Joréñomo dúidifue. Afena onóidicaiza. Mei jiáífodo nanómona cue comécimo itifue Ñuera Joréñomo dúíñede. Mei izire rairuícamié izóí íaifue fínuanamo fecácamié izóidicue.

<sup>15</sup> Birui cuemo ífcaidifuena onóñedicue. Ñue cue comeci jítainafuena finóñedicue, mei íadi cue comeci éoillafuena áfena finóíredicue.

<sup>16</sup> Mei cue comeci jítaiñenafue cue finóadi, afe cue finócafue fiéninana onódicue, mei Juzíñamui Ocuilla uai cuena áfemona rairuúdeza. Iemona afe bie ocuilla uaina nahí ñuera daidicue.

<sup>17</sup> Mei daií áfena dama finóñedicue, mei jiáífodo cuemo ite íaifue aféfuemona comuide.

<sup>18</sup> Mei onódicueza, dama cuemo ñúefuena íñede. Biedo daiíacadicue, nanómona cuemo itifue ñúeñede. Mei jii, cue comeci ñúefue finócadé, mei íadi áfena jaca finónidicue.

<sup>19</sup> Cue jitaíga ñúefuena finóñedicue; mei íadi cue jítaiñega fiénidifuiaina finócadicue.

<sup>20</sup> Iemona cue finóacañega fiénidifue cue finóadi, dama cúeñedeza, cuemo ite fiénidifuemona comuide.

<sup>21</sup> Daií jaca bie izóí cuemo íoicaide: mei ñúefue cue finóacania, áfena baiñeno dama cuemo ite íaifuiai báíredicue.

<sup>22</sup> Mei jiáífodo cue comécido Juzíñamui ocuilla uaina gáidicue.

<sup>23</sup> Mei íadi afe llezica cue comécimo ite jiáie niné cue úiacade uaina comécido onódicue. Afe uai cue ífoci úrilla ñúefuena niné féitaoidé. Afe bie fieni cue rairuíoide uai cue abímo ite. Afe uai cuena llavéoidé.

<sup>24</sup> ¡Nai iere íóbíñedimiedicue! Bie ana tíllamo cue uite abímona, ¿bu oni cue jírecaítalle?

<sup>25</sup> Dama Juziñamui ie Jitó cai Ocuíraima Jesucristodo bífue mona cuena oni jirecaitarede. Iemona, ja birui Juziñamuina “Iere figura” daidicue. Iemo cue illafue bie izói ite: Juziñamui ocuilla uai anamo cue itábicaillena dama Juziñamui jónega cue comeci ñue úrillado finóredicue. Mei íadi dama cue abi dibénedo nanomo cuemo itífuedo llavécaigacue. Dinómona fiénidifue cuemo loicaide. Loicaillamona fiénidifuiaina jaca finócaidicue.

## 8

*Juziñamui Ñuera Joreño úicaigamie illafue bie izoide*

<sup>1</sup> Mei ja benómona, nana Jesucristomo dájena jaináidinomo duere finótaituiai jaca íñede. Afémaci Juziñamui Ñuera Joreño riinodo afe Joreño illa izói ífrediaioi. Dáonomo afémaci nanómona comécimo itífuiiai izói comécíñediaioi. Daje izói nánorafuiaina náfueñediaioi.

<sup>2</sup> Juziñamui Ñuera Joreño cai rairuilla uai, dájena Jesucristomo cai jaináinamona, caina ñue cáataite. Afe llezica caina rairuide Ñuera Joreño uai, afe nanómona cue rairuilla fiénide uáimona cuena oni jirecaitate. Afemona fiénidifue ana tállinomo cuena úiñeite.

<sup>3</sup> Moisés ocuica uáimona finónidifue, Juziñamui daade ie Jitó ana óriano áfena finode. Afe caimo ite fiénidifue mona oni cai jirecaillafue Moisés ocuilla uáimona finóide, mei nanómona cai comécimo fiénidifuiiai illado, afe uai riinonideza. Iemona afe uai figo jínofede. Ie jira Juziñamui cai oni jirecaitallena, daade ie Jitó jamai cómena bie éniemo jéicite. Afe mei, cai fiénidifuiiai ícoina cai ífomo Juziñamui ie Jitó fatátate. Bie izói daina daíacade, bñiemo ite fiénidifuiairredo comínina íaioi illa izói, afe izói Juziñamui ie Jitó ana bñiemo orede. Afe bie izoide ória mei, afémie abi, cáie izói eroide, mei íadi afémie íaifuenide. Afe izói ie illamona afémie bñiedo ua nífuenidimiena jáicaillado nana caimo ite fiénidifuiaina anáfenode.

<sup>4</sup> Mei ocuica uai jeire cai óllena, afémie nana bie izói finódeza, mei ja nano cai comécimo comúidifuiamo comécíñedicaiza. Afena ja náfueñedicaí. Mei jíáfodo Juziñamui Ñuera Joreño ífuiamo comécioidicaí; aféfuiaina ñue náfueticaí.

<sup>5</sup> Nano comécimo fiéni comúidifuiamo comécidino, daa bie cai abi ífuiamo izire comécido lícioidiaioi. Mei jíáfodo Ñuera Joreño ífuiamo comécidino afe Ñuera Joreño daináuaimo izire comeci fáioidiaioi.

<sup>6</sup> Da bie cai abi ífuiamo comeci izire cai lícioia, ana tállinomo caina uite. Mei jíáfodo Ñuera Joreño daináuaimo izire comeci cai fáioia, zñíona illífue mo caina uite. Iemo daje izói caina cáimare uái illinomo uite.

<sup>7</sup> Daje bie cai abi ífuiamo izire comeci lícioidino, Juziñamui uáitatimacina jáidiaioi, mei afémaci, nana comíni Juziñamui ocuilla uaina gáíñediaioiza. Afémaci áfena gáíñenamona afe uai anamo índiaioi.

<sup>8</sup> Ie jira nano cai comécimo comúidifuiamo jaináidino Juziñamuina íóbitanidiaioi.

<sup>9</sup> Mei íadi Juziñamui Ñuera Joreño ja ómoimo illamona, comécimo fiéni itífuiamo, cuinaca izói, izire jaináíñediomoi. Mei jíáfodo Ñuera Joreño dájena iere jaináídiomoi. Cristo Ñuera Joreño ña íñédimie Cristo íñede.

<sup>10</sup> Cristo ómoimo illamona ómoimo ite joreño caade. Ua, Juziñamui anamo ñue jáicina itábicaillamona omoi joreño cazítaga izoide. Mei íadi afe llezica caimo ite fiénidifue cai abina ana tállinomo uite.

<sup>11</sup> Mei jíáfodo Jesucristo tállanomona Juziñamui Ñuera Joreño ña meine abido cáadimiena jáitaga. Iemo afe Cristo cáadena jáitate Juziñamui omoi tífírena abina nane meine cáadena jáitaita. Ua ómoimo ite Juziñamui Ñuera Joreño Juziñamui cáadena jáitagamacina ómoína fñoite.

<sup>12</sup> Amatiai, mei daí cai comécimo fiéni ífredifuiamo comécíñellena, izire ocuicanodicaí.

<sup>13</sup> Da bie omoi abi ífuiamo omoi comécioiadi, tállinomo ana ómoína uite. Bie cai comécimo itífue jaca fiénidifue caina finótate. Mei íadi afe ómoína finótate fiénidifue Ñuera Joreño omoi anáfenoiadi jaca ninomo cáaitiomoi.

<sup>14</sup> Nana Juziñamui Ñuera Joreño ífócamaci, Juziñamui úruiai.

<sup>15</sup> Mei jíi, ómoimo iga Ñuera Joreño, jacire ráiruite joreñoñede. Daje izói ómoimo ite Ñuera Joreño ómoína meine jacíruiñede. Mei íadi afe ómoimo iga Ñuera Joreño Juziñamui jítótaiña ómoína mamede. Afe Joreño Juziñamuina “Cue Móodio” caina daítate.

<sup>16</sup> Da bie Ñuera Joreño caimo ite joreño diga, dájena nabázaibite “Juziñamui jítódicaí” caina daíllena.

<sup>17</sup> Afe daí ie jítótaiña cai illamona, Juziñamui raire úcodo caimo lloga feci raa izoide cámafue maíñoredicaí. Afe cámafue dama Cristo ie, mei afémie Juziñamui nahí Jitoza. Mei íadi ja birui áfena daane afémieoiri maíñoredicaí. Afe Cristo duere zefuilla izói, daane birui



duere cai zefuádi, Juziñamui caina cíoite. Iemona Juziñamui ebíredifueña íemo nitalle izói, afe izói caimo nítaite.

<sup>18</sup> Iemona ja biruillaído duere cai zefuilla figo ráañenamo comeci facádícue. Afefue ráañenari íóbídícue. Ua afe aillóñedeza áfena lloñédícue; mei afe uire caimo cómuíte ñue ebíredífue jamánomoideza. Afe ebíredífue duere zefuillafue baímo jamánomoideza, afe duere zefuillafueña úbíñoñeíticai.

<sup>19</sup> Nana Juziñamui finoca cómena maméñíedínuaí, Juziñamui jitótíai meine cáadino jailano jino cíotallíruimo iere izire úíñoídaíoi.

<sup>20</sup> Ua comínimo ite fiénidífue ícoínia, nana afe Juziñamui comuítaganuaí zuure fíallífue mo mamécaíai. Dani íaiói jítainamona aféfuemo mámeñegaíai. Mei íadi Juziñamui daí íaióina mamede; afe íe comeci jítaina ízoi mamécaíai.

<sup>21</sup> Mei afémie nana íe finócanona riire ocuífueñemona oni jíreñoiacade. Daje izói íe finócanona niné táinocaitífueñemona oni jíreñoiacade. Afe íaiói jírenollífue mo Juziñamui ñue coméciide. Daí íaiói oni jírecaitaite, Juziñamui jitótíaióri ebire jaícina joide cámafueña íaiói maíñóríllena.

<sup>22</sup> Onócaíza, jaíai fiénidífue bíniemo tainéinanomona, nana Juziñamui finoca cáadínuaí abí izírenari murífírediaíoi. Ua jaíaimona nai biruimo, ringo úrue jocóacana llezica izíñailla izói, nana íe comínina mámeñega comuítaganuaí izí cácaíaiói.

<sup>23</sup> Daa afémaci izí cácañenaza; daje izói cai izí cácaíllano, afe caina jaícina ñúeítallíruido izire ocuíticai, Juziñamui Ñuera Joreño caimo ite íadi. Juziñamui ícoí aillo caimo fecalle caímátáillífuaíaimona, bie Ñuera Joreño fueñe raire uícodo caimo iga. Mei íadi nai bíniemo iere zuure murífíredicaí; mei Juziñamui jitótíai maméídicaí íadi, móonídiza jíáie come íena náamataja izói, cai íe náamatallíruido ocuíticaíza. Aféruimo nana fiénidífuaíaimona, naa jíáie cai rairuíoide íaífuíairí, Juziñamui cai abina oni jírecaitaite.

<sup>24</sup> Afe bie cai jíllollífue mo úíñoídicaí. Jesucristo daí caimo llogáuimo afe jeire cai úamona, áfemo úíñoídicaí. Afemo daí izire cai úíñoínado jíllotagacaí. Cai úíñoiga raana cai cíonamona, jae áfemo úíñoñeíticai, mei jae íteza.

<sup>25</sup> Mei jíáfodo cai cíóñena raamo cai úíñoíadi, ja áfemo raire járitañeno úíñoíredicaí. Iemona Juziñamui Ñuera Joreño, Juziñamui jitótíaina cai maméinamo uaina nabaide.

<sup>26</sup> Daje izói Juziñamui Ñuera Joreño nífue Juziñamuimona cai jícállena ñue caina cánuaíbite. Juziñamuimona jaícina íe jítaílla izói cai jícajana onóñedicaí. Mei daí cai ílla llezica, Ñuera Joreño come uaido jino llónide murilla uaido Juziñamuimo caído izire jícade.

<sup>27</sup> Juziñamui naga come comeci ífueña ñue onóíllena izire jícanofíredímie. Afemona Ñuera Joreño caído daíacanana Juziñamui ñue onode, mei Ñuera Joreño, Juziñamuimo jaínáídnodo Juziñamui comeci jítaílla izói izire íaíoimo jícádeza.

*Nana zuure íaífuíaimona caífofecaíredicaí*

<sup>28</sup> Onócaíza, Juziñamui nana cómemo ífcáitífuaína ñue jaícina mamede, nana íena izírúitino ñue íllena. Ua Juziñamui comeci jítaina izói, íe jírígano ñue íaiói íllena, Juziñamui ílla dígamíemo cómuítífuaína ñue jaícina zúitáfírede.

<sup>29</sup> Mei Juziñamui nana íe uícodo onóígano nanómona mamede, íe Jitó ílla izói íaiói íllena. Bie izói íaiói íllamona Juziñamui Jitó ámatíaina itíaiói. Afemona aillo ite ámatíai cígimona Jesucristo dama námienna jaide, Juziñamui jaíai uícodo mámia izói.

<sup>30</sup> Nana daí íe mamécanona, daje izói íaíoína jííríte. Nana íe jííriganona, daje izói íe anamo ñue jaícina itábicaítate. Daje izói, nana daí íe anamo ñue jaícina itábicaítaganomo Crísto mo níta ca ebíredífueña afe izói íaíoimo nítaide.

<sup>31</sup> ¿Bífuena nie izói dáíticai? Juziñamui cai díbénemo íadi, ¿mei bu caina anáfenolle? ¡Cai anáfenóitena íñede!

<sup>32</sup> Juziñamui dama íe daade nahí Jitona cámona rairuíñede. Mei jíáfodo nana ñue cai jíllóíllena, íe daade Jitó títaíllena jeruñeno fecade. Iemona onócaíza, nana jíáie cai jítaílle ríiduana naa íe Jitóóri nágarui caimo fecáfíreite.

<sup>33</sup> Juziñamui nízcamacimo, ¿bu fiénidífueña nítréna? Afe izói nítaítímie íñede, mei afémaci nífuenidínona Juziñamui jae jino uáfodo llógaza.

<sup>34</sup> Afe Juziñamui nízcánona, ¿mei bu duere finótarena? Íaíoína duere finótáitímie jae íñede, mei Jesucristo íaiói ícoínia tízaíbíteza. Afe baímo Jesucristo tíllanomona meine abído cáadímiena jaíllano, Juziñamui nabézimo ráinazaide, dínoñemona Juziñamuimona cai íe canóllífueña izire jícállena.

<sup>35</sup> Cristo cai íe izírúíllana, ¿bu mei féítarena? ¿Meita duere cai zefuádi, Cristo caina izírúíllana féítaite? Féítanide. ¿Meita llotáíredífuaí caina íe izírúíllana féítaite? Féítanide. ¿Meita fíeni

caina finóacardino caina ie izíruillana féitaite? Féitanide. ¿Meita júbietailafue caina ie izíruillana féitaite? Féitanide. ¿Meita incuironinafue caina ie izíruillana féitaite? Féitanide. ¿Meita jácifuiiai caina ie izíruillana féitaite? Féitanide. ¿Meita tízaillafue caina ie izíruillana féitaite? Féitanide.

<sup>36</sup> Juzíñamui Cuega Uai bie izói dáideza:

Nágaruillai o íconia tíllanomo ánozigacai, mei íadi tíñedicaí.

Daje llezica caina titalle ovéjaíai izói mamédiaíoi.

<sup>37</sup> Mei íadi nana bie zúredífuiaimona, caina izíruitimie Jesucristodo, caifófecaidino baimo ñue jino jáidicaí.

<sup>38</sup> Iemona ñue onódicueza, Juzíñamui cai ie izíruillana ráiruitena ñede. Naga raamo cai jíriadi Juzíñamui féitaíeno caina izíruioide. Cai tíllifue Juzíñamui caina izíruillana cáimona feitaíte. Daje izói bíniemo cai cáanafue caina ie izíruillana cáimona rairuínide. Daje izói Juzíñamui abí imaci caina ie izíruillana cáimona rairuínide. Daje izói fiendi ríinorede jóriai caina ie izíruillana cáimona rairuínide. Daje izói biruido comuídfuiiai caina ie izíruillana cáimona rairuínide. Daje izói uire cómuitfuiiai caina ie izíruillana cáimona rairuínide.

<sup>39</sup> Daje izói Juzíñamui abí imácimona ríllaini caina ie izíruillana cáimona rairuínide. Daje izói Taifemo jáináidino ríllaini caina ie izíruillana cáimona rairuínide. Ua nana Juzíñamui finócanuíaímona buna Crístodo caimo jino cíotaga izíruillana cáimona rairuínide.

## 9

*Juzíñamui jaíai uícodo Israel nairai nizede*

<sup>1</sup> Ja birui jáífue ómoimo llóiticue. Crístomo cue jáinámomona táinona llóñeiticue. Daje izói Juzíñamui Ñuera Joreño nabáioicaigacueza cue comei urilla uai ñue jino deide. Afedo bie cue llóllifue nahí ua ráfueza, onódicue.

<sup>2</sup> Be ñie: nana cue nairai comíniri iere zúuruiticue. Afémaci Crístomo íinoñenamona zúufueri comécina cuidíridicue.

<sup>3</sup> Iemo mei cue dáinamona nibai afémacina jíllotareníadi, Juzíñamuina, “Mai fiendi cue faido,” nibai raire dáitícue. Mei íadi cue daina izói Juzíñamui cue faidódena, cue nairai imácina cánofeite.

<sup>4</sup> Afémaci jaíai Juzíñamui nizécamié Israel, méifomo comuícana jáidino. Daje izói afémacina Juzíñamui daide:

—Bimaci cue nairai, —daide. Afe mei íaíoi cígimo ie íllado íemo ite áillue ebírede ríino Juzíñamui íaíoiimo jino cíotate. Daje izói íaíoiina ie ñuera finóllifuiiai Juzíñamui íaíoiimo llote. Iemo Juzíñamui Moisédo ocuica uaina llogáíaiíoi. Daje izói Juzíñamuina nahí caimátaitajana onótagaíaiíoi. Daje izói Juzíñamui lloga caimare íaíoi íllúuai íaíoiimo íeza.

<sup>5</sup> Bimaci mámecina jica jalleide judíuai jáíaidígimamona comuitagano. Íirainomo íaíoi náiraímona Crísto cómena jócuaiábiga. Bífuiamona Juzíñamui naga ráfuiiai jamánomo ocuillana onódicai. Iemona nana náiraíamona illa dígamíai Juzíñamuina jica ninomo fáicanocaiñeno íóbitarediaíoi. Mai daí íeza.

<sup>6</sup> Diga ñúefuiiai cue náiraímo duide; mei íadi Crístona náfueñediaíoi. ¿Mei níbai? ¿Níbai Juzíñamui uícodo lloga Israelna ñuera daínauai figo déizaíbiñede? Daí daíñediceza. Jáífodo jóide. Nana Israel náiraína maméidinomona dáarie Juzíñamui nízeñegano.

<sup>7</sup> Daje izói Abraham méifomo comuídino dáarie ie nahí úruiaíñediaíoi. Jaíai uícodo Juzíñamui Abrahana daide:

—Dama Isáacimona cómutino o uáfueña méifomo comuídinona jaille, —daide.

<sup>8</sup> Bie uai jáífueña cai onótateza: Dámie ñuera náiraímo jócuado, dama afedo “Juzíñamui jítdícue” daíñide. Mei jáífodo Juzíñamui uícodo daina uai fúitamona jocócana, dama afémaci ie uáfueña méifomo comuídinona mameína.

<sup>9</sup> Juzíñamui Abrahana uícodo daina uai be ñie: “Uire afe nauí cue mamécaruimo meinde bíiticue; íemo o ai Sara jíto jócoite,” daide.

<sup>10</sup> Iemo nai jáífueña íte. Rebeca jíto íaillinoí dáamiéna móorediaillinoí. Íaillinoí moo cai jáíaidígima Isaac. Afe jíto íaillinoí guarázaillinoí.

<sup>11-12</sup> Mei íadi íaillinoí nai jocóñeniadi, afe ménaiillinoí nai nífuenina illa llezica, Juzíñamui Rebécana daide: “O jíto nánoramie ie méifoide ama anamo jabóidimiéna íte.” Juzíñamui daí daide, bífueña cai onóllena: Afe íaillinoímona dáamiéna Juzíñamui nizéllena dama Juzíñamui comei jítaina izói mamede. Afe Juzíñamui íaillinoímona dáamié níziafue íaillinoí finócafueñomona comuíñede. Dama Juzíñamui mámiamona íaillinoímona dáamié nizécamiéna jaide.

<sup>13</sup> Juzíñamui Cuegáuai bie izói daide: “Jacob cue nizécamié, íemona cue izíruigamié, mei íadi Esaú cue ruífruigamié.”

<sup>14</sup> Iemona dáarie nibai dáitiao: “Juziñamui daí dáamiena fia ruifruillano jáimie nizada máinua jáicina jóifede.” Mei íadi bie comini daináu uáfueñede; jáicina jóifedifuenta Juziñamuimo jaca ifede.

<sup>15</sup> Mei Juziñamui Moisenja ja dáideza: “Daa cómemo cue dúecaianyadi, afémiemo dúecaíticue. Daje izói daa cómena duéruillano riire ibana cue óiacañeniadi, iemo ibana óñeiticue.”

<sup>16</sup> Bie Juziñamui daina uáimona onódicaiza: Juziñamui dáamie eneno nízia afe come óiacanamona daingo comuíñede. Daje izói afe come riire fínuamona Juziñamui níziafue comuíñede. Juziñamui afémie nízia dama cómemo Juziñamui dúecaianamona comuide. Daje izói afe imana ie canócanamona comuide.

<sup>17</sup> Mei jii, Juziñamui ie Cuegáuaido, Egipto illáimana daide: “Ja illáimana o jóneticue, cuemo ite áillue riino jáimacimo odo jino ciótallena. Afe llezica iere duere o cue finólledo cue mámece naga náiraiado jica jalléitaitio,” daide.

<sup>18</sup> Ie jira onódicaiza: Juziñamui dama ie óiacana izói, daa cómemo dúecaite; iemo Juziñamui dama ie óiacana izói jáie come comécina riireitaite.

<sup>19</sup> Bífuiamona daa come nibai cuena jicánoite: “Mei Juziñamui afe ie óiacana izói finófredeza, jáifodo ínídicaí. Iemona ¿nibái mei fiénidifue ícoinia caimo nitáifrega? ¿Bu mei Juziñamui óiacanafuena uáitarena?”

<sup>20</sup> ¡Ací! ¡Daí dainámie cacai! ¿O iere ua ímiedicue daidío, Juziñamuimo riire júfidollena? Mei nana Juziñamui comuitagacaiza bie jáífuemo coméciri. ¿Mei nibai nogo, afe nogo niráingona daíte: “¿Nibái mei cuena bie izói nitio? ¡Dáiñeite!”

<sup>21</sup> Nogo niraingo daingo ie comeci óiacana izói afe nogóraina nírede. Afe daje nógorafella átuedo daa ebire eroide icíruna nírede, iemo daje nógorafella enéfenemona jamai nogócirina nírede.

<sup>22</sup> Iemona daje izói Juziñamui finócafuiái ñúeraza, onódicaí. Afémiemo ínoñedinona Juziñamui duere finótaacade, iemo ite fiénidifueña gáñenana jino ácatallena. Afe llezica iemo ite aillo ñuera riino jino comínimo onótaiacade. Mei íadi afémaci fiene illafue ibana raire otáañede. Ie icírafue anamo itínomo, Juziñamui raire comeci járitañede. Iaiomo dúide niné táinocaitallifueña nai are ocuíñede.

<sup>23-24</sup> Daje izói Juziñamuimo ite jamánomo ñuera ebíredinona comínimo jino onótaiacade. Iemona Juziñamui dáarie judíuai, daje izói dáarie judíoñedinona nizada íaiomo dúecaide. Dúecaillano íaiói fiene illafue ibana oñeno íaiói jíllotate. Afe ie dúecaillado nízecanodicaí. Afémie jáiai uícodo, iemo ite ebíredifueña afe cáiena oni cai maíñóllena caina mamede. Daí fínuamona, iemo ite jamánomo ñuera ebíredifuiái Juziñamui caimo jino fiditate.

<sup>25</sup> Jáiai Juziñamui uai jino llórama Oseas cuegánicomo Juziñamui bie izói daide: Cuemo jaináifede comínina “Cúeiena” náamataitícue.

Daje izói nauí cue izíruiñega náiraina “Cue izíruiagamacina” mámeitícue.

<sup>26</sup> Daje izói batí jáie éniemo itínona Juziñamui daina “Cue comínínediomo;” afénomo itínona “Cáataite Juziñamui jítótaína mamélliaoi,” —daí Oseas daide.

<sup>27-28</sup> Mei íadi Israel nairai dibénemo Isaías daide: “Israel comini iere aillo jebuídiaoí, ua monáillai fuédamo ite facádonide guamájai izói, jamánomo áillomaci. Mei aillo jebuídiaoí íadi, afe náiraimo Juziñamui raire duere finótalle mei, daa dúemacina fiébitiaoí. Dani afe dúemaci jíllotiaoí. Mei jii, Juziñamui ie daina uai izói náiraina duere zefuúllifue jino zuítaite.”

<sup>29</sup> Dámie Isaías afe duere zefuúllifue uícodo llote: Mei jamánomo riinorede Juziñamui, caina due méifomo cómuitinona níriñeniadi, Sodoma iemo Gomorra diga jofue nairai niné táinocaila izói niné táinocaiticaí, —daide.

*Jesucristo cai jíllotale ñúefue daje izói Israel comínimo dúide*

<sup>30</sup> Cai lloga uailai bie izói daíacade. Be ñie: Judíoñedino Juziñamui anamo ñue jáicina íaiói illínona figo jenóñediaoi, mei íadi Juziñamuimo íaiói ínuamona, Juziñamui anamo ñue jáicina itátagaiaoí.

<sup>31</sup> Mei jáifodo afe Israel nairai, (judíuaina maméidino) Juziñamui anamo ñue jáicina íaiói itátaite ocuilla uáillaina jenódiaoí, mei íadi afe uáillaina ñue ícoimo figo dúcitañediaoi.

<sup>32</sup> ¿Nibái mei afeno baiñediaoi? Mei Juziñamuimo ínuado íaiói comeci ñue jáicina jóillifueña jenóñediaoiza. Dani íaiói nícidogafuiaimo comécidiaoi. “Nibai aféfuiaido Juziñamui anamo ñue jáicina íiticaí,” daidíai. Ie jira Juziñamui oreca jíllotaitimíemo, ñie Jesumo, uíeco riire finódiaoí; fínuano Juziñamui anamo ñue jáicina íñediaoi. Come iodo jáiadi écitailla izói, Jesumo écítaidiaoí. Afémie iomo écítaitate notici izóidímie mei afémie ñúemie, mei íadi ruifruigamie.

<sup>33</sup> Juziñamui Cuegáuai afémie dibénedo bie izói úrite: Omoi cácarei, judíuai iomo éicitaitate nofici izóidimiena jóneticue. Afemo comini éicitaillano oni nibéfodo báititai. Mei íadi nana íemo ínotino íena méairuifeitai.

## 10

<sup>1</sup> Cue ámatiai, nane ómoína dáititue: Cue nairai israelitas imaci jíllloillena, nana cue comécido izire óiacadicue; íemo áfena Juziñamuimo jícafíredicue.

<sup>2</sup> Bie ñúefue afémacimo nitáredicue: Juziñamui comeci jítainafuemo nágarui iere járidofirediaioi. Mei íadi áfena ñue jaícina íaiói fidíñenamona daí táinomo járidotiaioi.

<sup>3</sup> Comini Juziñamui anamo ñue jaícina ie itátallifuena, íaiói ífócimo ñue denóñede. Mei jíáfodo Juziñamui anamo itábicañeno dani íaiói mameca comeci ñue jaícina jóitaitufuemo járidotiaioi. Ie jira Juziñamui lloga ñue jaícina itátaitfuena maiñoñediaioi.

<sup>4</sup> Mei jíi, Cristo billano nana íemo ínotino Juziñamui anamo ñue jaícina itátagaiaioi. Ie jira comini Juziñamui erócana ñue íaiói íllena, Moisés ocuica uaimo dani íaiói níciuaifuena Cristo jae féitate.

<sup>5</sup> Ocuica uai jeire úado Juziñamui anamo ñue jaícina cai illifue dibénemo Moisés bíena daide: “Nana ocuica uailai dáamie ñue ícoimo fuitáadi, áfedo afémie are iite.” Mei íadi afe uáillaina ñue jeire otímiena íñede.

<sup>6</sup> Mei jíáfodo, Jesumo cai íinogafuedo Juziñamui anamo ñue jaícina cai illifuena Juziñamui Cuegáuai bie izói daide: “O comeci anado bífuena daí jícanoñeno iri: ¿Bu mei caifo monamo jaille, Cristo ana cai jíllotataibillena?”

<sup>7</sup> Daje izói bie jíáfue daíñeno iri: ¿Bu mei ana tídino íllánomo jaille, afénomona Cristo caina caifo jíllotataibillena?”

<sup>8</sup> Juziñamui Cuegáuai bie izói daide. Be ñíe: “Ací, Juziñamui jíllotaja uaina ja cacádiomoi. Ie llógamo ja comécidiomoi.” Bie uailai ómoimo cai lloga omoi ínollifue. Be ñíe:

<sup>9</sup> O fúedo jino comínimo “Jesús cue nahí Ocuíraima,” o daíadi, nane daje llezica afémie tíllanomona meine abido cáadimiena Juziñamui jáitagamíemo o comécido o ínoiadi, ua jíllotio.

<sup>10</sup> Mei Juziñamui anamo ñue jaícina cai itábicaillena, afémiemo comécido ínoredicai; ie mei Jesucrístomo nahí cai jáinánaifuena, cai fúedo jino comínimo llóredicai, áfedo ñue cai jíllloillena.

<sup>11</sup> Juziñamui Cuegáuai daide: “Nana íemo ínotino íena méairuifeite.”

<sup>12</sup> Jesucristo nana náiraimo daje uaido úrite. Judíoñedinona énenoruñeno daje uaido íaiómo úrite, naa judíuai diga. Nana nairai Ocuíraima daade Jesucristo; nana afémiemo jícadínomo afémie jaca dúecaífrede. Ja ie jira íemo ite jamánomo ñúefuaimona íaiómo fecáífrede.

<sup>13</sup> Mei Juziñamui Cuegáuai daí dáideza: “Nana cai Ocuíraima Jesucrístomo jícaítino jíllotiaioi.”

<sup>14</sup> Mei íadi Crístomo nai íaiói ínoñeniadi, ua afémiemo jícánidiaioi. Daje izói afe jíllolle uai nai íaiói ñue cácañeniadi áfemona nai ínonidiaioi. Iemo afe uai jino llóraima nai íñeniadi, afe uaina ua cacánidiaioi.

<sup>15</sup> Afe izói, uai jino llóraimana nai íaiói ocuíñeniadi, afe ñúefue uaina ua jino llónide. Jira Juziñamui Cuegáuai bie izói llote: “Núefue lluáíbitimie billa iere ñuera.”

<sup>16</sup> Mei íadi nana cue nairai imaci, Cristo daina ñúefuena jeire ofédiaioi. Jaiai uai llóraima Isaías dama bie izói daide: “Ocuíraima, cai lluáíbigafuena ¡jaca buna ínoñena!” daide.

<sup>17</sup> Aféfuaimona bie izói onódicai: ñúefue fidínamona comini ínotinona jáidiaioi. Iemo dáamie Cristo daina uai jino lluáíbillamona, comini afe ñúefuena fidídiaioi.

<sup>18</sup> Mei íadi jícanoticue: ¿Mei nibai nana judíuai afe ñúefuena fidíñediaioi? ¡íeñede! Ja fidídiaioi. Juziñamui Cuegáuai daje izói llote:

Afefue llóraini úrilla uai nana énie náraiaído cácaicaide.

Íaiói daináuailai nana énie fuédamo jica ítinuaimo ñue jalleide, daide.

<sup>19</sup> Dánomo nane jíáfue jicánoticue: ¿Mei nibai afe cacánafue Israel comini ífócimo nai figo déíñede? Dáamie Moisés, Juziñamui dibénedo fueñe uai ote. Moisedo Juziñamui daide:

Ua comíníñedimacimona ómoína úradoitaiticue.

Daje izói abina onóñede nairai íconia ómoína íciritaiticue, daide.

<sup>20</sup> Afe mei Isaías jacíruiñeno Juziñamui dainafue llote. Be ñíe:

Cuena jenóñedino ja cuena baitiaioi.

Cuena jícanoñedinomo dama cue abina ja onótaticue, daide.

21 Israel nairai dibénemo Juzíñamui daináuai Isaías lloste. Be ñie: “Nágaruillaido cue uaina náfucañedinona uáidotícue. Mei íadi fairíofediaioi. Daje izóí cuena uáitaoidinona uáidotícue, mei íadi náfuñediaioi,” daide.

## 11

### *Israel náiraímona dáarie jílloítiaioi*

<sup>1</sup> Iemona nane jicánoticue: ¿Ja nibai Juzíñamui ie nizeca Israel náiraina ruífiruiuga? ¡Jaca íeñede! Mei cue dama Israel nairai ímedicue. Daje izóí Abraham izíedicue. Iemo Benjamín comínimona comuídícue.

<sup>2</sup> Jaiai ninomo uícómo íeiena onoiga Israel comínina birui ruífiruíñeite. Uáfueza, uai llóráima Elías daina uaina onódiomoi. Aféuai Juzíñamui Cuegánicomo ite. Juzíñamuimo Elías jícaja llezica, Israel nairai fienuí finócafuiái íaioimo riire jitade. Daide:

<sup>3</sup> “Cue Ocuíraima, o uai jino llórainina fatíaioi. Daje llezica o íóbitalle illánuiaina niné táinocaitatiaioi. Afemona dama cue fiébilla. Iemo daje izóí nane cuena titáacadiaioi,” daide.

<sup>4</sup> Mei íadi Juzíñamui ie uai fairíote: “Siete mil dígamaci eneno cúeiena ja níritícue. Afémaci afe táino juzíñamui Baal jánarai anamo caiñici ifodo dújuñediaioi, ie íóbitallena,” daide.

<sup>5</sup> Ie jira daje izóí birui judíuaimona ínote dúemacina eneno mamécaiaioi. Juzíñamui nana comínimo dúecaillano daa bimácina omi eneno nízedo.

<sup>6</sup> Bie níziafue Juzíñamui caimo dúecaillamona comuide. Iemona come finóacanamona comuíñede. Mei íadi cai níziafue come finóacanamona comuídeniadi, Juzíñamui caimo dúecaillafue nahí caimare dúecaillafueñede.

<sup>7</sup> Bie daináfue ¿mei nífuena cai lloste? Be ñie: Israel comini íaioi jenoca Juzíñamui anamo ñue jaícifuena baiñediaioi. Mei íadi Juzíñamui nizeca dúemaci afe íaioi jenócana otíaioi. Ie mei baiñédimaci Juzíñamui íaioi comécina riiretade.

<sup>8</sup> Juzíñamui Cuegáuai daí daide: “Bimácina Juzíñamui comécina tíidino izóí finode. Uina cóiñedino izóí íaioina finode. Daje izóí jefona cacáñedino izóí íaioina Juzíñamui finode. Nai afémaci jaca biruillaimo bie izóí itíaioi.”

<sup>9</sup> Iemo jíai David Juzíñamuimo jícajano daide: Juzíñamui íóbitallena íaioi finoca güilláfuiái táinona finódiaioi. Afe jira Juzíñamuina daidícue: Mai duere íaioi finoiri. Iemona aféfuai tácofo izóí íaioimo jáiteza; daje izóí llójei izóí jáiteza. Afe táinona finócafuiái éicitailano izóí duere finólliaioiza.

<sup>10</sup> Daje izóí uina níridino izóí mai mei íaioi jáilleza, Juzíñamui ñúefuiai íaioi ónoñeilleza. Iemo nágarui iere baizídaitaganona íitiaioiza, daide.

### *Judíoñedino jílloítafue*

<sup>11</sup> Ja birui nane jicánoticue: ¿Ja nibai judíuái íaioi éicitailamona niné nana táinocaitalliaioi? ¡Jaca íñeíeza! Mei jíáfodo judíuái Juzíñamui lloga uaina cacácañena llezica, judíoñedino aféuai cacáillano íaioi jílloíllifue maiñódiaioi. Afe íaioi máíñua Israel comínina úradoitate, afe jílloñafue otino illa izóí íaioi íllena.

<sup>12</sup> Iemona judíuái íñoñenafue íirainomo nana náiraíaina canode. Afe judíuái ícoimo fuitáñeno zóofenocailafue, judíoñedinona ñue canode. Mei íadi judíuái meine abido Jesumo íñuaila llezica, nana náiraíai jamánomo ñue ézicilliaioi.

<sup>13</sup> Ja birui judíoñedinomo úritícue. Mai omoi cácarei. Mei judíoñedinomo ñúefue llujállena Juzíñamui orécacueza, afe bie cue llócaillífue mo iere járitáifredicue.

<sup>14</sup> Nibai áfemo riire cue táijinamona, cue nairai comini, omoi illa izóí íacaitaioi; afe izóí íaioi íllena jitáidícue. Afemona afémacimona dáarie ñue jíllobicaitaioi.

<sup>15</sup> Mei Juzíñamui judíuái ruífiruiillamona nana jíaie nairai Juzíñamuimo comeci caimare uái illáfueña llogáiaioi. Iemo uire judíuaina íaioina Juzíñamui caimare dánomo uáidua llezica, iere jamánomo caimare nana íiticaí. Ua aféruimo tíide meine abido cáadena caimare illa izóí caimare íiticaí.

<sup>16</sup> Mei jíi, Abraham Juzíñamuimo dúinamona, nana ie anamo comuícaidino Juzíñamuimo dúidiaioi. Daje izóí da amena jánao Juzíñamui íeiena maméiadi, daje izóí nana afe amena ícairuái Juzíñamuimo dúide.

<sup>17</sup> Mei íadi dáarie Abraham anamo comuídino íaioi íñoñenamona Juzíñamui comínina íñeíllena ruífiruiagaíai; iemo ie uai jeire omoi úamona Juzíñamui comínina itátagaomoi. Afe ruífiruiagamaci ífomo jae jónegaomoi; jóneficaillano Juzíñamui Abraham imácimo lloga ñúefuiai daje izóí llínoñediomoi. Ie jira judíuái ñuera olivo amena naa ie ícairuái díga izóidiaioi. Iemo omoi nano fueñe jazici amena ícairuái izóidiomoi, mei judíoñediomoiza. Jae

judúuaimona dáarie íaiói ñnoñenamona amena ícairo jaitaina izóí jaitácaiaíoi. Afe mei omoi ñnumona afe jaitácairuai méifomo jónegaomoi. Ua, jaiái jaitaca ícairuai jíáie aménamona méifomo zicóllena jónegano izóidiomoi. Birui daje moi ícoraimo jaináidiomoi. Afe ñuera olivo jído cáadiomoi.

<sup>18</sup> Te jira abina ñnoñeno iri. “Olívomona jaitaca ícairuai izóidímaci baímo ñúeracue” daíñeno iri. Afe izóí daíñidiomoi, mei ñuera olivo moi ícoraiaína cáatañediomoiza; dani jíáinamona zicóllena jónega ícairuai izóidiomoi. Mei uáfueza, dani Juzíñamui nizeca comínimo birui omoi jaináinamona ie lloga ñúefuiai llíinorediomoi.

<sup>19</sup> Nibai dáamie dáite: “Dáarie afe ñuera olivo ícairuai jaitácaiaíoi, afe méifomo cue jónellena”.

<sup>20</sup> Jíáinamona ñuera olívomo zicódiomoinia ñuera, mei íadi jaitaca izóidímaci jíáifo joide: Juzíñamuimo íaiói ñnoñenamona jaitácaiaíoi. Dani omoi ñnogafuemona jónegaomoi. Iemona áfedo dani abina ñnonidiomoi. Mei jíáfodo omoi jaitábiza abina ñue omoi rairuiri.

<sup>21</sup> Mei Juzíñamui nano nizécanona figo íaiói ñnoñenamona jizíñeno íaiolina ruiffruite, afémie daje izóí omoi figo ñnoñeniadi, amena ícairo jaitaina izóí, jizíñeno raire ómoína ruiffruiteza.

<sup>22</sup> Mai bífuego omoi coméciiri. Juzíñamui daí omoi jóoniano iere ñuera. Afedo afémie ómoimo dúecaifrenana fidídiomoi. Mei íadi nane afémie iere riire jaícina ocuídímie, mei ie uaimo náfueñedímacina afémie iere duere finode. Mei jíáfodo afémie ómoiri dúecaifrede. Iemo fáicanocaiño ie uaina jeire omoi oiadi, ie dúecailla dibéndo lífireitioimoi. Afefue jeire omoi óñenia, jíái ómoína afémie jáitaite.

<sup>23</sup> Mei jíáfodo judúuai nane abido ñnoia, afémaci abido dáanomo jofo jónelliaíoi. Mei Juzíñamuimo meine íaiói jónelle ríno ite.

<sup>24</sup> Mei omo judíoñediomoiza, jica ite onínemaci izóidiomoi; Juzíñamui comínimo due jiza dúíñediomoi. Daí omoi illa llezica Juzíñamuimo omoi ñnuado, afémie ie comínina ómoína itátate. Te jira nano fueñe ie nizécamacimona oni nibéfodo baídino íaiói ñnoiadi, abido daje ie comínina itátallena, Juzíñamui dibéndo jamánomo juánide.

#### *Írairullaido Israel naírai jíllóitaiói*

<sup>25</sup> Amatiai, omoi cacai. Afe olivo amena ráfuenta ja ómoimo lloticue, uáfodo ónoñega Juzíñamui mamécafuena comécido omoi onóllena. Juzíñamui nanómona comécido mamérillafuena ómoína fidítaiacadícue. Aféfuena ónoillano Juzíñamui comínina omoi itátagafuedo abina ñnoñetiomoi. Juzíñamui mamérillafue bie izóí joide: Juzíñamui Israel nabémacina comécina riire finode, mei íadi nano íanori íaiói comécina riiretade. Íaiói comeci riireta mei, Juzíñamui nana jíáie náiraina caimare uáidote, íaióimona nana Jesumo ñnotino nizéllena.

<sup>26</sup> Nana Juzíñamui óiacana dieze íemo ñnotímaci ofille mei, nana Israel naírai jíllóizitaiói. Mei Juzíñamui Cuegáuai daí daide:

Cai jíllotaraima dani cáimona cómuite.

Afémie Jerusalén jófuemona biite. (Afe jofue jíáfodo Síóna mameide.)

Jacob meifo ígímaiaí íaífuiaína afémie múíñoite.

<sup>27</sup> Íaiói fiénidífuiaí oni cue dolle mei nana uícodo cue lloga ñúefuiai ñue fuite, daide.

<sup>28</sup> Nana comini jíllóille uai dibéndo judúuai fairíoñediaíoi. Iemona judúuai Juzíñamui ruiffriugaza, ie bacáuai imácina jáidiaíoi. Te bacáuai imácina íaiói illamona Juzíñamuimo cai nabáirillino comuide. Mei íadi Juzíñamui nai íaiolina izíruite, íaiói jaíáidígimaiaí ie nízia jira.

<sup>29</sup> Mei uáfueza. Juzíñamui ja ie fecaca raana abido baíróñede. Daje izóí cai ie uáiduafuena jaca jíáfodo méidoñede.

<sup>30</sup> Naui Juzíñamui uaina ñnoñediomoi; mei íadi jíái birui judúuai daje izóí íaiói ñnoñenamona Juzíñamui ómoiri dúecaizaide.

<sup>31</sup> Ja birui nano ánori judúuai Juzíñamui uaina ñnoñediaíoi, Juzíñamui ómoimo dúecailla izóí íaióimo dúecaillena.

<sup>32</sup> Bie uáillaimona bífuena onódicai: Nana jíáie comini ie uaina dájerize ñnoñediaíoi. Te uaina cai ñnoñenamona fiénidífuiaí finófredicai. Iemona Juzíñamui nana caina dájerize cai gaíga fiénidífuiaímo llaveca izóidinona jóonete. Afémie bie izóí caina daide, afe méifomo afémie nana caimo dájerize dúecaillena.

<sup>33</sup> ¡Díga Juzíñamui ebírede comeci ífuiaí caímo ie dúecaillena, naa ie onógafuiai díga! ¡Afémie iere ráfuenta baítádímie! Uícodo ie mamérillafuiaína cai jino llónidicai. Daje izóí eneno dáarie comínina ie níziafuiaína, onóñedicai.

<sup>34</sup> Cai Ocuíraima comeci úrillafuiaina buna onóñede. Daje izói afémiena bu llófuetimie iñede.

<sup>35</sup> Iemo jiái cai Ocuíraimamo raana izájitimie iñede, afe raa iba llínollena.

<sup>36</sup> Mei nana ráaniai Juzíñamui comuitaga. Nana afémie finoca; daje izói íeiena nana finode. Jaca zíñona Juzíñamuina ióbioitare dicaí. Aquíe izói íteza.

## 12

*Juzíñamuimo ñue jaícina cai dúina uai*

<sup>1</sup> Cue ámatiai, birui Juzíñamui caina dúecaillamona, ómoimo izire jicádicue. Dani omoi mai Juzíñamui anamo itábicaíri. (Dani omoi comeci gáinafue finóñeno, mai Juzíñamui comeci jítinafue omoi finori, cai ie ocuilla izói.) Juzíñamui ióbitalle rille jaiái íemo jaiái fecá izói, nai omoi caana llezica, Juzíñamui anamo dani omoi mai ñue itábicaíri, íena ie ñue facátagamacina omoi íllena. Afe llezica dama íeiena eneno ñue finócamaci omoi íllamona, omoi ie ocuilla uai, mai jeire omoi oíri. Nana bifuiái ñue cai ínuamona, cai joréñodo Juzíñamuina caimátaitadicaí.

<sup>2</sup> Biniemo ite comini comeci táonomo facáoidiaíoi. Mai, afe izói omoi iñeno iri. Mei jiáifodo, omoi comeci ífuiái, mai jiáifodo méidori. Daií omoi comeci ífuiái omoi méiduamona afe izói Juzíñamui nana o íllafue cómofuena méidoite. Afemona Juzíñamui comeci ñue jítinafue ónoiticaí. Daje izói ie jítaina ñúefue ónoiticaí, naa ie cai ióbitallifuiaíri. Daje izói ie ciona jaícina jóidifuiaína ónoiticaí.

<sup>3</sup> Juzíñamui cuena dúecaillano cuemo jóonegafuedo, nana ómoina dáitícue. Juzíñamui cai fibítajafuemo da comécina facáredicaí. Afedo abí cai íinolle ñuera. Mei íadi afefue baimo táinodo ínonidicaí. Iemona nana ómoimona dámie, afefue baimo dama ie abina ínoñeno iri. Mei jiáifodo illa dígamie comécina ñue jaícina facárede, Juzíñamui íemo lloga ie comécimo Juzíñamui comuitaga ínuafue daina izói.

<sup>4</sup> Da come abimo aillo táijide ráaniai ite. (Onoi jiáifodo táijide. Daje izói idai táijina jiáifoide. Daje izói fue táijina jiáifodo joide. Daje izói jefo táijina eneno jiáifodo joide.) Mei íadi daade cai abi íadi. Naga cai abimo ite raa eneno jiáidofodo caina canode. Daje táijinamo íñediaíoi.

<sup>5</sup> Daje izói, áilloziena Jesumo ínoticaí. Aillo cióidicaí íadi, daade abi izóidicaí. Ua, Crístomo dájena cai jaináinamona, dáamiede abina iticaí. Dáamacidicaí. Afe llezica dáamiedicaí abimo ite táijide raa izói, dani conímamo dájena jaináidicaí.

<sup>6</sup> Naga cómemo Juzíñamui jóonega táijinana fibíllafue jiáifodo joide. Juzíñamui comeci óiacana izói, afémie naga cómemo fecade. Bie táijinana fibíllafue ñue jeire óredicaí. Dáamiemo Juzíñamuimona onoiaga uaíllai jino llóllena fibítaga. Afemona áfena afémie rairuñeno jíeruirede. Nano ie íinogafue íllaze jino llólfuerede.

<sup>7</sup> Jiáimaci cai canófireille fibíllafue Juzíñamui caimo jóoneiadi, áfede rairuñeno canóredicaí. Daje izói llólfuiana fibítagamie, afe ie llólfufrenamo ñue jaritairede.

<sup>8</sup> Afe izói jiáima comécina náiretallena fibítagamie, áfemo afémie ñue jaritairede. Daje izói comini canolle raa fécafiredimie, afe íbana ie maiñóllemo coméciinide. Fia íaioimo dúecaillano fecádenia ñuera. Afe izói comini jetállifuena ocuidimie caimare abi rairuioicana ocuúrede. Duéredino canófredimie, caimare íaioina canórede.

*Jesumo ínotino finórede uai*

<sup>9</sup> Táinona lloñeno conímama izírui. Íaifue bai oñeno iri, mei íadi ñúefue jeire omoi oíri.

<sup>10</sup> Jiáimama caimare nahí ama izói izírui. Afémiemona raire uícoficaíñeno iri, mei jiáifodo méifomo fiéñeno raire íena o uíodo o otátari.

<sup>11</sup> Ráiraieñeno jiere omoi iri. Ñue raire cai Ocuíraimamo omoi táijíiri.

<sup>12</sup> Cai ocuírinafueмона caimare omoi ífireiri. Duere omoi zefuáíadi, áfemo raire jaritaiñeno, íaícana caimare úriri. Juzíñamuimo úrillana jaca féítañeno iri.

<sup>13</sup> Jesumo ínotino jitaílla raana, íaíoi canóllena jeruñeno fecari. Nana omoi jofomo uáiduaíbitinona caimare uáidori.

<sup>14</sup> Omoi fiení finóðinona ñue caimátaitari. Íaíoi íbana fiení faidóñeno, íaíoi cáimafuíaí Juzíñamuimona jicari.

<sup>15</sup> Caimátaidino díga caimare omoi iri. Daje izói raamo jíridinomo omoi dúecari. Eedino díga omo eeri, íaíoi íirallena.

<sup>16</sup> Conímama úradoiñeno iri, dájena illa dígamiemo ñue coméciiri. Daje izói fiení abina ínoñeno iri, mei jiáifodo comécina mánaidino izói omoi iri. “Íere baitádimiedicue” comécido daíñeno iri.

<sup>17</sup> Da come fiení omo finóadi, afe íbana afémiena fiení finóñeno iri. Mei jiáifodo, nana comini eróicana íba oñeno ñue o finori.

<sup>18</sup> Omoi illa dino, nana comini comeci jaciruiñenafuedo caimare uái omoi iri.

<sup>19</sup> Cue izíruiga ámatiai, fiénidifue comuíadi, ibana omoi oñeno iri. Mei íadi aféfuena fáicanocairi. Afémie Juziñamui duere finólleza. Mei jii, Juziñamui Cuegáuai daide: “Duere finóllifue cuemo dúideza. Daje izói cue iba ólleza. Daií cai Ocuídímie daide.”

<sup>20</sup> Nane dánomo daide: “O bacáuai ímie juffruia, icíñeno íena ecari. Iemo afémie jiróacaniadi, ie o jirótari. Bie izói ie o finuamona, izire íena méaicaitaitio,” Juziñamui Cuegáuai daií daide.

<sup>21</sup> Fiénidifue omoi anáfenuamona abí omoi rairuiri. Mei jiáifodo ñúefue jeire omoi úado, fiénidifueña mai omoi anáfenori.

## 13

<sup>1</sup> Nana comini omoi jamánomo ocuídillaima ocuica úñotillaini anamo ñue omoi itábicaíri, mei nana ocuídillaini Juziñamui jóonegaza. Afémie jóoneñega ocuídímiena iñédeza.

<sup>2</sup> Iemona afe úñotillaimana uáitaoidímie Juziñamui jóonegamiña uáitate. Nana daií uáitatino, afe ie uáitaja ícoínia afémacina Juziñamui duere finótaito.

<sup>3</sup> Mei jii, ñúefuena jeire ófiredino ocuídillainina jaciruiñeítiaioi; mei jiáifodo fiéni finódino jacirullena jóonegaiáioi. ¿Meita ocuídillaimana jaciruiñedímiena íacadio? Mai ñúefuena jeire o oíri. Iemona aféllaíma “Facátagamiedo” ona dáíte;

<sup>4</sup> mei afémie Juziñamui táijitagamieza, ñúefue dibénemo o jaináillena canóllena. Mei fiénidifue o finóadi, aféllaímana jaciruiñedio, mei afémie duere finótalle riino táinomona íñegaza. Uafue, afémie Juziñamui táijitagamie nana fiéni itino duere finótallena. Nana íaioi fiéni finócafue íllaze ñue jaícina íaioina duere finótaito.

<sup>5</sup> Ie jira ocuídillaini anamo itábicaíredíomoi, daa duere omoi finobiñeillena, mei íadi daje izói Juziñamui jóonega omoi comeci úrilla uai jeire omoi óllena.

<sup>6</sup> Afe bie izói ñue omoi íllena, ocuídillaini lloga gobiénnomo íbarede úcubena íbáfiredíomoi. Mei jii, aféllaíni Juziñamui táijitagano. Afe íaioi táijinamo izire járitaioídiaioi.

<sup>7</sup> Iemona naga cómemo dúide raana, mai jeruíñeno ñue íemo ine. Gobiénnomo cai jaináinamona, íaioi ocuica úcuba llinoraima lloga gobiénnomo dúide úcubena mai omoi fecari. Daje izói gobierno caímo jicana oga raa, emódomo raiñócana áfena mai omoi ibari. Naga ocuídillaimamo dúide ñúefuedo jaciruiñinafue, áfedo ñue íena omoi jaciruiiri. Daje izói naga jamánomoidillaimamo dúide ñúefuena, mai áfena íemo omoi nitari.

<sup>8</sup> Omoi záitaiñega íbállifueña bumo itáteñeno iri; jiáifodo daa ñue íbállifue íte. Afefue jiáimana cai izíruíllifue. Afemona dani conímaíaina izíruiredicai. Mei naga conímana izíruitímie, áfedo Juziñamui ocuica uaina ñue jaícina fuitádeza.

<sup>9</sup> Jaiái Juziñamui ocuica lletara uailái daide: “Jiruífueña finóñeno iri, cómena titáñeno iri, meríriñeno iri, jiáimamo táinona lloñeno iri, jiáimemo íte ráaniaíri úradoíñeno iri.” Mei íadi bie ocuica uailái naa jiáie lletara uáillairi daa bie dánamo dájena ítiaioi: “Dama o abina o izíruilla izói, afe izói o abí cómena izíruiri.”

<sup>10</sup> Izíruitímie íe abí cómemo fiénidifueña finóñede; íemona izíruíllafuedo Juziñamui ocuilla uailái ñue jaícina jino zuitárede.

<sup>11</sup> Nana bífuiaímo jeire omoi ua llezica, birui cai ílláruillaímo ñue mai cai uibíoilli. Ja íere abí cai rairuílliruimo ja dúcidicai. Afemo ñue omoi comécioiri. Mei Jesucristo caina jíllotajano uire jiáiruido caina uáibíteza. Afe íe cai uáibílliruimo ja ánozide. Fueñe Jesús uaina cai ínuua llezica, afe cai íe uáibíllirui bai jica íte, mei íadi birui ja aféruimo ítaícaza.

<sup>12</sup> Bie énie fiénidifue áraera naio izoide. Afe bie áraera naio ja monáiacade. Jitinomo finoca fiénidifuiái ínuana ja fáicanocairedicai. Fuiríraíma íe abí ríidua llojeco jítaja izói, afe izói íaífue cai finoñeillena cai comeci rairuíllafueña jeire óredicai. Ie mei ñúefuedo, úzefomo ítino izói macáredicai.

<sup>13</sup> Ua, úzefomo ítino izói, mai ñue jaícina cai macalli. Jífaífirenafuemo mai cai íñeilli, naa fiénide aillo güíllárenafuairi. Afe izói nana jiruífuiáimo mai cai íñeilli, naa jiáie comeci meáire óiacanafuairi. Daje izói dájena comécíñedímaci izói íñeno omoi iri. Iemo jiái fiénide jífidogafuedo mai cai úriñeilli, naa úradoíllafuairi.

<sup>14</sup> Mei jiáifodo Jesucristo ñue illa izói, íe cánuado afe ñue ílláfuemo mai omoi iri. Omoi comécio íte fiéni óiacanafuemo, áfemo mai omoi comécioíño iri. Daje izói, afefue omoi finóllemo mamériñeno omoi iri.

## 14



<sup>1</sup> Juziñamui uai como fueñe jabo ñnotimiena, ñue jofo omoi cígimo lliñori. Afémie ñnogafuena féitaiacaniadi éna caimare uáidori. Ua, ie ñnoga onóñega uáillaimo aillo omoi úridoñeno caimare éna omoi uáidori.

<sup>2</sup> Mei jii, “Naga raana íairuiñeno güredicai,” daiífiredinona ite. Daje izói dáarie Juziñamuimo jabo ñnotino “Rillena riñeno da ria llizíllana güredicai,” daiífirediaioi.

<sup>3</sup> Te jira naga raana güitímie mai afe ríllena fimairitimiena jámairuiñeno iri. Afe izói, fimairitimie, mai naga raana güitímie começi fieni facáñeno iri. Mei Juziñamui afe íaillinoi, íemo ñnuamona, ie comínina caimare íaillinoína uáidoteza.

<sup>4</sup> Afémaci Juziñamui ocuícamaciza, íaioína fiénidifuedo jicánonidio, mei afémaci óieñedeza. Dani íaioi ocuídimiemo uai orédaioi. Íaioi illafue riire jicánollena dama íaioi ocuídimiemo dúide. Ocuícamié illafue ñúenia, ie ocuide Juziñamui uícomo méairuiñeno náidaite. Ie illafue fiénia, ie ocuide Juziñamui duere éna fínoite. Mei íadi afémie ñúefue dibénemo féitañeno íite, mei cai Ocuíraima Jesucristo rínoredeza, afémiena ñúefuemo jaícina jaináitallena.

<sup>5</sup> Daje izói, dáamié nágaruillai baimo daa illirui eneno rairuide, Juziñamuina caimátaillena aferui judíuai ráfuena jira. Jáímaci naga mona daje izói ñúeruillai, daidíaioi. Illa dígamie dama ie começi úrillafuena ñue onótaredeza.

<sup>6</sup> Daruina eneno ráruitímie, cai Ocuíraima íóbitallena íeiena íllamona, aféruina eneno rairuide. Daje izói nana raana güitímie cai Ocuíraima íóbitallena íairuiñeno güífiredre, mei afémie afe gülleri Juziñamuina “Íere figura” dáideza. Daje izói cai Ocuíraima íóbitallena fimairitimie fimairillano Juziñamuina “Íere figura” daide.

<sup>7</sup> Nana cáimona buna dama ie começi íóbioillena íinde; daje ízoi buna dama ie começi íóbillena tííñede.

<sup>8</sup> Cai caana llezica cai Ocuídimiemo jaináidicai. Daje izói cai tíiadi, nai íemo jaináidicai. Iemona cai caana llezica, mei nibai cai tíilla llezica, jaca cai Ocuíraima íédicai.

<sup>9</sup> Mei jira Cristo tíizaíbillano, meine abido cáadimiéna jaide, cáadino náamata izói, daje izói tíidinona náamatallena.

<sup>10</sup> Mei íadi comínina náamañedio. Iemona ¿nibái mei o ama jánana fieni úrillano éna riire jicánotio? ¿Nibái mei éna ízíruíñeno jámairuitio? Mei jii, nana cai Cristo uícomo ácatallicai. Afénemo afémie caimo íífuena riire jicánoite.

<sup>11</sup> Juziñamui Cuegáuai llote: Uáfuena jaca ninomo cáadimiéna cue íllana onódiomoiza; afe izói uáfuena nana comini cuemo erócana íaioi cañici ífodo dújuzaíbitiaioi.

Daje izói jano comini jino uáfodo ñúefuena Juziñamuimo níitaitaioi, daide.

<sup>12</sup> Iemona jae onódicaiza, cáimona illa dígamie dama ie illáfuena afe Juziñamuimo jáanoñeno jino íemo llórede.

*O ámana ñúefuemoni oni nibéfodo baítañeno iri*

<sup>13</sup> Te jira benómoma mai conímamaina comécido fieni úriñeno iri. Mei jáífodo, nágarui omoi finócafuiuido conímama fiénidifueño omoi baítañeno iri áfemo mai ñue omoi maméeri. Daje izói omoi illáfuedo afémiena fieni facátañeno iri. Afemona abí omoi rairuiri.

<sup>14</sup> Jae onódicueza, nana güille naa rilleniairi, dama íainideza. Ua, cai Ocuíraima Jesumo cue ñnuamona, ie daína izói, cómena íairuitaite güille íñedeza, ñue onódicue. Daa “Bíena cue güiadi cuena íairuitaite” comécido daidímie, afe raana afémie güiadi éna íairuitarede.

<sup>15</sup> Mei jáífodo, o ama comécilla rairuica güille o güíllamona o ama o ríitaiadi, éna ja figo ízíruíñedio. Mai daade o güácaga güíllado, Jesumo o ínote ama íaífuemo féiraitañeno iri; mei afémie jíllloillena Cristo tíizaíbíteza.

<sup>16</sup> Omo ite ñue finócafuiuido jáímacina fieni úritañeno iri.

<sup>17</sup> Mei jii, daa cai güiga raado Juziñamui comínimo jaináíñedicai; daje izói daa cai jiroca raado afémacimo jaináíñedicai. Mei jáífodo Juziñamui anamo ñue jaícina cai íllamona Juziñamui comínimo jaináitagacai. Daje izói Ñuera joreño caimo comuitaga caimare começi uái illáfuedo, afe dibénemo jaináitagacai. Daje izói íeri cai íóbioillafuedo, dájena ie comínimo jaináitagacai.

<sup>18</sup> Cristo lloga iodo jailla llezica, nana bífuaiaina jeire otímie Juziñamuina íóbitade. Afe llezica afe izói finófiredino comini ñue facátagamaci.

<sup>19</sup> Iemona, naga come conímama caimare uái ítátatífuaiaina nágarui mai cai jenófireilli. Daje izói conímama Juziñamuimo baimo izire jaináitaja raa, mai cai jenófireilli.

<sup>20</sup> Daa o óiacaiga güíllado, dani omoi cígiri Juziñamui comuitaga caimare dájena omoi jainánana, mai fia táonomo fáíftañeno iri. Uafue, nana Juziñamui finoca güille güírede, mei

ja ñuëraza. Mei ïadi daa o güiga güülledo jiáimana ñuera iómona oni nibéfodo o baiítaiadi, afe fiénide.

<sup>21</sup> Daje izói rille o ríamona jiáimana fiénidifue mo o baiítaiadi, ríllena o ríñeille, afe baimo ñuera. Afe izói vino o jíruamona íena ie ñnogafue o uáitaiadi, vínona o jiróñena afe baimo ñuera. Daje izói nana o fínuafuiaimona jiáima ñnogafue jabo o féitaiadi, afe o finócafue fiénide. Mei íemona afefue o finóñedionia jamánomo ñuera, o ama ñnogafue o féitañeillena.

<sup>22</sup> Iemona bie güillafue, ñibai güíñenafue dibénedo o ñuera ñnogafue fáicanocaiñeno, Juziñamui eróicana dama óiena ñue o mameri. O comécido mamérimillamona finóacagafuiai dibénedo ñuera o daiñeniadi, áfedo caimare itio.

<sup>23</sup> Mei ïadi dámie Juziñamuimo figo ñnoñenamona ie güille jizíreoicana güiadi, afémie fiénidifue mo báide. Mei Juziñamuimo ñnuamona cai onoi ga íena ióbitallifue cai finoca ñuera, mei ïadi nana aféfuiai jinomo cai finócafui ai fiénideza.

## 15

*Dama o abina ióbitañeno o ñnote ámana ñue ióbitari*

<sup>1</sup> Nane Jesumo ñnotinuiaimona dámiere ñue ríñorede. Jiáimaci figo comécina náinidiaioi. Cai ja comécina ríñoredinodicai, íemona nai comécina ríñidinona canóredicai. Afefue caimo llonódacaigafue. Afedo dani cai abina ióbitanidicai.

<sup>2</sup> Cáimona illa dígamie ie ñnote ámana ióbitarede, afémie ñue íllena. Daje izói íena Juziñamuimo aillo ñnotaredicai.

<sup>3</sup> Mei Cristo dama ie abiri ióbillena jenóñede. Mei jiáfodo Juziñamui Cuegáuai íemo zúilla. Afe uai daide: “Afe báñoridino Juziñamui jiáima báñioia cuemo baite.”

<sup>4</sup> Nana jai ai uícodo Juziñamui Cuegáuillai cai llófuellena cuega. Aféuaimo cai comeci fíraja uai baiticai. Afe izói búai cai facáduamona comeci járitañenafue caimo comuide. Iemona Juziñamuimo íco cai nabárizaiiruimo ocuúridicai.

<sup>5</sup> Juziñamui afe comeci járidoñenafue llotímie. Daje izói afémie, cai comeci fírajano caina náiretade. Iemona omoi ie canóllena afémiemo jicádicue, illa dígamie jiáimaiairi dájena caimare omoi íllena. Mei Cristo Jesús dai caina dáideza.

<sup>6</sup> Afe llezica, dájena omoi comécillena íemo jicádicue, cai Ocuíraima Jesucristo Moo Juziñamuimo dáuaido omoi caimátaillena.

*Judíoñedinomo Juziñamui ñúefue jae llujáiga*

<sup>7</sup> Mei dai Cristo caimare cai uáidua izói, afe izói conímana caimare omoi uáidori, Juziñamuimo ebíredifue nitállena.

<sup>8</sup> Mei bie cue daína uai: Cristo judíuai ñue fínuabite. Nana Cristo táijina fueñe judíuaimo dúide, cai nanóidigimana daína uai ñue fuitállena. Afedo Juziñamui ie méidoñega llogáuaina caimo jino ácatate; mei Juziñamui afe ie daína uai jaca jiáfodo méidofñideza.

<sup>9</sup> Daje izói judíoñedinomo Juziñamuimo ióbillena Cristo ana bíniemo bite. Iemona Juziñamui íaióimo dúecaillari ióbidiaioi. Juziñamui Cuegáuai jai ai uícodo dai daide:

Íe jira afe izói judíoñede náiraiai cígiri omo caimátaicitue.

Omo ñúefue cue nitalle rua afémaci cígimo róiticue.

<sup>10</sup> Íe mei jiáinomo Cuegáuai daje izói daide:

Judíoñede náiraiai mai omoi cáimacairi, naa Juziñamui imáciairi.

<sup>11</sup> Nane jiáinomo Cuegáuai daje izói daide:

Naga judíoñede náiraiai, cai Ocuíraima ióbiri.

Mei afe Juziñamui jamánomoidimieza, íemo omoi ióbiri.

<sup>12</sup> Mei daje izói Isaías cuete:

Isaí (illaiima David moo) ie méifomo comúdigimamona jamánomoidillaíma cómuite.

Afémie nana judíoñedinomo cígiri illáimaite.

Afe comini afémiemo ocuúritiaioi, daide.

<sup>13</sup> Juziñamui caina íemo ocuúritaitae. Íe jira íemo omoi ñnuamona ñue cáimafue jeire omoi óllena, afémiemo jicádicue, daje izói omoi comeci caimare uái illafue jicádicue. Afe llezica Juziñamuimo omoi nabárizaiillena birui jabo ocuúridiomo. Afemona Ñuera Joreño ríñodo ñue izire omoi ocuúrilla Juziñamuimo jicádicue. Mai mei dai Juziñamui ómoína ñue ézicíteza.

<sup>14</sup> Cue ámatiai, ñue onódicueza, ñúefuina jeire otíomoí naa omoi fibítainafuiai. Daje llezica illa dígamie jiáimacina caimare llófuiana onódiomoí.

<sup>15</sup> Mei ïadi bie cue cuegábedo, búuillai ómoimo íere jino uáfodo cueticue, afe uáillaina omoi féitañeillena. Juziñamui cuemo dúecaillano cuemo jóonenocagafue jino lloticue.

<sup>16</sup> Bie cue táijinafue: Juzíñamui lloga cai jílloillifue ómoimo cue llúajillena. Afefue ómoimo lloticue, Juzíñamui íena omoi maméillena, mei judío imáñiñediomoiza. Ie mei, Juzíñamui ómoína caimare uáidoite, mei omoi ja Ñuera Joreño ñue finócaomoiza.

<sup>17</sup> Mei daií dama Jesús cue ínuamona, Juzíñamuimo cue táijinafuerei ióbillano caimare íticue.

<sup>18</sup> Dama Cristo cuedo finócafuiari llócaiticue, mei áfedo judíoñedino Juzíñamui uaina jeire otátaticueza. Jiáimie táijinafuena jaca jino llócañeíticue. Afe íaioi Juzíñamui uailai jeire ua, cue daina uáillaido jino ñue ícoimo fuitádicue. Daje izóí cue ñue táijinado íaioina ñue jaícina ínotadicue.

<sup>19</sup> Afe izóí jino cue cíotaga uaido comútaga cíorainina ráamona íemo jiáie onóillena finócafuiari, íaioina ñue jaícina ínotadicue. Daje izóí Ñuera Joreño ite ríinodo íaioina ñue jaícina ínotadicue. Bie izóí cue ínuamona Jesucristodo cai jílloillifue llúajillena ja ñue ícoimo fuitádicue. Ua Jerusalémona oni jica náragobiaido aféfuena llócaidicue. Ua ícoimo lírico éniemo záitajidicue.

<sup>20</sup> Afe daií, nai jaca Cristo mámecina cacáñedinuíaimo, afe ñuera cai jillonafue llócaidicue. Daií oni jicado llócaidicue, jiáima jae llógamo dánomo nane cue llóñeillena.

<sup>21</sup> Mei íadi Juzíñamui jaiái Cuegáuai daina izóí:

Juzíñamui ífuena nai lloñéganuiái afémiena ñue ónoítiaioi.

Daje izóí jaca íena cacáñedino nane aféfuena como fídítiaioi, daide.

*Pablo Rómamo jáillena comeci facade*

<sup>22</sup> Diga icaiño omoi uáiduaillena comeci facáñediredicue, íadi jaca jáinidicue. Mei como ómoimo cue lloga oni náragobiaido cue llócaigafuemo záitaiacadicueza; bínidicue.

<sup>23</sup> Mei ja birui bígobiaido cue táijicana ja fuitádicueza. Jaiái diga fimónaiaí omoi diga íacadicue.

<sup>24</sup> Ja birui Espáñamo cue jáizaiilla llezica ómoína méíñuaibiacadicue. Omoi cígiri cue illa llezica, iere caimare íticue. Afe mei Espáñamo cue jáiacana llezica, omoi cue canóllena jítaiticue.

<sup>25</sup> Mei íadi birui fueñe Jerusalemo ite ámatiaí canolle raa úiticue.

<sup>26</sup> Macedonia énie imaci, naa Acaya énie comíniri, Jerusalemo ite dúeredino canolle úcube ofíallena maméritiaioi. Afe íaioi ofítaga úcube cuedo Jerusalemo óreitiaioi.

<sup>27</sup> Afe bie úcube oréllemo ñue comécidíiaioi. Mei jii, afefue ñue jaícina joide. Uafue benó ítímaci afémacimona aillo comeci cáimafuiaí íbáñeno ítíaioi. Iemona birui Jerusalemo ite ínotinomo raire íballe ite. Ua judíuáimo ite Jesumo ínotino, íaioimo ite comeci cáimafuiaí, jae judíuáñedinomo dájeze fecádiaioi. Iemona benó Macedóniamo ite ínotino naa Acaya ínotinori, judíuáimo ite ínotinona, afe íbana íaioimo ite úcubedo canóacadiaioi.

<sup>28</sup> Bie íaioi afémaci cánua mei, afe izóí íaioi jóonega úcube cue izájille mei, Espáñamo jáíticue. Ua omoi uáidocana afénoimo jáíticue.

<sup>29</sup> Ñue onódicueza, omoi cígiri cue dúcille llezica, nana Cristo uáimona comuide cáimafuiaí ómoimo llófueredicue.

<sup>30</sup> Amatiaí, cai Ocuíraíma Jesucristo mámecido izire ómoimo jicádicue. Daje izóí Ñuera Joreño caimo comútaga izíruillafuedo izire ómoimo jicádicue. Mai, cue diga dájena omoi iri, Juzíñamuimo dájena cai úrillena. Juzíñamui cue canólleza, mai izire omoi jicari.

<sup>31</sup> Dinó Judea éniemo ite ínoñedino cue íaioi llaitáacanamona cue ie zuitálleza izire Juzíñamuimo jicari. Afe llezica bie cue uiga Jesumo ínotino canolle úcube caimare íaioi llínnolleza, daje izóí Juzíñamuimo omoi jicari.

<sup>32</sup> Bie Juzíñamuimo omoi jicáñeíreíllífuiaí ómoimo jóonenocaidicue, Juzíñamui comeci jítaina izóí omoi illánomo caimare cue dúcillena. Afe mei omoi cígiri nano áñori cue ílledo cue comeci ñue náireíte.

<sup>33</sup> Mai, comeci caimare uái ílláfuena fecade Juzíñamui omoi ñue nábaiteza. Daiítadeza.

## 16

*Pablo íe onóigamací uáidote*

<sup>1</sup> Birui cai Jesumo ínote miringo Fébena, ómoína caimare uáidotadicue. Afengo Cencrea jófuemo ite Juzíñamuimo gairídímaci canóñefiringo.

<sup>2</sup> Cai Ocuíraíma mámecido aféngona caimare omoi llíñori. Mei nana Jesumo ínotino illa dígamie jiáimana daií caimare llíñofiredeza. Daje izóí nana afengo jitailla raana aféngomo

omoi fecari. Afedo aféngona canórediomoiiza, mei afengo jaiai aillo comínina canófiredeza. Iemo jiái daje izói cuena canódeza.

<sup>3</sup> Iemo Aquílamo ie ai Priscila diga, uai orédicue; mei afe íaillinoi Cristo Jesús uaimo cue táijicana llezica cuena nabáidiaillinoi.

<sup>4</sup> Jácinomona cue íaillinoi jilolato íaillinoi illafue jacire fiévide. Aferi afe íaillinoina “Iere figura” daidicue. Dama cue daí daíñenaza, nana judíuaíñedinomona gairífirede ámatiai daje izói “Iere figura” daidíaiói.

<sup>5</sup> Daje izói Aquila Priscila jofomo gairífirede cai ámatiai uáidori. Daje izói cue izíruiga nabai Epeneto uáidori. Afémie fueñe Acaya éniemona Crísto ínotimie.

<sup>6</sup> Afe izói ómoido iere táijifiringo María omoi uáidori.

<sup>7</sup> Iemo llavéracomo cue llaveina llezica, cue diga llaveca cue nabai Andrónico, Junias diga, daje izói afe íaillinoi omoi uáidori. Cáizie ímie íaillinoi. Jesús orécamacimona mámecina jica jalleide íaillinoi. Afe íaillinoi nai Crísto cue íñoñenia, raire uícodo Crísto ínotiaillinoi.

<sup>8</sup> Afe izói cue izíruiga nabai Amplias uáidori, mei cue izói cai Ocuíraimamo jaináideza.

<sup>9</sup> Iemo Cristo Jesumo cue táijina llezica, cue nabai Urbano uáidori. Daje izói cue izíruiga Estaquísimo uai orédicue.

<sup>10</sup> Afe izói Apeles uáidori, mei diga ícaíño Crísto íe ínogafuena afémie jino comínimo cíotateza. Daje izói nana Aristóbulo comini uáidori.

<sup>11</sup> Cue nairai ímie Herodiómo daje izói uai orédicue, naa cai Ocuíraimamo ínote Narciso comíniri.

<sup>12</sup> Daje izói Trifena ie ai Trifosa diga uáidori. Afe íaillinoi cai Ocuíraima tájinamo táijifrediaillinoi. Daje izói cai izíruiga miringo Pérsida uáidori, mei afengo cai Ocuíraima tájinamo táijifiredeza.

<sup>13</sup> Iemo mámecina jica jalleide Ocuíraimamo ínotimie Rufo uáidori, naa íe ei diga. Afengo aillo cuena íe izíruillado cue íe izoide.

<sup>14</sup> Daje izói Asíncritomo uai orédicue. Iemo Flegonte, íemo Hermas, íemo Patrobas, íemo Hermes, daje izói íaioiri íte ámatiai uáidotícue.

<sup>15</sup> Daje izói Filólogo, Julia, Olimpás, Nereo, naa íe miríngooiri uáidori. Iemo nana íaioiri ínote ámatiai uáidori.

<sup>16</sup> Mai, illa dígamie Crísto izíruillamona conímana caimare uáidori. Daje izói benó Juzíñamuimo gairíracuai ímaci ómoimo uailai orédiaíoi.

<sup>17</sup> Amatai, bífue jeire omoi óllena izire jicádícue. Conímaiaina éoitadinomona abí omoi rairuiri. Afémaci jíammana fiéni éicitaila izói finódiaíoi, omoi ñue ínogafue féitallena. Baimáci jíammana énenoruitaitiaíoi. Bie íaioi lloga uai, nauí omoi cue llófuiafuena uáitacadeza. Afémacimona oni jicado omoi íri.

<sup>18</sup> Afe izóidino cai Ocuíraimo comeci jítaina izói íñédiaíoi. Dani íaioi comeci gáinanomo táijidiaíoi. Afe llezica íaioimo íte caimare ebírerie urilla uaido, comécina nífuenidinona jífuetiaíoi.

<sup>19</sup> Nana jíaie comini Juzíñamui uai jeire omoi úana fidídiaíoi. Iemona áferi íóbidícue. Iemo ñúefue díbénedo iere baitádimacina omoi íllena jítáidícue. Mei jíaífodo fiénidífué finua díbénedo nífuenide onóñédimacina omoi íllena jítáidícue.

<sup>20</sup> Mei onódicaiza, comeci caimare uái illafue llote Juzíñamui Taife uaina anáfenoiteza, omoi íe áífedoñeíllena. Mei cai Ocuíraima Jesucristo ómoína ñue ézicíteza.

<sup>21</sup> Cue diga táijiacade nabai Timoteo ómoimo uai orede. Daje izói cai nairai ímiai Lucio, íemo Jasón, íemo Sosípater diga ómoimo uailai orédiaíoi.

<sup>22</sup> Pablo ocuica rabe cúeraimadícue; cue mámecí Tercio. Daje izói Jesumo cue jaináinamona uai ómoimo orédicue.

<sup>23</sup> Benó íte Gayo ómoína uáidote. Biruí afémie jofomo íticue. Daje izói nana Juzíñamuimo gairíacadinomo íaioi dúciillena, afécona nano íanori íaioimo fiéde. Daje izói cai jófúemo íte úcubemo táijidímie Erasto, uai ómoimo orede. Iemo cai ama Cúartona mámeciredímie uai ómoimo orede.

<sup>24</sup> Mei cai Ocuíraima nana ómoína ñue íllena ézicíteza. Daíítadeza.

*Íraicaíño Juzíñamuimo caimátaillafue Pablo úrite*

<sup>25</sup> Juzíñamuimo mai cai caimátailli, mei afémie omoi ínogafuena iere izire ínotaredeza. Cue ómoimo jino lloga cai jilloille uai daí dáideza. Daje izói Jesucristodo omoi cue llófuiafue daí dáideza. Juzíñamui jaiai íe comécido mamérilla izói, ja biruí judíoñédino comécina ñue náiretade. Ua, bínie nai cómuíñenia, bífuena jica ía daí comécido mamede. Ja diga fimona jaide íadi, aféfuena báinino íteza, nai jino comínimo uáfodo llóñega.

<sup>26</sup> Mei íadi ja birui Juzíñamui uai llócaidino cáiena fieca Cuegáuaido, afefue jae jino denoca. Bifue ziiño Juzíñamui ocuilla izói caimo íficaide. Bie fueñe báiino Juzíñamui comécido mamérillafue, ja birui nana náiraiaimo jino cíotaga, aféfuena íaioi onóillena. Daje izói afefue jae jino íaioimo cíotaga, comécido ínota afe uaimo ñue jeire íaioi óllena.

<sup>27</sup> ¡Daade jamánomo baitade Juzíñamuimo ebírede ñúefuiai nítaitaiza! ¡Daií afémiemo Jesucristodo ziiñona jaca ninomo llóiticaiza! Mei daiítadeza; jae ñie.

## NANOIDE SAN PABLO CORINTO IMÁCIIMO ORÉCABE Primera Carta del Apóstol San Pablo a los Corintios

*Coríntomo ite Jesucristomo ñnotinomo Pablo cuete*

<sup>1</sup> Cue Páblodicue. Ññuefue llujállena Juziñamui comeci jitaina izói Jesucristo jóonegamiedicue. Bie izói daina Jesucristo orécamiedicue.

<sup>2</sup> Cue, cai ama Sóstenes diga, Corinto jófue mo ite Juziñamuimo gairífiredino uáidoticoco. Afe llezica bibe ómoimo cueticue. Omoimo Jesucristomo dájena jaináinamona Juziñamui iéðiomoi. Juziñamui ñena omoi jáillena afémieoiri ómoína jírrite. Nágagobaiamo ite cai Ocuíraíma Jesucristo mámedido jicáfiredino, daje izói Juziñamui ñeiena uáidogaiaioi. Afe Ocuíraíma Jesucristo afémaci ie, daje izói cáie.

<sup>3</sup> Cai Moo Juziñamui, cai Ocuíraíma Jesucristo diga, íaillinoína ñue uái illifue dibénemo ómoína jóoneiteza. Daje izói afe íaillinoi ómoína ñue éziciíteza.

*Jesucristomona comuide caimare illafue*

<sup>4</sup> Nágariui ómoiri Juziñamuina iere figura daiífiredicue, mei Juziñamui Jesucristodo ñue caimare ómoína itátate.

<sup>5</sup> Mei jii, Jesucristomo dájena omoi jaináinamona, Juziñamui nana ie cáimafuiai ómoimo orede. Nana ie caimare úrillafue Juziñamui ómoimo llote. Daje izói ie onóigafuiai ómoína onótate.

<sup>6</sup> Mei daii Juziñamui Crístodo daina uai ja ómoimo bie nahífueña ite.

<sup>7</sup> Bie moña cai Ocuíraíma Jesucristo cíocaizaibilliruimo nai dúciñena llezica, nana Juziñamui lloga uaina ómoimo íteza; abi diné jáie uaina jítaiñeitiomoiza.

<sup>8</sup> Afémie ico lírairuimo ómoína náiretaite. Iemona cai Ocuíraíma billíruimo dúcille dino buna ninó fiénidífueña ómoimo nitáñede.

<sup>9</sup> Juziñamui uícodo ie dáinana jaca ñue ícoimo fuitáfiredo. Afe ñnofirega Juziñamui ie jító Jesucristomo cai nabáirillena caina uáidote. Afe Jesucristo cai Ocuídimie.

*Crístomo gairífiredino dájena ññeno oni eneno coméçidiaioi*

<sup>10</sup> Amatiai, omoi cacai. Cai Ocuíraíma Jesucristo mámedido izire ómoimo jicádicue. Dájena omoi jainairi. Daje izói eneno omoi bozietañeno iri. Mei jáífodo jáimana énenaruñeno ñue dájena omoi iri. Daje izói dáafue mo comeci fácaitiomoiza, íemo daje izói dáafue mo maméritiomoiza.

<sup>11</sup> Cue amatiai, bifue ómoína daidicue, mei Cloé comínimona dáarie cuemo llotíai, omoi cígiri jáimana ruíruillano oni enénorie itíai, daií daidíai.

<sup>12</sup> Bie izói cue cacánafuedo ómoína daiíacade. Omoimona illa dígamíai jáífodo úritiomo. Dáarie cue Pablo iédicue daide, jáimaci cue Apolos iédicue daide, jáimaci cue Pedro iédicue daide, jáimaci cue Cristo iédicue daide.

<sup>13</sup> Mei íadi nana omoi Cristo abi izóidinodiomo. ¿Meita afe Cristo abi énenorie fecaca? Daiíañede. ¿Meita Pablo omoi méifomo cruzmo coraica? Córaiñega. ¿Meita Pablo mámedido omoi báutizagaomoi? Daiíañede.

<sup>14</sup> Cue mena come Crispo Gayo diga báutizadicue. Omoimona abi dine jáimacina báutizañedicue. Aferi Juziñamuina “Figora,” daidicue.

<sup>15</sup> Iemona ómoimona buna “Cue bie Pablo mámedido báutizagacue,” daiñine.

<sup>16</sup> Iemo jái daa Estéfnas comini báutizadicue, mei íadi cuemo úbicaiñedeza, abí dine jáimacina báutizañedicue.

<sup>17</sup> Mei Cristo cuena “Comini o báutizari,” daiññede. Cuena “Cue ññuera jállona uai o llócairi,” daide. Mei íadi cue abi ñnotade comini bacácido cuena llotáñede, Cristo cruzmo tíllana cue ráifitañellena.

*Cristo llogáfue mo Juziñamui ríino ite naa ie baitácafuaiari*

<sup>18</sup> Afe bie Cristo cruzmo tíllafue, nana nine táinomo báitino dibénemo ráifíñede taino uailai izoide. Mei íadi ñue jilloitino dibénemo, Cristo cruzmo tíllado cai comeci illafue méidorede, mei afe uaimo Juziñamui ríino íteza.

<sup>19</sup> Jaiái Juziñamui Cuegáuaido afémie bie izói daide:

—Iere baitáidino onóigafuiai nainé táinocaitaicue.

Daje izói fibídino fibíllafueña ráifitañeiticue, —daide.

<sup>20</sup> Ja biniemo fibídimie ¿mei níufuemo cánoite? Comini comeci ífuena ñue méidoñede. Daje izói fia fibíllafue llófueraíma canóñede. Afe izói binié ráfuiai júfidotimie canóñede. Mei nana biniemo fibíllafuiai Juzíñamui ja jíáfodo méidoga. Ráífiñede taino uáillaina méidoga.

<sup>21</sup> Juzíñamui nana ie finólifuiaina onóñede. Iemona “Fia binié comini báitajafuedo cuena ónoñetiomoi,” afémie daiñocaide. Mei jíáfodo Juzíñamui íaioimo lloga uailai íaioi ínuado afémacina jílloatacade, afe bie lloga uai jíáímacimo ráífiñede taino uai izoide íaioimo cíocaide íadi.

<sup>22</sup> Iemo Judíuiai fia dáinamona comuide cíorainina ráaniaina cíocadiaioi. Iemo judíoñedino iere báitajafue jenódiaioi.

<sup>23</sup> Mei cai, cruzmo coraíca Cristo rafue jino llóñiredicai. Ie mei judíuiai afefue llófuiana meáíruítiaioi. Iemo judíoñedino aféfuena “Ráífiñede taino uailai,” daidíaiioi.

<sup>24</sup> Mei jíáfodo Juzíñamui jílloillena maiñócano dibénemo afe Cristo cairi tilla llogáfuemo Juzíñamui ríino ite. Daje izói afémaci íena afe llogáfuemo Juzíñamui baitaca uai ite. Daa Juzíñamui jíirigamie judío ímie íadi, bifue afémiemo ráífide. Daje izói Juzíñamui uáidogamie judíoñedimie íadi, bifue dájerize íaillinoimo ráífide.

<sup>25</sup> Mei jíi Juzíñamui lloga uai, ráífiñede taino uai izói comínimo cíoide, mei íadi afe uai énie comini báitacafue baimo iere baitade. Daje izói Juzíñamui finócafue ríinonina izói comínimo cíoide, mei íadi comini máirie baimo jamánomo ríírede.

<sup>26</sup> Amatíai, mai Juzíñamui omoi jíirillafuemo uibíoicairi. Omoimona báitádinona figo íñede, mei íadi nai ie comínidiomoi. Daje izói ómoimona ríillainina figo íñedeza. Iemo ómoimona jica jalleide comínina figo íñede, mei íadi nai Juzíñamui izíruigamacídiomoi.

<sup>27</sup> Mei jíáfodo, binié comini daina abina onóñedino Juzíñamui jae nizeca, ráfuiaína báitáдино méaicaillena. Daje izói binié comini daina ríinidimaci Juzíñamui jae nizeca, nana “Mairídicue” daidino méaicaillena.

<sup>28</sup> Iemo biniemo ite jica jalléíñedino naa jámairuigamaci diga Juzíñamui jae nizede. Nana bie Juzíñamui nízcáno jamai comini. Juzíñamui bie izói jamai comini nizede, abí ínota “Aillomiedicue” daidino ríinitallena.

<sup>29</sup> Iemona buna Juzíñamui uícomo abina ínonide.

<sup>30</sup> Mei dama Juzíñamui ómoína Cristo Jesumo dájena jáináitate. Daje izói Juzíñamui, Jesucristo cai ífoci déítatimiena jóonete. Iemo Crístodo, Juzíñamui anamo ñue jáícina cai íllena, afémie camo jóonete. Afe llezica Juzíñamui íeiena Crístodo caina ñue finode. Afe bie Crístodo daí jíllocicai.

<sup>31</sup> Afémie daí finode, Juzíñamui Cuegáuai daina izói jáícina jino fuitállena. Afe uai daide: “Dámie abí ínoiacania, cai Ocuíraimado abí ínori,” daide.

## 2

### *Dama coraíca Cristo rafue Pablo comínimo llote*

<sup>1</sup> Biruí ómoimo cue llua izói, afe izói nauí Juzíñamui ua rafue ómoimo cue lluaíbillaruido, cue baitaca féirede uaido ómoimo úríñedicue, “Iere ráfuiaína báitádimiedio” cuena omoi daííñeillena.

<sup>2</sup> Mei nauí omoi cígiri cue illa llezica daa Jesucristo ráfuena naa ie coráíafue diga, abí diné jíáfuaena ómoína onótaacañedicue.

<sup>3</sup> Aféruillaido ómoiri ríinidimie izói iticue. Ie jira benena cue jácierí cuidíridicue.

<sup>4</sup> Ómoimo jino cue llua lezica fia énie come baitaca uaido ómoína jíéruítañedicue. Mei jíáfodo Juzíñamui Ñuera Joréñodo jíéruítadicue. Daje izói Juzíñamuimo ite ríinodo: “Bífuena omoi jíéruiri,” daidicue.

<sup>5</sup> Daíí ómoína daidicue omoi ínogafue, Juzíñamui ríino dibénemo íllena; daje izói omoi ínogafue binié comini onóigafuemo jáináíñeillena.

### *Juzíñamui da ie Ñuera Joréñodo onoíga*

<sup>6</sup> Mei íadi ómoimona Juzíñamuimo ínogafuemo ñue móonaitinomo cue baitaca uaido úriticue. Bie cue baitaca uai binié comini íeñede. Daje izói binié uíñote ríillaini uáíñede. Afémaci naa íaioi uáíllairi niné cíocaiñeítiaioi.

<sup>7</sup> Jáiaí uáfodo ónoñega Juzíñamui fibíllafuíaído úriticai. Afémie jáiaí énie comuíacana uícomo báinino maméíllafuedo úriticai. Aféruillaido camo zííñona fuíñeite jílloíífué camo mamede.

<sup>8</sup> Nana binié uíñote ríillainimona bífuena buna onóñede. Bífuena onódiaioína cai ñuera Ocuíraíma Jesucrístona coráíñediaioi. (Aféfuena íaioi onóñenado íena coráídiaioi.)

<sup>9</sup> Mei íadi Juzíñamui cáiena mamécafue ie Cuegáuai daina izói ite. Afe uai daide:

Bínie comínimona jaca buna cióñena ñuera raa Juzíñamui íena izírutino íaioiena jónete. Afe izóidena comini jaca cacáñediaioi.

Daje izói áfemo jaca buna comeci facáñena.

<sup>10</sup> Afe bífuaiaina Juzíñamui ie Ñuera Joreñodo caimo llotátate, mei afe Ñuera Joreño nana Juzíñamuimo ite uáfodo ónoñega ráfuaiaina onóillena izire jicánofiredeza. Iemona afémie cai fidítate.

<sup>11</sup> Biniemo ite comínimona, ¿mei níimie jáima comeci ifue onona? Dama afémiemo ite joreño ie comeci ífuena onona. Afe izói dama Juzíñamui Ñuera Joreño Juzíñamui comeci ífuena onona.

<sup>12</sup> Bínie comini fieni coméciillafuiai úicaiñegacai, mei íadi Juzíñamui caimo oreca Ñuera Joreño úicaigacai. Juzíñamui ie Ñuera Joreño caimo orede, aillo jeruñeno caimo ie fecaca ráfuaiaina cai onóillena.

<sup>13</sup> Juzíñamui Ñuera Joreño caimo llófuega uáillaido afe bífuaido ómoimo úriticai. Dani cai fibillafuemono cai onoiga uáillaido ómoimo úriñedicai. Afe daí Ñuera Joreño úicaiganomo Ñuera Joreño lloga ua ráfuiai jino ñue lloticai.

<sup>14</sup> Mei jii, Juzíñamui Ñuera Joreñoña úicaiñegamie afe Ñuera Joreño lloga ráfuaiaina jeire oñede. Mei afémiemona bífuiai ráifiñede taino uaillai izóideza. Aféfuiai afémiemo jánaide, mei bífuiai cómemo dama Juzíñamui Ñuera Joreñoño llófuegaza.

<sup>15</sup> Mei íadi Juzíñamui Ñuera Joreñoña igámie naga ráfuaiamona nifue ñuena, nifue fiénina daírede. Mei jáífodo Ñuera Joreñoña íñegamie afe izói daíñide. Iemona Ñuera Joreñoña íñegamie Joreñoña igámiemo jaca níifuena jicánonide.

<sup>16</sup> Mei Juzíñamui Cuegáuai daide: “¿Bu mei cai Ocuíraima comeci fácafueña onona? ¿Mei níimie Juzíñamuina llófuerena?” Mei íadi ie Ñuera Joreñoño Cristo ifoci úrillafue caimo ite.

### 3

*Dájemo táijidño izói Juzíñamui ocuica uai llujállena canódicai*

<sup>1</sup> Amatiai, bie lloga Cristo comeci fácafue nai ómoimo figo jóbifiñede. Iemona Ñuera Joreño úicaigano izói nai ómoimo úrinidicue. Mei jáífodo Ñuera Joreñoño nai figo jáináñedino izóidiomoi. Crístomo jáináidino dibénemo nai figo onóñede úruiai izóidiomoi.

<sup>2</sup> Iemona nauí ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúñide. Iemo afe izói ñue baitácafue nai ómoimo jaca dúñide. Nai aféfuena jeire óndiomoi.

<sup>3</sup> Mei nai Ñuera Joreñoño jáináñena llezica jamai come izóidiomoiza. Nai birui jáímana úradoidiomoi, íemo ícárafuena jenóñirediomoi, íemo nai jáímana énenoruidiomoi. Iemona biniemo ite Juzíñamui Joreñoña nai íñegano izóidiomoi. Nana íaioi eneno bozíetaillafuiaiaina nai jeire otíomoi.

<sup>4</sup> Omoimona dáarie “Pablo íedicue,” daide. Jáíamaci “Apolos íedicue,” daide. Bie izói omoi illa, nai biniemo ite Juzíñamui Ñuera Joreño úicaiñega comini izóidiomoi.

<sup>5</sup> ¿Mei níimie Páblona? ¿Mei jáí níimie Apólona? Coco bie daa Juzíñamui ocuicamedicoco. Daa cócodo cai Ocuíraimamo ínotiomoi. Cai Ocuíraima cuemo jónega táijinamo táijidicue. Daje izói Apolos dama íemo jónegamo táijide.

<sup>6</sup> Cue bie fueñe ritímie izóidicue. Ie mei Apolos afe rigaji jáinoina riáitatimie izoide. Mei íadi afe rigaji zicótatimie daade Juzíñamui.

<sup>7</sup> Iemona cue bie fia ritímiedicue. Iemo Apolos fia riáitatimie. Bie coco jabódimiedicoco. Mei íadi Juzíñamui jamánomoidimie, mei afémie afe rigaji zairítaiteza.

<sup>8</sup> Nana ido ritímie, afeji jáinoina riáitatimie nágaillinoi daje Juzíñamui ocuícámie íaillinoi. Mei íadi illa dígamie nano ie táijina dieze Juzíñamui íbaite.

<sup>9</sup> Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jáíe raa izóidiomoi. Juzíñamui como nicana uiga jofo izóidiomoi.

<sup>10</sup> Cue bie jofo níraíni ocuídímiedicue. Juzíñamui cue ocuilla izói, bico jáíallirai riire naidánetimie izóidicue. Iemo jáíamie afe jáíallirai acónimo ticáidímie izoide. Ie jira naga tícaítimie rairuidicue, fieni ie ticáñeno ñue ie ticáilleza.

<sup>11</sup> Mei jii, abi diné jáíamie riire naidaide jáíalliraina naidánenide. Afe jae riire naidánega jáíallirai izóidímie Jesucristo.

<sup>12</sup> Mei naga come bie jáíallirai caifófemo ie illínona nírede. Afe bíena daírede mei naga come illafue bie nillico izóideza. Dámie afe jáíalliraina mameide Jesucristo caifófemo oro izóidedo ie illínona nírede, jáíamie quenírede llojefe izóidedo ie illínona nírede, jáíamie ráifide



noñiciai izóidedo ie illínona nírede, jiáimie amena iedo ie illínona nírede, jiáimie fia uiffzaido ie illínona nírede, jiáimie zicicai izóidedo ie illínona nírede.

<sup>13</sup> Temo ico jiáiruido Cristo comínimo itifue riire jicánuaibillirui mo naga come ie nigano uáfori cíote. Aféruído Juziñamui cai táijina fácaite. Irai izóidedo naga come nigánuai Juziñamui fácaite.

<sup>14</sup> Irai cúaritañega raado nitímie Juziñamui ie táijina íbaja raana jirídoite.

<sup>15</sup> Mei jiáfodo cúarirede raado nitímie minicana jirídoñeite. Nana ie táijina niné táinocaiteza; dama táinori lléguite. Mei íadi dama afémie jilloite. Ua, jofo bóoamona nana raaie uzilla mei, dama come jillona izóí, afémie jilloite.

<sup>16</sup> ¿Omoi bie Juziñamui jofo izóidiomoi nai onóñediomoi? ¿Daje izóí Juziñamui Ñuera Joreño ómoimo illana onóñediomoi?

<sup>17</sup> Afe bie Juziñamui ico íaifuenidico. Iemona ómoimona dámie bie Juziñamui jofo eneno botáadi, afe cómena Juziñamui jíai niné táinocaitaite. Omoi bie íaifuenidico izóidiomoi.

<sup>18</sup> Nane daa come dama abi jífueiza afemona abi omoi rairuiri. Omoimona dámie “Bñie ráfueña iere baitádimedicue,” daííadi, afémie meine abido ínoñedino daina izóí ráfueña baitáñedimiena jáirede, Juziñamuimo ite nahí rafue baitállena.

<sup>19</sup> Mei bñie comini baitácafuiái Juziñamuimona ráifñede taino uaillai. Ie Cuegáuai daide: “Iere baitádinona Juziñamui dani íaioi bífueinamo írebaimo jilla izóí jíitate.”

<sup>20</sup> Nane dáanomo daide: “Baitámino comeci fácafuiái ráifñenana cai Ocuíraima onode.”

<sup>21</sup> Ie jira jiáimamo jaináillado jaca buna abina ínonide. Afe omoi dáamiemo jaináilla uai jiáfodo jóide. Nana omoi canódino ómoimo jainaide.

<sup>22</sup> Daa cómemo jáinaiñeno nana bimaci ómoimo jainaide: Pedro, Apolos diga ómoimo jainaide, cue jíai Páblodicue ómoimo jaináidicue. Daje izóí nana bñiemo ite ráaniai Crístodo ómoiena Juziñamui mamede. Daje izóí Crístodo Juziñamui ómoína cáatate. Iemo omoi tííadi, Crístodo afe tíllana jáciruiñeitiomoi. Iemo biruillaido Crístodo caimare írediomoi. Iemo uire jiáiruido ómoimo ífcaitifue mo Crístodo jáciruiñeitiomoi. Nana bie ñúefuiái ómoie.

<sup>23</sup> Temo Cristo íediomoi, ie mei Cristo Juziñamui ie.

## 4

### *Jesucristo orécano tájinafue*

<sup>1</sup> Iemona Cristo canódino omoi caina daírediomoi. Daje izóí uáfodo ónoñega Juziñamui lloga uaillai jino comínimo llófuetino omoi caina daírediomoi.

<sup>2</sup> Mei jii, táijinana jónegamie ie ocuídímie ínofirenana afémiemo jino cíotarede; ie ocuállana ñue ícoimo fuitárede.

<sup>3</sup> Mei íadi cúemona, omoi cuemo itifue jicánodoiari járitañedicue. Daje izóí dáarie cuemo itifue jicánodoiño cuena dáinana figo náfueñedicue. Afe izóí cue itifue dama cue jicánoiadi áferi járitañeiticue.

<sup>4</sup> Mei cue comeci úrilla ñúfueña cuemo nitáñede. Mei íadi afe izóí cue comeci úria, nai ua Juziñamui eróicana ua ñifuenidimedio cuena daíñede. Mei cuemo itifue jicánotímie dama Jesucrístoza.

<sup>5</sup> Mei jira, Cristo nai biñena llezica jiáima tájinafuena riire omoi jicánodoiño iri. Daa cai Ocuíraima jicánuaibillirui omoi ocuíriri. Aféruído afémie jíitfomo bánino itínona bai úzefomo uáfori cíotaite. Daje izóí aféruído cai Ocuíraima naga come comeci mamérillaíuái uáfodo onótaite. Iemona Juziñamui naga come nano ba íemo dúide diez e ñúefuiái íemo fécaite.

<sup>6</sup> Amatai, mei ñue omoi íllena bífuiaido omoi o úriticue. Omoi canódímie Apolos ífue dama cuefue diga jae ómoimo lloticue, omoi ñue dájena comécíillifue uáfodo omoi onóillena. Bífue ómoimo lloticue ómoimo coco cíotagafuiaido Juziñamui Cuegáuai baimo omoi comécíñeillena. Afe uai caina daide: Dámie dibénemo gáíñño omoi iri. Daje izóí jiáimiena jámairuñño dájeze nana íaioimo omoi íñori.

<sup>7</sup> ¿Mei nie come jiáimaci baimo ómoína ñue fñua? Nana omoi onoiga ñúefuiái Juziñamui fecácaza. Jaca Juziñamui fecáñegana íñede. Iemona ¿ñibái mei dáamiemo abina ínofirediomoi? Abina ínofiredimie: “Cue comeci jítaina izóí cuemo fecácaza,” daíífiredi. Mei íeñedeza. Omoi dani fécañegaza. Mei jira áfede abina ínonidiomoi. Nana caimo ite ráaniaimona dani cai ocuilla izóí íñede. Nana Juziñamui caimo fecaca.

<sup>8</sup> Birui ja “Nana Juziñamui caimo fecáacagafuiái ja cai ógaza,” daí comécíidiomoi. Nana omoi jitaica ráaniai nibai ja omoi oga. Nana omoi onóacaga ífuiaina nibai ja ñue baitádiomoi. Nibai ómoína cai canóñenado ja illáicomínina jáidiomoi. Mei íadi táinodo abi ínotiomoi.

Iemo afe llezica cai bie jalléñedicaí. Mei íadi ómoína: “Ua illáicomínina omoi ii,” daidicue. Afe daíí cai bie omoi diga dájena illáimaiticaí.

<sup>9</sup> Cai bie Cristo orécamiái jino íraínomo Juzíñamui fiécacai. Cai bie lláviano títino izóidicaí. Jira cai bie nana énie nairai acárilla raa izóidinona jáidicaí. Iemona nana comíni naa Juzíñamui abi imácri caimo éroitiaíoi, mei afémaci abi fáiacaitadinodicaíza.

<sup>10</sup> Cristo rafue cai llócaillamona caina jáímaci “Abina onóñediomoi,” daidíaiíoi; mei afe llezica “Cristodo ráfuiaina baitádinodicaí,” daidíomoi. Omoi ríredinona illa llezica, cai bie ríinidinodicaí. Caina comíni jámairuilla llezica ómoína ñue jacíruiítiaíoi.

<sup>11</sup> Mei jáiai nai biruimo júbieri duere zefuídicaí. Daje izóí cai jiruolle jáinoi íñenari jáíi duere zefuídicaí. Daje izóí figo inícuironidicaí. Daje izóí comíni caina fiéni finódiaíoi. Uái cai illino íñede.

<sup>12</sup> Aillo cai tájinamona iere llégidicaí. Iemo comíni cairi jáinónaitimaci; mei íadi íaioina Juzíñamui canolle uaido fairíoticaí. Caina fiéni finóllena racádiaíoi; mei íadi ocuídicaí.

<sup>13</sup> Cairi fiénidifuedo úrtiaíoi; mei íadi afe comínina comeci mánainafuedo fiaicana llófueticaí. Afe llezica oni dotaca íairede raa dota izóí, afe izóí caina ráifiñedinona caina mámano náfueñediaíoi. Nai biruimo cuidoda oni faiga íairede raana caina mamédiaíoi.

<sup>14</sup> Bífuiaina omoi meáidaillena cueñédicue, mei jáífodo omoi ñue illena rairuúllano, lloticue, mei cúemona izíruiga jítótiaí izóídiomoíza.

<sup>15</sup> Mei cómemona facádonide Cristo ráfueña llófuetino ómoimo ite íadi, nai omoi ínogafue tainédimie daade. Cristo Jesumo omoi ínollena, omoi moo izóí omoi comuítatimiedicue, mei cai jílloña uaina ómoimo llotícueza.

<sup>16</sup> Ie jira ómoimo cue cíotaga cai ñue illífuedo omoi jáillena, izire jicádicue. Daje izóí cue llogáfuedo omoi jáiri daidicue.

<sup>17</sup> Afedo omoi jáillena, Crísto cue ínotaga Timoteo ómoimo orédicue. Afémie cue izíruiga jító izóidimie. Afémie, Crísto cue ínuamona cue lloga ñue cai illáfueña ómoimo úbicaitaite. Afe bie afémie ómoimo llujáillifue izóí, afe izóí nágagobaiimo ite Juzíñamuimo ínotimacimo, cue jáíi llófuefiredicue.

<sup>18</sup> Omoimona dáarie abina ínuano, daidíaiíoi: “Pablo caina éroizaibíñeite,” daidíaiíoi. (Afe izóí dáinado cue uaina uáitaacadiaíoi.)

<sup>19</sup> Mei íadi cai Ocuíraima Jesucristo comeci jítaíadi raire omoi cue méíñuaillena ocuídicaí. Iemo cue billíruimo afe abina ínotimaci nie ñúefue jáíimacimo finódiaíoiíza, afefue cue onóillena fácaíticue. Afedo íaíoi ñuera ríino ite, nibai íñédeza, ónoíticue. Aillo íaíoi úrilla uaina náfueñeíticue.

<sup>20</sup> Mei jii, fia cai úrilla uaido, Juzíñamui illáimana illáruimo jáináitañegacai. Mei jáífodo Juzíñamui Ñuera Joreño ríinodo cai comeci ítifue méíduano ie illáimana illáruimo jáináitagacai.

<sup>21</sup> ¿Mei nie izóí óiacadiomoi? ¿Mei nibai ómoína duere cue ínuaiíbillana óiacadiomoi? ¿Nibai izíruillafuedo comeci mánainafuedo ómoimo cue éroizaíbillana óiacadiomoi?

## 5

### *Pablo fiénide meáfue finódimie duere finóllena lloste*

<sup>1</sup> Ja birui omoi cígimo ite iere fiénide jiruífueña comíni cue fidítiaíoi. Omoimona dáamie ja íe moo ogango dama íe aina ote. Afefue iere jamánomo meáirede. Afe izoide fiénidifueña Juzíñamuina ónoñedimaci jaca rairuídiaíoi.

<sup>2</sup> Mei íadi bie izóí ómoimo illa llezica ¡nai omoi iere abina ínofirediomoi! (Afe izóí omoi illa iere figóñede.) Mei jáífodo áferi iere zuure írediomoi. Daje izóí áferi meáidairiediomoi. Bie izóí jiruíredimie omoi cígimona mai oni ore.

<sup>3</sup> Náamiena omoi diga dama cue íñédicue, mei íadi afefue dibénemo cue comeci facáoinana ñue onódiomoíza. Ie jira afe bie jiruíredimie íe duere finóllena jae cai Ocuíraima Jesucristo mámeçido ocuídicaíza.

<sup>4</sup> Iemona Jesucristo mámeçido dáanomo omoi gairízaille llezica, íemo cue comeci facáoinamo ñue omoi uibóicaille llezica, íemo jáíi cai Ocuíraima Jesucristo omoi cígiri ríinoreña llezica,

<sup>5</sup> mai afe ímana ómoimona jino dótano Taífena náamataga comínimo íena omoi zóoferi, íe abi fiéni jítainafuai níne tánocaitallena. Afemona cai Ocuíraima Jesús billíruimo afémie joreño jillobicaíteza.

<sup>6</sup> Afe íaífue nai ómoimo illa llezica omoi ñue íaininana illa izóí abí ínotiomoi. Afe abí ínuana figóñede. “Mei daa cómemo ite íaífue aillo íe abimo ítimacina íáiretaíteza.” ¿Comíni daina uaina onóñediomoi? Afe uai daide: “Pan finóadi afe aillo fáitate raa tamédiaíoi. Due

jiza fáitarena jóonega íadi, nana afe magáfecina aillo fáitate.” Afe izói daa come finoca íaifue aillo ie abímo itímacina íaire finode.

<sup>7</sup> Iemona ómoína fienni finode come ómoimona oni jica oreri, mei afémie jácaie pan fáitara izóidímieza. Ie jira afe fiénide méaifue ómoimona ñue muiñori, ñue jácina íaifuenidímacina omói íllena. Iemona fáitarena jóoneña comue pan izóidinona ítiomói. Ja onódicueza, afe bie izóidino ua itíomói, mei Cristo nana cai ícoínia fagámiena jáideza. Afémie cai ífomo fatá Juzíñamuimo fecaca oveja jiza izóidímie, caimo ite íaifue oni dóllena. Afémie pascua rafue illa llezica cai uibíoigame. Ie jira bie íaifue oni omói fáinocai; mei íaifuemona muiñócanona cai íllena, Cristo tíideza.

<sup>8</sup> Iemona nágarui cai illáfue mo táinona úriñede comécido mai cai illi. Daje izói ñúefuíairede comécido mai cai illi. Afe izoide comeci fáitate raa jóoneña comue pan izoide. Mei jáífodo íairede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íñeilli.

<sup>9</sup> Naui ómoimo cue cuegábemo ómoína daidícue: “Bie izói jiruírede comínimo nabáiriñeno iri.”

<sup>10</sup> Bínimo jaca jiruíredino ite, daje izói iere ráanaiacadino ite, íemo merírifiredino ite, íemo jánarai íóbitadino ite. Bimaci diga omói nabáiriñeilla lloñédícue. Aféfuena rairuídícuena bínimo oni jáirediomói. Mei íadi afe izói ocuífédícue. Mei íadi onódiomoiza, afémaci illa izói índiomói.

<sup>11</sup> Mei ómoína cue daíícanafue jáífo jóide. “Cristomo ínote omói ámadícue” daidímie íadi afémie jiruíreniadi, afémie diga nabáiriñeno iri. Daje izói afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jáímana fienni úrifreia, íe jífairia, íemo íe merírifreia, afe izoide “Cristomo ínote omói ámadícue” daidímie diga nabáiriñeno iri. Iemo jáí bie izoide come diga omói güíñeno iri.

<sup>12-13</sup> Bínimo ite íñoñede fiénidinomo itífuie riire cue jicánolle cuemo dúíñede. Mei íaíoimo fienni itífuiaí dama Juzíñamui riire jicánoteza. Mei jáífodo omói dani ómoimo jáináidinona riire jicánorediomói. Ie jira afe bie fiénidífuiairedímie omói cígimona oni oreri.

## 6

### *Juzíñamuimo ínotino júfidogafuiai oni íñoñedinomo llujínide*

<sup>1</sup> Dani ómoimona dámie jáímamo júfidogafue comuíadi, ¿nibái mei oni jáímacimo afefue záitallena jáídiomói? mei afémaci cai ínogafuemo jáináíñedímaci. Dani omói cígiri ite Juzíñamuimo dúídinomo jicárediomói, o júfidogana jáicina záitallena.

<sup>2</sup> ¿Nai onóñediomói Juzíñamui íédino nana bínie comini itífuena riire jicánoitíaoi? Mei uire bínie comini riire jicánoitíomoiza, ¿nibái mei omói cígiri ite dúefuíaína riire záitanidíomói?

<sup>3</sup> Iemo jáí, ¿nai onóñediomoiza Juzíñamui abi imaci, ángeles daínámaci, itífuíaína riire jicánoitíaoi? Mei uafue Juzíñamui abi imaci itífuíaína riire jicánoitíomoiza, ómoimo ite bínie ífuiaí raire záitallena ómoimona juánide.

<sup>4</sup> Bie cai illáfuemona comuide júfidogafuiai ómoimo comuíadi, ¿mei nibái mei Juzíñamuimo gairídino dibénemo íñédinomo llujífredíomói, afefue jáicina ómoimo finóllena?

<sup>5</sup> Bie izói ómoína daidícue omói méaicaillena. ¿Mei nibái omói cígiri ámatíaimo comuídufueña jáicina ínuana baitádmie íñede?

<sup>6</sup> Ja birui da ama jáímamo júfidogafue comuíadi, Juzíñamuimo íñoñede jáicina finóraíma uícomo llujífredíomói. ¿Meita bie izói írede? ¡ñide!

<sup>7</sup> Uáfodo onóigaza, nanómona daa júfidollífuie omói cígiri comuíadi, jáíe o ñue illáfueña táinomo fáíftaite. (Daje izói o júfidogafue Juzíñamui ífuena jámaritade.) Daa cáimona dámie fienni o finóadi, afe iba o óñeille baímo ñuera. Daje izói daa come cue raa jífuiano baíróadi afe meine cue óñeille iere baímo ñuera.

<sup>8</sup> Mei jáífodo fiénidífuie fáicanocaiñeno, dani omói ámatíaimo fienni finódiomói, íemo jáí omói ámatíaimo jífuiano raana baírófredíomói.

<sup>9-10</sup> ¿Nai onóñediomoiza? nana jáímana fienni finódino Juzíñamui illáimana illíruimo dúcíñeítíaoi. Omói jífueñíñeno iri, mei naga fiénidino Juzíñamui illáimana illíruimo jáinaíñeítíaoiza. Daje izói áireñeno jáíe ringo jetáidino dúcíñeítíaoi, íemo jánaraina íóbitadino, íemo jiruífueredino, íemo jáíe íima diga fienni itímiaí, íemo merírifiredino, íemo iere ráanaiacadino, íemo jífáífredino, íemo jáímamo fienni úritino, íemo jífueta baírófredino; nana éniemo ite bie izoide comini Juzíñamui illáimana illíruimo dúcíñeítíaoi.

<sup>11</sup> Naui ómoimona dáarie bie izoide. Mei íadi ja birui Jesucristo ñue íainino finócaomoi. Daje izói Juziñamui íeiena ñue mamécaomoi. Afe izói Moo Juziñamui Ñuera Joréñodo, íemo jíái cai Ocuíraima Jesumo omoi ínuado Juziñamui anamo ñue jaícina itábicaidomoi.

*Cai abi Juziñamui eróicana iere ñúeraza áfena íaidonídica*

<sup>12</sup> Comini daífirediaíoi, “Cue bie cue comeci jitailla izói íredicue.” Afe uáfue, mei íadi naga íaíoi comeci gáinafue íaíoina ñue finóñede. Uáfueza daa come dama ie comeci jitailla izói írede, mei íadi afe comeci jitáillafue íena anáfenotanide.

<sup>13</sup> Mei uáfueza: cai güille, cai jébegoi ie; daje izói cai jébegoi güille íena finoca. Mei íadi jíairuido Juziñamui nágaillinoi güille naa jébegoi diga jíáfodo méidoite. Mei íadi “Bie cai abina jiruífue íena mameca,” daíñide, dáarie daí daífirediaíoi íadi jmei afe uáfueñede! Bie cai abi cai Ocuíraima ie. Afe íbana cai Ocuíraima cai abímo dúide, cai ñue rairuíoicaillena.

<sup>14</sup> Íemo Juziñamui cai Ocuíraima Jesús cáadimiéna jáitáte. Afe daí íe íínua izói, afémie dama ie íinodo cáadimacina caina mámeite.

<sup>15</sup> ¿Onóñediomoiza ómoimona illa dígamie ie abi dama Cristo abímo dúide? ¿Meita Cristo abímo dúidimie jiruífredingomo dájena jóoneredicue? ¡Jaca jóonenide!

<sup>16</sup> ¿Mei níbai jíáfue onóñediomoiza, dáamie jiruífredingomo diga íadi afémie abi daa afengo abi izóicaide? Mei jíi Juziñamui Cuegáuai áirenafue dibénemo bie izói daide: “Íima ie ai diga afe íaillinoi dámiéna ja mameide.”

<sup>17</sup> Afe izói dáamie cai Ocuíraimamo dájena jaináíadi, afémie dájena joréñoredimíéna jaide.

<sup>18</sup> Íemona mei jiruífue mona oní omoi íri. Nana jíaie cai finoca íénidífue cai abina figo íáíñede, mei íadi áireíñeno jíaie ringo diga jiruífue cai finóadi, cai abina bácadicaí.

<sup>19</sup> ¿Mei onóñediomoiza, omoi abi Juziñamui caímo iga ie Ñuera Joreño íllano? Íemona afe Ñuera Joreño jaca omoi diga íteza. Omoi abi daní ómoieñedeza, Juziñamui ie.

<sup>20</sup> Mei omoi abi Juziñamui jamánomo ráífidena íbácaza. Mei jira cai abído Juziñamuina íóbitaredicaí, íemo jíái daje izói caímo íte joréñodo íena íóbitaredicaí, mei afe bie cai abi naa cai joreño diga Juziñamui íeza.

## 7

*Pablo come áirenafue llófuete*

<sup>1</sup> Ja omoi cuemo jícanoga uaíllai afe íbáíuái llóíticue. Uáfueza dámie áireíacañenia dama illa figora.

<sup>2</sup> Mei íadi aíllo jiruífue íteza, naga íima áirede. Daje izói naga ringo íniredé.

<sup>3</sup> Áiredimie dama ie ai afémie diga íacana díeze, afémie írena. Íemo daje izói íniredingomo ie íni afengo diga íacana díeze, afengo írena.

<sup>4</sup> Íniredingomo “Cue abi daingo cuemo dúide,” daíñide. Afengo abi ie íni íeza. Daje izói áiredimie “Cue abi bie dama cuemo dúide,” daíñide. Íe aímo jaináídeza.

<sup>5</sup> Íima ie ai diga íacania ráiruífueño jíéruiri. Daje izói ringo íni diga íacania íni ráiruífueño jíéruiri. Mei íadi níbai jíairuido da come ie ai diga nano nígarui íere Juziñamuimo íaillinoi comeci facáacana llezica, aféruíllaido dájena íñediáillinoína ñuera. Afe mei nane raire meíne dájena írediaillinoi. Mei are dájena íaillinoi jáicañenia, abi jítaínafuena ocuíninamona íieni íllena Taífe íaíllinona facátaíteza.

<sup>6</sup> Bífuiái caímare ómoie íllena llotícue. Ríire lletara uai dáina izói lloñédicue.

<sup>7</sup> Cúemona nana comíni cue áinino cue illa izói ítaíoiéna, ñuera. Mei íadi Juziñamui illa dígamíaimo jíáfóide ocuilla ríino fecade. Dámie áinino dama illa ocuírede. Jíáimie áinino dama illa ocuínde.

<sup>8</sup> Ja birui áinidinomo naa fecínguái diga úritícue. Damádimie dama cue illa izói ítaíoiéna ñuera.

<sup>9</sup> Mei íadi dámie ie abi jítaínafuena ocuíñenia afémie raire áirede. Daa come ie abi jítaínafue íena anáfenoa íénide, íemona raire áirena íuena.

<sup>10</sup> Mei íadi áiredino íniredino diga afémacina bie izói ocuídicue. Íniredingomo ie ínina jaca dotánide. Bie ocuilla uai dama cúeieñedeza, cai Ocuíraima Cristo ie.

<sup>11</sup> Mei íadi íniredingomo ie íni dotáadi afengo daingo írede; mei jíáfodo afengo afe daí íacañenia, afengo meíne ie ínimo abído bírede. Daje izói áiredimie ie aína jaca fáicanocainide.

<sup>12</sup> Íemo jíáfue dibéfodo cai Ocuíraima úriñedeza, dama cue ñue fibíllafue mona úritícue. Daa Jesumo ínotimíemo naí íñoñede ai íadi, íemo afengo naí afémie diga íacana llezica, afémie afengo diga írede. Afémie afe íe aína dotánide.

<sup>13</sup> Daje izói daa Jesumo ínotingomo íe íni naí Jesumo íñoñede íadi afémie afengo diga íacana llezica afengo afémie diga írede. Afengo afe íe ínina dotánide.

14 Mei jü, Jesumo ñnoñede áiredimie Jesumo ñnote aimo jaináillamona Juzíñamui ñue finócamierna jaide. Daje izóí Jesumo ñnoñede iníredingo ie Jesumo ñnotimiemo jaináillamona, Juzíñamui ñue finócangona jaide. Afe izóí inñeniadi, omoi jítótiai ñnoñedino úruiai izóí itíaiói. Mei íadi afe izóí jóoiñede. Afémaci Juzíñamui ñue finócaiaioi.

15 Mei íadi Jesumo ñnoñedimie izire ie aina oni oréacania, dama daiñtadeza; orérede. Daje izóí Jesumo ñnoñedingo izire ie ini fáicanocaiacania, dama daiñtadeza; fáicanocairede. Aféfuena júfidoñeno iri, mei Juzíñamui “Nágarui uái omoi ífíreiri,” caina dáideza. Bie izóí ífícaiaídi Jesumo ñnote ama naa ñnote miringo diga rairuínino afe ñnoñedimiemo jaináitanide.

16 Mei íadi Jesumo ñnote iníredingo cácarei. Nai ónoñegaza nibai odo o ini jílloite. Daje izóí Jesumo ñnotimie cácarei. Nai ónoñegaza nibai odo o ai jílloite.

17 Iemona illa dígamie dama Juzíñamui íemo jóonia izóí, afe izóí nágaruillai írede. Iemo, fueñe Juzíñamuimo cai ñnua llezica aféruimo cai táijina izóí, afe izóí nai birui táijiredicai. Bie izóí nana Jesumo gairídinona ocuícue.

18 Dáamie Juzíñamuimo ñnua llezica ie bacano icoi quetátañenia, dama daiñtadeza; quetátañeno iri. Daje izóí jiámie Jesumo ñnua llezica jaiaí quetácaza dama daiñtadeza; jiáífodo júfidoñeno iri.

19 Dáamie ie bacano icoi quetaca nibai quetañega áfena náfuéñeno iri. Mei jiáífodo Juzíñamui comeci jítainafue jeire cai olle iere ráifina.

20 Illa dígamie fueñe Juzíñamuimo ie ñnua llezica aféruimo ie illa izóí, afe izóí nai birui írede.

21 Aféruimo jiáima jeruícamierna o ia, áfemo járitañeno iri. Mei íadi afe ímamona oni o jáillino o báia, áfena maiñori.

22 Mei jü, dáamie como fueñe Juzíñamuimo ie ñnua llezica, aféruído afémie jiáima ocuífíregamie. Ja ie ñnua mei Juzíñamui dibéfomo afémie bu ráiruñínegamierna jaide, cai Ocuíraima táijinafue ie finóllena. Mei daje izóí jiámie como fueñe Juzíñamuimo ie ñnua llezica, aféruído afémie bu ráiruñínegamie. Ja ie ñnua mei Cristo izire ocuífíregamierna jaide.

23 Juzíñamui iere ráifidena íbácaomoiza. Iemona jiáima riire ocuífíregamierna omoi inñeno iri.

24 Amatiai, omoi cácarei, ómoimona illa dígamie como fueñe Juzíñamuimo ie ñnua llezica, nanómona ie táijina izóí, Juzíñamui eróicana áfemo táijífreiri.

25 Mei birui nahí áinidino naa iníndingotiai diga afémaci ífue llóiticue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoiga uai llóiticue. Mei Juzíñamui cue cánuado cue lloga uaina ñnoredeza.

26 Mei birui iere jacírediruillaiza, cúemona bifue ñue cioide: daa come birui ie illa izóí jiáífodo méidoñeno írede.

27 Mei birui ja áiredio, afe mei áinidimierna abina maméñeno iri. Mei daje izóí, birui nai áinidíoa, mai ringona oñeno iri.

28 Mei íadi o árenia, afefue fiénidífuéñedeza. Daje izóí daa jitaingo inírenia, fiénidífuéñedeza. Mei íadi biruillaído naga áiredimie naa iníredingotiai diga íaiói íllafue áinidimaci baimo iere juárede. Afe bie júaredífuaiamona ómoína rairuúacadicue.

29 Amatiai, ómoína cue daiñacanafue bie izóí jóide. Biniemo Juzíñamuina cai íóbitallirui aréñede. Ja benómona cai illífuena jiáífodo maméredicai. Birui áiredimie, áinidimie izóí írede, raire jiáimaci jacíredífuemona cánuallena.

30 Daje izóí como tíllamo zúunaitino birui zúunaiñedino izóí írediomoi. Daje izóí caimare irázizaídino ja birui caimátaiñedino izóí írediomoi. Daje izóí nana ráaniai íbáritino ja birui íaiói íbaca raana “Cáieñede” daiñfirediomoi.

31 Iemo bínie ráaniai fecáfiredino, daje izóí afe ráaniairi caimátaidino ja birui afe ráaniaimo figo járitainidíomoi. Mei bie cai ciona énie naa ie ráaniairi ja fúioicaideza.

32 Omoi gágudífuaiamona oni ómoína óiacadicue. Dáamie nai áinina llezica, cai Ocuíraima ífuaiimo járitairede, cai Ocuíraima íóbitallena.

33 Mei jiáífodo áiredimie ie ai íóbitallena, bínie ráaniairi járitaífrede. Iemona afémie mena ocuícimie anamo ite izóidemona, ie finóacagafuaina finónide.

34 Ringóniemo jiái daje izóídífué ite. Nai iníndingo cai Ocuíraima ífuaiimo járitaite. Afengo joreño naa ie abi diga Juzíñamui íena iere íacade. Mei íadi iníredingo ie ini íóbitallena bie énie ráaniairi járitaide.

35 Ñue omoi íllena bífuiai ómoimo llóiticue. Omoi áireiacanafuena rairuúacañedicue. Mei jiáífodo comini eróicana ñue jaícina omoi illífuena jítáidícué. Iemo jiái cai Ocuíraima Jesús ocuúcafe jizíñeno jeire omoi óllena, bífuiai ómoimo llóiticue.

<sup>36</sup> Mei ómoimona daa come comécido daíia: “Cue jicánogango dibénedo ñue jaícina finófedicue,” íemo afe llezica afengo are dinó jitángoñeiteza, afémie comeci ñue faca izói, izire ie áirelacana izói áirede. Ie jicánogango ie olle fiénidifueñedeza, afe íaillinoi áirena rairuínide.

<sup>37</sup> Mei íadi jíaimie jíáfodo comeci facáadi, mei afe ñuera. Ie jicánogangona ie aina ie óiacañenia daje izói afefue jíái ñuera; mei afémie ie jicánogango raire óñeilla ie comeci ñue daina izói, jica ía ñue mamédeza. Afe izóidifue íaifueñede.

<sup>38</sup> Nana búauillaimona bie izói onódicai. Jicánogango otímie ñúefue finode, íemo jicánogangona ofédimie afe baimo ñúefue finode.

<sup>39</sup> Íniredingo, ie ini nai caana llezica, ie inimo cuinaca izói jainaide. Mei íadi ja ie ini tuilla mei, afengo bumo jaináñede. Jesumo ínote afengo gaígamiemo iníreirede.

<sup>40</sup> Mei íadi cue comeci faca izói, afengo meine nane iníreñedena baimo caimare iite. Bie uai ómoimo cue llua llezica, Juzíñamui Ñuera Joreño cuemo ite izoide daidicue.

## 8

### *Jánarai íena mameca rílleniai ífue San Pablo llote*

<sup>1</sup> Ja birui omoi jicánoga jíáfue llóiticue. Jánarai íóbitallena fia fecaca rille ífue llóiticue. Iere uáfueza, bifuiaimo fibídicaiza. Mei íadi cai onógafuemona cai abi fieni ínuana aillo comúitate. Mei jíáfodo jíáimana cai izíruillafue nana comínina náirecaitate.

<sup>2</sup> “Baitádimiedicue” daidímie Juzíñamui ie onótaacanaze nai onóñede. Nai abina onóñede.

<sup>3</sup> Mei dáamie Juzíñamui izíruia, afe íbana Juzíñamui ñue afémiemo éroite.

<sup>4</sup> Mei ja birui jánarai íóbitallena fia fecaca rille ífue llóiticue. Omoimona dáarie bie izói daidíai: “Afe rílleniaina ríri” daidíai. Jíaimaci “Ríñe iri” daidíai. Fueñe bifuiaimo omoi cácarei. Mei ñue onógaza bie jánarai nahí ráañede, ráifíñede fia raaza. Daje izói ñue onógaza jíáie Juzíñamui jaca íñede. Juzíñamui jaca daade.

<sup>5</sup> Mei comini, monamo aillo ite juzíñamuillai daííadi, daje izói biniemo jíái aillo juzíñamuillai íe íaiói daííadi, íeñede.

<sup>6</sup> Mei íadi cáimona cai Moo Juzíñamui jaca daade. Afémie baimo jíái juzíñamui íñede. Uáfueza comini juzíñamuina mameca taino juzíñamuillai aillo ite. Daje izói íaiói mameca Juzíñamui jabóidíllaini aillo ite. Mei íadi cai onoga daade Moo Juzíñamui naga ráaniai finódimie. Iemo bie cai afémie íena iticai. Iemo jíái cai Ocuídime daade; afémie Jesucrístona. Afémiedo naga raa comúitaga. Cai jíái daje izói afémiedo comúitagacai.

<sup>7</sup> Mei íadi nana comini nai bifuiaina onóñediaíoi. Dámierie nai jánaraina íóbitajana fibídíai. Afémacimona taino juzíñamuimo fecaca güllena, “Bie güille cai juzíñamuillai íe” comeci anado daidíai. Daíí íaiói comécilla mei áfena ritíai. Iemona afe taino juzíñamuillai güilledo íaiói ífoci úrillana bácadiaíoi, mei íaiói ínogafuena nai figo baitáñediaíoi.

<sup>8</sup> Mei uáfueza, fia cai güígado Juzíñamui caimare caina uáidoñede. Cai güia, nibai cai güíñeniadi áfena Juzíñamui lloñede. Cai güíadi, afémie íena caina caimare fínoñeite. Daje izói güíñeiticai íadi, caina fieni fínoñeite.

<sup>9</sup> Iemona ja onódicaiza rairuíneno güíredicai. Mei íadi áfemona abí omoi rairuíoicari, mei dáarie íaiói ínogafuena nai figo baitáñediaíoi. Jánaraimo fecaca rille o riana íaiói fidíadi, afémacina fiénidifuemo baítatio. Afemona abí omoi rairuiri.

<sup>10</sup> Afe bie güille ráiruínegaza onódio. Iemona jánaraimo dúide güírácomo güízajidio. Afe llezica ínogafuena nai figo baitáñedimie o güillana cióadi, afémie dáíte: “Cue jíái cue güízajíticue,” dáíte. Mei íadi afémie dibénemo, taino juzíñamuillaina jacíruillano afémacimo fecaca güille güite. Daí íe íllamona dama ie comeci úrilla bécade.

<sup>11</sup> Iemona o ñue onógafuedo, figo baitáñede o ama fiénidifue diné féraitadio. Mei íadi Cristo jíái afémie jíilloillena tíide. Jira o afémie féraitalle fiénide.

<sup>12</sup> Afe jira, ínogafuena nai figo baitáñedimie fiénidifuemo afémie o ífóadi, áfede Cristo fieni finódio.

<sup>13</sup> Ie jira rille cue ria ícoinia cue ama fiénidifuemo cue baítaiza, ja benómona jaca ríllena ríñeiticue. Daíí cue illa jamánomo ñuera, afémie fiénidifuemo cue baítaíneilla.

## 9

### *Jesucristo orécamie buna ráiruíñega*

<sup>1</sup> Ñue onógaza, nana jíáie Jesús jíáinomo orécamíai izói, rairuínidicue. Mei cai Ocuíraima Jesuna afémaci íena ciona izói, íena jíái ciódicue. Iemo jíái omoi dani Jesumo ínogano cai Ocuíraimamo cue tájinamona comuíde.

<sup>2</sup> Jiáimaci, “Bie Pablo Jesús óreñegamie” ñibai cuena dáiiitiaioi. Mei íadi afe izói cuena daíinidiomoi, ómoína cai Ocuíraimamo ja ínotadicueza. Iemona omoi dani Jesumo ínuamona, cuena bie uáfueña Jesús orécámie daítaite.

<sup>3</sup> Omoimona cue uáitativo uaina bie izói óitícue.

<sup>4</sup> Juzíñamuimo gairídino cuemo fecaca güille naa jirolle diga áfena cue llínolle bu cúemona rairuíñede.

<sup>5</sup> Daje izói jítadicuena jiáie Jesús orécámie fínua izói, Jesumo ínotingona cue aina óredicue, cue diga jáicallena. Temo afengo jítaille güille daje izói ómoimona llínoredicue. ¿Ero ua? Ua, cai Ocuíraima Jesús ámatiai naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede.

<sup>6</sup> ¿Mei omoi nie izói comeci facádiomoi? ¿Ñibai coco dáaillinoi cue nabai Bernabé diga, nanómoma coco ónoído táijinafuena fáicanocainidicoco, ñúefue coco llujállena? Mei íeñedeza.

<sup>7</sup> Mei daje izói ¿nie fuíríraima dama ie güille diga jáirena? Jáinide. Jaca afénomo ecácaza. ¿Nie come jíricono ríadi áfemona afe llizállajina afémie riéñede? Jaca afe izóidimie íñede; jaca afémie aféjaina riéñede. ¿Mei nie óvejaiái úínotímie ie úíñoga oveja monoi omída afémie jiróñede? Jaca afémie áfeji jiróñede.

<sup>8</sup> Fia come daina izói bífuiaí cue llua daíi omoi comeciñeno iri, mei jaiai Moisés cai ocuilla uai daje izói dáideza.

<sup>9</sup> Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaioi güilleza fue maíñeno iri. Ñue onóigaza, bífuena Juzíñamui dama juráreto jícana daííñedeza,

<sup>10</sup> mei jiáfodo biedo Juzíñamui cai llote. Bie ocuilla uai cai ñue íllena cuela. Mei jii, jacafai tíeraima afénomona llizide raana otá güirede. Daje izói trigo gájirillena juráreto zaízitímie áfemona otá güirede. Afemona afe íaillinoi güillena caimare ocuúridaillinoi.

<sup>11</sup> Iemo ritímie ríñrega izoide Juzíñamui uailai ómoimo fueñe lloticue. Ie mei birui ómoimo ite bínie ráaniai abido cue maíñolle figura. ¿Mei ñibai ómoimona bie áillue izói cóioide?

<sup>12</sup> Mei jiáie llófueraini ómoimona íaioi güillena óñrediaioiza, ie mei bie cai afémaci baimo fia ecáregacai.

Mei íadi bie daina izói cai güillena ocuñedicai. Mei jiáfodo ómoimo ñúefue lluaíbiticue. Nana cue jitaiga ráaniai dama cue íbaca. Omoimona minícana fia onédicue, cue lloga Cristo daina uaina omoi ruífruiza daíi.

<sup>13</sup> Mei jii, jiáfue ñue onódiomoiza, nana Juzíñamuimo gairíracomo tájifíredino afeco ie güilledo írediaioi. Bífue bie izói daííacade; nana Juzíñamui ióbitallena fecaca rille jobáiranomo tájifíredino, afénomo fecaca rillemona come jítáillaze otá rírediaioi.

<sup>14</sup> Mei birui cai Ocuíraima daje izói ocuide. Nana jíllona uai llócaidino, íaioi llófuega comínimona güillena otá gürediaioi.

<sup>15</sup> Mei íadi cue bie daina izói jaca finóñedicue. Daje izói bie cue cuezábedo ómoimona minícana fia jicáñedicue. Güille ómoimona cue jicáñenamona júbieri tíidicuena, afe figo cuemo ráíñede. Raiñóñeno bie ñúefue cue llujáiri íere ióbidicue. Afe bie cue ióbillafue cue tíilla baimo jamánomo ráífide.

<sup>16</sup> Jíllona uai cue llócaillado abina ínonidicue, mei afe llócaillena jónegacueza. Bífue llócaíñedicuena jñii duere cue zefuilla!

<sup>17</sup> Ie jira, dama cue comeci jitailla izói bífuena cue llócaíadi, Juzíñamuimona jirídoredicue. Mei íadi afe izóíñedeza. Juzíñamui cue níziano bie ñúefue cue llócaillena cue jóonete. Afena cue jaca jamairuinidicue.

<sup>18</sup> Iemona daíi cue llócailla jirídua jiáfodo jóide. Nie afe cue jirídoga daítaña fia cue ióbillafue; mei raiñóñeno bie ñúefue cue llujáillari íere ióbidicueza. Nana cuemo dúide tájijnana íbatañedicue. Uai llóraima izói cue tájijnamona, cuemo dúide ráaniai ómoimona raiñóñeno fia onédicue. Aferi íere ióbidicue.

<sup>19</sup> Mei comínimona buna ráiruíñegacue, mei íadi nana comíni ocuúlimienna abí mamédicue, baimo aillo comínina Crísto mo cue jaináitallena.

<sup>20</sup> Judíuai cígimo cue illa llezica, judío ímienna abido jáidicue, afémaci Crísto mo cue jaináitallena. Bie izói daina, Moisés ocuica uai anamo itínona Crísto mo cue jaináitallena, afe Moisés lloga uai anamo abí jóoneticue. Mei íadi uáfueña afe ocuica uaimo dúíñedicue.

<sup>21</sup> Iemo jiánomo, afe Moisés ocuica uai anamo íñédinona Crísto mo cue jaináitallena, íaioi izóidimienna jáidicue. Mei íadi uáfueña Cristo uai anamo cue íllamona Juzíñamui uai anamo íticue.

<sup>22</sup> Juziñamuimo ñinogafuena nai figo baitañedino cígimo cue illa llezica, afémaci izói abi mamédicue, afémaci Crístopmo íaiói ñinogafue cue móonaitallena. Bie izói daina, nana comínimona illa dígamie íaiói illa izói íacadícue, mei nibai jíáfodo íaióimona dáarie cue jíllotallena.

<sup>23</sup> Nana bífuiaina finófiredicue cai jíllona uai jica jalléllena. Daje izói bífuiai finódicue, ñuera cai jíllotate uai caimo onótaga núefuiaina cue maiñólleza.

<sup>24</sup> Ja onódiomoi, jíámacimona aillo comini áizía, illa dígamie fia jirídoga raana oñede. Dáamie jirídote. Mai riire omoi aizi, jiríddolle raa omoi jiríddolleza.

<sup>25</sup> Nana jífanuafuemo maméritino, jífánoiacana uícode abina náinitade raana fímaidiaíoi. Afémaci iere abina fímaidiaíoi, raire zábífirede raa íaiói jiríddollena. (Mei aféruillaido íaiói jiríddoga rábiai finoina ifo icuífoi are íñeno raire etúdeza.) Mei íadi jíámaciri fuírrienailla izói, riire nícidotícai, jaca ninomo zábinide raa cai maiñólleza.

<sup>26</sup> Cue díbenemona uínidimie izói ebena aiziñedicue. Iere níciduano, come jana fatímie izói táinona fañédicue, mei íadi comini ñue ínotallena riire nícidotícue.

<sup>27</sup> Mei jíáfodo abi fímailla izói cue abina duere finódicue. Daíí abi cue rairuállamona dama cue abina ñue jíeruitadícue. Bie izói finóicaidícue, jíámaci cue llócailla mei, ruífruilano Juziñamui jino cue dótañellena.

## 10

### *Jánaraimo caimátaiñredino lleta uai*

<sup>1</sup> Cue ámatiai, bífuena ómoina fíditaacadícue. Nana cai jaiáidígima Juziñamui jónega mona uílliena eroide eroide raa anado jáioicaidiaíoi. Daje izói nana afémaci Jáiarede Monáillaina ruica jaitádiaíoi.

<sup>2</sup> Daíí íaiói jáillamona afe mona uílliedo, daje izói monáillaido dájena Moiséoiri jaináitagaiaíoi.

<sup>3</sup> Daje izói nana afémaci Juziñamui monámona cocítaga güille güífrediaíoi.

<sup>4</sup> Iemo nana afémaci afe Juziñamui nofícimona totátaga jainói jirófirediaíoi. Mei íaiói jáioicailla llezica afe íaiói nabáioicaide jamánomo riirede nofici llócuca jiródiaioiza. Afe nofici daina Cristo.

<sup>5</sup> Mei íadi afémaci nabézie Juziñamuina íóbitañede. Iemona zaféredizicimo tícoizitiaíoi.

<sup>6</sup> Nana bífuiai cai onóillena daíí íficaide, afémaci gaiga fiénidifuiaina cai gáñéllena.

<sup>7</sup> Afémacimona dámarie jánaraimo caimátaiilla izói omoi caimátaiñeno iri. Juziñamui Cuegáuai íaiói finócafuena bie izói daide: “Afe comini fia ránaillano güífrediaíoi, jirófirediaíoi. Afe mei náidacaillano rafue finoda záífrediaíoi.” (Daíí íaiói jánaraimo caimátaitiaíoi.)

<sup>8</sup> Afémacimona dáarie jiruírena izói, mai cai íñeilli. Daíí íaiói jiruírenamona afémacimona daje monado veintitrés mil dígamie titácaiaíoi.

<sup>9</sup> Afémacimona dáarie Juziñamui afémacimo raire járitañenafuena náñueño, fiéni íena facátatiaíoi. Afemona díga comini Juziñamui oreca jáio ainica íaiói tilla. Mei jira, afémaci Juziñamui fiéni facátaja izói mai íena cai fácatañeilli.

<sup>10</sup> Daje izói Juziñamuimo omoi ríriñeno iri. Mei afémacimona dáarie Juziñamuimo ríriñillano úrioidino titade Juziñamui abi ímie titácaiaíoi.

<sup>11</sup> Nana bífuiai cai jaiáidígimamo íficaide, áfena cíoillano comini bífuiaimona ñue abi cai rairuillena. Afe mei, cai onóillena Juziñamui afe bífuiai íe Cuegánicomo cuetátate, afe izóidifuiaimona cai bigímaiai ñue abi cai rairuillena. Mei ja birui íirairuillaímo itícaiza.

<sup>12</sup> Mei áfemona, “Ñue ínotícue” daidímie daítadífuemona ñue abí rairuiri, afémaci izói cai báíñellena.

<sup>13</sup> Omoimo comuide facátaina duere zefuállafuiai, daje izói nana jíámacimo comuide, dani ómoñedeza. Mei íadi Juziñamui jaca ñnofiregamie. Mei onóicaiza, Juziñamui caimo íte máirie baímo, riirede facátafuedo caina fácatañeite. Mei jíáfodo facátafue comuilla llezica Juziñamui áfemona omoi jílluille iona ómoina onótate. Afemona afe facátafuena ja ñue ocufrediomoi.

<sup>14</sup> Te jira, cue íziruiga ámatiai, jánaraimo caimátaiillamona oni omoi jírecairi.

<sup>15</sup> Ráfuena baitádinomo úrilla izói ómoimo úritícue, íemo ómoina cue daííífueño dani ñue comeci omoi facari.

<sup>16</sup> ¡Cácarei! Cai Ocuíraíma tíillamo cai úbicailleña, ñue finoca comunióñ illácurimona cai jíróadi, Cristo díena dájena caimare mamécacai. Daje izói afe illa dígamiemo fecaca comuniómo jainaide pan, cai güíadi, Cristo abina dájena caimare mamécacai.

<sup>17</sup> Aíllomaci cai íadi, daje pan cai güíllamona daade come abina iticai.



<sup>18</sup> Mai Israel nairai finoca ráfuiaimo comeci omoi facari. Juzíñamuimo fecaca rílleniai ríltino, afe fecaca ríllemo dájena mamécaiaioi.

<sup>19</sup> Bie cue dáinamona jánarai ua raaza dáiiacañedicue. Daje izói, afe jánaraimo caimátailena fecaca rille, jáíe rille baimo ráfideza dáiiacañedicue.

<sup>20</sup> Cue daina bie izoide: Juzíñamuina onóñedino fia iga raa afe jánaraimo íaioi fecaca llezica, afémaci Juzíñamuimo fecáñediaioi; mei fiénide jóríaimo fecádiaoiza. Afe fiénide jóríai anamo dájena caimare omoi itábicaíri, daíñedicue. (Daiítademonna ómoína rairuíacadicue.)

<sup>21</sup> Fiénide jóríai ichécoimona omoi jírúa llezica cai Ocuíraíma ichécoimona jírónidiomoi. Daje izói fiénide jóríaimo mameca rílleniai omoi ria llezica, cai Ocuíraíma mameca comuníóna güñidiomoi.

<sup>22</sup> ¿Meita cai Ocuíraímana ríicaitaacadiomoi? Jaca daí íacañedicaí. ¿Meita cai Ocuíraíma baimo ríirediomoi, afémie duere omoi fiñoñellena? Jaca daí ríinidicaí.

*Crístomona comuide conímána cai izírullafue cai rairuíinafue baimo ñuera*

<sup>23</sup> Uáfueña daina. Dámie ie comeci jítaina izói fínuana rairuíinde. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina máñaitallena ñue canóñede.

<sup>24</sup> Dani omoi ñue illifue jenóñeno, jáíamaci ñue illifue jenóñediomoi.

<sup>25</sup> Fecáriracomona nana fecaca güílleniai jáíafodo o ifoci úrillado jicánoñeno uái daí omoi güiri.

<sup>26</sup> Mei nana bínie Juzíñamuimo dúideza naa afemo ite rílleniai.

<sup>27</sup> Mei jáíruido Juzíñamuimo íñoñedimie ona: “Güizaíbi” daííadi, jaillano jáíafodo ifoci úrillado jicánoñeno nana o íe écajana uái daí güiri.

<sup>28</sup> Mei íadi dáamie: “Bie líiciai jae jánaraimo fecácaza,” ona daííadi, afena ríñeno iri; daí daídímie comeci fiene o fínoiza. Daje izói afémie ifoci úrilla o úaitañelleza.

<sup>29</sup> O ifoci úrillana lloñédicueza, afémie ifoci úrilla o zánoñellena, daí daidicue.

Mei nibai dáamie jicánoite: “¿Nibái mei jáíe come ifoci úrillado rairuíacacue?”

<sup>30</sup> Nana cue güígari Juzíñamuina: Figora cue daíía, nibái mei jáíama cue güíllari fiene úrite,” daí afémie dáíte.

<sup>31</sup> Iemona bizóidifue ñuera: Omoi güilla llezica, omoi jírúa llezica, nana omoi jetáacaigafue jeta llezica, mai nana afe omoi finócaigafuíaína Juzíñamui íóbillena fínori. Afe daí aillo ñúefue íemo nítaitiomoi.

<sup>32</sup> Ninó jáíamana oni nibéfodo fiénidifue o illáfuedo baítañeno iri. Ua, judúuaina baítañeno iri, daje izói judíoñedinona baítañeno iri. Iemo Juzíñamuimo ínotinona baítañeno iri.

<sup>33</sup> Cue dibénemona, nana comínina nana cue finócafuiaido íóbitaacadicue. Dama cue ñue illifue jenóñedicue, mei jáíafodo nana jáíamaci ñue illifue jenódicue, ñue íaioi jilloillena.

## 11

<sup>1</sup> Cristo cíotaga ñúefuedo cue jailla izói, ómoimo cue cíotaga ñue illáfuedo omoi jairi.

*Juzíñamuimo cai caimátaiñirena llezica, ringóniai jaca jáíamacína lletánidiaioi*

<sup>2</sup> Cue ámatiai, ómoimo ñúefue nítaiticue mei cuemo uibóíifrediomoi. Daje izói omoi cue llófuiana jeire uano afedo jáíifrediomoi.

<sup>3</sup> Mei íadi ja birui jáíifueña omoi onótaacadicue. Bifue bie izoide. Cristo nana íñíiai ifoci izói Ocuídímie. Iemo nana ringo íe íni ocuica; afémie afengo ífódimie. Afe izói Juzíñamui Cristo ífode.

<sup>4</sup> Iemona dáamie Juzíñamuimo úrilla llezica, íe ifoci íbaia, afe íe ífócina meaire finode, mei ifoci íbailla jáíe come ocuilla anamo íllana llóteza. Daje izói Juzíñamuimona onoiuga uai afémie llua llezica, ifoci íbailla íe ífócina meaire finode.

<sup>5</sup> Mei jáíafodo, daa ringo Juzíñamuimo úrilla llezica, íemo Juzíñamuimona onoiuga uai llua llezica, afengo íe ifoci íbaíñenia, afe afengo ífócina meaire finode. Afe íbaíñena afengo ío ítirai nana cuidoca izoide.

<sup>6</sup> Daa ringo ifoci íbaíacañeniadi mei dáaruido nácina cuidórede. Mei nácina cúidocana, ifoci íbaíñena daje izói meáirede. Mei íadi ringo íe ifoci naado cúiduana meáiruiadi, afengo ifoci íbáirede.

<sup>7</sup> Íñíiai íaioi ífócina íbáinidiaioi, mei íma Juzíñamui jánana eróideza. Daje izói íma Juzíñamui ñue ocuilla rínona jino cíotatímieza. Mei íadi ringo íma ñue ocuilla rínona jino cíotaita. Uáfueza, Juzíñamui íñíiai anamo íñena izói, afe izói íñíiai ringóniai anamo íñede.

<sup>8</sup> Mei íma Juzíñamui fínua llezica, ringómoma finóñedeza. Mei jáíafodo ringo ímamona finócaza.

<sup>9</sup> Íma jitailla jira ringo finoca; mei íadi ringo jitailla jira íma finóñega.

<sup>10</sup> Afe jira ringóniai ifócina ibáirede, afengo ie ini ñue ocúcana anamo illa daiñllena. Daiñ írediaioi mei Juziñamui abi imaci erócana itíaióiza.

<sup>11</sup> Mei íadi Crístomo cai jainaina dino íima ringónino ínide. Daje izói ringo íumanino ínide.

<sup>12</sup> Mei uáfueza ringo ímamona finoca, daje izói uáfueza naga íññiai ringo jéciga. Iemo nana Juziñamui comuítacai.

<sup>13</sup> Bíemona ¿nie izói coméciidiomoi? conímamo omoi daini. Ringo ifoci ibáiñeno Juziñamuimo úriadi, meita figura, nibai figóñede. Mai daini.

<sup>14</sup> Nanómona omoi izóidino griego imaci onóigaza: íima ífótiirena baiñede; meaire cíoiđeza.

<sup>15</sup> Daje izói afe abina cai onónafue jíáifuena dáanomo cai llote. Ringo ífótiirena ñue baite, mei áfedo aféngomo ñúefue nitaitaioi. Jaca afe ringo ifoci íbáillena, ie ífóti áretiina comuítaca.

<sup>16</sup> Mei dáamie bizóidifue júfidoacaniadi, bie cue llógamo mai cacai, mei Cristo orécamací cue diga jíáifoidifueña náfueñedicaí. Daje izói Juziñamuimo ínotino bifue baimo jíáifo maméñediaioi.

*Cai Ocuíraimamo cai uibiñoga güilla rafue jíáimaci bácaca*

<sup>17</sup> Bie izói cue dánado ómoimo ñúefuena nítañeíticue, mei omoi gairillafuaimo ñue íñeno, conímama fieni finódiomoi.

<sup>18</sup> Fueñe bifue llóiticue. Dámierie omoi illáfueña cue fíditatiaioi. Juziñamui cámacaillena omoi gairilla llezica, jíáimana énenoruidiomoi, daidíai. Afémaci cuemo llógana jabo ínoticue.

<sup>19</sup> Afe eneno bozíetaillafue comuífiredeza, nibézie Crístomo nahí ínotinona, nibézie ínoñedinona jino uáfodo daiñllena.

<sup>20</sup> Conímama omoi énenoruillamona, bie izói zúide. Gairillano omoi güillafue omoi bácacaza, ja birui áfena cai Ocuíraima íeñede.

<sup>21</sup> Mei güizájillamo dúcina llezica, illa dígamie dama ie atica güille güizájillena járitafirede. Iemo dáarie juffruilla llezica, jíáimaci jífáizaibítiaioi.

<sup>22</sup> ¿Meita birui omoi jofónidiomoi, afénono güitá omoi jiróllena? Bie izói omoi íllado Juziñamuimo nahí ínotinona jámairuítomoi. Afe dáaruído güíllenidinona meáiruítadiomoi. ¿Mei nie izói ómoína dáíiticue? ¿Mei ómoimo ñúefuena nitáredicue? ¡Aferi ómoimo ñúefuena nitánidicue!

*Cai Ocuíraima íraicaiño güíllamo cai úbicaillafue  
(Mt 26.26-29; Mr 14.22-25; Lc 22.14-20)*

<sup>23</sup> Uáfueza, cai Ocuíraimamo cai uibiñoga güillafue fieni omoi ínuamona, ómoimo ñúefue nitánidicue. Mei nauí ómoína cue daina izói, bie omoi cue llófuíafueña dama cai Ocuíraima llotátacacueza. Afefue be ñie: Cai Ocuíraima Jesús afe ie Judas fécaja naio, pan llínote.

<sup>24</sup> Llínvano Juziñamuina: “Iere figura” daide. Daina méifodo fécano daide: “Mai omoi güi. Bie cue abi; omoi ñue íllena díaca izói ómoimo cue fecácaza. Bífuedo cuemo omoi úbicaífireiri,” daide.

<sup>25</sup> Daje izói íaiói güilla méifomo, jiróracuri llínota daide: “Afe bie jiróracuri eromo ite íji, ómoimo cue comuítalle cómofuena ómoína onótate. Afe bie Juziñamuimo dájena omoi jáináitalle cómofuena cue die uáfueña ífcaitate. Diga ícaíño bie íjmona omoi jiróadi áfejido cuemo omoi úbicaífireiri,” daide.

<sup>26</sup> Nana bífuíai jira, Jesucristo nai meine ana biñena llezica, nágaruillaí bie pan omoi güíadi, íemo bie jiróracuri ero íji omoi jiróadi, áfedo Jesús cai ícoína tíllana jino uáfodo llóitiomoi.

*Afe bie cai Ocuíraimamo cai úbicaillafue jaca ñue coméciillamona fínorede*

<sup>27</sup> Mei jira, nie come bie paana Juziñamuimo ñúefuena nitáñeno güíadi, daje izói afe jirócaji afémie fieni jiróadi, afémie cai Ocuíraima abi naa ie die diga fieni finode.

<sup>28</sup> Ie jira, illa dígamie nai afe pan güíñena llezica ie ifoci úrillana ñue onórede; daje izói áfeji ie jirócana llezica áfena onórede.

<sup>29</sup> Mei onóigaza afe pan Cristo abina caina onótate. Dámie aféfuena ñue náfueñeno ebena güíadi, afe daiñ ie güíllamona dama Juziñamui íena duere fínoite. Daje izói dama Juziñamui ie duere finóllíji jírua izoide.

<sup>30</sup> Daiñ omoi íllamona ómoimona aillo írárediaioi. Jíáie comíni náimidiaioi. Iemo daje izói dáarie tíndiaioi.

<sup>31</sup> Mei jíáfodo dani cai ifoci úrillana ñue cai náfueia Juziñamui caimo riire jícanoñeite.

<sup>32</sup> Mei íadi cai Ocuíraima riire caimo jícanoíadi, afe jícanuado afémie izire caina lletade bíniemo ite Juziñamuimo ínoñedino diga cai duere fínobiñeíllena.

<sup>33</sup> Mei cue ámatiai, bie izóideza: Comunió gütállena omoi gairíadi, dámie raire güíñeno dájena omoi güitálleza conima omoi úñíori.

<sup>34</sup> Dámie ie jufíruiadi dama ie jofomo güizájirede, fieni omoi gairílledo Juzíñamui duere omoi fñoiza daii. Ico omoi cue eróizaille llezica, omoi jicaca jiáifuiai jaícina jóoneiticue.

## 12

*Juzíñamui Ñuera Joreño illa dígamie Juzíñamuimo cai tájinana fibíllena caimo fecade*

<sup>1</sup> Amatiai, Juzíñamui Ñuera Joreño illa dígamie fecaca Juzíñamuimo tájinana fibíllena ómoína fidítaacadie.

<sup>2</sup> Ñue onódiomoiza, nai Juzíñamuina omoi onóñena llezica, úrinide jánarai anamo íllena cuinada zonóicaigaoi.

<sup>3</sup> Iemona: “Bífueña omoi onoiri,” daidie. Jesuna faidódímie jaca Juzíñamui Ñuera Joreño úrinide. Daje izói Juzíñamui Ñuera Joreño úriñedímie jaca uáfueña, “Cue Ocuíraíma Jesús” daíñide.

<sup>4</sup> Illa dígamie afe fecaca jiáiforie Juzíñamuimo tájinana fibíllena ite. Mei íadi aféfuiai daade Juzíñamui Ñuera Joreño fecácaza.

<sup>5</sup> Illa dígamie jiáiforie conímána canóredicai, Juzíñamui ocuícamacina cai íllena. Mei íadi daade cai Ocuíraíma anamo iticai, ie cai ióbitallena.

<sup>6</sup> Illa dígamie cai íllafue ñue jaícina jóoíllena, Juzíñamui diga jiáiforie caina ocuíoide. Mei íadi daade Juzíñamui nana comínina ocuíoide.

<sup>7</sup> Juzíñamui Ñuera Joreño caido jáicanana cai ónoíllena facáñrena raana illa dígamie Juzíñamui fecade, nana jiámaci cai canóllena.

<sup>8</sup> Ie jira Juzíñamui Ñuera Joreño dáamie iere baitádimiána jaíllena íena fibítate, jiámaci llófuellena. Iemo jiámie daje Ñuera Joreño nimáiraíma úrifírena izói úrillena íena fibítate.

<sup>9</sup> Iemo jiámaci afe daade Ñuera Joreño jamánomo Juzíñamuimo ínotagaiaioi, áfedo jiáie Juzíñamuimo ínotino ñue canóllena. Ie mei jiámaci iráredino jíllotaraímana fibítagaiaioi.

<sup>10</sup> Iemo dáarie uaido dáinamona comuide raa fínuana fibítagaiaioi. Iemo jiáinona Juzíñamui daina uai uáfodo jino llóllena fibítagaiaioi. Iemo jiámacina nie ua Ñuera Joreño úrillana daje izói nie taino joríaido úrillana onóíllena Juzíñamui fibítate. Iemo jiámacina nai llófueña jaíforiede uáillaído úrillana onóíllena fibítagaiaioi. Iemo nai jiámaci afe daina uaíllai ñue jino dobáínuana onóíllena fibítagaiaioi.

<sup>11</sup> Mei íadi nana bífuiai daade Juzíñamui Ñuera Joreño fecaca. Ua dama ie óiacana izói, illa dígamie jiáiforiede fibíllafuina fecade.

*Nana cai bie dáamie abimo dúidicai*

<sup>12</sup> Bífuiai nana bie izói jóide, mei Cristo íemo ínotino diga, daade abi izóideza. Afe daade abimo jaináidinuiána aillo ite. Mei aillo ite íadi, nai afe abi daade.

<sup>13</sup> Afe izói aillo jaífoidinona cai íllamona, níbai judíodicai, níbai griégodicai afe jaca mámeñega. Mei daade Ñuera Joreño nana cai daade abina jaináitagacaiza. Daje izói níbai rairuícanodicai, níbai rairuíñeganodicai daje abina iticai. Ua daade Juzíñamui Ñuera Joreño daade abina finócaai. Afe daade Juzíñamui Ñuera Joreño úicaitagacai.

<sup>14</sup> Cai abi daje izóíñede, mei diga ráaniai daade abimo jaináinaza.

<sup>15</sup> Mei jii, come eiba: “Cue bie ónoñedicueza daje abí íñedicue,” daííadi, daí dáinado daje abimo ie jaináinana uáitanide.

<sup>16</sup> Daje izói come jefo: “Cue bie uíñedicueza daje abí íñedicue” daííadi, daí dáinado daje abimo ie jaináinana uáitanide.

<sup>17</sup> Mei cai abi nabáinino daa uíji íadi ¿nie izói cácaíticai? Daje izói cai abi nabáinino daa jefo íadi ¿nie izói jálliana cácaíticai?

<sup>18</sup> Mei íadi nana cai abimo jaináidinuiána, afe abimo ñue baitínuiaimo, Juzíñamui ie comeci jítaina izói jóonete.

<sup>19</sup> Nana cai abi dáadeniadi afe nabáíñiai íllino íñede. Ua abi íñede.

<sup>20</sup> Mei íadi ja onódiomoiza, dáamie jaináidinuiána aillo ite, íadi jaca ie abi daade.

<sup>21</sup> Daje izói nane jaífue, cai ui ónoína: “Ona jítaíñedicue” daíñide. Daje izói ífoci eíbana: “Ona jítaíñedicue” daíñide.

<sup>22</sup> Mei jíáfodo cai abimo ite maíñedino iere jamánomo jítaírede.

<sup>23</sup> Daje izói cai abimo ite figo coméíñegano áfena iere ñue uíñotícaí. Iemo cai abimo jino uáfodo cíotanidinona, áfena iníroído ebire finode.

<sup>24</sup> Mei íadi cai abimona uáfóri cíoidino cíotanidino izói ebire finónidiaioi. Bie izói Juzíñamui cai abimo itínuiaína dájemo jofu ñue zorode, cai figo coméíñeganomo ñúefueña jamánomo cai nitállena.

<sup>25</sup> Juziñamui daí zorode, cai abimo itñuiai conímana énenoruiñeilla. Mei íadi jiáifodo illa dígano conímamo começi úrede.

<sup>26</sup> Come abimo itñuiaimona daano izi cácana llezica, nana jiáinuiai daje izói duere zéfuitaioi. Daje izói dáanomo ñúefue nítano caimare íadi, nana jiáinuiai dájena caimare itáioi.

<sup>27</sup> Mei jira bie izói nana omoi Cristo abídiomoi. Omoimona illa dígamúia; daa ie abimo itñuiai izóidiomoi.

<sup>28</sup> Afe jira Juziñamui jiáifodo táijinana dáarie íemo ínotinomo jóonete. Nano fueñe Cristo orécamací jóonete. (Afémaci jiáifo mameina ie apóstoles.) Afe mei jiánona Juziñamuimona ogáfuiái uáfodo jino llotino jóonete. Afe mei nane jiánona ie uai llófueraíni jóonete. Iemo uaido dánamona raana comútatino jóonete. Iemo iráredino jillotaitino jóonete. Iemo jiámacina canófredino jóonete. Iemo jiámacina ocuífretino jóonete. Iemo nai llófueñega jiázie uáillaído úritino jóonete.

<sup>29</sup> ¿Meita cai nana Cristo orécanodicaí? Ieñedicaí. ¿Meita nana cai bie Juziñamuimona ogáfuiái uáfodo jino llotinodicaí? Ieñede. ¿Meita nana cai ie uaina llófuetinodicaí? Ieñede. ¿Meita nana cai bie uaido raana finódinodicaí? Ieñede.

<sup>30</sup> ¿Meita cai bie iráredinona jillotaredicaí? Jllotanidicaí. ¿Meita cai bie nana nai llófueñega jiázie uáillaído úritinodicaí? Ieñedicaí. ¿Meita cai bie nana aféuai dobáñuano jino uáfodo llóredicaí? Jaca nana llónidicaí. Dámierie dobáñorediaioi.

<sup>31</sup> Mei ie jira, nana bie fibíllafuiaimona baímo ñuera fibíllafuiaina Juziñamuimona omoi óllena afe omoi nícdori. Mei íadi afe fibíllafuiái baímo, jiáie ñúefuena ómoimo llófueíticue.

## 13

### *Jiáimana cai izíruillafue*

<sup>1</sup> Mei uáfueza, nai llófueñega jiázie uáillaído úrillana cue fibíadi, íemo afe baímo Juziñamui abí imaci úrilla izói úrillana daje izói fibídícue ia, mei íadi jiáimana cue izíruíñeniadi, fia taino ficírede juai izóidícue. Iemo jiáie taia ficírede lloéturu izóidícue.

<sup>2</sup> Daje izói Juziñamuimona ogáfuiái jino llúana cue fibíadi, íemo nana nai uáfodo onóñegafuiái llúana cue fibíadi, íemo jamánomo nimáiraímana cue jáiadi, íemo idu jáinua Juziñamuimo ínogafue cuemo íadi, mei íadi jiáimana cue izíruíñenia, táinomo fáífticue.

<sup>3</sup> Daje izói, nana cuemo ite ráaniai jiámaci canóllena fia cue fecáadi, íemo Juziñamui íóbitallena dama cue abí cue jobáitaíadi, mei íadi afe llezica jiáimana cue izíruíñenia, nana cue finócafuiái cuemo ráííñede.

<sup>4</sup> Mei jiáifodo, jiáimana izíruitimie jaca járitaiñede. Afémie dúecaífirede. Daje izói úradoíñinde, íemo afémie uícofíñede, íemo fiení abí ínoñede.

<sup>5</sup> Daje afe jiáimana izíruífiredimie meáíredífuena jaca lloñede, íemo afémie ie abina jacire maméñede, íemo afémie jaca rúcaíñinde. Jiáima fiénidí fue íemo finóadi, fiení coméçiñeno raire féitate.

<sup>6</sup> Afe jiáimana izíruitimie jiámaci fiénidífuiaí fínuari zúureite, mei jiáifodo ua ñúefueri íóbífirede.

<sup>7</sup> Nana íemo comuídífuiaíri caimare ocuide. Raire járitaiñeno aféfuiaímo ñue úíñooide. Juziñamuimo izire ínuano aféfuiaíri jacinaíñeno ñue ocúiride.

<sup>8</sup> Izíruillafue zíñona jaca záíñeite. Mei íadi Juziñamuimona uícodo onoi ga ráfuiaí záite. Daje izói jiámaci uáillaído úrilla llícaite; íemo daje izói ífócido onóigafuiái záite.

<sup>9</sup> Mei biruillaído cai ífócido onóigafuiái ñue ícoimo baitáñedicaíza, jabo onódicaí. Daje izói Juziñamui uícodo onoi ga ráfuiaimona due jino lloticaí, mei due onódicaíza.

<sup>10</sup> Mei íadi uire Juziñamui nana ráfuiaí caimo baitállruimo afe ícoimo ñue báitañegafuiái fáicanocaille.

<sup>11</sup> Nai cue úruena llezica úruiaimo itífuiaído úriticue. Urue começi fácaja izói, começi facádícue, íemo úrue ífoci úrilla izói íticue. Mei íadi ja cue mónailla llezica, úrue illa izói cue illáfuiaina fáicanocaidicue.

<sup>12</sup> Daje izói birui Juziñamui díbenemo cai onóigafuiái jaicuibicaide. Dámie jáiaira acáranimo figo cíoiñena izói afe izói Juziñamui ífuiaína birui figo baitáñedicaí. Mei íadi íco jiáíruido nana ñue báitaiticaí. Birui cue ífoci úrilla figo déíñedeza, jabo onóidícue, mei íadi aféruído nana ñue ónoíticue. Jí, Juziñamui cuena onona izoi ñue jaícina ónoíticue.

<sup>13</sup> Mei daí Juziñamuimo ínogafue, íemo jiái ocuírinafue, íemo jiái izíruillafue jaca zíñona féíñeite. Bie daámanidemona izíruillafue íere jamánomoide.

## 14

<sup>1</sup> Mei ie jira, afe izíruillafue iere jeire omoi oiri. Afe ua llezica Juziñamui Ñuera Joreño fecaca jiáiforie táijinana fibíllena izire omoi jenori. Omoi jenolle llezica, Juziñamuimona onoiga uai jino llua baimo izire jicari.

<sup>2</sup> Mei íadi dámie nai llófueñega jiáizie uaido úriadi, dama Juziñamuimo úrite. Comínimo úriñede; mei afémie úrillana buna canóñenaza. Afe óñoñega uaido úritimie Ñuera Joréñodo úrite, mei íadi afémie daina uai uáfodo onóñena báinino jóoide.

<sup>3</sup> Mei jiáifodo afe Juziñamuimona onoiga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jiái íaioi camare firallena.

<sup>4</sup> Afe jiáizie uaido úritimie dama ie joreño dibéfuemo móonaite; mei íadi afe Juziñamuimona onoiga uai llotímie, Juziñamuimo jaináidinona ñue móonaitaite.

<sup>5</sup> Afe nai llófueñega jiáizie uaido úrillana nana ómoiena jitáidicue. Mei íadi Juziñamuimona onoiga uai jino omoi llóllena iere baimo jitáidicue, mei afe onoiga uai jino llua, jiáizie uaido úrilla baimo ráifide, Jesucristomo ínotino aillo móonaitallena. Mei íadi afe jiáifode uaido úritimie úrilla dobáñoraima íadi, afefue ñuera; mei áfedo nana Juziñamuimo jaináidino dani íaioi joreño dibéfuemo daje izói ñue móonaitaioiza.

<sup>6</sup> Ie jira ámatiai cácarei. Uire omoi cue uáiduaibia omoi cígiri Ñuera Joreño úritate jiáizie uaido cue úriadi, cue úrilla ómoimo due jiza ráifíñede. Mei jiáifodo Juziñamui caimo onótagafuaido cue úriadi afefue ómoimo ráifide. Daje izói omoi ifoci ua uaina cue déitaiadi afefue ráifide. Iemo daje izói Juziñamuimona onoiga uai ómoimo jino cue lloia afefue jiái ráifide. Daje izói omoi cue llófuia ráifide.

<sup>7</sup> Mai nana omoi rúado taiga raamo ñue coméciiri, áfemona ñue onóillena. Afe raa jaca comécincaza. Be totibacui, íemo arpa, íemo juai diga camare ficire úrite, mei íadi jiáima fieni taia, áfena cacáidino afe úrilla uaina óñoñeitaiói.

<sup>8</sup> Daje izói comini jobáiriacana llezica, uáidua juai táíñeniadi comini figo áfemo mámeríñeitaiói.

<sup>9</sup> Afe izói ómoimo ífcaide: dáamie jiáifoide ónonide uaido omoi llófueia ie dainana bu onóñena. Afémie táinomo úrite.

<sup>10</sup> Uáfodo onóigaza; bie éniemo diga jiáie nairai uallai ite. Afe uáillaina onóidinomo nana aféuallai ñue baite.

<sup>11</sup> Mei íadi cuemo úritimie uaina cue óñoñenia, afémiemona jicánemiedicue. Daje izói afémie cúemona jicánemie.

<sup>12</sup> Ie jira, afe Ñuera Joréñomona fecaca táijinana fibíllena omoi iere gaina llezica, mai Juziñamuimo jaináidinona ñue móonaitallifuiaina iere izire omoi jicari.

<sup>13</sup> Afe jira nai llófueñega jiáizie uaido úritimie afe ie daina uaina ñue jino llúana fibíllena Juziñamuimo jicárede.

<sup>14</sup> Mei jiáizie uaido Juziñamuimo cue úriadi, ua cue joréñodo úriticue, mei íadi cue ifoci úrilla, táijíñeno oni eneno ite izoide.

<sup>15</sup> Mei íemona ¿ñifue fñoiticue? Cue joréñodo naa cue ifoci úrillado Juziñamuimo úriredicue. Daje izói cue joréñodo naa cue ifoci úrillado afémiemo róredicue.

<sup>16</sup> Mei jii, dama o joréñodo Juziñamuimo o úriadi o áinori ite, áfemo fibítañega cacáreidimie, Juziñamuina figura o daiñifrenafue dibénemo ínide. Mei o dainana onóñedeza.

<sup>17</sup> Mei níbai Juziñamuina figura o daiñifrena Juziñamuimo ñue cacaide, íadi jiáimana dama ie joreño dibéñedo ñue móonaitañede.

<sup>18</sup> Nana omoi baimo jiáizie uaido úriredicue. Aferi iere Juziñamuina figura daidicue.

<sup>19</sup> Mei íadi Juziñamuimo jaináidino gairifrena llezica, óñoñega jiáifodo jóide uallai baimo, jubeba diga ñue onoiga uai cue dainana gáidicue, jiáimaci cue llófuellena. Mei íadi diez mil féirede jiáizie uai afémaci cígimo cue úrillana gáíñedicue.

<sup>20</sup> Amatai, úruiai comeci faca izói, afe izói comeci omoi facáñeno iri. Mei jiáifodo éicomini izói comeci omoi facari. Mei íadi fiénidifue dibénemo jézainidino izói omoi iri.

<sup>21</sup> Jaiái caí ocuilla uai ciegánicomo Juziñamui íemo cacácañede Israel náiraina bie izói daide:

—Bie náiraina jiáie uáillaido úritinodo duere fñoiticue; onínemacido íaioi llétaiticue.

Mei íadi afe bie uaido nai cuena náfueñeitaiói.

Daií caí Ocuíraima daide, —aquíe izói ie uai llote.

<sup>22</sup> Mei daií afe jiáizie uaido úrillana fibíllafue Juziñamuimo íñoñedinomo dúide, jiáie onótate raa izói íaioina onótallena. Ínotinomo dúíñede. Mei íadi Juziñamuimona onoiga uai jino llúana fibíllena Juziñamuimo ínotinomo dúide, jiáie onótate raa izói íaioina onótallena.

23 Mei jira nana Juziñamuimo jaináidino dáanomo gairilla llezica, íemo nana omoi jiáizie uaido omoi úriadi ie mei áfemo fíbítañega íñoñedino omoi cígimo bíadi, nibai “Uáiritaidino izóidíomoi,” dáitíai.

24 Mei jiáfodo Juziñamuimona onoiga uai jino omoi llua llezica, íemo fíbítañega íñoñedimie omoi cígimo bíadi, ie comécimo ite fiénidifuena uáfodo ónoite. Nana omoi dáinana cacáillano afémie dama ie comécina méifotaite.

25 Afe daíí dama ie comeci onóigafuiai jino cíocailamona, cañícido ana dújullano Juziñamuina cáimadoite. Iemona: “Uáfuenta, Juziñamui omoi cígiri íteza” daíite.

*Omoi gairilla llezica nana omo lollífuiai jaicuíñeno jaícina lloiri*

26 Mei jira, ámatiai, omoi gairílfuiai bie izóí írede: Omoi gairilla llezica ómoimona dáarie Juziñamuimo rollírua jino llóiacade. Iemo jiáimie llófueacade, íemo jiáimie Juziñamui íena onótagafue jino llóiacade, íemo jiáimie jiáifoide uaido úriacade, íemo jiáimie afe jiáizie uaido úrilla jino dobáiñoiacade. Nana bífuiai ñuera. Mai bífuiai daíí íteza, Juziñamuimo jaináidino ñue móonaillena, daje izóí íemo nai íñoñedino ínotallena.

27 Jiáizie uaido omoi úriadi mena come dáaruido úrinide. Jiáimie úrilla llícailla méifomo úriri. Daámani come daíí úrerede. Naga come jiáifoide uaido úrilla fuillamo ie lloga uai dobáiñorede.

28 Mei íadi uai dobáiñoitimie íñeniadi, mai nie izóí jiáifoide uaido daííñoeno iri. Dámie úriacania dama ie comécido Juziñamuimo úriri.

29 Daje izóí afe Juziñamuimona onoiga uai llotínomona damieámani úrerede, íadi daje llezica úrinidiaioi. Llotímie fuilla méifomo íemo cacáreidino fairíorediaioi, ie dáinana ja Ñuera Joréñomona comuide, nibai íeñede daííllena.

30 Mei íadi dámie uai jino llua llezica, Juziñamui jiáie ana ráiidimie mo jiáifue íena onótaíadi afémie raire fueñe úritarede. Nano fueñe úritimie ie úrillana fáicanocairede.

31 Afe daíí nana omoi Juziñamuimona onoiga uai llotino llórediaioi. Uafue dámierie jino llórediaioi, áfede nana omoi onócaillena; daje izóí áfede nana omoi comeci náirecaillena.

32 Nana afe Juziñamuimona onoiga uai llotino dani íaioi joréñona rairuírediaioi, nai jiáimie úrilla fuíñena dino.

33 Mei Juziñamui caimare uái illifue comuítatimie; íemo, úrillana féitate gáguana afémie comuítáñede.

Nana jiánomo ite Juziñamuimo jainaide gairídino fínua izóí birui ómoína finótaiticue.

34 Juziñamui íobíllena omoi gairilla llezica, cígimo ite ringóniai úrilla rairuírede, íñíina ie llófueuella. Juziñamui ocuilla uai daina izóí, aféngotiai íima anamo caimare írediaioi.

35 Aféngotiai daa rafue onóacania, jino jofomo íaioi inimo jicánorede. Daa ringo comíni gairilla cígiri úria meaire cioide.

36 Mai cácarei, ¿Meita Juziñamui uai dani ómoimona comuide, daíí comeci facádíomoi? ¡Daííñede! Daje izóí aféuaina dani ómoimo llógaza comécíñoeno iri; mei diga jiámaci íena, daje uaina jae llogáiaioiza.

37 Daa come Juziñamuimona onoiga uai jino llotímiedicue daííadi, bie ómoimo cue cuegáfuii cai Ocuíraíma Jesucristo cai ocuilla uai afémie daíírede. Daje izóí daa come Ñuera Joréñodo úritímiedicue daííadi, afémie cue cuega dibénemo Jesucristodo cai ocuilla uai daíírede.

38 Iemo afe cúegana aillí cue dáina bie izóí daííacañedimie mo omoi náfueñoeno iri.

39 Cue ámatiai, bíemona Juziñamuimona onoiga uai jino llua jeire omoi oiri. Iemo da come jiáizie uaido úria, rairuíñoeno iri.

40 Mei íadi afe llezica, omoi lollífuaina jaicuíñoeno daje fuémoma jiámamo meaire cíotañoeno lloiri. Daje izóí nana omoi jetaca raana jaicuíñoeno ñue jaícina maméfireiri.

## 15

*Jesucristo tílla meine abido cáadimie illafue*

1 Cue ámatiai, ómoimo cue lloga jíllona uai ómoína uibíñotaacadicue. Afe uaina jae jeire otíomoi. Iemo bie uaido ñue itíomoi.

2 Daje izóí cue lloga uai omoi náfueia bie Juziñamui uai omoi úado jíllotagaomoi. Mei íadi nauí nibai táinona omoi íñoia jae jíllóñedíomoi.

3 Cue onoiga jamánomoidifue nauí ómoimo lloticue. Juziñamui Cuegáuai dáina izóí, Cristo cai fiénidífuiai muíñóllena tíllafuena jae omoi llófueticue.

4 Iemo nane afe Cuegáuai dáina izóí, Cristo raiga daruíamani íllamona meine abido cáadimiena jáillana ómoína llófueticue.

<sup>5</sup> Iemo afe Cristo Pédro mo cíocaide; afe mei nana jáie ie orécamacimo cíocaide.

<sup>6</sup> Nane afe mei dáaruido quinientos baimo íemo ínotinomo cíocaide. Afémacimona aillo nai itíaiói, íadi dáarie jae tídiaíói.

<sup>7</sup> Nane afe mei Santiagomo cíocaide, íemo nane nana ie orécamacimo cíocaide.

<sup>8</sup> Nana jáíamacimo cíocailla mei, írainomo afémie cuemo cíocaide. Iemona úrue jáífodo jocoína izóidimiedicue, mei Crístomo cue dóbaicaillafue jarire cuemo íficaideza.

<sup>9</sup> Mei Jesús orécamacimona jofófenemo ráifidimiedicue. Juzíñamui mo jaináidino fállena cue racáfirenamona, nauí ie orécamie cuena daíñide.

<sup>10</sup> Mei íadi Juzíñamui ñue cuemo íllado, bie izóí iticue. Afémie cuemo dúcecallano afémie cue cánuana táinomo fáifitañedicue. Mei jáífodo jáie ie orécamací baimo, iere riire táijidicue. Mei íadi afe izóí dama táijinidicue. Juzíñamui cuemo dúcecallano cue diga jáicaillado daí táijiredicue.

<sup>11</sup> Mei biruí, afe ñúefue nibái cue lloga, nibái afémaci lloga, afe llúáfueña náfueñedicue. Mei íadi bie ñúefue ja ómoimo cai llogafue, daje izóí afefue omoi ínogafue.

<sup>12</sup> Mei bie ómoimo cai llogafue Cristo tíllamona meine abido cáadimiena jailla. Afe llogafue bie izóí ítena, ¿mei ñie izóí ómoimona dáarie: “Tíidinomona buna meine abido cáadinona íñeite,” daídíaíói?

<sup>13</sup> Meita íaiói daina izóí tíidinomona buna cáañenaza, daje izóí meita dama Cristo cáañeite.

<sup>14</sup> Iemo meita Cristo cáañedeza cai llócaiga uai ráifíñede. Daje izóí omoi ínogafue ráifíñede.

<sup>15</sup> Iemo afe baimo, cai bie Juzíñamui dibénemo taino llotínodicai, mei Juzíñamui Cristo meine abido cáatate daídicaiza. Meita tíidino meine cáañenaza, daje izóí Juzíñamui Cristo meine cáatañeite.

<sup>16</sup> Mei tíidino meine abido cáañeniadi, meita afe Cristo cáañeite.

<sup>17</sup> Iemo meita Cristo cáañedeza, omoi ínogafue ómoína ñue finóñede. Nai ómoimo ite fíenidifuiamo nai jainácaidíomoi.

<sup>18</sup> Meita íaiói daina izóí Cristo cáañedeza, Crístomo ínote tíidino táinomo fáifidiaíói.

<sup>19</sup> Meita Crístomo cai ocúrinafue daa biruíllaido bíniemo cai illa llezica caimo dúideza, nana comini baimo cai duere finócanodicai.

<sup>20</sup> Mei íadi afe izóíñede. Cristo tíllanomona meine abido cáadimiena jailla ñue onóigaza. Amena llizállajimona jotáiritiji fueñe uailla izóí, Cristo nana tíidinomona meine abido caadino ífódimie.

<sup>21</sup> Mei bie izóí daa cómemona, Adán dainámiemona tíllafue fueñe bíniemo comuídeza; daje izóí tíidino meine abido cáaillifue daa cómemona comuide. Afémie Jesucristo.

<sup>22</sup> Afemona nana comini Adamo jaináideza, tíitiaíói; íemo daje izóí nana Crístomo jaináidino meine abido cáaitiaíói.

<sup>23</sup> Mei íadi nana nairai daje llezica meine abido cáañeitiaíói. Nágamíai íaióimo dúide dieze, íaiói cáatalliruido cáaitiaíói: raire uímodo oga llizállaji óina izóí, Cristo fueñe meine abido cáadimiena jaide; afe mei Cristo billíruimo dama Cristo íédino cáaitiaíói.

<sup>24</sup> Iemo írairuimo dúciite. Aféruimo Cristo nana bíniemo ite riírede illaini naa monamo ite riínoredinuaiari niné táinocaitaite. Afe mei nana ie illáimana illa riño naa ie anamo itínuaiari ie Moo Juzíñamui mo fécaite.

<sup>25</sup> Mei jii, Cristo nai illáimana írede, Juzíñamui nana íena éoidino Cristo anamo itábicaillalle dino.

<sup>26</sup> Come tíllafue caina anáfenoacade caina éoidimie izoide. Mei íadi afe cai titade riínona Cristo írainomo niné táinocaitaite. Afe mei jáie táinocaitallimiena íñeite.

<sup>27</sup> Mei Juzíñamui nágafuiaina Cristo anamo jóonete. Cristo ñue afémaci ocuállena. Juzíñamui Cuegáuai bie izóí daíadi, Juzíñamui Cristo anamo íñénana uáfodo onóigaza, mei Juzíñamui naga raa Cristo anamo jóonetimieza.

<sup>28</sup> Iemo nágafuiai Cristo anamo itábicailliruimo, dama afe Cristo Juzíñamui Jitoza ie Moo anamo itábicaiteza. Juzíñamui nágafuiai Cristo anamo itábicaítimie. Aféruimo bífuiaido naga ráaniai dibénemo Juzíñamui jamánomoidimiena íte. Naga ráfuiai naa ie comuítaga ráaniairi ñue jáicina afémiemo dúite.

<sup>29</sup> Nane jáífue “Tíidinona meine cáañeite” daíífredinona daíticue. Dáarie tíidino dibénedo báutizatadino ite. Meita tíidino meine cáañeitiaíoiiza, ¿nibái mei daí báutizatataíoi? Iemo tíidino dibénedo báutizafue ¿minícamo ráífide?

<sup>30</sup> Iemo cue, cue nabáñíai diga, Juzíñamui ñúefue ícoína, nágaruillaido iere caina titáacade jácifue mo ífredicai. Meita tíidino meine abido cáañeiteza, daí cai íadi ¿minica caimo ráifilla?

<sup>31</sup> Nágáruí cue titállena mamédiaioiza jácinomo iticue. Uáfueña daif iticue. Cue ámatiai, cai Ocuíraíma Jesucrístomo omoi ínuari uáfueña iere ióbidicue. Afe uáfueña cue ióbillá izóí, daje izóí uáfueña nágáruí titáacagacue. Iemona tíidino meine abido caalle uáfodo onóigaza.

<sup>32</sup> Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga nauí cue fuiríllamona ¿mínica cuemo ráifilla? Mei afe izóí cue illa cuemo ráifíñede. Meita uáfueña tíidino meine cáañeiteza, afe taino llotino ñue jaícina daidíaiói. Afémaci daina bie izóí jóide: “Mai raire cai güilli, güillano cai jirolli; mei úreitiruímo raire tíiticaíza afe mei ñine íñeíticai,” daidíaiói.

<sup>33</sup> Jáímamo omoi jífuefíñeno iri. Abina ñue onona uai uáfodo jóideza: “Fíénide nabáíñiai ñue illáfuiaina ñiné táinocaitate.”

<sup>34</sup> Mei jáífodo, ñue abina omoi onoiri. Omoi illafue ñue jaícina jóoneri. Fíénidífueña finóñeno iri. Mei ómoimona dáarie Juzíñamui nai figo onóñedeza. Omoi méaicaillena bie izóí ómoina daidicue.

*Tíidino meine abido cáadinona íllena abi Pablo llote*

<sup>35</sup> Nibai biruí ja dáarie jícanoite: ¿Mei ñie izóí tíidino cáaitiaíói? ¿Mei afémaci abi ñie izóí éroite?

<sup>36</sup> Afe izóí jícnua abina onóñedimie úrilla izoide. Mei daa rífiregaji; cai ríadi, afejí tíide izóí énie anamo fiébirede, áfemona ie iroci zicóllena.

<sup>37</sup> Eniemo riga raa, afénomona zicódirociñede, mei jáífodo dama ie iji ríina. Iemo diga jáíforiede íjai ríina: bellaji ríina, íemo mazácaji ríina, íemo arroz iji daje izóí ríina.

<sup>38</sup> Afe ríinaji zícua llezica ie ciona izóí Juzíñamui comúitate. Dani aféjiai dúina izóí zicótate. (Bellájimona bellari zócaja, íemo mazácajimona mazácari zócaja.)

<sup>39</sup> Mei afe izóí naga cáadinuiai abi jáíforie eroide. Come abi jáífoide, íemo rille abi jáífoide. Daje izóí féedino abi jáífoide, íemo chámuniaí abi jáífoide. Nana daje izóí eróíñede.

<sup>40</sup> Iemo jáí monamo ille abi íte, íemo jáí éniemo illa abi íte. Bíníemo illa abi ebírede, mei íadi monamo ille abi ebire eroína jáífoide.

<sup>41</sup> Jítoma egáíñua fiui egáíñuana eróíñede; jáífodo egáíñote. Daje izóí ucudu egáíñua izóíñeno, jítoma jáífoide egáíñote. Iemo jáí daa ucudu jáíe ucúdumona egáíñua jáífoide cíoide.

<sup>42</sup> Tíidino meine cáallífue bie izóí jóide. Rífaite íeizi éniemo raiga, íemo tííñeítinona meine abido cáaite.

<sup>43</sup> Jámaíruíga abi éniemo raiga, ie mei ebire cíoitaga abi meine cáaite. Daje izóí nane ríinide abi éniemo raiga ie mei ñue íocírede abi cáaite.

<sup>44</sup> Bíníemo cai jocoína abi éniemo raiga, ie mei mona dibénemo dúide abi cáaite.

<sup>45</sup> Mei daif Juzíñamui Cuegáuai llote: “Nanóidimie Adana cáadimíena íficaide. Iiraie Adán daina Cristo zíñona cáatataña joréñoredimie,” daide.

<sup>46</sup> Juzíñamui dibénemo cai comúitatimie nano fueñe cómuitañega, mei jáífoide bíníemo cai nanóidimie Adán fueñe comúitaina. Afe méífomo Juzíñamui dibénemo cai comúitatimie cíocaide.

<sup>47</sup> Nanóidimie énie ie finóinaza éniemo dúide. Méífoide Adán daina Cristo mona ie. Afémie cai Ocuíraíma.

<sup>48</sup> Afe énie finóinamie izóí, nana bíníe comíni ie abi izóidiaíói. Daje izóí Jesumo ínuamona monamo dúidino afe monámona bitímie izóidiaíói.

<sup>49</sup> Iemona énie ie finócamíena cai eroína izóí, afe izóí mona ímíena éroíticai.

<sup>50</sup> Amatiai, omoi cacai, ómoina dáitícue, nana bíníe dúide cai abi die diga jaca Juzíñamui illáimona illánomo jfo jáimide. Daje izóí raire táinocaitatífue zíñona illínomo dúíñede.

<sup>51</sup> Mei íadi nanómona uáfodo onóñega ráfueña ómoina onótaacadícué: nana tííñeíticai; mei íadi nana jáífoide méífoicaiticai.

<sup>52</sup> Uáfueña, Juzíñamui íraie vudugoi fúnuua llezica, jarire ui bótaçaila izóí raire jáífoide méífoicaiticai. Afe vudugoi ficire cáacaíllamona tíidino meine abido jaca tííñeíllena cáatalliaíói. Afe llezica cáimona cáadimaci jáífoide méífoicaiticai abido tííñeíllena.

<sup>53</sup> Mei caimo ite raire féítífue zíñona féíñeítífueña méífoicaírede. Daje izóí cai tíite abi zíñona tííñede abina méífoicaírede.

<sup>54</sup> Iemo afe bie caimo ite raire féítífue zíñona féíñeítífueña méífoicaílla llezica Juzíñamui Cuegáuai daina ñue jaícina zúite. Daje izóí cai tíite abi zíñona tííñede abina méífoicaílla llezica afe Cuegáuai ñue jaícina zúite. Afe Cuegáuai daina bie izóí jóide:

Caimo ite tíillífue,

caina éoidimie anáfenoina izóí, anáfenoga; ja táinocaide.



<sup>55</sup> Cai títaitifue caina izi cácatafirena ríino jae iñede.

Caina nie izói níbaifeite,  
mei ie mollerói izoide raa ja birui iñédeza.

<sup>56</sup> Nana comínimo fiénidifuiái illamona, títaitifue caina jacíruidade. Iemo jaiái Juzíñamui cai ocuilla uai llúamona cai fiéni finócafuái duere finórede. Iemona tíillifue cai anáfuenaua jaca jacíruidicai.

<sup>57</sup> Mei Juzíñamui cai Ocuíraima Jesucristodo áfemo caina anáfenotañenamona íena iere figura daiífiredicai.

<sup>58</sup> Ie jira, cue izíruiga ámatiai o íinogafuena jáífodo méidoñeno ñue jeire omoi oiri. Juzíñamui ocuica táijinafuemo nágaruillai iere omoi náfuefireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifiñeiteza.

## 16

*Dúerede cai ámatiai canóllena úcube eneno ofítafue*

<sup>1</sup> Crístimo ínote ámatiai canóllena úcube omoi jicánoga eneno ofítallifue llóiticue. Galacia éniemo ite Juzíñamuimo jaináidino cue llófuia izói, afe izói omoi ofítari.

<sup>2</sup> Naga semana táiniaruimo, ómoimona illa dígamie omoi oga úcubemona due jiza Juzíñamui íena oni eneno jóoneri. Nano omoi llínua dieze oni eneno jóoneri. Daií uícodo omoi ñue eneno énofireiri, cue billíruimo afe úcube ómoído cue íraifeillena.

<sup>3</sup> Uire cue bille llezica omoi nizeda dani baillímiedo afe úcubena Jerusalémo óreiticue. Afe llezica omoi cuelle uítimíai mámece illábedo íaíoina óreiticue. Afe bie izói omoi ofítaga úcubena Jerusalémo ite ámatiaimo óreiticue.

<sup>4</sup> Onoñegaza, cue jíeruia afémaci diga dane jáiticaí.

*Pablo jáinomo jáillena mamérite*

<sup>5</sup> Cue jáiadi Macedonia éniedo jáiacadicue. Afe méifodo daií Coríntomo dúciiticue.

<sup>6</sup> Mei nibai nano nié dino omoi cígiri íiticue. Nibai óñoñegaza bie rozírediruillaina omoi cígiri záitaiticue. Afe mei oni jáinomo cue jaille llezica cuena canórediomoi.

<sup>7</sup> Mei ómoimo fia jarire érocaillano jáiacañedicueza, cai Ocuíraima comeci játaia, omoi cígiri are íacadicue.

<sup>8</sup> Mei íadi Pentecostés rafue dúciille dino, benó Efeso jófuemo íiticue.

<sup>9</sup> Mei iere ñue Juzíñamui uaimo cue tájilliruimo íticueza. Aillo comini birui aféuaimo jíeruicadiaioi. Mei íadi afe llezica aillo afe uaina uáitatino ite.

<sup>10</sup> Timoteo ómoimo bíadi, mai omoi cígiri caimare íena omoi itátari. Afémiena omoi áfidoñeno iri. Mei afémie daa cai Ocuíraima ocuícamo cue izói táijideza.

<sup>11</sup> Ie jira ómoimona buna afémiena jámairuñeno iri. Mei jáífodo cue ie érozaibilleza caimare afémiena omoi canori. Mei naa jáíe ínote ámatiaioiri íena ocuúridicue.

<sup>12</sup> Cai ama Apolos dibéneño llóiticue. Nauí íemo izire jicadicue, jáíe ámatiaioiri omoi érozaillena. Mei íadi afémie birui jáiacañede. Uire ie jáiacalliruimo jáite.

*Iiraicaiño uáidonocaila uai*

<sup>13</sup> Mai abina ñue omoi onoiri. Crístimo omoi íinogafue jáífodo méidoñeno jeire omoi oiri. Jacíruiñeno ñue íociredimie izói omoi iri.

<sup>14</sup> Nana omoi jetáacaçafuái, conímama izíruillafuedo finori.

<sup>15</sup> Amatai, birui onódiomoiza, Estéfanas mámeçiredimie comini, nano fueñe Acaya éniemo ñúefuemo dóbaicaidino. Dóbaicallano jáíe Crístimo ínote ámatiai canóllena ja maméritiaioi.

<sup>16</sup> Jira afémaci, naa jáíe afémaci izóidinori anamo omoi caimare itábicaillena iere jítaidicue. Daje izói jáínona canófredino, naa jabo ocuúidinori anamo mai caimare omoi itábicaíri.

<sup>17</sup> Ja Estéfanas, Fortunato, Acaico diga billari iere íobidicue, mei cüemona jica itíomoiza cuena canónidiomoiza. Mei íadi afémaci ómoimona féiredifue cuemo finódiaioi.

<sup>18</sup> Afémaci cue comécina iere náiretadiaioi; daje izói ómoína náiretadiaioi. Afe izoide comínimo ñue omoi jíeruiri.

<sup>19</sup> Benó Asia éniemo ite Juzíñamuimo jaináidino ómoimo uallai orédiaioi. Daje izói Aquila ie ai Priscila diga naa íaillinoimo gairídinori, cai Ocuíraima mámeçido uai ómoimo orédiaioi.

<sup>20</sup> Nana benomo ite ámatiai orea uallai, mai omoi llínori. Daje izói conímama caimare uáidori.

<sup>21</sup> Cue Páblodicue. Dama bie cue ónoído cuela uai ómoimo orédicue.

<sup>22</sup> Ninó dámie cai Ocuíraima Jesucristona izíruicañedimie Juzíñamui faidólleza. ¡Cai Ocuíraima, mai raire biri!

<sup>23</sup> Cai Ocuíraima Jesucristo ómoína ñúefuena éziciteza.

<sup>24</sup>Nana omoi Jesucristomo jaináinado, ómoina cue izíruilla uai orédicue. Daiítadeza. Jae níie.

## MÉIFODO SAN PABLO CORINTO IMACIMO ORÉCABE Segunda Carta del Apóstol San Pablo a los Corintios

*Coríntomo ite Juzíñamuimo jaináidinomo Pablo cuete*

<sup>1</sup> Páblodicue. Juzíñamui comeci jítaina izói Jesucristo orécamiedicue. Timoteo cue diga illa llezica, Coríntomo ite Juzíñamuimo jainaide ámatiaimo bibe cueticue. Daje izói Acaya éniemo ite nana Juzíñamuimo dúidinomo bibe cueticue.

<sup>2</sup> Cai Moo Juzíñamui, cai Ocuíraima Jesucristo diga ómoína ñue ézicíteza. Afe llezica ñue uái illano dibénemo Juzíñamui Jesucristo diga ómoína jóoneíteza.

*Pablo duere zefuúllafue*

<sup>3</sup> Cai Moo Juzíñamuina ióbitaredicai, mei afémie caina dúeruite Mooza. Daje izói afe Juzíñamui iere caimo dúecaifrede. Afémie cai Ocuíraima Jesucristo Moo.

<sup>4</sup> Nana duere cai zefuúlla llezica, afémie caimo dúecaifrede. Afémie caimo dúecaide, afe izói jiáie duere zefuúdinomo cai dúecaillena. Afemona Juzíñamui caimo lloga dúecaillafue jiáimacimo llóredicai.

<sup>5</sup> Mei Cristo duere zefuúllafue dibénemo cai nabaia izói, afe izói Crístodo caimo iere ie dúecaillafue jeire óiticaí.

<sup>6</sup> Ie jira, níbai dama duere cue zefuúa, bie ómoína cue canóllena. Iemo níbai Juzíñamui cuemo dúecaiaí, áfedo daje izói dúecaillafue, naa jllonafue diga ótiomoi. Iemona daje cuemo comuide duere zefuúllafue ómoimo comuáí, raire jártaiñeno áfemo fia ocuúriredimoi.

<sup>7</sup> Omoi dibénemo uáfodo onóigafuemo ñue ínoticue, mei ñue onódicueza daje zefuúllafue dibénemo omoi illa dieze, afe izói Juzíñamui fecaca dúecaillafue ótiomoiza.

<sup>8</sup> Amatai, Asia éniemo cuemo comuide féiredifuiaina ómoimo fiditaiacadicue. Afénoimo cuemo comuide rífrede facátafue iere jamánomoizeza, áfena ocuúnidicue. “Níbai bífuemona jilloñoeno benó títicueza,” daiífiredicue.

<sup>9</sup> Aféruimo méinellena llavécamié abi izói cue abi cacaide. Mei íadi tíidino meine abido cáatate Juzíñamuimo cue ínunuana cue onóllena, afe zuufue cuemo comuide. Dama cue abí ínnoñeillena cue llófuete.

<sup>10</sup> Aféruimo Juzíñamui afe iere jacírede tíillafuemona cuena jllotote. Afémie nai birui jaca cuena jllotaoicaide. Daje izói úreitiruúllaido afémie aféfuemona cue jllotallemo ocuúricaidicue.

<sup>11</sup> Uáfuenta, cuedo Juzíñamuimo omoi jicáfireiaí; afémie cuena jllotaitaite. Aillo comini cuedo Juzíñamuimo úriadi, aillo íena ióbitaitaíoi. Juzíñamui cue ézicia ñuefuiaíri íena ióbitaitaíoi.

*Pablo Coríntomo jáiñenafue llote*

<sup>12</sup> Daa cue comécido onóigafuerei iere ióbidicue. Afefue bie izói jóide: cue comeci úrilla uai nífuenino bíniedo cue mácajana llote. Daje izói Juzíñamui eróicana jiáimana jífueñoeno cue mácaja llote. Omoi cígiri bie izói riire iticue. Juzíñamui caimare cue cánuado daií iticue. Dama cue fibíllafuedo daií íñédicue.

<sup>13</sup> Omoimo cue cuezgábaiimo báinino lloga uaina íñede. Omoi facádoia onuille raa ja uáfodo cueda.

Nane jiáifuena ñue omoi onóillemo ocuúridicue.

<sup>14</sup> Aféfuena jabo onódiomoi. Afefue bie izói dáiiacade: Cai Ocuíraima Jesús billíruimo ómoiri caimare abi cue ínua izói, afe izói cueri caimare abi ínnoitiomoi.

<sup>15</sup> Nana bífuiaí iere cue jieruúllamona, omoi eróizaillena fueñe mamériticue. Daií ménacaiño omoi cue éroizailleri ióbitiomoi.

<sup>16</sup> Macedonia éniemo cue jaille llezica omoi jarire cue méiñonocaillena comeci facádicue. Afe mei Macedóniamona abido cue bille llezica nane dáanomo omoi cue éroizaillena mamériticue. Afe daií afe méifomo judéamo cue jaille llezica cuena cánoitiomoiza.

<sup>17</sup> Bie cue mamérrillafuiai comeci cue faca llezica, ¿cuena níbai jiáfodo raire méidofredimie izoide daidíomoi? Bie éniemo ite fiénidino mamérrilla izói níbai cuena mamérite daidíomoi. Afémaci “Jii” daidíaioi; iemo méifodo daje llezica “Dama ite” daiífrediaíoi.

<sup>18</sup> Mei íadi Juzíñamui uáfuenta daiífredimie illa izói, afe izói táinona “Jii,” iemo “Dama ite” dáaruído ómoína daiífnidicue.

<sup>19</sup> Mei Juzíñamui Jitó Cristo Jesús jaca táinona “Jii,” iemo “Dama ite” dáaruído daiífnideza. Iemo Silvano, Timoteo, iemo cue, Cristo dáina uaillai omoi cígiri lloticaí. Nana Cristo lloga uai táinoñedeza, ua uai. Ie dánana méidofnide.

<sup>20</sup> Mei afémiedo nana Juzíñamui uícode llogáuai ñue jaícina zúdeza. Ie jira Juzíñamuina cai ióbitaja llezica, Cristo Jesudo “Daiítadeza” daiífredicai.

<sup>21</sup> Iemo jíai Juzíñamui ómoína naa cairi Crístopmo riire jaináitate, nana cai íinogafuemonna oní jíáfodo cai báiiñeillena. Daje izóí afémie ie táijinafuemo ñue caina jóonete.

<sup>22</sup> Juzíñamui ie Ñuera Joreño caimo íllado caina dama íeiena mamede. Afe ie Ñuera Joreño caimo íllamona ico jíáiruido Juzíñamui caimo fecállifuena cai llínollena uáfodo onódicai.

<sup>23</sup> Mei jíáifuemo omoi comécíiri. Omoína duéruiticueza, ómoína duere cue fínoñeillena, uícodo cue mamérilla izóí nai ómoimo biñédicue. Juzíñamui afe bie cue uaina nabáíllena jíacádicue, aféuai uafue daíllena. Cue daina uai uáfueñenia, Juzíñamuina abí fatátaiticue.

<sup>24</sup> Omoi íinogafuena riire ocuácañedicue, mei omoi íinogafuedo Jesucrístopmo ñue riire jaináidiomoiza. Mei jíáfodo conímamo táijina izóí, omoi iere aillo íóbillena ómoína canócadicue.

## 2

<sup>1</sup> Ie jira omoi cue zúcaitaibiñellena mamériticue.

<sup>2</sup> Mei omoi zúcaitaadicuena ¿mei bu cuena íóbitalle? Cue zúcaitaicino dani cuena íóbitalle, mei íadi cue dinena ómoína zúcaitaacañedicue.

<sup>3</sup> Ie jira nauí ómoimo cue cuegábemo cue daina izóí cueticue. Omoína zúcaitaibiacañedicue. Mei jíáfodo cuena íóbitarediomoí. Mei nauí aféruimo uáfueña onódicueza, cue caimare íllarui omoi caimare íitiomoiza.

<sup>4</sup> Omoimo nauí cue orécabe cue cuia llezica, iere cue comeci zúurenari éedicue. Mei íadi omoi zúucaillena afévena cueñédicue. Mei jíáfodo ómoína iere cue izíruillana omoi onóíllena cueticue.

*Fieni finófredimie ie illafue múñua mei, meine caimare uáidua*

<sup>5</sup> Mei íadi ómoimo riire úriacañedicueza bie izóí daíitucue. Dámie fieni illa dama cuena zúnaitañedeza, mei jíáfodo cue baimo nana ómoína zúnaitade. Daií daidicue iere riífuena jííñeilleza.

<sup>6</sup> Omoi gairilla llezica afe cómemo omoi mameca duere finóllifue ja figo báiteza.

<sup>7</sup> Mei benómona afémiemo jíáfodo úrirediomoí. Nauí ie finoca fiénidífue omoi féitano caimare íena omoi uáidori. Daje izóí íena dúcairediomoí, aillo ie zúnaiillamona afémie jamánomo anado fieni jííñeilleza.

<sup>8</sup> Ie jira ómoimo izire jíacádicue, afémie omoi izíruilla meine abido íemo omoi onótallena.

<sup>9</sup> Nauí uícodo bifue dibébedo ómoimo cueticue. Nauí omoi cue llófuiana nibai jeire óitiomoí, nibai jeire óñeitiomoí; afena cue onóíllena ómoimo cueticue. Daje izóí, omoi comeci ífue onóíllena afébedo ómoína facátaticue.

<sup>10</sup> Mei ja benómona, ómoína fieni finódimie omoi caimare uáidoia, cue daje izóí caimare íena uáidotucue. Meita afémie fieni fínuado cúemona nino féitalle fiénidino íadi, aféfuena féitaticue. Uáfueza ñue ómoína canóllena Cristo eróicana aféfuena féitaticue.

<sup>11</sup> Mei afe zúnaitagamie raire abido íena caimare uáidoredicaiza, afe zúufuedo Taiife raire íena ana úñeillena. Mei Taiife comínina bífuefírena uaillai ñue onódicaiza.

*Pablo Tróasmo uái íñénafue*

<sup>12</sup> Jesucristo lloga uai Troas jófuemo jino cue lluaíbilla llezica, cai Ocuíraima áíllomaci cuena jíeruitajamona Juzíñamui cue ocuilla táijinafuena uáfodo caimare fuitáredicue.

<sup>13</sup> Mei íadi Coríntomona bíacade cue ama Tito afémie cue cíónenamona cue comeci uái íñede. Mei jira Troas imácina facádonocaillano, oní Macedonia éniemo íena júnuaidicue.

*Jesucrístopmo cai jaináinamona buna anáfenoñegacai*

<sup>14</sup> Juzíñamuina iere figora daíífiredicai; mei Cristo nana éoidinona anáfenua izóí, Juzíñamui dáfeodo, Cristo diga, nágaruillado caina úcaiteza. Afe llezica ziórede raa caimare jállia izóí, afe izóí Juzíñamui Crístopna onóíllifuena caido nágagobiaido jica jalléitate.

<sup>15</sup> Cristo Juzíñamuimo fecaca ziórede uguci izóidinodicai. Nana jíllitoitnomo jallédicai, daje izóí niné féiraitinomo jallédicai.

<sup>16</sup> Afe niné féiraitinomo títede jucui izóí íaire jállecaide. Mei íadi jíllitoitnomo caimare íocire cáatate jállia izóí jállecaide. Bie Juzíñamui ebire mamérillafue, ¿bífuena bu mei ñue llínorena? Juzíñamui cuena cánua izóí canóñenia jaca buna figo llínonide.

<sup>17</sup> Juzíñamui uaillai jíáimacimo fécano úcubena llínoñedicue. Afena jaca raiñóñeno llócaidicue. Jáimací úcube óllena afe uai jíáfodo méidua izóí méidoñedicue. Mei jíáfodo Juzíñamui orécame izóí, afémie eróicana jíáima jífueñeno uáfodo úritucue.

## 3

*Juzíñamui comue ñue finóllifue bie izóí daide*

<sup>1</sup> Bie izói cue úrilla, ¿ómoimona nie izói cacaide? Nibai ¿dama cue abi ñnollena meine dáanomo ñue úriticue? Mei íadi daítañede. ¿Nibai cue ñue illánona onótatibiai ómoimo izájirede? Mei nibai jiáimaci ñnuva izói, ¿ómoimona cue ñue illánona onótatibiai jicárede?

<sup>2</sup> Mei daítañedeza. Dani omoi cue ñue illánona onótatibe izóidiomoi. Omoi baimo jiáie onótatibena jitáñedicue. Cue comécimo joide come ñue illánona onótatibe izóidiomoi. Aféuaina nana comini cúemona onórediaioi.

<sup>3</sup> Dama Cristo cuega onótatibe izóidiomoi. Cuedo cuezábiai izóidiomoi, mei cuedo ñuefueña llotátagaomoiza. Jamai tñtado cuezgabe izóidñediomoi; mei jiáifodo caade Juziñamui Ñuera Joreñodo úicaiganodiomoi. Daje izói Moisés noñicomo cuezáuai ña comini eróicana jeire oñediomoi, mei íadi omoi comeci úrillado Juziñamuina ióbitaacadiomoi.

<sup>4</sup> Nana afe bie ñuera cue dáinana jacíruiñeno dañiredicue, mei Cristodo Juziñamuimo daa uai ñieñeno ñnofiredicueza. Uáfueza, nana cue dáinana afémie ómoimo zúitaiteza.

<sup>5</sup> Mei íadi nana cue jetáacagafuii finolle riino dama cúemona comuñedeza; mei jiáifodo nana cue ñinócafuiai Juziñamuimona comuide.

<sup>6</sup> Ie lloga comue ñinóllifue mo cue tájillena, afémie ñue cuena rñnoretade. Afe Juziñamui comue ñinóllifue, jaiái cuega ocuicafue jeire cai úado caimo zuitánide. Mei jiáifodo Ñuera Joreño comuítaga cai comeci zúñña cáatatinó caimo illado, Juziñamui comue ñinóllifue caimo zuitárede. Afe cuega cai ocuilla uai cai titállena llote, mei íadi Ñuera Joreño cai comécina cáataite.

<sup>7</sup> Afe Moisés lloga ocuilla uai noñici ñinóinabicimo cuega. Aféuai lluaíbilla llezica, iere riire ebíredifuiado lloga. Aféruído Israel nairai, mei Moisés uieco jiáifodo iere quenire eróideza, afémiemo eróinidiaioi. Mei íadi afe riire ebíredifue ñaicana dúioicaide. Iemona afe ícoimo cai titalle ocuilla uai lluaíbilla llezica iere ebíreia,

<sup>8</sup> Ñuera Joreño caimo lluaíbiga uai, ua afe titade uai baimo jamánomo ebírede.

<sup>9</sup> Bifue bie izói dáñiacade: mei cai ñienidifuiamona cai titállena llote ocuilla uai iere ebíreia, birui aféuai baimo ñifuenino cai illena Juziñamui llogafue jamánomo ebírede.

<sup>10</sup> Afe ocuilla uai nauí iere ebírede, mei íadi Juziñamui como ñinoca jamánomo ebíredifue comuillamona, afe nanoide ocuilla uai jae figo ebínide; ja birui ráañede.

<sup>11</sup> Iemona nauí lloga are iñeno raire zaitifue ebíredenia, afe zúñña záiñeitifue nauí llogáuai baimo jamánomo ebírede.

<sup>12</sup> Ie jira afe bífue mo ocuírillano, jacíruiñeno caimare úriticue.

<sup>13</sup> Mei íadi cue bie Moisés ñnuva izói ñinóñedicue. Afémie uieco quenire cioina are iñédeza féibicaide. Ie jira afe quenire cioide dúillana Israel nairai cioiñeillena, Moisés ie uieco iníroina ibaide.

<sup>14</sup> Mei íadi dama Moisés uieco ibaina llezica afe nairai, uina cioñedino izói, íaioi ifoci úrilla figo deñede. Birui afe jaiái llogafue íaioi facádua llezica, afe ibaille iníroi izóidifue íaioi onóillifueña jánaide; mei afe ibaille iníroi izóidifue nai oni oñegaza. Afe jizítatifue dama Cristo oni órede.

<sup>15</sup> Nai biruímo Moisés cuezánicuai íaioi facádoia, afe ibáiraroi íaioi ifoci úrillana féitaoicaide.

<sup>16</sup> Mei íadi dáamie cai Ocuíraimamo ñinoia, afe ibáiraroi oni oga.

<sup>17</sup> Cai Ocuíraima afe íaioina zúñña cáatate Ñuera Joreño. Afe ie Ñuera Joreño mo jieruitimie ñienidena ñnuvamona ráiruiñegamiéna jáite. Daje izói afe Ñuera Joreño mo cai Ocuíraimamo ñnóte come, Moisés ocuica uáimona ráiruiñegamiéna jaide.

<sup>18</sup> Mei íemona cai uieco ibáillaroi izóidifue iñédeza, uáfori cioide acáraní izóidinodicaí. Afemona, cai Ocuíraima ebíredifueña acáraní egáñua izói, jiáimamo ja ciótaticai. Afe daíí cai bie Cristo izóioicaidicaí, mei nágaruillaído ie ebíredifueña jamánomo náamatañedicaiza. Bifue cai Ocuíraima ñinócafue. Afémie Ñuera Joreño.

## 4

<sup>1</sup> Afemona cue bie jaca comécina náinidino izóidñedicue, mei Juziñamui cuena dúecaillano bie tájijnafue cuemo jóoneteza.

<sup>2</sup> Báinino jiáima jífueñrenana ruifiruiticue naa jiáie meáiredifuiari. Daje izói jiáima caimare bífuia uaido úriñedicue. Afe llezica Juziñamui uaina meídota jiáifodo lloñedicue. Mei jiáifodo jaca uáfuedo úriticue. Afedo Juziñamui eróicana nana comini comeci ñue úrillado afe cue lloga ua uaina íaioina jieruitadicue.

<sup>3</sup> Mei íadi cai llócaiga jillona uai comínimona nano nígamíemo nai ónonino cacaide. Afefue daíí ite, mei afémaci dani ñine íaioi táinocallifue mo jáideza.

4 Mei afémaci Juzíñamuimo ñnoñenamona bínie naama Taiife, ui nirilla izói, íaiói ifoci úrilla uaina féitate, cue lloga comini jillotate ebírede Cristo ñúefuena íaiói ñnoñeillena. Afe ñúefue ñue úzere egáíñote raa izoide. Iemo afe Cristo Juzíñamuina jino uáfodo ñue onótate cáadimie.

5 Jino cue llócaína llezica, dama cue abi íena lloñédicue, mei jíáfodo afe Jesucristo cai Ocuíraima llócaidicue. Iemo cue dibénedo Jesuna cue izíruillamona ñue omoi íllena canódimiedicue daífiredicue.

6 Mei Juzíñamui énie comuítaja llezica, afémie “Mai batí jítino egáíñuairi” daide. Afe daif daidímie, cue comécimo ie ñúefue egáíña izói jónete. Afémie daif cuemo jónete, Crísto cuemo ácataga Juzíñamui ebírede cáimafuena ñue cue onóillena.

*Juzíñamuimo ñue cai ñnuado cai illafue*

7 Mei íadi afe Juzíñamui ráifide cáimafue cue zíifona íñeite abido onótacague. Bie cue abi are íñeite énie niina iciru izoide; mei íadi afe ñúefuena méidotarede íno bie cue jamai abimo jónega, afe ríno dama cúemona comuíñenana omoi onóillena; íemo jíáfodo afe ríno Juzíñamuimona comuíllana omoi onóillena.

8 Daif cue íllamona diga féirede finónidifuiái cuemo comuíadi, jaca Juzíñamui cánuado aféfuíai íñeite. Daje izói aillo ñonidifuiái zuure cuemo comuíadi, jaca nai ocuíñedímie izói íñédicue.

9 Mei jíámaci cuena duere finóllena cuemo racáadi, jaca zóofeñegacue. Fánamona ana dotaca izói íticue íadi, jaca niné táinocaiñedicue.

10 Nágaruíaimo cue jailla llezica, Jesús íaiói fállena mámia izói maméfiregacue. Nágaruillaído afe titállena mamécámie izói cue illa llezica, afémie ñue cuena náiretade, birui ie cáananona jino comínimo cue onótallena.

11 Mei nai cue caana llezica, nágaruillaído Jesús ícoínia jacire titállena mamécacue, Jesús cáanana, are íñeno tíite cue abido cíotafireillena.

12 Daif cue zefuillamona cue dibénedo titaigamiéna jáiticue, mei íadi omoi dibénedo dáaruído omoi cáataganona jáitiomoi.

13 Juzíñamui Cuegáuaimo dáamie duere ie zefuíbicailla llezica daide: “Juzíñamuimo ínoticue ie jira úriticue.” Mei daif cue jíai afémie ínua izói ínoticue, ie jira Juzíñamui ñúefuedo úriticue.

14 Ñue onódicueza, afe tíide Cristo meine abido cáatate Juzíñamui, afe cáataga Jesúoiri nane cuena cáataite; íemo daane cue, naa ómóiri, ie illánomo úite.

15 Nana bífuíai ñue omoi íllena daif íficaide. Iemona nai aillo jíaié comínina Juzíñamui ñue éziciite. Aillo ie ézicia izói afe dieze aillo comini jamánomo ñúefue íemo nítaitaíoi.

16 Mei íemona cue jaca comécina náinidino izói íñédicue. Meita cue abi náiníoicaide íadi, cue comeci dímena jaca nágarui náireioicaide.

17 Mei íemona biniemo cue caana llezica duere cue zefuillafuiái figo ráañede. Raire líicaite. Ie méifomo afe zuufue baimo ite aillo ninomo fúíñeite ebírede cáimafuiái cuemo cómuite.

18 Ie jira úido cue cíónamo ébicaiñedicue; mei íadi cue cíóñenafuiáimo ébicaiñedicue, mei afe ciona raana are íñeno raire táinocáiteza. Mei íadi afe cíóñena raa jaca zíifona íite.

## 5

1 Ja ñue onódicueza, cue caana abi are íñeno zabide jofo izoide. Iemo jíai onódicueza, bie cue abi táinocaille llezica, Juzíñamui cúeiena monamo zíifona zábiñeítico ja nite; afeco come ónoído níñega.

2 Uáfueza, cue caana abido cue illa llezica, monamo ítícomo íere cue jáiacana comécido éfiredicue.

3 Afénomo jáiániacadicue, mei afeco iniroi come abi jífua izói, cue joréñona ñue jífoiteza. Afemona come abimo íñede joréñona íñeiticue.

4 Mei jofona mameca abimo cue illa llezica íere zúunaillano comue abina izire óiacadicue. Mei, bie cue jácaie abina, iniroi come abimona duíña izói, cue joréñomona duíñoacañedicueza; jífoñega joreño izói íacañedicueza. Mei jíáfodo iniroi jita izoi, comue cue abi cue joréñomo jítaacadicue. Daif cómuena méidoacadicue, bie cue táinocáite abi, comue cue cáaillinodo nine féitallena.

5 Dama Juzíñamui bie izói abi cue méidollena cuena mamede. Iemo birui ie Ñuera Joreño afémie cuemo fecade. Afe ie Ñuera Joreño cuemo íllado ñue onódicueza, nana Juzíñamui cuemo fecalle ñue líínoiticue.

6 Mei áfemona, comue méidoga abi cue líínollena áfena ñue cue onónamona caimare ocuíridicue. Nai bie abido cue illa llezica, onódicueza, monamo cue íllícomona jino íticue. Bie izói daina cue Ocuíraima diga íñédicue.

<sup>7</sup> Afe llezica birui fia cue ciónafuedo ínidicue, mei jiáifodo Juzíñamui mo cue únogafuedo íredicue.

<sup>8</sup> Mei jira uáfueña cue llínollena ñue cue onónamona caimare ocuírídicue. Bie cue illa abina fáicanocaiacadicue, monamo jaillano cai Ocuíraima diga cue illena.

<sup>9</sup> Ie jira bie éniemo afémie diga cue iñena llezica, daje izói afémie diga cue illa llezica, jaca íena cue íobitallena jamánomo nícidoticue.

<sup>10</sup> Mei comini finócafue Cristo riire jicánoranomo nana cai afénomo ácataredicaiza. Afénomo illa dígamie bíniemo illa abido íaioi finua dieze, nibai ñúefue nibai fiénidífue, áfeze jirídoitiaioi.

*Juzíñamui meine caina caimare uáiduafue*

<sup>11</sup> Ie jira afe naga come Juzíñamui riire jicánolle mo ñue jacíruiociana comeci facádicue. Afemo cue comécillamona naga cómena Juzíñamui llógamo jieruitaacadicue. Mei íadi cue illáfueña Juzíñamui onode. Afe izói cue ñue illáfueña omoí onóille mo ocuírídicue.

<sup>12</sup> Dáanomo dama ñue cue illáfuedo úriñedicue. Mei jiáifodo cuedo caimare omoí úrillena bie izói ómoína daidicue. Afemona jínoidifuedo abí únnotino uai omoí ollúuai íteza. Afémaci jofo comécimo itífueña náfueñediaioi.

<sup>13</sup> Mei nibai comínimona dáarie cuena daina izói, uáiritaidimie izói iticue íadi, Juzíñamui íena daí iticue. Mei jiáifodo uáiritaiñedicueza ñue omoí illena canódicue.

<sup>14</sup> Mei ñue onódicaiza dama Cristo daiñámie nana comini meífomo tíide. Afe caina ie izírullamo comécillano, nana aféniemo únnotino íaioi fiénidífuiái tíidena mámano áfena fáicanocaidiaioi. Afemo cue comécillado Cristo caina izírulla ñúefueña cuena izire llócaitate, ñue omoí illena. (Daje izói bie Cristo caina izírulla, ñue illáfuedo cue jáillena cuena ocuíoideza.)

<sup>15</sup> Uáfueza, Cristo nana comini meífomo tíide, nana cáadino dani íaioi jitailla izói íñeillena; mei jiáifodo, afémaci dibénedo túllano meine cáadimie Cristo comeci jitailla izói íaioi illena.

<sup>16</sup> Ie jira bínie comini jínoidifuedo comeci faca izói, nino bumo comeci facáñedicue. Mei naui uícodo Crísto mo bínie comini comeci faca izói, comeci facádicue, mei íadi ja birui daí aféniemo comeci facáñedicue.

<sup>17</sup> Mei daí, Crísto mo dájena jaináitagamie comue cómena jaide. Jaiaie ie illáfuiái fiénocailano nágaíuai cómfuiaina méidoga.

<sup>18</sup> Nana bífuiái Juzíñamui mámiama Juzíñamui dama aféniemona Crísto mo meine caimare cuena uáidote, íemo jiái nana comini aféniemo meine caimare úritallena cuena ocuíoideza.

<sup>19</sup> Bie izói daífacana: Juzíñamui ie Jitó Crísto mo nana comínina íena meine caimare uáidotade. Aféruimo, comini finoca fiénidífue féitano caimare íaioína uáidote. Afe dáruido Juzíñamui meine comínina caimare uáiduafue oni llujállena cuena jónenocade.

<sup>20</sup> Afemona Cristo íena uai llotínona ómoimo biticue. Ie jira birui ómoína cue daina uai, dama Juzíñamui ómoimo cuedo jicaca uai izoide. Mei jira Cristo dibénedo ómoimo izire jicádicue. Maí, meine abido Juzíñamui caimare uáidori.

<sup>21</sup> Afe Cristo jaca íaífuena finóñede. Mei íadi cai meífomo Juzíñamui afémiena fiénidífuiáiredimie izói duere finode. Daí íena finode, Juzíñamui anamo ñue jaícina illáfueño cai illena; mei íe ñue illa izói cai illena Juzíñamui jítáideza.

## 6

<sup>1</sup> Afe daí Juzíñamui tájijnamo afémiena nabádicue. Ie jira afémie ómoimo lloga ñuera cámafuiái táinomo omoí fáifitañeno íri.

<sup>2</sup> Mei Juzíñamui íe Cuegáuaimo daide:

Comínimo caimare cue uáidollena cue mamécaruimo ona cacádicue.

Daje izói jíllonarui mo ona canódicue.

Ja birui Juzíñamui caimare o uáiduarui. Daje izói birui o jíllonarui.

<sup>3</sup> Iemona Juzíñamuimo cue tájijina llezica, buna llótaidonidicue, cue tájijnafuemo fiení íaioi úriñeillena.

<sup>4</sup> Mei jiáifodo nana cue jetáacagafuiáido Juzíñamuimo tájijidimie cue illana ácataacadicue. Duere zefuídicue íadi comécina raire járidoñeno fia ocuídicue. Afedo Juzíñamui íena cue illana jino ácataticue. Daje izói cue jitaica raá íñena llezica, íemo llotáiredífuiái cuemo comuilla llezica áferi járidoñeno ocuídicue.

<sup>5</sup> Daje izói cuena zechénuano llavédiaioi. Cue duere finóllena jacire lléjellejedino cígiri iticue; íemo íere rírede tájijnamo iticue. Diga ícaíño raire íniana onóñedicue; daje izói jiái juffruiticue.

<sup>6</sup> Daje izói íainidimiena cue íllado Juzíñamuimo ñue tájijidimiena cue illana ácataticue. Iemo diga jiáífuáido daí cue illana ácatafiredicue. Uafue uaina cue onónado ñue cue illáfueña

ciótaticue. Iemo cue járitañenafuedo naa cue dúecaifirenafuiaido áfena ciótaticue. Iemo jiái Ñuera Joreño cuemo illado, naa jiáimana jífueñeno cue izíruifirenado Juzíñamui íena cue illana ácatafiredicue.

<sup>7</sup> Iemo ua uai cue llócaillado, naa Juzíñamui ríino cuemo illado: nana bífuiaido Juzíñamuimo ñue táijidimiena cue illana ácatafiredicue. Afe llezica jaícina joide illáfuedo jáifiredicue, mei áfedo fiénide uállaina oni caitáredicueza. Daje izói áfedo cue abina ríidoredicueza.

<sup>8</sup> Daruúrie ñúefuiai cuemo nitádiaoi, mei jiáiruido fiénidifue cuemo jitádiaoi. Daje izói jiáiruido cuedo ñue úritiaoi, íemo jiáiruido cuena íáiruitiaoi. Iemo dárie cuena comínina bífuetimiena daidíai; mei íadi jaca uáfueña úricaidimie ítícueza.

<sup>9</sup> Iemo dárie cuena “Bu ónoñegamedio” daidíai; íemo jiáimaci “Ñuera cai cómedio” daidíai. Daruúrie titácamie izói ítícue, íadi nai cáoicaidicue. Iere duere finócacue íadi méineñegacue.

<sup>10</sup> Zuure ítícue íadi jiáfodo jaca ióbidicue. Mei ráanidimiedicue íadi, aillo jiáimacina ráaredino izói ráanaitadicue. Dúeredino jofófemo dúeredimie izói cue íadi, nai ráaredimie izói nana ráaniairi ióbidicue.

<sup>11</sup> Coríntomo ite cue ámatiai omoi cacai. Omoi diga báinino úriñedicue, jaca uáfodo úrifiredicue. Cue comécimo itífueña uáfodo jino ómoimo llotícue.

<sup>12</sup> Omoína iere duéruillano rairuíñeno ómoína caimare uáidofiredicue. Mei íadi omoi dinena cuena ñue izíruillana ráiruitiomo.

<sup>13</sup> Urue Moo, íe úruena izire jica izói, afe izói ómoína izire jicádicue. Omoimo uáfodo jino cue llua izói, afe izói omoi comécimo itífueña jino uáfodo cuemo omoi llóllena izire jicádicue.

#### *Caade Juzíñamui illaco izóidicai*

<sup>14</sup> Juzíñamuimo íinoñedinomo dájena omoi jaináíño iri. Omoi jaináíadi, dájena jaícina íñenafue comuúdeza; ómoína jiáfodo itátaite. Mei ¿nie izói jaicinaidifue fiénidifue diga dáanomo jainárede? ¡Jaca jaináimide! ¿Mei úzefo naa jítifo diga dájena nabárede? ¡Nabáimide!

<sup>15</sup> ¿Taife meita Cristo diga dájena caimare írede? ¡Jaca ínade! Juzíñamuimo ínotino ínoñedino diga ¿ñífue dájena íaioimo dúina? Dáanomo dúitífue íñede.

<sup>16</sup> Mei dama Juzíñamui daina izói caade Juzíñamui illaco izóidimioi. Afémie daide: Íaioimo ítícue; íaioi cígido macácaíticue. Cue be íaioi Juzíñamuiticue.

Afe izói cue comínina íitíai, daide.

Iemona Juzíñamui illaco jánarai diga ¿ñífue dájena íaioimo dúina? Dáanomo dúitífue íñede.

<sup>17</sup> Íe jira cai Ocuíraima bie izói daide:

Juzíñamuimo ínoñedino cígimona oni omoi jai, afénomona oni omoi íi.

Íáiredifuiái dibénemo íñeno iri.

Iemona ómoína caimare uáidoíticueza.

<sup>18</sup> Afe llezica omoi Móoíticue.

Iemo dáaruido omoi cue úruíaina íitíomoi.

Afe bífueña jamánomo rírede cai Ocuide Juzíñamui daí daide.

## 7

<sup>1</sup> Cue izíruiga ámatiai, Juzíñamui jaiái uícodo lloga cáimafuiai bie izói joide. Afe daí caimo illamona nana jiáiforiede cai íaifuiamona mulíñócana izói oni íredicai. Abi íaifueña daje izói cai joreño íaifueña fáicanocairedicai. Juzíñamuina ñue jacíruillano cai comeci íaininafue íe eróicana jaícina jóoneredicai.

#### *Corintio imaci comeci méidua*

<sup>2</sup> ¡Mai cuena caimare omoi uáidorí! Cue bie jaca buna fieni finóñedicue. Daje izói buna íáire finóñedicue. Iemo ómoimona jaca buna jífueñedicue.

<sup>3</sup> Bie izói cue dánado ómoína íáire finótañedicue. Mei nauí ómoína cue daina izói, nai cue caana llezica, nágarui ómoimo cue comeci fáioidicueza. Uáfueña dájena cue tuílliruimo ómoimo cue comeci fáioidicueza.

<sup>4</sup> Omoína iere caimare ínotícue; daje izói ómoiri ñue abi ínotícue. Iemona diga duere zefuúllafue cuemo comuilla llezica cue comeci jaca náirede, íemo jiái jamánomo caimare ítícue.

<sup>5</sup> Mei daí nauí cuemo comuúdeza. Nauí Macedonia éniemo cue jaiilla llezica afénomo uái cue illirui jaca íñede. Mei jiáfodo náganuiado féiredifuiái cuemo comuide. Cuena uáitatino nágafene cue ciríoidiaoi, íemo diga jiáifuiari comécido jacínaioicaidicue.



<sup>6</sup> Mei íadi comécina náinidinona náicaitafírede Juzíñamui cuemo dúecaide; cuemo dúecaillano Tito dúcinado ñue cuena náicaitade.

<sup>7</sup> Daa ie dúcinari íobiñedicueza, mei dáanomo omoi méidoga ñue illáfuedo afémiena omoi náicaitari íobidicue. Afémie omoi iere cuena cíocanafue cuemo llote. Iemo jíái nauí omoi cígimo comuífueri omoi iere zúunaillana Tito llote. Daje izóí cueri omoi comeci llícitaillari, naa cuemo omoi jíeruiacanari íobidicue. Bífuiaina cue fidínamona jamánomo íobidicue.

<sup>8</sup> Mei nauí ómoimo cue orécabe ómoína zúucaitade íadi, biruí áferi zúucaíñedicue. Mei níbai nauí áferi zúucaidicue, mei íadi biruí Tito cuemo llua izóí afebe are ómoína zúucaitañenana fidídicue.

<sup>9</sup> Iemona biruí íobidicue. Omoi zúucaillari íobiñedicue, mei jíáfido afe omoi zúucaillafuedo omoi comeci ífuena méiduari íobidicue. Bie zúucaillafue ñue omoi ocuillado Juzíñamuina íobitade. Iemona ómoimo riire cue cuegabe ómoína fieni finóñede.

<sup>10</sup> Mei uafue, Juzíñamui íobilla ñue caí ocuíoiga zúucaillafuai caí comeci ífue ñúefuena méidotade. Iemo afe ñúefuena méiduado jilloitícaí. Mei íadi bíniemo ite íinoñedino zúucaillafue íaoina ana tíillinomo úite.

<sup>11</sup> Ómoimo comuide zúucaillafue ñue omoi ocuillari Juzíñamui íobide. íemo biruí omoi cígimo ñue comuífuiamo omoi éroi! Afe zúucaillafue nauí ómoimo ite fíenidífue mo riire ómoína ñue comécitade. Iemo afe zuufue omoi finoca fíenidífue jino uáfodo llotátate. Daje izóí afe zuufue dani ómoína ríicaitade; íemo ómoína jacíruidade. Afe méifomo iere cuena cíocadiomoi. Afe llezica omoi cígiri ite fieni finódimiena duere finótaicadiomoi. Nana bífuiamo omoi nífueninana jino ñue cíotatiomoi.

<sup>12</sup> Mei daíí afe orécabe cue cuia llezica afe fieni finódimiemo figo comécíñedicue. Daje izóí duere zefuídimiemo figo comécíñedicue. Mei jíáfido ñue omoi illífue mo comécídicue, cuemo omoi comeci ñue fáiana, Juzíñamui eróicana, omoi onóillena. Ie jira afebe ómoimo cueticue.

<sup>13</sup> Iemona bífuiado cuemo caimare dúecaidiomoi.

Mei íadi omoi cuemo dúecailla baimo Tito iere caimare íllari jamánomo íobidicue. Mei nana omoi afémie ñue uái íllena íena canódiomoiza.

<sup>14</sup> Nauí omoi dibénedo Títomo cue úrilla uai meáiruñeno jaca ñue cuemo baite. Omoi ri abi cue ínuana afémie mo lloticue. Ja biruí, nana ómoína cue daina uai uáfue na jailla izóí, afe izóí ómoi ri Títoma cue daina uai uáfue na jaide. Iemona nauí afémiena cue daina uai táinomo omoi fáifitañenari iere íobidicue.

<sup>15</sup> Ja biruí Tito ómoína iere izíruite, mei nana ómoimo ie dáinado cue ocuífufuai jeire omoi úamo afémie caimare uibíoideza. Daje izóí jacíruioicana caimare ie omoi llínuamo nai comécioide.

<sup>16</sup> Iemona ómoína jaícina ñue cue ínuari íobidicue.

## 8

### *Jeruíñeno fecáredicai*

<sup>1</sup> Amatíai, biruí Macedonia éniemo ite Juzíñamuimo jaináidinomo afémie dúecaíñenamona íaioi jeruíñeno diga raa fecáñenamue ómoimo llóiacadicue.

<sup>2</sup> Mei íaioimo comuide féiredífufuai iere íaioína jacire facátate íadi, caimare itíaioi. Daje izóí iere duérediaioi íadi, ráaredino izóí raana jeruíñeno fecáñerediaioi.

<sup>3</sup> Mei dani íaioi comeci ñue jítaina izóí nana íaioimo ite dieze jeruíñeno fecádiaioi, íemo afe íaioi írede úcube baimo nane fecáñerediaioi. Aféñue mo uaina nabáidicue.

<sup>4</sup> Bie Macedonia imaci Judéamo ite amatíai íaioi canóllena cuemo izire jicádiaioi.

<sup>5</sup> Íaioimo comeci cue faca baimo fecáñerediaioi; mei fueñe Juzíñamui comeci jítaina izóí, “Juzíñamui ocuilla raire fínoitícaí,” dainano afémie mo ñue ínotiaioi. Afe mei daje izóí “O ocuilla raire fínoitícaí,” cuena daídíaioi.

<sup>6</sup> Afémaci daíí daina jira, Títomo izire jicádicue, afémie nauí omoi cígiri taineca omoi jeruíñeno fecaca úcube íráiafue biruí ñue ícoimo fuitállena.

<sup>7</sup> Mei nágafuai dibénemo iere ñue finódiomoi: ínogafue dibénemo jamánomoidiomoi. Iemo ñue llófuana jamánomo baitádinodiomoi, naa ífoci úrillafuai ri. Daje izóí ráiraíñeno íocirenafue dibénemo jamánomoidiomoi, naa cuena omoi izírullafueri. Daíí omoi íllamona, mai bie jeruíñeno raana fécafue dibénemo daje izóí jamánomoidinona omoi íri.

<sup>8</sup> Bie fécafue na ómoína finótañedicue. Daa jíáimaci raire raana fecáñenamue na omoi onótaacadicue, áfena omoi fidínamona íaioi feca dieze raire omoi fecállena. Afe daíí raire omoi fecácanado omoi izírullafue na jíái uáfue na daíítomoi.

<sup>9</sup> Mei cai Ocuíraima Jesucristo caimo dúecaillana ñue onódiomoiza. Afémie fueñe monamo illa llezica bínie comini ráanailla baimo jamánomo ráaredimie. Mei íadi bínemo bíllamo caina izíruillano dama abina dúeredimiena finode, ie dúerenado Juzíñamui dibénemo caina jamánomo cai ráanaitallena. Mei uáfueza, nauí Cristo monamo illa izói, afémie caina itátaiacade.

<sup>10</sup> Bie jíaimacimo fecáfírenafue dibénemo omoi ñue íllena, cue comécimo ite cue fácaja ñuera uai llóiticue. Nauí jaide fimónamona nai biruimo afe jeruíñeno fécafueña ñue tainédiomoi. Daa due jiza fécaítino izói, tainéñediomoi, mei jíáifodo íocire caimare fecáfírediomoi.

<sup>11</sup> Jira benómoma mai ñue ícoimo omoi fuitari. Nano fueñe omoi táinia llezica, omoi íocire caimare fecáfírena izói, afe izói áfena ñue ícoimo fuitari. Omoimo ite dieze, jeruíñeno fecáfíreiri.

<sup>12</sup> Dámie uáfueña Juzíñamuimo fecáacania, afémie Juzíñamuimo fecaca raa Juzíñamui caimare llínoite. Mei uáfueña comínimo ite dieze Juzíñamui caimare llínofiredeza. Afe baimo cómemo íñédena afémie táinona jicáñede.

<sup>13</sup> Jíaimaci omoi canófirenado ómoina dúeredinona finóacañedicue.

<sup>14</sup> Mei jíáifodo illa dígazie dájerize omoi ráarerí, daídicue. Jíáziena jamánomo baimo ráarerí, daíñedicue. Biruí íaioi jitailla raana omoi ñue fecáfírediomoi. Iemo uire omoi jítaíllíruimo omoi jítaílle raana afémaci ómoimo fecáfírediaioi. Afe bie izóidemona afémaci naa ómoiri jaícina dájerize ráareitíomoi.

<sup>15</sup> Jaiái afe monámoma Juzíñamui oreca maná daina pan izóidena dibénedo Juzíñamui cuegáuái daje izói daíí dáideza: “Aillo ofítatímíemo minícana fiebíñede. Iemo figo ofítañedímíemo ie jitaica raana íñede.” Iemona nana dájerize ráareitíomoiza.

#### *Tito naa ie nabáíñíairi*

<sup>16</sup> Ja jíáinodo Juzíñamuina “Figora” daííñedicue. Mei omoi ñue íllena ómoimo cue comeci úina izói, afe izói Juzíñamui Tito comécina ómoimo jóonetadeza.

<sup>17</sup> Afémíemo cue jóonenocaigana afémie ñue jíeruite. Iemo dama ie comeci ómoimo járitaíñenamona, ja biruí dama ie comeci jítainado omoi eróizaide.

<sup>18</sup> Tito díga daa ñue mámecina jica jalléidimiena orédicue. Nana gairíñírede Juzíñamuimo jaináidinodo ie mámecí jica jalleide. Jíllona uaimo afémie íere ñue tájínado ie mámecí jica jalleide.

<sup>19</sup> Daa bífueñedeza, mei jíáifodo Juzíñamuimo jaináidino afe bie cai ama nizédiaioi cue díga jáillena. Daje izói cue canóllena afe ñue ínotimíena nizédiaioi. Afe jíaimacimo omoi dúecaílle úcube cue fecállemo afémie cuena cánoite. Cai Ocuíraimamo ñuera uai nitállena bie izói finódicue. Daje izói íemo jíái omoi íocire comínina canóacanana ácatallena, bie izói mamédicue.

<sup>20</sup> Bie úcube cue iráiamo buna fiení uríñeíllena bie izói finódicue.

<sup>21</sup> Bie izói ñue jaícina uáfodo canóacadícue, Juzíñamui eróicana ñue cue íllena. Dama Juzíñamui eróicana daíí íñédícueza, daje izói jíái comini eróicana daíí íticue.

<sup>22</sup> Afe íaíllínodo jíáie cai izói ínote ámatiaimona dáamie orédicai. Afémie íocire ie maméíllana díga jíáífuíaido ácatate. Iemo biruí ómoimo íere ñue ie íñuado, ie íocire maméíllana jamánomo jino ácatate.

<sup>23</sup> Daa come “¿Mei bu Títoma?” daííadi, “Jadíe omoi cue cánuamo cue nabáíñíredimie,” omoi daííri. Iemo afe Títodo jaide íaíllínímo comini jicánoiadi, “Cristómo jaináidinomona orécaííllínímo,” omoi daííri. Afe llezica “Bie come íaíllínímo ñúefue Cristómo nitáfírediaíllínímo,” omoi daííri.

<sup>24</sup> Iemona bie oreca íaíoimo, uáfueña íaíoína omoi izíruíñírenana ñue íaíoimo ácatari, nana Juzíñamuimo jaináidino onóilleza. Afe izói bie orécamací ñue omoi llíñuado, ómoído abí cue íñuana, uafue daíítaitíomoi.

## 9

#### *Amatíai íena úcube íraica*

<sup>1</sup> Juzíñamuimo íñotino, cai ámatíai izóidino íaíoína úcube iráia dibenedo, ómoimo uáfueña cúnedicue,

<sup>2</sup> mei omoi fecállena raíre maméíñírenana ñue onódicueza. Omoi Acaya énie ímácídiomoi. Nauíde fimónamona omoi fecalle raamo raíre maméíñírenana Macedonia énie comínimo jaca caimare llóíñedicue. Macedonia comínimona nabézie, omoi íocire maméíllana fídíllamona comécído náicaídiaioi.

<sup>3</sup> Mei íadi bie úcube iráia dibénedo ómóido cue lloga ñúefue táinomo fáifñiellena, bie cai ámatiai ómoimo orédicue. Daií íaióina uícodo orédicue, nauí cue daína izóí afemo ñue omoí finóbillaena.

<sup>4</sup> Macedonia imácimona dárie cuedo jaia, nai omoí finóbñenana baizájillena gáññedicue. Daií omoí illana íaiói baizájyadi, afe cuena meáidaitade, meí afedo nano uícodo omoí ñue cue ínuana táinomo fáifñitaiómoiza. Iemo jíái afémaci daií omoí illana cóicaizaibiadi daje izóí dani ómoína meáidaitaite.

<sup>5</sup> Afe bíemona nano uícodo ómoimo bie cai ámatiai cue orelle iere jítaíredeza, daií comeci facádicue. Iemo daje izóí afémaci nauí uícodo omoí mameca aillo úcube iráiana ñue ícoímo fúitana cánoítaiói. Bímaci omoí cánuamona afe úcube iráiana fúitano, afe úcube caimare omoí fecállemo ñue finóbítioímoí. Iemona afe omoí fecalle cue riire ocuínidicue. Dani omoí comeci ñue jítainana ácataitioímoí.

<sup>6</sup> Ja cue lloflífue mo omoí uibóiri. Due ritímie jaca due jofo ote. Iemo daje izóí aillo ritímie aillo jofo ote.

<sup>7</sup> Ie jira illa dígamie ie comeci caimare mamérilla izóí ie úcube írede. Jeruillano éoinamona fecánide. Daje izóí jíáima ocuóillamona ínide. Mei Juzíñamui caimare fecáfiredimiena izíruiteza.

<sup>8</sup> Cai Moo Juzíñamuimo nana jíáifoide omoí cáimacaitade ráaniai iere aillo íteza, facadóñeno jamánomo ómoimo fecárede. Daií nana dani omoí jitaica ráaniaina ómoimo nágarui ífíreite. Mei íadi dani ómoíeñedeza, meí jíáfodo ómoimo aillo ite ráamona, nana jíáíforiede raado jíáímacina jeruñño canóredioímoí.

<sup>9</sup> Juzíñamui Cuegáuai bie izóí daide:

Dúeredinomo afémie jeruñño aillo fecade.

Comínimo afémie ñue finócano jaca are iite.

<sup>10</sup> Iemo afe daade Juzíñamui omoí ríllena jíáie ríamo llizítano ómoimo fecáfírede. Daje izóí afe riga zícuaomona, Juzíñamui afemona omoí güille raana comuítano ómoimo fecáfírede. Iemona nana omoí jítailla ríllena afémie ómoimo fécaite; iemo dáonomo omoí rigánuiaina jamánomo aítátaite; áillamona jamánomo aillo óitioímoí. Daií omoí jamánomo óllemona jíáímaci canolle raa diga icaíño ómoimo íiteza.

<sup>11</sup> Afemona diga jíáíforiedena ráareitioímoí, jíáímacimo jeruñño aillo omoí fecáfíreillena. Iemo cue uire omoí orelle úcube cue izájillamona jíáie cai ámatiaina Juzíñamuina “Iere figura” dáítaite.

<sup>12</sup> Mei jira afe bie cánua Jerusalemo ite cai ámatiaimo cai feca llezica, daa íaiói jitaica ráaniai íaióimo fecáññedicaiza, meí íadi afémacina Juzíñamuina “Iere figura” daiítataícaí.

<sup>13</sup> Iemona dani afémaci Juzíñamuimo ñue úritiaíoi, meí bie cánua Cristo ñuera uaina omoí jíeruillana íaióimo jino ácatate. Daje izóí afémacimo íemo naa jíáímacimo jeruñño aillo omoí fécajana íaiói cónamona, Juzíñamuimo ñuera uaina jóoneítiaíoi.

<sup>14</sup> Iemona ómoína iere duéruillano, afémaci afe íbana ómoína Juzíñamuimo jícaítiaíoi. Juzíñamui ómóido jino ciotaga aillo dúecaíñrenamona afémaci ómóido Juzíñamuimo úríñreitiaíoi.

<sup>15</sup> Ie jira Juzíñamui afe caimo lloga áillo dúecaíñrenana jamánomo ñúénamona, ía iga raa izóideza, áfena jino uaido jaícina llónidicaiza. Afe caimo dúecaíñrenari Juzíñamuina “Iere figura” mai cai daiílli.

## 10

*Cristo orécamierna íllamona Pablo ocuilla ríino ite*

<sup>1</sup> Cue Páblodicue. Cristo caimo dúecaíñredeza, íemo jíái afémie iere cáimamieza cue daje izóí izire ómoimo jícaíticue. Omoimo riire cue úrízaíññiellena ja bíruí jícádicue. Dáarie cuena uáítatino bie izóí cue dibénedo daiíññedíaiói: “Pablo omoí cígiri ílla llezica afémie iere comécina mánaidimie, meí íadi afémie jica jíáinomo ílla llezica afémie abído riire ocuídímiena dóbaicaide,” daiíaiói.

<sup>2</sup> Mei jíáfodo, omoí cue eróizaíbilla llezica, ríírede uaina ómoimo cue úrízaíññiellena izire jícádicue. Mei ómoimona dáarie cuemo fíénide uai jítaíino ite. Afe íaiói jítaica uai bie izóí joide: “Nana íe finócano daa bínie comini jítaina izóí finoca,” daií daiíaiói. Iemona afémaci cue úritaja, ríírede uáíllaído íaióimo úríredicue. Mei íadi afe izóí cuena úrítañño íri.

<sup>3</sup> Mei uáfueza, ua cómedicue, meí íadi bínie comini fuíríñfrena izóí fuíríññedicue.

<sup>4</sup> Fíénidífuíai oni cue caitalle raa, bínie comini fuírilla raa izóíñede. Mei jíáfodo cue fuírilla raa Juzíñamui ríinona ríinorede, abí ríídollena riire finócacuai izóídena cue táinocaitallena.

<sup>5</sup> Mei áfedo cuemo fieni jítácana oni caitádicue; daje izói cuena íaioi cáitajana oni féitadadicue. Nana uáitaiacadino íaioi abí ínuano jíámaci Juzíñamuina raire onóñeillena jizitafirediaioi. Ie jira nana íaioi comeci faca uaillai Cristo anamo itátaiticue, afe Crístona íaioi comeci jíeruillena.

<sup>6</sup> Cue llógana omoi jíeruilla ñue ícoimo dúcille llezica, nana jíáie uáitafiredinona duere fínoiticue, íaioi jíeruífena ícoina.

<sup>7</sup> Daa jínofene cioide ráaniaimo eródiomoi; uáfueza, náinidimiena cue eróinamo eródiomoi. Ninó dámie “Uáfueza cue bie Cristo iédicue,” daiíadi, bífueamo afémie úbicaitarede: Cristo íena ie illa izói, daje izói cue Cristo iédicue.

<sup>8</sup> Mei diga icaíño, cuemo ite ríinodo cue llóíadi nai áferi méaidaiñeiticue. Mei cai Ocuíraima afe ríino cuemo jónete, áfedo Juzíñamui dibénemo ñue omoi cue móonaitallena. Omoi niné cue táinocaitallena cuemo íñega.

<sup>9</sup> Fia rabedo ómoína jácidotímie izói íacañedicue.

<sup>10</sup> Dárie cue cuezábaido daidíaioi: “Jamánomo riire ocuífired; mei íadi afémie comíni eróicana úrilla llezica, afémie ríimieñede. Afe llezica ie úrilla uaina iere jáimairuired,” daidíaioi.

<sup>11</sup> Afe izói úritímie bie izói onótarede: Jicana rabedo riire cue úrilla izói, afe izói omoi cígiri cue ille llezica riire úriticue. Nane afe dáaruído afémacina riire ócuiticue.

<sup>12</sup> Afémacimona dáarie dani íaioiena ñue caimare úritiaioi. Táinomo abí ínuado úritiaioi. Afémaci illa izói jaca mamériñedicue. Dani táinomo íaioi comécillado conímamo comécidíaioi. Ñuera come daiíllena dani conímamo facadíaioi. Daí fácajamona abina onóñedimacina jádíaioi.

<sup>13</sup> Cuemo dúíñede raado abina ínoñeiticue, uai cue llócaillena mózizainnona llotímie, Juzíñamui. Afémie ñuera uaillai cue llócaillena omoi illánomo cuena dúcitate. Uáfueza Corinto dinomo cuena jáitate.

<sup>14</sup> Ie jira cuemo dúide tájijnafue baimo jáíñedicue. Mei nauí Cristo ñúefue fueñe ómoimo jino dénuabiticueza. Iemona afe omoi cígiri cue tájille cuemo dúide. Nano fueñe lluaíbíñedicuena afe tájille cuemo dúíñede; mei íadi daiíñañede.

<sup>15</sup> Jáímaci tájijnana cúeiena abimo maiñóñedicue. Afedo abina ínoñedicue. Mei jáífodo Juzíñamuimo omoi ínogafue ñue móonaille dinori, omoi cígiri jamánomo cue tájillemo ocuírdicue. Mei íadi cuemo dúide tájijnafuedo tájifreiticue.

<sup>16</sup> Iemona afe méífomo omoi illa batífenemo jica itínomo jíllona uai llujíredicue. Mei íadi afe llezica jíáima taineca tájijnamo tájijñeiticue, ie tájijnado abí cue ínoñeillena.

<sup>17</sup> Mei jáífodo daa come abí ínoiacania, cai Ocuíramado abí ínoiteza.

<sup>18</sup> Dama íe abido ñue úritímie, ñuera come daiífnamiena jáíñeite; mei jáífodo daa Juzíñamui ñue úrillamie, ñuera come dainámiena jaille.

## 11

*Cristo óreñega taino llotino Pablo diga*

<sup>1</sup> Abina onóñedímie izói due jiza úriticueza. Raire cue uai oñeno fíaicana cue úrillamo ómoína cacáretaacadicue. Mai fíaicana abí cue ínuamo omoi cácarei.

<sup>2</sup> Omóina iere uríoíredicue. Afe omoi cue uríoilla Juzíñamuimona comuide. Dámie ie áireiacania jétañega jitaíngo óllena jica ía mámiáno jicánote. Afe jicánogango daa afémiemo iníreired. Mamécaruimo afengo moo aféngona ízájite. Afe izói Crístomo ómoína cue ízájillena ja Crístodo mamédicue. Ie jira ómoiri iere uríoídicue.

<sup>3</sup> Mei comíni nánoidingo Evana jaio bífuiano jífua ízói, afe izói jíámaci ómoína bífuiana jacíruiticue. Afemona figo abí omoi ráiruífenia jífuefitiomoi. Iemona Crístomo ñuera comécido omoi comécillana oni jáífodo féitaitaioi. Daje izói Crístona nahí omoi ízírullana féitaitaioi. Afena jacíruiticue.

<sup>4</sup> Cue llócaiga Jesús izóíñedimiena ómoimo llotíaioi. Afemo fíaicana caimare ñue cacáreidiomoi. Afemo nibái omoi ínnollena jacíruiticue. Iemo nauí ómoimo cue lloga o maiñoca Ñuera Joreño izóíñedena jáífoide joréñona abimo maiñódiomoi. Iemo jíái uícode cúemona omoi cacana ua jíllona uai izóíñedena jáífoide uai jeire otíomoi.

<sup>5</sup> Biruí baie omoi cígido jáíllamaci “Cai bie Cristo orécamací baimo ñúemacídicaí,” daidíaioi. Mei íadi afémaci jofófenemo ráífiñedímiedicue, daí comécíoidicue. Iemona ¿nibái mei cuemo cacáreñeitiomoi?

<sup>6</sup> Mei nibai cue úrilla uai figo jínóñeniadi, nai cue onoiga rafue jino llúana dibénedo iere baitádimedicue. Nana ómoimo cue llócaillado afe bie cue onóigafuiaina jaca nágarui jino ómoimo ácatafredicue.

<sup>7</sup> Jíllona uai ómoimo raiñóñeno cue llúado, omoi anamo cue abina itátaticue. Daií iticue cue baimo ñúefuedo omoi jalléillena. Daií cue illa ¿nibai fiénde? Daiítañede.

<sup>8</sup> Jíáie Juzíñamui jaináidino omoi cue canolle úcube ibádiaioi. Omoi cígiri cue íllena afe úcube cue llínua afémacimona cue bairoca izoide.

<sup>9</sup> Omoi cígiri cue illa llezica, cue jitaica raana ite. Mei íadi áfena jaca ómoimona raiñóñedicue. Aféruillado Macedóniamona bite cai ámatiai, cuemo íñede raana fecádiaioi. Afe daií cue abina rairuídicue, omoi cígimo nana cue finócafuiái ómoimo juare zúíñeillena. Iemo nauí cue illa izói, afe izói omoi cígiri jaca daií ífireiticue.

<sup>10</sup> Cristo ñúefue ua cue onona izói, afe izói nane jíáifuena ua onódicue. Afefue bie izói daide: Nana Acaya éniado raiñóñeno tájifireiticue. Afe cue tájjina cue raiñóñenari cáimacaiticue. Iemo afe cuemo ite cáimafue buna cúemona báiroñeite. Afena uáfodo onódicueza.

<sup>11</sup> ¿Níbái mei daií úriticue? ¿Níbái ómoina cue gáíñenado daií úriticue? ¡leñede! Omoina iere cue gáinana Juzíñamui ñue onode.

<sup>12</sup> Mei íadi jaca cue fínua izói finócaiticue, cuena uáitatino abí ínotañeillena. Jaca ómoimo raiñóñeno tájifireiticue, baie abí ínotino íaioi abí ínua raa cue bairóllena. Afémaci úcubena ómoimona izire jicáfirediaioi Cristo ua orécamierna cue illa izói íaioi íllena. Mei úcube íaioi ófirenomo ínotiaioiza, áfede “Cristo orécánodicaí” daiíllena. Ie jira afe íaioi ínoga uai oni caitáacadicue. Iemona jaca raiñóñeno ómoina canófireiticue.

<sup>13</sup> Baie afémaci Cristo óreñega iere taino llotino. Daje izói afémaci jíáimacina jífuefiredino. Iemo jíái afémaci come jifeia jíáifo eroina izói, Cristo orécamacina comínina íaioimo comécaacadiaioi.

<sup>14</sup> Afe bie jíáifodo afémaci eróinafue cáimona jánañede, mei dama Taife egáíñote Juzíñamui abí ímierna eróillena méidoficaideza.

<sup>15</sup> Ie jira, Taifemo tájitagano ie méidoficailla izói méidoficaifrediaioi; afe jíáifoide raa izoiñede. Iemona jifeide come eroina izói bimaci ñue ite comínina eróillena abina jíáifodo méidotiaioi. Mei íadi íaioi finócaiga fiénidifue dúina dieze afémaci táinocaitiaioi.

### *Cristo orécamierna ie llamona Pablo duere zefuide*

<sup>16</sup> Nane dánomo ómoina dáititue: Bie jabo abí cue ínuamona cue úrillamona bu cuena “Uáiritaidimedio” daiíñeno iri. Mei íadi daa come daií comécido daiíadi, dama uáiritaidimie izói úriticueza fia omoi eroiri, áfede jabo abí cue ínollena.

<sup>17</sup> Afe bie abí cue ínua uaina, cai Ocuíraimamo ite rínodo cuena daií daiítañede. Mei jíáifodo dama uáiritaidimie izói úriticueza.

<sup>18</sup> Mei daní íaioi daina ñuera uaido abí ínotinuiaí aillo íteza; afe íaioi taino abí ínuana izói, afe izói abí ínoiticue.

<sup>19</sup> Omoi zánvano dáititue, omoi jamánomo baitádinodíomoi, mai uáiritaidimie izói cue úrillamo caimare fíaicana omoi cácarei.

<sup>20</sup> Mei ómoina baie riire tájitatínona caimare fíaicana cacáreidiomoi. Iemo jíái ómoimo ite raana báiruaibitino uaimo caimare fíaicana cacáreidiomoi. Iemo jíái ómoina náamataibitino uaimo fíaicana caimare cacáreidiomoi. Iemo jíái omoi jámairuitinomo caimare cacáreifrediomoi. Iemo omoi uiecona fatade izóidino, afe níi ómoina fiéni úritinomo fíaicana caimare cacáreidiomoi.

<sup>21</sup> Bie izói cue daina cuena meáruitade, mei íadi dama cue jámairuillado dáititue, cue bie afémaci fínua izói, cue finóllena figo rínidicue.

Mei íadi aillo jíáie comini jacíruiñeno daiífrena izói, cue jíái jacíruiñeno dáititue, mei íadi áfede uáiritaidimie izói úriticue.

<sup>22</sup> ¿Meita afémaci hebreo imaci? Cue jíái daje izóidicue. ¿Meita afémaci Israel nairai iédiaioi? Cue jíái daje izóidicue. ¿Meita afémaci Abrahámona comuídino? Cue jíái afémaci izóidicue.

<sup>23</sup> ¿Meita afémaci Cristo tájitagano? Cue bie afémaci baimo Cristo ocuícamedicue. (Bie izói cue dánado uáiritaidimie izói úriticue.) Cue bie afémaci baimo jamánomo tájigidicue. Cue bie afémaci baimo zéchedogacue. Daje izói afémaci baimo llavécacue. Iemo diga ícaíño titáacagacue.

<sup>24</sup> Cinco dígacaíño judío nairai duere cue fínua llezica, cuena zechénotadiaioi. Nágarui duere cue íaioi fínua dáruido treinta y nueve dígacaíño cuena zechénotiaioi.

<sup>25</sup> Iemo dacaiñoámani cuena ragüüzido fatíaiói. Iemo dácaiño noficiaina cuena níjdiaíói. Iemo dacaiñoámani cue jailla áillue nocáe buide. Iemo dácaiño cai buillamona daa naío daa mona diga afórede monaillai cígimo iticue.

<sup>26</sup> Dáanori uái iñeno iere macáfiredicue. Iemo diga imani jacíredinuiaímo iticue, íemo jacírede merírfiredino cígimo iticue, íemo dama cue comíniri jacíredifuiái cígiri iticue naa jicánemaciri. Iemo áillue jofue cígimo ite jacíredifuiái cígimo iticue. Daje izói áillue nairai jinomo ite jacíredifuiái cígimo iticue, íemo jíái monáillaimo jaci cácadicue. Iemo jíái taino ámatiaí cígimo jaci cácadicue.

<sup>27</sup> Daje izói Juárezde táijinamo iticue naa féiredifuiáiri. Diga ícaiño mona naío diga iníñeno táijidicue. Daje izói iere jufi cácadicue, íemo jíái jainoi inénari duere zefuídicue. Diga ícaiño Juzíñamuimo comeci fácano güiñeno jáicadicue. Daje izói rólliemo duere zefuídicue. Daje izói inícuironino jáicadicue.

<sup>28</sup> Nane bífuiái baimo jíáifuiái cuemo comuide. Nágaruillaido náganuiaimo ite Juzíñamuimo jaináidinomo cue comeci úicaide. Iaioina abíoidicue izói duere zefuídicue.

<sup>29</sup> Iemona daa come figo Juzíñamuimo ie íñoñenamona duere zefuíadi, afe cuena duere zefuítate. Daje izói dámie íaifuemo comeci nine féiacaniadi, cue comeci niné féizailla izoide. Iemona afe cuena meáidatade; daje izói cuena ríicaitade.

<sup>30</sup> Mei afémaci táinodo cuena abí ínotaadi bie izói dáititcue: Cue mairíñenana jino ácatate raado ñue cue úrillena baimo gáidicue.

<sup>31</sup> Cai Moo Juzíñamui bie cue daína ua uaina onode. Afémie cai Ocuíraima Jesucristo Moo; íemo jíái afémie jaca ninomo ióbioitaregaza.

<sup>32</sup> Naui Damáscomo cue illa llezica afe nairai jabóidillaíma naga nazemo úíñorainana jónete, llaitada cue llavéllena. Afe nairai nahíllaíma Areta mámeciredimie.

<sup>33</sup> Mei íadi jíáie Juzíñamuimo ínotino, erórafomona cirigaído cuena ana agüñetiaíói; mei afe jofue onífene cirína raa caífo jicado íteza. Daíí afémacimona botada jíllodicue.

## 12

*Juzíñamui Páblomo nícai anado ua ráfuedo úrite*

<sup>1</sup> Dámie dama abído caimare úria minícana oñede. Ie úrilla jíáie raamo ráíñíede. Afefue ñue onódicue ia, cai Ocuíraima nícai anado cuemo ácataga raa jino llóredicue. Afe llezica úicodo nai buna ónoñegafuiái cuemo llote.

<sup>2</sup> Afe cuemo ácataruimona ja catorce fimona jaide. Aféruimo Crísto como cue jaináinamona caífo tercera monamo Jesucristo illámonamo uigacue. Onóñegaza nibai caana abído uigacue, nibai íeizinino uigacue. Afe dama Juzíñamui onoiga.

<sup>3</sup> Cue úinaruimo nibai abí diga uigacue, nibai daa cue joreño úina, áfena onóñedicueza; dama Juzíñamui onoiga.

<sup>4</sup> Juzíñamuimo ínote tíidino jáillinomo uigacue. Afénomo Juzíñamuimona dama cuemo duide ebírede uáillaina cacádicue; afe uáillaido Juzíñamui rairuídeza birui úrinidicue.

<sup>5</sup> Afe cuemo ácataga raado abina íñoredicue, mei íadi áfedo abina íñoñeiticue. Dama cue abina íñoñeiticue. Mei jíáifodo cue mairíñenado ñue cue úrillena iere gáidicue.

<sup>6</sup> Mei dama abído cue úriacaniadi, afe abina onóñeno úrilla izóíñede, mei jaícina uáfueña úriticue. Mei íadi áfedo úriñeiticue, mei cue ciona izói comini cuemo comécíllena jítaídícueza. Afe izói cúemona íaiói cacana izói áfeze cuemo íaiói comécíllena jítaídícue. Afe baimo aillo jíáíforie cuemo íaiói comécíllena jítaíñedicue.

<sup>7</sup> Afe cuemo jino onótaga raa iere jamánomo ebire cioide. Ie jira áfedo jamánomo abina cue íñoñeillena, duere zefuítagacue. Afe duere cue zefuilla come abímo eedo llúina izoide. Afe eedo, Taife come izi cácatate raa izói, cuena duere ínuaibite.

<sup>8</sup> Bie duere cue zefuilla raa cai Ocuíraima oni oréllena dacaiñoámani íemo jicádicue.

<sup>9</sup> Mei íadi cai Ocuíraima cuena daide: Cuemo ite o cue cáimadofirena nana omo comúide duere zefuilla o ocúllena ñue cánoite. Mei daa come náinina llezica, cuemo ite ñuera ríino afémiedo ñue jino ácatarede," daide. Ie jira cuena náinitade raari íóbidicue, afe daíí Crísto ite ríino cuedo jino ácatallena.

<sup>10</sup> Mei jira cue náininari íóbidicue, íemo comini cuena báíñuari íóbidicue. Daje izói raana cue jítaíllari íóbidicue. Afe izói cue duere íaiói finócanari íóbidicue. Iemo Cristo ícainia féiredifuiái cuemo comúllari íóbidicue. Mei jamánomo íaiói cuena uáitaacana llezica, afe llezica Juzíñamui cue cánuado comécina jamánomo íocredimiena jáidícueza.

*Coríntomo ite Juzíñamuimo jaináidinomo Pablo comeci úicaífrede*

<sup>11</sup> Dama cue abi ífuedo cue úricaillamona uáiritaidimiena jáidicue; mei íadi daí cue úrillaena cuena ocuáide izóí itíomoi. Mei dani omoi ja birui cuedo ñue úrrediomoi; mei ráifiñedicue ia, omoi cígido jaide Cristo óreñega jamánomoidino jofófenemo ráifiñedicueza.

<sup>12</sup> Naui omoi cígido járitaiñeno fiaicana táijidicue. Afe cue táijicaillarui mo jiáiena onótate raana finódicue naa ciórainina ráaniairi. Afe dáaruido ebire cáimacaitate ráaniaina finódicue, nana bífuiaido Cristo ua orécamedicue daiillena.

<sup>13</sup> Jiáie Jesumo jaináidino cígiri cue illa llezica, cue jitaica raana raiñódicue; mei íadi omoi cígiri afe izóí iñedicue. Daa bífuedo jiáie ínotino jofófenemo ómoimo comécidicue. Afe ómoimo cue raiñóñena dibénedo ómoimo fieni cacáidi áfemona meine caimare cue uáidori.

<sup>14</sup> Ja birui dacaiñoámani omoi cue erózaibillena finóbidicue. Iemo omoi cígimo cue illena ómoimo juare finoñeiticue; mei ómoimo ite úcube cúeiena máifuaibiñeiticueza. Mei jiáfodo dani omoi Juziñamui ñue jaináitallena bíiticue. Mei uafue, éicomini úruiai íena úcubena oftarena. Uruiai íe mo íena oftanare.

<sup>15</sup> Omoi comeci ñue illena dama cuemo ite diga caimare fúitaiticue. Daje izóí ómoiri cuemo ite máiriene jeruñeno fúitaiticue. Omoina jamánomo cue izruiaidi ¿afe íbana meita omoi jofófenemo cuena izíruirediomi? Daiñañede mei íadi birui afe izóí ómoimona dáarie cuena daí finódiaoi.

<sup>16</sup> Nana omoina cue llótaiduaibiñedicue. Afena ñue fairíotiomoi; mei íadi afe méifomo dámierie jiáfodo daidíaioi: “Irebaimo jiita izóí caina bífuiano úcube ote,” daidíaioi.

<sup>17</sup> Naui ómoimo cue orécamacimona, ¿meita cuemo izájillena dámie ómoina bífuiano úcube ote? ¡Oñede!

<sup>18</sup> Omoi méiñuallena Tito izire jicádicue. Afémiedo daa jiáie ama orédicue. ¿Meita afe Tito úcube óllena ómoina jífue? ¡Daiñañede! Tito, íe nabai, íemo cue, cue macáfírena izóí, daje izóí nana macádicai, ¿ero ua? Dájena ñue comécillado táijifiredicaiza, ¿ero ua?

<sup>19</sup> “Caído abi rúidotio,” nibai caina comécido daidíomoi. Mei íadi afe izóí jóiñede. Mei jiáfodo Juziñamui erócana Crístomo jaináitagamie izóí úriticai. Mei cue izíruiga ámatiaidíomoi, nana bie izóí cue daina omoi comeci Juziñamui dibénedo ñue móonallena lloticue.

<sup>20</sup> Mei omoi diné cue bille llezica cue comeci óiacana izóí iñediomoi cue cíozaibillena jacíruiticue. Iemo afe íbana omoi comeci óiacana izóí iñedicue cue omoi baizájillena jacíruiticue. Iemo dájena ñue omoi jaináíñenamo jacíruiticue. Daje izóí omoi íradoifírenamo jacíruiticue; íemo jiáimana omoi ícifírenamo jacíruiticue. Iemo afe llezica jiáimana duéruíñeno dani abí omoi úicoficaillari jacíruiticue. Iemo jiáima uaita uai omoi llófírenari jacíruiticue. Iemo jiámaci jánari omoi úrifírenari jacíruiticue. Daje izóí fieni abí omoi ínofírenari jacíruiticue. Iemo ocuícana náfueñedino izóí fieni ebena omoi ífírenari jacíruiticue.

<sup>21</sup> Mei jiái uire omoi cue érozaibille llezica omoi daí íllari cue Juziñamui ómoido cuena meáidaitalleri jacíruiticue. Iemo afe llezica nibai aillo ómoiri cue éeiarí jacíruiticue, mei jaiái ninómona diga fíénidífuiai omoi fínuari éedicueza. Mei ómoimona aillo nai íaioimo ite íaifuiái féitañediaoiza. Daje izóí íaioimo ite jiruífueña fáicanocaiñediaoi, íemo íaioi comécina jírrioidé fieni finócafuiai oni nine féitañediaoi.

## 13

*Pablo íraicaiño íaioi uáidua uai, íaioimo llonódacaiga uai diga llote*

<sup>1</sup> Naui ménacaiño omoi méiñuaidicue. Ja birui nane meine omoi méiñuabiticue. Onódiomoi, naga júfidoga rafue mena, nibai daámani uai nabáiraini daje izóí úriadi, afe júfidogafue ñue záide.

<sup>2</sup> Naui méifodo omoi cue méiñuabilla llezica, nana nauí uécodo fieni itínona duere cue finóllena llonódacaidicue. Birui benó jica cue illa llezica dáanomo nauí ómoina dama cue dánana llóiticue: “Uire nane omoi cue méiñuabía nauí uécodo fieni itínona naa ómoiri dúecaiñeno duere fínoiticue,” daidicue.

<sup>3</sup> Iemona omoi jenoca Cristo cuedo úrilla onótafírena raana ñue ónoitiomoi, mei áfena jenófírediomoiza. Omoi Cristo náinidímie izóíñedeza, afémie ríinorede, Cristo omoi diga jífanoñedeza, ríiredímieza. Omoina ñue rairuíoide. Omoi cígiri íemo ite ríino jino cíotote.

<sup>4</sup> Uáfueza, Cristo náinidímie izóí cruzmo coraica, mei íadi birui afémie Juziñamui ríinodo caade. Afe daí Cristo náinina izóí dájena náinidicue, mei íadi dájena afémiemo cai jaináillado Juziñamui ríinodo íiticue, omoi ñue cue finófireillena.

<sup>5</sup> Mai dani ñue abina omoi onoiri. Afemo, mai ñue comeci omoi facari, Juziñamuimo ñue ñinoga uai iere jeire omoi úana omoi onóillena. Omoi comeci ifue facada ñue jóonefireiri. Jesucristo ómoiri ñllamo ¿meita áfemo comécifediomoi? Mei nibai jiáifodo jóide. ¿Meita táinona ñnotiomoi? ¡Afe daií ññeiteza!

<sup>6</sup> Mei uáfueza, cai bie táinona llotímieñedicue. Afemo ñue omoi comécioicaillemo ocuáridicue.

<sup>7</sup> Iemo afe llezica fiénidifue omoi fñoñeillena Juziñamuimo jicáfiredicue. Daa ñúefue dibénemo omoi ñllena jicádicue. Mei íadi ñue jaícina llófuefiredimie cuena daiíllena jicáñedicue. Dámie “Jaícina lloñédio” dáíiadi áfena llóñeiticue. Ñúefuemo omoi ille comini cueri dánana baimo ráífide.

<sup>8</sup> Jaca ua uai jeire omoi oíadi úaitañeiticue; ómoína lletánidicue. Mei jiáifodo afe uaina nabáiredicue.

<sup>9</sup> Ie jira ómoína cue lletáninamona nánina cue cíoiadi, áferi caimare ióbidicue, mei afe llezica omoi ñue comécina náirediomoiza. Iemo ñifuenino ñue jaícina omoi ñllena jaca jicáofireiticue.

<sup>10</sup> Nai omoi cue méiñuaibiñena llezica, bibe uícodo ómoimo cueticue, uire ómoimo cue bíadi omoi diga riire cue ññeillena. Uáfueza, omoi riire cue lletalle ríino Juziñamui cuemo iga. Mei íadi omoi cue táinocaitallena cuemo ññega. Mei jiáifodo Juziñamui dibénemo omoi comeci ñue cue móonaitallena cuemo iga.

<sup>11</sup> Cue ámatiai, ñue ñitiomoiza. Dani ñifuenino jaícina omoi illínomo omoi coméciri. Bie ómoimo cue lloga uai náfuiano, conimana omoi náicaitafireiri. Conímamo dájerize caimare omoi comécifireiri. Daje izói jiái dájena ñue uái illífueemo omoi iri. Iemo cai uái illifue comuítate Juziñamui omoi diga ífireite, íemo ómoína ie izíruifirenana ónoitiomoi.

<sup>12</sup> Caimare conimana omoi uáidori.

<sup>13</sup> Nana benó ite dájena Juziñamuimo ñnote cai ámatiai ómoimo uai orédiaoi.

<sup>14</sup> Ja birui cai Ocuárima ómoína ñue fñoiteza. Daje izói Juziñamui ómoína izíruifireiteza. Iemo Ñuera Joreño ómoína nabáioicaiteza. Daiítadeza. Jae ññe.



## GALACIA ENĒ IMACIMO SAN PABLO ORECABE

### La Carta del Apóstol San Pablo a los Gálatas

*Pablo, Galacia éniemo ite Juziñamui uaimo inofredinomo cuete*

<sup>1</sup> Cue Páblodicue. Juziñamui ñúefue llujállena orécamiedicue. Dani comini cuena jóniamona llujáñedicueza. Daje izói comini cue óriamona llujáitagamiñedicue. Mei íadi dama Jesucristo llujáitagamiedicue. Daje izói afe Jesús tídinomona meine abido cáatate Moo Juziñamui llujáitagamiedicue.

<sup>2</sup> Nana Galacia éniemo ite Juziñamuimo gairífredimacimo bibe cueticue. Daje llezica nana cue diga ite ámatiai uai orédiaioi.

<sup>3</sup> Moo Juziñamui fecaca comécina uái illafue dibénemo mai omoi iri. Cai Ocuíraima Jesucristo afe bífuiai daje izói caimo llote. Aféfuiai dibénemo mai omoi iri.

<sup>4</sup> Mei afémie, cai fiénidífuiai dóllena, titállimiena dama ie abina izájide. Daí cai Moo Juziñamui jítaina izói, afémie ie abina izájide, bie fiénidiruillaimona oni cai jírecaitallena.

<sup>5</sup> Juziñamui daí cai jíllotajamona, afémiena “Jamánomo cáimamiedio” mai cai dailli. ¡Afémie jaca daí íteza! ¡Mail!

*Abí dne cai jilloille uaina jaca íñede*

<sup>6</sup> Juziñamuina raire omoi zóofiaila uai, cuena fáigacaitade. Zóofiano, ja jíáie táinomona lloga jíáfodo joidé fia daina jíllona uaimo íacadiomoi. Aferi fáigacaidicue. Mei Juziñamui, Cristo caina izíruillado omoi jíllollena, jae cámare ómoína uáidoteza.

<sup>7</sup> Uáfueña dáitícue: abi diné jíáie jíllona uai jaca íñede. Mei íadi dáarie ómoína áfíedotimaci, cai bie Crístimoi inuamona cai jíllona uaina, jíáfodo feire méidoacadiaioi.

<sup>8</sup> Mei íadi jíáie come afe cai jíllona uaina uáitajano, jíáfoidífue ómoimo llóadi, mei dama Juziñamui afémiena fáidoteza. Nibai dama cue daí jíáfodo llóadi, Juziñamui fáidóllícueza. Daje izói monámona bíite Juziñamui abi ímie daí llóadi, mei Juziñamui íena fáidoteza.

<sup>9</sup> Naui ómoimo cue llua izói, birui nane daje izói daidicue: Díno omoi jíáfodo llófueacadino cáimona omoi cacana jíllonafuena afémaci uáitaiadi, mei afémaci Juziñamui fáidólliaioiza.

<sup>10</sup> Bie ríre cue dáinado ¿mei nibai comini bífueticue cue íaioi cáimadollena? ¡Mei íeñede! Dama Juziñamuina íobitaacadicue. ¿Mei nibai comini úicori figomiena íacadicue? ¡Daje izói íeñede! Comini úicori figomiena nai cue íacaiadi, mei Cristo táijitagamienna ínidicue.

*Pablo Juziñamui ñúefuena llujáitimiena jáillafue*

<sup>11</sup> Mei ámatiaina ja maméidiomoiza, ja bífuena nane omoi uíbitaticue: Cue lloga jíllona uai comínimona comuíñede.

<sup>12</sup> Daje izói aféuaina comínimona cacáñedicue. Ua áfena bu llófueñegacue. Mei jíáfodo aféuaina dama Jesucristo onótagacue.

<sup>13</sup> Naui judíuai inogafuaimo cue jainaina llezica, cue illáfueña jae onódiomoi. Aféruído Juziñamuimo gairífredinona iere duere íaioi cue finóllena ríre cue rácajana fidídiomoi. Daje izói nana íaioína niné cue táinocaitallinona onódiomoi.

<sup>14</sup> Afe llezica, cue uzútai daináuailaimo iere izire cue jaináiacanamona, judíuai inogafuemo baimo baitádimiena jáidicue. Aféfuemo comécina iere figomiena jáidicue. Ua aillo cai judíuaimona, daane cue comuíllagimamona baimo fibídimienna jáidicue.

<sup>15</sup> Mei íadi nai cue jócoñenia, Juziñamui cuena nizede. Daí níziانو, iere cuena ie izíruillamona, cuena uáidote. Cue ie uáidua mei, ie óiacana izói, ie Jítana cue onótate.

<sup>16</sup> Ua, ie Jítana cue onótate, afe Jitó cue onónamona Juziñamui ñuera jíllona uai judíoñedino cígimo cue llujállena. Daí Juziñamui cue uáidotemo, bumo nífuena “Mai cue llofue” jícanoñeno, dama oni Arabia éniemo raire jáidicue.

<sup>17</sup> Ua, Jerusalem ite nano cue úicomo uáidoga Jesús ñúefue llujáitinomo úrizaiñeno, raire oni Arábiamo jáidicue. Diga irui dínomo cue illa mei, abido Damáscómo biticue.

<sup>18</sup> Afe llezica Jerusalem are nai jáíñedicue. Dafimonaámami dínomo cue fuita mei, Jerusalemo jáidicue, Pedro diga cue úrillena. (Afémie jíáifo mameina Cefas.) Aféruimo dama Pédróna ñue onódicue. Quince dígarui ie diga nabáiricadicue.

<sup>19</sup> Aféruillado jíáie Jesús ñúefue llujáitimacimona dámie cíodicue; afémie Santiago, cai Ocuíraima ama.

<sup>20</sup> Juziñamui erócana úriticue: Bie ómoimo cue cuenga nahí uáfueza, daidicue.

<sup>21</sup> Afe méifodo Siria éniemo naa Cilicia énie diga jáidicue.

<sup>22</sup> Judea éniemo ite Crístimoi gairífredino nai cue uíecona onóñediaioi.

<sup>23</sup> Dáafuena fidídiaioi. Afefue bie izói daide: “Jaiai cai fállena cai racádimie, ja birui cai ñnollifue llocana uite. Jaiai jiáiruido aféfuena afémie ñine táinocaitacade.”

<sup>24</sup> Iemona cuedo Juziñamuimo ññefue jónetiaioi.

## 2

*Jiáie Jesús orécamací ja Pablo caimare uáidotiaioi*

<sup>1</sup> Catorce fimona fuilla mei, Bernabé diga meine Jerusalemo jáidicue. Afe dáaruido Tito uiticue.

<sup>2</sup> Juziñamui cuena daina izói dinomo jáidicue. Dino Jerusalemo Juziñamuimo ñnotino ocuífiredede jalléidino dáarie ite. Iaioiri oni eneno fueñe dáanomo gairídicue. Dinomo judíoñedinomo cue llófrrega jállona uai íaioimo jino lloticue. Bie izói íaioimo llúaájdicue, nana cue llócaigafue táinomo fáifñeillena; daje izói birui jino cue llogafue táinomo fáifñeillena.

<sup>3</sup> Aféruído cue nabai Títona judíuai lloga uai izói, finóñediaioi; afémie judíoñedinó íadi, ie bacano ícoi quetáañediaioi.

<sup>4</sup> Afe llezica dáarie táinona llote ámatiai, báinino cai cígimo dúcidiaioi. Afémaci Tito bacano ícoi quetáacadiaioi. Afémaci cai cígimo uññoðimaridiaioi, rairuínino cai íllana onóillena. Mei ja birui Jesucristomo cai jaináinamona, Moisés ocuica uáimona uáfodo jirénogacaiza. Afémaci nane abido áfemo caina izire rairuícano izói finóacadiaioi.

<sup>5</sup> Mei íadi íaioi llógana naado jeire onédicai, mei oni íaioi taino llúaífue mo abina uitáañediaiza. Daí íaioina jiéruíñedicai, mei ua jállona uai jaca jeire omoí óllena, iere jitáidicaiza.

<sup>6</sup> Mei íadi afe Jerusalemo ite ocuífiredede jalléidino comue jiáifuena cuemo lloñediaioi. Afémaci jalléinafuena figo náfueñedicue, mei onódicueza: Juziñamui, fia jinofe ífuena riire jicánoñede. Mei jiáfodo afémie naga cómemo dájerize ñue jaícina jicánoite.

<sup>7</sup> Ua, jiáie cómofuena cuemo lloñeno, dama cue llúaáigafue ñue jiéruitiaioi. Ñuera jállona uai, judíoñedinomo cue llócaillena Juziñamui cuemo jóniana como fidídiaioi. Afe uícomo daje ñuera jállona uai judíuaimo Pedro jino llócaillena fidídiaioi. Afe táijina Juziñamui Pédro mo jónete.

<sup>8</sup> Mei uáfueza, Pedro ória izói, cue jiái orécacue. Daje Juziñamui Pedro judíuai cígimo oreca. Ie mei daje Juziñamui judíoñedinó cígimo cuena orede.

<sup>9</sup> Aféruillaído Santiago, Pedro, Juan diga nanoide ocuídino. Bie ñuera táijinafue Juziñamui cuemo jóniana íaioi fidínamona, cócona Bernabé diga caimare uáidotiaioi. Daí cócona finódiaioi, ja nana dáamacidicai daíllena. Iemo, afémaci judíuai cígimo táijizailla llezica, coco jiái oni judíoñedinó cígimo táijizairedicoco. Daí cócona daírediaioi.

<sup>10</sup> Daa rafue cócomo jicádiaioi: “Mai jaca féitañeno, duéredinomo comeci ómicoí uíbifireiri,” daidíaioi. Afefue cue finóllena jaca járitaífredicue.

*Antioquía jófue mo Pablo Pédróna lletade*

<sup>11</sup> Mei jiáiruido Pedro Antioquía jófue mo dúcia mei, íemo eróicana íena riire lletádicue, mei rairuiredifue ie finua jira.

<sup>12</sup> Fueñe afémie judíoñedinó diga güizáájifiredede. Mei íadi Jerusalemo ite Santiágo mo jaináidino dúcina llezica, afe Pedro judíoñedinó diga dáanomo abido güizáañede. Iaiomona jirecaillano oni eneno ífiredede; mei Jerusalémóna bite bacano ícoi quétafue llotínona Pedro járuíteza.

<sup>13</sup> Aféno mo Jesumo ñnote jiáie judíuai ite. Pedro oni eneno jáillana íaioi cíollano, afémaci daje izói judíoñedinó cígimona oni jirecaidiaioi. Iirainomo jiái Bernabé íaioi fiénide oni jirecaillamona daje izói jirecaide. Afefue jiáimacina jífueoicaide.

<sup>14</sup> Mei íadi, ñuera jállona uai ua daina izói íaioi íñénana cue cíollano, nana dáanomo gairídino eróicana Pédróna daidicue:

—O júdíodio, mei íadi benomo judíoñedinó illa izói itio. Benomo júdio illa izói íñedio. ¿Ñibái mei birui judíoñedinóna judíuai illa izói jóoneacadio? —dino Pédróna lletádicue.

*Nana jiáie comíni izói, judíuai Crísto mo íaioi ñnogafuedo jállorediaioi*

<sup>15</sup> Cai bie jaca jocóinanomona judíuidicai. Juziñamuimo comécifredicai. Judíoñedinó Juziñamuimo comécina facáñediaioi. Iemona fiénidífuiaíredinóna itíai. Cai afémaci izóiñedicai.

<sup>16</sup> Mei íadi onódicaiza: Moisés ocuica uai iere ñféinamona, buna Juziñamui anamo ñue jaícina ínide. Mei dama Jesucristomo dánirre íaioi ñnuado illa dígamie daí jaícina írede. Iemona judíoñedinó izói, cai daje izói, Jesucristomo ñnoticai, afe íemo cai ñnogafuedo

Juzíñamui anamo ñue jaícina cai íllena. Uafue, Moisés ocuilla uai iere ñéfinamona buna ñue jaícina índe.

<sup>17</sup> Birui cai judíuai cígimona dámie Crísto ie ñnogafuedo Juzíñamui anamo ñue jaícina íacaniadi, bie izói daiírede: “Judíoñedino izói fiénidimiéna iticue” daiírede. ¿Meita bífuemona “Cristo fiénidimacina caina itátate” daiírede? ¡Daiíñide! Mei Cristo jaca buna fiénidimiéna itátañejeza.

<sup>18</sup> Mei jíáifodo, nauri niné cue táinocaitaga Moisés ocuícáfue, meine abido jeire cue óiacaiadi, ua cue fiénidena uáfori jino cíotaiticue. (Mei afefue iere cue ñéfinamona Juzíñamui anamo ñue jaícina índicueza.)

<sup>19</sup> Afe Moisés ocuícáfue ja cuemo dúñede. Da afe uai jeire cue oñénamona cuena titade izói finode. Afe Moisés uaimo cue dúñenamona, ja Juzíñamui dibénemo, tíillanomona meine cáadimie izói iticue.

<sup>20</sup> Cristo nauí cruzmo coraica tilla izói, ja birui tíide izói finócamiédicue. Iemona ja birui cue cáanano dama cúeieñede; Cristo cuemo ílado cáadicue. Afe bie éniemo ite bie cue cáanano, dama Juzíñamui Jitomo cue ínuado ófiredicue, mei afémie cuena izíruiillano, dama ie abina cue meífomo cruzmo tízaideza.

<sup>21</sup> Juzíñamui cue jíllloillena caimare cue cánuafuena jaca ruifíruicañedicue. Mei dámie Moisés ocuica uai jeire úamona Juzíñamui anamo ñue jaícina ítenia, Cristo tilla ráifiñede.

### 3

#### *Moisés ocuica uai comini ñnogafue abido joide*

<sup>1</sup> Aii, Galacia comini, iere abina onóñedinona itíomoi. ¿Bu aima izói omoi bífuia, ua uaina omoi jíeruiñeillena? Nauí ómoimo cue lluaruido, coraica Jesucristo jino uáfodo ómoimo fídítaticue.

<sup>2</sup> Mai bífue cuemo omoi lloiri: ¿Nífuedo afe Ñuera Joreño ómoimo ite? ¿Meita Moisés ocuica uai jeire omoi úado ómoimo ite? ¡ñega! Mei jíáifodo, ¿omoi cacana uai omoi ínuado afe Ñuera Joreño nibai ómoimo ite? Jii, áfede ite.

<sup>3</sup> ¿Níbái mei iere abina onóñedinona itíomoi? Jesumo omoi ínua mei, Juzíñamui Ñuera Joreño nanómoma ñue omoi canode. Afémie ómoína canode ñue jaícina omoi íllena. ¿Meita ja birui afe cánuana zóofiano dama ómoimo ite ríinodo nibai ñue fúitaitíomoi? ¡Jaca fuitánidiomoi!

<sup>4</sup> ¿Nana omoi duere zefuillafue jaca ómoimo nibai ráifiñede? ¿Nibai taino abiri aféfuiai ómoimo daií íficaide? Aféfuiai táinona íllamo comécíñedicue, mei daiítañejeza.

<sup>5</sup> Nauí Juzíñamui ie Ñuera Joreño ómoimo fecade. Iemo Juzíñamui omoi cígiri uaido finoca cíorainina raana comuitate. ¿Mei nibái bífuiaína Juzíñamui ómoimo finode? Ocuica uai jeire omoi úamona, afémie aféfuiaína finóñede. Mei jíáifodo dama cúemona omoi cacana uai omoi ínuamona afémie bie izói finode.

<sup>6</sup> Abraham Juzíñamuimo ínote; íemo ie ínuamona comécina ñue jaícina jóidimiéna Juzíñamui íena caimare uáidote.

<sup>7</sup> Ja bífuemona onóredíomoi: Nahí Abraham erófene ígímaiai Juzíñamuimo ínotino.

<sup>8</sup> Juzíñamui nana uire ie finóllifuiaina raire uícodo onode. Iemona ie Cuegáuaido aféfuiaína afémie jino llote. Nana íemo uire ínotino judíoñedino íadi, Juzíñamui anamo ñue jaícina itátaillifuena Juzíñamui raire uícodo onode. Afena ie onónamona bie ñúefuiai jaiai uícodo Abrahana daide: “Naga náiraiai ómona ñúefuemo ézicilliaioi,” daide.

<sup>9</sup> Mei daií nana Juzíñamuimo ínotino dájena Juzíñamuimo ínote Abrahámoiri ñúefuemo ézicilliaioi.

<sup>10</sup> Nana íaioi jíllloillena Moisés ocuica uaimo ínotino ja fiéni faidócaiaioi. Mei daií Juzíñamui Cuegáuai dáideza: “Nana Cuegánicomo ite ocuica daínafuena, nágarui ñue fuitáñedino ua fiéni faidócaiaioi.”

<sup>11</sup> Bífuemona ñue onódicaiza: Ocuica uai iere ñéfinamona buna Juzíñamui anamo ñue jaícina jóoneñega. Mei jíáifodo Juzíñamui Cuegáuai daide: Juzíñamuimo ie ñnogafuedo Juzíñamui anamo ñue jaícina jóonegamiéna jáidimie, afe daa ie ñnogafuedo are ziiñona íite.

<sup>12</sup> Afe Moisés ocuica uai comini ñnogafue abido joide. Bíuailaina ñue ícoimo fuitácadimie, aféuailaido írede.

<sup>13</sup> Ocuica uai cai faidóllifuemona Cristo caina oni jírecaitate, mei afémie cai ícoinia faidóbideza. Juzíñamui Cuegáuai bie izói daide: “Naga aménamo agúineta fagámie faidócaza.”

<sup>14</sup> Bifue daií ificaideza, judíoñedino ñúefuemo ézicillena. Ua Juziñamui Abrahamo lloga ñuera ézicirafue daií Jesucristodo judíoñedinomo fecaca. Bifue daje izóí ificaideza, Juziñamui uícodo lloga Ñuera Joreño cai ñnogafuedo caimo illena.

*Moisés ocuica uai, Juziñamui Abrahamana dainana oni caitánide*

<sup>15</sup> Cue ámatiai, naga come onóigafuemonada dafue ómoimo llóiticue: Dámie contrato llínoiadi, ie mámece afébeemo cuega, iemo afe ja cúegana buna oni caitánide. Daje izóí afe cuega baimo buna jiáiuaina zotánide.

<sup>16</sup> Ja onódicaiza: Afe ñuera uícodo lloga uailai Abrahamo Juziñamui jaiái llotte; daje izóí Abraham erófene ímiemo lloga. Aillo ie erófene igímaiaimo Juziñamui Cuegáuai daiñíede, mei jiáifodo “O erófene ímiemo llóiticue” daide. Afe dainámie Cristo.

<sup>17</sup> Cue llogafue bie izóí joidé: Juziñamui riírede méidoñega uai Abrahamo llotte. Afe llezica afefue féiñeilla Juziñamui afe uaina riire jóonete. Afe lloga uai contrato izóidui; jiáifodo méidonideza. Ie jira cuatrocientos treinta díga fimona záilla méifodo Moisés lloga ocuica uai, uícodo Abrahamo lloga uaina oni caitánide. Daje izóí méifodo ocuica uai, uícodo Juziñamui lloga uaina ráifitanide.

<sup>18</sup> Juziñamui dainamo ie ñnuamona Abraham jillode. Afe bie méidonide Abraham jilloilluaina Juziñamui raiñóñeno iemo fecade. Iemona afe jillona uai, Moisés ocuica uaimo jaináñide. Moisés ocuica uaimo jaináidi, aféuai ja uícodo lloga jaca raiñóñeno iga raa izóíñede.

<sup>19</sup> Iemona, Moisés ocuica uai ¿niemo ráifide? Afe ocuica uai méifodo bai nabaica, comini íaiói finoca fiénidifuiaina onótallena. Afe nabaica uai are íñede. Ñúefuena lloga Abraham erófene ímie Cristo bíllamo, afe nabaica uai záide. Afe ocuica uai monámoma Juziñamui abi ímácido lloga. Iemo íaiói llua mei, Moisés aféuaina jino comínimo llotte.

<sup>20</sup> Juziñamui Abrahamo úrilla llezica jiáimado Abrahamo lloñede. Dámie daií uáfodo úriadi, jiáie llóitimiena jítaiñede. Bie Abrahamo úritimie daade Juziñamui.

*Moisés ocuica uai ¿nié izóí comínina canode?*

<sup>21</sup> ¿Mei nibai bifue daiíacade Moisés ocuica uai, Juziñamui lloga ñúefuina uáitaacade? ¡leñedeza! Uáitaacañede. Mei cáataite ocuilla uai ígadenia, aféuai jeire cai úado Juziñamui anamo ñue jaícina íredicai.

<sup>22</sup> Mei jiáifodo Juziñamui Cuegáuai daina izóí, nana fiénidifueemo llavécanaidicai. Daií Juziñamui uícodo mamede, nana Jesucristomo ñnotino jillobicaillena. Uafue, Juziñamui afe bie izóí mamede Cristomo ñnotino íaiói ñnogafuedo Juziñamui lloga ñuera jillonafuena íaiói óllena.

<sup>23</sup> Jesumo cai ñnogafuena nai jino déiñena llezica, ocuica uai caina llavécana finode. Aféruillaido Jesumo cai ñnollifue jino déillemo ocuúridicai.

<sup>24</sup> Iemona Juziñamui afe ocuica uaina caimo mamede, cai ñue rairuillena. Ua úruiai ñue fibítatimie izóí caina rairuide. Daií afe ocuica uai caina úiñóide; nai Cristo bíñeille dinó. Afe daií Cristo bíllemo afémiemo cai ñnuado, Juziñamui anamo ñue jaícina íredicai.

<sup>25</sup> Birui ja Jesumo cai ñnollifue déideza, ja afe Moisés lloga fibítatiuai dibénemo dúíñedicai.

<sup>26</sup> Mei Jesumo omoi ñnogafuedo, ja omoi nana Juziñamui úruiaidiomoi, ja Cristo Jesumo dájena jaináidiomoi.

<sup>27</sup> Omoimona báutiza mei Cristo Jesumo dáena jainaide dieze, nana omoi afémie comece ífueña ja jeire otíomoi.

<sup>28</sup> Ja biruímona cai cígiri bie judíona dainámiena íñede, bie Griego dainámiena íñede. Daje izóí llavécamierna íñede. Oni eneno jirénoga dainámiena íñede. Afe izóí ringo illa díga oni jiáifodo mámeñega. Ja Cristo Jesumo cai jaináinamona nana cai dáamacidicai.

<sup>29</sup> Ja Cristo íedimoi, Abraham erófene igíma izóidinona jáidiomoi. Iemona Juziñamui Abrahamo uícodo lloga ñuera jilloilluena, feci raa máíñua izóí, máíñoitiomoi.

## 4

<sup>1</sup> Bie izóí cue daiíacanafue: Daa come jító móonaillano, ie moo tílla mei, moo raana náamatarede. Mei íadi afémie nai úruena llezica máíñonide. Afémie nai jofe eromo ocuífregamie izoide, afémie nana afeco raana maíñóreite íadi.

<sup>2</sup> Afémie nai úruena llezica, íena úiñóitino ite, ie moo jiáifodo ie úiñóitinomona oni olle dino. Daje izóí ie jetállifue ocuúidino ite.

<sup>3</sup> Jaca bie izóí caimo comuífrede. Cai jilloilluiai nai déiñena llezica, nai úrue illa izóidicai. Aféruillaido aillo bínie comini nícidogafuiai anamo, izire ocuicano izóí, iticai. Dáarie cómemona ocuica uáillaido llavécacai.

<sup>4</sup> Mei íadi nana Juziñamui mamécafuiai ñue zuilla mei, jaiiai úicodo ie mámiarui dúciamu, Juziñamui ie Jitó Jesús orede. Afémie ringómona jococa. Moisés ocuica uai anamo judío izói comuízai bite.

<sup>5</sup> Afémie daií bite, nana Moisés ocuica uáillaído llavécana aféuaimona oni jirecaitallena. Daií cai jirecaillamona Juziñamui dama ie jítótiaina cai jáillena cai mámano, caimare caina uáidoite.

<sup>6</sup> Iemona, ie jítótiai omoi íllana omoi onóillena, Juziñamui ie Jitó Jesucristo Joreño omoi comécimo orede. Afe caimo orea ie Joreño riire daiífiredre: “¡Cue Moo!” daide.

<sup>7</sup> Mei daií o ja Juziñamui jítódio. Ja riire ocuicamiñedio. Ie jítóna o íllamona, ie úicodo lloga ñúefuiaiina Juziñamui Crístodo omo fécaite.

*Pablo Juziñamuimo ñnotimacimo comeci úide*

<sup>8</sup> Naui Juziñamuina nai omoi onóñena llezica, taino juziñamuillaimo izire ocuífirreganodiomi. Afe omoi llaveina juziñamuillai ua juziñamuiñede; fia jífuia juziñamuillai.

<sup>9</sup> Mei birui ja ua nahí Juziñamuina onódiomi. Mei jáífodo ñue daina, Nahí Juziñamui ja ómoína onode. Ja íena omoi onónamona, ¿nié izói meine abido afe riínide jilloñenafuiaiina jeire óiacadiomi? Dáanomo íaiói llavéinanomo ¿meita abido jáirediomi?

<sup>10</sup> Diga iruillai oni jáífodo nai comécifirediomi. Daje izói diga fiuillai eneno jáífo comécifirediomi, naa diga fimónaiiri.

<sup>11</sup> Nibai nana omoi cígiri cue táijiacana táinomo jífánofide izóideza áfena jacíruticue. (Afe cue comécina llícioide.)

<sup>12</sup> Amatai, izire jícadicueza: Cue comeci ifue illa izói, mai meine afe izói omoi iri. Mei cue omoi illa izói jae itícueza. Mei omoi cuemo minícana fiénidifuenta finóñediomoiza.

<sup>13</sup> Cue omoi cígiri nano illáfuenta onódiomoiza. Aféruillaido, cuemo comuide duícori duere cue zefuillamona afe jíllona uai jino ómoimo lloticue.

<sup>14</sup> Afe cuemo ite duico cue facátaina, mei íadi afe jira cuena jámairuñediomi. Daje izói cuena ruifruñediomi. Mei jáífodo Juziñamui abi ímie izói caimare cuena llínotiomoiza. Ua Jesucristo omoi llínolle izói cuena caimare llínotiomi.

<sup>15</sup> ¿Nee mei afe omoi cacana cámafuiái? Afe cue irárenaruimo cuena iere izíruillano, dani omoi újina jirénota cuemo fecácadiomi, íadi fecánide. Afe ñúefue omoi díbénemo nitáredicue.

<sup>16</sup> Ja ua uai ómoimo cue llúamona ¿Meita ja birui omoi bacáuai ímiena jáidicueza? ¡Ieñedeza!

<sup>17</sup> Afe baie jícana bite comini ómoimo iere caimare comécidiaíoi. Mei íadi comeci ñue jítaillamo comécifñediaíoi. Omoi bifuellena caimare úritiaíoi. Afémaci cúemona ómoína bairóacadiaíoi, uire íaiommo omoi jaináíllena.

<sup>18</sup> Jáíamacimo ñue íllena caimare comécillana ñuera. Mei íadi cue illa llezica daje izói cue íñena llezica come comeci ñue jítaillamo daií comécirede. Daiítadeza. Naui omoi cígimo cue illa llezica, afe onínemacido daií jífueññediomi; mei íadi birui omoi cígimo cue íñena llezica nágarui jaca daií jífuegaomoi.

<sup>19</sup> Cue úruiai, ringo úrue jocócania duere zefuilla izói, nane ómoiri duere zefuídicue. Ua Crísto comeci ifue nai omoi ñue ónoñeille dino, nai ómoiri duere zéfuiticue.

<sup>20</sup> Birui izire omoi cígiri íacadícue, jáífodo ómoimo cue úrillena. Onóñedicueza, nié izói ómoiri comécitícue.

*Abraham ai Sara, ie oga jáíango Agar íanguai ñúefuena caina onótate*

<sup>21</sup> Ja birui Moisés ocuica uai anamo íacadínomo úriticue. Mai bifue cuemo omoi llone: ¿Afe ocuica uai dáinana cacáñediomi?

<sup>22</sup> Afe uai daide: Abraham mena jítórede. Daa jító ie táijitafirregango ie. Jáíe jító ie nahí ai ie. Afengo buna ócuíñegango.

<sup>23</sup> Ocuíñegango jocócato nana bíniemo ite úruiai jócua izói jococa. Mei jáífodo nahí ai jocócato Juziñamui úicodo daináuai fuitállena jococa.

<sup>24</sup> Bifue cai onoiga ráamona Juziñamui cai fidítafue. Afe mena ringo mena contrátomo táijina izóidiainguai. Íanguaimona daa Sinaí idu ie contrato izoide. Afe ocuíñegango jítótiai ocuífirrellinona jocócaiaíoi. Afe ocuíñegango mámecei Agar.

<sup>25</sup> Afe Agar Juziñamui Sinaí ídumo lloga uai izoide. Afe Sinaí idu Arabia éniemo ite. Afénomo Juziñamui contrato comínido finode. Biruillai Jerusalén jofue afe jaiiai Sinaí idu izoide, (mei Moisés díbénemo íacadino afénomo gairíñediomoiza.) Ie ocuica uai anamo llavécana itíaiíoi, naa aféfuemo jaináiacadinori. Ocuíñegango Agar úruiai izóidiaíoi.

<sup>26</sup> Mei íadi monamo ite Jerusalén comini lláveñegaiaíoi. Afe jofue cai ei izoide, mei cai bie afe Jerusalem jaináidinodicaiza.

<sup>27</sup> Juziñamui Cuegáuai bie izói daide:

Oiniño, úruenidio íadi, mai caimare o iri;

Urue jócuia izirenafuena onóñedingo, mai caimare o róiri.

Mei úrue jocóñena jira dotácango, ñue ogángo baimo jítótiaireitio, daide

<sup>28</sup> Amatiai omoi cácarei, cai bie Sara jító Isaac izóidinodicaí. Juziñamui uícodo lloga jítótiaidicaí.

<sup>29</sup> Mei jaíai aféruillaímo íaillinoi illa izói, birui afe izói iticaí. Aféruimo come comeci jítainamona jocócamie Ismael, afe Juziñamui Joréñodo jocócamie Isaacina fiénidifuena racade. Biruillai afe izói iticaí.

<sup>30</sup> Mei Juziñamui Cuegáuai ¿nie izói daide? Afeuai daide: “Afe jofo ero ocuífregangona ie jító diga oni oreri. Mei ocuífregango jító, afe ócuífregango jító diga dájena jofo naama feci ráaniaína maiñónideza.”

<sup>31</sup> Amatiai, bífueмона onódicaíza: Cai bie ocuífregango jító izóíñedicaí, mei jiáífodo cai bie buna ócuífregango jító izóidicaí.

## 5

*Izire ocuífrena dibéfuemo omoi ífireiri*

<sup>1</sup> Cristo afe ocuica uáimona oni eneno jirénogacai, lláveñeganona cai íllena. Afe dibéfuemo ñue jaícina omoi iri. Meine dáanomо izire ocuilla uai anamo abina maitátaíñeno iri, mei lláveñeganona itíomoíza.

<sup>2</sup> Cuemo omoi cacáreiri. Omoi llotímie Páblodicue; jira ómoína dáitícue, bacano icoi quétafue jeire omoi óiadi, Cristo ómoímo ráifíñeite.

<sup>3</sup> Nane ómoína dáanomо dáífacadicue: Omoimona dámie ie bacano icoi quetátaadi, nana jiáie Moisés ocuica uáíllaina ícoímo fuitárede.

<sup>4</sup> Moisés ocuica uai jeire omoi úamona Juziñamui anamo ñue jaícina omoi íacaniadi, jae Cristo dibénemo dúíñediomoi. Daje izói Juziñamui caina izíruillafuemonа oni eneno itíomoi.

<sup>5</sup> Mei cai jiáífodo onódicaíza: Juziñamui Ñuera Joréñodo, daje izói ie uai ñue cai ínuado, Juziñamui anamo ñue jaícina cai illífuemo úíñoidicaí.

<sup>6</sup> Iemona daí Jesucristomо ñue jaináidicaí. Iemo cai jaináíadi, afe quétafue caimo ráifíñeite. Cai quetátaíadi, nibai cai quetátañeniadi, daje izói ráifíñeite. Mei jiáífodo afémiemo cai ínogafue ua ñue ráifide. Afe bie cai ínogafue jiáie cómena naa Juziñamui diga cai izíruillena canode; áfemona Juziñamuimo cai ínogafue iere ráifide.

<sup>7</sup> Fueñe Juziñamuimo ñue ínofirediomoi. Mei íadi birui, ¿bu afe ua uaina ómoína fáicanocaitaga?

<sup>8</sup> Juziñamui áfena ómoína fáicanocaitañede! Afémie ómoína caimare uáidofiredeza.

<sup>9</sup> Bífuena féitañeno iri: Pan finóadi afe aillo fáitate raa tamédiaíoi. Due jiza fáitate raa jónega íadi, nana afe magáfecina aillo fáitate.

<sup>10</sup> Juziñamuimo cue ínuano, afémie ómoína ñue rairuillena onódicue. Ja onódicueza, cue daináfuemonа oni jiáífodo comeci fácañeítíomoíza. Bífueмона omoi comécina oni nibéfodo féitaitimiena Juziñamui duere fñoiteza. Afefue llotímiena Juziñamui raa dáíñeite, afémie nibai illaíma, nibai jamáimie.

<sup>11</sup> Amatiai, cúemona jiáífue llotícue. Mei bacano quétafuena nai ocuícicuena judíuai nibai cuena fállena rácañeítiaíoi. (Mei íadi cue íaíoi fállena rácana onódiomoi.) Afe izói cue llóíadi, Cristo cruzmo tílla ñuera rafue íaíoina ríicaitañeite.

<sup>12</sup> Mei íadi afe onina bite omoi gáguabítino dani íaíoi jíníjina, comini meróniaí ie ñetaina izói ñétaitaíoiíza. (Afémaci méaicaillena Pablo daí daide.)

<sup>13</sup> Amatiai, mei jiáífodo uáidogamacídiomoi, ráiruífeganona omoi íllena. Ua ja birui ráiruífeganona itíomoíza, mei íadi afe o rairuífenamona, comécimo fiени itífuiaina finóñeno iri. Mei jiáífodo afe ómoímo ite izíruillafuedo ñuera ocuífreganona omoi iri; daí conímана cánoítíomoíza.

<sup>14</sup> Mei nana jiáie ocuilla uallai daa bie ocuica uaimo dájena itíaíoi. Be níuái: Dama o abina o izíruilla izói, afe izói o abi cómena izíruiri.

<sup>15</sup> Mei íadi ómoimona dani conímана fue erodo omoi éoia, daje izói úradoillano conímamo omoi ríicaiadi, ómoína niné táinocaitaiteza; afe izóidemona abí omoi rairuiri.

*Come comécimo fiени itífuiái Juziñamui Ñuera Joréñomona jiáífodo jóide*

<sup>16</sup> Omoína cue dainafue bie izói jóide: Juziñamui Ñuera Joreño dibénemo mai áfemo omoi illafue jóonefíreiri. Afedo omoi comeci fiени finóacanafuiai fñoñeítíomoíza.

17 Mei dani cai comécimo comuide fieni finócanafuiai Juzíñamui Ñuera Joréñona uáitafirede. Nane abido dájena Juzíñamui Ñuera Joreño cai comeci fieni finócanafuiai uáitafirede. Afe ménafue jaca conímana uáitafirede. Iemona omoi comeci jitaina izói figo finónidiomoi.

18 Mei íadi Juzíñamui Ñuera Joreño ífócaomoi íadi, Moisés ocuica uai anamo íñeitiomoi.

19 Comini comécimo fieni itífuiai dibénemo jaináidino íaioi finócaigafuiai jino uáfodo onórede. Be níufue: Afémaci jiruífue íemo íaifue finófirediaioi; jíaié fiénidífue rairuilla uaina náfueñediaioi.

20 Afémaci jánaraimo caimátáifirediaioi. Daje izói fue boréfuena finódiaioi; daje izói jáimana éoifirediaioi. Dájena caimare íñediaioi; úradoifirediaioi; ráaiñederi raire iere ríicaifirediaioi. “Fueñe dama cúeiena finoiticue” daífirediaioi. Comínina bozíetaitaioi; jáimana énenoruidiaioi.

21 Afémaci jáima raari úradoifirediaioi. Daje izói afémaci cómena titáfirediaioi. Jífairediaioi; fieni jéerie íaioi güilla lezica conímamo riire lléjellejediaioi. Bizóidífuiaina afémaci jaca finócaide. Naui uímodo omoi cue lloga rairuilla izói, nane birui ómoina ráiruiticue. Bie izóidífuiái finódino jaca Juzíñamui illáimana illáruimo jáinaiñeitiaioi.

22 Mei jíáfodo Juzíñamui Ñuera Joreño cai comécimo bífuiaína cómuite. Aféfuiai bie izói jóide: Izíruillafue, íóbillafue, comeci uái illifue, comeci mánaicana úrillafue, comeci cáimafue; jeruíñeno fecáfiredi. Jáima dánana raire jeire ófiredi.

23 Afémie comeci mánaifiredi; comeci daina izói ie abi járitaiñeno ñue fáicana ocuífiredi. Bífuiaína rairuide ocuilla uaina íñede.

24 Nana Cristomo ja jaináidino, íaioi comécimo nanómona itífuiaína, faga izói, féitaitaioi, naa íaioi comeci fieni finócanafuiai.

25 Iemona Juzíñamui Ñuera Joréñodo íredicai. Daií cai íllamona, mei nana cai jetáacagafuemo, afe Ñuera Joreño aféfuemo caina ífoiteza.

26 Cai bie abina fieni ínonidicai. Afe izói cai íadi, conímaiai díga ícíríticai, mei íadi afe izói mai cai íñeilli. Daje izói jáimari úradoiñeno cai illi.

## 6

### *Conímana omoi canófreiri*

1 Amatai, ómoina dámie fiénidífue mo baíízaidenia omoi cíoadi, ómoina Ñuera Joreño dibénemo izire jaináidino afe baíídímiena omoi canori, meine ñúefue dibénemo ie ílleza. Jaca comeci mánaínafuedo íena canori. Naga come afemo baííiredeza, ie jira illa dígamie afe baííírenafuemo abina rairuírede. Taiíe cai facátafue naga cómemo comuííredeza.

2 Illa dígamiaí conímana canófreiri, áfede jíáimamo zuufue comuíadi ie comeci náírecailleza. Bie izóidedo Cristo ocuilla uaina ñue ícoimo fúitaitiomoi.

3 Jamáimie illa llezica dámie abi ínote “Jamánomo ímiedicue” daííadi, afémie dama ie abi jífuete.

4 Ómoina illa dígamie dama ie abi áadori. Mei aféfuena o jíeruíadi, dama o abi ífuedo íóbítaitio; mei o íllafue ñuera daííllena jíáima íllafue dibénedo abina fácañeítioza.

5 Illa dígamierie dani caimo itífuiaimo náfuefíreíticai.

6 Juzíñamui uáíllaina llófuegamie nana íemo íte ñuera ráaniaina díeze, meine íbana afe ie llófuetímiemo írede.

7 Mai jíáífuerei omoi jífuefíñeno iri; jaca Juzíñamui buna baíííuano jífueñegaza. Naga come ie rííírega raa ríadi, afe llízíllana dama jofo óite.

8 Nanómona cai comécimo itífuiai íóbítaitífue cai finóadi, afe cai comécimo itífuiaímona cai tííllífue óíticai. Mei jíáfodo Juzíñamui Ñuera Joréñona cai íóbítadi, afe Joréñomona zííñona cai íllífue óíticai.

9 Ie jira ñúefue cai fínuana, mai cai zefuíruíñeilli. Mei afemo fáicanocaiñeno comécina náíredinona cai íadi, uire Juzíñamui mamécaruimo riga ófírena izói, ñúefuena maíñóriticaiza.

10 Afe jira, ñúefue fínua llezica nana comínimo, nana cai abi ie máíriedo ñúefuena finóredicai. Iemo Juzíñamuímo ínote cai ámatiaimo, baímo aillo ñúefuena finóredicai.

### *Abí rairuíllauai, íraícaíño uáíduafue díga*

11 Mai ómimo bie jéerie cue cúegamo omoi eroiri. Afe bie dama cue ónoído cue cueda.

12 Afe quétafuena omoi ocuídino ñúefuedo llóñediaioi. Dama comini uícomo ñue íaioi íllena daíí daídíaioi. Daií ómoina ocuídíaioi, Cristo tílla ícoínia jíámaci afémaci rácaiza daíí.

<sup>13</sup> Mei afe quetácano, nana Moisés ocuica uai ñue ícoimo fuitáñediaioi. Mei íadi ómoina quetátaacadiaioi, omoi íaioi quetátafuedo abi íaioi íinollena. Afe quétano omoi abimo íllado iere abi íinotiaioi.

<sup>14</sup> Mei cúemona dama cai Ocuíraima Jesucristo túllado abi íinoticue. Abi diné jíáfodo abi cue íinollena íñede. Mei Cristo cruzmo túllado, nana bíniemo ite fíénidifuaia faga izói cuemo dúíñede. Afe ibana cue aféfuiaimo faga izói jaináíñedicue.

<sup>15</sup> Mei Crístomo dájena cai jaináinamona, ja afe quétafue ráííñede. Daje izói íemo cai jaináinamona quetáñenafue jíái ráííñede. Mei jíáfodo cómuena meine abido jocócamiena cai illa, iere jamánomo ráífide.

<sup>16</sup> Bie izói daináuai jeire otínomo comeci caimare uái illafue íteza. Daje izói Juzíñamui ómoimo dúecaillafuemo íitiemoiza. Bie izói daináuai jeire omoi óiadi, Juzíñamui ua comínina jáitíomoi. Mai mei, Juzíñamui ie ua comínina ñúefuemo ézicíteza.

<sup>17</sup> Ja biruímona buna cuena áfeduaibiñeno iri, daidicue. Cue abimo ite boáfiai méifuai, cai Ocuíraima Jesús tájíitagamiena cue íllana onótate.

<sup>18</sup> Daje Juzíñamui ínote cue ámatiaí, cai Ocuíraima Jesucristo nana ómoina ñue ézicíteza. Mai daiítadeza. Jae níie.



## EFESO IMACHIMO SAN PABLO ORECABE La Carta del Apóstol San Pablo a los Efesios

*Pablo Efésomo ite Juziñamuimo ñinotino rabedo uáidote*

<sup>1</sup> Cue Páblodicue. Juziñamui comeci jítaina izói Jesucristo orécamiedicue. Bie izói daina ñúefue llujállena, ie ocuicamedicue. Efeso jófuego ite Juziñamuimo jaináidino bie rabedo uáidotícue. Afémaci Jesucristomo ñue ñinotino.

<sup>2</sup> Cai Moo Juziñamui ñue éziciga dibéfuemo omoi iri. Daje izói ie caimare illáfuemo omoi iri. Cai Ocuíraima Jesucristo daje izói ómoina bie ñúefuiaimo jóoneiteza.

*Crístomo cai jainánamona cai comécina náiretatifuiai Pablo jino llote*

<sup>3</sup> Cai Ocuíraima Jesucristo Moo Juziñamuina ióbitaiticai, mei Jesucristomo dájena cai jainánamona, afémie monámona nana cai comécina náiretate ñúefuiaina jae caina éziciteza.

<sup>4</sup> Nai énie comuñena llezica, Juziñamui Jesucristodo caina nizede, ie eróicana nífuenino ñue finócamona cai illena.

<sup>5</sup> Jaiiai uícodo caina izírullano ie comeci jítaina izói, Juziñamui caina náamatade Jesucristodo ie jítótaiina cai jáillena.

<sup>6</sup> Iemo ie izíruiiga jítóoiri dájena cai illamona, afémie caimo dúecaifrede. Afe jira nágarui Juziñamuina ióbitaredicai, caimo ie dúecaillana iere figura cai daiífirrellena.

<sup>7</sup> Caimo iere dúecaillano, Juziñamui ie Jitó tíllado, ie die tóillado caina jíllotate, mei áfedo Juziñamui cai fiénidifuiaina féitateza.

<sup>8</sup> Afémie cai ifoci ñue dénuamona, ie caina iere dúecaillafuena, afémie jamánomo ñue caina onótate.

<sup>9</sup> Juziñamui jaiiai uícodo mameca ónoñega ie comeci óiacanafue caina ja fidítate.

<sup>10</sup> Bie Juziñamui uícodo mamécáfue ie fácaruimo dúcia, ñue ícoimo fúitaité. Aféruimo Juziñamui dáanomo nana éniemo ite náiraiaina ie Jitó Crísto anamo itábicaítaite, naa bíniemo ite rílleniai, naa jíáie ráaniairi. Daje llezica monamo ite rínnoredino Crísto anamo ítiaioi naa afénomo ite jíáie ráaniairi.

<sup>11</sup> Jaiiai uícodo Juziñamui caina nizede, Jesucristomo dájena cai jainánado ie comínina cai illena. Nana bifuiiai jica ia Juziñamui mamérilla izói ñue joide. Juziñamui ñue onona dieze, afe izói afémie ñue finófirede.

<sup>12</sup> Ja cai bie nanómona Crístomo ñinotinodicaiza. Juziñamui daií caina ñue nizede, afémiemo ite áillue ebíredifuiaido ñúefue íemo cai nitállena.

<sup>13</sup> Daje izói uáfuena lloga, omoi jíllolle uaina cacádiomoi. Cacáillano afe uaina omoi ñnuamona Jesucristomo jaináitagaomoi. Daje llezica Juziñamui jaiiai uícodo llua izói Ñuera Joreñona igáomoi, dama Juziñamui íeiedíomoi daiíllena.

<sup>14</sup> Afe Ñuera Joreño caimo íllado, íco jíáiruido Juziñamui dáinafue cai maiñóllena, uáfuena onódicai. Afe ie lloga dáinafue cai maiñólliruimo nai dúciñede. Mei íadi nana íemo jaináidinomo, fiénidifuemo jaca due íaioi jáinaíñeíllifue afémie llóite. Daií ie llua mei nana afémie cáiena lloga dáinafue máíñoiticaí. Ie jira afe Juziñamuimo ite áillue ebíredifuiaido íena ióbitaredicai.

*Pablo Juziñamuimo ñinotino ifoci ñue denóllena Juziñamuimo jicade*

<sup>15-16</sup> Iemona cai Ocuíraima Jesumo omoi ñnogafuena cue fidínamona, Juziñamuimo ómoiri “íere figura” fáicaiñeno daiífiredicue. Daje izói nana Juziñamuimo jaináidinona omoi izírullana cue fidínamona, nane figura daiífiredicue. Afe llezica Juziñamuimo cue jicáfírena dáaruído ómoimo jaca uibíofiredicue.

<sup>17</sup> Juziñamui ómoimo jino llogáuaina ñue comécido omoi baitállena jicáfiredicue. Ua, cai Ocuíraima Jesucristo ebírede Moo Juziñamuimo jicáfiredicue, Juziñamuina ñue omoi onóillena.

<sup>18</sup> Daje izói Juziñamui omoi ifoci ñue denóllena jicádícue. Afemona Juziñamui uáidogano úíñoga ñue cómuitifuiaina ñue ónoitíomoi. Daje izói Juziñamui omoi ifoci denóllemona íemo jaináidinomo, Juziñamui fecalle ñuera ebírede cáinafuiaina ónoitíomoi.

<sup>19</sup> Iemona bie izói ónoitíomoi: Juziñamui iere ñúefuiaina rínnoredimie. Afe bie íemo ite áillue ríno ja birui nana íemo ñinotínona ñue comécido íaioina canode.

<sup>20</sup> Naui Juziñamui, daje bie íemo ite áillue rínona cai onóillena, Crísto tíllanomona meine abído cáatate. Daií íemo ite áillue rínona comínimo jino iere uáfóri cíotate. Afe daje rímodo Crísto cáatajanona, monamo ie nabézimo Juziñamui íena rainade.

<sup>21</sup> Dinomo jamánomo ocuídillaimana Juzíñamui íena jóonete. Iemona nana jíáie ríinoredínuiái Cristo anamo itíaiói, naa jíáie ocuífiredínuiáiri. Daje izói nana illáini Cristo anamo itíaiói naa jabóidillaináiri. Daje izói nana mona eromo ite ríinoredínuiái, Juzíñamui ie aillo ríinodo Cristo anamo dájena jóonete. Nana jíáie mameca ríinoredino cai comeci facáacana dieze, daje izói Cristo anamo itíaiói. Nana biruimo itínuiái ie anamo itíaiói, naa íco jíáiruilláido itínuiáiri.

<sup>22</sup> Afe dáaruído Juzíñamui nana ráaniaina Cristo anamo jóonete. Daje llezica nana Juzíñamuimo dájena jaináidinomo, Juzíñamui Cristo ifócina mameide. Iemona ifoci cai abi ocuilla izói afémie íaioina ocuífiredé.

<sup>23</sup> Mei jíi, Jesucristomo dájena jaináidino ja Cristo abina mamécaiaíói. Afe jira afémaci nana Cristo comeci ífuiaina iere jeire otíaiói. Mei dama Cristo nana ráfuiaina ñue ícoimo fuitátatimieza.

## 2

### *Juzíñamui caina izíruillado jíllodicai*

<sup>1</sup> Omoi fiénidífuiaimona nai tíidino izói omoi illa llezica, Juzíñamui Cristo tíillamona meine abido cáatajado afe dáaruído ómoina cáatate.

<sup>2</sup> Naui afe fiénidífue dibénemo are itíomoi. Bíníemo ite fiénide nairai illa izói are itíomoi. Afe llezica omoi áinodo lláifoide fiénide joreño jíitáinafue finófirédíomoi, mei afe joreño nana fiénide jóriai nahí ocuírámaza. (Afe daje fiénide joreño Taife.) Juzíñamuimo jíeruíñedinona afémie riire ocuíoide.

<sup>3</sup> Naui jíáiruilláido nana cai afe izói fiéni iticai. Cai abi fiéni jíitáinafuiaí jeire ófirédicai. Afe nanómona cai comécimo ite cai óiacaiga fiénidífuena fáicanocaiñeno ícoimo finóicaifirédicai. Daje izói cai comeci fia fácafuiaina jeire oticai. Iemona nana jíáimacina duere finóllemo dúina izói, Juzíñamui iere duere finóllífueimo dúidicai.

<sup>4-5</sup> Mei íadi Juzíñamui iere caina dúecaillano, nai cai fiénidífuiaimona tíidino izói cai illa llezica, afémie caina izíruillano Cristo cáatajado dáanomo tíillanomona caina cáatate. Mei jíi, dama Juzíñamui ómoiri dúecaillano jíllotagaomoi.

<sup>6</sup> Uafue, Cristo Jesús cáataja llezica, Juzíñamui afémie diga daane caina cáatate. Afe mei Juzíñamui Cristo abimo monamo caina rainade.

<sup>7</sup> Juzíñamui daí finode, nana íco ninomo illáruilláido itínuiáimo afémie iere caina izíruillafuena onótallena. Ua, Juzíñamui daí finode afémie Crísto caina dúecaillafuena nana uícomo cómutinomo fidíllena.

<sup>8</sup> Mei jíi, Juzíñamuimo ite ómoina izíruillafuedo afémie iere ómoina dúecaide. Ie jira, íemo omoi ínuado jíllotagaomoi. Afe jíllonafue dani ómoimona comuíñede, mei jíáifodo afefue Juzíñamui ómoimo comuítaga.

<sup>9</sup> Ñúefueimo are cai ñéfinamona afe jíllonafue caimo fécañega. Ie jira áfedo buna abina ínonide.

<sup>10</sup> Mei jíi, Juzíñamui nano fueñe comini fínua izói, afémie ie joréñodo como jéciganona ja cai finode. Iemo ja birui, jaiái uícodo ie mámia izói, Crísto Juzíñamui meine caina cáatate, ñúefuiai cai finóllena.

### *Ñue uái cai illífue Cristo caimo lloga*

<sup>11</sup> Iemona naui omoi illáfuemo mai omoi comeci uibíoiri. Judío nairai íeñédíomoi. Ie jira judíuai “Bacano ícoi que táñegamacina” ómoina mamécaiaíói. Dani afémacina cai bie “Íeizina quetácanodicai” daidíaiói; mei jaiái íaiói finófiréna izói, íaioimona nágamíai íaiói bacano ícoi quetácaza.

<sup>12</sup> Naui omoi íinoñena llezica, Crístomona oni eneno itíomoi. Israel náiraímo Juzíñamui nizécanomo jaináíñediomoi; íemona Juzíñamui íaioimo lloga ie ñuera finóllífuiaí fidíñediomoi, naa uícodo ie lloga cáimaduafuiaí diga. Aféruilláido Juzíñamuina onóñeno, bíníemo zuure itíomoi, mei caimare omoi ocuírillífue íñédeza.

<sup>13</sup> Naui Juzíñamuimona iere oni jica itíomoi; mei íadi ja birui Cristo cairi tíillamona, ie die tóillamona, Juzíñamuimo ánozitagomoi. Ja Crístomo dájena jaináidíomoi.

<sup>14</sup> Cristo jíáimana cai ícínénafue comuítatimie, mei dama afémie judíuai judíoñédino diga dáaziena finode. Iemona íaioi bacáuai ímáíñediomoi. Naui ómoina oni eneno ítatate éoinafuena ja Cristo niné féitate.

<sup>15</sup> Dama ie abi izi cácanado, ua ie tíillado, ocuica uai ñue ícoimo fuitade. Fúitajano, áfena záitate. Afe ocuica uai iere rairuide. Ie mei Cristo mena náiraímona, judíuai

judíoñedino diga, dáaziena comue náiraina finode. Afe ménade náiraiia ja dama Crísto mo dájena jaináitagaiaioi. Afedo afémie cai conima diga cai icíriñenafue nana caimo comúitate.

<sup>16</sup> Afe bie izói, Cristo cruzmo ie tillado, bie mena nairai dáamacina finuano, nauí íaiói fuirífirenafuena záitate. Afe llezica, Juziñamui dibénemo ñue uái íaiói illifue Cristo afémacimo jino denode. Dénuano, íaioina jeire otátate. Afemona comínimo Juziñamui caimare eroide.

<sup>17</sup> Cristo afe ñue uái cai ille uaina nana comínimo lluaíbite. Oníñemacimo Cristo afe uaina lluaíbite. Omoi afe oníñemaci izóidiomoi. Daje izói áinori ite judíuaimo, afe uaina afémie lluaíbite.

<sup>18</sup> Iemo Cristo cai jíllotajamona, mei nibai judíuaidicai, mei nibai judíuafiñedicai íadi, nana cai afe daje Ñuera Joréñodo, Moo Juziñamuimo áinozifiredicai.

<sup>19</sup> Afe jira, Juziñamui dibénemo ja oníñemaciñediomoi. Daje izói dani íaiói illánomo dúñedino izóñediomoi. Mei jíáfodo nana Juziñamuimo jaináidino jainaila izói, uafue íemo jaináidiomoi. Dájena Juziñamui náiraidiomoi.

<sup>20</sup> Nana omoi ebírede niga jíailliraina dallíraide anáneco izóidiomoi. Cristo oréfiregamaci llófueinafuena iere baitádinona ja jáidiomoi. Ua jíaillirai jáicina maíri naidánia izói, aféfuemo ja riire jóonegaoimoi. Afe bie Cristo orécamací Juziñamui uai jino llóraini. Dama Jesucristo afeco nahíllirai izóidimie.

<sup>21</sup> Bie Nahílliraimo izóidimie mo nana afeco Juziñamui nicana uite. Afe izói afemo nana jofócaiai ñue jáicina jónega. Jofócaiai dallíraidemo dúina izói, daade Jesucristo mo jaináidiomoi. Afeco nilla fuilla mei, jae Juziñamui ñuera irácona jáidiomoi; ñuera gairíraco izóidiomoi.

<sup>22</sup> Daje izói Crísto mo dájena omoi jaináinamona, nana jíáie Crísto mo ínotinomo dájena jaináidiomoi, daaco náiraina Juziñamui íena, omoi jáillena. Iemo Juziñamui Ñuera Joreño ómoimo íllado Juziñamui ífirenaco izóidiomoi.

### 3

#### *Jíllona uai judíoñedinomo llujíllena Juziñamui Páblomo jónonocai*

<sup>1</sup> Iemona Juziñamuimo ómoiri iere cue comeci facáfiredicue. Omoína izíruite Páblodicue; Cristo Jesús ñúefue ómoimo cue llujílla jira llavécamedicue. Omoi judíoñediomoi, íemo ómoína ñue íllena cue cánua jira llavécacue.

<sup>2</sup> Ja nibai Juziñamui cuemo jónega bie tájinana fidídiomoi. Jii, Juziñamui ie cáimaduafuiai ómoimo cuena llotátate.

<sup>3</sup> Juziñamui ie nai jino lloñega nanómona mamérillafue cuena fidítate. Ie mei cuemo lluanó aféfuemo iere baitádimiena Juziñamui cuena jónete. Afe ie mamérillafuedo ja nano íanori due ómoimo cueticue.

<sup>4</sup> Aféfuena omoi facáduamona, afe nai jino llóñega Cristo dibene illáfuemo iere cue báitajana ónoitiomoi.

<sup>5</sup> Afe báinino comeci ie fácafue nauí jíáiruillaído bumo Juziñamui jino lloñede. Mei íadi birui Juziñamui ie Ñuera Joréñodo, ie eneno nizeca íainide orécamacimo aféfuena jae onótate. Daje izói jíáie ie uai jino llórainimo fidítate.

<sup>6</sup> Afe jaiai jino raire llóñegafue bie izói jóide. ¡Cácarei! Jíllona uaina ínuamona, judíoñedino naa judíuairi daje Juziñamui cai cáimaduafuiai dájena máíñoitiaioi, mei dáamiemo jaináidiaioiza. Ua Crísto mo, dáaziena jaináidiaioiza. Daje izói Juziñamui lloga Cristo Jesús caina ñue finóllifue judíuaimo dúina izói, birui judíoñedinomo ja dúide.

<sup>7</sup> Cue jamámiedicue, mei íadi Juziñamui dama ie ríinodo, cue canóllena mamérite. Iemona afe bie ñúefue jíámacimo llujíllena jónegacue.

<sup>8</sup> Nana Juziñamuimo jaináidinomona iere erófenemo iticue. Mei íadi Crísto mo ite facádonide aillo cáimaduafuiai judíoñedinomo llujítimiena Juziñamui mamécacue. Afe bie cue llujílle iere cuemo ráífide.

<sup>9</sup> Juziñamui jaiai ninómona jino llóñega mamérillafue nana comínimo jino llóitimiena dama Juziñamui jónegacue. Afe Juziñamui nana ráaniai finóraima.

<sup>10</sup> Juziñamui nana bífuiaina daí íficaitade, nana íemo dájena jaináidinodo, nana monamo ite ríinoredino Juziñamui iere jamánomo naga ráfuiaina báitajana onóillena.

<sup>11</sup> Juziñamui jaiai ninomo uícodo comeci mamérilla izói, nana bífuiaina cai Ocuíraima Jesucristo ñue ícoimo fuitade.

<sup>12</sup> Iemo Crísto mo dájena cai jaináinamona Juziñamuimo ja áinoziredicai, mei cai ínuamona afémie mo meáiruifedinona iticaiza.

<sup>13</sup> Ie jira izire ómoimo jicádícueza: Birui omoi abiri duere cue zéfuidícueza, mai náinidímaci izói omoi íñeno iri; mei jíáifodo caimare omoi comécioiri; mei afe ómoiri duere cue zéfuia afe ómoimo ebírede nitaina izóidífueza.

*Cristo iere jamánomo caina izíruitimiena íemo íñotino onóillena Pablo Juzíñamuimo jicade*

<sup>14</sup> Ie jira cai Ocuíraima Jesucristo Moo anamo caíñícido ana dújullanona nana ie comíni íena íemo izire jicádícue.

<sup>15</sup> Nana éniemo ite ie comíni, naa monamo itínuiái diga, afémíemona comuídiaoi.

<sup>16</sup> Cai Moo Juzíñamuimo jamánomo ñuera ríino ite. Afe ie ríinomona, ie Ñuera Joréñodo, iere omoi comeci ñue náireillena izire íemo jicádícue.

<sup>17</sup> Afe llezica omoi íñogafuemona Cristo omoi comécimo nabáirífíreillena Juzíñamuimo jicádícue. Daje izói Juzíñamuina iere omoi izíruillena jicádícue. Iemo afe izíruillafuemo izire omoi jaináillena jicádícue. Nane dáanomomo omoi íñogafuíai jeire oga uaina ñue omoi ífócimo denóllena Juzíñamuimo jicádícue.

<sup>18</sup> Daje izói Cristo caina izíruilla omoi ónoillena jicádícue, naa jíáie íemo jaináidinori. Mei afe ie izíruillafue monáillaji aillona izóideza. Afe monáillaji ruicafene jica íllana bu onóñede. Mei íadi afémie caina izíruillafue iere ruica are illa izóinana omoi onóillena jicádícue. Daje izói áillue imani eraí iere fuiri jica illa izói, afe caimo facádonide Cristo caina ie izíruillafue omoi onóillena jicádícue. Afe izói Cristo caina izíruilla iere monáillaji ana jica afórena izoide.

<sup>19</sup> Mei jíi, afe bie izíruillafue ñue omoi fidíllena jicádícue. Nana cai onórede aillo ráfuiaí baimo, bie izíruillafue jamánomo áillue. Afefue omoi fidínamona, nana Juzíñamuimo ite aillo ñúefuíaina ñue jáicína oruíziitíomoi. Mai, daíí íteza.

<sup>20</sup> Ja birui ie aillo ñuera ríino, cai comécimo ífírenamona nana cai comeci fácarenafuíai baimo, afémie iere jamánomo ñúefuíai caimo finórede. Daje izói nana cai jicárenafuíai baimo afémie iere finórede.

<sup>21</sup> Ie jira aillo ebíredífuiaí afe cai Juzíñamuimo mai cai nitalli, mei Cristo Jesumo dájena jaináitagacaíza. Mai mei Jesucristodo jaca ninomo naga cómutigimado aillo ñúefuíaina Juzíñamuimo cai nitalli. Daíitadeza.

## 4

*Juzíñamui Ñuera Joréñodo dáamacina maméidícaí*

<sup>1</sup> Nana bífuiaímona, omoi jáicína ñúefuedo macállena riire ómoimomo llóitícue, mei cai Ocuíraima Cristo ícoínia llavécamedícueza. Ua Juzíñamui uáidogamací maca izói, omoi macállena izire ómoimo jicádícue, mei uafue ie uáidogamací itíímoíza.

<sup>2</sup> Nana omoi, mai jíba abína íñoñedinona omoi iri; daje izói comécina mánaidímacina omoi iri. Daní conímána izíruillano illa dígamie jíáíamomo comeci járitañeno omoi iri. Afe izói conímána omoi dúecaífireiri.

<sup>3</sup> Afe llezica mai Ñuera Joreño ómoimo comuítaga dájena jaináinafue ñue rairuífireiri. Ua, omoi dáaziena daní conímána comécina jacíruiñenafuedo dáamacina jaináífireiri.

<sup>4</sup> Daa cómemo da abi illa izói, daade abi. Afe abi Cristo ie. Afe daade come abi izóidícaí. Afe izói Ñuera Joreño daade. Daje izói Juzíñamui nana caina daa uire ñue finóllífuemo úíñotagacai.

<sup>5</sup> Cai Ocuíraima daade. Daje cai íñogafue jeire otícaí. Daje izói dáafuemo báutizagacai.

<sup>6</sup> Iemo Juzíñamui daade; afémie nana íemo íñotímáci Moo. Afe izói afémie nana comíni Naama. Afémie nana ífícaídífuiaí díbenedo ie comeci jíitáinafue finode; nágafuíaimo jetáfíreine.

<sup>7</sup> Mei íadi Cristo comeci jíitaina izói, cáimona illa dígamíemo jíáíforíede ñúefue finolle ríinona, Cristo caimo fecade.

<sup>8</sup> Juzíñamui Cuegáuái daíí uícodo daide. Be níie: Caífo monamo jailla llezica aillo nauí llaveca izóidíno afémíeoíri uite. Iemo íia íga jíáímací cánuafuíaina comínímo fecade, daide.

<sup>9</sup> Afémie caífo jailla dáina uai jíáfíue caina onótate. Afedo nauí uícodo fueñe afémie monámona ana bíllana fidídicai. Aféruído bie fíénidífuiaírede éniemo afémie monámona iere jica ana bite.

<sup>10</sup> Afe ana bítmíe, abído nana caífo ite monáníai caífófenemo jáidímie dáamíede. Dinomo jáide, afénomona nana íe finócanuíaimo ílláímaíllena.

<sup>11</sup> Iemo afe bie Cristo illa dígamíena ñue ríinoretade jíáíforíede ñúefuíaina finóllena. Dámíerie íe orécamacina afémie jóonete. Jíáímacina Juzíñamuimona oga uaíllai jíno

llóramana afémie mamede. Iemo jiáimacina cai jílloñafue uaina llotátate. Nai jiáimacimo ie comínna ñue úñollena ocuide, íaioi llófuellena diga.

<sup>12</sup> Afe daií cai Ocuíraima nana íeiena ñue fibítate, íe ocuica tájina ñue íaioi jetállena, íemo nana Crístopmo jaináidinona móonaitallena; mei afémaci Cristo abi izóidimaciza.

<sup>13</sup> Afemona cai únogafue dibénemo ñue dájena maméidimacina jáiticaí. Daje izói Juziñamui Jitona cai onona dibénemo ñue dáamacina líticaí. Afe daií ñúefuiaina ñue izire jieruitinona líticaí. Uafue, nana ñúefuiaina Cristo izire jieruilla izói, afe izói ñúefuiaina rairuñeno iere jieruiticaí. Jiéruillamona ñue móonaiticaí.

<sup>14</sup> Ja úrue izóidinona íñeíticaí. Mei íadi jífueacadino comue llófueinafue llúamona, úrue izoide nai figo baitáñedinona jífueítiaíoi. Iaioi comeci ñue fácajana raire jiáfodo méidoítiaíoi. Bie jífuetino ebire lloga taino llúáfuedo bie úrue izóidino únoga ñúefuiaina niné féitátiaíoi.

<sup>15</sup> Mei íadi conímána izíruillano, íemo uáfueña cai úrilla llezica, mai Cristo dieze cai móonaili. Crístopmo izire jaináillano nana íe comeci itífuiaí mai jeire cai ófireilli, mei Cristo afe cai jainaina abi ífoci dainámie.

<sup>16</sup> Afémie, ífócina íllamona, nana caina caimare ocuíoide; ñue daa cómena caina jaináitate, mei illa dígamie jiáimie mo ñue dúinaza. Nana afe Cristo dáamienna jaináitagamaci caimare dani jiáimaciri tájina llezica, caimare ítiaíoi. Ua Crístopmo jainaide, daade abi izóidino naari conímána izíruillafuedo móonaioicaide. Móonaillano caimare íte.

*Crístopmo dájena cai jaináinamona comue illáfuedo macáredicaí*

<sup>17</sup> Iemona bie ómoína cue daiíllífue izói, cai Ocuíraima mámedico ómoímo jóonenocaidicue. Ja biruímona, Juziñamui onóñegano illa izói, mai omoi íñeno íri. Iaioi taino comeci úrilla uai daina izói ífrediaíoi.

<sup>18</sup> Íaioi comeci úrilla uai onóñeno jítifomo fiébicaidiaíoi. Juziñamui comuítaga comue illafue afémacimo íñede, mei íaioi comeci rírenamona ja abina onóñedimacina jáidíaióiza.

<sup>19</sup> Ja íaioi comeci meáifuena lloñédiaíoi. Iemo nana íaífuiaí illa dínó, áfemo aillo gáinafuedo iere jeire otíaíoi.

<sup>20</sup> Mei íadi afe daií, Cristo llófueñegaomoi.

<sup>21</sup> Mei níbai, uáfueña Cristo illafue omoi cacana mei, íemo íte uafue uai dibénedo afémiedo llófuegaomoi.

<sup>22</sup> Íe jira nauí omoi fiénide illafue dibénedo izire ómoína dáíticue: Afe nanómona ómoímo itífuiaí, mai zabide iníroi oní dúíñua izói omoi meídori. Afe nauí ómoímo itífuiaí jaca ómoína fiéni finode; mei omoi fiénide gáinafuiaí jífuegaomoíza.

<sup>23</sup> Mei jiáfodo biruí comueña meídorediomoí; nana omoi comeci óiacanafuiaí méidorede. Nana omoi ífoci úrillafuiaina méidorediomoí.

<sup>24</sup> Afe llezica comue comeci itífuiaí, comue iníroi jítaja izói, mai jeire omoi oíri. Afe comue itífue Juziñamui illa izói Juziñamui comuide. Iemo aféfuena jeire omoi úamona, omoi uáfueña íaidonide ñue illafue otíomoí. Daje izói afe omoi comue comécimo itífuiaí omoi úamona, ñue jáicina jóide illáfuedo jáítiomoí.

<sup>25</sup> Iemona táinofuiaí lloñeno íri. Mai jiáfodo illa dígamie conímamo uáfueña úriri, mei nana cai dáaziena daje abimo jaináidicaíza. Afe abi Cristo íe.

<sup>26</sup> Omoi ícírribicaíadi, afe ícírufue ana fiénidífue mo ómoína uitátañeno íri. Daje izói daarui náaruído are ícíríñeno íri. Raíre féítari.

<sup>27</sup> Due jiza omoi comécina Taífe illáímaille mo “Ji” daiíñeno omoi íri.

<sup>28</sup> Nauí meríriraíma baíródimie diga, mai abido meríríñeno íri. Mei jiáfodo zefuíruíñeno tájizairi. Iemo ñue tájiferenamona o tájina íba óítio; áfede o jítaille ráaniaí íbaitio. O íba mei, ua dúeredimacimo íaioi jítaílla raí íaíoímo fecáredio.

<sup>29</sup> Fiénide uaíllaido íáire úríñeno íri. Mei jiáfodo ñuera uaíllaido úrífireiri. Cacádinona comeci náiretalle uaido omoi úrífireiri, íaíoína ñue ézicitalle uai diga.

<sup>30</sup> Daje izói Juziñamui Ñuera Joréñona zúuretañeno íri; mei afémie ómoímo íllado, jae Juziñamui íeiena mamécaomoi. Ua biruímona Juziñamui íllánomo ñue jáicina ómoína jíllotallíruímo, afe Ñuera Joréñodo Juziñamui íena ñue mamécaomoi.

<sup>31</sup> Nana comécimo íte éoinafuiaina oní mai omoi féítari, nana rífuiaí diga. Daje izói nana ícírillamona comuide ríire úrillafuiaí lloñeno íri, naa jíáie baííñuafuiaíri. Nana illa diga fiénidífuiaí niné féítari.

<sup>32</sup> Iemo jiáfodo, illa dígamie jiáimie mo dúecaíllano comeci mánaidímiena íri. Cristo íena omoi íllamona, Juziñamui omoi fiénidífuiaí íbana óñede. Afena féíteateza. Afémie féítaja izói, afe izói illa dígamie jíáima finoca fiénidífuena omoi féítafireiri.

## 5

*Juziñamui úruiaí izóí cai ñlena Pablo caimo llote*

<sup>1</sup> Juziñamui izíruiga úruiaí omoí ñllamona, mai afémie illa izóí omoí iri.

<sup>2</sup> Cristo caina izíruilla izóí jiáimana omoí izíruifireiri. Mei jií, caina ie izíruillamona Cristo cai jiáinona fecácamié. Afémie Juziñamui ióbitallena titada fia fecaca rille izóidimie. Aferi Juziñamui ióbide. (Afémie dibénemo afefue ñue ziórede uguci izoide.) Mai afe izóí conímana omoí izíruillado Juziñamuina omoí ióbitari.

<sup>3</sup> Ja bie omoí Juziñamuimo jaináidomoiza, mai ómoimona ninó dáamie áinina llezica jiáie ringona jetáñeno iri. Daje izóí nana jiáie íaifuiaina finóñeno iri. Jaca jiáie cómemo ite ráaniaimo úradoiñeno iri.

<sup>4</sup> Íairede méaifuiaina bumó lloñeno iri. Daje izóí táinodo úrillafuaito úriñeno iri. Iemo jiámamo fiénide llagüeroilla uaina oréñeno iri. Mei bie izóidifuiái Juziñamui úruiaimo íefedeza. Mei jiáifodo Juziñamuina íere figura omoí daiífireiri.

<sup>5</sup> Jae cue lloga iima ringomo finoca fiénidifue bie izóí jóide. Daa come nai áinina llezica, ringo jetáadi, fiénide. Daje izóí ja ringo ua mei, jiáie ringo jetáadi, figóñede. Iemo íaifue naa úradoillafue diga finóadi, figóñede. (Afe úradoifredimie jamai jánarai ióbitadimie izoide.) Ja onóidomoiza bie izoide fiénidifuiái finuana fibídimie, Cristo Juziñamui diga illáimana illíruimo jaináinide.

<sup>6</sup> Jiámána taino uáillaido omoí jífueñeno iri. Mei afe bie fiénidifuiái finuamona, nana ie uaina cacáacañedinona, Juziñamui íere duere fínoiteza.

<sup>7</sup> Iemona, bie izóí ite comíni diga omoí nabáiriñeno iri.

<sup>8</sup> Naui nai omoí ínoñena llezica, jíitfomo itómoí; mei íadi birui cai Ocuíraimamo dájena omoí jaináinamona, ja úzefomo macádiomoi. Iemona ñue uáfodo macádino izóí mai omoí ífireiri.

<sup>9</sup> Cai Ocuíraima Jesucristo egáñote raa izoide. Iemona cai comécina ñúeitate. Iemo ua uaido caina úritade. Daje izóí cai jáicina ñue illifue comúitate.

<sup>10</sup> Cai Ocuíraima ñue ióbitallífuena, mai íere omoí onóoicairi.

<sup>11</sup> Báinino macádino finoca táinofue dibénemo íñeno omoí iri. Mei jiáifodo afe báinino íaioi finócafueña uáfomo omoí cíotari.

<sup>12</sup> (Mei íadi afémaci báinino finócafuiái izóí cai úriadi, caina meáiruitaite. Ie jira benomo rabedo jino ómoimo llóñeiticue.)

<sup>13</sup> Mei íadi nana íaioi illafue jino uáfodo cíotamona, afe fiénidifuiái íere íairenana nana comíni ónoitaiói, mei Cristo egáñua úzefo, nana comínimo ua comécimo itífuiaina jino cíotate.

<sup>14</sup> Ie jira bie izóí daina:

Ínídióza, mai cazí.

Tíidinomona mai náidacairi.

Iemona Cristo íe úzefomo ñue mácaitimiena ona jáitaite, daide.

<sup>15</sup> Mei íemona, nágarui omoí illáfuemo izire comeci omoí facáoiri. Naga fiénidifuiaimona abí omoí rairuiri. Abina onóñedino izóí omoí íñeno iri, mei jiáifodo ñúefuena baitádinona omoí iri.

<sup>16</sup> Biruido aillo fiénidifue íteza, o illafue táinomo fáifitañeno iri; ñúefuiái omoí finófireiri.

<sup>17</sup> Táinodo úritino izóí íñeno iri. Cai Ocuíraima comeci jítainafuena ñue omoí baitáoicairi.

<sup>18</sup> Jifáíñeno iri. Mei, afe jífáillafue come comécina aillo íaifueño ana uitátate. Mei jiáifodo Ñuera Joreño abí omoí úicaitari.

<sup>19</sup> Illa dígamie jiámamo Juziñamui uáillaido camare omoí úriri, naa Juziñamui rúairi. Daje izóí Juziñamui Ñuera Joreño lloga rúaniai omoí roíri. Daíí omoí rúado cai Ocuíraimana íere ióbitaitíomoiza.

<sup>20</sup> Illa dígaruillai cai Ocuíraima Jesucristo mámecido Moo Juziñamuina naga ráaniairi figura omoí daiífireiri.

*Crísto mo ínotinona cai ñllamona Pablo cai jofó eromo cai illafue llote*

<sup>21</sup> Illa dígamie jiáima anamo camare omoí iri, mei Juziñamui daíí cai ocuúdeza.

<sup>22</sup> Cai Ocuíraima anamo cai itábicailla izóí, naga ringo íe ini anamo itábicairede.

<sup>23</sup> Mei naga ringo íe ini ocuífrega, iemo jiái íe ini ñue úiñogaza. Afe izóí nana Crísto mo ínotino, Cristo ocuúcaiaioi; daje izóí Cristo ñue úiñogaaioi. Afémie afémaci illaíma. Daje izóí afémie íaioi Jíllotaitimie. Afémiemo ínotino iemo dájena jaináinamona, ja íe izóidiaioi; ja dáamiede abí izóidiaioi.

<sup>24</sup> Iemona Crístomo dájena jaináidinona afémie anamo illa izóí, naga inírede ringo ie ini anamo írede.

<sup>25</sup> Cristo íemo jaináidinona izíruilla izóí, mai naga iima ie aina izírui. Crístomo jaináidinomo Cristo ie abina fecade.

<sup>26</sup> Afémie daíí ie abi fecade ñue íeiena íaioí íllena. Daje llezica afémie íaioimo ite íaífuiaí jáinoimo jococa muilla izóí, ie uaido íaioina muíñode.

<sup>27</sup> Cristo daíí caina muíñode ñuera nífuenidinona ie uícomo cai cícaozaillena. Uafue, nana mallizai izóí abimo comuídena duano ebire eroide, lliríñede abi ígoina caina finode. Jaca due jiza fiénidífueña fiéñede. Nana íaioina íeiena iere ñue finode.

<sup>28</sup> Afe izóí naga iima dama ie abina izíruiilla izóí, ie aina izíruirede. Ie aina izíruitimie dama ie abina izíruiete.

<sup>29</sup> Bu jaca dama ie abina éoiñede. Mei jáífodo cai abina ñue ecádicai, ñue úíñoticaí. Afe izóí Cristo íemo dájena jaináidinona ñue rairuide.

<sup>30</sup> Mei afémaci dama íeieza; ja daa ie abi izóídiaioí. Cai bie afe abimo jaináidicai.

<sup>31</sup> Bífuaímona Juzíñamui daína izóí, dámie ie moo, ie ei diga, fáicanocailano, ie ai diga dájemo jaináicaita. Jáinaicailano, daade come abi izóí itiaíllinoí.

<sup>32</sup> Bie daade come abi izóí íficaíllafue, jáíaimona áíllue báinide rafue. Mei íadi afefue Crístomo dúite; daje izóí íemo dájena jaináidinomo dúite, daidicue.

<sup>33</sup> Mei íadi daje llezica ómoimona illa dígamie omoi abina izíruiilla izóí omoi aina izírui, daííacaidicue. Iemo naga inírede ringo ie inina ñue jacíruiredeza, daidicue.

## 6

<sup>1</sup> Uruiaí, omoi cacai. Crístomo ínotinodiomoíza, o moo uai jeire omoi olle iere jítáirede, mei afe bifue Juzíñamuimo jáicína jóideza.

<sup>2</sup> Bie lletara uai llua mei, Juzíñamui dáanomo ñue cai illífue llote. Daíí nana ie lletara uáimona dama búaido Juzíñamui cai ñue illífue llote. Afe létaja uai bie izóí daide: “O moo, o ei diga, ñue jacírui, í

<sup>3</sup> áfedo caimare o íllena, daje izóí bie éniemo are o íllena.”

<sup>4</sup> Ja úruiairedino, mai omoi cácareí. O úruiaína comécina ríicaitañeno iri. Mei jáífodo riire llétaja uaido ñue íaioina llófuefíreírí. Daíí íaioina ñue omoi móonaitari, cai Ocuíraíma Jesumo ñue íaioí íinollena.

<sup>5</sup> Ocuííregano, mai omoi cacai. Bíníemo ite omoi ocuídímie dáinana ñue jeire omoi oírí. Cristo ocuállamo o tájina izóí o tájitatímíemo ráiruíñeno ñue tájírí. Afémie ocuállana ñue jacírui. O tájitatímie uaina níbéfodo oñeno iri.

<sup>6</sup> O ocuídímie eroille llezica ñue tájírí, daje izóí afémie íñena llezica náamonaze ñue tájírí. Dama ocuídímie eroille llezica, íocíre tájídímíena íñeno iri. Afe izoide tájíríe come jamai come íóbitade. Afe izóí íñeno jáíífodo omoi iri. Cristo tájítaganó izóí, Juzíñamui comeci jítáinafueña izire omoi finori, afémie omoi íóbitallena.

<sup>7</sup> Comeci ñue jítaina izóí caimare omoi tájírí. Jamai come íena tájíríñeno, cai monamo ite Ocuíraíma íena ñue omoi tájírí.

<sup>8</sup> Mei ja onódiomoíza, illa dígamie ie ñue tájíríñeno cai monamo ite Ocuíraímona ñúefueña jírídoite. Rairuícamie, ráiruíñegamie diga dájérize nano íaioí tájínaze jírídoite.

<sup>9</sup> Ocuííredino, mai daje izóí omoi tájítaganomo ñue dúecaííreírí. Afémacína fiení omoi jácidoñeno iri. Daade cai Ocuíraíma anamo nana dájena ítícaíza, omoi úibicairí. O tájítaganó monamo ite Ocuíraíma anamo illa izóí, o jáíí daje Ocuíraíma anamo íto. Afémie da cómena eneno maméñedeza. Illa dígamie dájérize mamede. Aféfuemo omoi úibicaííreírí.

### *Jesumo ínotino comeci náíreítalle abi ríidua uai Pablo llote*

<sup>10</sup> Mei ámatiaí, cai Ocuíraíma Crístomo ite ríinodo benómona mai riire omoi iri. Cai Ocuíraíma Jesumo omoi jáinánamona riire abí omoi mamerí. Mei, afémie jamánomo ríiredeza.

<sup>11</sup> Juzíñamui lloga abi ríidua uai, ñue jeire omoi oírí, naa ie ñuera ézicigafuaíairí. Mei jíí, dáarie comíni abí ríidollena ñue fuíríllena llójécuiroi jítádiaioí. Afe íaioí jita izóí, nana Juzíñamui cai ríidua uai, mai jeire omoi oírí. Afe uaido Taíífe jíífuia uaina uáítaredíomoi.

<sup>12</sup> Jamai abina mairide come diga fuíríñedicai. Mei jáífodo fiénide jóríai diga fuírídicaí. Afémaci caífo cai acónimo táífodo macádiaioí. Afe cai diga fuíríírede jóríai nana bíníemo ite jííífodo jaide fiénídicacína fiení ocuíoide. Bíníe comínina “Cáiedíomoi” daííocaidiaioí, mei “Omoi náamadicaí” daííírediaioí.

<sup>13</sup> Ie jira Juzíñamui lloga abi ríidua uáillaído abí omoi rairuiri. Afe bie uaido jobáirillarui mo ñue abina ríidoiti omoi. Daií abina ríidotio moiza are ñue rínoredinona íiti omoi.

<sup>14</sup> Ie jira riire omoi iri. Fuiríraima ciraigi ife riire tirínua izóí jiziñeno ñue ie fuiríllena, afe izóí Juzíñamui lloga ua rafue jeire omoi oíri. Daje izóí ñue jaícina omoi íllado nágarui ñue abí omoi ríidofireiri. Afe bie omoi jaícina illafue, fuiríraima jogobe ríidollena jitaca llojeco izoide.

<sup>15</sup> Afe fuiríraima fuirízailla llezica ie idai ico riire maiga izóí, áfedo riire ie naidáillena, afe izóí Juzíñamui comécina jacíruiñeno uai jeire omoi oíri. Afedo abina riire mámano, fiénidifuena ómoína anáfenoneiteza.

<sup>16</sup> Iemo illa dígaruillaído Juzíñamuimo omoi ínogafuena féitañeno iri, mei áfedo Taife caimo mameca fiénidifuai na oni caitáredí omoi. Omoi ínogafue jae fuiríraima abí ríidollena úifirega llojeco finoína escudo izoide.

<sup>17</sup> Iemo Juzíñamui lloga jíllona uai jeire omoi oíri, mei aféuai, ifo ríidollena jitáfirega ifo ico llojeco izoide. Iemo nana Juzíñamui uáillaína mai jeire omoi oíri, mei afe Juzíñamui uai, Ñuera Joreño ómoimo fecaca fuiríra llojébici izóideza.

<sup>18</sup> Nana bie cue ocuífaiuai, mai Juzíñamuimo jícano finori. Jaca Ñuera Joréñodo izire Juzíñamuimo omoi jicáfíreiri. Bie izóí omoi íllena, nana bífuai na fáicanocaiñeno ñue abí omoi rairuíoicari. Daje llezica nana Juzíñamuimo jaináidíno mo Juzíñamuimo omoi jicáfíreiri.

<sup>19</sup> Daje izóí jíái cuemo jicáfíreiri; náiraímo cue úria, Juzíñamui cue uai nabáilleza. Iemo jacíruiñeno íocire íaioímo cue úrilla, Juzíñamuimo omoi jicari, nauí báinino lloga jíllona uai jino comínimo cue fídítallena.

<sup>20</sup> Bie ñuera uaido comínimo úrilla Juzíñamui orécamedícue. Afe uai ícoína, ja birui llavécamedícue. Iemo, bífuedo ñuera llujítimie izóí jacíruiñeno naire cue úrilla, mai Juzíñamuimo omoi jicari.

*Iraicaiño uáidua uailai*

<sup>21</sup> Cai izírui ga ama Tíquico, cai Ocuíraima Jesumo tájina fáicanocaiñeno canófredímie. Afémie nana cuemo itífuai na ómoímo jino llóite, naa jíái cue finócafuai díga.

<sup>22</sup> Jira, bímie ómoímo orédícue, cue illafue ómoímo jino llóllena. Iemo jíái áfedo omoi náireficallena, íena ómoímo orédícue.

<sup>23</sup> Moo Juzíñamui, cai Ocuíraima Jesucristo díga, cai ámatiaímo ñue comeci uái illifue ómoína ñue onótaiteza. Daje izóí Juzíñamuina ñue omoi izírui llena jicádícue. Ie jira Juzíñamui omoi ínogafuena aillo móonaitaiteza daidícue, afe bífuai omoi maiñóllena.

<sup>24</sup> Nana cai Ocuíraima Jesucristona féitañeno izírui tinona, Juzíñamui ñue íaioína ézicíteza. Mai; jae níie. Daií íteza.



## FILIPO COMINIMO SAN PABLO ORÉCABE La Carta del Apóstol San Pablo a los Filipenses

*Filípomo ite Jesumo ñnotinomo Pablo llavéracomona cuete*

<sup>1</sup> Cue Páblodicue. Cue nabai Timoteo diga bibe ómoimo cuetícoco. Jesucristo táijitagamedicoco. Nana Filipo jófuego ite Juziñamuimo jainaide ámatiaimo cuetícoco. Daa bibedo omoi cígiri ite ocuídillainimo, naa eneno mameca canódinomo, cuetícoco. Cristo Jesumo nana dáaziena jaináidiomoi.

<sup>2</sup> Cai Moo Juziñamui ñue ézicigafuego omoi iri, naa comeci caimare uái illafue diga. Daje izói cai Ocuíraima Jesucristo ézicigafue dibénemo omoi iri, omoi ie lloga comeci caimare uái illafue diga.

*Pablo Jesumo ñnotinori Juziñamuimo comécido úrite*

<sup>3</sup> Naga ómoimo cue úbicaifrenaruido, cai Moo Juziñamuina: "Iere figura" daífiredicue.

<sup>4</sup> Juziñamuimo comécido cue úriadi, jaca nana ómoiri caimare jicáfiredicue.

<sup>5</sup> Mei fueñe tainéinaruimona ua biruimo Juziñamui ññufuedo dáafuego naa ómoiri táijifiredicaiza. Afena figura daífiredicue.

<sup>6</sup> Juziñamui nauí omoi comécimo ññufuena déitate. Afe ññufuena déitallifue tainédimie ua Jesucristo billíruimo fáicanocaiñeno déitaoicaité. Afefue taino daíñideza onódicue.

<sup>7</sup> Mei ómoína iere izíruillano nana ómoiri daí comeci cue fácafue iere jaícina jóide. Afe izói daje cuemo iga ézicigafue, jeire otíomoi. Llavécamedicue íadi, omoi cúeoiri jeire oga ézicigafue, ññufue cue llujállena canode. Iemona cai jílloillifuea comínimo uáfueña ñue fidítaticue. Daje izói bífuena iere nahífueza daítaticue. Afe izói bie ññufuena uáitaacadino uíecomó daa bífuedo cai jílloillifuedo jaícina ñue úriticue.

<sup>8</sup> Jesucristo ómoimo dúecaillano izíruilla izói, omoi cígiri iere cue íacanana Juziñamui ñue onode.

<sup>9</sup> Juziñamuimo comécido cue úrillado ómoína jicádicue. Dani conímana aillo jamánomo izíruillana jicádicue. Daje izói nana ñue fibillafue abina omoi onóillifue diga, jicáfiredicue. Ua daí ómoína jicádicue, ññufuiai omoi níziana omoi fibillena.

<sup>10</sup> Afe bifue jeire omoi óiadi, omoi comeci ifue íainite. Daje izói Cristo billíruimo nífuenidinona íitiomoi.

<sup>11</sup> Daí Jesucristo omoi illáfueña mámeite. Ua ria llizilla jofo úaina izói, ómoína mámeite. Ua aillo ñue finócafuiái omoi illáfuego Jesucristo mámeite. Afedo Juziñamuimo ññufue ebíredifue diga nítaitiomoi.

*Cristo jítainafue cue ñnuamona cue comeci ifue ráifide*

<sup>12</sup> Amatai, omoi cácarei, cuemo zúidifuiaina omoi fidítaticue. Aféfuiai Juziñamui cai jílloalliuai jino llúana nahí uáfueña canode.

<sup>13</sup> Benomo cue llavéinamona, nana nahíllaima jofo abi úñoraini, ññufuedo cue llavéinana onódiaoi; ua Cristo ññufue jeire cue úamona ja llavécamedicueza, áfena nana onódiaoi.

<sup>14</sup> Llavécacuenta íaioi cónamona, ja nana ñnote ámatiaimona nabémaci iere náicaidiaoi, Juziñamui uai jino llóllena. Ua meáruíñeno uáfori jino llotíaioi. Daje izói cue llavéinamona cai Ocuíraimamo jamánomo ñnotiaoi.

<sup>15</sup> Uáfueña dámierie cuemo úradoillano Crístodo úritiaoi. Afémaci énenoruillano cue baímo jamánomoidimiena íacadiaoi; mei íadi jíáimíai comeci ññufuedo jino llotíaioi.

<sup>16</sup> Dáarie dani íaioi comeci óicanafuáido Crístona jíáifo úritiaoi. Cue llavébillafue baímo jamánomo raamo cuena jíiritaiacadiaoi.

<sup>17</sup> Mei jíámaci cuena izíruillano Juziñamui ññufue jino llotíaioi, mei nai benó llavéracomó cue íllana onódiaoi. Ua Juziñamui jílloilliuai cue uáitañena jira llavécacueza onódiaoiiza.

<sup>18</sup> Mei íadi ¿cúemona níbai? Dáarie jaícina Crístodo úritiaoi; jíáimaci Crístodo jízíreicana úritiaoi. Mei daje ábiedo Crístodo íaioi úriadi, cuena jaca íóbitade.

Afe cue íóbillá baímo jamánomo nai íóbioicaiticue.

<sup>19</sup> Mei nana bífuíaimona nífuenino záiticueza onódicue. Ua cueri Juziñamuimo comécido omoi úrillado ñue jílloiticue. Daje izói Jesucristo Joreño cue cánuado ñue jino jáitcúe.

<sup>20</sup> Jesucristodo meáruíñeno cue úrillena cue comeci jítaillafue. Afe daje bífuego iere ocuídricue. Biruí cue illáfuedo jíámaci Crístomo aillo ññufue nítádiaoi. Afe bie nita

baimo, nai jamánomo íaioi nitállena jitáidicue. Nibai cáaiticue, nibai tíitícue dama mei áfena lloñédicue. Dama Jesucrístomo ñúefuíaia nita daidicue.

<sup>21</sup> Nai tíiñeno cue jáicaiadi, Cristo comeci jitainafue cue fínuana jamánomo naga raa baimo gáidicue. Iemona nai cue cáanafue ñuera; íemo jíái cue tülle jamánomo baimo ñuera.

<sup>22</sup> Mei íadi bie cue abido nai cue caana llezica, cai Ocurairama comeci jitainafue biniemo jino denóllena tájifireitícue. Meita bie mena cuemo itífueмона nífue nizada óitícueza onóñedicue.

<sup>23</sup> Nai feire jánaideza, bie ménafuedemona nífue óitícue. Aféfuena ñue cue onóille féirede. Mei jíáifodo caífo Cristo diné cue jáillena tíiacadicue; bie izóidífue cúemona jamánomo ñuera.

<sup>24</sup> Mei íadi jíáie izóí omoi cígido bie caana abido cue jáicallena, ómoiena iere jitáirede.

<sup>25</sup> Mei daa bífuena jáícina onódicue; omoi diga nai cue ícaillena ñue onódicue. Omoi diga cue illena jitáirede, omoi ñue ínogafue nágarui jeire omoi cue otátallena. Ua ómoiri cue illa jitáirede, jae jeire omoi ua izóí afe baimo jeire omoi óllena. Daje izóí omoi ñue ínogafuedo omoi íóbioicallena, omoi cígiri cue ícaillena nai jitáirede.

<sup>26</sup> Mei daíí nana omoi cígiri íitícue. Afe uire cue bílledo Jesucrístona jamánomo aillo íóbitaiomoi.

<sup>27</sup> Cristo ñúefuiai úibicaillano, afe izóí nágarui omoi illafue ñue jáícina jóoneri. Nibai omoi cue érozaiadi bifue jeire omoi úamona, omoi illa ñúefuena fidíacadicue. Daje izóí ómoimona jica iticue íadi, daje omoi illa ñúefuena onóiacadicue. Afe bie izoide ñúefuena fidíacadicue: dáaziena caimare omoi jáináillana onóiacadicue. Daje izóí jíllólluiaimona lloga ínogauaimo izire omoi níciduana fidíacadicue.

<sup>28</sup> Daje izóí omoi bacáuai ímiiaina due omoi jáicaiñenana cuemo omoi lloiri, daidicue. Afe omoi jáicaiñenafue, niné íaioi táinocaillifuena uáfodo jino llotátade. Mei íadi daje llezica omoi jíllóillifuena uáfodo jino llote. Bie omoi onóitainafue Juzíñamui dibénemona bite.

<sup>29</sup> Mena rafue Juzíñamui ómoimo mamede. Nánorafue daide:

Cristo uaina iere jeire órediomoi.

Nane jíáifue daide:

Cristo ñúefue jeire omoi ua méifomo, afémie ícoiri duere zefuífrediomoi.

<sup>30</sup> Cue naa ómoiri daje fuirilla izóidífue omoi iticai. Naui cue fuirídimie izóí illana cíódiomoi. Ja birui fuirídimie izóí, nai cue jáicana ráfuena onódiomoi.

## 2

*Cristo jamánomo uáitagamiena jaide ie méifomo Juzíñamui jamánomo ñue ébífue íemo nitade*

<sup>1</sup> Ja birui Cristo ómoína náicaitarede. Afémie ómoína izíruillano, comeci zúurenamona omoi comécina cáimacaitarede. Ie Ñuera Joreño omoi diga ite. Conímána izíruillafue dúecaillafue diga afe dibénemo ítiomoi. Nana bifuíiaina omoi onónamona, mai cue omoi íóbitari.

<sup>2</sup> Ua caimare ñue omoi illífuedo cuena íóbitari. Afe izóí daje izíruillafue omoi jáináinamona cuena íóbitari. Afe mei dájemo comeci jitainafue jeire omoi úado cuena omoi íóbitari. Afe emódomo dáafue omoi comécinado cuena omoi cáimacaitari.

<sup>3</sup> Dani omoi comeci jitailla izóí mamériñeno iri. Fia abí ínuafuedo nífue lloñoeno iri. Mei íadi comeci mánainafuedo omoi maméiri. Omoimona illa dígamierie omoi aino cómena o baimo comécina ñuera, omoi daíífireiri.

<sup>4</sup> Dani omoi ñue illáfueña jenóñoeno iri. Mei íadi nana jíámaci ñue illáfueña omoi jenori.

<sup>5</sup> Cristo Jesús comeci mámia izóí, dájemo comeci omoi mameri.

<sup>6</sup> Nano fueñe ie illa llezica afémie daa Juzíñamui izoide. Juzíñamui izóí ie illa ríino afémie omoi ite. Mei íadi ie fiénocaiga ríinona “Raire meine cue olli” daííñede.

<sup>7</sup> Mei íadi afémie Juzíñamui izoina llezica afe íemo ite ríinona oni eneno fiénocaide. Fiénocaillanona jiba íima jécia izóí Cristo jéciga. Daíí ie jécinamona fia jamai tájitagamie bie éniedo jáicana izóí jáicade.

<sup>8</sup> Jamai cómena ie illa llezica jamánomo comécina mánaidimiéna abí mamede. Daíí mámiáno ie Moo Juzíñamui daínauai jeire uano dama tízaiide. Ua aillo meáire cruzmo tízaiide.

<sup>9</sup> Ie jira Juzíñamui jamánomo aillo ñúefue íemo nitade. Ua áfemona nana jíáie mámeciai baimo jalléidicua Juzíñamui íemo jitade.

<sup>10</sup> Daíí bie mámecina Juzíñamui íemo jitade, nana comíni ie anamo dújuillena. Ua afe Jesús daínacina íaioi cacánamona nana monamo itínuiái, bie éniemo itínuiái, daje izóí énie anamo itínuiái cañícido ie anamo dújuitiaioi.

<sup>11</sup> Daí dájullano nana comini comécido íena ónuano, Jesucrístona nahí Ocuíraimana daítiaioi. Daí dáinado Moo Juzíñamui mo ñúefue nítaitaioi.

*Crístomo jaináidino bnie egáñotino izóidiaioi*

<sup>12</sup> Mei jira, cue izíruiga ámatiai, nauí omoi cígiri cue illa llezica jaca ómoimo cue llogáuaina jeire otiomoi. Ja biruí ómoimona jica ítícuemo, nauí omoi úana izóí, afe baimo aillo jeire omoi oíri. Dani omoi jíllonafuemo comécina mánaidimie izóí jacíruiocana áfemo omoi comécioiri. Aféfuena nana comínimo ñue jino omoi denóicairi.

<sup>13</sup> Mei Juzíñamui afe ñuera comeci óiacanafuiai ómoimo fecádimie. Afémie dama ie comeci ñue jítainafuedo ómoína canófirede, omoi comeci ñue óiacanafuiai jino denóllena.

<sup>14</sup> Bífuiái jino omoi denolle llezica nana omoi jetácafuiái fiéni úríñeno omoi finori. Daje izóí áfena júfidoñeno omoi finori.

<sup>15</sup> Iemona bie izóí omoi iri ninena jáímaci ómoimo íaifue jóoneñeillena. Daí nífuenino omoi iri, áfemona íaífuenidinona omoi ílleza. Mei daí omoi íllamona, comécina íaífue mo féitate figóñede comini cígiri, Juzíñamui úruiaína mamélliomoi. Iaiói cígiri, ucudu caifona bie jítrede énie egáñua izóí, ie izóí comini comeci jítreñena egáñotiomoi.

<sup>16</sup> Afe egáñuado zífona cáataite uai íaioimo jino llóitiomoi. Daí Cristo billáruimo ómoiri meáidaiñeno caimare abí ínoitícué. Daje izóí omoi ñue illáfuedo nauí ómoiri iere cue tájinafue táinomoi jífánofiñenana onódicue.

<sup>17</sup> Nauí ñúefuena omoi ínuaruimo dani omoi illáfue Juzíñamui llotíomoi. Biruí nai omoi ínogafue ñue jáicina cue jóoniamona, nibai benó cue tíadi, áferi cáimacaitícué. Afe llezica omoi cánuabiga íóbillaferi íóbídicue.

<sup>18</sup> Daje izóí caimare omoi iri; cue cáimacailla dibéfuemo jeire omoi oíri.

*Timoteo Epafrodito diga Filipos comínimo oréillífué*

<sup>19</sup> Cai Ocuíraima Jesús comeci óiacania, Timotéona omoi eróizaitaitícué. Omoi illafue afémie abido cuemo lluaíbiadi, iere áferi cáimacaitícué.

<sup>20</sup> Cue comeci faca izóí, comeci facade jáie cómena íñede. Dama Timoteo cue izóí comeci úrilla. Dama afémie omoi ñue íllífuemo uáfueña comeci facaóifirede.

<sup>21</sup> Nana jáímaci dani íaioi comeci jítainafue jenódiaioi. Cristo Jesús dibéfuena lloñédiaioi.

<sup>22</sup> Afémie cuemo ráifinafueña náganuiaimo jino ciótagaza onódiomoi. Ñúefue jino cue llócaillado afémie cue diga, jíto izóí jáicaide. Ua moo ie jíto diga tájicana izóí cue diga tájicaide.

<sup>23</sup> Cuemo ite ítífuai jino déllana ñue cue onóadi, bie Timotéona omoi méiñotacadicue.

<sup>24</sup> Cai Ocuíraima ñue ínotícué. Iemona nibai ómoína raire dama eróizabítícué.

<sup>25</sup> Daje izóí cúemona uáfodo jóideza, cue ama Epafrodito omoi cígimo jáirena. Afémie cue tájina nana nabáifredimie. Daje izóí fuirilla izóí cue llócaigafue nabáifredimie. Mei íadi nauí cue jitaica raamo tájillena omoi cuemo orécámie, abido ómoimo orédicue.

<sup>26</sup> Mei afémie nana ómoína izire cióacade. Ie irárenana omoi fidínamona afémie comeci iere járitaide.

<sup>27</sup> Uáfueña iere irárede; tíllanomo figo dúcide. Mei íadi Juzíñamui íemo dúecaillano íena jíllotate. Dama afémiemo dúecaíñedeza; mei jáí daje izóí cuemo dúecaide. Ua Juzíñamui cuemo dúecaide, cuemo ite zúufuiai baimo jáie aillo comeci zúufuiai cuemo bíñeillena.

<sup>28</sup> Iemona íena iere oréacadicue, raire afémiemo omoi érocaillano iere omoi íóbicaillena, cue zúucaillafue raire niné féilleza.

<sup>29</sup> Bie Epafrodítóna mai jamánomo caimare omoi uáidori, Juzíñamui izire jainaide ámaza. Nana ie illa izóidimíai caimare jacíruiocana íaioimo mai omoi cacáreiri.

<sup>30</sup> Ua afémie Crístomo tájinafuedo tíllanomo figo dúcide. Dama ie cáanafue jacíredífuemo afémie jónete cuena canóllena. Ua omoi bíninamona afémie cue cánuabillena iere jamánomo nícidote.

### 3

*Uáfueña Juzíñamui íóbilla cai ñue jáicina illafue*

<sup>1</sup> Cue ámatiai, mai cai Ocuíraima omoi íóbíocairi. Cue cuegafue meine ómoimo cue lllolle cuena áfífedua izóí íñeite, mei íadi ómoína iere ñue canode.

<sup>2</sup> Íáruiga jiba jico izóí fiénidífuemo ítimacimona abí omoi rairuiri. Omoi bacano ícoi quetátaírediaioi.

<sup>3</sup> Cai bie ua quetácamacinaza. Cai bie cai joréñodo Juzíñamui íóbíllamacidicai. Fia jínofenemo cioide raana íñoñedicai. Cristo Jesús íeiena cai íllari caimátaidinodicai.

<sup>4</sup> Bífuiaimo aillo cue únoregafuiai ite íadi, áfena lloñédicue. Cue baimo buna aféfuiaimo únnonide.

<sup>5</sup> Cue jocóinamona ocho dígarui íllamona cue bacano icoi quetádiaioi, mei nahí israelita nairai ímiedicueza. Cue bie Benjamín izíemo jaináidimiedicue. Cue jocóinamona hebreo ímiedicue. Ua hebreo ímie jítódicue. Judíuai ocuífafue jino cue dobáíñuamona cue bie farisédicue.

<sup>6</sup> Jacire ocuíooidimie izóí Crísumo jaináidino fállena íaioina racádicue. Judíuai ocuífafuemo lloga ñue jaícina illafue dibéfuemo, jaca níñuenidimiedicue. Bu úaitañegamiedicue.

<sup>7</sup> Mei íadi nana bie nauí cüemona aillo ráifidifuiaina, ja birui aféfuiaina Crísto ícoinia náñueñedicue. Ua aféfuiaina jamai ráifíñedifuiái izóí áfemo coméciidicue.

<sup>8</sup> Afe baimo aillo jíáíñuemo coméciidicue. Cue Ocuíraíma Jesucrístona cue onóíñífue, nana cuemo itífuiaí baimo aillo ráifide. Iemona cuemo itífuiaína féitaticue. Crísto ícoinia naga cuemo itífuiaína cue féitaga. Ua aféfuiaína oni dotáacaiga raa izóí coméciidicue, afe íbana Crísto cue náamatallena.

<sup>9</sup> Daje izóí cue aféñiemo jaináiacadicue. Ocuífafuena cue únñuamona ñue illáfueña llíñoticue. Mei íadi afe ñue illáfuedo Crísumo jaináíñeíticue. Jesumo únñotinomo Juzíñamui iga nahí ñue illáfuedo Crísumo jaináitacue.

<sup>10</sup> Cue comeci jíñainafue Crísto cue onóíñena. Daje izóí ie tíññanomona meine abido cáatate ríñona, “Cuemo iri,” daidicue. Aféñie duere zefuilla izóí duere zefuífadicue. Afe daí ie tíññaruimo ie illa izóí íñiticue.

<sup>11</sup> Afemona tíññuinaí meine cáallíñuemo ocuífidicue.

*Crísto fueñe cue ocuilla izóí cue jáíñena, fúñilla izóí izire níñidocana uiticue*

<sup>12</sup> Ja nana afe bie maméñillafue oticue daíññedicue. Daje izóí comeci jaícina ñue jóidimiedicue daíññedicue. Mei íadi Crísto fueñe cue ocuilla izóí íacadicue. Ie jira nágarui aféuaimo níñidocana uiticue, aféñie cuena daina izóí cue jáíñena.

<sup>13</sup> Cue ámatiaí, bífuiaimo ja dúcidicue dama daíññedicue. Mei cue nahí finóacaíñafue jíáíñodo jóide. Nauí cue illáfueña féitaticue. Afe llezica nahí como cuemo déioicaitíñuemo riire coméciidicue.

<sup>14</sup> Aizídino raire mózizailla izóíñinomo dúciacadicue. Juzíñamuimona fia jíñídolle raa izoide cue llíñuaíñillena, Juzíñamui monámona cuena uáidote. Crísumo cue jaináinamona afe jíñídolle raana máíñoiticue.

<sup>15</sup> Cáimona nana únñogafuedo ñue móonaitino, maí bie izóí caí comécióilli. Jíáíñodo omoi coméciíadi, Juzíñamui áfena ómoína fidítaite.

<sup>16</sup> Mei íadi bíñue maí caí náñuelli: caí onóíñafue izóí maí ñue caí illi. Daje izóí ñue jaícina maí caí comécióilli.

<sup>17</sup> Cue ámatiaí, nauí omoi cíñiri cue íllana cíóíñomoiza, afe izóí omoi iri. Omoímo cue cíotagafue jeire otíñomo izire comeci omoi facáoiri.

<sup>18</sup> Ja aillo Crísto tíññafueña uáitatino íteza. Iemona diga icaíño aféñacido ómoímo lloticue. Nane zuure éebicaíllano dáñonomo ómoímo llóitacue. Aféñacimona abí omoi raíruriri.

<sup>19</sup> Bie izóí itino íñairuimo niné táñocaitiaioi. Dani íaioi abí jíñainafuina daidíñiaioi:

—Bie cue juzíñamui, —daidíñiaioi. Meáñede raana meáñruíñedíñiaioi. Mei íadi áfede abí únñotiaioi. Fia bie éñie íñuemo coméciíñiaioi.

<sup>20</sup> Mei íadi caí nana caíño mona ímácidicaí. Caí nana, caí jíñlotade Ocuíraíma Jesucrísto monámona bíññemo únñoticaí.

<sup>21</sup> Caí zíññeñede abina aféñie méíduañbite, aféñie ie abí ebire cíñina izóí caí íñena. Aféñiemo ite ríñnodo naga raana náamatade. Iemona afe daje íemo ite ríñnodo caí abí íñuena méídoite.

## 4

*Jaca caí Ocuíñaimamo caímáñtaioicairi*

<sup>1</sup> Cue izíñruiga ámatiaí, mei ómoína íere cíóíacadicue. Omoi cue íóbioñnacídíñomoi. Iemo cue jíñídolle raa izóíñomoi. Ua cue izíñruigamacídíñomoiza; maí caí Ocuíñaimamo jaícina riire omoi comécióiri.

<sup>2</sup> Evóñiana máñecíñedingo íemo Síñtique diga, izire jíñacadicue, dáñufuemo óñingo coméciíri. Mei caí Ocuíñaimamo jaináinamona ebúñona maméíñomíñgoza.

<sup>3</sup> Daje izóí jíñíñiemo úñíticue. O, cue táññinado jaca ñue cuena nabáidí. Ua cue únñoga nábaídí. Jira bie caí míñíñgotiaína o canótaiticue. Mei afe íañguañ cüeoiri afe jíñllona uai cue

llócaínado nícidocaidiainguai. Bíainguai, Clemente diga naa jáímieoiri cúeoiri táijicadiaioi. Nana afémaci mámeçi ja Juziñamui ziiñona illino óitino mámeçi cúeinanico como cuela.

<sup>4</sup> Nágaruillaído cai Ocuíraimamo mai omoi caimátaioicairi. Nane dáanomo daidicue, mai caimátaioicairi.

<sup>5</sup> Omoi comeci mánaina naga cómemo, mai ciótaitiomoiza. Cai Ocuíraima billíruimo áñozideza. Cai áñori íteza.

<sup>6</sup> Omoi comeci nífuemo járitaitañeno iri, mei jáífodo naga ómoimo comuídifuiaína Juziñamuimo úrilla llezica, afémiemo mai omoi lloiri. Daje izói omoi jitailla raana jicari. Afe llezica “Iere figura” mai omoi daiífireri.

<sup>7</sup> Ie mei Juziñamui comeci caimare uái illafue ómoimo íteza. Bie comeci uái illafue comíni onoiğa táínofue baimo ñuera. Afe caimare uái illafue omoi comécina ñue ráiruite. Daje izói omoi comeci jarire úrillafluena ñue manánaitaite. Mei Cristo Jesumo daane jáinaitiomoiza.

*Ñufuiaimo comeci omoi facáoiri*

<sup>8</sup> Cue ámatiai, íraicaiño omoi llóiticue. Nana nahí uáfuiamo omoi coméciri. Daje izói nahí caimare jacíruioigafuiaimo omoi comécioiri. Daje izói nana jácina illáfuiamo omoi coméciri. Afe izói nana íainidifuiaimo omoi coméciri. Daje izói nana ióbillafuiaimo omoi coméciri. Daje izói nana caimare jalléinafuemo omoi comeci uibíoiri. Nana bie ñufuiaimo omoi comécioiri. Daje izói nana ñufuena nitáfireganomo afémacimo omoi uibíoiri.

<sup>9</sup> Omoi cue llófuia izói mai omoi iri; ómoimo cue lloga lletárfuiaimo mai omoi ñinori. Cue dánnana omoi cacana izói, cue finócana omoi ciona izói, afe izói mai omoi iri. Iemona comeci caimare uái illafue fecáfirede Juziñamui omoi diga ífireite.

*Filipo imaci fia fecaca raa Páblomo orédiaioi*

<sup>10</sup> Meine nane cuemo omoi comécillari cai Ocuíraimado iere ióbidicue. “¿Ñibái mei cuena féitaiómoi?” ómoína daiícañedicue. Cue omoi canóacana raa átitimie íñédeza, onódicue.

<sup>11</sup> Cue ráaninari ómoína fiendi úcañedicue; cuemo ite raari cue ióbillana ja fibídicue.

<sup>12</sup> Duere cue íllana fibídicue. Daje izói aillo cue jitaica ráaniai íllana fibídicue. Nifue cuemo comuíadi, afe izóidifue cue ocuállana ja fibídicue. Nibai jeíredicue, nibai juffruiticue; afe izói caimare cue íllana fibídicue. Güiga alla cuemo íadi, mei cuemo íñeniadi daje izói ñuera.

<sup>13</sup> Naga cuemo eróicana comuide raana ocuúredicue; mei Cristo cuena riúduado ocuúredicue.

<sup>14</sup> Mei íadi cue dúerena llezica cuemo omoi dúecaillamona, cue omoi cánua ñuera. Diga ícaíño duere cue finóinari omoi zúunailla cuena náicaitade.

<sup>15</sup> Omoi Filipos imácidíomoi, daje izói bífuena onódiómoi. Nano fueñe jillona uai cue llócaína llezica, daade cue canófireñodiómoi. Ua Macedóniamona oni jáinomo cue jailla llezica daade cue canode Jesumo ñnotinodiómoi. Fia fecaca ráaniai cuemo oréfirediómoi. Afemona comínimo cue feca izói, íemo íaioimona cue llíinua izói, afe dájemo naa ómoiri táijidinodicaí.

<sup>16</sup> Nai Tesalónicomo cue illa llezica, omoi diga ícaíño, fia fecáfireiga ráaniaína cue jitaicanaiína cuemo orédiómoi.

<sup>17</sup> Fia ráaniaína cue llíinoiacanamo comécíñedicue; mei íadi cue comeci jitaillafue, Juziñamui uieómo ómoimo aillo ii, daidicue. Iemona daií aillo omoi ofitaga raana uire maiñóritiómoi. Afemo comécídicue.

<sup>18</sup> Mei nana jae cue llínoga. Afena cue jitaica ráaniai baimo ja llínoticue. Epafrodítodo cuemo omoi oreca ráaniai figo baite. Baimo cue jitáillena íñede; ja aillo íteza. Cuemo fia omoi oreca ráaniai iere Juziñamuina ióbitade. Daií cuena omoi cánuado, Juziñamui comeci jítaina finódiómoi. Aferi Juziñamui ióbicaillano afémie áfena jeire ote.

<sup>19</sup> Cue ínoga Juziñamui nana omoi jitaica raana ómoimo fécaite, mei nana Cristo Jesús ebire comútaga ráaniai Juziñamuimo dúideza. Ie jira íemo aillo ite ráaniai izói, afe izói ómoimo fécaite.

<sup>20</sup> Mei ñuera ebíredifue cai Moo Juziñamuimo jaca íoicaideza. Daiítadeza.

*Íraicaiño uáidonocaillafue*

<sup>21</sup> Cue dibénedo nana Juziñamuimo jáináidino Jesucristo mámeçido omoi uáidori. Cue diga ite cai ámatiai ómoimo uai orédiaioi.

<sup>22</sup> Nana benomo ite Juziñamuimo jáináidino daje izói uai ómoimo orédiaioi. Romano nahíllaíma jofomo itino iere ómoína izire uáidoiacadiaioi.

<sup>23</sup> Cai Ocuíraima Jesucristo nana ómoína ñue éziciíteza. Mai daiítadeza; jae ñue.

## COLOSAS IMÁCIMO SAN PABLO ORÉCABE La Carta del Apóstol San Pablo a los Colosenses

*Pablo Colósamo ite Juziñamuimo ñinotino cuete*

<sup>1</sup> Cue Páblodicue. Iemo cue nabai Timoteo diga ómoína uáidoticoco. Juziñamui comeci jítaina izói Jesucristo orécamiedicue. Afe orécamiedicue daífacana uai, Jesucristo ñúefuena llujáitagamedicue. Cue ama izóidimie Timoteo diga,

<sup>2</sup> Colosas jófue mo ite féitaño ñinofrede ámatiaimo bibe cuetícoco. Omoi daje izói Crísto mo jaináidimoi. Cai Moo Juziñamui ómoimo caimare erócaiteza. Afe llezica Juziñamui dibénemo icírriño uái illifue Juziñamui ómoimo fécaiteza.

*Pablo Jesumo ñinotinona Juziñamuimo úrite*

<sup>3</sup> Omoiena Juziñamuimo coco úrilla llezica jaca cai Ocuíraima Jesucristo Moo Juziñamuina “Figora” daífiredicoco.

<sup>4</sup> Mei Cristo Jesumo omoi ñinuana cócona ja fidítatiaioiza. Daje izói Juziñamuimo jaináidinona omoi izíruillana cócomo llotiaioi.

<sup>5</sup> Afe bie izói itíomoi, mei monamo ómoimo éenoga maiñolle raamo ñue ocuírítimoiza. Afe ómoimo lloga ua uai omoi cacánamona, ñue ocuírítigaomoi. Afe lloga ua uai ñuera jílona uai.

<sup>6</sup> Afe daje lloga uai náganuaimo llócaillado oni aillo mónoaioicaide. Ua, ríganíai llizilla izói, iere jebuide. Mei daje izói afe uai omoi cacana mei, omoi cígiri aillo jebuúdeza. Juziñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

<sup>7</sup> Cai izíruiga ama Epafras bie ñuera uai ómoimo llófuete. Afémie nauí cai méifomo afe uai llúamo táijide. Ie jira afémie ómoiena Cristo ñue ocuícamié, mei afe llezica afémie Crísto mo féitaño iere ñinofredimieza.

<sup>8</sup> Afémie Ñuera Joreño ómoimo comútaga cuena omoi izíruillafue cuemo llúaíbite.

<sup>9</sup> Jira áfena cai fidínaruimona biruimo jaca fáicanocaiño ómoiena Juziñamuimo úrifredicoco. Juziñamui comeci jítainana ñue omoi onóillena afémiemo jicáfiredicoco. Daje izói nana jiáiforie ifoci úrillana omoi onótallena jicádicoco, naa Juziñamui dibénemo onóigafuairi.

<sup>10</sup> Afe bíemona cai Ocuíraima Jesumo jaináidino illa izói, ñue írediomoi. Mei afe izói omoi ille jítáiredeza. Daí omoi illamona afémiena nágarui íobitaitiomoi. Afe afémie íobilla raa be ñue: Riga llizíllajíai aillo illa izói, omoi finoca ñúefuina aillo omoi jebuítallena; iemo jiái Juziñamuina jamánomo ñue omoi onóillena.

<sup>11</sup> Daje izói nana cai ebírede Juziñamuimo ite ñuera ríinodo omoi ñue náireillena afémiemo jicáfiredicoco. Daí jicáfiredicoco nana ómoimo cómutifuiaina jarítaiño fáicana omoi ocuíoillena. Daje izói caimare aféfuina omoi ocuíoillena ómoiena jicádicoco.

<sup>12</sup> Nane daí omoi comeci náireillamona caimare cai Moo Juziñamuina “Iere figora” omoi daífireillena jicádicue. Mei nana afémiemo dúidinomo ie fecalle zíifona illifue ómoiena batí Juziñamui illa úzeredinomo omoi maiñóllena, afémie ómoína ñue finódeza.

<sup>13</sup> Mei uáfueza, Taife ocuífrega jíifomona Juziñamui caina jíllotote. Jílluno ie izíruiga Jitó illáimana illánomo caina jóonete.

<sup>14</sup> Mei afémie Jitó tíllado, caimo ite íaifuiaí féitajano, Juziñamui caina jíllototeza.

*Cristo tíllado Juziñamui diga icírriño dájena uái iticai*

<sup>15</sup> Afe bie cai Moo Juziñamui jaca cíñenamié íadi, comíni cíonamié izói ie Jitodo ana bite; íemona afe Jitó Juziñamui ñue ua izóidena caina onótate, naa ie comeci ífuairi. Afe Jitó nana comútaga ráaniai baímo jamánomoidimie.

<sup>16</sup> Juziñamui ie Jitodo nana monamo itínuiaina finótate, naa éniemo itínuiairi. Cíoide ráaniai naa cíofñena raa diga, nana afémiedo Juziñamui finoca. Mei uáfueza, daa fiéño, nana afe cai cíofñena ríinoredinona naa ocuídillainiri, iemo jiái Juziñamui abi imaci diga, dáamiedo finócaiaioi. Nana afe ie Jitodo finoca. Daje izói afémie íena finoca.

<sup>17</sup> Mei afe Cristo nana ráaniai nai íñenia afémie jaca íteza. Daje izói dáamiedo nana ie finoca ráaniai oni féiraiño ñue jaícina itiaioi.

<sup>18</sup> Afe baímo Cristo nana afémiemo jaináidino afe ífo dainámie. Iemo nane afémiemo ñinotino ie abi dainámaci. Afémie afe bie ie abi daina ñinotinona zíifona cáatatimie, mei afémie

tíidinomona fueñe meine cáadimienaza. Afémie daí fueñe meine cáadimiena jaide, nana itífuiái baimo jamánomoidimiena íllena.

<sup>19</sup> Nana Juzíñamui zifiñona illa izói, nana afe izói Cristo íllena Juzíñamui jitaide.

<sup>20</sup> Nane daje izói afe Cristo tíllado, Juzíñamui nana afémie comuítaganuina icírafuenino dájena caimare uái illífuemo jóoneacade. Mei uáfueza, nana bíniemo itífuiái naa comini diga, íemo jíái nana monamo itínuiáiri, Cristo cruzmo tíllado Juzíñamui éoiñeno dájena caimare uái itátaacade.

<sup>21</sup> Naui diga íaifuiái omoi fínuamona Juzíñamuimona iere jicánemaci izóidiomoi. Daje llezica omoi comécido Juzíñamuina éoidinona itiomoi. Mei íadi ja birui Juzíñamui afémie diga ómoína icírafuenino dájena uái illífuemo jóonete.

<sup>22</sup> Cristo tíizaiilla llezica ie abi izi cácanado, Juzíñamui daí ómoína caimare dájena uái illífuemo jóonete. Afémie bie izói finode, íaifuenidinona, daje izói níifuenidinona afémie uíecomó cai ie jóoneíllena. Uáfueza, afémie bie izói finode íeíena cai íllena.

<sup>23</sup> Bie izói uáfueña omoi íllena, fáicanocaiñeno jaca íinorediomoi. Afe izói amena ana jica jainade riire illa izói, riire írediomoi. Daje llezica ñuera jíllona uaina omoi cacánamona omoi maiñoca caimare ocuírillafuena fáinocainidiomoi. Afe bie ñuera jíllona uai ja nágaboiado llócaiga. Iemo afe izói afe llócaigamo cue jíái canódicue, mei afe uai llócaíllena Juzíñamui jóonenocaigacueza.

### *Pablo Jesumo ínotino cánoitimiena jóonega*

<sup>24</sup> Birui omoi íconia duere cue zefuillari íóbidiue. Mei áfede Cristo abi daina afémiemo ínotinori nana uícode lloga nai duere cue zefuillana ñue ícoimo fuitáredicue.

<sup>25</sup> Mei omoi ñue íllena Juzíñamui cuemo jóonenocaigafuedo nana afémiemo ínotino cánoitimiena jáidicue. Mei uáfueza, Juzíñamui nana comínina llóicaiga uai, afe uai jino cue llúana ícoimo fuitállena jóonenocaigacue.

<sup>26</sup> Afe bie ñuera uai jaiái ninómona ua biruimo comini figo onóñediaioi; diga igímaíai záilla méifomo afe uai nai retáiruiga raa izói joide. Mei íadi ja biruimo íeíedinomo ja jino báifitate.

<sup>27</sup> Juzíñamui ja judíoñedinomo afe bie naui báinino íte uai ñuera áillue cámafueña jino ómoimo onótaicade. Bie báinide uai daina, Cristo ómoimo illa llote. Iemo íco jíáíruido ñue caimare omoi illífuemo omoi ocuírillena afémie jino dénoite.

<sup>28</sup> Cai bie Crístono jino uáfodo lloticaí. Afe llezica nana comínina ñue rairuídicaí. Daje izói nana ñuefuiái ñue íaioi onóíllena afémacina nana llófiredicaí. Afe izói naga come Crístomo dájena jaináíllamona afémie dibéñedo ñue íaioi móonaíllena llófiredicaí.

<sup>29</sup> Bie cue fuitállena, nana Cristo cuemo iga máiriedo fúirienaiilla izói nágarui Juzíñamuimo izire jicáfiredicue.

## 2

<sup>1</sup> Mei bífueña ómoína fidítaacadicue. Jaca ómoína iere fuirilla izói Juzíñamuimo riire jicáfiredicue; daje izói Laodicea jófueño ítino íena, íemo jíái nana cue uíeíona cíóñedino íena riire jicáfiredicue.

<sup>2</sup> Afémaci comeci náireíllena fuirilla izói Juzíñamuimo riire jicáfiredicue. Iemo afe comeci náireíllamona conímána ñue íaioi izírullena riire níciduano jicáfiredicue. Mei daí dájena omoi jainaina jira, bie naui figo báitañega uai Cristo omoi ínua mei, omoi diga íllana ñue jáicína onórediomoi. Afe daí uáfori jáicína afémiena ñue omoi onóíllena, riire níciduano nágarui Juzíñamuimo izire jicáfiredicue. Mei jíi, nana bie riire nícidoticue, figo ónoñega Juzíñamui ñuera uaina ñue omoi onóíllena; mei afe báíñega Juzíñamui uai daina dama Crístoza.

<sup>3</sup> Mei uáfueza, nana comeci jamánomo úrillafuiái naa onóigafuáiri afémiemo íte.

<sup>4</sup> Bu ómoína ebírede uáíllaido bífueñeíllena, nana bífuiái ómoimo llóiticaí.

<sup>5</sup> Cue abi omoi cígiri íñede íadi, benómona jicana izire ómoimo comécidicue. Iemona daí cue fídia izói dájena caimare omoi íllari íóbidiue. Daje izói fáicanocaiñeno Crístomo omoi ínuari íóbidiue.

<sup>6</sup> Jae cai Ocuífirede Jesucrístomo ñue omoi ínuamona ie lloga íodo jáirediomoi.

<sup>7</sup> Afe bie daíacade, amena riire jáinaja izói, Crístomo riire jaináirediomoi. Iemo jíái daje llezica jainónide jíáíllari izói omoi íllena, nágarui Cristo uaiíllari jeire omoi ua baimo jamánomo jeire ófireri. Mei afe izói llófuegaomoi. Iemo afe llezica nágarui Juzíñamuina “íere figura” mai omoi daífireiri.

*Crístomo cai jaináinamona cai comeci cómuena méidoga*

<sup>8</sup> Mei birui ñue abí omoi rairuiri, baimaci omoi jífueacadeza. Afémaci táinodo ifoci úrillado, daje izói íaioi lloga taino uállaimo jífuebiñeno iri. Mei afémaci Cristo dibénemo inédiaioiza. Mei jááfodo íaiaí ninomo comini lloga taino uai dibénemo jaináidiaioi. Daje izói dama binie raa dibénedo comini comécillafuluaimo jaináidiaioi.

<sup>9</sup> Mei íadi nana Juziñamui zifiñona ñue illa dieze, afe izói Crístopmo nana ñue jaícina ite.

<sup>10</sup> Iemona Crístopmo dájena omoi jaináinamona, Juziñamuina oruide comini izóidiomoi. Afe Crístopmo nana monamo ite ocuidillainina, naa cai cióñena riñoredinona ocuífiredo.

<sup>11</sup> Iemo nane daje izói Crístopmo dájena omoi jaináinamona ja bacano icoi quetácano izóidiomoi. Mei íadi ua quétañegaomoi, mei jááfodo nanómoma omoi jocoina llezica ómoimo ite íaifuemona ja jillodiomoi. Mei ua, bacano icoi quétaja izói, omoi fiénidifuemona quetaca izói jillodiomoi. Afe bie quétañefrena Crístopmona comuide.

<sup>12</sup> Iemo nane jiaífueo cacáreiri. Mei omoi báutizanamona Crístopmo éniemo ana raia izói ja raigáomoi. Bie nanómoma omoi fiéni finócafuiái titaca izói, ja fáicanocaitimoiza. Iemo Juziñamuimo ite áillue riñonomo omoi ínuamona Crístopmo izói cómomiena afémie diga ja cáadimacina itíomoi; mei Juziñamui dama íemo ite riñodo Crístopmo tíide meine cáatateza.

<sup>13</sup> Naui jáíruido ómoimo ite íaifuiamona comeci diné tíidino izóidiomoi. Daje izói quetátañena judíuáiñedino omoi illa llezica, omoi fiénide óiacanafue jeire omoi úamona, comeci dine ónonino tíidino izóidiomoi. Mei íadi birui Juziñamui nana omoi fiénidifuiái féitajano, dájena Crístopmo diga ómoína abido cáatate.

<sup>14</sup> Caímo ite íaifue íballe raa izoide. Afe cai íbañenia tíiredicai. Mei íadi Crístopmo tíillado Juziñamui cai íbácana záitate. Afe cai íbácana Juziñamui fiébiñeno ñue íbaja Crístopmo cruzmo coráiado ácatate.

<sup>15</sup> Mei afe llezica Crístopmo cruzmo tíillado, monamo ite ocuidillainina, naa cióñena riñoredinona afémie riñitade. Afémie uáfori íaioi illáiena báiruado, nana afémaci baímo íe jamánomoidimie íllana ácatate.

#### *Monamo ite ñúefuiaina omoi jenori*

<sup>16</sup> Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi jírua dibénedo ninó dáamie fiéni ómoína úriadi, áfemo náfueñeno mai omoi iri. Iemo jáí dáarie judíuái lloga ráfuiamó enemo omoi coméciiñenado, ninó dáamie omoi jánana júfidoiadi, áfemo mai náfueñeno omoi iri.

<sup>17</sup> Mei nana bífuiái, uire Crístopmo billifue dibénedo comini ñue onóíllena canódeza. Mei íadi Crístopmo billamona afe cai onótatífuiái jítañega, mei dama Crístopmo nana uafue raa báífideza.

<sup>18</sup> Iemona nino dáamie ómoína fiéniruiadi, mei afémie táinona mánaidimiena íllana ómoimo ácatateza, áfemo náfueñeno omoi iri. Daje izói afémaci diga Juziñamui abi ímaci ómoína íobitafireiadi, áfemo náfueñeno omoi iri. Mei afémaci ónoñega nícai anado cióñefrena raado úrifrediaioiza. Afémaci jiba come comeci fácafuiáido abi íere ínofrediaioi.

<sup>19</sup> Afémaci Crístopmo dájena jaináñeno itíaioi. Mei jááfodo Crístopmo nana íemo ínotino ífódimie. Afe ífo izói mamécamie nana íe abi écaja izói comécina náiretajamona afe abina móonaitade. Afe izói nana íe abimo jaináidino conímamo dájena jaináitajamona, íe abina móonaitade. Afémie Juziñamui mamérilla izói nana bífuiái ocuífiredo.

<sup>20</sup> Mei Crístopmo tíllaruimo afémie diga tíidino izói jáidiomoi; bie daíacade nanómoma omoi fiéni finócafuiái titaca izói omoi fáicanocaigaza. Afe llezica bie énie ocuífiredo cai cióñena riñoredinomona zuitácamací izói jáidiomóiza. Iemona ¿nibái mei nai bíniemo dúidino izói ífirediomoi? ¿Níbái mei íe ocuífueo jeire otíomoi?

<sup>21</sup> Dáarie bie íaioi ocuica ímairilla uáimona bie izói daide: “Bie riñeno iri,” íemo jáí “Afeniaina güiñeno iri,” íemo nane jáí “Baie jetáñeno iri,” daide.

<sup>22</sup> Nana bie rairuillafuiái bie éniemo ite jétamona fúioicaito güílleniáimo dúide. Jira aféfuluaimo náfuenidiomóiza. Nana afe íaioi ocuica uallai fia jiba comini daina uallai. Daje izói fia jiba comini llófuega.

<sup>23</sup> Mei uáfueza, afe bífuiái báitafuiái izói cacáreide, mei afe ocuídino, “Bie cai daina izói monamo itéñona mai omoi caimátaífireiri” daí daídiaioiza. Daje izói fia comini daina comécina mánaidinona ómoína orécadiaioi. Iemo jáí comini íaioi abi táinona duere zefuítatiaioi. Mei íadi nana bie íaioi ocuífuiái cai comécimo ite fiénide óiacanafuiái rairuillena canóñede.

### 3

<sup>1</sup> Iemona, Crístopmo diga meine abido cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo Juziñamui nabézimona ílláimana íteza.



<sup>2</sup> Daje izói mona dibénemo ite raamo comécíillano áfemo omoi járitaireiri. Mei jáífodo biniemo ite ráfuiamo izire comeci uitáñeno omoi iri.

<sup>3</sup> Mei Cristo táillarumo afémie diga jae tíidinona jáidiomoi. Jae omoi jaiai fieni finóacagafue titaca izói afe omoi fáicanocaiga. Iemo ja birui Crísto dájena omoi jáinainamona omoi uáfuaena cáatagano; íemo jáí Juzíñamui dinomo rairuícaomoi, mei Cristo daje izói Juzíñamui dájena jáinádeza.

<sup>4</sup> Dama Cristo cai uáfuaena cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede ñúefuiai mona ómoiena máñoiomoi.

*Cai jaiai illafue méiduano cómfuedo jáiredicai*

<sup>5</sup> Ie jira naui bie éniemo omoi jáinaina jira, ómoimo diga fieni óiacanafuai ite. Aféfuiai titale izói mai omoi fáicanocairi. Naga áinidimie ringo diga jaca iñeno o iri. Iemo jáí, áiredimie ie áíñedingo diga jaca iñeno o iri. Iemo daje izói jáíe cómemo íaifuiaido comécíñeno omoi iri, íemo jáí omoi abímona comuide jiruífuaena omoi finóñeno iri. Daje izói omoi comeci fieni óiacanafuena jeire ofñeno omoi iri. Iemo nane jáíe cómemo úradoiñeno omoi iri, mei úradoífredimie diga raa óiacanamona jánaraimo caimátáidimie izóideza; Juzíñamui ífuiai baímo jamai bínie raana izíruteza.

<sup>6</sup> Ie jira nana bífuiaimona íemo cacáñedinona Juzíñamui iere duere finóírede.

<sup>7</sup> Iemo jaiai Crísto omoi ínoñena llezica, nana bie izóidífuiai finóírediomoi.

<sup>8</sup> Mei íadi ja birui nana bie fáicanocairi: Jáímamo ícíríñeno omoi iri, íemo rírede uaillai bumó lloñeno omoi iri. Daje izói jáíe fiénidífuiai finóñeno omoi iri. Iemo jáíma jánana úríñeno omoi iri. Daje izói jáíma zanóllena fiénide uáillaído iaire úríñeno omoi iri.

<sup>9</sup> Conímamo táinona lloñeno omoi iri, mei omoi jaiai fieni illafue jae méidogaza. Daje izói nano omoi finóírega jae fáicanocaigaza.

<sup>10</sup> Iemo ja birui comue iníroi jita izói ñue illáfuaena ja méidotíomoi. Iemo afe comue illafue comuitatimie Juzíñamui. Ie jira ie illa izói afémie caina cómuena finótacana uite. Iemona afémiena ñue ícoimo ónoíticai.

<sup>11</sup> Afe jira afe cómomaci judío íniema ie íllana náfuenidiaíoi. Iemo jáí judíoñedinoma ie íllana daje izói náfuenidiaíoi. Iemo jáí afémaci bacano quetácamiema ie íllana náfuenidiaíoi; daje izói quetañegamiema náfuenidiaíoi. Afe izói afémaci onínemaci íllana, íemo jáí onóñedino íllana, íemo jáí izire ocuífregano íllana, íemo jáí ocuífnigano íllana náfuenidiaíoi. Mei jáífodo afémacimo Cristo iere jamánomo ráífinamona dama afémiemo náfuefirediaíoi. Mei Cristo naga íemo ínotinomo ífredeza.

<sup>12</sup> Iemona bífuemo cácarei: Juzíñamui ómoína izírute. Izírullano afémie ómoína nize de ie íaífuene comínina omoi íllena. Mei ie jira bie ñúefuiai izói omoi ífreiri: Jáímacimo dúeacáíreiri. Jeruíño canóíredimíema omoi iri. Comécina mánaidimíema omoi iri, cáímafuaído úrífreiri, járidoñeno omoi iri.

<sup>13</sup> Conímamo jaca járidoñeno fáicana omoi canori. Daa come jáímamo ícíríadi afémiemo ñúefuedo omoi jícarí, áfede ícírírafue záíllena. Omoi íaífue ícoínia Cristo oni féitaja izói, afe izói jáímie omoi fieni finóadi afe ícoínia oni o féitáíreiri.

<sup>14</sup> Nana bífuiai emódomo iere omoi izírúífreiri. Mei afe izírúíllafue cómena dájena jáináíteza, jáímaci diga. Afe daí jáímacina cai izírúíllamona, nana afe ñúefuiai jáícina caina finótate.

<sup>15</sup> Iemona Cristo comuítaga caímare uái illafue omoi ífocí úrillana ífoíteza. Mei dáamací izói íemo cai jáináinamona afe bie izói cai íllena Juzíñamui caina uáídoteza. Afe llezica jaca Juzíñamuina “Figora” omoi daíífreiri.

<sup>16</sup> Mai mei nana omoi comécido Cristo daínauai jeire óredíomoi. Afe mei aféuai ñue omoi onónamona conímama omoi llófuéri. Iemo daje llezica áfede conímama ñue onóicana comécina omoi náíretari. Iemo jáí Juzíñamui íóbitallíruai omoi róífreiri, jáíe íena caimátáíllíruai diga. Daí ruano omoi comécido Juzíñamuina “Figora” omoi daíífreiri.

<sup>17</sup> Mei jíi, nana omoi jetáacaga raa, íemo jáí ómoimo ocuica caimánidífuie diga, naa omoi daííllífuiaíri cai Ocúráima Jesús máncido omoi finóíreiri. Afe llezica Moo Juzíñamuina afémiedo “Figora” omoi daíífreiri.

*Crísto ínotinomo dúide comíni diga finóírega uai*

<sup>18</sup> Daje izói bie jáí llóífuemo omoi cácarei. Íníredíngotíai, maí omoi ínítíai anamo ñue ífreiri, mei Crísto ínotínguaina omoi illa jira, afefue ínoredeza.

<sup>19</sup> Daje izói ínítíai omoi áítíaina ñue izírúiri; afénguaina fiéniruíñeno omoi iri.

<sup>20</sup> Uruiaí, omoi móotíaina nágafuemo omoi cácareiri, mei afe daí omoi íllamona cai Ocúráima íóbide.

<sup>21</sup> Móotiai, omoi úruiaina ícidoñeno omoi iri, afémaci jacínaiillamona minícana finónide daií íaiói íñeillena.

<sup>22</sup> Ocuífregano, bíniemo ite omoi ocuúdinona nágafuiaimo ñue omoi cacáreiri. Daa afémaci ñue ómoimo comécillena afémaci fia eroina llezica ñue cacáreñeno, mei íadi jíái daje izói afémaci éroñfena llezica ñuera comécido omoi cacáreiri, mei Juzíñamuina ñúfuedo jacíruítaicaza.

<sup>23</sup> Daje izói nana omoi finóacaiga raa, ñúfuedo finori. Comini dibénedo izói táijíñeno, Juzíñamuimo o táijina izói omoi finori.

<sup>24</sup> Mei ja onódiomoiza, Juzíñamui ómoimo lloga omoi jirírdolle zúñona illifue afémie ómoimo fécaiteza. Mei uáfueza Cristo ocuúcamacina maméidiomoiza. Afémie omoi ua Ocuíraima.

<sup>25</sup> Mei íadi fiendi finódimie afe íbana ie fiendi finua dieze duere finóbite. Mei Juzíñamui jaca dáamie oni énenorie maméñede. Nana daje dieze jaícina duere fínoite.

#### 4

<sup>1</sup> Ocuíraini, omoi anamo ite ocuífreganomo ñue jaícina omoi eroiri. Afémaci jitaica raamo uibóicana omoi ocuífereiri. Mei monamo omoi Ocuíraima ítena onórediomoiza.

<sup>2</sup> Mai fáicaiñeno Juzíñamuimo omoi úrífereiri. Jaca afémiemo cáaina izói úriri. Afe llezica “Figora” Juzíñamuina omoi daiífereiri.

<sup>3</sup> Daje izói cáiena Juzíñamuimo omoi jicáfereiri, cai Ocuíraima uaillai ñue cai llócaillena. Juzíñamui bie izói caína itátallena omoi jicari. Daje izói nauí comini figo óñoñega Cristo dibénedo uai, uáfori cue llófuellena omoi jicari, mei daií llófueredicueza. Nauí afefue cue llua jira ja birui llavébidicue.

<sup>4</sup> Mai omoi Juzíñamuimo jicari, bie ñúfue cuemo dúina izói, onóreoicana jino cue llóllena.

<sup>5</sup> Crístomo íñoñedino cígimo jaca ñue onódimie izói omoi ífereiri. Nágarui Cristo illafue afémacimo raire omoi ácatafereiri.

<sup>6</sup> Nágarui cáimafuiaído úriredío. Daje izói jaca ñue oíacanado o úriri, illa dígamie uai ñue o óllena.

#### *Iraicaiño uáiduafe*

<sup>7</sup> Cai izíruiiga ama Tíquico, cuemo birui itifue ómoimo llujáite. Afémie fáicanocaiñeno iere cue canófredimie. Daje izói afémie cai Ocuíraima cue diga ocuífregamiena ite.

<sup>8</sup> Ie jira afémiena ómoimo óreiticue, birui cai illafue ómoína onótallena; íemo jíái omoi comeci náiretallena.

<sup>9</sup> Afe llezica jíáimie Onésimo mámeciredimie Tíquico diga jáite. Afémie cai izíruiiga ama, íemo jíái iere ínofregamie. Afémie ómoimaci ie. Afe íaillinoi nana benomo ífredifuiái ómoimo llóitaiillinoi.

<sup>10</sup> Iemo cue llavébilla llezica cue nabai Aristarco, uaillai ómoimo orede. Daje izói Bernabé enaize Marcos uaillai ómoimo orede. Marcos dibénedo jíáie lluaífuai ja onódiomoiza. Afémie omoi méíñuáiadi, caimare íena omoi uáidori.

<sup>11</sup> Iemo jíái Jesús ómoína uáidote. Afémie jíái Jústona mámeciredimie. Juzíñamui illaíma ll-lano dibénedo cue táijina llezica, daa afe bimaci judíuaimona Crístomo ínotino cue canóдино. Afémaci iere daa cue íóbitadino.

<sup>12</sup> Iemo jíái Epafras uaillai ómoimo orede. Afémie ómoimaci ie. Daje izói Cristo ocuífregamie. Afémie ómoiena jaca izire Juzíñamuimo jicáfiredede, fáicanocaiñeno Juzíñamuimo omoi ínnollena. Daje izói Juzíñamui dibénedo ñue omoi móonaillena íemo jíái nana Juzíñamui comeci jítaina izói jaícina ñue omoi finóllena, afémie Juzíñamuimo jicáfiredede.

<sup>13</sup> Afémie iere ómoimo comécillana uaina nabáifredicue. Daje izói afémie jíái Laodicea jofue comínimo iere comécífiredede, naa Hierápolis jofue comíniri.

<sup>14</sup> Iemo jíái izíruiiga manóriraima Lucas uai orede, daje izói Demas.

<sup>15</sup> Iemo jíái Laodicea jófuemo ite ámatiai uáidori. Daje izói Ninfas daínámie omoi uáidori, naa ie jofomo gairífiredede ínotino diga.

<sup>16</sup> Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi diné dúciadi, nana omoi facádori.

<sup>17</sup> Jíái Arquípomoi lloiri: “Mai cacai, Juzíñamui omo jónega ie táijina mai ñue jaícina o fuitari,” daiíri.

<sup>18</sup> Cue Páblodicue. Afena uafue daiíllena, bie uáidua uai dama cue ónoído ómoimo cueticue. Onóitíomoiza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoído eróiteza. Mai daiíteza. Jae ñie.

## NANOIDE SAN PABLO TESALONICA IMÁCIMO ORÉCABE

### Primera Carta del Apóstol San Pablo a los Tesalonicenses

#### *Tesalónicamo ite ñnotimacimo Pablo ie nabáñiairi rabe cuetiaioi*

<sup>1</sup> Cue Páblodicue. Bie rabe Tesalónica jófuego ite Juzíñamuimo gairide ámatiaimo cueticue. Benó cue diga ite cue nabai iaillinoi Silvano Timoteo diga dáabemo cai uai cueticue. Moo Juzíñamuimo dájena jaináidiomoi. Daje izói cai Ocuíraima Jesucristomo dájena jaináidiomoi. Cai Moo Juzíñamui ézicigafuemo caimare omoi iri. Daje izói Juzíñamui fecaca começi ñue uái illáfuemo omoi iri. Afe izói ie jitó cai Ocuíraima Jesucristo começi ñue uái illáfuemo omoi iri.

#### *Tesalónica imaci íaioi Jesumo ñnuafue ñue jino ácatatiaioi*

<sup>2</sup> Nana ómoiri Juzíñamuina “Figora” daífiredicai. Daje llezica Juzíñamuimo cai úrillamo nana ómoina uibíoidicai.

<sup>3</sup> Cai Moo Juzíñamui uécomo ómoina uibíoidicai, jamánomo ñnuafuedo omoi táijina jira. Afe llezica aillo iziruillafuedo comínina canócana tájifirediomoi. Ie emódomo cai Ocuíraimamo omoi úiñuafue jaca fáicanocaiñediomoi.

<sup>4</sup> Cai ámatiai, Juzíñamui ómoina izíruite. Afe Juzíñamui nizécamacidiomoiza onódicai.

<sup>5</sup> Meita naui jíllonafue ómoimo cai lluaíbillaruido aféfuena fia daína uáillaido lloñédicai, mei íadi Ñuera Joreño ríinodo lloticai. Daje izói afefue uáfueña ñue cue onóigamona áfena uai jizíñeno jino ómoimo lloticai. Omoi cígido cai ñue illáfuena, áfedo omoi começi ñueillena onódiomoi.

<sup>6</sup> Omoimo cai jino cíotaga illafue izói ja dani ñue macádiomoi. Daje izói cai Ocuíraima Jesucristo maca izói macádiomoi. Afe llezica cai llogáuaina ñue jeire otíomoi. Ua Ñuera Joreño fecaca cáimafuedo afe uai jeire otíomoi, afefue ícoinia duere finócaomoi íadi.

<sup>7</sup> Iemona ñuera illafue jino cíotatinona íficaidiomoi. Ua nana Macedonia éniemo ite ñnotimacina, daje izói Acaya éniemo ite ñnotinona fidítaiomoi.

<sup>8</sup> Mei jira Ocuíraima Jesucristo llogáuai ómoimona nana Macedóniamo énie Acaya énie diga jica jalleide. Ie mei afe baimo Juzíñamuimo omoi ñnogafue jae náganiamo jica jalleide. Ie jira jae cai jiáifodo daíillifue íñede.

<sup>9</sup> Mei afeno imaci omoi ñue caina llínuafue llotiaioi. Ie emódomo jánaraimo omoi ñnuafue fáicanocai llano caade Juzíñamuimo omoi ñnollena llotiaioi. Afe ua caade Juzíñamuimo omoi como fueñe tájinafuedo úritiaioi.

<sup>10</sup> Ie baimo tíllanomona Juzíñamui cáataga Jitó, monámona meine bíllena ie omoi úiñuafue llotiaioi. Afe meine abido cáataga Jesús, cai jíllotaraima; ua uire biite cai iere duere finóllifuemona, aféme caina jíllotaite.

## 2

#### *Pablo Tesalónicamo tájinafue*

<sup>1</sup> Amatiai, naui ómoido cue illafue fia táinomo baiñede, dani áfena ñue onódiomoiza.

<sup>2</sup> Afe cue billa uícodo Filipos jofue comini caina báñota duere caina finódiaioi. Mei íadi Juzíñamui cai cánuamona afe ñue jíllonafue uáfodo jacíruiñeno ómoimo jino lloticue, jiáimaci caina uáitaoidiaioi íadi. Afena onódiomoi.

<sup>3</sup> Cai começi jífueinamona ómoimo cai llogáfuiái lloñédicai. Daje izói fiendi ómoina mameñedicai. Daje izói ómoina jífueacañedicai.

<sup>4</sup> Omoimo cai llogafue jiáifodo joido. Cai figomieillena Juzíñamui facátagamacidicai. Nue jíllonafue uai Juzíñamui ómoimo caina llotátate. Mei jira daíi ómoimo jino lloticai. Comini baimo Juzíñamuina íóbitadicai, aféme cai começi ífuiái eroille jira.

<sup>5</sup> Ebírede uáillaido ómoina fia bífueñedicai. Afena onódiomoiza. Iemo fia úcube cai óllena táinofuaina lloñédicai. Juzíñamui bífueño uai nabáiraimana afefue uáfuellena.

<sup>6</sup> Comínina ñuefuiaina caimo nitáañedicai. Mei íadi omoi onódiomoiza; daje izói jiáimaci onode, cai Cristo orécamacidicai. Afemona ocuilla ríino caimo ite, omoi cai ocuillena. Aféfuemo ómoina izire cacáreitaredicai. Mei íadi afe izói ómoina ocuñedicai.

<sup>7</sup> Jiáifodo ómoina icíñeno fáicana omoi cígimo llófueticai. Ua úrue ei úruiai comuítaja úiñua izói, ómoina dúecaillano izíruiticai.

<sup>8</sup> Omoína jamánomo izírúiticaí. Iemona Juzíñamui lloga ñúefue ómoimo llóllena ñue ja finóbídicaí. Afe baimo nana cai comeci ífúiaí ómoimo fecácadicaí, ómoína iere cai izírúillamona.

<sup>9</sup> Amataí, nauti cai jitaica raa cai óllena izire cai táijina, uibídiomoi. Ua daí riire cai níciduana áfemo uibíoidiomoi. Mona naio diga táijifredicaí ómoimona bu abina jafue finoñeillena. Mei afe llezica Juzíñamui lloga ñuera uai ómoimo jino lloticaí. Afe uaina jai ínotimacidiomoi.

<sup>10</sup> Jaca omoi uíecomó íaifuenino macádicaí. Daje izóí buna jífueñoeno macádicaí. Nana omoi Juzíñamui diga áfemo uai nabáifrediomoi. Daíí buna caimo nífuena nitánidiaioí.

<sup>11</sup> Mei illa dígamie omoi comécina náretadicaí, onódiomoiza. Daje izóí úrue moo ie úruemo dúecaillano fíraja izóí ómoína fíradicaí.

<sup>12</sup> Juzíñamui íeiena omoi maméinamona omoi jaícina nágarui ñue macállifue jítaírede. Afefue nauti ómoimo ocuídúce. Juzíñamui ie náamataganona jírite ie illáimana illánomo omoi jáillena, afe llezica Juzíñamui ebírenafuena omoi onóillena.

<sup>13</sup> Bífueri iere Juzíñamuina “Figora” daíífredicaí. Cáimona omoi cacana Juzíñamui uai dibénedo, “Afe uai jiba come uai” daííñediomoi. Mei íadi aféuai illa izóí, dama Juzíñamui nahí uai jeire otóimoi. Afe Juzíñamui uai ja omoi ínotino comécimo ñúefuina déioicaide.

<sup>14</sup> Amataí, cácarei. Omoi comínimona duere omoi finóbiadi, jae judéamo ite Juzíñamuimo gairídino izóí íficaidiomoi. Afémaci Jesucrístomo daje izóí jaináidiaioí; mei íadi íaioí éniemo ite judíuaimona daje duere finóinafue duere zefuúidiaioí omoi zefuúilla izóí.

<sup>15</sup> Afe judíuui duere finóidino cai Ocuíraíma Jesuna fatíaioí. Jaiái ninomo daní íaioí Juzíñamui uai jino llóraíni fatíaioí. Afe judíuui dáarie jófueimona caina jino jíudiaioí. Afémaci Juzíñamuina íóbítañediaioí. Daje izóí nana comínina uítaoídiaioí.

<sup>16</sup> Mei judíoñedinomo bífue cai llóiacaniadi caina rairuácadiaioí. Daje izóí aféfuemona afe judíoñedinó jíllollena, cai lloi dáíí caina rairuácadiaioí. Afe ícoínia íaioí fiénidífuiaí aillo offoicaide. Mei íadi birui ícoimo aféfuiaí ícoínia Juzíñamui íaioína jamánomo duere finode.

*Pablo meine Tesalónica comíni eróizaiacade*

<sup>17</sup> Amataí, ómoimona nano nié dño oni jáidicaí. Mei comímana cíóñedicaí íadi ómoimo comeci facáoídicaí. Afe jira izire ómoína cíoizaíbiacadicaí.

<sup>18</sup> Omoi illánomo cai jáillena mamériticaí. Cue dama diga ícaíño iere jáiacadúce. Mei íadi naga cai jáiacanaruillaido Taife llótaidogacai.

<sup>19</sup> Mei ie jira ¿Minica mei cai úiñoigafuena? ¿Minica cai íóbillafuena? ¿Minícamona cai caimátaíllafue comuíde? ¿Minícamona cai comeci zuitáinafue comuíde? Mei cue llófuega Juzíñamui uaina ñue ínotiomoiza. Ie jira cai Ocuíraíma Jesucrísto billírúimo daní omoi, daa bie cai comeci íóbillafuena.

<sup>20</sup> Uáfueña, omoi cai comeci zuitáinafueña, cai cáimafue diga.

### 3

<sup>1</sup> Mei jira afe baimo are cue úiñoñidúce. Ie jira benó Aténasmo dama cue illífuena maméritúce.

<sup>2</sup> Afe llezica cai ama Timoteo ómoína eróizaitadúce. Afémie Juzíñamui ñue táijitagamie. Afémie cai diga Jesucrísto ñúefue jino llúamo táijide. Omoi ínogafueño ómoína ñue riire naire ítátaite.

<sup>3</sup> Iemona ómoimona buna baie duere omoi finóinamona omoi ínogafuena féítañede. Mei afe bie zúufuúaido duere cai finóbille jítaírede. Afena onódiomoiza.

<sup>4</sup> Afe emódomo nauti ómoiri cai illa llezica afe duere cai zefuúíllifue ómoimo lloticaí. Afe daíí ómoimo ja íficaide. Ja onódiomoiza.

<sup>5</sup> Ie jira áfena ja iere cue ocuífñenamona, omoi ínogafueño mácajana jícanotadúce. Mei Taife ómoína fiénidífuemo baítate izóinamona cue comeci jacírúioide. Daíí cai táijina táinomo jífanofide izoide.

<sup>6</sup> Mei íadi ja birui Timoteo Tesalónicamona meine dúcide. Afémie ñue omoi ínuafue izírúillafue diga cai lluaíbite. Caina izírúillano caimo omoi uibíoínafue Timoteo lluaíbite. Ie mei ómoína cai cíocacana izóí caina iere cíocadiomoi; daíí Timoteo caimo lluaíbite.

<sup>7</sup> Iemona aillo duere cai finóinafue illa llezica omoi ínogafueño ñue jaícina omoi mácajana fídídúce. Aferi cai comeci iere ñue fírazite.

<sup>8</sup> Cai Ocuíraímamo ja birui ñue jaináidiomoi. Afena cai onónamona caimo cómofuena comuíde.

<sup>9</sup> Ua ómoiri iere ióbídicaí. Juzíñamui uiécomo caina iere ióbitadiomoi. Afe aillo cáimafuerei Juzíñamuina ibana “Iere figura” fáicanocaiñeno daiñredicaí.

<sup>10</sup> Mona naio díga conima uiécomo eróicana ómoimo cai úrillaena Juzíñamuimo izire jicádicaí. Afe llezica omoi ñnogafuemonana nai fiévide uai jaícina cai fuitállena Juzíñamuimo jicádicaí.

<sup>11</sup> Omoi cai eróizaillena daa cai Moo Juzíñamui naa cai Ocuíraíma Jesucrístorí cai canóllena jitáidicaí.

<sup>12</sup> Omoi ñnogafue oni móonaillena cai Ocuíraímamo jicádícue. Afe izóí conímána omoi izíruillena jicádícue; daje izóí naa jíámaciairi. Omoína cai izíruilla izóí maí nana jíámacína omoi izíruiri.

<sup>13</sup> Omoi comeci jaícina jónellena jicádícue. Daje izóí cai Moo Juzíñamui uiécomo omoi ñfuenillena ñue finócafue jicádícue. Iemona cai Ocuíraíma Jesús billíruimo méairuíñeitiomoi. Aféruimo nana íemo jaináidino afémie díga bené biíte.

## 4

### *Juzíñamui ióbitade illafue*

<sup>1</sup> Cue ámatiaí, omoi cácarei. Birui cai Ocuíraíma Jesús mámeçido izire ómoimo jicádícue. Daje izóí izire ómoína llétaitícue; nauí ómoimo cai lloga Juzíñamui ióbilla illafue daií omoi iri. Aféfuena afe emódomo aillo omoi móonaitaocairi.

<sup>2</sup> Cai Ocuíraíma Jesús ríifuedo ómoimo lloga llétafuena onódiomoi.

<sup>3</sup> Juzíñamui dama ie nabaina finócamacína omoi jáillena afémie jítaide. Ie jira nana omoi jiruífueño iri. Dama nahí ai díga illa figona.

<sup>4</sup> Ua Juzíñamui eróicana áireri. Afengo ua mei íena jámairuíñeno íena o izíruiri.

<sup>5</sup> Juzíñamui onóñedino fia íaioi comeci fiendi óíacanafuedo áírenaza, mei íadi afe izóí omoi íñeno iri.

<sup>6</sup> Daje izóí izire ómoína daíítícue, o abi come ie áina jífueta bairóñeno o iri. Daje izóí o abi come ie inina jífueta meríñeno o iri. Afe bie izóí itínona cai Ocuíraíma Jesús, afémacína iere duere fínoite, ómoimo cai llua izóí.

<sup>7</sup> Juzíñamui íaífuenidíno nágariu cai íllena caina ocuide. Afe daií ie nabaina finócamacína cai íllena ocuide.

<sup>8</sup> Ie jira bie llogafue jámairuítimie jiba cómena jámairuíñedeza; mei íadi Juzíñamuina jámairuete. Daje Juzíñamui ie Ñuera Joreño caimo fecaca. Afe bie Ñuera Joréño Juzíñamui íeina caina ñue finode. (Afémie íena ñue finódogacai.)

<sup>9</sup> Juzíñamui ómoína llófuete conímána omoi izíruillena. Ie jira jíáie ámatiaína omoi izíruille cue llóllena jitáinide.

<sup>10</sup> Mei jí, afe daií nana Macedonia éniemo ite ámatiaína ñue izíruítomoi. Mei íadi omoi izíruillafue aillo móonaitaocaillena izire jicádícue.

<sup>11</sup> Caimare ñue illáfueño maí riire omoi iri. Daje izóí daní omoi nícidogafuíaí izire omoi llíñori. Nauí omoi cai llua izóí maí ñue izire omoi tájiiri.

<sup>12</sup> Afemona onínemaci omoi uáillaímo ñue cacáritiaioi. Afe llezica omoi ñue tájinamona minícana jítaíñeitiomoi.

### *Cai Ocuíraíma billafue*

<sup>13</sup> Amatiaí, tíidino íficaillafuena omoi onóñenana jítaíñedícue. Aféfuena omoi fidíadi zúucaíñeitiomoi. Jáie cáillfueño coméçíñedíno zuure jíaitaioi.

<sup>14</sup> Afe Jesús tíillano meine abído cáanafueño cai ñnua izóí, afe daje izóí Juzíñamuimo ínotino tíidíaoi íadi, Jesucrístodo Juzíñamui íaioi cáatallífuemo ínoticaí.

<sup>15</sup> Ie jira cai Ocuíraíma cai llófueínafue ómoimo llóítícue. Afémie billíruimo cáimona cáadímaci tíidímácimona uícoficaiñeíticaí.

<sup>16</sup> Mei dama cai Ocuíraíma riire ocuille uaido úricana monámóna ana biíte. Afe llezica Juzíñamui abi ímaci illaíma uai cácaite. Daje llezica Juzíñamui fíçírede vudugoí cácaite. Iemona Jesucrístomo ínotino tíidímaci nano fueñe cáaitaioi.

<sup>17</sup> Afe mei aféruimo caade ínotino afe cáataga tíidino díga daane úillie cígimo itábicaíticaí. Ua dínoño nana dáanoño itábicaíticaí, cai Ocuíraíma Jesucrísto díga caífo táífoño cai cóizaillena. Afemona cai Ocuíraíma díga jaca ua ñinomo zííñona íticaí.

<sup>18</sup> Ie jira búaido conímána caimare omoi fíri.

## 5

<sup>1</sup> Mei íadi afe íirairuillaído cue ómoimo cuelle jítaínide.

<sup>2</sup> Afe afémie billíruina ñue onódiomoiza. Omoi due jiza úiñoilliruimo cai Ocuíraima dúciite onódiomoiza. Ua merírizaibitimie naio billa izói biite.

<sup>3</sup> “Comeci ñue uái illafue nana caimo ite. Cai jacíruillafue iñede,” comini daina llezica niné íaioi táinocaillifue ononino íaioimo raire zúite. Ua ringo úrue jocóacana llezica ero izírena izói, afe táinocaillifue íaioimo zúite. Afemona jaca buna oni jillonide.

<sup>4</sup> Mei íadi, ámatiai, omoi cácarei. Jítifomo iñédiomoiza, cai Ocuíraima bíllemo jácicaifeitíomoiza. Ua, meríriraíma jacínaila izói jácicaifeitíomoiza.

<sup>5</sup> Mei nana omoi úzefomo jaináidinodiomoí. Daje izói monánemacidiomoí. Naio imáciñedicaí; daje izói jítifo imáciñedicaí.

<sup>6</sup> Ie jira jaca ínindimacidicaí jáímaci ínia izói. Afe jira cai abina ñue onónafuedo cáaoiredicaí.

<sup>7</sup> Iníidino jaca naio inídiaioi. Jífaifiredino jaca naio jífaifirediaioi.

<sup>8</sup> Mei íadi monánemacina cai íllamona abina ñue cai onónafuedo cai íllana jítáirede. Jesumo cai ínuafuedo abina dani ríidoredicaí. Daje izói jáímmana cai izíruillafuedo abina dani ríidoredicaí. Ua fuíriraíma ie jogóbemo jítaca llojécodo ie abi ríidua izói, afe izói bífuiaido dani cai abina ríidoredicaí. Afe jáífue, cai jílloillemo cai úiñoínafue ua ífomo jítaca ríidua llojeco izoide. Afedo fuíriraíma ie ífona ríidote.

<sup>9</sup> Mei cai duere finóbilla Juzíñamui caina maméñede. Mei íadi cai Ocuíraíma Jesucristodo jillonafuemmo cai dúcinana Juzíñamui caina mamede.

<sup>10</sup> Jesucristo cairi tíde daane afémie diga cai íllena; ua daje izói cai caadi cai tíadi, afémie diga íticaí.

<sup>11</sup> Ie jira uáillaído conímmana omoi náiretari. Afe izói mai dani omoi comeci ríiretari. Ja birui afe bifue omoi fínua izói, baímo omoi finóoicairi.

*Pablo ámatiai cáimafuedo lletade*

<sup>12</sup> Amatiai, omoi cígimo Juzíñamui uáillaído táijidino mai uaimo ñue omoi cácareiri. Daí izire jicádicue. Mei afémaci cai Ocuíraíma Jesucristo uai ómoína jeire otátatiaioi. Jesucristo mámecido ómoína lletádiaioi.

<sup>13</sup> Íaioi caímo táijinamona, íaioi dánana ñue cai cácareíllena jítáirede. Daje izói íaioína cai izíruíllena jítáirede. Conima comécina omoi jacíruiñeno iri.

<sup>14</sup> Daje izói, ámatiai, ómoímo jíáie uai jónonocaidicue: Afe uailai daí bie izói ite. Táijiacañedinomo íaioi táijilleza riire omoi lloíri. Comécina náinidinona mai omoi náiretari. Juzíñamui uai como jabo ínotinona mai omoi canori iere íaioi ínollena. Naga cómemo o comeci járidoñeno mai omoi úriri.

<sup>15</sup> Dámie fiendi omoi finóadi afe iba úamona abi omoi rairuiri. Mei abido dájecana jíáfodo ñue omoi finori. Conímamo ñue omoi finori. Afe omoi finóllifue izire omoi jenori. Daje izói nana jáímilaído ñue omoi finori.

<sup>16</sup> Jaca cáimare omoi iri.

<sup>17</sup> Fáinocaiñeno Juzíñamuimo úriri.

<sup>18</sup> Nágarui ómoímo íficaide raana, mai Juzíñamuína “Figora” omoi daíri. Mei Jesucristomo ínotimacina cai íllamona, afe izói cai daífirenana Juzíñamui óiacade.

<sup>19</sup> Juzíñamui Ñuera Joreño cómemo úritallifuenta rairuñeno omoi iri.

<sup>20</sup> Juzíñamui úritagamíai llogáfuenta jámairuñeno omoi iri.

<sup>21</sup> Nana daínáfuiái omoi facátari Juzíñamui llogafue iéniadi onóíllena. Facátajamona ñúefuena jeire omoi oíri.

<sup>22</sup> Nana figóñedifuemona mai oni omoi iri.

<sup>23</sup> Ja birui Juzíñamuimo jicádicue. Juzíñamui cai comeci ñue uái illafue caimo fecáfirede. Daje Juzíñamuimo, nana omoi ñue íeíena maméíllena íemo jicádicue. Daje izói benómona cai Ocuíraíma Jesucristo bíllemo, Juzíñamui omoi joreño, omoi comeci, omoi abi diga, nana jaca íaidoñeno ñue úiñollena jicádicue.

<sup>24</sup> Omoi Ocuíraíma Jesús dánana jaca oni jáíuaimo únide. Afémie nana bífuiaína dúcitaite.

*Íraicaiño uáiduano ézicite*

<sup>25</sup> Amatiai, mai Juzíñamuído caímo omoi jicáfireiri.

<sup>26</sup> Ñue cáimaduano nana ámatiai omoi uáidori.

<sup>27</sup> Cai Ocuíraíma ríífuedo ómoímo uai jónonocaidicue bie cüegabe nana ámatiaímo jino omoi facádollena.

<sup>28</sup> Cai Ocuíraíma Jesucristo ómoína ñue éziciíteza. Jae ñue. Mai, daítadeza.

## MÉIFODO SAN PABLO TESALONICA IMÁCIMO ORÉCABE

### *Segunda Carta del Apóstol San Pablo a los Tesalonicenses*

*Tesalónicamo ite Juziñamuimo ñnotimacimo Pablo ie nabáñiairi rabe cuetiaioi*

<sup>1</sup> Cue Páblodicue. Bie rabe Tesalónica jófueo ite Juziñamuimo gairide ámatiaimo cueticue. Benó cue diga ite cue nabai ñaillinoi Silvano Timoteo diga dáabemo cai uai cueticue. Cai Moo Juziñamuimo jaináidiomoi. Daje izói cai Ocuíraima Jesucristomo jaináidiomoi.

<sup>2</sup> Ñue cai Moo Juziñamui ézicigafuiaimo omoi iri. Daje izói Juziñamui fecaca comeci ñue uái illáfueo omoi iri. Cai Ocuíraima Jesucristo fecaca ézicigafueo daje izói caimare omoi iri, ie comeci ñue uái illafue diga.

*Jesucristo billa llezica, Juziñamui éniemo ite fiénidinona duere finoite*

<sup>3</sup> Amatiai, ómoiri Juziñamuina “Iere figura” daiñifredicai. Daií ómoina cai daiñillfue ñue jaícina jóide, omoi ñnogafue oni aillo móonaiocaiilla jira. Dani conímaiaina jamánomo ñue izíruioicaidiomoi. Iemona áferi Juziñamuina “Aillo figura” daiñifredicai.

<sup>4</sup> Ua omoi iere ñnogafue jiáie Juziñamuimo gairídnomo aféfuerei ióbioicana úriticai. Jiáimaci, Jesumo ñnoñedino, jacire omoi duere finóllena racádiaioi. Mei íadi afe duere omoi zéfuillafue cígiri, ñue comeci jaríreñenafue jino cíotatiomoi naa ñue omoi ñnogafuiairi.

<sup>5</sup> Ja duere finótagamacidiomoi, mei íadi Juziñamui ómoimo ñue comeciide ie illáimana illíruimo ñue ñáñuenino omoi dúcillena. Bífueomona Juziñamui jicánufue ñue jaícina jóinana jino náiraimo cíotote. Afe Juziñamui illáimana illíruido duere finócaomoi.

<sup>6</sup> Mei Juziñamui ñue jaícina finódime, omoi duere finódino ibana duere íaioina finótallena.

<sup>7</sup> Ua cai izói duere finócamacidiomoi, mei íadi Juziñamui cai izói ómoina caimare ocózinaitaite. Ua cai Ocuíraima Jesucristo bíniemo cíocalliruimo, afémie caina caimare ocózinaitaite. Aféruimo afémie ie jamánomo riírede abi imáçiri monámona cíocaitaite; ua réiciai izoide cígido cíocaitiaioi.

<sup>8</sup> Juziñamuina onóacañedino Jesucristo íaioina duere finótaibite. Daje izói cai Ocuíraima Jesucristo ñúefuena jeire óiacañedino duere finótaibite.

<sup>9</sup> Nana afe fiénidimacina jaca ninomo jíllloñoeno duere íaioina finótaita. Ua cai Ocuíraima uíecomona jica ninomo dótaite. Afémie ebire illánomona jica ninomo íitiaioi. Ie riínona ónoñeitiaioi.

<sup>10</sup> Aféruído Jesucristomo jaináidino íena “Iere figomie” dáitiaioi. Daje izói nana ie uaimo ñnotino íena caimare íóbaitaite. Ja ómoimo cai llogáfuea ñue ñnotiomoiza.

<sup>11</sup> Bífue jira ómoiri Juziñamuimo comeci úrifredicai. Omoi ñáñuenino illafue Juziñamuimo jicáñifredicai, Jesucristo jírigamacina omoi illa jira. Daje izói nana omoi comeci jítaina ñue illífue, ñue ícoimo Juziñamui riínodo fuitállena jicádicaí. Afe izói Juziñamui uai omoi jeire úamona finócafuai fuitállena Moo Juziñamuimo jicádicaí.

<sup>12</sup> Bífueomona cai Ocuíraima Jesucristo mámeçi omoi nícidogafuedo ñue caimare úbicaitaite. Afe íbana cai Moo Juziñamui cai Ocuíraima Jesucristo diga ómoina izíruillamona ñúefuiaí ómoimo nítaite.

## 2

*Iere fiénidifuiaina oruídime billífue*

<sup>1-2</sup> Amatiai, birui jae cai Ocuíraima Jesucristo billífuea ómoina nauí cue fidítagafue emódomo uai nabáiacadicue. Afe izói afémiemo dáanomoi cai gairíllífue emódomo ja ómoimo llóiacadicue. Dáarie taino llotino cai Ocuíraima billíruí ja dúcidez a daiídíaioi. Afemona omoi coméçinafuena raire jiáífodo meidoñeillena izire jicádicaí. Daje izói jiáie taino llogafue ite. Afe taino llotino dáñifrediaioi:

—Cai llogafue Juziñamui Joréñomona oga. Cristo ja bíteza, —daiídíaioi; mei íadi aféfuerei jacínaiñoeno omoi iri. Afe izói omoi cacana fia júfidogafuerei jacínaiñoeno omoi iri. Ie emódomo ñe rabe omoi lláñoia cai úrilla izóidibe, aféberí jacínaiñoeno omoi iri.

<sup>3</sup> Niémona tánofueo jífueñeño abi omoi rairuiri. Ua Jesucristo billa uícodo, Juziñamuina comíni uáitallífue uícómo comuite. Aféruillaido iere fiénidifuiaina oruídime cíocaitaite. Afémie dama ñine tánocaille. Daií Juziñamui íena mamede.

<sup>4</sup> Bímie Juzíñamuina bacáuairredimie. Nana Juzíñamuido mameca ráaniaina bímie uáitano niné táinocaitabite; daje izói nana Juzíñamuimo caimátaidmona anáfenuaibite naa jiáie caimátailla ráaniairi. Afémie Juzíñamuimo gairíracomo, afeco naama Juzíñamui izói, ráinazaibite. Dámie “Cue bie Juzíñamuicide” daílle.

<sup>5</sup> ¿Naui omoi diga cue illa llezica bifue ómoimo lloticue, íadi aféuemo úibicaifediomoi?

<sup>6</sup> Afe fiénidufuairredimie nai bíñeilla jizilla raana onódiomoi. Afémie billirui raire cíocaiñellena Ñuera Joreño nai rairuide.

<sup>7</sup> Afe jiánomo lloñega fieni illa maméinafue bie éniemo ja comuide. Aféfuena rairuidimie cai cígimona oni ógana fiénidufuiai jamánomo jebuíoicaite.

<sup>8</sup> Aféfuena rairuidimie oni ollíruimo afe jamánamo íaíbadimie cíocaita. Iemo cai Ocuíraima Jesús ana billano, ie fuemo ite faidórafuedo afe íaíbadimiena títaite. Ua ie billa meáirenado afémiena niné táinocaitaite.

<sup>9</sup> Afe jamánomo fiénidimie Taife tájinafuedo bite. Aillo íemo ite ríino ácataite. Afedo aillo cíorainina uaido finoca ráaniaido táinona jífueite naa jiáie taino onótate ráaniai diga.

<sup>10</sup> Iemona afe íaíba naga fiénidufuiai do niné táinocaitallimacina jífueite. Jae niné táinocaitallimaci, Juzíñamui ua ñúefuena jeire óiacañedino jaca jílloneítiaoi.

<sup>11</sup> Afe jira Juzíñamui íaioi fiénidufue ínuamona íaioina íaíbado jífuetaita. Daje izói táinofuina íaioina ínotaite.

<sup>12</sup> Mei fiénidufuiai Juzíñamuina ñúefue baimo íaioi gánamona, Juzíñamui íaioina duere finótaita.

*Jílloullena nizécano*

<sup>13</sup> Mei cai benómona jaca ómoiri Juzíñamuina “Iere figura” daíifiredicai. Jae cai Ocuíraima ízíruga daje ámatiaidicai. Jaca jae nanómona Juzíñamui jílloullena nizécamacídiomoi. Mei ua ñúefue omoi jeire úamona Juzíñamui ómoina nizede. Daje izói caina ñúeitate Joreño do Juzíñamui ómoina nizede.

<sup>14</sup> Afe jira cai ómoimo lloga ñuera jíllona uaido Juzíñamui ómoina jírite, cai Ocuíraima Jesucristo illa ebíredifue dibénemo omoi íllena.

<sup>15</sup> Amatai, mai bífuemo jaícina omoi coméciri. Omoi cígiri dama cue llogáfuiaina, ie emódomo nana rabedo ómoimo cue cuegáuaina féitañeno omoi iri.

<sup>16-17</sup> Mai birui cai Ocuíraima Jesucristo cai Moo Juzíñamui diga omoi comeci caimare náiretari. Mei jira cai Moo Juzíñamui ie comeci cáimafuedo caina ízírute. Afe llezica afémie cai comeci zúrenafue cáimafuena méidofirede jaca ninomo caimare cai íllena. Daje izói Juzíñamuido ñue cai íllifue cai úiñoillena afémie caimo jino llote. Afe izói omoi comeci jaícina Juzíñamuimo jóillena jícadicue. Afemona bie nana ñúefuiai daíirediomoi. Daje llezica afe ñúefuiai jino comínimo ácatarediomoi.

### 3

*“Cairi Juzíñamuimo omoi jícarí”*

<sup>1</sup> Amatai, íraifue ómoimo llotícueza. Cairi Juzíñamuimo omoi jícarí, cai Ocuíraima llogáuai nágagobiaido raire dúciteza. Afe emodo aféuai omoi jeire ua izói, afémaci jeire ólleza.

<sup>2</sup> Juzíñamuimo mai jíáfodo omoi jícarí. Bie íairede fiénidino cígimona cai zúitailleza, mai Juzíñamuimo omoi jícarí. Mei nana comínimona nai nana ínoñediaoiza.

<sup>3</sup> Mei íadi cai Ocuíraima jaícina uafue llotímie. Afémie jiáino fiénidufuemo omoi báíñeillena ómoina riire jaícina mozióide. Daje izói íaífuiaimona ómoina rairuíoide.

<sup>4</sup> Cai Ocuíraima ñue ínogamie ícoina, naui ómoimo cai ocuífuijai jeire omoi úana ñue onódicai. Iemona daje izói aféfuina uire nágaruillado jeire omoi óllena ñue onódicai.

<sup>5</sup> Mai cai Ocuíraima ómoina cánoiteza, Juzíñamui ómoina ízírullafuena omoi onóillena. Daje izói Cristo comeci járidoñenafue ómoimo íllena jícadicue.

*Naga come dani íaioi tájinao tájirede*

<sup>6</sup> Amatai, birui cai Ocuíraima Jesucristo mámecido ómoina ocuídicai. Naga tájijacañede ámamonai omoi iri, mei afémie ómoimo cai llogáfuijai afe dibéfuemo íacañedeza.

<sup>7</sup> Mei naui omoi cígiri ómoimo cai cíotaga tájina izói, afe izói omoi íllena onódiomoi. Cai omoi cígiri fia tájijíñeno íñédicai.

<sup>8</sup> Daje izói omoi güíllena íbáñeno fia güíñédicai. Mei jíáfodo mona naio diga ocózinaíñeno tájijifiredicai, ómoimona daa cómena cai llégitañeillena.

<sup>9</sup> Ua afe omoi caina canolle daí cai jícalle ríino caimo ite, mei íadi tájijifiredicai ñue illáfueña ómoimo fidítallena, bie ómoimo cue cíotagafue izói omoi íllena.



<sup>10</sup> Naui omoi cígiri cai illa llezica, bie lletara uai ómoimo llotica: Táijicañedimie jaca guíñeiteza.

<sup>11</sup> Mei jiáimaci caimo llotíaiói ómoimona dáarie táijiñediaiói. Táijiñeno fia illa llezica jiáie comini illáfuaiaimo afémaci gágutajifirediaiói.

<sup>12</sup> Afe daií ite comínina cai Ocuíraima Jesucristo ríinodo ocuídica. Afe llezica íaioina riire daídica: Mai nifue lloñeno omoi táijiiri dani omoi jitaica ráaniai omoi ólleza, daídica.

<sup>13</sup> Amatai, omoi jetaca ñuera raana zefuíruiñeno omoi ñedóicairi.

<sup>14</sup> Ninó dámie bie rabedo cai daináuaina jeire oñéniadi, bu mei afe uaina íinoñedimienaza mai mei omoi eróiri íena onóillena. Ie mei afe cómemona ifo oni omoi fánocairi, ie meáidailleza.

<sup>15</sup> Mei íadi afémiena uáiogai ímiena maméñeno omoi iri. Afémie ama izói ñue omoi llófucri.

*Iraicaño Pablo afémaci caimare uáidonocailafue*

<sup>16</sup> Mai cai comeci ñue uái illafue llófirede Jesús, nágaruillaido, íemo náganuiaido afe comeci ñue uái illáfuaena ómoimo llóiteza. Afe izói cai Ocuíraima ómoina nabáifreiteza.

<sup>17</sup> Mai, cue Páblodicue. Bie uáidua uai dama cue ónoido cueticue; bie cueticue cue mámecri diga. Nana cue ciegábiaimo daií jónefiredicue. Bie izói cúefiredicue.

<sup>18</sup> Cai Ocuíraima Jesucristo ézicigafuemo ítímoiza. Jae ñie. Ja daiítadeza.

## NANOIDE SAN PABLO TIMOTÉOMO ORÉCABE Primera Carta del Apóstol San Pablo a Timoteo

*Pablo Timotéomo cuete*

<sup>1</sup> Páblodicue. Jesucristo ocuícamedicue. Cai Jíllotaraima Juziñamui cai Ocuíraima Jesucristo diga íaillinoi daina uaido orécacue. Afe Jesucristodo cai ñue illifue abí úifotícue.

<sup>2</sup> Juziñamui uai coco ñnogafuemo nahí cue jitó izóidido. Ie jira bibe omo cueticue. Cai Moo Juziñamui iemo ñue cai Ocuíraima Jesucristo diga o ézicillena iere jitáidicue. Daje izóí afe íaillinoi omo dúecaillena jitáidicue. Iemona afe íaillinoi o comeci ñue uái illena óiacadicue.

*Jiámaci íaioi taino llúafuaido o jífueñeillena abí o rairuiri*

<sup>3</sup> Navi Macedóniamo cue jailla llezica Efeso jófuemo o fiébillena izire jicádicue. Aféruído afénomo o fiénocaidicue, afénomo itínuaímona dáarie taino llófuiana íaioina o rairuíllena.

<sup>4</sup> Daje llezica íaioi jaiái ninomo lloga ráfuiai naa jagai diga, áfena íaioina júfidotañeítioza. Íaioi jaíáigima lloga fúñede ráfuiai llúana ráruitioza. Nana bífuiai taino llúafuaimo cai comécina uite. Mei íadi nana bífuiai Juziñamui caimo jóonega iemo cai ñnogafuena ñue ícoimo fuitáañede.

<sup>5</sup> Juziñamui caimo jóonega llúajíllifue bie izóí joidé: Illa dígamie comínmana ñue izíruiredicai. Afe bie izíruilla íainide comécimona comuide. Daje izóí afe izíruilla comeci ñue úrillamona comuide; bie izíruilla afe izóí jiámmana jífueñede Juziñamuimo ñnogafuemona comuide.

<sup>6</sup> Bie ñue izíruillafue dibénemona dáarie oni táifodo jáidiaioi. Afe taino llua íinota oni jáífodo féiraitiaioi.

<sup>7</sup> Afémaci Juziñamui lletara uai llófuétnona jáiacadiaioi, mei íadi dani íaioi daina uaina onóñediaioi. Iocire llófuetaioi íadi íaioi llócaiga uaina ñue baitáñediaioi.

<sup>8</sup> Juziñamui lloga lletara uai ñueraza onódicai. Bíuaido Juziñamui naga come lletállena mamérite. Dámie Juziñamui mamérrilla izóí afe uaimo coméciadi ñuera.

<sup>9</sup> Afe lletara uai ja ñúefuiai finófredinomo llóñega. Afena ñue onódicai. Mei jáífodo fiénide comínimo mameca. Bie izoide comínimo Juziñamui lletara uai dúide. Afe comini illaima lloga uaina uáitafrediaioi. Ocuícana náfueñediaioi. Fiénidífueña finófrediaioi. Daje izóí fiéniruidinona itiaioi. Afe izóí Juziñamuina jacíruñediaioi. Daje izóí Juziñamuimo ñnogafuemo náfueñediaioi. Iemo Juziñamui lletara uai, moo ei diga fatínomo dúide. Daje izóí comínina titáfiredinomo dúide.

<sup>10</sup> Afémaci naga ringomo fiéni comeci fácajano íaire finófrediaioi, afémaci áirediaioi íadi. Daje izóí jiáie ímana íaire finódiaioi. Juziñamui lletara uai nana bie izoide comínimo dúide. Daje izóí cómena llaitádinomo dúide. Táinona úrfiredinomo dúide. Daje izóí uafue daíllena táinomo Juziñamui mámece llínotinomo dúide. Iemo Juziñamui lletara uai nana jáífodo jífueñede llófuiafueña uáitafredinomo dúide.

<sup>11</sup> Afe bie jiámmana jífueñede llófueinafue Juziñamui cuemo llogafue daje izóí jóoide. Juziñamui cuemo lloga uai nana comini ñue jíllona uai. Afe uai oni comínimo cue llúájillena, iere ñuera Juziñamui jóonegacue.

*Juziñamui cuena dúecaillari iere figora daidicue*

<sup>12</sup> Cai Ocuíraima Jesucristona “Figora” daidicue, mei afémie ie uai jino cue llúájille ríinona cuemo ígaza. Juziñamui cuemo comécido facade: O táijnana fáicanocaiñeno ñue fuitáfiredio, daide. Jira bie uai llúájille táíjillena Juziñamui cuemo jóonete.

<sup>13</sup> Jaiái uéecodo Juziñamuina íaire daífiredicue. Daje izóí iemo ínotinona duere finóllena racáfredicue. Afe llezica cue uaido Juziñamuina icídicue. Bífuiaido Juziñamuina duere finódicue íadi, ja birui afe Juziñamui nana bie ñúefuiai cuemo jóonete. Jaiái aféruillaido ie uaimo cue íinoñena jira Juziñamui iere cuemo dúecaide. Daje izóí cue finuafue cue onóñena jira cuemo dúecaide.

<sup>14</sup> Iemona cai Ocuíraima iere ñue cuena ézicite. Daje llezica Cristo Jesumo dájena cai jaináinado aillo iemo ñnogafue naa ie izíruillafue diga caimo comuide.

<sup>15</sup> Bie izóidífue iere uafue. Nana áfemo ínoredicai. Bífue bie izóí daide: Cristo Jesús fiénidino jíllotallena ana bíniemo bite. Afe fiénidinomona cue iere jamánomoina.

<sup>16</sup> Mei daí íticue íadi Juziñamui iere cuemo dúecaide. Are íllamona Juziñamui cuemo dúecaillado náiraimo Jesucristo ie ñue comeci máninafue cuedo jino íaióimo cíotate. Iemona comínimo ñúefuiai ja cíotatimiéna jáidicue, mei fiénidífuiarede Páblodicuemo

Juzíñamui iere dúecaideza. Jesumo cue ínua mona cue comeci ífue na méidoticue. Afena onóillamona nana zíñona illifue óiacadino, cue comeci ífue méidua izói, afe izói afémaci afémiemo ínota íaiói comeci ífue ñúefue na méidoitíaiói.

<sup>17</sup> Ie jira jaca tíñede buna cíónena Juzíñamuina íóbítaacadícaí. Afémié daade Juzíñamui, daje izói nana ráfuai na onódimie. Afe zíñona Jamánomoidíllaimamo ñue ebírede uai jaca nágarui íemo jónetícaí. Daí jíoide.

<sup>18</sup> Cue jító Timoteo, bifue omo jónetícaue. Riire fuirídímie izói o iri. Naui Juzíñamui mámeçido odo úritino, ñue o illifue llotíaiói. Afémaci daina izói mai birui o ínori. O comeci úrillafue ñue o jóneri.

<sup>19</sup> Dámierie íaiói comeci úrillafue na náfueñenamona nocáe buíllamona táinocailla izói, íaiói ínogafuemo na oní táinocaidíaiói.

<sup>20</sup> Himenéomo Alejandro díga afe izói comuide. Ie jira afe íaillinoí Taífemo izájídícaue, Taífe anamo íaillinoí daí zefuúllena. Dínomo Juzíñamui jánana úríñeíllena ónoitíallinoí.

## 2

### *Juzíñamuimo caí úrilla llua fue*

<sup>1</sup> Fueñe ona dáítícaue: Mai nana comíni íena Juzíñamuimo o jicáfíreiri. Afena Juzíñamuimo ínnotinona o lloiri. Iemo jíái, izire comínimo íe dúecailleza mai jicari. Daí nana comíni íena Juzíñamuimo o úrífíreiri. Afe llezica nana comínido afémiena iere figura o daífíreiri. Daí féitañeno nana comínido Juzíñamuimo ñue úrífíreiri.

<sup>2</sup> Gobierno oreca omoi úíñotímie íena Juzíñamuimo jicáredío, naa jíáie jaboide illaini díga. Afémaci íena izire o jicari, áfedo nífuenino caimare caí íllena. Daje izói comeci ñue uái illáfue mo íredícaí. Afe daí caí jícamona nana caí illáfue na Juzíñamuimo ñue mámeítícaí. Daje izói conima díga comécina ñúeítícaí.

<sup>3</sup> Bífue iere ñuera, caí jíllota fírede Juzíñamuina ñue íóbítade.

<sup>4</sup> Mei afémié comeci jíítina fue nana comínina jíllori, daide. Daje izói afémacina ua ráfue na onóiri, daide.

<sup>5</sup> Caí Juzíñamui jaca dáadeza. Daje izói Juzíñamui eróicana caina ñue finódimie caido úritímie daade. Afémié Jesucristo. Afémié íaífuénidímie íadí, caí izóidímie.

<sup>6</sup> Juzíñamui mamécaruimo dúcíamona Jesucristo íe abína éeruñeno nana caí jílloríllino íbana izájíga.

<sup>7</sup> Iemona nana judíoñedinomo afe Juzíñamuimo ínolle ua ñúefue cue llófuai íllena orécacue. Daí jíllona uai llují fíredímie na jónegacue. Crístomo cue ínua mona táinofue llófédícaue, uafue llotícaue.

<sup>8</sup> Ie jira nágagobíaido naga cómena: Juzíñamuimo omoi úrífíreiri, daidícaue. Ñue nífuenide comécido omoi jicari. Jíáimamo ríicaiñeno comécido Juzíñamuimo omoi úriri. Daje izói dani ómoimo júfidoñeno comécido íemo omoi jicáfíreiri.

<sup>9</sup> Daje izói ringóníai ínroi jíállí fue llóitícaue. Jabódingo ringo jita izói, naga ringo jítaíteza. Íma jíruídollena jítaba abina cíoitáte ínroina, jítañeno iri. Daje izói comíni cíodollena ífótíraí jamánomo ebire finóñeno iri. Jabo ífo jua ífigona. Daje izói quenírede raana aillo jíróñeno iri, naa jamánomo ráí fide ínroi díga. Jámaicuro jítaóirena.

<sup>10</sup> Mei jíáí fodo comínimo dúecailla ñúefuíaído naga ringo finóbiri, naa jíáie caimare uáíduafuíai díga. Mei nana Juzíñamui íeíena ñue finódogango bie izói íteza.

<sup>11</sup> Ringóníai llófueinamo uai óñeno cacáreítíaióiza. Comeci mánainafuedo afe uaina onóicaitíaiói.

<sup>12</sup> Nairai cígiri ringo llófuéllena rairuídícaue. Ringo ímana anáfenotañedícaue. Mei jíáí fodo, ringo íma anamo úríñeno uái iri, daidícaue.

<sup>13</sup> Mei Juzíñamui nano fueñe Adán finódeza, afe méí fomo Eva finode.

<sup>14</sup> Adán jífueña, mei íadi ringo Taífe jífuega. Iemo jífuefíllamona afengo fíenidífuemo baíde.

<sup>15</sup> Mei íadi naga ringo Juzíñamuimo ínogafuemo jeire oíadi, íemo ei ocuífufuíai ñue ícoimo fuitáadi afengo jíllote. Afe llezica afengo naga cómena izírúirede. Iemo comeci ñue fínua fue díbenemo írede. Daje izói ñue jáicina macáílfuemo írede.

## 3

### *Ocuídíllainimo jítaírede ñue íllafue Pablo llote*

<sup>1</sup> Ja cue llolí fue iere ua rafue. Dámie ocuídíllaimana jíacade ñuera. Afe izói tájíacana fue ñuera.

<sup>2</sup> Ie jira afe izoide ócuitillaima mamécamié jaícina ñue írede. Afémie nífuenino macárede. Afe daií afémie mácafue jáíamie lletánide. Afémie daango ótena figura. Ménango ónide. Afémie comínimo lloga uaido jífanodoinide. Daje izói ráfueña ñue baitádimiena írede. Naga come afémiena caimare jacíruirede. Daje izói nana afémiemo mácaibitina afémie jáífodo comécíñeno ñue caimare uáidorede. Iemo jáíamacina caimare llófuerede.

<sup>3</sup> Afémie jaca jífáinide. Daje izói afémie fuirínide. Come jífuiamona oga úcubena, afémie llínonide. Mei jáífodo jeruíñeno raana fecáfirede. Iemo comeci ñue uái illafue dibénemo írede. “Aillo úcubena cue olli” daiínide.

<sup>4</sup> Dama ie jofo ero comíni ñue ocuírede. Dama ie úrue ñue raire cacáfirellena lletárede. Daje izói ie úrue jáíe eicomínina ñue jacíruitarede.

<sup>5</sup> Dámie ie jofona ocuillana ónoñeniadi, ¿mei nie izói Juzíñamuimo gairíracona ócuite? ¡Ocuínide!

<sup>6</sup> Ie jira como fueñe Juzíñamuimo ínnotímie, Juzíñamui íco ocuídillaimana ínide. Como fueñe Juzíñamuimo jaináitagamié raire illáimana jóoniamona afémie iere abina ínnoite. Iemo fiéni abí ínnumona, Juzíñamui Taife ana duere finóllifuemo dótaja izói, afe izói bímie daií zéfuite.

<sup>7</sup> Afe Juzíñamui íco ocuídillaima ñue jacíruigamiéna írede. Afémie daií íllamona, Crístomo nai ínnoñedino ñue íena úritiaioi; ie jánana fiéni úrinidiaioi. Afémie afe izói írede, meáífue dibénemo íe íñeillena; daje izói Taife uai íena jíítañeillena.

#### *Jabóidillainimo jítaírede ñue illafue*

<sup>8</sup> Daje izói comíni dinena nana jabóidillaini ñue jacíruiganona írediaioi. Daje izói ie úrilla uai jáífodo méidonide. Iemo afémie jífáinide. Daje izói come jífuiamona oga úcubena llínonide.

<sup>9</sup> Afe izói cai ínollena jino lloga ua ráfueña afémie fáicanocaiñeno jeire órede. Daje llezica afémie comeci úrilla uai nífuenino írede.

<sup>10</sup> Afémaci ñuera daiíllena facátagamacina írediaioi. Facata mei íaioi nífuenia jabóidillainina írediaioi.

<sup>11</sup> Daje izói aféllaini finódogango ñue jacíruigangona írediaioi. Daje izói aféngotiai jáímamo fiénidifuena íaioimo llónidiaioi. Iemo lloga uaido jáímamo jífanodoinidiaioi. Aféngotiai nana ocuica raana fáicanocaiñeno fuitárediaioi.

<sup>12</sup> Afe jabóidillaini dáangona áiredena figura. Ménango ónide. Daje izói íaioi úruiaína ñue ocuírede, naa íaioi jofo ero comíniri.

<sup>13</sup> Naga jabóidillaima íaioi táijiana ñue fuitáдино ñúefuena otíaioi. Comíni iere ñúefue íaioimo jóneitiaioi. Daje llezica íaioi Cristo Jesumo ínogafuena jamánomo meáiruñeno llórediaioi.

#### *Cai ínoga jaiái báinino llogafue ja jino uáfodo denode*

<sup>14</sup> Raire o éroizailena comécidicue. Nai cue bíñena llezica, bibe omo cueticue.

<sup>15</sup> Mei nai are cue bíñena llezica, Juzíñamuimo jaináidímie jitaiga ñue íllífuena o onóillena llóitícue. Afe Juzíñamuimo jaináidino caade Juzíñamuimo ínnotino. Afémaci Juzíñamui ua ráfueña ñue riire úíñotiaioi. Jofo riire mozióide jáíillirai izóidiaioi. Ie jira afe rafue uaina oni caítánide.

<sup>16</sup> Jaiái báinino lloga cai ínogafue iere jamánomo ebírede; nana comíni ja uáfodo onoga. Be níuái:

Juzíñamui cai cígimo cómena jéiciaibite. Ñuera Joreño afémiedo úrite; daide: Bímie comécina jaícinaidímie, daide. Afémie Juzíñamui abí ímácimo ácatagamie. Diga náiraiaido ie illafue llócaide. Biniemo aillo comíni íemo ínnotiaioi. Afe mei afémie caifo monamo abido uiga.

## 4

#### *Juzíñamuimo ínogafuena féitaitino ífue*

<sup>1</sup> Ñuera Joreño jino caimo uáfodo lloite, írairuillaído dámierie íaioi ínogafuena féitaitiaioi. Féitajano cómena jífueite jóriai jítaíñafuai jeire óitiaioi. Daje izói Taifemo jainaide fiénide jóriamona onógafuemo ínnotiaioi.

<sup>2</sup> Afe izói, comeci ífuena jáífo jóidino llógana cacáreitiaioi, naa táinona úrillafuairi. Afe bie jífuefiredino ja íaioi ífoci úrillafuena ja niné féideza. Uzírede llojédamo uzide onoi cacáñena izói, bie comíni ítiaioi.

<sup>3</sup> Bie Juzíñamuimo ínogafuena féitate comíni jáímaci áirenana rairuíaiaioi; daje izói ringona: “Íñireiri,” daiíñediaioi. Daje izói ñuera cai güillemona dáarie: “Güíñeno,” daidíaioi.

Mei íadi afe bie güille Juziñamui comuítaga, íemo ínotino ecállena, naa ñúefuena onódinori. Afe güilleri íóbillano Juziñamuina “Iere figura” íemo jaináidino daiñrediaíoi.

<sup>4</sup> Mei nana Juziñamui finoca güille ñúteraza, bácanide. Iemona afémie caimo fecaca raana oni fáinidicai. Mei jíáfodo Juziñamuina “Iere figura” dainano, nana ñue llínoredicai.

<sup>5</sup> Juziñamui uai afe güillena ñue finode. Daje izói íena figura cai daiñfírena afe cai güillena ñue finode.

*Jesucristo ñue ocuícamié bie izói írede*

<sup>6</sup> Bífuiái cai ámatiaímo o llófueia Jesucristo ñue Ocuícamiéna ítíto. Afe bie llófueinafe jeire o oía bie ínofírega uai dama ñue ona comécina náiretaite. O jeire oga uaido ñue riire ítíto.

<sup>7</sup> Mei íadi bie fiénide énie ie ráfuiaina náfueñeno o iri, naa jíáie taino jagai izóidífuiári. Juziñamui illa izói o íacanamó áfemo nágarui o comeci llícitairi. Afedo riire ítítoza.

<sup>8</sup> Cai abi cai riireta, daa bínie ífuemo caina canode. Mei jíáfodo Juziñamui illa izói íllena cai nícidóia naga ñúefuemo caina canode. Daií cai íllemona biruúllaido caina canode, íemo daje izói uire bíitífuemo jaca caina canoite.

<sup>9</sup> Bífue iere nahí ua ráfueza, nana áfemo íñorediaíoi nana cáioiri.

<sup>10</sup> Afe bífue jira iere comeci fácaíticai. Iemo áfemo zéfuidicai. Ua zegóruioicana ñéfudicai. Mei ñue cai íllena caade Juziñamuimo ocuídicaíza. Afe caade Juziñamui nana comíni jíllotaíbite. Iemo ínotino ja jíllotatímie.

<sup>11</sup> Bífuiáido nana comíni o ocuífíreiri. Daje izói aféfuíai o llófueiri.

<sup>12</sup> O fia jítócomena jira comíni o llófuiáfue jíáimana jámairuitatañeno iri. Mei jíáfodo ñue Juziñamui izói illafue Juziñamuimo ínotinomo jino cíotaitímiena ítítoza. Ñue o úrillafuedo afémacina onótaitioza. Daje izói comíni eróicana ñue o mácafuedo íaioina onótaitioza. Iemo naga cómena ñue o izíruillado íaioina ñue cánoítioza. Cristo izói o íllamona ñue íaioina llétaitioza. Daje izói Juziñamuimo izire o ínogafuedo llófueítioza, naa o comeci íáinidífuiári.

<sup>13</sup> Nai cue dúciñena llezica, Juziñamui cuega uallai comínimo o facádofíreiri. Daje izói cai ámatiaína o íociretari. Afémacimo ñue o llófueífíreiri.

<sup>14</sup> Juziñamui omo iga o fibíllafuiái fáicanocaiñeno o iri, mei nauí Juziñamuimo gairífíredino ocuídillainí Ñuera Joreño daina izói, íaíoi onoi omo bitádiaioíza.

<sup>15</sup> Bífuiaina fáicanocaiñeno o finófíreiri, o jamánomo jíáino baimo íaíoi onóílleza.

<sup>16</sup> O illafue ñue abi o rairuiri, naa jíáino o llófuiáfueri. Fáicanocaiñeno riire abí o mameri. Ñue ímana o comúlleza. Bie cue daina izói o íadi, o jíllotíto, naa o uaimo cacáreidínori.

## 5

*Crístomo ínotino uíécómo ñue o íllífué*

<sup>1</sup> Eicomemo lléjecaiñeno o iri. Mei jíáfodo o moomo o llófuiá izói fáicana o lloíri. Jíáie jítócomínina nahí o ama izói llófueiri.

<sup>2</sup> Ringóniaina jéngotíaina dama o ei izói llófueiri. Daje izói jítingotíaina nahí o miríngo izói o llófueiri. Íaioimo ñue comeci o facáfíreiri.

<sup>3</sup> Uáfueña raana jítaide fecíngotíaina ñue o canori.

<sup>4</sup> Mei íadi jíáie jítórede daje izói enáizeñorede fecínguai ite. Afe úruíai íaíoi éítiaína uzúngotíaina fueñe ñue úíñorediaíoi. Daje izói nahí ie enáizeño daní íaíoi uzúngona úicairediaíoi, mei naga jíto enáizeño diga íaíoi móotíaina izíruirediaioíza. Afe bie izói illáfuemo Juziñamui ñue íóbideza.

<sup>5</sup> Ie mei cómenide ua fecíngo, dango Juziñamuimo ñue ie finóllífué ocuúride. Daje izói Juziñamuimo ie úrillafueña naíto mona diga afengo fáicanocaiñede.

<sup>6</sup> Dango ie comeci gaina izói fecíngo ite. Caade íadi Juziñamui díbenemo tíide izoide.

<sup>7</sup> Bífuiaina íaíoi o ocuiri, lletánidingotíaina íaíoi ílleza.

<sup>8</sup> Dámie ie nahí come úicaillana ráairuia ie ínogafue táinomo jífánofide. Dama nahí comínimo ite duéredinona úicaíacafedímie, Juziñamuimo ínoñedino fiénina baimo, afémie fiénide.

<sup>9</sup> Fecíngotíai íena mámece íllabe fínóitio. Bie izói ñuera fecíngotíai mámece afébemo cúerena. Sesenta fimona ite fecíngo mámece cúerena. Afe bie fecíngotíai, daje izói dámiéna íniredingona írediaíoi. Afe ízoidíngo mámece cúerena.

<sup>10</sup> Iemo jíái ie illafue ñúeinamona jalléidingo afengo mámece cúerena. Iemo jíái úruíai ñue comuítatíngo mámece cúerena. Jicana jíáima ie jofomo dúcia caimare uáidofíredíngo mámece cúerena. Iemo jíái Juziñamuimo ínotinomo rairuífíeno comeci mánainado canófíredíngo mámece afébemo jóonerena. Mei afengo naga jíáima cánuana ídai jócuá izóidena caimare finófíredeza. Iemo jíái duere zefuide comíni canófíredíngo mámece cúerena. Daje izói nana

jiáie ñúefuiaí finódingo mámece jóonereña. Bie izóidifuiái nana daje fecingo finórede; íemona afengo mámece cúerena.

<sup>11</sup> Meí íadi sesenta fimona jofófenemo ite fecingo mámece jóoneñoño iredi. Meí aféngotiaimona dáarie dani íaioi comeci óiacanamona nibai Crístona zóofeitiaoiza. Zóofiano nane meine iníreiacadiaoiza.

<sup>12</sup> Daíí íaioi illa dani íaioi ícoinia daíí ite. Meí fueño íaioi Jesucristodo jáillena mamérillafue ja fáicanocaidiaoiza.

<sup>13</sup> Afe baimo naga comini jofodo jáicaidiaoí. Jáicaillamona, “Fia tájijíñoño daíí cue illi,” daidiaoí. Afe llezica jáimana úridoicana jáidiaoí. Íaioimo dúíñede jáímacimo itífuiaimo gágutajífirediaoí. Comínimo ñue íñedifuedo úrioifrediaoí.

<sup>14</sup> Íe jira nai fecinaite jítáingona daidicue: Abido iníreiri. Iníreillano úruereiri. Daje izóí jofonáangona ñue o iredi, Taífemo jáináidino ómoína úridoíñeilleza, daidicue.

<sup>15</sup> Meí fecíngotiaimona dáarie, Juzíñamuina féitano Taífedo jáidiaoiza.

<sup>16</sup> Crístomo ínotinomona daa cómemo úcaille fecingo íadi, afe fecíngona dama afémie úcairede. Afe fecíngona Juzíñamuimo gairífiredinona úcaitañoño iredi. Meí afe gairífiredino ua cómenide fecíngotiaína úcairediaoiza.

<sup>17</sup> Jesúmo gairíidino ñue ocuide éicomini, ñue tájijidiaoiza ménacaíño íbárediaoí. Daje izóí ñue íaioi tájijnamona maí caimare íaioína omoi jacírui. Íere comini ñue llófuetino, íere ñue lletáidino diga jíáie come iba baimo íbárediaoí.

<sup>18</sup> Meí Juzíñamui Cuegáuai daide: “Arroz izoide trigo, juráreto gájirillena záizia llezica, áfemona íaioi guílleza fue íbáíñoño omoi iredi.” Íemo jáínomo jáífodo daide: “Naga tájítagamie íe tájijnado ñue íbárede.”

<sup>19</sup> Fia da come ocuide éicomemo fiénidífue jóoneiadi, áfena náfueñoño o iredi. Meí íadi mena nibai daámami uai nabáidímie afe izóí afe cómemo llóíadi, áfemo cacáreiri.

<sup>20</sup> Ocuide eicomínimona dáarie fiénidífue finóadi, nana comini eróicana afémiena o áadori, nana jíáie comini ñue abí jacinaíficaillena.

<sup>21</sup> Juzíñamui eróicana, daje izóí caí Ocuíraima Jesucristo eróicana bifue omoi jóneticue. Daje izóí Juzíñamui nízece íe abí imaci eróicana omoi jóneiticue. Nana bie omoi cue lloga lletara uai ñue o náfuere. Nana comínimo dájerize jáicina o lloiri. Dámie oni enemo mámeñeítioza.

<sup>22</sup> Dámie íe illafue nai figo onóñena llezica, ocuídillaimana íe o maméllena raire íemo o onoi bitáñoño o iredi. Bie izóí o íllado jáímamo ite fiénidífueña raire nábaizaiñeítio. Naga íaífuiaimona oni o iredi.

<sup>23</sup> Meí o ero izírefreia daa jáinoi jiróñoño o iredi. Íemo due vínona o jirori.

<sup>24</sup> Nai íaioimo riire jicáñoñena llezica, comínimona dáarie íaioimo ite fiénidífuiái uáfori cóide. Íemo jáímacimo ite fiénidífuiái íaioi duere finoille mámia méifomo onórede.

<sup>25</sup> Daje izóí jíáie cómemo íte ñúefuiaí uáfodo cóicaide. Íemo jáímacimo ite ñúefuiaí cóñoña íadi, dinó íaioi diga báinino íñeite.

## 6

<sup>1</sup> Tájítáfiregano íaioi ocuídímiaína ñue jacíruiarediaoí, jíáie comini Juzíñamui mámeceido fiéni úriñeillena. Daje izóí caí llófueinafuena fiéni íaioi daííñeillena.

<sup>2</sup> Afe izóí Crístomo ínote ocuífiredímiaína ñue jacíruiarediaoí. Juzíñamuimo ínogafuemo daje ámana íaioi maméiadi, nai ocuídímie ocuícámie diga conímana caimare jacíruiarediaoí. Meí jáífodo afe Juzíñamuimo ínote ámamo, jáímaci baimo, riire tájirediaoí. Afe riire tájijina ínotino, afe ocuídino izíruiga ámatiai. Afémaci dáamaci. Dájena Crístomo ínotino. Bifue o llófueiri. Daje izóí áfedo o lletámairi.

### *Juzíñamuimo caí ínogana, “Figo baite” caí dánana canode*

<sup>3</sup> Afe bie caí Ocuíraima Jesucristo lloga jáicina jóide llófueinafuemo coméciñedímie, oni jáífodo táinofuiái llófue. Daje izóí caí ínoga ñuera uaina afémie figo jeire oñede.

<sup>4</sup> Daítade come nífuena onóñedeza, táinodo abí ínote. Afémaci fia fiénide uáillaimo júfiduana íere gáidiaoí. Afe júfidogafuemoña alio úradoíllafue comuide. Íemo dájena caimare íñénafue comuide, íemo jáímama éoinafue comuide, íemo jáímama caimare uáidoñenafue comuide.

<sup>5</sup> Dáanomona féitañega fuiríllafuiái, jáífodo oni comécina jóidímacimo comuide. Bie comini ua ráfuena onóñediaoí. “Fia caí ínogafuedo íere caí ránailli,” táinona comécidiaoí. Bie izoide comínimona oni o iredi.

<sup>6</sup> Ua onóigaza, cai únogafue jamánomo ráifide. Juzíñamui caimo fecaca raana “Figo baite” daidíniemo, ie únogafue ñue ráifide.

<sup>7</sup> Mei jii, bíniemo fueñe cai jocoína llezica minícana atíñedicai. Afe izói uire cai tíia minícana úiñeiticai.

<sup>8</sup> Mei bíruimo cai caana llezica caimo ite gülleri, daje izói caimo ite iníroiri “Figo baite” daiñedicai.

<sup>9</sup> Mei jiáfodo aillo ráanaiacadino fieni comeci fácafue dibénemo jáidiaioi. Afémaci aillo fieni comeci óiacanafuiaimo raamo jíride izói itiaioi. Bie izoide fieni óiacanafuiaí cómena fieni finode. Daje izói íaioi illafue niné táinocaitate; jofu zabilla méino izói niné táinocaitate.

<sup>10</sup> Mei jii, úcubena izíruillafue nana fiénidifuiái comuillano aféfuíai jillaci. Dáarie iere izire úcubena óiacanamona, Juzíñamuimo íaioi únogafuemonona oni nibéfodo jáidiaioi. Afémaci dani íaioi illáfueña táinona iere duere finódiaioi.

*Juzíñamuimo cai únogana, fuirilla izói riire Íredicai*

<sup>11</sup> Mei íadi o Juzíñamui nizécamiedioza, bie ailli cue lloga izóidifuiái mona oni o iri. Ñue comécina jáicina illáfueño o maméiriri. Juzíñamui illa izói mai o iri. Afémiemo ñue o únofireiri. Jiáie comínina ñue o izíruiri. Comeci járidoñeno o iri. Comécina mánaidimiena o iri.

<sup>12</sup> Mai Juzíñamuimo únogafueño fuirilla izói nágaruillaido riire o iri. Juzíñamui omo iga ziiñona illafue ñue jeire o oíri, mei áfemo Juzíñamui uáidogamiedioza. Afe Crísto mo o únogafueña comíni cóicana jino llotio. Afe bie o llúamo o uai nabáidinona aillo ite.

<sup>13</sup> Ja birui Juzíñamui eróicana ona ñue ócuticue. Afe Juzíñamui nana bíniemo itíñuiaimo íaioi cáananona fecade. Daje izói Jesucristo eróicana ona dáititue. Afémie daje izói ñúefue jino uáfodo lloti. Poncio Pilato uícomi ie illáfueña jáanoñeno lloti. Daií Moo Juzíñamui, Jesucristo díga íaillínoí uícomi ona ócuticue.

<sup>14</sup> Omo cue ocuícana, jiáfodo méidoñeno, ñue jeire o oíri. Aféfuena ñue jeire o oíri, jiáima ona lléañaiteza. Bífuíai ua Jesucristo billíruimo jeire o ófíreiri.

<sup>15</sup> Juzíñamui jaiái uícodo mamécaruimo dúcia, Jesucristo cócaizaibiteza. Afémie daade cai iere ñuera ríinorede Juzíñamui. Daje izói afémie nana illáicomíni ie Illáimaza. Daje izói afémie nana ocuífiredino Ocuídillaima.

<sup>16</sup> Dama afémie jaca ziiñoza, tíñede. Afémie illano jamánomo meáire egáíñoteza, buna áinozinide. Afémiena jaca bu cóñede. Caade come jaca iena cónide. ¡Jaca ninomo ñúefuíaí afe Juzíñamuimo nitácaza! ¡Aillue ñuera ríino jaca ninomo afémiemo dúideza! Aquíe izói íteza.

<sup>17</sup> Bie éniemo aillo ráaredino abi íaioi únóñeilleza ñue o lloiri. Daje izói íaioimo ite raamo ócuiríñeítiaioiza, mei afe ráaniaí are íñeítiaioiza. Mei jiáfodo: Dama Juzíñamuimo omoi ocuíriri, o daiíri. Mei afe Juzíñamui ua cáadimie. Afémie jeruíñeno nana cai jitailla raana cai cánuano caimo fecade.

<sup>18</sup> Afe ráanaitino ñue íaioi ílleza íaioimo ocuiri. “Omoi ñue fínoítifuiái ráanaitiomoiza,” íaioina o daiíri. “Omoimo ite ráaniaimona jeruíñeno jítáidinomo jiáfodo comécíñeno fecari,” daií íaioina o daiífireiri.

<sup>19</sup> Daií íaioi illamona, íco cómutifue nahí raana máíñoítiaioi. Afe maiñóllena comécido ñue onódiaioi. Afe dáaruído ziiñona illáfueña óítiaioi.

*Iraicaíño Timotéomo jóonenocaiqafue*

<sup>20</sup> Timoteo, nana bie omo cue lloga ñúefuíaí ñue o rairuiri. Bíniemo ite táinona úrioinafuiaimo cacáreiñeno o iri. Daje izói Juzíñamuina uáitafueño cacáreiñeno o iri. Mei íaioi: “Iere baitádicue,” daina uai taino uaiza.

<sup>21</sup> Mei bie izóidifuiái únnote comíni ja baie Juzíñamuimo únogafuiaimona oni nibéfodo jáidiaioiza.

Mai, Juzíñamui ona ñue éziciiteza. Jae ñue. Mai daiítadeza.

## MÉIFODO SAN PABLO TIMOTÉOMO ORÉCABE Segunda Carta del Apóstol San Pablo a Timoteo

### *Pablo Timotéomo cuete*

<sup>1</sup> Cue Páblodicue. Jesucristo ñúefue llujállena orécamedicue. Juziñamui comeci jítaina izói orécamedicue. Daje izói uícodo lloga zíñona cai cáaillifue llujáitagacue. Cristo Jesumo dájena cai jaináinamona afe cáaillifueña óiticaí.

<sup>2</sup> Cue izíruiga jító Timotéomo bibe cuetícueza, ona Juziñamui ñue éziciiteza, daiíacadicue. Daje izói: Juziñamui omo dúecaiteza daidicue. Iemo: Cai Moo Juziñamuimona oga comeci ñue uái illáfueño ítítoza, daidicue. Nana bie ñúefuiai cai Ocuíraima Jesucristodo óredio.

### *Pablo Crísto uai nabáiacade*

<sup>3</sup> Juziñamuimo nágarui comécido úrífiredicue. Mona naio diga Juziñamuimo cue úrilla llezica omo comeci uibífredicue. Omo cue úbicallano Juziñamuina: Iere figura, daidicue. Cue uzútiaí Juziñamui ióbitallena ie ocuífirigana ñue ínua izói, afe izói íáinide comeci úrillafuedo ie ocuífirigana ñue ínofiredicue.

<sup>4</sup> O comeci zúucaifrenamo uibíoidicue; íemona ona iere jaca cíoiacadicue, áfemona caimare cue íllena.

<sup>5</sup> Taino lloñeno ñue Juziñamuimo o ínuafueño uibíoidicue. Afe birui Juziñamuimo o ínogafue nano fueñe o uzungo Loida ínoga. Daje izói o ei Eunice ínoga. Iemo bífuena o jaca ñue ínofiredioza, ñue onódicue.

<sup>6</sup> Ie jira bie izóidena o ócuticue. Naui omo onoi cue bitajamona Juziñamui omo lloga llófuelle ríno féitañeno o iri. Niné ona féiza afefue nágarui meine ríre o uibíocairi. Irai dúizaide meine boota izói o uibíocairi. Afemona jamánomo o llófuelleza.

<sup>7</sup> Mei Juziñamui comeci jacíruillafueña caimo fecadé. Mei jíáfodo comeci meáiruifueña Juziñamui caimo fecadé; íemo jíáimana cai izíruillafue, íemo abina ñue cai onónafue diga, caimo fecadé.

<sup>8</sup> Ie jira cai Ocuíraima, Crísto uai nabáillana meáiruifueño o iri. Daje izói ie uai ícoinia llavécacueza, cuena meáiruifueño o iri. Mei jíáfodo ñuera jállona uai ícoinia comuide duere zefuillafueña ruifíruifueño o iri. Omo cómuite duere zefuillafueña rairuíñeno o llínori. Mei Juziñamuimo ite ríno omo cai comécina caimare fíraiteza.

<sup>9</sup> Juziñamuimo cai jaináillena afémie ñue caina jíllotate, daje izói caina uáidote, ie íaifuenide comínina cai íllena. Dani ñue cai illáfuedo Juziñamui íena ínidicaí. Mei jíáfodo dama Juziñamui jaiái uícodo mamérillado íeiena iticaí. Daje izói Jesucristomo cai jaináillado Juziñamui caina izíruite. Daií caina ie izíruillado íeiena iticaí. Mei jaiái ninomo nai énie comuíñena llezica, Juziñamui caina izíruite.

<sup>10</sup> Mei bie caina ie izíruillafue, cai jíllotaraima Jesucristo ana bíníemo bíllado, afefue caimo jino onótate. Afe Cristo cai túillafueña ja jacínitate. Daje izói jíllona uai llúado, zíñona cai illafue jino uáfomo cíotate. Ua, íemo ínotino zíñona itátallena afe Juziñamui uáfodo caimo onótate. Afe bie zíñona cai illafue buna jaca niné táinocaitainide.

<sup>11</sup> Bie ñuera uai llujállena Juziñamui jónegamedicue. Judíoñedno llófuellena, Juziñamui orécamedicue.

<sup>12</sup> Iemo afe bíedo nana bífuiaí duere zefuídicue. Mei íadi áfena meáiruifédicue. Cue ínoga Juziñamui comeci ífuena ñue cue onónamona, jacíruifédicue. Mei afémie cuemo jónenocagafue jaca féiñeiteza. Afe bífue Juziñamui dama Cristo bíllíruimo ñue úñoite, mei afémie iere rínozeza. Afena onódicue.

<sup>13</sup> Naui jáicina joide llófueinafue o cue llófuia izói, áfena o llófuefireiri. Juziñamuimo cai ínogafueña jeire o oíri. Daje izói Jesucristomo dájena cai jaináinamona caina ie izíruillafueño o iri.

<sup>14</sup> Cai diga ite Ñuera Joreño canócaza Juziñamui omo lloga ñuera rafue féitañeno o iri.

<sup>15</sup> Ja onódoza: Nana Asia énie comíni ja cuena zóofetiaí. Afémacimona bie mena íima íaillinoi: Figelo, íemo Hermógenes.

<sup>16</sup> Mei íadi bie afe jíámie Onesíforo dibénedo nana ie comíni diga, mei cai Ocuíraima afémacimo caimare dúecaiteza. Mei afémie diga ícaíno cue jitaica raana atífiredé. Llavécacue íadi jaca meáiruifueño cuemo atífiredé. Iemona Juziñamui afémie comécina náicaitaiteza.

<sup>17</sup> Uafue, Rómamo afémie illa llezica cuena are jénu ícoinia baite.



<sup>18</sup> Cai Ocuíraima cai comeci ifue riire jicánolliruimo afe Onesíforomo dúecairi, Juzíñamuina daidicue. Ja ñue onódioza, Efésomo cai illa llezica, afe Onesíforo diga ícaíño caina canode.

## 2

*Jesucristo dibénemo itímie ñue fuirídime izoide*

<sup>1</sup> Cue jitó Timoteo, Jesucristomo dájena cai jaináinamona Juzíñamuimo ite ñúefuiaimo iticai. Afedo ñue o náireiri.

<sup>2</sup> Cúemona o cacánafuemo cue uai nabáidinona aillo íteza. Iemona afefue mai oni jíáie ñue ínofiredimíaimo o jóneri. Afémaci daje izói oni jíáimacimo llófuiailleza.

<sup>3</sup> Duere zefuállafue omo comuíadi, Jesucristo dibénemo ñuera fuiríraima izói abí riire o mameri.

<sup>4</sup> Naga jíáimiena anáfenoacade fuiríraima fuiríllena maméioide. Iemona uícodo nana jetáacagafue fáicanocajte; afémie jae náamatagaza. Fáicanocailano daa ie occuillaima anamo itábicaite, afe ie jírítillaima íóbtallena.

<sup>5</sup> Daje izói naga jífánora raamo jífánotímie ñue jaícina jífánorede. Jífánua ocuide uai daina izói jífánorede. Afémie fienu jífánoia, minícana jíridoñeite. Táinomo jífánoteza.

<sup>6</sup> Jacafai ríllamo izire tájídímie afe ie riga llizilla jeia llezica, afe ritímie fueñe ótena figura. Dama íeina fueñe jofo óite.

<sup>7</sup> Omo cue llógamo ñue comeci o facari, íemona cai Ocuíraima ona nana ñue fibítaiteza.

<sup>8</sup> Mai tíllanomona meine abido caade Jesucristomo o úibicairi. Daje izói afe Cristo cai jaiaí illaíma David úicoidigimamona comuídímie. Afémie mo ñue o comécíiri. Cue lloga ñue jíllona uai aci bie izói joide.

<sup>9</sup> Bie ñúefue ícoína duere zefuítacacue. Jíi, fiénidífue finódino izói maíáno duere finócacue. Mei íadi Juzíñamui lloga ñuera uai jaca buna llavénide.

<sup>10</sup> Ie jira Juzíñamui nízcamacu cue cánua ícoína duere zefuídícue, mei íadi áferi zúucaíñeno jaca caimare iticue. Afémaci ñue jíllobicaillena duere finócacue. Afe Jesucristomo dájena cai jaináinamona comuide jíllonafue iere ebrede. Iemo jaca zífíona fúíñeite.

<sup>11</sup> Bífue táinoñedeza, iere uafue:

Afe Cristo tílla izói cai tíadi, afémie meine abido cáadimiena jailla izói, afe izói dani cai meine cáailano afémieoíri íiticaí.

<sup>12</sup> Afémie ícoína duere cai zefuíadi ie illáimana illánomo jáinaiticaí.

Afémiena cai jáanoíadi, afémie jíái caina jáanoite.

<sup>13</sup> Afémie mo cai ínoñeniadi, afémie jaca ie daina izói nai finófirede;

Mei Juzíñamui dama ie abina jáanonideza.

*Ñuera daíllena facaca tájiraira*

<sup>14</sup> Bífuaímo jíáimacina ñue o comécíitari. Daje izói bífuaí cai Ocuíraima erócana íaíoímo jóneri. Íaíoí ráífiñede júfidofrega uáillaimo mai afémacina júfidotañeno o iri. Afe bie izoide júfidofrenafue ráífiñedeza, buna canóñede. Afemo cacáreidinona jíáfodo oni comécina jóitate. Daje izói íaíoí ínoga ua uaina niné féitateza.

<sup>15</sup> Juzíñamui uícomo figura daíllena facaca tájiraira izói o iri. Iemo afe llezica jíáfodo lloñeno daje izói o illáfuaena ñue jaícina o jónefireiri. Daí ñue facacámie ie meáicaillafue íñede. Daítade come Juzíñamui ua ráfuaena jaícina comínimo llófueite.

<sup>16</sup> Bínie mo ite táinona úrioinafuemonona oni o iri. Daí táinona úrifredino jamánomo fiénidífuaímo baíídiaíoíza. Anábaitagano izói íficaidiaíoí.

<sup>17</sup> Fienu íaíoí llófueina uai raire jica jalleide. Come abimo comuide fiénide ñozagi jarire oni mónaíoicailla izói, bimaci llófuega uai oni jalleicaide. Afe bie izói ja Jimeneo Fileto diga, bimaci izói, fienu llófuetinona jáidiaillinoí.

<sup>18</sup> Afe íaillinoí Juzíñamui ua uáimona oni nibéfodo jáidiaillinoí. Juzíñamui tíidino meine abido cáailífue dibéneo llotiaillinoí: Ja záide, daidiaillinoí. Daí jíáie comíni Juzíñamuimo ínogafuena uáitacana jáidiaillinoí.

<sup>19</sup> Mei íadi cai ínoga uai oni cáítañeillena, Juzíñamui áfemo jíáie rírede uaina nabaide. Iemona féítañeno afe Juzíñamuimo ínoicaídicaí. Afemona cai bie riire mozióiga jíailliraí izóídicaí. Juzíñamui nabaica uai Juzíñamui dama íeina caina mameide. Afe uai bie izói jóide: Cai Ocuíraima nana dama ie nahí comínina ñue onode. Iemo afe Juzíñamui nabaica uai jíáfodo bie izói daide: Nana “Cristomo jaináidícue,” daidino fiénidífuaena féitano, aféfuemona ja oni írediaíoí. (Bie ie nabaica uaido, Juzíñamuimo cai ínogafuena afémie riire finode.)

<sup>20</sup> Aillue jofo eromo diga raa ite. Ráifide oro ie finoina raa ite. Daje izói ráifide plata ie finoina raa ite. Iemo jiba ráifíñede amena finoina raa ite, naa nogóramona finoca raa diga. Dáarie bie ñuera rairuica jiróracuaido jicana bitínona jirótafiredicai. Jáie figo jinoñede jiróracuaido jalleide illáimana ecáñedicaí.

<sup>21</sup> Afe izói naga jiáimaci canóllena Juziñamui nizécamié, jaca comécina íaifuenino írede. Afémie jaca íaifuemona oni írede. Iemona afe cómena Juziñamui íeiena ñue finóbitade. Ebona ñuera táijinanomo Juziñamui raire íena óreite. Mei afémie íáinide ráifide oro finoina jiróraco izóidimieza.

<sup>22</sup> Jitócomena llezica comeci fieni óiacanafuaimona oni o iri. Mei jiáfodo come ñue jaícina illáfuedo o jairi. Daje izói Juziñamuimo o ínofireiri, íemo jiáimana o izíruifireiri, íemo comeci mánainafuedo naga cómena o uáidofireiri. Iemo, nana comeci íaifuenino Juziñamuimo úrifiredino diga o nabáiriri.

<sup>23</sup> Daje izói táinomo comécilla uállaina náfueñeno o iri. Mei ja onódioza, bie izoide úrillafuiai fúirienailafue comúitate.

<sup>24</sup> Juziñamui ocuífregamié jaca jiáima diga icírínide, íemo jiái fuirínide. Mei jiáfodo afémie nana comíni diga caimare írede. Daje izói jiámacina caimare llófuere. Iemo afémie jiámamo jarire úriñeno, íaicana úrrede.

<sup>25</sup> Daje izói Juziñamui ocuífregamié naga ie llófueinana náfueacañedinona comeci manái finuano, íaioina lletárede. Afémie daí íaioina lletárede, íaioi comeci ífue Juziñamui méidotalleza. Iemona daje izói ua ráfuena Juziñamui íaioina onótaíteza.

<sup>26</sup> Bie izoide llógana jámairuitino Taife írebaimo jilla izói ítiaioi. Iemo afe Taife ie comeci óiacana izói afémacina ócuíte. Mei íadi ua ráfuena íaioi onónamona jillorediaioi. Afénomo jíizaidinona oni bairórede. Afémaci ínídime como cazilla izói, abina onóitiaioi; íemona Taife anánoma jillorediaioi.

### 3

#### *Comíni írairuillaido illífué*

<sup>1</sup> Ja bifuiaina o onótaíticueza. Írairuillaido jacíredíruina caimo mónaite.

<sup>2</sup> Aféruimo comíni daní íaioi abina fieni izíruitiaioi, íemo úcubena íere duéruitiaioi, íemo íere fieni abí ínoítiaioi. Daje izói “Jamánomoidimiedicue” dainano, cómena canóñede táinofuaimo comécíitíiaioi. Iemo Juziñamuimo fieni úritiaioi, íemo íaioi móotíiaíi ocuilla uaina náfueñeítiaioi. Iemo jiáimana “Íere figura” daííñeítiaioi. Daje izói Juziñamuimo ínogafuena náfueñeítiaioi.

<sup>3</sup> Afémaci jiáimana íziruíñeítiaioi, daje izói féitañeno íaioimo duere finódimieimo dúecaiñeítiaioi, íemo jiámacimo fieni úritiaioi. Iemo íaioi comeci fieni óiacanafuena “Dama íte” daííñeítiaioi. Iemo jiáima íaioi íciadi ñúfuedo finóacañediaioi. Daje izói comínina íere izi cácataítiaioi. Nana ñúfuiaina bacáuai ífuena mámeítiaioi.

<sup>4</sup> Afémaci daní íaioi nahí comínina jáie comínimo fállena fécajífrediaioi. Iemo “Dama cue íacana izói íredicue,” daíífrediaioi; íemo táinomo comécíillano “Íere jamánomoidimiedicue,” daíítiaioi. Daje izói Juziñamui jenóñeno daní íaioi comeci ánacafuainana jénoítiaioi.

<sup>5</sup> Diga jinófene íuaido “Cue bie ñuera Juziñamui uaina ínótimiedicue,” daíítiaioi. Mei íadi jofona íaioi comeci ráatailla mei, afe ínogafuemo íte méidolle rínona jáanotiaioi.

Afe bie izoide comíni diga nabáiríñeno o iri.

<sup>6</sup> Mei bimácimona dáarie, jiáimaci jofomo jaillano comécina rínide ringóniaí jífuefirediaioi. Afe ringóniaí fiénidífuíaina oruide. Afe ringóniaí nana fieni óiacanafuainana anáfenogaíiaioi.

<sup>7</sup> Diga ráfuiai onóiacadiaioi mei íadi Juziñamui ua ráfuena baitánidiaioi.

<sup>8</sup> Jaíai Moisés ílláruillaido mena aimá Janes, Jambres diga, Moisés daina uai uáitatiaíllinoi. Afe íaíllinoi uáitaja izói, bie comíni írairuillaido ua uaina uáitaitiaioi. Íaioi ífoci úrillafue oni níbéfodo jóoide. Juziñamuimo ínogafuena fáicanocaidiaioiza; áfemo ínidiaioi, táinofue ínotiaioi.

<sup>9</sup> Mei íadi bimaci are jiámacina jífuecana úiñeítiaioi. Mei íanori íllamona nana comíni íaioi jífuefírenafuena fídítiaioi. Jaíai Moisés uáitate íaíllinoi táinona úrilla uaina comíni fídía izói, nane afe izói bimaci táinona úrilla uaina nana comíni fídítiaioi.

#### *Íraicaíño Pablo Timotéomo jóonenocaigafue*

<sup>10</sup> Mei íadi o cue llófuíana ñue jeire otío. Cue maca izói jaca ñue macádio. Iemo cue mamérilla izói ñue mamérfiredio. Iemo Juziñamuimo cue ínua izói, afe izói íere ínofiredio. Cue comeci jarire úriñena izói, afe izói íaicana úritio. Jiáimana cue duéruilla izói duéruitio.

Diga juáredifuiái cuemo comuide, íadi fáicanocaiñeno Juziñamui ñúefue llócadicue. Afe cue ocuilla izói ñue ocuoidio.

<sup>11</sup> Comini duere cue finóllena cuena racádiaioi, mei íadi áferi jacínaiñeno caimare iticue. Naui Antioquía jófuego duere cue zefuüllana onódio; daje izói Iconio jofue, Lystra diga cuemo íaioi finócafuenta onódio. Nana racada duere cue íaioi fínuafuliaina onódioza. Mei íadi cai Ocuíraima nana aféfuliaimona ñue cuena jíllotate.

<sup>12</sup> Uafue onóigaza, nana Jesucristomo jainánamona ñue jaícina illáfuemo íacadino, nai ñnoñedimacido duere zéfuitiaioi.

<sup>13</sup> Iemo afe llezica fiénide jiáimana jífuefiredino jamánomo fiénidifuiaimo ana jáitiaioi. Jiáimacina íaioi jífula llezica, dani jiáimaci íaioina jífueitiaioi.

<sup>14</sup> Mei jiáfodo omo llófuegafuiaimo riire o comécioicairi, mei aféfuliaimo iere ñue ñnotioza. Iemo afe bífuliaina o llófuetimiena onódio.

<sup>15</sup> Daje izói o dúemiediomona Juziñamui ñuera Cuegáuaina fueñe onóicaidio. Aféuaimona llófuegao, jíllonafue o maiñóllena. Afe jíllonafue Cristo Jesumo o ñnuado o oga.

<sup>16</sup> Nana Juziñamui Cuegáuai, Juziñamui afe cueraini comécimo úrilla izói ñue jaícina cuega. Bie uai iere ráifide comini ifoci déillena. Aféuaido comini llófuegare; iemo afe bíuaido táinomona lloga uaina uáitarede; iemo áfedo jiáimacina lletárede; daje izói aféuaido jaícina comini ñue illífuena íaioimo llórede.

<sup>17</sup> Afe daí Juziñamui Cuegáuaido Juziñamui ocuícami ñue baitádimiena írede. Iemona afémie ñue finóbide, nana ñuefuliái ie finóllena.

#### 4

<sup>1</sup> Juziñamui eróicana, cai Ocuíraima Jesucristo diga, Juziñamui uailai o llófireillena iere omo llonódacaidicue. Mei Jesucristo bíniemo illáimana bille llezica, afémie nana caade comínina, naa tíidino diga íaioimo itífuena riire jicánoiteza.

<sup>2</sup> Afémie raire bíacana jira, riire ona dáiticue: Nágarui Juziñamui uailai jino o llófireiri. Afemo riire o maméroiiri. Comini aféfuena cacáacana llezica, daje izói aféfuena afémaci cacáacañena llezica, nana afémacina jaca daje izói Juziñamui uai riire o llófireiri. Ñue riire llófireiri Juziñamuimo nai ñnoñedino aféuaina íaioi jíruillena. Daje izói afémaci illafue figóñedeza, bíuaido íaioina lletari. Iemo ñúeodo íaioi jáillena, mai riire íaioimo lloiri. Nana bífuliaina, nana comeci járitañenafuedo fáicana o llófuefireiri.

<sup>3</sup> Afe daí llófuefireiri, mei diga irui illamona, comini ua llófueinafueemo cácañeitiaioiza. Mei jiáfodo dani íaioi fiéni gáina izói dani íaioi cacáacana izói, íaioi llófueitina aillo jénoitiaioiza.

<sup>4</sup> Juziñamui ua ráfuena fáicanocaillano, nana jagai izoide táinomona llogáfuiaimo náfueitiaioi.

<sup>5</sup> Mei jiáfodo o iri. Cáadimie izói ñue abina o onoiri. Zúufue omo comuíadi, áferi jacínaiñeno abi riire o mameri. Iemo jíllona uai o llólleomo maméroiiri. Juziñamui omo jóonega tájina ñue ícoimo o fuitari.

<sup>6</sup> Ja íanori illamona Juziñamui íóbitallena fatá fecaca rille izói, fécajigacue. Cue titáilirui ja ánoizide.

<sup>7</sup> Ñuera fuíriraime izói, fiénidifue anáfenua izói tájinana jae riire ñue ícoimo fuitádicue. Iemo jífanotimacimona riire aizida goal orédimie izói, afe izói cue tájina fuillánomo dúcidicue. Iemo Juziñamuimo cai ñnogafuena fáicanocaiñeno, ja ñue ícoimo ñnoticue.

<sup>8</sup> Iemona ja birui cai Ocuíraima cuemo fecalle fia jíridoga raa izóidifueemo ocuúridicue. Afe ie billíruimo, Juziñamui anamo ñue ñíñuenidimacimo dúide zíñona illáfuena afémie cuemo fécaite; mei afémie comínimo itífuena ñue jaícina jicánoitimieza. Dama cuemo fécañeiteza, mei íadi daje izói nana ie billíruimo caimare ocuúridinomo jíridorede zíñona illáfuena afémie fécaite.

#### *Dama Páblomo dúidifuiái Timotéomo lloite*

<sup>9</sup> Timoteo, mai raire cue eróizabiri; riire áfemo o maméiri.

<sup>10</sup> Mei cue nabai Demas, bínie ráaniaina jamánomo gáinamona jae cuena zóofeteza. Zóofiana jae Tesalónica jófuego jaide. Iemo jíáie cue nabai, Crescéntena mámeciredimie, jae Galacia éniemo jaide. Daje izói jíái Tito oni Dalmacia éniemo jae jaide.

<sup>11</sup> Dama Lucas cue diga fiébilla. O billíruimo, mai Marcos júnuailano cue díne ómicoi biri, mei afémie benó cue tájina cuena iere cánoiteza.

<sup>12</sup> Cue nabai Tíquico, Efeso jófuego jae cue orea.

<sup>13</sup> O billíruimo cue fieca emódomo jitáraroi o atíri. Naui Troas jófue mo ite Carpona mámeçiredimie jofomo cue fieca. Daje izói cue rabénicuai o atíri. Iemo jiáie cuega rábiai féitañeno o atíri, mei afébiaina iere jitáidicueza.

<sup>14</sup> Naui Alejandro aillo fiénidifuiái cuemo nitade. (Afémie lloéfiái fínuamo táijifiredimie.) Nana fienu ie úrillafuiái dieze cai Ocuíraima afémiemo iba óite.

<sup>15</sup> Afe Alejándromona abí o rairuíocairi, mei afémie cai lloga uaina iere uáitaacadeza.

<sup>16</sup> Nano fueñe cue abi ríidollifue, ríillaini uícomo cue lua llezica, bu cuena nabáiñede. Nana cuena zóofetiaioi. Juzíñamui afefue iba íaioimo óñeillena afémiemo jicádicue.

<sup>17</sup> Mei íadi naui abí cue ríiduaruimo cai Ocuíraima cuena canode. Afémie cuena ñue riire finode, jílona uai oni nana judíoñedinomo cue llujállena. Afémie afe llujállafue ñue íoimo cuena fuitátate. Afe daií cai Ocuíraima iere jacíredifue mona ñue cuena jíllotate.

<sup>18</sup> Daje izói nana jiáie fiénidifuiaimona, afémie cuena jíllotaite, íemo dama íeiena cuena ráiruite, monamo ite ie illáimana illánomo cue dúciillena. Ñuera ebíredifue jaca ninomo íemo íeza. Daiítadeza.

*Iiraiçaiño uáiduafuiái naa ézicigafuiái diga*

<sup>19</sup> Mai, Prisca, Aquila diga caimare uáidori, naa Onesiforo comini diga.

<sup>20</sup> Erasto Corinto jófue mo fiébide. Cue nabai Trófimo ie irárenamona, Mileto jófue mo cue fieca.

<sup>21</sup> Mai raire rozírediruillai nai dúciñena llezica benó o biri. Benómona jiáimaci omo uai orédiaioi, be nímaci: Eubulo, íemo Pudente, íemo Lino, íemo Claudia. Daje izói nana Crísto mo jainaide ámatiaí o uáidotiaioi.

<sup>22</sup> Cai Ocuíraima Jesucristo nágarui ómoimo nabáirifíreillena Juzíñamuimo jicádicue. Daje izói Juzíñamui nana omoi ézicillena jicádicue. Mai daiítadeza; jae ñue.

## SAN PABLO TÍTOMO ORÉCABE La Carta del Apóstol San Pablo a Tito

*Pablo Títomo cuete*

<sup>1</sup> Páblodicue. Juziñamui táijitagamedicue. Jesucristo orécamedicue. Juziñamui nizécanomo ínotalle uai cue llujállena ie orécamedicue. Daje izói cai ínoga ua uai, íaiói onóillena orécacue.

<sup>2</sup> Afe bie cai ínoga ua uai, jaca ninomo ñue cai illínomo cai ocuirinanomo móirede. Nai énie cómuñenia úcodo, Juziñamui afe zíñona cai cáaillinona llote. Juziñamui jaca táinona llófinide.

<sup>3</sup> Ja birui ie llóiacaga uaina, ie mamécaruimo cuemo jónega llófuecaillado caina onótate. Uafue, cai Jíllotaraima Juziñamui afe daje uai cue llófuecaillena cue ocuide.

<sup>4</sup> Tito, daje izói Juziñamuimo ínoticoco, íemona nahí cue jító izóidío. Jira bibe omo cueticue. Afe llezica, cai Moo Juziñamui cai Ocufírede cai Jíllotaraima Jesucristo diga o ñue ézicillena jítáidicue. Daje izói omo dúecaillena jítáidicue. Afe dáaruído caimare uái ñue o illena jicádicue.

*Tito Crétamo llófue*

<sup>5</sup> Monáillai cigi idu Crétamo o cue fiénocailaruído, nai figo finóbiñede raa ñue daje dine jaícina o finózillena ona fiédicue. Aféruído naga diga jofue illánuiamo ite Juziñamuimo jainaide gairídinomo íaiói ócutimiena o jóneri daidicue. Ñue ócuite eicomínina jenoda o jónetadicue. Afe izói nauí úcodo omo llonódacaidicue.

<sup>6</sup> Naga ñue ocuide éicome nífuenino írede. Daje izói afémie daa ringo otímie írena. Daje izói ie úruiai Juziñamuimo ñue ínorediaíoi. Afe úruiai fiénidifuenta jóneñegazana írediaíoi. Ocuilla uaina náfueñedino izói ínidiaíoi.

<sup>7</sup> Iemo naga ócutillaíma Juziñamui dibénemo ocuicaíoi. Ie jira afémie nífuenino jaícina ñue írede. Daje izói afémie “Cue bie iere riímiedicue” daíñide. Daje izói afémie comécina éocainide. Daje izói afémie jífaíñide. Daje izói afémie illáiredimiena ínide. Daje izói afémie fia Juziñamuimo táijinado úcube otímiena ínide.

<sup>8</sup> Mei jíáfodo, afémie ie jofomo mácaibitina jíáfodo coméciñeno caimare llínofiredimiena írede. Afémie ñue caimare finófredimiena írena. Afe izói dama ie abina ñue ocuidimiena írena. Afe izói afémie comécina jaícina ítímiena írena. Afe izói afémie Juziñamuimo ñue jainádimiena írena. Afe izói afémie dama ie abina lletádimiena írena.

<sup>9</sup> Afémie ñue ínofirega íemo lloga uaimo iere coméciirede, jíáimaci comécina náicaitallena. Iemo jíái afémie daí írede, nana uáitatinona uafue daíitallena.

<sup>10</sup> Mei uafue, aillo ocuícana náfueñedino ite. Judíuaimo ite nabene. Afémaci táinodo úritiaíoi. Afe llezica comínina júfuetiaíoi.

<sup>11</sup> Afémaci úrilla lláicaitarede, mei dáarie afézie nana íaiói ñue ínogafue dobáíñotadiaíoi. Afe llezica llófuerainna uaido llófuefrediaíoi, meáirede finuado úcube óllena.

<sup>12</sup> Afe Creta énie imácimona daade uai jino lloraima, ie nabátiaído úrite. Daide: “Creta imaci táinofuerdiaíoi, íemo jazici ie rílleniai izóidiaíoi, íemo iere güillárediaíoi, íemo jaca iere ráiraiediaíoi,” daide.

<sup>13</sup> Afémie uafue daide. Ie jira riire íaíoina lletari, Juziñamuimo íaiói ínogafuenta féitañeno ñue jeire íaiói óllena.

<sup>14</sup> Iemo daje izói ñue íaíoina lletari, judíuai dani uibica uáillaimo íaiói náfueñellena. Iemo jíái, ua uáimona oni jíúcaidino comútaga ocuilla uaimo íaiói cácareíñellena.

<sup>15</sup> Nana comécina íaifuenidimíemo naga raa íaifuenide. Mei jíáfodo íadi nana Juziñamuimo ínóñedino íaifuairedinomo naga raa íaifuairede. Daje izói íaiói ífoci uibíllafue íáirede, nana íaiói comeci úrilla uai diga.

<sup>16</sup> Afémaci “Juziñamuina onódicai” daidíaíoi, mei íadi íaiói finócado Juziñamuina jáanotiaíoi. Mei afémaci íairuigamacina jáidiaíoi. Iemo náfueñedino izói ítíaíoi; íemo due jiza ñuera raana finóndiaíoi.

## 2

*Ñuera uafue llófueina uai*

<sup>1</sup> Tito, o daílle uailai ñue uafue llófueina izói jaca jaícina jóirede.

<sup>2</sup> Nana éicomíni jaca jífaíñidinona írede. Daje izói ñúefuaído jacíruiregaíoi. Iemo, abina ñue onódimíaina írediaíoi. Daje izói Juziñamuimo íaiói ínogafuemo íránfinidimíe

izói írediaioi. Daje izói nágaruillaído ñue izírucana ífirediaioi, íemo jiái jaca comécina járitaifinidiaioi.

<sup>3</sup> Daje izói eiringótiai úroinide; íemo ñúefuedo jacíruiiregaiaioi. Afe izói táinona llófinidiaioi. Iemo jiái jaca jifáirado jífaiifinidiaioi.

<sup>4</sup> Daií ñue íaioi íllana ácatarediaioi, jiáie ringóniai jítáinguai afe izói íllena. Afedo íaioi inítiaina izóruillena lollíai. Daje izói jitaingo íaioi úruiai gáíllena llófueregaiaioi.

<sup>5</sup> Afe izói íaioi abina ñue onóíllena llófueregaiaioi. Daje izói íaifuaíinidinona íaioi íllena llófueregaiaioi. Afe izói jofo ero finoca raa ñue úfiollena llófueregaiaioi. Daje izói ílláinidingo izói íaioi íllena llófueregaiaioi. Afe izói íaioi ini ocuícana jíeruifireíllena llófueregaiaioi. Be daií írediaioi, buna Juzíñamui lloga fieni úridoíñeíllena.

<sup>6</sup> Daje izói jítócomini ñue íaioi íociretari, abina ñue íaioi onóíllena.

<sup>7</sup> Iemo jiái, naga o jetáacaga dibénedo o ñue illa izói íaioi íllena ácatari. Iaioina o llófuelle llezica, taino jífueño llófuereíre. Daje izói jífánodoíñeno lloiri.

<sup>8</sup> Daje llezica táinodo úrinidio, buna o jánari úriñeíllena. Afe daií o uáitaacadino meáirutiaioi, mei ja odo fieni úrinideza.

<sup>9</sup> Iemo jiái, nana ocuícana íaioi ocuídino anamo ñue íllena o llófuereíre. Daje izói cáimamacina íaioi íllena lloiri. Iemo uai ófireíñedinona írediaioi.

<sup>10</sup> Afe izói íaioi táijina llezica íaioi ocuídino ráaie meríñedinona írediaioi; mei jíáfodo naga táijinana jetátagamie ñue ínofiregamiena írede. Afe izói írediaioi, cai Jíllotaraima Juzíñamui lloga uai iere ebíredeza, dani afémaci abido onótallena.

<sup>11</sup> Mei jí, Juzíñamui caimo ie dúecaillana caimo cíotote. Afe caimo ie dúecaillado nana éniemo itino jíllorediaioi. Afe jíllorenafue Juzíñamui jae caina onótate.

<sup>12</sup> Afe caimo ie dúecaillano cai coméciaídi fieni illafue cai fáicanocaíllena caina onótate. Afe izói bie énie imaci óiacaga cai fáicanocaíllena onótacagai. Iemo jíáfodo biruillaído cai illafue ñue úíllena caimo llote. Jaca abí ñue cai ocuífírena caimo llote, íemo cai illafue ñue jáicna cai jóoneíllena cai llote. Afe izói Juzíñamuimo dúide uaina caimare finóredicaí.

<sup>13</sup> Iemo daje izói Juzíñamui uícodo lloga uai, caimare zuílleno ocuíríoredicaí. Mei aferui iere rínoredimie Juzíñamui, cai Jíllotaraima Jesucristo caimare billíruiza.

<sup>14</sup> Afémie cai ícoinia táíllinomo uigámie, nana fienidífuiaimona cai jíllóíllena. Daje izói nana cai íaifuaíi muiñóíllena uigámie. Afedo afémie íena caina mamede, ñúefue iere íocire cai finóíllena.

<sup>15</sup> Be ñie o llófuereña uai. Nana náinide comini comécina náicaitari, íemo lletáredino omo íte ocuille ríino diezé íaioina lletáfíreiri. Buna ona jíamairuitañoeno íri.

### 3

#### *Juzíñamuimo ínotino bie izói írediaioi*

<sup>1</sup> Jesucrístomo ínotino énie íllama anamo íaioi írena uibíñotari, naa ocuídínuaíari. Daje izói aféllaímai ocuica uai íaioi jíeruíllena uibíñotari. Afe llezica ebena ñúefuaíi fínuamo iere jícairediaioi.

<sup>2</sup> Daje izói jíáíma jánana fieni úrinide. Afe izói afémaci comécina caimare uái ítinona írediaioi, íemo ílláinidinona írediaioi. Iemo daje izói nana comínna omo; uáidua llezica, comécina mánaidimiena o illa jino íaioimo onótari.

<sup>3</sup> Mánaidimiena íredicaí. Mei nauí uícodo daje izói cai bie jaca abina onóñedinodicaíza. Juzíñamui lloga uaimo cacáreíñedicaí. Aféruimo niné féiraitino izói ífiredicaí. Daje izói nana cai comeci fieni gáinafuiaímo ríire ocuícánodicaí; íemo jíái cai íóbtade raamo ríire llavécánodicaí; jaca nágarui fieni ífiredicaí, íemo jíáímaimo úradoífiredicaí. Iemo comécina éoidicaí, daje izói comímana éoicaífiredicaí.

<sup>4</sup> Mei íadi cai Jíllotaraima Juzíñamui íemo íte cáimafue jino caimo cíotote, íemo nana náiraíaina íe izíruiífírena díga.

<sup>5</sup> Afémie caina jíllotaacade, mei íadi jaca nanómona cai dáina ñúefuena cai fínuamona Juzíñamui caina jíllotañede. Mei jíáfodo dama afémie caimo dúecaillado caina jíllotate. Caimo íte íaifuaíi dama íe múíñuado caina jíllotate. Afe llezica Juzíñamui Ñuera Joreño afe múíñuado, meine como jéciganona caina finode. Iemona daje izói afe Ñuera Joreño como comuítaga ñúefuedo caina úcaite.

<sup>6</sup> Cai Jíllotaraima Jesucrístodo, Juzíñamui íe Ñuera Joreño jeruíñeno caimo fecade.

<sup>7</sup> Afe daií Juzíñamui caina dúecaíllano, nífuenidínodicaí izói caimo caimare éroide. Afémie daií caina ítátate, cai ocuírína zifíona cai íllino cai maíñóíllena.

<sup>8</sup> Bie uaillai iere uáfueza. Daje izói nana bífuiaí jeire íaíoi ólleza ona íaíoi na iere llotátaiticue. Daií ona llotátaiticue Juzíñamuimo ínotino bie ñúefuiaimo nágarui íaíoi jíruillena. Comíni canóllena bífuiaí nana ñuera.

<sup>9</sup> Mei íadi abina onóñedino júfidogafuemonona oni o jíicairi. Daje izói jaiáidígima dibénedo lloga íaíoi comuilla táinofuiaimona oni o jíicairi. Afe izói jiáimana uáitafrenamona oni o jíicairi. Iemo jiái, Moisés lloga uaimo ite féiredifuaído fuirídinomona oni jíicairi. Nana bie izóidifuaí cómena canóñede. Daje izói bífuiaí ífócina úriñedinomona comuide.

<sup>10</sup> Juzíñamuimo dájena jaináidino cigiri dámie eneno bozíetaiacania, íena uáidota ménacaiño lletari. Daií lletaca cacáacañeniadi, omoi cigimona íena ruifíruiri.

<sup>11</sup> Uáfueña íena ruifíruiri, mei ja áfemona afémie fiénidimiena onóredeza. Afémie ñúefuemonona oni nibéfodo fiénidifueño baíidímie. Iemo dama íe finoca fiénidifueño duere finóbide.

*Pablo naa íe nabáíñiaíri mamérilla uai*

<sup>12</sup> Artémiana mámeciredímie, nibaí Tíquiconona mámeciredímie omoi cue óreiaí méifomo, Nicópolis jofue illánomo raire cue eróizaíbiri. Afénomo o jáillena raire mamériri, dinomo dáanomo conímamo dúcíticocozá. Mei afénomo rozíredíruillai záitaiacadicueza.

<sup>13</sup> Iemo nane jiáífue, Zénana mámeciredímie Apolos díga nana omoi ite díeze íaillinoína canori. Afe Zena jiáímado ñue úrifiredímie. Íaillinoí jaille llezica jitaica raana íaillinoímo fecari, minícana íaillinoí jíitaiñellena.

<sup>14</sup> Iemo daa cai Juzíñamuimo jaináidino ñue lloíri, ñúefuiaimo íaíoi táijífirilleza; daje izói jiáie come jíitaiadi, íaíoi jíitalla raana fecari. Iemonona íaíoi illafue ñue ráifiteza.

*Íraicaíño uáiduano ñue íaíoi llena Pablo Juzíñamuimo jícade*

<sup>15</sup> Nana cue díga itino omoi uai orédiaíoi. Cai izíruiga nabáíñiaí daje Juzíñamuimo ínotino o uáidori. Mei Juzíñamui nana ómoína ñúefue dibénemo itátateza. Daiítateza. Jae ñue.

## SAN PABLO FILEMÓMO ORÉCABE La Carta del Apóstol San Pablo a Filemón

*Pablo Filemomo cuete*

<sup>1</sup> Cue Páblodicue. Cristo Jesús ícoinia llavécamiedicue. Cai ama izóidimie Timoteo cue diga illa llezica, Filemomo bibe cueticue. O coco táijinamo izíruiga nabáifiredimedio.

<sup>2</sup> Afe llezica Juzíñamuimo ínotingo cai miringo izóidingo Apiamo cueticue, íemo jíái Juzíñamui uaimo iere cai nícidogafuemo nabáifredimie Arquípomo cueticue. Iemo jíái Filemón jofomo gairífiredi Juzíñamuimo jaináidinomo cueticue.

<sup>3</sup> Mai birui cai Moo Juzíñamui cai Ocuíraima Jesucristo diga, ñúefue dibénemo ómoína itátaiteza; daje izóí caimare uái illifue ñue ómoimo itátaiteza.

*Pablo Filemón Jesucrístona izíruilla íemo íe ínuana llote*

<sup>4</sup> Juzíñamui diga cue úrilla llezica omo uibicaidicue. Uibicaillano, jaca Juzíñamuina “Figora” dáifiredicue.

<sup>5</sup> Mei o ñue o finócafue fidídicueza. Cai Ocuíraima Jesuna o izíruillana íemo o ínuana diga, fidídicue. Daje izóí nana Juzíñamuimo jaináidinona o izíruillana fidídicue.

<sup>6</sup> Juzíñamuimo o ínuado jíáimaci afémie uai jeire o otátallena Juzíñamuimo izire jicádicue. Afémaci o diga nana Cristo Jesúmona comútaga cai ñue ínofirenafuiai, ñue onóillena jicádicue.

<sup>7</sup> Afe daí jicáfiredicue, mei ja o izíruillado íobidicueza, daje izóí áfedo cue comeci íociredeza. Daí ori íobidicue, mei Crístimomo ínotino odo comécina firacaiaioiza.

*Riire ocuícamié Onésimomo Filemón dúecaillena Pablo íemo jicade*

<sup>8</sup> Iemona ja birui, Cristo orécamiéna cue íllado omo dúide finolle raana riire ocuiredicue.

<sup>9</sup> Mei íadi afe izóí ócuíñeíticue. Riire ocuilla baimo caimare jícana gáidicue. Iemo conímana coco izíruillamona omo jicaiticue. Ua ja cue éiromadicue, íemo jíái Cristo Jesús llavécamiedicue.

<sup>10</sup> Daí cue illamona, daa cue onóigamiemo o dúecaillena jicádicue. Benó cue llavéjina llezica afémie cue jító izóidimiena jaide, mei afémie comécina Jesucrístomo ínuana mei afémie jaináitaticueza. Afémie Onésimo. (Jesucrístomo íe ráifidimiena omo illana jaca comécifedio.)

<sup>11</sup> Naui Onésimo omo ráifíñedimie izoide. Mei íadi birui cue o diga afémie ráifidimie izóí táijirede.

<sup>12</sup> Meine abido íena omo orédicue. Afe íe cue ória cue iere izíruiga úrue ória izoide.

<sup>13</sup> Nai benomo ñúefue ícoinia cue llavébilla llezica, afémiena “Benó cue diga fiebi” uáfueña daíacadicue, o méifomo afémie cue canóllena.

<sup>14</sup> Mei íadi nai o jii dáiiñenia mánicana ocuíañaedicue. Daí daidicue, o cue jicajana ocuilla izóí íñeillena. Mei jíáfodo dama o comeci jitailla izóí cue jicajana o fñuana jítáidicue.

<sup>15</sup> Nibaí Onésimo naui fia nígarui fidi oni o abímona jaide, meine billano biruímona o abimo afémie jaca nínomo íllena.

<sup>16</sup> Iemona birui riire ocuícamié izóíñeno, mei jíáfodo izíruiga ama izóidimiena afémie o diga írede. Afe jira naui riire ocuícamié baimo ñúemiena o diga írede. Afe bímie iere izíruiticue, mei íadi o cue baimo íena izíruiredio. Birui daa afe ñue táijitállimie izóí íena izíruinedio, mei afe baimo cai Ocuíraimamo jainaide ámana o izíruilla izóí, afe izóí íena izíruiredio.

<sup>17</sup> Iemona uáfueña cue nabáidimie o íadi, cue o llínua izóí, afémie o llínori.

<sup>18</sup> Nibaí nano afémie fiénide raa omo finóadi, íemo jíái nibaí mánica omo íbañenia, cuemo jica, cue íbállena.

<sup>19</sup> Ona uafue cue daítallena cue ónoido cueticue: Afena íbaiticue. Cue Páblodicue. Mei jíáfodo cue ona uibíñotaredicue, dama o ñue méidoga abi cuemo dúide, mei Juzíñamuimo ona ínotadicueza.

<sup>20</sup> Ua mii, cai Ocuíraimamo o ínuamona, afe bímie o llínuado caimare cue itátari. Crístimomo dájena jainaide ama izóí cue comeci firari.

<sup>21</sup> Omo cueticue mei o jíeruífrena ñue onódicueza. Jíái onódicue, cue ocuica baimo finóredio.

<sup>22</sup> Afe llezica cue ínállico uíecodo raire finori. Mei bie izóí ocuúridicue; Juzíñamuimo omoí jicállemona, Juzíñamui omoí cue eróizaibillena cuena óreite.

*Íraicaíño uáidua, caimare ñúefue dibénemo omoí itátallena*

<sup>23</sup> Cristo Jesús ícoinia cue diga llavécamié Epafras uai omo orede.



<sup>24</sup> Daje izóí jáiie cue táijinamo canódimaci Marcos, Aristarco, Demas, Lucas diga omo uai orédiaioi.

<sup>25</sup> Mai mei cai Ocuíraima Jesucristo ñúefue dibénemo ómoina itátateza. Daiítadeza. Jae niie.

## HEBREO IMÁCIMO CUEGABE

*(Daa bimaci jiáfodo mameina Judíuái)*

*La Carta a los Hebreos*

*Juziñamui ie Jitodo ja comínimo úrite*

<sup>1</sup> Jaiai ninomo cai judíuái jaiáidigimamo Juziñamui úrite. Ua, ie uai llórainido diga icaíño, diga jiáfodo jóoide uáillaido úrite.

<sup>2</sup> Mei íadi ja birui firairuillaído Juziñamui ie Jitodo caimo úrite. Bie Jitó uaido Juziñamui jaiái bie éniena naa úcuairi finode. Iemo naga raa íeiena náamatallena Juziñamui íena mamede.

<sup>3</sup> Afe Jitó ie Moomo ite ebíredena jino ciótatimie. Daje llezica afémie jino náiraimo ciótaga; ua daje Juziñamui izóidimie. Nana finoca ráaniaina afémie dájena jaináitano ie ñue rírede uáillaido nágariui ñue jaícina finócana uite. Bímie, cruzmo dama ie die tótajado cai fiénidifuiái ñue múñua mei, caífo monamo ite Juziñamui nabezi dibénemo ráinazaide, dinómona nahí illáimaillena.

*Juziñamui Jitó Juziñamui abi imáiciai baímo fígomie*

<sup>4</sup> Afémie afe jamánomo ríredinomo jáillamona, nana Juziñamui abi imáiciai baímo fígomiena jaide.

<sup>5</sup> Juziñamui ie abi imácimona dáamie jaca “Cue jitódio” daíñede. Ua, “Cue Jitódio, ja birui illáimana o jóoneiticue” jaca daje izóí íaioina daíñede. Mei íadi ie Jitó Jesucristona daíí daide. Daje izóí ie abi imácimona dáamiensa “O moona íitucue” daíñede. Dáanomo “Cue jitóitio” daíñede. Mei íadi Jesuna daíí daide.

<sup>6</sup> Ua Juziñamui ie izoide daade Jitona bie éniemo comúitajano daide:

Mai, nana Juziñamui abi imaci, bie cue jitona jacíruioicana ñue omoi íóbitari.

<sup>7</sup> Mei íadi abi imácina Juziñamui daide:

Bimaci cue abi canórainina íllamona, íaioina ocuífiredicue. Iemona jairifo raire náidacailla izóí, bimaci cue ocuícana raire jetáfrediaioi.

Afe izóí nana cue canófirede cue abi imaci jacírede boode irací izóí, íaioina ocuífiredicue, —daide.

<sup>8</sup> Mei jiáfodo ie Jitona daide:

Juziñamui o íllamona, o illáimana illirui jaca ninomo zíñona íite.

Ñue comécina jaícinaínafuedo jaca illáimaífireitio.

<sup>9</sup> Ua, comécina jaícinaínafuena izírúitio, mei íadi fiénidifuiáimo éoicana eróidío.

Iemona Juziñamui, ua o Juziñamui, jae ona íóbitade.

Nana Juziñamui uaina jíeruite o nabáñiaí caímadua baímo, cáimatagao, —daide.

<sup>10</sup> Jiáinomo ie Jitona Juziñamui daide:

O Ocuíraímadío.

Naga ráaniaí o táinia mei, bie énie finódio.

Nana monamo ite naga úcuai o ónoído finócano.

<sup>11</sup> Afe énie naa úcuairi niné táinocaitiaioi, mei íadi o jaca zíñona íitio.

Aféniaí jácara iníroillai zabilla izóí zábítiaioi.

<sup>12</sup> Iemo inícuíro dócoiano oni jóonia izóí, oni eneno íaioina jóoneitio.

Iemona iníroí jiáiroina abímo jita izóí, bínie naa ucúduairi méidoficaitiaioi.

Mei íadi o jaca méidoñelloza, dinó níimieitio.

Omo itífue jaca zíñona íite.

<sup>13</sup> ¿Ñie mei ie abi ímiemo Juziñamui llogámie:

O fairíconi o anamo cue anáfenotalle llezica mai benó cue nabézimo illaíma nabai izóí ráinazaíbi?

Daíí daínamiensa íñede. Dama ie Jitó Jesuna daíí daide.

<sup>14</sup> Nana afe Juziñamui abi imaci Juziñamui ocuica canófirede jóriaiaí. Ua Juziñamui orécaiaioi, afémiedo jíllóitino ñue rairuállena.

## 2

*Cristo caimo lluaíbiga jíllona uaímo ñue úíñoredicai*

<sup>1</sup> Ie jira Juziñamui Jitó, Jesucristo daíí naga illaíma baímo jáidimiena íllamona, nana Juziñamuimona cai cacana uailai jeire cai olle iere jitárede; omoi jefóniaí ñue jinéoiri. Aféuáimo ñue omoi cacáreiri, oni níbéfodo fiénidifueño cai báíñeíllena.

<sup>2</sup> Mei Juziñamui jaiái ie abi imácido llogáuái jaca oni caitánide. Naga aféuaina jeire onédino naa cacáfinidinori raire iere duere finócaiaioi. Mei afe fiénidifue fínuamona Juziñamui íaioimo jaícina ibana ote.

<sup>3</sup> Mei íadi birui aféuái baimo jamánomo ñue riírede uaina cacádinodicái. Ie jira bie Crístonona cai cacana uáillaina jeire cai óñenia, ¿ñífuedo jaícina iba uáfueмона jilloiticaí? ¡jillonidicaí! Afe baimo ñue riírede uai nano fueñe Ocuiraima Jesucristo caimo llogáuái. Ie mei ie dáinana cacádinodo aféuái jae cai uafue daíllena llotátaga.

<sup>4</sup> Afe íaioi daina uaimo onótate raado Juziñamui ñue uai nabáitate. Iemo jiái jacírede raado, aillo ciórainina raa diga afémie ñue uai nabáitate, íaioi daináuaimo ñue cai ñnollena. Afe llezica Juziñamui ie jitáinafue izóí, ie Ñuera Joreño ñúefuiai finolle riino, illa dígamierie íaioimo fecade, daje izóí caimo.

*Jesucristo Juziñamui Jitó íadi afémie cai illa izóí, fia cómena íficaide*

<sup>5</sup> Cai úrifirena ñuera úreitiruillaido ñímie illáimaillena, Juziñamui ie abi imácina: “Ílláinina jáitiomoi” daíñede.

<sup>6</sup> Mei jiáifodo comínina illáimaitaacade. Jaiái Juziñamui Cuegáuaimo David Juziñamuina daide:

¡Ñii naga come Juziñamui dibénedo jamáimiaiaina!

¿Ñibái mei íaioimo comécidido?

¿Ñibái mei íaioi jitótiaimo járitaitio?

<sup>7</sup> Mei uáfueña due jiza o abi imaci jofófenemo comínina comúitatio.

Íllaima ebírenano naa ñúefue diga íaioimo nitáido.

<sup>8</sup> Naga raa íaioi anamo o itátatio.

Daíí naga raa iima anamo itábicaillamona, jae minica ie anamo itábicaíñedena íñede. Mei íadi ja birui iima dibénedo naga raana náamatañega. Afe izóíñedeza; afémie nahí náamañede.

<sup>9</sup> Mei íadi jiáifodo birui Jesuna cai onónamona íemo comécidicái. Afémie nana íanori due jiza Juziñamui abi imaci jofófemo jóonegamie. Aféruído afe Jesús nano cai jiáinona, tiilla onóillena facade; mei afe llezica nana comini fiénidifue ícoinia Juziñamui zóofegamieza. Ie mei tiide meine abido cáanamona jamánomoidimiena jaide. Afe mei afémie, illaíma izóí, ñúefueña nitácamié, jae ebire finócamie, mei nauí ie tíllaruimo iere duere ie zefuúllamona. Juziñamui caíri dúecaillano, nana comini niné táinocaitañellena cai ícoinia Jesuna daíí zefuítate.

<sup>10</sup> Juziñamui daíí ie Jitó duere finoille caimare íemo jóbide. Ie jira Juziñamui íaioina jíllotaite ífódímie duere zefuúllafuedo nana cai jíllonafueña ñue fuitade. Mei jii, naga raa Juziñamui íeíena ie ínuamona ja birui itíaioi. Afémie nana comínimona aillo jitótiaí jíllocade ie caimare ebírenanomo dáanomo íaioi dúczaiillena.

<sup>11</sup> Mei Juziñamui dibénemo oni jóonetimie Jesús, nana Juziñamui dibénemo oni jóonegamaci diga daje Juziñamuina móorediaioi. Iemona, cai baimo jamánomoidimie íadi, Jesús “Cue ámatiaídiomoi” daíí dáinana meáiruíñede.

<sup>12</sup> Afémie Juziñamuina daide:

O mámeceí cue ámatiaímo jino lóitice.

Nana omo gairídino cigiri rocana ñúefue omo nitaitice.

<sup>13</sup> Jiáinomo Cuegáuaimo daide:

Cue Juziñamuidio. Omo ínoitice.

Ie mei jiáinomo daide:

Be, benó itice, Juziñamui cuemo iga naa úruiaíri.

<sup>14</sup> Onódiomoiiza, nana cai jae cómena comúitagacái. Daíí cai íllamona, daje izóí Jesús dama cómena comúibacide. (Ua, fia come izóí jéiciga.) Afe mei come abi íemo íllamona, ie tíllado cai títaite Taífena ríinitade.

<sup>15</sup> Jaiáimona nana tiille jágiedo Taífemo rairuícamacidicái. Mei íadi Jesús jae cai jacíruíñeillena nane ñue cai finode. Ja ráiruíñeganona afémie daíí cai ñue orede, nana nauí cai caana llezica tíllena jacíruíticái íadi.

<sup>16</sup> Mei uáfodo onóigaza: Jesús ie bíllado Juziñamui abi imácina cánuabiñedeza, mei íadi cómena íficaillano nana Abrahámona comúidigimana cánuabite naa jiáíe Juziñamuimo ínotinori.

<sup>17</sup> Afémie cai cánuabilemona ie ámatiaí nana íaioi illa izóí afémie íficaillana iere jitáiredeza, mei dúecaífrede nahí comínimona Juziñamuimo comínido úritíllaimana jáideza. Ua ínofirega Juziñamuimo úriraimana jáiacade, afe daíí ie tíllado comínimo ite fiénidifuaí oni muíñóllena.

<sup>18</sup> Mei Jesucristo íaifue fieni facátafuaimona duere zefuide, aféfuemo baiñfede íadi; íemona ja birui fieni Taife facátagamacina cánua ríino Crísto íteza, ja caina ñue canórede.

### 3

*Jesús Moisés baimo jamánomoidímie*

<sup>1</sup> Ie jira, cue ñue ámatiai, Juziñamui uáidogamací dibénemo jaináidiomoiza, Jesumo izire comeci omoi facari; ua cai jeire oga ñúefue llúaíbitagamiemo ñue comeci omoi facari. Iemo nane Juziñamui dibénemo caído ñue úritimiemo, mai íemo comeci omoi facari.

<sup>2</sup> Bie Jesús íena daíí mamédímie ocuica uaina jaca nágaruillai ínofirede; ua, jaiáidímie Moisés nana íemo llogáuaina jeire ófirena izóí, afe izóí bíímie nana íemo ocuica uaina jeire ófirede.

<sup>3-4</sup> Jae onódiomoiza naga jofo come niga; dama abina niñédeza. Mei íadi naga ráaniai finódimie Juziñamui. Iemo daje izóí ja onódiomoiza, naga jofo niraíma afe nigaco baimo ñúemieza. Afémiemo jamánomo ñúefue jónerede. Ie izóí afe bie Jesús Moisés baimo ñúefuena nitáregamie, mei naga raa afémie comuítagaza; íemo jiaí daje izóí Juziñamuimo cai jainánana Jesús comuítateza.

<sup>5</sup> Ua, afe Moisés nana Juziñamui íemo llogáuai, Juziñamui dibénemo táijiacadímie izóí, aféuaina ñue jaícina Juziñamui eneno nizeca Israel náiraimo llotátate. Afe daíí afémie ie méifodo bite llófuellifue uai nabáitate.

<sup>6</sup> Mei íadi Crísto, jofona náamataga Jitó izóí, nana ie anamo itínona ñue jaícina ocuíoide. (Afe daíí Crísto Moisés báifene ímienaza onódicai, mei naga jitó, jofo ero táijiraima baimo itímienaza.) Iemona Crísto dánana, cai ínuafue ñue riire itífuedo are illa ícoimo jeire cai oíadi, Juziñamui comínidicai. Afe llezica afémiemo caimare cai úiñuana jítáirede.

*Juziñamui comini comeci caimare uái illafue*

<sup>7</sup> Ie jira Juziñamui Ñuera Joreño jaiái Cuegáuaido daide:

Birui Juziñamui daináuai omoi cacana llezica omoi coméciai ríiretañeno iri.

<sup>8</sup> Jaiái énie zaféredinodo Israel comini facátaruimo afémaci íaíoi comeci riire fínuano Juziñamuina uáitaiái.

Jíí, afe izóí omoi íñeno iri, daide.

<sup>9</sup> Iemo nane Juziñamui daide:

Aferuillaido jaiái omoi uzútiai Judíuai cuemo íinoñeno fieni facátafuedo cuena facátataíoi.

Cuarenta diga fimónado nana íaíoiemo cue finócafuiaina ciódiaíoi íadi, cuemo fieni coméciaíoi.

<sup>10</sup> Ie jira afe bigima cuena ríicaitade.

Afémacido daidicue: “Íaíoi comeci cuemo figo jaináíñenamona, cue lloga io onóñeno oní nibéfodo jáidinona itíaiói.”

<sup>11</sup> Iemona áferi ícírillano ríifrede uaido daidicue: “Jaca cue lloga caimare comécina uái ocózinallana óñeitiaíoi,” daidicue.

<sup>12</sup> Amataí, daje izóí figóñede, ñúefuena íairuiga ínoñede comécimona mai abí omoi rairuiri, afe izóí omoi íñeíllena. Mei afe izóidímie cai caade Juziñamuimona oní eneno jica íteza.

<sup>13</sup> Mei íadi nágaruillaido, Juziñamui ómoína nai uáidua llezica, Juziñamui dibénemo ñue riire jainairi. Iemo daní ómoimona ñue lletari. Daíí ñue omoi llóiri, fiénidifue ie abí jífuiafuedo buna ómoimona dáamie comécina ríireíñeíllena.

<sup>14</sup> Mei nanóidemona caimo ite izire ínogafue, riire fáicanocaiñeno uáfueña cai onóíadi, jae Crísto dibénemo jaináidinodicai. Aféfuemo rairuíñeno ñue omoi jíeruiri.

<sup>15</sup> Juziñamui Cuegáuai daíí daide:

Birui Juziñamui daináuaina omoi cacana llezica, jaiái Israel Juziñamuina uáitajaruiemo comeci ríifrena izóí, omoi comeci ríifretañeno iri.

<sup>16</sup> ¿Bu mei afe Juziñamui uai cacádino íadi, nane dáanomo íena uáitate? Mei nana Egíptomona Moisés bairócamaci Juziñamuina uáitate.

<sup>17</sup> ¿Mei nímaci cuarenta diga fimona Juziñamuina ícírítate? Mei nana afe Juziñamui uai ínoñeno fieni finódino; níí afémaci ícuruai énie zaféredinomo fiénocaiga.

<sup>18</sup> ¿Níí náiraina ríifrede uaido Juziñamui daide: “Jaca cue lloga caimare comécina uái ocózinallinomo dúciñeítíoi?” Mei nana afe ie uaina cacádinona íadi aféuaina jeire onéidinona daíí daide.

<sup>19</sup> Daíí íaíoiña dánana íaíoi ínoñenado jofo cáimanomo dúcinidiaíoi. Ua daíí ñúenomo íaíoi dúciñenana onódicai.

## 4

<sup>1</sup> Ja birui Juzíñamui uafue caimo lloga caimare comécina uái ocózinaillana cai olle uai caimo ite. Aféuai nai caimo illa llezica mai ómoimona dáamie aféuai comécimo óñeillena daítadifuemona mai abí omoi rairuiri.

<sup>2</sup> Mei uafue cai bie ñufuena llogámacidicai. Ua afe jaiái Egíptomona bairócana ñufuena llóina izóí ñufuena llogámacidicai. Mei íadí íaioi cacana uái figo íaioina canóñede; mei íñoñediaioiza fia táinona cacádiaioiza.

<sup>3-4</sup> Mei íadí Juzíñamui lloga caimare comécina uái ocózinaillinomo nahí jofo jáidinodicai, mei ie uaina ñue cai íñofirenado. Birui Jesumo cai íñuamona, caimare comeci jacíruiñenafue dibénemo jóonegacai. Jira ocózinairanomo táijiñeno cai illa izóí, jae caimare uái iticai. Te mei uire Juzíñamui illánomo ñue afémie diga caimare uái íticai. Jaiái íñoñedinona Juzíñamui daide:

Iaioimo cue rícaillano ñue rífrede uaido daídícue, “Afe cue lloga caimare comécina uái ocózinaillinomo jaca dúciñeítiaioi,” daídícue.

Daí Juzíñamui íaioina daide. Mei íadí ua íaioi caimare illífue Juzíñamui are uícomo mamécaza; mei jae are énie ie comuítajaruimona, nana Juzíñamui ie finócafuiái, naa caimare cai illífuiairi, jae fuitádeza. Mei Juzíñamui jáinomo ie Cuegáuaimo afe ie ocózinaillaruido úrite; daide:

Juzíñamui seis dígarui táijide; ie táijina mei siete iruimo nana ie finócafuiaimona caimare uái ocózinaide.

<sup>5</sup> Afe mei jáíruido ie Cuegáuaimo Juzíñamui daide:

Cue lloga caimare comécina uái ocózinaillinomo dúciñeítiaioi.

<sup>6</sup> Iemo ñufuena nanoide cacáдино íñoñenamona afénomo jofo íaioi jáinina méifomo, áfeo nai jáíamaci jáillena túide.

<sup>7</sup> Ie jira Juzíñamui diga fimona jailla mei, David roránicuaído comíni uáiduano meine jáíe billírui íaioimo llote. Afécuaímo, due jiza íllamona cue lloga izóí, Juzíñamui daide:

Birui Juzíñamui daínáuaína cacádiomoiza omoi comécina ríretañeno iri, daide.

<sup>8</sup> Mei íadí Josué afe jáíáidinona nahí caimare come comeci jacíruiñenanomo uíñede. Ie jira diga fimona illa mei Juzíñamui meine abido comíni caimare illíruiña úrite.

<sup>9</sup> Iemona afe nahí caimare come comécina uái ocózinaillafue nai ite, Juzíñamuimo jáináidimacina dani íaioiena maíñóllena. Afe ñue caimare cai illífue ocózinaillaruido cai ocózinailla izoide.

<sup>10</sup> Mei naga afe Juzíñamuimona oga caimare illífuena maíñódimie, dama ie jilloille naa ie nícidogano fáicanocaillano, caimare uái ite. Ua Juzíñamui naga ráaniai ie fínua fuilla mei, ocózinaillano caimare uái ite. Afémie uái illa izóí caimare uái iticai.

<sup>11</sup> Ie jira afe caimare cai illífuena mai ñue omoi maíñori. Mai benómoma daíí omoi ífíreiri, ómoimona buna jáíairagima bífuena íaioi íñoñenado íaífueimo baílla izóí omoi baííñeillena.

<sup>12</sup> Nana Juzíñamui lloga uai, jaca íocire cáadimie izoide. Afe uai jaca ninomo ríredeza, buna oni caitánide uai. Aféuai comíni ífóciaímo déífírede; ua íaioi comécina zuitáífírede. Mei jíi, jáire jicaica lloéfáido abi ñeta íere jofo ícurumo raire dúcizailla izóí, afe izóí Juzíñamui uai nana cai comeci ífuiaí onótate. Uáfuena cai comeci facáduana naa cai comeci jítaíllafuiairi fídiano ñue uáfodo jáícina jino caimo onótate.

<sup>13</sup> Nana Juzíñamui finócafuiái íemona oni retáidonide. Ua, daa Juzíñamui cíóñenamíena íñede. Nana cai comécíllafuiaí cai finócafuiái diga, uáfóri cai nahí Jícanoraima ui anamo ite.

*Jesús Juzíñamui dibénemo caído ñue úrifíredíllaíma*

<sup>14</sup> Jae Juzíñamui Jító, Jesús, mona úillie illano íere caifófenemo jaillano, Juzíñamui illánomo dúcide. Dúciillano Juzíñamuimo dibénemo caído ñue raire úriraimana jaide; ua afémie caído úrifíredíllaímana jóonega. Afe bie úriraima caimo íllaza, maí nana afémiemo cai comécílli; afémiedo cai ínogafuiaí fáicanocaiñeno jáícina ríire ñue íemo cai íñoílli.

<sup>15</sup> Afe caído Juzíñamuimo úrifíredíllaíma nana cai abí ríidolle ríño íñénana onode. Ua afe cai ríño íñenamona cai féiraífirenana afémie onode. Ie onónamona caimo dúecaífrede; mei afémie cai izoide cómena íficaíllamona, nana fieni facátafuiana cai cacana izóí cacade íadí afe fienídífuiaímo baííñede. Iemona Juzíñamui dinena jáíredicai.

<sup>16</sup> Ie jira Juzíñamui illáímana illánomo cai úrizaiíli; maí omoi jacíruiñeno afe caído úrifíredíllaímado Juzíñamuimo raire úrifíreiri. Daíí íemo úrédicai caina ie dúecaíllano cai fieni finócafuiái iba caimo óñeillena; daje izóí afémie cai jítaíllíruido cai canóllena, afémiemo úrédicai.

## 5

<sup>1</sup> Naga come dibéfodo Juziñamuimo úritillaima comínimona nizada oga. Uano Juziñamuimo comínido úrillena mamécámie. Daje izói afémie comini dibéfodo Juziñamui ióbitalle ráfuiai finófireillena mamécámie. Iaiói Juziñamuimo fia iga ráaniai afémie izájite. Daje izói iaiói fiéndifue iba otátañelle fia fállena fecaca tóica rillenai afémie Juziñamuimo izájite.

<sup>2</sup> Afémie ríinide cómena illamona, iaiói illa izói abina onóñedimacina fiaicana comeci járitañenado caimare firaizitaite. Daje izói oni nibéfomo baiidinona comeci járitaño llétaite.

<sup>3</sup> Mei afe nizécámie cai izói ríinidímie. Iemona dama ie iaiфуiai muiñolle tóica rille jiáimaci fécajilla izói, afémie jiái fécajirede. Ua nana comini dibéfodo izábilla izói, dama íeiena afémie izábirede.

<sup>4</sup> Afe iere ñuera Juziñamuimo úriraimana illena, buna dama ie comeci jitaina izói ínide; dama Juziñamui jóonegamie daií írena. Afémie caimare jacíruigámie. Jaiádiruimo daií Juziñamui Aarona uáidote. Uáiduano, Juziñamui íena nizada úritillaimana jóonete.

<sup>5</sup> Afe izói Jesucristo Juziñamuimo comínido úriraimana illena raire dama uícofcáiñede. Mei íadi Juziñamui daií úritillaimana ie jóoniacana llezica íena daide: Cue jitódio; ja birui illáimana o jóoneiticue, daide.

<sup>6</sup> Ie mei daií dainámiena Juziñamui jiáinomo nane daide:

Jaca ninomo Juziñamuimo comini dibéfodo úriraimadio. Ua jaiái ninomo Juziñamuimo úriraima Melquisedec izói jaca ninomo Juziñamuimo comini dibéfodo ziiñona úriraimana íitio.

Aquíe izói Juziñamui ie Jitó Jesuna daide.

<sup>7</sup> Cristo cai come izói bie éniado jáicaillaruaillado, izire éecana Juziñamuimo comeci facade. Iemo dáaruído Juziñamuimo izire jicade. Afémie daií íena jillotaredimiemo comécido úrite; daide: “Bie cue tíacanafuemona mai cue jillota” daide. Iemo Moo Juziñamui anamo afémie ñue itábicaillamona comécido Juziñamuimo ie jícajana Juziñamui cacade.

<sup>8</sup> Daií Jesucristo Juziñamui Jitó íadi, ie duere zefuillaфуiaido ocuilla uai anamo itábicaillana fibide.

<sup>9</sup> Afemona afémie daií nana cai jilloillifue ñue fuitállena jamánomo jaícina fibitagamiena jaide. Ie jira nana íemo ínotimaci dibénemo Jesús ziiñona Jíllotaramana jaide. Ua ziiñona jíllonafue tainédimiena jaide.

<sup>10</sup> Mei jira Melquisedec izóidímie Juziñamuimo comini dibéfodo ziiño úrifireitimiena, Jesús jae Juziñamui mamécámie.

*Cai ínogafue meine abido cai jáanolle iere jacírede*

<sup>11</sup> Bífuaíado aillo úriacadicue, mei íadi iere cacáacañediomoi. Iemona nai figo baitáñedino izói ítiomoi. Daií omoi íllamona, bífuaíai ómoímo jino cue lolle iere féirede.

<sup>12</sup> Naui nano Crísto mo omoi ínuaruimona jae diga fimona jaide. Iemona jae oni jiáimacimo omoi llófuizerizaille iere jitáirede. Mei jiáífodo ja birui meine abido Juziñamui llogáuai tainéinaфуiaina ómoímo jiáima llófuelle jitáirede. Nai monoi jirode úrue izói meine abido úruetaidiomoi; nai figo baitáñedino izói ítiomoi. Ua líciaina nai rínide izóidinona abido jáidiomoi.

<sup>13</sup> Mei jií, naga monoi jiróñredino, móonaiñena llezica nai dúetiru. Daje izói naga Juziñamui anamo ñue jaícina caina móonaitade llófueinafue dibénemo baitáñedímie nai úrue izoide. Mei afémaci nai móonaiñeno úruiai izói baitáñediaioiza.

<sup>14</sup> Mei jiáífodo dama móonaite éicomini líciaina rírena. Afe izói juárede llófueinafue ñue onona dama comécina ñue jéedimacimo dúide; mei afémaci aillo facáfirenamona ñúefue fiéndifue baimo ñue onónana fibídiaioiza.

## 6

<sup>1</sup> Ie jira afe nánoide Cristo dibéfodo llogáfuiai ómoímo llúana ja moziñocaidicue, jiáie cómfue ómoímo jino cue llóllena. Ómoímo cue lolle bie cómfue, Juziñamui llogáuaillado ómoína ñue jaícina móonaitaite. Aféfuiai mai jeire cai olli. Nano uícodo lloga ñúefue jillácina meine abido diga icaíño ómoína llófueñeticue. Afe nanóidífuiai bie izói daide: “Ómoína jillotañeite omoi nícidogafuiai fáicanocaillano ñúefuena méidori. Méiduano, mai Juziñamuimo omoi íñori,” daide.

<sup>2</sup> Iemo afe nanóidífuiai báutizaafuedo úrite. Iemo dáanomo onoi cómemo bítafuedo úrite. Daje izói come tílle mei, afe tídinomona meine abido cáaillifue llote. Afe emódomo, íraírui mo Juziñamui nana comínimo jicánolle mei ziiñona duere finótallifuedo úrite.

<sup>3</sup> Nana bie nanoide llogáfuiaína meine abido llófueñeticue. Mei íadi, Juziñamui comeci jitaina izói, afémie cue canóllado, ñue móonaitadífuiaína omoi llófueiticue.

<sup>4-6</sup> Daií birui ómoimo llófueacadicueza, mei nanóidifuiaina uáitajano oni jáífodo féiraitimiai íaiói illafue nano ñue ñnogafuena jaca méidonide; mei afe ñúefuena nai náfueñediaoiza. ¡Mai, abi omoi rairuiri! Afe daiítadimaci nauí dáaruina Juzíñamui llófuegamaci izóidiaoi; ua Juzíñamui dibénedo ifócina déitaganona itíaiói. Daje izóí, monamo ite Juzíñamui daina caimátallifueña facádiaoi. Iemo daje izóí afémaci Juzíñamui Ñuera Joreño úicallana jae facádiaoi. Afe llezica Juzíñamui ebírede daináuai cómena ñúetatifueña afe íaiói fácamona, ñúerana onódiaoi. Afe emódomo, Juzíñamui Jitó uire illáimana illirui llezica, íemo ite comini cáimadolle ríinodo jae bimaci canócaiaoi. Jae nana bie núefuiaina fibidiaoi. Mei íadi afe mei Juzíñamui ífuiaina móonaitaoiño, aféfuiaiana íaiói uáitaiadi ñúefuena méidofinidinona jáidiaoi; mei daií afémaci illamona Juzíñamui Jitona cruzmo fatátatimaci illa izóí afémaci dani itíaioiza. Ua nairai uíecori íena jífánodoia izóí íena meáidaitadiaoi.

<sup>7</sup> Bie izoide comini comue jacafai aiñena izoide. Juzíñamui biítaga noci naga éniemo diga ícaíño biide. Iemona afe éniemona ñue ria aite, afe éniemo tájigidino güllena. Aféniena Juzíñamui ézicite.

<sup>8</sup> Iadi jíainomo noci billa mei, daa figóñede éegiai ailla, naa zaie diga. Afe izóidinie ráifíñedeza; nibai íanori íllamona Juzíñamui fáidoite. Íirainomo afénie jobáillamo dúide, naa afénomo zicódinuairi mei figóñedeza.

*Cai úiñoigafue caina riire nabaide cai ñnogafue féiñellena*

<sup>9</sup> Mei íadi cue izíruiga ámatiaidiomoi. Jae cue lloga faidórafue baimo jamánomo ñúefuiai dibénemo jaináidiomoi. Ua omoi jíllonafuemona comuide cáimaduafuiai maiñófireidiomoi. Aféfuena ñue onódicue.

<sup>10</sup> Juzíñamui comécina jaícina jóidimie. Iemona nana íena omoi izíruillamona omoi finoca Juzíñamui comini cánua ráaniaina, afémie féitañede. Daje izóí aféfuiaimo nai birui jíeruitiomoi. Ua Juzíñamui jaináidinona izíruillano, ñue afémacina riire canófireidiomoi.

<sup>11</sup> Ie mei birui afe izire omoi nícidua izóí, daje izóí ómoimona illa dígamieriena Juzíñamuimo ocúiriri daidicue. Iemona omoi ñnogafuiai jeire ómoína otátaacadicue, omoi úiñoigafue táinomo fáifíñellena, mei jáífodo ñue jaícina omoi fuitállena. Afemo ómoína nágarui izire coméiiri daidicue.

<sup>12</sup> Daií izire omoi coméciollamona ráiraiédino illa izóí íñeitiomoi. Mei omoi ñue coméciillamona, jáífodo daade Juzíñamui lloga ua caimare illafue dibénemo itino illa izóí ítiomoi. Afémaci íaiói ñnogafuedo íaiói abina ñue finóinafuena Juzíñamuimona otíaiói. Ua comeci járitaiño are illa ícoimo Juzíñamui uícodo íaióimo lloga ñúefuena maiñóriodiaoi. Íaiói illáfueño ñue omoi coméciiri, íaiói illa izóí omoi íllena.

<sup>13</sup> Mei jíi, Juzíñamui iere íñofiregamie. Jaiái Abraham illáruimo Juzíñamui uafue uai Abrahamo llote. “Aillo comini jebuítaitio” jaiái uícodo íemo llote. Llua llezica uafue daiíllena Juzíñamui dama ie mámecina llíinote, aféfuena Abraham ñue íñollena. Ua Juzíñamui dama ie mámecina llíinote, mei jíáie baimo jamánomoidimiena íñédeza.

<sup>14</sup> Daií Juzíñamui Abrahana daide: “Uafue iere ona ñue caimátaitaiticue. Jae cue o jítóretallemona, o erófene ígímana jamánomo iere jebuítaiticue,” daide.

<sup>15</sup> Iemona Abraham comeci raire járitaiño, diga fimona afemo úiñooidie. Daií ie ocúirina mei, afe Juzíñamui lloga caimare ie nairai jebuíllifueña Abraham ñue maiñódeza.

<sup>16</sup> Bínie comini cígimona dáamie uáfueña daiíacana llezica, afémie baimo riiredimie mámecido uafue daiítate. Daií lloga uaina buna oni caitáñede. Nana dani íaiói júfidogana záitate.

<sup>17</sup> Daje izóí Juzíñamui ie lloga finóllifue, jíáie ñue rírede uaido, aféfuena iere uafue daide. Afémie daií dáideza, mei ie uícodo lloga ñúefuena máíñoitinomo, afefue ua jáífodo méidonidena jino íaióimo uáfodo llóiacadeza.

<sup>18</sup> Daií Juzíñamui mena caitánide uáillaido íaióimo llote. Afe ménacaíño ie daina dibénemo Juzíñamui táinona llónide. Afémie daií daide, afemona cai comécina ñue íociretallena. Iemona caimo ie lloga ñue cai jíllonafueño fáicanocaiño ñofiredicai. Mei jíi, cai Jíllotaraima Jesucrístomo jarire jaillano caina ie úiñotaga comeci íaifue dóllena raire íemo jícádicai, caimo ite fiénidifue iba óñeillena.

<sup>19</sup> Afémie cai jíllotallena caimare úiñoidicai. Iemona afémie caina daináuai cai comeci nífuenina ñue mozíoitade. Ua cai úiñoigafue caina riire nabaide cai ñnogafuiai féiñellena. Daií comeci docáíño ñue riire nabáitaga jacíruíñedinodicai. Mei cai jíllotaite cai úiñogamie Jesús, caífo monamo Juzíñamui nahí ie írainomo íteza.

<sup>20</sup> Afe Jesús, cai jáillio ifódimiena afénomo jae jaide. Daií illamona afémie jae comínido Juzíñamuimo zíñona úritillaimana jaide. Ua, jaiái Juzíñamuimo úriraima Melquisedec izóinado, Jesús jaca ninomo caído úrite.

## 7

*Jesús, jaiái Melquisedec illa izói comínido Juzíñamuimo úriraima*

<sup>1</sup> Afe Melquisedec Salem jofue illaima. Afe llezica afémie comíni dibéfodo jamánomoide daade Juzíñamuimo úrifredimie. Jaiái illáruimo Abraham jáie afénioimo ite illáinina anáfenuaide. Iaioina anáfenuano Abraham meine bítemo, afe Melquisedec io anamo Abrahamo dúcizaide. Dúciillano Melquisedec, Abraham abi ñue finóllena Juzíñamuimo jicade.

<sup>2</sup> Afe llezica Abraham nana ie bairoca ñuera ráaniaimona, Juzíñamui iena eneno mameca ráaniaina, Melquisedécimo raiñóñeno fia fecade. Melquisedec nanoide daina mámecei “Comécina jaicínadillaima” fueñe daiíacade. Ie mei afémie nane jáici ote: “Salem illaima.” Afeci “Comíni comécina caimare uaí itátatillaima,” daiíacade.

<sup>3</sup> Afe Melquisedec moo mámecei jaca onónide, naa ie ei mámecei diga. Daje izói ie emódooidigima jái óñoñega. Daje izói afémie jocóinarui óñoñega, ie túllarui diga. Iemona afémiena comíni “Zíñona itímie” daide. Afe Melquisedec comíni cígiri illáfuedo Juzíñamui Jító zíñona cai dibéfodo úriraimana illáfuena caina fidítate.

<sup>4-5</sup> Mai bífueimo ñue omoi coméciri, Melquisedécimo ite jamánomoidifuenta omoi onóillena. Ua Melquisedec, cai nanoide jái airagima Abraham baimo jamánomoidimie. Mei Abraham ie bairoca ráamona Melquisedécimo fecádeza.

Abraham enaize Jacob doce dígade jítorede. Iemo afe jítóniai cígimona Leví comuúdeza. Afémie comíni dibéfodo Juzíñamuimo úrillena Juzíñamui nizeda ogámie. Ie jira nana judúuai Juzíñamuimo úriraini Leví úicoidigimamona comuitagaiaioi. Afe Juzíñamui nizeca Leví náiraima, Juzíñamui Moisés ocuica uaido daide: “Nana jáie judúuai nairai imácimona Juzíñamuimo dúide ráaniaina órediomoi,” daide. Ua Leví náiraimo ibárede, nana jáie Israel nairai daa Abrahámona comuídino íadi. Ie jira Leví comíni nana afe Juzíñamuimo dúide ráaniaina líinofrediaioi.

<sup>6</sup> Mei íadi afe Melquisedec, Leví nairai izíe íeñede. Mei íadi afémie áfena líinoñeniadi afe Melquisedec, Leví emódooidigima Abrahámona Juzíñamuimo dúide ráaniaina uáfuenta líinote. Iemona Melquisedec Leví baimo jamánomoidimieza onódicai.

Afe ráaniai ie líinua llezica, Melquisedec Abrahamo úrite. Abraham Juzíñamui íemo ñue finóllifue, uécodo fidítagamie. Iemo ja birui Melquisedec afémie ñue éziciano daide: “Juzíñamui ona ñue cánoiteza,” daide.

<sup>7</sup> ¿Ñibémie mei jamánomoidimiena? ¿Ezicitimie mei nibai ézicigamie? Ua, ézicitimie baimo jamánomoina. Afefue buna jáanoñega.

<sup>8</sup> Nane jáífue llóitícue. Cai cígimona eneno nizeca Leví comíni, Juzíñamui iena nano mameca ráaniaina líinofiredino. Mei íadi afémaci fia comíniza tíifrediaioi. Mei jáífodo afe jáie líinotimie Melquisedécina mámeceiredimie Juzíñamui Cuegáuai daina izói, tíiñeno caade izóidimie. Ie jira Melquisedec jamánomo báimoidimie. Leví imaci nai Melquisedec jofófeneidino.

<sup>9</sup> Iemo jáífue Levido daiírede. Leví Abraham erófene igima. Mei íadi afe Juzíñamui iena eneno mameca raana líinofiredimie jaiái uécodo Melquisedécimo ie uzuma Abrahamo Juzíñamuimo dúide raana ibade. Daií Leví comíni, jaiái uécodo Juzíñamuimo dúide raana Melquisedécimo ibádiaioi.

<sup>10</sup> Mei Leví nai jocóñena llezica ie comuúllino nai Abrahamo íteza. Ua Melquisedec ja Abrahamo dúcinaruimo, Leví jocóllino nai jaca ie nanoide uzúmamo ite.

<sup>11</sup> Israel náiraimona eneno nizécázie Leví comíni. Aféziemona nizeca nanoide Juzíñamuimo úriraima Aarón. Afémie naa ie erófene igimairi comínido Juzíñamuimo úriraini. Ie jira afe úrirainido Israel nairai Juzíñamui ocuilla uáillaina llogáiaioi. Mei íadi nana afe Juzíñamuimo úriraini finócafuiai comíni ua zíñona jilloillena figo jinoifede. Comíni comécina Juzíñamui jítaina izói nahí jaicína jóoitañede. Aarón naa ie erófene igimairi finócafuiai figo jinoñena jira, jáie afémie izóifede baimo jamánomoidimiena jítáidicai, afémaci méifomo jónellena. Ua Melquisedec zíñona illa izóidimiena jítáidicai. (Ie jira afe Aarón comíni meifo méidoitimiena Juzíñamui jae jino náiraimo ciotate. Afémie mámecei Jesucristo. Ua Aarón comíni méifomo jónegamie Melquisedec izóidimie Jesús; afémie Aarón dibéfomo jaináñede.)

<sup>12</sup> Jae afe jaiái uécodo ite Juzíñamuimo úriraini nana dánomo jáiiena íaioi méidua llezica, afe Moisés íaioimo ocuica uaillai daje izói jáífodo méidorede.



<sup>13</sup> Juzíñamui Cuegáuai dai dainámie cai Ocuíraima Jesucristo. Afe como jónega Juzíñamuimo caido úriraima Jesús, Leví nairai ímieñede. Jiáziemona comuidimie. Ie nairai ímiaina jaca nizéñega, Juzíñamuimo comínido úrillena. Ua comini fia fecaca tóica rílleniai naa ráaniai diga Juzíñamuimo izájillena, nízeñegaiaioi.

<sup>14</sup> Ñue onóigaza cai Ocuíraima Jesús Judá náiraímona comuidimie. Moisés afe náiraímo Juzíñamuimo úrirainina íllena, jaca lloñede.

<sup>15</sup> Afe jiáie como jónega comínido Juzíñamuimo úriraima Jesús, jino cióillamona, bífuaiaina jino uáfodo baimo onódicai; mei dama afémie Melquisedec izóinaza.

<sup>16</sup> Bímie dama ie ñue zíiñona ífírenamona comínido Juzíñamuimo úriraimana jaide. Mei jiáifodo Leví náiraímona jaiái nizeca Juzíñamuimo úriraini ocuica uai dainado úrirainina jáidiaioi. Afe uai ñie náiraímona nizéllena llote.

<sup>17</sup> Mei íadi como jónegamie Jesuna Juzíñamui ñue riírede nabáitaja uaido daide: “Melquisedec izóí jaca ninomo Juzíñamuimo comínido zíiñona úriraimana ja birui itíoza,” daide.

<sup>18</sup> Iemona afe uícodo ite ocuica uai jae oni caitaca, mei afe uai riínideza. Iemo jiái, aféuai comini comeci nahí duáfueña figo jínotanideza.

<sup>19</sup> Afe Moisés ocuica uai buna coméina nahí jaícina finóñede. Mei jiáifodo jiáie aféuai baimo, ñuera cai jíllotaite úñoigamie Jesucristo jae caimo ciótaga. Afémiedo Juzíñamuimo ánozifíredicai, uáfodo Juzíñamuimo cai úrillena.

<sup>20</sup> Afe Jesucristo Juzíñamui riíre nabáirede uaido jónega.

<sup>21</sup> Ie uícodo Juzíñamuimo úrirainina jáidino, riírede uaido jóneñegaiaioi. Mei íadi Jesús comínido Juzíñamuimo úriraimana jáillarumo, Juzíñamui riíre nabaica uaido ja daií mameca. Mei Juzíñamui ie Cuegáuaimo Jesudo úrite, daide:

“Cue Juzíñamuidicue. Bífue riíre cue nabaica uaido daidicue. Cue comeci faca uai jaca jiáiuaina méidoñeiticue.

O zíiñona comínido Juzíñamuimo úriraimana itio;  
Ua Melquisedec izóidimiedio,” daide.

<sup>22</sup> Ie jira Jesucristo, Juzíñamui jamánomo ñuera caimo comue finóllifue caina ñue onótate. Ua Jesucristo aféfuemo iere uafue daide. Afe finóllifue Moisés lloga nanoide finóllifue baimo ñuera.

<sup>23</sup> Jesucristo uícoidiruillaimo ite Leví náiraímona nizeca Juzíñamuimo úriraini ua aillo ite; mei íaioi tóicozifírenamona jaca jiáimiena méidofíregaiiaioi.

<sup>24</sup> Mei íadi Jesús cai dibéfodo Juzíñamuimo úrillana, jaca jiáimiena méidonide; mei afémie jaca ninomo zíiñona ítmíeza.

<sup>25</sup> Iemona Jesús nana íedo Juzíñamuimo úrizabitinona, jaca ninomo jaícina ñue jíllotarede, mei íafe Jesús, íaioiri Juzíñamuimo zíiñona úriraimana íllaza.

<sup>26</sup> Ua, afémie izoide Juzíñamuimo comínido úritillaimana jaiái ninómoma jitáidicai. Ñue cai jílloilifue afémie caimo ñue zúitaitimie, mei afémie nahí ñuera nífuenidimíeza. Afe llezica afémie nana fiénidimaci íaífueñona oni eneno rairuícamie. Ie mei afémie mona ero úcuai illa caifomo, Juzíñamui nahí illánomo uigámie.

<sup>27</sup> Jaiái uícómo ite Juzíñamuimo úritillaini nágaruillaido tóica rílleniaina fatá Juzíñamuimo izájifírediaioi. Nano fueñe dani íaioimo ite íaífue ícoinia áfeniaina izájírediaioi. Afe mei comínimo ite íaífue ícoinia áfeniaina izájifírediaioi. Mei íadi Jesús afe izóí finuana jitáíñede. Afémie dácaiño nana comini íaífue ícoinia dama ie abi Juzíñamuimo fecade. Ua cruzmo ie duere zefuida túllado abi fecade.

<sup>28</sup> Afe Cristo uécodo lloga ocuúllafuedo llotino, jiáie jamai figo nahí jaícina finótañede comínimona Juzíñamuimo úritillainina mamédiaioi. Mei jiáifodo, afémaci méifomo jónega úritillaima Jesucristo, Juzíñamui ñue riíre nabaica uaido jónega. Afémie jaca ninomo nahí jaícinaitağa Juzíñamui Jitó.

## 8

*Juzíñamui caimo cómuena finóllifue, Jesús caimo jino denódimie*

<sup>1</sup> Nana cai daináfuiamona llógana bie ñue nahífuena ómoimo llóiticue: Como lloga caimo ñue jóobide caido Juzíñamuimo úriraima birui ja caimo ite. Afémie caífo monamo ite Juzíñamui nabézimo ráinazaide.

<sup>2</sup> Dinomo Juzíñamui nahí illánomo Jesús íllamona, jamánomo ñuera Juzíñamui uécómo Jesús caido úricabite, cai jílloilifue ñue caimo zúillena. Afe Juzíñamuimo cai nahí ánozírano comini fínoñega. Jaiái biniemo ite Juzíñamuimo ánozíraco comini niga.

<sup>3</sup> Naga Juziñamuimo úritillaíma, fia iga ráaniai, tóica ríllenai diga Juziñamuimo fecáfireitimienna mameca. Ie jira cai dibéfodo Juziñamuimo úriraiíma Jesús, daje izói dama ie fecájjille raa jitáirede.

<sup>4</sup> Biniemo afémie nibai abido ie bia, afémie caido Juziñamuimo due jiza úriraimañeite, mei Moisés ocuicauai daina izói Juziñamuimo caido úriraini biniemo nai íteza. Daje izói bimaci nai benó Juziñamuimo fia fecaca raana íemo izájjifrediaioiza. (Ie jira caido ziiño úriraima Jesús, caífo monamo Juziñamuimo cai ie canólledo úricabite.)

<sup>5</sup> Biniemo ite Juziñamuimo úriraini aillo ráfuiáido nícidotiaioi. Nana íaioi nícidogafuiaí jánana mameide. Íaioi finócafuiái caífo monamo ite Juziñamui nahífuiaína caina fidítate. Daje izói biniemo ite jaiái Juziñamuimo ánoziráco, Juziñamui nahífuena cai fidítaraco. Afena onódicaíza, mei Moisés afeco nitátaacanaruimo, Juziñamui íena daide:

“Caifónedumo o illa llezica omo cue ácataga afécona o ciona izói, afe izói jaícina mai o niiri,” daide.

<sup>6</sup> Mei íadi biniemo ite Juziñamuimo úriraini nícidogafue iere afe baimo, cai caífo monamo ite úritillaíma Jesús caido jamánomo ñúefuena nícidote. Mei jii, afe Jesucristo caimo zuitaca Juziñamui ñuera cairi comue finóllifue, jaiái Moisés lloga finóllifue baimo ñuera. Mei Moisés ocuica uai baimo, Juziñamui uícodo lloga cómfue jamánomo ñuera uáimona comúdeza.

<sup>7</sup> Afe Moisés lloga nanoide finóllifue, comini jilloillena ñue jinoiadi, jíáie uire iite ñue finolle uai jitáineitiaioi. Mei íadi afe naonide uai íaioi jilloillena figo jinoñede.

<sup>8</sup> Afe nano ocuica uai jeire otino nahí jaícinaidífuemo figo dúciñediaioi. Dúciñediaioimona, Juziñamui ie Cuegáuaimo íaioina daide:

“Uire jjiáiruido nana Israel náiraimo comue ñue cue finóllifue ócuticue, naa Judá náirairi.

<sup>9</sup> Jaiái íaioi uzútiáimo cue daina ocuica uai izói, ócuíñeiticue.

Jaiái aféruilláido Egipto éniemona afémaci billa llezica íaioina ífódicue:

Ua afémacina izire úcaidicue.

Mei íadi cue lloga ocuica uaina nano íanori fáicanocaillano, áfena figo náfueñediaioi.

Afe jira íaioina zóofeticue,” Juziñamui daide.

<sup>10</sup> Nai nane íaioina lluanu Juziñamui daide:

“Uíreitiruilláido Israel imácimo bie izói cue ñue comue finóllifue ócuticue.

Aféruilláido cue ocuica uáillana íaioi ífócimo jaícina déitaiticue.

Ua aféuaina íaioi comécido jeire íaioina otátaiticue.

Iemona afémacina dama cúeiena nane meine abido máíñoiticue.

Afe llezica íaioi nahí Juziñamuina íiticue.

Iemo cue náiraina íitiaioi.

<sup>11</sup> Aféruilláido nana afémaci uáfodo ñue cuena ónodiaioiza, cuena íaioi onóllena abi diné jíaima llónide.

Iemona ie abi ímiaímo buna Juziñamuina onótanide. Daje izói dámie ie ámamo Juziñamuina onóllena llóñeite; mei nana cuena ónodiaioiza.

Naga jamámie, íemo jíái naga jamánomoide ríredillaíma, nana daje izói cuena ónoitiaioi.

<sup>12</sup> Nana íaioimo cue dúecaillamona íaioi fienu finócafuiái íbana óñeiticue.

Nana íaioi comeci íaifuiaina jaca ninomo féitaiticue.

Aféfuiaina úibiñoñeiticue,” dinó Juziñamui daide.

<sup>13</sup> Bie méifodo lloga Juziñamui finóllifue, cómfuena méiduamona, afe uícodo Moisés lloga finóllifue jae jaiáiza feide. Afena Juziñamui daí uáfodo llote. Iemo naga jaiái raa zabizaillamona raire oni dotánocaiga; oni dotánocailleza cíoñelle.

## 9

*Biniemo ite Juziñamuimo ánoziráno, jana izói jíáie monamo ite Juziñamuimo ánoziráno cai fidítate*

<sup>1</sup> Afe nauí nano lloga finóllifue llua llezica, Juziñamui íemo ánoziráco nitátate. Afe nitátaja dáaruído, comini Juziñamuina íóbitalle uallai afémacimo daje izói lloga.

<sup>2</sup> Afe lloga Juziñamuimo ánoziráco Moisés nitátaga. Afeco ere niñeno jédaciede iníroina íbáíaco. Afe áreco ero ménaco titaca. Jinódico Juziñamui Ñúeco daina. Afeco eromo áillue mechera izoide egáñora ite. Siete diga dájemona boode raa ite. Dáanomo Juziñamui dibénemo oni enénorie rairuica pan jónerabani ite, naa afe páaniairi.

<sup>3</sup> Afe ánoziráco jofóidico Jamánomo Ñuera Rairuicaco daina. Afe jofóidico daje izói jédaciede iníroina ruica diné erócana nacona ibaica. Jédaciede jígaroi izóidena fetaca.

<sup>4</sup> Afe fetaca jédaciroi abimo uguci jobáirabani ite. Bibani lláide órona jinófene aífítaga. Bie jofóidico eromo daa áillue ráaniai éenora ite. Cajona eroide. Afe éenoraco nana jinófene órona

aifitaga. Afe éenoraco eromo Juziñamui nofici ibícimo cuega ocuica uailla; ite. Ie jira afeco nofíbícimo cuega Juziñamui cai ocuilla éenuacona mameina. Iemo afénomo daa oro finoína nogo ite. Afégomo ite Juziñamui monámona cocítaga güille. Afe güille mámece maná. Daa afe éenoracomu Aarón jigüida izoide radozi ite. Afe idozi jamai jazici radozi óinaza dúdidodozi. (Zícorede juzítufe izóifede.) Mei íadi Juziñamui afe idózina éniemo riñeno, fia táinomona zicótano raire ñue llizitate.

<sup>5</sup> Afe éenoraco ibáirabici emódomo mena oro finoína Juziñamui abi imácina eroide jana naidáide. Mei íadi afe íaillinoi íáicorede. (Afe íaillinoi mámece riáimona “Querubines.”) Afe íaillinoi conima uíecomo eródiailinoi. Íaillinoi naidaina cígimo Juziñamui cíocafirede. Afe Juziñamuina cíóñenaza; dama ie abi egáñuana cíófirena. Afénomo faga tóiníai díena recuífirediaioi. Dái recuífirediaioi, Juziñamui meine abido comínimo dúcecallano, íaioimo ite fiénidífue iba íaioimo óñeillena, ua afe íconíia íaioina duere finoñeillena. Nana afe dibénemo ite duera nícidogafuíaia ja birui benomo llónide.

<sup>6</sup> Afe ocuica ánoziraco nilla mei, íemo naa ie jofo ero ráaniairi fínua mei, comínido Juziñamuimo úriraini jinóidícomo jáifirediaioi. Afénomo íaioimo ocuica comínido Juziñamui íóbitalle ráaniai finófirediaioi.

<sup>7</sup> Mei íadi afe jofóidícomo, dama Juziñamuimo úritillaíma jáifirena. Aféllaíma naga fimónaíaido dácaíño afeco jofo eromo jáirede. Faga tóiníai díena jaca jofo úifirede. Dama íemo ite onóñeno finoca fiénidífue íconíia daí díena Juziñamuimo izájide. Ie mei nane nana comíní íaifue íconíia jíáie díena Juziñamuimo izájide.

<sup>8</sup> Bífuaíaido Juziñamui Ñuera Joreño daa jíaífueña cai fidítaíacade. Afefue daíde: “Baie jinóidíco nai illa llezica, jofóidícomo jiba comíní jaille nai rairuírede. Ua aféruíllaido jofo dama Juziñamui illánomo jáinidiaioi.

<sup>9</sup> Nana bie Moisés illágimado nícidogafuíai birui cai onóillena canode. Ua comínimo ácatafrega raa izoide, aféruído Juziñamuimo ánozillena nigaco, naa afe eromo íaioi nícidogafuíaíri, ñue jáícina caina onótate. Biruúllaido judíuaí aillo faga tóiníai jíáie fia fecaca raa diga, Juziñamuimo nai izájifirediaioi. Mei íadi afe bíedo íaioi comeci Juziñamuimo ñue jáícina jóitanide, mei íaioi comécimo ite fiénidífuaíi nai féitañegaza, fia íbaíca izóí íteza.

<sup>10</sup> Nana afe íaioi nícidogafuíaí fia jinófene ífuaíi. Ñíe izóí íítiaioi daíde. Dárie íaioi güille, jirolle diga fimairíllafuedo úrite. Afe izóí fia emódoide múíñuafuedo úrite. Nana bífuaíi fia nano níe dino comínimo ocuica, mei Juziñamui jíaífueña méidollíruímo nai dúcíñedeza. Ie jira aféfuíaí daa aféruíllai íena ráífide.

<sup>11</sup> Mei íadi caído Juziñamuimo úrifireitillaímo Jesucristo, jae caímo dúcide. Afémiedo ñuera cáimafuíaí caímo zúide, mei ua nahí Juziñamuimo ánoziracomu afémíe jáináideza. Afe jáiaí bíníemo ite comíní niga Juziñamuimo ánoziraco jaboide. Afécomona cai íóbillafue baímo, Jesucristo jamánomo ñuera jíllonafue, caífo monámona ana caímo zúítaíbite. Afémíe afe nahí Juziñamuimo ánoziracomu dúide; afeco bíníe comíní níñega. Dama íe nahico monamo ite.

<sup>12</sup> Nana comíní íena, dácaíño afeco eromo ite jofóidícomo afémíe jáide. Ie jaílla llezica chivo die, juráreto jiza die diga uíñede; mei jíaífodo dama íe die uite. Mei jíi, afémíe íaífuenidímíena íllamona, cruzmo cai ífomo túllano, íe die tótado zúíñona cai jíllonafue ote.

<sup>13</sup> Jáiaí Moisés daína izóí, íaícaíllamíe íemo ite íaífue bie izóí múíñórede. Múíñóñegamíe Juziñamuimo dúide comíní cígido macánide. Daje izóí afémíe Juziñamuimo nabáirínide. Ie jira faga tóiníai die atírede. Iemo jíáie Juziñamuimo mameca juráreto jiza jobaílla afe jízechoma atírede. Ie mei afe íaícaíllamíemo aféchoma júdaírede. Iemona afémíe íaícaíñegamíena jáide. Mei jíñofena múíñócaza. Já Juziñamui comínimo meine abido caímare úírede.

<sup>14</sup> Mei jíi, Juziñamui dáinamona afe tóiníai die ríírede, come jinóidífue mo múíñóllena. Afefue daíítania, ua onóícaíza. Mei Jesucristo die jamánomo ríírede. Ua dama afémíe ñue nífuenidímíenado Juziñamuimo íe abi dama izáíbite. Afe zúíño Ñuera Joreño íe cánuado Jesucristo dama íe abi Juziñamuimo izájide. Iemona íe die tótamona nana cai comécimo ite íaífuaíiaina múíñótate. Ua nana cai jáiaímona nícidogafuíaí caina zúíñona cátañede. Mei íadi Jesucristo díedo cai comeci múíñua mei, ua zúíñona cáatagacai, afe jaca nahí caade Juziñamui ocuícano ráíruíñeno cai jetállena.

<sup>15</sup> Ie jira Jesucristo jae Juziñamui comue finóllífue caímo jino zúítaítimíe. Afémiedo nana Juziñamui nízécano uafue uícomo lloga zúíñona cáimaduafueña maíñóritiaioi. Juziñamui daí nana comíní jíllóíllífue uícomo mamede, mei dama Cristo túllado comíní fiénidífuaíi Juziñamui dote. Ua jáiaí uíodo lloga nanoíde finóllífue ílla llezica, nana aféruímo afémací

fieni finócafuiai ja birui Cristo tilla jírari, Juziñamui dote; duano, nana íemo ínotinona jíllotate. Daií Juziñamuimo ziiñona caimare nabáirillafue maiñódiaioi.

<sup>16-17</sup> Afe maiñórrillafue, come tilla meífomo ítifue izoide. Dámie tíadi ie fiévide feci raa jáimie oni llánoga. Afémie nai tíñenia, feci raa oni llánoitimie minica raana nai llánonide. Ie jira oni llánoitimie íemo dúide raa maiñóllena, afe raa naama tilla jítaírede. Daje izói Juziñamuimo caimare nabáirillafue cai maiñóllena, Cristo tilla jítaírede.

<sup>18</sup> Afe jira jaiái uícodo lloga Juziñamui ñue finóllifue táiniaruimo díena recuíñorediaioi.

<sup>19</sup> Moisés nana afe ocuica uailai nana comínimo jino luu mei, afe uailai cuiábicimo faga tóiniaí díena cuirínote. Daje izói afe mei nana comínimo cuirínote. Ua luu mei, Moisés duera “hisopo” daina raroci llánote. Llínuano, afécimo jáirede oveja itíraína maite. Iemo jáinoína jaicuica díedo afe rarócina riáitate. Ríaitano, ocuilla uai cuiábici naa comíniri díena cuirínote.

<sup>20</sup> Cuirínua llezica Moisés daide: “Juziñamui ómoiena ocuica ie finóllifue bie die uafue daíitate,” daide.

<sup>21</sup> Daje izói aféruillaido Moisés íaioi iniroi finoina Juziñamuimo ánoziracomo díena cuirínote. Daje izói nana afeco eromo ite Juziñamui íóbifirena raamo díena cuirínote.

<sup>22</sup> Ua, Moisés ocuica uai daina izói jamánomo diga raa, díedo Juziñamui dibénemo dua izói ñue finoca. Iemona die tótañegana comini comeci íaifuiai iba jaca órede.

*Cristo dama ie abi Juziñamuimo izájille comini fiénidifuiaina muíñode*

<sup>23</sup> Afe comini niga Juziñamuimo ánoziraco Juziñamui ocuide, naa afeco eromo ite ráaniaíri. Iemona nana afeco eromo ite ráaniaíri Juziñamui dibénemo ite nahífuiaína jánana cai ciona izói caina onótate. Nana biniemo ite afeco ero ráaniaí Juziñamui illánomo nahí ítifuiai jana. Ie jira biniemo ite ráaniaí dibénemo figura Juziñamui daíllena, bie die recuille jítaírede. Mei íadi Juziñamui nahí illánomo jáifreitino dibénemo, bie die baimo ñuera Juziñamuimo fia izájifireille raa jítaírede, afémacina Juziñamui iere figura daíllena. Ua tóiniaí die baimo Jesucristo jamánomo ñuera die jítaírede.

<sup>24</sup> Iemona Cristo tilla llezica, afe Cristo biniemo ite comini niga Juziñamuimo ánoziracomo eromo jofa jáiñede. Afe bico fia nahico jana. Mei jáífodo Cristo, Juziñamui nahí illánomo caído úrillena jae cíocaizaide.

<sup>25</sup> Afénomo Cristo dama ie abina, diga icaiño meine nane izájíñede. Mei íadi biniemo ite Juziñamuimo comínido úritillaíma, naga fimónado faga tóiniaí die uillano, afe Juziñamuimo jáiraco jofolde iere ñuera rairuédicomo jaide.

<sup>26</sup> Afémaci jáifirena izói Cristo jáifiredena figóñede. Mei nibai afémie daií diga icaiño jáiadi, íemo énie finuaruimona afémie afe izói diga icaiño meine abido tírede; mei íadi afe izóiñedeza. Afémie cai illáruillaido jaiái lloga Juziñamui finóllifue fuilla llezica, dácaíño fia cómena íficaillano caímo cíocaizaíbite. Ua afémie biniemo cai jáinona ie tízaíbillado, nana caímo ite fiénidifuiái niné féillena oni dote.

<sup>27</sup> Ja onógaza, naga come biniemo dácaíño tíde. Tílla mei, íaioi illafue Juziñamui jáicina jícanoite. Aféfuena daje izói ñue onódicai.

<sup>28</sup> Daje izói Jesucristo, comini fiénidifuiái oni dóllena dácaíño tízaíbite. Ie mei uire jáíruido afémie fiénidifuiaina duáibíñeite; mei jaiái ie dógaza. Mei íadi afémie uafue meine dánamo cíocaizaíbite, nana íena izire úíñoidinona jíllotano monamo ie illánomo úillena.

## 10

<sup>1</sup> Mei jaiái Moisés ocuica uai naa ie lloga níciduairi, íco nirui bite caimare illífuiai jana. Afe ie lloga jáiaíue nahíñede. Moisés bie íco zúitífue cai onóllena jana uícodo llote. Iemona naga fimónaíaido faga tóiniaína íaioi úifirena, íaioi comécina figo jáicina jóitañede. Mei uáfuena, afe faga tóiniaí íaioi úifirena Juziñamuimo ánozidino nahí íaífuénidinona jáitañedeza.

<sup>2</sup> Mei daíí uafue íaífuénidinona íaioi jáiadi, nibai afe tóiniaína izájifirenana fáicanocaidiaioi; mei jáífodo fáicanocaiñediaioi, nai comécina jáicina jóoneñegaiaioiza. Daje izói áfodo Juziñamuimo ánozidino comécina íaífuena nahí nífuénidinona jáiadi, nibai jae íaioi fiénidífue izire íaioimo íñede. Mei íadi íaioi fiénidífue jaca izire íaioimo ite. Iemona onódicai, tóiniaí fecáfirena íaífuena figo doñede.

<sup>3</sup> Mei íadi afe fatá Juziñamuimo izájitaga tóiniaína cíonamona, comini íaioi fiénidífue naga fimónaíaido úbicaitagaiaioi.

<sup>4</sup> Mei jii, juráretuai, chívuai die diga, jaca come fiénidifuiái dónide. Mei áfemo ua dolle riño iñe deza.

<sup>5</sup> Ie jira Jesucristo bíniemo bíacana llezica ie Moo Juziñamuina daide: Omo fia fecaca faga tóiniaina gáñedioza, comínina iere figura o daiíllena. Mei jiáifodo énie cómena ja cuena jécitaitio.

Afemona cue tálledo íaióina óiena nífuenidinona jáitaiticue.

<sup>6</sup> Ua comini íaifue ícoinia jobaica tóinai ja birui ona ióbitañede.

<sup>7</sup> Ie jira ciegánico cuedo úrilla izói birui ona daidicue:

“Moo Juziñamui benó bíniemo o comeci jitáillafue fínuaibiticue,” daide.

<sup>8</sup> Nano fueñe afémie daide, nana afe Juziñamuimo fia fecaca tóinai, íaifue ícoinia jobaica tóinai diga Juziñamui comécina zuitañede. Ua íena ióbitañede, nana afe nícidogafue jaiái ocuilla uai daina íadi.

<sup>9</sup> Afe emódomo Jesús daide: “Moo Juziñamui, ja o comeci jitáillafue birui benomo fínuaibiticue.” Daií Juziñamui nana afe jaiái ocuica nícidogafuina zóofete. Zóofiano, afe méfomo Cristo dama ie abi cruzmo izájillafue Juziñamui jeire ote, ñue comínimo caimare érocaillena.

<sup>10</sup> Daií Jesucristo, ie Moo Juziñamui comeci jítainafue izói finode. Daií ie fínuamona jae dama Juziñamui nabaina ñue finócamacina jáidicai. Mei jii, Jesucristo dácaño jaícina nana cai fiénidifue oni eneno féitate. Mei ninomo féifeitea cruzmo dama ie abi Juziñamuimo izájideza.

<sup>11</sup> Naga judío Juziñamuimo comínido úriraima nágaruillaido naidáillano daje izói faga tóiniaina Juziñamuimo izájifrede; mei íadi afe ríllado comini íaifuai dónide.

<sup>12</sup> Mei jiáifodo Jesucristo dácaño comini fiénidifue ícoinia duere zefuida, tízaibite, afe izói dáanomo iñeillena. Ie tílla mei meine abido cáaillano caifo monamo Juziñamui nabézimo ráinazaide, nana comini íaifue múiñuana fuilla jira.

<sup>13</sup> Dinomo, nana ie fairíconi ie anamo íaiói itábicaillena afémie úiñoide.

<sup>14</sup> Mei jii, Jesucristo, dácaño ie Moo Juziñamuimo ie abina izájide. Afe izájillafuedo, nii cruzmo ie tíllamona, nana caina ie nabaina ñue finode. Jae nana cai comeci íaifuenta ñue múiñuano jaca ninomo caimo caimare érocaide.

<sup>15</sup> Aféfuemo Juziñamui Ñuera Joreño uaina nabáide, iere uafue cai daiíllena. Ñuera Joreño Cuegáuaimo daide:

<sup>16</sup> Juziñamui daide: “Uire jiáiruillaido cue comínimo bie izói jiáie como cue finóllifue llóiticue, naa jiáie cuemo ínotinori.

Aféruillaido cue ocuica uáillaina íaiói comécimo jaícina onótaiticue.

Ua afe uallai íaiói ífócimo ñue jino denótaiticue,” daide.

<sup>17</sup> Ie mei nane emódomo daide:

“Nana íaiói fiení finócafuai íbana otátañeiticue.

Daií ofena llezica, íaiói comécimo ite íaifuiaina jaca niné féitaredicue.”

Dinori Juziñamui daide.

<sup>18</sup> Nana comini fiénidifuiái daií dua mei, jiái íaifue ícoinia dóllena fatá fecaca tóinai jae jítaiñega.

#### *Juziñamuimo cai ánozillena jítáirede*

<sup>19</sup> Iemona, ámatiai, cácarei. Jae Juziñamuimo cai jáillio uáfodo túide. Ua ie nahí illánamo, afe iere ñuera rairuícacomo caimare jacíruiñeno íemo úrizairedicai; mei Jesús cairi tízaibillano caina Juziñamuina éoitadifue oni múiñócaza.

<sup>20</sup> Afémie tuiñoca io ñuera rairuiredico jédaciede íbáiraroido joide. Jira Juziñamui illánomo cómena cáataite comue io Jesús tuiñuano, afe iodo afémie caina ífode. Afe io tuiñóllena dama ie abi izi cácatate, íemo cruzmo duere zefúrede.

<sup>21</sup> Iemona Jesús nana Juziñamuimo ínotinodo Juziñamuimo Uritailaimana jae jaide.

<sup>22</sup> Afémie ja cairi úrioinamona, mai Juziñamuimo jacíruiñeno omoi ánoziri, mei íemo ñue cai ínuamona jae meáruíñedinona mamécacaiza. Ie jira jífuenide comécido, mai omoi ánoziri. Ánozillano, mai íemo caimare cai úrilli. Ua táinona lloñeno mai íemo comeci cai facalli. Mei nana cai íáirede comeci ícoinia afémie jae jaícina oni féitagaza; ua come abi ñue jáinoido jocoína izói comécina múiñócaai.

<sup>23</sup> Afe uáfodo jino comínimo cai lloga Juziñamuimo caimare cai úrillafuena, mai fáicanocaiñeno áfemo izire cai ínofireilli, mei afefue caimo llotímie Jesús jaca ínofiregamieza.

<sup>24</sup> Daje llezica illa dígamierie, mai conímamo ñue cai coméciilli, conímama cai izíruillino cai jenóllena. Daje izói jiáimana ñuefuiaina rairuñeno jiéruillinona jenóredicai.

<sup>25</sup> Daje izói omoi Juzíñamuimo gairífrenafuena mai féitañeno iri. Dáarie aféfuena féitafrediaioi. Daí illa fiénide. Mei jiáifodo, Jesucristo meine billirui raire dúciacanana omoi onónamona, mai conímama ñue úrillauaido comécina caimare cai náireitalli, nana cai ñnogafue féiñellena.

<sup>26</sup> Juzíñamui llogafue daide: Jaca dama Jesús tíllamo cai ñnuamona jilloredicai. Aféfuena cai ie onótaja mei, mei íadi afe uaina nai cai ruifruioiadi jae abi dine jiáie cai íaifue múiñoitena ññede.

<sup>27</sup> Daí ruifruioidimacimo jamánomo izire jácifue zúite, mei Juzíñamui duere íaioi finóllifue mo jae ánozideza. Afémie iere íaioimo rícaillano iere boode jiáifodo joide iraimo íaioina duere zefuítate. Ua nana Juzíñamuina bacáuareidinona irai amena cuarita izóidemo, Juzíñamui íaioina dinomo zíñona duere zefuítate.

<sup>28</sup> Moisés ocuica uaina ruifruitimiena raire titádiaioi. Ua, mena nibai daámami uai nabáiraini daina uáimona, íemo dúecañeno íena titádiaioi.

<sup>29</sup> Mei Moisés ocuica uaina ruifruitimiena daí duere finóbiteza, Juzíñamui Jitona ruifruitimieno jamánomo izire duere finóllifue, afémiemo zúiteza. Afémie Jesús díena jámairuitimie. Afe tíllamo totaca díedo, afémie naui dácaño Juzíñamuimo oni eneno nizécamierna jaide. Mei íadi Jesuna ruifruitimie caimo dúecaifrede Ñuera Joréñona íaire daífredimiena jaide. Daí ítimiena iere Juzíñamui duere finórede.

<sup>30</sup> Ja birui daí ítimie fiénidifue iba ófiredimiena onódicai, nímie cai Moo Juzíñamuina. Afémie daide: “Afe iba ófiredimiedicue. Ua nana íaifuai ibana duere finótafiredimiedicue,” dáideza. Jiáinomo Juzíñamui Cuegáuai daide: “Juzíñamui ie comini comeci ífueña jaicína jicánoite. Jicánuano íaioimo dúide duere finóllifue ócuite,” daide.

<sup>31</sup> Daí ie úrillana cai onónamona, caade Juzíñamuimo duere finóllena izájina jamánomo jacírede.

<sup>32</sup> Mei íadi naui íanori omoi illáfuemo uibíoiri. Aféruimo ñuefuena omoi onona mei, aillo duere zefuidiomo, mei íadi aféruimo omoi ñnogafue fáicanocañeno ñue ocuidiomo.

<sup>33</sup> Dáruillaido uáfori comini eróicana báñuano duere finócaomoi. Jiáiruillaido daí finócamacimo omoi nabáillamona duere zefuítagaomoi.

<sup>34</sup> Afe llezica llaveca ámatiaimo dúecaifredimioi. Afe baimo, ómoimo ite ráaniaina jiáimaci báiruana caimare rairuñediomo, mei onódiomoiza, bíniemo ite raa baimo, jamánomo ñuera jaca bairónide raa ómoiena monamo íteza.

<sup>35</sup> Ie jira naui izire omoi ñnoga uaina mai birui omoi féitañeno iri. Aféuaina ñue omoi ñnofireiri, mei ícoimo iere ñuera jiridoga ízoide raa máíñoitomoiza.

<sup>36</sup> Juzíñamui jítainafuena omoi jiéruilla llezica raire comeci járidoñeno íredimioi. Ua, omoi ñnoga ñuefue, omoi are jaicína llocana uille mei, Juzíñamui uícodo lloga caimare jillonafuena máíñoitomoiza.

<sup>37</sup> Mei jii Juzíñamui Cuegáuaimo daide:

“Ja íanori íllamona, uícodo lloga bíitimie Jesucristo, jizíñeno raire dúcizaíbite.

<sup>38</sup> Afémie nai biñena llezica, níifuenidena cue mamécamié, cuemo ie ñnuado nágaruillaido caimare ie illano, cuena íobitaite.

Mei íadi afémie afe ie ñnoga uaina meine abido féitaiadi, afémieri íobiñeiticue,” dinó Juzíñamui daide.

<sup>39</sup> Mei íadi meine abido féitativo dibénemo jaináñedicai. Afémaci daí íaioi ñnoñenamona jilloñetiaioi. Mei jiáifodo cai bie Jesucristomo ñnotinodicai, daí dani cai jillotagacai.

## 11

### *Juzíñamuimo cai ñnuafue*

<sup>1</sup> Mei éminica ñnuafuena? Ñnuafue Juzíñamui daina uaina jeire cai uafue. Ñnuamona cai úñnoga cáimafue jeire cai ollínona onódicai. Daje izói Juzíñamuimo ñnuamona, ie lloga cáiena mameca ñuera raa cíñena íadi, afefue ua íllana comécido ua onódicai.

<sup>2</sup> Ua, ñnuafuedo judíuai jaiáidigimamona Juzíñamuimo jaináidimíai, Juzíñamui comeci jítaillamacina jáidiaioi.

<sup>3</sup> Juzíñamuimo cai ñnuamona, Juzíñamui ie úrilla uaido bínie ñnuana onódicai. Daí ie ñnuado nana bie cai ciona énie, táinomona Juzíñamui comúitate. Ua, minícana ññedeza cíñena ráamona naga ráaniái comuíbicaide.

<sup>4</sup> Juziñamuimo ínuano Abel, Caín fecaca baimo, ñuera Juziñamui ióbitalle raa fécaibite. Iemona Abel Juziñamui dibénemo jaícina itímiena jaide. Juziñamui jíeruigamiena jaide. Mei Juziñamui Abel fécaibiga raa llinuamona, Juziñamui comeci Abelna jítainana onódicai. Daí Juziñamui íena jíeruillafuedo Abel jaícinaidífueмо Juziñamui uai nabaide. Afe Abel, jaiai uícodo Juziñamuimo ie ínuado ñue illáfuedo jaide. Aféfuena cai fídiamona, afémie titácámie íadi, ie ínogafue, úrillauai izói caimo úrite. “Juziñamuimo ñue cai ínolli,” caina daide.

<sup>5</sup> Iemo Enoc Juziñamuimo ie ínuado tíñeno caifo monamo uiga. Daí tíllana ie ónoñeillena, cáanori monamo Juziñamui uiga. Afe mei afémie bíniemo cióñenamie, mei afémie Juziñamui úgaza. Afémie nai úíñega Juziñamui ióbitadímie daínámie.

<sup>6</sup> Mei jíi, Juziñamuimo cai ínoñenia jaca íena ióbitanidicai. Dámie Juziñamuimo áinoziacania, Juziñamui nahí illánona uícodo ie ínolle jítárede. Nane íemo nana izire íena onóiacadino, ñue íbana dama ie abi ífuena íaioina onótaite. Aféfuemo uícodo daje izói ínorediaioi.

<sup>7</sup> Daje izói Noé, Juziñamui lloga raire biite nai cióñena duere finóllifuena fídiano Juziñamuimo ñue ínote. Ínuano áillue jofóredicae finode, áfedo nana dama ie comíni daí jíllóillena. Noé daí dama Juziñamuimo ínuado, nana jíáie ínoñede comínimo duere finótaiuai jino íaioimo lote. Afe izói Juziñamuimo ínuado Juziñamui comeci jítaina nífuenidímiena jaide.

<sup>8</sup> Afe mei jaíádiruimo Juziñamui Abrahana jírite, jíáie éniemo jaíánillena, áfeniena ico jaíruido íeiena maíñóllena. Abraham Juziñamuimo ínuamona afe jírilla uaina cacáillano, raire ie illániemona oni jíáinomo jáizaide, ie dúciillino nai ónoñega íadi.

<sup>9</sup> Abraham nai Juziñamuimo ínuamona, Juziñamui íemo fecáacaiga éniemo fia jícánemiena diga fimona fia íte. Ua, iniroi níina úcaifirega jofomo aféniemo are íoide. Daje izói Abraham comútaga jító Isaac, dínomona Jacob diga aféno mo daje izoide iniroi nillácuaimo are itiaíllinoi naa ie comíniri. Juziñamui daje éniema fecalle uaina Abrahamo llua izói, afe íaíllinoimo uícodo llote.

<sup>10</sup> Ua Abraham afe jamai illácuaimo dama íeieñede éniemo caimare íoide. Afémie caimare íte, mei Juziñamui dibénemo íte caimare táinocaitanide illínomo dúciillena afémie úíñoideza. Uae caimare íllico Juziñamui mamérillano dama ie uaido niga.

<sup>11</sup> Daje izói Abraham ai, Sara, Juziñamuimo ínuamona, jamánomo jíonaite íadi, fueñe úruerena ríino ote. Iemona daa jító jocode, mei Juziñamui aféngona aféfuena uícodo daina uai, afengo íere ñue ínoteza. Afengo bie izói daide: Bímie ie daina uaina jíáifo méidofinidímie.

<sup>12</sup> Iemona Abraham íere jíonaite íadi, íere aillo erófene ígímaíaina jebuítate. Ua jamánomo diga nairai jebuide; níi ja lloga monamo íte facádonide úcuai izói itiaioi. Nane monáíllai fuédamo íte facádonide guamaí izói jebuídiaioi.

<sup>13</sup> Nana cai lloga comíni Juziñamuimo nai íaioi ínoína llezica tídiaioi; nana Juziñamui uícodo lloga ñúefuíaia nai llinóñediaioi, tílla. Mei íadi afe lloga ñúefuiai ico jaírui mo zúillena jícana fídidiaioi. Fídiano caimare aféfuemo ínuano comécídiaioi, mei bíniemo ónoñega jícnemacina íaioi illa raire méaicaiñeno llotíaoíza. Uáfueña bíniedo jaíánicana jáidiaioi.

<sup>14</sup> Nana daí llotino, dani íaioi nahí illínomo íaioi jáiacanana llotíaoi. Ua jíáie éniemo jáíllana íaioi úíñoínana caina fídítate.

<sup>15</sup> Daí íaioi dánamona, mei nabai jaiai íaioi illániemo comécídiaioi. Daí íaioi comécíadi diga ícaíño meine abido aféno mo jáirediaioi. Mei íadi abido aféno mo jáíñediaioi.

<sup>16</sup> Mei jíáinomo comécídiaioi. Jíáie jamánomo ñuera illánomo, monamo íte Juziñamuimo nabáirizaíllinomo izire úíñoídiaioi. Daí Juziñamuimo íaioi ínuamona, Juziñamui íere ióbite. Bie jaíánicana jáídino Juziñamuina dáiaidi: “O cue Juziñamuidio,” daí íaioi dáinari Juziñamui méaicaiñede. Mei íaioi jofue izoide ñuera íllino, dínomo Juziñamui diga zííñoña nabáirizaíllena, Juziñamui jae finócaza.

<sup>17-18</sup> Nauí Isaac jocoina llezica Juziñamui Abrahana daide:

“O úicoitígíma bie jító Isáacimona aillo jébutiaioíza,” daide. Diga iruillai íllamona Juziñamui dáaruimo Abrahana ínuafue facátate. Iemo Juziñamui ocuilla izói, Abraham nai Juziñamuimo izire ínuano, ie jító oni uite, titada Juziñamuimo fecállena.

<sup>19</sup> Mei Abraham Juziñamuimo ñue ínuano comeci facade: “Juziñamui jamánomo ñue ríinoredímie; tíide come meine cáataite ríino íemo íte. Cue jító tídena Juziñamui meine íena cáatarede,” daí Abraham comeci anado daide. Iemo, Abraham íe jítóna fáiacana llezica

Juziñamui afémierno raire úrillano, ie daade jitona jíllotate. Abraham ie jitona fañede. Ie jira jiáifodo daírede, tíllanomona Abraham ie jitona meine abido ote.

<sup>20</sup> Daje izói Juziñamuimo ínuamona Isaac ie jító íaillinoi Jacóbomo Esaú diga uire Juziñamui orelle caimátaillifue ua llote.

<sup>21</sup> Daje izói Juziñamuimo ínuamona Jacob, ie tízailliruimo José jító íaillinoimo úrite. Urillano ie enaize íaillinoimo uire Juziñamui orelle caimátaillifue jino llote. Afe llezica ie macara jigüida llínota ie abi moziñuano caimare Juziñamuimo úrite, ie íóbitallena.

<sup>22</sup> Daje izói Juziñamuimo ínuamona José ie tízaillirui ánozillano, Israel comini Egipto éniemona uire oni dani íaioi éniemo jáillifue llote. Afe llezica ie icurui aféniemo fiéñeno oni úillena, uícodo uai íaioimo jónete.

<sup>23</sup> Diga fimona jailla mei, Egipto ríillaima nana Israel como jéiciga jítótiaina fazítate. Mei íadi Moisés jocojina mei, ie moo íaillinoi Juziñamuimo ínuamona, illámama jacíruiñeno Moysena retáidotiaillinoi. Dauíamani íena retáidotiaillinoi, afeza iere ñúezana jira.

<sup>24</sup> Aféllaima jiza Moysena náamataja mei, Moisés móonaila llezica Moisés aféngomo dúillana ruifiruite; mei aféme Juziñamui dibénemo jaináideza. Ie jira Juziñamuimo ínuamona Moisés afe mámece oni faite.

<sup>25</sup> Mei jiáifodo Juziñamuimo jaináidino cígiri íllana, aféme jamánomo gaide, nana duere zefuídiaioi íadi. Daje izói ie comínina fienu ie zóofiamona raire féite jabo íóbillafue dibénemo íllana aféme gáíñede. Moisés Juziñamuimo ínuano ñue coméciide.

<sup>26</sup> Bíedo aféme coméciide: “Nana Egipto énie ebírede ráaniai baimo, Juziñamui dibénemo ie dámie illa jamánomo ráifide, duere aféme zefuide íadi.” Aféme daí comece facade. Ua Moisés, Cristo ícojina zefuillano, féitañeno daí coméciioifrede; mei Juziñamuimo ínuamona baimo ñuera féinide raa izóidifue afe ie jirídollena aféme onódeza.

<sup>27</sup> Iemona Moisés Juziñamuimo ínuamona, afe Egipto illámamo ite ríinona jacíruiñeno Egiptomona botade. Ua jacíruiñeno afe Moisés oni jaide, mei buna cíónena Juziñamuimo fáicanocaiñeno ñue nágarui coméciifredeza. Daí ie comécinamona, uído cíónamiemo ínuua izói, Moisés Juziñamuimo iere ínote.

<sup>28</sup> Daje izói Moisés Juziñamuimo ínuamona, Juziñamui lloga pascua rafue como fueñe finode. Ua Juziñamui llua izói, Moisés íaioi jofóniai naze fuédamo oveja díena jirítate. Daí finuamona, Juziñamui orega títaite abi ímie nana Israel nano fueñe jococa jítótiaiaimona buna titáñede, aillo Egipto ímaci jítótiai tícoizítiaioi íadi.

<sup>29</sup> Daje izói Juziñamuimo ínuamona nana Israel aillo comini “Jíairede” daina monáillai ñue zaférede iodo ruícafenemo jaitádiaioi, mei afe monáillai jainoi Juziñamui oni gaitácaza, íaioi ruica jáillio tuiñóllena. Mei íadi Egiptomona racádino afémaci jailla izói jáidiaioimo, meine io jáinoina íbáibicaillari coróbaitiaioi.

<sup>30</sup> Iemo Israel comini Jericó jofue anáfenocadiaioi. Afe jofue riire naidároga nofíbanina cirínoga. Iemo Juziñamuimo ínuamona ie daina izói, siete dígarui afe riire ibaica jofue jinófenedo ífoina macáoidiaioi. Iemona ícoi íruimo afe caifo nitaca nofici ínoina jofue jinófene cirínubani, Juziñamui ana éniemo caitade.

<sup>31</sup> Daje izói Juziñamuimo ínuamona nauí uícodo fiénidingo, Rahab fañega, nana jiáie afe jófuemo ite ínoñedino fazícaicíoí íadi; mei Juziñamui comínimona orega éniéna ñue onóillena meíñoitínona afengo caimare cánuano jofo uáidoteza.

<sup>32</sup> Nai jino lloñega aillo ite jiáie jaiai Juziñamuimo ínofiredino. Bibedo íaioi illáfuiaina cue llóllena cue abi juánideza, nana llóndicue. Fia íaioi mámeceiai jino llóitícue, íaioimo omoí ñue coméciioillena. Afémaci Gedeón, Barac, Sansón, Jefe, David, Samuel; daje izói Juziñamui uai jino llóraini ite.

<sup>33</sup> Bimácimona dámierie Juziñamuimo ínuamona jiáie náiraina anáfenodiaioi. Jiáimaci Juziñamuimo ínuano Juziñamui jaícina jódifuena comínimo ocuide. Dáarie Juziñamuimo ínuamona ie uícodo llua izói, Juziñamui canócaiaioi. Dáarie Juziñamuimo ínuamona riírede jánallarillai fuena ibaica izói finode, íena íaioi rííñeillena.

<sup>34</sup> Jiáimaci uzírede íraimo dotácaiaioi ía, nai Juziñamuimo íaioi ínuado afe íráimona uzíñeno jino bitíaioi. Dáarie Juziñamuimo ínuamona fuiríllafuiamona otábiñeno jino ñue jíllodiaioi. Iemo jóbairo illa llezica Juziñamuimo ínuamona dáarie maíríñedimíai ñue márimíaina jaide. Daí Juziñamuimo ínuamona onina bite fuirírainina abido rainódiaioi.

<sup>35</sup> Daje izói Juziñamuimo ínuamona dáarie ringóniaimona íaioi úruiai tíide íadi, meine abido íaioimo cáataga.



Mei íadi jíaimaci nai Juzíñamuimo íñua llezica, íbátarede tíide jíllotafuena lloñédiaioi, mei aféfuado Juzíñamuina jánotaiticai, daídíaioi, íadi Juzíñamuina jánotandiaioi. Ie jira iere duere zefuítano titácaiaioi. Daífadena lloñédiaioi; mei afémaci meine abido caana mei, jamánomo ñuera zíñona illáfueña méaicaiñeno maifñocadiaioiza.

<sup>36</sup> Nai jíaimaci Juzíñamuimo íñua llezica, fiénide zánonafuiauimona duere finóbidaioi. Jíaimaci riire zechénogaiaioi. Ua dáarie Juzíñamuimo íaioi ínuamona cúnajano llavécaiaioi.

<sup>37</sup> Daje izói jíáie Juzíñamuimo ínotino noficiaina níjicaiaioi; jíaimaci dáafemiáido amena dera izóidedo ñetácaiaioi; jíaimaci caimare taino uáillaido bífuegaiaioi, íaioi ínuafue facátallena, íemo lloéfaido fagáiaioi. Jíáie Juzíñamuimo ínotino, íaioi iníroinina jira, tóica rille igórainna jítaóidiaioi. Daíí fia macáoidiaioi, mei jofónidiaioiza. Ua iere ráanidiaioiza. Ie emódomo duere zefuítano iere fiéni finócaiaioi.

<sup>38</sup> Daíí finócaiaioi íadi, Juzíñamuimo íaioi ínogafuena fáicanocaiñédiaioi. Iemona bimaci Juzíñamui dibénemo iere izíruigano; mei íadi bíniemo ite íñoñedino afe Juzíñamui uaina jeire otínona jámairuitaioi. Ie jira ínotino afe íñoñedimaci cígiri illena, íñoñedimacimo figo dúíñede, mei íñoñedimaci comeci iere íáiredeza. Ínotinona jámairuillano, íaioina oni jíúfrediaioi. Iemona ínotinomona dáamierie zaféredizicimo jáidiaioi. Jíaimaci caifñoneduai illánomo botádiaioi. Íaioi jaillánomo ite ífuaimo ífirediaioi, naa íduai ana ífuairi.

<sup>39</sup> Nana bimaci Juzíñamuimo ínuamona, ñue “figora” dainámacina jáidiaioi. Mei íadi nana Juzíñamui uícodo lloga caimare ñue illífuaiaina figo maifñédiaioi; jabo maifñódiaioi.

<sup>40</sup> Mei Juzíñamui jae uícodo cai canolle jamánomo ñuera cáimaduafue mamédeza. Afe jamánomo ñuera cáimaduafue Jesucristodo cai nahí cai jíllóillifue. Daíí jaiái ua Juzíñamuimo ínotino naa cai diga, birui dáanomo jaiái Juzíñamui mameca nahí jíllóillifue mo dúciitícaí. Ua afémaci naa cai diga, Juzíñamuimo caimare nabáirillafuena jeire óitícaí.

## 12

### *Jesumo ñue jáicina omoi comécioiri*

<sup>1</sup> Ie jira, cue ámatíai, comécido ñue omoi facari. Ua aillo jamánomo Juzíñamuimo izire ínotino bíniemo cai uícodo macáoidiaioi. Afémaci Juzíñamui cai íóbitallifueña caina ífode. Afémaci cai ínogafuemo jáicina ífoite uai nabáiraini. Cai abido ífoina itíaioi. Afémacimo cai comécillamona, nana cai jíizítacana uite fiénidifuaí mai oni cai féitalli. Ua, caimo ite fiénidifue, abi llótaidote iníroi izói caimo jíide. Jíinamona jaca caina aruire itátate. Afena fáicanocailano, Juzíñamui íóbitallifue mo zefuíruiñeno mai izire cai nícidolli.

<sup>2</sup> Afe llezica duere cai zefuíllano féitano, mai Jesumo comeci cai facalli; mei afémie Juzíñamui íóbitalliodo, ínuafuedo cai jáillena cai ífódimieza. Mei afémie ie Moo Juzíñamuina féitañeno ie fáainaruimo nai íemo izire ínoide. Daíí ie íñua, afémie izói jáicina cai ínollena, afémie cai ífode. Iemona afémie cai ínogafue ñue ícoimo fuitádimie. Ua, Jesús duere zefuide, íadi afe duere zefuilla méífomo íte cáimafuemo, afémie ñue comécide. Afemo comécioillano uái daíí cruzmo tíizaide; mei áfedo nana íemo ínotino caimare jíllóibcaitaioiza, afémie onode. Iemo afe meáirede tíillana náfueñeno, abido meine cáadimiena jaide. Afe daíí jaillano caifo Juzíñamui nabézimo Jesús ráinazaide.

<sup>3</sup> Ie jira, cai jáinona duere zefuítagamie Jesumo mai ñue omoi comécioiri, omoi duere finóbicaillamona omoi zefuíruiñellena. Daje izói Jesumo ñue omoi uibíoiri omoi comeci ñue náireillena. Mei afémie fáicanocaiñeno Juzíñamuimo ínoicaide, fiénidino íena uáitajano duere ie finódiaioi íadi.

<sup>4</sup> Fiénidifue omoi comécina júrioide, íadi nágarui áfemona abi ráiruifirediomoi. Afemona abi ráiruillano iere juárede. Iemona jabo duere finócaomoi. Mei íadi fiénidifueña omoi anáfenoacanamona nai tííñediomoi. Dama Jesús ícoínia jabo duere zefuidiomoi.

<sup>5</sup> Afe llezica Juzíñamui caimare llogáuaina níbai jae féitatiomoi. Aféuaido Juzíñamui ie úruiai izói, ómoina llófuete; ona riire daide:

“Cue jíto, o Ocuíraima Juzíñamui omoi orea duere zefuítajafuena jámairuiñeno iri, mei áfedo afémie ñue ona ráiruillano lletádeza.

Daje izói fiéni o ínuamona afémie duere o finóadi, comécina ríinidimie izói íñeno iri. Mei jíáifodo, abi máimiano, ie llétafuena ñue jeire oíri, ñúemiena o jáilleza.

<sup>6</sup> Mei Ocuíraima Juzíñamui nana ie izíruiganona fáicana lletáfiredeza, íaifuenidínona íaioi jáillena.

Afe izói nana ie ua onoiga jíttótiaina llórebai mailla izói due ízitate, mei afémaci dama íeieza,” daide.

<sup>7</sup> Omoína izíruillamona Juzíñamui afe daií ómoína duere zefuítate, ómoimo llófuellena, baimo ñuera ie jítótaiana omoi jáillena. Ie jira duere zefuítagaomoi. Mei onódiomoiza, biniemo ite moo llétañega jító ñue móonaiñeiteza. Iemona afe moo nana ie jítótaiana llerebai mailla izóí izítate.

<sup>8</sup> Ie jira Juzíñamui izítañegamie nibai ie nahí jítóñedeza, móonidiza; mei nana nahí ie jítótai izi cácatagaiaioiza.

<sup>9-10</sup> Afe emódomo cai biniemo ite móotiai nauí ñue cai móonaillena, ñue começi íaiói fácamona, izire caina lletádiaioi. Ua nano íanori illáruillaido caina duere ñnuafuedo lletádiaioi. Ua izi cácatagacai. Afe llezica nai cai moona caimare jacíruiticai; jacíruioillano ñue íaiói anamo itábicaidicai. Daje izóí cai monamo ite Moo anamo jamánomo caimare itábicairedicai; mei afémiemo cai ínuano, nahí ie jítótaiana comuitagacaiza. Nana afémiemo duere cai ñnuafue cai dibénemo aillo ráifide, afémiemo ebire ñuera illa izóí, daje izóí cai íllena.

<sup>11</sup> Ua, ja onódiomoiza nana izi cácatafuemo illa llezica, áfena gáñfedicai. Mei íadi afe izi cácatafue záilla mei, áfedo lletácana, Juzíñamui anamo ñue jaícina íficaillano, comécina jacíruíñedinona caimare jáiticai.

*Juzíñamui uaina ruifruilla iere jacírede*

<sup>12</sup> Juzíñamui daií omoi llétajana omoi onónamona, mai abí omoi mame. Ja abina náinidino izóí omoi íñeno iri. Omoi zúrede começi náiretari.

<sup>13</sup> Afe llezica omoi duere zefuillafuemo, mai bífuemo jaícina começi facádori. Aféfuodo daiíri “Juzíñamui ióbillie jítótaiana móonaitagacai.” Daií o dáinamona, jáíie ómoimona Jesumo ínogana féitaacadino, comécina caimare náiretaitio. Daií ie náireillamona afémiemo meine abido Jesús uaina izire ínocana jeire óite.

<sup>14</sup> Afe emódomo nana comíni cígiri, mai começi rícaitañeno cáimafuemo omoi iri. Daje llezica, Juzíñamui ebire ñue illa izóí, afe dibénemo mai omoi abí ífuiái nágarui méidocana uiri. Bie izóidifuemo omoi nai íñeniadi jaca buna Juzíñamuina cíñoille. Mei íadi começi íaininafuemo cai íadi, íena cíoiticai.

<sup>15</sup> Juzíñamui caimo fecaca cai ie cánuafue aillo ite. Bífue nana jeire omoi ófirilleza izire omoi comécíiri. Daií íllamona buna fénidifuemo oni nibéfodo báññeiteza. Daa daií oni fénidífue dibénemo baídímie nana jáíimaci comécina fienu finode. Mei jíi, duere zefuillamona Cristo dibénemo figo jaináicañedímie, jucúrede juia izoide. Mei afe juia illemo totáa, nana áfeji jucúredíjina jaide. Daiítade come nana ie aino comínina daje izóí figóruíñede. Afemona abí omoi rairuiri.

<sup>16</sup> Daje izóí nana jiruñenuafuaimona abí omoi rairuiri. Afe llezica ómoimona dámie Esaú illa izóí íñeno iri, mei afe Esaú jaca Juzíñamui jítainafuemo figo comécíñedeza. Aféfuena jámairuillano, afémiemo nánoramie íadi, íemo ite maíñóirille ríino, íia due jiza güille ibana fecade.

<sup>17</sup> Afe Esaú illáfuena ñue onódiomoiza; mai aféfuemo omoi comécioiri. Ico íirairuimo ie moo ézicrafuena Esaú maíñóacade, íadi ie moo ja íena ruifruite. Afémiemo começi ífue méiduano fecana ie moomo izire jicade; íadi “Jíi” daiíñede. Afe nauí Esaú jámairuillafue jaca méidonide.

<sup>18</sup> Ja birui Juzíñamuimo caimare nabáirillanomo dúcidiomoi. Jaíai Juzíñamui comíni áíllue caifónedumo ánozidíaiói, Juzíñamui dáina uaina cacáíllena. Afedu mámeçi Sinaí. Afedu náaduna irai izóí boode, aillo úíllie diga. Afe llezica iere jacire nairíbicaide. Nairíbicaillano, jáirifo riire jáíñode.

<sup>19</sup> Aféruimo bainada izoide ficire cácaicaide. Afe llezica áíllue come úrilla uai íaioimo ficire cácaicaide. Afe uai iere jacírede cacaide. Afemona, áfena cacáidino jáíie emódomo lletara uaina llónñellena izire jicádiaioi.

<sup>20</sup> Afe íaiói cacana íaioimo lloga lletara uai jamánomo iere juáredeza. Aféuai daide:

“Bie óode íduna omoi jetáíñeno iri. Ninena daa rille bídumo bíadi, raire noñciaido fáiri. Daje izóí ninena bídumo bite come fáiri,” daide.

<sup>21</sup> Uafue, afe cacánafue naa cíocaidífue diga iere jacírenamona, dama Moisés uai ua: “Aferi iere jacínaiticue. Jacíruillano cuidáriticue,” daide.

<sup>22</sup> Mei íadi, jae jáíáfodo Jesucrístomo omoi ínuamona, ja birui Juzíñamuimo ite jacínide caimare nabáirillafue dibénemo dúcidiomoi. Ie mei ícoimo monamo ite jaca caade Juzíñamui uícomo úrizaitiomoi. Juzíñamui illa jofue, “mona ero ie Jerusalén” mámeçirede. Iemo jáíáfodo “Sión Caifónedu” dáina. Afémiemo ja omoi caimare nabáirillamona diga íeza facádonide Juzíñamui abi ímaci Juzíñamuina ióbioicana írízitíaiói.

<sup>23</sup> Ua, omoi ínuamona Juzíñamui ómoína daide: “Ja cue daade Jitó Jesucristo izóidinodiomoi. Cuemo ie dúina izóí, afe izóí ja cuemo jáináidiomoi,” daide. Afemona

nana Juziñamui iena comuítagamacimo jae jaináidíomoi. Nana afe íemo jaináidino mámeceiai jae monamo cuela. Ie jira nana Moo Juziñamui ie comuítaganona, ñue jicánuana fibídmie izói, ñue íaioina ríidoite, mei afémie nana nairai Mooza. Jaiai ie anamo ñue ítino, jae tídiaioi, mei íadi íaioi ñuera joreño nai figo caimare inédiaioi. Ja biruúllaido Cristo cairi túllano caina jílloate. Daíi nana íemo ínotinona jílloano, afe túdino ñuera joreñuai ñue jaícina caimare itátagaiaioi.

<sup>24</sup> Uafue, Juziñamui comue caimare caimo fecállifue caimo llóiacade. Afefue caimo lluaíbitímie Jesús, mei ie cruzmo ie die tótajado caimare íaifuenidinona finócacaiza. Ie jira ie die, úrilla uai izói jamánomo ñúefue cai ífócimo denode. Mei jíáfodo Abel die tóilla afe izói caimare ñúefuiai caimo lloñede.

<sup>25</sup> Nana bie caimare Juziñamui caimo llotátagafuiai jae onódiomoi. Afena omoi onónamona, afefue ómoimo llotímie mai omoi ruifíruíñeno iri. Afe iena ruifíruíllamona abí omoi rairuiri. Mei jaiai bíniemo Juziñamui jónega lletárima dáinana ruifíruítino, duere íaioi finóinamona jaca jílloñediaioi. Afe baímo birui monámoma caimo llotímie dáinana cai ruifíruiaí, daje izói ua jílloñeíticai.

<sup>26</sup> Jaiai aféruimo ie úrilla uai éniena diga icaíño riire docáitate. Mei íadi birui afémie uafue llote: “Nane afe emódomo dáacaíño éniena riire docáitaiticue, naa caífo ite monáiairi,” daíde.

<sup>27</sup> Afémie daina “Nane afe emódomo éniena dáacaíño docáitaiticue” Juziñamui írairuúllaido finóllifue caina daíde. Aféruimo nana ie finoca raa, ranítado izírilla izói níraidoite. Afe níraíduado nana níraírede ráaniaina, afémie oni niné táinocaitate. Mei íadi níraínide ráaniai jaca méidonide; fiébillano zíñona ítiaioi.

<sup>28</sup> Ja birui Juziñamui méidonide illáimana illánomo jaináitagacai. Iemona iena “Iere figura” cai daífíreilli. Afe llezica caimare úrillaufuedo mai íemo cai íóbilli. Ua, ñue jacíruioicana ie uáillamo mai ñue cai cacáreilli.

<sup>29</sup> Mei jíi, cai Juziñamui, irai amena cuarilla izói, nana íaífueredinona jaca zíñona íaioina duere fínoite.

## 13

*¿Nie izói Juziñamuina íóbitaredicai?*

<sup>1</sup> Amatai, mai conímama omoi izírufíreiri.

<sup>2</sup> Daje izói onina bitínoma mai dúecaillano ñue caimare uáidori, mei daíí dárie jíáimana íaioi caimare uáidofírenamona ónonino Juziñamui abí ímilaina jofu llínnotiaioi.

<sup>3</sup> Iemo Jesumo ínuamona llavécamacimo ñue omoi úibicairi. Ua dájena llavécano izói, mai íaioimo comeci omoi facari, íaioina omoi canóllena. Daje izói duere finoca Jesumo jaináidímacimo, mai omoi ñue comécíiri, mei dani omoi abina jíáimaci duere zefuítarede; íemo bimaci diga daíí zefuítimoiza. (Dáamacídiomoiza.)

<sup>4</sup> Daa come daje ringona áaireia ñuera. Afémie dama ie ai abina onona ñuera. Ima dama ie ai jeta ñuera. Mai bifue íaíñeno ñue omoi fímairi. Mei Juziñamui nana jiruédinona izire jicánuano íaioina duere fínoiteza, naa dama áaireíñeno ringo diga ítínoiri.

<sup>5</sup> Daje izói omoi comeci ífueña ñue onoiri. Ucubena aillo jitailla fiénide. Afemona abí omoi rairuiri. Mei jíáfodo ómoimo due jiza ite ráaniairi júfidoñeno caimare uái iri, mei Juziñamui uafue dáideza: “Ona fáicanocaiñeíticue. Daje izói jaca ona zóofeñeíticue,” daíde.

<sup>6</sup> Iemona minícana jízíreñeno daííredicai:

“Juziñamui cuena canóíredímie; íemona fiéni cue finóacadimíena jacíruíñeíticue.”

<sup>7</sup> Iemo mai Juziñamui uai ómoimo nano fueñe jino llófuetinomo ñue omoi uibíoiri, mei ñúeodo ómoína ífódiaioiza. Íaioimona comuide ñúefuíaímo, féitañeno mai ñue omoi comécíoiri. Afémaci Jesús ícoína títaícaiaioi, mei íadi afémaci fáicanocaiñeno Jesumo ínuua izói, afe izói féitañeno mai omoi ínofíreiri.

<sup>8</sup> Mei jíi, Jesucristo nanómoma ie illa izói, ja birui jíáfodo méidoñeno dáamieoicaide. Ua afémie jaca zíñona dáamieite.

<sup>9</sup> Ja birui diga jíáfodo cacaide onina bite ónoñega fiéni llófueinafuiai ite. Aféfuiai ñúeomona oni níbfédo omoi baíítaiacadeza; áfemona abí omoi rairuiri. Juziñamui cairi dúecaillano cai cánuano cai comeci náirecaitate. Afe ie cai comeci náiretáña ñuera. Mei íadi afe jícana lluaíbiga güille rairuínafuiai jaire cai óiaí, caina ñue cánofeíte. Daje izói afe uai jeire otínoma canóñede.

<sup>10</sup> Jesucristo cai ífomo fécafue Juziñamuimo caimare cai nabáirillena dani caímo dúide. Nana Judíuaido Juziñamuimo úriraini, ie jaiai gairíracomo aillo Juziñamuimo áinozille nícidogafuiai finódiaioi. Mei íadi afémaci Jesús díbénemo ite cámafuaína llínonidiaioi.

<sup>11</sup> Judíuaimona comínido Juzíñamuimo úritillaiama dáacaiño naga fimona afe faga rille die Juzíñamui icomo uite. Afe Juzíñamui icomo ite jofoido ñue rairuícacomo comíni íaifue ícoína díena uite. Mei íadi afe faga rille, comíni illácuai jinomo jobáifirediaíoi.

<sup>12</sup> Afe izóí Jesús Jerusalén jinomo duere zefuide, dama ie die tóillado nana comíni fiénidifue oni dóllena. Daií duano íaioina Juzíñamui íena mamede.

<sup>13</sup> Ie jira nana Judíuai Juzíñamuimo ánozille nícidogafuíaína féitajano, mai dama Jesumo jaca cai ínnolli. Ua, daií íemo caimare cai jaináinamona jílloticaí. Ie meáire duere zéfuilla izóí, duere cai zefuíaí, áfena náfuéñeno nai caimare íemo jáinaíticaí.

<sup>14</sup> Ja bíniemo ñuera méidoñega illano caimo íñede; mei íadi Juzíñamui finoca monamo ite méidonide cai illinomo izire úiñoidicaí, caimare zíñona ie diga cai nabáirizaillena.

<sup>15</sup> Iemo, Jesús caido Juzíñamuimo nahí úirairamana íllamona, mai Jesudo nágaruillai Juzíñamuimo ñúefue cai nitalli. Ua, cai fuemo ite uaido Juzíñamuina caimáitaredicaí. Cai Ocuíraíma Jesús mámedido cai úriadi, jaca Juzíñamuina ebire íóbitaredicaí.

<sup>16</sup> Daje izóí nágarui jíáima canolle ñúefue jeire o úana, mai féitaño eno iri. Aféruído jítaídínomo ómoimo ite raana jeruíñeno fecari; mei aféfuíaína Juzíñamui íere íóbideza.

<sup>17</sup> Omoi illaini llogáuaimo ñue omoi cacáreiri. Aféuai anamo ñue omoi itábicaíri; mei omoi comeci ñue íllena aféllaini nágarui ómoína rairuífirediaíoiza. Ua aféllaini ómoína rairuilla nie izóí íadi, afémaci Juzíñamuimo jino llórediaíoi. Ie jira íaíoi tájijnana omoi daídóñeno iri; mei jáífodo ñue íaíoi anamo omoi itábicaíri. Afedo aféllaini Juzíñamui ocuica tájijnana caimare fínoite. Mei íadi afémaci afe tájijnana zúurecana fínoadi, figo cánoñegaomoi.

<sup>18</sup> Mai birui caido Juzíñamuimo omoi úriri, afe Juzíñamui cai canólleza, mei cai comeci ífue íáinideza. Mei jí, nágaruillai náganuíaímo illa dígamie íaíoi eróicana ñue jáícina fígomiena íacadicaí.

<sup>19</sup> Ua, cuedo Juzíñamuimo comécido omoi úrillena izire jícadícue, raire meine abído omoi cígimo Juzíñamui cue orélleza.

*Iraícaíño uáídota ñue ézicínocailafue*

<sup>20</sup> Ja birui Juzíñamui ñue omoi ézicillena jícadícue; Moo Juzíñamui, comécina uái íllafue comínimo fécaítimie. Iemona cai Ocuíraíma Jesuna tóillanomona Juzíñamui meine abído cáatate, mei Jesús ie die tóillado nana caimo ite fiénidifuaína muiñódeza. Múíñuano zíñona Juzíñamuimo cai nabáirillafue cáiena mamede. Ua, Jesús jamánomo ñuera ovejai úiñoraima izoide. Afémie ovejai rairuilla izóí, caina úiñofrede, comécina uái cai íllena.

<sup>21</sup> Afe bie Juzíñamuimo omoi comeci náireíllena jícadícue. Ua nana ie ñuera rínodo omoi coméciaína ñue jáícina caimare náireíllena jícadícue. Afe bie cue jícadído ie jítaínafuena ñue comíni eróicana fínoítimoi. Afe llezica Juzíñamui comeci óiacana izóí dani caimo zúíllena izire íemo jícadícue. Mei daií jamánomo ebírenafue Jesucrístomo, ninomo fúíñeítena nitáredicaíza. Mai, daií íteza.

<sup>22</sup> Amataíai, nana bie ómoimo cue cuega lletárafuíaímo járitaño fia omoi coméciri. Afena izire ómoína jícadícue, mei bie ómoimo cue cuegáuai íanorideza.

<sup>23</sup> Iemo jíáifuena ómoimo fídítaacadícue. Jae cai ama Timoteo llavéinanomona jae jino zuitaca. Omoi díne nai jáíñeíticuemo, afémie cue illánomo raire dúciadi, nibai daane omoi érozabíticoco.

<sup>24</sup> Nana omoi llófuete ílláinina cuedo ñue uáídori, naa afénomo ite Jesumo íñotinori. Ítáíamona benomo cai bite ámatiaí ómoimo uailai orédiaíoi.

<sup>25</sup> Juzíñamui nana ñue omoi íllena ñue ézicíteza. Mai.

Daiítadeza. Jae níie.

## SANTIAGO CUEGABE

### La Carta de Santiago

#### *Ráidozitinomo Santiago cuete*

<sup>1</sup> Cue Santiágodicue. Juzíñamui táijitagamiedicue. Daje izói cai Ocuíraima Jesucristo táijitagamiedicue. Israel náiraimona doce dígazie nana éniedo ráidozitinona uáidotícue.

#### *Juzíñamuimona oga onónafue*

<sup>2</sup> Cue ámatiai cácarei, ñie facátafuiai ómoimo jíriadi iere caimare omoi iri.

<sup>3</sup> Mei jii omoi ínuafue facátafucaiaidi áfedo baimo comécina járidoñenafuena onótalliomoi. Mei áfena onódiomoi.

<sup>4</sup> Afe comécina járidoñenafue ñue jeire omoi móonaitari. Afedo jaícina jéetagamacina ítiomoi; omoi jitáillifuena íñeite.

<sup>5</sup> Omoimona dáamie figo onónenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruíñeno nágamiiaimo onóillifuena fecáfiredé. Afémie icíríñeno comínimo fecáfiredé.

<sup>6</sup> Mei íadi ínuafuedo o jicari. Daií jitáirede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide.

<sup>7</sup> Daiítadimie Ocuíraimamona minícana óllena comécimo facáñeno iri.

<sup>8</sup> Aféfuena onóigaza. Níimie birui bie raa óiacade, uire jíaiena óiacade, ñue jaícina macánide.

<sup>9</sup> Ráanide ama, caimare o iri! Juzíñamui caifófenemo ona jóonelle jira.

<sup>10</sup> Ráaredimie, o anáfefucaiaidi, áfena náfueñeno caimare o iri. Mei ráaredino ráitie záfia izóideza. Afe záfia are íñeite.

<sup>11</sup> Jítoma bíllamona íena iere llirítaite. Caigáillamona afe záfia ana júide. Daií ie ebírenano fúite. Daje izói ráaredimie ie nícidocaigafuiai cigiri táinocaite.

#### *Facátafuiai fiénidemo baítafuiai diga*

<sup>12</sup> Dáamie facátafuiai járitaño llánoiadi afémie caimare ite. Facátafuimona ñue oni jaillano ícoinia fia iga raa jíridoite, ñue facátatoicailla jira. Afe ícoinia fia iga raa ñucirai izóidífue. Afe iga raa ua Juzíñamui ie illa zíñona cáataitinona. Ua Juzíñamuina izírúitino uícode lloga zíñona cáataitinona íaioimo fécaite.

<sup>13</sup> Dámie íaifue mo baítafuena cacáadi, afe Juzíñamui orécaza comécina facáñeno o iri, mei jira afe daítadífue Juzíñamui jaca jitáíñede. Daje izói Juzíñamui bummo afe íaifue mo baítafuena comuítañede.

<sup>14</sup> Mei afefue jíáfodo bite. Dáamie dama ie comeci fiéni jítainafuiaiido comeci óiadi, áfedo íaifue mo báite. Afe izói dáamie ie fiéni jítainafuiaiido jífueficailla; íemo afe jífuiafuedo afémie meine íaifue mo báite.

<sup>15</sup> Afe bie comeci fiénino jítainafuiaiimona íaifue comuide. Ie mei afe íaifue jae oruíbicaillamona tíllafue comuide.

<sup>16</sup> Cue izírúiga ámatiai jífuefizaiñeno iri.

<sup>17</sup> Nana ñuera caimo iga raa, nana caimo jaícina jóobidífuiiai diga, caifona Juzíñamuimona bite. Afémie nana monamo ite egáíñotínona finode. Juzíñamui jaca dáamie; afémiemo jíáfodo meidogafuena íñede.

<sup>18</sup> Afémie uáfueña úrilla uaido cáatatinona caina comuítaite. Afena finode ie finócafuiaiimona como fueñe oga llízíe izói cai íllena; mei ie comeci jítaina izói finode.

#### *Uáfueña Juzíñamuimo cai comécinafue*

<sup>19</sup> Ie jira izírúiga ámatiai cacai. Omoimona nágamiiai jaca jefo jinéoiri, mei íadi fíaicana o úriri, daje izói fíaicana ríicairi.

<sup>20</sup> Mei jii, ríicaidimie Juzíñamuina íóbitañede.

<sup>21</sup> Mei daií nana íáiredífuiiai omoi fáicanocairi, jamánomo móonaoicaide fiénidífuiiai diga. Omoi comécimo lloga uai Juzíñamui úrilla uaina comeci mánainafuedo jeire omoi oíri. Mei jii afe úrillauai ríinorede omoi joreño jíllóllena.

<sup>22</sup> Jira úrillauai ómoimo lloga ráfueña fino. Fia aféfuemo táinona cacáreñeno. Fia táinona omoi cacáadi dani abi jífueitiomoi.

<sup>23</sup> Afe úrillafue fia táinona cacádimie aféfuena iere cácañenia, afémie acáranimo uíeco ciona izóidimie.

<sup>24</sup> Afémie ie izóidena ciode, mei íadi raire jailla llezica, ie izóidena féitate.

<sup>25</sup> Cacánafluena féitañedimie jamánomo ñuera ocucafueña jeire ófirede. Afe jamánomo ñuera ocucafue caimo rairuñenafuena itátaga. Aféuemo méidoñoeno afémie ioide. Afe ocucafue afémie ínota finode. Daí finódimie nana ie finócafuiaido caimare ite.

<sup>26</sup> Dámie Juziñamuimo comécidimie comeci facáoiadi, mei íadi fuena rairuñeno úriadi, afémie dama abi jífuete. Afémie comécinafue táinobicaide.

<sup>27</sup> Nifuenide comécinafue, Moo Juziñamuimo erócana íainidifue bie izói ite; ñue Juziñamuimo comécidimie móonidizaiaí íemo éinidizaiaí diga, íaioina duéruillano canófirede. Daje izói fecinguaína íaioi duéruillano canófirede. Afe llezica éniemo ite Juziñamuina éoidimaci íaifuiaido ñuemie abina íaidoñede.

## 2

### *Conímána énenoruñeno iri*

<sup>1</sup> Cue ámatiai, cai ebíruigamie Ocuíraima Jesucrístomo ínotimacidiomoi. Daí omoi ínua llezica comínimona dáarie enénotañoeno iri.

<sup>2-3</sup> Acatagafuedo dáiticue: Omoi gairíllanomo queniredena onoi icuíforedimie, ráifide inícuuro jítáoidimie bíadi, afémiena daífirediomoi: “Bie ñuenomo ráii.” Mei íadi afe llezica dúeredimie tíbaizarodo bíadi, afémiena jíáfodo llínota nibai dáitio: “Batí naidai,” o nibai dáitio: “Ana benó éniemo ráii.” Daí ráanaitimiena raire ñue llínotiomoi, mei íadi dúeredimie buna náfueneña.

<sup>4</sup> Ie jira daí dani ómoimona dáarie énenoruidiomoi. Daí cómemo jicánotimiena dani omoi abi mamédiomoi, mei íadi fiénidemo comécinafuedo abi mamédiomoi.

<sup>5</sup> Cue izíruiga ámatiai, bíemo omoi cácarei. Bie éniemo úcubenidinona Juziñamui nizede, íaioi ínuaufue jamánomo jebuíllena. Daa afe izói íaioina Juziñamui nizede, feci raa izói ie illámána illáruina maiñóllena. Juziñamui ie uícodo lloga uai daina izói afe illámámainanona íena izíruitimacimo fécaite.

<sup>6</sup> Mei íadi dúeredimacina meáidaitadiomoi. ¿Uáfueñede, ráaredimaci ómoína llégitafirediaoi? Jii, uafue. ¿Ráiredimaci uícodo ómoína gugúroicana uitíaioi? Jii, uitíaioi.

<sup>7</sup> ¿Ñie afe ráanaitimaci Crístona íáruuidino? Jii, nímaci. Mei íadi afémie ñue izíruiga námecido Crísto iédiomoi.

<sup>8</sup> Ciegáuaimona lloga jamánomo ocucafue omoi jíeruiadi ñue finódiomoi. Afefue daide: “O aino cómena izírui, dama o abina o izíruilla izói.”

<sup>9</sup> Mei íadi conímána dámie omoi énenoruia, íaifuemo baíidiomoi. Juziñamui ocucafue omoi ícoína jae daí ite.

<sup>10</sup> Dámie naga ocucafue iere cacáadi, mei íadi dáallegoi ocuicallegoi nai fuitáñeniadi dama afémie ícoína daí ite. Uafue nana ocucafuaí fuitáñedimie zefuille izói dáallegoi fuitáñedimie daí daje izói zéfuete.

<sup>11</sup> Mei daje Juziñamui daide: “Jíruireñoeno iri,” afémie dánomo daide: “Cómena titáñoeno iri.” Daa come jíruireñenia mei íadi cómena fáiaí, jae ocucafueña iere cacáñede.

<sup>12</sup> Jira ñue o úri; o illafue jácina o jóneri. Caimo rairuñenafue itátaite ocucafuedo jicánollícaí, íe jira ñue cai íllana jítáirede.

<sup>13</sup> Mei jii, nana jíámacina duéruíñedino, afe íbana duéruíñoeno, jicánolliaioi. Mei íadi jíámacina duéruitino nie izói nibaiñegaza ñue jáite, duéruillafue jicánollífue baimo ñue illa jírári.

### *Ínuafue níciduafue diga jítárede*

<sup>14</sup> Cue ámatiai cacai. Dámie ñúefuena finóñeniadi, mei íadi “Ínoticue” daííadi ¿nífuena ñuera? ¡Afefue ñueñeitel! ¿Afe daina ínuaufue jíllotaite? Jíllotañeite.

<sup>15</sup> Acatagafuedo dáiticue. Inícuironide güíllende ama miríngo izóidino omoi cígimo íadi,

<sup>16</sup> mei íadi ómoimona dámie ía uaido daííadi: “Ñue o iri. Rólliemona jíforiri. Mai güiri,” mei íadi aféruimo íe abimo jítaica raa o fecáñeniadi, ¿nie izói ñue ite? ¡Ñueñeitel!

<sup>17</sup> Cai ínuaufueo daje izói ite. Dámie íe ínuaufueo níciduafuedo ácatañenia afe ínuaufue jae nina táinocaide, afe íe ínuaufue nabáinina jírári.

<sup>18</sup> Mei nibai, dámie cuena dáite: “Ínuafue omo ite mei íadi cue nícidofiredicue.” Mei jira cue uai óiticue: ¡o ñue níciduafue eneno o ínuaufuena cuemo ácatari! Afe llezica cue ínuaufuena cue ñue níciduafuedo omo cíotaiticue.

<sup>19</sup> Daade Juziñamui íllana ínotio. Afe díonomo o ínuaufue ñue baite. Mei íadi aféfuena fiénide janábaiaí daje izói ínotiaioi. Iemona afe jácierí cuidíridiaioi.

<sup>20</sup> Abina onóñedimedio. ¿Jaícina jáidifuena onóacañedio? Dáanomo dáititue: Ñue níciduafuedo cíotañega ínuafue jaca nine táinocaide.

<sup>21</sup> Cai jaiaígima ímie Abrahana ie íáfuenidimie izóinodo Juzíñamui ñue íena jíeruite. Ua Juzíñamui íáfuenidimiena íena ñue llínote. Mei ie jitó Isaac titada Juzíñamuimo fecaca raana izói fecáacana jira, daí íena llínote.

<sup>22</sup> Jira Abraham ínuafue bue uáfua ciódi. Abraham ie níciduafuedo ie ínuafue ñue jino cíotate. Daje llezica afe bue níciduafuedo ie ínuafue ñue jaícina mónaioicaide.

<sup>23</sup> Daí Cuegáuai daínana ñue fuitade. Aféuai daide: “Abraham Juzíñamuimo ínote. Ie jira Juzíñamui íemo comeci facade: Afémie cuemo ínuafue ñue baite íena íáfuenidimiena cue llínollena, —daide.” Mei Abraham Juzíñamui nabaina mamécamie.

<sup>24</sup> Mei áfemona come níciduafuedo Juzíñamui íena íáfuenidimiena llínuafue ñue ónoitiomoi; dama ie ínuafuemona llínoñedeza.

<sup>25</sup> Afe bifue izói Rahábamo daí íficaide. Afengo jiruiredingo. Mei íadi énie fidítaraini caimare llínuamona, íaioina canode oni jáigodo ñue íaioi jáillena. Afe íaioimo nícidua jira Juzíñamui aféngona íáfuenidíngona izói ñue llínote.

<sup>26</sup> Mei daí omoi ónoigafuemona llóititue. Naga joréñonide abi tíide, afe izói níciduafuedo nabáinide ínuafue nine táinocaide.

### 3

#### *Cai fue rafue*

<sup>1</sup> Cue ámatiai cacai. Omoimona aillo llófueraimana íacadino izói íñeno omoi iri. Mei jíi, nana llófuérídino, cue izóidino baímo izire jícanollícaí. Afena onódiomoi.

<sup>2</sup> Nana cai aillo fiénidillegoi finódicai. Dáamie minícana fiénidillegoi ie daínáfue mo íñeniadi, afémie ñue comécina figomie, ñue jaicínaidimie. Afémie nana ie abi rairuillana onode.

<sup>3</sup> Mozíñoragai caballo fuemo cai jóneadi caina iere íaioi ínollena, ie ifo oni datállena finóredicai. Afemona nana ie abi diga dájade.

<sup>4</sup> Daje izói áillue jofóredicaemo comeci omoi faca. Afecae jamánomo áillue íadi, afe llezica riirede jairífodo ñuitáicaide. Mei íadi datárima duera jiza datárebeñodo ie jáiacana diné datáicaide.

<sup>5</sup> Afe izói cai fue ite. Cai abi aillona mei íadi fue duera. Mei íadi afe fueo jamánomo áillue ráfuíai finórede. Uafue duera jiza réicimona áillue ícaíena bóotate.

<sup>6</sup> Jae come fue irai izoide. Afe fueo jamánomo facádonide íafuíai ite. Afe bue fue Juzíñamui cai abimo finoca; mei íadi afe fue nana cai abina íaire finode. Fieni comini duere finóllirai ite; afe íraímona uneca izói cai fuemo fieni úrioidino ite. Iemona nana cai caana llezica finótagafuíai bóobicaide.

<sup>7</sup> Ímado nana riire rílleníai tóirede, féedino, jaíóníairi, naa buináizairi. Nana áfeníai fibítagaíai.

<sup>8</sup> Mei íadi fuea buna fibítanide. Cai fueo bite íairede raana jaca buna llícaítanide. Aillo fieni úritadino, titade juia izói cai fuemo ite.

<sup>9</sup> Afe daje fueo cai Moo Juzíñamuimo caimátaídicai; ie llezica Juzíñamui finoca cómena faidódicai. Uafue Juzíñamui dama ie eroille izói cómena finode.

<sup>10</sup> Daje fueo caimátaíllue jino bite faidóríllafuíai diga. Cue ámatiai, cacai. Bifue izói omoi íñeno iri.

<sup>11</sup> ¿Daje jainoi ífómoma toráfomona ñújei eríredíji diga jino tórede? ¡Tónide!

<sup>12</sup> Cue ámatiai, cacai. ¿Noménamona comájina órede? ¡Onide! ¿Íríconamo cineci llízirede, meita áfena? ¡Llízínide! Afe daje izói cúeredíji naíméredíji diga daje jainoi ífómoma toráfomona jaca jino tónide. (Ie jira omoi fue rairuiri, fieni úrillafue o fueo jino bíñeillena. Mei jira Juzíñamui ímácidíomoi.)

#### *Uáfua ñue onófue*

<sup>13</sup> Omoimo dáamie onódimie, ñue baitádimie íadi, afe ie onóigafue nágarui ñue ie illáfueo ácatari. Ua ie fibíllafueo fecaca comeci mánainafueo ie finócaíai cíotari.

<sup>14</sup> Mei íadi omoi comécimo izire úradoíllafue íadi, afe llezica omoi finoca ráfuíaina járidotíomoi; bue omoi fibilla abi ínuafueo comécíñeno omoi iri. Afe izóidífuíai tánofuíai, uáfua jáanote.

<sup>15</sup> Afe izoide fibíllafue Juzíñamuimona bíñede, mei íadi afe fibíllafue bínie comini comeci úrillafue; Juzíñamuina éoidímáci onóigafue; dama Taife ífue.

<sup>16</sup> Aillo úradoillafue, jarire uícodo máifuafe diga illánomo, afénomo aillo júdaizitifue ite naa fiénidifuiari.

<sup>17</sup> Mei íadi Juziñamuimona fibíllafue otímaci nano fueñe nífuenino macádiaioi. Ie mei afémaci mánaidimaci; riífuedo ocuífrediaioi; jiáimemo uícodo comécitadiaioi. Afémaci dúcaillafuena oruídino; ñúefuena finófrediaioi. Afémaci uáfodo úritimaci; jífuerifrediaioi.

<sup>18</sup> Comeci ñue uái illáfue mo comútatino afefue rigájiai izói comínido fecádiaioi. Afemona ria llizilla izoide comece jaícina ñúeitaitino llínotiaioi.

## 4

*Niemo ite Juziñamuina éoidimacimo nabáirillafue*

<sup>1</sup> Omoimo ite fuiríllafuiari çninen bite, júduafuiari diga? Omoi fiéni comece óiacanafuiamona bite. Aféfuai omoi comécina jaca éoitade.

<sup>2</sup> Omoi daa raana jitáiaidi, áfena ómoimo llínonina jira fatíomoi. Jiáie raamo omoi úradoiadi áfena ónidíomoi, jira fuiríllano jóbairitíomoi. Omoi jitaiga raa oñédiomoi, Juziñamuimo jicáñena jira.

<sup>3</sup> Afémiemo omoi jicáadi llínoñediomoi, iaie jica ícoina. Mei jii áfena óiacadiomoi fia omoi cáimare íacanafuiamo dotállena.

<sup>4</sup> Jiáifodo fiénidimacidiomoi. Biniemo ite Juziñamuina éoidimacimo nabáiriacadino Juziñamui fairíconina jáite. ¿Omoi meita bífuena onóñediomoi? Níimie éoidimacimo nabaina maméidimie Juziñamui fairícomana dóbaicaide.

<sup>5</sup> Cuegáuai taino lloñede. Aféuai daide: “Juziñamui ie Ñuera Joreño caimo fecade cai diga íllena. Afe Joreño uríoia izói caina izíruiite,” daide.

<sup>6</sup> Mei íadi Juziñamui caina ríduafuedo baimo caina cánuabite. Mei jii Cuegáuai daide: “Juziñamui afe abi ínotinona rairuide; mei íadi comécina mánaidimacina íaioina ríduafuedo íaioina cánuabite.”

<sup>7</sup> Juziñamui anamo mai omoi itábicaire. Taifemo omoi mameri, íemona ómoimona oni bótaiteza.

<sup>8</sup> Mai Juziñamuimo ánozillano caimare omoi úriri; afe íbana afémie ómoimo caimare úrite. Íaífueredino, mai omoi comece íaifuiari doíri. Juziñamuina izíruiacadino íemo dáanomo íena éoidimacina izírutino, mai omoi comece íáinitari.

<sup>9</sup> Omoi zúurefícaire; omoi cáillicailli eeri. Omoi zadáilla jeme; jiáifodo meídocaire. Afe izói omoi cáimafue zúucaillano méidori.

<sup>10</sup> Cai Ocuíraima Jesucristo uíécomo omoi manánairi, íemona afémie ómoina caifo naidáneiteza.

*Cai ama finócafue fiéni jicánuafue*

<sup>11</sup> Amatiai, jiámmana fiéni omoi úríñeno iri. Amana fiéni úritimie daje izói ocuífufuemo fiéni úrite. Afe izói ámana fiéni jicánotimie, daí ocuífufuemo fiéni fairíote. Mei jira ocuífufuemo fiéni ó fairíoadi, jira ocuífuaena íere cacáñedimiedio. Jae jicánoraimana íitio.

<sup>12</sup> Mei íadi daade ocuífufue llotímie; afe llezica afémie jicánotimie. Dama afémie cai jíllotaraima, jiáie izói afémie cai táinocaitaraima. Mei, o, çnímmiedio jiámamo íitífuai ó jicánodoíllena?

*Úreitirui mona monáíllirui onóñide*

<sup>13</sup> Mai bíemo omoi cacai, omoi úrilla uaina daidino. Bie izói daíífiredíomoi: “Birui nibai uire jítiramo jiáie jófue mo jáiticaí. Díno mo daa fimona fecárizaiticaí, úcube cai óllena,” daidíomoi.

<sup>14</sup> Mei íadi due onóñediomoi uire jiti caimo íitífuena. Mei jii çmínica mei cai cáatatínona? Cai cáatatino daallu cíocaizaibite uíllie izói. Iemona afe uíllie nine táinocaide.

<sup>15</sup> Bífue izói omoi daíífede: “Juziñamui jitaiaidi íiticaí. Iemona aféfuena nibai jiáífuaena fínoiticaí.”

<sup>16</sup> Mei íadi afe íbana, o dáinana meídocañeno nai abi ínocana úritíomoi. Nana afe abi ínuafue fiéñede.

<sup>17</sup> Ñúefuena finuana onódimie afefue finóñena afémie fiénidifue mo báide.

## 5

*Ráaredimaci llétafue*

<sup>1</sup> ¡Ráaredimaci, bífue mo omoi cácareil! Cáillicailli eeri, aillo duere finóbillífuai ómoimo íiteza. Aféfuemo duere zéfuítíomoi.

<sup>2</sup> Omoi ebírede ráaie jae rifaide. Omoi ñuera ínúoíllai ícuai güiga.



<sup>3</sup> Omoi úcube quenírede ráaniai diga jae éezite. Afe éeiafue fiénidifue ómoimo nítaite, ie mei bie éeiafue omoi comeci duere fñoite; irai amena cuarítaoina izói ómoína fñoite. Afe birui írairuimo omoi ráaienai jae ofitatiomoi.

<sup>4</sup> Omoi güllena óinaruillaido táijitagamací úcube jeruádomoi. Afe jeruica úcube ómoimo riire jiáfodo dájecana úrite. Nana nairai illama Juzíñamui bie táijitagamací éecana dáinana cacade.

<sup>5</sup> Bie éniemo jamánomo ñue ebírede ráaniai ómoimo ífírede. Dani nana omoi comeci jitailla izói ífírediomoi. Fia güllárenamona mero izói farédíomoi. Afe llezica fazílliruimo dúcizaide.

<sup>6</sup> Nano fueñe nífuenidímacina titátatiomoi, ie mei afémacina fatíomoi. Afe nífuenidíno ómoimo abi zóofetiaíoi, mei íadi íaíoimo dúecañeno fatíomoi.

*Comeci járidoñenafue*

<sup>7</sup> Ie jira, ámatiai, cai Ocuárama Jesucristo billíruimo comeci járidoñeno omoi iri. Jacáfaimo táijidímie ráifide llizíllaniaina járidoñeno úíñote. Ua nano fueñeide uáici mei nai úíñeide. Iiraie uáici mei afe llizíllaniaina óite.

<sup>8</sup> Daje izói omoi járidoñeno. Omoi comeci mame; cai Ocuárama billíruí jae ánozideza.

<sup>9</sup> Amatai, conímamo ríiríñeno omoi iri, jicánollímacina omoi íñeíllena. Mei jii, Juzíñamui dama Jicánoraima; afémie cai finócafuai jicánollíruí jae ánozide.

<sup>10</sup> Cue ámatiai, uai llórainimo comeci uibíoiri. Íaíoi nágarui ñue illafue caímo ácataiteza. Juzíñamui mámeçido íaíoi úrillamona iere duere zefuádiaíoi, mei íadi jaca járidoñediaíoi.

<sup>11</sup> Duere zéfuíllafuemona zefuí cácañedíno caimare itíaiíoi daífiredícai. Jáiaigima Job ie járidoñenafuena cacádiomoi. Afe llezica Juzíñamui íemo írainomo finócafuena onódiomoi. Mei jii, Juzíñamui cai Ocuárama caímo dúecaífírede, fiénidífuíai íba are nínoimo caímo óñeite.

<sup>12</sup> Cue ámatiai cacai. Jamánomoidíue llóitícue. Juzíñamui mámeçí uafue daíllena táinomo llínoñeno iri; afe daíí mona mámeçí énie mámeçí diga táinomo llínoñeno iri, ñie jiáie raana táinomo llínuano uafue daíllena daííñeno iri. “Jii” o daíía nie izói íteza. “Ieñede” o daíía íeñeiteza. Afe izói mai omoi úriri Juzíñamui duere omoi fñoñeilleza.

<sup>13</sup> Omoimona dáamie duere zéfuia afémie dama Juzíñamuimo úriri. Dámie caimare íadi afémie ñúfue nitada róiri.

<sup>14</sup> Dámie íráieia, gairíraco imácimona eicomínina jírízairi, afémieri Juzíñamuimo íaíoi úrillena. Afe llezica afémiemo Juzíñamui mámeçido cáiredíjina jóoneitiaíoi.

<sup>15</sup> Ínuafuedo Juzíñamuimo íaíoi úriadi íraredímie jíllóbicaite, ie mei Moo Juzíñamui íena náidacaitaite. Íáiredífuiaimo nauí ie baííadi, afe íaífuiaí oni dófinamona, ñue nífuenidímiena Juzíñamui íena llínoite.

<sup>16</sup> Ie jira omoi íaífuiaí jofo conímamo omoi lloiri. Afena jáanoñeno iri. Afe mei conímamo Juzíñamuimo omoi jicari, íemona ñue omoi jíllóilleza. Fígómie izire Juzíñamuimo úrillafue iere ríinorede.

<sup>17</sup> Uai lloraima Elías jíba cai izóidímie. Juzíñamuimo ie úrillado noci bíñeíllena Juzíñamuimo jícade. Jícamona jae dafimonaámani átuédo éniemo nocina bíñede.

<sup>18</sup> Ie mei dáanomo Juzíñamuimo jícamona meine bíizaide; áfemona énie naa llízieri zicode.

<sup>19</sup> Cue ámatiai, ómoimona dámie ua uáimona oni fieni níbéfodo jáiadi, jiámie íena meine abido atídina ñuera.

<sup>20</sup> Bífuena omoi onóilleza. Fiénidímie ie íáirede íómona meine atídímie afe fiénidímie joreño tíillanomona jíllotaite. Afe llezica aillo íaífuiaí oni dóficaite. Jae ñie.

## SAN PEDRO NANOIDE CUEGABE Primera Carta del Apóstol San Pedro

*Jesumo ñnote ráidozitinomo Pedro cuete*

<sup>1</sup> Cue Pédrodicue; Jesucristo orécamiedicue. Bibe Jesumo ñnote ráidozinaitinomo cueticue. Ua omoi éniemona oni Ponto éniemo, Galacia éniemo, Capadocia éniemo, Asia éniemo, Bitinia éniemo jae áfeniaido júdaizitagaomoi.

<sup>2</sup> Mei íadi Moo Juzíñamui nizécamacidiomoi. Jaiái ie mamérilla izói, ja ie nizécanodiomoi. Ie Ñuera Joreño jae íeiena mamécaomoi, Jesucristo uaimo iere ñue omoi cacárellena; afe emódomo Jesucristo díedo íaifuenidimacina Juzíñamui eróicana omoi jállena, jae mamécaomoi. Mei Juzíñamui ómoína aillo ézicíteza, íemo comeci caimare uái illafue ómoímo llóíteza.

*Juzíñamui daina ñue uáfuenta zúitífueмо caimare comécifiredicai*

<sup>3</sup> Cai Ocuíraima Jesucristo Moo Juzíñamuina mai cai ióbioitalli. Mei nano fueñe afémie jamánomo caimo dúecaide. Dúecaillano como meine nane caina jécitaacade. Ie jira Juzíñamui Jesucrístona tídinuiaimona meine abido cáatate. Afe Jesús meine cáanamona Juzíñamui ua como meine jécigacai. Afe bie cai comue dáanomo jécinafue ñue Juzíñamui caimo fecállifueмо caina nágarui úiñotate. (Afefue cai zúíñona illifue.)

<sup>4</sup> Afefue amena záfia izóíñede. Amena záfia jaca llirífiredé, mei íadi afefue zúíñona jaca ninomo lliríñede. Ua, Juzíñamui ómoína daínafue, monamo ite ñuera feci raa izóidena ómoína onótate. Afena Juzíñamui ómoína jóneoide, omoi como meine jéciamona ico jáíruido omoi maiñóllena. Afe feci raa izóidena, jaca niné táinocaitanide. Daje izói afe raa jaca íaidonide.

<sup>5</sup> Juzíñamuimo omoi ñnuado íemo ite ñuera ríñodo ómoína ríídote. Ua ómoína ríídote, íemo ite jíllonafue díbéneмо omoi dúcállena. Afe omoi zúíñona jíllonafue afémie ñue fínode, jáíruiñallaido jino ñue onótallena.

<sup>6</sup> Bífuiñaido omoi jamánomo caimare itíomoi. Mei íadi dáaruirie jáífodorie duere ze-fúrediomoi. Afefue níbai jabo jítáiredé.

<sup>7</sup> Omoímo ite Juzíñamuimo ñnogafue, oro izoide. Naga oro iraimo facaca, bie ua oro daíllena. Afe izói ómoímo ite Juzíñamuimo ñnogafue facárede. Caimo íficaífrede facátafuiai oro zia irai izoide. Nana bie facátafuiaimona níbáinino ñue jino bite Juzíñamuimo ñnogafue, aillo ráifide. Ua afe ñue ñnogafue oro baímo jamánomo ráifide, mei afe oro fúíteza. Mei jira ja daíí facátagamie íemo ite ie ñnogafue ñuera. Ie ñnogafue ja níbáinino ñue jino jailla, áfemona ja figura. Jesucristo cíocaizaíbilliruimo afémie ñue facátagamiena jáite. Dáaruina Juzíñamuimo ite ebírenafue llíñoite. Daje llezica aféruimo ñúefuena Juzíñamui íemo nitárede.

<sup>8</sup> Jesucrístona cíóñediomoi íadi, íena izíruiñomoi. Afémiena cíóñediomoi íadi íemo ñnotiomoi. Afe omoi ñnuamona jamánomo caimare itíomoi. Afe cáimafue ñue omoi comécina zuitade. Ua afe aillo cáimafuerei omoi daílluai íñede.

<sup>9</sup> Omoi ñnogafue ícoína omoi comeci jíllona máíñoitiomoi.

<sup>10</sup> Jáíáidígima illáruillaido Juzíñamui uai jino lloraini afe bie jíllonafue ríire jicánotiaioi. Afe dáaruído bie jíllonafuena uáfodo onóíllena jicájicanodiaioi. Afe uai lloraini Juzíñamui ómoímo finóllifue uécodo llote. Ua uíre Juzíñamui ómoímo dúecaillano ómoímo fecállifuiái raire uécodo llotíaiói.

<sup>11</sup> Cristo Joreño afe uai llórainimo Cristo uire duere finóbillifue raire uécodo fidítate. Afe dáaruído Crístomo ebire nitállifueña íaíoímo daje izói fidítaíbite. Afe íaíoímo ite Joreño íaíoímo lluaíbígafuiai ñue onóíllena, comécido jenódiaioi. “Bie lluaíbígafue ¿bumo dúide?” daidíaiói. Afe emódomo: “¿Níruído bie llogáfuiái zúíte?” daidíaiói.

<sup>12</sup> Iemona Juzíñamui jáíífuena íaíoímo fidítate. Afefue daide: “Íaíoí uécodo llogáuaido aféruído itínuaiána figo canóñediaioi. Mei íadi nana caina ñue cánoitiaioi.” Daíí Juzíñamui íaíoímo llote. Jae biruíllaido ómoímo llogáfuiái afe bie jaiái llogáuái izói jóide. Biruí ñue omoi jíllóilluaina llotino, Ñuera Joreño ríñodo úritiaioi. Afe Ñuera Joreño monámona ana oreca. Afe bífuiñaina Juzíñamui abí ímaci dani comécido onócadiaioi.

*Juzíñamui íaifuenino cai íllena ocuide*

<sup>13</sup> Mei jira nana omoi jetáacaga raamo ñue comeci facari. Omoi comeci ñúefuedo omoi úrííreiri, mei Juzíñamui ico níruí íeiena ómoína uáidoíteza. Ua Jesucristo cíocailíruído Juzíñamui ómoímo dúecailluaimo daa áfemo izire omoi comécíiri.

<sup>14</sup> Ocuállana jéruite úruiai izóí omoi iri. Jaiái Juziñamuina omoi ónoñena llezica ómoimo ite comeci jítáillafue izóí, omoi iñeno iri.

<sup>15</sup> Mei birui jiáifodo ñue omoi iri. Nana omoi jetáacagafuiaimo, jamánomo ñue íaifuenino mai omoi iri, mei ómoína uáidote Juziñamui íaifuenidímieza.

<sup>16</sup> Mei Juziñamui Cuegáuai daí daide: “Cue íaifuenidímiedicueza, cue izóí íaifuenino omoi iri,” daí Juziñamui daide.

<sup>17</sup> Juziñamui illa dígamie íaioi illáfuiái riire jicánoite. Ua illáicomínimo, jamáicomínimo dámie fiéñeno daje izóí nana riire jicánoite. Ja birui afe bie Juziñamuina “Cai Moo” daidíomoi. Afemona afémiena mai caimare omoi jacírui. Ua bie éniemo omoi ille dinó bie izóí omoi iri.

<sup>18</sup> Mei Juziñamui omoi illa táinofuiaimona ja ómoína jílloateza. Afe ómoimo ite táinofuiái omoi jaíaidigimamona otíomoi. Afe jílloñafue ráifinana ñue onódiomoi. Bie ráifina órodo ibánide. Daje izóí plátado ibánide, naa jiáie úcubetunido.

<sup>19</sup> Afe jílloñafue dama Crísto ráifide díedo íbátarede. Mei Jesucristo cruzmo, íainide boáfenide ovéjatiru izóidímie, Juziñamuimo fállena fecaca.

<sup>20</sup> Jaiái ninomo bie énie nai cómuitañenia Crísto daí mameca, mei íadi are illa ícoimo, benó cai illa llezica, afémie cíocaizaibite ñue omoi íllena.

<sup>21</sup> Afe bie Crístodo Juziñamuimo ínotíomoi. Tíidimacimona Juziñamui bie Crístona meine cáatate. Afe méifodo Juziñamui ñúefue lemo nitade. Afemona afémiedo Juziñamuimo ínotíomoi. Afe izóí ja Juziñamuimo izire comécidíomoi.

<sup>22</sup> Ja birui ua llogáuaina Ñuera Joréñodo omoi jiéruillamona omoi comeci íaifuiái muiñódiomoi. Afe omoi comeci íaifue múiñuamona omoi amatiáina uáfueña nahí izíruirediomoi. Afe daí conímama mai omoi comécido, naa omoi ríinodo izírui.

<sup>23</sup> Mei jii, como meine jéicigaomoi. Come móomona meine jéicíñegaomoi mei títiaioiza. Mei íadi Juziñamui uaido meine jéicigaomoi. Afémie uai jaca ninomo féiñeno zíiñona ite.

<sup>24</sup> Jaiái Juziñamui Cuegáuai daje izóí llote. Aféuai daide:

Nana bíniemo ite náiraímona illa dígamie jaca ráitíai izoide.

Íaioi jamánomo jalléinafue ráitíai záfia izoide.

Afe ráitíai dúifrede; dúillamona ie záfia uaide.

<sup>25</sup> Mei íadi cai Ocuídímie uai féiñeno jaca zíiñona ite.

Afe bie uai, ua ómoimo lloga ñue jílloña uai.

## 2

<sup>1</sup> Mei jira nana ómoimo ite éocana finócafuiái fáicanocairi. Daje izóí jiáimana o jífueacanafue abído oñeno fáicanocairi. Comeci íáireña mei, emodo ífuedo comínina ñue úritímie izóidífue omoi féitari. Daje izóí jiáimamo omoi úradoñeno iri. Afe mei naga jiáimana ebena úcaillafuiái mai omoi féitaziri.

<sup>2</sup> Mei afe méifodo como jococa uíre izóí comeci náiretaite jirolle jenori. Ua, monoi ii jírúa izóí Juziñamui lloga íainino, juánide uailái mai izire omoi jenori, nágarui áfemo omoi comécillena. Afedo ñue riire móonaitíomoi. Daje izóí aféuaido nanómona omoi ínoia, jílloitiomoi.

<sup>3</sup> Ua daí omoi jenori, mei cai Ocuíraíma comécina ñuéñana onódiomoi.

*Jesucristo cómena zíiñona cáatate nofici izóidímie*

<sup>4</sup> Ie jira cai Ocuíraímano mai omoi ánoziri; afémie cómena cáatate nofici izóidímieza. Afémie comínimona fiénide nofici ruifruillano oni dotaca izóidímie. Mei íadi Juziñamui dibéñedo afémie iere ráifide nizeca nofici izóidímie.

<sup>5</sup> Afe izóí omoi cáatate noficiái izóidimacidiomoi. Iemona Juziñamui ómoína óiacade, ie cíónña ua ífírenaco nílloña. Afemona abina omoi rairuíñeno iri. Daje izóí Juziñamui íeina mameca, Juziñamuimo comínido úrirainina dáazierna ómoína jóneacade. Daí omoi jáillemona, uaido Juziñamui íóbillena fecácafue lemo Jesucristodo fécaitiomoi. Afena Juziñamui jeire óiteza.

<sup>6</sup> Cai Ocuíraíma Jesucristo bie nofici izóidímie. Ie jira Juziñamui Cuegáuai uícodo daje izóí llote; aféuaido Juziñamui daide:

Afe cue irácomo, níi Sión dainácomo, dámie jóneticue.

Afémie iere ráifide nizeca ñue riire mozíoide nofici izóidímie.

Nana afémiemo ínotino meáidaiñeno táinomo fáifíñeítiaioi, daide.

<sup>7-8</sup> Ja birui afémiemo ñue ínotimacidiomoi. Omoíri bie nofici izóidímie jamánomo ráifide. Mei íadi afémiemo ínoñeite comíni, éicitaila izóí, afémiemo baíídiaioi. Ua Cuegáuai benomo daina izóí ja íaioimo zuide. Aféuai daide:

Afémie éicitaitate nofici izói ite.

Ua áillue nofícimo éicitaide baiilla izói afémie íemo íinoñedinona báiiitate.

Mei afe llogáuai jeire oñenamona, éicitaidimie izói baiídiaioi. Afe íaioi baiílle jaiaí ninomo daíí mamécamací. Daje izói afe ñue riire nofici izóidimie mo íaioi íinoñenamona nane jaíie daínauai íaioimo zuide. Íaioi íinoñegamie dibéno aféuai daide:

Jofo níraini oni dotaca nofici jae ua riire mozióide nofici izói jaide.

*Juzíñamuimo jaináidimacidiomoi*

<sup>9</sup> Mei íadi nizécaziédíomoi. Afe izói Jamánomoidíllaima Juzíñamui iédíomoi. Juzíñamui ocuífírega afémie mo comínido úrirainídiomoi. Afe emódomo Juzíñamui ñue finoca ie ocuífírega náiraidíomoi. Daje izói dama Juzíñamuimo jainaide comínídiomoi. Bífuiaí bie izói jóide, Juzíñamui caí jilloíllena uaido jamánomo ebire finócafuiaí jino comínimo omoi llóllena. Afe bíedo Juzíñamui, omoi jítfomona jino ie jamánomo ebírede úzefomo, ómoína jírrite.

<sup>10</sup> Jaiaí illáruido Juzíñamui ómoína daide: “Cue comíníñediomoi,” mei íadi ja birui Juzíñamuimo jainaide náiraidíomoi. Jaiaí ómoimo buna dúecaíñede, mei íadi birui Juzíñamui duéruigamacídiomoi.

*Afe jaináidino Juzíñamui tájítaganona itíaioi*

<sup>11</sup> Izíruiga ámatiaí, Juzíñamuimo íinoñedíno cígiri itíomoiiza, jícanemací izóidíomoi. Ie jira izire jícadícue, bie éniemo ite táinomo come abí jítaílla fiénidífuiaimona maí abí omoi rairuíri, mei afe abí jítaínafuiaí omoi comécimo bacáuaina íoideza.

<sup>12</sup> Juzíñamuimo íinoñedíno cígiri omoi illa dínó ñue illa dibéno maí omoi íri. Mei birui afémací fiénidímacídiomoi izói, ómoína uáitaoidíaioi. Mei íadi afe ómoína uáitaoidino, omoi ñue illáfúena íaioi cínomona, níbai íaioi comécimo ite fiénidífuiaí ñúefuiaína méidoítaiioi. Iemona Juzíñamui íaioína dúecaizaíbillíruimo afémací daje izói Juzíñamui íóbioítaiioi.

<sup>13</sup> Caí Ocuíraimana ícoína, nana comíni jóonega ríimací anamo, maí omoi itábicaíri. Daje izói jabóidíllaima nahíllaima anamo omoi itábicaíri. Afe nahíllaima jamánomo ocuídímie.

<sup>14</sup> Afe nahíllaima oreca jabóidíllaini, fiénidínona duere fínoítaiioi, mei íadi ñúefue dibénemo itínona ébitaitaiioi. Iemona íaioi anamo ífíreiri.

<sup>15</sup> Mei jira Juzíñamui ñue illáfúemo omoi íllana jítaide, áfedo abina onóñedímací, comécínino úritímací díga íaioi táinodo úrillauaí omoi fáinocaitallena.

<sup>16</sup> Ráíruiñegamací izói ñue omoi macarí. Mei íadi afe omoi rairuíñenafuedo fiénícana abina omoi ínoñeno íri. Dáarie afe rairuíñenafuedo abí ínuamona fiénidíufe finócadíaioi. Afe izói omoi íñeno íri. Mei íadi Juzíñamui izire rairuíca tájítagano izói omoi macarí. Daíí omoi íadi íere ñuera.

<sup>17</sup> Dáamie jámairuíñeno nana íaioi íllaze ñue caímare jacíruioíri. Nana ámatiaína daje izói omoi izíruíri. Juzíñamuimo ñue izire omoi jacíruioíri. Daje izói nahíllaimana uáitañeno ñue omoi jacíruioíri.

*Cristo nauí duere zefuíllafue afe izói caí íllena caímo cíotate*

<sup>18</sup> Tájítagamací, omoi ocuídímíiaína ñue jacíruioícana íaioi anamo maí omoi itábicaíri. Omoímo dúecaífírede caímare ocuídímíiaí, maí íaioi anamo itábicaíri. Daje izói jíaíe riire tájítate ocuídímíiaí anamo maí omoi itábicaíri.

<sup>19</sup> Nágamíiaí taino abíri duere zefuítaadi, mei íadi afe llezica Juzíñamuimo comécínomona afémací naí caímare ía, afe Juzíñamuína íóbitade. Juzíñamui ñue facátainafue afémacímoo jóoneite.

<sup>20</sup> Mei jíáfodo fiénidíufe omoi finóadi, íemona ómoína duere íaioi finolle llezica naí járidoñeno omoi ía, onóígaza afefue figo jínoñeite. Mei íadi ñúefue omoi fínuamona ómoína duere íaioi zefuítaadi naí járidoñeno omoi ía, ja omoi íllafue Juzíñamui eróícana figura.

<sup>21</sup> Ua afe daíí omoi íllena Juzíñamui mamécamacídiomoi. Mei jíí omoi ícoína Cristo íere duere finócaza. Afe íe duere zefuíllafue omoi fidítate, afémie illa izói omoi íllena.

<sup>22</sup> Afémie jaca due fiénidíufe finóñede. Daje izói jaca buna jífueñede.

<sup>23</sup> Fiénidíuáíllai Jesumo íaioi nita llezica, íba olle fiénidíuáíllaina afémie lloñede. Izire íena zefuítaíaiomoo, Jesús riire íbana otátañede; mei íadi dama afémie Juzíñamuimo dama íe uai jóonete, mei Juzíñamui ñue jáícina jóonefírede riire jícanoraimanaza.

<sup>24</sup> Daje Cristo cruzmo illa llezica, dama íe abído caí fiénidífuiaína abíocaíga izói uite. Ua afémie caí fiénidífuiaí uíga, aféfuiaí dibénemo tíndínuaí izói caí íllena. (Daíí aféfuiaína fínoñeíticai.) Mei afe méífodo, nífuenino Moo Juzíñamui ío dibénemo ñue jáícina íredicai. Afémie aílló bofécamíena jaide ñue jíllotagamacína omoi jáíllena.

<sup>25</sup> Naui úiñoñega júdaizite ovejai izói ebena macádiomoi; mei íadi birui Crístomo ja meine abido dúciðiomoi. Ovejai úiñoñeima izói afémie ómoína úiñoñefirede. Afe izói afémie omoi comeci rairuítagamie.

### 3

*Airedino iníredino diga íaioi ñue íllena llétafue*

<sup>1</sup> Nana ríimaci anamo cai itábicailla izói, nana ómoimona iníredingotiai dani omoi inítiai anamo ñue omoi itábicairi. Mei omoi inítiaimona nibai dárie Juzíñamui llogáuaina nai íñoñediaioi; mei íadi omoi ñue ílláfueña íaioi ciónamona, íaioi comeci ífue nibai ñúefueña méidotaite, jíáie uáillaina nai omoi llóñeniadi.

<sup>2</sup> Ua omoi íaioi anamo ñue íáinino itábicaillafue áfena íaioi ciónamona, daje izói Jesumo ínoítiaioi.

<sup>3</sup> Jamáingotiai fiérilla izói mai omoi fiériri. Mei aillo jino abimo jítaca raa izóidedo fiériñediaioi. Mei jira fia abi fiédua ráifide oro finoína raana jítáñeno omoi iri. Afe izói jamánomo féirede ífóti nílado fiériñeno iri. Daje izói aillo ráifide iníroína jítáñeno iri.

<sup>4</sup> Mei íadi omoi comécina ebire fiérilla izói ñue omoi finori. Afe omoi comécina mánainafueña járidoñenafue diga omoi fiérira afe iere ñuera. Afe bie féiñede ebíredifue Juzíñamui eróicana jamánomo aillo ráifide.

<sup>5</sup> Afe daí jaiáidinomo ite Juzíñamuimo ínoñefirede íáfuenidingotiai comécina ñue fiértadiaioi. Afe llezica íaioi inítiai anamo ñue itábicaidiaioi.

<sup>6</sup> Ua daí Sara Abraham daináfueña jeire ote. Afe daí úamona afengo íena: “Cue ocuáimadio,” uáidoñefirede. Ja birui nífue mo omoi jacínaiñeno, ñúefue omoi jeire oía, Sara izóidingotiaína jáitio mo.

<sup>7</sup> Afe dáano mo nana ómoimona áiredimíai cácarei. Caimare omoi áitiamo comécillano, dani íaiomo dúde ñúefueña íaiomo nitari. Mei ringóniai iima jofófemo jabóicana maíreza. Daje izói Juzíñamui ómoimo dúecaillano fecaca zíñona illífue, dájeze ringóniaimo fecaca. Afemona cámafuedo íaiomo úrirediomoi. Afe izói omoi iri, omoi Juzíñamuimo úrilla uai jíziñeilleza.

*Ñue omoi illa ícoinia duere zefuítagaomoi*

<sup>8</sup> Nana bífuiaimona daa ráifidúaido nana ómoimo úriticue. Mai dáafue mo comeci fácano, conímana caimare omoi canori. Daje izói conímana omoi duéruiri. Ua nahí ámatiai izói conímana omoi izíruiri. Come dúecaillano comécina mánaidimacina omoi iri.

<sup>9</sup> Daje izói fiénidifue comuía afe ibana oñeno iri. Afe izói báíñuafue comuía, ibana báíñoñeno iri. Mei jíáifo dájecana ñúefue iba íaiomo oíri; Juzíñamui ómoína ie ñúefue llíñollena mamédeza.

<sup>10</sup> Mei jí; Juzíñamui Cuegáuai bie izói daide: Biruillaído ñue ílláfueña izíruitimie, caimare are íacadimie diga, fieni úrillafue mo mai ie fue ráiruiteza.

Afe izói dámie caimare íllado are íacade ie fue rairuúdeza.

Iemo daje izói táinofuina mai afémie llóñeiteza.

<sup>11</sup> Fiénidifuaí afémie fáicanocaillano mai ñúefue mo comécíteza;

Iemo conímana comeci caimare uái illafue jenórede.

Afe mei afémie nágarui áfeodo jáiredeza.

<sup>12</sup> Mei cai Ocuáimona comécina jaícina jóidimacina rairuillano ñue úiñoñeteza.

Daje izói afémiemo íaioi úriadi, íaiomo cacáreide.

Mei íadi fiénidifue finódinomona ie uíeco oni jícaide.

<sup>13</sup> Jáimamo ñue finóllino jaca izire omoi jenóadi, jraamo omoi jíritaitimiena íñeitel

<sup>14</sup> Mei íadi omoi jaícina ñue ílláfuedo omoi duere zefui daí, caimare íitio mo. Buna jacíruíñoñeno iri; daje izói áfede comeci llícitaiñeno omoi iri.

<sup>15</sup> Mei íadi Cristo omoi comécido nahí Ocuídillaimana mai omoi mameri. Mai uícomo ñue omoi finóbiri, ómoimo ite úiñoñafue jicánotimaci uai omoi ólleza. Mei íadi jacíruioicana comeci mánainafuedo afe fairíoína uai omoi oíri.

<sup>16</sup> Omoi illafue ñue jaícina mameri, omoi comeci úrillafue nífuenino uái íllena. Ja Crístomo omoi ínuamona, omoi illafue ñuera. Afe omoi ñue ílláfuedo fieni úritino ite. Ie jira ua omoi abi illafue ñue jaícina jóoneñefireiri, ómoimo fieni úritino dani íaioi fieni úrilla uáillairi meáidallena.

<sup>17</sup> Juzíñamui jítiadi ñúefue ícoinia duere omoi zefuíaí afefue ñuera. Juzíñamuina íóbitade. Mei íadi omoi fieni finócafue ícoinia duere omoi zefuíaí afefue figo jíñoñede. Afefue Juzíñamuina íóbitañede.

<sup>18</sup> Mei dama Cristo cai fiénidifue ícoinia, dama abido tíñellinomo, dácaifño duere zefuillano tíde. Afémie iere figomie, mei íadi cai fiénina ícoinia cáiconi duere zefuizaibite, Juziñamui illánomo cai jáillena. Ie abi íeizi dibénedo titácamié, mei íadi Juziñamui Joréñodo meine abido cáadimie.

<sup>19</sup> Ie mei Cristo ie joréñodo, nai meine caifo náidañena llezica, jáinomo íbaicoga tíidino joréñuai afémie létajide.

<sup>20</sup> Bimaci jáiai ninomo Noé illáruido llogáuaina jíeruifnedino. Aféruillaido áillue nocáe Noé finua llezica, fiénidino duere finólliruimo Juziñamui comeci raire járidoñeno, fiaicana afemo úiñoide. Afe áillue nocaedo nana dane ocho dígamie jíllodiaioi. Ua Juziñamui izire comini duere finuamona, afe aillo jáinoi cígimona jíllodiaioi.

<sup>21</sup> Afe jáinoimo cai uibíllano, íaioi jílluafue caina onótate. Ie jira afe jáinoi báutiza jáinoi izoide; mei báutiza jánoido fiénidifuemona cai jílluna onótagaiza. Bautismo ráifinafue fia abi íaifue duáfueñede. Mei íadi ñue íainide comeci úrillafue Juziñamuimo cai jícafue dibénemo bautismo ráifinafue comuide. Afe íainide comeci úrillafue afémiemo jícáredicai, mei Jesucristo tíde meine cáanafuedo jíllotagaiza.

<sup>22</sup> Afémie meine cáállano monamo jaide. Jaillano Juziñamui nabézimo ite. Nana Juziñamui abi imaci, jae Jesús anamo itíaiioi, naa jíáie ríimaciri. Ua nana máirimaci baimo afémie ríinorede.

## 4

*Juziñamui caimo fecaca eróicana, come máirie illa dieze, íemo tájiredicai*

<sup>1</sup> Mei jira, Cristo dama ie abido duere zefuilla izói, dani omoi abina Crístodo duere zefuillena daíí finóbirediomoí. Afena rairuíñeno omoi iri. Mei Cristo ícoinia abina izi cácatagamie abido fiénidifuiaina finóacañede.

<sup>2</sup> Iemona nana ie cáanaruillaido Juziñamui comeci jítainafue izói iite. Afémie bie éniemo jáináidino comeci jítaíoinafuiaina fuitállena jénoñeite.

<sup>3</sup> Afe Juziñamuina onóñedino gáinafuiái izói jamánomo jáiai ninomo are omoi illa ja daíí itíomoiza; meine daje izói iñeno omoi iri. Naui aféruillaido fiénidifue diné jáináidiomoí. Omoi comeci fiéni jítainafuiáimo íoidiomoí. Daje izói jamánomo fiénidiji omoi júuamona jífáifrediomoí. Omoi dáanomo aillo güilláruillaido fiénidifuiáiri faillíñáifrediomoí. Daje izói jánaraimo gairíifrediomoí, afe jánarai íóbitallena. Daíí gairíllano aillo bie izoide íaifuiái finóifrediomoí.

<sup>4</sup> Ja birui bie Juziñamuina onóñedino, ja aillo jamánomo íaifue dibénemo itíaiioi. Iemona íaioi omoi fiéni nabáíñenari, fáigacaidiaioi. Iemona ómoimo fiéni úritiaioi.

<sup>5</sup> Mei íadi afe fiénidimaci íaioi comeci ífue jino Juziñamuimo llórediaioi naa íaioi finócafuiáiri. Ua cáadino tíidino diga afémie íanori íllamona iere riire jícánoite.

<sup>6</sup> Mei jíi, Juziñamui daina jíllona uai tíidimacimo uícodo llotátaga, afe tíidino joreño dibénedo Juziñamui illa izói íaioi íllena. Jíái íemo baimaci, nana bínie comini tílla izói tíitiaioi íadi, ja Juziñamui illa izói cáaitimacina írediaioi.

<sup>7</sup> Ja naga ráfuiái fuizáíllinomo ánozide. Mei jira ñúefuemo comécíidimacina omoi iri. Afe izói Juziñamuimo ñue úrillafuemo jífánodoiñeno izire omoi facáoiri.

<sup>8</sup> Omoi finoca naga jíáie raa baimo, conímana iere omoi izíruiiri; mei izíruiillafue aillo íaifuiaina enáitaitaga izói niné féitateza.

<sup>9</sup> Conímaiaina ómoimo mácaibitónona diga, omoi jofomo comécido ruifruíñeno caimare llíinofíreiri.

<sup>10</sup> Illa dígamaci Juziñamui ómoimo iga tájina ríino daina izói jíáimana canórediomoí. Afe izói omoi íllamona Juziñamui ómoimo fecaca jíáfodo onóigafuiaina ñue dájerize fecáramacina íitiomoí.

<sup>11</sup> Dámie uaillai jino llóiacania, comini llófuellena, Juziñamui daina uaillai jino llórede. Dámie jíáimana canóadi, Juziñamui fecaca ríinodo canórede. Nana omoi tájinafuedo ñúefue Juziñamuimo nitárediomoí. Jesucristo cai diga íllamona daíí Juziñamuina íóbitaredicai. Mei afe Crístomo nana ebirede ñúefue, daje izói ríino diga jaca afémiemo zííñona dúideza. Aqué izói jóideza.

*Jesucristomo cai jáinaina ícoinia duere finócanodicai mei íadi meáiruifnedicai*

<sup>12</sup> Izíruiiga ámatiai, ómoimo cómuite izire facátainafueri fáigacaiñeno iri. Aféfuiaina jáinadifue daííñeno iri.

13 Mei jiáfodo aféfuemo omoi caimátaioiri; ja Cristo duere zefuúllafuai dibénomo dúirediomoiza. Afe izói omoi íadi, Jesucristo ebire bíllana omoi cíoillemona jamánomo ióbicaítioi.

14 Cristo ícoinia omoi íaioi báíñoia, cáimafue dibénemo ítíomoi; mei Juzíñamui ebírede Joreño úcaigaomoiza. Omoi báíñotino Crístorí fiení úritiaioi, mei íadi omoi dibénomona ñúefuedo íemo úritioi.

15 Omoimona dámie duere zefuíadi, come fáfiredimie, mei nibai merírfiredimie dibéfuemo duere zefuíñoeno iri. Daje izói íáíbadimie, jíáie come ífuemo gágutajidimie dibénemo duere zefuíñoeno iri.

16 Mei jiáfodo, Crístomo íñotinona omoi mameina ícoinia, duere omoi zefuíadi, áfena meáruíñoeno iri. Ua meáruíñoeno aféfuerei Juzíñamuina omoi íóbioitari.

17 Mei ja Juzíñamui cai lletálliruimo dúcizaide. Ua daní Juzíñamuimo jaináidinomo jaícina llétafue fueñe táiniaide. Mei afe jaícina llétafue daí caimo tainéiadi, ¿nie izói Juzíñamui llogáuaina jeire onédino, írairuimo dúcille llezica, ítiaioi? Afémaci lletállífue jamánomo riire zúite.

18 Fígomaci dibénomo jíllóillífue juare ía, Juzíñamui ñue jacíruíñédino jíllóillino íere féirede. ¿Nie izói nibáílliaioi? ¡Níbáiñeítiaioi!

19 Te jira Juzíñamui comeci jítailla izói duere zefuídino, naga ñúefuíaína finóicairediaioi. Afe llezica íaioi coméciaí Juzíñamuina rairuítarediaioi. Mei Juzíñamui méidoñoeno ínofiredimieza, íaioi comútatimieza.

## 5

### *Crístomo íñotino llóina uai*

1 Omoi gairífréna cigímo íte ocuide eicomínimo cue llóina uai llóitícue; cue ja afémaci izói eicómedicueza. Daje izói Cristo duere zefuúlla uai nabáidimiedicue. Íco ñírui Cristo bille llezica íe ebíredífue cíocailliruimo, afe íe ebi omoi cácaille izói, afe izói íe ebi cácaítícue.

2 Nana omoi uai anamo ítinuíaí ñue íaioina omoi úíñori, oveja úíñoraíma íe ovejaíai úíñua ízoi. Ráairuíñoeno, Juzíñamui jítailla izói, omoi comeci fígónamona íaioina omoi úíñori. Jíáima izire ocuilla izói íaioina omoi úíñoñoeno iri. Dama úcube óllena úíñua izói íaioina omoi úíñoñoeno iri. Dama omoi comeci óiacana izói caimare omoi táíjiri.

3 Omoi uai anamo ítinona riírerie comécina éoide comíni úíñotímie úíñua izói omoi úíñoñoeno iri. Mei jiáfodo omoi illafue ñue jaícina omoi mameri, omoi illa izói íaioi ílleza. Mei daí ñue illafue fueñe íaioimo jino llotímiedíomoiza.

4 Afe jira Nahí Uíñoraíma Cristo cíocailliruimo ebírede ñúefue ómoimo nítaite. Afefue jaca ninomo féíñeite. (Comíni dibénemona cómemo fecaca raa, jamánomoidímie daíllena, fía rábiaí finoina ífo icuífoi. Afécuífoi etuda niné táinocaite, mei íadi omoi maíñóredífue jaca niné táinocaíñeite.)

5 Afe daje izói, jítócomíni, maí omoi ocuide éinamaci ñuera rííuai anamo itábicaíri. Ua nana omoi conímána comeci mánainafuedo daje anamo dájena itábicairedíomoi. Mei jaíai Juzíñamui Cuegáuai daide:

Juzíñamui, nana fiení abí íñotinona uáitaoidé; ua íaioimona íe uíeco oni jíicaide.

Mei íadi nana comécina mánaidinona afémie dúecaífrede.

6 Mei jira Juzíñamui ñue riírede uai anamo riíriíñoeno comécina mánaidímiena omoi iri. Afemona íe comeci daíllíruido afémie ómoína jamánomoidímiena jóneite.

7 Nana omoi izire comeci lícidífuaí Juzíñamuimo uáfodo lloíri; mei afémie ómoína íere rairuídeza.

8 Ñue cáadímie izói abí omoi rairuíoíri; mei cai bacáuai ímie Taífe caina jenódeza. Ua jufírúite jánallari rille jénua izói afémie caina jenódeza. Ua jenode caina fiénidífueмо ífóllena.

9 Afémíemo omoi ínogafuedo izire uáítaoicana abí omoi mameri. Mei nágobiaímo íte omoi ámatiaí dáfuerei duere zefuídiaoíza onódiomoíza.

10 Mei íadi nano íanori duere omoi zefuúlla mei, Juzíñamui meine abido caimare duere zefuíñena dibénomo ómoína itátaite. Afe llezica íaífuemo comécina féítanide cómena ómoína mámeite. Ua dáaruído ómoína riire nibáínino nabéfuena náíretataite. Afe daje Juzíñamui fiénidífueмона abí rairuíllafuena cai íte, naa jíáie canóinaíuaíri. Dámie íemo íte zííño ebírenafuemo ebi cai cácaíllena, afémie afemo caina mamede; mei Jesucrístomo cai jaináíllamona, áfemo ebi cácaítí.

11 Uafue, afe Crístomo nana ebírede ñúefue, ríino díga jaca zííñoena dúide. Aquíe izói íteza.

*Iraífuena facádua uai*

<sup>12</sup> Bie íanori cue cuegabe Silvánodo ómoimo orédicue. Afémie ñue ínofirede ámaza comécido onódicue. Afe bibedo ñúefuemo omoi íllena omoi llófueticue. Ja aillo Juzíñamui ézicigafuíaína jeire otíomoi. Iemona afémie ómoína iere izíruiteza ua onódiomoi. Aféfuedo riire nibáinino ómoína mamédicue, uáfodo omoi onóillena. Bifue nágarui jaícina jeire omoi oíri.

<sup>13</sup> Babilonia jófuemo ite Juzíñamuimo gairídino, Juzíñamui omoi izói eneno nizécano, ómoimo uailai orédiaioi. Daje izói cuedo jácadimie Marcos ómoína uáidote.

<sup>14</sup> Nahí ámána izíruilla izói caimare conímana omoi uáidori. Nana omoi Jesucrístomo jaináidinodiomoiza, mai caimare uái omoi iri. Mai; jae ñue.



## **SAN PEDRO MÉIFODO CUEGABE** **Segunda Carta del Apóstol San Pedro**

### *Jesumo ñnotinomo Pedro cuete*

<sup>1</sup> Cue Simón Pédrodicue. Jesucristo ocuífirregamiedicue. Daje izói ie oréfirregamiedicue. Iere ráifide ñnuafue jeire otínomo bibe cueticue. Omoi ñnogafue daa cai ñnogafue izói ráifide. Aféfuena ja fairiotiomo, mei cai Jíllotatimie Jesucristo Juziñamui diga comécina ñue jaícina jóidimieza.

<sup>2</sup> Cai Ocuíraima Jesús, Juziñamui diga, omoi onónamona diga éziciafuiai, daje izói comeci caimare uái illáfuiai dibénomo omoi iri.

### *Crístomo jaináidinomo ite nie izóidifuiai*

<sup>3</sup> Nana cai comeci jitaica raa, Juziñamui iodo caimare cai jáillena Juziñamuimo ite ríinodo caimo fecaca. Afémie cai ie fídítamona bífuiaina caimo ite. Ua dama íemo ite ñúefuiaiido afémie caina íemo ñnotade. Daje izói ie fáigacailla ebire finócafuiaiido íemo caina ñnotade.

<sup>4</sup> Iemona ie jífueñeno fecalle uai caimo llote. Bie caimo llogáuai iere aillo ráifide uai. Afe uáillaido Juziñamui illa izói íitiomoiza. Nana comini íaífue dibénemo fieni comeci jítainafuiaiido uigámaci; mei íadi Juziñamui ómoimo llogáuaido afe íaífuemona jae jíllodiomo. Iemona Juziñamui ñue illafue dibénemo íitiomo.

<sup>5</sup> Mei ie jira omoi ñnogafuemo, nágarui Cristo ñue illáfuedo omoi íocire jáillafuena aillo nabáicana uiri; afe omoi ñue jáillafuemo caimare fibillafue daje izói nabáicana omoi uiri;

<sup>6</sup> afe caimare fibillafuemo, dama abina rairuillifue omoi nabáicana uiri; afe dama abina rairuillafuemo comeci járidoñenafue omoi nabáicana uiri; afe comeci járidoñenafuemo Juziñamuimo caimare comécillifue dájemo nabáicana uiri;

<sup>7</sup> afe Juziñamuimo caimare comécillafuemo ámatiaina duéruillafue dájemo nabáicana uiri; afe ámatiaina duéruillafuemo nahí izíruillafue mai izire dájemo nabáicana uiri.

<sup>8</sup> Nana bie izói daináfuiái jeire omoi óadi, afe llezica aféfuiai ñue omoi móonaitaiadi, omoi illafue táinomo báíñeite. Daje izói cai Ocuíraima Jesucrístona omoi onónafue táinoñeite.

<sup>9</sup> Mei íadi bífuiaina jeire onédino uinidimie illa izói ite; jica cióneno áinori ciódimie izói ite. Jaiái ie finoca fiénidifuiai dóinamo ja comécíñede.

<sup>10</sup> Mei jira, ámatiaí, Juziñamui uáidota eneno nizécamacidiomoiza onódiomoiza. Iemona jíeredimaci izói omoi iri, aféfuiai omoi comécimo riire amena jáinao izói illena. Afe izói omoi íadi, jaca Cristo íomona oni nibéfodo jáíñeitiomo.

<sup>11</sup> Bífue daina izói omoi íadi, cai ocuide jíllotaraima Jesucristo zíiñona illáimana illánomo, rairuíñeno caimare jofo uáidolliomo.

<sup>12</sup> Mei íemona bífuiaimo omoi comécioitaiticue; aféfuiai onódiomoí íadi. Daje izói afe ómoimo birui ite ua uai jeire otíomoí íadi, nai jaca jaícina comécioitaiticue.

<sup>13</sup> Bie ñue llóinafue uáfodo ómoimo cue lletalle nai cue jáicana llezica, cúemona ñue jaícina cóide.

<sup>14</sup> Mei jíi, nauí cai Ocuíraima Jesucristo benó illa llezica, raire cue tíllano bie éniemo cue íñeillena cuena daide. Afémie cuemo llua izói ja raire íficaite.

<sup>15</sup> Ie jira birui nana cue ríinodo llófuerticue, cue tilla méifomo bífuiaimo jaca ñue omoi comécillena.

### *Pedro Cristo jamánomo ñuera ébifuenta ciónana jino llote*

<sup>16</sup> Nauí cue nabáíñiaí cue diga cai Ocuíraima Jesucrístomo ite ñuera ríino ífuena omoi llófueticai, ie meine abido billifue diga. Nana afe llófueinafuiai dani cai comécimo comúidífueñede. Táinofuena llóñedicai, mei íadi dani cai uído ie jamánomo ñuera ébifuenta ciódinodicai. Iemona uafue llotícaí.

<sup>17</sup> Ie Moo Juziñamui íemo ñúefue nítana, jíáie ebíredifue íemo fécana dani cai uído ciódicai. Juziñamui ebire ie uaido daide: “Bie cue izíruiga jíto. Afémieri iere íóboidicue,” daide.

<sup>18</sup> Aquíe izói monámona Moo dáinana dani cai jefodo cacádicai; mei afe ñue eneno nizeca ídumo afe cai Ocuíraimoíri jáidicaíza.

<sup>19</sup> Bie como cai llogafue baimo, jíáie nahí ua llogafue ite. Bie nahí uafue jaiái uícodo uai jino llóraimí lloga cuegáuai. Afe cuegáuai cai llogáuaina nabaide. Bínie nai jíitífo illa llezica búaina ráiruíñeno iere jeire óredíomoí. Aféuai mechera naio bóua jíitífo egáíñua izoide. Ua aféuai nai mona mónaíñenia, jíitífo egáíñua izói omoi comécina egáíñote. Afe mona monailla llezica monáíracudu izóidimie billano, omoi comécina ñue jaícina déitaitaie.

<sup>20</sup> Mei fueñe bífuego omoi coméciri: Cuegáuaillamo ite úicodo jino lloga daináfuiái dama afe uai lloráimamona llóñega.

<sup>21</sup> Mei onódicaiza, uai llóraini jaca dani íaioi comeci jítainafuiáido úríñediaioi. Mei jáífodo afe Juzíñamui íeiena maiñócamaci afémie dibéfodo úritiaioi; mei Ñuera Joreño ífócaiaioiza.

## 2

### *Táinofuiaina llófueñedino* (Jud 4-13)

<sup>1</sup> Mei íadi afe dáaruilláido Israel comini cígiri táinofuiái jino llóraini ite. Afe izói omoi cígiri táinofuiáido llófueritino íte. Afémaci dani fieni finode ifoci úrillafuena báinino omoi llófueítiaioi, comini Juzíñamuimo íaioi íinogafue féitallena. Daí aféuáido íaioina jíllotaite Ocuíraimana jáanoítiaioi. Afemona íaioi niné raire táinocaillífue dani íaioimo zúite.

<sup>2</sup> Íaioimo ite fiénidífue dibéñedo aillo comini jáitiaioi. Dani afémaci ícoinia cai ua ñue jaille iori fieni úritiaioi. Bie ñue ua cai jaille io Juzíñamui ñúefue.

<sup>3</sup> Íaioi aillo úcube llínoiacanamona, táinofuiáido omoi íaioi jífuiáido úcubena llínoítiaioi. Mei íadi íaioi niné táinocaitaitmie, íaioi finócafuiaina cóillano daí íaioi táinocaillífueña fáicanocaiñeno maméoida. Mei jaiai ninomo íaioi duere finóllena mamécaiaioiza.

<sup>4</sup> Juzíñamui abi imácimona dáarie fiénidífuego baíñdiaioi. Afémaci íaífueña Juzíñamui doñede. Doñeno duere zefuille iraimo íaioina orede. Jítifomo íaioina fiénocáide. Dinomo íco izire jicánolliruimo bai óllena cuinácaiaioi.

<sup>5</sup> Daje izói Noé illágima llezica fiénide comini íaífueña Juzíñamui doñede. Mei íadi jamánomo áillue jáinoido afe fiénidinona Juzíñamui nana fiéñeno fuitade. Afe fiénide náiraimona dama Noéna naa siete diga ie comíniri Juzíñamui jíllotate. Afe Noé jáicina ñúefuedo íaioina lletade íadi jamáiena faitíaioi.

<sup>6</sup> Bífue mei, daje izói Juzíñamui Sodoma jofue, Gomorra jofue imaci diga niné táinocaitate. Ua nana íaioi jofue bóua mei, daa imuícaí fiébilla. Ua daí izire niné táinocaitate, ie méifodo fieni íitino, bífuena cóillano, Juzíñamui fiénidino izire duere finófirede daíllena.

<sup>7</sup> Afeno bóocuamona Lot dainámie comeci ñuéñado íena jíllotate. Lot afe íairede comini fieni illáfueña ie ciónamona íe comeci jamánomo zúucaide.

<sup>8</sup> Bie comécina ñúemie Lot, nágarui fiénide comini cígiri ie illari, íaioi fieni finócafuiaina ciode; íaioi fieni úrillafuiaina cacade. Aféfuíai íe ñuera comécina zuure finode.

<sup>9</sup> Daí cai Ocuíraima nana íena ñue jacíruiño íaioi comeci fieni facátafuiaimona íaioi jíllollaena ñue onode. Daje izói afémie nana fiénidino íco íraicaíño íere jicánolliruimo duere finóllena oni eneno jóniana ñue onode.

<sup>10</sup> Nana íaire comeci jítainafue jeire óiacadinona Juzíñamui íere duere fínoite. Cai Ocuíraima ríinona jámaíruíitnona daje izói duere zéfuitaitiaioi. Afémaci llétana cacácaíñedino. Illáimana jacíruiñedino. Daje izói monamo ite joríaí izoide ríinoredinona báíñuana jacíruiñediaioi.

<sup>11</sup> Juzíñamui abi imaci afe fiénidino baímo ríinorediaioi. Daí íaioi illa íadi, afémaci afe joríaí izoide ríinoredinona fieni daíñediaioi. Ua cai Ocuíraima uécori afémacina báíñuafuedo “Duere zéfuitiomoi,” daíñediaioi.

<sup>12</sup> Afe fiénidino ríllenai izói abina onóñediaioi. Afe ríllenai da ebena illáfuego ítiaioi. Ñúefue dine comécíñediaioi. Fia llaitada fállena jocócaiaioi. Bie izói íitímíai ónoñegafuedo fieni úritiaioi. Mei íadi afémaci jiba rille izói tíitiaioi.

<sup>13</sup> Jáíe comini duere íaioi zefuítado duere finóbitiaioi. Ianori caimátaillífuedo jáíe íere íóbitadinocai, daíñediaioi. Afémaci meáidaitadimaci. Comeci fieni finode raa izói omoi cígiri ítiaioi. Daje llezica omoi finoca ráfuiáido nabáiriacadiaioi ómoína íaire finóllena. Táinona jífujete caimátailla raado jífanótiaioi.

<sup>14</sup> Afémaci nana ciona ringomo fia érocáíñeno llaitada jiruífue finócadiaioi. Afémaci fiénidífue finuana íere gáidiaioi. Afena fáicanocaiacañediaioi. Comécina náinidinona bífueta íaífuego úitiaioi. Naga raana izire máíñuana íere fibidiaioi. Afe izoide comini íaire faidócano.

<sup>15</sup> Afémaci Moo Juzíñamui ñuera íomona oni fiénidíodo jáidiaioi. Jaiai uai llóraíma Balaam ífuedo jáidiaioi. Afe Balaam Beor jíto. Afe Balaam fiénidífuiái íe finuado aillo úcubena llínoiacade.

<sup>16</sup> Mei jáífodo áfemona uáinide burra Balaam fiénidífuiái diné íena lletade. Afe burra come izói úrillano, Balaana úáírítadimie úrilla izói rairuállano íena úritañede.

<sup>17</sup> Nana bie táinofuena llófueridino jainoi iñeno jainoi orano zafénailla izóidiaioi. Jairífodo oni niné ñaitaca mona úillie izóidiaioi. Jamánomo jítirede jítinomo zíiñona íllena riire faidócaiaioi.

<sup>18</sup> Mei aillo abi íinua uáillaido naa taino uallai diga, ñuemacina jífuecana uitíaiioi. Iaiói íaifuaído, comini abi jítainafuaii diga jíáimacina bífuetiaioi. Ua íaifue dibénemo itínomona uáfueña jíllodinona meine íaifue mo nane bífuaídiaioi.

<sup>19</sup> Uícodo raire llotíaiói: “Uafue ráiruñega comini izóí íitiomoi,” daífirediaioi. Mei íadi afe daina llezica, dani afémaci íaifue dibénemo izire jaináitaganona itíaiói. Iemona afémaci fiénidífue fínua fáicanocainidiaioi. Illa dígamie íena anáfenode raa íena náamatade. Iemo afemo izire jaináitagamiena jaide.

<sup>20</sup> Mei cai jíllotate Ocuíraima Jesucrístona onódimaci, éniemo ite íaifuaímona oni jíllodiaioi. Bimácimona dáarie íaiói jíllua mei nauí íaiói anáfenogafue mo abido íaiói baíadi, nano íaiói illa baimo, jamánomo figóñeite.

<sup>21</sup> Juzíñamui ñuera íona íaiói onóñenia afefue afémacimona figóñede. Mei íadi ja Juzíñamui íona onona mei, íaíoi mo iga ñuera lletárafuaína féitaadi, afefue jamánomo fiénide.

<sup>22</sup> Jaíai daina ua uai como afémacimo zúilla. Aféuai daíde: “Jico íe cicúecana abido güzajide. Daje izóí mero abina ñue jococa nane dama íe íaíbimo nane jabíjabiázaide,” daíde.

### 3

#### *Cai Ocuíraima billífue*

<sup>1</sup> Cue izíruiga ámatiai, omoi cácarei. Bie méifoidibe ómoimo cueticue. Ménacaño ómoimo cue orécabedo ómoína abi jífueñeno bífue mo comécíitaacadícue. Ñue llófueinafuedo ómoína comécíitadicue.

<sup>2</sup> Afe jira jaíai ñuera uai lloraini caimo llogáfue mo omoi uibíoi. Daje izóí Cristo orécamaci ómoimo lloga jíllotate Ocuíraima lletara uaimo féitañeno afemo omoi comécíiri.

<sup>3</sup> Nano fueñe bífue mo omoi uibíoi: ico íirairuillado Juzíñamui lloga ñúefuaína zanófredino bíitíaiói. Afémaci dani íaiói comeci fiéni óicanafuaído itíaiói.

<sup>4</sup> Afémaci ómoimo zanoda jícanoítiaioi: “¿Ninomo ite ómoimo lloga meine bite Cristo? ¿Némei afe? Cai jáiaigima tílla méifomo naga raa daje izóí ite. Ua énie comuillarumona naga rafue daje izóí jáioicaide.”

<sup>5</sup> Daí llóitíaiói, mei jaíai ninomo monana Juzíñamui íe uaido fínua fue mo comécíitacañediaoiza. Afe izóí Juzíñamui uaido ocuillamona, zocade raa zocai izoi, bínie jáinoimona comuide. Iemo jainoi cígido bínie Juzíñamui íe uaido riire itábicaítate. Aféfuena náfueñeno bie zanófredino onóacañediaioi.

<sup>6</sup> Afe mei daje izóí énie anábaitade áillue noci aféruillaido bie éniemo ite cáadinuáiina niné táinocaitaíbite.

<sup>7</sup> Mei íadi birui ite mona énie diga daje Juzíñamui daina uaido táinocaitalle irai íena oni jóneoiga. Afe irai fiénidinuái niné táinocaillirumo ico íiraicaíño íere jícanollirumo afe bíniéna naa mona diga cuarítaite.

<sup>8</sup> Izíruiga ámatiai, bie módomo ífue na omoi féitañeno íri. Cai Ocuíraimamona daa mona mil fimona izóideza. Daje izóí afémiemona mil fimona daa mona izóideza.

<sup>9</sup> Cai Ocuíraima íe daínáfuaí fuitállirumo dúcia bai jáíruimo dúíñoñeite. Dámierie afémiena jáíruimo dúíñoite daífirediaioi. Mei íadi afémie cairi járitañede. Afémie buna oni fáíiacañede, mei jáíifodo caimo ite fiénidífuai ñúefuena méíidollena afémie íere jítaide. Afémie aféruína bai jáíruimo dúíñoñeite. Féitañeno íe mamécaruimo zúite.

<sup>10</sup> Cai Ocuíraima billíruí meríriraíma naío bílla izóí, nai due ócuriñeítiaíoimo déizaíbíteza. Afe billíruimo mona naa íemo ite ránaíari jacire niné táinoficaíte; afena íere ficire cácaíte. Nana afe mona fínua ráanaí naa úcaíari iraimo niné táinocaíte. Afe llezica bínie naa íemo ite itínuíari cúarite.

<sup>11</sup> Ja nana daí táinocaillífue na omoi fidínamona, nana íaífue mona abi omoi rairuillífue íere jítaírede; benómona afémiena caimare íóbitaredicai. Ua Juzíñamui íeíena omoi illífue íere jítaírede.

<sup>12</sup> Mai Juzíñamui íe nahí íállamana cíocaizaíbíllirumo omoi úíñori. Uíñua llezica, omoi onógafuedo aféruína raire mai omoi járidori. Aféruillaido mona ero iraido niné táinocaíte. Nana énie fínua ráanaí iraimo niné íbina jáítiaioi.

<sup>13</sup> Mei íadi Juzíñamui uícodo caimo lloga comue monamo comue éniemo ocuírídicaí. Afe comue éniemo mona diga, nana raa ñue jaícina jóite. Naga raa náífuenite.

<sup>14</sup> Izíruiga ámatiai, mei benómona nai bífue mo omoi úíñoína llezica, nana ómoimo ite ríinodo omoi illafue jaícina jóñeri. Daí omoi comeci caimare uái illafue dibénemo íllamona

Juzíñamui ómoimo eróicaizabilleza. Afe izóí omoi comeci íaicaiñeno nífuenino Juzíñamui ómoimo cíozabilleza.

<sup>15</sup> Nane jííifuemo omoi comécioiri. Afefue daide: Cai Ocuíraima comínimo járitaiñenafue, ua cai jíilloiffue. Daa bíuai cai izíruiga ama Pablo ómoimo cuete. Juzíñamui íemo lloga comeci jáicina fibíllafuedo cúefirede.

<sup>16</sup> Nana afémie orécabiaino daa bífuiái llote. Mei íadí dáarie ie uailái ñue onóillena iere féirede. Abina onóñedino afe féirediuaína jííifodo mamédiaíoi. Afe izóí jabo ínotino aféuaina jííifodo dobáiñotiaíoi. Daje izóí jíáie Juzíñamui Cuegáuai lloga uáillaina oni jííifodo áifedotiaíoi. Afemona afémaci dani abi niné táinocaitaitiaíoi.

<sup>17</sup> Izíruiga ámatiaí, nana bífuiaina ja uícodo onódiomoiza, mai fiénidinomona abí omoi rairuiri, afémaci jífuerrillafuedo meine abido íaifuemo omoi báiza; omoi jeire oga ñúefuena niné féiza.

<sup>18</sup> Mei jííifodo, cai jíllotate Ocuíraima Jesucrístona, mai jamánomo ñue abina omoi onoiri. Caina ie duéruillafuemo, omoi comeci ífue aillo oni móonaitaicaíri. Iere ebire ñúefue dama Jesucrístomo mai birui omoi nitari. Daje izóí zíñona ebiredífue afémiemo mai omoi nitáñreiri. Mai. Jae ñíie.

## NANOIDE SAN JUAN CUEGABE

### Primera Carta del Apóstol San Juan

*Cáatate úrilla uai*

<sup>1</sup> Nana raa nano taineina llezica itímiedo ómoimo cueticai. Afémie Jesucristo. Afémiemona cai cacánana lloticai. Dani cai uído cai ciónana lloticai. Afémiemo eróidicai. Afémiena dani cai ónoido jetádicai. Afémie Juziñamuimona uaillai lluaíbitimie. Afémie uai caina cáatate.

<sup>2</sup> Afe cáatata itímie cai onóillena caimo cíocaide. Afémiena cíollanona íemo uai faiticai. Afémie fecalle ziiñona cáananona ómoimo jino lloticai. Nanómoma afémie Moo Juziñamui diga íte, íe mei caimo cíocaide.

<sup>3</sup> Jira cai cacánafue cai ciónafue diga uáfueña jino lloticai, daaco comínina omoi cai diga íllena. Ua afe izóí uáfueña Moo Juziñamuimo dájena jaináidicai. Daje izóí íe Jitó Jesucristo jaináidicai.

<sup>4</sup> Jira aféfuiaína ómoimo cueticai aféuaido jamánomo caimare ñue omoi íllena.

*Juziñamui nairai comeci egáioidimie*

<sup>5</sup> Bie úrillaui Jesucristo caimo llogáuai. Afena jino ómoimo lloticai: Juziñamui comécina egáioidimie. Afémiemo jaca jítona íñede.

<sup>6</sup> Dájena afémiemo jaináidicai cai daiíadi, íadi afe llezica jítifodo cai macáadi, taino lloticai. Daje izóí táinona finódicai.

<sup>7</sup> Mei íadi Juziñamui úzefomo illa izóí, daje izóí úzefomo cai macáadi, ua dájena conímamo jaináidicai. Íemo íe Jitó Jesucristo íe cruzmo tállamona, íe die tótajamona nana cai fiénidífuiai dote.

<sup>8</sup> Cai fiénidífuie íñede cai daiíadi, cai abi jífueticai. Táinofuefiredimacidicai.

<sup>9</sup> Mei íadi Juziñamui ñue jaícina finóllifueño afemo ínoredicai cai fiénidífuiai jino cai llóíadi, uáfueña afe fiénidífuiaína afémie dóite. Nana íemo fienu cai finócafue íbana caimo óñeite.

<sup>10</sup> Cai fiénidífuiai finóñedicai cai daiíadi, Juziñamui táinofueredena cíotataíticai. Íe úrilla uaina uáfueña jeire onédicai.

## 2

*Cristo cáiconi ñue úriraima*

<sup>1</sup> Cue jíttóíai, bífuiai ómoimo cueticue, íáiredífuiaimo omoi báííñellena. Mei íadi dámie íáiredífuiai finóadi, Moo uíécomo cáiconi ñue úritimie íte. Afémie Jesucristo. Ñue jaícina itímie.

<sup>2</sup> Jesucristo cai fiénidífuiai ícoína fagámie. Dama cai ícoínañedeza, mei íadi nana énie comini fiénidífuiai ícoína.

<sup>3</sup> Juziñamui ocuífuiái íere cai cacáreadi íena onódicai fidiíticai.

<sup>4</sup> Mei íadi dámie “Íena onódicue” daiíadi íe ocuífuiái íere cácareñeniadi, afémie taino lloraima, ua táinofuefiredimie.

<sup>5</sup> Mei íe íbana Juziñamui ocuífueña finódimie, jae Juziñamuina nabéfuena izíruite. Daií áfede íemo cai jainánana fidídicai.

<sup>6</sup> “Juziñamuimo jaináidícué” dámie daiíadi Cristo maca izóí íe macállino jíttáirede.

*Comue ocuífue*

<sup>7</sup> Cue izíruigamaci, comue ocuífue ómoimo cueñédicue. Afefue nanómoma ómoimo ítifue. Afe jaíai rafue daje omoi cacana úrillafue.

<sup>8</sup> Mei íadi ómoimo cue cuegafue comue ocuífue izóí ómoimo ífcaizabíte. Bie ocuífue Crísto nahí ua ráfuena íte. Afe izóí bie ocuífue ómoimo nahí ua ráfuena íte. Afefue ua nahífue, jífino oni jáioicaideza. Jae ua comécina egáíñollena ñue egáioinaza.

<sup>9</sup> Dámie “úzefomo íticue” daiíadi, íadi jáímana nai éoia, afémie nai jíttífono íte.

<sup>10</sup> Íe ámana izíruitimie úzefomo íte. Afémiemo minícana fiénidífuiaimo baíítaitena íñede.

<sup>11</sup> Mei íadi íe ámana éoicaidimie nai jíttífono íte; ua jíttífono macade. Niné jáideza onóñede, jífino uina cíotañena jira.

<sup>12</sup> Jíttóíai, ¡omoi cacai! Juziñamui Jesucristo títtáinanomo omoi fiénidífuiai íbana ote. Íe jira bífue ómoimo cueticue.

<sup>13</sup> Móotíai, ómoimo cueticue, nano tainéinanomo itímiena jae omoi onona jira. Jítócomini, ómoimo cueticue, Taífena omoi anáfueña jira.

Jitótiai, ómoimo cueticue, ja Moona omoi onóicailla jira.

<sup>14</sup> Móotiai, ómoimo cueticue, nano tainéinanomo itímie omoi onóicailla jira. Jitócomini, daje izói ómoimo cueticue omoi rifredimacina jira; omoi comécimo Juziñamui úrilla uai jeire omoi ua jira; Taifena omoi anáfenua jira.

<sup>15</sup> Biniemo ite Juziñamuina bacáuairédino finócafuiaina izíruiño omoi iri. Dámie afémaci finócafuiaina izíruiadi, afe llezica Moo Juziñamuina izíruiñeite.

<sup>16</sup> Nana íaioimona lloga ráfuiái minícana Juziñamuimona biñede. Fia dani íaioi cígimona comuide. Comécina íairedemona fieni óiacanafue bite. Cai ui ióbicailla jítaillamona jíáie fieni óiacanafue bite. Caímo ite ráaniaimona fieni abi ínuafue bite. Nana afe billáfuiái biniemo ite Juziñamuina bacáuairédino llóolloga.

<sup>17</sup> Afena bacáuairédino fúioicaide, naa íaioimo ite fieni óiacanafuiái diga. Mei íadi Juziñamui jítáinafue finódímie jaca ninomo zíñona ite.

*Uafue tánofue diga dájemo jaináñede*

<sup>18</sup> Jitótiai, jae írairuimo dúcidez. Cristo uáitaoidímie bíllana cacádiomoi. Ja birui aillo Cristo uáitaoidino cíocaide. Ie jira birui írairuina onóicai.

<sup>19</sup> Afémaci cáimona jino jáidiaioi. Mei íadi uáfuea cáieñediaioi. Uáfuea cáiena íaioi íadi, cairi fiébite. Ua afémaci cáimona jino jáidiaioi nana cáieñeitiaoiza uáfodo daíí áfedo onóillena.

<sup>20</sup> Mei íadi Cristo Ñuera Joreñoa igáomoi; lemona afémiedo onótagaomoi.

<sup>21</sup> Omoimo cueticue mei, uáfuea omoi onona jira. Uáfuea omoi onóñenamona cueñédicue. Uáfueamona jíáie daa tánofuea comúñide. Jae onódiomoiza.

<sup>22</sup> ¿Bu tánofueredímie? Jesuna Cristoñede daidímie, afémie dama tánofueredimiena. Níimie Crístona uáitaoidímie. Afémie Moo Juziñamuina jáanote. Afe izói ie Jitona jáanote.

<sup>23</sup> Jitona jáanotímie afémiemo daje izói Moona íñede. Mei íadi Crístona jírúitímie daje izói Moona onode.

<sup>24</sup> Ie jira, nanómoma omoi cacana úrillafue omoi comécimo ñue omoi jóoneoiri. Jira nanómoma omoi cacánafue ñue omoi coméciaa Juziñamui Jitomo dájena íitiomoi. Afe llezica cai Moori dájena íitiomoi.

<sup>25</sup> Jesús uáfuea uícodo llote, zíñona cáananona caímo fecállena.

<sup>26</sup> Omoi jífueiacadinodo bifue ómoimo cueticue.

<sup>27</sup> Mei íadi Jesucristo ómoimo fecaca Ñuera Joreño ómoimo ite. Ie jira daíí buna ómoimo llófuenidiaioi.

Daje Ñuera Joreño nana ráfuiaina ómoina llófullofuede. Afémie llogafue uafue; tánofueñede. Jira daíí Crístomo dájena omoi iri, Ñuera Joreño ómoimo llua izói.

<sup>28</sup> Jitótiai, mai birui Crístomo dájena jaináicairi, afémie cíocailliruimo ie dánana ñue cai íñollena. Daíí ie bíllemo ie uiécona méairuñeiticai.

<sup>29</sup> Ja onódiomoiza Jesucristo ñue jaícina finódímie. Afemona daje izói nana jaícina finódino Juziñamui jítótiaiza onóitiomoi.

### 3

*Juziñamui jitótiai*

<sup>1</sup> Mai ¡comécimo faca! Nii jamánomo Juziñamui caina izíruiilla. Iemona ie jitótiaina mamédicai. Jae áfedicai. Ie jira éniemo ite Juziñamuina éoidino cai izói comécíñediaioi, mei Juziñamuina íaioi onóñena jira.

<sup>2</sup> Izíruiiga ámatiai, jae Juziñamui jítódicai. Írairuimo cai íficaillífuea nai caímo ácatañega. Mei íadi onóicaiza, Jesucristo cíocaia afémie izói íiticaí, ie illa izói námiena cai ciona jira.

<sup>3</sup> Nana afémiemo daíí comécídimaci dani dáamaci nana íaífuiaimona ñue dóficaitadiaioi, mei Jesucristo íáífuenedímie illa izói íiticaí.

<sup>4</sup> Mei íadi nana fiénidífue finódímaci Juziñamui ocuífue uáitajano jámairuite. Mei jira fiénidífue ocuina ráfuea uáitaoina.

<sup>5</sup> Jae Jesucristo bie éniemo cai fiénidífue oni duáíbillana onódiomoi. Daje izói afémiemo nífue íñénana onódiomoi.

<sup>6</sup> Mei jira nana afémiemo dájena jaináioicaídimaci fieni macánidiaioi; mei íadi nana fieni macáfiredímaci afémiena jaca cíóñediaioi; íena onóñediaioi.

<sup>7</sup> Cue jitótiai cacai. Buna ómoina jífueñellena nane dáíiticue; ñúfue finóñedímie ñúemie, Jesucristo ñúemiena illa izói.

<sup>8</sup> Mei íadi fieni macáfiredímie Taífemo jaináidímie, mei nanómoma Taífe fiénidífueiaíredimiena ite. Uafue Juziñamui Jitó Taífe finócafuiái tánocaitaíbite.

<sup>9</sup> Juzíñamui jítótiaimona jaca buna figóñeno macáoicaiñede, Juzíñamui íemo iga cáanano íemo illa jira. Afémie fiénidifuenta finóñinide, Juzíñamui jitoza.

<sup>10</sup> Afedo bu mei Juzíñamui úruiaínaza, bu mei Taife úruiaínaza onódiomoi. Uafue nímierie ñuefuenta finóñenia, ie ama íziruiñenia, afémie Juzíñamui dibénemo ítímieñede.

*Conímana cai izíruillafue jítáirede*

<sup>11</sup> Mei jii nanómoma omoi cacana úrilla uai, be nie uai: conímana cai izíruillafue jítáirede.

<sup>12</sup> Caín izói omoi íñeno iri. Afémie Taife dibene ímie, íemona ie ama titade. ¿Ñibái mei íena titade? Caín úradoillano ie ama titade, Caín finócafuiái figóñena jira; mei íadi ie ama finócafuiái ñuera.

<sup>13</sup> Cue ámatiai, Juzíñamuina bacáuairédino ómoína éoinamona fáigacaiñeno iri.

<sup>14</sup> Jae tízaille íomona zíñona cáaillimo dóbaicaidicai. Afena onódicai, Jesuna ínotinona cai izíruilla jira. Mei íadi izíruíñedímie tízailloido jai.

<sup>15</sup> Nágamie ie abi cómena éoidímie cómena titádímie izói ite. Iemo come titádímie comécimo zíñona cáanano íñénana onódiomoi.

<sup>16</sup> Jesucristo ie cáanano cáiconi iga; áfedo nana izíruillafuiaina onódicai. Afe izói cai cáananona lloñeno Jesuna ínotinori daí abina zóoferedicai.

<sup>17</sup> Dámie ie illínomo jítáirede raa ítemo, ie aino come jitaica raa íñénana cióllano, mei íadi íemona jeruide, ¿ñie izói Juzíñamuimo izíruillafue ie comécimo íteza? ¡ñede!

<sup>18</sup> Cue jítótiai, ífia fuenta daina uaido mai cai izíruíñeno iri! ¡Mei íadi ñue finóllifuiáido uafue izíruillafuedo mai conímana cai izíruiri!

*Juzíñamui uíécomo ñue íena ínofirenafue*

<sup>19</sup> Jira daí uáfue mo jaináidimacídicai onódicaiza; nane aféfuemona Juzíñamui uíécomo ñue íena ínofiredinodicai.

<sup>20</sup> Cai comeci cai ícoinia llóiadi, Juzíñamui cai comeci baímo aillo ñúemienaza onódicai. Afémie nágafuiái onode. Iemona afe ícoinia caímo íbana óite.

<sup>21</sup> Mei jira, izíruiga ámatiai, cai comeci cai ícoinia lloñeniadi Juzíñamui uíécomo ñue íena ínofiredinodicai.

<sup>22</sup> Nana íemo cai jicaca raana fécaite, ie ocuífuiaina jeire cai úamona; ua íena cai íóbitamona áfeniaina caímo fécaite.

<sup>23</sup> Afémie ocuífue daide: “Ie Jitó Jesucristomo cai ínori. Afe emódomo cai conímana cai izíruiri afémie cai ocuilla izói,” daí daiñocaide.

<sup>24</sup> Ie ocuífuiaina iere cacáreidímie afémieoiri ítiaoi. Daje izói afémie nágarui íaioiri ite. Afémie jaca caímo íllana onódicai. Ua áfena afémie caímo iga Ñuera Joréñodo onódicai.

## 4

*Ñuera Joreño Crístono uáitafirede jóriaina anáfenoacade*

<sup>1</sup> Bie énie táínofuiái llotinona oruízaideza. Afémaci “Juzíñamuimo úriticai,” daidíai. Izíruiga ámatiai, jomoi cácarei! Naga “Juzíñamui dibéfodo úriticai” daidímiena ínoñeno iri. Mei íadi íaioina facátari, ñie joreño íaioimo íllana onóillena, Juzíñamui ie, ñibái íeñede.

<sup>2</sup> Juzíñamui Joréñona ítímie omoi onóillifue llóiticue. Nágamie Jesucristo ua cómena biniemo bite jino onótatímie, afe cómemo Juzíñamui Joreño ite.

<sup>3</sup> Mei íadi daí jino onótañedímie Juzíñamui Joréñoñedímie. Afémie mo Crístono uáitafirede jóriai ite. Afe izóidena fiénide jóriai bíllena ja cacádiomoi. Mei afe jae bie éniemo ite.

<sup>4</sup> Jitótiai, omoi Juzíñamui íedíomoi. Omoiri ítímie baímo ríñorenamona, afe táínofiredinona jae anáfendíomoi, mei íaioi daínáfuiái omoi ínoñena jira. Biniemo ite táínofiredinori ítímie jabóidímie.

<sup>5</sup> Afémaci Juzíñamuina bacáuairédinomo jaináidino, ie jira Juzíñamuina bacáuaido úritiaoi. Iemona biniemo ite Juzíñamuina ínoñedino afémacimo cacáreidíai.

<sup>6</sup> Mei íadi cai Juzíñamui íedíicai. Juzíñamui onódimie caímo cacáreide. Mei íadi Juzíñamui íeñedímie caímo cacáreíñede. Afedo uafue uaina llófueinafuenta onódicai; daje izói jífuetena llófueinafuenta onódicai.

*Juzíñamui izíruitímie*

<sup>7</sup> Izíruiga ámatiai, conímana cai izíruilla jítáirede; izíruillafue Juzíñamuimona bíteza. Nana izíruillafuiairedino Juzíñamui jítótiai. Afe llezica Juzíñamuina onódiái.

<sup>8</sup> Juzíñamui jamánomo izíruillafuiaina oruídímie, ie jira izíruillafuenidímie Juzíñamuina onóñede.

<sup>9</sup> Juzíñamui daade ie Jító ana éniemo orede afémiedo cáananona caimo íllena. Afedo ie caina izíruillafue caimo ácatate.

<sup>10</sup> Afe óriado uáfueña izíruillafueña cai fidítate. Juzíñamuina cai duéruia nahí izíruillafueñede. Mei íadi afémie caina dúecaillano cáiconi ie Jító ória, afe nahí izíruillafue. Ua Juzíñamui cai fiénidifuiái ícoina cai jiáinona duere finóllimiena ie Jító orede.

<sup>11</sup> Izíruiga ámatiai, Juzíñamui daí caina izíruillamona, afe izóí conímána cai izíruillafue jítáirede.

<sup>12</sup> Juzíñamuina jaca buna cióñena; mei íadi conímána cai izíruia Juzíñamui cai comécimo ite. Afe ílla dáaruido Juzíñamui izíruillafue caimo ñue riire comuíoicaide.

<sup>13</sup> Juzíñamui dibénemo cai íllana, cai comécimo Juzíñamui íllana ónorede. Afena ie Ñuera Joreño caimo fecáinado onódicai.

<sup>14</sup> Moo Juzíñamui ie Jító orede afémiedo comíni jilloíllena. Iena daní ciódicai. Afena jino uáfodo lloticai.

<sup>15</sup> Nágamierie Jesús Juzíñamui Jítóna onótatimie, jaca Juzíñamui diga ite. Daje izóí Juzíñamui afémie comécimo ite.

<sup>16</sup> Daí Juzíñamui caina izíruillana fidítagacai. Aféfuena ínoticai. Juzíñamui jamánomo izíruillafuiaina oruúdimie. Izíruillafueño ítimie Juzíñamuimo ite. Afe izóí Juzíñamui afémie comécimo ite.

<sup>17</sup> Daí jamánomo ñuera izíruillafue caimo comuíoicaide. Iemona írairuimo facátalliruido ñue iena ínofiredinona íticai. Mei Jesucristo bie éniemo ñue cámmamiena ílla izóí afe izóí íticai.

<sup>18</sup> Izíruinafuemo jacíruillafue íñede. Mei jira ñue jaícina izíruillafue jácifueña jino orede. Mei jácifueño duere finótajano ite. Ie jira jacínaitimie ñue jaícina izíruioicaíñede.

<sup>19</sup> Cai Juzíñamuina izíruíticai, nano fueñe caina ie izíruilla jira.

<sup>20</sup> Dámie daíadi “Juzíñamuina izíruíticue” mei íadi afe llezica ie daano cómena éoia, afémie tánofueredimie. Uafue dámie ie ciona daano cómena izíruíñede, afe llezica cióñena Juzíñamuina izíruinide.

<sup>21</sup> Juzíñamui caimo iga daa ocuícáfue. Afe bie ocuícáfue daide: “Juzíñamuina izíruítimie daje izóí ie aino cómena izíruiri,” daide.

## 5

### *Cai dinena bíniemo ite fiénidifuiaina anáfenoíticai*

<sup>1</sup> Nágamie Jesús Crístona ínotimie Juzíñamui jító. Dámie come moona izíruítimie afe izóí afe moo jítótaiaina izíruite.

<sup>2</sup> Moo Juzíñamuina cai izíruia, afe llezica ie ocuícáfueña cai finóadi, Juzíñamui jítótaiaina cai izíruillana ja ónoíticai.

<sup>3</sup> ¿Mínica Juzíñamuina izíruillafueña? Mei ie ocuícáfuiaina jeire cai ua. Ie ocuícáfuiái légienide;

<sup>4</sup> mei naga Juzíñamui jító éniemo ite fiénidifuiaina anáfenorede. Ua cai ínuafuedo éniemo ite fiénidifuiaina anáfenodicai.

<sup>5</sup> Dama Jesús Juzíñamui Jítóna ínotimie éniemo ite fiénidifuiaina anáfenorede.

### *Juzíñamui Jítomo uai nabáíllafue*

<sup>6</sup> Jesucristo jainoi die diga ciócaizaíbitimie. Ie báutizaillaruiemo Juzíñamui Jítóna comíni fidítagaiaioi. Afe izóí ie tízaillaruiemo, dama ie abi zóofiano, ie die tóíllamona áfedo comíni onótagaiaioi. Fia jáinoíñedeza, íadi jainoi die diga bite. Jesús Juzíñamui Jítónafueño Ñuera Joreño uai nabáiraima. Ñuera Joreño llogafue uafue.

<sup>7</sup> Afe Jesús Juzíñamui Jítónafueño damieámáni uai nabáiraima monamo ite: Moo Juzíñamui, Juzíñamuimona Uaillai Lluáíbitimie, Ñuera Joreño diga. Bie daámáni come daináuai dáamiemo jainaide.

<sup>8</sup> Eniemo daje izóí daámáni uai nabáiraima ite: Ñuera Joreño, íemo Jesús báutizaja jainoi, íemo ie tíllaruimo totaca die diga. Bie daámanide dane dáamiende.

<sup>9</sup> Comíni uai nabáíllafue llínofiredicai, mei íadi Juzíñamui uai nabáíllafue jamánomoide, ie jira ie Jítóna uai nabáíllafueña cai ínnolle iere jítáirede.

<sup>10</sup> Juzíñamui Jítóna ínotimie bie uai nabáíllafue dama ie comécido úicade. Juzíñamuimo ínoñedimie Juzíñamui tánofueredena ciótate, Juzíñamui ie Jítóna uai nabáíllafue dainana ie ínoñena jira.

<sup>11</sup> Afe daináfuedo Juzíñamui daide: zíñona cáanano afémie caimo iga. Afe cáanano ie Jítodo bite.



<sup>12</sup> Juziñamui Jitona comécido llinotimiemo afe ziiñona cáanano ite. Mei íadi Juziñamui Jitó comécido llinoñedimiemo afe cáanano iñede.

*Juan úraicaiño lluáfuiái fuizáillafue diga úrite*

<sup>13</sup> Ja Juziñamui Jitona ñnotiomoi. Jira bifue ómoimo cueticue ziiñona cáanano ómoimo illana omoi onóllena.

<sup>14</sup> Juziñamui uáfueña caimo cacáfirenana ñnofiredicai. Daa minícana cai jicáadi ie comeci jítaina izói, afémie cai daina cacana onódicai.

<sup>15</sup> Mei jira afémiemo cai úrillana Juziñamui cacáfirenana onódicai. Afena onónamona cai jicácana afémie caimo fécana daje izói onódicai.

<sup>16</sup> Cómena títañeite fiénidifue ite. Dámie ie aino come afe fiénidifue fínuana cióadi, Juziñamuimo afémieri jicari. Iemona Juziñamui cáananona íemo fécaite. Titade fiénidifue ite. Afemo Juziñamuimo omoi jicari daiñedicue.

<sup>17</sup> Nana fiénidifuiái íaifue; come comécina titade. Mei íadi jíáie íaifue ite; afefue cómena títañeite.

<sup>18</sup> Juziñamuina Móoredimie íaifuedo macáñeieza onódicai; mei Juziñamui Jitó íena úiñoteza. Ie jira Taife íena ocuñide.

<sup>19</sup> Juziñamui íedicaiza onódicai. Afe izói nana bínie comini Taife ocuífue anamo itíaióiza onódicai.

<sup>20</sup> Juziñamui Jitó jaiái bíllana onódicai. Afémiedo ua nahí Juziñamuina onótagacai. Afe Uámieimo jaináicana iticai. Afefue daiíacade Juziñamui Jitó Jesucristo dibénemo iticai. Afémie nahí Juziñamui. Afémiemo jaináicana cai íadi ziiñona caína cáataite.

<sup>21</sup> Jitótiai, mai jánaraimo caimátaiñeno omoi iri; daje izói nana jíáie jífujete jóriaimona abi omoi rairuíri. Jae ñie.

## MÉIFOIDIBE SAN JUAN CUEGABE

### Segunda Carta de San Juan

#### *Uafue íemo izíruillafue diga llóiticue*

<sup>1</sup> Ja éicomedicue; ocuiraímadicue. Jae Juzíñamui nizeca cue miringo izóidingodio. Bie rabe ómoimo cueticue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfueña izíruiticue, mei dama cúeñedeza. Nana uáfueña onódino daje izói afémacina naa ori izíruitiaíoi.

<sup>2</sup> Ñue uafue ícoinia ómoína izíruiticue. Afe uafue cai comécimo ite; ie mei afefue jaca ninomo cairi íite.

<sup>3</sup> Moo Juzíñamui ie Jitó cai Ocuiraíma Jesucristo diga, ómoína cáimacaitaite. Afémie dúecaillano jamánomo izíruillafueña ómoimo llóite, naa comeci caimare uái illafue diga. Izíruillafueña uáfueña nana aféfuiaína cai onótate.

<sup>4</sup> O jitótiaímona dáarie uafue daina izói mácana fidídicue. Afefue cuena íóbitade, mei Moo Juzíñamui daíí cai ocuúdeza.

<sup>5</sup> Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícáfueñede. Mei íadi afefue nanómona caimo ite.

<sup>6</sup> Bie izíruillafue daííacade Juzíñamui ocuilla izói cai finóllena. Ja nanómona omoí cacana izói afe ocuícáfue daide: “Izíruillafuedo omoí macari.”

#### *Jífueriraini ífue*

<sup>7</sup> Mei jii, aillo jífueridino bie éniado macádiaíoi. Afémaci Jesucristo ua come izói billana uáitataíoi. Daíítadímie jífueriraíma. Afémie Crístona uáitaíoe.

<sup>8</sup> Afémiemona abí omoí rairuíoi o táijina oga comeci ñúefue táinocaiñellena. Iemo jiaí afémiemona abí omoí rairuíoi nana o táijina iba ñue Crístonona jaícina óllena.

<sup>9</sup> Níimie Cristo llogáfueño comécíñeno nibéfodo jáidímie, afémie comécimo Juzíñamui íñede. Mei íadi Cristo llogáuaimo comécíidímie comécimo Moo Juzíñamui ite, ie Jitó diga.

<sup>10</sup> Dámie ómoína llófuaíbiadi, íemo bie Cristo llogáfueña atíñeniadi, íena uáidoñeno, jofó eromo llínoñeno omoí iri.

<sup>11</sup> Iena uáidotímie, afémie lloga íaífue dáafueña llínoíteza.

#### *Fuízájidiuái*

<sup>12</sup> Ómoína aillo daííacadicue, mei íadi rabelo cúeíacañedicue. Omoí dani conima uíecomó cue úrizaillena úíñoiticue. Afe daíí cai cáimafue jaícina íficaite.

<sup>13</sup> Omoí ebuño izoide benomo ite iglesia daina Juzíñamuimo jaináidino daje izói Juzíñamui nizécamacai. Afémaci omo uai orédiaíoi. Jae ñíe.

## IIRAIIBE SAN JUAN CUEGABE

### Tercera Carta de San Juan

*Gáyodo ñuefueña úritimaci*

<sup>1</sup>Ja éicomedicue, ocuiraimadicue. Cue izíruiga nabaimo bibe cueticue. Bímie mámecí Gayo. Afémiena uáfueña izíruiticue.

<sup>2</sup>Cue izíruiga ama, orí Juzíñamui jicáfiredicue áfedo nana o finócafuiai ñue móonaillena. O abi caimare náireillena jicádícué, o joreño ñue nífuenina izóí.

<sup>3</sup>O ñuefuedo macáfírenafue dáarie ámatiaimona cue fídiamona, afe cuena iere ióbitade; mei ua onódicueza o jaca ñuefuedo macáfíredío.

<sup>4</sup>Ua ie baímo cue ióbillena ñíede. Afe cue cacana cue jítótiai uáfueño comécidíai; áferi jamánomo ióbídicue.

<sup>5</sup>Izíruiga ama, o illánomo ite ámatiaina o canóllena figura. Ie mei oni jíáinomona bite ámatiaina o canóllena jamánomo ñuera.

<sup>6</sup>Juzíñamui mámecido gairídimaci uícomo íaioina o izíruillafue jino llotíai. Izire daídícué: Maí íaióí cano; íaióí jáilliruiño jitaica raana íaioimo ine; áfedo caimare íaióí jáilleza. Ua Juzíñamui ióbilla izóí íaióí cano.

<sup>7</sup>Mei jira afémaci Jesucristo tájinafuedo jázaidíai. Afe cánuana Juzíñamui ónoñegamacimona llínoñediaí.

<sup>8</sup>Ie jira íaióí jitaica raana caí finóredícaí, afémacina caí canóredícaí. Afedo íaióí uáfueña llúana canódicai.

*Diótrefes fiénino mácafue*

<sup>9</sup>Juzíñamui mámecido gairífiredinomo cuegafue lluabe nauí orédícué, mei íadi Diótrefes caí ocuilla ríinona óiacañede, íaióí cígímo úicofiacadímie illa jira.

<sup>10</sup>Ie jira cue jáiadi ie fiéní mácafue jino uáfodo onótaitícué, nana ie fiéní úrioinafue, ie táinofuerena caína uáitaoinafue diga. Ie mei afe baímo bitino ámatiaina afémie llínoñede. Afe llezica afe bitino llínoacadimacina rairuillano, afémie gairídimacimona íaioina jino jiude.

<sup>11</sup>Izíruiga ámatiai, fiéní onótarafuíaído jáíñeno iri. Ñúefue finori. Ñúefueña finódimie Juzíñamui ímie, mei íadi íaífuiai finódimie Juzíñamui jaca onóñede.

*Demetrio ñuera onótafue*

<sup>12</sup>Nana comini Demétríori ñue úritíai, mei afémie ñue mácafue uáfóri cíóideza. Dani caí nane aféfuemo ñue uai nabáiraimacídícaí. Iemona uáfueña caí daífírenana onódiomoi.

*Uai Fuizájillauai*

<sup>13</sup>Ona aillo daífacadícué, mei íadi rabedo cúeiacañedicue.

<sup>14</sup>Ona raire cíoillena úíñotícué. Aféruído conima uíécomo eróicana úriticoco.

<sup>15</sup>Comecí caimare uái illáfueño o iri. Benomo ite nabáíñíai omo uai orédíai. Izire daídícué nágamierie coco nabáíñíaimo conima uíécomo o uáidori. Jae ñíie.

## SAN JUDAS CUEGABE

### La Carta del Apóstol San Judas Judas Juziñamui uáidoganomo cuete

<sup>1</sup> Jesucristo táijitagamie Júdadicue. Santiago ámadicue. Bibe Juziñamui mamécánomo cueticue. Ua cai Moo Juziñamui uáidoganodiomoi, íeiena ñue finoda maiñócanomo omoi illena. Jesucristomo omoi jaináinamona ñue eneno rairuicanodiomoi.

<sup>2</sup> Mei Juziñamui jamánomo aillo caimo ie dúecaillafue, íemo jíai ñue uái omoi illifue, íemo jíai ñue izruillafue, dígafue ómoimo llóiteza.

*Táínofuíaína llófuefredino*  
(2 Pe 2.1-7)

<sup>3</sup> Izíruiga ámatiai, cai comeci jilloillifuedo izire ómoimo cúeiacadicue; mei afe jilloillena Juziñamuimo cue íinua izói, afe izói iere ínotiomoiza. Mei íadi ómoína jíáifuedo rabedo llóredicue. Táínofuíaí lluáibitino omoi jeire ogáfueña féitaicadiaoiza; ie jira izire ómoína daidicue: Riire abí omoi mameri. Iaiói díga fuirilla izói omoi iri, omoi ínogafue íaiói féitaíeilleza. Afefue nauí nana Juziñamuimo jaináidinomo dácaíño iga.

<sup>4</sup> Mei omoi cígimo nínena dámerie táínofue lluáibitiaí. Afémacina Juziñamui Cuegáuallai jaiái uícodo íaiói olle duere finóllifueña lote. Afémaci íáibaníai. Afe íñíai daide: “Juziñamui ñúefueña jeire óíticai;” mei íadi afe dánado rairuífeno fiéndifueña iere nícdotíai. Afémaci daade cai Naama Juziñamuína ruífíruitíai. Daje izói cai Ocuíraima Jesucristo llogáuaina uáitátíai.

<sup>5</sup> Mei ja onódiomoi íadi, como cue daííacanafuemo ómoína uíboítaacadíe. Juziñamui Israel comínina Egipto éniemona oni orede. Oni uano daí nana íaíoína ñue jíllotate. Mei íadi, íaiói cígimona dáarie íñoñena jírári, Juziñamui afe íñoñedinona jíáiruido niné táinocáitate.

<sup>6</sup> Afe izói Juziñamui abí imácimona dáarie Juziñamui anamo ñue íaiói illáfueña fáicanocaiacadiaí. Afe mei dani íaiói illánona fáicanocallano oni jíáinomo jíáidiaí. Ie jira Juziñamui íaíoína íco izire íraicaíño iere jícanollíruimo íaíoína maítá jae íbaica. Afémaci jae jítinomo iere zábíñede llójeina maigáiaí.

<sup>7</sup> Daje izói Juziñamui Sodoma jofue íemo Gomorra jofue díga bóotate, naa afe áinori íte jófueníari. Mei afécuaí comíni Juziñamui abí imácimona fiénina jira dáarie llavécamací izóidiaí. Afe bímaci jamánomo dani jofo conímari ébecotaífredíai. Naga Juziñamui comínimo mameca ñue illáfueña jíruíreillena uáitáfíredíai. Daí íaiói íllamona ziiño íraimo duere finócaiaí. Afe bífue, afémaci izói cai íñeillena, caimo cíotaga.

<sup>8</sup> Afe emódomo bie taino lluáibitino íaiói táinomo comécíllafuíaí dani íaiói abina bácadiaí. Daje llezica cai Ocuíraima ríinona uáitátíai. Caífo monamo íte jóriaí izoide ríinoredinona íáire dáífredíai.

<sup>9</sup> Mei íadi Juziñamui abí imácimona illaíma Miguel, Taífe díga fuírízaiilla llezica ñúefodo úrite. Tíide Moisés abina júfdotíallinoí. “¿Buna náamareite?” daídíallinoí. Aféruimo Miguel íáirede uaido íena fáidóñede, mei íadi fía íena daide: “Ocuíraima Juziñamui ona izire létáiteza,” daide.

<sup>10</sup> Mei bie táinodo llotínuaí íaiói óñoñega ráfuedo fiéní úrtíai. Mei íadi comécina onóñede rílleníai izói ítaíai. Fía íaiói abí jítaina ráfuemo comécíoidiaí. Daí comécíillano áfeodo jíállamona dani íaiói niné táinocaitallíai.

<sup>11</sup> ¡Ñí íaíoína dúerenal! Caín díbéfuedo jíáidiaí. Aillo úcube óiacanamona Balaam izói oni íáífuemo baízaidiaí. Daje izói jaiái íte Corena mámecíredímie, Moisés dotáacanamona niné táinocáite naa íemo jaináidinori. Afe izói biruí omoi cígiri íte fiéndífuíai llotino llícaítíai.

<sup>12</sup> Omoi finoca conímána ízíruilla ráfuíai cígiri meáire finódinona ítaíai. Juziñamuína jacíruíñeno omoi cígiri caímare güillano jífáizaíbitíai. Jíáímacina ñue úíñoñeno dani íaiói abí úíñotíai. Jáirífo oni niné ñaitaca mona úillie izóidiaí. Ríaniaimona daana llízíllaruimo dúcíde íadi llízíñede zena izóidiaí. Afe izói bie comíni ítaíai. Afe amena are llízíñenia dúilla llezica aífoda dotácaza. (Daje izói bímaci ráííñenamona táinocaitíai.)

<sup>13</sup> Monáíllai jacire bagua izói ítaíai. Íaíoimo íte meáire fiéndífuíai bagua mulle izói, comíni eróicana jíno cíotáfíredíai. Daje izói úcuai íaiói íomona oni jíáíomo féírailla izói ítaíai. Jamánomo jíírede jítinomo zííñona íllena ríire mamécaiaí, dínomo duere zefuillena.

<sup>14</sup> Ua bímáciri jáíáídígima Enoc úrite. Adán jíto dínomona íe jíto, dínomona nane íe jíto, síete dígafue daí ílla emódomo, bie Enoc mámecíredímie jocoína. Afémie bie taino llófuetínodo

uícodo úrite. Juzíñamui Joréñodo úrillano daide: “Cai Ocuíraima jamánomo aillo ie abi náiraíri bíllana ciódicue.

<sup>15</sup> Afémie nana fiénide comínimo ite fiénidifuiái iere riire jicánuaibite. Daje izói nana íaioi íáire illáfuiái iere jicánuano duere íaioina finótaité. Fiénidino riire daináuaido cai Ocuíraimana uáitaoidiaioi; bífuemona daje izói duere zéfuitalliaioi.” Daí Enoc bie fiénidimacido úrite.

<sup>16</sup> Afémaci iere fiéni cáillirediaioi; ñue caimátaiñediaioi. Dani íaioi comeci fiéni jitáinafuiái jino denólledo úritiaioi. Urillano aféfuaiaina uáfueña finódiaioi. Dani abi íaioi ínua uáillaido ficire úritiaioi, “Aillo jácimacídicaí,” daíllena. Daje izói caimare comínimo úritiaioi, íaioina bífuellena.

*Cristomo ínotino ñue lleta uaillai*

<sup>17</sup> Cue izíruiga ámatiaí, cai Ocuíraima Jesucristo orécamací ómoína daináfueño omoi coméiiri.

<sup>18</sup> Afémaci ómoína daide: “Íco íraíruillaido ñúefuiaiaina zánoitnona íteza. Iaioi comeci íáire óiacanafuiaido íitiaioiza.”

<sup>19</sup> Bimaci dáanomo ñue itínomona oni eneno bózietaidiaioi. Dani íaioi abi óiacanafue jeire otíaioi. Mei afémaci Juzíñamui Joreño úicaiñegaiaioiza.

<sup>20</sup> Mei íadi izíruiga ámatiaí, omoi jeire Juzíñamuimona ogáfueño riire omoi jainácairi. Daje izói Ñuera Joreño ríinodo Juzíñamuimo omoi úrifireiri.

<sup>21</sup> Juzíñamui omoi izíruillafue díbéfueño omoi iri. Cai Ocuíraima Jesucristo caimo dúecaillano zíñona cai illíruimo omoi úíñoiri.

<sup>22</sup> Nai jabóicana jízire ínotinona jáicina llóiri, ñúefueña jeire íaioi ólleza.

<sup>23</sup> Iráimona bairoca izói íaioina jíllotari. Jáímacimo omoi dúecairi; mei íadi íaioimo ite íaifueño jíricaiñeno omoi iri. Afe fiénidifue íáirede iniroi izoide. Iaioi abimo jíideza; áfemona iere abi omoi rairuiri.

*Juzíñamuimo íraicaiño cai caimátailafue*

<sup>24-25</sup> Cai daade Juzíñamui jamánomo nágaíuiái baitádimie. Afémie Jesucristodo cai jíllotaraíma. Iemona cai fiénidifueño báíñelle rairuilla ríino íemo ite. Daje izói afémie caina íaifuenino caimare dama ie ebírede uíécomo caina izájirede. Afe Juzíñamuimo ebire ñúefuiai íteza. Jamánomo ñuera ébífue íemo íteza. Daje izói nana ñuera ríino íemo íteza. Daje izói nana riire ocuállafuiái íemo íteza. Nana bífuaiaina cai Ocuíraima Jesucristodo nauí, íemo biruí, íemo jíái uire daí jaca ninomo, Juzíñamuimo dúicaíteza. Maí. Jae ñíe.

## HIRAIRUILLADO ITIFUIAI JINO CIOTAINA

### Juziñamui San Juaamo Jino Ciotagafue

### EL APOCALIPSIS

### O Revelación a San Juan

*Jesucristo jino onóitagafue*

<sup>1</sup> Bifue uire itifuiuai jino ciotainafue. Juziñamui bifuiaina Jesucristomo ciotate, afémie ie ocuifireganomo ácatallena. Daií Cristo uáfueña raire ificaitifueña jino íaioimo ácatate. Jesucristo ie ángel daina abi ímiedo bie jino ciotagana ie ocuifiregamie Juaamo onótate.

<sup>2</sup> Afe Juan nana ie cionana uáfueña jino lloste. Daje izói afémie Juziñamui lloga uaina nabáifirede. Afe Juziñamui lloga uai Jesucristodo ñue jaícina llócaiga.

<sup>3</sup> Bie Juziñamuimona oga uaina jaíamaciome facáduana cacáduano caimare itiaioi. Daje izói bie rabénicomo cueda uaina cacáillano ñue náfuetino caimare íobitiaioi. Mei bie rabénicomo logáfuiuai zúitirui ja áinozideza.

*Siete dígade iglésiai daina Juziñamuimo gáirifredinomo Juan cuete*

<sup>4</sup> Asia éniemo ite siete dígade iglésiai daina Juziñamuimo gáirifredinomo cueticue. Cue Juáadicue. Mai Juziñamui ñuefuiuai dibénemo, naa ie caimare uái illafue dibénemo omoi iri. Mei afe Juziñamui birui itímieza, íemo jaca nanómona jaiaí itímieza, íemo uire jaca ninomo itímieza. Daje izói ie ráirano uícómo siete dígade ñuera jóriai ite. Afe jóriai Juziñamui Ñuera Joreño jana. Afémie ñuefue dibénemo omoi iri.

<sup>5</sup> Iemo daje izói Jesucristo lloga ñuefuiuai jeire omoi oíri. Afémie jaíifo méidofinide uai nabáiraíma. Daje izói afémie nano túllanomona abido meine tíñellena cáatagamie. Iemo jaíi afémie mo bínie illáicomini ocuilla ríino ite. Afe Cristo caina izíruillano ie totaca díedo cai fiéndifuiaina oni dote.

<sup>6</sup> Iemo nane illáicomini caina itátate ie Moo Juziñamuimo cai jaínáillena. Daje izói comínido Juziñamuimo úrifredinona caina jóonete. Afe Juziñamui íena jóonegacai. Ie jira jaca ninomo áillue ébifue naa ocuilla ríino diga afémie íena íteza. Aquíe izóideza.

<sup>7</sup> ¡Ero, Cristo mona uílliedo bite! Nana comini íena cíotiaioi. Daje izói ie fatino íena cíotiaioi. Iemo nana bínie nairaí afémie bíllana cíoilano éenaitiaioi. Jii, uafue daítadeza.

<sup>8</sup> Cai jamánomo riire Ocuídime bie izói daide: “Nana ráfuiuai nai cómuíñenia uícodo itímiedicue. Daje izói fuizájillanomo itímiedicue. Abecedario A-do táinia izói nánoramiedicue. Daje izói abecedario Z-mo fuizailla izói íraimiedicue,” daide. Afémie birui itímie, íemo jaca nanómona itímie, íemo uire jaca ninomo itímieza.

*Ebírede Cristo nicáirilla izói ciona*

<sup>9</sup> Omoi ama Juáadicue. Omoi duere zefuilla izói daane duere zefuídicue. Daa omoi izói Juziñamui illáimana illánomo jaínáidicue. Iemo Jesucristo omoi úifotaja izói daa omoi diga úifotagacue. Jesucristodo fairíotaga Juziñamui ñuera uai jino cue llócailla jira llavécacue. Pátmosmo mámeçirede monaillai cigi ídumo llavécamedicue.

<sup>10</sup> Iemo afénomo cai Ocuiraíma cai ocózinaitaruimo Juziñamui Ñuera Joreño náamatagacue. Afe llezica vudugoi fúnuua izoide ficírede uaina cue méifomo cacádicue.

<sup>11</sup> Afe uai cuena daide:

—Naga ráfuiuai uícodo itímiedicue. Daje izói fuizájillanomo itímiedicue. Abecedario A-do taineca, íemo Z-mo fuilla izóidimedie. Mai nana o ciona diga daa rabénicomo cúeiri. Cuiano, Asia éniemo ite siete dígade iglésiai daina Juziñamuimo gáirifredinomo o oreri. Afe jófueniaí mámeçiaí: Efeso, íemo Esmirna, íemo Pérgamo, íemo Tiatira, íemo Sardis, íemo Filadelfia, íemo Laodicea, —daide.

<sup>12</sup> Bu cuemo úrilla daíillena abido gírecaidicue. Gírecaillano, siete dígade oro finoina mechérana ciódicue.

<sup>13</sup> Afe cigímo cómemona comúdimiena eróidena ciódicue. Afémie jitáoiaroi éiba ícoimo dúcide. Ie jogóbemo lláidife oro finoina.

<sup>14</sup> Afémie ífótirai iere úzerede, jaillici úzerena izói úzerede. Iemo jaíi nieve izói úzerede. Ie ui irai bóua izói cíoide.

<sup>15</sup> Afémie éiba ñue queníretaga bronce izói quenírede. Ua bronce iraimo ruilla llezica jamánomo quenírena izói, ie idai quenírede. Iemo aillo imánillai nofíco tua ficírena izói ie uai ficírede.

<sup>16</sup> Afémie onoi nabézimo siete diga ucudu lláide. Ie fuémona iere jáirede llojéai izoide raa jino billa; afefai nágafene jáirede. Ie uéico jitoma iere riire egáñua izóí riire egáñote.

<sup>17</sup> Afémiena cíollano, ie anamo tídimie izóí baídicue. Mei íadi afémie ie nabezi cuemo bitano cuena daide:

– Jacíruiñeno o iri. Cue bie nanóidimiedicue; dáamiedicue fuizájillanomo íitimiedicue.

<sup>18</sup> Birui cáadimiedicue. Mei nauí tídicue, mei íadi birui jaca ninomo cáaiticue. Tíilla zuitara llave izoide raa cuemo ite; daje izóí tíidino illano lláveniaí cuemo ite.

<sup>19</sup> O ciona diga mai cúeiri; birui itífuiaí cúeiri, íemo uire cómutifuiáí cúeiri.

<sup>20</sup> Cue nabézimo o ciona siete dígade ucúduai rafue nauí báinino ite. Ja birui jino uáfodo llórede; daje izóí siete dígade mechera rafue llórede. Afe siete dígade ucúduai siete dígazie Juzíñamuimo gairídino uai llócaítino jana. Iemo afe siete dígade mechera siete dígazie Juzíñamuimo gairífredino jana, –daíí afémie cuena daide.

## 2

*Siete dígade iglésiaí daína Juzíñamuimo gairífredinomo lollúuai: Efésomo ite íinotínomo llogáuai*

<sup>1</sup> Cue cíonamie dáanomo cuena daide:

Efésomo ite Juzíñamuimo gairídino úñoraimamo búai cúeiri: “Afe nabézido siete dígade ucúduai llídimie daje izóí siete dígade oro finoina mechera cígido macáfiredre. (Afémie mechera cígido mácafrena izóí, comini ñue úñolle jana.) Afémie afe úñoraimana bie izóí daide:

<sup>2</sup> Nana o finócafuiaina onódicue. O ríiredemo táijidízoa onódicue, naa o comeci járitaiñedeza. Daje izóí fiénidino fiení illáfuiaina iere izire o rairuállana onódicue. Iemo jáí táinona “Jesucristo orécanodicai” daidínona facátatioza onódicue. Afemona afémaci taino llúana baitíoza.

<sup>3</sup> Jaca o comeci járidoñedio, íemo iere cuedo o táijina llezica cue ícoinia iere duere zefuídízoa. Afe llezica zefuíruíñeno ñue táijidí.

<sup>4</sup> Mei íadi daa figóñedífuena omo ite. Nano fueñe cue o izíruilla izóí birui cuena izíruiñedio.

<sup>5</sup> Ie jira ninómona oni núbéfodo baídízoa comeci uibi. Mai omo itífue méidori. Fueñe o illa izóí o iri. Bífuaena o méidoñenia omo raire bíiticue, omo ite egáñote raa oni óllena.

<sup>6</sup> Mei jáíáfodo, daa ñúefuena nai omo ite. Afe nicoláitas fiení finócafuiaimo naa íaíoi fiení jáíáfodo llogamo éoicana eróidí. Cue daje izóí áfena éoídicue.

<sup>7</sup> Ñuera Joreño Juzíñamuimo jáináidinona dánamo cacácadimie áfemo cacai. Afe Ñuera Joreño bie izóí daííacade: “Fiénidena anáfenodinona jáidímacina Juzíñamui nífueninanomo ite cáatate amena llizállana güitátaiticue,” daide.

*Esmírnamo ite íinotínomo llogáuai*

<sup>8</sup> Daje izóí Esmírnamo ite Juzíñamuimo gairídino úñoraimamo búai cúeiri: “Nanóidimie dáamie íraimiena ómoimo úrite. Nauí bíniemo tídimie, íemo meine abido nane cáadimiéna jaide. Afémie ona daide:

<sup>9</sup> Nana o finócana onódicue. Daje izóí o duere zefuállana onódicue, naa o ráanina diga. Mei íadi uáfueza Cristo dibénedo iere ráaredí. Jáíamaci fiení omo úrillana onódicue. Afémaci, “Juzíñamui nízeza Judíodicai” daidíaiói, mei íadi íeñedíaiói. Afémaci daní Taife dibéneño jáináidinó.

<sup>10</sup> Duere o zefuillamo jácinaiñeno o iri. Mei ómoimona dámierie Taife llavéracomo llavétaiteza, nana omoí facátallena. Daíí omoí comeci ífue onóillena facátallíomízoa. Díez dígarui duere zefuíredíomí. Mei íadi o túillinomo zóofeñeno íñofireiri. Daíí o íadi zíñóna cáallena o jírídotaiticue.

<sup>11</sup> Ñuera Joreño Juzíñamuimo jáináidinona dánamo cacácadimie mai áfemo cacai. Afe Ñuera Joreño bie izóí daííacade: “Fiénidena anáfenodinona jáidímaci nane méífodo túillamo raamo jíríñeítiaíoi,” daide.

*Pérgamomo ite íinotínomo llogáuai*

<sup>12</sup> Daje izóí Pérgamomo ite Juzíñamuimo jáináidinó úñoraimamo búai cúeiri: “Afe nágafene jáirede lloefai llídimie bie izóí ona daide:

<sup>13</sup> Nana o finócana onódicue. Afe izóí Taife ocuícana cígímo itíoza onódicue. Afénomo itío íadi zóofeñeno cuemo ñue o íñuana onódicue. Daje izóí cuemo o íñuana fáicanocaiñedio. Afe izóí Antipas mámecíredimie cue ñue jáicina cue uai nabáífredimie. Afémie omoí cígiri fatíaíoi. Ie fáinaruido, cuemo omoí íñuana zóofeñedíomí, Taife illánomo itíoíoi íadi.

<sup>14</sup> Mei íadi cue lletárafuaina ómoimo ite. Omoimona dáarie jadí Pérgamomo Balaam llófuiana fáicanocaiacañediaioi. Afe Balaam jaiái Balacna llófuete Israel comini fieni finuaillena. Afe Balac Balaam llófuiaimona Israel comínina jánaraimo fecaca rílleniaina ritátate. Afe dáaruido afémacina iere jiruüretade.

<sup>15</sup> Nane jáie cue lletárafuena ómoimo ite. Omoi cigímo dáarie afe nicolaítas lloga uaina féitaiacañedino ite. Afémacina éoidicue.

<sup>16</sup> Ie jira mai omoi comeci ifue méidori; mei íadi omoi méidoñenia, raire omoi diga fuirízaibitícue. Uáfueza cue fuémona bite jáirede lloéfaido omoi fieni finóðinona fáziaibitícue.

<sup>17</sup> Ñuera Joreño Juzíñamuimo jaináidinona dáinamo cacáacadimie, afemo cacai. Afe Ñuera Joreño bie izói daiiacade, “Fiénidena anáfenodimiena jáitimie afe báinno ite maná daina monámona cocide güllena güütátaiticue. (Bie maná Juzíñamui íaioi comécina náiretaillena jana.) Iemo afémie mo úzere de nofitofena fécaíticue. Afe nofitofemo buna ónoñega comue mámecei cuelle. Dama afe nofitofe llánoitimie áfena onoille.” Aquíe izói daide.

#### *Tiatíramo ite ínotinomo llogáuai*

<sup>18</sup> Daje izói Tiatíramo ite Juzíñamuimo jaináidino úiñoraimamo bíuai cúeiri. “Juzíñamui Jitó ómoimo úrite. Afémie ui irai bóua izoide, íemo ie éiba ñue queníretaga bronce izói quenírede. Afémie bie izói ómoína daide.

<sup>19</sup> Nana omoi finócana onódicue. Cuena omoi izíruillana onódicue, naa cuemo omoi ínua diga. Daje izói cue dibébedo ñue omoi tájicaillana onódicue, naa omoi comeci járitaiñena diga. Fueñe omoi táinía baímo birui jamánomo finócaidiomoi.

<sup>20</sup> Mei íadi ómoimo daa cue lletárafuena nai ite. Afe Jezabel mámeceiredingo llógana rairuñnediomoi. Afengo, “Juzíñamui dibébedo úritícue,” daiífiredo, mei íadi fieni ie llócaigafuedo cue ocuífíreganona jífue. Afe jífuaia uaido íaioina iere jiruüretade. Daje izói jánaraimo fecaca rílleniaina íaioina ritátate afemo camátaiillena.

<sup>21</sup> Aféngomo are úiñoidicue afengo comeci ifue méidollena. Mei íadi afengo áfena méidoacañede. Afengo ie jiruífuaena fáicanocaiacañede.

<sup>22</sup> Mei jira birui afémaci afengo finócafueña fáicanocaiñenia, aféngona iere izire iráretaiticue. Daje llezica nana afengo diga jiruüredinona duere zefuítaiticue.

<sup>23</sup> Afengo úruiaína títaiticue. (Afe úruiaí daina afengo llógamo jéruítino.) Afemona naga come ifoci úrillana, ie comeci ifue diga ñue ícoimo cue onónana, nana Juzíñamuimo gairídino fidiítiaioi. Iemo ómoimona illa dígamie fieni omoi finuaze ómoína duere fínoíticue.

<sup>24</sup> Mei íadi ómoimona Tiatíramo ite jáímaci afe Jezabel omoi llófuia fiénide uaina náfuñnediomoi. Afe Jezabélmo jaináidino íaioi llófueinana daiðiaioi, “Cai llófueina uai Taife ie, iere báinide nai uáfodo ónonidífuiaí,” daiðiaioi. Afe llófueinana onótañegaomoi. Iemo ómoimo ite nauí cue lloga baímo jáiéna ómoína ócuíñeíticue.

<sup>25</sup> Daa bie llóitícue: Omoimo ite ñuefuiaí ñue rairuiri, nai cue bíñeille dino.

<sup>26</sup> Fiénidena anáfenodinona jáitínona náiraiaí ócutimacina jóneíticue. Afémaci cue jítainana ñue ícoimo fuitáidino. Ocuille ríino íaioimo jóneíticue,

<sup>27</sup> mei daií cue Moo cue ocuille ríinona cuemo jóneteza. Iemona náiraiaína rírede lloébici izóidedo ríire ócutiaioi. Íaioimo cacáreaañedínona icíruai láia jéenino llairúngotaila izói, afe izói íaioina duere fínoítiaioi.

<sup>28</sup> Daje izói monáiracudu iere ebire egáíñua izói, afémacina ebire fínoíticue.

<sup>29</sup> Ñuera Joreño Juzíñamuimo jaináidinona dáinamo cacáacadimie mai afemo cacai.” Aquíe izói daide.

### 3

#### *Sárdismo ite ínotinomo llogáuai*

<sup>1</sup> Daje izói Sárdismo ite Juzíñamuimo jaináidino úiñoraimamo bíuai cúeiri: “Afe siete dígade Juzíñamui jóriairedimie, ñii afe Juzíñamui Ñuera Joréñoredimie Cristo, íemo afe siete dígade ucúduai llíidimie dáamie. Afémie bie izói ona daide: Nana o finócana onódicue. Crístomo o jainaina izóinado jica jalleide, íadi onódicueza tíidimie izói itio.

<sup>2</sup> Come cazilla izói mai abina onoiri. Nai omo due jiza fiébide ínogafuiaína meine ríire finori, mei aféfuiaí jae táinocaiacadeza. Eróidicue mo o finócafuaí cue Juzíñamui eróicana ñue jaícina jóíñedeza.

<sup>3</sup> O fueñe ínoga íaioi llófuiaimo uibíoicairi. Afena jeire o oíri. Afe llezica o comécimo itífue ñuefuena méidori. O abina ñue onóñenia, merírifíredimie ónonino billa izói, duere omo finuaibitícueza. Cue billíruina ónoñeítio.



<sup>4</sup> Mei íadi ómoimona jadí Sárdismo dáarie comécina ñúemacina ite. Afémaci iníroina íaíñedino izoide. Afémaci úzecuiruai jítada cue diga jáitiaioi, mei afe daí íaioimo dúideza.

<sup>5</sup> Fiénidena anáfenodinona jáidino úzecuirona jítaitaioi. Iemo zíñona cáaitino mámecei cuiánicomona íaioi mámeceina dóñeiticue. Iemo daje izóí cue Moo Juzíñamui uícomo “Bie cuemaci” daíitucue; daje izóí ie abi imaci ángeles daínamaci uícomo “Bie cuemaci” daíitucue.

<sup>6</sup> Ñuera Joreño Juzíñamuimo jaináidinona daínamo cacáacadimie mai áfemo cacai.” Aquíe izóí daide.

*Filadélfiamo ite ínotinomo llogáuai*

<sup>7</sup> Daje izóí Filadélfiamo ite Juzíñamuimo jaináidino úñoraimamo bíuai cúeiri: “Afe náfuenidimie omo úrite. Afémie uáfuenta úrifiredimie. Afémiemo jaiái illaíma David naze tuiñora llave ite. Afémie Juzíñamui illáimana illano tuiñoadi buna íbáinide. Daje izóí afémie íbáia, buna zuitáñide.

<sup>8</sup> Bímie bie izóí ona daide: Nana o finócana onódicue. Buna íbáinide túide naze o uieóri jóneticue. Mei figo mairíñedio, íadi cue uaina náfuetio; cuena jaca jáanofinidio.

<sup>9</sup> Iemona Taifemo jaináidinona o anamo caíñícido ana íaioi dújutano óreiticue. Afémaci táinona úrillano bie izóí daíífrediaioi: “Cai bie Juzíñamui nizeca judíuaidicai” daidíai, mei íadi íeñediaioi. Nana baimaci o anamo dújutaiticue, íemona ona cue izíruillana fídiítaioi.

<sup>10</sup> Cue ocuica uai jeire o úamona aféuai daína izóí comécina járidoñedio. Ie jira nana bíniemo bite facátallíruimona ona ñue ráiruíticue. Aféruído nana bíniemo ite comíni facátalliaioi.

<sup>11</sup> Raíre biticue. Omo ite ñúefuiai ñue ráiruiri, o jirídolle raa bu báiroñeilleza.

<sup>12</sup> Fiénidena anáfenodinona jáitínona cúeiena máíñoiticue. Máíñuano cue Juzíñamui gairíracomo ite mairide jáillirai izóí íaioina óreiticue. Iemona Juzíñamui illánomona jaca jino jáiñeítaioi. Íaioimo cue Juzíñamui mámecei cúeiticue. Daje izóí cue Juzíñamui jofue mámecei íaioimo cúeiticue. Afe jofue mámecei “Comue Jerusalén.” Afe jofue cue Juzíñamuimona caífo monámona ana bite. Daje izóí afe fiénidena anáfenodinomo cue comue mámecei cúeiticue.

<sup>13</sup> Ñuera Joreño Juzíñamuimo jaináidinona daínamo cacáacadimie mai áfemo cacai.” Aquíe izóí daide.

*Laodicéamo ite ínotinomo llogáuai*

<sup>14</sup> Daje izóí Laodicéamo ite Juzíñamuimo jaináidino úñoraimamo bíuai cúeiri: “Uáfuenta llotímie omo úrite. Afémie jaícina uai nabáífredimie; daje izóí jaca méidoñeno uáfuenta úrifredimie. Afémie nana Juzíñamui finócana tainérama.

<sup>15</sup> Afémie bie izóí ona daide: Nana o finócafuaína onódicue. Ráairuillano figo o íñoñenana onódicue. O ínoga ñue uzirediji izóíñede. Daje izóí o ínoga caimare mánaidiji izóíñede. Ñue o uzírenana jítáidicue, níbai jááfodo o mánainana jítáidicue.

<sup>16</sup> Mei íadi jabo uzírediji izóíidio. Iemona jabo uzírediji jino tua izóí ona jino dótaíticue.

<sup>17</sup> Bie izóí daíífredio: “Ráaredimiedicue,” daidío. Iemo “Nana cue illafue ñue jóide. Cue jítaica raana íñede,” daíífredio. Mei íadi jááfodo o illana onóñedio. Juzíñamui eróicana bu cáimadoñegamiedio. Iemo daje izóí iere duere zefuítaga, íemo iere dúeredimiedio, íemo uina cóiñedimie izóíidio. Iemo jái ínícuironino emuíromade izóíidio. Afe bie izóí o illana jaca onóñedio.

<sup>18</sup> Mei jira omo llotíticue, “Iraimo ñue finoca órona cúemona íba, uáfuenta ráaredimiena o jáillena. Daje izóí cúemona úzerede ínícuirona íba, o meáire emuíromana íbáillena. Daje izóí uí manórjina cúemona íba, o uimo jóoniamona ñue o cóiillena.

<sup>19</sup> Nana cue izíruiganona lletádicue; daje izóí íaioina duere finódicue ñue íaioi íllena. Mei íemona Jesucrístomo izire o jaináicallano, iere o ínofíreiri. O comeci ífuiai méidori, ona duere cue fñoiza.

<sup>20</sup> Ero cacai, come comeci naze ízoínamo iticue. Dinómone járiticue. Cue uaimo cacáreitímie ie naze tuiñoadi cue llínollena, afémie illánomo jofo jáitícue. Jáillano dájena afémie diga nabáiriticue. Daje izóí conima diga caimare úriticoco.

<sup>21</sup> Fiénidena anáfenodinona jáitínona, illáimana cue ráíránomo afémiena cue diga ráíitaiticue. Mei daí fiénidena cue anáfenuamona cue Moo illáimana ráíránomo ráimazaidicueza.

<sup>22</sup> Ñuera Joreño Juzíñamuimo jaináidinona daínamo cacáacadimie, mai áfemo cacai.” Aquíe izóí daide.

<sup>1</sup> Bie méifomo éroidicuemmo, monamo ite naze túinana ciódicue. Fueñe cue cacana uaina meine nane cacádicue. Afe uai vudugoi ficirena izói cacáide. Afe uai cuena daide:

—Caifo benomo bi. Bífuiái méifomo raire cómutifuiaina omo ácataitue, —daide.

<sup>2</sup> Afe llezica Ñuera Joreño anamo itábicaidicue. Iemona monamo ite illaíma ráiirrana ciódicue. Afénomo dáamie ráiirana ciódicue.

<sup>3</sup> Afémie iere quérede 'jaspe' daina ráifide nofiji izói éroide. Aféjina jíáifo daina 'cornalina.' Afe ráiirano abido rózígüeo nágafene ífoina ite. Afe rózígüeo 'esmeralda' daina ráifide nofiji quenírena izói quenírede.

<sup>4</sup> Iemo afe ráiirano abido veinticuatro diga jíáie illaíma ráiiranuaina nágafene ífoina íllana ciódicue. Afénuaímo veinticuatro diga mona ero ocuide éicomini ráiídiái. Afémaci úzere de iníroillai jítdiái. Iaiói ifomo oro finoina illaíma jítdíregacuífoi jíiena.

<sup>5</sup> Afe áillue ráiiranomona aillo boride. Afe llezica afénomona iere ficire mona gíría cacacaide. Iemo afe ráiirano uícomo siete dígade áillue bobáieniai bóoide. Afe siete diga bóoide bobáieniai Juzíñamui Ñuera Joreño jana.

<sup>6</sup> Dáanomo afe ráiirano uícomo, daa monáillaina eroide illa. Afe monáillai anáfenemo ñue oíde vidrio izoide.

Afe ráiirano abido cuatro diga cáadimíiai ífoina itíai. Afémaci erófene dibénemo aillo uíjiai ite. Daje izói emodo dibénemo ite.

<sup>7</sup> Bimácimona daa jánallarina eroide. Iemo jíáie juráreto íttona eroide. Iemo jíáie uíeco, come uíecon eroide. Iemo jíáie feede máajaiñona eroide.

<sup>8</sup> Afe cuatro diga cáadimíiaímo illa dígamíemo seis diga íaicuai ite. Afe íaicuai erófenemo uíjiaína oruide; daje izói emodo dibénemo ite. Afémaci mona naio diga líicaiñeno úritiaí; Juzíñamuina daííoiái:

¡tere íaífuenidio! ¡tere íaífuenidio! ¡tere íaífuenidio!

¡ere ñuera cai Ocuíraimadio.

Jamánomo ríinorede Juzíñamuidio.

Jaca nanómona ítimiedio,

Iemo nai birui ítimiedioza,

Iemo uire jaca ninomo ziiñona ítimiedioza, —daí daííofrediaí.

<sup>9</sup> Illa dígacaíño afe cáadimaci, ráiiranomo ráide Moo Juzíñamuimo ebíredífue nitáadi, íemo ñúefue jóoneadi, íemo jíái figura íena daíadi,

<sup>10</sup> afe llezica afe veinticuatro diga ocuide éicomini áillue ráiiranomo ite Juzíñamui anamo dújufrediaí. Iemo afe jaca ninomo ziiñona ítimiena caimátdiaí. Afe llezica íaiói oro finoina illaíma ífo ícuífuai ráiirano uícomo jónefrediaí. Jóoneta daííofrediaí:

<sup>11</sup> Cai Ocuíraíma Juzíñamui,

¡ere ebíredífue omo nitáregaza,

Daje izói ñúefuiái omo jónefiregaza.

O jamánomo ríinorenana omo nitáregaza.

Nana aféfuai ona náamaredeza.

Mei naga ráaniai o comútaga.

Iemo o comeci jítaina izói itíaióiza.

Daje izói o comeci óiacanamona finócaíai.

Aquíe izói daííofrediaí.

## 5

### *Ráidímie lílga rabénicono ciódicue naa Cordero daíamie Cristo diga*

<sup>1</sup> Afe méifomo illaíma ráiiranomo ráidímie nabézimo ite rabénicono ciódicue. Afénico ferínoga rabe. Erófenemo cuega, daje izói jinófenemo jíái cuega. Afénico siete diga sello daina ñue íbaira raado íbaica.

<sup>2</sup> Iemo ríifrede ángel daina Juzíñamui abí ímiena ciódicue. Afémie ficírede uaido jícanófirede; daide:

—¿Bie sello mei cuatállena bu ñuena? ¿Bumo ñue dúide binico tuíñóllena? —daide.

<sup>3</sup> Mei íadi afénico tuíñoitimiena íñede. Caifo monamo íñede. Biniemo íñede, íemo bínie anamo tíidino íllánomo jíái daje izói íñede. Daje izói afénicomo buna eróimide afe facádollena.

<sup>4</sup> Afénico tuíñoite comécina ñuemiena baíñenamona iere éedicue. Daje izói afénico facáoitímie íñenamona, íemo jíái afénicomo eróllano ónoitimie íñenamona, iere éedicue.

<sup>5</sup> Iemona veinticuatro diga eicomínimona dámie cuena daide:

—Mai benómona ééñeno o iri, mei Judá nairai illaíma Jánallarina mamécámie, fiénidena jae ñue anáfenotateza. Afémie jaiái illaíma David erófene ígínamona comuídímie. Afe íe

anáfenuamona afémie binico tuiñolle riño ote. Daje izói afe siete dígade sello cuatalle riño íemo íte, —daide.

<sup>6</sup> Iemona afe ráiirano cígimo, íemo afe cuatro diga cáadimíai cígiri, íemo afe veinticuatro diga éicomini cígimo, Cordérona mameca Crístona ciódicue. Afémie táide, mei íadi Juziñamuimo íia fecállena íe íaíoi fáina meífo cíoide. Afe Cordero siete diga zícairede, íemo íe íi siete dígade. Afe siete dígade uíjiaí naga éniáimo oreca Juziñamui Ñuera Joreño íana.

<sup>7</sup> Afe Cordero illaíma ráiiranomo ráiidimie nabézimo íte rabénicono llínuaide.

<sup>8</sup> Afémie afénico llínuua llezica afe cuatro dígade cáadimíai, íemo afe veinticuatro dígade ocuide éicomini afe Cordero anamo dújudiaíoi. Afe eicomínimona illa dígamie ‘arpa’ dáina rua roia taiga raa llíediaíoi. Daje llezica afémaci oro finoina ugúciaína oruide íchecoí llíidiaíoi. Afeniaí Juziñamuimo íaináidino afémiemo íjicara uailíai íana.

<sup>9</sup> Afe éicomini bie comue rua rotíaíoi:

O íere comécina ñuemienamona bie rabénico llínota tuiñolle omo dúide.

Mei nauí Juziñamuimo fatá fecácamedioza.

Caina o die tóillado Juziñamui íena íbáidioza.

Uáfuenta nágaziemona,

Iemo nana jíáífo úritinomona,

Iemo naga comini jófuaíamona,

Iemo nana náraíaimona Juziñamui íena caina íbáidioza.

<sup>10</sup> Cai Juziñamui íe illáinina caina jáítatio;

Daje izói comínido Juziñamuimo úrifireitinona caina jóonetio;

Iemona énie náraíaina ócuticai.

Aquíe izói rotíaíoi.

<sup>11</sup> Afe mei eródicue. Iemo aillo afe illaíma ráiiranomo ífoina íte ángeles dáina Juziñamui abi ímaci úrilla uaina cacádicue. Daje llezica afe cuatro diga cáadimíai uaina cacádicue. Iemo dáaruido éicomini uaina cacádicue. Afe Juziñamui abi ímaci íere íamánomo aillo ítiaíoi. Ua millones y millones dáinaze ítiaíoi.

<sup>12</sup> Afémaci fíicirerie úritiaíoi; daidíaíoi:

Fatá Juziñamuimo fecaca Cordero comécina íere ñúenamona ñuera riño maíñolle afémiemo dúide.

Daje izói aillo ráífide ráaniaí dáamiemo dúide.

Iemo ífoci déillafuaíai dáamiemo dúide.

Iemo nana ñuera máirie dáamiemo dúide.

Iemo nitárega ñúefue dáamiemo dúide.

Iemo ñuera ébífue dáamiemo dúide.

Iemo aillo afémiemo caimátaille uai afe Cordéromo dúide.

<sup>13</sup> Afe llezica nana Juziñamui comuítaganuaí úrilla uaina cacádicue: nana monamo ítinuaí, daje izói éniemo ítinuaí, daje izói énie anamo ítinuaí, daje izói monáillaimo ítinuaí, naa afénuaiemo ítinuaí úrilla uaina cacádicue. Daidíaíoi:

Nana caimátaille uailíai illaíma ráiiranomo ráide Moo Juziñamuimo íredeza,

Daje izói jíái Cordéromo íredeza.

Afe izói ñúefue afe íaillinoímo nitáredeza, naa ñuera ébífue diga,

Iemo ñuera riño íaillinoímo íredeza.

Nana aféfuai íaillinoímo nana fimónaíaido, íaca ninomo zííñona daí daiírenaza.

<sup>14</sup> Iemo afe cuatro diga cáadimíai aíaírilla izói daidíaíoi:

—¡Daiítadeza! —daiíoiírediaíoi.

Iemo afe veinticuatro dígade éicomini ana dújuillano, íaca ninomo zííñona cáadimíemo caimátaióifrediaíoi.

## 6

### *Siete dígade sello dáina rabénico íbaira rafue*

<sup>1</sup> Cordero afe siete dígade séllomona nánora tuiñuana ciódicue. Daje llezica cuatro dígade cáadimíaimona dáamie dáinana cacádicue. Íe úrilla uai, mona gíría fíicirena izói fíicirede. Daide:

—Mai eróizaíbi, —daide.

<sup>2</sup> Cue eroílla llezica úzerede cabállona ciódicue. Afe emódomo ráicaidimie zicuirra llíicaide. Iemo illaíma ífo ícuífoina íe jítdaíoi. Íita mei afémie naga náraína anáfenocana íaíde. Íe mei nágaruillaido afémie íaíoina anáfenofirede.

<sup>3</sup> Méifoide séllona Cordero cuata llezica, tórna éroide cáadimie úrillana cacádicue. Afémie:

—Mai eróizaibi, —daide.

<sup>4</sup> Afe llezica jáirede caballo jino bíllana ciódicue. Afe emódomo ráicaidimie mo féitalle ríno afémiemo iga. Afémiemo nana nairai camare uái illa féitaite, comini conímána fazítallena. Afe llezica áillue lloébicina afémiemo iga.

<sup>5</sup> Iemo Cordero nane jáie tercer dáina sello cuata llezica, jáie cáadimie úrillana cacádicue. Afémiemo:

—Mai eróizaibi, —daide.

Jira eródicue. Eródicuemo daa jítirede cabállona ciódicue. Afe emódomo ráicaidimie mérenana onóillena facara raa llícaide.

<sup>6</sup> Iemo cáadimiai cigimona dáamie úrilla uai cacádicue. Aféuai daide:

—Daa kilo trigo daa mona táijina fidi. Iemo daámáni kilo cebada daa mona táijina fidi. Iemo aceite vino diga jaca jeruíredeza, mei afe iballe úcube iñédeza, —daide.

<sup>7</sup> Afe mei Cordero jáie 'cuarto' dáina sello cuata llezica, cáadimiai mona firaimie úrillana cacádicue. Afémiemo:

—Mai, eróizaibi, —daide.

<sup>8</sup> Eródicuemo borárede cabállona ciódicue. Afe emódomo ráicaidimie titáfiredimie daínámie. Afémiemo óodana tíidino illano jana maméidimie bite. Enie cuatro diga fecácamona dáamie iemo iga, aféno mo ríre ocúllena. Aféno mo comínina fuiríllado íaioina tícoizitaite. Iemo daje izói júbiedo íaioina tícoizitaite. Iemo dúcuaido íaioina tícoizitaite. Iemo éniemo ite illáirede rílleniai íaioina tícoizitaite.

<sup>9</sup> Afe mei Cordero jáie 'quinto' dáina sello cuata llezica, 'altar' dáina Juzíñamui camátaitarano anamo ite, titaca comini coméciaina ciódicue. Afémaci Juzíñamui uai lócailla ícoina titácaiaioi.

<sup>10</sup> Afe bimaci ficire úritiaioi; daidíiaioi:

—Íaifuenide cai Ocuidimie, uíodo o llógana méidoñeno ñue fuitáfiredio. Eniemo ite cai titádino iere jicánota duere o finóllena, ¿nié dinó nai moziñoitio? Cai fatino iba o ollirui, ¿nígarui nai bai dúiñoitio? —daidíiaioi.

<sup>11</sup> Mei jira afe altar anamo ítmaci úzecuiruaina igáiaioi. Afe llezica nai nano íanori ocózinaitagaiaioi. Mei nana íaioi tílla izói uire titállino, Juzíñamui mámanomo nai dúciñede. Afe titállino, nauí íaioi titaca ámatiai izói, Cristo uaimo táijifrediaioi.

<sup>12</sup> Cordero nane jáie 'sexto' dáina sello cuata llezica, eródicuemo, énie iere jacire docaide. Iemo jítoma zúunaillana, jítaca jítiroi izói éroide. Afe llezica fui náauina jáirede die izói méidoficaide.

<sup>13</sup> Afe dáaruído mona ero ucúduai cocidiaioi. Ua, higuera dáina amena llizilla, jairifo ríre begúñuamona cócia izói, afe izói ucúduai ana bíñiemo cocidiaioi.

<sup>14</sup> Afe llezica, rabe jofo ferírioicailla izói, mona ferírioicaide. Iemona cióbicaifena. Iemo dáaruído nana caifóneduai naa monáillai cigi íduai íaioi illánomona oni jirecaide.

<sup>15</sup> Iemona nairai illaini caifóneduai anamo ite ífuaímo, naa jéerie noficiai cigiedo retáiritiaioi. Aféno mo jamánomoidino daje izói retáiritiaioi. Iemo aillo ráanaitino, íemo fuiríraíni illáicomini, íemo iere rífredinuaia, íemo nana jacire rairuícana, daje izói buna ráiruifégano, nana aféno mo retáiritiaioi.

<sup>16</sup> Afémaci caifóneduaina jéerie noficiaina daifrediaioi:

—¡Mai caimo baii! Mai caina jíta, baie illaima ráiranomo ráide Juzíñamui mona caina rétaido. Cordero finolle jacire cai duere finóllifuemona caina rétaido, —daifrediaioi.

<sup>17</sup> Mei jíi, iere jacire comini duere finóllirui jae dúcidez. ¿Bu mei áfena moziñoena?

## 7

### *Israel náiraimona náamana onóillena cuegámaci*

<sup>1</sup> Bie méifomo bínie fuédaiaimo cuatro dígade ángeles dáina Juzíñamui abi ímíai, naidáienana ciódicue. Afémaci nágafeniaimona jairifo jáiñuana moziñoitiaioi. Afe éniemo jairífona jáiñótañediaioi, daje izói monáillaimo jáiñótañediaioi, íemo jíai aménaiaimo jáiñótañediaioi.

<sup>2</sup> Iemo jíai Juzíñamui abi ímíena mona móimona bíllana ciódicue. Afémiemo caade Juzíñamui íeie daíillena sello dáina jóonelle raa llícabite. Afémiemo ficire úrite. Enie fuédaiaimo cuatro diga naidáidmíaimo úrite. Afémaci bínie fiendi íaioi finolle, naa monáillai diga rínona igámaci. Afémacina bímie daide:

<sup>3</sup> —Cai Juzíñamui ocúfíreganomo, íaioi ozócimo náamana onóillena mámei nai jóoneñena llezica, nai bíniena duere finóñeno iri. Daje izói monáillai naa aménaiai raire duere finóñeno iri.

<sup>4</sup> Jónia mei, nígamaci náamana onóillena mámecina jóonegano íaioi númeroa cacádicue. Nana Israel náiraimo itíziaimona afe cuegano ciento cuarenta y cuatro mil dígade.

<sup>5</sup> Judá iziemona doce mil diga cúefide.  
Iemo Rubén iziemona doce mil diga cúefide.  
Iemo Gad iziemona doce mil diga cúefide.  
<sup>6</sup> Iemo Aser iziemona doce mil diga cúefide.  
Iemo Neftalí iziemona doce mil diga cúefide.  
Iemo Manasés iziemona doce mil diga cúefide.  
<sup>7</sup> Iemo Simeón iziemona doce mil diga cúefide.  
Iemo Leví iziemona doce mil diga cúefide.  
Iemo Isacar iziemona doce mil diga cúefide.  
<sup>8</sup> Iemo Zabulón iziemona doce mil diga cúefide.  
Iemo José iziemona doce mil diga cúefide.  
Iemo Benjamín iziemona doce mil diga cúefide.

*Aillo dáanomo úzecuiruai jitada gairídino*

<sup>9</sup> Afe méifomo eróillano jamánomo aillo comínina ciódicue. Nana náiraiaimona dáanomo bitíai. Daje izói nágaziemona bitíai. Iemo daje izói jíáifo úritinuaiaimona bitíai. Iemo daje izói naga jófuaiaimona bitíai. Nana bimaci illaíma ráírano uícomo naidáidiaioi. Daje izói Cordero uícomo naidáidiaioi. Afénomo aillo itíaióaiza buna facádonide. Nana afémaci úzecuiruai jitáoidiaioi. Daje llezica afémaci rafóruai llíedidiaioi.

<sup>10</sup> Nana fíceriere daidíaioi:  
Cai jíllonano, illaíma ráírano ráiide cai Juzíñamuimona comuide.  
Daje izói cai jíllonano Cordéromona comuide, daidíaioi.  
<sup>11</sup> Afe llezica nana Juzíñamui abi imáciai, illaíma ráírano onido ífoina naidáiediaioi. Daje izói veinticuatro dígade éicomini onido ífoina naidáiediaioi. Iemo jíái cuatro diga cáadimíai onido ífoina naidáidiaioi. Afémaci afe ráírano ráiidime anamo éniemo fueco diné bíjicaidiaioi. Bíjicaillano Juzíñamuimo caimátadiaioi.

<sup>12</sup> Daidíaioi:  
¡Bie izóideza! Ñúefuai nitalle cai Juzíñamuimo dúide, ñue ebíredifuaia diga.  
Daje izói nana ñue onógafue iemo dúide, naa figura daifírena diga.  
Daje izói afémiemo nitárede ñúefue dáamiemo dúide, naa áillue máirre diga.  
Nana bífuaia cai Juzíñamuina jaca ninomo zíñona daí daifrenaza.  
Aqué izóideza, —daidíaioi.

<sup>13</sup> Afe mei afe eicomínimona dáamie cuemo jícanote:  
—¿Baie buoi úzecuiruai jitáoina? ¿Afémaci mei ninena bitíai? —daide.

<sup>14</sup> Jira íena daidicue:  
—Afena onóñedicue. O ñue onódio, —daidicue.  
Iemo afémie cuena daide:

—Bimaci aillo duere zefuilla ícoimo jino bitino. Afémaci comécina iere íaifuenino íaioi íllena ja Cordero díedo muíñócaza. Afémaci iere úzecuiro inícuiro illa izói itíai.

<sup>15</sup> Ie jira Juzíñamui ráírano uícomo itíai. Afe llezica nágaruillai, mona naio diga, Juzíñamui gairáco ero íe ocuállana finófrediaioi. Iemo afe ráírano ráiide Moo Juzíñamui, íaioi diga íllado jácifuemona íaioina ráiruite.

<sup>16</sup> Afémaci jaca júbiemona duere finóbiñeitiaioi. Daje izói jíróacanari duere zéfuiñeitiaioi. Iemo jitoma íaioina jíái úzitañeite. Daje izói uzíredíruimo mona uzírena íaioimo uzire cácañeite.

<sup>17</sup> Mei illaíma ráírano abímo ite Cordero, ovejaí uíñua izói íaioina uíñoiteza. Afe llezica ñuera jainoi jino toránuaído íaioina ífoicaite. Afe jainoi zíñona cáatatíji. Iemo afémaci éadi Juzíñamui íaioi ui jeme nana oni dóite.

## 8

*Iraie sello cúatájana cioide, oro finoína uguci uillítara diga*

<sup>1</sup> Iemo Cordero llíga rabénicomo ite íraie sello daina íbáioide raa cuata llezica, daa hora átuedo mona tí daíñócaide.

<sup>2</sup> Afe mei siete dígade Juzíñamui abi imaci Juzíñamui uícomo naidáienana ciódicue. Afémaci siete diga vudugoi izoide raana igáiaioi.

<sup>3</sup> Afe mei jíáie ángel daínámie Juzíñamui abi ímie oro finoína uguci uillítara llíicabillana ciódicue. Afémie altar daina Juzíñamui caimátairano uícomo naidaide. Iemo aillo ugúciaí afémiemo fecácaza, afena Juzíñamuimo uillítallena. Mei nana Juzíñamuimo jaináidino

afémiemo íaioi jicáfírena uailai llua llezica, bímie dáanomo afe ugúciai Juzíñamuimo uillítaiteza.

Afe Juzíñamui ráirano úcomo ite oro finoína ie caimátairanomo, bímie afe ugúciai jutade; íemo afe llezica afe Juzíñamuimo jaináidino jicáfírena uailai llócaigaza.

<sup>4</sup> Afe uguci uillie, Juzíñamui abi ímie áfena altarmo juta mei, Juzíñamui uécomo caifo uillíoiicaide, nana Juzíñamuimo jaináidino jicáfírena uailai diga.

<sup>5</sup> Afe mei Juzíñamui abi ímie uguci uillítara raa llínote. Llínuano altármona oga caade írácíaiana áfena oruíate. Daíi finuano ana éniemo dotade. Afe dota llezica mona jacire giride naa ficíriede raari. Iemo aillo améuai llairide. Iemo énie jacire docaide.

*Siete dígade vudúgoína eroide raa*

<sup>6</sup> Iemo afe siete dígade vudúgoína eroide llíide Juzíñamui abi imáciai afe vudugoi fúnollena maméritaioi.

<sup>7</sup> Nanóidímie fúnua llezica, jéerie nocíjiaí éniemo cocítate. Afe dáaruido réici diga die taméicaide éniemo cocítate. Afe cóciamona éniemona jarífenie boode. Daje izói nana aménaíaimona jarífenaíai boode. Daje izói nana caade ráitíaimona jarífene boode.

<sup>8</sup> Afe meifo Juzíñamui abi ímie ie vudugoi fúnua llezica, boode áillue íduna éroide raa monáillajimo dotaina. Iemona monáillajimona jarífeido díena jaide.

<sup>9</sup> Afemona nana afénomo ite caade chámuniaíaimona jarífeniaí aillo tícoizítiaioi. Daje izói afénomo ite jéerie bárconiaíaimona jarífenedo aillo niné táinocaidiaioi.

<sup>10</sup> Iemo jíaie Juzíñamui abi ímie ie vudugoi fúnua llezica, áillue ucudu monámona éniemo baíide. Afe ucudu bobaie izói boode. Afe bóodicudu nana imánillaimona jarífemanimo baíide. Daje izói éniemona jainoi jino toránuaíimo baílla.

<sup>11</sup> Afe ucudu mámece Eríredicudu. Iemona nana imánillaimona jarífemanillaí eríriede. Iemona afe jainoi erire jáillamona aillo comíni tíidiaioi.

<sup>12</sup> Ie mei nane jíaie Juzíñamui abi ímie ie vudugoi fúnua llezica, jítómamona jarífetomado jítirecaide. Daje izói fiuímona jarífeuido jítirecaide. Iemo jíaí ucúduaímona jarífecududo daje izói jítirecaide. Ie jira nana afémacimona jarífenedo jítirecaide. Naga mona naio diga jarífemonana egáíñoñediaioi.

<sup>13</sup> Afe méifomo caifo monamo éroidicue. Afe mona erodo feede Juzíñamui abi ímiena cacádicue. Afémie ficire úrioicaide. Daide:

—Aii. Eniemo ite comíni níi dúerena; mei Juzíñamui abi imácimona daámáni naí fiévide vudugoi fúnollena. Afémaci fúnua llezica énie imaci, ¡níi duere zéfuitiaioi! —daide.

## 9

<sup>1</sup> Iemo nane jíaie Juzíñamui abi ímie ie vudugoi fúnua llezica, daa ucudu monámona éniemo baíllana cíodicue. Iemo fiénide jóriaí íbárafo zuitarra llave afe ucúduimo iga.

<sup>2</sup> Afemona afécudu aféona tuiñode. Tuiñuamona aféfomona jacafai bóua uillia izói caifo uillide. Aféfomona caifo uillide uillie jítómana dúitate. Afe llezica mona erona jítire finode.

<sup>3</sup> Afe uilliemona bíniedo feede fiuai comuide. Afémaci, éniemo ite acáiduaí izói molléroirediaioi.

<sup>4</sup> Afémaci ráitie güllena rairuicaiaioi. Daje izói nana amena rábiaína guitatañegaiaioi, naa jíaie mócore zicode ráaniaí diga. Daa comíni duere finóllena orécaiaioi. Mei íadi dani Juzíñamui ie daítate mámece ozócimo cúeñeganona, afe fiuai duere fínóitiaioi.

<sup>5</sup> Mei íadi afe fiuai comínina tíтатаñegaiaioi. Mei jíaífodo afémaci cinco diga fiui comínina izi cácataítiaioi. Afe fiuai mailla, acaido come mailla izói izireite.

<sup>6</sup> Iemona aféruillaído comíni, “Raíre cue tílli” dáítiaioi, mei íadi tíñeítiaioi. Iere tíiacaitiaioi íadi, títaírede raa afémacimona oni jica jáite.

<sup>7</sup> Afe fiuai jóbairizaillena mamérilla cabállona eróidiaioi. Íaioi ífócimo oro finoína illaima ífo icuífoína éroide jíina. Iemo íaioi uéco come uécona éroide.

<sup>8</sup> Íaioi ífótíi ringo ífótíina éroide. Íaioi ízie ‘león’ daína jánallari íziena éroide.

<sup>9</sup> Iemo llojúciroi izoide abi ríidote icogi íaioi jogóbemo jíide. Íaioi féeoína jamánomo ficírede. Uafue, jóbairizailla caballo zonóicaiga ‘cárroniaí’ ficírena izói ficírede.

<sup>10</sup> Iemo afémacimo ite ooda acaido ooda izói molléroirede. Afe óodamo cinco diga fiui comíni duere finolle ríino ite.

<sup>11</sup> Afe fiuai illaima ite. Afémie fiénide jóriaí íbárafo úínotímie. Afémie mámece hebreo uaido Abadón; íemo griego uaido Apolión. Afeci daíacade “Niné táinocaitaimie.”

<sup>12</sup> Nanoide jacire izi cacánafue jae záaide. Mei íadi naí mena fiévide.

<sup>13</sup> Iemo nane jíáie Juzíñamui abi ímie ie vudugoi fúunua llezica, Juzíñamui uícomo ite oro finoína altar daina afémiemo caimátairanomona úrilla uaina cacádícué. Afe uai afe caimátairanomo ite cuatro dígade caifo fáide zicai cígimona cácaicaide.

<sup>14</sup> Afe uai jae vudugoi fúunote Juzíñamui abi ímiena daide:

—Afe cuatro dígade Eufrates imani abimo cuinaca ángeles izóidino mai zuitari, —daide.

<sup>15</sup> Jira zuitácaiaioi, nana comíni jarífenairaido titállena. Mei aféruimo dúcinamona bai óllena eneno mamécaiaioi. Daje izóí biruimo dúcinamona mamécaiaioi. Daje izóí bie fiui íena mamécaiaioi. Iemo daje izóí bie fimona íena mamécaiaioi.

<sup>16</sup> Afe cuatro díga ángeles ocuüllino aillo ite. Nana afémaci cabálloniai emódomo ráiiediaioi. Iemo afémaci dígadiaoí dáiána cacádícué. Afémaci doscientos millones dígadiaoí.

<sup>17</sup> Bie izóí éroide cabálluai nicaído ciona izóí ciódicue. Afe cabálluai emódomo ráiidino jogóbiaimo llojeco jitáoidiaioi. Afe llojécuiromo jáire, mócore, borare cuega. Íaioi cabálluai ifo 'leon' daina jánallari ifona éroide. Afémaci fuémoma irai izóí jino bite, íemo uíllie bite, íemo daje fuémoma nairai iere uzire cóonaitalle raa jino bite.

<sup>18</sup> Afe cabálluai fuémoma bite daámami jacire táinocaitate ráamona aillo nairai fuite. Uafue, nana comínimona jarífenairai tíidiaioi.

<sup>19</sup> Daje izóí afe cabálluai óodamo jacire títaite ríino ite, mei afe ooda jaiona eróideza; ifóredeza. Afedo comínina ainízicana uite.

<sup>20</sup> Mei íadi tíidinomona fiébidino, baie daámami jacíredemona tíñedino, íaioi finófireiga fiénidífuiaí féitaacañediaioi. Daje izóí fiénide jóriaimo caimátaitajana fáicanocaiñediaioi, naa jíáiforie finoca jánaraiaína. Dáarie afe jánaraiaí oro finoína, jíáie plata finoína, jíáie bronce finoína; íemo jíáie nofici finoína, íemo jíáie amena finoína. Nana bie jánaraiaí jaca cióñede; daje izóí mínicana cacáñede, íemo daje izóí macáñede.

<sup>21</sup> Afe fiébidino jíámaci méiniana fáicanocaiñediaioi. Daje izóí jíáima fue gáiana fáicanocaiñediaioi. Daje izóí íaioi jiruénana féitañediaioi. Daje izóí íaioi merífirenana féitañediaioi.

## 10

### *Daa ángel dainámie Juzíñamui abi ímie duera rabénico llíide*

<sup>1</sup> Afe méifodo riírede Juzíñamui abi ímie monámona ana bíllana ciódicue. Afémie uíllie cígido bite; íemo afémie ifomo rózígüeo izoide jíina. Ie uíeco jitoma egáñua izóí quenírede. Iemo ie idai boode jíaíllirai izóí éroide.

<sup>2</sup> Afémie daa duera rabénico tuiñoda llíide. Ie idai nabezi monáillaimo bitade, íemo ie jarífezi éniemo bitade.

<sup>3</sup> Iemo jánallari ficire írilla izóí ficire úrite. Afémie úrilla mei, mona siete dígacaiño giride; ie gíria come úrilla izóí cácaicaide.

<sup>4</sup> Afe siete dígacaiño mona gíria llúcailla mei, íaioi daina uaíllai cúeiacadicue. Mei íadi cúeiacadicuemo monámona daa uai cuemo úrillana cacádícué; daide:

—Afe siete dígacaiño mona gíria uaíllai rabemo cueñeno iri; báinino comécimo o jóneri, —daide.

<sup>5</sup> Afe mei afe monáillaimo naidaide, éniemo naidaide Juzíñamui abi ímie, ie onoi nabezi monamo zitáoidé.

<sup>6</sup> Afe llezica zíñona ite Juzíñamui mámece llínuano riire úrite. Afe dáaruido énie comuítatímie mámece, daje izóí monáilla comuítatímie mámece, íemo nana afénomo ite cáadinuiai comuítatímie mámece llínota riire daide:

—Benómona jaca ja móziñoñelleza.

<sup>7</sup> Jabe siete dígademona íiraímie Juzíñamui abi ímie ie vudugoi fúunolliriuimo dúcille llezica, Juzíñamui jica ía comécido báinino mamécáfue, ñue ícoimo zaité. Daíí Juzíñamui ie uai jino llórainimo jaiaí uécodo llote. Afémaci dani ie ocuífíregano, —aqué izóí daide.

<sup>8</sup> Nauí monámona cue cacana uai nane meine cuemo úrite. Cuena daide:

—Afe éniemo monáillaimo naidáidímie ónoimo ite túide duera rabénico mai llínuai, —daide.

<sup>9</sup> Jira afe Juzíñamui abi ímiemo afe duera rabénico jíacáidícué. Jicádicuemo afémie cuena daide:

—Llínota mai güi. Afe duera rabénico o fuemo cíjii naimérena izóí cácaite, mei íadi o jébemo erire cácaite, —daide.

<sup>10</sup> Mei jira Juzíñamui abi ímie ónoimona afe duera rabénico llínota güitícué. Güitícuemo cue fuemo cíjii izóí naimere cácaide. Mei íadi afe ja cue güilla méifodo cue jébemo erire cácaide.

<sup>11</sup> Afe mei cuena daídíiaioi:

—Juzíñamui daina aillo comini jófuiaimo cómutifuiái, meine dáanomo llóredioza. Daje izói aillo náiraiaina Juzíñamui dáinana llóredioza. Iemo daje izói jáiforie úritinona Juzíñamui dáinana llóredioza. Iemo jái aillo illáinina Juzíñamui dáinana llóredioza, —aquíe izói daidíaiói.

## 11

*Uai nabáifrede íaillinoi*

<sup>1</sup> Afe mei árra rázina cuemo itíaiói. Afezi jofó facáradozina eroide. Afezi cuemo fécano cuena daidíaiói:

—Mai náidacaillano dama Juzíñamui gairíracó nie dinóride fácaji. Daje izói Juzíñamuimo caimátairano o fácaji nie dinóride. Afe llezica afénomo nieze afémiemo caimátaidimacina ite mai fácado.

<sup>2</sup> Mei íadi afeco jinófebirí facáñeno o iri; mei afeno jicánemacimo dúideza. Afémaci Jerusalén daina íaifuenide jófueña cuarenta y dos diga fuído fieni anáfenoitaiói.

<sup>3</sup> Iemo cue dibéno úrillena uai nabáifrede íaillinoína óreitícue; come zuure ia jitaca jíticuro, jítaitiaillinoi. Afe íaillinoi mil doscientos sesenta dígaruillaí cuedo úritiaillinoi. (Afe mil doscientos sesenta dígarui, cuarenta y dos diga fiui.)

<sup>4</sup> Bie cue uai nabáifrede íaillinoi ménade olivo amena izóidiaillinoi. Daje izói afe íaillinoi bínie comúate Juzíñamui uícómo jónega mena boode áillue lámpara izóidiaillinoi.

<sup>5</sup> Dámie íaillinoína fieni finóacaniadi, afe íaillinoi fuémóna irái orédiaillinoi, afe íaillinoi fáiacadinona náamiena cuarítallena. Nana íaillinoína fieni finóacadinona daí títateza.

<sup>6</sup> Bie cue uai nabáifrede íaillinoimo monámona noci bítañede ríino ite. Afe íaillinoi Juzíñamui dibéno úricaille dinó, nocina bítañeítiaillinoi. Daje izói jainoi díena ória ríino íaillinoimo ite. Iemo jái comini duere fínoite nana jacírede duico comúata ríino afe íaillinoimo ite. Afe íaillinoi comeci óiacana dinori comínina duere finórediaillinoi.

<sup>7</sup> Mei íadi afe íaillinoi tájina fuilla mei, iere jacire éroide caade rille afe fiénide jóriai íbárafomona jino bite. Jino billano afe íaillinoi diga fúirite. Fuiríllano íaillinoína anáfenoitte. Anáfenua mei íaillinoína títate.

<sup>8</sup> Íaillinoi tílle mei, cai Ocuíraima coráinanomo, nii afe Jerusalemo, afe áillue jofue cigi iomo, íaillinoi tíide abí fiénocaigaiaillinoi. Afe jofue mámece, fieni íllana onótate uaido Sodoma daina. Daje izói jái Egípto daina.

<sup>9</sup> Iemo daruíamani átuedo diga jófuiái nairai afe íaillinoi abí tíllamo acáritiaíoi. Iemo íaillinoi abina raitátañeítiaíoi. Daje izói dígazie íaillinoi abí bíinamo acáritiaíoi, naa jáífodo úritinuaiiri.

<sup>10</sup> Bíniemo ite comini afe íaillinoi tíllari iere íobidiaíoi. Daje izói caimare íitaiói. Afe caimare íaiói íllamona conímamo ráaniaina raiñóñeno fécaítiaíoi. Mei afe íaillinoi Juzíñamui dibéno úricaille llezica, bimácina iere duere zefuítatiaillinoiza.

<sup>11</sup> Mei íadi daruíamani átuedo jailla méifomo Juzíñamui afe íaillinoína meine abído cáatate. Iemo meine abído íaillinoína macátate. Iemona íaillinoimo acáritino jamánomo jacínaitiaíoi.

<sup>12</sup> Afe mei afe uai nabáifrede íaillinoi monámona fícirede uaina cacade. Aféuai íaillinoína daide:

—Caifo bené bi, —daide.

Jira íaillinoína éoidino éroidemo, caifo mona uílliedo monamo jáidiaillinoi.

<sup>13</sup> Afe íaillinoi jailla llezica énie iere riire docaide. Afe riire docáillamona afe áillue jofue diez díganodemona dáagobe nana jáicoizite. Afemona siete mil comini tícoizítiaíoi. Afemona fiébidino iere jacínaitiaíoi. Jacínailano monamo ite Juzíñamuina caimátadiaíoi.

<sup>14</sup> Méifoide iere jácifue ja záide, mei íadi íiraie bille ja raírede.

*Siete dígade vudugoi fúunotinomona ja íiraimie fúunote*

<sup>15</sup> Siete dígade ángeles daínamaci Juzíñamui abí ímíaimona íiraimie ie vudugoi fúunote. Fúunua llezica, monámona diga ficire úrilla uailai cácacaila; daidíaiói:

—Nana bínie illáini illáimaillano naa íaiói ocuícánuaiiri ja dájena cai Juzíñamuimo, íemo ie Cristomo jaináitaga.

Iemo afe Cristo jaca ninomo zíñona ócuífireite, —daidíaiói.

<sup>16</sup> Iemona Juzíñamui uícómo ráiide veinticuatro dígade éicomini íaiói illaíma ráíiranomona ana bíjicaidiaíoi. Uáfueza, afe úrilla llezica éniemo fueco diné bíjicaillano, Juzíñamuina caimátaitadiaíoi.

<sup>17</sup> Iena daidíaiói:

Ona figura daidícai.

Jamánomo ocuide Juzíñamuidioza.



Birui itímiedioza, íemo jaiai nanómona itímiedioza, íemo jíái jaca ninomo zíñona íitímiedioza. Figura ona daídicaí, mei o áillue ríno maiñódioza. Máíñuano ja nane como ocuízaidioza.

<sup>18</sup> Náiraiái ícírinaizítiaíoi, mei íadi íaíoi duere o finólliruimo ja dúcizaide.

Daje izóí tíidino iere riire o jíacánolliruimo ja dúcizaide.

O díbenedo úrite o ocuífreganomo íaíoiena o mameca ñúefuíaína íaíoiimo fécaítio.

Daje izóí o uaina ñue íinofirede ñue finócanomo íaíoiimo dúide ñúefuíaína fécaítio;

íemo daje izóí o mámecina jífanodoíñeno ñue llínotinomo íitio.

Uáfueza, jamánomoidimiemo,

daje izóí jamáimiemo íaíoiimo dúide raana íaíoiimo ífredio.

Daje izóí bíníe ñúemacina fiéniruitadino o táinocaitalliruimo ja dúcizaide.

Aquíe izóí afe éicomíni daídíaiói.

<sup>19</sup> Iemona monamo ite Juzíñamui gairíraco tújicaide. Afénomo Juzíñamui comíni diga caimare úrira raa uáfori cíocaide. Afe úrira raa emodo órona íbaica caja. Afe eromo Juzíñamui lloga uaillai éenotiaíoi. Afe gairíraco tújicailla llezica améuai riire llairide, íemo ficíriede ráaniai cacaide; íemo mona ficíre giride; íemo énie iere riire docaide; íemo iere mairide nocíjiaí cocide.

## 12

*Ringo íemo jacírede zicínaimana eróidímie diga monamo cíocaide*

<sup>1</sup> Afe mei monámona jacírede onótate raa cíocaide. Afénomo ínÍroido ferínua izóí, jítoímado ferínoga ringo cíoina. Afengo ídai anamo fiui cíoina, íemo afengo ífomo doce dígade ucudu illácuífoi, illaíma jíáfíregacuífoi izoide jítaíoi.

<sup>2</sup> Afe ringo úrue jocóacade izínaiíla. Afe iere izírenari caillícade; mei afengo úrue jíeiciacana llezica iere duere zefuídeza.

<sup>3</sup> Afe méifodo jíáie jacírede onótate raa monamo cíocaide. Afénomo áillue jíáirede jacírede zicínaimana eróidímie cíocailla. Afémie siete diga ífórede. Iemo afémie diez diga zicáirede. Afe ífóciaimo illa dígacimo illaíma jítaracuífoi jíina. Daa íe mámeceí Taife.

<sup>4</sup> Íe óodado monamo ite úcuaimona jarífecuduna aillo dánomo jainánote. Jainánuano afécuduána ana éniemo dotade. Afe 'dragón' dáina zicínaimana éroidímie, afe úrue jocóacade ringo uíecomo jóoneoide, afe íe jocóacaga úrue jócu llezica raire ríllena.

<sup>5</sup> Iemo afe ringo íza jocode. Afémie úire móonaia nana náiraiáina llójébici izóidedo riire ócuífireite. Afe úrue jócu méifodo Juzíñamui bairoca. Bairoda íe illáíma ráírano uíga.

<sup>6</sup> Afe llezica afe ringo táizicimo botade. Afe dínomo afengo retáírillino uícado Juzíñamui finoca. Afénomo mil doscientos sesenta diga mona afengo ecáecaille.

<sup>7</sup> Afe méifodo áillue fuíríacana caífo mona eromo comuíde. Afénomo Juzíñamui abí ímací illaíma Miguel naa jíáie Juzíñamui abí ímáiciaíri afe dragón diga fuírídiaíoi. Daje izóí afe dragón naa íe abí ímáiciaíri fuírídiaíoi,

<sup>8</sup> mei íadi afémaci Miguel náiraina anáfenonidiaíoi. Iemona dragón ímací illino monamo íñede.

<sup>9</sup> Afe íe illino íñena jíra afe riírede dragón monámona ja jíno dotaca. Afe jaiai ninomo íte jaíoi daínámie jíáfodo mameína Taife, íemo Satanás, íemo dáamie nana náiraina jífueíredímie. Afémie naa íe abí ímáiciaíri ana éniemo dotácaíaiói.

<sup>10</sup> Afe méifomo monámona ficírede uaina cacádicue. Afe uai daíde:

–Cai Juzíñamui bíníe comíni jíllóillena mámiaruímo ja dúcide. Daje izóí íemo íte ríno facálliruimo ja dúcide. Iemo daje izóí illáímana íe illáíruimo ja dúcide. Daje izóí íe jíto Cristo riire ocuálliruimo ja dúcide. Mei cai ámatiaímo fiénidífue nitáfíredímie ja jíno dotácaza. Afémie nágaruillai, mona naíoi diga cai Juzíñamui uíecóri afémacimo fiénidífue nitáfírede.

<sup>11</sup> Cai ámatiaí Cordero díedo fiénidífue ana fenodíaiói. Daje izóí íaíoi jíno meáíruiñeno lloga Juzíñamui uáíllaido caífófecícaídiaíoi, mei jaca tíllana jacíruiñediaíoi; mei jíáfodo jaca tíllemo ñue finóbidiaíoi.

<sup>12</sup> Iemona, mona naa afénomo íte cáadínuaíri mai omoi íóbiri. Mei íadi éniemo ítino níi dúerena, naa monáíllaimo ítinuaíri, mei Taife ómoímo ana íere ícírillano jáideza. Afémie nano íanóri íe íllena onódeza.

<sup>13</sup> Afe dragón ana éniemo íe dótajana onóíllano, nauí íza jocódingo racade.

<sup>14</sup> Mei íadi afe ringo mena áillue máajaiño íaícona íga, áfedo afe jaíoi daínámie dragómona jíca táizicimo afengo féellena. Afénomo daámáni fimona átuedo afengo ecáecaíga.

<sup>15</sup> Iemo jaio dainámie áillue jainoi ie fuémona orede, imánina comuúllena, mei afe imánido afe ringo coróbaillena.

<sup>16</sup> Mei íadi énie ringona ríidote, mei afe dáaruido énie bóccocaillano, afe dragón fuémona oreca imánina naítateza.

<sup>17-18</sup> Afe biemona afe dragón ringomo iere ríicaide. Ríicaillano aféngomona fiévide ie erófene igímaiai diga fuirízaide. Afémaci Juzíñamui ocuica uaillai jeire otíaioi. Daje izói afémaci Jesucristo lloga ua ráfuena fáicanocaiño nágaurui jeire ófirediaioi.

## 13

### *Mena áillue jacire eroide rille cíocaide*

<sup>1</sup> Monáillai fuédamo cue naidáillano monáillaimona iere jacire eroide rille caifo bíllana cíodicue. Afémie ifo siete dígade, daje izói afémie diez diga zícáirede. Afe illa diga zícáimo illaima jítaracuífoi jína. Afémie ifóciaimo Juzíñamuina fieni daina mámecei cúeina.

<sup>2</sup> Afe cue ciona jacírede rille jánallarina eroide. Ie ídaiai oso ídaina eroina, íemo ie fue león fuena eroide. Bímiemo dragón íemo ite ríino naa ie illáimaillano diga afémiemo fecade. Afe llezica riire ocuífrenafue afémiemo lloga.

<sup>3</sup> Afe jacírede rille ifóciaimona daaci titade áillue boáfena eroide illa. Mei íadi afe titáacade áillue boafe raire jacaide. Iemona nana énie náiraiai áferi iere jacínaitiaioi. Jacínaiillano afémiemo ínotiaioi.

<sup>4</sup> Afémaci dragón uícomo éniemo fueco diné bíjicaillano íemo caimátaidiaioi, mei dragón riire ocuille ríino afe jacírede ríllemo ígaza. Iemo daje llezica jacírede ríllemo caimátaidiaioi. Caimátaiillano daidíaioi:

—¿Bu mei bie jacírede rille izoina? ¿Bu mei afémie diga fuirírena? ¡Afémie anáfenonide! — daidíaioi.

<sup>5</sup> Afe llezica afe jacírede rille afémie úrilla bu llétañega. Iemona Juzíñamuina íaire daina uaina llote, naa fieni abí ínuafuíaari. Afe izói cuarenta y dos diga fiui, daí ie ocuilla buna ráiruíñega.

<sup>6</sup> Iemona afémie bie izói finode; Juzíñamuina uáitano, ie mámeceina íaire daíioide. Daje izói Juzíñamuimo úriranona íaire daíioide. Iemo monamo itínuiaina daje izói íaire daíioide.

<sup>7</sup> Iemo jíai daje izói Juzíñamuimo jaináidino diga ie fuirilla buna ráiruíñega. Daje izói afémaci ie anáfenolle buna ráiruíñega. Iemo nágazie ocuille ríino afémiemo fecaca. Daje izói nana comíni jófuiai ócuífreite, íemo daje izói nana jíáfodo úritinuíai ócuífreite, íemo daje izói nana náiraiaina ócuite.

<sup>8</sup> Nana bíniemo itino afe jacírede ríllemo caimátaidiaioi. Afémaci mámeceiai zífíona íitino rabénicomu cúeñega. Ua énie taineina llezica baimaci mámeceiai afénicomu cúeñega, mei afémaci ínoñena jira. Afénico nauí titaca Cordero ie.

<sup>9</sup> Bífuemo cacácadímie maí bíemo cácarei.

<sup>10</sup> Jíaimacina maitá uitino méifodo nane maitá uille. Iemo jíai lloéfado jíaimacina titádino méifodo afémie daje izói lloéfado titalle. Mei jira Juzíñamuimo jaináidino comécina járidonidiaioi; daje izói jíai ñue ínorediaioi.

<sup>11</sup> Afe méifodo jíaie jacire eroide rille éniemona caifo bíllana cíodicue. Afémiemo mena zicai ite; cordero zícaina eroide. Mei íadi afémie dragón úrilla izói úrite.

<sup>12</sup> Nauí monáillaimona bite nanoide jacire éroide ríllemo ite riire ocuille ríino, daje izói bie méifoidímie ite. Iemo nanoide jacírede rille uícori, bímie íemo ite ríino ácatate. Ie ríino ácata llezica afémie nana éniemo itínuiái, nanoide jacírede ríllemo caimátaiillena ocuide. Afe nanóidímie ífomo ite áillue boafe raire jacáidímie.

<sup>13</sup> Iemo afe méifoidímie daje izói iere jácímie daítate raana cíotate. Mei uafue, afémie nana comíni eróicana monámoma iraici ana éniemo cocítate.

<sup>14</sup> Iemo afe nanoide jacírede rille uícomo buna ráiruíñega ie finócaigado nana bíniemo itínuiaina jífuete. Afémacina jífuiano afe aillo bofédaite jacírede ríllena eroide jánaraina afémacina finótate. Afe bofédaite jacírede rille lloéfado aillo bofeca, mei íadi nai caade.

<sup>15</sup> Iemo afe méifode jacírede ríllemo, afe jánarai cáatalle ríino íemo iga. Iemona afe jánaraina cáatano, afémie afe jánaraina úritade. Daje izói nana afe jánaraimo camátaiñedinona afe jacírede rille jánarai íaioina fatátate.

<sup>16</sup> Nana afe baímo, nana náiraiaina bie izói itátate; nana jabóidímaci naa jamánomoidímiaiai diga, nana ráaredino naa dúredino diga, nana ráiruíñegano naa ráiruícano diga, íaioi onoi nabézimo daa onótate número jóonetade. Afe onótate número nabézimo jóoneñena íaioi ozócimo jóonerede.

<sup>17</sup> Naga afe onótate númerona cúeñegamie jaca ibárinide, daje izói raana fecánide. Afe número nanoide jacírede rille ie. Afe número afémiemo dúide mámece daiíacade.

<sup>18</sup> Bifue onóillena iere báitajamo dúide. Afena onódime, mai afe jacire eroide rille número faca. Afémie número iima ie. Afe número seiscientos sesenta y seis.

## 14

### *144,000 dígadino roga rua*

<sup>1</sup> Afe méifomo Cordero Sión mameina idu emódomo naidáinana ciódicue. Afénomo afémie diga ciento cuarenta y cuatro mil comini naidáiede. Afémaci ozócimo Cordero mámece naa ie Moo mámece diga cúeina.

<sup>2</sup> Iemo monámona ficírede raana cacádicue. Afe ficírena aillo imánillai nofice tua ficírena izoide. Jiái riire mona gíría ficírena izoide. Iemo jiái aillo arpa daína, rua roia taiga ráaniái ficírena izoide.

<sup>3</sup> Afe llezica illaíma ráirano uícomo afémaci comue rua rotíaioi. Daje izói cuatro diga cáadimíai, íemo éicomini uícomo rotíaioi. Afe rúana jaca buna ónide. Dani afe ciento cuarenta y cuatro mil diga éniemona jílode comini afe rúana onona.

<sup>4</sup> Afe bimaci ringomo jíriñedino, meí afémaci jaca íaifuenidino; dani íaioi abi rairuídiaioi. Daje izói afémaci Cordero jaináitagamaci. Afémaci cominimona jíllogagamaci, Juzíñamuimo nanóidino ie dúidimacina íaioi llena. Daje izói Cordero nanoide dúidino itíaioi.

<sup>5</sup> Afémaci jaca táinona úriñediaioi, meí afémaci Juzíñamui illáimana ráirano uícori íaifuenino itinoza.

### *Daámami ángeles daínámaci Juzíñamui abi ímíai llócaiga uai*

<sup>6</sup> Afe meí jiáie Juzíñamui abi ímie mona dáafenedo féiana ciódicue. Afémiemo zíñona jílloíuui illa, bíniemo itínomo llóllena. Nana énie náiraíaimo llórede, íemo nana jiáiziemo. Daje izói nana jiáfodo úritinomo llórede, íemo daje izói nana comini jófuiado.

<sup>7</sup> Afémie ficírede uaido daide:

—Juzíñamuina ñue omoi jacírui; ñúefuiaina afémiemo omoi nitari, meí afémie iere riire jicánolliruiimo ja dúicideza. Mai mona finódime, daje izói énie finódime, íemo monáillai finódime, íemo éniemona jainoi jino torano finódime; afémiemo omoi caimátaíreiri, —daide.

<sup>8</sup> Iemo nane jiáie Juzíñamui abi ímie méifodo cíocaide; afémie daide:

—Ja jáicoizite, ja jáicoizite. Afe áillue Babilonia jofue jáicoizite. Meí aillo fiénide jiruífuiái izoide íaifuiái omoi finofrenado, nana nairai jífáidino izói itátatiomoiza, —daide.

<sup>9</sup> Afe méifodo íiraie Juzíñamui abi ímie ficire daiíocaide:

—Dámie jacírede rillemo caimátaíadi, íemo jiái afe jánaraímo caimátaíadi, íemo daje izói afe rille mámece ozócimo ninena ónoímo cuetátaíadi,

<sup>10</sup> afe izóidino Juzíñamui lloga jamánomo duere finóllinomo orélliaioi. Meí afe izóidinomo afémie iere rícaide; rícaíllano afémie duere íaioi finolle, féíñellena riire íaioímo mamécaza. Iemo Juzíñamui abi ímaci uícomo, daje izói Cordero uícomo, iraido íaioína iere izi cácatalliaioi. Iemo daje izói nairai iere uzire cóonaitalle raado afe izóidinona iere izi cácatalliaioi.

<sup>11</sup> Duere íaioi zefuítate irai uíllie jaca ninomo llácaíñeno caífo uíllíoide. Afe jacírede ríllimo caimátaítino mona naio diga afe duere finóinamona jaca ócozinaiñeítiaioi. Afémaci naa afe ríllena eroide jánaraímo caimátaíadinori, íemo jiái ie mámece onótate número otino diga nana jaca ócozinaiñeítiaioi.

<sup>12</sup> Meí jira Juzíñamuimo jainaide ie ocuica uaimo jíruítino, naa Jesudo fáicanocáñede jáidino diga, comécina járidonidiaioi.

<sup>13</sup> Nane afe méifomo monámona daa uai cuemo úrillana cacádicue; daide:

—Bie cúeiri: “Benómona caí Ocuíraíamamo ínote títino caímare ítiaioi.” Afena Juzíñamui Ñuera Joreño “Jíi” dáideza, meí afémaci íaioi tájinamona ocózinaitiaioiza. Daje izói íaioi finócano, jiáima diga nabáirilla izói féitañegaza, —daií daide.

### *Ria llizilla óina izói, énie comini jofo ollíruimo dúicide, Juzíñamui duere íaioi fnóllena*

<sup>14</sup> Afe meí eróillano úzerede mona ero uílliena ciódicue. Afe uíllie emódomo Nanoide íima Jítina Jesuna éroidime ráina. Ie ífomo oro finoína illaíma jítaracuífoi jíina. Daje izói hozna mámeceírede arroz izoide líizie ñetara llíide. (Afe raa jofo icuífoína néfide jáirede lloefai izoide.)

<sup>15</sup> Iemo nane jiáie Juzíñamui abi ímie ie gairíracomona jino billa. Afémie ficírede uaido uíllie emódomo ráiidimiena daide:

—O lláiga llízíe ñetara raado tájjiiri. Ja jeede diga mai jofo ono. Ja jofo ollíruimo dúcidez. Enie comini finócafuiai ja jeede rianiai izóí fiénidifuena iere oruídeza, —daide.

<sup>16</sup> Afe mei uíllie emódomo ráiidimie ie lláiga llízíe ñetara raado énie comínimo tájizaide. Afedo fiénidifuena oruídino jofo ote.

<sup>17</sup> Afe mei jíáie Juzíñamui abi ímie monamo ite Juzíñamui gairíracomona jino bite. Daje izóí afémie járede llízíe ñetara raa llíicabite.

<sup>18</sup> Afe llezica jíáie Juzíñamui abi ímie Juzíñamuimo caimátairanomona jino bite. Afémiemo jobáitalle ríinona ite. Iemo afémie, járede ñetara raa llíidimiena ficire járillano daide:

—Mai omo ite járede ñetara raado tájjiiri; éniemo ite jíricoillai ollíruimo ja dúcidez. (Afe jíricoillai fiénide comini jana.) Mai jofo ono, mei afe jíricoillai ja iere jiduídeza, —daide.

<sup>19</sup> Iemo afe jíáie Juzíñamui abi ímie, ie járede ñetara raado énie comínimo tájizaide. Afedo éniemo ite jeede jíricoillai izoide fiénidino jofo ote. Uano áillue iduíraco izóidino jofo dite, afénomo riire iduúllena. Bie iduúlla Juzíñamui bie izóí duere afémacina finolle jana.

<sup>20</sup> Afe jíricoillai izoide fiénidino áillue comini jofue jinomo iduica. Afe iduíracomona aillo díena tote. Afórede imani izoide; áfeji caballo táia ie fue illa dinori afórede. Daje izóí áfeji trescientos kilómetros dinó tote.

## 15

*Tiriae siete dígade jacírede duere finóllífuiai Juzíñamui abi imaci mameca*

<sup>1</sup> Iemo monámona jíáie jacínaitade áillue raa jánana ciódicue. Siete dígade Juzíñamui abi imaci íraie siete dígade jacírede duere finóllífuiai lluáibítiaioi. Afedo Juzíñamui ríicallana záaite.

<sup>2</sup> Daje izóí, vídriona finóinana eroide monáillajina ciódicue. Afeji réici diga taméricaide; daí eroide. Jacírede ríllena anáfenodino afe fuédamo naidáiediaioi; daje izóí ie jánaraina anáfenodino; íemo jíái afe ie número mámecina ozócimo cúeñegano diga. Nana dáanomo afe vídriona eroide monáillai fuédamo naidáiediaioi. Nana bimaci Juzíñamui íaioimo fecaca ‘arpa’ dina rua roia taiga raa llíiediaioi.

<sup>3</sup> Afémaci Juzíñamui jáiai ocuífregamie Moisés rua rotíaioi. Daje izóí jíái Cordero rua rotíaioi. Aférua bie izóí daide:

Ocuíraíma, nana o finócanuiai iere ebíriede.

Jamánomo ríinorede Juzíñamuidio.

Náiraiái lláima, nana o jáifirena io uáfua jaícina jóide.

<sup>4</sup> Ocuíraíma, ona ñue jáciruíneitimiena íñede.

Daje izóí omo ñúefuena jóoneíitimiena íñede.

Mei dama o íaifuenidimienaza.

Naga náiraiái omo caimátaizaibítiaioi, mei o jaícina finófiregafuíaína ciódiaioiza.

Aquíe izóí rotíaioi.

<sup>5</sup> Bie méifodo, monamo ite Juzíñamui gairíraco tújicaillana ciódicue. Afeco nofíbicimo cuega Juzíñamui ocuica uailai éenorano.

<sup>6</sup> Afécomona Juzíñamui siete dígade abi imaci jino bite. Afémaci siete dígade jacírede duere finóllífuiai uite. Afémaci ráifide íáinide queníredicuiruai jítaíodiaioi. Iaiói llaitáoi ga oro finoina ciraigi ífe jogóbemo dúcide.

<sup>7</sup> Ie mei cuatro dígade cáadimíaimona dáamie afe siete dígade Juzíñamui abi imácimona illa dígamie oro finoina ichecoí fecade. Aféchechoí jaca ninomo ziiñona ite Juzíñamui ocuica duere finóllífuena oruíde.

<sup>8</sup> Iemo afe Juzíñamui gairíraco uílliena oruíde. Afe uíllie Juzíñamui jamánomoidimiena íllamona, daje izóí ie iere ríinorenomona comuíde. Afe llezica afécomo buna jofo jáimide. Nai afe siete dígade Juzíñamui abi imaci siete dígade jacírede duere finóllífuiai záíñena llezica buna jofo afécomo jáinide.

## 16

*Juzíñamui duere finóllífuena oruíde íchécuai*

<sup>1</sup> Afe mei Juzíñamui gairíracomona jino bite ficírede uaina cacádicue. Afe uai siete dígade Juzíñamui abi imácina daide:

—Juzíñamuimona bite siete dígade duere finuana oruídicuecuaí ana éniemo tótaji, —daide.

<sup>2</sup> Nanoide Juzíñamui abi ímie jaillano, afémiemo ite ichecoí ana éniemo totade. Afemona nana jacírede rille mámecina cuegánomo jacírede duico comuíde. Afémacimo izírede jillotañede ñozagi izoide duico comuíde, daje izóí afe rille jánaraimo caimátáifíredinomo.

<sup>3</sup> Iemo méifoide Juziñamui abi ímie afémiemo itícheçoi monáillaimo totade. Tótamona afe monaillai jainoi tídimie die izói jaide. Iemona nana monáillaimo ite cáadinuai tícoizite.

<sup>4</sup> Iemo nane jáie Juziñamui abi ímie afémiemo itícheçoi imánillaimo, daje izói éniemona jainoi jino toránuaimo totade. Iemona afeno jánoillai díena jaide.

<sup>5</sup> Afe mei jainoi fiéni finótate Juziñamui abi ímie dáinana cacádíçue; daide:

—Oçuíraíma, íaífuénide Juziñamuidio. Bie izói comíni duere o finóllena iere coméçina jáçina jóidímiedio.

<sup>6</sup> Mei omo jaináidinona títano íaioi díena naui totádíçioiza. Daje izói o dibénedo úritino díena totádíçioiza. Iemo birui afe íbana o afémacina díena jirótatio, mei daíí afémacimo dúideza.

<sup>7</sup> Afe mei nane Juziñamui o caimátairanomona dámie dáinana cacádíçue; daide:

—Jíi, uáfueza, çai Oçuíraíma, o jamánomo riírede Juziñamuidio. Uáfueña ñue jáçina iere riire jicánotio, —daide.

<sup>8</sup> Ie mei nane jáie Juziñamui abi ímie afémiemo itícheçoi jítómamo totade. Afemona afe jítoma comíni cónaítalle riño iga.

<sup>9</sup> Iemona nana comíni jamánomo cónaízítíçioi. Mei íadi íaioi comeci itífuiaina méidoñediaioi. Daje izói Juziñamui o caimátaiñediaioi. Mei jáíçifodo afe jacírede duere finóllíçuiçai oçuídimiena faidóñediaioi.

<sup>10</sup> Iemo nane jáie Juziñamui abi ímie afémiemo itícheçoi jacire eroide rille illáimana ráiiranommo totade. Afe llezica afémie náamataga illano jítireçaide. Iemona nana comíni afe uicodo íaioimo comuide duíçuai ízirenari dani abi ainízítíçioi.

<sup>11</sup> Mei daíí itíçioi íadi, íaioi finoca fiénidíçuiçai fáicanocaiñediaioi. Mei jáíçifodo, izi íaioi cácana ícoinia, daje izói jacire íaioi ñozánaillamona, monamo ite Juziñamuina íaire daidíçioi.

<sup>12</sup> Iemo nane jáie Juziñamui abi ímie afémiemo itícheçoi áillue Eufrates mámeçirede imánimo totade. Afemona afe imani zafénaite, áfedo illaini raire ruica bille io tuíñóllena. Aféllaini naa íaioi fuírírainiri jítoma caíço biránomona bitíçioi.

<sup>13</sup> Afe mei dragón dainámie fuémoma, daje izói jacire eroide rille fuémoma, daje izói taino uai jino llóñiredímie fuémoma daámanide cúuraçina eroide fiénide jóriçai jino bíllana cíodíçue.

<sup>14</sup> Afe daámanidino Taife jóriçai. Afémaci cíórainina raana cíotafredino. Bie damieámanidino nana énie illaini naa íaioi fuírírainiri dáanommo gairítate, jamánomo riínorede Juziñamui diga fuíríllena. Aferui Juziñamui aillo íba ollirui.

<sup>15</sup> Aféruído monámoma Cristo úrillana cacádíçue; daide:

—Ero, cacai. Merízíçai bitímie billa izói, comíni nai cuemo coméçíñediaioimo déizaibíticue. Çue bille llezica iníñeno cuemo comeci facáoidímie caimare íte. Daje izói emuíroma máçañíllena iníroina ñue úíñotímie izói, íaífuemona abina ráiurítímie méairuíñeite, —daide.

<sup>16</sup> Iemo afe daámanide fiénide jóriçai, nana illáinina dáanommo gairítate. Afeno mámeçi hebreo uaido daina Armagedón.

<sup>17</sup> Iemo siete dígademona íraie Juziñamui abi ímie afémiemo itícheçoi caíço táífommo totade. Tota llezica monamo ite gairíçomona fiçírede uai cáçacade. Afe uai illaíma ráiiranomona jino bite; daide:

—Ja fuite, —daide.

<sup>18</sup> Afe méíçifodo, améuai llairilla. Mona gíríçai naa fiçíriede ráaníçai diga cáçacade. Afe llezica énie iere riire doçacade. Nanómoma bíniemo comíni ía doçáíçreña baimo, jamánomo riire doçacade.

<sup>19</sup> Iemona afe áillue comíni jofue daámani dieze bóçíçide. Jáie bíniemo ite jofue jáiçioizite. Afe llezica Juziñamui áillue Babilonia jóçuemmo úbicaide, duere íaioina finóllena. Afe duere finóllíçue comíni tíçate riíçai jírúçai izói íte. Afémie riíçai llano daíí íaioina finóite.

<sup>20</sup> Afe dáaruído nana monáillají çigí íduçai naa jáie caíçofueduairi niné táinocade.

<sup>21</sup> Afe llezica aillo jéçie nocíçiaína monámoma comínimmo cocíde. Aféçiaimona dáarie çuarenta kilos méereçde. Iemona afénommo ite comíni afe áillue nocíçiaí çócíari Juziñamuina íaire daidíçioi, mei afe bimaci duere fínua iere jamánommoideza.

## 17

### *Jamánomo jírúçedíngmo duere finóinaçue*

<sup>1</sup> Afe méíçifomo siete dígachecoí llíçde Juziñamui abi imáçimona dáamie cuemo úriçai bite. Çuena daide:

—Eróizai. Jamánomo jiruírede izoide íaifueredíngo duere finóinana omo ácataiticue. Afengo monáillajillaimo ite. Afe bie izói daiíacade aillo nairai afengo anamo itíai.

<sup>2</sup> Bínie illaini afengo diga aillo fiénide íaifuiai finófirediaioi. Iemo bínie comini afengo íaifuerenamona jifáifredino izói íaire jáidiaioi, —daide.

<sup>3</sup> Afe mei Juzíñamui Ñuera Joreño nicáirilla izói cuemo ácataja llezica, daa Juzíñamui abi ímie táizicimo cue uite. Afénomo daa ringo jáirede jacire eroide rille emódomo ráinana ciódicue. Afe rillemo diga Juzíñamui íaire daina uallai cúeina. Afe rille siete diga ífócirede, daje izói afémie zicai diez dígade.

<sup>4</sup> Afe ringo jitáogaicuiro jáirede, íemo morádonna eroide. Afengo oro finoina íena ebire finóbide, íemo ráifide ñue finoca noficiaina, íemo ‘perla’ daina zíriona finóbide. Iemo afengo oro finoina ichecoí lláide. Aféhecoi íairede raana oruide, íemo jíai afengo jiruírena llezica finoca íaifuiaina oruide.

<sup>5</sup> Afengo ozócimo cuetá jónega ónonide mámecei illa. Afeci bie izói daide: “Aillue Babilonia jofue, nana fiénidífuiai jillaci, aféfuiai ei daina izói mameide. Iemo nana bíníemo ite éoigafuiai ei daina izói mameide.”

<sup>6</sup> Iemo diga Juzíñamuimo jaináidino afe ringo ícoina fazícaiaioi. Afémaci Jesús uai llócaina jira afengo titácaiaioi. Iaiói fazícanori afengo, come jifáifirena izói, iere ióbide. Afena cíollano iere jacire fáigacaidicue.

<sup>7</sup> Ie jira Juzíñamui abi ímie cuena daide:

—¿Mínicari jacínaitio? Afe ringo ónonino daiíacanafue jino omo onótaiticue. Daje izói afengo úifrede jacírede rille maméinafuena omo onótaiticue. Afe rille ifo siete dígade, íemo diez diga zicairede.

<sup>8</sup> Afe o ciona jacírede rille jaiai nino ítmie, mei íadi ie tílla mei jae íñede. Mei íadi afémie íraicaiño ie tílle úcodo meine abido fiénide jóríai íbáirafomona caífo biite. Mei íadi billano zíñona ie duere finólinomo orelle. Eníemo ite comínimona zíñona ille rabénicomo énie taineina llezica mámeceina cúeñegano, afe rillena cíollano iere jacínaficaitiaioi, mei afémie jaiai íteza, íemo birui jae íñedeza, íemo meine abido uire bíteza.

<sup>9</sup> Birui cai uaina féiruíñedinomo nai benó jíaié lollífuenta ite: Cácarei. Afe siete dígade ífócaí baie ringo ráina siete dígade caifóneduai jana.

<sup>10</sup> Iemo afe llezica afe siete dígade ífoci daje izói siete dígade illaini jana. Afe siete dígade illáinimona cinco diga ja dotácaiaioi. Afe mena fiébidemona daa nai illáimana ite. Iemo jáimie nai illáimaizaiíñede. Afémacimona íraillaima bíadi are íñeno táinocaité.

<sup>11</sup> Naui caade íocirede rille, tíde íadi, nane birui caade illaíma. Afémie siete dígademona afémaci emódoíilláima. Mei íadi afémie siete dígademona dáamie. Afe mei afémie íraicaiño ie tíllinomo jáite.

<sup>12</sup> Afe o ciona diez dígade zicai, diez dígade nai illáinina jáíñedino jana. Mei íadi jacírede rille diga dáaruido afémaci nano íanori dieze illaini ocuífirena ríino lláinoítiaioi.

<sup>13</sup> Bie diez dígade illaini conímamo daje izói coméciidiaioi. Iemo íaioimo ite ocuille ríino jacírede rillemo fécaítiaioi.

<sup>14</sup> Iemona Cordero daina Jesucristo diga fúiritiaioi; mei íadi Cordero íaioina anáfenoite. Mei afémie nana ocuídonomona Jamánomo Ocuídímieza. Daje izói afémie nana illáinimona Jamánomoidilláimaza. Afémie diga jáicadino Juzíñamui nizada jíriganó. Daje izói afémaci fáicanocaiñeno Juzíñamuimo ñue íinofiredino, —daí afémie cuena daide.

<sup>15</sup> Juzíñamui abi ímie nane dáanomó cuena daide:

—O ciona monáillajillai, ñí afe íaifueredíngo illano, afe monáillajillai aillo jófueniai jana. Daje izói aillo comini jana, íemo jíáiforie úritino jana, íemo aillo náiraíai jana.

<sup>16</sup> Jacire eroide rillemo o ciona zicainiai jíaié illáimaíai jana. Afémaci bie jiruíredíngona éoitiaioi. Eoillano aféngona zóofeitiaioi, íemo jíai aféngona emuúrogi óreitíai. Afe mei afengo íeizina rúttiaioi. Iemo jíai aféngona íraimo cóonaitiaioi.

<sup>17</sup> Juzíñamui comeci jítaina izói afe ringona duere íaioi finóllena ónonino íaioi comécimo úrite. Ie jira dájena coméciidiaioi íaioimo ite jacire ocuille ríino jacírede rillemo fecállena. Iemona afémie jamánomo rúrede. Daí Juzíñamui daina uállaina fuillíruimo dúcia llezica finófirediaioi. Iemona afémie daina uaina ñue ícoímo záttatíai.

<sup>18</sup> Afe naui o ciona jiruíredíngo, nana énie jamánomo ocuífiredílláima illágobe jana, —aquí izói daide.

## 18

*Babilonia jofue táinoicailla*

<sup>1</sup> Bie méifodo monámona jáíie ángel dainámie, Juzíñamui abi ímie ana bíllana ciódicue. Afémie aillo ríino diga bite. Afe llezica ie quenire bóodedo bínie egáíñote.

<sup>2</sup> Afe llezica afémie ficire úrite; daide:

—Aillue Babilonia jofue ja jáicoizite, ja táinoacide. Taiife ocuífíregano illánona jaide. Daje izói nana jáíiforiede iáirede jóríai uíñoracona jaide. Afe izói nana iáire féedino jilláíllinona jaide, naa jáíi cai éoiga féedínuaiari.

<sup>3</sup> Mei aillo fiénide íaífuiaí afengo finófírenado, nana nairai jífáidino izói itíaiioiza. Iemo naga énie illáini afengo diga aillo jiruífue izoide íaífuiaina finófírediaioi. Bíníemo ráaniaí fecáfíredino iere úcuberedínona jáidiaioi. Mei uafue, afe áillue jofue comíni izire jicaca táinomo faitátate ráaniaí íaíoi jíacáfírenamona bimaci aillo úcubenaídiaioi.

<sup>4</sup> Afe mei monámona jáíie uaina cacádicue; daide:

—Omoi cúeiediomoiza bie jófueмона oní omoi jai; íaíoi finoca fiénidífue afémaci fínua izói omoi finoñeilleza. Daje izói íaíoiimo zúite jacíredífuiaí ómoimo jíriñelleza.

<sup>5</sup> Mei afémacimo ite fiénidífuiaí ofilla ja monamo dúcidezca. Íaíoi finoca fiénidífuiaímo Juzíñamui ja ubícaideza.

<sup>6</sup> Iemo Juzíñamuina daide:

—Jáímacimo íaíoi feca izói, afe izói íaíoiimo fecari. Íaíoi fiéni fínua izói, afe baímo ménacaíño afémacimo finorí. Afémaci ñúemacimo eríredena jóoneta jírota izói duere íaioina finódiaioi. Afe íaíoi fínua izói, afe íbana ménacaíño afémacimo riire duere íaioina finorí.

<sup>7</sup> Aillo táinodo abi íaíoi ínua dieze, íemo cómena canóñedemo fáíffírena dieze, áfeze afémacina duere finorí; afe izói íaíoiina duere zefuítari. Mei bie ringo izoide jofue comíni afengo ie comécido daíífíredeza: “Benomo illáingona ráidídicue. Jaca fécinaiñeíticue; jaca dúeníticue,” —afengo daide.

<sup>8</sup> Ie jíra bie izói úrillamona, dáaruido omo dúide jacíredífuiaí cómuite: tília íemo duere zefuilla, íemo júbie. Iemo iraimo cóonaitio. Mei o duere finótate Juzíñamui jamánomo ríinoredeza. Afémie jaca cai Ocúiraíma.

<sup>9</sup> Afengo diga jíruírede bínie illáicomíni, daje izói afengo diga cómena canóñedemo fáífidino aféngori iere éenaitiaioi. Mei uafue, afengo cóonailla uílliena cióíllamona aféngori cáíllicaílli éeítiaioi.

<sup>10</sup> Afengo iere duere finóinari jacínaíllamona oní jica ítiaíoi. Afemona dáítiaioi:

—¡Aíi, níi o dúeren! Jamánomo riirede Babilonia jófuedio, ¡níi duere o zefuilla! ¡mei raire dáaruido o duere finoína comuíbicaide! —dáítiaioi.

<sup>11</sup> Bínie ráaniaí fecáfíredino aféngori cáíllicaílli éenaitiaioi, mei ja íaíoi atíca ráaie íbaitino íñede.

<sup>12</sup> Íaíoi atífírega ráaniaí, be níie: Oro, plata, ráífide nofíciái, ‘perla’ daina ráífide zírío, ráífide úzecuiro, íemo jáírede ‘sédacuiro,’ morádoná eroide seda diga, íemo jáíi diga jáíáfodo zióriede aménaíai, íemo ebírede ‘marfil’ daina elefante zicái finoína ráífide raana, íemo ráífide amena finoína raa, íemo ‘bronce’ daina borárede lloébici finoína raa, íemo jamái lloébici finoína raa, íemo ‘marmol’ daina nofíci finoína raa,

<sup>13</sup> daje izói ‘canaela’ daina güíllema faiga raa, íemo jáííforie ráífide ziórede raa, íemo ziórede uguci, íemo ‘mira’ daina ziórede raa, íemo come abi jílláíranaíai, íemo ‘vino’ daina jíróraji, íemo cáiredíji, íemo ñuera pan finófírena harina, íemo trigo, íemo daje izói abíírede cáadano, íemo ovéjaíai, íemo cabálluai, íemo ‘carros’ daina arínellaíai, daje izói jacire rairuica comínina fecádiaioi. Bie izói daina cáadino iima ringo diga jáímacimo fecádiaioi riire íaíoi ocuillena.

<sup>14</sup> Afe jofue comínina dáítiaioi:

—¡Baie omoi gaiga caimárede amena llizíllanaíai izoide ráaie jae íñede. Nana omoi ofítaga ebíriede ráaniaí ja táinoacide! —dáítiaioi.

<sup>15</sup> Afe ráaniaí fécajano íba úcube ófíredino bie áillue jofue comínimona otíaioi. Uano aillo úcuberediaioi. Mei íadi aféruído afe jofue iere duere finóinari jacínaíllamona oní jica ítiaíoi. Afénona aféngori cáíllicaílli éeítiaioi.

<sup>16</sup> Iemo dáítiaioi:

—¡Aíi. Aíllue jófuedio níi dúeren! Nauí ñuera ráífide úzecuiro jítaíngó izóidío. Daje izói o comíni jáírede ráífide íniroi, íemo morádoná eroide ráífide íniroi jítaírediaioi. Afe llezica oro íena finóritiaioi; daje izói ráífide nofíci finoína raana finóritiaioi, íemo jáíi ‘perla’ daina zíriona jítaírediaioi.

<sup>17</sup> Iemo dáaruido naado aillo ráaniaí níne táinoacide.

Daje izói nana 'barco' daina áillue nocáe ocuúidillaini, naa afécaedo jáidino diga, áfena jacíruillano oni jícárie itíaiói; daje izói afécaedo táijidinori naa jiáifodo monáillajimo táijide comíniri oni jícárie itíaiói.

<sup>18</sup> Iemo afe jofue bóua úilliana cióillano caillídiaiói:

—Bie izoide nauí áillue jófúena, ¿Ninomo cóiticaí? Bie izoide jofue jaca íñeite, —daidíaiói.

<sup>19</sup> Iere zúucaillano íaiói ifomo énie júdaidíaiói. Daií ñiano cáillicaillí éediaiói. Daidíaiói:

—¡Aii! ¡Aillue jofue ñí dúerena! Nana monáillajido ráaniai fecáfiredino afe ráaniai o comíni úamona afémaci aillo úcuberediaiói. ¡Mei íadi dáaruido afe áillue comíni jofue ja niné táinocailla! —daidíaiói.

<sup>20</sup> Afe mei áfena ciódímie daide:

—Monamo itínuaí, mai afe áillue jofue táinocaillari omoi ióbiri. Uáfueza, Jesucristo orécano, naa Juzíñamui dibéneo úritinori mai ióbiri, naa Juzíñamuimo jaináidino diga. Mei Juzíñamui afengo niné táinocaitajado, omoi duere zefuítaja ñue jaícina iba ote, —daide.

<sup>21</sup> Afe mei riírede Juzíñamui abi ímie áillue nofici caífo raiñode. Afeci áillue 'molina' daina trigo llaira mérede nofici finoina eroide. Caífo ráiñuano afécina monáillajimo dotade. Dótajano daide:

—Afe bie izói áillue Babilonia jofue ana cáicoizite, íemona jaca ninomo meine cióñeille.

<sup>22</sup> Benómona jaca o cígido joide iomo 'arpa' daina rua roia taiga raa rúaniaina meine cácañeille. Daje izói totibacuí uai naa bainada uai diga ja meine cácañeille. Afe izói nana jiáíforie táijiana baitádinomona buna fiébiñena. Iemo daje izói dobérilla ficírena izói 'molina' daina nofici uaina cácañeille.

<sup>23</sup> Afe daje llezica o jófúiai eromo bóofirede mechera izói boode ráaniai abído bóoñeite. Iemo aféruimo áirena llezica irázie caimare ficírerie íaiói úrilla uáillaina meine jaca cácañeille. Mei nauí omo ite ráaniai fecáfiredino bínie comínimona jamánomoidíaiói íadi, ja biruí afe caimárede uailai cácañeille. Nauí aféruimo aima bifuefirena uai izóidedo náiraíaina jíufefiredio; mei íadi afe jíufefirena ona nabáñede.

<sup>24</sup> Mei uafue, afe o jofue cígimo Juzíñamui dibéneo úrifiredino díena ciona. Daje izói Juzíñamuimo jaináidino naa jiáie bíniemo fagano díena afénomo ciona. Afe ciona die, afe jofue comíni jiáímaci títaja ícoínia daií illa jana, —daide.

## 19

<sup>1</sup> Afe bie méifomo monamo ite aillo comíni ficírede uáillaina cacádicue. Daidíaiói: ¡Aleluya! Cai jíllonano cai Juzíñamuimo dúide.

Daje izói iere ebíredífue afémiemo mamérede, íemo naa ñuera riino diga.

<sup>2</sup> Mei afémie ñue jaícina ua uaido iere riire jicánofiredeza.

Afe iere jiruúredingona afémie riire duere finótateza.

Afengo iere ie jiruúrenado énie comínina íaire finode.

Juzíñamuimo táijitagano tílla iba aféngomo oga, daidíaiói.

<sup>3</sup> Nane dáanommo daidíaiói:

—¡Aleluya! mei afengo jobailla uíllie jaca ninomo llícaíñeno uillíoite, —daidíaiói.

<sup>4</sup> Afe llezica veinticuatro dígade éicomíni, íemo jiái cuatro diga cáadímíai diga, ana éniemo bíjicaillano, Juzíñamuimo caimátaidíaiói. Illaíma ráiiranommo ráide Juzíñamuimo caimátaillano daidíaiói:

—¡Daiñtadeza! ¡Aleluya! —daidíaiói.

<sup>5</sup> Nane afe mei illaíma ráiiranomona jiáie uaina cacádicue; aféuai daide:

—Cai Juzíñamuimo nana afémie ocuícano afémiemo ñúefúiai omoi mameri. Daje izói íena caimare jacírúitino, illáicomíni naa jiba comíniri, ñúefúiai afémiemo jónefireiri.

*Cordero daina Cristo áirena rafue*

<sup>6</sup> Nane daje izói aillo comíni uailai izóidena cacádicue. Afe uailai aillo imánillai ficírena izói ficírede, íemo jiái afe uailai ficire mona gíria ficírena izói ficírede. Afe uailai daide:

¡Aleluya! Jamánommo riírede cai ocuide Juzíñamui nane meine como ócuíte.

<sup>7</sup> Mai cai ióbili; daje izói iere caimare cai illi.

Afémiemo ebíredífue cai mamelli.

Mei Cordero áirena izóidíruimo ja dúcidez.

Afémie ai izóidinona jáitino ja ñue finóbídiaiói. Afémaci Crístromo ua íinotimaci.

<sup>8</sup> Ráífide úzecuírona jíñaredíaiói.

Mei uafue, íáinino queníredíroi Juzíñamui afémacina jítaga.

Mei afe ñuera ráífide úzecuíro Juzíñamuimo jaináidino comécina jaícina jóoína jánaza.



<sup>9</sup> Iemo Juziñamui abi ímie cuena daide:

—Mai cùeri: Cordero árena ráfue mo uáidogano ja caimare itíai, —daide.

Nane cuena daide:

—Bíuai Juziñamui lloga ua uai, —daide.

<sup>10</sup> Iemona afe Juziñamui abi ímiemo cue caimátaillena ie anamo dújudicue. Mei íadi afémie cuena daide:

—Cuemo daíi íñeno, mei o izói cue Juziñamui ocuícamedicueza. Jíi, Jesús llócaiga ua uaimo féitañeno ínote o ámatiai izóidicue. ¡Cuemo caimátaíñeno; Juziñamuimo cáimatai! —daide.

Mei afe Jesús llócaiga ua uai, Juziñamui dibéneo lloga uailai jino llotino comeci úritade.

#### *Uzerede cabállomo ráiicaidímie*

<sup>11</sup> Nane afe méifomo mona tuiñuana ciódicue. Afénomo úzerede caballo cíocaide. Afe emódomo ráiicaidímie mámece “Fiel” íemo jíai “Verdadero” dainámie. Mei afémie ñue jaícina illáfueodo ocuúdeza; daje izói áfedo fiénidino diga fuiritateza.

<sup>12</sup> Ie ui irai bóua izói quere cíoide. Ie ifócimo diga illaíma jítaracuifoi jítáoide. Daje izói afénomo dama ie onoíga mámece cùeina.

<sup>13</sup> Afémie jítacacuiro díemo mutácaroi. Afémie mámece Juziñamui Uai.

<sup>14</sup> Afe llezica nana monamo ite Juziñamui ocuica fuirídino afémie ódana jáidiaioi. Afémaci ráifide úzecuiro jítáoidiaioi. Aferoi jaca íainide. Baie nana afémiedo jáidino úzerede cabállomo ráiicaidiaioi.

<sup>15</sup> Afémaci ifódimie fuémoma jáirede lloefai jino bite, áfedo nana nairai bofélleña. Afe llezica afémie lloébici izóidedo náiraiaina ócuite. Vino finóacanomo úvaiai iduállena riire záizia izói, afe izói afémie afémacimo iere riire jicánoite. Iemo jamánomo riinorede Juziñamui ráicaillamona cómuite iere duere finóillifue, vino jirótaja izói afémacina duere finótaiteza.

<sup>16</sup> Ie inícuiro emódomo jítacacuiromo cuenga mámece illa. Daje izói ie riáizimo cuenga. Afeci daide: “Nana illáinimona Jamánomoidillaíma,” íemo jíai “Nana Ocuídinomona Jamánomo Ocuídímie.” Afémie níi cai Ocuíraíma Cristo.

<sup>17</sup> Afe mei Juziñamui abi ímie jítoma riire egáiñuano naidáinana ciódicue. Afémie nana mona erodo féedinuiai ficire jírre; daide:

—Juziñamui finoca áillue güille nana dáanomo omoi riáibi,

<sup>18</sup> mei benomo illáini íeizi riítiomoiza, naa fuiríraíni illáicomíni íeizi diga. Dáanomo íocirede fuirífredino íeizi riítiomoi, naa caballo íeizi diga. Daje izói afe emódodo ráiicaidino íeizi riítiomoi. Iemo nana fiébidino íeizi riítiomoi. Buna ráiruñegano, daje izói jacire rairuícano, íemo jíai jamáimaci íeizi, naa jamánomoidimaci diga daje izói riítiomoiza, —daide.

<sup>19</sup> Afe mei afe jacire eroide ríllena ciódicue naa bínie illáicomíni naa íaioi fuiríraíniái diga. Nana bimaci fuiríllena dáanomo ofídiaioi. Afémaci afe úzerede cabállomo ráiicaidímie diga fuirízaíbitiaioi. Afémie “Juziñamui Uai” dainámie. Daje izói afémie canode fuiríraíni diga fuiríllena maméritiaioi.

<sup>20</sup> Afe mei afe jacirede rille, taino uai jino llócaidímie diga ja llaveca. Afe taino uai jino llotímie, jacirede rille eróicana, jacínaitade cíorainina raa ciótate. Aféfuaido afe taino uai jino llotímie, nana afe jacirede rille mámece cuetátaganona jífue. Daje izói afe jacirede rille jánaraimo caimátaídnona afémie jífue. Iemona ‘monstruo’ daina jacire eroide rille, daje izói taino uai jino llotímie, cáanori dáanomo duere finolle jorai izoide bóodiimo dotácaiaillinoi. Afe jorai izoide duere finóllino iere uzire boode.

<sup>21</sup> Nana áfemona fiébidino úzerede cabállomo ráiicaidímie fuémoma bite lloéfaido titácaiaioi. Iemona nana féedinuiai bie titácano riáibillano íaioi íeiziri jérediaioi.

## 20

#### *Mil diga fimona dino comini caimare titiaioi*

<sup>1</sup> Bífue méifomo ángel dainámie Juziñamui abi ímie monámoma ana bíllana ciódicue. Afémie afe fiénide jóríai íbáirafo zuitara llave naa áillue llójeo diga lláicabite.

<sup>2</sup> Afe bie Juziñamui abi ímie ‘dragón’ daina jáíaira áillue jaio lláitano anáfenode. Afe jaio jáífodo mameína Taife, dáame Satanás. Anáfenuano afémiena mil diga fimona llaveca.

<sup>3</sup> Ana fiénide jóríai íbáirafo mo óriano íena llavede. Lláviano afe nazemo ‘sello’ daina “buna zuitánide” daide raa jóonete. Daíi finoca náiraiaina mil diga fimona dínorí jífueñeillena. Afe mil diga fimona jaílle méifomo, afémie nano íanori zuitalle.

<sup>4</sup> Afe mei illáini ráíranuaina ciódicue. Afénomo ráíredino iere riire jicánolle ríinona igáiaioi. Afe dáaruido ifóciaína jáicoicano coméciaína ciódicue. Afémaci Jesús jaícina lloga Juziñamui uai íaioi llócailla ícoína ifócina jaitácaiaioi. Afémaci afe jacire eroide rílle mo

caimátaiñediaioi; daje izói afe jánaraimo caimátaiñediaioi. Daje izói afémaci ozócimo ie mámeçi cuetátañediaioi, íemo daje izói íaioi ónoímo. Afémaci abi meine abido cáallano mil fimona dino Cristo diga illáimaitiaioi.

<sup>5</sup> Afe bie meine abido cáadino, nanóidino meine cáallirumo abido cáaitiaioi, jae cai daina Cristo diga illáimaillena. (Mei íadi jíáie tíidino mil diga fimona záíñena dino meine abido cáaiñetiaioi.)

<sup>6</sup> Nana afe nanoide cáallirumo meine abido cáaitino caimare itiaioi. Daje izói afémaci Juziñamui ñue finócano. Afe meífoide tílle afémacimo jaca jíriñeite. Mei íadi afémaci comínido Juziñamuimo úrifireitinona íitiaioi; daje izói Cristo íeiena zííñona íitiaioi. Iemona mil fimona dino afe Cristo diga illáimaitiaioi.

<sup>7</sup> Afe mil diga fimona záilla meífomo, Taife ie llavéinafomona zuitalle.

<sup>8</sup> Jáillano nana énie náiraína jífueite. Aféruído “Gogna” mámeçirede náiraína jífuaite, “Magog” daina náiraína diga. Afe náiraíai fúiritinuiaina Taife dáanomo jofo óite, íiraicaiño fuírillena. Afémaci monáillajimo ite guamai dígadeza facádonidiaioi.

<sup>9</sup> Afemona énie nániena afémaci iere oruíbicaite. Iemona Juziñamuimo jaináidino illánona nágafene fállena cirínotiaioi. Afe illano Juziñamui izíruiga Jerusalén daina jofue; áfena cirínotiaioi. Mei íadi Juziñamui monámona irai afémacimo orede. Afe iraido fébiñeno cóonaitiaioi.

<sup>10</sup> Afe llezica afémaci jífueoicaide Taife boode jóraimo dotaca. Afe jorai iere uzire boode. Afe dáanomo jacire eroide rille, íemo jíái taino uai jino llócaidmie nauí dotaca. Afénomo mona naio diga jaca ninomo zííñona iere duere finócaiaioi.

*Aillue úzerede ráiirano illaíma íe, íemo afe uícomo iere riire jicánollino cioina*

<sup>11</sup> Afe meífodo áillue úzerede ráiirano illaíma íena ciódicue. Iemo afénomo ráiidimiena ciódicue. Afémie uícomona nana énie mona diga niné cióbicaíñena. Afe mona énie diga illino jae íñede; jae niné táinocaidiaioi.

<sup>12</sup> Daje llezica Juziñamui uícomo nauí Juziñamuimo íinoñeno tíidino naidáienana ciódicue. Afeno jamánomoidinorí naa jamáimaciri dáanomo naidáiediaioi. Afe llezica comini finócafuiai cuiánicuai túide. Daje izói afénomo jíáie zííñona íitino mámeçi cuiánico túide. Bie tíidino íaioi finócafuiai íllaze riire jicánogaiaioi, mei afe íaioi finócafuiai cuiánicomo cúeina dieze riire jicánogaiaioi.

<sup>13</sup> Afe llezica monáillajimo báuide tíidino meine abido Juziñamui uícomo caífo náidacaitagaiaioi. Daje izói nana jíáíforie tíidinuiai íaioi túllanomona meine abido Juziñamui uícomo caífo náidacaitagaiaioi. Afe nana náidacaitagano íaioi finócafuiai íllaze afémacimo riire jicánogaiaioi.

<sup>14</sup> Afe mei ‘muerte’ daina comini túllafue boode jóraimo dotaca, íe mei niné táinocaide. Daje izói dáanomo nauí tíidino íbáínaco afénomo dotaca. Dotaca mei niné táinocaide. Afe bie boode jorai, íiraie túllana mameide.

<sup>15</sup> Iemo afe zííñona ítino mámeçi cuiánicomo mámeçina cúeñegano afe boode jóraimo dotácaiaioi.

## 21

*Comue mona comue énie diga*

<sup>1</sup> Afe meífodo comue mona, comue énie diga ciódicue. Mei nanoide mona nanoide énie diga ja niné cióbicaíñenaza. Daje llezica monaillai jae íñede.

<sup>2</sup> Afe llezica comue Jerusalén daina íaifuenide jofue, Juziñamui uícomona monámona ana bíllana ciódicue. Afena ciódimiedicue, Júaaducue. Afe jofue, óllena jicánoga ringo ebire finóbina izói ebire cioide.

<sup>3</sup> Iemo monámona ficire dáinana cacádicue. Afe uai daide:

—Ero, comini cígiri birui Juziñamui illa. Afémaci diga ífireite, íemo afémaci afémie comínina íitiaioi. Ja birui dama afémie afémaci cígiri íite, afémaci Juziñamuina íe íllena.

<sup>4</sup> Juziñamui afémaci uí jémena zafénaitaite. Aféruimo tíille íñeite. Daje izói eia íñeite, íemo jíái duere zefuíllamona eia íñeite. Daje izói comini abi izírena íñeite, mei jaiaí ítífuiai jae záaideza.

<sup>5</sup> Iemo illaíma ráiiranomo ráiidimie cuena daide:

—Ero. Nana cómuena méidoticue.

Iemo nane daide:

—Bie uai iere ua uaiza, mai cúeiri. Daje izói bie uai iere ínofiregaza, —daide.

<sup>6</sup> Nane afe mei cuena daide:

—Ja ñue ícoimo finócaza. Cue bie naga ráfuiaina nai cómuñenia uícode itímiedicue. Daje izói dáamiedicue fuillínomo itímiedicue. Abecedario A-mona táinia izóidimiedicue. Daje izói abecedario Z-mo fuizajilla izóidimiedicue. Jáinoina jiróacadimie ñuejina jirótaja izói, afe izói ñúefuiai dibénemo íacadimemo raiñóñoeno afémiemo ziiñoña illáfuenta ífíreiticue.

<sup>7</sup> Fíéndena anáfenodimie nana biena feci raa fia máifua izói, máíñoite. Afe llezica afémie Juziñamuiticue, íemo daje llezica afémie cue jitóite.

<sup>8</sup> Mei íadi nana íñoñedino dibéfodo duere zefuille afémacimo dúide. Uáfueza, ñúefuena jacírúitino daje izói íñoñedino, íemo jiáimana éoidino, íemo jiáimana titádino, íemo jiái jirúifuenta finófredino, íemo jiáima fue gáiana fibídino, íemo jiái jánaraimo caimátaidino, íemo nana táinona úritino; nana bie izóidino boode jóraimo dotárediaioi. Afe jorai iere uzire boode. Afe bie boode jorai íraie tíllana mameide, mei afénomo dotácano jaca ninomo Juziñamuimona oni eneno duere finócanona íitiaioiza.

### Comue Jerusalén

<sup>9</sup> Afe mei siete dígade ángeles dainámaci Juziñamui abi imácimona daa cuemo úrzaibite. Afémie nauí Juziñamui ocuica siete dígade íraie jacírede duere finuana oruide ichecoí uitímie. Afémie cuena daide:

—Ero, Cordero ai izóidena jáitínona o ácataitícue, —daide.

<sup>10</sup> Iemo Juziñamui Ñuera Joreño bie izóidena nicai anado cuena cíotote. Afe Juziñamui abi ímie áillue caifónedumo cue uite. Afénomo monámona Juziñamui uícomona ana bite jamánomo ñuera Jerusalén jofue cuemo ácatate.

<sup>11</sup> Juziñamui abi ebire quenírena izói afe jofue quenírie cíoide. Daje izói iere ráifide nofici quenírena izói queníriede. ‘Jaspe’ daina nofici vidrio enéfecomo cíoina izói cíoide.

<sup>12</sup> Afe jofue jinófenedo nágafene áillue cirínubairo raa íte. Afe cirínogamo doce dígaze naze íte. Iemo illa díga nazemo Juziñamui abi ímie naidaina. Iemo afe náziaimo doce dígade Ísrael nairai mámeiciai cúeina.

<sup>13</sup> Afe jofue náziaimona, fuirífenemo dazeámami íte. Iemo jiáie dazeámami onífenemo íte; íemo jiáie dazeámami féifenemo íte; íemo jiáie dazeámami afáifénemo íte.

<sup>14</sup> Afe jofue jinófene cirínua anamo nofici finoina mozioidibani doce dígade. Illa dígabanimi Cordero nágaboiáimo orécano ‘apóstoles’ dainámaci mámeiciai cúeina.

<sup>15</sup> Afe cue díga úrite Juziñamui abi ímie, oro finoina facáradozí llíide, afe jofue facállena. Daje izói íe náziai facállena, íemo jiái afe jinófene cirínua facállena.

<sup>16</sup> Afe jofue fueda nagaámariede; nágafene daje dinóriede. Íe árrera dibene daje dinóriede; íemo íe ruica dibene daje dinóriede. Afe Juziñamui abi ímie íe llíiga radózido jofue facade. Facádemo dos mil doscientos kilómetros árrera. Daje izói ruica diné eróicana dos mil doscientos kilómetros. Iemo caifo diné eróicana jiái daje izói dos mil doscientos kilómetros. Nágafenai daje dinóriede.

<sup>17</sup> Afe mei jinófene cirínubani facade. Facádemo sesenta y cuatro metros caifo íte. Afena Juziñamui abi ímie come facáfírena izói facade.

<sup>18</sup> Afe jinófene cirínubani ‘jaspe’ daina nofici finoina. Afe jofue íainide oro niina. Ñue enéfecomo cíoide vídriona eroide.

<sup>19</sup> Jinófene cirínua anamo mozioidibanillai nana jiáiforiède ráifide noficiáido ebire ñue finoca. Nanóidibani ‘jaspe’ daina noficiado ebire ñue finoca, íemo jiáibani ‘zafiro’ daina noficiado ebire ñue finoca, íemo jiáibani ‘ágata’ daina noficiado ebire ñue finoca, íemo jiáibani ‘esmeralda’ daina noficiado ebire ñue finoca,

<sup>20</sup> íemo jiáibani ‘ónice’ daina noficiado ebire ñue finoca, íemo jiáibani ‘cornalina’ daina noficiado ebire ñue finoca, íemo jiáibani ‘crisólito’ daina noficiado ebire ñue finoca, íemo jiáibani ‘berilo’ daina noficiado ebire ñue finoca, íemo jiáibani ‘topacio’ daina noficiado ebire ñue finoca, íemo jiáibani ‘crisoprasa’ daina noficiado ebire ñue finoca, íemo jiáibani ‘jacinto’ daina noficiado ebire ñue finoca, íemo jiáibani ‘amatista’ daina noficiado ebire ñue finoca.

<sup>21</sup> Afe doce dígade naze íbáirabíci áillue perla. Illa dígaze daa perla íe finoina. Afe jofue cígido joide áillue macárao íainide oro finoina. Afe macárao enéfeomo ñue cioide vídriona eroide.

<sup>22</sup> Afe jofue eromo Juziñamuimo gairíraco jaca ninó daa cíofiedicue; mei jamánomo ríinorede Juziñamuimo ebena nágafenaiáimo caimátaidiaioiza. Afémiéna jiáífodo daina cai Ocuíraima. (Afe jofue gairíraco Juziñamui abiza. Daje izói jiái Cordero abiza.)

<sup>23</sup> Afe jofue jítomado egáñuamo dúñíede; daje izóí fuuido egáñonide. Mei afe jofue Juzíñamui abímo ite ebírede quenírededo egáñogaza. Daje izóí jíái Juzíñamui Cordero afe jofue egáñogaza.

<sup>24</sup> Nana jíllotaga nairai afe jofue egáñuado mácaítiaíoi. Bínie nairai illaini afe jófue mo íaímo ite aillo ebíriede illaíma daíllena ráaniaína átíítiaíoi. Atiano Juzíñamuimo, íemo jíái Crístomo izájítiaíoi. Daje llezica afe jofue ocuídímie íaillinoímo aillo ñúefuena mámeítiaíoi.

<sup>25</sup> Afe jofue naze jaca monari íbaíñelle. Iemo afénomo jaca mona náuíñeite. Jira náziai íbaíllirui íñeite.

<sup>26</sup> Enie náiraíai íaímo ite ebíriede ráaniaína afénomo átíítiaíoi. Daje izóí afénomo aillo ñúefuíaí mámeítiaíoi.

<sup>27</sup> Mei íadí comécina íáiredino jaca afénomo jofo jáinide. Daje izóí comécina éoidino dínomo jofo jáinide, naa taino llotínori. Dama zííñona íítino mámeceí cueránicomo mámeceína cuegámaci daní afénomo jofo jáille. Afénico Cordero daina Jesucrístomo ite.

## 22

<sup>1</sup> Afe mei Juzíñamui abí ímie íáinide imánina cue ácatate. Afémáni jáinoí cómena zííñona cáatate. Afejí vidrio enéfenemo uáfori cioina izóí cíoide. Afe imaní Juzíñamui illáimana ráíiranomona tote. Afe ráíirano daje izóí Cordero íe.

<sup>2</sup> Afe jofue cígido áillue macárao illa. Afe macárao dáafenedo comínina zííñona cáatate aménaíai riina. Daje izóí afénomo ite imaní fuédado nágafene daje íe aménaíai riina. Afe aménaíai illa díga fíui llízífrede. Iemo jíái afe aménaíai íbiaí nairai ñue manóllena íte.

<sup>3</sup> Aféruíllaido afénomo faidórafuena jae íñeite. Juzíñamui illáimana ráíirano afe jófue mo íte; daje izóí Cordero ráíirano afénomo íte. Íe ocuífíregano daa afémíemo caímátiaíoi.

<sup>4</sup> Afe llezica afémaci Juzíñamuimo, meáíruíñeno jofo conímamo éroítiaíoi. Afémaci ozócímo afémie mámeceí cúeina.

<sup>5</sup> Afénomo mona jaca náuíñeite. Afénomo ítino mechera izoide egáñuana jítaíñeítiaíoi. Daje izóí jíitoma egáñuana jítaíñeítiaíoi, mei cai Ocuíde Juzíñamui íaímoína egáíoite. Iemo afémaci jaca ninomo zííñona illáimaitiaíoi.

### *Jesucristo billirui ja ánozide*

<sup>6</sup> Afe méífomo Juzíñamui abí ímie nane cuena daíde:

—Bíe uai íere ua uai. Daje izóí bíe uai íere ínofíregaza. Afe cai Ocuíraíma nauí Juzíñamui uai jíno llóraíni comécímo úrítmíe. Afémie bíruí íe abí ímie orede, íe ocuícamacímo raíre cómuítífuaína onótallena, —daíde.

<sup>7</sup> Iemo Jesucristo daíde:

—¡Raíre bíticue! Bínícómo cuega Juzíñamui uáíllaina jíéruítímíe caímare íte, —daíde.

<sup>8</sup> Cue Juáadicue. Bífuaína cacádicue, daje izóí bífuaína cíódicue. Bífuaína cacáílleno, íemo daje izóí cue ciona méífomo, cuemo ácatate Juzíñamui abí ímie anamo dújudícue afémíemo caímátiaíllena.

<sup>9</sup> Mei íadí afémie cuena daíde:

—Jadíe izóí cuemo íñeno. O izóí Juzíñamui ocuícamedícue. Daje izóí Juzíñamui díbénedo úrífrede o ámatiaí izóídicue. Iemo jíái bínícómo cuega uáíllaina náfuétino izóídicue. Cuemo caímátáíñeno; dama Juzíñamuimo caímátáífreírí, —daíde.

<sup>10</sup> Nane dáanomó cuena daíde:

—Bínícómo cuega Juzíñamui uaina báínino o comécímo jóoneñeno o írí. Mei bífuaí ícoímo ñue fuizájíllirui ja ánozideza.

<sup>11</sup> Nai bíe fuíñena llezica, fiénídímaci íaíoi finóífrega fiénídífueña dama íaíoi finócaza. Fía eroí, mei afe izóí íaíoi íllado jamánomo duere finólliaíoi. Daje izóí comécina íáiredíno dama comécina íáireoicaídeza. Fía eroí, mei áfedo duere finólliaíoi. Mei íadí ñue ítino íaíoi illa báimo ñue írí. Daje izóí Juzíñamui íena ñue finócamíe fáicanocaiñeno afémie íena ífíreírí, —daíde.

<sup>12</sup> Iemo Jesucristo daíde:

—Jíí, raíre bíticue. Illa dígamíemo cue fecalle fía jírídogá izoide raa atídicue. Illa dígamíemo afémie finoca díeze fécaíticue.

<sup>13</sup> Nanódímedícue. Iemo jíái íraímíedícue. Daje izóí naga ráfuaí uícdó ítímíedícue. Daje izóí fuizájíllanomo ítímíedícue. Iemo jíái abecedario A-mona táínia izóídímedícue. Daje izóí abecedario Z-mo fuizájílla izóídímedícue.

<sup>14</sup> Íaíoi ínórina jocófrédíno izóí, comeci ífue ñúérana méídotíno caímare ítíaíoi. Íemona cáatate amena llízíllana guírediaíoi. Afe bíe izóí daíñacade zííñona íaíoi íllena. Daje izóí íaíoi ínóroi ñue jócuamona, afe jofue nazedo Juzíñamui íllánomo jofo jáírediaíoi.

<sup>15</sup> Mei íadi comécina íáiredino afénomo jofo jáinidiaioi. Iemo daje izói jíáima fue gáiana fibídino, íemo daje izói nana jíáíforiede jiruífue finódino, daje izói cómena méinetino, daje izói jánaraimo caimátaidino, daje izói jíáie comínina iere jífuefiredino, naa afe izoide fibíidinori; nana bie izoide comini afe jófuego jofo jáinidiaioi; jáiñeno jino fiébitiaioi.

<sup>16</sup> Cue Jesúsicue. Juziñamui uo jaináidinomo nana bífuiai jino llólleña cue abi ímie ja cue oreca. Jaii illaima David comuilla moi ímiedicue; daje izói afémiemona jebuídino comútagamiedicue. Iemo iere egáíñote monáiracudu izóidimiedicue, —daide.

<sup>17</sup> Iemona Juziñamui Ñuera Joreño daide:

—Mai bi, —daide.

Daje izói Cordero ai daína afémiemo ua jaináidino íena daide:

—Mai bi, —daide.

Daje izói bíuailaina cacáidino afémiena:

—Mai bi, —omoi daiíri.

Iemo Cristo daide:

—Jiróacaitimie ziiñona cáataite jáinoina íbáñeno mai fia jíruiabiri. Afe bie izói daiíacade ziiñona illáfueña óiacadimie mai cuemo bi; raiñóñeno omo fécaiticueza.

<sup>18</sup> Nana binícomo cuega Juziñamui uaimo cacáreidinona bie izói llétaiticueza, cacai: Dáamie bie ráfueña baímo zotáadi, Juziñamui binícomo cuega jacírede duere fínuaniana afémiemo jóoneite.

<sup>19</sup> Daje izói binícomo cuega Juziñamui uáimona dáamie daa uai oni óiadi, Juziñamui afe ziiñona cáaitino mámece cuiánicomo cuega afémie mámeceña oni óite. Daje izói binícomo lloga nífuenide jófuego Juziñamui afémiena jofo jáitañeite.

<sup>20</sup> Bífue jino llotímie nane dáanomo llote:

—Jii, raíre biticue, —daide.

Afemona Juan daide:

—Aquíe izóideza. ¡Cai Ocuíraíma Jesús, mai bi!

<sup>21</sup> Cai Ocuíraíma Jesucristo nana ómoína ñue fínoiteza. Daiíteza. Jae ñie.